

सुरगवासी डॉ० कन्हैयालाल सहल

१३ मार्च ७७ नै हिन्दी अर राजस्थानी रा विद्वान अर मानीता आलोचक डॉ० कन्हैयालाल सहल री बंबोई रँ अस्पताळ में सरगवास व्हेगो । डॉ० साहव घर्ग दिनां सूं सिर-दरद सूं पीड़ित हा । इरा वास्तै आप इलाज सारू बंबोई अस्पताळ में भरती व्हिया । उठै उरां री ब्रेन-ट्यूमर री आपरेसन व्हियो । आपरेसन रँ पछै फगत अेकर वँ आपरी आंख्यां खोली, पछै १३ मार्च ताई वँ वँहोस रह्या । वां रँ निधन सूं राजस्थानी भासा सारू अँक अेड़ी कमी व्हेगी, जिणारी पूरती व्हेगी साव मुम्किल है । वँ राजस्थानी भासा रा हिमायती अर तपस्वी रँ रूप में काम करणाआळा विद्वान हा ।

आपरी जलम २२ नवम्बर १९११ नै भुम्भुनू जिलै रँ नवलगढ़ कर्बे मांय व्हियो । आपरा पिता खुद संस्कृत रा विद्वान हा : नवलगढ़ रँ मांय आगरी मुख्यपोत री पढ़ाई व्हियां पछै महाराजा कॉलेज सूं बी० ए० कर नै मुकुन्दगढ़ में अेक मिटिल स्कूल में हैडमास्टर व्हेगा अर उठैसू आप प्राडवेट रूप में आगरा विस्वविद्यालय सूं हिन्दी अर संस्कृत में एम० ए० री परीवसावां प्रथम अेगी में पास करी । सन् ३८ रँ मांय नृपंकरणा पारीक री सरगवास व्हेगी अर वां री टोड़ विड़ला कॉलेज पिलानी में डॉ० महल नै हिन्दी अर संस्कृत रा विभागाध्यक्स मुकर करचा । पछै डॉ० महल १९६४ ताई विड़ला आर्ट्स कॉलेज रँ मांय वाइस प्रिन्सिपल रँ रूप में काम करता रह्या । सन् १९५५ में डॉ० महल 'राजस्थानी कहावतें—एक अव्ययन' बिसै माथै पी० एच० डी० री उपाधी पाई ।

सन् ६४ सूं ६६ ताई डॉ० सहल प्रोफेसर रँ रूप में काम करयो अर नन् ६६ में विड़ला एजुकेशन ट्रस्ट रा मन्त्री बण्या । मन्त्री-पद री भार कुणळता सूं निभाना थकां वँ सन् ७४ में आ पद छोड़ैर बी० आई० टी० एम० रँ मांय विजिटिंग प्रोफेसर बराग्या । नवम्बर ७७ में वँ इरा पद सूं ई रिटायर व्हेगा । डॉ० सहल अेक लूठै व्यक्तित्व रा साहित्यकार हा । वँ अेक साथै कवि, चितक, अव्यापक, प्रमानक, सम्पादक अर आलोचक हा ।

डॉ० साहव लारलै २४ बरमां सूं राजस्थानी भासा री प्रमुख मोध-पत्रिका 'मरू-भारती' री सम्पादन करै हा । इरा पत्रिका में राजस्थानी लोकवार्ता, प्राचीन साहित्य, पुरातत्त्व, लोककथा इत्याद बिसयां रा मोधपूर्ण लेख छपता रँवता । राजस्थानी मोध रँ मांय डॉ० साहव री योगदान राजस्थानी भासा अर साहित्य रँ इतियास मांय गदा अमर रँवली । राजस्थानी कहावतां अर लोक कलावां डॉ० साहव री पमंदगी रा बिसै हा । डॉ० नारायणसिंघ भाटी, डॉ० मनोहर सरमा, डॉ० ओमानंद मारस्वत इत्याद विद्वान डॉ० सहल रँ निदेशन में पी० एच० डी० री पदवी पाई । आज ताई डॉ० साहव ४० सूं ऊपर पोथ्यां अर सँकड़ू लेख लिख चुक्या हा । 'जागती जोत' अँडा विद्वान री आत्मा नै सान्ति पूगावण सारू आपरी सरदांजळी अरपै ।

—सम्पादक

पूठै रँ चितरांम : सुमहेन्द्र

जागती जोत

राजस्थांनी संगम रौ मासिक

अप्रैल १९७७

संपादक

तेजसिध जोधा

: १२ रिपिया

ल : सवा रिपियो

: ८ रिपिया

प्रकासक

राजस्थांनी भासा साहित संगम (अकादमी)

वीकानेर [राजस्थान]

प्रकाश प्रभाकर : पंजाबी रा नवा कवी । लारला दिनां वायुसेना सूँ रिटायर व्हिया । अवार पंजाबी विस्वविद्यालय पटियाला रँ एन. एस. एस. विभाग में । छपा-छपी में घणी रुची राखी नीं, सो पंजाबी में ईं अज कम ईं छपिया, पर कवितावां रँ तालक ओलखै जेड़ा ।

डॉ. नरसिंह राजपुरोहित : नांमी कथाकार । केई पोथ्या छप्योड़ी, ज्यां में 'अमर चुनड़ी खास, राजस्थान साहित्य अकादमी सूँ' इनांम पायोड़ी । इण अंक छपियो लेख, वै गये मार्च महीन जोधपुर विस्वविद्यालय रँ 'राजस्थानी दिवस समारोह' में बाँची ।

भंवरसिंह सामोर : लोहिया कॉलेज चूरू में हिन्दी रा प्राध्यापक । 'मरणू-त्यूंहार' नांव सूँ राजस्थानी कवितावां री अक पोथी संपादित कीधी । इण अंक री लेख वै पांचवँ राजस्थानी साहित्य सम्मेलन सादूलपुर में सन् १९७५ रँ बरस पड़ियो ।

चन्द्रप्रकाश देवळ : नवा कवी । केमेस्ट्री में अम एस. सी. । पैली वळा कवितावां 'दीठ' में छपी । अवार जवाहरलाल नेहरू मेडीकल कॉलेज अजमेर में नौकरी लागोड़ा ।

कन्हैयालाल सेठिया : चावा कवी । गुजाण-गढ़ रा रँवासी । लारला दिनां 'लीलटांस' माथे केन्द्रीय साहित्य अकादमी री इनांम पायी । राजस्थानी में 'मींकर' 'रमणिये रा रा सोरठा', 'कूँ कूँ', 'गळगचिया' अर 'लीलटांस' नांव सूँ कवितावां री पोथ्यां छप्योड़ी ।

पारस अरोड़ा : नवी कविता रा कवी । 'राजस्थानी-श्रेक' रा पांच कवियां में सूँ । 'मळ' नांव सूँ पैली कविता-पोथी छपी । 'दीठ' दुमाही में तेजसिंह जोधा सागी सम्पादक ईं रह्या । जोधपुर रा वासी ।

कल्याणसिंह राजावत : राजस्थानी कविता रँ मंच रा समर्थ कवी । देस-दिसावरां जाणीजे । 'रामतिया मत तोड़' नांव सूँ श्रेक कविता-पोथी छप्योड़ी । भोटवाड़ा जँपर री इसकूल में हिन्दी रा अध्यापक ।

बुद्धदेव बोस : सरगवासी बोस बंगाली रा ख्यातीला गान्धितकार । कविता, उपन्यास, नाटक अर निबंध, आं सगळी विधावां समने भारतीय गान्धित में सिर ओलखोजे । इण अंक री 'पांन भट्टे' बांरी चावो नाटक ।

पं. महावीर प्रताप जोशी : राजस्थानी, हिन्दी अर संस्कृत तीनों ईं भाषावां रा लिखारा । केई पोथ्यां छप्योड़ी । राजस्थानी में 'धिनरावन' नांव री महाकाव्य बेगो ईं अरुण आळी । आप राजगढ़ में लारना चाळीस बरसां सूँ बँसंग री काम देखे ।

नागीरसिंह भाग्य : राजस्थानी रा नवा गीतकार । हिन्दी में ईं निरं । बगढ़ रा वासी । आं दिनां बंबोई री पीरामन मील में काम लागोड़ा ।

मिरचूमल नाडांणी : साईं माडांणी, उता माडांणी नीं, जिता नांव सूँ लागे । इण अंक में छपी कविता ईं बांरी ठायी ओलख ।

विजयदान देवा : राजस्थानी कथा साहित्य री चावो नांव । आपरी कथावां रा दस भाग 'वातां री कुलवाड़ी' नांव नूँ छप्योड़ा । श्रेक कथा 'दुविधा' माथे फिजम ईं बणी, जिएने निदेशण समचे फिल्म फेयर कितिक अथाई अर रास्टपति पुरस्कार मिलली ।

गोरधनसिंह सेलावत : नवी कविता रा चावा कवी । भूँभाणूँ जिले रँ गुड़ा नांव रा वासिदा । लिथमणगढ़ री तोदी कॉलेज में हिन्दी रा प्राध्यापक ।

तेजसिंह जोधा : कवी । 'ओळ' री ओळयां नांव री श्रेक पोथी छप्योड़ी । अवार इण छापे 'जागती-जोत' रा सम्पादक ।

वि ग त

सम्पादकी		४
सात पंजाबी कवितावां	प्रकाश प्रभाकर	६
माध्यमिक बोर्ड में राजस्थानी	डॉ. नरसिंघ राजपुरोहित	१५
राजस्थानी रँ जन-जुड़ाव रँ कांम	भंवरीसिंघ सामोर	२३
सांप-सीढ़ी रँ गत्तों	चन्द्र प्रकाश देवल	२६
अंतहीण विवाद	कन्हैयालाल सेठिया	२७
अंधारँ रा घाव	पारस अरोड़ा	२८
दो गीत	कल्याणसिंघ राजावत	३४
पांन ग्रँ	चुद्धदेव घोस	३७
माणस	पं. महावीर प्रसाद जोशी	५३
दो गीत	भागीरथसिंघ भाग्य	५४
हँ कवी नी	मिरचूमल माडांणी	५७

स्थंभ

पटख	६०
आपरा कागद	६२

‘जागती जोत’ नै छपतां सवा च्यार वरस व्हेगा । जनवरी १९७३ में इण रो पैली अंक छपियी हो । उण सेती आज दिन ताई कुल आठ अंक इणरा छपिया । सात तिमाही ढाळै अर अेक छमाही-रूप । न्यारा-न्यारा सम्पादकां इण नै बगत-बगत सांभी । सरूपोत रा दोय अंकां नरोत्तमदास स्वामी, पछै तीन अंकां मनोहर सरमा अर वां पछै अेक-अेक अंक कल्याणसिध सेखावत, गोरधनसिध सेखावत अर रामेसरदयाल श्रीमाळी । आं छपियोड़ा आठां अंकां में सूं पांच अंक तो रळै रा, अर तीन न्यारी-न्यारी विधा समचै । न्यारी-न्यारी विधा रै अंकां मनोहर सरमा ‘निबंध अंक’ अर ‘समीक्षा अंक’ दियो अर रामेसरदयाल श्रीमाळी ‘फा’णी अंक’ । छमाही छापौ तो ‘जागती जोत’ विचै सीक जातां अेक ई अंक सारु व्ही, अर उण सवा दो सो पेज रै जंगी अंक रा सम्पादक हा, कल्याणसिध सेखावत ।

‘जागती जोत’ कद तिमाही व्ही, कद छमाही, कद उणरो कैंडी अंक किए रै हाथां हो, कद किए रै व्हे सकैं अैंडी कैंडी वातां रै बावत आप अंग ई कोरा रत्ता व्ही । नीं खुद चला’र जाणै जैंडी जरुत आपनै लागी व्हे, नीं अंक दीठ जणै-जगै नै बतावै जैंडी संगम नै ई । अेक-अेक दो-दो अंकां रै समचै वणियोड़ा सपादक तो बतावता ई क्यूं ? वांनै लाफी सूं मतळव हो के लकलक सूं ? अैंडी मोकी वळै आपनै न आवै ? चमड़ै रा सिकका चलावण आनै ई ओसांण नीं हो, इण घाई पळू भताई क्यूं ? जे कियो लिखारै सूं कियो अंक सारु रचना मांगीजी व्हेला, तो उण अंक रो जांच तो उणनै मतई व्हेगी व्हेला । बाकी स तो वा, जिए गांव जांचणी नीं, जिए अंक छपणो नीं, क्यूं तो कोई उणरो गेली पूछै अर क्यूं कोई उण नै बतावै ?

अठी, राजस्थान साहित्य अकादमी रै निस्चै मुजब ‘जागती जोत’ मासिक व्हेगी, अर राजस्थानी भासा साहित्य संगम रो कारज-समीती. उणरा इण टाळै रा पैला छ अंकां रो संपादक म्हनै मुकर कियो, अपरेल ७७ सूं सितम्बर ७७ ताई रो । सम्पादक होयां म्हनै लाजमी लागी के राजस्थानी रै अेकू-अेक लिखारै ताई अकादमी अर संगम रै निस्चै रो समची वेगै, सूं वेगी पूगै, जिए सूं वै ‘जागती जोत’ रै नवै ढव सचेत व्हे, अर वारो सहयोग छापी नै खुली साळां मिळै । इण सारु अेक पसवाड़ै तो म्है राजस्थान रा आठ-दस आवा अखबारां में इण समाचार नै पूगती कीधी अर दुर्जे पसवाड़ै संगम रो मारफत राजस्थानी रा सगळा लिखारां कनै इणीं समाचार नै जुदा-जुदा भिजायी । संगम सूं छपियोड़ै ‘राजस्थान साहित्यकार परिचय कोस’ में जिका लिखारां रा नांव पता है, वां सगळां कनै संगम रा सहायक सचिव रो कागद पूगो

वहेला, जिणमें अकादमी रो निस्चे, म्हारी पती अर उण पतें रचनावां भिजावण रो निवेदन हो ।

‘जागती जोत’ रा तिमाही-छमाही ढव रा अंकां वावत म्है आपनै बतायी । उण ढव रा इका-दुका अंक अजै वकाया, वेगा ई निसरैला । ‘जूंभारां रो धरती’ नांव रो अंक अंक प्रेस में बतावें । जे पैलई ढव रा छपियोडा अर नैडा ई दिनां छपण आळा वकाया अंका रें वावत बेसी जाणकारी जीईजै के वें खरीदणा व्हे, तो संगम रा सहायक सचिव नै लिखायो । अठी, इण अंक सू ‘जागती जोत’ नै मासिक जाणो, अव आ वकायदा मासिक रूप ई छपैला ।

राजस्थानी छापां रो मौजूदा गत आपां सू छातीं कोनीं । पैली वें वार-तिवार तो छपै हा, पण अठी तो म्हीनां व्हेगा वांरा दरसण व्हियां । नीं ‘हरावळ’ निसरती लागै, नीं ‘मरुवांणी’, नीं ‘हेली’, नीं ‘ईसरलाट’, नीं ‘चामळ’ । ‘दीठ’ तो ७४ में ई अदीठ व्हेगी । ‘ओळमं’ नै जाणै जुग बीतगा व्हे । कदं-कदास कलकत्ता सू ‘नंणसी’ नांव रो छापो आवें, पण नीं जैडो । उण-वेडै सू धाग ई कांई लागै, सांधो ई कांई सजै ? सो अंडे वगत ‘जागती जोत’ रें मासिक व्हियां भली वात व्ही, मोटी गरज पली । आपां रें साहितिक दीठाव में कीं तो चळचळाटी संचरैला ई । पण अव आपांनं इण छापै रें ओळू-दोळू सगळी बातां नै खुली आंदयां ओळखणी व्हेला ।

आप सू कांई खुकाणो ? अवार तांई ‘जागती जोत’ रो सरकूलेसन साव नीं रें बरोवर । सवा ध्यार वरसां में के तो वा आपरा अंकां रा लिखारां तांई पूगी के संगम रो कारज-समीती रा लोगां तांई ? आं टाळ जे किणीं संपादक रें कक्षां पांच-दस दूजा हायां ई कणां-जणां पूगी व्हे, तो पूगी व्ही । पण कुल मिला’र अ्रैडा तीस-चाळीस हायां सू वारें ‘जागती जोत’ गई नीं । अव मासिक होयां उणरो खरची ई वधगो अर दूजा दस पांदा ई । सो इण, अंडे सरकूलेसन सू धाकी धिकंला नीं । सरकूलेसन रा गेला तो सोधणा ई व्हेला । नींतर क्यूं लिखारा पचै, क्यूं संपादक आगती व्हे, अर क्यूं संगम आप अळूक ? फगत खानापूरत रक्षां छापो काढणो न्याळ नीं । सरकूलेसन रो काम मूळरूप सू तो संगम रो, अर वो ई उणनै देखैली । राज रा सीगां अर दूजा गेलां । पण इत्ती तो राजस्थानी लिखारां समचे ई कैवण रो मन म्हारो पुरो-पुरो के राजस्थानी रा छापा जद थानं मती मतें अर थांरा हक व्हे हाथे आवें, आछो, नींतर मोलाय’र वांचो । मोलायां मॅणी नीं, कुरव-कायदी घटें नीं । नीं वांच्यां अवस मॅणी लागै, कुरव-कायदी घटें । मोलायां तो सांमी वत्तो मजो आवें । छापै रो हरफ-हरफ हियें उघडें । कोई पादोसी मोलावतो व्हे, तो वूभ लीजो ।

जाणै क्यूं आपां राजस्थानी लिखारां में केई अंब जडो जड ई भूंडा । काईंठा कीकर इण वात नै हक मान’र चालां के राजस्थानी में छपती अ्रेकूअ्रेकू छापो अर पोथी आपां कनै मतीमर्त अर फाळ पूगणा चाहीजै ? नीं पूग्यां रीस न्यारी आवें, अर वांरै

नड़ी कर ई आपां निसरां नीं। आ बात जित्ती राजस्थानी रा अलांजजी-फलांगजी समचै सांची है, उत्ती ई नवा सू नवा लोगां समचै। इए धार कीकर धिकैला ? भलाई कोई सम्पादक व्ही अर कोई प्रकासक अकेक लिखारै न तो इए ढाळै आपो पूरीजै कीनीं। अर फेर पूर ई देवै ती जीव कीकर धीज के आप उएनै वांचता ई व्हीना। फाऊ हाथे आयोड़ा आपा फगत कमरां री कूटळी बघावै, इए सू बेसी गरज साजै नीं। अंटी सू नांणी लागै ती आपां री आखर-आखर पहियां सरै।

जाणां के कोरा आपां रै मोलायां आपां री खरचो निसरै नीं, आपां ती हां ई कित्ताक ? पण बात कोरी खरचै री नीं, आपां रै समचै आपां रै दूरा री है, जद आपां ई वानै इत्ती पोचै अर हळकै हाथ लेवां, ती दूजा सू हर ई कांडै रायां ? मो, खुद आपांनै, राजस्थानी रा लिखारां नै, सज आतां राजस्थानी आपां समनै नवै अर नकद हेज रै गेलै चालणी व्हेला। फगत फाऊ री उडीक में रायां सरैला नीं। आपां चाल्यां दूजा ई चालैला। अर जे आपां में थां म्हांरो योड़ी घणो ई घेटी नकद मोर सजियो, ती वां री माजनी ई सुधरैला, वां माथे आपां री हक ई बघैला, अर पछे वानै जोईजै ई कांडै, वै भूखा घाया ई सैठा, बरसां धिकाय लैला।

इए बात री गांठ बांधो, के राज अर सेठां रा हजारों करतां थां-म्हां रा पांच-पचीस घण-मोला। वां तोटै ती आपा वंद नीं व्हे, एए थां तोटै व्हे जावै।

'जागती जोत' रै मरकूलेसन री अब तांडै जेड़ी हदा-मदा रायां, वानै ती जांणी, एए अब सगम नै सासती कोसिस करणी व्हेला के उएरी मरकूलेसन बघै, वा वत्ता सू वत्ता हाथां पूर्ण अर आपां नै ई मौकी आयां सीर घालता सकणी नी है। म्हे कएली जीयां सीर घाल्यां आपां री उए माथे हक बघैला। आपां री कएली बात री अरथ व्हेला। बीयां ती संगम आपरी हदां अर नियम-कायदां आता लिखारां नै टेमीटेम मतींमतीं ई आपो पुगावै, एए सगळा ती वा हदा अर नियम-कायदां आथै नीं, मो जित्ता नीं आवै, वानै ई चूकणी नीं है।

'जागती जोत' रै मासिक होयां अर उएरी कांम हाथे आयां, म्हे तीमिक लिखारां कनै 'जागती जोत' रै तिमाही दव री पछेती अंक नमूनै मारु भिजायो। थां में कीं लिखारा ती वै हा, जिका आपरा कागदां में म्हांरै सू अेड़ी मांग कीधी, अर की वै, जिकां नै भिजावणी म्हनै दूजा केई कारणों सू लाजमी लागी। ओ नवी, मासिक रूप पैली अंक ई म्हे बेसी सू बेसी लिखारां तांडै पुगावण नै खपू नी। अेई अकेक लिखारै नै ती अबस भिजावण री कोसिस म्हांरी व्हेला, के जिकां री रचना भलाई मंूर नीं व्ही, एए वै आप धकी सू रचनावां छिनावण अर सहयोग देवण में पाछे राखी नीं। पण आप जांणी आ बात ई सदा सारु व्हेला नीं, सेवट ती आपरै संभिया ई बात संभैला।

अक बात लिखारां नमचै वळै। केई वळां म्हनै लागै के आपां राजस्थानी में लिखणै अर छपणै नै हदभांत ई सोरी कांम समझ लियो। दर ई खेचळ सारु त्वार

नीं। बिना पचियां जेड़ी-कड़ी रचना दबीदब लिखीज जावै, उणीं सूं धाप ले लेवां। नीं उण नै पाछी जोवण री जोखी आपां भेलां, नीं भासा सीखण-कमावण री भांत-भांतीली सोय आपां राखां। अरे-छेड़े सूं सहजां हाथै आई बोली-चाली री आंट मार्य वरसां नेगम गाढी गुड़कावतां रैवां। अर जीव में पतियाया रैवां के राजस्थानी में तो व्हे जेड़ी ई धिकै। अर जे नीं धिकै अर नीं छपै, तो पछे काई घुड़ खावण नै राजस्थानी में लिखां ?

म्हें नीं जाणू के आपां किए सारू राजस्थानी में लिखां, व्हे सकै इणीं सारू लिखतां व्हां, पण इत्ती अवस जाणू के लिखण अर छपण नै इत्ती ओछी कूंतियां अर सोरो कियां सरैला नीं। आं माजनां ललबायरी रचनावां अर सतवायरा छापा, वरसां ई आपांरी लारो छोडैला नीं। साव वांभड़ी व्हे जावैला राजस्थानी, अंगे ई नीं फळाईला। अर इणरो पूरी-पूरी वजो आपां रै मार्य व्हेला।

सो लिखण अर छपण रै काम नै माजनी देवी, समचै लेवो। उण सीग वत्ता सावचेत अर जवाबदार व्हे ऊभा व्ही। रचनावां सारू पावर्ड-पांवर्ड वत्ती आफळ अंगेजो। भासा सीखण अर कमावण रा नवा-नवा गेला सोधी, फगत बोली-चाली री आंट सूं धिकैला नीं। थारै अरे-छेड़े लिखता दूजा राजस्थानी लिखारां री राजस्थानी पढी, वां री संगत साधी। राजस्थानी री जूनी पोथियां वांची, वां सूं भासा अर संस्कार खांची। लिखणियां कदे ई वाने थां सारू ई लिखी ही। लोक साहित्य री हेमांणी सूं जुड़ी। इण बात नै ओळखी अर जांची के थां-म्हां सूं पैली केई भला लिखारा भासा कमावण सारू कठै-कठै पूगा ? कठै-कठै सूं उणनै अटकळी, आंटी अर कुण-कुण सा दवां उणनै कीकर गेलै घाली ? आं सगळा कामां रै सांगै-सांगै लाजमी रूप सूं खुद रै सिरजणाऊ सभाव नै सासतो अर ऊंडो ओळखता देवो। वर-वर ओळखतां वैधो। उणरी ओळख आंख सूं छूटी नीं जांईजै। उणरा कजळीजता खीरां री वांणी भाड़ी, वाने वर-वर प्रजाळो, भला दिन आपां रै धकै।

आपां नै राजस्थानी भासा, साहित्य, संस्कृति, इतिहास अर जीवण सूं गाढमगाढो, अर जड़ी-जड़ अक्रमेक व्हेणी है। उणरा सगळा सीगां सैलंग चेतणी है। जिए दिन अटा रा मानखा री भाग अर भविस भासा री ऊंडी आंटां भिल'र आपां गुडे फळापणी सरू व्हेला, उण दिन आपां री रचनावां वांचण जोगी व्हेला अर आपां रा छापा सिर-आंटयां लेवण जोगा। राजस्थानी लिखारी व्हियां, व्हेगी, खुद री गती अर नीयती नै ओळखी। ओळखी के आपां कठै-कठै तूटगा हां, कठै-कठै छूटगा हां अर इतिहास री कंडी दायित अर बोझ आपां रै मार्य।

श्री म्हारै हाथां केवटियोड़ी पैली अंक आपरै सांमी। संगम म्हर्न ठीक ई वगत हेली दियो, लारला केई दिनां सूं अके छापे री तिळमिळ्हाटी खुद म्हारै मन में ही, अर म्हें म्हारा मित्तां अर वेलियां सांगै इणीं समचै सोचै ही। जे 'जागती जोत' नीं मिळी व्हेती, तो स्यात आं ई दिनां तांई म्हे 'दीठ' सरू करता।

'जागती जोत' संभाळतां इण वात सून जीव बधियो के संगम आपरी पूरी सहयोग म्हनै दियो । किणीं वात सारू भिसर म्हनै राखियो नीं, म्हारे कत्तां प्रेस बढळी अर दूजी केई छोटी-मोटी नांगां न ई टेमोटेम पूरी कीधी । संगम सून इण सहयोग नै सहज करण सारू म्है खासतौर सून अकादमी रा निदेशक राजेन्द्रजी अर संगम री कारज समीती रा सदस्य रावतजी री आभारी ।

श्री अंक आपनै कैंटी कांई लागै, अंक बाँच्यां पूरी-पूरी समजो म्हनै दीजो । आपरी सला-सूत आगला अंकां नै संभाळतां म्हारी मददगार व्हेला । इण अंक री छतई अर साज-सजावट में अवस केई खांमियां रैगी है अर बांरी गिरगिराटी म्हारे मन में पूरी । पण आगलै अंकां आपनै सिकायत रैवण देवांला नीं । प्रेस समजो नंद भारद्वाज इण अंक री खुद कानीं सून पूरी सार-संभाळ कीधी अर आगला अंकां ई बांरी रमाओ तो म्हनै रैवैला ई, तो बांरी आभार तो अ्रेकठ ई मानूँला ।

अंक खास भोळावण आपनो आ, के इण अंक में छपियोईं जौं. नरसिंह राजपुरोहित रै लेख नै सावचेती सून लीजो अर खुद रै अडा री अर सैगी-मैधी स्कूलां में राजस्थांती विसय खुलावण नै हांकरता संभजो । आं कामां मारु ई आपां टाळ दूजा आवैला नीं, अ काम ई आपांरा, अर आपांरा, आपां रै ई करियो व्हेला ।

● तेजसिध जोधा



सोतियो

म्है नित निसरूं
वां गेलां-गळकां
जठै, विरछां रा पपड़ाया पिंडां
पात-बिहूणी लटकै पीळी लंगरां

दिन-रात सूखे विरछां री लोई
दिन-रात सघणी हूँ बेलां री जाऊ वी ई
मदारी मीत रै अगन कुंड
पळुटे, पूठो फलांग
जीकांळां पेट विगसं
मसकांळें साग

दूध री नंदी रै मंगरां
ऊगियो कोई अमलतास
जदे ई सूखे
उएरी पीळी उदासी कुमळाय'र
मोतियो वए जावें
के जिकी म्हारी आँख्यां में उतर उतर आवें ।

लोई रा टोपा

लोई रा ग्रे लाल लाल टोपा
जिका कटियाळें भाड़कें लटकयोड़ा
श्री लोई म्हारी

वे कैवे
इए री जड़ां वाढ़'र
वां मे तेल चोवौ
श्री अक जहरोळी पीधी

इण नै रूख नीं बणण दी
 बरजी, चिड़ियां री वां दूंचां नै
 जिकी दूंचै इणरी डाळचां
 भखै इण रा फळ
 इण सूं पैली के वै
 म्हारी जड़ां वाढ़'र वां में तेल चोवै
 म्हारा अरगत-टोपा मरुथळ री हथेली सूं तिसळचा है
 अर जठ ई ढवियौ अक टोपो
 उठ ई उगियायी अक विरछ
 जिण रं रगत-बीज री मायी

अर काळ कोठरी विचै कैद
 अक सूखती डाळी देखै
 के विरछां री श्री जंगळ
 दिनोदिन सघणी ह्वै तो जावै है

लाई पंखेरू

म्हारै मांय अक कोरी-कट ग्लोव
 आधी धरती आधी अकास
 घरती भुरभुरी दळदळ
 अकास काळी स्याह रूई

म्हैं देखूं
 दिस हद लटकती अक पखेरू
 जिण रै सतरमुरग री टांगां
 जिराफ री गावड़
 हाथी री सूंड
 लांवा-लट पांख
 मोर री किलंगी

पांखड़ा फड़फड़ावै लाई पंखेरू
 हद तड़फड़ावै छुडावण नै आपरो टांगां
 टांगां जिकी भुरभुरी दळदळ में पजियोड़ी

हरेक आफळ सांगै
अक विलांत निसरै पंखेरू
अक विलांत वळै ऊंची ह्वै अकास
दोय विलांत वधे दळदळ

पोसाळ रा विचियां ! हिंसाव ल्याओ
ओ लाई पंखेरू कद इण भुरभुरी दळदळ सूं
मुगत होवेली ?

डुंगराऊ आकडो

मांस री गहूमी गूदड़ी विचे
वा लाल ज्यूं चिलकै ही
जद उण री उरवर छाती
अक डुंगराऊ आकडो ऊगो
तद वा मांटी ही

आकडें री देही में सूं
आई उणनै चंदण री महकोळ
इण में उण री कीं दोस नीं
दोस तो रत री ही

कद आंख्यां विचे सिरसूं फूली
कद डुंगराऊ आकडो गुलमोयर बणगी
कद नागफणी री रूख
उण नै कीं चेतो नीं

अव उण री उरवर छाती में
रैवं सासती पीड़
स्यात वो ई नागफणी री रूख
आपरी कंटियाळी बावां पसारण लागी है
उण री छाती विचोकर

आखे डील

कांचली

बाबल रै आंगरी
चंदण री अक विरछ ऊगी
चंदण विरछ
पळेटी देय'र लपूख्यो वासंग नाग

समाजोग, के आई
अक संतायी घड़ी सगपी अड़ी अंवळी
क सांप रै लड़गी चंदण-रुख
अर उण री गैळ में गैगड सांप
मांग्यी नीं छांट ई पांणी
कळप कळप'र
फफक फफक'र मरगी साग्ये ठीड़

हाल ई
विरछ रै उघाड़े डील
सांप री कांचळी टिरियोड़ी

पड़बिम्ब

डूंगरियां रै खीळ
अक भील
भील री कैड़ी रंग
महैं जाणूं नीं
भील रै विचै नीली आकास पड़बिम्ब
भील री रंग नीली है

भील रै नाकै
अक विरछ ऊभी है
विरछ री पड़छोयां भील विचाळै पड़ै
महैं कदै विरछ कानीं देखूं
कदै विरछ रै भील में पड़तै पड़बिम्ब कानीं

इए विचाले काई ठा काई हूँ
 के भील में ऊठे जवरी तोफान
 भील हूँ जावे लहरां री घमसाए
 मूँ देखूँ
 अकूअक लहर रै खूँअ तीखी-तच भाली
 जिए न वा विरछ रै
 पड़विम्व माथे काटक काटक'र पटक
 विरछ री आखी री आखी पड़विम्व
 भालां सूं विधीज्यो पड़ियो हे

उठी मूँ
 भील रै नाके लभे विरछ धकी देखूँ
 विरछ रै डील सूं लोई ववै
 अर आखी री आखी भील लोई सूं भरोजगी हे
 भील री रंग राती लागे

आपां सगला

आपां सगला का'णी रा पाय हां
 का'णी जीवां हां
 का'णी मुणां हां
 का'णी कैवां हां

आपां कोई बडी आसदी
 आप आपरी छाती में सांभ्योड़ा
 रंगपाटे आवां हां
 अगसंधी भीड़ आगै
 सांग खुद री खुद ल्यावां हां
 हर कोई खुद री का'णी री नायक हे
 खलनायक नीं

आपां जद का'णी कैवता व्हां
 पात्र मर जावै
 आपां जद का'णी सुणता व्हां
 का'णी मर जावै
 आपां जद का'णी जीवता व्हां
 पात्र ई मर जावै
 अर का'णी ई

उण स्यात
 फगत अेक खाली घूमटो में
 किणीं गाफल पंखेरु रै पंखा री फड़फड़ावण
 सुणीजं अर सुणीजती रैवै
 के जिण री पड़छीयां
 आतमघात सारु नवी सलीव हेरती वेंवें

उत्थी—तेजसिह जोधा

✱ ✱ ✱

माध्यमिक शिक्षा बोर्ड में राजस्थानी : समस्यावां अर सुझाव

● डॉ० नरसिंघ राजपुरोहित

माध्यमिक शिक्षा बोर्ड राजस्थान जुलाई ७४ सूं सेकेंडरी स्तर माथै 'राजस्थानी साहित्य' रै नांव सूं अेक नवी विसय लागू कियो । इण स्तर माथै कक्षा नवीं अर दसवीं में टावरान नै छः विसय अनिवार्य रूप सूं अर तीन विसय अैच्छिक रूप सूं पढ़णा पड़ै । बोर्ड राजस्थानी नै कळा-वर्ग रै हेठे अैच्छिक विसय रै रूप में मानता दीवी ।

बोर्ड आपरी रीत-नीत रै भाफक हरेक पठित विसय खातर, पाठ्यक्रम-समीती री निर्माण करै अर उण पाठ्यक्रम-समीती री देख-रेख में ई पाठ्यक्रम री निर्धारण ह्वै । इण वास्तै सन् ७४ रै सरूपीत में ई राजस्थानी पाठ्यक्रम-समीती री गठण ह्वै ग्यौ । इण समीती सँ सूं पैली पाठ्यक्रम री रूप-रेखा बणाई अर ओ तै कियो के सेकेंडरी स्तर माथै ७५-७५ अंकां रा दो प्रश्न-पत्र रहसी । अेक पद्य खातर अर दूजी गद्य खातर । प्रश्न-पत्रां री भासा बाबत आ बात तै ह्वी के वा सरल राजस्थानी रहसी, पण परीक्षाधियां नै आ छूट रहसी के वै चावै ती सवालान रा पढ़ततर हिंदी में देय सकै अर चावै ती राजस्थानी री अन्य कोई बोली 'डायलेक्ट' में । नियम निर्धारित करै प्रश्न-पत्र री कीं भाग इसी राख्यो के जिएरा पढ़ततर राजस्थानी में देवणा अनिवार्य है । उदारण सारू पद्य वाला प्रश्न-पत्र में निबंध राजस्थानी में लिखणी अर गद्य वाला प्रश्न-पत्र में अपठित गद्यांस वालो सवाल राजस्थानी में करणी अनिवार्य है ।

पाठ्यक्रम खातर समीती च्यार पोथ्यां तै करी । गद्य संकलन, पद्य संकलन, कथा संकलन अर खण्डकाव्य । आं पाठ्य पुस्तकां री निर्माण सन् ७३ रा अंत ताई ह्वै ग्यौ हौ अर ७४ रै सरूपीत में ई संपादकां आप-आपरी पांडुलिपियां बोर्ड नै सुपुर्द कर दीवी ही ।

पोथ्यां साफ सुथरी अर स्तरानुकूल है । इणां में सगळी विधावां री समावेस कर नै राजस्थानी रा सगळा प्रमुख साहित्यकारां री रचनावां नै स्थान दिरीज्यो है । सगळी पाठ्य पुस्तकां में भूमिका, रचनावां रै सागी लेखक-परिचय, पाठ-संकेत, वस्तुनिष्ठ, लघुत्तरात्मक अर निबंधात्मक प्रश्न, शब्दकोस, लोकोक्ति, मुहावरा-कोस अर जरूरी टिप्पणियां दिरीजी है । इण भांत अै सगळी पोथ्यां कोई भारतीय भासा री पाठ्य पुस्तकां सूं पोची कोनी । गद्य-पद्य अर कथा-संकलन अै तीनू पोथ्यां ती बोर्ड रा अधिकार हेठे मे० स्टूडेंट्स ब्रदर्स

भरतपुर सूं प्रकाशित है अर सण्ड काव्य 'शकुंतला' जिगास रनयिता श्री करमीमानजी वारहठ है, वां रो खुदरी प्रकाशण है ।

जिगा विद्याथियां जुलाई ७४ में नवीं कक्षा में राजस्थानी विसय निगी वं जुलाई ७६ में ग्यारवीं कक्षा में पूगग्या अर उणांरि वास्तं हायरसेकेंडरी स्तर माथे पाठ्यक्रम निर्माण रो जरूरत पड़ी । १६ जून ७६ में एण वास्ती पाठ्यक्रम समीती रो बैठक हुई अर श्री निर्माण लिरीज्यो के इण स्तर माथे पचास-पचास अंकां रा रो प्रश्न पत्र राग्या जार्ज जिगां मे सेकेंडरी परीक्षा रे माफक ई अंकां रो बटवादी रेवे । पाठ्य पुस्तकां में गद्य-पद्य संकलना रे सागं श्री अन्नारामजी सुदामा रो उपन्यास 'आंधी अर आस्था' राग्योज्यो । गद्य-संकलन रे संपादन रो भार डा. भंवरलालजी जोशी अर श्री जादूंसमिहजी कविया नं मूंपोज्यो । एणा घणा आछा ढंग सूं संकलन त्यार कियो, जिको बोटे सूं प्रकाशित हंगेर घाज बाजार मे उपलब्ध है । श्री सुदामाजी रे उपन्यास रो विद्यार्थी संस्करण निम्नय प्रकाशन बोहा रास्ता जयपूर सूं निकळ्यो है । काव्य संकलन त्यार नीं हूयण सूं फगत एण बरम मानर राजस्थान साहित्य अकादमी सूं प्रकाशित काव्य संकलन में सूं की कवितावां पाठ्यक्रम मे राखीजी है । संकलन त्यार हूँ ताईं आ ग्रस्थागी व्यवस्था गतम कर दी जायी ।

बोर्ड सूं प्राप्त लिखित सूचना रे आधार मुजब घाज दिन ताईं प्रदेश रा फगत २२ विद्यालयां में राजस्थानी विसय खुल सक्यो है । वां विद्यालयां रो विषय इण भांत है—

१. राजकीय माध्यमिक विद्यालय, केकड़ी (अजमेर)
२. " " " छोटी सादड़ी (चित्तौड़गढ़)
३. " " " बसवा (जयपुर)
४. " " " मदानिया (जोधपुर)
५. " " " घमोरा (सुंभनू)
६. " " " गिवादी (पाली)
७. " " " लांडप (बाड़मेर)
८. " " " नैनवा (बूंदी)
९. " " " मूजासा (बूंदी)
१०. " " " सांगरिया (श्रीगंगानगर)
११. श्री सनातन धर्म उच्च मा. विद्यालय, व्यावर
१२. राज. उच्च माध्यमिक विद्यालय, कुरावड़ (उदयपुर)
१३. " " " " प्रतापगढ़ (चित्तौड़गढ़)
१४. श्री रामदेव पोहार उच्च माध्य. विद्यालय, गांधीनगर जयपुर
१५. राज. उच्च माध्यमिक विद्यालय, महिला बाग, जोधपुर
१६. राज. उच्च माध्यमिक विद्यालय, सुंभनू
१७. " " " " नुंआ (सुंभनू)
१८. " " " " खींसर (नागौर)

१९. राज. सीटी उच्च माध्य. विद्यालय, वीकानेर
 २०. श्री पृथ्वीराज नवलजी उच्च माध्यमिक विद्यालय, रानी (पाली)
 २१. राज. उच्च माध्यमिक विद्यालय, बाड़मेर
 २२. " " " " जेजूसर (भुंभनू)

विद्यालयों की आ सूची वरस भर पैली की है। संभव है साल भर में श्रीरू की विद्यालयों में राजस्थानी खुलगी हूँ। पण, आ बात निश्चित है के वा संख्या चार छः सून वेसी कोनी हूँला। आ विद्यालयों में सून जुलाई ७४ में तो फगत चार विद्यालयों में राजस्थानी खुली ही अर बाकी रा सै विद्यालयों नै जुलाई ७५ सून स्वीकृति मिली है।

सरूपोत में फगत चार विद्यालयों में ई राजस्थानी खुलण सून अर प्रचार-प्रसार की कमी सून विद्यार्थियों अर अध्यापकों इण कानी वैसेस ध्यान कोनीं दियो। इण कारण पैलड़ वरस परीक्षाधियों की संख्या मामूली ई रही। मार्च अप्रैल ७६ में जद बोर्ड की परीक्षावां हुई तो पैलड़ 'बैच' में परीक्षाधियों की संख्या ४५ रही। इण 'बैच' में फगत अक परीक्षार्थी असफल रह्यो अर बाकी रा ४४ सफल रह्या अर इण भांत पैलड़ वरस की परीक्षाफल ९७ प्रतिशत रह्यो।

बोर्ड आपरा परीक्षा प्रतिवेदन में इण परीक्षाफल की प्रसंसा करतां लिख्यो है के टावरों इण पाठ्यक्रम नै भली भांत हृदयंगम कियो। जिएरी खास कारण श्री है के पाठ्य पुस्तकां की भासा रात-दिन प्रयुक्त होवण वाली बांरी मायड़ भासा है अर उण में वर्णित घटनावां अर पात्र बांरै सैदा-मैदा अर ओलखीता है। वै रात दिन जीवण में जिकी भोग, जिकी महसूस करै, उणरी सही तस्वीर पाठ्यक्रम में हुवण सून छात्रां श्री विसय रुचि सून पढ़्यो है अर इण कारण ई परीक्षाफल सर्वोत्तम रह्यो है।

इण वरस बोर्ड सून आयोजित अप्रैल ७७ की सेकेंडरी स्कूल परीक्षावां में राजस्थानी रा तीन चार सौ नेड़ा विद्यार्थी बैठण की उम्मीद है। राजस्थानी रा सै सून घणा विद्यार्थी बाड़मेर जिला में है अर बांरी संख्या डेढ़ सौ रै करीब है।

कोई विद्यालय में नुंवो अंछिक विसय खोलण खातर विभागीय नियम श्री है के बोर्ड सून निर्धारित प्रपत्र 'ख' माथै इण वास्तै शिक्षा विभाग सून लिखित अनुमति मांगणी पड़ै। इण वास्तै श्री जरूरी है के उण विद्यालय में नुंवो विसय पढ़णिया विद्यार्थियों की संख्यां दस सून कमती नौं हूँ। विभागीय अनुमति मिल्या पछै बोर्ड कानी सून ई औपचारिक रूप सून अनुमति मिल जाया करै। पण मूळ बात विभागीय अनुमति की है। वा मिल्यां बिना कोई विद्यालय नुंवो विसय सरूप करण की जोखम नौं उठावै। इण काम वास्तै बोर्ड नै फीस सरूप अक सौ रुपिया ई भेजणा पड़ै पण सरकारी विद्यालयों की फीस तो विभाग भर दिया करै, विद्यालयों कानी सून अक टकी ई भेजण की जरूरत कोनीं रैवै।

बारहवा दो बरसां की अनुभव आ बतावे के विभागीय अनुमति की काम में मुं अवधी है । मुमकिन है इण मामली में विभाग की ई की मजबूरियां हई सके पण ये मजबूरियां की समझ में नीं आवे । इण काम खातर नूँटा प्रयत्नां की जरूरत है ।

७५ रा बरस में राजस्थानी रं मारग में एक श्रीरं घोड़ी पैदा हियो । राज सरकार प्रदेश में दस जमा दो वाली नुई शिक्षा योजना लागू करग की विचार कियो अर उण खातर बोर्ड नै तयारी करण की हुकम दियो । नुंवी शिक्षा योजना रं माफक कथा नव अर दम रा पाठ्यक्रम में कोई विसय शैक्षिक नीं है, जितरा विसय है, वै सगळा अनिवार्य है । मौजूदा पाठ्यक्रम में चूँकि राजस्थानी शैक्षिक विसय रं रूप में है, उण वास्ते उगने बोर्ड परीक्षाया सूं हटा देवण की बात तै हईगी । जिए सुभ काम की सफात मन् ७४ में हई की उगरी अंत अक बरस में ई. सन् ७५ में आयव्यो । बोर्ड की कार्यकारिणां की मिटिंग हुई अर उपस्थित सगळा सदस्यां में नूँ फगत अक आदमी नै टाल'र हकीकत सगळा राजस्थानी नै हटाय देवण की तेवड़ ली । उण अकल आदमी उण फैसले की उट'र धिरोब कियो अर सगळा नै विवेक सूं काम लेवण की सलाह दीवी । पण, बहुमत रं आगे फैसला आदमी की बात नई कीनीं अर राजस्थानी नै बोर्ड रं नुंवे पाठ्यक्रम नूँ हटावण की बात तै नईगी । राजस्थानी रा वै अकला पक्षधर पं. विष्णुदत्तजी जमा ह ।

नुंवे पाठ्यक्रम नूँ राजस्थानी हटावण की जांगुतारी कम मोटा नै हो अर धी नाटक मांय की मांय चाले हो । इणी हालत में राजनैतिक स्तर माथे कोमिस कर'र की उदाग करगु जरूरी हा ।

उणीज मौके जयपुर में प्रगतिशील लेगल संघ की मिटिंग हुई अर उण में राज रा शिक्षामन्त्री श्री खेतसिंहजी गठोड़ रं कानां आ बात चालीजी । शिक्षामन्त्री उठे मायैजिनिक रूप सूं श्री 'कमिट कर लियो के नुंवे शिक्षा क्रम नूँ राजस्थानी नीं हटाई जासी अर हर हालत में कायम राखी जासी ।

इण रं पछे इण काम वास्ते शिक्षा मंत्री कानां मुं अक मिटिंग बुलाई जियण में शिक्षा विभाग, बोर्ड अर अकादमी रा अधिकारियां रं अलावा की साहित्यकारां नै ई बुलाया । दो अक बार स्वगित ह्वियां पछे नेवट वा मिटिंग १७ सितम्बर ७५ रं दिन शिक्षा मंत्री की अध्यक्षता में जयपुर में ह्वी । म्हने भनी-भांत याद है के उण मिटिंग में सांतरी गरमा-गरमी रं विचारलै सेवट आ बात तै ह्वी के नुंवे पाठ्यक्रम में राजस्थानी तृतीय भासा रं रूप में कायम राखी जावे । बोर्ड की उठे श्री कैवरी ही के नुंवे पाठ्यक्रम में जिकी भासावां तृतीय भासा रं रूप में राष्ट्र-व्यापी स्तर माथे राखीजी है, वै सगळी संवैधानिक मानता प्राप्त है अर राजस्थानी की हाल आ स्थिति कीनीं । पण शिक्षा मंत्री आ कैव'र फैसली कर दिवो के राज सरकार की मंसा है इण वास्ते इणन कायम राखणी पड़सी ।

इण भांत राजस्थांनी नुवा पाठ्यक्रम में ई कांयम रैयगी । बोर्ड री परीक्षावां में राजस्थांनी लागू करण री श्रेय तत्कालीन बोर्ड अध्यक्ष श्री केसरीलालजी वीरदिया नै है तो नुवै पाठ्यक्रम में राजस्थांनी कायम राखण री श्रेय सर्व श्री पं० विष्णुदत्तजी शर्मा, श्रीमती लक्ष्मीकुमारी चूडावत, कैलाशदानजी उज्ज्वल, मरुधर मृदुल अर शिक्षामंत्री खेतसिंघजी राठोड़ नै है ।

फिलहाल दो च्यार वरस राजस्थांनी जूना पाठ्यक्रम में ग्रैच्छिक विसय रै रूप में चालसी तो तून्वी पाठ्यक्रम लागू ह्वियां तृतीय भासा रै रूप में चालसी । पण इसी लखावै के दोनू हालतां में विभागीय अनुमति अनिवार्य रहसी ।

राजस्थांनी कोई इसी टेकनीकल विसय कोनीं के जिएरै वास्तै सरकार नै विद्यालयां में कीं साधन जुटावणा पड़ै । श्री इसी विसय कोनीं के इण खातर विभाग नै न्यारा अध्यापक नियुक्त करणा पड़ै । राजस्थांनी घरती में जायौ-जलम्यी कोई ग्रेजुएट के पोस्ट ग्रेजुएट (भासा री) इण नै आसानी सूं पढ़ाय सकै । इण वास्तै जिण विद्यालयां में कम सूं कम दस टावर राजस्थांनी पढ़णिया तयार ह्वै अर पढ़ावणिया अध्यापक ई मौजूद ह्वै, उठै श्री विसय आसानी सूं खुल सकै । रही बात विभागीय अनुमति री, सो इण वास्तै संगम, अकादमी सम्मेलन अर राजस्थांनी रा क्षेत्र में काम करण वाली दूजी संस्थावां नै श्री प्रयत्न करणी चाहिजै के सचिवालय अथवा शिक्षा विभाग सूं अेक इसी स्टेंडिंग आर्डर निकल जावै के जिणनै अनुसार जिण विद्यालया में पढ़णिया टावर अर पढ़ावणिया अध्यापक मौजूद ह्वै, उठै री प्रधानाध्यापक चावै तीं बिना विभागीय अनुमति रै विसय सुरू करैर बोर्ड अर विभाग नै इतला देय दे । इसी स्टेंडिंग आर्डर निकल जावै तो राजस्थांनी खातर वरदान सरूप सिद्ध ह्वै सकै । आपां जे करणी तेवड़लां ती संसार में कोई काम अवखी कोनीं अर नीं करणी चावां, ती कीं ह्वै कोनीं । सो म्हारै मत सूं कीं जिम्मेवार अर दमदार आदमियां री अेक कमेटी बणायैर बानै श्री काम सूं प देवणी चाहिजै ।

दो वरस पैली बोर्ड कांनी सूं प्रदेस रा सगळा माध्यमिक अर उच्च-माध्यमिक विद्यालयां नै राजस्थांनी विसय बोर्ड री परीक्षावां में लागू हुवण बावत इतला जरूर भेजी ही । पण, म्हारी ख्याल है के आज कीं प्रधानाध्यापकां नै छोड़ैर घणखरां नै इण बात री जाणकारी ई कोनीं के बोर्ड री परीक्षावां में राजस्थांनी रै पठन-पाठन री व्यवस्था है । जे थोड़ा घणां नै जाणकारी है तो वै बिना प्रेरणा रै अंगई निष्क्रिय बैठै है ।

राजस्थांनी रै उत्थान अर उन्नयन री बात मूलरूप में पठन-पाठन में सरीक ह्वैणी अेक मुद्दा री बात है, जिकी अेक चिरप्रतिष्ठित मांग अर लांबा संघर्ष रै नतीजै री प्रतिफल है । इण वास्तै इण मामलै में सावचेत अर सक्रिय रैवण री जरूरत है । संगम-सम्मेलन जिसी संस्थावां इण बावत सक्रिय वणै ती घणी लूँठी काम ह्वै । संगम अेक साधन संपन्न संस्था है अर उणरी मूल उद्देश ई राजस्थांनी री उत्थान है । इण वास्तै वा अेक इसी योजना बणावै के जिण रै मार्फत प्रदेस रा घणै सूं घणा विद्यालयां में गजस्थांनी खुल सकै, ती आछी रैवै ।

इए योजना री प्रारूप इए भांत हूँ सकी के सौ मूँ पैली तो प्रेक अतीव दयावर प्रदेश रा सगळी माध्यमिक अर उच्च माध्यमिक विद्यालयां में भेजी जावै (अर वा हर वर्ग मार्च महिना ताई हरेक विद्यालयां में पूगती रैवै) जिएमें इए तथ्य री सांभोपांग जाणकारी देवतां थकां विसय खोलण री प्रेरणा दी जावै । इएर पट्टे जिवानार की दया राजस्यांनी प्रेमी अध्यापकां सून संपक साध'र वाने ओ भार मूँधो जावै के वै आग-यापर जिने में इए खातर लगन सून काम कर'र घणे मूँ घणा विद्यालयां में राजस्यांनी गुमावण री कोतम करै । इसा लगनसीळ अध्यापकां नें काम रै अनुपात सून की मानदेय संगम रा बजट मूँ दियो जावै तो काम ओरुई सरल बण सकै ।

इए काम खातर बोर्ड सून प्रपत्र 'प्र' श्रेकण सार्ग मंगाव'र हरेक अध्यापक नें जरूरत मुजब सूँप दिया जावै । म्हारे उवाल सून हरेक जिने में दया राजस्यांनी प्रेमी अध्यापक आसानी सून मिल सकै जिकी काम रै अनुपात सून मानदेय मिलबां विद्यालयां सून मन्कां साध'र आवेदन पत्र भरवाय सकै । म्हारी तो यी व्यक्तितगत अनुभव है नें विद्यालयां सून सीधो संपक किया इए मामला में मोकळी सफळता मिल सकै ।

मूँ अकादमी अध्यक्ष अर संगम री कार्य कारिणी रा सदस्यां री ध्यान इए मुकाव कांनी विसैर रूप सून दिसाव'र अरज करणी चावूँ के वै इए मनना रा महसुस नें समझ'र इए बाबत कीं ठोस निणय लेवै तो राजस्यानी खातर आ श्रेक मोटी उपसस्थि गावत हूँ सकै । श्रेक कांनी सगळी गांव अर दूजी कांनी गंगाराम । श्रेक कांनी संगम री सगळी प्रवृत्तियां अर दूजी कांनी आ श्रेकली प्रवृत्ति । इए नै जे ईमानदारी मूँ निभाई जावै तो राजस्यानी खातर वरदान सरूप बण सकै ।

मूँ ती आ अरज कल्ला के फगत संगम-अकादमी दयाव, इन मूँ, आपां नें कोई इसी गैर-सरकारी संगठन ईं ऊभी करणी चाहिज, जिकी इसी प्रवृत्तियां में पुरजोर ताकत सून करै । हरेक नेना-मोटा काम खातर सरकार री मूँची देसती रैवणी ई चीनी कोनी । सरकारी धंवा आपरी रीत सून चालै । वां ऊन काम करावणी ई हाथ री बात कोनी । इए वास्तै राजस्यांनी खातर बी दिन सोना री ऊंगला जिन दिन कोई इसी गैर सरकारी संगठन पगां माथै ऊभी हूँला ।

मूँ अठै आ बात स्पस्ट कर देवणी चावूँ के जे आपां इए बाबत की प्रयत्न नीं किया तो ई बोर्ड में ती राजस्यांनी पनपला ई । आपांगी उपेक्षा सून वा मर तो हरगिज नी सकै । श्रेक'र जिकी विसय बोर्ड में लागू हूँग्यो वो तो हूँ ई ग्यो । उए नै हटावणी अर कोई रै बस री बात कोनी, पण बखत आपां नें माफ कोनीं करै ।

बोर्ड में राजस्यांनी री मसलो श्रेक ओर तथ्य सून गहरी जुड़घोड़ी । दोन्सूँ री आपसरी में अटूट संवध । इए वास्तै आपां नै उए बाबत ई ध्यान देवणी जरूरी ।

राजस्थान रा विद्यालयां में उच्च प्राथमिक स्तर माथे कक्षा छट्ठी सूं आठवीं ताई पांच विसय अनिवार्य रूप सूं अर अेक विसय अैछिक रूप सूं पढ़ायी जावै । अैछिक विसय तृतीय भासा रै रूप में है । जिण में सिंधी, गुजराती, पंजाबी, उर्दू अर संस्कृत पांच भासावां है । इणां में सूं कोई अेक भासा हरेक टावर नै पढ़णी पड़ै । पाठ्यक्रम में श्री प्रावधान है के इण सूची में जरूरत माफक श्रीरू भासावां जोड़ी जाय सकै ।

विचार करां ती आ किसीक विडंबना री बात है के राजस्थान रा टावरां नै सिंधी, गुजराती, पंजाबी अर उर्दू इत्याद पढ़ण री ती छूट है पण मायड़ भासा 'राजस्थानी' पढ़ण री छूट कोनीं ।

पण इण में मोटी दोस आपणो खुदरो ई है । आपां इण वावत नीं ती कदैई ध्यान दियो अर नीं कोई कोसिस करो । म्हारे ख्याल सूं उच्च स्तर माथे इण वावत जे कीं दगसर प्रयत्न विहयो व्हेती ती मामली कदरो ई सुलभ जावती ।

दो तीन बरसां पैली शिक्षा-अधिकारियां री आवू संगोष्ठी में इण मसला माथे कीं निर्णय विहयो हो अर उणारा स्पष्ट संकेत कीं मिळवा हा । पण उण निर्णय माथे अमल क्यूं नीं विहयो इण वावत कीं जाणकारी कोनीं । मोकळी लिखापढ़ी कियां पछै सचिवालय सूं श्री पढ़त्तर जरूर आयो के इण वावत राष्ट्रीयकृत पुस्तक मण्डल रा अध्यक्ष ई सही जाणकारी दय सकै । अध्यक्ष सूं ई लिखा पढ़ी हुई तां श्री पढ़त्तर आयो के राज सरकार सूं इण वावत कोई हुकम ई कोनीं मिळयो ।

कक्षा छट्ठी सूं आठवीं ताई जे राजस्थानी तृतीय भासा रै रूप में लागू व्हे जावै ती राजस्थानी खातर अेक लूँठा काम वणै । इण स्तर माथे नीं ती विभागीय अनुमति री कोई टंटो है अर नीं श्रीरू कीं रगड़ी-दगड़ी । टावर घड़ा-घड़ राजस्थानी लेय सकै । अर जिकी टावर उच्च प्राथमिक स्तर माथे तीन बरस राजस्थानी पढ़ लेसी थो सेकेंडरी स्तर माथे ई राजस्थानी जरूर लेसी । आ अेक सुभाविक बात है । इण भांत सेकेंडरी-हायर सेकेंडरी स्तर अर विश्वविद्यालय स्तर माथे राजस्थानी रा बिरवा नै पनपावण खातर ठेठ उच्च प्राथमिक स्तर री जड़ां में मिलात सूं पाणी सींचणी पड़सी ।

पाठ्यक्रम में अेक मोटी समस्या भासा री अेरूपता री है । या बात सही है के भासा में अेरूपता वावत लागीं मतई आवै । कमरा में बैठे सगळी वातां अेक दिन में तै कोनीं व्हे सकै । कोई पण विकाससीळ भासा जितरी बोहली व्यवहार में आवै, बीं में जितरी बोहली साहित सृजन व्हे, दिन लाग्यां होळ-होळ उण में मतई अेरूपता आय जावै । आ बात सुभाविक अर व्यवहारिक है । छत्तापण जठा ताई कोई भासा पठन-पाठन रा क्षेत्र में प्रवेस नीं करे, उणारी अेरूपता री सवाल इतरी प्रबल कोनीं व्हे । पण जद कोई भासा पठन-पाठन रा क्षेत्र में प्रवेस नीं करे, तद उण री अनेकरूपता अखरण लागै, अपरोखी लखावै अर अणखावणी महसूस व्हे । आज राजस्थानी रा मोकळा गद्य लेखक आपरै लेखन में ताळव्य 'श' अर मूर्द्धन्य 'प' री प्रयोग कोनीं करै । वं वारी ठोड़ दंती 'स' री प्रयोग करै । पण केई लेखक ताळव्य, मूर्द्धन्य अर दंती तीनू आखरां री प्रयोग हिंदी रै ज्यूं करै । केई लेखक रेफ रै रूप

जागती जोत

राजस्थानी रै जन-जुड़ाव रौ कांम अर साहितकार

●

भंवरसिंघ सामोर

राजस्थानी रै मामलें में मनमत्तियै लोगां रौ सोचणी अक तमासी सो बणगी । अंगरेजी लीक पर चालण रै ओलावै तरक-कुतरक रौ ध्यान ई चेत उतरगी । हिन्दी आळा लोग ई अंगरेजी हंग मूँ सोचतां-सोचतां जनभासा बनाम पराई भासा रौ मामली जनभासा बनाम हिन्दी रौ बणा दियो । अर अंगरेजी आळा ती आइज चावै हा । इण हवालें बस इतरी ई कैणी है के राजस्थानी रौ अकरूपता माथै आंगळी उठावणियां जनभासा विरोधियां सून जे पूछां के धारी भासा रौ अकरूपता रौ कांई हाल है, ती स्यात जमीं कुचरण लाग जावै । किणी प्रांत रौ भासा रौ निरण उठै बसणियां करसा-मजूरां रौ जवान सून हिव्या करै । आंगळ्यां माथै गिणीजणिया सहरी पढ़्या-लिह्या सुवारख्यां रै भरोसै श्री फंसली कोनीं व्हे सकै । इण तालकै राजस्थानी भासा रौ मानता रौ सवाल अठै रा करसा-मजूरां रौ रोजी-रोटी रौ सवाल बणै है अर जिण दिन सांच्याणी रोजी-रोटी सून श्री सवाल जुड़ ज्यासी, उण दिन श्री अधवेरड़ा पढ़्या-लिह्या राजस्थानी रा धणी-धोरी बणता कोनीं संकैला । राजस्थानी रै नांव पर सगळां सून आगै तयार लाधैला । इण सून बेसी और कांई इचरज व्हेला के राजस्थानी साहित रै नांव पर गरब-गुमान करतां नीं धाकणिया अढ़ा लोग ई राजस्थानी भासा रै नांव पर लिलाइ में ऊभा तीन सल घालता दर ई कोनीं डरै ।

नांकरोपेसै रै बाबुआं रौ बरग, अठै अंगरेजां रै जमाने सून ई अड़ो दोगली बणगी, के मामूली लोगां सून ई तुराक लेय'र अपण आप नै मामूली लोगां सून ऊपर समझण लागगी अर मामूली लोगां ई भूल-भरोसै ऊपर मान लियो । अड़ो लोग जे जनभासा नै पराई भासा अर पराई भासा नै जनभासा मान लै अर बणालें ती अचंभी क्यां रौ ? जणां ई सिक्का में गिरावट रै सुधार रौ बात चालै ती अंगरेजी चीथी सून लागू व्हे जावै । राजस्थानी रै जनतां सून जुड़ण रौ बात चालै ती सीलवीं सून सरू व्हेय'र छठी तांणी उत्ती पूगै ।

इण वास्तं म्हारी जाण में राजस्थानी रै जन-जुड़ाव रै कांम रौ इत्ती चिंता करण रौ जरूरत कोनीं, क्यूंके राजस्थानी ती जनता सून जुड़घोड़ी है जणां ई जीवती है । जन-जुड़ाव रै कांम रौ चिंता-करणियां रै पाण आ जीवती कोनी है । जे श्री किणी नै गुमान व्हे ती ओजू

साहित्य के विकास में यह है जो 'राजस्थानी' में सबसे पहले आया है दूसरी तरफ़ी
 साहित्य के विकास में जो लोग राजस्थानी में आये हैं, उनके कर्मों के समानो बदलती गयी जाने की
 दूसरी तरफ़ी है जो लोग राजस्थानी में आये हैं, उनके कर्मों के समानो बदलती गयी जाने की
 दूसरी तरफ़ी है जो लोग राजस्थानी में आये हैं, उनके कर्मों के समानो बदलती गयी जाने की
 दूसरी तरफ़ी है जो लोग राजस्थानी में आये हैं, उनके कर्मों के समानो बदलती गयी जाने की

इस बात को राजस्थानी में जनश्रुति में काम आयेगा इसी से जो है किसी है के
 राजस्थानी में जनश्रुति में काम आयेगा इसी से जो है किसी है के
 राजस्थानी में जनश्रुति में काम आयेगा इसी से जो है किसी है के
 राजस्थानी में जनश्रुति में काम आयेगा इसी से जो है किसी है के
 राजस्थानी में जनश्रुति में काम आयेगा इसी से जो है किसी है के
 राजस्थानी में जनश्रुति में काम आयेगा इसी से जो है किसी है के
 राजस्थानी में जनश्रुति में काम आयेगा इसी से जो है किसी है के
 राजस्थानी में जनश्रुति में काम आयेगा इसी से जो है किसी है के
 राजस्थानी में जनश्रुति में काम आयेगा इसी से जो है किसी है के
 राजस्थानी में जनश्रुति में काम आयेगा इसी से जो है किसी है के

अब आता है साहित्यकार की फरज निजरा यह है। श्री रम्या साहित्यकार ने है मोभरणा है
 के लोग ने किया सावचेत करणी है। राजस्थानी में द्वारा काठा, पत्रिका काठा,
 आकाशवाणी ने है सम्हाला, पढ़ा-लिखा रा केन्द्र गोवां। जिलायार मोठां हूँ। फेरण रो
 मतलब श्री, के साहित्यकार फेरणी और रागे मिळार राजस्थानी और जनता में जुड़े घर
 छिटक्योड़ा लोग ने जोड़ण रो निमत वण। राजस्थान री जन-जीवन रा फूठरा कोजा निनरा
 सिरज। फरस-मजूर री विपदा भोगणी सीखे। इकतिर और मात-मात दिनां में जिनावरों ने
 पाणी पावण री वेवसी ने समझ। छारै-मोठे पाणी ने मिला'र पावण री अमलेत ने नई सू
 जोब। राजस्थानी जीवण सू रस लेवण-देवण री भूख जगावे। पीढ़यां सू दिसावरों में रीवता
 सेठा रा टावरों रा अठे री धरती पर चढ़ता जात-भट्टलां रा मरम जाण। विनायकीपण री
 ठरक ने छोड़ अठे री जीवण ने ओळखण री कोसिस करे। साहित्यकार री सिरजण लोक
 साहित्य बणण री ऊरमां राखे तो की बात वण।

जब ताईं अठे री साहित्यकार इत्ती सावचेत नीं रहेसी, उठे ताईं राजस्थानी प्रागे
 प्राणी मुसकल है। आज री राजस्थानी री सिरजण तो जग-जाणीत जूने राजस्थानी साहित्य ने
 लाजाईं मारे है। इण वास्ते सिरजण मामले में साहित्यकार री फरज इत्ती बधगो के सिरजण

जे बघको नीं बिह्यो तो राजस्थानी जीवतीई मरघोड़ी समान गिणीजेली । राजस्थानी छापां अर पत्रिकावां रो ई श्री ई हाल लाघसी । आकासवांणी रा तो नामां जंडा ई कामां । उएनै तो राजस्थानी वास्तै फुरसत ई कठै ? पढ़ण-लिखण रै केन्द्रां रो सगळां सूं ज्यादा जरूरत है । आखै राजस्थान में कोई अंडी जगा कोनीं जठै राजस्थानी रो पोथ्यां देखण-खरीदण नै मिल सकै । प्रचार-प्रसार रो तो बात ई काईं न्है ? श्री काम संगम रो व्है सकै हो, पण उएनै रेवड़चां वांटण सूं ईं फुरसत कठै ? घणकरीक संस्थावां जागीर बण रो है, जिण में गोधा चीड़ै-धाड़ै चरै है । अर काम करणिया लोगां रो काम ई लुकग्यो । राजस्थानी साहित रै सिरजणियां अर सिरजण रो श्री बिगड़घोड़ी डौल सुधारण रो फरज साहितकारां रो ई है । साहितकार जनता नै गंवार मानणी छोड़ै । वा सगळां नै पितवाण्यां बंठी है । वा अणपढ़ व्है सकै, अणसमझ कोनीं । इण वास्तै जनता रो चिन्ता नीं कर'र साहितकार नै खुद रो अर वां लोगां रो चिन्ता करणी चाईजै, जिका खुद नै जनता कोनीं मानै ।

आखिर में, राजस्थानी नै अ्रेक मंच रो जरूरत है अर वो इण साहित सम्मेलण सूं चोखो श्रीर कोनीं निगै आवै । इण वास्तै इण रै जरिये राजस्थान रो जनता सूं जुड़णी आसांन व्है सकै । सम्मेलण राजस्थान रै कस्वै-कस्वै में इणी तरियां करघा जावै, जीयां आज श्री पठै व्है रह्यो है । सार्ग ई इण में सगळा सैयोग देवै । न्यारी-न्यारी पीपाड़्यां सूं तो बजाणियां रो ई भलो व्है सकै ।

राजस्थानी रै जन-जुड़ाव रै काम रो अर साहितकारां रै फरज रो जिकी वातां आज आप लोगां रै सांमी राखी हूं, वैं इच्छा-सगती रै बल सूं ईं पार पड़ सकै । इच्छा-सगती सूं ईं अभ्यास आवै । इण वास्तै साहितकारां रो श्री फरज है के वैं मामूली आदमी रै मन रो श्री डर मिटावै के कोई बडो है तो डरावण खातर कोनीं । सगळा ई बडा असल में तो मामूली ई बिह्या करै । जे वैं मामूली ई कोनीं, तो बडा क्या रा ? ईयां ईं कोई भासा बडी छोटो कोनीं व्है, भासा तो फकत भासा व्है । काल तांणी रो हजार हाथ्यां रै बलआळी राजस्थानी आज भासा ई कोनीं गिणीजै अर कठै सात समंदरां पार रो अंगरेजी भासावां रो रांणी गिणीजै । सांच नै पगांध्यां गेरणी चावो तो आ मिसाल देखी । आं दोनू वातां में सूं अ्रेक बात तो झूठी है ई । दोन्यू ईं सांच थोड़ी है । पण, इण सांच झूठ रै फरक नै समझण रो दीठ साहितकार ई दे सकै है अर जे साहितकार श्री फरज पूरो कर दे तो राजस्थानी में तो वो रो वो हजार हाथ्यांळी बल निजर आण लाग जावै ।

इण भांत राजस्थानी रै मामलै में तटरस बण्योड़ी जनता रो बुझती सगती नै जाणणी है । वा किणी अ्रेक संस्था रै बस रो बात कोनीं हुया करै है । इण वास्तै इण सम्मेलण नै ई संस्था बणण सूं बंचावणी है । संस्था बण्यां पछै उएमें पूग्योड़ा लोग बुगला भगत अर डौढ हुंस्यार व्है जाया करै । फेर जड़ भरत बणतां के ताळ लागै । इण खातर इण नामरदी सूं बचणी है । मोटामोट बात आ है के राजस्थानी रै जन-जुड़ाव रो काम तो आपरी रफतार सूं हो रह्यो है, पण इण रफतार नै तेज करणी है अर इण नै रोकणियां रो पोल खोल'र रस्ती साफ करण रो काम साहितकारां रो है ।

सांप-सीढ़ी रौ गत्ती



चन्द्रप्रकाश देवळ

म्हारै जवांन हियै रा सपना
आव आपां सांप सीढ़ी रमां
म्है निसरणी रा च्यार पगोथ्यां चढ़ूं
जित्तै थूं पेट रै पांण रिगस, भाग
अर आगलै खानै में लाध, फण कीधां
पूगतां ईं डस अजेज अर पुगाय दे पाछी
उरा गहरै आंव री छीयां
के जठे म्हारो मन उगनं कछकड़ी घात्यां देख'र
कलांम-डाळी रम्या करती
उणरै परस रा कोडाया
तिसळ-तिसळ जावता म्हारा हाथ

वां दिनां रा तारा दूजा हा
वां दिनां री सिझ्या दूजी ही
वो कांमण दूजी ही
अठा लग, के वा अर म्है दूजा हा
वै दिन दूजा हा
म्हारै जवांन हियै रा सपना, आज म्है उण नै पाछी देसी
फगत अव हाड-चांम है वा
तावड़ै गळती हाड-चांम
अर म्हारै कने रैयगी है सांप-सीढ़ी रौ गत्ती ।

ॐॐॐॐॐॐ

अंतहीण विवाद

कन्हैयालाल सेठिया



कांईं काढ़सी
कुरेद'र
जूनें बगत री
अकूरइयां ?

कठे लाधसी
संवूक री सिर
अकलव री अंगूठी ?

हुग्या जका
आप रे
जुग-धरम रे
परिपेख में
पुरुषोत्तम
नरोत्तम
कांईं हुसी
वांनें कस्यां
आज री
कसौटी पर ?

आगली काल
फेर झुठा देसी
ईं नुंईं कूंत नै
अर ईयां
कोनी नीवड़ कदेई
नुंईं अर जूनी
कुंठावां री
अंतहीण विवाद



अंधारै रा घाव

पारस अरोड़ा

काळो अर काळो
अंधारो घण-काळो ।
हाड-हाड तोड़यां जावें
श्री काळो अजगरी कसाव ।

अंधारो / काजस में गम्योड़ी थीठ
अंधारो / अंतस में बळनी या लाय
अंधारो अक देह नमती ई जाय
अंधारो घण-काळो ।

अंधारो घर काळो
काळो है भीतां सै
काळो छात, काळो है आंगणो
टूटोड़ी वारी अर
अघ-टूटी दरवाजी जूझै
पवनमार धूजै

सोध अठी-उठी
हरप्योड़ी दो आंखयां
कीं ईं नीं सूरै ।

कलभलतै अंतस में
पसरै कीं यूं सवाल

लेय उडी वारी नै
वै आंखयां वयूं आई,
दरवाजी तोड़ दियो
वो किस्यो बतूळियो,
कर दै इण घर उजास
कठै तयै वो सूरज ?

कैवण रौ घर / क्यूं रैवण ज्यूं कोनी
काईं आ कारा है ?

क्यूं कोनी बरतणै ज्यूं
दीखत रा लोग अ
काईं अ मिनखां सूं न्यारा है ?

सूखोड़ी रोट्टी वदळै
क्यूं राखै वोटी री आस
मैणत रौ मोल क्यूं
पेट रै तोल सूं छोटी पड़ जावै ?

काईं इत्ती लम्बी रात व्है
पीढ़ी-दर-पीढ़ी यूं पसरचोड़ी
हाड-गिजर
तोड़ दै दम गुफावां रा जाल में
अर मारग नौं लाधै ।
जुगां वदळतै इतिहास में
नौं वदळै अक चैरी

छोड़ दै आ कंदरा
इण कारा नै तोड़ दै ।

घर वारै
दरवाजै ऊभोड़ै रूख रौ
पवन पकड़ भँफेड़घौ डाली,
जीवन-मिरतु विच्चै डोल रेयो
चिड़ियां रौ माळी ।
काळी अंधारौ घण-काळी ।

अंधारौ.....
लीर-लीर लीतरा
अंधारौ.....
पङ्क-पङ्क टापरी
अंधारौ.....
रिस्ता सै किरच-किरच

अंधारी,
वात-वात किच-किच है, यू-यू है ।
अंधारी / घायल पग सोध रैया रोसणी ।

हाथ
हवा में ऊठे घूम
पाछा आ जावे
उरभाणा पग
ठोकर डर री वेड़ियां
खुभ-चुभ कांटा अर कांकरा
रूख हेटे देह खोल
थाकेले री गांठड़ी
अर बिसाई खावे,

घड़ी आंख लागे
घड़ी चेत आवे ।

भोका हा नींद रा
जाग रा झरोखा हा
दीठ से अदीठ धेती
अर अदीठ / दीठ ।

अगलियां
पंपोळ देण अंधारे री
काळे मारग ऊग्या
बलता घाव
घाव माथे घाव ।

चिगदग्यो अंधारी म्हारी गांव
नों रंयो नांव ।

जाणे कुण राजा
किण राजा सूं वर लियो
वो फीजी अंधारी
गांवडियी घेर लियो
राजा सूं राजा री
फंडी दुष्मीचारी
देख्यो हो लाल रंग
उण दिन वो अंधारी ।

काई वी हड़पा
वी मोअन-जो-दरी
इए गत नीं मिळिया रेत में ?

दररां सूं—हिमगिर सूं
दक्खणी पठारां लग
अक देह पसरघोड़ी
मदवै मद डूबोड़ी

तीखा नख/राजस री सगती रा
खुरच-खुरच खाज खिणं
खुद री इज देहो नै
खुद लोही-भांण करे
क्यूं चूकें अंडै में
हमलावर अंधारो

अंधारो.... अंधारो ।
पसरै ज्यूं जंगल में लागोड़ी लाय
सूतोड़ा सिध यूई सूता रह जाय ।

जद-जद वी आयो यूं
मांडती रगत पगल्या
टिमटिमता दिवलां री
बुझती गो जोत

तद-तद कूंकू पगल्या थरपीज्या
पाषाणी देवत नै सीस भुक्क्या
अंजळियां / आकासां अरपित व्ही
हवन-कुंड
सगती री आवाहन करता हा ।

बिन परख्यां सगती नै
सगती कुण, कद मांनी
सगती संहार रूप परखीजै
सगती मद उपजावै / गैल चढ़ै
प्रगटे जद सगती हथियार रूप
सस्तर री धार

वार
मार करे भारी

अर कुण गेलै वानै ?
अँ अंधारी बस्ती री देहाँ

धारण कर सगती नै
बळी बगै / अपरबळी
बळी चढ़ै सगती नै ।
नींव पड़ी, बळी चढ़ी
ओ पढ़ती खांडी

बो घर खांडी कर दीनी

'धै' करती दूटोड़ी टापरिसी बैठगी ।

सूँ आयो अंधारी
सूँ पड़ियो घाव ।

पीड़/प्रांढयां में पांगी बग जफगी
गुस्सी
बंद हथेलियां में पसीनी बग पिचळया करे
अक नुकीली चुभाव

अन्टपीर सीनं माथें तण्योड़ी
मूंडे सूँ 'उफ्' नीं आवण दिया करे ।

कोईड़ा/मांडे उणरै मोरां माथें
बंधक व्हेणै री अँलान नांमो

दोय-जूंण

अध-पेट रोट्टी बिकयोड़ी भादमो

वेवस

आवणआळी पुस्तां नै/गिरवी घर दिया करे ।

ऊग रँयो

ऊग रँयो

ऊगूणी सिद्धरी अगन-पुंज ऊग रँयो

पळक-पळक आकासां

सूरज-घज फरक रँयो

दीठ नीं जमे ।

खड़...खड़...खड़ । खड़ड़...खड़ड़

दौड़ रैयी

दौड़ रैयी

पूषणी तुरंगा रथ

चक्र-रेख भोम-खंड नाप रैयी

अस्वमेध पूजित है

अक देह पसरीज

रघुकुल रौ महाकाव्य

यदुकुल रौ महाभारत साखी है

कित्ता मंघ अठे

युद्ध-हवन होमीज्या

अक देह थरपण नै

रगत-धार वार-वार

वार-वार

सगती नै अरपित वही

धरम-क्षेत्र, करम क्षेत्र मानीज्यी ।

टूट रैयी, तिड़क रैयी अंधारी

लीर-लीर अंधारी

किरच-किरच अंधारी

घायल कर / घायल है अंधारी !



दो गीत

कल्याणसिंह राजावत

बेलड़ी

वागा विच बेलड़ी पसरवा लागी
सीरम सा'रं वायरं विखरवा लागी

चेती राखी हाळी-माली
आ है सोनें हें मूं डाळी
है रे रूपां मूं रूपाळी
डगरी राजजै मगाळा
चढ़गी डोळी-डागळं उतरवा लागी
वागां विच बेलड़ी पसरवा लागी

तांता जाळा सा फेलावे
आता-जातां नै उळभावे
भंवता भोळा नै भग्मावे
स्यांगी सब रे जी सरमावे
काया ताता दूध मी उफगवा लागी
वागां विच बेलड़ी पसरवा लागी

उडता पंछी गी मन डोले
भांकै मिठू छानै-प्रोले
कोयल बतलावे सुर तोले
वोली प्रीत भरी से बोले
भंवरां रा ई कानड़ा कतरवा लागी
वागां विच बेलड़ी पसरवा लागी

अलियां-गलियां घूमर घालै
 सैनां-सैनां में समझालै
 नैणां-नैणा सूं बतळालै
 गजबरा वेजां ईं वहकालै
 लाजां मरती आंगणी कुचरवा लागी
 चागां विच बेलड़ी पसरवा लागी

दौड़ दड़बड़ां

मन रा अवलख घोड़ तूँ दौड़ दड़बड़ां
 खुल्ला पड़िया खोड़ तूँ दौड़ दड़बड़ां
 दड़बड़ां दौड़ दड़बड़ां

पी लै पोखर पाळ मिलै जितौ ई पांणी
 तकसी कितरी ताळ अरे थोड़ी जिंदगांणी
 पुट्टां रै परवांण नाप लै नाप अलेखां
 पोड़ां-पोड़ उघाड़ धरा में गडी हेमांणी
 बंधी लगामां तोड़ तूँ दौड़ दड़बड़ां
 दड़बड़ां दौड़ दड़बड़ां

खुद री खाल तपाय के खुद रा खेत मिलैला
 जुध री भाव जताय के हेत समेत मिलैला
 नासां सांस हिरोळ जीत रा गीत उगीजै
 हांफळ न डफळीज के केई कुमेत मिलैला
 मच री होडाहोड़ तूँ दौड़ दड़बड़ां
 दड़बड़ां दौड़ दड़बड़ां

आखड़ जे मत भूल हाल ती मंजल प्राणी
 भरमा मे मत भूल साँव जग पाण तूँ जागा
 ऊँची भाखर-भोम पथ में खाड़ घणेर
 सूळ मिल के फूल जाव लग जात्रे भागा
 घेर-कूँडिया छोड़ तूँ दीड़ दड़वड़ा
 दड़वड़ा दीड़ दड़वड़ा

पायल री भणकार नाच रा होल मुगुंला
 मदभीणी मनवार मिलन रा कोल मुगुंला
 जे जासो तूँ जीत जगत री अखी बाजी
 घर घर वानरवाळ गीत रा बोल मुगुंला
 अब नै आगै जोड़ तूँ दीड़ दड़वड़ा
 दड़वड़ा दीड़ दड़वड़ा

वै जुग रा भूँभार मुरज रै साथ तपीज
 गजमोती गळ हार मान रा थान थपीज
 राखीजे करड़ाण समझजे सब नै निवळा
 सबळां री पहचाण मोत सूँ राभ रमीज
 मारग-मजलां मोड़ तूँ दीड़ दड़वड़ा
 दड़वड़ा दीड़ दड़वड़ा

::::

कळकत्ता री श्रेक नवी बस्ती । दोफारी करनै धणी-लुगाई बरसाळी में
कुरसियां माथै साव जोड़ै बैठा है । धणी री ऊमर ६५ अर लुगाई री ६० ।

धणी : आज मछली सिङ्चोड़ी ही ।

लुगाई : नीं सिङ्चोड़ी कोनीं, कंवळी ही ।

धणी : सिङ्चोड़ी ही, हाल खाटी डकारां आवै ।

लुगाई : हाजमो साबळ कोनीं, कागदी नीबू फेर बत्ता खाया करो ।

धणी : हाजमो खराब कोनीं, मछली खराब ही । अणूँती सिङ्चोड़ी मछली ।

लुगाई : नीं सिङ्चोड़ी कोनीं, गिलबिली ही । बजार में जद मछलियां ई नीं मिलै तद ताजी
री तो सवाल ई काई ?

धणी : क्यूं, मछलियां क्यूं नीं मिलै । म्हारै हाथी बागान री हाट में थूँ जाणै.....

लुगाई : रैवण दो थारा हाथी बागान नै । किण जलम री बात करो ?

धणी : (थोड़ी ताल दब नै) कित्ता दिन व्हिया कासुंदी नीं खाई ।

लुगाई : अरे, उण दिन तो खाई ही ।

धणी : वा तो दुकांन री ही । घरं वण्योड़ी कासुंदी री तो साव ई न्यारी । आजकाल घरां
में कासुंदी बणावण री धारी कम होवण लागी है ।

लुगाई : किण नै इत्ती मोकळ पड़ी ?

धणी : कित्ता दिन व्हिया कूम्हड़ा रै फूल री पकोड़यां नीं खाई ।

लुगाई : आ कोई श्रैड़ी ऊंची रसाळ तो है कोनीं ।

धणी : म्हारी मां गोळा री गिरी रळाय चिणां री दाळ में काई बगार देवती । हाल मूंडा
में साव है । अर थें सिरसूँ नै मई बांट श्रैड़ा नांभी भींगा उवाळती के बस.....।

लुगाई : थारै तो आखै दिन खाणा री इज बळी लाग्योड़ी रैवै । थें विन्दीगढ़ बाळा अणूता
ई बटोकड़ा व्हो ।

धणी : घर में रागपट वाला कुजरवा रीसट्ट रही ।

लुगाई : जे म्हे रीसट्ट बहेती तो धांगी गिरनी करे ई पनसार जायी ।

धणी : म्हारी मां नै लेग धूं बल्लं म्हने मोमो दिगो ।

लुगाई : कद रा देवलो क सिधाया, उग साह दोमा-मोमा भी कहें, पग वाली जीभ ई राम भर लांघी ही ।

धणी : पग गूंगी तो धूं ई नी ही ।

लुगाई : धारें जेड़ा जमगूंगा मांटी भको कोई लुगाई कीकर गूंगी रे मके ।

धणी : म्हे र्हाणी नालम ही जद हज नी गिरनी में लाग नी जागी । थारी राग पड़े जू मनमानी करती ।

लुगाई : म्हारी मनमानी ?

धणी : धूं म्हारा भाई नै घर नू तगट नी दिगो ।

लुगाई : म्हारे तगटचां उण रो तो भलो हज दिगो । मांझार काटी हो-नी भण्यो नी मुन्यो । लुगाई लेय बड़ा भाई रे परे टुकटा मोहसो भाज उगरे किनी मांटी बिगज है । दो-दो गाडियां चाले । म्हारे कारणी ई तो घे टाट दिगो ।

धणी : थारे कारणी ? गरव-गुमान रो तो की माठ ई खेती चाहिये । पगाल दिन खेपा विमल नीं आयो ?

लुगाई : उगने बेला ई कठे ? घग्गा ई अहंजरा में म्थोली है ।

धणी : छोटी ऊमर में ई विमल रे धोळा आयगा ।

लुगाई : ऊमर ई कोई छोटी कीनीं । पनाम रो तो खेला हज ।

धणी : पचास रो कठे पड़यो । काल-पिरनू रो टावर है ।

लुगाई : पचास में काई खांमी । पगो करो तो डककवन रो ई खे मके ।

धणी : हरगिज नीं । चाये तो देखीपून करने पूछने ।

लुगाई : म्हने काई पचायती पड़ी ?

[थोड़ी ताल चुणी]

धणी : घग्गा दिन दिहया नुनू रो कागद नीं आयो ।

लुगाई : अवार मंगल नै तो आयो ही ।

धणी : नीं, सोमवार नै ।

लुगाई : म्हने सावळ याद है, उग दिन मुगिता रो बेटी रा फेरा हा ।

धणी : म्हने ई याद है, म्हे उग दिन डेंटिस्ट रे उठे गियो ही ।

लुगाई : कागद लाय नै पाछो देख लो ।

धणी : आ माथा फोड़ी म्हारा मूं नीं खे ।.....नी उग वरम नुनू इयाद नी आवेता ?

लुगार्ड : वांरी मरजी । टबलू रै छव दांत आयाग है । बण्डी बाळी फोटू में कैड़ी फूठरी लागै ।
राम जाणै कद उणरी उणियारी देखूँला ।

धणी : बुलू नै सी-ठारी लागी दीसै ?

लुगार्ड : अवार नीं, मिनसोटा में आयां पछै सांतरी व्हेगी ।

धणी : थूँ भूलगी दीसै । इण वगत वै मिनेसोटा में नीं, वरजीनिया में है ।

लुगार्ड : फरवरी में तो मिनेसोटा ई हा । उठै ठारी गजब पड़ै ।

धणी : भयंकर ठारी पड़ै । हजार तां भीलां है । अणूती रूड़ी-रूपाळी नगर है । पण सी
आगै सेत खोळा व्हे ।

लुगार्ड : राम जाणै वै कद आवैला ।

धणी : वांरी मरजी व्हेला जद आवैला । अठै आयां हारीत अेक मोटी डाँदर व्हे सकै ।

लुगार्ड : थें विसरग्या । हारीत डाँदर नीं, बायलोजिस्ट है ।

धणी : हारीत अठा री अेम. बी. है ।

लुगार्ड : नीं, हारीत बायलोजिस्ट री काम करै । माइक्रोस्कोप संभालै । पांणी री छांट, दांत
री मैल, मींडका री रगत सै माइक्रोस्कोप सूँ परखै । हारीत वातरोग री अेक नांमी
सुई इजाद करी । बुलू सगळी वातां सुभट लिखी है । थें ती समचार ई सावळ
नीं वांचौ ।

धणी : वरजीनिया में ठारी कम पड़ै । बुलू मोटी व्हेगी है ।

लुगार्ड : फोटू में कैड़ी फवै । वा ई चौड़ी किनार री कांजीवरम पैरचोड़ी है । घणी तपास
करचां म्है नींठ उणन सोधी । मांग में सिन्दूर ई है । साख्यात् लिछमी ज्यूँ जचै ।
वां री रंगीन फोटू कित्ती नांमी है ?

धणी : रमला सिन्दूर नीं लगावै ।

लुगार्ड : मांग में थोड़ी सो दस्तूर करै ।

धणी : दीखी भलाई नीं दीखी, आजकाल लुगायां सिन्दूर नीं लगावै ।

लुगार्ड : हरबुल री तरक्की व्ही । बी असिस्टेंट सेक्रेटरी व्हेगी ।

धणी : थूँ वळै भूल करै । असिस्टेंट सेक्रेटरी ती बी पैला सूँईं ही । अब ती डिप्टी
सेक्रेटरी ब्हिया । इण पछै जाइण्ट सेक्रेटरी व्हेला । पछै सेक्रेटरी ।

लुगार्ड : रमला नै ठावकी नीकरी मिलगी । इकाँनोमिक्स पढ़ावै ।

धणी : इकाँनोमिक्स नीं, स्टेटिस्टिक्स । घणी दोरी हिसाब-किताब व्हे इणरी । ठा नीं,
लड़कियां रै भेजा में अै अबखी वातां कीकर बैठै ?

लुगार्ड : लुगायां रा वै दिन लदग्या । अैड़ी किसी काम जकौ वै नीं कर सकै ।

धणी : सिन्दूर नीं लगावै । पांन नीं चावै । रुमाल रै कसीदी काढ़ किणीं नै भेंट नीं करै ।
फुणा माथै ऊभ गीला गाभा तणी माथै नीं सुखावै । सिझ्या रा छात माथै ऊभ
सूखा गाभा नीं सांवटै ।

लुगार्ड : रैवण दो । द्वात है ई कठे ? सगळा पनेट ई पनेट है ।

धणी : उण दिन गुरेस री बेटी नै देखी । मलवार कमीज पेरघाड़ी हो ।

लुगार्ड : इण में कांई बेजा बात ?

धणी : साव डज खुटगी । विनोद री बेटी तो धोती पेरणी ई नी जांगी । हाक पेट छोड़ नै फुल पेट । अर पेट ई अँटी सांकड़ी के बैठता पाण फाट जाये ।

लुगार्ड : जैड़ी दुनियां री हवा । जैड़ी दुनियां री चलगत ।

धणी : पम्पा ई कांई मलवार कमीज पेरै ?

लुगार्ड : पेरै तो है । दिल्ली में रैवे जिण गुं । अर हाल टावर ई तो है ।

धणी : टावर जैड़ी कांई बात ।

लुगार्ड : फगत तेरें बरसां री तो है ही ।

धणी : चवदै बरसां री ।

लुगार्ड : तेरै उतरनं अवे चवदवों लागी ई है ।

धणी : बुलू नै तेरहवों उतरतां ईं साड़ी पिराय दी ही ।

लुगार्ड : जैड़ी वायरी चाले ।

धणी : थूं रमला नै लिख दे के

लुगार्ड : म्है क्यूं लिखूं ? वे ज्युं ठीक समझें, करें ।

धणी : नीं व्हे तो पम्पा सारू मोकळी भांत री साड़ियां भेज दे ।

लुगार्ड : तांत री साड़ियां पम्पा रै डील में खुबै, उण नै नायलोन री फोड़ है ।

धणी : म्हनै तो सुगतां ईं मूग आयै ।

लुगार्ड : थांरी पसंद जूंनी पड़गी ।

धणी : थांरी उण फिरोजी पोत माथै घोळा कसीदा री वा माड़ी ।

लुगार्ड : किण जलम री बात करो ?

धणी : आजकाले लड़कियां बिना किनार री साड़ी पेरै । बाळां में तेल नीं घानै । घणुकरो तो सिगरेटां पीवै । साव ऊंचो ब्लाउज ठसावै । लटका धोतियां पेरणी नीं जांगी । व्याव करथां पैली न्यारी मकान हेरै । अंगरेजी भाषा मुणै । कॉलेज रै दिनां ईं दारू पीवणी सीखै ।

लुगार्ड : हाबुल अर रमला दोनूं नित हमेस मिझ्या रा यार दोस्तां रै मागी दारू पीवै । दूजी तीजी बातों री तो ठीक, पण दारू.....!

धणी : दुनियां री हवा ।

लुगार्ड : घणा पीवण लागण तो विरथा खरचो बध जावैला ।

धणी : बांरी मरजी ।

लुगार्ड : नित हमेस किता ई तलाक व्हे । चित्रा धणी नै छिटकाय आयगी । अबै पृथ्वीस रै साथै रैवै । चार साल साथै रैय अबनीस अर माधवी उण दिन ई व्याव करची ।

धणी : काई बेजां वात व्ही ?

लुगार्ड : किणी नै कीं अलखावणी नीं लागै । राम जाणै लोगां रै काईं धवूकार ऊठची ?

धणी : थांरी निजर वोदी पड़गी । औ धणियां री उगणीस सी छप्पत है ।

लुगार्ड : गलत । उगणीस सी पैसठ चालै ।

[थोड़ी ताळ चुप्पी]

धणी : वै लोग वेगा आवैला काई ?

लुगार्ड : कुण ?

धणी : हावुल इत्याद ।

लुगार्ड : पूजा रै पैला हावुल नै छुट्टी नीं मिलै ।

धणी : वळै वा ई पूजा ?

लुगार्ड : पांच बरस सूं बैन अर वीरा री मिलणी नीं व्हियो । हावुल इत्याद हारीत नै देख्यो ई नीं । बुलू तकात अपां री औ मकान नीं जोयो । अकर सगळा साथै भेळा व्हेता । नीचली सगळी माळी वां रै सारू खाली छोड़ दूला । टवलू वगीचा में रमैला । उण सारू दो पिल्ला मोल लेवूला । अर पम्पा सारू तांनपुरी । आजकालै पम्पा ठुमरी सोखं । काईं मीठो गळो है उणरी ।

धणी : पैला वै आवैं तो खरी ।

[थोड़ी ताळ चुप्पी]

धणी : तपै करड़ौ ।

लुगार्ड : तपै कठै ? इत्ती ती हवा बाजै ।

धणी : वास में आज काठी सोपी मच्योड़ी ।

लुगार्ड : ट्राम नीं चालै जिए सूं ।

धणी : बसां री तांतो किसी कम है ?

लुगार्ड : कदै कदै ई हीरन खासा बाजै ।

धणी : विचाळै हवा ई खासी-भली चालै ।

लुगार्ड : हवा । फागण री हवा । म्हनै आ हवा सांतरी लागै ।

धणी : पांन भड़ै ।

लुगार्ड : म्हारै रायगंज में फागण रै महीनै पळास खिलता । नाडी ही । आम, जामून अर मदार रा रूख हा ।

जागती जोत

धणी : भड़भोड़ी पान हवा में उड़ै ।

लुगार्ड : म्हारै रायगंज में नांवी नहकी । बकुल रा फूल । कागज रो हवा ।

धणी : मित्रिदास रो याद है ? मज्जा बेपारां रो बेला ही । गुमगुम । मृगनाद । पाट बंगोरी
नाली रो टाडी पांगी । धूँ अर म्हेँ दोनूँ भीलण गाँव पांगी में उतरणा हा । धूँ
तरण लागी ही ।

लुगार्ड : ये संधाळी लुगायां कानी देगण लाग़ा, जकी नागी संधाड़ी करनी ही ।

धणी : अर धूँ ईं ती भीलती ही । पांगी मांय धूँ मझ्ळी भाँत ऊँची पाई । म्हेँ यन पांगी
रै मांय ई भपटनै दबोनी ।

लुगार्ड : तीन संधाळ छोरियां । लाज बायरी । येँ वानेँ घाँय्यां धूँ पोरण लाग़ा अर वानेँ
लाज दकण रो सुघ नीं ही । येँ हंगनी ही ।

धणी : अर धूँ ती घणी लज्जालू ही । गुवनी बेलां साडी अर समीज ।

लुगार्ड : येँ ती जवान रा ई जांधार ही । गरजणी देनी अर बरमणो थोड़ी

धणी : याद है हजारीबाग रो बी डाक बंगलो ? कित्तो गाढ़ो अघेरो हो ?

लुगार्ड : विजली नीं ही ।

धणी : अलेखूँ आगिया हा ।

लुगार्ड : अर पसवाड़ी फोरतां ईं साट चरमरावती ।

धणी : अचाणचक विरखा ओसरी । भीगी-भीगी ठारी ही ।

लुगार्ड : अपां कनै कांवळ ईं कठेँ ही ।

धणी : अपां आखी रात जागता रह्या ।

लुगार्ड : नी, दळती रात म्हेँन थोड़ी ऊँच आई ।

धणी : म्हेँ ऊठ नै चाय बणाई । पछै धनै जगाई । बार तावड़ी हो । कंवळो कंवळो घाम ।
सिएफिए मेह । हवा में यूकलिप्टिस रो मोरम ।

लुगार्ड : फालतू वात मत करो । येँ कदैई म्हारै वास्ते चाय नी बणाई ।

धणी : हजारी बाग में खुद म्हारै हायां चाय बणाय यनै जगाई ।

लुगार्ड : साव कूड़ी वात ।

धणी : म्हेँन आज ज्यूँ याद है ।

लुगार्ड : थानै ती की याद नीं रैवे ।

धणी : जण वात नै कदैई नीं भूल मकूँ ।

लुगार्ड : क्यूँ विरथा झूठ बोली । म्हेँ ईं ती फूस-फाँटी भेली कर चाय बणाय थानै पाई ।
रांची रै मारग जद टैवसी खोटवाळी ब्हेगी ही ।

धणी : म्हेँ हजारी बाग स्टोव माथै चाय बणाय पाई ।

लुगाई : साबळ याद करौ हजारीवाग में नीं, देवघर री धरमसाळ में ।

धणी : नीं, हजारीवाग में ।

लुगाई : नीं देवघर में ।

धणी : म्हें कैवूं, हजारीवाग में ।

लुगाई : म्हें कैवूं, देवघर में ।

[थोड़ी ताळ चुप्पी]

धणी : माखी ।

लुगाई : गिंवार माखी ।

धणी : गरमी पड़ै । माखियां बंधै ।

लुगाई : कोयल बोलै ।

धणी : धूळ उडै ।

लुगाई : पान भड़ै ।

धणी : म्हारै हाथीवागान में अक जंगळी सूवटी ही । वो बोलती—'बड़ी बहू रीस मत करा । बड़ी बहू रीस मत करो' बड़ी बहू री मतलब म्हारी मां सूं ही ।

लुगाई : हां तो थारी मां ई रीसदू ही, म्हें नीं ।

धणी : अर वळै बोलती 'भावज गौरी । गौरी भावज ।' आ बात म्हें सिखाई । भोजाई गौरी ही । नांव ई गौरी ही । भोजाई री याद है थानै ।

लुगाई : भलां याद कीकर नीं व्हें । म्हनै भुजवंद दियो ही । दस भर सोना री । जड़ाऊ । पण श्रीड़ी खास की गौरी ई नीं ही । पण हां, वारै कारण ई म्हें थारा घर में 'सांवळी' बाजती ।

धणी : भाभी रै केई रंगां रा लेटर पैड हा । असमानी, धोळा, पीला अर गुलाबी । मोटी चटाई री भांत मजबूत । अबै वैड़ा पैड देखण नै ई नीं मिलै । पेंट करचोड़ी चाय री सेट ह्यै । लीला पान । गुलाबी फून । अबै वैड़ा सेट कठैई नीं लाधै । भाभी रै पाखती अमलादास री चूड़ी ही । कनकदास री चूड़ी ही । कांई गाणा हा । आज-कालै कोई रवीन्द्र संगीत नीं गावै ।

लुगाई : रेडियो में नित आवै । थे सुणी ई कठै ?

धणी : पैला वाळी आणंद नीं । लोग ती अबै अंगरेजी गांणा सुणी । रवीन्द्र संगीत वारै मन नीं भावै । लोग अबै दूजा गांणा में रस लेवै । 'भिक भिक, झूम झूम सव-सव । सुगला ।

लुगाई : थे गांणा में नीं समझी । आजकालै रा सुर पैला विचै रूड़ा है । रवीन्द्र संगीत इक ढाळै चालै ।

जागती जोत

धणी : भलां रवीन्द्र संगीत री होइ छै ।

लुगाई : धीमी, ठाडी अर इक बाल ।

[थोड़ी ताळ चुप्पी]

धणी : जोग री बात के अचारणूक भाभी मुरम सिधार्ई । नियोनिगी । फगत नो दिनां री मांदगी । अब नियोनिया सूं कोई नीं मरे ।

लुगाई : टाइफाइड सूं ईं नीं । काळाजार सूं ईं नीं ।

धणी : अब देस में काळाजार है ईं कठै ?

लुगाई : मलेरिया ईं कोनीं ।

धणी : वलै ईं लोग मरे । अठी व्याध री निवती घर अठी मराध रा समंतार । उग दिन व्याध रा घर में जगाजग ब्हियोड़ी ही । हय-गय मच्योड़ी ही । गाजा-बाजा । पमवाइं मुरदा री सीढ़ी निसरी । धानै हाल ईं डर लागै । 'राम नांव मत' मुण्यां कइकी चढ़ै ।

लुगाई : पर अब डर कम बहैगो ।

धणी : याद है हाथीबागान में नित-हमेश रात रा 'राम नांव मत' री भणकार उठती । ये डर नै काठ ज्यूं बहे जाता । किती रातां म्हें रोमणी जलाय जागतां काटी, इग खातर के ये डरी नीं ।

लुगाई : कदै ईं नीं । ये म्हारी खातर कदै ईं नीं जाग्या ।

धणी : अबस जाग्यो । घणी घणी रातां जाग्यो ।

लुगाई : जे जाग्या ईं वही तो किए नै सुगावो । संग ईं जागै । नवादी बात काईं ?

धणी : म्हें तो यूं ईं प्रस्ताव बात करी, धानै मुणावण खातर नीं कल्यो ।

लुगाई : बिरथा डींग मारण री जहरत कोनीं । हाबुल जद छोटो हो, लगती केई रातां म्हे जागती बिताई । हाबुल रात रा रोवती घणी । मोला में लेय रमावती । माखर मारती । उर नै सी-सी करावती । किणीं दिन आंग्र खोल नै ईं देखो काईं ? टावरों रै भवै हाथ ईं हिलायो ।

धणी : म्हें हाबुल नै सीपी सूं दूध पावती । मुवाणती ।

लुगाई : तद म्हें बीमार ही ।

धणी : टावरणो बुलू अणूंती फूठरी ही घुंघराळा बाल । हाथां-पगां दीवा जगता । किती अचपल्ली ।

लुगाई : आ इज तो बात है । दुख पावण सारू म्हें । अर जद टावर मोटा ब्हिया तो पिडा लाड करता ।

धणी : टावरों री मोटी पंपाळ । रोवणो-रीकणी । आज ठारी, कालै धांसी । कदै ईं ताव तो कदै ईं कीं अड़चल । पोतड़ां री वास ।

लुगार्ड : दूजा मांचा माथे ईं ती सूय सकता हा ।

धणी : मांचा ती थें ईं न्यारा करघा । म्हें नीं ।

लुगार्ड : तद बुलू लांठी व्हेगी ही ।

धणी : बुलू अर हाबुल दोनूं मां रें जोडें सूय सकता हा । पाखती रा कमरा में सूय सकता हा । म्हें आ ईं ती बात सुभाई ही ।

लुगार्ड : थें क्यूं नीं सुभावता । मरदां री जात ईं अंडी व्हे । ऊमर ढळयां ईं मन नीं भरें ।

धणी : तद म्हें वूढी थोडी ईं व्हियी ही ।

लुगार्ड : मरद वळै कद वूढा व्हे । अर व्हियां ईं आप नै वूढा मानें कोनीं ।

धणी : इणमें वेजां बात काईं ? सावळ ईं ती है ।

लुगार्ड : हां, थारै वास्तै क्यूं नीं सावळ व्हे । नित-हमेस अक ईं कांम । सूग आवै ।

धणी : थें म्हारै सागै जाळ गूथ्यो ।

लुगार्ड : विरथा वकवास नीं करणी । मूंडा में आवै ज्यूं ईं बोली । कांम री वेळा ओजो ताकी ।

धणी : वंडी मौकी ईं कद मिळचो ?

लुगार्ड : मौकी नीं मिळचो ? जेव में कागद लाघो ही ।

धणी : किसी कागद ?

लुगार्ड : भूलग्या । जिण नै देख्यां विना मन आकळ-वाकळ व्हेती ।

धणी : थारो ईं ती साथण ही । धणी छोड दी ही ।

लुगार्ड : धणी धणी मया ही उण माथै । उणारी खातर दपतर री कांम छोड उण रै घरें जावता । दूर री ओळावो लेय उण रै साथै रातां काढता ।

धणी : थें सगळीं वातां जांणी ?

लुगार्ड : म्हें उणीं आंट माथै घर छोड नै जावती परी । पण हाबुल अर बुलू छोटा हा ।

धणी : म्हें तीन दिनां ताईं सपनी देख्यो के थें घर छोड दियो । पण साथ अक जणो वळै ही ।

लुगार्ड : साव निपगगी बात ।

धणी : थें दोनूं खूब सुरपुर करता । म्हें घर में आवती ती अकदम चुप्प । याद है ।

लुगार्ड : झूठी बात ।

धणी : याद है, आपां सगळा ईं पुरी गिया हा । रात ढळचां म्हारी नींद तूटी अर थें कमरा में नीं हा ।

लुगार्ड : थें कोई सपनी देख्यो व्हीला ?

धणी : खासी ताळ उपरांत थें पाछा आया । बारी रै पाखती ऊभा व्हियां । चांदणी रात ही । म्हें साव सुभट थानै ओळख लिया ।

लुगार्ड : गहूँ धूँटा दोसन दो । पर में धाड़ों गहूँ नी ई थारी नींद नी जागै ।

धणी : पण उण रात म्हने पाछी नींद नी आई ।

लुगार्ड : कदाम म्हारी साथण री ओळूँ आई व्हेया ।

[खासी ताल तांडीं चुर्प्पा]

धणी : कागली ।

लुगार्ड : गिवार कागली ।

धणी : रेलिंग माथें बँठी है ।

लुगार्ड : हुरस, उड़ जा ।

धणी : ली उडग्यो । काग अर डीढ़ री सायल पिछाण है थाने ।

लुगार्ड : डीढ़ काग बत्तो काळो व्हे । नांटी व्हे ।

धणी : थें डीढ़ काग कदै ई देख्यो ?

लुगार्ड : कुण नी देख्यो ?

धणी : कदास म्हें नी देख्यो । देख्यां ईं पिछाण नीं मकुं । योगेस नै पंछियां री मजद पिछाण है ।

लुगार्ड : योगेस कुण ?

धणी : म्हारी मित योगेस भद्र । थाने याद कोनी ? यागी मंडो, मातो । मरत । पंछियां री ओळख जबर ही । गांव-गांव खचुती पंछियां रा फोटू गांनती । किणु पछी रो आळी कैड़ी व्हे ? कुण कद ईंडा देवं । में बातां जागुती । बातां री याग रमियो ।

लुगार्ड : परितोस बाबू नै हूँख-चांटकां री अगुती कोट हो ।

धणी : योगेस री काईं व्हियो थाने ठा है ? तड़कै नींद सून ऊठ गुगळगांना रें बारण पड़्यो सो पाछो नीं ऊठ्यो । बस, पड़्यो मो पड़्यो ।

लुगार्ड : परितोस बाबू काईं केंसर सून मरया ?

धणी : केंसर कोजी बीमारी । अमाध ।

लुगार्ड : सन्यात रोग री ई कीं ओखद नीं ।

धणी : ग्राम्बोसिस सून भलां कुण वचें ?

लुगार्ड : माथा री रग फाट जावै ।

धणी : अणछक दिल री धड़कन बंद व्हे जावै ।

लुगार्ड : खून री उल्टी व्हे ।

धणी : अवार उण दिन सुकुमार मरग्यो ।

लुगार्ड : अर उण दिन म्हारा जीजाजी मरग्या ।

धणी : अण्डक सुण्यो के पाखल नीं रह्यो ।

लुगार्ड : म्हारी लावण्यदी रो ई सुरगवास वड़ेगी ।

धणी : अर अपारा हिमांसु बाबू । कित्ता साळस मिनख हा । भांभरक दी घड़ी रात थकां ऊठता । निरामिस भोजन । सादी रेवास । चाय तक नीं पीता । वै ई..... ।

लुगार्ड : कित्ता लोग मरग्या ।

धणी : हां घणा ई ।

[थोड़ी ताळ चुप्पी]

धणी : म्हारी भाभी हाल जीवती रै सकती ही ।

लुगार्ड : म्हारे छोटें मामा रो ऊमर ही काईं ही ?

धणी : जयंत नै तो हाल खासा जीवणी ही ।

लुगार्ड : मंजू नै ई अवार नीं मरणी ही ।

धणी : कीं याद नीं रैवै । माई याद करणी पड़ै । काकी नै मरचां कित्ता बरस बीतग्या । बीस बरस ।

लुगार्ड : बीस ? कम सूं कग पैंतीस बरस ।

धणी : पैंतीस ? नीं, नीं, पैंतीस तो नीं ब्हिया ब्हेला ।

लुगार्ड : कीकर नीं ब्हिया । हाबुल तद गोद में ही ।

धणी : पैंतीस बरस ! इत्ता दिन ! लाग के काल रो बात ब्हे ।

लुगार्ड : काल रो बात ! अपां रो व्याव ब्हियां नै चाळीस बरस ब्हेगा । आ बात ई तो काल रो लखावै । इत्ता दिन ! इत्ता दिन ! चाळीस बरस ?

धणी : चाळीस बरस ? कद ढळग्या ? अक अक छिए करतां चाळीस बरस ढळग्या । कीकर ढळचा ? थानै कीं याद है ?

लुगार्ड : क्यूं, याद क्यूं नीं है ?

धणी : कीकर तिसळचा अ चाळीस बरस ? म्हनै तो कीं याद नीं आवै ।

लुगार्ड : हाबुल, बुलू, जंवाई, बींदणी, दोहीती, दोहीती । गिरस्ती । अर आं मकान ।

धणी : फगत इत्ती बातां ईं ?

लुगार्ड : अर पछै आदमी रै पाखती दूजो ब्हे ई काईं ?

[खासी ताळ चुप्पी]

धणी : म्है तद टावर ही । अकर अमरदत्त रो अक्किटग देखी ही । वो अरजणा वण्यो ही । ओह !

लुगार्ड : म्हनै अकर स्कूल में रिसेटेसन प्राइज मिळची । प्राइज बासंती देवी दियो ही ।

जागती जोत

[४७]

सी. आर. दास री जोड़ायात । म्हारी स्कूल स्वदेसी हो । म्हें अेकर सी. आर. दास नै ई देख्या ।

धणी : किसन वाणी ही कुसुम कुमारी ! 'अरजण, तूं मोह-प्रीत में कळियोड़ी है । नोंदाळू है जाग-जाग ।' वाह काई गळी हो ? डील में रुंगतां री ठोट जाणें कांटा लभा दिह्या ।

लुगार्ड : रेसिटेसन 'मेघनाद-वध' सूं ही । 'सांम्ही जुद्ध में जूँभती जांधार घोर बाह मिधायी जमपुरी.....' धकै याद नों आवै ।

धणी : मतै याद नों आवें । याद करणी पढ़ै म्हें अेकर सरोजिनी नायट् री नायण सुण्यी ही ।

लुगार्ड : म्हें अेकर सोच्यो के स्वदेसी संग्राम में भाग लेवूं । जेळ जावूं ।

धणी : म्हें अेकर सोच्यो के पाळी तिब्वत जावूं ।

लुगार्ड : थें अर वळै तिब्वत ? चाय नों मिळयां तडकं आंग ई नों गुनै ।

धणी : थोड़ी तिब्वत री भासा ई सीखी ही । अरब भूलग्यो ।

लुगार्ड : याद नों रैवै ।

धणी : याद मतै नों रैवै । याद करणी पढ़ै । म्हें अेकर टेबुल-टेनिस री चेंम्पियन दिह्यो हो । म्हारी फोह इकवारां में छपी ही ।

लुगार्ड : अेकर म्हें अेक भ्रमण-वारता लिखी । जिण वगत पैलीवार जीमा रे सामे दारजिनिंग नी ही । वा भ्रमण-वारता मासिक वांसुरी में छपी ही ।

धणी : मोहन बागान जद पैली वार सीट्ट जीती, तद वो खेल म्हें निजगं देख्यो । स्कूल सूं छिपला खाय गियो । बुडती फाटग्यो । जूता गमग्या । परण घरे गुण ई अंट-फटकार नों बताई ।

लुगार्ड : अेकर म्हें रामानुज री सरकस देख्यो ही । उण सूं पैली कर्देई जीवतो बाप नों देख्यो हो । अर वै छोरियां जको वरत माथे सरणाट चालै, जाणें सुरग री परिगां द्यै । अवार पांखां फड़फड़ाय उड जावैला । सगळी रात वां छोरियां नै सपना में देगती रह्यी ।

धणी : थें स्टार में 'चिरकुमार सभा' देखी काई ?

लुगार्ड : वा तो व्याव रै पळै । थारै साथे ।

धणी : थानै याद है । दुरगादास 'वेलून' सवद री कँड़ी अजब उच्चार करघो ? 'वेलून देख्यो है वेलून' ? अर नीहार वाला री गांणी 'नीं नीं हां ओ नीं.....' ।

लुगार्ड : थें ई गांणी गावो काई ?

धणी : नीं, नीं, म्हें तो दूजी ई बात सोचतो । अर सिसिर भादुड़ी री 'भीता' । थें चित्ती ताळ ताई रोया हा ।

लुगार्ड : थें ई कम नीं रोया हा ।

धणी : 'सीता'.... 'सीता' जाणै वा चिराळी काळजी चीर नीसर जावैला । 'किण री....
किण री आ चिराळी ।'

लुगार्ड : थें अॅक्विटिंग करीला कांई ?

धणी : नीं, म्हें ती कीं दूजी ई बात सोचती । थान याद है बिन्दीगढ री वा बात ? उण रातें
कैड़ी विकराळ आंधी आई ही ? जड़ियां समेत रूख ढहग्या । छप्पर उडग्या । थें
कित्ता डरग्या हा ! सगळाई डरग्या हा । फगत म्हें अॅकली नीं डरथी । म्हनै लागती
ही के म्हें जाणै समूळा विरमाण्ड तांई पसरग्यी व्हूं । थानै उण आंधी री याद है ?

लुगार्ड : इण विवाळें बुलू नै ताव चढ़ग्यो ।

धणी : म्हनै वा आंधी अणूती सुहांणी लागी । जाणै घणकरी वारचां अॅकण सागें खुलगी
व्है । घणा घणा वारणा खुलग्या व्है ।

लुगार्ड : म्हें आखी रात बुलू नै खोळा में लियां वैठी ही । थें अॅकर ई उणनै खोळा में नीं ली ।

धणी : म्हें उण वेळा दूजा ई ध्यान में झुवोड़ी ही । कित्ती अनोखी अनुभूति ही वा ? अपां री
बचणा री ई म्हनै इचरज व्ह्यो ? थें म्हनै उण वेळा कीं दूजा ई निगै आया ।
जाणै ओळखूं ई नी ।

लुगार्ड : उण दिन बुलू नै माता निकळी ही । थें डाग्दर नै ई नीं बुलायी ।

धणी : थें वळें भूल करो । म्हें ई ती तड़कें केसव डाग्दर नै लायी ।

लुगार्ड : थें नीं लाया, सुबोध लायी ।

धणी : म्हें ई ती गियी ही ।

लुगार्ड : नीं, सुबोध गियी ही ।

धणी : म्हें ।

लुगार्ड : नीं, सुबोध ।

धणी : थानै सावळ याद है ?

लुगार्ड : थानै याद है के नीं ?

धणी : थानै कीं याद कोनीं ।

लुगार्ड : थानै ई कीं याद नीं रैवै ।

[खासी ताळ चुप्पी]

धणी : अबै दिन लांठा होवण लागा ।

लुगार्ड : लांठा ती व्हैला इज । फागण लाग्यो ।

धणी : वास में कित्ती सरणाटी है ?

लुगार्ड : स्कूल री बस आयगी ।

धणी : हरेन बाबू री बेटी बस सूं उतरी ।

जागती जोत

लुगाई : बस गो परी ।

धणी : हरेन बाबू री बेटी स्कूटर मोलायण बाळी है ।

लुगाई : नगेन बाबू री बेटी कनाडा जावे ।

धणी : वीरेन बाबू री बेटी अचकी ई पास नीं बिहयी ।

लुगाई : सुप्रभा रे वळे टावर बिहयी ।

धणी : सुप्रभा कुण ?

लुगाई : कुण काई, थारी भाणजी ।

धणी : सुप्रभा री सुसगे मांदी बतावे ।

लुगाई : वे तो कद मूं ई मांदा है । ब्लडप्रेसर है ।

धणी : म्हारो ब्लडप्रेसर नीं बध्वा । दिल रो दोरो ई नीं पड्यो । डाइगिटॉज ई नीं व्ही ।

आयें महीने अकर डाक्टर नें अवस बतावूं । म्है साय माजी मूरी हूं ।

लुगाई : बेटी जवाई अमरीका है । ये आयेंला । ओरगुं दिहो है । या ई आयेंला । दोहीता-दोहीती ई आयेंला । म्है वारें सारू कूकन्या मोलावूंला । दोहीती सारू तानपुरी । दोहीता रा व्याव में काई-काई गैला-गांठा देवला ? इण वाचत की सोच्यो ? म्है तो सोच्यां बंठी हूं ।

[थोड़ी ताळ चुणी]

धणी : चुप क्यूं व्ही ?

लुगाई : काई बोलू ?

धणी : मरजी आवें ज्यूं ।

लुगाई : थें थोड़ा आटा व्हे जावो ।

धणी : आखी रात सूती रंवूं । रात रा सुवण टाळ दूजी काम ई काई ?

लुगाई : थें मरद लोग ई जवरा व्ही ।

धणी : आजकालें तो सपना ई नीं देखूं । जे सपनां में भाभी दीग जावें । जे योगेस नें पंदियां सूं अणूती लगाव ही । भाभी नें गावली आछी लागती ।

लुगाई : सोचूं के अक गाय राख लूं ।

धणी : गाय क्यूं ?

लुगाई : टबलू आवेंला तो दूध पीवेंला ।

धणी : दूध तो मोल ई मिले ।

लुगाई : टावर बढिया दूध पीवै ।

धणी : गाय सूं सुगलाई दधे । माखी, माछर घर पोठा ।

लुगाई : म्है तो भेक गाय पाळूला ।

धणी : म्हारी राय कोनीं । सावल समभी तो मुरगी पाळी ।

लुगाई : मुरगी ? छिः दुनिया भर री तूमत । म्हारी सन्जी खाय जावंला ।

धणी : ईंडा मिळैला । मांस मिलैला ।

लुगाई : गाय राख्यां दूध मिळैला । बढिया दूध ।

धणी : गाय नीं, मुरगी ।

लुगाई : मुरगी, नीं गाय ।

[थोड़ी ताळ चुप्पी]

लुगाई : थाने काई भेरां आवे ?

धणी : नीं तो ।

लुगाई : सिगरेट सिलगाय ऊंघ मत जाजी । वळ कुडती वाळ न्हाकोला ।

धणी : सूती नीं, सोचती ही । थें कदैई कमरख खायो ?

लुगाई : घणा ई । म्हारे रायगंज वाळा घर में घणाई निपजता ।

धणी : कमरख री सोरम ई कैडी व्हे ? आजकाले मिले ई कोनीं ।

लुगाई : मिले तो हे पण कम । अर आवे भे चीजां खावें ई कुण हे ? भेक गाडी आवे ।

धणी : अपां कानीं ?

लुगाई : संतोस वावू रे वारणे ठवी । संतोस वावू री साळियां घूमण सारू आई ।

धणी : सिझ्या व्हेगी दीस ?

लुगाई : हाल जेज हे । दिन लांठा होवण ठूका ।

धणी : लांठा दिन । लांठी वेपार । सिझ्या अवार व्हेला । पछे रात । पछे परभात । दिन अर रात । रात अर दिन । पण अपां मरघा कोनीं ।

लुगाई : कैडा कावळ बोल काढी ।

[थोड़ी ताळ चुप्पी]

धणी : वास में कित्ती सरणाटी हे ?

लुगाई : भेडीं कीं खास सरणाटी कोनीं । बीच-बीच में बस चाले ।

धणी : कदैई कदैई टेक्सी ।

लुगाई : कदैई कदैई लोरी ।

धणी : बीच-बीच में हवा री सरराटी ।

लुगाई : पांती री ई खरराटी ।

जागती जोत



धणी : रुंखां री दरराटी ।
 लुगार्ड : रुंखां साथै चिड़ियां फुदकै ।
 धणी : चिड़ियां फुरर करती उड़ जावैला ।
 लुगार्ड : रुंखां साथै पांन फरफरावै ।
 धणी : सेवट पांन भड़ैला ।
 लुगार्ड : कागला कांव कांव करै ।
 धणी : कुत्ता भुसै ।
 लुगार्ड : बीच-बीच में पगां रा खरटका मुणीजै ।
 धणी : बीच-बीच में टेलीफोन री घंटी ।
 लुगार्ड : बीच-बीच में रेडियो रा गाणा ।
 धणी : अर बलै बीच-बीच में पूरी सरणाटी ।
 लुगार्ड : लागै के कठैई कीं कोनीं ।
 धणी : पगां री खुड़की ई नीं ;
 लुगार्ड : हवा ई नीं चालै दीसै ।
 धणी : हजारी बाग बाळा परभात री सोरम ई कोनीं ।
 लुगार्ड : हावलू अर बुलू रै डोल री बास ई कोनीं ।
 धणी : मिहिसास रै पांणी री महक ई कोनीं ।
 लुगार्ड : रायगंज रै पास री गंध ई कोनीं ।
 धणी : लागै के अपां कदै ई जीवता नीं रह्या ।
 लुगार्ड : अपां हाल ई जीवता हां ।

उत्थो : विजयदान देया

* * *

માણસ

પં. મહાયૈર પ્રસાદ જોસી

માણસ ! મિનખપણો મત છોડ
બડકાં રી કુલ્-નીત રીત રી

મરજાદા મત તોડ
માસણ ! મિનખપણો મત છોડ

વૈર-વિરોધ, કુવાંણ, બુરાઈ
ગરબ-ગુમાન ગાલ ગરમાઈ
બલત વિભૂતી દેલ પરાઈ

સૂં નાતો મત જોડ
માણસ ! મિનખપણો મત છોડ

પીર પરાઈ મીઠી બાણી
આહત હીણ અનાથ પિરાંણી
સીલ નઈ પરતીત પુરાંણી

સૂં મૂંડી મત મોડ
માણસ ! મિનખપણો મત છોડ

ઓછી નીત રીત અણચાઈ
પર નિંદરા બેવાત બડાઈ
થોથા થૂક બિલોણ લડાઈ

સૂં માથો મત ફોડ
માણસ ! મિનખપણો મત છોડ

૪૪

दो गीत

भागीरथ सिध भाग्य

सन्यासी

नैनां मांय रमायां गंगा, मन री पीड़ा कासी रे
किण जलमां री पाप, अकली भोगे श्री सन्यासी रे

सोवण वेळ्यां जागण करणी
जागण री रुत रोवै है
मिंदर री मूरत रं ओलै
सूरत किण री जोवै है

भजनां रं मिस दरद आपरी, और कठा तक गासो रे
किण जलमां री पाप अकली भोगे श्री सन्यासी रे

मीत गळी में दरसण सारु
रोज लगाया मेळा रे
हेत समंदर सीप भरोसं
संख करीज्या भेळा रे

प्रीत हिये में इसड़ी बोई, निपजी सत्यानासी रे
किण जलमां री पाप, अकली भोगे श्री सन्यासी रे

वै मनभावण वाळ बदळगा
उळभे लावं केसां में
रंग-विरंगी पोसाकां
रंग लीनो भगवा भेसां में

सांसां थोथा साज, गीत अब कद तक अलग्व जगासी रे
किण जलमां री पाप, अकली भोगे श्री सन्यासी रे

ਜਗ ਵਾਂਞੈ ਕਾਧਾ ਰਾ ਲੇਖਾ

ਮਨ ਰੀ ਵਾਤਾਂ ਕੁਧ ਜਾਂਯੋ

ਕਿਤਰਾ ਦਰਦ ਜੀਵ ਰਾ ਵੈਰੀ

ਬਸ ਭੋਗਣਿਯੀ ਪਹਚਾਂਯੋ

ਘਟ ਘਟ ਰੀ ਹੈ ਵਾਸੀ, ਪਯਾ ਖੁਦਰੀ ਮਨਸ੍ਯਾ ਵਨਵਾਸੀ ਰੇ

ਕਿਯਾ ਜਲਮਾਂ ਰੀ ਪਾਪ, ਐਕਲੀ ਭੋਗੈ ਐ ਸਨ੍ਯਾਸੀ ਰੇ

ਮੀਤ ਸਾਂਸਾਂ ਨੈ ਢਲਗੀ ਰੇ

ਮੀਤ ਉਡੀਕੈ ਬੈਠ ਭਰੋਖੈ

ਸਾਂਸ ਵਗੈ ਵਗਤਾਂ ਨੈ ਟੋਕੈ

ਰਾਤ-ਦਿਵਸ ਰੇ ਇਥੀਂ ਫਿਕਰ ਮੇਂ ਕਾਧਾ ਗਲਗੀ ਰੇ

ਮੀਤ ਸਾਂਸਾਂ ਨੈ ਢਲਗੀ ਰੇ

ਰਹੂੰ ਜਾਗਤੀ ਮਰਣੀ ਸੂਝੈ

ਨੀਂਦਾਂ ਮਾਂਹੀ ਸਪਨਾ ਧੂਯੈ

ਯੂੰ ਲਾਗੈ ਬਿਨ ਹਾਥ ਪਗਾਂ ਈ

ਮਿਨਖ ਜੰਮਾਰੋ ਰਾ ਮੇਂ ਜੂਝੈ

ਭੈਮ-ਵਿਰਢ ਰੀ ਜਡ ਮ੍ਹਾਰੀ ਰਗ-ਰਗ ਮੇਂ ਰਲਗੀ ਰੇ

ਮੀਤ ਸਾਂਸਾਂ ਨੈ ਢਲਗੀ ਰੇ

ਕਾਧਾ ਸੂੰ ਅਪਯੋਸ ਘਰੋਰੀ

ਪਯਾ ਜਦ ਸੂੰ ਈ ਰੀ ਪਗਫੇਰੀ

ਪੜਿਯੀ ਮ੍ਹਾਰੀ ਯਾਦਾਂ ਮਾਂਹੀ

ਆਸਾ ਵਦਯੈ ਰੋਜ ਬਸੇਰੀ

ਆਧੀ ਊਮਰ ਇਥੀਂ ਅਦਯ ਵਦਯੀ ਮੇਂ ਢਲਗੀ ਰੇ

ਮੀਤ ਸਾਂਸਾਂ ਨੈ ਢਲਗੀ ਰੇ

महारा दो नैरां रे सागे
अणसेधी उणियारी जागे
वात करूं तो बोलै कोनीं
नीं बतळावूं वातां लागे

आंसू री वरसात दरद री सेतो फळगी रे
मीत सांसां नै छळगी रे

भूंडी घोरज मन बिलमाणी
भोळी वातां चित उळभाणी
कितरा दिन तक ओर्न रंती
खुद सूं मुद री भेद छिपाणी

परवत जैड़ी आस वरफ री भांत विघळगी रे
मीत सांस नै छलगी रे

.....

म्हें कवी नीं

मिरचूमल माडांणी

आव फकीरा, आयौ मौकै सूं आज थूं
फेSSSR....! नीं आवै आदत सूं वाज थूं
कवी कह नै मत थूं मन्नै यूं गाळ दे
अेक घर तौ भाया डाकण ई टाळ दे
समभायौ है पैलाई केई वार यूं
पण थारै भेजा में नीं बैठे वात क्यूं ?
और कीं तौ व्हेय सकूं अर हूंई, भायला
पण कवी ! बिलकुल नीं—वैरा, चाय ला

कवी वणण रौ नसीब म्हें लायी नहीं
क्यूं के म्हें चारण रौ जायो नहीं
जे म्हें वाकैई चारण रौ बेटी होवती
तौ जल्लमतां ईं दूहै में रोवती
रूं-रूं में कविता रमियोड़ी रैवती
मूंडे सूं डिगळ रौ धारा वैवती
वंसानुक्रम अैड़ी जोर जतावती
पच्छै कोई कविता में सांमी आवती

नीं म्हें किणीं धाकड़ कवी रौ पूत हूं
नीं जिन्दा बेटा में वाप रौ भूत हूं
जे म्हें कवी रौ बेटी वण जग में जीवती
वाळपणै कविता रौ घासौ पीवती
बाप-कमाई माथै म्हें मौज उडावती
नित वा'वाही लूट'र म्हें घरें आवती
प्रतिभा में ईं कीं कस्सर नीं रैवती
'रूंख जेहड़ी टेटी'—आ दुनिया कैवती

पण म्हारा फादर वै बोदारांमजी
 नीं आवै वां नै कीं कविता रै नांम जी
 वां नै है सिर्फ कमाई करण सूं कांम जी
 सव्जी वेचं मंडी में सुद्वै-सांम जी
 ताकड़ली सूं इज वां री अणूंतो प्रेम है
 डंडी मारण री तो नित री नेम है
 हां, लतीफ रा वैत फगत कुछ याद है
 जांणै—कैड़ी व्हे अदरक री स्वाद—है

नीं हूं रंविणयी म्हें कोई गांव री
 नीं जांणै क्यूं रुठ्यो है म्हारी सांयरी
 गांवां में जलम्यो डा कविता जण सकै
 राजस्थांनी लेखक वै इज वण सकै
 म्हें तो सहर में जलम्यो अर मोटो विह्यो
 इण कारण इज करम आज भोटी विह्यो
 अक सहरिया नै राजस्थांनी नीं आ सकै
 भासा री पक्कड़ वी कीकर पा सकै

कोई सम्पादक रिस्तं में लागै कोय नीं
 कोई लेखक ई लारै-आगै होय नीं
 जे अँड़ी कोई घण-हेताळू म्हारै होवती
 तो म्हें ईं लम्बी तांण'र नेगम सोवती
 आंख मीच रचनावां वी सब छापती
 सहनसाह वणियी रैतो म्हें आप ती
 मायं व्हेती जे कोई लाम्बी हाथ ई
 ती फेर भाया वणती कीं वात ई

नीं जांणू लिटरेरी पोलिटिक्स म्हें
 कीकर व्हूं साहित्य-जगत में फिक्स म्हें
 जे थोड़ी-सीक म्हें आ जांणती
 भट सूं अक न्यारी तंवू तांणती

तीन-पांच करणिया ! करवी करै
 तीयै-पांचै सूं ई पण वै डरबी करै
 ऊंची राखण नै खुद री टांग नै
 रख देती कविता री टांगां भांग नै

दुख सब सूं मोटी तौ है इण बात री
 म्हैं मिरचूमल माडांणी हूं सिन्धी जात री
 राजस्यांनी म्हारी मायड़ भासा नहीं
 इण कारण सूं कोई आसा नहीं
 म्हैं तौ वां सगळां रै बिच में गैर हूं
 फळ-फूलांळो बिन पत्तां री कैर हूं
 सुणी है बातां थूं सगळी ध्यान सूं
 बोल फकीरा, पछछै कीकर म्हैं खुद नै कवी मान लूं !

परख

— आधुनिक राजस्थानी साहित्य : प्रेरणा-स्रोत और प्रवृत्तियाँ
ले० डॉ० किरण नाहटा .

प्रकाशक : चिन्मय प्रकाशन, चौड़ा रास्ता, जगपुर ७ मुम्बई ४० २५०

•

राजस्थानी भासा की बढ़ती मानता और विकास के साथ ही आज जम्हरी है के आधुनिक साहित्य माथे ढंग नूँ विवेचन रहे और मा दरसाई जान के आधुनिक राजस्थानी सहित माय सिरजण की क्रम बरोबर जारी है। डॉ० किरण नाहटा की ओ माय-प्रथम उक्त बात की पड़तर देवे। एण सोध-ग्रंथ में सन् १९०० के पद्य द्रव्योई राजस्थानी साहित्य माथे सांगोपांग ढंग नूँ विवेचन दिह्यो है। आ बात सांची है के अब ताई आधुनिक राजस्थानी साहित्य की जिकी पोथ्यां देखण में आई, ये फगत लेखक और पाठ्यां की सूचना भर देवे पण एण ग्रंथ में डॉ० नाहटा जठे 'विवेचनात्मक और समानोपनात्मक दृष्टि' नूँ साहित्य की मोन तोल करयो है, उठे विधावां की प्रवृत्ति की ई लेखी-जोगी सांगे राख्यो है।

एण ग्रंथ के पैले खंड में बां कारणां की उल्लेख दिह्यो है, जिण में आधुनिक राजस्थानी आपरी मध्यकालीन परिवेस नै छोड र अलखी रही। एण की ग्रेक कारण की परदेमा में रैयण आल्ले व्यापारी वर्ग की है, जिकी मराठी और बंगला भासा की स्थिति नै देखता भका मृदु रा मायड भासा की स्थिति नै मैमूस करी और दूजो कारण हो, की निदेशी विद्वानां की प्यार पुराणी राजस्थानी सहित सारु खिचणी। आगे चालर के दोनू स्थिति नुई साहित्य की रचना में आपरी बरोबर भूमिका निभाई। दूजे खंड में सित्तर बरसां की बां राजनीतिक, सामाजिक और आर्थिक स्थितियां की उल्लेख दिह्यो है, जिकी आधुनिक राजस्थानी साहित्य नै प्रभावित करण सारु जिम्मेदार है। तीजो और चौथो खंड गद्य और पद्य की मोटी-मोटी विभेसना में सांगी राखे। गद्य खंड में कहानी, नाटक, एकांकी निबंध, रेखाचित्र, मसमराण और गद्य-साहित्य जेड़ी विधावां की सामान्य प्रवृत्तियां माथे विचार दिह्यो है। पुराणी राजस्थानी गद्य की सूचना में आज के गद्य की स्थिति संतोसजनक नौ मानी जाये। उपन्यास, नाटक और कहानी की स्थिति आदर्शवाद और समाज सुधार दृष्टिकोण नूँ जुडयोड़ी है, पण चारना चार-पाँच बरसां में आ स्थिति जहर यथार्थवाद की तरफ मुड़ी है। राजस्थानी गद्य की स्थिति राजस्थानी के लिखारां वास्ती ग्रेक चुणोती वण्योड़ी है। आज ग्रेक ठोस गद्य की जस्त नूँ माय नौ करी जा सकै।

गद्य की तुलना में पद्य की जाया घणी लाम्बी है घणां-घणां पडावा के माथे। डॉ० किरण नाहटा प्रबन्ध काव्य नूँ लेखे र नुई कविता ताई राजस्थानी पद्य साहित्य की विविध विधावां की सांतरी विवेचन करयो है। कविता के माय लोक-जीवण और लोक साहित्य नूँ जुडयोड़ी प्रवृत्ति मुख्य रूप नूँ मुक्तक और गीतां के रूप में सांगी आई है। पद्य की मसला नूँ

मोटी विसेसता आ है के गद्य री तुलना में आधुनिक कविता आज री जिन्दगी सँ साव जुड़्योड़ी है अर आज री कवि आपरी इमांदारी सँ जुग-बोध अर आज री संवेदना नै प्रगट करे। कथ्य अर सिल्प री दृष्टि सँ राजस्थानी री नुवी कविता किणी भासा री तुलना में आपरी ठावी ठोड़ बर्णाय सकै है। डॉ० किरण नाहटा आपरै इण ग्रंथ में नुवी कविता बाबत उण रै केई मुद्दा माथै गंभीर दृष्टि सँ मूल्यांकन करचो है। सोध-ग्रंथ री आखरी खंड 'उपलब्धि अर मूल्यांकन' री है। इण खंड में राजस्थानी री मंद गति अर राजस्थानी भासा सँ जुड़्योड़ा दूजा प्रस्नां री खुलासी करचो है।

सोध ग्रंथ सँ आ लागै के राजस्थानी साहित में आलोचना जेड़ी विधा री जलम आज ताईं नीं व्हियो। म्हारै ख्याल सँ स्वतंत्र आलोचना बाबत ती आ बात कही जा सकै, पण आलोचना जेड़ी स्थिति पुस्तकां री भूमिका अर कीं काव्य-कृतियां री विवेचना रै मांय जरूर लखावै, इण री उल्लेख जरूर होवणी चायजै हो, लेखक आपरी अेक दृष्टिकोण ओ राख्यो है के इण ग्रंथ में अध्यन मौजूदा सोध-परम्परा सँ हट 'र व्हियो है। इण वास्तै खण्डां रै मांय उपसीसक नीं राख्या। बीयां सोध री अेक पूरी प्रक्रिया है अर उण पद्धति लारै मूल भाव ओ है के लेखक वैज्ञानिक ढंग सँ विसै साथै तटस्थ होय' र आपरा निस्कस राखै। 'विवेचनात्मक दृष्टि' वास्तै अध्यायां री व्यवस्थित अर वर्गीकरण होणां जरूरी है, ओ ई कारण है के डॉ० नाहटा रै सोध-प्रबंध रा अे खण्ड अंडा लाम्बा लेख सा लागै, जिएमें किणी विधा रै विकास-क्रम री अेक लेखी-जोखी प्रस्तुत करचो व्हे।

सन् १९०० रै पछै छप्पोड़ साहित नै आधार बणातां इण बात री ध्यान जरूर राख्यो है के सगळी रचनावां री उल्लेख व्हे अर सगळी विधावां री विकास-क्रम सांमी राख्यो जावै, पण अठै आ बात जरूर ध्यान राखणी हो के साहित री विधा री इतियास अर छप्पोड़ साहित माथै विवेचनात्मक दृष्टि सँ विचार करणी— दो अलग-अलग बातां हैं। 'विवेचनात्मक दृष्टि' रै मापदंडां माथै जरूरी नीं के अेर-गेर रचनावां नै ई सांमी राखी जावै पण विधा रै इतिहास सारु हरेक लेखक अर रचना री उल्लेख जरूरी है। म्हारै ख्याल सँ इण अंतर री निभाव डॉ० नाहटा आपरै ग्रंथ में नीं कर पाया है। आधुनिक साहित री लेखी-जोखी प्रस्तुत करतां थकां पत्र-पत्रिकावां री भूमिका किणी ढंग सँ नकारी नीं जावै। सोध-ग्रंथ में राजस्थानी पत्रिकावां री रीति-नीति री चर्चा करणी लाजमी हो।

बीयां पूरी सोध प्रबंध नीजू दृष्टि अर मैनत सँ लिख्यो ग्यो है। लारला सतर बरसां री सामग्री नै गतगुंअै सँ ढंग सँ पैलपोत इण सोध-ग्रंथ में डॉ० किरण नाहटा गंभीरता सँ लेनी है। निस्चै ई सोध-प्रबंध अेक अभाव री पूर्ती करै उठै आधुनिक साहित माथै न्यारा-न्यारा पखां सँ विचार करण वालै विद्वान लेखकां सारु अेक दरवाजी खोलै।

• डॉ. गोरधन सिंघ सेखावत



आ प रा का ग द

घणा मानीता भाई जोधा जी,

राजस्थानी भासा साहित संगम आप नें 'जागती जंत' रा सम्पादक बणाया, नुधी पीढ़ी रै वास्तु घणी हरख-कोट री बात है।

आप आ बात आछी तर मूँ जांणी ही के जद सूँ 'जागती जंत' रा अंक छप्पा है, म्हारी अंक ई रचना छपण सारु म्हें कदै ई कोनीं भिजाई। इय री कारण ओ रावी के 'कहाणी अंक', 'निबंध अंक' अर 'आलोचना' अंक जिका छप्पा है, वीं मूँ म्हारी राय अनामदा रह्यी। सम्पादका री सूचना भी कोनीं मिलती।

मोकळी विधावां नें लियोड़ा साधारण अंक छपै ती सगळा साहितकारां नें मोकी मिळै अर संयोग भी, म्हारी ओ हमेसा भरोसी रह्यो है। पंजीवार अकादमी री ओर मूँ आपरें संपादक बणनै री सूचना छप्योड़ी मिळी, आ अचंभ री बात ही। कम मूँ कम लिपता-पढ़ता लोगां ताई ती संगम नें पत्रिका रै बावत जाणकारी पूगावणी चाहिजै।

म्हें आगूँच आपनै बघाई देवूँ, इण भरोसै रै सामे के आपरें हाथां जागती जंत री संपादन आछी होसी।

—सिवराज छंगाली, बीकानेर

प्रिय तेजजी,

थारो कागद मिळियो। म्हनै इण बात री घणी मुसी है के थारें 'जागती जंत' रै सम्पादन री काम सूँपीज्यो। थे अंक बात री पास तवाल रायजो के अंक समे मार्य संपादित करनै प्रकाशित कराय दो। इण में काफी लगन नें फुरती री जरूरत है, जिकी केई बार थारें डील सूँ गायब हो-जाया करै। दूजी बात हर अंक री सामग्री बेलेसाट गंभीर नें फतवैवाजी सूँ दूर होवै। राजस्थानी री स्थिति हाल अंक दूजे मार्य छूळ उछाळण री के किणीं बाद विसेस री पल टोळण री नीं है। म्हनै उमेद है के थारें अनुभव पगियाण थे यां अंकां नें सारथक सरूप देवीला। आ ई सही मायने में सेवा हुंला। थे गीत भिजवाणै री लिखी, सो म्हारी हर सहयोग थारें साथै है। सगळां मूँ बसाया गिता म्हनै थारें खुद रै सिरजण बावत है, सो उण क्रम नें बणायो रायजो। कठेरें आ नीं हो जावै के असफल लेखक आलोचक बणण में सफलता री भ्रम पाळ लेवै। थो में अंक सफल कवी बणायै रा सांवठा कणूका है, इण समरथाई नें पोषणी जरूरी है, मम्मी बाहवाही री नतीजी थां सूँ छानो कोनीं। गम्परक बणायो रायजो।

—डॉ० नारायण सिध भाटी, जोधपुर

जोधा सा,

संपादन इए भांत कराईजी के गद्य में कीं अेकरूपता आवै अर नुवीं दिसा मिल्लै । विज्जी री लगातार कुचरणी करने कीं मौलिक गद्य रचनावां लिखवा सकी, ती अेक उपलब्धि व्हे ।

—डॉ० नरसिंघ राजपुरोहित, खांडप, जिला-वाड़मेर

भाई जोधाजी,

‘जागती जोत’ थें थामली, आ फूठरी बात है । थानें घणी बधाई । बधाई यूं भी के थें युवा ही अर आज रै लेखन री बात नै समझी हो ।

—विनोद सोमांगी ‘हंस’ अजमेर

जोधा जी,

बधाई स्वीकारो के आपनै ‘जागती जोत’ री लम्बी प्रतीक्षित (Deserved) संपादकत्व यूं मिल्यो जीयां मुरारजी नै Priminister ship । आप ती राजस्थांनी रै उग्रवादी खेम रै सिरमोर ही—आसा है के आपरै संपादकत्व में आ पत्रिका आपरै पुराणी रुढ़िवादी सिद्धलै स्वरूप नै त्याग कर सूरज री भांति नयी अर प्रेरणापरक प्रभात ल्याय’र ‘जागती जोत’ नाम नै सारथक करेगी ।

—अम्बू सरमा, कलकत्ता

प्रिय जोधा,

कागद मिल्यो । घणा दिनां पछै समचार मालुम हुआ । नन्द री नौकरी लागण सूं अर म्हनै लारला अप्रैल में हार्ट आटैक आवण सूं ‘हराबळ’ बंद करणी पड़्यो । अेक दो जणां सूं और चलावण री चेस्टा करी, पण जुगत बैठी कोनीं । इलाज करावण नै अर पाणी पळटी करण नै लारलै सितंबर अेक म्हीना तांणी अमरीका जा आयो । उठै भी डागदरां कह्यो के आराम करो । आराम मिल्लै कोनीं ।

सो जीवां जितरै भाग रा । अमरीकी जीवण माथै लेख लिख सकूँ । उठै म्है राजस्थांनी कविता माथै भासण दिया, वै पाछा मांड सकूँ । अेकाघी लांबी कविता मौत माथै लिख राखी हूं, जिकी भेज सकूँ । पण सगळी काम नैठाव सूं ई हो सकै ।

धीरै-धीरै अमरीका में बसण री मिसल बिठा रह्यो हूं । स्यात आगली गरमियां ताई पार पड़ जावै । सो राजस्थांनी रा लिखणा-पढ़णा नै सिलांम । अकादमी थानें ठीक टाळ्या । ई मिस कीं काम कर सकौला ।

—सत्य प्रकास जोशी, बंबोई

घणा हेताळू जोधाजी,

‘जागती जोत’ रै संपादन री काम अवै जावतां ठीक ठाणै पूगी लागे । इण तरै रा मौका हाथै लाग्यां ई म्हारै जेड़ा नुवां लिखारा कीं उम्मीद बांधे । काई छेटी जाय नै परदेसां वास करघी बेटी रा बापां, मिलण रा ई जांदा पड़्या ।

जागती जोत

कम सूँ कम कागद तो न्हानया करी कवितावां केई ठीक-ठीक लिखी है, कम खरसांण माथे चढ़यां पैली छयां री रूप नीं नियरता । खर गो काम मई अपार मोई छोहूँ । म्हने पुस्ता भरोसी है धारं माथे ।

—सन्ध प्रकाश देवळ, पंजाब

प्रिय भाई,

‘जागती जोत’ का सम्पादन कार्य राज. मा. पतादमी दे आपनी मोता है । खुशी हुई । निश्चय ही युवा हाथों में साहित्य का कल्याण होगा ।

पंजाबी कविताएं (नागरी में) हिन्दी अनुवाद सहित थोड़ा टिप्पणी भी आपने लिए तैयार कर रहा हैं, मासान्त में सामग्री आपके हाथों में होगी । नागरी नियन्त्रण व अनुवाद का दोहरा काम समय तो लेगा ही । आप मजकूर सामग्री का ध्यान ही करेंगे, यह तय है, वैसे ही रचनाएं जुटाऊंगा, कुछ जुटाया है ।

—कलनंद मानव, भटिंदा (पंजाब)

भाई जोधा,

सबसे पहले ‘जागती जोत’ के सम्पादकीय पद के लिए बधाई । आप मैथिली कविताओं के अनुवाद देना चाहते हैं, यह मेरे लिए बहुत ही आनन्ददायक संवाद है । मैं शीघ्र ही मैथिली की अच्छी कविताएं मूल व हिन्दी के शब्दानुवाद के साथ भिजाऊंगा । मेरी कविताएं आपको पसन्द आयी, यह मैं अपने बारे में एक कमप्लीमेंट समझता हूँ । धन्यवाद ।

—नविकेता, (मैथिल कवि) दिल्ली

भाई जोधाजी,

हेत भरिया रामां-सामां । बेल्लयां सूँ ई बाव री पत्ती पड़ियो के आपने अग्रेय मास सूँ ‘जागती जोत’ री सम्पादन करणी री काम सूँ प्यो मिली । आप जेहा जेहे दरजे रा विद्वानं सूँ ओ छापो दिन दूणी रात बीगणी उप्रति करसी खर गुयां निमाया न उत्साह व प्रेरणा मिलसी ।

—दीपनंद सुमार, भेड़वा मिरी

भाई तेजजी,

श्री समचार गुणर के आप आगला छ महीना वासी ‘जागती जोत’ रा सम्पादन तय हुआ, अपार खुशी हुई । कीं ती चोता प्रक देगण री उम्मीद बधी ।

—आत्माराम, जोधपुर

प्याराजी !

पोथी म्हारी हमी री घड़ी संग घोयी है । गुटवरी सूँ अल्लयो पावड़ियो मामम हूँ, कुण बूके ? जीहूँ जित पड़यो लिहूँ । दरजण पूरी पाण्डुलिपियां लिखी पड़ी है । छप्पाड़ी पोथ्यां री विगत भेजूं । पणखरी जूनी ब्येगी । भली समचार मिडियो के अग्रेय श्रक सूँ सम्पादन आपरी दिव्य दीठ-जोत होसी । बागद री पुरनियो जरूर घालजी ।

—नानूराम संस्कृती, काठू

राजस्थानी भाषा साहित्य संगम (अकादमी) बीकानेर

रा

प्रकाशन

नाम पुस्तक	विधा	लेखक	मूल्य
प्रेतात्मा री प्रीत	(कहाणी)	श्री दामोदर प्रसाद शर्मा	५-५०
रोहिडै रा फूल	(व्यंगात्मक निबंध)	डा. मनोहर शर्मा	५-७५
हांस्या हरि मिलै	(हास्य)	श्री नृसिंहराज पुरोहित	७-५०
जोग संजोग	(उपन्यास)	श्री यादवेन्द्र शर्मा 'चन्द्र'	७-२५
अटारवां	(रेखाचित्र)	डा. व्रजनारायण पुरोहित	५-७५
आदमी रो सींग	(कहाणी)	श्री करणीदान वाटहठ	६-००
एक बीनणी दो बीन	(उपन्यास)	श्री श्रीलाल नथमल जोशी	८-३०
राजस्थानी साहित्यकार			
परिचय कोस	(परिचय अंक)	सं. श्री रावत सारस्वत	७-७५
सोनल भींग	(लघु कथायें)	डॉ. मनोहर शर्मा	७-००
काळ भैरवी	(लघु उपन्यास)	श्री रामनिवास शर्मा	७-४०
हंस करै निगराणी	(काव्य संग्रह)	श्री सत्येन जोशी	७-५०
राजस्थान साहित्य री समीक्षा	(जा. जो)	सं. डा. मनोहर शर्मा	८-००
राजस्थानी कहाणी संग्रह	(जा. जो)	सं. रामेश्वरदयाल श्रीमाळी	८-५०
राजस्थानी निबन्ध माळा	(जा. जो)	सं. डा. मनोहर शर्मा	८-००
सरवर सूरज अर सिज्या		श्री प्रेमजी 'प्रेम'	प्रकाश्य

सम्पर्क—

राजस्थानी भाषा साहित्य संगम (अकादमी)

नागरी भंडार, बीकानेर ।

आगलै अंक बांचौ—

- ◉ नारायणसिंघ भाटी रा नवी दळत रा सीळा गीत
- ◉ नन्द भारद्वाज अर संभू मेहळू री टाळवीं कवितावां
- ◉ छुंद सू खुंद री वातां—गोरधनसिंघ सेखावत री लांदी कविता री पैली खेंप
- ◉ सांबर दइया री नवी कथा—गळी जिती गळी
- ◉ मैथिली री दस नवी कवितावां
- ◉ सोजती गेट सूं सिवसागर (आसांम) कल्याणसिंघ राजावत साने दूर—दिसावर री जात्रा
- ◉ अनागण रौ सुरग—सरतवावू री कथा
- ◉ अर हूजा सगळा स्थंभ

जागती जात

राजस्थानी संगम रौ मासिक

सम्पादक
तेज सिध जोधा

मई
१९७७



आपरा कागद

मानेता भाई तेजसिध सा,

'जागती जोत' उता दिनां फिर-फिर ने वृद्धा लोगां रें हाथां में रह्या, अब आप जेहा जवान जोध रें हाथ आई है। वृद्धा लोग नुंवा ने अपा रो रचनावां रो ताळमेळ बेकाय नें चालिया है।

म्हने आ संका तो नीं है के आप किणी रीत-भांत नुंवा-हुनां रो भेद करवाता। कारण आप किणी रो थोथी पटेलाई नें चोघर नें मदे ईत नीं घेजेही है। कारण वृद्धा हेरा रहे सकं है। तो नुवीं लीपां रहे सकं है। दोनू ई पीढ़ियां में जोगा-घजोगा रहे मकं है। इण्ण वास्ते नु वा-पुराणा रो हेळमेळ ईज हुये तो आछो मार्ग।

श्रीभाग सिध मेघावत
चोतासनी, जोगपुर

भाई जोधाजी,

'जागती जोत' रो मासिक होवणी अर साथं आपरो सम्पादन दोनू ई राजस्थानी मासिक मुभ। आप म्हारी बघाई तो रवीकारो।

करणीशन बारहठ
शुभानु

प्रिय तेजसिधजी,

'जागती जोत' मासिक रो अप्रैल अंक बांन'र नित प्रसन्न हुयो। म्हारी हासिक बघाई।

मनोहर सरमा
बीकानेर

जोधजी,

आपरे हाथां में 'जागती जोत' जगमगा'र दीपेली, अईही आसा है। 'जागती जोत' नियमित रैवली के अर्थ ई बुझणे रो दर है? राजस्थानी भासा रो अंक ईज पत्रिका है अर वा ई राजनीती रें कादा में कळियोही। अंक अंक हणें चार गायब, चार हरे, आठ गायब। लेखकां रो रचनावां ई गळती फिरें, न मंजूरी रो राबर, न ना मंजूरी रो भुवना। इण्णे नियमित करणें रो मोड़ आपरे ई मार्थ बंधसी इणी आसा रें साथें।

सुरेन्द्र अंचल
भीम, उदयपुर

प्रिय भाई जोधाजी,

'जागती जोत' का अप्रैल, १९७७ का मासिक अंक प्राप्त हुआ। सचमुच अंक की सामग्री और ले आऊट आदि देखकर वही प्रसन्नता हुई। इस भव्य प्रयास के लिए मैं व्यक्तिगतः आपको साधुवाद देता हूँ।

डा. राजेन्द्र शर्मा
निदेशक राजस्थान माहिल्य अकादमी
उदयपुर

जागती जोत

राजस्थांनी संगम रौ मासिक

मई १९७७

संपादक

तेज सिध जोधा

वरस : ५

अंक : ३

वरस रौ मोल : १२ रिपिया

इण अंक रौ मोल : सवा रिपियो

रियायती मोल : ८ रिपिया

प्रकासक

राजस्थांनी भासा साहित संगम (अकादमी)

बीकानेर [राजस्थान]

इण अंक रा लिखारा

सत्य प्रकाश जोशी : राजस्थानी रा ह्यांतीणां कवी । 'हरावळ' रा सम्पादक । 'दीवा फांपे क्यू', 'राघा', 'बोल भारमली' इत्याद कविता री पोथ्यां छप्पोडी । बम्बोइ री श्रेक कॉलेज में हिन्दी पढ़ाव ।

नारायण सिध भाटी : सिर कवी । 'परंपरा' सोध-छाप रा सम्पादक । राजस्थानी सोध संस्थान चीपासनी रा निदेशक । 'सांभ', 'श्रोळू', : 'दुर्गादास', 'परमवीर', 'जीवण धन', 'कळप' अर 'मीरां' इत्याद कविता री पोथ्यां छप्पोडी । फुटकर कवितावां अर गीतां री दो पोथ्यां छपण न लंगटंग त्यार । आपरी मेघदूत री अनुवाद ई नामी अनुवादों में जाणीज ।

नन्द भारद्वाज : नवा कवी । 'प्रचार-पत्र' नांव री पोथी छप्पोडी । कीं दिनां तेजसिध जोधा सांग भाठा भांग्या ती कीं दिनां 'हरावळ' री काम सांभ्यी । पक्का भावसंवादी । आजकाल आकासवाणी जोधपुर में 'प्रोग्राम श्रीजी-क्यूटिव' ।

संभू मेहडू : बोरुंदै रा वासी । 'दुविधा' फिल्म रा कलाकार । कीं टेलीविजन फिल्मां में ई काम कीधी । वीयां करसण री काम करै । कदै-कदास कवितावां ई लिगै ।

सांवर दइया : नवा कथाकारों में नामी । 'असवाड़े-पसवाड़े' नांव मू श्रेक वात-पोथी छपी, जिणनै राजस्थानी संगम अर बंबोई

री प्रिजुपेंट श्रीमोमिंगमन री मान्नीमी इनाम हाथ आयो । दइया बीकानेर रा वासी ।

सरतनन्ध सट्टोपाध्याय : मरगवामी सरत बाबू बंगाली रा जगन्नाथ कथाकार । समळी भासायां में आप रा सांधटा पाठक ।

गोरधन सिध सेनायत : नवी कविता रा आगीवाण कवी । 'राजस्थानी श्रेक' रा पाच कवितां में मू । सांधी कविता मुद मू मुद री बातां आप तीन-चार बरसां पैवी रवी जिकी इण श्रेक मू गारावाली ।

पारस अरोड़ा : 'मुनती गाठा' उपन्यास री गांठां पैवी कलकत्ता री शिमीं छाने अर परी 'हरावळ' में मुनु-मुनु रही, पण मुनी नी । इण बिनाळ पारस इण उपन्यास में नवी सिर मू पासी निगियो अर अब इण उपन्यास री श्रेक श्रेक गांठ प्यार-पांच बरसां में मोन देवण री मन, इण द्वापै री सम्पादक री पूरी । पारस जोधपुर विश्वविद्यालय री प्रेम में काम करै ।

कल्याण सिध राजायत : मंच रा नावा ठावा कवी । मय लिगारा ई कम नी । इण अरक वांशी आसाम-जाता ।

नरसिध राजपुरोहित : नामी कथाकार । सांडप, जिता बाइमेर में अध्यापक । राज्य सरकार मू टाळका अध्यापक होवण री इनाम पावोडा ।

वि ग त

कवी री यात अर तीन कवितायां	सत्य प्रकाश जोशी	४
सौळा गीत	नारायण सिंघ भाटी	६
दो कवितायां	नन्द भारद्वाज	१४
थूं वणिचों कठें समद	संभू मेहडू	१६
गळी जिसी गळी	सांवट दइया	२२
अभागण रों सुरग	सरतचन्द्र चट्टीपाध्याय	३४
खुद सू खुद री वातां	गोरधन सिंघ सेखावत	४३
खुलती गांठां	पारस अरोड़ा	५२
सोजतीगेट सू सिवसागर	कल्याण सिंघ राजावत	६२

स्थंभ

परख

६६

आपरा कागद

● पूठें रों फोटोग्राफ : जगदीस प्रजापत

कवी री यात
दो घोड़ां री सवारी
सत्य प्रकाश जोसी

मैं और म्हाँरें घोळूँ-बोळूँ रा सगळा साहितकार जद निमण री कवी केवळी सीख्यो, उण वगत हिन्दी गुद गुदाळयां चालती ही। म्हाँने पोयाळां में पडावण आळा मास्टर यू. पी. सूं घायता, जिकां नै म्हे परदेसी चालता। म्हाँने पढण मै हिन्दी री पोया मिलती। राजिया और चकरिया रा मोरठा कदीई हाथ में घा जावता तो देगतां-देगतां कंठां हो जावता। फाग, भजन और घरां में मानवहनां रा गीत म्हाँने अणुअणु समज में घा जावता। ना म्हे होमचक करता, और ना म्हे भार घायता, ना नुग्या बगता, तो ई राजस्थांनी री कैदी ई कविता व्ही, म्हाँरें अंगां उतर जावती।

पढण रा इण पगोघियां सूं ऊपर चढतां ई म्हाँने अंगरेजी सूं सावकी पढ्यो और ग्यांन रा नवा करोखा मुलण लागा। अंगरेजी ई क्यूँ, बंगाली और भांगन री दूजी प्रांतीय भासावां रा हिन्दी अनुवाद ई, हिन्दी साहित रै पामंग में घणा सेठा लागण लागा। जिका लोग संस्कृत और प्राकृत री अध्यन करण लागा व ई कमोबिस इणो नतीजें साथे पूगा।

पाठक री हैसियत सूं बघ'न जद म्हे लिखण रै धरातळ साथे आया, तो म्हाँरें सांभो दो विकल्प हा—हिन्दी में लिखणी के राजस्थांनी में। हिन्दी री बकायदा सिधना और च्याहमेर हिन्दी री मंच, पोथ्यां और पत्रिकावां री वातावरण चीस-तीस बरसां ऐली रै हरेक राजस्थांनी नै हिन्दी कानीं तेडियो। हिन्दी री मोह-भंग घणा दिन पढे दिव्यो। कवियां सारु मच साथे हिन्दी, पोथियां रै रूप में इसकून, कालेज और लाइब्रेरी में हिन्दी और साहित रा हमसाथ्यां बिचै हिन्दी ई हिन्दी री वातावरण हो।

वातावरण रा इण घेगव सूं जिना लोग हिन्दी में लिखण लागा, उणां मांय सूं कीं जणां हिन्दी में ई नांव कमावण लागा और कीं लिखण रा धरातळ साथे साव असफळ व्हेगा। असफळ लेखक राजस्थांनी में साथे री साथे निमणो चानू कर दिव्यो।

हिन्दी रै 'मंच' माथे राजस्थानी री कवितावां आदर पावण लागी अर इण सफलता रै पाण हिन्दी में सफलता पायोड़ा लेखक अर कवी ई राजस्थानी कानीं मुडण लागी ।

वातावरण रै इण दवाव री बात अळगी राख'र जे म्है रचना-स्तर माथे सोच' ती म्हनै लखावे के हिन्दी में अेक बात कैवण में म्हनै जित्ता सवद खरचणा पड़े, उण सूं काफी कम सवद राजस्थानी में काम लियां ई पूरी बात कथीज सकै । अभिव्यजना री आ सैळाई राजस्थानी सिवाय दूजी कोई भासा में म्है कोनीं अनुभव कर सकूं । राजस्थान रै जन-जीवन सूं जुड़ण री ई सबळ माध्यम राजस्थानी भासा ही व्हे सकै । आज जद राजस्थानी री मूवमेंट आपरै पगां ऊभी व्हेगी है अर इणमें वै सगळी सुविधावां सचीज सकै, जिकी हिन्दी में सचीज्योड़ी है ती राजस्थानी रै अलावा दूजी भासा में लिखण री कलपना ई कोनीं करी जा सकै । हिन्दी में माच्योड़ी आपाधापी अर खेमां सूं वच'र आपरी सिरजण वचायी राखण सारू ई आ जरूरी है के आपरै हलकें में राजस्थानी में लिखणियो लेखक आपरै वातावरण अर सिरजण रै बीच री अेकता बणाई राखै । आज राजस्थानी में फगत लिखण री जरूत ई जरूत निर्ग आवे—खेमां में वंटण री सवाल केई बरसां पछं ऊठेला ।

अठे म्है वां लेखकां री हालत माथे विचार करूं जिका इतिहास रै इण दवाव सूं छुट्योड़ा है । पढ़ाई-लिखाई ती वां री ई हाल हिन्दी के अंगरेजी में व्हे, पण राजस्थानी में लिखण री ई आंगणी वां रै सांमी खुन्ली पड़्यो है । आज राजस्थानी जाणण वाळी लेखक राजस्थानी में लिख'र ई मांयली संतोस कमाय सकै अर हिन्दी में लिख'र ई आपरी मांयली मनो-भोम नै संतोस पुगाय सकै । इण आधार माथे उणरी दोनू ई घोड़ां माथे सवारी सावळ है । पण लेखक आ ई सोच' के उणरी दायरी हिन्दी में लिखण रै कारण घणी कांकड़ दाव सकै है, उठै उणनै आपरै समाज सूं जुड़ण री थोड़ी चिंता करण री जरूत है । ज्यूं अंगरेजी में लिखण सूं आखा संसार सूं जुड़ण री कलपना करण वाला लेखक अंगरेजी साहित में कठैई कोनीं पूग सक्या अर सेमट वां नै आपरी भासावां पिल्लौ पाछी भेलणी पड़्यो, उणीं भांत हिन्दी में लिखियां ई उठी रा वाद-विवाद, गुट-खेमां सूं कळीज आं लिखारां नै ई सेवट आपरी भासा री धरती सोघणी पड़ैला । आ धरती रचना रै लेवल माथे ती है ई, आपरै जन-जीवण सूं जुड़ण री धरती ई आ ई है । आपरी प्रांतीय भासा में लिख'र लेखक आखै संसार में ख्यात हासिल कर सकै है, पण पराई भासा में लिख'र वो ई लेखक आपरै गांव नै ई अगेज सकै, इण में म्हनै पूरी सक है ।

राजस्थान रै हर विचारवांन नै अेक बगत इण नतीजै माथे पूग्यां ईं सरैला । इण समझ रै पाण ई उण रै रचना-ससार री ई पूरी बिगसाव व्हे सकैला । आ दो घोड़ां री सवारी री खतरा अेक घोड़ां माथे बैठ्यां ईं टळ सकै अर राजस्थान रै लेखक सारू आ घोड़ी राजस्थानी भासा ई व्हे सकै ।

★ ★ ★

मि. नाथ

ला म्हारी मुखड़ी दे थोड़ी वारं जाऊं
 अंगरेजी रा सबद घाल दे कीं बटवा में
 आजकाल घर में ती श्री उपड़े ई कोनी
 च्याहूँ कांनो बड़लें-बड़लें मोर दहूकें
 कुरळावे सरवर रं ईरां-तीरां कुरजां
 कोयल रस घोळी लुक्कियोड़ी अमराई में
 अंगरेजी रा सबद घाल दे कीं बटवा में
 भासा सांच छिपावण वाळी
 मन रा भेद लुकावण वाळी
 मारग में मूरख मिलग्या तो
 म्हें वेंमे अग्यांन उगाऊं
 ला म्हारी मुखड़ी दे थोड़ी वारं जाऊं
 हंसी पड़ी व्हे धुपियोड़ी तो जेवां भर दे
 नीठ टावरां रं हाथां सून गोस धरी ऊँची आळा में
 घर में नीं व्हेला ती ई सर जावैला
 वारं पग-पग भरणां नदियां री कळकळ में
 संचियोड़ी आ हंसी कांम म्हारं आवैला
 हंसी लाग छळ छंद छिपावै
 मिनखां में माजनी वचावै
 धोळी धोळी दूध मिळी तो
 म्हें उणमें श्री जेर मिलाऊं
 ला म्हारी मुखड़ी दे थोड़ी वारं जाऊं
 ठाकुरजी वाळा नेतर ला अणचळ म्हारा
 लारं आगें नहीं, फगत म्हें आज देख लूं
 वारं घणी तावड़ी जगमग चन्नाणी है
 भांत-भांत रं रंगां रा दे नेण म्हने वारं जाणी है

हाथ-पगां पांसळियां री हाडकियां माथै
चिपियोड़ी चमड़ी तिड़कैला जगां-जगां सूं
इण में थोड़ी घास-फूस अर पाली भर दे
ब्रख खांधा, केहर कटि, लांवा भुज दो कर दे
म्हनै मिनख री भरम बणा म्हेँ वारै जाऊं
ला म्हारो मुखड़ी दे थोड़ी वारै जाऊं

★ ★ ★

ओलूं री कामणा

•

हाल याद है बालसमद री जूनी पुळियो
कादा में कुरळाती कोई कायर कुरजां
पचरंगी रेसमी लैरियो
थारी केसरवरणी टांगां

जाणूं हूं अ चीजां भूठी
तो ई दोपारां सूनी गळियां में
जाम हुयोड़ा मोटर रा बजता हॉरन ज्यूं
थारै डूबण री देखी तो भूठ धारणा
म्हारो पिंडी छोडै कोनी

अब तो वी जूनी पुळियो ई कोनी दीस
कोनी रह्यो फड़कती पचरंगी रेसमी लैरियो
फगत कठै ई कुरळावै है कायर कुरजां
फगत कठै ई जीव केसरवरणी टांगां

★ ★ ★

मरद-लुगाई

•

हरी घास रा उरा खूणा में
वाथां वंधिया मरद-लुगाई
नैरा-नैरा में नैरा ढाळता
भूल जीवता जूरा पराई
ज्यूं ऊभा हा

सोचूं हूं वै भावें जोग मित्या हा
अवें विछड़ग्या व्हेला
छानै-ओलै प्रीत करी ही
कांकण-डोरै वंधग्या व्हेला
के दोनां रा पूत आंगणी रमता व्हेला
कुण जांणै अव तांईं दोनूं मरग्या व्हेला
परा जद ई आऊं इण बाग फिरण नै
अै कणेर रा फूल्या-फूल्या फूल न दोसे
हरसिगार री अै भड़ती कळियां यम जावै
हरियाळी मर जावै सगळी

जीवें फगत वात में वै ई
हरी घास रा उरा खूणा में
वाथां वंधिया मरद-लुगाई
नैरा-नैरा में नैरा ढाळता
भूल जीवता जूरा पराई ।

* * *

सीला गीत

बरसां रा डीगोड़ा डूंगर लांधियां

नारायणसिंघ भाटी

१

सुंदर थानै भूल्यां
कीकर पार पड़े हो

श्री जीवण घमसांण जुंझाऊ
पग-पग पिसण अड़े हो
जिए कर जुलफ संवारी थारी
छण कर पेच पड़े हो

जागती जोत/६०

२

आज नीं सिवीज्यो थारी अंबली ओळूं रो भार
वा अतीत लता पड़ी पिछोकरुं
छाने सी चढ़ आई छात
वरसां पैली रो सपणो सपीठी
निकळी जीं सूं कर छिनगारी घात
देखूं तो अटकी पड़ी है कोरी कांचळी
जाणें घड़ी पुळां रो ही बात

३

थारी तो थोड़ी तो हिलकणी
नै नागरवेल रो पसरणी
घड़ी-घड़ी आवै म्हाने याद
गुल कंवळाई रो आगूंच रळी में
म्हारै नेणां रै बासंग बढ
करी जठे आसूदी अळेटणी

४

म्हारो तो थोड़ी तो देखणी
नै थारी होळै सै मुळकणी
ओसरतै आडंग रो अंगड़ाई में
फूंपळियै विरछां-तळ सिवीज बीज
अजे उण वूठोड़े रो सीधी आवै सांस
वरसां रा डीगोड़ा झूंगर लांघियां

५

कांठळ रा कामेती किसी कसूंची ले आया
बिन बादळ म्हे नाच्या मोर ज्यूं
थे मोरणी वण आया
म्हारै नेणां नेह भरघो

ये चुग-चुग मन बिलमाया
हीगा डागळा मिळै न पाछा
वै कळाव मन भाया

६

थारै नींदाळू नैणां री नेत्र
म्हारै कोयां री जोगण जोतडी
विन वैणां रंणां री उडीक
काजळिया पथरणां में उठ-उठ ओजकै
बिलखी पिणघट पोळोडै परभात
उमावां रा ठाला घट ऊंचायां नीसरै

७

म्हे कद कह्यो थे आवी सादै नैण
इण भोड़ळ भुरकी रैण में
ओळमै रा ओसर तो है मोकळा
जद लग किरत्यां कपोल
सनमुख टंगी है चंदै री आरसी
खुली है जरी तारां मितारां री हाट
किरण सिळायं डूबी है काजळ डूंगरां

८

म्हारी तो बैठणी नै थारी ऊठणी
काई ऊठ-बैठ री रात
सिरज्यो ज्यानें ही सुहावणी
चांद भुरै नै किरत्यां भळभळ्यात
थे सौत नींद नै भली पटाई
पण पटणी नीं परभात

९

हमें अबोली नीं सुहावै ओ सुन्दर
काई है मन में विरोळ

दिन बोल्यां थे बोल घणार्ई
 म्हां पर दीन्हा ढोल
 अगाजी जिती हो उकेरणी
 आ भिम-भिम भरणी ओस

१०

आज तो सूरज री उगाळी इसी
 पीळें पोमचें पै कुगियो हे मोतीनूर
 हंसा हाली थांरी रातां री रुढी उतार
 देखी तो चढी हे कुळ री पाज पर
 घोरै सै पग दे निरली नीं गुजांण
 नुंवें कांवळ री खिलणी रतन-तळाइयां

११

हां रे इण अंबवा री टाळ पर
 कोई दिन लागी ही केरियां
 भूली रे भुलायो भिलती ठमरां
 चाख्यो सो ही चाख्यो उण पळ री मिठास
 म्हांनै तो उण घूँघटियै री महक मंजरी याद
 निजरां री भुरणी री जिण सूं मुर-भुर भूरणी

१२

आज जिसी ना दीठी वरसां में थांरी मुळक
 जूनी कविता में नुंवें अरय री भांकणी
 अेकर तो इण मुळक सागै दो निजर मिळाय
 ज्यूं ऊंडै अरथ नै कोई उपमा सूं अरधावणी
 पल-छिण पलटै थांरै अंगां रा उमाव
 रस रै रूपक में राची व्यंजना री पसरणी

१३

आज इण उळटियै असमान री
 आङ्ग आई आंखडी में

तणीजी है लाल मांभै री डोर
 पलक पतंग री खमीरी खिवण में
 घण री घणक छिव री
 उलट-पुलट नै ओपणी

१४

चमक चमेली ओढ़ ओढ़णी
 कोई किरण किरणियो तांग
 चाली है चंदावदनी चानणी
 सायर सेजां री हियै है हिलोर
 इण रजत पीघळी उतावळ में
 जुगनु जोवणी कटाछां री लुकमींचणी

१५

जे होती नीं धांरी औ रूप सरूप
 सैणां रै नैणां में सुघड़ाई री
 आ ओपती ओळख कद आवती
 ओ भणकारां नै रस-रेलां रा उफाण
 घर नै अंवर रा सासता सिगार
 जाणै सूरत-मूरत विन आरती

१६

जुग रै कड़वै रा जेठी जोर
 (म्हे) कांम रा कंटीला कूँवट छांगिया
 हंसियै हियै री हथवाह
 इसड़ी कमाई है कूँत—
 भरवै भोग नै सिरजण जोग
 'छांगण सूखै ज्यूं कूँपळ पांगरै'

दो कवितायाँ

पीव बसै परदेस

नंद भारद्वाज

श्रेष्ठ अणुचीत हरख अर उमात्र में
धूँ उड़ै कै मैड़ी चढ़ गुलें चौवारें,
सांमी खुलतें मारग माथें
अटवयोड़ी रैवें अबोली दीठ,
पिछांगी पगयलियां री सौरभ
सरमै मन रा भरखल में,
हेत भरियं हियं उगेरै अमीणा गीत
अणदीठी कुरजां रै नांव
संभळवै भीणां सनेसा !

हथाळ्यां राची मेंहदी
अर गेरुं-वरणै आभे में
चितारं अलूणै उणियारें री ओळ
भोगी पलकां सूं पुचकारें हिलतो पालणी !

आंगणै अघबीच ऊमी निरखें
चिड़कलियां री रळियावणी रम्मत—
माळां वावड़ता पाछा पंखेरु,
दाजां सूं उडावै काळा काग
आधमतै दिन में सोधै सायब री सेनांणी !

च्याखूंकूटां में गरणावे गाढी मून
 काळजें री कोरां में भवकें ओळू री विजळियां
 सोपी पड़ियोडी वस्ती में थूं जागै आखी रैण
 पसवाड़ा फेरै धरती रै पथरण !

धीजै री घोराऊ पाळां
 ऊगता रैवै अक लीली आस रा सूया
 बरसता मेहूड़ा री छांट
 मिळ जावै नेह रा रळकता रेलों में !

पण नेह मांगै नीड़
 जमीं चाईजै ऊभी रैवण नै
 घर में ऊंधा पड़िया है खाली ठांव
 भखारचां सूनी वूंकवै खुला करनाळा—

जीवण अवखी अर करडौ है भौळा नार
 किरची-किरची व्है जावै सपनां रा घर कोल्या:

वा हंसता फूलां री सोवन क्याण
 वो अपणैस गार-माटी री गीली भीतां री
 वा मोत्यां-मूंधी मुळक—हीयै री उमावो
 —जावो बालम परदेसां सिधावो !

थूं उडीकै जीवण री इणी ढाळ
 रेत में रळ जावै सगळी उम्मीदां !

जिण आस में काढै आखी बरस
 वा ई कूडी पड़ जावै सेवट सांपरतां
 परदेसां री परकमा री इत्ती मूंधो मोल—
 आदमो री कीमत कूंतीजै खुलै बजारां !

आ सांची है के
 परदेसां कमावै थारी प्रीव
 अर आखी ऊमर
 जीवै थूं परदेसां परबारे !

आगै अंधारी

किणरा सवदां में सोधूं सांच
किणरो वातां में देवूं हूंकारो
सगळा सरावें म्हारो भाग
सुधारणो चावें आयूंच आपरो भागोतर,
विलमावणो चावें म्हने जूनी विगतां रं फेर
सगळा ई चेतावं—

आगै अंधारी !

म्हे पूछूं:

आगै अंधारी कांई है ?

किणरो सुभीतो है ?

फठै है इणरो ठावो मुकांम ?

उण सांम-धणी रो नांव कांई है ?

क्यूं चंदावो तांण्यो उण च्यारुंभेर,

इण ऊंडी चिन्ता रो

कांई मकसद है, म्हने विगतावो ।

आप कैवो के

म्हारो संकावां विरथा है,

कमती है म्हने भासा-सगती रो ग्यांन

खामी है म्हारा सोचण रा ढाळा में—

म्हारी दीठ रो मोजांन कमती है !

म्हें कोई उजर नीं उठावूं
आप अरथावी आखी विगत

—आखी इतिहास

पंगत रें सांमी ऊभो अर म्हंनै बतळावी
म्हांरी मोट सूं वांधी मोट
अर विना हकळायां पाछी फरमावी !
जे माफी वगसी ती दीखती अरज करूं :
म्हने आपरी पूठ में ऊभो दीखें वीई आकार
सायत संजोग सूं मेळ खावें आपरी उणियारौ
आपरी हाली में आवें सागण ओळ—
आपरी छोयां री सरूप श्री ई अंधारी !

आप आडी ज्यूं अड़ जावी सागण ठोड़
अर संकेतां री भासा में म्हने डकरावी !
म्हें सबद-सस्तर-विहूण
आपरे सांमी जोवूं अर बिलखी पड़ जावूं
अंधारे में अदीठ व्है जावें म्हारा हाथ—
आपो सांभण सूं पंली घिर जावूं !

नीं दरसाऊं कोई दुरभाग
नीं कोई पिछतावी
म्हारी गत-आगत री जेखी आपने नीं पूछूं
नीं कोई मैणी या देवूं ओळमी,
क्यूं आगता पड़-पड़ ने आवी आप
क्यूं म्हारे सपनां री हंसी उडावी ?
आप सगळा ई समझवांन
विदवांन
ऊंचा इधकारी
आपरे कने कठै इत्ती श्रीसांग
के म्हने बतळावी ?

आप काई जांगी के
 म्हारा आं आईटाणां री काई काणी है ?
 वयूं पुरवाई में दुखे म्हारा घाव
 वयूं छीजे छीये रं कने घगियांगी,
 टीगर रिगक कंवळां रं आनि ऊभ
 गिडक हिलावे पूंछ सांभी सीधाळं
 गळियां में ताढ़के गुला सांभ
 बुझतो धुई बिण हीलां पाछी छिळनावूं ?
 इणेर उपरांत आपरी अगवांगी री नेम-
 ओ माईतां री दियोड़ी ईमान नीकर बिसरावूं !
 आप आवो—
 म्हारी छाती मार्थ पग रात ऊपर सिधावो-
 पण अेक बात री मांफो नावूं मन्दाता !
 म्हने अवे कूड़ी अर ओछी भासा में मती बिलमावो,
 अब म्हारे सातर अवरी अर दोजग है कयली सांन
 बिरथा है कंवळी बातों में देणी हूंकारी ।
 सगळा ई सरावे म्हारी भाग
 सगळा ई चेतावे—
 आगे अंधारो !

थूँ बणियो कठै समद

सं० मेहड़

अलूँच अलूँच थनी भेली करियो

थूँ बणियो कठै समद

ब रूँ गरभ धारण भोग रै सारू

लजवन्ती साध पूरीजै कोनीं

कामण वण खलकूँ धोरां-धोरां

पीघलूँ म्हेँ

थूँ ढाल ढाल म्हेने अकरी अनेक कर न्हांखै

दयावली होय पछै क्यूँ हेरै म्हेने

लाघूँ कठै म्हेँ

जठै-जठै थूँ कुदरत रा किवाड़ भचेड़ै

उठै-उठै रै वूँ म्हेँ धरती सी बिछियोड़ी

आभै सी तणियोड़ी
 थारं पगां चालती-चालती थारी मंजिल वण जाळं
 'क'-का-कोडरा री भणत सूं म्हने वांचणी चावें
 वांचणी व्हे ती वांच वावळा
 म्हारी सायळां रा सिलालेख
 थारी म्हारी पिछांण ऊंडो मत ओट अवे
 आगली पग राखेला कठे
 आगं फेर पगोथियो कोनीं
 थनै तेड़ती झूगरां-झूगरां फिरी
 समदरां-समदरा तिरि
 मिलणी भेंटणी कियां वणें
 थारं मायें में सूळांवाली सेवळी दह सोद हो
 सांवण भादरवें आटां-पाटां आयोड़ी म्हें
 जे गेली चवरियां री नीं भालती
 ती हाथी रा हाड भंवर में भांगती
 टुकियां में लुकाय थनै
 ढवियांड़ी नदी मायें ढोलियो ढाळती
 लै कांघसी सूं हियो सुळभा
 आं आखरां सूं अळगी मत जा
 के थूं
 म्हारी परस सूं निसरं ने म्हां ताईं पूर्ग है
 कांन देय सुणं ती सुण
 हिजरता गंडक री अर मुत्लां री वांग
 किणी न किणी सळा में अेक व्हे जावें
 म्हारें रू-रू चवीका उठें
 क्यूं रंगी रीती गळवाहो प्रीती
 मथ्यो व्हेती ती माखण वण जाती
 गेंती केल लाम्बी भुजा वां तीखा तचैड़ा दे
 डोल रा ढेपा रा ढेपा उखेल

गूंगो हूँ
 वाच्या दे
 बातां फीटी कर
 म्हें आ मांडी बूक
 पा, पा इण आडंग नै पांणी पा
 तिरसी रूप कंगवाय बणै
 तिरसी वेलां कदै फळै
 जिण 'सी' रै डर सूं गाभा पैरचा
 हेरती-हेरती आर्ज थनै मिळ ज्यासी
 भपां रा गांव मांय ऊगतै जंगळ में
 छातां में इंडा देय म्हें फिरूंली नागी-तड़ंग
 थूं करजै कदीमी जुद्ध टावरां नै पाळण रौ
 म्हें अठी-उठी कवूड़ा उडावूली ।

★ ★ ★

सम्पादक रौ पती :

तेजसिध जोषा

संपादक-जागती जोत (मासिक)

मोहता कॉलेज

सादूळपुर-३३१०२३

•

वात

गली जिसी गली

सांवट दइया

•

गली जिसी गली । लोगां जिमा लोग । आदतां जिसी आदता । बासती पड़ी रहे तो माथे आली घाम न्हांसणी । सावळ बळ तो लोगां रो जी मोरो रहे घर बिगड़ी रो जी मोरो आपां सूं देखीज कोनी । एण खातर धुंधो करणी आपां रो घर । मुंगे सूं गतनी आवे । घांढयां में पाणी आवे । बळत लागे । रळें में गरम लग्गार । थो रसो की देव'र आतां न मजो आवे ।

गांव-गली में श्रेकाधो रलवी नी बिह्या ई करे । एण गली में ई घेक रहयो । भागवे दिनां लुगाई भरगी । दो म्हीनां नीठ बिह्या । मुंटागे सीयाळो आवतो देव'र इगुरे मन मे लुगाई लावण रो कोठ जाग्यो । मिनस रे मन में जाग्या ई करे । आता रे थडे फगत लुगाई पाली नी परणीज सक । मिनस नै तो पास हक मित्योड़ा । वो तो पैली लुगाई रे दाग माथे ई दूजे लुगाई ला सक । एण ओ थोड़ी सरमदार । दो म्हीनां गटाय कर लियो ।

एण आदमी रो नांव जगनाथ । गली भाळा जगूही कैये । आज-काले नवी लुगाई खातर उण रे लाळां पड़े । घर पछे लोग ई बात सूं तो कीकर टळें ? दसूं के गली जिसी गली । लोगां जिमा लोग । आदतां जिसी आदतां । बासती पड़ी रहे, तो आली घाम तो न्हांसणी ई पड़े—

—ये गुण्यो ?

—काई ?

—जगनाथ नवी लुगाई लावेली ।

—नी रे.....?

—नी रे क्यां री.....सीळें आनां सरी बात ।

- मांनणी में तो कोनी आवै ?
- क्यूं, कोई नवादी बात है काई ?
- नवादी तो कोनी, पण.....
- पण पछै कयां री.....?
- सावतरी नै मरयां तो हाल दो म्हीनां ई कोनी ब्हिया ?
- तो काईं ब्हियो ?
- बात ओपती कोनी लागै ?
- ओपती बेओपती कुण देखी, आगलै नै लुगाई री जरत, व्याव तो करैली ई ।
- तो ई कीं तो मिनखीचारी ई व्है ? हाल तो सावतरी री राख ई कोनी ठरी ।
- अबै परणीजियां साबळ ठरैला । मुंडागै सीयाळी । सीयाळी सावतरी री राख आळी गरमास सूं कोनी कटै ।
- अई पछै काईं सीयाळी ? कीं तो ऊमर कांनी ई देखणी चाईजै ।
- पैतीस बरसां में जूण पूरी कोनी व्है ।
- बीस बरसां री सागी दो ई म्हीनां में गयी गता मूं ?
- म्हें ई कंड़ी फालतू बातां में अळू भगो । खास बात तो बताई कोनी थूं ।
- थूं पूछी ई कद ही ?
- लै, अबे पूछ लूं ।
- पूछ, अवार बतावूं ।
- व्याव कठै पक्की ब्हियो ?
- घूइजी री पोती सागी ।
- गिरधारी री बेटी है नीं भायला.....
- सन्तूड़ी ?
- हांS, वा सन्तूड़ी ।
- वापड़ी विनां मां री छोरी ।
- हांS, वापड़ी विनां मां री छोरी ।
- पण भायला, म्हें सोचूं के उण री मां जीवती व्हैसी, ती ई म्मी सागी सांग व्हैती ।
- नीं रे, मां री जीव हूजो ई व्है ।
- वाप कुण सो कसाई व्है ?
- कसाई तो कोनी व्है पण.....

- पण पछं कांय री ? ज्याव मां रं व्हियां ई कोनी मजं । अंदो तो पईमां मूं मजं लाठी ।
- अर पइसी आं कनं कोनी ।
- इणीं खातर तो कंवूं, मां जीवती व्हेतो तो ई श्री सांगी मांग र्हेतो ।
- पण इण जगूहं री अगकल मायं कीकर भाठा पडिमा ?
- कयूं भाठा पडण री कांई वात ?
- कयूं किणी कुंधारी छोरी री जमारी बिगाटूं ?
- ज्याय व्हियां आगं ई कदं किणीं री जमारी बिगळो व्हेवा ?
- वा चापडी चवदा बरस री नीठ अर श्री पंतीसां पार ।
- मरद री ऊमर कोनी देखीजं ।
- अवार ना देखी तो ना देखो, पण दस बरसां पधूं तो ऊमर मतीं ई निमं आवण लागेला, पछं उण वगत.....?
- इण सूं तो चोखी हो किणीं विधवा नं नातं मियातो ।
- हांs, धारी कंवणी हे तो ठीक पण.....
- विधवा नं गळं कुण बांधं ?
- जीम्योटी धाळी में कुण जीमं ?
- बोदा जूता कुण पंरं ?
- अंठ्योडें कोप में कुण पोवं ?
- अर वो ई फेरूं मुंडांगं अंठ्योटी कोप । ठा नी र्हे तो की बात कोनी । आंस्यां दीखती माखी कीकर गिटोजं ?
- आ बात कोनी । श्री गयो हो बात करण नं । वा हे नी राधा मास्टरणी.....पण उण ना कर दी ।
- गैली बळं दीखं रांड ।
- कीं तो भीगना फोदणा हा के दोनां सारू ई साबळ रंतो ।
- दोनां रा टावरा पाछा बंध जावता ।
- पण म्हारी समझ में कोनी आई, वा नटी कयूं ?
- वा कंयो बतावं के जगूहं रं टावर घणां ।
- घणा पछं कुण सा सो-पचास हे । पांच तो टावर हे ।
- पांच टींगर थोडा कोनी व्हे ।
- तो कुण सा घणा व्हे ?

- आज रै जमानै घणाई है ।
- हांs भाईड़ा, आज-काले दो-तीन सूं वत्ता टींगर कोनी पोसावे ।
- इणीं खातर वा तयार कोनी हुई व्हेला ?
- म्हैं कुण सो कूड़ वोखूं ?
- अरे, आ ती बता उण मास्टरणी रै किक्तीक रेजगी है ?
- उण रै रेजगी खिडी ई कोनी ।
- भगवान भली करी ।
- परण उणनै अर रेजगी चाईजै ।
- नीं रे.....?
- मां री सींगन, उणनै चाईजै ।
- तो पछे जगूई नै नटी क्यूं ?
- जगूई रै टावर कोनी हो सकै ।
- हां रे, इण ती लारलै बरस नस-बन्दी करवा ली ही नीं ।
- सांची कैवै ?
- थूं कुणसै गांव में बसै । सगळै मुलक नै ठा है ।
- जणां ती श्री सरासर जुलम है ।
- कांई जुलम ?
- जगूई री सन्तुड़ी लावणी ।
- क्यूं ?
- सन्तुड़ी नै टावर चाईजैला अर श्री नाजोगी है ।
- आगली रा टावरा नै ई आपरा समझेर परोट लेसी ।
- हां भायला । टावर है ती छोटा ई । हिल जासी । चानै मां मिल जासी अर जगूई नै लाडी ।
- आगली रा भलांई किक्ता ई व्ही । खुद री कूख रा टावर ती खुद रा ई व्हे ।
- अवै नरक नीं भुगत्यो सही ।
- नरक कीकर ? लुगाई सारू मा व्हेणी लाजमी ।
- हांs मां व्हेणी ती लाजमी ।
- बांझड़ी रा ती दरसण ई खोटा ।
- दरसण ? अरे बांझड़ी री ती गळी में बासी ई खोटी ।
- आपां क्यूं हूवळा व्हां ? आपां नै कांई ?

—गली में गलत काम रहे अगर आपां बोला रैवां, ओ कठा रो मिनगगणी ?

—वात तो थारी ई ठीक है ।

—पुनिश में रिपोर्ट करवां ओ ध्याव रुक सकें ।

—छोरी नाबालग है.....मां-बापरी है ।

—छोरी रै मांम नै कैंवां तो कंडीक रैव ?

—हां, ओ है तो चालती-पुरजी । अन्नाव ढाव सकें ।

—आधी, आपां उए रै मांम कने जाणां ।

•

गली रा लोग । लोगां रा मूंडा । मूंडां में जीभा । जीभा में जहर । बीनगी रो मांमी । मांम रा कांन । कांन काचा । जहर भरचोड़ी जीभां । बापा बान । गुमानदार बापा । वातां में सवाल ई सवाल । नवालां रा उभळा । उभळा पड़े फिर गवान, फिर उभळा । फिर सवाल । अवे सोचां तो आंग्यां मांम अथारी ई अथारी ।

—म्हें ओ जुलम नौ होवए हूँ—अक निगळाटी । पनां मे बीनळी । दोन मे बापी ।

आंख्यां में लाय । मूँई में गाळयां रा मोकसियां भाटा ।

—सन्तूड़ी—ओ सन्तूड़ी !

—कुए है.....कुए.....?

—म्हें थारी मांमी । घूँ मांय कांईं करे ?

—बैठी हूँ ।

—थारी बाप कठे ?

—जीसा हेठे है ।

—ऊपर हेली पाड़ उए कमीए नै ।

—थे अठे राड़ करए नै आया हो कांईं ?

—म्हारें सूँ फालतू रा जीभाटा ना कर । हेली पाड़ उए हरांमी नै ।

—जीसा ओ जीसा !

—अरे, थे अवार कियां आया ?

—थां सूँ पांती पड़यो जणां ।

—कांईं बात है ?

—छोरी रा भाग क्यूं फोड़ी । जागता थकां ई साउं मे क्यूं न्हातो ?

—हाथ तो पीळा करणा ई पड़े ।

—पण थें ती काळा करण री तेवडी ही ।

—थें आवळ-कावळ ना बोली ।

—काई कर लेती म्हारी ? कीं नव री तेरह करणी व्हे ती कर दिखावी ।

—म्हें क्यां री नव री तेरह करूं । नीठ गरीव गुजराण करूं म्हारी ।

—गरीव गुजराण करी, अर भलाई म्हारें भावें अंस । म्हें आ व्याव नीं होवण हूं ।

—व्याव ती व्हेला ।

—म्हारी ल्हास माथें ई व्हेला ।

—आ थारी ज्यादती है ।

—म्हें म्हारी भाणकी री जीवण नरक नीं देखणी चावूं ।

—घर वसण दो कनी, हाथ जोडूं थानें ।

—म्हें थानें अेक वात कैय दो नीं, आ व्याव कोनी हुवण हूं ।

—धीजें सूं सोची ।

—सोच लियो । दूजवर नें कोनी देवणी ।

—तो पछें ठीक है । इत्ती ई गुमेज है ती दूजी वर सोध लावी । म्हन ती इणीं सावें व्याव करणी है । तेल-हळदी चढचोडी म्हारी छोरी कुंवारी कोनी रैवें, आ वात कांन खोल'र सुणलो । समस्या ।

—इत्ता वरस घर में खटायी ती अवें कुण सी दो-च्यार म्हीनां और कोनी खटावें ?

—नीं, अव च्यार दिन ई कोनी खटावें । काल रें सावें व्याव व्हेला ।

—आज म्हारी वहन व्हेती ती.....।

—अेढी वातां सूं कोनी सजें, समस्या । थानें भाणजी री इत्ती चिंता व्हे, ती काल तांईं दूजी वर सोध लाया । नींतर आ हाथ इणीं सावें पीळा व्हेला । म्हन दो छोरथां और परणावणी है । आप अठै सूं पधारी ।

—जावूं ती हूं, पण याद राख्या, आ व्याव ती म्हें मरचां ई कोनी होवण हूंला ।

खोज दाव'र पाछा बावडिया केई जणां । वां कनं अेकौअेक खबर । आंख-दीठ गवाह । जफौ कीं नीं व्हियो, उण नें ईं जाणै । अें बता सक के आगे कांईं व्हेला । दूजां री भली आवणियां आय पूग्या ।

—थारी साळी थारै गयी है ।

—थां कणां देखी ?

—अवार मिल्यो हो म्हन ।

—काईं कैव हो ?

—कैवती के रिपोट लिखा'र आयी हूं ।

—काईं लिखवायी ?

—के श्री व्याव जोरांमरदी रो । छोरी अंग ई त्पार नीं ।

—कूड़ां रो श्रीपूत कठई रो ।

—आ न्यारी लिखवाई, के छोरी बारह बरमां रो अर बोंद नाळीम रो ।

—अंदा कोटियां नै रांम ई कोनी मारै ।

—म्हें चालूँ । ये थोड़ा सावचेत रैया । अर होउ, आपणी बावनी नै मनभा दिया के कोई पूछताछ सारु आवै तो गुद नै सोळा बरमां रो बतावै । कैव के ब्याप नै राजी हूं, किणी भांत रो जोरांमरदी कोनी । समझा । रोमां तो पुलिस में आपसी संघ-गिद्धांण है । जम्त पड़पां की न कीं उपाव करांता ईं । पण रांम करे जम्ता ई क्यूं पड़ै । थारो अर अस्पताल रा तो दरमण ई गांटा ।

—थां रो कैवणां वाजिव है ।

—ये बावली नै सावळ समझा दिया, भलो । आ नीं थै के आपां तो उण रे भत्त नै करां अर वा खुद ई नट परो'र आपां नै टंटे में पजाव देवै ।

—आ ई कदै ई व्हे ?

—बळती बाज भाई । सावचेती रासण में काईं हरज ?

—आ बात तो है ई । म्हें अवार ई उण नै सावळ समझा देखूं ।

—ठीक है, म्हें चालूँ सावचेत रैया ।

—ठीक है सा, भगवान भलो करे थारो ।

•

गळी में मांमी । मांमै सांगै पुलिस । पुलिस पूगतां ईं घर में रोवा-नूकी । गाळपां । करमां रो रोवणी । भगवान नै अरसाद-परसाद, देवी-देवतावां रा बोलवा ।

गळी में खळबळ । केई उणियारा आप आपरा घरां आगे । केई उणियारा डागळा सूं गळी में देखै । केई घरां सूं वारै । केई फुटपाथ माथै । अेक नै देखा'र दूजो आवै । दूजो नै देख'र तीजो । तीज नै देख'र चौथो ।

—अवै ठा पड़सी भाई जी नै.....।

—कोई चोरी करी काईं आगलै, जिकी ठा पड़सी ।

—अै फेरा तो राजी-वाजी रा ।

—जे छोरी नटगी तो.....?

- छोरी नै जीवणी कोनीं कांई ।
- आ बात तो वेजां ।
- श्री चाळीस री छोरी चवदा गी.....।
- चाळीस री कठै, वयूं कूड़ वोलै ?
- पैंतीस में तो गोळ ई कोनीं ।
- रामूडै सूं कितीक बडी है ?
- ग्रेडै-गैडै ई है ।
- रामूडी तो तीस री है ।
- जणा श्री पैंतीस री कठै सूं व्हेगी ?
- तो ई भायला पांच टावरां री बाप तो है ई ।
- टावर तो पांच कांई, सात व्हे जावै इण ऊमर तांई । आपणी अठै तो ऊगतां नै ई परणाय देवें ।
- पण तो ई छोरी तो छोटी, आ तो मानणी पड़सी ।
- धारी माथी छोटी । अठारा सूं ऊपर बळै ।
- सुणी है, डागदरी जांच व्हेला ।
- जांच डागदर करे के डागदरणी ?
- डागदरणी ई करती व्हेला ।
- डागदर करे तो ई आ किसी डरण आळी है ?
- दोलडै हाडां री है ।
- पैरघोड़ी-ओढघोड़ी व्हे तो दो टावरां री मां लागै ।
- लागी भलाई । मां होवण रा तो सपना ई लेसी ।
- घणी कोड होसी तो पाड़ोस्या नै बकार लेसी ।
- हां S, पाड़ोसी किस्या मरगा ?
- हीं हीं हीं
- हैं हैं हैं
- पुन री श्री काम करण नै तो म्हैं ईं त्यार हूं ।
- म्हारै थकां ईं ?
- थूं म्हारै सूं न्यारी कद री ? थूं पैली म्हैं पछै ।
- जीवती रै थूं ।
- अरे, थूं कांईं सुणै ? जा देख'र तो आ, वां रै घरां कँडोक सांगी ?

- अवार जावूँ ।
- गिरघारी री मन कीकर मांनगी दूगवार नै बेटी देवण साम् ।
- आगै-लारै भुवाज्यां मंवे, काईं करे बापड़ी ?
- म्हें तो सुणी के बी दो हजार सामां लिया ।
- अरी तो बेटी नै बेचणी व्हेगी ।
- ईयां ईं तो घरती री बोक बधे । बाप छे'र बेटी नै बेने ।
- बाप क्यां री, कसाई है ।
- हाल तो दोय छोरया बळै बाकी ।
- सुण्यो के बढोड़ी ई पाछो घरां आयगी ?
- सासरै आळा काढ़ दी काईं ?
- छोरै छोड़ दी ।
- छोरी रै टावर-टींगर हे के नीं ?
- अब कठै ? एक छोरी दिह्यो, जिको पाछो व्हेगी ।
- ऊपर आळै री मरजी । मोन माथे मिनग री काईं जोर ?
- घने कीं ठा, मयूँ छोड़ो ?
- छोरी री चाल-चलण कीं.....।
- गिरघारी रा टींगर अँडा कोनी ।
- अठै काई, टाळ सही । म्हें तो सुणी जेड़ी केवूँ ।
- जुगाई री चरित अर मिनग मे भाम तो भगवान ई कोनी मांगी, मूँ म्हें कुणमै खेत री मूळी ?
- किए मूँ लाग्योड़ी हो ?
- काकै मूँ ।
- लिच्छूईं सार्ग ?
- हांSS ।
- लिच्छूड़ी तो अँड़ी ई कलियार । हाकण ई छेक घर टाळै, परा वो नीं ।
- पोत चवड़े कीकर आया ?
- अरे पाप ढक्यां कित्ताक दिन रँवे ?
- लो, सन्नूड़ी आयगी ।
- काईं खबर लायी रे ?
- याणैदार छोरी मूँ बात करगी ।

—अच्छा !

—च्यार-पांच दडीड़ चेप्या व्हेला ?

—वो दाकल देय'र ई जीव काढ़ देव ।

—सन्तूड़ी तो लैंगी भर दियो व्हेला ?

—हीं हीं हीं

—दांत क्यूं काढ़ी ? लैंगी घोवण नै थांनै ई बुलाया है, पण पैली पूरी बात तो सुणी ।

—धूं काई हुंसियारी छांटें । वेगी सोक कैवै वळै नीं ।

—थांणदार पूछयो-माडांणी परणीजै के मरजी सूं । सन्तूड़ी कैयो-मरजी सूं, किणीं री दवेलवारी नीं ।

—आ बात कैयो ?

—हांSS, बिल्कुल आ इज बात कैयो ।

—छोरी क्यां री, दादी है दादी ।

—आज-काले री छोरयां दादी व्हे'र ई जलमै ।

—छोरी निकळी हीमत वाळी ।

—जगू मास्टर नै फॅफ्यां अणा देसी ।

—आं लखणां तो श्री ई लायें ।

—जणां तो फेरा आज ई होवैला ।

—आज नीं तो काल, लाडी लाडी ती ले जावैली ई ।

—मांमै फालतू ई माथाकूटी करी ।

—भू'ड री ठीकरी आवणी व्हे जणा-ईयां ई आया करै ।

—अेकर ती विघन घाल ई दियो ।

—अवै उण री ई माजनी हळकी ब्हियो ।

—कोसिस करी आगलै । पार नीं पड़ी ती नीं सरी ।

—नीच है स्साळी ।

—अोर नीं तो काई ? इत्ती भागा-दीड़ी करी अर व्याव ई कोनी ढब्यो ?

—उण वगत ती इत्ती हैन-तैन करै हो, काई खांगी कर लियो ?

—छाछ दाई मूंडी लियां कठई पड़यो व्हेला ।

—गुटकी लेय'र आपरी लुगाई रै घाघरै कनै बैठी रोवती व्हेला ।

—अवै च्यार दिनां ताईं ती घर सूं वारै मूंडी काढ़ै कोनी ।

—म्हने मिलण दै, मांजनी भाङ्गला ।

- दो घोवा घूड़ म्हारें नांव री ई न्हांगी ।
- दो म्हारें नांव री ना भूली ।
- दो म्हारी ई याद राखी ।



जगनाथ री घर । घर में सन्तूही । टावर सोचै—मां मिलगी । जगनाथ सोचै—घब सीयाळी सोरी ई निसरैला ।

गळी में न्यारा-न्यारा लोग । न्यारा-न्यारा विचार । काई कैवै-वान्हें री टागरी बंधगी । कोई कैवै—टींगर बापड़ा नरकवाड़ी भुगतैना । माई-मां टावरां नै कद परोटसा ? इतिहास देख लो ।

गळी रा लोग । लोगां रें मन में इतिहास जाणए री हूंस । हूंस सूं चणयोड़ी हेत । घर हेत रें छेत में जगनाथ रा टावर ।

- घरै मनुड़ा ।
- काई ?
- अठी आचै कर्नी.....।
- लै, चोकलेट खा ।
- नवी मां बांरो लाड राखे के नी ?
- राखे ।
- षानै फलका सूखा देव के चीपड़ियोड़ा ?
- चांपड़ियोड़ा ।
- साची कैवै हे नीं ?
- म्है कूए क्यूं बोल सूं ?
- षानै कूटे ती कोनी ?
- ऊं हूंस ।
- बकती ती व्हेला रे ?
- नीं ती ।
- मनुड़ा ।
- काई
- यूं कठै सोचै रे ?

—म्हारे भाई-बैनां कने ।

—मां कने कोनी सोवी काई रे ?

—ऊं हूंS ।

—थांरा कपड़ा कुण धोवै ?

—नवी मां ।

—कूड़ वयूं बोलै रे ! काल म्हें थन देख्यो हो डागळें सूं, थूं कपड़ा धोवै हो नीं....?

—मां नै ताव चढ़ियोही हो ।

—ताव चढ़ियोही हो ?

—हांSS ।

—सुण्यो, सन्तूड़ी नै ताव चढ़ण लागी है ।

—हैं-हैं-हैं

—थूं जा लाडी, रम । आ लै, ग्रेक चोकलेट वळै ।

- देख सन्तूड़ी रा मजा । ताव री मिस कर'र टींगरा कने सूं कपड़ा धोवावै ।

—थोड़ा दिन वळै ठैर लाडी । रोट्यां करवासी अर भांडा मंजवासी ।

—जगूड़ी सन्तूड़ी री लाड ती खासी राखै ।

—दिनगै दू'टी माथै पांणी भरै ही ।

—हीं-हीं-हीं ।

सो भाई बांचणियां !

सगळें ई सावतरी अर सगळें ई हीं हीं हीं । कठै जावें अर कांई करै ? बापूड़ी जीव के मरै ? इगनै परणीजै ती धयौ, उण नै परणीजै ती धयौ, अर नीं परणीजै ती धयौ । वयूं के ठोड़-ठोड़, गळी जिसी गळी, थां-म्हां जिसा लोग अर आदतां जिसी आदतां । बासती पड़ी रहै तो माथै आसी घास ती न्हाखणी ई पड़ै ।

भोळावण

‘जागती जोत’ री रचनावां माथै आपरी खुलासी कागद म्हारो लांठी मदद व्हेलां । रचनावां नै पूरी-पूरी बांची अर वै आपनै कंडो काई लागै, अवस संपादक हें पतें कागद लिखावो ।

—संपादक

बंगाली बात

अभागण रौ सुरग

सदतचन्द्र घट्टोपाध्याय

(१)

ठाकुरदास मुखरजी री जोड़ावत नै सात दिन ताव भागी अर डोकरी परनोर सिधायगी । चावळां रा वपार में च्यार पइसा कमाय'र डोकरी मुखरजी गांव में मानवर भासांमी बणायी ही । इण वास्ते घर में रांगजी राजी हा ।

इण रै सार्ग डोकरी रै च्यार मोटघार बेटा, तीन सासरवांणी बेटियां अर भाई गिनायतां री बोहली कुणबी ही । डोकरी रामचरण दिये रा समानार सुग'र सगळी गांव मसांण जात्रा देखण नै आयी । रोवती कळपती बेटियां मारै सिनाइ में सिद्धर अर नम मायै चंदण री लेप कियो, नवा कपड़ा पहराया अर पल्ला सूं पगलियां री धूट पूंछ'र निमण कियो ।

घर में फूल माळायां री सुगंध अर हाकाहवा सूं डोकरी री मरतंग उच्छव रहे वसू लागी ही । जांणै कोई मोटा घर री लिछमी पोतारी गिरस्ती रा पचास बरग पूग कर'र फेरूँ सासरै जावण री तयारी में लागीही है ।

डोकरी मुखरजी आख्यां पूंछतां थकां बेटियां अर बहू आरियां नै सावस बभावण लाग्या । खांधिया राम नाम सत्त है रा हाका सूं आभी गूँजावता मसांण कान्नी बहीर दिये । वां रै लारै-लारै थोड़ी छेटी सूं श्रेक लुगाई चालण लागी—कंगाली री मां । दा थोडा बैगण लेय'र बजार में बेचण नै जावै ही के मारग मे मसांण जात्रा सांन्ही धकी । धेजी रा बैगण धेकी में इज रैगया अर वा आख्यां पूंछती थकी रांधियां रै लारै-लारै ठेट मसांणां में पूगगी ।

गांधे सूं थोड़ी आंतरै श्रेकांत में गरुड़ नदी रै फांठे मसांण ही । उठे पैला सूं दज काठ, चदण, धीरत, सैत, धूप-दीप विगंरै सगळी चीजां तयार ही । कंगाली री मां अदेव

(नीच जात) होवण सून नेड़ी जावणी उण रै हाथ नीं हो, इण वास्तै अक धड़ा माथे आगी ऊभी दाग क्रिया देखण लागी। लास नै अरोगी माथे पोढ़ाई ती उणारा पगां कांनी देख'र उणरी मंसा व्ही के वा दोड़'र चरणां में पोतारी माथो नियायदे अर पगां में लाग्योड़ी मेहदी लेय'र थोड़ी पोतारा माथा पे लगाय ले। 'राम नाम सत्त है' री धुन साग वेटे जद माने अग्नी दीवी ती उणरी आंख्यां में आंसू आयग्या। वा मन में इज कैवण लागी—भागधारी मां थूं ती सुरगां में जायरी है, पण जावती थकी आसीस देती जा के अंतकाळ में म्हनै ई कंगाली रै हाथ सून अग्नी मिले। वेटा रै हाथ सून अग्नी कोई साधारण वात कोनी।

घर घणी, वेटा-वेटियां, कुणवो अर सगा गिनग्यतां री भरियो-तरियो संसार, फूलां छाई वाड़ी छोड़'र सुरग लाभ ! उणरी हियो भरीजग्यी। इसी मीत तो सुभागणियां नै इज मिले।

आरोगी चेतो ती धूँवा रा गोटरा गोट आभा कांनी उठण लागी। कंगाली री मां नै उण धूँवा में रथ री आकार सुभट निजर आवण लागी। मांय नै नीं जाणै कुण वेठो है, पण माथा री सिंदूर अर पगां री मेहदी साफ दीखे है। ऊपर कांनी देखती कंगाली री मांरी आंख्यां में आंसूवां री पड़नाळी सो वैवण लागी।

उणीज वखत अक चवदे-पनरें बरस री टावर उठे आयी अर उणरी पल्लो खांचतो कैवण लागी—मां थूं अठे ऊभी है अर म्हनै भूख लागी। रोटी नीं बणावैला आज ?

मां चमक'र पाछल फेरी अर बोली—पछे बणाय दूँला रे !

आभे कांनी आंगली री इसारी करती कैवण लागी—देख, वेटा देख ! वामणी मां रथ में वेठ'र सुरगां जाय री है !

टावर अचूँभा सून आभे कांनी देख्यो अर बोल्या—कठे मां ? म्हनै काई कोनी दीसै। थोड़ी ताळ ठैर'र कैवण लागी—थूं ती गेली व्हेगी है मां ! ओ ती धूँवी है धूवी ! अर पछे री-सां बळतां बोल्यां—वहू तो वामणां री मरी अर रोज थनै आवै ! ओ क्यूँ ? दिन दुपैर चढ़ग्यो, हाल थनै भूख कोनी लागी काई ?

कंगाली री मां नै अवे चेतो आयी। मिनखां रै कारण यूँ मसांण में ऊभ'र रोवतां उण नै लाज आई। वेटा रै जतनां री बात ही। उण भट आंसूड़ां पूँछ्या अर हंसण री कोसिस करती बोली—म्हूं रोवूँ किण रास्ते रे ! रोवै म्हारी बलाराज ! ओ ती आंख्यां में धूँवी आयग्यो हो।

—हां धूँवी आयग्यो हो ! म्हनै काई चिगावै, म्हूं सैग समझूँ, थूं रोवै ही।

मा की पड़ूँतर नीं दियो। वेटा री हाथ पकड़'र सीधी घाट माथे पूगी। पोतै स्नान कियो, वेटा नै ई करायो अर घरां आयगी। मसांण री छेली क्रियावां देखण री अवसर उण नै नीं मिल्यो।

टावर जनम्यां मां—वाप टावर रो नाम देव । पण मोकळी वार विधाता वां नावां माथे हंसै । फगत हंसै इज कोनी कड वार पट्टार ई देव । इण वारन मांन्यां रा आंधा अर नाम नैण सुख माथे दुनिदा जीवण भग हंसती रैव । पण कंगाली रो मां रो नाम देवतां इसी भूल कोनी व्ही ।

वात यूं बरणी के उण रो जनम व्हेतां ई उणरी मां मरगी । इण वारन वाप नय दियो—अभागण ! नोमाइती । जिणरो वाप नदी कांटे माछळा पकड़ती फिरती अर वा झूंपड़ा में पड़ी रैवती । भगवान जाणुं वा कियां जीवती रैयगी । मोटी व्हियां उण रो ब्याव हुयी । घर-धणी रो नाम ही—रमिक बाघ । बाघ रै अक हूजी बाघणी भोजू ही सो वो तो उणने लेय'र कोई हूजै गांव जाय'र बगव्यो । अभागी पोतारा अभाग अर उण कीहीनिमा नै निमां उर गांव में इज पड़ी रही ।

दिन लागं कंगाली मोटी व्हियो । आज वो पनरें बरस रो हे । अर्थ सेंतरी बुझाई रो काम सीखण लागी हे । अभागी नै पक्की उम्मेद हे के अर्थ उणरा दुसरा दिनका बीतण वाळा हे अर सुखरी घड़ियां आवण वाळी हे । दुस्र कांई नीज हे, इण बात नै तो वो इज समझ सकै, जिण उणने भोगियो व्हे ।

कंगाली तळाव माथे जाय'र हाथ मूंडी घोंय'र पाछी घायो । उण देवयो के उणरी वाळी में जिकी अंठी-चूंठी बच्यो ही, उणरी मां उणने अक तासळी में लेनियो हे । उण अचू'भा सूं पूछ्यो—मां यूं नो सार्वेला ?

मोकळी अवंळी व्हियो वेटा, अर्थ भूय ई कोनी ।

वेटा नै दिस्वान नीं व्हियो वो बोल्यो—भूय कियां कोनी ? देगूं हांडी कड हे ?

कड वार मां इण भांत वेटा नै भूल थाप दीवी ही । इण कारण वो मांयो कोनी अर उण हांडी देव'र इज छोड़ी । उण में अक भिनस गायें जितरा चावळ हा ।

कंगाली मां रै खोळा में बैठयो । इतरी मोटी टोगड़ी गोळा में बंठी फायें कोनी, पण कंगाली जनम रोगी होवण मूं आज ताई मांरें खोळा में रम'र इज मोटी व्हियो । घर वारें टावरां सार्गे रमवाने तो वो कड सीक गयो । वो मांरें गळां में बाघ घाल'र मूंडी गेड़ी लिजावतो बोल्यो—

मां थारी डील ऊंनो लागे । इण तादड़ा में फयूं तो घूं मसांणां में गई अर कयुं नदी में स्नान कियो ? ये मुड़दा नै वाळतां कड ई ।

मां वेटा रै मूंडा आडी हाथ देवती बोली—मुड़दा नै वाळणो नीं फंवीजे वेटा, वो तो दाग-देवणी वाजे । अर वामंणी मां तो रथ में बैठ'र सीधी सुरग गई हे ।

वेटी बोल्यो—केहू विलळी वातां करे । रथ माथे बैठ'र वदेई कोई सुरग गयो हे ।

—म्हें निजरां दीठी है कंगाली ? अर निजरां दीठी परसरांम कवहूँ न झूठी होय !
वांमणी मां रथ माथै बैठी ही अर वां रै मेंहदी सूँ रचिया चरणां रा म्हें दरसण किया है ।

—सगळाई देख्यो है ।

—हां सगळां ईं देख्यो है ?

कंगाली मां री छाती माथै माथी घर'र सोचण लागी । मां री वातां माथै विसवास करण री उणारी ठेहूँ सुभाव ही । मां पीतै कैवै के सगळा जणां वांमणी मां नै सांप्रत रथ माथै बैठ्यां सुरगां जावती दीठी है, ती पछै अभरोसा री बात ई कोनी । थोड़ी ताळ ठैर'र धीरै-धीरै उण पृछ्यो—जद ती मां थूँ ईं सुरग में जावैला ।

बिदू री मां उण दिन राखाल री मौसी नै कैवती ही—कंगाली री मां जिसी सती साध्वी लुगाई आपांणी जात में दूजी कोई कोनी ।

कंगाली री मां कोई पड़तर नीं दियो । कंगाली धीरै-धीरै कैवण लाग्यो—म्हारै बाप थनै छोडी, जद कितरा जणा थारै सागै नातो करण नै त्यार हा ! थै सगळां नै ईं ना दे दियो । थूँ कैवती रही के म्हारो कंगाली साजी-ताजी रहीजो, म्हारो सगळो ईं दाळद दूर व्है जावैला । म्हूँ क्यूँ दूजी भव कर'र जमारो विगाहूँ । मां, थूँ नातो कर लेती तो म्हारो काई हवाल न्है-तो । स्यात् म्हूँ भूखां मरती मर जावती ।

मां वेटा नै छाती रै चेप लियो । साचांणी उण वखत उणनै मोकळा जणां नातो करण री सलाह दीवी ही । उण सगळां नै ईं ना दियो, इण कारण उणनै मोकळी तकलीफां ईं उठावणी पड़ी ही । आज सगळी वातां नै याद कर'र उणरी आंख्यां में पांणी आयग्यो । बेटै पोतारै हाथ सूँ मां रा आंसूँ पूंछ'र कह्यो—मा थूँ सूँवै तो गूदड़ी बिछाय दूँ ।

मां चुपचाप बैठी रही । कंगाली चटाई नांख'र माथै गूदड़ी बिछाय दी । खटोलड़ी माथली तकियो लाय'र लगाय दियो अर मां नै सहारो देय'र सोवांण दी ।

अभागी बेली—आज थूँ काम माथै मत जाईजै वेटा !

इण बात माथै कंगाली घणी राजी ब्हियो । पण बोल्थो—कलेवा रा दो पइसा नीं मिळैला मां !

—नीं मिळै तो नीं सही । थूँ अठै म्हारै कनै आग्र'र बैठ ! म्हूँ थनै आज परी वाळी बात सुणावूँला ।

—राज कुंवर, कोटवाळ री बेटी अर उडणखटली वाळी बात सुणाव मां !

अभागी बात मांडी । आ बात उण रै दूजां सूँ सुण्योड़ी ही । बात कैवतां-कैवतां वा राजकुंवर अर उडण खटली नै भूलगी अर पोता रै मन सूँ इज बात कैवण लागी । ताव

ज्यूं-ज्यूं चढ़ती गयी माथा में लोही तेजी सूं दीढ़ण लागी । बात कठी री कटीरू पूगयी । कंगाली रा रूंगता उभा वहेणा मांडिया अर वो मां री छाती री काठी चैठयी ।

सूरज आधमगयी, अंधारी संसार नै टाकण लागी, पण अभागी रै घर में दीवा-बत्ती ई नीं वही । ताव में उफणती मां रै मूंडा रा बोल वेटा रै कानां में टमरत धोळण लागी । बाटज सागई मसांण जात्रा री कथा, वो इज रथ, वी इज मेंहदी मूं रचिया पगलिया अर वो इज बांमणी मां री सुरगां फांती प्रस्थान । किण भांत दुखी घर-घरणी पोता री जोतामत नै चरण रज दीवी, किण भांत वेटा मां नै आरोगी माथे पोढ़ाई, किण भात वेटा रै हाथ मूं मां नै अग्नी मिळी.....अर वा अग्नी कोनी वेटा, वो ती भगवान री प्रसाद है, अर आभे में ऊठता वी धूँवा रा गोठ कोनी, वो ती रथ है वेटा, रथ ! कंगाली ?

—काई बात है मां ?

—थारै हाथ री अग्नी मिळी तो बांमणी मां रै ज्यूं मूं ई मुरण जाय सकूं । कंगाली धीरै सीक बोल्यो—इसी बात मूंडा माथे ई नीं लावणी मां !

पण कंगाली री बात नै अणसुणी फर'र वा ऊंटो निमाना नांतनी बोली—नीच जात कैय'र कोई नफरत नीं करेला, दुखियारी समझ'र कोई मूंडी नीं फेरिेला, वेटा रै हाथ मूं अग्नी मिळियां रथ नै आवणी पड़ेला भख मार'र आवणी पड़ेला !

वेटी मां रै मूंडा आठो हाथ देवती बोल्यो—इसी बातों मतकर मां मतकर, म्हने डर लागे ।

पण मां बोलण लागी—देख वेटा, भेकर थारा वाप नै ई पकड़'र लावणी पड़ेला । वो म्हने चरण रज देय'र छेली-पैली सीख देला.....उणीज भांत पगां में मेंहदी अर माथे पर सिद्धरपण ओ सगळी करेला कुण ? धूं फर देला वेटा ? धूं इज म्हारी वेटी है अर धूं इज म्हारी वेटी पण हैउण कंगाली नै छाती रै काठी चेप लियो ।

(३)

अभागी रै जीवण रूपी नाटक री छेली कड़ियां पूरी होवण बाळी ही । घणी लांबी चवड़ी बात कोनी ही । जीवण रा तीसेक वरस बीत्या बहेला के जीवण दीप होळ-होळ बुझण लागी । कनला गांव में अेक वैद्य रैवती । कंगाली उण रै कर्न पूगी, हाथा जोड़ी कीवी, पग पोतियो मेलियो, घर में पीतळ री अेक लोठी ही, वो अडांणी घरियो अर अेक रुपियो रोकड़ी फीस री निजर कियो । ती ई वैद्यजी महाराज नीं पधारघा अर दवा री फगत प्यार गोळियां पकड़ायदी । बां नै सैत, सूंठ रा रस अर तुलसी रा पतां साग लेवण री विध बताय दी ।

घरे गयी तौ कंगाली री मां उए माथे रीसां बळती बोली—थे म्हेन बिना पूछयां लंटी अडांणी क्यूं घर दियो वेटा ?

पछै उए हाथ लांबी करने दवाई री गोळियां हाथ में लीवी, माथा रै अड़ाय'र चूल्हा में फेंक दी । बोली—साजी व्हेणी व्हेला तौ यूं ई व्हे जाऊंला वेटा ! ओछी जात'रा मिनख कदै ई दवाई खाय'र साजा व्हिया है ?

दो तीन दिन यूं इज निकळग्या । आड़ोसी-पाड़ोसी सुख पूछण नै गया । पोत पोतारी जांण अर अकल माफक ओखद बतायो, माडांणी-माडांणी खावण री भळांमण दीवी अर पोत-पोता रै मारग पड़्या ।

मां कंगाली री हाथ पकड़'र कह्यो—इए दवायां सूं काई गरज नीं सजै वेटा, म्हुं तौ मतै ई ठीक व्हे जाऊंला । यूं चिता मत कर ।

कंगाली रोवतौ रोवतौ बोल्थी—थे वैद्यजी री दवा चूल्हा में नांख दी । बिना ओखद लियां कदैई कोई ठीक व्हियो है ?

—म्हुं ठीक व्हे जाऊंला वेटा, यूं थोड़ा चावळ रांघ'र खायलै । म्हुं देखूं देखांणी यूं चावळ कियां रांघै है !

कंगाली उमर में आज पैली बार चावळ राधण नै बैठी । चूल्हा में पांणी ढुल्लण सूं घूंवी व्हेग्यी । नीं तौ चावळ ढंग सर सीझ्या अर नीं वां में सूं ऊसांमणी ई पूरी वारै निकळयो । थाली में परसती वखत ई चावळ थोड़ा वारै ढुल्लग्या । सगळी खाकी देख'र मां री आंख्यां में पांणी आयग्यी । उए ऊठण री कोसिस कीवी पण नीची पड़गी । खायां पछै लारली कांम किए भांत अवेरणी चाहिजै—वा बतावण लागी तौ गळी रूंधीजग्यी अर आंख्यां भरीजगी ।

गांव री ईसू नाई नाड़वैद हो । दूजै दिन आयी, अभागी री नाड़ देखी; निसासां नांखी, माथी घूणियो अर मारग पड़्यो : अभागी बात नै समझगी पण डरी कोनी । नाई रै गयां पछै उए कंगाली नै कनै बुलायो अर कह्यो—यूं उए नै अेकर बुलाय'र लाय सकै ?

—किएनै मां ?

—उएनै रे जिकी कनला गांव में रैवै ।

—किए नै बापू नै ?

अभागी चुप रही । कंगाली बोल्थी—वै आय जावैला मां ? अभागी नै ई इए बात री पूरी अभरोसी हो । वा धीरै सीक बोली—उएनै जाय'र कहीजै के म्हारी मां मांदी है अर वा अेकर थारी चरणरज लेवणी च.व—

कंगाली वहीर होवण लागी ती उण कळी—जरूर लेय'र आईज वेटा । कहीज के म्हारी मूंडी देखणी व्हे ती अेकर आय जाये ।

थोड़ी ताळ ठैर'र वा फेरूं बोली—आवती वखत नायण भाभी मूं मांग'र थोड़ी मेंहदी जरूर लेती आईज वेटा, म्हारी नाम लियां वा ना नीं देला ।

(४)

दुजोडे दिन रसिक बाघ आयी उण वखत प्रभागी प्रचेत पड़ी ही । उणगी ये'री काळी पड़्यो ही अर नैणां री जोत मंदी व्हेगी ही । कंगाली रोवती रोवती बोल्हो—मां ! मां ! बापू आया है, थूं उणां री चरण रज लेवै कोनी काई ?

मां कीं सुण्यो, कीं नीं सुण्यो अर अेक हाथ लांघो कर दियो ।

रसिक गिरण गेली व्हियोड़ी ऊभो ही । उण कदैई मुगना में ई आ बात नीं सोनी ही के कोई उणरी चरण रज मांगेला । बिदु री मासी कने इज ऊभो ही । उण कळी—रो भाई दो—बापड़ी नै जावती वखत चरण रज ती देय दी ।

रसिक आगै सरवघो । जिण लुगाई नै उण सगळी उमर अळगी राती, भून नै ई कदैई सार संभाळ नीं लीवी, रोटी कपड़ा री ई नीं पूछ्यो, हेत री अेक आगार ई नीं कळो, उणनै चरण रज देवती दखत उणनै पोता नै ई रोज प्रायग्यो ।

राखाल री मां बोली—इण सती साध्वी नै तो कोई वांमण रै घर में जनम लेवणो ही । आ अठै अछेवां रै घर में वयूं जनमी ? अबै इणरी माटी नै गत घाल दीजो भाई । कंगाली रै हाथ सूं अग्नी मिळचां इणरी मुगती व्हे जावला ।

दिन बीतां रात आई अर रात ई धीरै-धीरै बीतण लागी । कंगाली री मां पाछो मूरज नीं उणण दियो । रात थकां इज परम घाम सिधायगी । कुण जांणै मछेवां रै तातर रघ आवै के नीं आवै । इण वास्तै पाळी जावणो पई ती अंधारे र जावणो इज ठोक है ।

झुपड़ी रै आगै आंगणै अेक अधसूखी दरखत ऊभो ही । रसिक अेरु कवाड़ियो लेय'र काठ वास्तै उणनै वाढण लागी । दो-च्यार धाव दिया । व्हेला के जागीरदार री कणवारियो आय पूगी । आवतां ई भडपी अेक धाव रसिक रा मूंडा माथै ।

—वयूं दखत थारै बाप री हूं रे हरांगी जो कवाड़ियो लेय'र वाढण हुकमी ?

रसिक कनपड़ा माथै हाथ फेरण लागी ।

कंगाली रोवती-रोवती बोल्हो—दरखत म्हारी मां रै हाथ मूं रोप्पोड़ी है । इण री वाढां ती कुण ना देय सकै ? वयूं धाव मेली थूं म्हारै बापू रै ?

कणवारियो कंगाली नै ई मज्जी चखाय देवती पण वो मुड़दा रै भेळी व्हियोड़ी हो, इण कारण बचग्यो ।

हाको-ह्वो सुण'र खासी भीड़ भेळी व्हैगी । पण किराई कणवारिया नै ओहड़ी नीं दियो । उल्टी कणवारिया नै हाथा-जोड़ी करण लाग-आप बड़ा हो ! आप दयाळु हो ! माफ कर दिरावो । मरण वाली री मंसा ही के उणन वेटा रै हाथ सून अग्नी मिळै अब आपरी किरपा व्है तो ओ काम पार पड़ सकै ।

पण कणवारिये लगार ई गिनरत नीं करी । बोल्थो-म्हारै आग थांरी ओ चालाकियां नीं चालैला ।

इण गांव रा जागीरदार कोई दूजै गांव रैवता । वां री तरफ सून ओक हवलदार अर कणवारियो इण गांव में हा । लोग देख्यो के कणवारिया सून बात करणी फिजूल है सो कंगाली हवलदार अधरराय कनै पूगी । उण टावर नै ओ ध्यान कोनी हो के कागला सै काळा है, रागा रा भाई परागा है अर सै ओक माळा रा मणिया है ।

दुख में गिरण गेली व्हियोड़ी टावर हवाला रै पगीथिये चढ़ती इज ही के हवलदार अधरराय सांम्ही धकिया । वै पूजा-पाठ निवैड़'र बारै आवै हा । कंगाली नै अरचड़ियोड़ी आवती देख'र बोल्या—

—कुण है रे !

—म्हारी नांव कंगाली है वावसी । म्हारा बाप नै आपरै कणवारिये कूट दियो है ।

—ठीक कियो कूटणी इज चाहिजै, हरांमजाद विचोड़ी नीं भरी व्हैला ।

—ना सरकार ! म्हारी मां मरगी है अर काठ रै वास्ते म्हारी बाप ओक दरखत बाढता हा.....वो रोवण लागगो ।

राजा करण री वेळा प्रभात रा पो'र में ओ खिलको देख'र हवलदार री मन मोळी पड़ग्यो । छोकरी मुड़दा रै भेळी होय'र आयी व्हैला । वो उणन धुरकारती थकी बोल्थी—मां मरगी है तो नीची इज ऊभो क्यूं नीं रह्यो ? अरे है रे कोई हाजर ? थोड़ी गोबर लाय'र अठै नीप दीजो रे । दिनुं गे ई सगळी भिस्टवाड़ी कर दियो हरांमखोर !

—कुण जात में है रे छोकरा थू ?

—म्हैं अछेव हां वावसी ।

—तो अछेवां रै काठ री काई जरूरत है ?

—म्हारी मां मरती वखत कैय'र गई है के म्हन वेटा रै हाथ सून अग्नी मिळणी चाहिजै.....अर वो बाको फाड़'र रोवण लागो ।

अधरराय रीसां बळता बोल्या—अठै रोव मत पाजी ! दरखत बाढणी है तो कीमत पांच रुपिया व्हैला । बोल दे सकैला ?

— ना सरकार !

— तो पछे दरखत थारै बाप री है । हुरामी ! पाजी ! गधड़ा !

कंगाली बोल्थी—दरखत म्हारी आपरी है बाधनी । म्हारी मां पोता रै हाथ मूं आंगणा रै सें बीच रोप्पी हो । उगनै घरणी दारो पांणी पाय पाय'र उछैरयो है ।

—अरे है रे कोई हाजर ? इण हुरामी रा पिल्ला नै कान पकड़'र वारै काट दी ।

अर साचांणी उणरी कान पकड़, धनवा देय'र हवाला रै वारै काट दियो । ऊपर मूं इसी वजनी-वजनी गाळां ठरकाई के मुर्गी छै तो कानां रा कीड़ा गिरजावै । इसी कूटरी घर ओपती गाळां जागीरदारों रा आदमियां सिवा दूजी कुण काट सकें ।

कंगाली डेट जागीरदार कनै जावण री मती कियो ।

स्राद्ध पख नैड़ी हो, इण वास्तं जागीरदार मुगरजी रै घर में स्राद्ध री त्पारी चालनी हो । डोकरी-डोकरी दोन्यूं काम में लागीड़ा हा के कंगाली जाय पूगी । बोल्थी—घनवाना म्हारी मां मरगी है ।

— है वुण थूं ? चाबै काई है ?

—मूं कंगाली हूं, बावसी म्हारी मां नै घरनी देवगी है ।

—तो देवै वयूं नी । ना कुण देवै है ?

अर मुखरजी नै थोड़ी जेज पैली कानां पूगी बात याद यावनी । ओ काई दरमना वाढ़णी चाबै

बोल्थी—जा, जा ! भागजा अठा मूं । म्हनै इसी फालतु बातों वास्तं बगत नीं है

मुनीम भट्टाचारज बेटी नांमी-लेगी करे हो । बोल्थी—घोछी जात मे मुग्दां नै फेर दाग कई देवता रे ! जा मूंठा रै घरनी अढ़ाय'र धरनी मे बुर दै, जा सोट जा !

मुखरजी री बेटी कटेई वारै जावै हो । बात मुग्'र बोल्थी—देगी भट्टाचारजी मगळा ई म्हारा वेटा बांमण वणणी चाबै ।

कंगाली सीधी घरों पूगी । इण भाग दोड़ मूं बी धागो हो । वो उणरी मा री लास रै कनै जाय'र ऊभो छैग्यो ।

छेवट नदी कांटे खाडी खांद'र लाम नै मांघ पोछाय दी । रागाल री मां कंगाली रै हाथ में बळती पूछी पकड़ायो अर कंगाली लास रै मूंठा रै अगनी री परम करायो । पत्ते सगळाईं मिळ'र होळै-होळै खाडा नै माटी मूं बूर दियो । जिण बगत दूजा सगळाईं गाढा नै बूरण में लागीड़ा हा, कंगाली बळता पूछा में मूं निकळता घुंवा नै गरी मोट मूं देनी हो ।

उल्थो : डॉ. नरसिंघ राजपुरोहित

लांबी कविता पैली खेंप

खुद सूं खुद री बातां

गोटधन सिघ सेखावत

[तेजसिघ जोधा सारु]

बूढे बड़ले री ढळती छीयां में
सांस लेवती फंकीज्योड़ी मन
मून धारचां, खुद नै मारचां, खुद सूं पूछे
काईं व्हेसी ?

कुरा वी
लांबी उबास्यां सूं ठंडी हुयोड़ी मुठचां में
मोरै पुराणै जुग री बातां । दूजौ खंखारै
कंठां में चिप्योड़ै बासी थूंक नै अर नों पिछांणै
खुद रै काख रै पसेव री खाटी बदबोय नै
अक टांग तूटचोड़ी कीड़ी नै च्यारूंमेर सूं घेर

ले ज्यारी केई कीड़यां अर वी खंखोळीं खुद नै
लारला दिनां री सोवणी सुरंगी ओळूं सूं

देख, उणी नै देख

वी रोज भरम री कफूरी उडावे

रामांदण बांचे । दिनां नै खांचे । मोसं कंठ

सांच रा । अर मुनका गांजा सूं अलूणी जिनगांती रा

कोडाया तिवारां री हंसी उडावे

केई दिन व्हेगा

चोवारा री रंग उतरया लाग्यो । उतरसी ।

देवरै माथे चढयोड़ा सिवाळ

नित सावळ चढसी । कैयत मांची, लागी जद तांग

उतरै गंडासा री पांण । श्री नानपत्ती री नेन

आं कोटड़यां रै मांय अेकर वेगो पूरो व्हेमी

जाजमां रा वर्णला घाघरा । पडदा री

ओढीं ला घूची टावर

जमांना नै सावळ देख'र

म्है मांय ई मांय असूँ । म्हारा नूँ चोगी है अटवो

पैरी देवै हेली माथे । नीं वीने अर नीं चाले । नीं

किणीं रै भेळें अर नीं किणीं रै सागें ।

अर म्है म्हारे ऊपर हंसूँ

ओपदार वातां री पुड़त खोलूँ

अर करडी व्हे जावूँ भाटी मो । मंगरां में ऊठे

चवका मारती दरद । हेर लेवे पांसळयां रै ओडे-छेडे

सुख री सोड़ ओढयोड़ा बगत रा मरदां नै । बांचदा लागूँ

हथेळयां माथे लिख्योड़ा नारा

केई मूंडी बांध्योडी कोथळयां सोलूँ

पण किण सूँ बोलूँ ?

म्हने ठा है

खून नीं वापरै म्हारा बोदा जुड़योड़ा पगां में

पण हाल ई रगत री बैवै नंदी
 म्हारी रगां में । इण गट्टै माथै ऊगणी-छिपणी
 अर देखणी गोटा-किनारी बेचता बिसाती नै
 चाकी रावती, सूई बेचती गिवारण नै
 तिरसी पिणहारी नै चूड़ौ बेचती मणियारी नै
 सगळां रै सगळा कांम
 बूढ़ी भजै रांम-रांम

मैड़ी मुं डागै
 रात री ठंडी पीर टांग पसार'र
 बैठ जावै । अचपळी हंसी रै मीठै हंकारै में
 सपनां री काया माथै
 भांत-भांत रा रंग रंगीला मांडणा मंडीजै
 पण वेगौ ढळ जावै हिरमिचिया दिनां री गुमेज
 आंख फरुकतां
 अर पछै उगं बोछरड़ी दिन
 ताव भरघोड़ी, सै सूं लड़ती । खावूँ-फाडूँ करती
 वोलै उल्टी, सुणै उल्टी, चालै उल्टी अर बात-बात साटे
 ओझाड़ती लातां । उडै भापं सो केई उमीदां
 केई डावरै मनभाती सो रातां

कदै-कदै लागै
 म्है म्हारे सूं साव अलायदी छिटकायी सूं हूं
 ऊभौ हूं गुगळी माटी मांय
 हाथ री रेखावां सागै घिसी नीं
 इतिहास री आकळ-वाकळ तसवीरां री पिछांण
 नादीदा दिनां री बोखी मुळक
 आगोतर रा ऊठता पगां नै देख'र
 अकर सावचेत व्हैगी
 औ सावचेत व्हैणी कितौ लाजमी ?

कुण.....हैं रे कुण !

सुण छम-छम मिनखजूण री कड़यां सूं बंध्योड़ा
मनवारां रा घूवरां री । देख....अरे देख !

आपी भूली सी सिइया लुक जावै भूंपड़यां रें ओले
आखी गिगन बोले । जग मोठी मूमल हाती
नीं पधारी म्हारें देस । गिदोळें अपणेस नें
सूनो पाळ माथे

हथेळयां री मेल उतारतो बटाऊ । लुब्धोड़ी बगत
खेजड़ी रें ओले दांत तिड़कावें

जें बोले बाबा रामदेव री ।

मोटा है वै ?

स्यात मोटा है जिका रमै रात-दिन मतरंज
वतावै प्यादो कद मारें वजीर नें । कद घोड़े रा
ढाई घर सूं हाथी मरसी । नाक चढ़ावै, आंग फिरावै
सोचें कद दाव पड़ली दूजा कांनी
टीचां रें ठंडे कालजें मांय

व्है जावै वेहोस मुरजी । गळी रें मूंडें सूं
उतरे कळकळाट री बुखार । अंधारी आवरी ठोटी
माथे लाठी टेक'र घरां सांमैं ऊम जावै

नेम-धरम रें संकळप री आंख्यां खुलें
रोटी बांटे नेमू दरजी काळा भूरा कुत्ता नें
रासन व्है जावै मूंघो । सरकार री कुटळाई । इण कलजुग
किण रें सांच री समाई ।

स्यात

हर बात री अेक तें मुदा हृद व्है
मिनख, मिनख है पण मिनख उपराड़े ई
की व्हैण री मोचें

अर सोचें क्यूं नीं

उण री सामरथ पसवाड़ा लेवती
हृदां सागै ठिसकळी सुरू करे

स्यात हदां लारै मानखै रा सुरजी
आंख्यां मींच्यां रजाई मांय सूता वहेला
श्री इज चरचरै भरम री सुवाद
हथेळ्यां मांय खून बणा'र पावसै

सगळी इतिहास
आगोतर रै मिनख सारू इण हदबंदी री
नकटाई री गवा है ।

म्है रजाई ओढ'र
तासपत्ती खेलूं देस रा सपनां साथै
तड़कै ई ऊठ सगळां साथै
भारतमाता री जै बोलूं
छेड़खांनी करणौ नीं ठोक

मरघोड़ी ल्हास साथै
सोचूं आ मिंदर री आरती
किण नै सावचेत करै । मिनख सूता है ढप्पाढोळी रा
किवाड़ जड़्यां । अंधारै री जवांनी
आपरी छाती रा बकसवा हाल ढक्या नीं
पड़दां रा इतर फुलैल

आंगण सूं पग नीं उठाया
मुरगी री जुकांम री इलाज कांई ?
उणारै गळै में बंध्योड़ी घड़ी
नीं व्हे कदै खराब । लोग पगां माथै
हेटै सरकती रजाई खांचै । मुरगी
सुरजी रा सात सलाम बांचै । पण
ऊठणी कांईं जरूरी ; आ सांच है कें
बोल्यां खुलै पोल पण इण राज में पोल री
तोल करै कुण ?

पोल सगळां रै होठां चिपगी ।

सोचूं, कांई चावां आपां आं कोटड़्यां सूं
 अं कोटड़्यां आज सूनी
 आं री मरोड़ साव जूनी अर इतिहास री
 गूंगी आतमा सागं चीळ्योड़ी
 अठे नोम रं लटकायी रंवतो
 अक मरचोड़ी कागली

टावर निरखता, वंदूक सांभळता
 पण अव दोरी घणी कंवर जो
 कागला नं मारणी

वार-तिवार
 कारू कमीण भेळा व्हेता निझारावळ व्हेतो
 रांम-रमी अर मुजरां सूं
 कोटड़ी रं अंतस री हरम
 कोटड़ी री घुरजां माये
 अकड़ीज'र वंठतो

आज वगत बुहार दिया
 सगळां रं मायां रा साफा
 गेलं अर गळो रा पग मुड़गा । जगं-जगं री
 काख में राज री खाज सुरू व्हेगो ।
 पिरजातंतर री सेवरी घणी सोवणी
 पण वरातां चिछड़गी
 हाफळां चळ्योड़ा वरात्यां री मोज
 अणळक उमीदां री रातां में
 घुळगी । आज तूट्योड़े मांचे मार्थ वंठो पिरजातंतर
 हाथ में खाली डवरी लिया उवासी लेवे ।
 कंठ रं मांय जण-गण-मन रा मुर धोमा नी व्हिया ।
 आख्यां नं पूंछता थकां
 तिरंगे भंडे री रंग बदरंग व्हेगो ।
 खून रं बदळं खून कुण मांग्यो ?

लाल किलै रै माथे भंडै री पांख्यां कुण
खोली ? किण रै वास्तै ? इतिहास आजादी नै
अजगर ती नीं बखांणी

फैसला इतिहास में ईं ब्हिया । बादां
री भूरी रेत में आंम रा रूख कद सरसाया ?
महें खुद भरम री पोळ में
स्यांन सूं वळ खायोड़ी जेवड़ी री अक-अक सळी नै चुग'र
खटकतै दरद नै हळकौ करूं । सुस ज्यावै तिरियां मिरियां
भरघोड़ी नाडी ।

महारौ मन महारै ई
भेंटी लगावै अर पूछै
महारै माथे री तोड़ी हेटै
लुकयोड़ी स्यांणी समझ नै
पण नीं वांटी जाय पळिये मांय
मुलायोड़ी हंसी नै
महें जाणूं अ सगळा लोग

महारा है
आं रै मन में दोरप नीं, अ नीं विसरावै
महारा फाट्या पुराणां नै अ न्यूतै बार-तिवार
ठीचै-ठमकै करै मनावणी
अ करै भराव स्याणप सूं
कुबद रै दरड़ां री
रीत-नीत रै सारू माथे भेलै बोझ करज-करड़ां री
पण नीं हटै वांरी कूड़ी गुमांन
वै तोर बांध'र बीत्या जुग री
धुंधळी मूरत नै खींचै

अणखक तूट जावै
महारी छकड़ी रा खच-खच करता पैड़ा
महें खुद नै झड़काऊं अर ऊमौ व्है जावूं
भोपा-भोपी री नाच देखण सारू

म्हारा मंगरां में थापी मारें
डूंग जी जवार जी री वजर छाती री
लाखीणी बिड़द

परा डूंगजी
भोपां रा कंठां में कद ताईं बिराजोला ?
पेट री लाय सांमै
जुग री स्यांन रा रंगीला गीत फीका पड़ैला
अव तो भोपण रै लांवे सुर सूं
गढ़ां रै ओप नीं चढ़ै
भोपी हार खाय'र
खादी भंडार रै मांय रेजी बगुवा लाग्यो ।

सांची है
पेट नीं भरै हथकार सूं
पाप री पैड़यां मायै बंठा सौदागर
उभलतै मन री पाळां धामै । अठाईस बरस सूं
आ ढांणी भेरुंजी रै सवामणी चढ़ावै
भरम री आंधी में सोयोड़ा अ लोग
फूट्योड़ै आंगण में मांडणा री उडीक करै
कद आं वाड़ां रा कालजा

हरया व्हेला

मनत रै दीयां री घुटती चानणी
कद ढाण्यं री हरख टंटोळैला । ल्यो आं
फावड़ां अर कुदाळयां रै टीका काढ़ी । क्यूं
स्यात थे नीं काढ़णी चावो ?
इण घरतो रा होठ रचावो
खेतां रा तिरछा नेणां सूं नैण मिलावो
क्यूं, थे नीं चावो ?
विसवासां री थोर री झरोटां सूं लोई निसरै

पण भोळां !

आी खून थारौ है, इण नै चाटो

गलाफां में वादा नीं चिबोळी

सांच नै देखौ ई नीं

इण नै परोटण सारु कमर कसी

धूधी मत चढ़ौ

प्रबखायां रा कुरळा आ ढांगी कद ताईं करैली ?

(आगलै अंक आगै)

॥ ॥ ॥

लिखारां सूं

- 'जागती जोत' सारु रचनावां कागद रै अक पसवाईं हासियो छोड'र उघड़ता आखरां में थ्यावस सूं मांड'र भेजौ । उतावळ के लापरवाही सूं मांडियोड़ी रचनावां भेज'र संपादक रौ जीव मती वाल्ही ।
- लिपी रा कायदां रै सरोध सारु 'जागती जोत' मासिक रा अंकां नै सावचेती सूं वांचौ अर खुद री रचनावां नै जागती जोत री लिपी रै ढव ढाळ'र भेजौ ।

— संपादक

•
उपन्यास

खुलती गांठां

पारस अरोड़ा

•

स्नारवाड़ रा घोरां री घरती री काळजी पिणघट । मवार-सिन्धार, दिन में दोय वार जिणारी सिणगार व्हे—जद गांव री पिणियारघां मज-धज'र माथे तांवे अर पीनळ रा देगड़ा-चरी उंचायां, हाथ में डोरी-डोयली लियां रिमभिन करतीं घाथे । पिणघट री पाज माथे वैठ'र अक-दूजी नै बतळावती देगड़ा-चरी नै घस-मांज'र मूरज री किरगा नै नयो रूप देवे । वातां रा भंवर अर हसी रा हवोळा चाने, उगु वगत पिणघट री गिनगार निरगुण जोगी इज विह्या करे ।

जोधपुर सूं अगुणो, माटेक कोसां रे आंतरे आयोड़ी गांव रुपाळू । रुपाळू री मीठियो कुवी दसूं दिसावां में आपरे उमरत जळ रे कारण तो नावी हो उज, पण मवार सिन्धार इण माथे लागणियो पिणघट ई इणरे चावी व्हेणी री अक कारण मानीजतो । आवता-जावता थाकोड़ा करसा जद मीठिये रे नेटा पूगता तो यांगी आघो याकेलो उतर जावतो । तिरस नीं विह्यां ई दोय गुटका उमरत पीवण री मन व्हेतो । मीठिया रे पागती ऊभी घेर-घुमेर बड़ली, जाणै तपते तापड़िये सूं बचाव सारु तणीज्योड़ी कुदरत री छतरी ।

आजादी रे पछे गांवां रे विकास सारु जिकी योजनावां बणी, उण में सिमरथ करसा आपरे पइसे, मँएत अर सिरकारु उमदाद रे स्यारी गांवां री 'काया-पलट' करण री जिकी निरण लियो उणमें वाने खुदरी काया-पलट व्हेणै रा आनार सफीट दोसता । जिण दिनां देस नै आजादी मिली, वां दिनां रुपाळू रा दाय जवान सैर में कॉलेज री पढाई पूरी करण में लागोड़ा हा । ठाकर बादरसिधजी रा कुंवर हिम्मतसिधजी अर सेठ हीराचंदजी (हीरजी) री बेटी लाभचंद (लाभूजी) ।

दोनूं बी. अ. कर गांव आया । व्याव दोनों रा ई विहोड़ा । वां दिनां ठाकरसा बीमार हा, केई इलाज करवाया पण कोई फरक नीं पड़्यो । अठ्ठीन काळ-बरस माथे आयगो ।

किणी साधु महात्मा रै कैयां-कैयां कुंवरसा कुवो खुदायो । गैरी खुदाई व्हियां इमरत कुटी—जांणै धारणा रै धनुस चढ'र मैणत रा बांण रै पांण घरती सूं गंगा प्रगटी । नांव पड़ियौ मीठियो । वरसां सूं तरसतै गांव री तिरस बुझी । थोड़ा दिनां पछै ठाकरसा ई सावळ व्हेगा । महात्माजी नीं जांणै कठीनै रमगा, पण लोग कैवै के भगवान आया हा । पाछा इत्ता वरसां में कदैई नीं देखिया । हां, महात्माजी वहीर व्हिया उण वगत कुंवरसा बांरी भोळी में अेक पोटली घर दी । वो स्यात् गुप्त दान व्हेला । पछै कुंवरसा अर लाभजी री बाळपणै री दोस्ती जवान व्हेयर गाढ़ी व्ही । गांव रा लोग आं दोनां री प्रेम देख थुथको न्हाकता, कैवता के भगवान इण राम-लिछमण री जोड़ी नै अमर राखै । आ दोस्ती धीरै-धीरै रंग लाई ।

किणी वगत रूपाळू रा मजूर करसां नै काळ रा दिनां में मजूरी सारू परगांव अर परदेसां जावणी पड़तौ, पीवण सारू आखती-पाखती रा गांवां रा कुवा देखणा पड़ता । अबै काळ रा दिनां में आखती-पाखती रा गांवां रा लोग रूपाळू री आस राखै । गांव में मसीनां आई, कुवा खुदिया, कुवां माथै मोटरां लागी, पम्प सूं धक्-धक् करतो पांणी निकळ'र जमीं री रंग बदळ दियो । ट्रैक्टर आया । बिजली आई । सेठां री हवेली अर ठाकरां रै रावळ जांणै लिछमी री पड़ाव पड़ियो । दूजा करसा पांणी रै वदळै आध देवण लाग़ा । ट्रैक्टर किरायै चलण लाग़ा । इक साखियो गांव अबै दुसाखियो वणगी । गांव में अस्पताल अर मिडल स्कूल खुलगो । गांव री आवादी ई वधण लागी ही । कीं ई व्ही, पण आ कैवणी पड़ैला के पीवण री पांणी मीठिया जैड़ी दूजी ठोड़ नीं निकळचो ।



भादवा री मईनी, घुमटचोड़ा बादळा अर सांभ री लारली वगत । अंधारो घरती माथै पसरण लागी ही । धीरै-धीरै मीठिया रो जमावड़ी ई बिखरगौ । अेक सोळे-सतरै वरसां री जवान छोरी आपरी घड़ी-चरी भर गरणै नै निचोय'र उणरी इडोणी बणावती अठी-उठी देखण लागी - इत्तेक में अेक बीस-बाईस वरसां री जवान वड़लै री आड सूं निकळ'र उणरै सांमी आय ऊभौ । गेवू वरणी रंग, जवानी रै पांणी सूं पळकती आंख्यां, मुळकती चैरी, चिलकती लीलाड़—बूढा-बडेरा देख'र थुथको न्हाकै जिस्यो ओपती सरीर । औ हौ लाभजी सेठ री लाडे-सर वेटी सूरज । जिणनै गांव रा लोग भगवानजी अर बूढा-बडेरा भगवाना रै नांव सूं बतळावता ।

ठीमर स्वभाव अर लुळनाई रै कारण लोग आपरा टाबरां नै सूरज री मिसाल देवता अर कैवता के लाभजी किस्मत बाळा है, जिकानै भैडो लाखीणी वेटी भगवान दियो है । धायोड़ा सेठजी आपरा अेकाअेक वेटा नै इयारै किताबां पढाय'र पढाई छुड़वाय दी । सूरज कदैई इमत्यांन में फँल नीं व्हियो । हाल ई सूरज गांव री इस्कूल में व्हेणवाळा जळसां में पूरा भाग लेवै । वालीवाल रां पक्की खिलाड़ी । वंसरी इत्ती उम्दा बजावै के मत पूछी बात । खेती-बाड़ी रै काम री पूरी जांणकार अर मैणती । सेठजी अबै उणरै ब्याव री ई सोचण लाग़ा हा ।

वो इज सूरज इण बगत इण छोरी रै सांमी ऊभो मुलक रैयो ही । आ छोरी गांव रा सिरमाळी पंडित ओमसंकरजी (ओमा म्हाराज) री बेटी तारा ही । पचासां नैड़ी उमर रा ओमा म्हाराज रै तीन टावर ब्हिया । बडी बेटी व्याघ्र ब्हियां पछे लुगाई नै जेय'र रंग में बसगो । उणसू' छोटी तारा, जिणनै ज्यू'-त्यू' करनै दोयक बरसां पैली परगनाई । छोरी चारैक दिन सासरै रैय'र पाछी आई, जिकी पाछी सासरै नीं गई । कारण उणरो बाप भेक दूक री लपेट मे आय'र गुजरगो अर सासरावाळा कंवाय दियो के म्है उण रांड डाकण नै अवं म्हारा घर में नीं आवण दांला । जद सू' बेटी बापरै घरै है । ओमा म्हाराज री तीजी ओमाद भेक छोरी दिन सातेक री ब्हेय'र गुजरगो । पिडतायण दुखड़ी नीं भेन सकी अर बेटी रै पाछी आवतां ई खुद बहीर ब्हेगी । अवं बाप-बेटी दोय रा दोय । म्हाराज कैय के म्है आगी उमर बेटी नै रोटी घाल सकू' । अर बेटी.....इण बगत डोल'ची सू' पांणी सांनर मूरज री सिरम बुभावती ही ।

वा बूक मांडियोड़ा सूरज नै पांणी पावती बोली—'देव्या भगवानजी, किस्ती मुतलबी है लुगायां ! मेह-छांट री बगत ई कोई साथ करणनै नीं सकी । जागूं म्हनै ती पांणी भरण में बरस लागता ब्हेला । बाबळा देव'र रंग जणियां ग्रैही ग्हाटी जागूं रांटा पड़्यां गळ जावैला ।' इत्ती कैय'र वा डोल'ची मानी कर अेक कांनो घर दी, अर पाछी गरगं री ईडोणी बणावण लागी ।

सूरज उणनै भर निजर देवती बकी बोल्यो—'हां ॐ ! पण ये लागियां जागती ही के इण छोरी री साथ करणियो तो अवं आयेंना । अर अँड़ी ई मोटियो आगो पड़ती ब्हे, तो हुकम दी, आपरै घरै पुगाय दू' ।'

तारा तुणकती थकी आंख्यां में रोग लाय'र बोली—'वा करो, वा ! कोरी सेगायां मती फोड़ी ! म्हारी साथ कर ई ! अरे बंत भर री काळजो चईज, बेंन भर री ! म्हारी साथ करणिया री, समझ्या ! धारो साथ उळाव री पाल ताई । नै बिस्नै ई कोई दूजो सांमी आवतो दीसगो, तो कठै भगवान जो ? वे जा ॐ ! अं म्हारी साथ करैला ।' इत्ती कैय'र घाघरै री फटकारी देय वा उठै सू' बहीर ब्हेगी । फटकारी जोरदार पड़यो ही । सूरज अेक बार ती बगनीज'र रैयगी । तारा पाळ रै नीनै उतरगी । सूरज पाछी तळाव कांनो उतर चोळा री जेव सू' बंसरी काढ'र बजावण लागो—'काळी अे कळायण ऊमटी.....' अर पाळ उतरती तारा रा पग धीमा पड़गा । उणी बगत कोई छोरी बात कैंती बंसरी बाजगी हैं' दूजो बोल्यो—'राधा आयगी है !' उणी बगत तड़ातड़ करती छांटां आयगी अर तारा 'रोय वो करो !' कैय'र आगें बधगी ।

तारा जद घर री गळी रै नैड़ी पूगी, ती उणनै सांमी उणरा बापू आवता दीसिया । पचासां नैड़ी उमर रा ओमा म्हाराज री रंग पक्की, दूबळी सरीर, करड़ी भैणत अर दुख चित्तावा सू' झुकती-सी कमर, चोड़ै लीलाड़ मार्य केसर री आगळियां फिरियोड़ी, कानां री लोल मार्य केसर री टीकियां, गळ में रुद्राक्ष री गाळा, तुलसी री गाळा । धोती मार्य बनिषान

अर बनियान माथे बंडी पैरचोड़ा छतरी तांण्योड़ा सांमी आयगा हा । बेटी न आवती देखी अर पाछा फिरगा । गळी रै नाकै आय'र ऊभगा । तारा गळी में घुस'र घर में पूगी, लारोलार म्हराज आयगा । तारा चरी उतारती बोली—'जी सा, थै सिध जावता हा ?'

म्हराज कड़क'र बोल्या—'थारै लारै आवती ही ! थनै मेह-छांट री ई ध्यान कोनी । अ थारै साथै निकळियोड़ी छोरियां—गोकळ री बींदणी, लिछमी दूजी सँग आयगी अर थारा पत्ता ई कोनी । इत्ती जेज कीकर लागगी ?'

तारा घड़ी उतारती बोली—'अ सगळी जणियां घड़ा-चरियां मांज'र गई ही । म्हें उठै जाय'र मांजिया-भरिया जित्तै अ आयगी ।'

हळाहळ झूठ छोरी तां घर दियो पण भईजी रै सांमी नीं चली । म्हराज कमर माथै हाथ धरता बोल्या—'झूट मत बोल छोरी ! दोय ठांव मांजतां न इत्ती जेज को लागै नीं के सँग जणियां तो पांणी भरनै आय जावै अर थू' उठै इज रैय जावै ।'

तारा हड़बड़ाय'र बोली—'पछै भगवानजी आयगा के तारा अक डोलची सींच'र थोड़ी पांणी पाय दे । वानै पाणी पाय'र घड़ी चरी उंचाय सीधी घरै आई हूं ।'

आ वात सुण बापरी आख्यां बेटी रै चरै माथै जमगी । चीनिजर व्हेता ई तारा मूंडी घुमाय लियो । सूरज री वात रै साथै आवती लाज म्हराज री निजरां छिपी कोनीं । अनुभव रै आगै चालाकी री नीं चली । बाप सू' बेटी री आख्यां री फड़कण अर हिंडदै री घड़कण ई छिपी कोनीं । म्हराज घीमा अर करड़ां सव्दां में बोल्यां—'देख छोरी, थनै साफ कैदूं हूं के कठैई म्हारी मूंडी काळी मत करवाइज ! नींतर म्हनै मरण नै ई जगा नीं लाधैला । म्हं थारै हाथ जोड़ूं देवी !'

तारा बापू रा हाथ पकड़ती बोली—'कैड़ी गैली-गैली वातां करी जीसा ! म्हें कोई अड़ी काम नीं करूं जिणसूं थाने के म्हनै मरणी पड़ै । अड़ी कोई वात नीं व्हे के कोई थारै कानी आंगळी उंचाय दे ।' इत्तो केय'र वा रसोई में वड़गी ।

ओमा म्हराज मचली उंचाय'र वारणै आयगा । छांटां वन्द व्हेगी ही । चांतरी माथै मचली विछाय'र जमगा । चिलम सिलगाय ली अर फू'कां खींचण लागा । चिलम में तमांखू सिलगी, मगज में विचार सिलग्या ।

...बेटी बाप रै घर कठाक् ताई ? गुळ माथै ती माखी आवैला ईज । ओ जोगी पुरोहित आधी को गयो नीं । इणनै इज देखलो आज कोई नै मूंडी देखावतां ई सरम आवै । उण वगत कैड़ी अरड़ाटा पाड़'र रोयी हौ ।

.....जोगा पुरोहित री जवान बेटी रूपा । छोरी लाखीणी; पैर ओढनै निकळती, कुण उणनै कंवारी कन्या कैवती । जोगी उणनै सतरै-अठारै री बतावती पण छोरी बीसां ऊपर ही ।

दोवड़ा हाड री ही इण वास्तु लुगाई जित्ती लुगाई दीसती । लोग घरणी ई कैयो के जोगा बेटी रो ठिकाणी कर ! पर जोगी, राम-राम, बेटी रा पड़सा बाटणी चावती । बाट लिया पड़सा ? छोरी गोपी मास्टर रै साथे न्हाटगी । पछे भलाई लाग घमोड़ा ली, की नीं व्हे । म्हें जोगा न ई समझायी के जोगा अर बेटी सारू कळपणी छोड़ दे । या गोपी मास्टर रै साथे गई है । गोपी मास्टर थारै-म्हारैऊं छानी कोनी ही । भगियो-पड़ियो छोरी है, छोरी दुग नी पावे । रंगी बात लोगां री ! वकण दे वकी जिकाने नथी बात नी दिन ! थोड़ा दिन में बात दुनी पड़ जावेला । आज रै जमाने में लोगां कने उती वगत कटे के ये दूजां री बात लिया घेठा रैवे । लोगां सूं खुद री ई को निवड़ नीं ।

म्हराज चिलम री छेली कस लेवतां विचारण लाग—हां, गुद री ई को नीवड़ नी । आज तारा म्हारै सांमी मवान वणियोड़ी है । लोगां रा मूंडा नीं पकड़ीजे । तारा रै साथे भगवाना री नांव लोगां रै मूंडे चढण लागी है । कहे तो कहे करे ? पर उण मवान रै साथे इज म्हराज भीत रै स्यारै घूणां कानीं चिलम दिगाल री ।

अंधारी पड़सां सूरज विचारां में दूबोड़ी गांव कानी पग घरवा । गांमी उजरा माखी तेजसिध अर गोविंदराम आवता दीस्या । तेजसिध ठाकर हिममतसिधजी रो मुंवर हो अर गोविंद अक नाई री बेटी । तेजसिध नैदी आयर बोल्थी—‘घूं घघारें में कहे बेटी है भगवान ? लै आव चायड़ी पीवां ।’

सूरज उणरी हथेली में हथेली देयर आगं बधतां कैयो—‘सोचूं, के ओ जात-जांत रो जगड़ो कित्ती विकट है ! ओ नीं व्हेतो तो....’

तेजू उणरी बात पकड़ती बोल्थी—‘तो ओ चांद-तारा इत्ता घाघा नीं देता । समझयो ? थारी तो इण तारकी रै लारें भेजी सराव व्हेगी है । नीं जासै कई-कई ऊधी-सीधी बातां सोचती रैवे ।’

सूरज अठी-उठी देखतां तेजसिध री हाथ भींचे बोल्थी—‘घारै बोल गार ! तारा नै लैय’र पैली सूं इज लोगां रा पेट में मरोड़ा ऊठ रैया है । तारा अर म्हारै बीचली बात थां लोगां सूं छानी कोनीं । म्हें अवे उरणे भूल नीं सकूं । अठी जीसा व्याव री बातां कर रैया है । अड़ी नीं व्हे के काले लोग ओमा म्हराज कानी आंगळियां ऊंची करे अर छोरी रो घर सूं निकळणी ई मुस्किल व्हे जा !’

तेजसिध अक बंद दुकान री चांतरी साथे बैठती थकी सांमी किसना काका नै अवाज देय’र तीन चाय री कैयो । गोविंद सूरज नै बतलाय’र बोल्थी—‘देख भगवान, के व्याव तो थां दोनां री व्हेणी कोनीं । नै ओमा म्हराज ई दुखी बिरामण है, आ घ्यान राखजें । नै की अड़ी-वैड़ी बात व्हेगी तो इण डोकरा नै मरणो पड़ला कई तेजजी ?’

तेजसिंघ 'हामळ भरती बोल्थी—'हां, आ बात तो है इज ! दूजी बात, थारी इत्ती हिम्मत कोनी के थूं छोरी नै लैय'र कटैई जावै परी अर व्याव करलै। नै अइड़ी है कई इण छोरी में, थूं तो इणनै आछी तरै सूं संभाळ लिबि ही उण दिन, की लाधी?' इत्ती कैय'र वो मुळकरा लागी।

सूरज खूणी रो टल्ली देवती बोल्थी—'फालतूरी बातों नीं करणी। थानें तो मजाक सूझ रैयी है।' इत्त में ई अके छोरी चाय लेय'र आयगी अर तीनुं चाय रा सुळका खींचण लागी। पछे गोविंद आपरी राय देवतां कैवण लागी के अबकलै छाईस जनवरी माथै इस्कूल की तरफ सूं अके नाटक करां। जिएमें सूरज की समस्यां नै ध्यान में राख'र जात-पांत रा भेदभाव की बात खड़ी करां। पछे देखां के ओमा म्हराज अर सूरज रा जीसा उण माथै कई विचार दरसावै। आ बात चल इज रैयी ही के अके छोरी दीड़ती-दीड़ती आयी अर सूरज नै वतळाय'र कैवण लागी के थारै घरै कोई बारला पावणा आया है अर सेठजी थानें दोय सेर दूध लेय'र बुलाया है। इत्ती कैय'र वो आयी जठी पाछी दीड़गी।

सूरज दोनों सूं रवानगी लेय'र दूध सारू ओमा म्हराज रै घरै पूगी अर वानें पावणां की बात बताय दूध सारू आवण की बात बताई। ओमा म्हराज घर रै वारै मांची ढाळ'र बैठा चिलम पीवता हा। सूरज की बात सुण'र वै बोल्थी—'थारा पावणां जिका म्हरा पावणां भगवान। पण थै जाणी हौ के म्हारै कनै अबे दूध कठै? व्हे जिको बंधी में उपड़ जावै। नै थान्गे बंधी की दूध थारै घरै पुगाय दियो। देखो, आसी रै उठै व्हियो तो मंगवाय दूला।' इत्ती कैय'र वै तारा नै अवाज दी अर सूरज नै मांचै माथै बैठण की कैयी।

तारा वारणै आय'र ऊभी तो म्हराज बोल्थी—'देख तो बेटी, आपाणी छोटकी चरी लैय जा, अर आसी रै उठै व्हे तो दोय सेर दूध भगवानजी नै लाय दै। आरै कोई बारला पावणां आयोड़ा है।'

तारा रै गयां पछे म्हराज पावणां की बावत पूछ्यो। सूरज कैयी—'म्हैं तो हाल घरै गयो कोनीं। पकायत तो नीं कैय सकूं के कुण आया है। पण जीसा दोयेक दिनां पैली कैवता हा के जोधपुर सूं सेठ किरपारामजी आवणाळा है। स्यात् वै इज आया व्हेला। किरपारामजी म्हारी च्यात रा है अर जीसा रा दोस्त ई है। म्हनै जीसा किरपारामजी रै साथै जावण की बात कैवता हा। किरपारामजी रा सैर में कई तरै रा वीपार चलै। मकान है, दुकानां है। जीसा म्हनै आरै सार्थ भेज'र सैर में वीपार खोलणी चावै। पण म्हारी मन गांव छोड़ण की कोनीं। जद सूं घर में आ चरचा चली है म्हारी भेजी काम नीं करै। कळ तो कई कळ? जी सा नै कीं कैवणो फिजूल हूं। कीं कैयां वै अके इज उत्तर देव के थारी चिंता म्हनै थारै सूं वत्ती है। अबे थै ई बताओ म्हराज मन की बात किणनै समझाऊं? मां है कोनीं अर धाजी (दादी) की चलै कोनीं। आज मां व्हेती ती उणरा खोळा में माथी घर जीव तो हळकी कर लेवती, दोय बात कैय ती सकती। पण अइड़ी किस्मत कठै?' इत्ती बात कैवतां ती सूरज की आख्यां जळजळी अर कंठ गळगळी व्हेगी।

ओमा म्हाराज उणन विलखती देख'र मोरां मोठी थपकी देवता बोल्या - 'मन नै थावस दे भगवान, व्हेगी जिकी वात रो पिछतावी करण मूं कई फायदी । रेंयो थारें जीसा री वात, सो लाभजी जमानो देख्यो हे । वगत सूं फायदी हरेक नों उठा मके । बीतार करण रो ई श्रेक तरीकी व्हिया करे बीराजी ! इणमें ई तजुरवें री जखरत हे । इण तजुरवें सारु इज लाभजी थानें सैर में भेजण री लेवडी व्हेला । रेंयो घटें री नेती वाडी, जिकी चन इज रेंयो हे । सैर में थानें सेती री चोखी-चोखी कितावां ई पढ़ण नै मिळ मके । नै जोधपुर किस्मो विलायतां में वसियोडी हे । ओ रेंयो जोधपुर, वस में वंठां तो तीनैक घंटा री रम्यो । जवें जदई आवी नै जचें जदई जावो ।'

सूरज नै लखावो के म्हाराज ई उणन मीर भेजण में राजी हे । घे ई मोनता व्हेला के म्हें जाऊं परी तो तारा री लारी छुटें । अरे बाजी गदाई गांव खोद'र मंग जावणियां नै टोकता रेंवें उणन गांव में रेंय'र सेती-वाडी री सल्ला देवें । घर आज म्हन.... दोकरो बघो मतलबी हे । सूरज म्हाराज कानी देख्यो । वें राग व्हियोडी चिनम मूं पागरो कम मोनण में लागोडा हा । सूरज म्हारी मुळक प्रगटावती बोल्थो—'अवें कस नों रेंयो म्हाराज !'

म्हाराज नै अं बोल जाणें राम व्हे ज्यूं लागे । वें किणी पूतळ री गळाई मूनी निजर सूं सूरज नै देखणे लागे । सूरज री चोरती निजर वें नों भेल सकदा घर मांने रें पागे कने चिलम ऊंधी कर दी । सूरज ऊठ'र बहीर व्हेण लागो, कारण तारा हूय लंद'र आयगी हो । सूरज उण मूं चरी लेवतां आंगळो दवाय, पांय फडकावर बहीर व्हेगी । घर म्हाराज सोचण लागे के सूरज किणरें बारें में केंयो के कस नों रेंयो । हां, चिनम में रेंयो व्ही के नीं, पण म्हारें में कस की रेंयो नीं । नींतर म्हन मूं निजर नी भुकावणी पढ़ती । खोरो हुंसियार अर लुळताऊ हे । गांव रा केई लोग नेती रें मामन में इणमूं सल्ला नेवें, गांव रा खोरा तो इण मायें जीव देवें । ट्रेक्टर, पाद, बीज अर हिसाब-किताब रें मामन में इणनं चेसी जाणकारी हे, इस्कूल री लाईब्रेरी (लाइब्रेरी) में कई कामू कितावां ओ मंगवाय दी । इणरें जावण सूं आखें गांव नै घाटी । नै आं आख्यां मूं म्हें बडा-बडा बीपारियां री फडिया होनी पढ़ती देखी हूं । खोरी दया-मया वाळी हे, वेळा-कुवेळा गरीब रें आडो आवें जेडी । अर म्हें.... हां, ओमला ! अवें थारें में कस नों रेंयो !

दूजें दिन तडकाऊ रा तारा बंधी री दूध देवण सारु सूरज रें घरें पूगी । दूध लेवती वगत सूरज उणमणें मन मूं बोल्थो—'आज सिड्या रा जोधपुर जाऊं हूं तारा ! जीसा जोधपुर में बीपार करण सारु भेज रेंया हे । देखो, पाछो कद आवणी व्हे ।'

तारा री दूध घालतो हाथ कीं धूज'र यमगो । उणरी निजर सूरज रें चेरें माथें जमगी । पछे वा मून तोडती बोली—'जावणियां नै कुण रोक सके । इत्ता दिन मूंडी देवती, आज पूठ देखण री वगत ई आयगी । खैर मायतां री वात नै टावर कठा ताईं टाळ सके !'

सूरज दिलासी देवती बोल्थी—'चिता जेडी वात कोनीं, पाछो वेगी आवूंला । जोधपुर कोई आघो कोनीं ।'

तारा चुभती मुळक रै साथै बोली—‘जावणी थारै सारै कोनीं, ती आवणी कित्यो सारै व्हेला । नै भाप किणी अहिल्या री उद्धार करणिया राम कोनीं । चालू, व्हे सकै ती समचार भिजवाइजो !’ इत्ती केयर तारा उठासूँ वहीर व्हेगी । मूरज सोचण लागी ही—तारा उदास जरूर व्हेगी ही, उणारै मन नै ठेस लागी ही । वा लारला कीं दिनां सूं म्हनै खारी वातां सुणाय—सुणाय नै म्हारो मजाक उडावण लागी ही । म्है तारा री गुनैगार हूं ।

सिध्या रा जद तारा पांणी भरणनै गई ती वस स्टेंड माथै सूरज नै साथियां साथै ऊभो देखियो । वा अक निजर में देख लियो के उणारो चैरो उतरघोड़ी हे । वस हाल आई कोनीं ही । तारा रै मन में ई खलवळी मच्योड़ी ही । चाल धोमी व्हेगी, खाली घड़ी ई भारी लखावै ।

मीठियै माथै आय’र ऊभो व्ही, कुवा में देख्यो, लागी भाज ऊंडी वत्ती हे । अक हाथ में डोरी री लारली छेड़ी पकड़ दूजै हाथ सूं डोलची मांय न्हाकी । डोलची कुवा में गई अर ध्यान जूनी वातां कांनी....

....अक दिन इणी मीठियै माथै दोय परगांव रा जवान छोरा आपरी निजर मेली करी ही । अक जणी पिघळघोड़ी निजर सूं उण कांनी देखतो बोल्थो—‘लखजी अठै आयां तो तिरस नीं व्हे, उणनै ई लाग जावै ।’

दूजोड़ी तारा माथै निजर गडाय’र बोल्थो—‘साव साची बात ! पण आ तिरस यूँ बुझणी नीं है । आ तो ..’

‘जूता खायां बुझैला कांई मोटधार ?’ सूरज बड़लै री ओट सूं निकळतो बोल्थो । उण दिन तारा पैली वार चौनिजर व्हेय’र सूरज नै भरपूर निजरां सूं देख्यो । पछै उणनै तरातो देख’र वा बोली—‘नीं नीं, भगवानजी ! अंडी कीं बात कोनीं, अै लोग तो कँवता के अक डोलची सूं तिरस बुझण वाळी कोनीं !’ वा डोलची लेय’र कुवै री पाळ रै नैड़ी आई । बोली—‘लो वूक मांडी !’

अक जणी आगँ आय’र कादें में पड़िया दोय खडां माथै आपरा पग जमाय’र वूक मांडनै भुकगी । सूरज मूंडी ढेर’र ऊभगी । वूक मांडणियै री निजर तारा री कांचळी माथै जम्योड़ी ही । तारा दोनू हाथां सूं डोलची कीं लारै लिबी । दांत भिचीजगा अर ‘छपाक्’ छापकी इत्तै जोर सूं पड़यो के पग जमीं छोड़ दी अर वो कादें में कळीजगी तारा कूकी—‘यूँ बुझैला थांणी तिरस ! अरै म्हारैऊं बात करण वाळै री वेंत भर री काळजी चइजै, वेंत भर री ।’ वा पांचू आंगळिया खोल’र वेंत बतायो । सूरज हंसण लागी, वै दोनू जणां गुणमुण करता उठा सूं वहीर व्हेगा ।

पछै सूरज तारा नै स्यावासी देवती बोल्थो—‘वा, ताराजी वा ! जवरी हिम्मत करी । म्है ती अक वार अचूँवै में पड़गी के.....

‘अबूँ वै जेड़ी कई बात ! चूटियां पैरली तो कई दिह्यो । पांगी तो इमी भीठिया रो पीऊं हूं ।’ अर उण दिन सूरज पैली बार तारा न घड़ी उंचवायो हो ।

‘.....अर आज ‘.....उणीज वगत सूरज आय पृगी अर बोली—‘ला तारा, आज घापर पांगी पी ला, नीं जाण पछै किता दिनां गूं आवणी छै ।’

तारा बोली—‘भगवानजी, भीठिये रे पांगी में पांग दिह्यो तो घाफिट मुताय लेवैला ।’ इत्ती केय रे वा पांगी पावण लागी । पछै वा सूरज न घड़ी उंचावण रो कैयो । घड़ी-चरो माथे घर वहीर रही ।

सूरज लारें पग धरती बोली—‘तेजसिध रे माथे गमचार मिलता रेंवैला । की खास बात रहे ती चार ओळी रो कागद लिखण रो नरम मत रागज । ठिकाणी नेतुं गूं मिल जावैला ।’ इत्ती केय वो पग उठाय रे तारा गूं आगे निकळगो । तारा ‘टोक है ।’ कैम रे रेंगमी । पण वा सूरज रो आख्यां में तिरती पांगी देख लियो हो । अवे पग उंचायां नी उंचे ।

वस स्टैंड माथे सूरज नै खानगी देखण गारु उणरा बापू ऊभा हा, माथे ऊभा हा सेठ किरपारामजी । सूरज पाछो आपरा दोस्तां कने आय ऊभो । ओमा म्हराज ई किमना काका रो होटल माथे मौजूद हा । सूरज रे लारेलार तारा न आवती देग रे रोगी रो टाळी मुळकण लागी, पण लाभजी सेठ रे लीलाट माथे सळ पडगा । वं की लारें मिरक ओमा म्हराज कानो देख्यो, म्हराज घांटी फुकायां ऊभा हा ।

वस रो भोंपू वाज्यो, मुसाफिर चढ़ण लागे । लोंग वस रो चानियां कने आयगा । वस में जगा मिळियां मुजब सेठजी अर सूरज न्यारा-न्यारा बंठा । वस चहीर रही अर सूरज न आपरी समस्यावां माथे विचार करण रो मोको मिलयो ।

वो सोचण लागी—लोंग कैवे के जमानो बदळगो । साव थोथो बात ! कठे बदळगो जमानो ? म्है तारा सूं ध्याव नीं कर सकूं । हां जमाने रो रूप बदळगो रहेला, आतमा नीं बदळी । वा हाल मैली रो मैली । ऊजळी देही अर ऊजळा गाभां सूं मन उजळी नीं छै । जात-पांत ऊंच-नीच अर अमीर-गरीब रो फरक हाल नीं मिटियो ।

वस दीड़ रेयी हो । उणारे लारें रेत रा गोठ ऊठ रेंवा अर सूरज रे मगज मे विचारां रा गोठ.....

‘.....अर इज ओमा म्हराज हा जिका उण दिन जोगा पुरोहित नै समभावता हा के देख जोगा छोरी तो गई जिको गई परी, अवे पाछो आवणी कोनीं । जमानो बदळ रेंगो है जोगा ! जेड़ी वाजे वायरो वेड़ी लीजे ओट ! अवे आपां वाळी वगत कोनी के टावरां नै चावां जठी टोळ दां । नवे जमाने रो नवी बातें । आज नीं तो काले श्री वातां सिकारणी पड़ेला ।..... अर म्हराज सैरां रो कई बातें गिणाय दी, जिकी गांवां में आयगी हो ।

अै इज ओमा म्हराज खुद री वेटी री बात माथै खोलियी बदल लियी । उण दिन घरै बुलाय'र कैवण लागा—'भगवान जी, थै गांव में भणिया-पढ़िया अर समझदार गिणीजै ! थारै वारै में जे कोई अैड़ी-वैड़ी बात करै तौ सोरै-सांस पतीजै कोनी । अर लोगां नै तौ मन विलमावण सारु बात चाइजै बात, नीं व्हे तौ लोग बात पैदा कर दै । अर आ इज बात लौ के थै कदै-कदांस वेळै-अवेळै तारा नै मीठियै माथै घड़ी उंचाय दौ के गांव घर री दौय वातां करली, तौ इणमें इसी कंई बात ? पण लोगां नै तौ वगत गाळण सारु बात चइजै । म्हनै थां दोनां माथै पूरी भरोसी हे । अर गांव री छोरी तौ वैन-वेटी रै वरीवर । तौ ई देखी भगवानजी, मिनख नै लोक-लाज री ध्यान तौ राखणी इज पड़ै ।'

वाह बाजी, वाह ! कंई बात नै घुमाई है । पछै कैवण लागा—'अर मानली उमर परवाण जे कीं ऊंची-नीची बात व्हे जावै तौ दोस मोटचार री नीं गिणीजै । म्है आ नीं चावू के लोग थां दोनां रा नांव लैय'र कान-मूंडा नैड़ा करै । अैड़ी वगत आयां म्हनै मीठियै रै अलावा दूजी ठीड़ नीं लाधैला !.....'

अर इण तरै सूं सूरज विचारां में हूबोड़ी रैयी के देखी लोगां रै कैवण अर करण में कित्ती फरक व्हिया करै । लोग वातां तौ केई लंबी-चवड़ी करैला अर....जमानी बदळगी ! हूं ! अरे जमानी बदळण वाला लोग दूजा इज व्हे ।....

[आगै आगलै अंक में]

★ ★ ★

लिखारां सारु

रचनावां रं महनताने अर जागतो जोत री पूग नों पूग रै समचै संगम रा सहायक सचिव नै सोधी कांगद लिखी, संपादक नै लिखियां करी कोनी लागै ।

—संपादक

दिसावर री जात्रा
 'सोजती गेट सू' सिव सागर
 कल्याणसिध राजावत

जे आप सुणी के आपणा देस में अक इसी इलाकी है, जठे जुगायां घसी इलाकी व्हे अर जादू टोनां सूं ओपरा मिनख नै जीव-जिनावर री जूण दे देखे, अर आपरे कर्न राग में, ती इचरज करी। पण आ वात जुगां जुगां सूं जवांन नदी, लोंगां री बंजळ में आज नम है। अर म्हारे बोछरड़ा दिनां में सुणोड़ा इस्या ई गणोड़ा मन री ऊठी साळ में केई दिनां नाई गूँजता रह्या। रूप अकली ई सिस्टी नै चमगूंगी वणा राखी है, जे इसा री साय जादू नै मिळ जाय ती लयी जी भाय। इसी ई इलाकी है कांमरूप आसाम में, जठे म्हें गयी।

भटकणी आपी आप ई अक भाग री सुग है अर जे भटकण री कोई मुदी रहे तो चाहिजे ई कांई, अक ई आंटे दोय कारज सरे। भांत भांत रा चरितां सूं मिलणी आपरा चरित नै खुदीखुद केई भांत री वणाणां कहीजे, अर इतिहास रे पार्थ भूगोल आपरो हक रायां, सूं कैवां के इतिहास री स्याही भूगोल रा कागद मार्थ ई बिर रह सकै। ईयां ई मरुपळ रा थळियां नै हरिया देस भावे अर वगाल रा सोनल रीवास्यां नै तांया मा हंगर अर हंगर रे परवाण रेत रा टीवा चोखां लागी। हां, ती आसांम हरियो-भरियो है, उठे जळ में थळ अर थळ में जळ है, जठे म्हें गयी।

स्यात १९६४ री मई म्हीनी हौ। म्हें जेपुर सूं चितावा म्हारे गांव गयोही हौ अर घूमणी आदत मुजब अटेंची उठा'र व्हीर पड़घी नेतियास, भायल हड़मांन कर्न, अर उगा रे सागै ई जोधपुर जाय पूगी। सोजती गेट रे आगरा मिस्टान भंडार कर्न रेंवतजी (रेवतदांन कल्पित) आपरे तै सुदा ठांयचै मिळिया अर आसांम चालण री न्यूती दे दिगी। दुजे ई दिन जोधपुर मेळ सूं दोनू दुरग्या। रतनगढ़ में गजानन वरमा मित्या ती लुहारू में दिमलेसजी अर दिल्ली में मिळी तूफांन मेल, छक-छक, छक-छक।

तास रा वावन पता में हजार खेल व्हे। जिण में गुलांम वेगम सूं दवे अर वेगम वादसा सूं पण वादसा दवे अका सूं (संधो शक्ति कलोगुगे) पण अकी ई जद हां मान लेवे,

तद काट लागै (रावण विभीषण री काट सूं ई मरियो) तौ इसी गुणवन्ती, जनतंत्री वावन पत्यां में अक खेल वहै 'रमी' म्हैं पैली वार रमी, रमी अर हार री पीसां सूं बांटेर सगळां 'रम' ली, छक'र तूफान मेल चालै ही—छक-छक, छक-छक, स्यात कैवै ही—'छक, छक रे भाई छक रे ।'

जमना पुळ सूं ताजमैल देख्यौ । संगमरमर मकरांणा री अर मकरांणी म्हारा जिला में । भाटा ई आपणा सा लाग्या, अपणेस ती अपणेस वहै । पीथळ ई ती फोगड़ा सूं गळी मिल्या अर कह्यौ ही के 'म्हानै राजा तेड़िया थूं बयूं आयौ फोग ?' आगरा रा पेठा सूं वेसी मिठास संगमरमर में लखायो । रेंवतजी ताजमैल बणावण री मनस्या राखै हा, पण मुमताज मैल....? टूंडला, कानपुर, इलाहवाद पाछै छूटता गया अर तूफान आगै बधती जा री ही—छक-छक, छक-छक ।

प्रयाग में रात ही तौ पटना में छाकां वहेगी ही । न्हाया-धोया अर विमलेसजी हंसाया ती हंस लिया अर गजाननजी गाया ती सुण लिया । सै सूं जूनियर म्हैं, ज्यादा खुलणौ ठीक नीं, अर 'सीनियर' में नीं सा नीं । विमलेसजी कह्यौ—'देखी भाई म्हारै आज निरजळा ग्यारस है. पांणी नीं ल्यूंगी, हां 'नीट' ई चालसी ।' कलिंग री जीत पछै असोक अहिंसावादी होग्यौ । गाडी री खिड़की सूं वारै भांकयो तौ असोक री लाट कोनी दीखी, तीन मूंडां री न्हार कोनी दीख्यौ, पण सारली सीट पर बैठयो फौज री अक मैजर आपरा दोन्यूं खुंवां पर सिंघां नै पीतळ रा बणा'र उंचायोड़ी ही । महान आसोक री न्यूज रील' घूमगी । इंजन री धुंवां आयौ, ती बीसवीं सदी याद आई—तूफान फेरू ई करै ही—छक-छक, छक-छक ।

रात रा हावड़ा पूग्या । ८० लाख री आवादी कलकत्ता री, पण उठै रेल री टेसण नीं, है-नीं अचंभौ ? हावड़ा री पुळ, हुगली पर अधरवम्ब । भाई ओ भाई अंगरेज थांरी कळा, हेटै जूती अर ऊपर तळा । नीचै नावां, स्टीमर तिरै अर ऊपर ट्रामां, कारां अर मालवा मोटरां । कीड़ी नगरौ, नीं नीं, मिनख ई मिनख । राम-राम कठै सूं आया है, कठै जासी ? टैक्सी री ट्रांजिस्टर गावा लाग्यौ—'गंगा जाये कहां से गंगा जाये कहां रे ?' अर म्हानै स्यामजी कनै, रात वासी लेणौ ही । ठीडै पूग्या जठै तांई ट्रांजिस्टर उगेर मेल्यौ ही—'गंगा जाये कहां रे ?'

गांव रा खुला जीवण री आपरी मिठास ती सैर री भीड़ री आपरी भड़ास । वडा सैर में रैणौ छोटा आदमी रै बूता री वात कोनी । इण वास्तै टटपूजियो सैरी ई खुद नै वडौ मानै, सिस्ट (भीस्ट) मानै ग्यांनी अर विग्यांनी मानै । मानौ सा, म्हे तौ गांव रा गांवेड़ी ई भला । फेर राजस्थांनी भासा रा कवि, सो मानता मुजब गांवेड़ी । सो अक-अक चीज म्हानै ईयां वताईजी जाणौ 'मैतर' री 'मीनू' समझता वहै । अर दूजै दिन जद 'अम्बर-वार' में गया तौ अक चुटकलौ सुण्यौ के अक गांव री आदमी चोखा होटल में गयो अर पूछयो—'अठै कांई कांई खाणौ है ?' वैरी कह्यौ—'मीनू ल्याऊं ।' तौ गांवेड़ी कह्यौ—'अक प्लेट 'मीनू' ई ल्या दै ।' खूब हंस्या । बार जवान वहेगी, तौ म्हैं ई गावा लाग्यौ—'गंगा जाये कहां रे—लहराये पानी पर जैसे धूप-छांव रे—गंगा S S S ...'

श्रेक दिन कलकत्ता डब'र म्हें अर रेंवतजी गाडी नूँ गोहाटी री जाया मरु करी । दिन भर चाल्या । छावण नै कटलेट ई मिल्या, राया । कोई च्यारेक बजे फेर गंगा पार करणी पड़ी । गाडी छोड़'र स्टीमर में बैठ्या । नवो-नवो काम, स्टीमर चाली च्याम'मेर पांणी ई पांणी, राम राम ! पण तद ई श्रेक बात मुग्धा में आई । सगळी स्टीमर में बंगाली, आसांमी अर बीजा बीजा जायी भरया । श्रेक बंगाली मिनस कल्लो के प्रधान मंत्री पंडित नेहरू समागया । राम-राम श्री के होग्यो ? श्रेक जुग आगइयो जमना रें तीरां, जठे तीन दिन पैली म्हे हा अर उठे ई सोयग्यो लांबो नींद घरती री पून-मपूत—गंगा पर स्टीमर तिरती जावें हो । जमना अर गंगा, मरण अर जीवण, दुग अर मुग, राम-राम । मरी कठे ई पण गोद गंगा री ई मिले रयावास भागीरथ स्वावास ! गंगा जाये कल्लो रें ३३३ ?

इतिहास री मतलब व्हे—उग्यो ही नेह री जवाहर, हर छोड़ दी नेह री अर इतिहास बणाग्यो । पण म्हारो अर आसांम री प्रोग्रम ? पनरा दिन छुट्टी मगयो—सँ नवी-सम्मेलन कैसल । भारी मन नूँ आप आपरी भार उठा'र स्टीमर छोड़ता ई भाग्या । आगे गाडी में जागा लेगी हो । रेंवतजी कल्लो म्हें तो रिसवत नीं देख, सो टी. टी. नीं भे ई पटावो, अर बर्थ 'रिजर्व' कराव्यो, नीं तो राती जगो हो जग्यो । 'राम रामजी पल्ले तो उझाड़ में ई चल्ले ।' बंगाली टी. टी. तो ज्यादा लालची ई कोनी व्हे । पांन रितियां मे दो बर्थ मिच्छी, सेकण्ड क्लास री । (वां दिनां तीजी दरजी हो ।) छोटी नंगु री रेन में छोटी ई रेग रही । घड़ी में पांच बजे री हो, पण सुरजो भगवान भोंत गया हा - श्री साई ? कदास पड़ी बंद तो नीं व्हेगी, पण सगळी बटाऊ कल्लो—अठे घां नूँ आप पंटा पैनी उगे मुरजी । अर म्हनै याद आई बी. बी. सी. री बांणी—पाकिस्तान मे साड़ी छे, भारत में छे अर बंगलादेश में साड़ी पांच बजी है । गाडी चाल री ही असम-असम, असम-असम ।

जमना किसन भगवान रा नांव नूँ पवित, गंगा सुरग नूँ उत्तरी मो पली-पली पवित । पांणी कठे ई ले ज्यादा गंगा री, कद ताई राखी, पण गंगा जल में कीड़ा नीं पड़े । किस्ती पवित अर काम री है गंगा जल. अचार बणाव्यो, तेल परवाण । पण विरम-पुत्र में आ बात कोनी । श्रीर तो सँ नदयां है, पण विरम-पुत्र है नद । लांबो पुल, बोळो ई लावो, अवार ई बण'र तयार बिह्यो । गाडी इण नद री चीड़ी धार पार कर'र गोहाटी टेसन कानीं जावण लागी अर श्रेक पुराण कथा याद आयगी । भागीरथ री पुत्र फल है गंगा, तो परसरांमजी री तपस्या री फल है विरम पुत्र । विरामण-पुत्र । आगे आगे परसरांम जी अर पाछे छळछळातो आवें हो विरम-पुत्र । पण श्री काई ? परसरांमजी सासा आगे आयग्या अर पाछे मुठ'र देख्यो तो नद नीं । फिकर में पड़'र पाछा वावड़्या तो देख्यो के श्रेक जागा नद ठहरग्यो । (आजकाले उएनै पवित तीरथ परसरांम कुंड कैवै) भागीरथ व्हेतो तो प्राथना करतो, पण परसाधारी परसरांमजी नै रीस आयगी अर साप दे दियो—'जा दारा पांणी में सात दिन में ई' कीड़ा पड़ ज्यासी ।' सापित विरम पुत्र नै गाडी पार की घी अर आगे बिधण नापी—गुहावटी-गुहावटी, गुहावटी-गुहावटीSSSS । हां, आय ई गो गुहावटी-गोहाटी ।

गोहाटी में रात बितांणी ही, सो श्रेक होटल में पूगा । नेपाली दरवान डाठ नूँ कमरा में लेग्यो । मूँघी मामली, पण होटल री नांव भूलग्या । विरम-पुत्र रें तीरां चोरी री

अंगरेजी नांव, परा रातीजगी होग्यी । मछरदांनी व्हेता थकां, डांस हेनी गोष्टर होयोडा हा अर खटमल थळ रा वळ । थळ अर नभ रा दोनूं हमलां सागै, नींद कठी कर आवै ? अठै रा खटमल वयूं मोटा हा अर माछर वयूं अचपळा ।

आसांम में बोपार करौ वरकत ई वरकत । रेंवतजी कह्यौ रे खटमलौ ! माछरौ ! म्हे तौ कवी हां, वगस, म्हानें सोवणदची, म्हांरौ समाजवादी सपनौ है रे सोवादची । परा कुण सुणै—म्हनै तौ हाल माछरवाहिनी रौ रणघोस सुणीजै ।

जागतां नै रात लांबी लागै, लागी । जात्रा रौ तीजी पांवडौ, गोहाटी सूं डिब्रुगढ़ । छोटी लैण, परा मोटा दिखावा । कुदरत रौ फुटरापी च्यारूंमेर । गाडी रै सागै हरियाळी हालै । गाडी रै सागै जळ भरचा नाळा-खाळा चालै । फूल ई फूल । अर फूलां नै, कंवळा कंवळा कमल रा फूलां नै नागडा छोरा आपरी डोंगी सूं मछली पकड़ण रा जाळ सूं, कांटां सूं हिला हिला देवै । मा वाप आं नागडां नै ई फूल कंवै । नैणां रा फूल । देखीनीं फूलां रै फूलां रौ रोजगार ।

कंवै के हरी चीजां देखण सूं आख्यां री जोत ववै अर म्हारी धारणा पुस्ता व्हेगी, जद आ देखी आसांम में चस्मा लगावणियां सावई कम च्यारूं कूंट हरियळ रूख, धरती री उणियारी ई घास अर दूव सूं हरची । ताळ-तळायां री तीरां रा रूखां री छीयां सूं पांगी हरची । हरची-हरची सै कीं हरची । म्हें देखी हरची व्हेगी अर रेंवतजी म्हारै सूं ई घणा । गाडी चालै ही तिन तिन सुकिया—तिन तिन सूकिया, तिन सूकिया । डिव डिव डिब्रुगढ़ । डिब्रुगढ़ । कोई सिझ्या रा सात वज्यां पूग्या व्हांला उठै । टेसण पर ई मिळगा वरमा, विमलेस । वैं चीलगाडी सूं पूग्या हा । उण दिन ई नेहरूजी री भस्मी चील-गाडी सूं बिखरीजी ।

डिब्रुगढ़ में कलेवा में च्यार-च्यार रसगुल्ला खाया । लांबी माछरदांनी में सोया । आर. अ. सी. रां जवांन जिका शेरगढ़ परगना रा हा, वां रा कवडी-पाळा देखा । अर देख्यौ विरम पुत्र सूं वचतौ नावां रा वांध सूं सुरखित डिब्रुगढ़, अर पूग्या सिव सागर । काम-रूप कांमणगारी, रूपाळी, जादु टोनां री नांमी नांव । सिव सागर में ई ठहरचा डाक बंगला में । अक भील रै नाकै । कोई दो दीतवार अठै ई बिताणा हा । हिसाब सूं १४-१५ दिन—फेर आगै आगै गोरख जागै ।

★ ★ ★

परख

अंधार पख

कवि : नंद भारद्वाज

प्रकाशक : जनभारता प्रकाशन, जोधपुर & मोल : पाँच पिटिया ।

•

‘अंधार—पख’ की कवितावां अेक अेरी विचार-स्थिति सून जुटोती है के ने मांस सारु केई सवाल पैदा करै । नंद भारद्वाज की लेखन अेक जिम्मेदारी के बोध सून जुटोती है अर उणां रै अठे ‘लेखन स्तर मार्ग’ अेक गुनरी वैमानिक’ ‘अप्रोच’ ‘प्रोटोटाइप’ से हासिल करण की कोसिस बराबर चालती रैगी । उणी समनै रै अेकर ‘अंधार’ भावमोहाद की की सिस्टमैटिक स्टैडी की सिलसिली सरु करयो है । ‘मनालां रै मामी’ रूप में विद्वतोशी भूमिका में नंद आं वातां नै कबूल करी है ।

इण में की संका की बात नीं के मानमें उत्थिमास रै मांस भर नीं सके । अेक आठ खंड की स्थिति वितेस सून कोई विचार धारा पैदा हुनी अर मर्मे मान या बरकती रैगी । श्री ई कारण है के मांस अर लेनिन की विचार धारा आठ दूर्ज रूप में आणलें सामो है पण की लोग उणी सीमावां में आपरी अेक अप्रोच बराबर चाली जिए रै कारण प्रगतिवादी चेतना आपरी अेक वास ढांची बणा लेवी । मोमग, जुल्म अर अदृश्यां रै खिलाफ बोलणी उण सीमा ताई प्रगतिशील द्रस्टिकोण व्हे सके जई तक आपां मानी वर्ग-संघर्ष, किसान, मजदूर अर पिछड़्या वर्ग ताई सुद नै बांध’र नीं सगां । क्यूँक समाज में सोसण है, मिनख दुःखी है अर जिंदगी की बुनियादी जरूरतां रै अभाव में है । वो मिनख ‘अंधार पख’ की ई व्हे, आ जरूरी सतं नीं है वो संर की भी व्हे सके है, किसान अर मजदूर की सीवां सून वारे भी व्हे सके अर दुनियां रै कियो कुणां की व्हे सके । सवाल श्री है के वो सोसित अर पीड़ित है, अभावों रै मांस जिंदगी गुजार रैगी है । म्हारे खाल सून निम्न अर मध्य वर्ग रै इणी मिनख नै आज आम आदमी कहयो जा रैगी है । इण दंग सून ‘अंधार पख’ की आदमी भी इण रै मांस सून अेक है । अब इण की अवस्थायां सून गुमती की उपाव कांई ? कांई आपां क्रान्ति की टंको देवां ? कांई आपां व्यवस्था-बदलाव की वकालत करां ? या कांई आपां फगत साम्यवाद नै ई, ई की रामबाण दवा मान लेवां । अठे आपां नै अेक रस्ती ढूंढणू पड़ै अर श्री ई किणी विचार धारा सून आपां नै जोड़ै ।

खाली क्रान्ति, विद्रोह अर साम्यवाद की दुहाई देवणियां लोगां की कवितावां ‘प्रोटो टाइप’ कवितावां व्हे । अेरी स्थिति हिन्दी में रीतिकाल की कविता की ही । जद सून प्रगतिवादी समझ साव सीमित धैगी । ‘अंधार पख’ की कवितावां में भी आक्रमणाती आदतां, कुवद भरचोड़ी मनस्यावां अर अनीतियां रै खिलाफ संघर्ष करता रैवण की संकल्प है—

श्रेक लूँठी इतिहास
 शर मांयली जरुरत पांण
 जुड़ जावँ ला श्रे रेत करण
 आपू आप

तद ताई जूभती रैवणी है
 इणी उजाड़
 अंधार पख रा
 तमाम मकड़ी जगला सून ।

श्री संकल्प निश्चै ई क्रान्ति री भावना सून जुड़चोड़ी है । 'अंधार पख' री मिनख वेइन्साफी रै वरखिलाफ आपरी आवाज अकठ रूप में उठावणी चावै है । 'सेवट' कविता रै मांय वी दकाळ देवती एणां नै ललकार रैयो है के छलावा नै वर्दशित करणिया मिनखां री जद जुलम रै खिलाफ नाइया तरणीजण लागै तौ पूरे चीफेर अमूँजी भर ज्यावै—

दाटीज जावै थारी बन्दूकां
 तोपां री नाळां
 खोटो साबित व्हे जावै सगलीं बारूद
 अपूठी फुर जावै थारी संगीना
 लोग थारै घांटे में
 आंगली घाल'र काढ़ लेवँ खुद री हक !

अठे सवाल श्री है के ई संघर्ष, संकल्प और क्रान्ति री भावना री वैचारिक आधार खाली साम्यवाद ही है या ठूजी व्यवस्था भी विकल्प व्हे सकै ? मूळ रूप सून मिनख नै स्वाधीनता अर लोकतान्त्रिक चेतना री जरुरत है अर आ जरुरत जे किणी व्यवस्था रै मांय मिल सकै तौ म्हारै खयाल सून उण नै कबूल करणूँ साम्यवाद रै पथ सून डिगणूँ नीं है । वरसां अर सदियां सून माटी री कंवळी पुड़ता मांय कळीज्योड़ा माथां नै मुंगती दिरावण री उपाव अक नुं वी व्यवस्था अर नुं वी विचार पद्धति सून है । म्हारै खयाल सून रचनाकार जठे ताई आ समझ नीं अपडैली तद ताई कवितावां में क्रान्ति अर खिलाफत रा मोटा-मोटा सबद व्हेला नारैवाजी व्हेली अर अणूँता जोर अर दमखम सून तण्योड़ी मूठ्यां व्हेली । जरुरत उण व्यवस्था री है जकी मिनख री अबखायां दूर कर सकै ।

'अंधार-पख' री सगळी कवितावां अक मनगत री है—गांव रै सामाजिक, आर्थिक अर राजनीतिक सोसण री । इण वास्तै केई बार लागै आ अक कविता है अर कविता सून वेसी अक विचार-स्थिति री लखाण है 'अंधार-पख' री ओट में रैवणियां आंयूणी राजस्थान रै लोगां री अड़ी सुनसान गाथां री चित्रण है जको दरद अर घुटन सून भरयोड़ी है । अठे आ वात भी ध्यान में राखण री है के रेगिस्तान रै बासिन्दे मिनख री इण अजूवा हालत री कारण जठे सोसण है, वठे की प्राकृतिक अबखायां भी है दुरभख काळ विरखा री कमी,

सिक्ता अर घाथिक साधनां की प्रभाव । रयात कवी गुद इण जंग रा कारणां की सत्ता में है—
 आज लूंठी जरूरत है जीवण रं इण परियाण रूप आदमी की मोबूदा हालत, कमसी कारणां
 अर उण सूं भी अक पांवडो आगं, चास कर बां कारणां रा भी उदम-ठिकाणा वसों की
 खोज, जिका कारणां रा भी कारण है जिका जीवण रं सहज बिकाम अर प्रगति रं मार्ग
 में चौड़ी खायां अर अवसायां ऊभी कर रागी है ।' इण कमज सूं माफ बागं के मोयण ई
 प्रधान व्हे, अड़ी बात नीं जद के कविता की गुन गाली सत्ता नीं ई मोयों समायें रा मोन रं
 मिनख सारू हमदरदी दिखावें । आ सत्ता चागे परदेसी हकूमत की रंयी व्हे, बागं रागा
 रजवाड़ा की रंयी व्हे अर चार्य पिरजातन्य रा आगीवाणां की रंयी व्हे ।

चातली रंयी
 घणां वरसां लग
 रजवाड़ा-रावळां की राज
 परदेसी हकूमत की छतर धोंवां में
 वेतर्फ चातला रंया
 लूंठापे रं कायदा कानून—
 मिनख रं हाथ मिनख रं सोसण रा
 — जुड़ता रंया अलेण नूंचा फाळ
 अणलिये जंजर इतिहास में ।

कवी इण जुलम रं इतिहास नीं बदलण चावें, बागं रं दोळें भूमता अलेण
 आदमखोरां नीं दकालण चावें अर इण जंग रा जुझारां नीं अलेणू नूंचा गेला इण माफ
 तयार करणू चावें; क्यूके कवी की जलम मुलक की आजादी पद्वे दिह्यो । वो गुद नीं निर्भाव
 अर गिरवी सांसां की संतान समझें । उण रं सारं बहियां में मांडवोशी कर्जें अर अडाणी
 पड्या खेत है—

कंद कर राख्या हा म्हारा माईतां नीं
 खूंखार जगळी जिनावरां सूं
 थे कदेई मैसूस फोनी व्हेण दीयो
 बां नीं खुद रं बूकियां की जोर
 रखवाय ली बां की जुवांन
 अर भासा तकात अयांणगत
 थांरा खजानां में ।

आजादी मिलणी रं पछे भी हालात में कीं फेर-बदल नीं दिह्यो । लोकतन्त्र अर
 समाजवाद जैड़ा सबदां रा अरथ सारथक नीं दिह्या । संसद में भूमण सूं पैली जिका मोटा-
 मोटा कवल करग्या हा, बां आगीवाणां की बोलण की लंजी बदल्यो अर श्री बागं हाल
 भी सागण ठीड़ बिना किणी दुःख पिछतांवें कळीज्यो बळी है—गुम-सुम थोक रिटकोई

काल खंड री भांत । कविता रै वास्तै सांच री होवणूँ घणू लाजमी है इण बात में कीं संका
नीं के नंद भारद्वाज री कवितावां में कविता सू वेसी सांच है । सांच रै अलावा कवितावां
गांव रै पूरै परिवेस अर वातावरण नै जीवंत रूप में सामी राखै पण अठै गांव री अक ई
दरद है सोसण, जुलम, अर अनीतायां । अर आं रै हेठै सांस लेवै भासा-विहूण, जीवण रै
अरथ सू अणजाण, निस्संग सीवबिहूणी वेथाग वेकळू रै मांय रैवणिया लोग । कवी सेवट
ई संघेसै सारू जूझणियां लोगा नै तयार करणूँ चावै ।

अर इणी अरथ में

खोज है म्हारी कविता

वां नूँवां विस्वास-सबद आखरां री ।

भुगत्योड़ै अणभव सू सिरजी अ कवितावां गांव री अजूबी अर विडरूप हालतां
नै स्यात पैली वार आर्थिक सोसण रै परिवेस में सामी राखी है । विचार-स्थिति सू
मतभेद होता थकां भी अक स्थिति ताई आं री महत्त्व जरूर है ।

★ ★ ★

भल्ल

कवि : पारस अटोड़ा

प्रकाशक : जुगत प्रकाशण, जोधपुर ८ मोन: पांन गिण्या ।

नंद भारद्वाज की कवितावां जई अक विचार-स्थिति सँ जुड़्योड़ी है, नई पारस की कवितावां युग-स्थिति रँ दीखत रूप नँ सामी रागँ । पारस उण नुंवा कविता रँ मांय अक है जका राजस्थानी की धिरता अर जइता नँ तोड़'र कविता नँ नुवां मन्दरभा सँ जोड़ी । जद राजस्थानी सिगागरू गीतां रँ रमभोळ मे हूव की है उण वगत पारस रँ दिमाग में अँड़ा सवाल ऊठ्या—'हवा में पगघर भाजतँ बीसवें मईकी रँ माये गिरदार पापरी अर गज भर की घूँघटी लियां कठा'क ताईं दोड़ैना या राजस्थानी ? कठा ताईं अक भागा आदमी रँ मौजूदा दरद नँ भुलावी देवती रँवेला ?' यो 'मौजूदा दरद' पारस की कवितावां रँ सिरजण की प्रेरणा-रूप है । ई दरद सारू रँ अक नाय भुमकी अर पग-पग बळती लाय सँ जकी भल्ल अंगेजी, वा आं सबदां में पसरयोड़ी है ।' निम्न ई पारस की कविता नीजू अणभव अर संवेदना की भल्ल सँ उगयोड़ी है

'भल्ल' रँ मांय पारस की सन् ६४ सँ ७४ रँ बीन निहयोड़ी कवितावां है इण समचै ई खुद रँ बळवृत्त पर छापण की हिम्मत भी है । कवितावां खंभ, प्रतीक अर बिम्बां रँ रूप में इण ढंग सँ बिगरयोड़ी है के वी अनुभूती या सोदा-सोदा रूप प्रगट करै । केई जगां ती कवितावां वस्तु-स्थिति रँ साथे आपरी यानी प्रतिक्रिया जाहिर करै । कविता रँ वास्तु आ बात लाजमी है के वा घणां सँ पणां व्यापक जीवन-सुन्दरभां नँ अवेरै । खाली दीखत रूप रँ यथार्थ की चित्रण कविता की भीतरी ताकत नीं व्हे । आ भीतरी ताकत कवी रँ मांय उण रँ अणभव अर जीवण-बीठ सँ उपजै । वो आपरँ असवाड़-पसवाड़ उकळीजतँ यथार्थ रा वारा-न्यारा करै अर मौजूदा हालत माये आपरी अक दृष्टिकोण राखै । इण दीठ सँ लागै के 'भल्ल' की कवितावां में भल्ल की अणभव नीं व्हे । पारस की संवेदना अक स्थिति सँ जहर टकराव पण वा स्थिति आपरँ पूरै प्रभाव अर संपूरणता रँ साथै कविता में सामी नीं आवै । इण कारण पारस की कवितावां घणी कमजोर अर साव हल्की लागै । अक खिमतावान कविता सारू जिन्दगी की भल्ल सँ निकळणू जहरी सरत है पण पारस की कवितावां इण भल्ल सँ बच'र निकळी है अर आ सामी पारस नँ अक श्रिसत कवी की दरजी देवै । जे घई 'अंधार-पस' की कवितावां की तुलना करां तो उण रँ मांय भल्ल वेसी है, अक अँड़ी आवेन अर संघसं है जकी नद नँ नुंवा कवी की व्यक्तित्व देवै ।

मूँ भल्ल की कवितावां नँ प्रतिक्रियावां की अक अँड़ी रूप मानूँ जकी महज रूप में प्रगट व्हे ज्यारै पण नीं वँ अक विवाद की रूप लेय सकै तो नीं वँ स्थिति माये गैरी जोट

कर सकै । ई वास्तै वेई कवितावां नै पढ़ैर लागै कविता पूरी बणी कोनी या कवी आपरी संवेदना नै हलकै रूप में प्रगट करी । पारस री कवितावां नै जे कविता री रचना-प्रक्रिया सँ देखां तो कीं खामियां नजर आवैं । पण आं सगळी बातां होता थकां भी अँ कवितावां कवी रै चितन री अँक रूप जरूर सामै राखै । समाज रै मांय अँक तरफ अँड़ी वर्ग जरूर है जको रात-दिन खटै, मैनत-मजूरी करै अर आपरै खून नै पसीनी बणावैं । पण उण रै साथै तद धोखी व्हे जद कोई उण रै पसीनै रै आणंद नै चोर लेवै । अँड़ी स्थिति पैलां निरासा री ती दूजी बार विद्रोह री व्हे । 'चोरी' कविता में कवी लिखै—

कद जाणी ही—

रगत पुसप री रगत

जमानो यूँ चूसैला,

परसैवो म्हारौ यूँ चोरी व्हे जासी ।

कवी रै मन में बां लोगां रै प्रति आक्रोश है जकां रा नांव 'ठंडै जुद्ध' में मरणआळा री सूची में छप्योड़ा है पण अचरज है के वै हाल वस्ती रै मांय जीवै है । मिनखा जूण री सारथकता मोटै काम सारु आपरी बलिदान करणी में है । पण कीं लोग सगळौ बगत आपस रै भोड़ में खो देवै । बां री चितन साव टुच्ची बातां रै टिचकारै में खतम व्हे जावैं के मरवण रै घाघरै में सल कित्ता ? के फलाणी कद जलम्पी ? फलाणी कद मरची ? अँड़ा लोगां रै वास्तै कवी कँवै—

अँ लड़ मरचा

मरचोडां री बातां सारु

जीवतां री जस गिटकाय'र

फाँई-अवैई

आं री छँली मिरतु री

घोसणा करणी पड़ैली !

इण सँ लागै जीवन रै दीखत परियाण रूप री पिछाण पारस नै जरूर है पण वै लाम्बा सन्दरभां सारु नीं अड़थई । छोटी-छोटी घटनावां, छोटै-परसंग अर स्थिति विसेस री मनः स्थिति नै पकड़णै री कोसीस करै । बां री घणकरी कवितावां कवी रै मूड री अँक खास अन्दाज आळी कवितावां लागै जठै 'कैवणूँ सो कैय दियो' आळी मिजाज लागै । पारस री कवितावां मूल रूप में अँक व्यंग्य री स्थिति री रूप लेय'र चालै; क्यूँ के कवितावां में यथार्थ री स्थिति री तीखी निजर सँ चीर-फाड़ी नीं व्हेय'र व्यंग्य री अँक अँड़ी चेपी है जिण रै थोड़ै सँ इसारा सँ कविता खतम व्हे जावै—

कोई भाड़ैत सिपाई

गोळी चलाई देसभगत माथै

अर घाव म्हारै कालजै पड़ियो

कठैई कोई भूख सँ मरियो

म्हँ अँक जीवण जीवणै रै वास्तै

उण बगत मरियो ।

इसी भांत ताकड़ी रं नेळीं में भगवान धिक जावे अर बांयणी धो जावे (गो)
 सेठ रिपिया रो हिसाब लगावे अर निरभागण कहेवे रो भूय रो भान राग'र गो
 रोट्यां रो हिसाब लगावे (हिसाब) दूजा रं जुजवळ रं आसरे जीवण योगो हे, ये 'मा
 गया' केवावणी कबूल करले पण 'गरग्या' केवावणी कबूल कोनी (स्वार्थ) नानी ।
 भाटे नै भुकता सीस उण मार्ये छेणी रो टंकार मुणोजे । ये गावी पारस रं कविता
 ओळ्यां नीं उण रो कविता रो मूळ कथ हे । 'बरस जाना' कविता में पारस गाव अर
 मनगत रो लेखो-जोखो नुंवे रूप में सामो राख्यो हे । बरस रं मर में दूधा रो मोनार
 व्हे अर बरस खतम होतां रं साथ बिगरण लाग ज्वावे—

नुवो मोनारां गडो कर रंयो हें

नुंवे बरस रं स्वागत साग

जुनी मोनारां रो

साळ-संनाळ टूट नाग

म्हारें नांव चाडगो हे ।

इसी भांत सरदी, गरमी अर बरसात रो स्थिति रो अंधो रूप हे दिन रं
 आज रो मिनख श्रेक घुटन मैगूस करे । मजूर रगत बेनार मजुरी करे पण गावो गावो
 खाली । तिजोरी भरती जावे, धुकधुकियो हडताळ करे अर राखणीती रं हाथा देमभणी
 खून व्हे । इण कविता में मिनग रो लानार, बेवमी अर घेतहीण स्थिति रो सीखो रूप
 दिह्यो हे । पारस रो काव्य-जात्रा मलाई लाम्बी सफर तें नीं कर सकी व्हे, पण उण
 आज रो व्यवस्था में घुटत-पिसत अर असंगत्यां में जीवण घाळे मिनख माक सुटी हमर
 हे । स्यात आ ई स्थिति पारस रो कवितावां रो अंधी जमी हे जेठे सूं जा रं दिना
 सवालां रा पहूतर खोजण साह कविता उपजी । उण नै ये गुर घेजेजी हे—'दिनोदिन म
 रा अरथ रो फैलाव तलासती समझ, जद न्यारा-न्यारा वरणां रो परिवार मझभाय दिखो,
 श्रेक लाम्बी भिड़त रो सरप्रात व्ही मिनग अर मिनग, मानिक अर मजूर, दुखी अर दुख
 रं बिचाळी रो लड़ाई में गुद नै जोड़णी । सवालां रा पहूतर रो खोज, पद-पद मिन
 लाय रं नेडो पुगाय दिखी ।' आ ई लाय भळ रं रूप में कविता राखी । मंग्रे रो आ
 कविता 'इतिहास-पद्य' नुंवी आस्था रो कविता हे ।

खुद रो श्रेक 'सूर्य-मंडल' उंचाया

वो केयां रा 'प्रभा-मण्डल' तोड़तो

आधगो हे जवांनां रो जूय-ओ इतिहास पण ।

पारस रो कवितावां में बिम्ब अर प्रतीकां रा भी नुंवा प्रयोग दिह्या हे वि
 जरूर आज रो मनगत नै सांतरे ढंग सूं प्रगट करे पण प्रतीक कीं चिंतित हे । प
 उण नै पूरी कविता मे साकार रूप नीं दे सक्यो । कीं रामियां होता थकां भी नुंवी क
 में पारस रो श्रेक निजु स्थान हे ।

—गोरधन तिघ सेल

राजस्थानी भाषा साहित्य संगम (अकादमी) बीकानेर

रा

प्र का श न

नाम पुस्तक	विधा	लेखक	मूल्य
प्रेतात्मा री प्रीत	(कहाणी)	श्री दामोदर प्रसाद शर्मा	५-५०
रोहिडै रा फूल	(व्यंगात्मक निबंध)	डा. मनोहर शर्मा	५-७५
हांस्या हरि मिलै	(हास्य)	श्री नृसिंहराज पुरोहित	७-५०
जोग संजोग	(उपन्यास)	श्री यादवेन्द्र शर्मा 'चन्द्र'	७-२५
मटारवां	(रेखाचित्र)	डा. ब्रजनारायण पुरोहित	५-७५
आदमी रो सींग	(कहाणी)	श्री करणीदान बारहठ	६-००
श्रेक बीनणी दो बीन	(उपन्यास)	श्री श्रीलाल नथमल जोशी	८-३०
राजस्थानी साहित्यकार			
परिचय कोस	(परिचय श्रंक)	सं. श्री रावत सारस्वत	७-७५
सोनल भींग	(लघु कथायें)	डा. मनोहर शर्मा	७-००
काळ भैरवी	(लघु उपन्यास)	श्री रामनिवास शर्मा	७-४०
हंस करै निगराणी	(काव्य संग्रह)	श्री सत्येन जोशी	७-५०
राजस्थानी साहित्य री समीक्षा.	(जा. जो)	सं. डा. मनोहर शर्मा	८-००
राजस्थानी कहाणी संग्रह	(जा. जो)	सं. रामेश्वरदयाल श्रीमाळी	८-५०
राजस्थानी निबन्ध माळा	(जा. जो)	सं. डा. मनोहर शर्मा	८-००
सरवर सूरज अर सिज्या		श्री प्रेमजी 'प्रेम'	प्रकाश्य

सम्पर्क —

राजस्थानी भाषा साहित्य संगम (अकादमी)

नागरी भंडार, बीकानेर



आगलै अंक री वानगी—

- ✽ जहूर खां मेहर अर सौभागसिंघ सेखावत रा टाळवां लेख ।
- ✽ भगवतीलाल व्यास, सत्येन जोसी, नारायणसिंघ भाटी अर कन्हैयालाल सेठिया री कवितावां ।
- ✽ 'खुलती गांठां' अर 'खुद सू' खुद री वातां' री दूजी खेंप ।
- ✽ अर दूजा सगळा स्थंभ ।



मुद्रण : माहेस्वरी प्रिंटिंग प्रेस वीकानेर सारू साधना प्रेस जोधपुर में छपी ।

जाज झोत

राजस्थानी संगम रौ मासिक

सम्पादक
तेज सिंह जोधा



जून

१९७७



જાગતી જોત

રાજસ્થાની સંગમ રૌ માસિક

જૂન ૧૯૭૭

સંપાદક

તેજ સિંઘ જોધા

વરસ : ૫

અંક : ૪

વરસ રૌ મોલ : ૧૨ રિપિયા

ઇણ અંક રૌ મોલ : સવા રિપિયૌ

રિયાયતી મોલ : ૮ રિપિયા

પ્રકાસક

રાજસ્થાની ભાસા સાહિત સંગમ (અકાદમી)

બીકાનેર [રાજસ્થાન]

इण अंक रा लिखारा

प्राणश्रैल्यू : फ़िरोज़ कवी । इण अंक री कविता 'द पिगविन बुक ऑफ़ सोसलिस्ट वर्स' सून ।

चन्द्रप्रकाश देवळ : नवा कवी । अवार जवाहर-लाल नेहरू मैडीकल कॉलेज, अजमेर में नोकरी लागोड़ा ।

कन्हैयालाल सेठिया : ठावा समरथ कवी । सुजारागढ़ रा वासी । बीयां घणकराक कलकत्ता ई बिराजै । 'पातळ अर पीथळ' जैदी कवितावां रै पांण टावर-टावर आपनै ओलखै ।

नारायण सिध भाटी : नांमी कवी । जोधपुर जिलै रै माळूंगा गांव रा वासी । मई अंक में आपरा सौळा गीत छपिया, इण अंक आपरी पांच-टाळवीं कवितावां । लारला दिनां चौपा-सणी जावण री जोग वैठी तो खुद नारायण जी रै मूंडै निरी सारी कवितावां सुणियां, अं कवितावां सम्पादक नै खास दाय आई ।

गोरधन सिध सेखावत : कवी । छपियोड़ी पोथ्यां—'किरै किरै', 'भरत और अरस्तू के नाट्य तत्वों की तुलना', अर अठी हिन्दी री नवी कहाणी माथे आपरी थीसिस प्रेस में । 'राज-स्थानी-अंक' रा पांच कवियां में सून ।

जहूर खां मेहर : राजस्थानी रा टाळवां निबंध-लिखारा । आपरी भासा-सैली री रफत अर ठरकौ ई न्यारी । 'हरावळ', 'ओळखाण' अर 'जागती जोत' में मेहर साव रा कीं निबंध छपियोड़ा । 'चितराम' नांव सून निबंधां री अंक पोथी प्रेस-मर्त । जोधपुर विश्वविद्यालय में इतिहास पढ़ावै । इतिहास री ऊंडी पूग आपरा निबंधां जीवोरी जड़ ।

सोभाग सिध सेखावत : राजस्थानी भासा अर

साहित समन मोघ-मोज री हटोटी । अलेनू पोथ्यां छप्योड़ी । लारला केई बरमां मू चौपा-सणी मोघ-संस्थान में । राजस्थानी रै परम्पराऊ गय माथे आप री जाणै जैदी छछकार । इण अंक री निबंध इण री साव । आप सोकर जिलै रा वासी ।

कमला यरमा : कवित्री । ग्रास कर 'हरावळ' में छपिया । बीकानेर रा वासी, पर उठै ई प्रध्यापक । कम ई लुगायां राजस्थानी में निगं पर वां में ई कमला जी, कमला जी ।

विनोद कोठारी : मोहता कॉलेज साइबुलुर में टी.टी.सी. रै पैल बरस पढ़ै । इण साल अं 'सेंट्रल बोर्ड दिल्ली' री ग्रामर सैकण्डी परीक्षा में पांचवीं पोजीसन पाई अर हिन्दी विमें में पैली । किणी छाप रै समन कवितावां पैली वळा ।

किसन कल्पित : राजस्थानी अर हिन्दी में कविता अर कथा दोनू ई लिखै । 'हरावळ' में छपि-योड़ा । बगढ़ रा वासी । लारल बरस ताई छूँझण कॉलेज में पढ़ै हा ।

भगवतीलाल व्यास : उदैपुर बसै । राजस्थानी अर हिन्दी दोनों में ई लिखै । इण अंक आपरी कविता 'बुध अर तीन सांच' पाधरी ग्रांट में लिखियोड़ी, पण गाड़ी अरयाऊ ।

सत्येन जोशी : जोधपुर रा वासी । 'कंवळ-पूजा' नांव री उपन्यास छपियोड़ी । लारला ई दिनां सगम सून 'हस करे निगराणी' नांव री कवितावां री पोथी छपी ।

(बाकी पेज ६४ माथे)

विंगत

अदल न्याय (फ्रेंच कविता)	पॉल अँल्यू	४
फगत पड़गुंज	चन्द्रप्रकाश देवळ	५
तीन कवितावां	कन्हैयालाल सेठिया	६
पांच कवितावां	नारायणसिंघ भाटी	६
खुद सू खुद री बातां	गोरेधनसिंघ सेखावत	१५
बापडों कसाई	जहूर खां मेहर	२६
जैसळमेर रौ जोधार—दुर्जनसाळ	सौभागसिंघ सेखावत	३२
दो कवितावां	कमला चरमा	३७
तीन छोटी कवितावां	विनोद कोठारी	३८
होयों की नीं	किसन कल्पित	३६
बुध अट तीन सांच	भगवर्तलाल व्यास	४०
गजुल	सत्येन जोसी	४४
खुलती गांठी	पारस अरोड़ा	४५

स्यंभ-

परख	५६
आपरा कागद	६२

● पूठें रौ फोटोग्राफ : सुमहेन्द्र

फ़ौच कविता

अदल न्याव

पॉल अँत्यू

मिनख री सिलगती परगत है आ
के दाखां सूं पाड़ै दारु वी
के काठ सूं चेतावे अगन वी
के वाच्यां सूं सिरजे मिनख वी

मिनख री निरमम परगत है आ
के खुदोखुद नै राखै सावत वी
जुद्ध अर वीखै थकां
मंडियोड़ी मोत थकां

मिनख री साळग परगत है आ
के जळ नै जोत में उयळ
सपनां नै सांच में
वैरयां नै सैण में

आ परगत जूनी अर नवी
आपी आप में आवगी
ठेट टावर रे काळजे सूं लगा'र
अदल सूं अदल न्याव ताईं

* * *

उल्यो : तेजसिघ जोधा

जागती जोत/४

फगत पड़गूंज

चन्द्रप्रकाश देवल

आ दुनिया बौली व्हेगी
अर म्हें बोबाड़-बोबाड़'र गूंगी

आ सोच-सोच'र मगसी पड़गौ म्हारी मूंड़ी
के टावरी रै पढ़ण सारू पाटी कोनी
के लुगाई रै हाथां चूड़यां कोनी
के बाप रै माथै पागड़ी कोनी
के म्हारी नाड़ां रगत कोनी

म्हारै मांय री मांय कीं सिलगै
म्हारै मांय री मांय कीं तूटै
म्हारै मांय री मांय कीं गिधण लाग

म्हारी अरडावणौ छाती मांय आभड़-आभड़'र
कसमसावण लागी है कादै री गलाई
माथा मांय कलवळतो समदर भकभोलीजै
अर म्हारी जमारी
बण'र रैयगौ है कोरी भाग
म्हारै रू-रू में ठसियोड़ी मनसा
नासूर व्हे म्हारै डोल सू फूटण लागी है
जिण रै रादरड़ै रळथळीजै
इण कविता री अंक-अंक आखर

फगत उडियोड़ो नींद री अणखावणौ रातां
है म्हारी संगती
सुन बापरगी आंगळयां रा पैखां मांय
रगसतां-रगसतां अदीठ मिणियां माथै
अर 'म्हें हूँ, म्हें हूँ'—री सुमरण
पताळां धसगी है
अर रैयगी है फगत पड़गूंज....पड़गूंज

आ दुनियां बौली व्हेगी
अर म्हें बोबाड़-बोबाड़'र गूंगी

अकथ

•

कथ-कथ'र
हुग्यो
आघती
कोनो कथोज्यो
अकथ,
खिए में लागे
जांए
वांघ लियो
आभ नै राम-घनख
परा
फरुकतां ईं आंख
तूट ज्यावै
दीठ रो भरम
वैठी है
अंतस में
अक ओलो मरम
कोनो पकड़
जकी
अकन कुंआरी
म्हारी वेदणा रो हाथ
गीला रै
जकी रै आंसुवां सूं
म्हारा नैरा
गळगच है
गीता सूं
म्हारा कंठ ।

रिसायलौ सूरज

बैठज्या हेटै खेजड़ी रं
रिसायलौ सूरज के करसी ?
तपसी श्री ई घड़ी दो घड़ी
आखिर घाप मतै ई ठरसी !

मत बण बगत रौ रमतिथौ
सुख-दुख आप री मोय बगसी,
राख सजळी सत री जोत नै
पत नै आप ई रह्यां सरसी ।

मरैली माटी तिसाई जद
गगण रौ बादळ समद बणसी,
बधण ती दै कंस री कडूमौ
किन नै कोई माय जणसी ।

सांच

कोनी बुहारोजे
सगळी घरती रा कांटा
पै'र ले पगरखी
निरयक है
अंधेरै सूं राड
चास ले दिवळो
कठै है
आभै री सींव ?
पकड़ माटी री मंजळ
काढ़ दे
दीठ में सूं भोड़
मिलसी अकले सूं सांच ।

★ ★ ★

पांच कवितावां

सोरठ

नारायण सिंघ भाटी

गिरनार रा गोखां री बाजणी बीजळी
गीतां गजरायोडी सोरठ सांवळी
कितरी दिखणी सुपारियां रौ सौदागर रंग
थारी पलटवीं प्रीत रो पनौती चढ़ी
अंडियां उतर-उतर लागी
सह रंग खूटां सींचाणै रंग राचणी
सह नेमं तूटां अणंत नेम राचणी

जागती जोत/६

खुद मुखत्यार कांम मरजादा री मानेतण
 मन मरियां ईं मुटकणो मन री
 थारै हेत घज घूजणै रणां में ईं
 मरवै महकती किलोळण किलंगी ज्यूं कणकणी
 माणस नेह वीणा रं सातूं मुरां नीचे
 आठवें सुर ज्यूं
 थूं आज दिन तांईं री प्रीत रं मरपीलें सोपे रं
 सिरांगै आलापे

हे भोग रै भटकतं भाग री
 आखरी भळावण
 थारै लागणै नैगां रा पांणी सूं
 समै समंद री रळकती रतन कणगती में
 रह-रह नवी रळी आवै,
 जिण खातर आकळ रेंवं
 लैरां रा प्रांण
 सिंधू री मरजादण काया कसमसे
 थगिया न के रतनाकर थाग
 थारेड़ा मकराळा मंरांण
 कुण ती थगै ?

★ ★ ★

किसणा कुमारी री मौत माथै

अतीत रा डूबता डोळां नै
लंरां री डुरकी^१ रा चोभा देवती
डोकर पीछोळै री पाळ
थारै पिछोकडै
कितरी अजरायल राजनीती रा हकीमां
समै रा अबोला गरभ गाळिया
मेवाड़ री मरजादा रें पोतै में पळोटियोड़ी
वा जूनै अमल री कसू बल कांण
कांई इण दिन खातर ई जैर बणी ही ?

वै मूँ छाळा जैपर नं जोधपर
मल्हार री मंफिल री दीवाघरियां
अक रतनजोत नै बुभावण खातर
इतरी उतावळी होय
समै रा मोर री मटकती मीट माथै
नगरां पांण नागी नाचती आई
वा आपी राख आप ई बुझगी
उण माथै आज लग उण हसम रा हाथियां रा
हाड पसीजे
पण अरे डुळियोड़ी राजनीत में
मिनख री नामरद निसरमाई
थूँ कदै सरमीजे ?

* * *

राव जोधै रौ खांडौ

•

औ खांडौ

आज दोनूं हाथां सूं नीं ऊठें
सो थें अ्रेक कर भाल
केंकाण ऊरिया आगली कमाई माथे
खांडी खिड़कियो समे री रींड री सांध में
दोय डळा होय थारी बीखी भागी
जिएन बीच रगत रळतळी घरा रसांग आई ।

पांच सौ वरस री साख
कालं ताईं थारी पीढ़ियां लाटी
अर औ खांडौ अवे इतिहास बगागो ।
समे रा निरणाऊ नेम नै
उणी पीढ़ियां रा पिडत ऊभा धूप सेवे ।
वै ही नेजा नोसांग नवा नेजां में फरुके
पण अवे खेत नीं जनता री आवरू लाटीजें
मिनख री मजबूरी री सीवां दिन खांडे खाटीजें ।
कैड़ी है मिनख रै आगे-लार
दोगाचींती सूं दाभोजती जमीन
अेक लाय सूं आफळ'र निकळत नै
दूजोड़ी लाय लपक लेवे
हाल उणारे पगां हेटे अंगेजवीं धरतो
कीनीं आई ।

★ ★ ★

किलै काटीजतौ कड़ाव

•

कितरा सोयता रंदिया है
इण कड़ाव री कठमठी कोरां ताई
जोधै री बीस पीढियां नै पाळणियां जोधारां रा
वै ई पांचू पकवांन

अठा सूं लेय अलंघां ताई
कितरी रसत इणमें नदियां पार करी
तिरिया कितरा डूबता प्राण
नर भखणी नरवदा री छौळां माथै
केता इतियास डुलरोजिया है
हूंकळता हाथियां री मचकती पीठ माथै

अटक नै पार करी कांई
इण में ईं जसवंत री बिखायत राणियां
सत री मोट साध तिरती
भालाळै दुरगै रै भाले सूं
भाग री आगूंच थगती थाग देख ।
पण समै कितरी अकारथ कर देवे है
समै रा साथ नै—
आज औ अकलौ बैठी अरोगे आपरी ई काट ।

* * *

अेक साख लोलांणी रैगी

•

[ठाकुर भैरू तिष मेजहना री मूरगवाग]

मोटी उथल पुथल वीच
उथलीजग्या गढ़पती
माथा दे मोलाघोड़ो जमीन
मुआवजै रै भाव जनता में जरगी !
राजनीतो रै चिरत चढ़िया
जन सेवी, जर सेवी वरा
आंकै उघड़िया ।
पासै री पळटवीं ढाल में
मिनखां री मरजादा वहगी
जूनी परनाळां पड़ती पांगी
नवी नींवां में मरग लागी
तिरण लागी घोळी जाजां
ऊंधी पड़ पड़
काली घन कचोळणी ।
उरा वीच अडग ऊभी अेक खेजड़ली
पंथियां नै छाया दी
परा आपांण न दियी
अर
जोजरै जुग-खेतर में
तन पड़ियां पछे ई
वखत बतूळा भेलणी साखां में
थारी अेक साख लीलांणी रैगी ।

★ ★ ★

लांबी कविता-दुजी खेंप

खुद सूं खुद री बातां

गोरधन सिघ सेखावत

गैला

पायचा क्यूं टांक राख्या है ?

पिरजातंतर आं पायचां में नीं है

तू नेताजी री काईं उडीकै बाट ?

वं तो बोट रै घोड़ै चढ़'र दौड़ लगाय्या

अब निकाळ दै जेबां सूं अै भंडा

बै ती थारी भावना रा भूखा है

इए माळा नै फेंक

इए री सौरम उएा ताईं पूगगी

अबै फूल री सारथक जिंदगी रै

दाग नीं लगा ।

आज उएां सूं काईं छांनौ । वै जाणै

गरीबी सूं कळ कळ करती भूंपड़ियां री तळमछ

जागती जोत/१५

उणां नै ठा है अटं मर जावै भूखा-तिसिया
आंतड़ी रा सवदां री अरथ लगाता
केई मिनख

अरै ! तू काळ सूं अतो डरै
वी ती काळ री मनवारां करै

काळ पड़ै

थारा घर उजड़ै

मोत रै पगां लागती टाण्यां रा

कानां में बंदूकां छूटै । अर उणां री कोट्यां चिंगे
टाणी रै कंठां सूं मोत्यां री लट्ठ्यां तूटै अर
उणां रा टावर विदेस री भगाई रा सपना लेवे
काळ पड़ै हर साल । वी उणां री हृमदरदी है
थारा दरद री पिछांण काळ नीं ।

उणां री कांडीं कंगी ?

उणां सांमं उजळै

चोज भरघोडी ऊंडी समदर

केई मांछलयां हांफळइ, भागै-कूदै नैइं आवै

मखमल मी गोरी कप्या में

केई भरुंठ गडै तोखा सा

किण री ओल्यूं कदै धंधूणी

वणो लगावै । कदै मरोड़ै उमर रा दारु

पीयोड़ा सपना नै । रोज हाजरी देय'र भागती

सुरजो जूना दिनां री थरकण सोरै

पण कुण अव तुळमां में

कळसी ढोळै

बुढ़ापै री आतमा रै चीरा लागती बगत

टावरां री आख्यां मिच ज्यावै । वयूंके

बुढ़ापौ स्यात उण सारु नीं आवैली ।

म्हैं वयूं भाज भाज ज्यावूं

म्हारै घर कूँड्यां में । आंख्यां रै सांमै
वीत्या जुग री कोरपांण उतरै लालटैण रै च्यानण में
गाभा उतारती सी अक मूरत

फोटी सी वण अंगड़ाई तोड़ै
गब्देचोड़ै अंधारै नै खूँदता सूना सा उणियारां री
भीड़, दरूजै सांमी आती लागै ।
डांवरचोड़ै बालपणै री मदमाती रातां री
उवास्यां फैल जावै उमर नै नापती । म्है
टुग-टुग जोवूँ डील सूँ तिसळती रंगीली चमक नै ।

ओवरा सारै ऊभी पांचूड़ी व्याण रा
डब डब नैणां में लूमै काट लाग्योड़ा
दिनां री डौढ़ी मुळकावण ।

अलगोजां माथै मड़मड़ जुत्रानी
सतरंगी वण, निजरां में लुक । छींकौ मो
टांग्योड़ी म्है घर रै मांय सूता बंदूकां आळा
लोगां री नीत नै परखूँ डर सो लागै
आंख्यां सांमै कंगाली रा कळवळाता कीड़ा : तोषां
रौ वीड । अब मुवाअजा रा दाणां सूँ
म्ह'रै हाडां में पुसप नीं विगसै । दांतां सूँ
कद ताईं पेट रो लाग्योड़ी
गांठयां खोलूँ

खुद रैं माथै थूंकणी
कुण सा वेद मांय लिख्योड़ी है ।

बारठ जी !

अबै थे ई थारै घरां पूगौ
वीर सतसई रा दूहां सूँ अबै म्हारै
चढ़ै बुखार । बंसावळी रा गुणगान सूँ
कानां रै मांय फुंस्यां हुवण लागगी ।

अबै जावण री ठौड़ां गिरातो री
काई जावणी चाईजै म्हनै

जागती जोत/१७



जठे बांदरवाळ बंधे अर मेळी सो जुहू
 सतरज नीपडु री बाजी लागे । पूर्वाडी बाजे
 अर होल उठे । अ सगळा हूँहूँ
 खुद रे जिदा रेवणु री ठांपनी

नीतर रामराज री फिलमां मूं
 बापडी राम राज कठे ? धर्म री ज बोलणु मूं
 धर्मराज नी परगटे । भागोत री कथा मूं
 पिठत जी रे घर री कोठवार भरीज सक
 थारै म्हारै पाप ने उतारणु री ठेकी
 पिठत जी कद नियो ? हां आं पिडां-मनूंठां
 रे पाप ने दकणु री
 जिम्मी आपणो हे साव आपणी

आंरी आरती उतारी । मोभा जावा
 री त्यागी करी । घर में कम गावो पण आंनं
 माल खुवावो । गेलो ! योडा सावळ पग
 म्हेली । आ पाप सूं पाप री लडाई हे
 दूजां मार्ये इत्ती पाप नी चडावो । स्यात थे
 रासन री नीं खाता व्हीला । थांगे भाई दपतर
 में जेवां भरती व्हेला ।

थारै बाप री अफसरी
 अंगरेजी दारु मार्ये भूलती व्हेली
 थे जुवे अर सट्टे रा सुगन मनाता व्हीला

अ वातां सगळी
 म्हारै इज सारु नीं समझी । पण थारै
 हीयै रा कीयां फूट्या ?
 भूण री तरियां चक्कर खाता मन ने अडे नीं
 वगत री विच्छू डंक मारै । डूबत ने कुण तारे
 जकी सांस रा हिसाव सूं पग धरै

तळमळावे आप सूं

पण करडी बोलै बाप सूं । दिनां न देख'र
 तिबारी रा लेवड़ा भड़ै
 खुद नै पूछूं मकान री नींव कद ढगेली
 कुण सामरं बोल्यां दिनां रें इतिहास री लाव नै
 क्यूं के टींगावा चोखी नीं

भदर हुआड़ी ऊमर नै
 थे इज बोली हूण रा पग कुण देख्या
 में ती आज तक नीं पूछ्यौ
 टीपणै में लिख्योड़ी जिंदगी री हिंसाव
 दरद नै चूसणौ ठोक है दरद सारु

आज तो हिम्मत रें पाण
 खोलगां पड़सी जुगां सूं लाग्योड़ा दावणां
 आफत सूं काई डरणौ
 कदै पंथी तो कदै पावणा
 थरपणी पड़सी खून पसीनां री मूरत
 मिनख रै हाथ सूं भाटै री मून खुलसी
 जागं कणगती रै बांध्योड़ै
 जलम जलम रै सपनां री बोरगत
 सूं पणी पड़सी
 पाळी पोसी आसावां रा नखरां सूं
 हरखणी ठीक व्हे सकै पण बात री
 लाज राखण सारु तयार व्हेणौ जरुरी है ।

कठै तांई सींचू
 सूखा करड़ा कूणां नै घाट्यां में
 उग्योड़ौ सुरजी बांटै नामरदी री सीरणी
 मूंडा फेर'र वेठ्या अक दूजा कानी अक इज
 बास रा लोग लियां आप आपरी चिलम स्यापी
 सूखा सा मन सूं न्हांखे खंखारा...

हूं-हूंकारे सूं दूजां रो वातां टाळै

बुझती नै फेरूं वालै अर

गुमान करे भागत चानणें रो छीयां नै

पिछाणण रो । मिनख रें गुभाव रो रंगत

तावड़ै सागें छिणा मांय बढळै

वी खुद खाडा खोदे, खुद नै बूरै

खुद नै काढै अर फेरूं उयळै वगत रो पोयो

रा फाटचोड़ा पानां नै आपरो चतराई सूं

देखतां देखतां छिण में रीता व्हे

भरचोड़ा तळाव । कद सूं मिनख आपरो आळ नै

निरखै, पिछाणें पण नीं समझ सकें ठावें मन

में ऊठता तूफानां रो मनस्यावां नै ।

हाल दूजां रें कंठां रें नून रो गुवाद मिनख

भूख्यो नीं । उणारी जवानं मार्य है लुगाई रें

डोल रा मोवणो मन्तरा रो जोड़-तोड़

लुगाई इत्ती सस्ती अर इत्ती जरूरत प्राळी व्हे जायेंची

इण कळजुग में इण रो रामायण

भागोत में परसंग नीं आयी

अव ती लुगाई विनां होटल किस्वी ?

हीडें रो चरक-नूं सूं भवग्यो माथी

कैवगियां लोगां नै ती लाज नीं आई पण उणां

रो वातां रो जुगाळो सरम आळै साह मोत है

कैवत रो पूंछ पकड़यां वगत रा गाडा

नीं नाप सकीला । सदा सुणा

बळद आसूदा व्हे ढाळ मे

क्यूंके जमारी ती हंसै हंसती ई रैवै

मोत रो आळ में पण व्हेली काई, इण रो

गिएत समझ सागें कवडो रमै ।

म्हें घर-गुवाड़ सूं

क्यूं आयी इत्ती अळगो आं लोगां बिचें

आज देखली सगळां रें मन री कुटळाई
 भूखा-तिसियां रें हाडां माथे
 ऊभोड़ा ओबरा अर
 घणा ओबरा लिप्योड़ा पोत्योड़ा
 प्याणा सूं मूंडा सियोड़ा

जिण री छीयां में कोई बैठी रळकावै
 कुदरत रा मूंठी दो मूंठी दाणां नै
 बस गीत सुणै, रोज बुलावै राणा नै
 सोचै

किण री मुळकावण सूं गरम व्है
 ठंडा विछावणा

कद अचपळी रातां भांकै भरोखा सूं
 पण उणारै गूंगे दरद नै सुणै कुण
 उणारा थाकीज्योड़ा दिनां री गांगरत सूं
 उळझै कुण ?

नों करो विचार
 कांण-कायदै रें मुरभायोड़ै फूलां नै निरख
 सौरम री आपरी जात व्है
 पण सौरम री ठैराव साव थोड़ी
 खंकारा करै नोम माथे चढ़चाड़ा टींगरं
 बाड़ै ने सांपड़ती
 नुवीं बीनणी खांनी । उठीनै बाप फैंकं
 पुरस्योड़ी थाळी
 बेटी री छाती में

मां री फाट्योड़ी आंख्यां में
 जूनै जुग रा सपना
 खुद रें हाथां री हथकड़ी खोलता थकां
 आपरी मूंडी नीचौ कर लेवै ।

थे हरेक बात री सकळाई सारू
 बातां रा पग मत मोड़ी

इण वात नै मान'र चाली के
 भांग रा दाफड़ां री दवाई
 इण नाजोगे मिनख री
 जेव में नीं । सोनयूं व्हेता थकां
 इण री लुगाई सोरी नीं
 आं दरवाजां रा दांत तूटियां बरस व्हेगा
 पितरां नै धोकतां
 जमारी हीण व्हेगी
 आं डाकोतां रा हीया
 सलामत कद हा मिनख नै मिनख समभण सान
 नीं पकांयत पतियारी हो इण वात री के
 थूं सगळां साथे गेली व्हेली
 अं गेला कित्ताक पाघरा व्हेला
 सपनां रै मांय नीं पड़ी ओळखांण

अब ई थूं सावचेत व्हे
 भांप रेखावां री डोढ़ी निजर
 परसादी रा भूखा
 थारै मिदर री पंड्यां ऊभा व्हेला
 अं भगत साव चौगड़दै
 आपरै पायचै में भगवान री मूरत
 लुकावण ने त्यार है । निसांण है
 पगथळ्यां रै मांय आं रै चकरवरती री
 सगळी जगां ठायची सेत, वजार
 स्टेण्ड, वरमसाळा मिदर में आं री
 आं रै माथै रा मुळकता तिलक
 स्थावासी री तासपत्ती साथे रमे
 थूं ओकर
 आं रै नास रै सुर ने तो पिछांण
 थोड़ी जांण आं री वांण । अं तो

कैवें राज नै पलटावण री बात

फगत इसारा सू

हैं रे ! गई बात री चूंडी

कुण पकड़ची

पुरखां रै हाथ सू लगायोड़ै

बड़लै री जड़ां

पसरगी ऊंडी

डाळा व्हेगा लांवा, सैठा

पण मिनख विचारै आंधी रै हरडाटे में

डावड़सी जड़ां पड़ैला डाला

श्री म्यांनो है गई बात री

टावर हींडैला

मजा लेवता मोटा डाळां रा

थे काई सोची

नाडी रा नीं सूखैली कूख

नीं लोपंली आंगणा लुगायां माटी सू

नाडो रित सी । गाथा वणसी

जकी सांतरी सावळ दीसै

जगां बिखरसी

फेरुं थारी अचंभौ नीं नवड़ा सकं

बात रा घोड़ा रै काळजै रो गैराई

तो थनै धिक्कार है

काईं बताऊ

किण री काख में दब रची है आं री इलाज

गोदम, रात दिन गोदम स्थू

गंगा जी न्हावण रा सपना लेवतौ

काळू गूजर । बांचं करम री पाट माथे

लिख्योड़ा आडा-तिरछा आखर

खिण सभै री पोमायोड़ी मूरत नै

छळ पपाळ अर वम रा गोठ ऊठै

जागती जोत/२३

लात लगावै

आंख्यां सांम बिखरचोड़ी वासी कंठवारी
पण कियां निभै कारयां सूं
जोड़चोड़ी जमारी । खुद दिन भर कुवद
रचै, उलझावै तार काचा मन रा
पण नीं नावडै उणरै न्यूंज्यां में
अथाग विसवास रा वादां री गुमांन
ईयां ती चतर भड़भूँजो ई व्है
पण गल्ली गल्ली फिरतां थका
चतराई आपरो चेती खो देव

समझ रा फाचरा

कद जुड़'र विसवास री बीदड़ी नै खोले, आ
हाल समझ नीं आई
रात-दिन उफणतै परेम-भाव री मनवारां
अर मनवारां वातां रा डूंगर
कोटड़चां रै मांय बँठ'र जीमणा लावणां

सजावणी अतीत री मूरत

कठै रा वासी, कुण जाणै कठै जासी
मुसाफिरखानै में बायां घाल्यां
टिगटां माथै लिखी जातरा री
दूरी पढ़ां—कोसां, घणी कोसां ।
नैडै आवता पग

अंक दूजा री चाल पिछांणवा लाग्या

अळिया-पळिया में पड़गी ठा

आंख्यां री मुळकावण कद हसती सुरजी सूं कम ।

पण मिनख री चालां

आपरी समझ अर चतराई रा किंवाड़

वेगा नीं खोले

सुवारथ आपरी वरस-गांठ री

उडीक में मधरी-मधरी खंखारणी सरु करै

जागती जोत २४

मांयलै मन री भायलाचारी
 ऊठतां-वैठतां पजोखै
 बिसकासघात री लटांण माथै रैबाली सांप
 मूं डौ काढै, बारै लपलपानै जीभ आपरी
 मनमेळू रै चौगड़दै
 घेरा घालै—घर में, बजार में, दफतर में ।
 ओळानै सूं बात चिणै चिगळै रस भीज्योड़ै
 सबदां री मीठी रस नै
 सळी करं बगत री सूकी-पाकी
 हेत सरीखी बातां नै
 उण री चतर समझ सूं अपणैस
 रा कांगरा धूजें, उठै उबाकां, लिणै-पुतै सावचेत
 राख्योड़ी मन री भीता
 तद अळगा मूं बायां रस्ता वहै ।

[आगल अंक आगै]

★ ★ ★

निबंध

बापड़ी कसाई

जहूर खां मेहर

मैं अजून ताई माव चिन्योक ही, समझ ई साबल को पांगरी ही भी । बेळ होयोड़ी वैन सांमी ठा नीं किए सारू हाथ उगरागियो ई हो के माजी री घाकल मुनीजी — 'अरे अरे कसाई, सवासणी नै कूटी तो योगिये में हाथ उगला ।' बात हिये उतरणी । जद पद्रे थोरिये नै देखतां ई लखावै जांगी किणी सवासणी नै कूटणिये कसाई री हाथ है । पैना-पैना तो मूं सवासणी नै ठोकणिये नै ई कसाई समझण हकी । पाड़ोसण रिड़कली रें घर-घरणी नै रोश री लत्त, सो वां रैहरमेस कजियो रेंवै । गैळ में कई कदास रिड़कली नै घमीढ़ दे । टूटो भागें सम्पाड़ी करतां अेकर बास री लुगायां री बात सुणी । थेपड़ियां थेप'र आयोड़ी अेक जणो ह्या-छियां मसळ'र पोठे री बाटां उतारती थकी कही— 'अरे रांडां ! बापड़ी रिड़कली नै मरियो कसाई रातें भळै कूटी ।' कूंडे में पड़ी मैल उगळती राली नै धप्पड़-धप्पड़ पगां मूं मूंदती हूजी बोली— 'असल कसाई है कमसल, बापड़ी नै अेड़ी कूट के देखोजे ई कोनी ।' इण बेळा ताईं म्हेन आ तो अवस ठा पड़गी के (अव कै) कसाई रिड़कली री भाई तो नाज है । पण कूटण री बात तो आपरी ठोड़ यूं री यूं ही । सो अणूताई करे अर बीजां नै कूटे जिका कसाई रहे । सटके खंखोळी खाय'र खाली चरी लियां इज भटाभट न्हाटणी पड़ियो । सदाई आळी दाई 'पैना म्हें चुकलियो भरुंला अर पैला म्हारी वारी है' नै लेय'र ठीकरा बाजण री बेळा आयगी ही ।

केई वरसां कसाई री ओ अणूताई अर दूजां नै कूटण आळी गाकी मन में रम्योड़ी रह्यो । इण विचै अेकाधी बेळा कसाई नै देखण री जोग ई बंठो । पण गुणदे मूं भगामन हाडका भांगत नै देख'र उणरी सिप्पी दुगणी ई व्हियो । उण बेळा जे निण नै ई ठा व्हेनी तो म्हेनै डरावण सारू डाकणियां अर भूतां री जरत अंगै ई नी ही, कसाई ई पणो हो । दिन सवां हा सो नीं तो किए नै ई म्हारै माथे कसाई रें सिप्पे री ठा पड़ी अर नीं उण रें नांव मूं डरावण री उपजी । आज कई-कदास विचार आवै बावै, भूतां अर डाकणियां मूं

वरां न डरावण आळा माइत टाबरां रै हियै कैंडा-कैंडा जाळ-जंजाळ शूथ दै । कंठी कद, ओकर अर कित्ता दौरा लाई टावर इण जंजाल नै तीड़े । केई-केई ती हाफळियां खायवौ रै अर मोटियार व्हे जितै अळूभियोड़ा ई रैवै । रात-विरात पसेवै सूं भवाभोल होयोड़ा, र-थर धूजता मिनखां नै आप ई कित्ती ई वळा देखिया व्हीला, जिका घुप्प अंधारै आपौ आप डरिचोड़ा रैवै ।

पोसाळ में कक्की-केवड़ी, खख्खी खाजूली करती जद ई अणूताई करणियौ म्हारै सारू साई वणियोड़ी रह्यो । आ बात वळै तर-तर पक्कीज व्ही । आप सूं फोरा मिडकलां माथै थावती कर वां नै गळदूपा देयर घी पायोड़ी रगावग पेन्सलां खोसरियां नै गुरांसा आप साई कंय'र सड़ासड़ लीली कामडियां सूं सुरडता । थोड़ी ताळ ती म्है गतागम (अळूभू) जावती के गुरांसा कसाई हे के कूटीजणियौ छोरी । गुरांसा आप कसायां उपरला कसाई लागता ।

अजै ताईं बारखड़ी पूरी कोनीं व्ही, म्है लल्लां घोड़ी लातपा अर सूवा वेंगण वास्तै री काई करती हो के अेक नवी आडी आय पजी । नानीसा री किणी सांथण मांची भाल मयो । उण रा सुख पूछ पाछा जावतां ई नानीसा कैवण लागा—“बापड़ी रैमती कसायण अवे थोड़ा ई दिन काढती दीसै ।” म्है पैला ती विचारियौ के आप सूं नानै वैन-भायां नै टण आळी, बीजी लुगायां नै घमीडण आळी अर कदास घर रै घरणी नै भूंगळीं के चींपीयै के वणै री थरकांवरण आळी लुगायां कसायणियां वाजती व्हेला । नानीसा नै जद तीन बीसी पर चवदै वरस व्हेगा सो आंरी बाळपणै री सांथण रैमती नै चवत्तर नीं ती तीन-बीसी पर दसवों वरस ती खरो ई वंवती व्हेला । इण उमर में रैमती वळै अजै ताईं बीजां नै कूटै डी कसायण कठै सूं रह्यो व्हेला । नानीसा कसायण सारू इत्ती विचार में ब्यूं ? सांमी रख री बात व्हेणी चाहिजै के कसायण रै मरियां ती कित्ता ई सताइज्योड़ा री गैल छूट वैला ।

खैर घरणी मीड़ी सूंटां-ढंचां ताईं धोक लिया जद जावतां सांच सांमी आयी । साई अेक आखी जात री नांव वाजै । गोस, बकरां, घेटां अर खालां री विणज करै । साळ पछै दसवीं ताईं राज री स्कूल में भणोज कालेज में पूगौ । अलेख वळा सिनेमावां, छोठी-छोटी कहाणियां अर स्कूली पोथ्यां ताईं में कसाई री बी चंडाळ आळी खाकौ कदै-कदास सांमी आयवौ करचौ । पोसाळ सूं लेय'र घकै जावती विस्वविद्यालै ताईं में भणजणियां साई सांमी नीं आयी । सत्ता-है जे जुगां सूं कळै पोतीजतै छांपळ'र आयी आप नै किणी जै ढापें में ढक लिया व्हे ती ठा नीं । आपो आप नै चवडै-धाडै कसाई कैवण आळी ती ई दीख्यो । होळ-होळ कंसायां में ई चोखा-भूंडां, गोरा-चिट्ट अर काळा-किट्ट, फूठरा अर सुगला, राता-माता अर मुडदार मिनमिनिया, गळतियौ होयोड़ा मडकल अर पट्ट वजावता करकन्द, कड़ाका काढता फायां खावणियां झूखड अर टिड्ढा करता धापोड़ा, भीर-भीर थड़ा अर फाटोड़ा लिगतर पैरियोड़ा अर भळाभळ करता गावा अर नवी पगरखियां जायोड़ा सगळी तरै रा कसाई कसायणियां देखण में आया । थोड़ीक नैडौ स्यां वैन-सवासणी अर्थ सारू घर फूंकणियां अर मोह माह राखै जेड़ा सवावणा कसाई ई सांमा आया ।

कसाई नै घणी चण्डाल, जुल्मी, नाथावती करणियो, बट्ट-बेटी, भाई-भोजाई कर सगल आपरां नै कूटण अर सतावण आली समभण री रीत नवी कोनी । जुगां मूं बापरी कसाई अई ई गिणीज । अवे तो कसाई सबद कांन रं पददां मूं टकरीजतां ई दण रो घेक खास चितरांम आख्यां सामी आय ऊभं । श्री चितरांम काळ-बटीह मोटे पेट आळं, नळियां ताई ऊची चौकड़ी आळी भांत री तैमद अर मिचळी बासती नदरी पीग्योई, भग्नी गातां रं गीड सूं लथपथ पण मोटे-डरावे जेई ठोळां अर टीन माथं गातां मैन जमियोई यजम रो है, जिकी लोई सूं रगावग हाथां में छुरी चुगदा पकड़ियां भर्क माथं जिन नै ई काटल-बाटल नै त्थार दीसं । बापड़े रो श्री खाकी मिनखां रं हिय चीनटी ज्यूं जमगी । डेट मूं ई नयदकिया आळा नाटकिया, भांत-भांत रा लिखारा अर अवे तो सिनेमा आळां ताई आपरं निगो पात्र नै घणी भूंडी अर रखस बतावण सारु कसाई री उपमायां देखे ।

घणा पैलाई जोगा मिनग्र तो सांन जाणता हा पण भंडा जोगा जितक रहे, नो घणकरा तो बापड़े नै आज आळी काईं गिणता । जोग, नकोर, सावनेत घर पाट-पाट री पांणी पीयोई मिनख सारु कसाई काईं ही ? घणकरा बिलमीज्योड़ा बापड़े नै काईं गिणता अर इणां रं पांण उण माथं कैड़ा-कैड़ा बीसा पड़पा । इण रं गुनासी सारु भेक छोटी क बात हाल ताईं परम्परावां में रूपाळिज्योटी है । बात इतिहास रं कांटे तो के डा घरी उत्तरैक नीं, पण इण मीके उगेरण जोग परी है ।

अकबर बादसा रं समे अकर अई जोग बंठी के उगरी सगळी फीज आखूरी घोराळ-लंकाळ अर राजस्थान में (अळूज्योटी) ही । दिल्ली रा मोटा मन्साबदार काम-काज सूं आप आप रं रजवाड़ा गयोड़ा हा । जोग री बात के दिल्ली में कोई सी-धेक नैदा सिपाई उवरियोड़ा रह्या । जद आ घणी चावी बात ही के दिल्ली री घणी जिकी सगळें मुलक री घणी । कोई मरतां-खपतां दिल्ली दाव लं तो पछे गीली री ई राटकी नीं । उगने सगळा घणी अंगेज लेव । हासम खां नांव री मेवातियां री सिरदार । उगने हायकी अणूतो । राज-पाट सारु डुळती देख कोई पिडत उगने यथोवी टेक दिवो के पूं तो दिल्ली री घणी वणेला । हासम खां रं लाळां पड़ण ठूकी । हरदम टी रात । सेवट बप आयो जाण आपरं हजार डौडेक मेवातियां नै लेय'र दिल्ली चढ़यो । अकबर रं भेदियां बावट पूगता करिया के दिनुगे ताईं मेवाती दिल्ली आय पूगला । अकबर गतागम में अळूज्यो । करां तो काईं करां ? घरं घणी नै सिएमिणी देख जोधावाई घुदावणी सारु करयो के बतावी तो घरी आपरं हिय किसी दोराई है । सेवट अकबर हिय री पीट उगळी के दिल्ली में अलेगां मिनगां री वासी है पण आं री काम लड़णी-भिड़णी कोनीं, सी कठईं बाबर री थपियोड़ी राज ने नीं पड़े । सत्ता है पाछो तो परी खोसाला पण वंस रं ठवक तो लाग ई जावेना अर म्हें कित नै मूंढी बतावण जोगी रंवल ।

जोधावाई माथे कसायां रं अगोरीपण अर चंडालपण री धाक । घड़ीक अकली सावळ विचार'र हलकारी दीड़ायो । राबळ रसोई रं हलीमिये नै ईं सागे भेलियो । कसायां रा बीसेक पंचां नै भेळा कराया । ठा पड़ी के दिल्ली में दो-ढाई हजार कसाई तो घरा ई रंवे ।

मोरचा रोपण री बात सुण थोड़ा हड़बड़ीज्या । पण कीं तौ राज री खातर रै लालच अर कीं नटण सूं घाणी पिलीजण रै डर सूं हां कर दी । राज री हाथ माथै रैवैला ई सो अकड़ू अर हेंकड़ीवाज हा जिका साळां री आंतड़ियां-ओजरियां काढ़ न्हांखाला, सूंत दांला, पांसळियां रा भचका बोलाय दांला, तिक्का कर काढ़ाला, कीमौ वणाय दांला, भेजकी भच्च बोलां दांला, फींफरा बिखेर दांला, खालड़ी उतार दांला अर गोडा, खुणियां, पुणछा, हासळियां अर गट्टा ताईं उतारण री आरी-वारी हांक दी । सुण-सुण जोधावाई री छाती गरब सूं फाटं जितीं फुलीजण ठूकी । उणां नै त्यार होवण री हुकम देय'र झटाभट अकबर कनै पूगी अर भख देती राज री रूखाळ सारू आपरी तजबीज सुणाई । मुळकतौ अकबर कह्यौ— 'भली आदमण, मांती के मेवाती लांठा लड़ाक को व्हे नीं, पण बापड़ा कसाई कद जुद्ध लड़्या । दिल्ली री रूखाळ करै जैड़ी माजनौ इणां री कठें ? वकरै माथै छुरी घसता धूजै जद तौ हलाली राखै । पण जोधावाई माथै कसाई नांव रौ सिप्पी जमियोड़ी । मरै जिन्ना घर उण तौ हठ ई अपड़ली । गळगळी व्हेगी । सेवट तजबीज पार नीं पड़्यां जीवै जितै राज-कांज में मूंडीई नीं खोलण री आखड़ी ले अढ़ाई हजार कसायां नै मेवातियां सांमा पग रोपण सारू सिझ्या रा व्हीर कर ई दिया ।

अकबर निसंक सूतां रात काढ़ी । पण जोधावाई घणी रात गई जितै राज रै रूखाळी सूरमावां रा केई करतव घड़ती अर केई भांगती पसवाड़ा फोरवौ करी । दिन घटाघट ऊग्यौ । चारू'मेर हळाहळ करती उजास बिखरगौ । जोधावाई विचारण ठूकी के पैलड़ें हलकारै रै बावड़ां मुजव तौ दिनुंगे ताईं मेवाती दिल्ली पूगण हा । कसाई सूरमावां वां नै खेत राख दिया दीसै । सेवट घणी दिन चढ्यां डावड़ी कसायां रै आवण रा बावड़ लाई । राजी-राजी झटाभट खुचकै वैवता महाराणी जी वारै पूगा । देखतां ईं अेकर तौ मूंडी फक देती थाप खायग्यौ । पांच-अेक सौ कसाई मूंडा लटकायोड़ा पसेवै सूं भवाभोळ होयोड़ा दीख्या । धूड़ सूं सगळा लथपथ । घणकरां रै घावां सूं अजै ताईं लोई चिकचिकै । पसेवौ घावां सूं राती व्हे गावां री धूड़ सूं गुगळी व्हेती चिळचिळै । केई बूटा होयोड़ा तौ किताक टूटा । कोई अेक पग माथै ऊभो तौ किरण रै ई माथे में घाव । घणकरा खाडा-वांडा अर भागा-टूटा । कोई टसकै, कोई डुसका भरै तौ किता ई सिसक-सिसक रोवै । रांणीजी नै देखतां ईं घणकरा कूका कर कर'र डाडण ठूका । जोधावाई रै माथे में इण कूकारोळै सूं सरणाटौ छायग्यौ । मूंडी पीळी पड़ण ठूकी । डील रौ सगळी गाढ भेली करता बोल्या—'भलै मिनखां अवे टसकणौ छोडी । लड़ायां में घाव तौ पड़ता ई आया है । अवे बोला री, राज थांरी घणी खातर राखसी । थे सगळै मुगली राज माथै किरियावर करियौ । राज री आस-श्रीलाद थांरा गुण गासी । वैद-हकीम सेवा करसी । थां घणी गरबजोग कारज साजियौ । मरता-खपता मेवातियां नै तौ परा ढाबिया ।

दो च्यारेक धकी आया, जिरां रा मूँडा तो मुर्चीभोड़ा मोवां थर मुग्गियां मूँ मोई चिकीं पण घला गारा पाव नीं सागोड़ा । हुमका भरतो ईयां मांग मूँ चिक जलो मागी हेतो लटकावतो धकी बोल्की—“घणियाली भवां हे शायी मोनें पिचगण दे कर तोपां रे मूँदे बंधाय दे । मेवातियां नीं लावणी म्हारे भग नीं । म्होनें देगवां ई मे तो मुग्गे मियां मूँ मूँ पड़या । पछे कुरा के व्याव भूँकी । भवाभन मनकी । मे तो मुग्गा मुग्गा पकड़तो मार देगा के ओकाधी नीचे पड़े तो छाती मार्गे मोतो थर मागळ दिक्की पकड़ मिलिये मार्गे धुनी भग शी । परा कमीण घेड़ा के ओक ई हेटो नीं पड़यो । धावत मुग्ग मे तो मूँदेमूँदी मार्गे ओहण रे ताक करां, जिते वीं हरांमजादा तो कोई हकी देगं थर कोई मुग्गे, दां मे ई भगको मोवाव दे । सो भिड़ंत होतां ई सदागट हाथ पांन थर मागा मर-मर पड़ता देगवा । हुम भवाभन में रहे तो घेड़ा उपल्लीजिया के किरा रे ई विगदो सकात नीं पाचोहिको थर वा मरामर मारके रा तिका कर कादिया । उवरिया जिका हल्लपल्लीजियो पड़ता-मुग्गा पादा मारण हुवा । कमीणाई देखी साळां रे, के देता रियां ई गैल नीं छोड़ी । मारे मर-मर मनवा मोवाया । दिल्ली रे सीव रे कांकड़ में आयां तोपां रा भिड़ंत उदण सादा । मे तो पाचो मारे थर मे ई नीं जोवा । मरता सपता डेट आय पूगा । जिका मेवातिया नीं मार मूँ बलाया मातागळ में पड़तां-मुदतां रे गोडा-मुग्गियां थर मूँडा मूँ मोई निकल हुवी ।”

म्हाराणी सा आ सगळी थोर गाया मुग्गे जितो, गावां रे भगाव, माड पडा मूँ लावता । आदेटे ई अघाली आण लूकमी हो । ह्याळियां मूँ कनपटिया दवाव घोड़ा मीठा रखा परा सेवट भंवाळी घाय तड़ाच देखी रा चरकीजिया । चंतो आया आरवां गुली जद राज रे खास हुकीम पागती बंठी । घाप अकवर सिराणी बंठी लिताड़ पंपोळतो । अकवर कल्यो आन जीव में सोराई राखी । दिन बघ्ये ई हिवाल तां रे हरावळ दस्तं रा हजारक जूँभार मोदसिध रे अगवाईं में आय पूगा हा । च्यारेक तोपां देम'र वां न मेवातियां सामां बहीर कर दिया । दिल्ली रे सीव में वड़तां ई वा मेवातियां ने भड़ाभड़ भूँज कादिया ।

ओक जोधावाई माथे कसाई नांव रे अणूती सिप्पी होवरण मूँ वापड़ां माथे काई-काई नीं बीतो । साहित्यकारां अर सिनेमा आळां रे पांण आज ई लाई रे जीव में सोराई नीं । काळजी कळपे अर बीखां रा भारा लियां फिर । जोधावाई ने तो थोड़ी-घणी भुगतणी ई पड़यो । के ठा पछे घणी पिछताई व्हेला । पण एणां साहित्यकारां अर नाटकियां ने तो कोई मोतो देवणियो ई कोनी । अ तो मत्तो पड़ ज्यूं ई मिनछां माथे कसाई रे सिप्पी बंठावताई जावी ।

आ बात म्हनें तरतर तीखी व्हेय'र चुभण हुकी के आं सिनेमां आळां, नाटकियां अर साहित्यकारां रे वापड़ो कसाई अड़ी काई बिगाड़ करघी । अ सगळा एण रे सिरड़ी अपड़

लियो । पीढ़ी-दर-पीढ़ी इए न भूँडए री गांगत भाल ली । बाप है के कसाई, भाई है के कसाई अर अठै ताई के मिनखपणै न लजावए जैड़ी कोई काम करदै तौ उए सारू कहीजै मिनख है के कसाई । जाणै कसाई तौ कोई राखस, अघोरी, चंडाळ, डाकी के अँड़ी कुमाणस है, जिएरौ मिनख जमारै सूं कीं लेए-देए नीं । उएरी तौ नांव ई गाळ वाजै । बापड़ै रगदोळ-रगदोळ काळो पोत-पोत अँड़ी वधनी कर दियो के बीजां री तौ वात छोड़ी, आपौ-आप उए माथै ई भूँडाई री रंग अँड़ी चढ़चो के पांच मिनखां रै विचे उए न आ अंगेजतां ई लाज आवै के वो कसाई है । मिनख हंसता-मुळकता राज अर ठकराई छोड़ दी । सेठायं छोड़ए सारू छापा पड़ण हूका । सागड़ी घणियां सूं छूटगा । करसा लेंगे सूं छूटा पए बापड़ै कसाई री भूँडीजणी अजूं ताई नीं छूटी । ऊंची-ऊंची जातां रा मिनख राज री खातरी खातर भंगी भील वएए न तयार पए बापड़ी कसाई अजूं ताई आप न कसाई कैण सूं डरै । के ठा कद अर कीकर उए री लारी छूटेला अर जमारी सुघरंला ।

★ ★ ★

•

इतिहास री वात

जैसलमेर रौ जोधार - दुरजणसाल

साँभाग सिध शेखावत

•

भारत भोम री उत्तारगय रा रुखाळा, छवाना, भाटीया री धमियाव करवाळा, भट्ट
 किवाड़ उत्तरधरा रा विड़दाव सूं विड़दीजै । भाटीया री भोम माधवरा कहीजै । उन्नाराय री
 काळी-पीळी मुलतानी, मुसलमांनी आंधी रा भूत भय वणां भगूळियां सूं भट्ट-भोटी गायण नै
 जैसाणी सदा आडी बायो । प्रिसणा रा प्राणां नै पोवण ताईं सांपरत जैसाणां री मूरमो
 पीवणी पिंगळ सो लखाणी चाये जैसाणां री धरती मांय पीवण रा पांणी रो टोटी रहे,
 पण टीवां-तालां, भरां भरुंटां री दण घन्ती नै उठा रा जोधारां पाणी री टोटी सोमिन
 री सरितावां बहाय'र धपाई । आगण रै अग्याई असमर री नेन गिनाय प्रिसणां री चतुरंगी
 प्रतनां नै चकावोह दिखायो । जिण समै जूभाऊ प्रवागळां माथे टंकां री निधार्द पड़ी, उण
 वखत जैसलमेरां री जोस में नाच ऊठी नड़ी-नड़ी । कोटां रा कफाट गुलिवा । गजां रा धुज
 लहराया । कळांटुवां कवादी कर्मता नै सजाया, जद वै अस्त अर अमवार भामड़ा भूतसा, काळ-
 विकराळ-सा वरियां रै नजर आया । काचा जीव रा कापुरसा रा काळजा शरधराया । मूरां
 वीरां धोरां रा वदन कवच री कड़ियां में नीं समाया । कायरां री अकीरत, कीच-कदम में
 कळीजी अर जोधारा रा मन-मयूर उल्लास री उमंग में उमगाया । ग्रैंडा जग जोधारां, मूरा
 पूरां धोरां, जिणां रा मुख सनूरा इतिहासां स्यातां-वातां में दरसाया । जिणा रा जस रा
 प्रवाड़ा कवीसरां आपरी वांगी में गाया । अमरां सुरलोक में आगे बाघ'र बधाया । लोक-
 माणस री निजरां में अमरपद पाया, उणां सीमाड़ा रा मूरमावां में माळ पारा री उणी रावळ
 घड़सी, रावळ मूळराज जिको वज्र री आग, के भवानी री राग के अगियां री अभाम ई सांपरत
 जाणीजै । इणी जोड़ रतनसी अर दूदी भाटी, जिका संसार में आप रै भुजपांग्या जस-कीरत
 खाटी । नन्याणवै वुरजां सुं चीटियां गरबीला गढ गवगहर में बैठा वातां करे । अर पतमाही
 प्रतना नै पैमाळ करण री मन में धक धरे । 'जैसलमेर' उतनी दड़ी ठोड़ नै पीटी पांच-सात
 आपणी हुई नै साकी न हुदी । साका विगर नाम न रहै सु एक साकी कीजै । तरै मूळराज,

रतनसी, नै दूद साकौ करण री नै पातसाह सूं विरोध बधावण री करै ' पातसाह फिरोजसाह
 अर रावळ मूळराज रै साका री बातां सुणै । रजवट उजाळवा, री जूनी जुगादी ख्यातां भणै ।
 घड़सी नै रावल मूळराज रै साकै री बात याद आई । वही वंचा नै तेड़'र वाका-साका
 री वही वंचाई । रावल मूळराज रै साही खजानो लूटणै री अर सत्तर हजार पातसाही फोज
 नै पैमाळ करण री घटना लिखी पाई । रावळ दुरजणसाळ आपरी दाढ़ी में सुपेती आई जाण
 आळोचियी अर आपरा साईनां-सयानां उमरावां नै कह्यी—'रजपूत रैं ताई साथरां री मौत
 लांछण गिणीजै । सो उमरावां भायां अड़ी मुणीजै जिण सूं रावळ देवराज, रावळ जैसल
 रावळ मूळराज री कीरत माथै फेर बीजो कीरत कलस चढ़ीजै । '.....जरा ती नैड़ी आई ।
 यूँ ही मर जाईस । किणी क सूल नाम रहै तिकां बात कीजै ।' जद पछै रावळ दुरजणसाळ
 कांगड़ा बल्लोच माथै धायी जिकी उण नै लोह छकाय उणारी आछी आद री घोड़ियां खोस
 त्यायो । पातसाह सूं लड़'र साकौ करण खातर पातसाही पड़गना लाहौर री भेंसिया री
 हरण कियो । पातसाही अस साळा री 'पाणीपंथी' अस अर अस्वां री कतार लूट'र जैसलमेर
 ले आयी । दिल्ली रा दरबार में रावळ दुरजणसाळ रै वाकां री नित नवी डाकां पूगण लागी ।
 सूवेदारां री सिकायतां सूं साही दरबार में कोपानळ जागी । परवाणां में अरज दास्तां पढीजी—

परवाणै पतसाह री लिख मुँकै मेलान ।

इण गढ़ हिन्दू बंकड़ी, कर ग्रहियां के बांण ॥

जैसलमेर री घणी रावळ दूदो वडी दूठ रजपूत । सगळी साही अजादा नै लोप'र मन
 मत्तै चालै । रात-दिन मरण-मारण रै पंथ हालै ।

रावळ दूदा रै भगड़ा-रगड़ा अर लूट-खोस माथै रोसासण पातसाह रै उर उदध में
 बड़वानळ-सी जागी । साही सेना नै जैसलमेर माथै मोकळण री आग्या हुई । कट्ठ-कट्ठ
 करती अरावो भाटीपा पर चलायी । घोड़ा, ऊँठ अर हाथियां रा अणगिरात हलरा टोळा अर
 हलका वहीर हुवा । घोड़ां टापां सूं रज उडी जिकी ऊपर चढ़'र रविमंडळ में जावती पड़ी ।
 ऊजळी गयणाग मटमेली हुवो अर गरद सूं सूरज मंडळ गुधळायी । दिन में रात री सो खळकौ
 देखण में आयी । चकवा चकवी रात पड़ी जाण अळगा हुवा ।

कासीदां दिल्ली मंडल री फोज रा अस्वान जैसाणै मेलिया । रावळ दूदै सुख पाया ।
 गढ़ जैसाण में उछाव मनाया—

जैसलमेर दुरंग गढ़, दूठज दूदो राव ।

मेघाडबर छत्र सिर, दीघ निसांणै घाव ॥

नीसांणै घाव बाजिया, गाज गहरै सद् ।

आकंपै पतसाह दल, पहड़ायो परमद् ॥

रावळ दुरजणसाळ पातसाह फिरोजसाह री सुण बळै सूर समुदाय सिरोमणी
 दुरजणसाळ चींथ्यो थकौ नाग के भूखी बाघ सो साही सेना माथै सजियो । अरि नारियां रा
 सुहाग भाग रा पत्र बिणासण नै त्यार हुवो । भाटीपा री कजाकी फोज त्यार हुई । सूरवीर

सिंघणियां केसरियां कसूमल पोसाकां धारी । आप घागरा सायबो रै केसर कुंकू रा तिनक किया । आड़तिया किया । अर विवाह रा उछाव री रीत-भांत गोळह सिंगार किया । आभूखणां लूम झूम हुई थकी, मरण मरवणां वणी थकी, गुळ गोख रा आसव में छरी थकी जीहर री अगन ज्वाळा सांम्ही धकी । घड़ी पलक पाहुणिया, अंगारी मूं रगणी रमणिकां आंख पलक रै भपकत जळ-बळ'र महारुद्र री आभरण वणी ।

अठी नै रावळ दूदो मरणीक वणियो थकी आपग जोघां नै कल्लो—'तुस्कां नू गढ़ लगाव दी । कांगुरे हाथ घाततां तांई कोई तीर गोळी मत चलायो । मु गढ़ रोही छै है । नीसरणियां लागे छै । गढ़ रै ठठगियां री ओट जू'कार जाग लागे छै । हाथी पंदरा कियाइ भांगण नू आगे किया छै ।' एण रीत दोषणां रा दळ नै नई-सकई हुकण-पूणण री प्रवमाण दियो है । पछै कह्यो—“जरै हो भेर छै तरै सकी लोह करज्यो ।” सो नगाड़ा री मदनदाट अर नफेरियां री नंह-नहीं धुन रै समनै रावळ दूदा रा ओमार बेरियां री बिकट बळ नंदणी वाई-सी माथे अंडा भपटिया के आकास री सिकरी, के गयण तारी, के नोळी उत्तरियो नाग, के जयवंत काग, के गरुड़ री भपेटो, के दुरजोधन री नेटो सो देवता-देवतां कागण री काग सी आखी रणभीम नै लोही सू' रग दी । घणा भट्ठां रा चाचरा गाथा रा पानरा-सा भांग'र बिखेर दिया । सत्रु-सेना रा सत्तर हजार सिपाही नमर-स्यळी में महानीर सोया । अतकां रा मु'ड महाकाळ आपरी माळा में पोया । कवि लोगां साय भरी, एण तरी—

सित्तर सहंस निकंदिया, कोट भयंकर काळ
बंघव सेन बिछोड़िया, के फूटत कपाळ
केसर मिलक सराजदी, वै मूळू' हत्याइ
जाण कंदोई ऊयळ, लाजो मभ कड़ाह

मलिक केसर, सराजुद्दीन, रामसाह जंडा यवन सेनाघपतां नै कळह रा कड़ाव में भालां, सांमळां, त्रिसूळां रुपी ताकळा सू' भून न्हांविया । दूदो रुपी कंदोई इसड़ी आरण रचियो । मूळराज नै बफात-भागीमु सलमानां री लासां देवण तांई कवायो । पण मूळराज पड़तर कवायो—

जड़ घड़ जरखां जंबुकां, मिलक कमाल म मग
पेस करै जे पातसा, केहर जांतिस अग

उणी रीत रावळ दूदो लासां न देण री कवायो । पछै फेर रावळ दूदा री बाकी दिह्यो पूगी के जैसाणा री गादी वारह किरणांपत ऊगी । पतसाही प्रतनां रा पग छूटा । मरता-जीवता सिपाई अपूठा न्हाटा । जद फेर सेनानायक पातसाह नै लिचियो—

जेतो मु'ड गोळा वहै, सर घूजै सर वाव
तेतो दूक न सबक ही, मारे दूदो राव

रावळ हूदा माथे फेर फौज मेलीजी । जैसलमेर रा जीवरखा रं घेरी लगाइजियी
रह्यो पण तुरकां रो हांम पाव नीं हुवो—

हिंदू कोट न छांड ही, ना तुरके मेलहाण
विग्रह थ्यो बारह बरस, हूद नै सुरताण

अंत में पातसाही सेना पराजै रा पयोनिधि में गुचळकियां खावती पिछतावा में हूवती
थकी जैसलमेर दुरग नै ऊभो मेल पाछी धारोळी । पण पंलई ई पड़ाव माथे विसवासघाती
भीमदेव आसकरण री अंगोभव आपरे ऊजळ कुल रं काळूस री टींको लगावण दीड़्यो । अर
निरासा रा नारालय में आसा री दिवळी जगाय'र पातसाही सेनापत नै पाछी मोड़्यो । इण
भांत भीमदेव गोत घात कर यवनां सूं ताती जोड़्यो । पातसाही फौज कोट रं दीळां आय
लागी । जाणै वीरभद्र री नींद जागी के जळमेदा रं जिम्हण ज्याग री आगि, के दुरवासा री
सराप के मुनि कपिल री दाप, के रघुवंसी राम री चाप सो रावळ दुरजणसाळ आपरी खड़ग
भाली । पछै रणवास में गयो अर आपरी भार्या सोढ़ी राणी सूं सैनाणी मागीं । राणी रावळ
रो पग री अंगूठी बगसण री अरजदास्त की अर अंगूठे रं साथ चिता चढ़ अर रावळ नै सैनाणी
रो सबूत दियो—

रावळ जंग निसंग कर, आवा है केवाण
चलणह काटे आपियो, नाढ़ पुरख सहनांग

पछै रावळ हूदो आपरी दुजिमी सर्पिणी-सी लचकती दुलोही तरवार रो चकावो
दिखाती थकी कट-बढ़'र काम आयो । जैसलमेर रं दूजै साकी रो जस पायो ।

अठीनै बारह बरस री छेटी पछै गढ़ फतै कर'र रावळ दुरजणसाळ री माथो लेय'र
साही सेना दिल्ली रं मारग पड़ी अर उठी नै खींवसर रा मांगलिया सरदार री बेटी आप रं
खांवद रावळ हूदा री उतवंग लेय'र सती हुवण नै अड़ी । आप रं दरवारी कविराज सांदू
सारवा रा चारण हूपा नै रावळ री माथो ल्यावण नै मेलियो । सैकड़ां मूंडां री गाडी हूपै
आपरी चाशता रं बळ रुकवायो अर रावळ हूदा नै जोसीला हूहा-गीतां में विड़दायो । यवन
सेना इण कौतग नै दीठी अर कहाँ हिन्दुवां री त्रियावां री ओ खेली ती देखी । हूपा रा सबद
सुणतां ईं रावळ हूदा री मस्तक डक-डक कर'र हंसियो—

मो होता पग हाथ, ऊठ'र साम्हो आबतौ ।
मिलतौ बाथमबाथ, (तनै) हियै लगतौ हूंपड़ा ॥

पछै हूंपे चारण रावळ री सिर रांणी मांगलियाणी नै दियो । रांणी अगन संपाड़ी
कियो । उत्तरधरा रा भड़ किवाड़ री जोड़ायत नेह री नाती अत वेळा जोड़'र वैकुंठ वसी,
सूरग री सुंदरियां सांचो नेह ओळख'र घणी हंसी । कवीसरां कहाँ—

सांद हूँ सेवियो, साहब दुरजण सत्त ।
 विड़दातां मुख बोलियो, गीतां दुहां गल्ल ॥

इण भांत रावळ दुरजणसाळ री रांगी मांगळियाणी कीरत री कतार झूटी, जिन
 सूं कितरी ई असती कातर कामगियां री गुरग री आस झूटी । त्रिकुटाचळ पर गिरनक
 जैसळमेर री किली रावळ दुरजणसाळ री गृहठाण । अनेकां अगहा मुयममानां पठांणा नै
 परलोक पठाय चंदनांमी कियो—

गरवीली गढ़ गवरहर, साफां री गिरनाज ।
 भड़ भाटियां बँसणी, ओप ओवनी घाज ॥
 तवियो त्रिकुटाचळ रतां, दुरजण-दुरजणसाळ ।
 आहव मो फज प्रादर, तिलकियो तव भाळ ॥

इण रीत उत्तर दिसा री घरनी-री कप्राळ दुरजणसाळ तीवी ।

★ ★ ★

दो कवितावां

म्है

कमला वरम

अक अंधार पख

म्हैं लीलगी

अक अंधार पख

म्हने

अक निदरोई

म्हारं मांय

अक निदरोई मांय

म्हैं

खींचातांण री इण आपाचक में

देही म्हारं सारु

के देही सारु म्हैं !

•

ज्यूं कोई

ज्यूं कोई सार्जिदौ

ऊठतां-वैठतां

गुणमुणातौ रैवै

अक लय मांवीमांव

ना उण सारु

ना उण सारु

म्हारौ मन

बुणतौ रैवै अक किरणजाळ

ना इण सारु

ना इण सारु

★ ★ ★

जागती जोत/३७

(१)

आजादी रं उग
हरख भरथ परभात
म्है भीलर-भीलर रोवै हो
अर थे
म्हारा ई गाभा मूं
म्हारा आंनू पूंछै हा ।

(२)

अक मिनख री चितरांमः
मूं डै पड़ियोड़ी ताळी
पेट में रेकड प्लेयर
अर हाथां में अपड़ायोड़ी
रंग बदळती पोस्टर ।

(३)

भगवान !
म्हने सो-वयूं दीजै
पण आत्मा नीं
आत्मा नीं ।

* * *

होयौ कीं नीं

किसन कल्पित

दारु पीतै बाप री
सुवालू निजरां
म्हारै माथै गडगी

गोडां मांय माथौ दियां
वैख्यौ म्हैं
अबोलौ रह्यौ
मून घार लियो

वी अधजळी बोड़ी-सो
अेकर भभव्यौ
अर बुभग्यौ

होयौ कीं नीं.....

.....

तवै माथै रोटी सेकती मां
आपरै आठणै में
अेक दरद अौरू टांक लियो

★ ★ ★

बुध अर तीन सांच

भगवतीलाल व्यास

वी बुध नीं ही
जद वी दपतर सारु
बस-स्टेण्ड कांनी व्हीर दिह्यो
तो अक लंगड़ी-लूली
मंगती नै लकड़ी री गाडी में देखी
उरा री घणी गाडी खींच ही
पूरव जलम रा बाया सींच ही
मंगती रें डील मायें
माख्यां भरणावें ही
अर वा जाचक दणी
सगळी 'जाचकावां' री
मजाक उडावें ही ।
यी पैली सांच ही ।

न्हाटतां-भागतां ठठ भरी बस
 किल्ली तरं सूं मिलगी
 वो पायदांन माथे लटकगी
 चौराया माथे हरी बत्ती
 वहेता थकां ईं बस अक
 भटकी खाय'र ढबगी
 सांमी कोई साठेक बरस री
 बूढ़ी सड़क पार करतां
 बस रै हेटे आती-आती बचग्यौ
 उण रै हाथां मांयली स्टोव री पिनां
 अर रेजगारी सड़क माथे बिखरगी
 उण घड़ी जमा भीड़ बूढ़ा न
 उठावण री वात बिसरगी
 अर केई हाथ फुरती सूं
 रेजगारी चुगण में लागग्या
 यी साठ बरस री बूढ़ी
 स्टोव री पिनां बेच'र
 आप री रोटी खुद कमावै हौ
 अर सगळा 'युवा-संगठनां'
 रं नांवै सलाम थमावै हौ
 यी दूजौ सांच हौ



थोड़ी आगै बस में
 जगां वही, वो बैठग्यौ ।
 उण रा कान में
 मीरां रं भजन रा

रसीला कड़ावा पड़्या
 मीरां री भजन
 अक सूरदास गावै हो
 आपरी रसना सूं
 अकतारता री रस बरसावै हो
 ठीक इणीं घड़ी
 अकांनी बैठे अक मसखरे
 सूरदास सूं फिल्मी गीत
 री फरमाइस कीधी
 इकतारा सूं मीरां उतरगी
 अर 'आसा' चढ़गी
 फेर मन नीं भरघी
 तो 'किसोर' 'रफी'....जांणै
 कण-कण चढ़्या अर उतरया
 अंत के तंत अलूमेनी कटोरी
 बस में घूमण लागी
 कणी पांच तो कणी दस
 पइसा रा सिक्का नांख्या
 कटोरी फिरती-फिरती
 जद मसखरां कांनी आयी
 तो उण कटोरे में
 सिगरेट री राख भाड़ दीधी
 सूरदास री आंख्यां तो रांभ
 खोसी ही पण हिये री
 आंख्यां टमकारती वी
 छिणैक मुठक्यो अर कटोरी
 भोळा में मेल दीधी
 यी तीजी सांच ही



ये तीन सांच देख'र
 उए नै ई वैराग सूझग्यो
 पए पाछे नीं तौ मैल-माळिया हा
 अर नीं सुधोधन जेड़ौ राजपाट
 वो आपरी यसोधरा अर
 राहुळ नै किए रे भरोसे छोडती ?
 विह्यो यो के वो
 वैराग नै बस में छोड'र दपतर
 रा स्टैण्ड माथे उतरग्यो
 म्हैं आपनै पैलां ईं अरज कीधो
 के वो बुध नीं हो ।

लिखारां सारू

रचनावां रे महनताने अर जागती जोत री पूग नीं
 पूग रे समचे संगम रा सहायक-सचिव नै सीधौ
 कागद लिखी, संपादक नै लिखियां कारी कोनी
 लागे ।

—संपादक

गज़ल

सत्येन जोशी

मावे-सावे फिर कंवारा
देखी तो यां रा उगियारा
दोनों बंद अक कमरे में
पण दोनों रा घर है न्यारा
विगड़ियां पछै अंक कीटी रा
यूं है मिनख लाख रिपियां रा
रोज ओलवा त्यावे घर में
टावर व्हिया फाळिया सारा
यां रै गायों-गायां गावां
तो ई चढ़े थोबड़ा यांरा

* * *

उपन्यास श्री दूजी खेंप

खुलती गांठां

पारस अरोड़ा

आजादी पंली रै राज मारवाड़ री राजधानी अर अट्टे पच्छिमी राजस्थान री मन्त्रसूँ बड़ी शहर जोधपुर। जोधपुर आवतां मीलां दूर सूँ जोधपुर री किल्ली अर छीतर पैलेस (उम्मेद भवन) आवण वाळां री स्वागत करता दीसै। छीतर-भाटै रै रूप में अठै री घरती सोनी निपजै। नगर री नवी-जूनी सगळी इमारतां नै देख्यां लाग के आ जमीं आपरी काळजी चोरनं इण री निरमाण कियो है।

खाम तीर सूँ जोधपुर दोय हिस्सां में बस्योड़ी है—अेक हिस्सा है नगर-परकोटा रै मांयली, मकड़ीजाळ ज्यूँ पसरघोड़ी गळियांवाळी, जिकी केई तळाव, कुवा-बावड़ियां, मन्दर, हवेलियां अर किल्ली संवेटर अेक इतिहास रंग री झलकी देवै—अर दूजी हिस्सा परकोटा रै वारली, जिकी मनोरंजन रा सगळा साधन सरकारी इमारतां, भाटै री खानां, कारखानां, वाग-वगीचां अर बंगलां री कतारां रै साथै आधुनिकता रा सगळा साधनां सूँ सम्पन्न है।

नगर रै इणी आधुनिक हिस्से में आयोड़ी बंगलां री अेक कतार में बगीचै समेत आपरी निरवाळी स्यांन दरसावती अेक बंगली सेठ किरपारामजी री है। सूरज नै अठै आयां नै आज चौथी दिन व्हेगी है। लारला तीन दिनां में वी सेठजी रै वडोई वेटै रतन रै साथै सेठजी रै बीपार री पसारी देख्यी। कपड़ां री दुकान, छापाखानी, कागदां री गोदाम, सैर में किराये चढघोड़ा मकान अर दुकानां। रतन रै बतायां मुजब केई दूजा धंधा में ई सेठजी री सीर ही अर अेक बार वै नगरपालिका रा सदस्य ई रैयोड़ा है।

रतन उमर में सूरज रै सांयनी ही। सूरज तीन दिनां तांई उणरै साथै पेट्रोल रै पगां चढैर सेठजी रा बीपार रै साथीसाथ होटलां, सिनेमा अर रतन रा यार-दोस्तां री बैठकां

में घूम-घूम'र मगनीजगी। यूँ तो वो पैली ई केई बार जोधपुर घायोड़ी हो, पण मंग-सपाटां रो श्रैदी आणुं उणने पैली नीं आयो। रतन रे साथे रंग'र वो देखो के पड़ेवो पांणी ज्यूं कीकर बँवे।

सेठजी रूपाळू सूं आवतां ईं रतन ने समझाय दियो के मूरज आवारी भगत रो है अर वारें श्रेक दोस्त रो बेटो है। इणगे बाग इणने कीं धधी-बोपार सिमानणु मात म्हारें साथे भेज्यो है। आपाणें अठे इज रँवला। हाल दोय-चार दिन इणने कीं घुमा-फिगाय ने सैर देखावण रे साथीसाय आपाणो धधी-बोपार बतावणो ई भारी जिम्मेवारी है। भवें घर रो अर सीधी छोरी है। इणरो कीकर ईं कर पैली तो जीव लागणो नाउजें, पछें दूखी बात। '....अर रतन आं तीन दिनां ताईं आपरो जिम्मेवारी ने आछी तरें मूँ निमाई। ओ इज कारण हो के मूरज तीन दिनां में रतन मूँ इत्ती फुड-मिडलो के जाणें बरमा जुनी दोस्ती व्हे। आं तीन दिनां में रतन रे साथे वो की इण गत बंधो के गांव रात्री-गुप्तो रो कागद लिखण रो फुरसत ईं उणने नीं मिलो।

आज सूरज बिद्यावरणी मूँ ऊठतां ईं तयठनी के गांव कागद जरूर लिखणो। सिमान-सपाड़ा अर नास्ता-पांणो मूँ निबड़पा पछें, वो कागद-लिखा के साहू रतन रे कमरे में पूगो। उण वगत रतन आपरो वैन निरमळा मूँ किणो बायत भोड़ करनी हो। निरमळा रो उमर अठारें बरसां नैड़ी व्हेला। इकेवड़ी देखी, तीगा नाक-नगम, नपई रंग अर पल्लो उमर रो साख भरती अंकीअ्रेक अंग। पण तो ई आ छोरी दूजी अमीर घरों रो छोरयां दाईं तंग कपड़ा अर टोपलेंस-बोटमलेंस रा चक्करां मूँ न्यारी की होना अर अंग होना कपड़ा पँरे। सूरज जद रतन ने आपरें आवण रो कारण बताय'र कुइसी माथे थँडती दोनूँ मण्डे-बँता बिचलै भोड़ रो कारण पूछ्यो, तद रतन भमकतो थकी बोल्थो—'घरें, इण छोरी रो तो भेजो खराब है सूरज ! आ कोसं रो कितावां तो पड़े कोनी, रात-दिन किस्ता-कांणिया रो कितावां पडती रँवें। खुद रो खोपड़ी तो गराब करे ईं करे, समझावां तो बँतबाजो कर दूजा रो ईं भेजो खराब कर दे।'

निरमळा बोली—'सगळी कितावां श्रेक जेड़ी तो व्हे कोनी....'

'हां, म्हें ती कदैई कितावां देखीज नीं व्हांला। आई है बड़ी समझ रो ठेकेदार।'

'इणमें समझ रो ठेकेदार रो कई बात। थं जिकी किस्ता-कांणिया रो कितावां रो बात करी, वां में अर लिटरेचर में घणो फरक दिह्या करे।'

'देख्या सूरज, आ यूँ खोपड़ी खराब कर दे ! अवे बता ?' वो सूरज मूँ चलताज सवाल कियो।

सूरज कीं संकीजती थकी वाल्यो—'अवे म्हें या भाई-बैन रा मामला में कई बोजूं ?'

रतन उणी वगत सूरज ने भांपतो बोल्थो—'अच्छा 'सनलाइट' (सूरज प्रकाश) श्रेक बात बता ! थन इण घर में आज चौथो दिन है। है क नई है ?'

'है ! जिकी ?'

‘म्है धनै इण निरमळा रै वारै में समभाय दियो अर तूँ म्हनै तारा रै वारै में सगळी बात बताय दी । अब आ निम्मो जंड़ी म्हारी बंन, वैड़ी थारी बंन ! है क नई ?’

‘है !’

‘तो पछै तूँ इणनै कदैई बतळावै क्यूँ नीं ? यन्नै सरम किण बात रो आवै ? तूँ तो पूरो लाज रो लजवंती है यार !’

रतन रो आ बात सुणैर निरमळा नै हंसी आयगी अर वा लपकैर कमरै रै वारै निकळती बोली—‘लजवंती !’

रतन कूबयो—‘चोऽऽऽऽप !’

इण सूँ पैली के रतन पाछी बात पकड़ै, सूरज सफाई देवती बोली—‘अबै इण छोरी सूँ करण जंड़ी कोई बात व्हे इज नीं, तो कई बात करूँ ?’

रतन बात खतम करतां कंयो—‘ठीक है, ठीक है ! देख आज अदीतवार है, सोमनाथ ई आयगी व्हेला । आज मंडोर चालण रो प्रोग्राम है । तूँ घंटा भर में कागद-वागद लिखैर निबड़जा । जित्ते स्यामा ई आ जावैला ।’

‘अँ सो मनाथ अर स्यामा ?’ सूरज सवालिया निजर सूँ रतन कांती देख्यो ।

‘सोमनाथ म्हारी खास दोस्त है और.....निर्.....’ कौँ अटकैर भागै बोली—‘अर स्यामा अकै दूर रा रिस्ता में बंन लागै, यूँ फ्रण्ड है ।’ दोनों रा वारा में बतावती वी ऊठ्यो अर टेबल रो अकै ड्राँज सूँ कागद अर लिफाफो काढैर रतन नै भिलावतां कंयो—‘आज मिल लीजै दोनों सूँ अर देख लीजै । तूँ, म्है, निम्मू, स्यामा अर सोम ! पांच जणां व्हांला ! तूँ फटाफट.....’

‘म्है भी चालूँला !’ छठै सदस्य रो घोषणा सुणीजी । आ रतन रा छोटा भाई अजीत रो अवाज ही । वारै वरसां रो ओ छोरी पूरी सैतान अर बतोकड़ गिणीजै । सूरज रै साथै इणरी गैरी घुटै । सूरज उणनै देखतां ई ‘जरूर-जरूर’ कंवतो थकी उणरी हाथ पकड़ैर वारै आवतां ई उणनै तैयार व्हेण सारू कंयैर भगाय दियो । आपरै कमरै में आयैर वी गांव कागद लिखण वैठी । खूब विचार-विचार नै लिखतां सेवट कागद पूरी व्हियो जद जायैर उणनै सांयत रो सांस आई । पछै कलम अकै पांसी धर वी पाछी कागद बांचण लागी—
‘प्यारा तेजसिध !’

म्है अठै राजी-खुसी पूगगी हूं । मजै में हूं । चिन्ता रो कोई बात कोनीं । अठै आयी पछै नुवां-नुवां लोगां सूँ मिलण में अर सैर-सपाटा रा चक्कर में रतन रै साथै अैसी फसियो के गांव कागद लिखण रो ई फुरसत नीं मिली । हां, थै सगळा लोग किणी न किणी बात माथै बराबर याद आवता रैया ही । लारला तीन दिनां में केई लोगां सूँ मिलियौ अर केई बातां देखी हूं ।

पैली थनै सेठ किरपारामजी रा परवार रँ वारें में बताऊँ । श्री लोग अक घटे खूबसूरत बंगला में रँवै । मोटर, स्कूटर, नौकर-चाकर वगैरें सगळी चीजां भेटजी रँ अटे है । म्हैं ई अठे इज रँवूँ हूँ । सेठजी रा मांमा, सेठानीजी अर तीन टावर । टावरों में म्हारें सांयनी बड़ी बेटी रतन, उणसूँ चार-पांचिक वरस छोटी सतरें-अठारें वरसां री निरमळा अर वारें वरसां रा लाडका कुंवर अजीत कुमार जी । अठे आयां पछे म्हनै लागी के म्हारें आवण री बात घर रा सगळा लोगां नै पँनी मूँ मालुम हो । म्हारी पूरी मत्कार दिग्यो । सेठजी रतन नै आपरी कार सूँपदी अर म्हनै घुमावण-फिरावण री जिम्मेदारी उणनै दी अर तीन दिन सूँ दोनूँ घूम रँया हां, आज मटोर जावांला ।

रतन अक इज आदमी है । सगळां सूँ निराळी दुनियां है उणरी । रतन रँ मार्ग रँया पछे अर उणरा याग-दोस्तां सूँ मिलया पछे म्हनै ती लागी के रतन समाज सूँ न्यारी की है । जिका काम समाज में छोटा मानीजै, वँ सगळा घो करे । दाग घो पोचें, भांग घो पी लेवै । नाच, गाणा, जुआ, सिनेमा, सिगरेट आद जित्ती गोटी लडा रँ, नै सगळी दुगु में है । सेठजी उणनै अक कपड़ा री दुकान लगवाय दी । मुनीम गग दिग्यो । कपड़ार म्हारें सगळा कपड़ा इणी दुकान अर सेठानी जी रँ लाड रा पँरघोड़ा है । रतन घर में रँया अर मायगु-पीवण रा दोय सी रिपिया मां नै देवै । मां रा प्यार सूँ जुडैर घो घर में आवै-जावै, नौतर इणरा केई ठिकाणां है । कद-कदांस मूँटै तारो भनाई रँ जावो, मन री मोठी है । पेटे पाप कीनीं । इंटर पास है । गुण-अवगुण री जव्वर भेल है ।

सेठजी री बेटी निरमळा इण वरस कॉलेज में गई है । गँर में बाप नै बेटी री चिन्ता कीं मोड़ी रँ है । छोरघां नै पढ़ण-लिगण अर सोनण समझण री बगत मिलै । आ छोरी टीमर, हंसमुख अर लजाळू है । इणरी हिचकी माथे ई तारा रँ मस्तं सूँ छोटी एक मस्ती है । इणनै देखैर वा याद आवै इज । ठूजी बात, आयो उणी दिन रतन सूँ ठा पड़ी के सेठजी निरमळा री व्याव-संबध म्हारें सूँ करण री विचार गनै है । घर में उण बाबत सुळ-सुळ चल रँयी है । आ बात सुणैर म्हनै खाल आयो के म्हाग जोसा नै ई आ बात ठा रँहणी चाइजै ।

म्हैं रतन नै तारा रँ वारें में सगळी बात समझाय दी । रतन कैथी के म्हें कचेड़ी में तारा सूँ देखटकै व्याव कर सकूँ । कोई कीं नीं बिगाड़ सकें । उग बगत निरमळा ई मौजूद हो । बोली के म्हारें साथे उणरें व्याव री बात आई तो वा गुद इनकार कर देखैला । उणरें वास्तं रतन अर सूरज सरीला है । वाकई तेजू ! श्री तँर रा छोरा-छोरी आपाणी बिचनी बोट तेज है ।

सेठजी री तीजी संतान कुंवर अजीतकुमार जी वारें वरसां रा है । सातवी में पढ़े । घर-जहूरत री चीजां रा भाव-ताव री पूरी ध्यान राखै, केई फिल्मी गीत पूरा रा पूरा कंठे याद । दिन में दोय-चार छोरां सूँ हाथापाई आयां बिनां जाणै चीन नी पड़े । म्हारी छोटी-मोटी जरूरतां श्री इज पूरी करै ।

सेठाणी जी सरीर सूं ह्वळा घणा, पण सभाव देवतां सरीसी, चाळीस नैडी उमर । हमेंस हंसता वोलै । मां रौ लाड-प्यार कईं व्हे, आ वात यां सूं मिळ'र ठा पड़ी । मां रै कारण रतन घर सूं बध्योड़ी । यूं समझ के इण घर री सुख-सांयती सेठाणी जी सूं कायम है ।

अवै रेंया सेठजी रा मां सा, जिकां नै सगळा धाजी कैवै । वां नै भगवत पूजा सूं ई फुरसत नीं मिळै । वैं दिन भर भगवान रै भोग लगावता अर टिणकोरची बजावता रैवै । सवार-सिंघार मिंदरा घूमण में ईं घटा लाग जावै । वां री कमरी अस्टपीर मिंदर वण्योड़ी रैवै ।

म्हारै लायक अठै कीं काम-काज री वात हाल म्हें सोची नीं हूं । सेठजी रौ छापा-खानी देख्यो । बडी भीणी अर कारीगरी री काम । आदमी अर मसीन रै मेळ सूं कोरै कागद माथै जिण तरै छपाई व्हे, वा देखण जोग इज व्हे । है पूरी माथापच्ची री काम ।

सगळा समचार थनै मांड'र लिख दिया हूं । यूं सैर में सौ लफड़ा व्हे तूं पाछा गांव रा सगळा समचार खुलासै लिखजै । ओमा म्हराज घकी जावै तौ मौकौ देख'र तारा नै ई राजी-खुसी रा समचार दीजै । गोविंद री अर थारी घणी याद आवै । कीं काम काढ़'र थे दोनूं अकर अठै क्यूं नीं आ जावो ?

ओमा म्हराज, किसना काका, हेड मास्टर साव, नंदूजी, सोनजी थारा जी सा आद सगळां नै म्हारा तसलीम वंचावमी । म्हारा जी सा नै ई पूग री अक पोस्टकार्ड इण कागद साथै इज न्हाक रैयो हूं । कागद री उत्तर फुरती सूं न्हाक दीजै । म्हारी ठिकाणी इण कागद अर लिफाफा, दोनां माथै लिख्योड़ी है । पाछा सगळा समचार सावळ विगतवार लिखजै । वाट उडीकूं हूं ।

थारी—

सूरज

कागद लिख-वांच'र निवड्यो इज ही के उणनै रतन बुलाय लियो । वी कागद नै अक किताब में दवाय'र उठीनै गयो । लारै किणी काम सूं निरमळा उण कमरै में पूगी । उणरी निजर किताब सूं मूंडो काढता कागत माथै पड़ी अर वा कीं विचार कर अठी-उठी देखती उण कागद नै काढ़'र वांचण लागी । वांच'र वा पाछो कागद सागी ठौड़ धरच्यो इज ही के सूरज आयगी । निरमळा भट आगै आय'र बोली—‘आ म्हारी किताब ले जा रैयो हूं, सूरज भाई साव !’ अर इत्ती कैय कागद समेत किताब लैय'र निकळगी ।

अकर ती सूरज हड़वड़ाय'र किताब लेजावण सारू हांकारो भर लियो, पण कागद री याद आवतां ई वी—‘निरमळाजी, निरमळाजी !’ करतो लारीलार उणरै कमरै में पूगी अर उणनै किताब में कागद व्हेण री वात कैयो । निरमळा खाली किताब भिलाय दिवी । सूरज खाली किताब देख'र बोली—‘प्लीज ! क्यूं मजाक करी, कागद में पढै जैडो कीं कोनीं !’

पैली थने सेठ किरपारामजी रा परिवार र बार में बताऊं। श्री लोग श्रेक अठे खूबसूरत बंगला में रवे। मोटर, स्कूटर, नौकर-चाकर वगैरे सगळी चीजां सेठजी र अठे है। म्है ई अठे इज रवूं हूं। सेठजी रा मांसा, सेठाणीजी अर तीन टावर। टावरों में म्हारे सायनी बडी बेटी रतन, उणसूं चार-पानिक वरम छोटी सतर-अठारे वरसां री निरमळा अर वारे वरसां रा लाडका कुंवर अजीत कुमार जी। अठे आयां पछे म्हने लागी के म्हारे आवण री बात घर रा सगळा लोग न पैली सूं मानुम हो। म्हारी पूगी सरकार दिगी। सेठजी रतन न आपरी कार सूपदी अर म्हने घुमावण-किरावण री जिम्मेदारी उणने दी अर तीन दिन सूं दोनूं घूम रया हां, आज मडोर जावांला।

रतन श्रेक इज आदमी है। सगळां सूं निराळी दुनियां है उणगी। रतन री सार्ने रयां पछे अर उणरा या-दोस्तां सूं मिळया पछे म्हने ती लागी के रतन समाज सूं ग्यागी की है। जिका काम समाज में छोटा मानीज, व सगळा श्री करे। दास श्री पोच, भांग श्री पी लेव। नाच, गांणा, जुआ, सिनेमा, सिगरेट आद जित्ती रांटी सतां थे, व सगळी उण में है। सेठजी उणने श्रेक कपड़ा री दुकान लगवाय दी। मुनीम राग दिगी। अवार म्हारे सगळा कपड़ा इणी दुकान अर सेठाणी जी र लाड रा परपोड़ा है। रतन घर में रवण अर मायण-पीवण रा दोय सी रिपिया मां न देव। मां रा प्यार सूं जुड़ रा घर में आने-जावे, नीतर इणरा केई ठिकाणां है। कद-कदांस मूठे रायो मनाई थे जायो, मन री मोठी है। पेटे पाप कीनीं। इंटर पास है। गुण-अवगुण री जव्वर भेल है।

सेठजी री बेटी निरमळा इण वरस कॉलेज में गई है। घर में बाप न बेटी री चिन्ता की मोड़ी थे। छोरयां न पढण-लिखण अर मोचण समझण री बगत मिळी। आ छोरी टीमर, हंसमुख अर लजाळू है। इणरी हिचही मर्थ ई तारा र मरस सूं छोटी एक मस्ती है। इणने देखे रा याद आवे इज। दूजी बात, आयी उणी दिन रतन सूं ठा पड़ी के सेठजी निरमळा री व्याव-संबंध म्हारे सूं करण री विचार राग है। घर में उण बावत सुळ-सुळ चल रयी है। आ बात सुणेर म्हने खाल आयी के म्हाग जोसा न ई आ बात ठा व्हेणी चाइज।

म्है रतन न तारा र बार में सगळी बात समझाय दी। रतन कैयी के म्है कचेड़ी में तारा सूं वेखटके व्याव कर सकूं। कोई की नीं बिगाड़ सकें। उण बगत निरमळा ई मौजूद ही। बोली के म्हारे साथे उणरे व्याव री बात आई ती वा खुद इनकार कर देवेला। उणरे वास्तं रतन अर सूरज सरीता है। वाकई तेजु! श्री सर रा छोरा-छोरी आयांणी बिचनी वीत तेज है।

सेठजी री तीजी संतान कुंवर अजीतकुमार जी वारे वरसां रा है। सातवी में पड़े। घर-जहूरत री चीजां रा भाव-ताव री पूरी ध्यान राखे, केई फिल्मी गीत पूरा रा पूरा कंठे याद। दिन में दोय-चार छोरां सूं हाथापाई आयां बिना जाणे चैन नी पड़े। म्हारी छोटी-मोटी जहूरतां श्री इज पूरी करे।

सेठानी जी सरीर सूं दूबळा घणा, पण सभाव देवतां सरीसौ, चाळीस नैडी उमर । हमेंस हंसता बोलै । मां रौ लाड-प्यार कई व्हे, आ बात यां सूं मिळ'र ठा पड़ी । मां रै कारण रतन घर सूं बढयोड़ी । यूं समझ के इण घर री सुख-सांयती सेठानी जी सूं कायम है ।

अबै रेंया सेठजी रा मां सा, जिकां नै सगळा धाजी कैवै । वां नै भगवत पूजा सूं ई फुरसत नीं मिळै । वै दिन भर भगवान रै भोग लगावता अर टिणकोरची बजावता रैवै । सवार-सिङ्गार मिदरा घूमण में ई घटा लाग जावै । वां रौ कमरी अस्टपौर मिदर बण्योड़ी रैवै ।

म्हारै लायक अठै कीं काम-काज री बात हाल म्है सोची नीं हूं । सेठजी रौ छपा-खानी देख्यौ । बडी भीणी अर कारीगरी री काम । आदमी अर मसीन रै मेळ सूं कोरै कागद माथै जिण तरै छपाई व्हे, वा देखण जोग इज व्हे । है पूरौ माथापच्ची री काम ।

सगळा समचार थनै मांड'र लिख दिया हूं । यूं सैर में सौ लफड़ा व्हे तूं पाछा गांव रा सगळा समचार खुलासै लिखजै । ओमा म्हराज घकी जावै तौ मौकी देख'र तारा नै ई राजी-खुसी रा समचार दीजै । गोविंद री अर थारी घणी याद आवै । कीं काम काढ़'र थै दोनू अकर अठै क्यूं नीं आ जावौ ?

ओमा म्हराज, किसना काका, हेड मास्टर साब, नंदूजी, सोनजी थारा जी सा आद सगळां नै म्हरा तसलीम बंचावसी, म्हरा जी सा नै ई पूग री अक पोस्टकार्ड इण कागद साथै इज न्हाक रैयो हूं । कागद री उत्तर फुरती सूं न्हाक दीजै । म्हारौ ठिकाणौ इण कागद अर लिफाफा, दोनां माथै लिख्योड़ी है । पाछा सगळा समचार साबळ विगतवार लिखजै । वाट उडीकूं हूं ।

थारी—

सूरज

कागद लिख-वांच'र निवड़्यौ इज ही के उणनै रतन बुलाय लियौ । वी कागद नै अक किताब में दबाय'र उठीनै गयी । लारै किणी काम सूं निरमळा उण कमरै में पूगी । उणारी निजर किताब सूं मूंडी काढता कागद माथै पड़ी अर वा कीं विचार कर अठी-उठी देखती उण कागद नै काढ़'र वांचण लागी । वांच'र वा पाछौ कागद सागी ठीड़ धर्यौ इज ही के सूरज आयगी । निरमळा भट आगै आय'र बोली—'आ म्हारी किताब ले जा रैयो हूं, सूरज भाई साब !' अर इत्ती कैय कागद समेत किताब लैय'र निकळगी ।

अकर तौ सूरज हड़बड़ाय'र किताब लेजावण सारू हांकारौ भर लियौ, पण कागद री याद आवतां ई वी—'निरमळाजी, निरमळाजी !' करतौ लारीलार उणरै कमरै में पूगी अर उणनै किताब में कागद व्हेण री बात कैयी । निरमळा खाली किताब भिलाय दिवी । सूरज खाली किताब देख'र बोल्थी—'प्लीज ! क्यूं मजाक करौ, कागद में पढै जैड़ी कीं कोनीं !'

निरमळा मुळकती थकी बोली—‘हां; हां ! कीं कीनीं, म्हें पढ़ चुकी हूं । पण अक सरत माथे दूला के थें म्हारा नांव रें आगें ‘जी’ री जीकागी नीं लगावोला । रतन भाई साव कीकर बुलावें ? निम्नू नीं तो निरमळा ती कें सकी ही, नजवंता जी ! राउट ?’

सूरज हंस’र बोली—‘राइट !’

निरमळा अक दूजी किताब सूं कागद काढ़’र देवती बोनी—‘ली ! अर घेक मिनट बैठी ।’

सूरज कुडसी माथे बैठती थकी बोली—‘अर्थ कंई है ?’

निरमळा ई अक दूजी कुडसी माथे बैठती बोनी—‘घी नेक्किन कोई निगरी दोस्त दीखै, जद इत्ती वातां लिखी ही । पण थानें आयां नें आज चौथी दिन अर ये म्हो लोगां री पचासूं वातां लिख बी । नई सूरज भाई साव, किणो रें वारें में उरती जल्दी कोई राग नी वणावणी चाइजै ।’ वा रुक’र सूरज फांती देगण लागी । सूरज नें नीनी भुण करवां मुणवो देख’र आगें बोली—‘म्हारी वात सूं नाराज मत व्हेदजी । घर रा ममभर कंगू के आत हान म्हो लोगां रें वारें में कीं नीं जाणी । आप देगीं जिकी सगली ऊपरनी अर दिमागदी वातां है । अक दीखती घरेलू जिदगानी । मांय सूं गुण, कठें अर किण रूप में जुहपोही दूटोही है, इगरी थानें रत्ती भर जाणकारी कीनीं । खैर, छोटी यां वातां नें, ये थंही कीं मलत ई नीं लिखी । देखी जई लिख दियो । विचार करो जई वात कीनी । कागद ताला नें दे दीजी । वो आर. एम. एस. में न्हाक देई । अर ये अर्थ मंडोर साह फटाफट तैयार व्हे जायो ।’

निरमळा री वातां सूं सूरज री गोपही भूमणी ही । वो गतासूं न हुपोही बोवो—
‘निरमळा ! ठीक नीं व्हे ती ओ कागद फाड़ दूं !’

निरमळा निसांस न्हाक’र बोली—‘अरे बाबा, म्हें ती घेक जवरन वात कंयी ही । कागद ठीक है, अच्छी लिखी है । ये बेफिकर व्हेय’र इणन पोस्ट कर दो । या म्हें पोस्ट करूं ?’

सूरज हंस’र बोली—‘नीं, म्हें कर दूला !’ अर आपरा कमरा में आय’र निकाली माथे आवण-जावण रा ठिकाणां टांक’र मंडोर सारू तयार व्हेण लागी ।

स्यामा वगतसर कार लैय’र आयगी । रतन उगरी सूरज सूं ओलघांण कराई अर पछै सगळा उठै सूं सोमनाथ कांती वहीर विह्या । कार गुद स्यामा चलावती ही अर सूरज उगरे साथे आगे बैठी ही । वो निजर वचाय’र बरोबर स्यामा नें देखती रैयो । बदन माथे कसीजता कपड़ा, पाउडर-सेंट आद री मोवणी खसबू, मिनेमा, क्लव, पार्टी आद री चटपटी वातां अर सड़क रा भटकां रें कारण बार-बार टकरीजती स्यामा री सरीर सूरज नें वगनाय दियो अर उणनै पसीनी उतरण लागी ही । वो सोचण लागी के किती फरक है दोनूं छोरयां में ! अजाण मिनख कनै अड़’र बैठतां थंड़ी छोरियां नें जरा ई संको नीं व्हे । फेसन री मार देखी के सरीर री प्रदर्सणी करती फिरै । आंरा मां-बाप ई व्हेला । घोड़ियां व्हे ज्यूं छोरियां अकली वन्हा मारती फिरै अर जाणे कोई कीं कंवणाळी कीनीं ।.....अबो इण स्यामा नी

इज देखली, खरी वीस-बाईस री व्हेला ।.....उणी वगत अक भटकै सूं सूरज अकाअक लुळ'र स्यामा सूं जाय चिप्यौ । वा मुळक'र बोली—'इण सैर री गळियां ती चंद्रमा री धरती नै ई मात करै, नई सूरज बाबू !'

सूरज 'हां' कैयर रैयगो । रतन उणरै मुंडागै रुमाल कर बोल्थी—'धनै तो पसीना आयगा सूरज, लै पूंछ लै !'

सूरज रुमाल लेवतां रतन सांमी देख्यो । रतन आंख सूं स्यामा कांती इसारी करतां बोल्थी 'आगै इंजन कनै बैठण सूं गरमी कीं वत्ती लाग्या करै ।'

रतन री बात सुण सूरज भटकै सूं मुंडी घुमायौ । स्यामा रतन नै मुक्की बतायौ अर निरमळा घीरै-सीक दच्.....दच् करती बोली—'लाइ लजवंती ।' अर कार में ठहाकी गूंजगो ।

सूरज रुमाल सूं पसीनी पूंछ्यो के अजीत बोल्थी—'लांबी भाई साब, रुमाल म्हनै दे दी, म्हें निचोय'र दे दूं ।' अर फेर अक ठहाकी लाग्यौ । सूरज अजीत नै मारण सारु घूम्यो उणी वगत कार अक भटकै सूं मोड़ खाय'र अक चौक रै खूणै में रुकगी । रतन उतर परी अक पतळी गळी मे घुमगो ।

स्यामा सांमलै काच में देख'र लिलाइ माथली लट लारै करती बोली—'अौ सोम ई अक इज आदमी है निम्मी ! म्हें केई वार कैयो के यां गळियां में रैवणी छोड'र सैर रै वारै आजा ! पण यां लेखक साब री ती कीं समझ में ई नीं आवै । तूं क्यूं नी समझावै ?'

निरमळा बोली—'वै नीं छोडै । लारला सात-आठ वरसां सूं इणी मोहल्लै में रैवै । अठै रा लोगां सूं इत्ता घुळ-मिळगा है, कै अवै वै अौ मोहल्लौ नीं छोड सकै ।'

'भलाई' कीं व्हो ?'

'आ ती कीं व्हियां ठा पड़ैला ।' निरमळा री जवाब सुण स्यामा उणरी आंख्यां में कीं देखण लागी । अर जाणै दोनूं आंख्यां में इज अक-दूजी नै समझगी ।

पछै स्यामा आपरी सीट माथै कीं पसरती थकी सूरज मांथै निजर गडाय'र पूछ्यो—'सूरज बाबू, आपरो सरीर देख'र लागै के आपनै अखाड़ै री ई सीक है ?'

इणसूं पैली के सूरज इण अचींती बात री जवाब देवै, चुपचाप लारै बैठौ अजीत लपक'र स्यामा रै नैडौ मुंडौ लाय'र बोल्थी—'हां, क्यूं कुस्ती लड़णी है ?' अर अजीत री बात अकाअक सगळां नै सुट्ट कर दिया ।

निरमळा अजीत री कान पकड़'र लारै खींचती बोली—'चुप, वदमास ! अवकी लपकी लियो ती थप्पड़ मार दूं ला । बैठ जा चुपचाप ।'

पछे स्यामा सूरज नै सोमनाथ रै वारै में ब्रतावण लागी । उणरै ब्रतायां मुजब सोम-
नाथ अेक गरीब, मीण्णी अर पढ्यो-लिख्यो जवान-है । राजस्थानी री कहानीकार है अर चढती
नांव है । एम.ए. री पढाई चल रैयी है । अेक जयी मास्टरी करै । दोनैक छात्रन ई पढाये ।
अर.....वे आयगा दोनू ।' सूरज नै गळी मांय मूं रतन रै साथे चोली-पजामी घेरयां अेक
युवक आवती दीस्यो । सीटां बदलीजी । ड्राइवर री जगी बेठी रतन अर उणरै कनी सोमनाथ ।
लारै स्यामा, सूरज अर निरमळा । ठसाठसी देख'र अजीत नै सूरज आपरी गोदी में गीन नियो
अर पछे मंडोर सारू खानगी वही । रतन कार में इन सूरज अर सोमनाथ री आपस में खोल-
खाण करवाई । पछे वो सोमनाथ नै पूछ्यो के वो बम्बई किण काम मूं गयो ? सोम 'मूं ई
अेक काम मूं गयो ।' कैय'र बात टाळगी । पछे अठी-उठी री बातों बनयो करी अर बातों ई
बातां में मंडोर आयगी । कार नै अेक कान्ती ऊभी कर सगळा वारै आया जद सूरज घाटरी तरै
सूं सोमनाथ नै देख्यां । खादी रा कपड़ा, चमई री साधारण चप्पल अर कबती-सो हलकी रंग
री चस्मी । डोगी-पतली सरीर, गोरी फूटरी देही, पतली-सीधी मूंछयां, तीगं नाक-नास री कीं
लंबूतरी चैरी अर सीधा संवारचोड़ा लवा केस उण मूं दोनैक बग्स बन्नी, दोम में वो मचमूं
बडी इज वहेला । सोम चलाय'र मूड़ेज कनै आय उणरी टावो हाथ पापरै जीमगं हाथ में
लैय'र बोल्थो—'आवो, सूरज बाबू !' अर पछे घूमती-फिरती आ मंडली बगीचा में खीया
अर द्रोव देख'र डेरा जमाया ।

बात सुरू वही मंडोर रै विकास मूं अर आंय पूगी गांवां रै विकास माथे । गीरै-भीरै
सूरज ई खुलण लागी ही । रतन घुमाय'र बात नै रूपाळू माथे लायी अर बात आई तारा'र
सूरज रा संबंधा माथे । सूरज ई इण बावत सगळी बात गोल री ।

निरमळा कीं सोच'र सूरज नै पूछ्यो—'मानलो सूरज भाई साथ के तारा नै उणरा
सासरा वाळा लेजावणी विचारलै, या उणरा बापू कोई ठूजी डायड़ी देखलै, या या गुर किणी
साथे जावणी तेबड़लै । थानै इण बात री पर्ता लागी, थे कई करोला ?'

सूरज रै सामीं आी अेक अणचींत्यो सवाल आयी । वो मतागूंज में पड़'र अटकती
थकी बोल्थी—'म्है.....म्है अब इणमें कई कर सकूं ! आ तो तारा री इच्छा री बात है ।'

स्यामा भट विचर्च ई ठूजी सवाल कियो—'चलो छोडो आ बात ! आप तो आ
ब्रतावी के तारा थारै साथे न्हाटण नै अर व्याव करण नै तैयार व्हे जावै, तो ?'

"गुड क्वेश्चन !" रतन बोल्थी ।

सूरज कीं तणीज'र उत्तर दियो—'पैली बात तो आ के म्है तारा रै साथे किणी चोर
री गळाई छानै-मीक गांव छोड दू, आ नीं व्हे । तारा ई इण सारू राजी नीं व्हेला के वा
बापरै धोळां में घूड़ घाल दै । लारै लोग म्हाराज री जीवणी हराम कर दै, आ बात ई म्हारै
गळै नीं उतरै ।' पछे वो स्यामा माथे निजर गडाम'र बोल्थी—'हाल गांव रीं छोरियां इती
आजाद कोनीं व्ही, देवीजी !'

सूरज री बात सुण'र रतन रै लीलाइ माथै सळ पड़गा । वी कीं बोलै इणसूं पैलीज स्यामा तड़की—'वाह, वाह ! काई बात है आजादी री ! बिना सोच्यां-समझ्यां प्रेम-प्यार कर जित्ती आजाद जरूर व्हेगी, पर-पुरुस रै साथै रास रमै जित्ती आजाद जरूर व्हेगी । पण अक सही बात सोचै जित्ती आजाद कोनीं व्ही, क्यूं ? अरे, मिरच खायां मूंडी बळला, आ बात ती हरेक समझ सकै ।'

सूरज नै सगळां रा चैरा कीं बदळचोड़ा लखाया अर उणनै लागी के वी कीं वेजा बात कैयगो है । वी चुप व्हेय'र माथी नीचो कर लियो अर चिमटी में पकड़'र द्रोव तोड़ण लागो । सोमनाथ उणरै मन रा भाव समझ'र उणरी साथळ माथै हळकै-सीक थाप धरती बोल्यो—'यूं वातां सूं मूड बिगाड़ जैडी बात नीं है, भई ! खरा-खोटा सगळी जगै व्हिया करै । निरमळा अर स्यामा री मतलब सगळी सैर री छोरियां नीं व्हे अर तारा री मतलब सगळी गांव री छोरियां नीं व्हे । अर पढ़ै म्हां लोग ती अक मित्र रै रूप में थांणै सूं इत्ती बात करी, थांनै दाय आवै ती मानजो । नाराजगी लागै ती जावण दो, दूजी बात करां !'

सूरज कीं दब्योड़ी अवाज में सुखोड़ी द्रोव री अक पीळी डाव तोड़ती बोल्यो—'नीं, नीं ! नाराजगी री नीं, आ ती म्हारै सारू खुसी री बात है के आप सगळा जणा मिळ'र म्हारै दुख-दरद रा सीरी वण रैया हो । गलती म्हारी हो, म्हनै इण तरै सूं नीं बोलणी हो, म्है माफी चावू !'

रतन सिगरेट सिळगावती बोल्यो—'ठंडे दिमाग-सूं सोच प्यारा सनलाइट ! लोग तारा रा बापू रै लारै इज क्यूं पड़ैला, थारा बापू रै लारै क्यूं नीं पड़ैला, भई ? अक्सर छोरी इज छोरी नै भगाया करै ।'

ओ अक नवो अर वजनी सवाल सूरज रै सांमी आयो अर रतन री बात उणनै साव सांची लागी । पण रतन नै पड़ूतर दियो सोमनाथ—'लड़का-लड़की री सवाल खास बात नीं है रतन ! अड़ी वगत में समाज रा लोग सदाई पैसावाळां री पगस लिया करै । सूरज रा बापू गांव रा मांनीता सेठ अर मातवर आदमी है । वारै सामीं बोलणवाळै नै चार चार सोचणी पड़ैला ।'

सूरज नै लखायी के सोमनाथ बात नै गैराई सूं पकड़ी है । वी सोमनाथ री बात सूं जुड़'र बोल्यो—'दूजी बात, तारा रा बापू नवा विचारां रा हिमायती व्हेण रै कारण गांव रा कीं लोगां री आंख में खटकै । अड़ी अंवळी वगत में ती वां आंटीला लोगां नै आंठ काढण री मौकी मिळैला । अड़ी वगत में म्है म्हारै स्वारथ सारू उण विरामण री आवरू गमाय हूं, उणरी बूढ़पी बिगाड़ हूं ! आ कीकर व्हे सोम भाई !'

सोम किणी विचारां में हो, वी कीं कैवै इणसूं पैली स्यामा कैयो—'तौ भूल जावो तारा नै, अर कोई दूजी घर तलासी ! नीं ती अक-दूजा माथै मर मिटी अर नांव रोसण कर दो ! हुं हूं ! आ ई कोई बात व्ही, खाऊंला ती सरी पण उठाऊं कोनीं ! सूरजप्रकासजी,

नाराज मत व्हेइजो। तारा सूं व्याव करणी है, तो कोई-न-काई गतरी ती उठावणी उज पड़ेला। लियावी उएने अठे ! करायदां दोनां रो व्याव ! देगां, कुछ सांभी आवे ! है हिम्मत !'

सूरज इण लपकूड़ी छोरी रै लपकी सूं कंटालीज'र कीं नीं बोल्थी। वो मुट्ठी गोम'र तीड़घोड़ी द्रोव देखण लागी। कीं वळघोड़ी द्रोव रै भेली लीनी द्रोव ई दृटणी हई।

सोमनाथ उएने चुप देख'र बोल्थी—'तू' इण ओटाळ छोरी रो बान में मत उलझ यार ! वस, आपरै दिमाग सूं फंसली कर के धने उएनू' व्याव करणी है वा नी करणी ? करणी है, तो उएने ई साफ समझाय दै के तू' काई-कीकर करणी जावे। वा नंगार व्हे, ती पैली तू' अठे धारा पग जमा अर कीं काम-धंधो कर। गार्थ-कमार्थ जेही म्गनि म्गियां पद्वे व्याव रो सोचजै। क्यूं निरमळ ? तू' क्यूं नीं बोलै ? चारै विचार सूं काई देणो पाउयै।

निरमळा काँफी रो थरमस गोलती बोली—'म्है कंई बोलू ? म्हने तो इण बात मायै इत्ती गंभीर व्हेणी नीं जचै। साची पूछी जणै तो म्हने आ काई इत्ती भारी बान नीं लागै।'

सोम धीरै-सीक मुळक'र पूछयो—'क्यूं ?'

निरमळा रतन नै काँफी भिलावती बोली—'पैली बात तो आ, के मो प्रेम-प्यार रो चक्कर भावनावां रो श्रेक बगताळ उफाण है। बगत रै सार्थ जिएरै धीमो पढ़ां पढ़े घादमी नै खोटे-खरै रो चेतो व्हे, आ बात आपां जगे-जगे पढ़ां घर देगां, तो ई इण माथे प्यान नीं देय'र फकत तात्कालिक अथवा यूं समझो के हळकें स्तर मायै श्रेक सारीरिक मुग्ध प्राप्ती नै प्रेम रो नांव देय'र फालतू रा सवाल पैदा करां। नीतर काई कारण है के सूरज भाई साथ तारा सूं श्रेक खास किस्म रै सुख रो आस तो करै, पण उएनू' व्याव करण रै नांव माथे यांनै मुस्कनां ई मुस्कनां निजर आवे। सोचां ती तारा श्रेक विधवा छोरी है। उएरो दूजो व्याव व्हेणी रो फिलहाल कठई कोई गुंजाइस कोनी। उएरा बापू ई सूरज भगवान रै कंया मुजब नवा विचारां रा हिमायती है अर वांनै समझाया जा सकै। असन बात तो आरै तै करण रो है। दोनू' म्हारै ख्याल सूं बालिग है, वस हिम्मत व्हेणी नाइजो। बाकी सब म्हारी जाण में फिजूल बातें है।' इत्ती केय'र वा दूजा टावरें भेळा रमता अजीत नै अवाज दी।

निरमळा रै मूंडे सूं दो-दूक खरी-गरी सुण'र सूरज उएरो मूंडो देगती रैयगी। सूरज सोचण लागी के आ छोरी बात तो घणी ऊची कर रैयी है, पण गुद काई है ? आ कोई सूं प्रेम नीं करै ? उणी बगत रतन नारो लगायो— निम्मो, जिन्दाबाद !'

स्यामा साथ दियो—'सूरज पुराण !'

'बंद करो, बंद करो !' रतन कूवयो।

इत्तीक में अजीत दोड़ती थकी आय'र बोल्थी—'नईं जीजी, थरमस बंद मत करजो, म्है बाकी हूं। रतन भाई साथ पी ली तो हाका करण लागगा—बंद करो, बंद करो !'

सूरज रै इण सवाल सूं पैली ती उणरै चैरै माथै हलकी सी लाज पसरी, पछै माराम अर पछै उदासी। पण फुरती सूं वा सगळा भावां नै संवेटर की सावनेत व्हेय अेक मुळक केँकती बोली—‘आपांगी ती किस्मत इज खराब है !’

‘क्यू ?’

स्यामा खुलासी कियो—‘कई बत्ताऊं, कोई ढंग-ढाळं रो छोरो दज नीं मिलै। की छोरा म्हारी आजादी सूं भड़कगा अर की छोरां रो आजादी देग’र म्है रिजेक्ट कर दिया। जे कोई थारै जेड़ी मिळियो, ती वो पैली सूं दज किणी तारा रै चक्कर मे चढवोड़ी हो।’ दज वात माथै दोनू अेक-दूजं सांमी देख हंसण लागल।

सूरज बोल्थो—‘नाराज नीं व्ही ती अेक बात क्यूं।’

स्यामा चाल घीमी कर सूरज नै देखाती बोली—‘देगी सूरज बाबू ! मुम्मे घर नाग-जगी में थोड़ी फरक व्हिया करै। अर जठं ताई दोस्ती रो सवाल है, उणमे मुम्मे चल सकै, नाराजगी नीं चलै। अर जे नाराजगी व्हे ई जावै, ती उणने तूटण में पगो बगत नीं सार्ग। खैर छोड़ी, म्हने की बकबक रो आदत बत्तीज है। हां, ये कई कैवली नाबता ?’

‘म्है कैवती के थै की आजाद बत्ता इज दीसी।’

वा बोली—‘हां, बिना लगाम रो घोड़ी कै सकी। बाप नै कळकरो रै बीमार सूं फुरसत नीं मिलै अर मां रो बगत न्यात-जात अर पीयर में आवतां-जावतां दज पूरी व्हे। बड़ी भाई अमरीका में है। अेक विधवा भूवासा घर में विराजं जिकां नै पारु कोनीं। दूजी बात, मै फिल्मां, अं रोमैटिक नोवेल, अर पत्र-पत्रिकावां अर आ भटकवोड़ी कॉलेज लाइफ बाकी रो कसर पूरी कर दी। अवै जिएनै थै आजादी कैवी, वा आदत बणगी है। तेईस बरसां रो हूं, ब्याप रो इच्छा ती व्हेला इज। मां-बाप नै मूंडे सूं कैवूं कई के व्याव करी ! अर म्है.....कई बातें है सूरज बाबू, इण आजादी लारै।’ इती कैव वा नागादड़ी रा पावड़िया चढण लागी।

स्यामा रै वारै में खुद उणरै मूंडे सूं जिकी बातें सूरज सुणी, वाने सुण’र उणने लखायी के इण छोरी रै वारै में वो गलत धंदाजी लगायी हो। इण नवी मित्र-मंडळी रा लोगां नै वो पूरी तरै सूं नीं समझ सकयी है। कीं नीं कैवी जा सकै के कुण काई है। पण वा बात पक्की है के अं वै लोग है, जिका जमाने रो लोक नै तोड़ण रो हौंसलो रागं। इणी सोच-विचार में वै दोनू नागादड़ी माथै आयगा। उठे वाने सिनान करतो सूरज मिळगी। उठे ई स्यामा नै घूमती-फिरती कॉलेज रो की सहेल्यां निजर आयगी। स्यामा ती वारै साथै रमगी अर सूरज नागादड़ी में तिरता अर गंठा बीड़ता लोगां नै देग’र गुदन नीं रोक सकयी। कपड़ा खोल, रतन नै अवाज देग’र गठी बीड़ दियो।

रतन रै साथै नागादड़ी सूं पाछा आवती बगत सूरज नै केर केई बातें रो पती लागी। रतन उणने निरमळा तर सोम रो बाबत बत्तावतां कैयो के आं दोनां रै व्याव मे

बाबूजी (सेठजी) रै विरोध री इत्ती चिंता कोनीं पण बाईजी (सेठानी जी) भारी विरोध करैला ।

स्यामां रै बारै में रतन बतायी के वा एम. ए. कर रैयी है । लखपती बाप री बेटी है । मूंडै जरूर आकरी है, पण मन री साफ है । प्रेम-प्यार रा मामला में तेज है । चार-पांचेक प्रेमी बदल चुकी है । वां प्रेमियां री लिस्ट में अक वी खुद ई है । उण री आ बात सुण'र रतन बोल्यो—'पण निरमळा तो कैवती के वा आधी-नैड़ी थारी बैन लागै ।'

रतन गरदन झटकती बोल्यो—'कई ठा किए रिस्ते में कई-कई लागै । अर राजा बाबू, म्है फालतू री बातों में नीं पड़ू । वा या म्है टाबर तो हां कोनीं । नवा लोग हां नवा रिस्ता बणा सकां ।'

घूड़ नवा रिस्ता बणावो ! अरे गंदी बात, सेवट गंदी बात इज व्हे । धरम-करम ई तो कोई चीज व्हिया करै !' सूरज की नाराजगी दरजावतां कैयी ।

रतन उणरै मोरां हळकी-सीक थाप धरती बोल्यो—'तू भी तो तारा नै गंगा घाल दी वेटा ! उण बगत धरम-करम याद नीं आयी । अक बात बता, तू भगवान री तस्वीरां वाळा कैलेण्डर ती देख्या इज व्हेला ।'

'हां, घणाई !'

'केई पत्र-पत्रिकावां में ई भगवान री तस्वीरां छपती रैवै ।'

'हां छपै !'

'नवी वरस आयां, पुराणा कैलेण्डरां री कई व्हे ? पगां में हळका खावै । बारै मईनां ताईं घर री भगवान-भगत जिण तस्वीर नै माथी भुकावै, दीया-वत्ती री बगत जिणारी मुंडी देखै । साल भर पछै उणी जगै नवी तस्वीर लाग जावै अर पुराणा भगवान सड़क माथै । पत्र-पत्रिकावां री हालत कोई सूं छांती कोनीं के रही रै भाव विक'र वै किए काम आवै ।'

रतन री बात सूं अकर ती सूरज नै बोल नीं उकल्या । पछै वी धीरै-सीक गुण-मुणायी — 'आप-आपरा विचार है । म्है करूं जिकी चोखी अर दूजा करै जिकी खोटी आ कोई बात नीं व्ही ।'

रतन फकत इत्ती ई बोल्यो—'हां, कोई बात नीं व्ही !' अर सांमी देखण लागी, जठै सोम, निरमळा अर अजीत बैठा तास रमता हा । आं दोनों नै आवता देख'र वै लोग रमत वद करी । नैडै गयां सोम स्यामा रै बारै में पूछ्यो अर रतन उणनै कॉलेज री सहेल्यां साथै जावण री बात बताई पछै तास री चोकड़ी जमी अक कांती सोम अर निरमळा, दूजी जोड़ी सूरज अर रतन । पत्ता बंट्या, खेल सुरू व्हियौ । सूरज जाणगी के खेल सोम अर रतन रा पत्तां माथै चल रैयी है । उणरा अर निरमळा रा ती जाणै हाथ इज खाली है । इत्ती में स्यामा आयगी । उणनै देख'र रतन हाथ मांयला पत्ता न्हांकती बोल्यो—'लै, छोड़ यार ! स्यामा ई आयगी । अवी कई प्रोग्राम है ?'

सोम रँ कनँ बैठी अजीत कीँ सोम रँ लारँ सिरकती बोल्यी—‘पैनल्टी, पैनल्टी ! माई साव जद भी हारण लागै, जद पत्ता फँक देवै ।’

रतन कूवयी—‘अँ अज्जू, खोपड़ी खाज करँ कँई ?’

अजीत सोम रँ मूँडगँ आंगळी ऊमी करतो बोल्यी—‘सोम दादा ! भ्रैक पिचवर पैनल्टी लीजी !’

सोम हांकारी भरच्यो—‘विल्कुल पक्की बात ।’ पछै रतन रा बँरा माथँ निजर गप्पगप्प कँयो—‘अँ इज तो रोवणो है के अँ जद-कँई हारण लागै, पत्ता फँक देवै ।’

सोम री बात रतन रँ कँई गँरी चुभी हो । धी भ्रैक पल सोम नँ आकारी निजर मूँ देख’र ऊठयो । रतन नँ बहीर व्हेती देख’र सगळ्ळा ई डटगा । एग व्रगत ताँई बगीनँ में रग-विरंगी रोसणी व्हेगी अर फंवारा चल रँया हा । अँ लोग बगीना री देखी नक्कर लगाय उठा सूँ बहीर व्हिया । सूरज नँ लगायी के आ रोगणो उगारँ माँम जगमगाव रँया है । अँ फंवारा उगारँ अंतस में छूट रँया है ।

घरँ आय’र विछावणां में पूग्यां पछै ई बी आज री बातों में हूयोही हो । आज की घणो हरखीज्योही हो । अरवै कित्ता समझदार अर भरोसेमंद लोग उगारँ माथें है । भाग री बात है के सैर में उगारँ अँड़ा दोस्त मिळगा । गांव मूँ आयतां सैर री उगारँ किन्ती दूर हो । कँई ठा कँड़ा लोगां बिच्ची रँवणी पड़ैला ? जीव लागैला के नौ लागैला ? बीना मंगी-साथी रँ कीकर बी आपरी वगत गुजारैला ? अँड़ी नौं व्हे के दोय-चार दिनां पछै भाग’र पाछो गांव आवणी पड़ै । अर अरवै, अरवै तो लागे के अँ लोग नौं मिळता तो बी कीं नौं कर सकती । अरवै तो सोम री बात मान’र अठे पग जमावणा है । पण पग जमावणा ई सोरो काम कोनी । अँड़ी कँई काम-धंधो पकडूँ के पग वेगा जम जावै ? इण बात माथें ई रतन अर सोम मूँ राव लेवणी पड़ैला ।

[आगे आगले अंक में]

भोळावण

‘जागती जोत’ री रचनावां माथें आपरा खुलासा कागद म्हांरी लांठी मदद व्हेला । रचनावां नँ पूरी-पूरी वांचो अर वं आपनँ कँड़ी काँई लागै, अवस संपादक रँ पते कागद लिखावो ।

संपादक री पती :

तेजसिध जोधा

संपादक-जागती जोत (मासिक)

मोहता कॉलेज

सादलपुर-३३१०२३

परख

राजस्थानी निबंध संग्रह

ले० सौभाग सिध सेखावत

प्रकासक : हिन्दी साहित्य मिंदर, जोधपुर, • मोल : ३० रिपिया

लारला तीस चाळीस बरसां में राजस्थानी भासा-साहित्य अर लेखण रं छेत्र में और कोई पुस्ता काम न्हियो व्है या नीं न्हियो व्है, पण कों मैनती अर ईमानदार लोग आपरी पूरी लगन अर निस्था सूं राजस्थानी रं पुराण साहित्य नै उजास में लावण री पूरी कोसिस करता रह्या। राजस्थानी सोध संस्थान चौपासणी रा मोम साधक सौभाग सिध जी सेखावत री नांव इण छेत्र में सगळां सूं सिरै है। राजस्थानी रं पुराण साहित्य माथै सोध करणियो अड़ी कोई बिरळी ई विदवान व्है जिण री सौभाग जी सूं संपर्क नीं न्हियो व्है। सौभाग जी जिसा लगन अर निस्था सूं पुराण राजस्थानी साहित्य नै उजास में लावण री बीड़ी उठाया है, 'राजस्थानी निबंध संग्रह' री प्रकासण उणी प्रयास री अक लूँठी कड़ी है।

यूं सौभाग जी रा लेख लारला बीस-तीस बरसां में राजस्थान सूं निकलण आळी सोध पत्रिकावां में अमूमन छपता रह्या। अठै एक बात री खुलासी कर लेवणौ जरूरी है के सौभाग जी इण संग्रह में छप्योड़ा चंवाळीस लेखां नै निबंध री दरजौ दियो है, जद के चार-पांच निबंधां (जिका ई निबंध कम अर आलोचनात्मक लेखां री गिणती में ज्यादा आवैं) रं अलावा बाकी सगळा लेख मूळ रचनावां री सोधपरक परिचयात्मक टिप्पणियां रं रूप में छप्या है, जिकां नै प्रस्तुतीकरण टिप्पणियां भी कैय सकां। आं टिप्पणियां नै निबंध रं दरज में नीं राखण सूं आं री महत किणी अरथ में कम नीं व्है, हां निबंध रं रूप में गिणावण री आग्रह करियां साहित्य री समझ राखणियै नै अंतराज व्है सकैं, म्हनै लागै लेखक अर प्रकासक दोनां ई पोथी री नांव राखती बगत इत्ती सावचेती नीं बरती।

पूरी निस्था अर ईमानदारी रं बावजूद सौभाग जी रं लेखण अर वां री साहित्यिक दीठ री अक सीमा है, वां रं साहित्यिक-कर्म री दायरी बीत छोटी है, इत्ती छोटी व्हैतां सातर ई जे वां इण काम नै ज्यादा सुसंगत अर वैग्यानिक दीठ सूं कियो व्हैती तौ सायत इत्ती अंतराज नीं व्हैती। वां अमूमन अड़ी ई रचनावां नै उजास में लावण री कोसिस करी है, जिकी अतिहासिक महत अर साहित्यिक स्तर दोनू ईं ठीड़ां कूँतीजण में नीं आवैं, फगत किणी रचनाकार या रचना री पुराणौ व्हैणी ई कोई खासियत नीं व्है। दीन-दरवेस, संत-फकीर अर किणी चारण के राव जात में जलम लियां ईं कोई आछी कवी नीं बण्या करै। आ बात आज नीं उण जमाने में ईं लागू ही। गिणावण नै दो-चार नांव काढ लेवां तौ ई उण सूं कोई बात नीं वणै अर देसी रजवाड़ां रा राजावां अर ठाकरां में अड़ा लोग फगत गिणती रा दो-चार ईं व्हैता, जिका कळा-साहित्य री सही अरथां में सम्मान करता, दुजी तरफ राजावां अर ठाकरां रं प्रति आम रव्यौ औ ईं ही के जिण भांत रणवास अर रंगसाळावां वां रं नीजू मनोरंजन अर मौज मस्ती रा साधन ही, उणीं भांत कारीगर, कळावंत ईं वां रा

कूड़ा-सांचा विड़द-वखांण करणै अर वां नै रीभावण में आपरी जीवारी समझता अंगरेजी हुकूमत री गुलामी रा वरसां में रजवाड़ां अर आश्रयदातावां री द्युत्तरछीयां में जिण साहित्य री सिरजण व्हियी उणरी साहितिक स्तर अर चरित्र इण मंगती मनोभावना मूँ ऊपर नौ ऊठ सकयी। जद के सौभाग जी आप रे इण ग्रंथ में अ्रैड़ा अलेखूँ रचनाकारां री रचनावां री जिकर कियो, अर इण बात री जरूरत दरसाई के इण साहित्य री उद्धार व्हेणी चाईज— म्है आं रचनावां नै सांमी लावण रे विरोध में नौ हूं पण आं रे साथे किणी तरै री रियायत वरतणी गैरजरूरी समझूँ—आपां नै निर्मम व्हेय'ग गुलामी मूँ उपजोड़े इण साहित्य री हड़ताळ करणी चाहिजे। साथे ई उण साहित्य नै उजास में लावण री पूरी कामिअ व्हेणी लाजमी है, जिण री सारथकता अर जीवारी ओजूँ वरकारार है अर जिकी आज रे जीवण नै समझण अर उण नै इतिहास बोध रे समर्च कोई सारथक नवो मोड़ देवण में मदद कर सकै। नौ जणा हरेक दौर में सालूँ-साल साहित्य रे नांव साथे इत्तो की निगोजतो रह्यो है के जे उण री फगत फेहरिस्त ई बणावण बैठं तो व्हे सकै अलेखूँ रचनावां री उलेख व्हेण सूँ रैय जावै। अनुसंधानकर्ता री विवेक-बुद्धि री असली परत अठे ई श्रिया करे के वो कुण सी रचना नै उलेखजोगी समझे अर उणरी साहितिक मोल प्रांके। साहित्य री मूल्यांकन निश्चै ई नीजू राग-द्वेष या जनता री अमूरत आम राय रे आगार साथे नौ व्हे सकै, उण रा कीं उसूल व्हिया करे, अठे आ बात ई ध्यान राखण री है के फगत उमूलां रे आधार साथे आछै साहित्य री उमीद करणी विरधा है।

सौभाग जी आं टिप्पणियां में रचनावां रे साहितिक मोल-महत्त री जांच करता घणकरा वां ईं सामंती संस्कारा अर काण-कायदां री पंरवी करी, जिका आज अरबहीण व्हेग्या। जूँआर, जौहर अर साकै री गौरवसाली परम्परावां रे लारै जिण मजबूरी अर मानवी करुणा री हाहाकार उपजती उणनै लेखणी अर कथणी री वितय बणावती बगत कवि-लेखकां नै खुद री जीव संकट में निगै आवती, नतीजन वै ई उण उम्माद नै विद्यदावण में ई सार समझता।

सौभाग जी इण संग्रह में कीं अ्रैड़ा लेख भी सामिल किया है, जिकां री निरर्थकता फगत सीर्षक पढ्यां ईं साबित व्हे जावै, ज्यूँ 'डिगल के बीरगीतों में भाले का बरान', 'डिगल के कुछ राजपूत कवि', 'राव जाति के कुछ डिगल गीतकार', 'राजस्थानी रनिवासी के पत्र', 'राजस्थानी साहित्य में प्रेम-पत्र', ठिकाना दांता के कुछ ऐतिहासिक पत्र', 'दीवानों के कुछ पत्र' इत्याद इण रे अलावा राजस्थानी पहेलियां कहावतां, लोक कथावां, लोक नृत्य, उपाख्यान इत्याद नै लेख'र जिका लेख वां तयार करघा वै इत्ता ओसत दरजे रा है के आं री वजाय आ बात ज्यादा ठीक रैवती जे वै आं लेखां नै ग्रंथ में सामिल करण री मोह छोड़ देवता। ग्रंथ में ओठ और लेख है, 'राजस्थान की ख्यातें : सांस्कृतिक जीवन की एक झलक'। सीर्षक सूँ आ उमीद बंधी के स्यात इण लेख में लेखक राजस्थान रे सांस्कृतिक जीवण साथे कीं कायदेसर उजास न्हांखेला, पण लेख में सांस्कृतिक जीवण री जिकी स्थूल रूप सांमी आयो उण सगळी उमीदां साथे पांणी फेर दियो। इण लेख में वां सांस्कृतिक जीवण री झलक रे रूप में जिकी जाणकारघां लिखी है, वां में जोधपुर रे किले री निरमाण, वागां री

सिलाई अर मजूरी, राजानां रै आवास, भोजन अर वस्त्रां री विवरण, न्यारी-न्यारी पोसाकां अर आभूषणां री महमा, राजावां रै दांन-पुन री महातम अर दरबारां रै ठाट-वाट री वरणन इत्याद प्रमुख है। म्हनै लागै अठै भी स्यात् लेखक सीर्षक लगावण में असावधानी बरतग्या।

कुल मिलाय 'राजस्थानी निबंध संग्रह' नांव सून छप्योड़ी आ पोथी सीभाग सिंघ सेखावत रा लारला बीस बरसां री मैनत अर लगन री पूरी साख भरै। वां अ प्रस्तुतीकरण टिप्पणियां हिन्दी में लिखी, राजस्थानी में भी लिखता तो ई कोई खास फरक नीं पड़ती। राजस्थानी में गंभीरता सून अनुसंधान करण बाळा विद्वानां रै वास्ते आ पोथी खासी जाण-कारधां जुटा सकै। साथै ई इण जिम्मेदारी री ई बोध करावै के राजस्थानी रै पुराणै साहित रै मूल्यांकन री कांय कित्ती अवखी अर जरूरी है।

• नंद भारद्वाज

★ ★ ★

लिखारां सून

- 'जागती जोत' सारू रचनावां कागद रै अंक पसवाड़ै हासियो छोड'र आखरां नै थ्यावस सून मांड'र भेजो। उंतावळ के लापरवाही सून मांडियोड़ी रचनावां भेज'र संपादक री जीब मत्ती बाळो।
- लिपी रा कायदां रै सरोधे सारू 'जागती जोत' मासिक रा अकां नै सावचेती सून बांचो अर खुद री रचनावां नै जागती जोत री लिपी रै ढब ढाळर भेजो। —संपादक

आपरा कागद

परम प्रिय भाई जोधा,

सादर-सप्रेम नमस्कार। आपका २० अप्रैल, १९७७ का पत्र मुझे यथा-समय मिल गया था और आपको १०१ दिन के बाद इसका उत्तर लिखा रहा हूँ, अतः आश्चर्य भी शायद आपको हो। गाहे-बगाहे आपको मेरी याद आती ही रहती है, इससे बढ़कर मेरे लिए सुख की और क्या बात हो सकती है। मुझे भी आपकी याद अक्सर आया करती है। सचमुच ही, आप जाने क्यों मुझे अच्छे लगते हैं और इस प्रकार की बात में आपको पहले से ही लिखता रहा हूँ। तब फिर आपके पत्र का उत्तर पूरे १०१ दिन के बाद? किन्तु घरेलू कार्यों में व्यस्तता भी रही और इस बीच बाहर भी रहना पड़ा। और छोटा सा पत्र लिखने की मेरी आदत नहीं। अतः.....

कुछ व्यंग्यात्मक लिखने की विवशता आपके पोस्टकार्ड ने उत्पन्न कर दी है, अतः 'जागती जीत' के सम्पादक बनकर आप मेरा धन्यवाद स्वीकारें तथा इसके अतिरिक्त राज-स्थानी के उद्धार के लिए कोई चारा शेष नहीं रह गया है। जो करतूत है कि उस विकट और महत्व-जिम्मेवारी को संभालने के उपलक्ष में आपका शानदार अभिनन्दन करूँ। मैं ही करूँ और तो कौन है, जो इस महत्ता को समझे? संगम की कार्यविधि, उद्देश्य तथा अन्य उन बातों में आमूल परिवर्तन चुपचाप हो चुका होगा, तभी तो आपने सम्पादन का बोझ उठाने की 'हां' की होगी? (उन बातों का अर्थ यहां यह है, जिन बातों का विरोध हमने कभी किया था) अथवा हमें गलतफहमी हुई कि आपके उस समय के विरोध को मांग क्या थी? शायद यही रही हो कि 'जागती जीत' का सम्पादन आपको दे दिया जाये और वह आपकी देख-रेख में ही छपे? अथवा आपने भी इस सूत्र को धारण कर लिया होगा कि अन्दर घुस के तमाशा देखने का नहीं, तमाशा बनने का नाम ही सुधार है?

भाई, आप बहुत ही समझदार हैं, मेरी समझ तो बहुत ही छोटी है, जो बात को पकड़ कर बैठ गई। अतः तब कुछ कमजोर पड़ने लगता हूँ तो लगता है कि मैं किसी रूठी हुई माननी की तरह कोई 'मान' कर बैठा हूँ और कोई मनाये तो माने जाऊँ। और बाद में तत्काल ही यह सोचने लगता हूँ कि ऐसा सोचना एक राजस्थानी हिमायती के चरित्र को लक्षित करने वाला ही है, क्योंकि राजस्थान की उच्च परम्पराओं में ऐसा चरित्र पवित्र नहीं माना गया है। खैर मैं अपने बहुत ऊँचे चरित्र की घाक बता कर आपको प्रभावित नहीं करना चाहता, क्योंकि इससे क्या होगा? किन्तु मैं आपके चितन को झकझोरना अवश्य चाहूँगा कि आखिर स्वाभिमान किसे कहा जाय? आखिर हम राजस्थानी भाषा को क्यों चाहते हैं? हमारा इस और कोई सतही दृष्टिकोण है अथवा कोई आन्तरिक पीड़ा से अभिभूत हैं हम?

और भाई, मेरी कविताओं का ऐसा स्तर नहीं है कि उन्हें अकादमी की पत्रिकाओं के लिए भेजूँ और वे आप सरीखे स्नेहीजनों के भाव के कारण छप जायँ जो अपने स्नेह के वश हों, मुझे इस सब में न घसीटें, दूर ही रहने दें। मुझे अकादमी यदि मेरी कविताएँ छापने का गौरव अर्जित किया चाहती है तो फिर अपने को सुधारे।

हां, भाई इमरजेन्सी अब आयी-गयी हो गई है और अकादमी संगम की भी यही गति हो सकती है। (होने वाली है तो कैसे कह दूँ?) इमरजेन्सी 'ओळमो' को और जाने क्या कुछ को निगल गयी थी तथा यह अकादमी-संगम भाषा-साहित्य और साहित्यकारों को निगल गयी है। और सुरसा ने भी तो हनुमान को निगला था?....

अब शायद 'ओळमो' को पुनर्प्रकाशन का आदेश मिल जाए, शीघ्र ही। अभी तक तो मिला नहीं है। आशा हुई है।

पत्रोत्तर दें। लिखे को अच्छे रूप में ले सकें तो लें किन्तु अन्यथा तो मत लें।

✻ किसोर कल्पनाकान्त, रतनगढ़

[किशोर भाई री कागद। वां री अपणास ई अँड़ी के वां नँ ओळमा देवण री पूरो पूरो हक।...संगम रँ नेड़ो कर ई नौं निसरूला—अँड़ी आखड़ी तो म्हें कद ई ली कोनी ही, अर सम्पादन सारू छापां री तोटो म्हनँ करां ई रह्यो कोनी। जचियां खुद रँ वूत ई सज आया जँड़ा माड़ा-मौळा छापा तेवड़िया ई हं अर जरुत होयां दूजा लोगां ई अँड़ा ओसर म्हनँ दिया ई है—आ बात कुरा सी किसोर भाई सूँ छानी, सो वां नँ काई कँवू?...संगम सूँ जिकी वातां सारू विरोध ही, वौ वां बातां सारू ई हौ अर वां वँड़ी बातां सारू तो हाल ई व्हेला ई, व्हेला

ई काई, है ई, परण थूं उठी अर म्हें अठी, अर साव समूदा अठी-उठी जंड़ी बात नों गेली ही, नी आज है अर नीं वा म्हनं वाजिव ई लागं अर नीं राजस्थानी रं हक में ई ।***साव तोड़'र चाला जंड़ी गत राजस्थानी री कोनी । आगं तो राजस्थानी रं ओळूं-दोळूं साव थोड़ा साधन, अर फेर वां समर्च भला अर क़ाविल लोगां री अंडी समूदी रूसणी, ओ तो निकामां रं रुळियारं री गुली खुली न्यूंती । आ ई तो वं चार्व के आप रूसी अर अंडा रूसी के वावड़'र देखी ई नीं, अर वं नेगम मौजां मांरां ।

***जागती जोत नं संभाळतां जीव में फगत उत्ती ई ही के अवार छापां रं तोटें इण री मासिक होवणो नांमी, अव जे इणनं सावळ ख-ढव दिरीज, चोचा-चोचा नवा-जूना लिघारा सागं जुड़ अर ओ छापी ढवोढव गिड़कं चोढीजं तो राजस्थानी सारू आछी बात व्हे, च्याकं मेर री सून-मून अकर सी तो तूटें । सो इण सारू, मंगम रं मतीमर्त दियां इणनं साम्यो अर म्हारं कानी सूं पूरो पचूं ई हूं, तीन म्हीनां तो गया, तीन म्हीनां ओजूं । भूंट सगळी म्हारी, जस जंड़ी कीं काम व्हे जावें तो उण में आप सगळां री सीर । अंक दीठ घंनळ रा डेड़ सो रिपिया देव, कीकर लागं, घणा तो नीं ई व्हेला । किसोर भाई 'ओळमो' छाप सारू पाछा त्यार, जाण'र जीव वच्यो, वां सूं तो राजस्थानी वं घणी-घरुनी उमीदां—सम्पादक]

★ ★ ★

(पेज २ री बाकी)

पारस अरोड़ा : टावरपरणं वंवोई । कुटेम रं आंटे-उळांटे फ़िल'र बावड़ियो तो आगं ही लांवी अर सूनी भविस । अंधारी ई अंधारी । अर उण अंधारें में अकल टोरती प्रेस री खड़-खच-खड़-खच । कम भाठा नीं भांगिया पारस । आ ई खड़-खच बोरुंदें लेगी तो टेम खायां 'खुलती गांठां' री अती-पती देगी ।

नंद भारद्वाज : नंद राम सरमा सूं नंद लाल सरमा अर नंद लाल सरमा सूं नंद भारद्वाज—केई अंधारा-उजाळा पचां सूं निकळिया नंद । पण सेवट निकळिया अर निकळिया—कविता, कथा, आलोचना अर सम्पादन सगळें ई निकळिया । कठई कग, तो कठई वेसी ।

★ ★ ★

राजस्थानी भाषा साहित्य संगम (अकादमी) बीकानेर

रा

प्रकाशन

नाम पुस्तक	विधा	लेखक	मूल्य
प्रेतात्मा री प्रीत	(कहाणी)	श्री दामोदर प्रसाद शर्मा	५-५०
रोहिड़ै रा फूल	(व्यंगात्मक निबंध)	डा. मनोहर शर्मा	५-७५
हांस्या हरि मिलै	(हास्य)	श्री नृसिंहराज पुरोहित	७-५०
जोग संजोग	(उपन्यास)	श्री यादवेन्द्र शर्मा 'चन्द्र'	७-२५
अटारवां	(रेखाचित्र)	डा. ब्रजनारायण पुरोहित	५-७५
आदमी रो सींग	(कहाणी)	श्री कटणीदान बारहठ	६-००
अक वीनणी दो वीन	(उपन्यास)	श्री श्रीलाल नथमल जोशी	८-३०
राजस्थानी साहित्यकार			
परिचय कोस	(परिचय अंक)	सं. श्री रावत सारस्वत	७-७५
सोनल भींग	(लघु कथायें)	डा. मनोहर शर्मा	७-००
काळ भैरवी	(लघु उपन्यास)	श्री रामनिवास शर्मा	७-४०
हंस करै निगराणी	(काव्य संग्रह)	श्री सत्येन जोशी	७-५०
राजस्थानी साहित्य री समीक्षा	(जा. जो)	सं. डा. मनोहर शर्मा	८-००
राजस्थानी कहाणी संग्रह	(जा. जो)	सं. रामेश्वरदयाल श्रीमाळी	८-५०
राजस्थानी निबन्ध माळा	(जा. जो)	सं. डा. मनोहर शर्मा	८-००
सरवर सूरज अर सिज्या		श्री प्रेमजी 'प्रेम'	प्रकाश्य

सम्पर्क—

राजस्थानी भाषा साहित्य संगम (अकादमी)

नागरी भंडार, बीकानेर ।



आगलै अंक री बानगी—

- ✽ इतिहास रै गोरव सून—‘राजस्थान री कळा-साहित’—जहूर सां मेहर री लेख ।
- ✽ सौभाग सिंघ सेखावत री अणछपी पोथी ‘अबोला बोल’ री पांच अरथाऊ वातां ।
- ✽ पूरण सरमा, आत्माराम, रमेश मयंक अर भंवर सिंघ राठीड़ इत्याद साव नवा लिखारां री साव नवी रचनावां ।
- ✽ ‘खुद सून खुद री वातां’ अर ‘खुलती गांठां’ री तोजी खेप ।
- ✽ मैथिली कवितावां रा अनुवाद ।
- ✽ दूजा सगळा स्पेस ।



राजस्थानी

राजस्थानी संग्रह ही मासिक.

सम्पादक

तेज सिंह जोधा

मुलाई
१९७७



सुमहेन्द्र

राजस्थान रा नवा चितरांमकारा में नांमो । 'जागती जोत' रे अग्रेल अर जून अंक रा पूठां मांथ तो आं रा चितरांम आप देग्या ई व्हीला, इण अंक भल । दिल्ली, बंबोई, जैपर, लखनेऊ, ठोड़-डोड़ सुमहेन्द्र रे चितरांमां टा दिखावा आय वरस होव । अ रंग अर रेग दोनों रे आंगे वाठा राजस्थानी । आं रा चितरांम भारत सूं वारें तकात पूगोड़ा । काईं काईं तो नांन वां मुलकां रा फ्रांस, जर्मनी, आस्ट्रेलिया, कनाडा, अमरीका, ठा नौ कुरासा-कुरासा । सुमहेन्द्र दिल्ली अर जैपर आली ललित बला अकादमियां रा इनांम ई काईं ठा कित्ती बला लीधा । जैपर जिले रा वासी । जैपर में ई 'राजस्थान स्कूल ऑफ आर्ट्स' में 'स्कल्पचर' अर 'मॉडलिंग' रा लेक्चरर ।

જાગતી જોત

રાજસ્થાંની સંગમ રૌ માસિક

જુલાઈ ૧૯૭૭

સંપાદક

તેજ સિંઘ જોધા

વરસ : ૫

અંક : ૫

વરસ રૌ મોલ : ૧૨ રિપિયા

હ્રણ અંક રૌ મોલ : સવા રિપિયૌ

રિયાયતી મોલ : ૮ રિપિયા

પ્રકાસક

રાજસ્થાંની ભાસા સાહિત સંગમ (અકાદમી)

બીકાનેર [રાજસ્થાંન]

इण अंक रा लिखारा

नचिकेता : गूगळी-गूगळी प्यालां वरगी आंख्यां । सांवळी-सांवळी रंग । डील माथ रूआळी रो कांम ई नीं । कवी टाळ हूजा कीं लाग ई कोनी नचिकेता । नाटक न्यारा मांडे । मैथली रा ठाडा-गाढ़ा नांव । दिल्ली विश्वविद्यालै में रिसर्च रे हलीलै ।

कुलानंद मिसर : मैथली रा जाणें जंडा कवी ।

यात्री : कम आप ई नीं ।

गोरधन सिंघ सेखावत : धुगधुगो डील । भूंडे माता रा हळका वण । हंसी रो हाक अई क डूंगरां मोरिया बोलाय दे जेड़ी । असल भावर रा भोम्या । बातां में सेखाटी रे पंताळीस रा पंताळीसूं रंग अर कवितावां रो स ती क्यूं पूछी, अजब-गजब ढंग, साव निरवाळी अर नाकै-नाकै । आजकाले अके लांठी कविता-पोथी रे मनसोर्थ, जिएमें आं रो लारला दस वरसां रो कवितावां अकठ व्हेला ।

जहूर खां मेहर : लो सा ली, इतिहास रा सगळी विदवांन तो 'राजस्थान हिस्ट्री कांफ्रेंस' में खुदी-खुद रा लेख वांचेला अंगरेजी में अर आपां रा जहूर भाई राजस्थानी में । अर वांचेला ई कांई, वांच दीयो नीं लारला वरसां पाली में, हद ई गैलाई अर हद ई आडूपणी । कीं तो स्टैण्डर्ड रा विदवांनो रो ध्यान राख्यो व्हेतो । सुरां आजकाले तो काठा ई आडूपणी माथ आयोड़ा । राजस्थानी में लिखा-पढ़ी रो अई कांई हटोटी ?

नरसिंघ राजपुरोहित : धुप्पळ में घीळा व्हे नीं तपिया म्हाराज तपिया । च्यार-पांचेक तो टाळकी पोथ्यां-पोथ्यां ईं लिख दी व्हेला नरसिंघ सा । हूजा अळूभाड़ कुण सा कम ? कणां इण मिटिंग तो कणां उण मिटिंग । स्कूलां में राज-

स्थानी मुलावण रो सगळी भारीगरी जाणें आपरे ई माथे । अच्छा । अच्छा कोनीं म्हाराज आपां जेड़ा वचना । सुगियां कांई कैजा—देसी रे तुकां रा मेला, आपजी रो कंड़ी आळग देवे तेजजी गैला ।

किरण नाहुटा : कदे कोटपुसळी, तो कदे नूक, तो कदे नरदारसैर । पत्रिया ओ पत्रिया किरण जी, नोकरी रो काम भूंडो । आजकाले सरदार-सर ई हो नीं ? कॉलेज में हिन्दी पढ़ावो दीसी ? जाणां साय जाणां, बीयां काळू बीकानेर रा वासी । सिवनद भरतिया माथे पोथी ये ई लिखी हीं नीं ? हां, हां अई ई । प्रागुनिक राज-स्थानी साहित माथे घांसिस ? आं रो अर आं रो । जाणुगा साय जाणुगा । कांईं जाणुगा, कविता न्यारी लिग । नो ओ ? नीं ओ कांईं, एण अंक पेली वळा ।

भागीरथ सिंघ भाग्य : बंबोई हा नीं ? बावड़ आया व्हेला । कीकर ? कीकर कांईं, गया तो हा उठे हरावळ रे हेले, एण पढ़गा मील रे गेलै । कठे गीत-गजल अर कठे मील ? पद्ये वो घणियां रो बंबोई, गयां मिनस जावे म्हाराज लंबोई । हरमन भूं मिळिया व्हेला ? पूछी नी । गीत तो नांमी मांडे ? इण में कांईं गोळ ?

रमेश मयंक : नवा दीसे ? नवा भळै कैड़ाक व्हे । साव नवा । वामी चित्तोड़ रो ? हां, हां उणी नोड़ रो । हिन्दी में ईं लिता ? कोई नीं लिखिया करे ? कैड़ाक लाग ? हान तो देसी आगै-आगै ।

घरजुन देव चारण : हां साय चारण, पक्का चारण । एण नवे वगत रा, नवी सगत रा, नवे रगत रा । आपणें रेवतजी रा वेटा, अरे सा 'चेत

[वाकी पेज ७२ माथे]

वि ग त

वा अर उण रौ डील	उदय नारायण सिध 'नचिकेता'	४
वीयां कैवण नै	कुलानंद मिसर	६
सोनल मिरगा	यात्री	८
खुद सूं खुद री बातां	गोरधन सिध सेखावत	९
राजस्थान रौ कळा-साहित	जहूर खां मेहर	१६
वरखा बहार आई	डॉ. नरसिध राजपुरोहित	२७
अफसरी : अक लखाण	किरण नाहटा	३५
जिन्दगाणी कठै	भागीरथ सिध भाग्य	३७
जस	रमेश मयंक	३८
उण री आंख्यां मे	अरजुन देव चारण	३९
तीन कवितावां	आत्माराम	४०
बीज मे बरकत	कल्याण सिध राजावत	४१
जूना जुग : जूनी बातां	सौभाग सिध सेखावत	४२
खुलती गांठां	पारस अरोड़ा	४६

स्थंभ

परख	नंद भारद्वाज	६३
आपरा कागद		७१

● पूठै रौ चितरांम : सुमहेन्द्र

तीन मंथली कवितावां

वा अर उण रौ डील

उदय नारायण सिघ 'नविकेता'

आजकाल कविता री तपास सारू बेठां
ती सबदां रा अरथ बदल जावै
आ-कार इ-कार पड़ जावै वां रै माथै पर सूं
सबदां री पटभोम घिसकै भीतां ज्यूं
म्हें जे कैवू 'प्रेम', ती उणनं सुणीजै नीं
वा सुणै दूजौ ई कीं
'प' बदलै 'द' में, 'म' व्है जावै 'ह'
अर 'र' गम जावै गेलै में ई आचक
जे, फेरू ई म्हें कैवू डील
वा अकास विछाय दै
अर म्हें उंतावळै हाथां
उण रै डील माथै सूं वादळा घोवरण लागूं

जागती जोत/४

म्हैं उएनै अठाईस उपमावां दी
 उए नै अक ई दाय लागी नीं
 सेंधी किरणीं भासा में बतळावणी
 उएनै जचै नीं
 अर मभ रात में घड़ीजै जंडी भासा
 म्हारै कनै व्है नीं

दुनियां नै दिखावण सारु उए रं कनै उए री धणी
 उएनै वा रोजीनां काच में देखें
 वो बात करणी चावें तो भालर-टंकोरा भणभणायें वा
 वो गिरियां ई दिनां में बोळी व्है जावें

रात ढळियां पैली
 म्हैं उए रा बाळ ओछ हूं अर
 ऊगतें सुरजी खोल हूं उएरी जूड़ी
 सुरजी सांमी देखें उएरी धणी
 अर गिरियां ई दिनां में आंधी व्है जावें
 उएरै सागै बरसां सहवास
 अर अणसेंधी भासा में बतळावण करतां
 म्हारी उणियारी बदळ जावें
 म्हैं कदै-कदै मर जावूं कांठी
 खुद री ल्हास नै उचाइज'र ले जावतां देखूं
 जमीं माथै नीं व्है म्हारा पग
 म्हैं डर'र पाछी जीवण लागूं

आई वार जीयां पछै कैवण री मन व्है 'प्रेम'
 आई वार वा ऊंधी सुण लेवें
 धकै कर देवें डील

* * *

वीयां कैवण नै...

कुलानंद मिसर

वीयां कैवण नै घणी कीं हो म्हारै कने
जीयां
जंगली फूलां सूं टपटपती ओस
धारी कांमण-देही
म्हारी किचरीज्योड़ी पोरस
नाडी रै आसै-पासै हीळै-हीळै पसरती सांघळ-राग
ढळती रात रै सोच में
वड़ हेटे
डेरा न्हांव्योड़ी बळदा-गाढ्यां री पंगत
ईटां रा चूलां सूं ऊठती धुआं
वीयां कैवण नै घणी कीं हो म्हारै कने
जीयां
म्हारै सूं छिटक्योड़ी म्हारी चेतो
तूटोड़ा सपनां रै ढाळै
आपां री खंडवायो अकांत
तावड़ै हांफती गंडक
आम रै दरखत डंडी वावती टिकू
बूथ कानी लपकती जनतंत्री भीड़
ब्रेस्त रा किरायादारां री जुद्ध विरोधी जत्यो
अटमी लिपी में मांडियोड़ी सांयत री राजोनांवी
वीयां कैवण नै घणी कीं हो म्हारै कने
अमिता री जरुत माथै साव अकारथ म्हारी कविता
हेताळुवां रा डरप्योड़ा समचा
फूलां री टीयरगैसी गंध
स्यारै ई किणीं री डुसकी री खिचीजती सुर

जागती जोत/६

मांछली, अर लहरांली प्रेम
 सांस अर छाती री सागै बंधियो नेम
 छूटतै सहर री चौपड़ माथै थारै सूं म्हारी हलफळ भेंट
 वीयां कैवण नै घणौ कीं हो म्हारै कनै
 तन री ताप
 मन री पाप
 कित्ता बरसां रै सहवास सूं आगै अणसैधगी री खाडी
 कळी माथै आसू री दाई भडती फळ री कथा-व्यथा
 तळाव रै पांणी में डूबती घाट
 वौ गीत
 वा गजल
 आदू वासना रै धूजतै सुर में गायोड़ा
 वीयां कैवण नै घणौ कीं हो म्हारै कनै
 बिरखा सूं टीपीटोप भरियोड़ी टब
 छात सूं पड़ती चांदी री धार
 सूं डी रै हेट गडती कांटी
 किणीं री नांव लेतोड़ी म्हैं अर डूबतोड़ी जा'ज
 आखै दिन री कमाई—थाकली
 आखी रात री मनसा—उसांस
 गांव सूं ताजमैल री छैती
 कवर में जावण सूं पैली खांडी उठावण री बेबसी
 कांई करूं अर कांई नीं री गतागम में पजियोड़ी निस्वै
 छाती माथै आवती हाथी
 भाग-भाग जावती संका री लाठी
 गळफांस व्हेती आलिगण
 दुडियोड़ी घर
 चुटोड़ी चूतरी
 वीयां कैवण नै घणौ कीं हो म्हारै कनै

सोनल मिरगा

यात्री

वारें आ सोनल मिरगा
माडै लुकियो थूं सोनल मिरगा
कोई कीं नीं कैवला सोनल मिरगा
वारें आ सोनल मिरगा

रिहसल में देख्यो थन
सुण्यो कयावाचक रें मूंडें थारो नांव
परा अजै ई नीं प्रगट्यो थूं
हाल ई थारै डील मायें फेरता व्हेला हाथ
रात रा अंधारा में केई असली रावण
लीलाळी रघुनंदन राम
काई कर लेई थारो
नीठ घटती रा पूरें

माडै लुकियो थूं सोनल मिरगा
वारै आ सोनल मिरगा

* * *

उत्थो : तेज सिध जोधा

[सितम्बर १९७६ में दिल्ली आली साहित्य अकादमी रें बुलावें उत्तरार्ध भारत रो सात भासावां रा कवी-अनुवादक भोपाल भेला ब्हिया। सात दिनां रो भेली मंडियो, कविता रा अनुवादां रें ओलू-दोलू राजस्थानी धकी सूं उरा मेल जावण रो जोग वंछो तो दूजी भासावां रा केई कवियां सूं म्हारी संध-मंध व्ही। भाई नचिकेता मथली रा जाणीता अर उरा ई भोपाल रें जोग म्हारें सूं संधा ब्हिया कवी। मांग कीधी तो मथली रो केई टालवीं कवितावां भेजी अर सार्ग ई भेजिया वां रा हिन्दी सवदानुवाद, जिणसूं वां कवितावां नै राजस्थानी में उत्पावतां म्हन संहलियत रेंवें। ऊपरली तीनूं कवितावां वां रो मेलियोड़ी कवितावां में सूं ई—जोधा]

जागती जोत/८

लांबी कविता—तीजी खेंप

खुद सूं खुद री बातां

गोरधन सिंघ सेखावत

कई बार लागै म्हैं कद तांई
घर कूंडचा बणाय'र खुद नै राजी राखूं
पितळानेली राबड़ी पीतळ रै ठांव में
भरचोड़ी । कीयां खूंटै बांधूं अर राखूं
मरचोड़ी बकरी नै ।

हैं !

कुरा कोई किरा नै कद तांई सागै राख्या
सगळा अळगा गांव बसायां आप-आपरा
अणसैंधा बण जाजम रै माथै
खूंगा दाब्यां करै मसखरी
स्यात समझ रै माथै में
सळ पड़ सकै ।

अबे खास में नाज कठे । इण राज में
 लाज कठे । हूंगी आकास बण्यो गूंगी, सूत्योड़ां री
 धोती खोलली धरमसाळा में ठहरचोड़ी बरात में
 हींजड़ां रा साज सूं
 कामकाज बणै, इण री आस नीं ।

बगत रे बारणां री रोजणी
 सुणवा नीं व्हेली अक ई जणी
 अर म्हैलां में सूत्योड़ा नखरा नीं जाणा हा
 बगत खुद मूंडी ढकंली
 निकळं लो धक्की लाग्योड़ी सो, ओ भरम
 आज ताई नीं खुत्यो कर्द सपनां में
 म्है देख राखी हूं आंग फाड़यां

हेली रा खंड-खंड होयोड़ा खभा माथे
 चिप्योड़ी दाग लाग्योड़ी मूळकावण नें
 कंवळां पर लोथ सूं मांडचोड़ा
 छावड़ी अर सात्या । तूत्योड़ी पैड़यां रे माथे
 पुरसारथ रे पसीना रा टपका

अब कीं चोखी लागे नीं
 नीं पूछूं, नीं चुगूं
 नीं बोलूं, नीं निरखूं
 कठे जावूं, कठे आवूं
 कीं नाड़ी बंद रे पगां पडूं ? इण घर में
 बडूं के उण घर में ?

म्है नीठ दिनां
 रा पैरवा गिरूं, घसूं
 ओळूं री तीखी अणी नें । खाली नों
 व्हे हाथ बाळपणै री बगसीस सूं
 काई है म्हारै कने

तिवारी रे खूणें में पड़ी

आई साल बैसाख रै महीनै में फूटवाली
नीम री मोठी सौरम सूं भरचोड़ी मीमभर
मीमभर ! हूं, इण री सौरम में डूब्योड़ा
रंग-रंगीला, भांत-भंतीला केई पतंग उडे
आकळ-बाकळ मन उथाग समंदर में .

गोता खावै

कीं डर लागै, कीं बात बणातां । हूं, बाळपणै
में घेर-धुमेर गूंदी रै ओलै
डूंगर में बोरां री खातर, छोरचां लारै
अर रात पड़्यां आंतीलौ-पातीलौ घर सूं वारै

पण अब सगळा विसवास तूटग्या
सोरचोड़ी तसवीरां में दरद रा सिलोक भर्या-
कातो रौ काचौ तावड़ी
पीपळ रै पतै माथं बंठ'र मनचीती बातां
री गरद नै उडावे दबक्योड़ी सो बण
सांस अर सांस रा फासला
कत्ता घणा व्हेगा । अचपळै मन री भाड़ी में
केई कलपनावां रा खिरगोस भूत सूं डरचोड़ै
टावरां ज्यूं दावत्योड़ै मन री सांसां गिणै
अर गिणता थकां
अेक धड़धड़ात व्हे । सोचूं हरख अर उमाव रा
दिन बेगा बोतै । वे सगळा दिन आज
आप-आपरी भूंपड़ी बांध्यां
फासला रा कमरपेटां सूं तण्या

सिराणें ऊभा है

उणां री बतळावण सांच रौ अेक अजीब दरद
है ।

सगळा चिमत्कार

इण जमानां रा बेटा बण'र सांमै आवैला, आ

म्हारी मन कदै नीं सोची
 कदै मुड़'र
 पूठी देखलूँ ती तूट्या-फूट्या वेढंगा
 रेत में सोयोड़ा मकानां री सेंधी चैरी
 आंख में उर्ग ।

भूत सून वातां करे च्यार जगां
 ऊपरले कोठे में छम-छम व्हे दोपारां
 चिटकां रा घोवा नांखें, गैले वगता लोगां
 माथे, कीकर में रैवै, कदै बोले
 अर कदै रोवें

स्यात आतमा अमर होती होवैला
 सतावणी उणारी कळजुगी धरम वणग्यो व्हेला
 के उणां रै माथे हाथ फेर'र
 पेट गुजारी रा करतव मिनख री समझ में
 आयग्या व्हेला ।

म्हैं सोचूं
 सगळी दिन सोचतां गुजरै
 कांईं सोचती ई रंवणी है ? स्यात प्रां पगां सून
 कीं धरती नापणी है
 चिलकी पड़ती रैवैली
 इतियास री सीवां स्यारै सोयोड़ी वातां री
 अंधारी फाका मारै

जुग री सांसां री

भिभोड़ै वी खूंआं नै, लगावै हलह्लावणी सी
 अर र.... अर....र अर....र
 करतां लुक जावै । कांईं ठा नीं की ठोड़
 हूं !.....हूं !तूं
 थ्यावस लियोड़ा डूंगरां री गोदी में
 पसरचोड़ी नाडी में

म्है ठोडी रै हाथ लगायां निरखूं हिलतै पांगी में
अर.....रतूं !

वो पछे बारै आयी तिरती-तिरती
ऊभी व्हेगी म्हारै स्यारै
पछे घणां जणां निकल्यो उणारै लारै

औ काई ?

लाल हथेल्यां आळां अ मिनख
अकै समचै नाडी रै मांय अर तूं आं री
नेता ?

दुस्ट ! दुसमी ! दोगलां री कायर औलाद
इण लाल खून सू थारी चामड़ी रै पोख
नीं लागै

काईं व्हे रोज मिंदर रै सांम पेसाव करणै सू
कठै सीखी

धरम नै लीलांम करवाली आ तोतली जवांन
कठै सीखी

छळ अर धोखा री स्याणप सूं दूजां रै
अपणोस री धज्जी उडावणी
है रे !

लोणां रा ताता पसीना नै पीवता थकां
थारा कंठ नीं दाइया । नीं निकली थारै
कोढ़ अर नीं मरचौ थारी कोई
जवांन बेटी काची मौत सूं ।

इण गांव री लंगड़ी टांग
रगड़ै पग हेटै थारै नांव नै । थारै बंस नै
गाळ्यां मूं धोकै । थारी भगती री संनाती
उठै दिन में दस-दस बार
पण ठा नीं तनै ।

मोटचार ! अ उणींदी आख्यां खोल

जमानो नीं सोवें ओके ई पसवाड़े
नीं रोज-रोज लागे लाय
इए रांडचा गांव में

अर तूं इत्तो जुलमी कद सूं बण्यो
सिलगती रह्यो श्री गांव थारी आंखियां सांभ
अर तूं झूलती रह्यो
भगतए रे मुजरा माथे । कद चम्पा-चमेली रो
कूख फूटै बंदूक रो गोली में
नीं बंधे नेतागिरी रो सांप सांच रो दुनियां में
तूं तो साव भोली है
तूं थारा फरज नै हूँ हूँ फकीर रो भोली में
पए समझ
गरीबी रो आखर बांच
भोग रो कुलड़ी सूं
न्याव नै खांच

सबदां रो खाज मोठी घणी अर पंना घणा
भासा रा दांत । हाल बुद्धि रो सापो
पड़ियो नीं ।

घणो बुरो
आसथा रो मूरत रे ठोकर मारणो
अरे ! तूं बोले नीं
इतियास रो पोथ्यां में थारे चरितर
नै हूँ हूँ, लांबी-चौड़ी भीड़ रे मांय
थारी पिछांग म्हारी आंखियां में
घमरोळ मचाती रो
अर तूं नीं मिल्यो ।
अरे ! तूं बिनां बतलायां ई जाय

वो गयो-वो गयो
खेजड़ी स्यारे भेंसी रड़कं । म्है ऊभो हूं खुद
जागती जोत/१४

रै स्यारै चितबंगी बरा
डावै हाथ री हथेली सूं डाढ़ी नै रगड़ती
उठा ल्याया मोरड़ी रा अडा कुपैड़ी टींगर
अर छेड़खानी करै टांट्यां सूं

परा काई होसी ?

महै सांची कैवूं हूं
महैं नीं ठहरणी चावूं अठै, जठै हीणा
मिनख नीं बतळावै करम अर सांच री
काया रै दरद सारु
फगत घसे बगत रा मांडणा नै दिन-रात
लात सूं भूजाणै खुद रै घरकूंड्या नै
सांची खोटौ घणी राजनीत री लोई मूंडे
लाग्योड़ी ।

अब महै काई करूं
करणै नै कीं म्हारी अगल-बगल
महैं बबळ्यां हेटै किरगांठां री लड़ाई तिरखूं
अक दूजै रै दोळयूं फिरतां
लावौ लूटण री धक्का मुक्की में
छुलग्या खुवां । हालता रैयग्या हाथ
ऊंचा रा ऊंचा भीड़ में । मुठ्यां री
पसीनी बेकळू सी भरै गाढे अघेरै री खाल में
गांव, गुवाड़ अर घर लुक ज्यावै

मसाल रै च्यानणै में
भरमीज्योड़ मन रै सूंसाड़ै नै देखणी जरूरी
आफरै सूं नीं लड़यौ जाय
जुग-धरम री जुद्ध । भायला ! कीं थोड़ी
धीरज राख, नीं बदलै बंगी रंग
बात नै कीं घोख जिकी कही ग.धी बुद्ध
फदक्यां सूं नीं नापी जाय
ऊंडै आकास री गैराई

नीं निकळ्यौ जाय सोरी गिरगणै मांय सूं

इतिहास रं गौरवें सूं

राजस्थान रौ कला-साहित

जहूर खां मेहट

[राजस्थान कोरी मिहमलां अर जूँभारां री करणी रं पाण्डे ई नी मगाहीजें । ठेट प्रागैतिहासिक काल सूं राजस्थान कला-साहित री घर रली । घेक पामें अठे रीत-पांत री रूखाळ सारू साका अर जोहर मंडता ती बीजें पामें कला-साहित नें पनपावण रा जतन करीजता अर आगोतर री वातां मार्य मनन व्हेता । अठा रं कला-साहित में अनेक सरावण जोग वातां है । भारत री सांस्कृतिक छिन्न नें गरबीती बगावण में राजस्थान री हाथ घणी महताऊ है—जहूर खां]

अवार रं राजस्थान नें मिनख 'राजपूताना', 'रायपान' अर 'रजवाड़ा' जेड़ा नांवां सूं ती ओळखता ई हा, सगें ई इणरी अ्रेक खुणी 'सपादलख' सूं चावो ही, ती बीजो 'जांगळ' सूं जाणीजती । मत्स्य, मेदपाट, जवालीपुर, माड, गुजरात्रा, विराट, मरु, मिल्ल-गल्ल, सिव प्रबुंद अर ठा नीं किताक नांवां सूं इण घरती रा उणा-गुणा चावा हा । केई-केई ठोड़ां रा नांव ती उठै रं भूगोल रं मुजब ई राखीजया । माही नदी रं कांटे मार्य बस्योदे प्रतापगढ़ री किताक सीव कांठळ नांव सूं ओळखीजै । गिरवा भोगिसैल अर कांई ठा किता ई नाव भूगोल रं पाण्डे ई पड़िया ।

राजस्थान ३,४२,२७४ किलोमीटर में पसरघोड़ी है । ओ वां ई देसान्तरां रं बिचें बस्योड़ी है, जिकां बिचें घोराल अरब, घणकरी मिश्र, साडवेरिया अर अफ्रीका रा की भाग है । ठेट सूं ई इण में कठै ई घाटा है, ती कठै ई तालर, रोई, भाखर अर मरुतेतर मांडीज्योड़ा है । आव-हवा, भाखर अर मरुतेतर अठा रं रीत-पांत नें अ्रेक निरवाळें सांचें में ढाळ दिया । अठे रा कला-साहित अर रीत-पांत सुतंतर रूप सूं निखरिया, वां मार्य बीजां री चिन्वीक रंग ई को ही नीं । भारत री संस्कृति री इण पांत में अलेखां गरबजोग वातां है ।

जूंभार, भिड़मल, मुलकता माथा देवगिया अर रीत-पांत री खाल साख भाळां री गोदी बैठगिया तौ अठ री मावां इत्ता जिण्या के मुलक नै चूसण खातर आयीड़ा अंगरेज ई इचरज सूं बघना वहेगा । पैला पैला भारत री इतिहास लिखगिया अंगरेज भारत रा गुण गावण नै राजी को हा नीं । बहियां, ख्यातां, बातां अर लेखां सूं राजस्थानी जूंभारां री करणी री ओलखाण होयां केई च्याखाना चित आयगा । केई होठां नै लोई भांग करचा वहेला अर बीजां रा डोळा इचरज सूं फाटोड़ा ई रैयगा वहेला । जदै ई तो वां नै राजस्थानी सूरमावां रै जस रा अणचाया गीत गावणा पड़्या ।

राजस्थान रै रजवाड़ां अर राजवंसां री छत्तर छीयां में कळा-साहित नै आसरी मिलियो । राजावां, सिरदारां, पिडतां अर सेठां, मैल-माळिया, मिंदर, देवळ, थड़ा, छतरियां, हवेलियां, बेरा-बावड़ियां, तळाव बीजा बणवाय इण धरती री सांस्कृतिक मालदारी रै बळ माळी-पांना जड़ दिया । वैदगी, ज्योतीस, काव्य-नाटक, गीत-संगीत तौ अठ इत्ता पनपिया के आ धरती धन्न सेठ री काकी कहीज सकै, जिण रै सांस्कृतिक दड़वै री की छेह है, नीं पार । अठा री रीत-पांत दाईं कळा-साहित ई भारत री संस्कृति री अ्रेक पांत वहेता थका ई आपोआप री किती ई न्यारी-निरवाळी अर अचूकरी चोखायां राखै ।

इतिहास-पैला रै जुग में जिको प्रागैतिहासिक जुग कहीजै, वनास, गम्भीरी, वेड़च, बांधा अर चम्बळ नदियां रै कांठां अर घाटां माथे भाटै रै जुग री वेळा रै मिनख आप री रम्मत मांडी । उदैपुर, जैपुर, अजमेर अर जोधारा री किती ई ठीड़ां भाटै रै जुग रै मानखै री टोह लागै । उदैपुर रै पाखती आहड़ नांव री ठीड़ सूं इण सभ्यता रा घणा महताऊ बावड़ हाथे लाग्ता । गिलूंड अर भगवानपुरा में लाधोई मळवै सूं ठा पड़ के आ थेट पुराण री सभ्यता राजस्थान रै धोराऊ-ऊगूं सूं लेय'र लंकाऊ-ऊगूं ताई पसरचोड़ी ही । जूनियै इतिहास रा लिखारा आपरी जाणकारी रै पाण औ सार काढ़ियो के सरस्वती अर हस्ती नदियां रै कांठा माथे ई पैलपरान्त आळी सभ्यता पनपी ही । सिन्धु सभ्यता रै नगरां मांय सूं सरस्वती रै कांठे माथे गंगानगर जिले रै काळीबंगा में खुदाई सूं उघड़ियोड़ी नगर घणी ई चाहीजतो है । १९४७ में मुलक पांतीजग्यो अर सिंधु सभ्यता रै समै रा मोहनजोदड़ी, हड़प्पा, चैन्होघड़ी, झुकरघड़ी, बीजा नगर भारत सूं फांटीजया पण काळीबंगा इण खोगाळ नै भर दी ।

महाभारत, रामायण अर पुराण आ साख भरै के उण समै मरू, जांगळ अर साल्व जैड़ा वैदिक 'जन' अठ ई बसियोड़ा हा । जनपदां रै जुग रा मत्स्य, सीवी, राजन्य अर साल्व जैड़ा जनपद जैपुर उदैपुर, अलवर अर भरतपुर जिलां री ठीड़ ई हा । ईसा सूं दो सदियां पैला मालव इण खेतर में आपरी रम्मत मांडी अर जैपुर, अजमेर, टोंक ताईं पूगगा । तीजी सदी में जावतां आं कुसाणां नै पछाड़िया । इणा रै दाईं अलवर, भरतपुर में आर्जुनायन अर धोराऊ राजस्थान में भिड़मल सुतंतरता खातर भिड़िया अर रीत-पांत नै घणा गरबजोग बणाया । गुप्त वंस रै समै अठ चिन्या-चिन्याक गणराज बस्योड़ा हा, जिकां नै लारै जावतां समुद्रगुप्त पाछा पग दिराया ।

हर्षवर्द्धन रै पछै सातवीं इसाई सदी सूं अठ प्रतिहार (पिड़हार अर परिहार),

चाहमान, गोलकी(नीलुग), पंवार(परमार), गुहिल और राष्ट्रकूट जेड़ा मैठा राजवंशों आप आपरा अखाड़ा जमाया । आं रै तूत ई इण गेतर नै बारता हमनां मूं कोरी राधण खातर माया देवण री रीत पकायंत मूं जगो । पछे राठीड़, सिसोदिया, भाटी, कछवाड़ा, चीहाण और हाठा राजपूत अठारी सेव-नेव करी । १८५७ में राजस्थानी वीरों की करणी मूं अेकर ती अंगरेज ई धुजगा । बीसवीं सदी में प्रजामण्डल रा जूभातर घणा अवतिया । १९४७ में देस रै सुतंतर होयां अठा रा अठारह रजवाड़ा—जोधपुर, बीकानेर, जैमलमेर, अजमेर, जैपुर, भरतपुर, धौलपुर, करौली, बूंदी, कोटा, झालावाड़, प्रतापगढ़, बांसवाड़ा, हंगरपुर, उदयपुर, मिरौही, कितनगढ़ और टीक रै साथे अजमेर मिळा २६ जिलां री नवी राजस्थान बणिया ।

भूगोल और सुतंतर रजवाड़ा रै पाण राजस्थान में अचूकरी और घणी सरावणजोग कळावां पनपी । इण रूप में ओ लंकाळ भारत रै सांमा पग रोप सका । मगळ राजस्थान में बिखरियोड़ा पुराणा मन्दर, किला, घड़ा, छतरियां, मेल-माळिया, कोट-कांगरा, हथेनियां अरोखा और भील-तळाव लारली नस्कृति री मोल बतावण खातर मनां ई मळवा होय कीकर और कीकर अजै ताईं अड़िया है । आलाचळ री मामरियां रा भाटा अठा री बिदपन नै अलेखां बरसां ताईं मेह, आंधी, बायर, तावट और छुड़-घपास री भाट भेवण जोग नाटाई दीवी ।

राजस्थानी स्थापत्य रा पैलपरांत रा नमूना मिथ-नगर कालीबंगा मूं हाथे लागा । नगर नै घणी माथी खपा, सोच-विचार रै बरप्यो । ईंटों चुणाई में बरतीजी, नोड़ी मटका, सैर रै चौफेर सैठी कोट, वेरा, खालिया और चोपा घर उण बेळा ई बिगीजता हा । मुदाई मूं अेक सागई नगर रा हूँडा सांमा आया । प्रागैतिहासिक स्थापत्य मारु आहड में निरळधोडा हूँडा और बीजी बीजां घणी महताळ है । भगवानपुरा और गिलूंड मूं ई आहड सभ्यता रा चितरांम चवई आया है ।

राजस्थान में जनपदों की बेळा रा नमूना बैराटनगर, रैठ, सांभर और नझिया मारर मूं चावा होया है । बैराट री बिहार और बभ्रू नेव इण री साग भरै के मोयें स्थापत्य रा कीं नामून राजस्थान में ई चुणीज्या हा । मोर्या रै पछे बीजी बीजी जातियां और जनपदों रै स्थापत्य रा कित्ताक नमूना काईं ठा कठै-कठै ठाईज्या व्हेला । यां में मूं की छुटपुट तो अजै ताईं ऊभा मिळै । रैड में चुणीज्योड़ा ईंटों रा हूँडा, बीजक भागरी आळी गोळ-गोळ मिदर, नगरी री गोळ मटोळ थम्बो इण समे रै स्थापत्य रा ई नामून है । इण समे स्थापत्य माथे धरम री धोस अणूती ही । आं अंगारां मूं ई साग कड़ीज्यो के वैदिक धरम घर उण रै पौराणिक रूप री अठे घणी चलण ही । गुप्ता रै समे अठे स्थापत्य वळै घणी निगरियो, मुकुन्दडा नगरी रा मिदर इण री साख सारु अजै ताईं ऊभा है । गुप्ता री बेळा ओसियां, अमभेरा, जगत, कल्याणपुर और मंडोर में स्थापत्य रै कारीगरां आपरा हुनर दिताया । गुप्ता रै पछे सिरोही, सांगानेर, किराहू, नगड़ा, नीलकण्ठ, दिनवाड़ा, हंसमाता, चन्द्रावती, भीमगढ़, क्रसण-विलास रा मिदर चुणीज्या । आं मिदरा में नागर और द्राविड़ सीलियां री भपको दीस । आं नै भेळ री बेसर सैली रा नामून कैय सकां ।

८ वीं स० १२ वीं सदी रै बिचै कित्ता ई सैठा-सैठा गढ़ थापीज्या, जिका अजै ताई भंगार व्हे ज्यू ऊभा है। पैलपरांत चित्तोड़गढ़ चुणीज्यो जठै पैला मौर्य अर पछै गुहिल, पंवार अर सोलंकी राजावां चुणाई कराई। अर्बुद, जबालीपुर (जाळौर) अर मंडोर रा गढ़ इण वेळा ई वणिया। दुरगां रै सागै ई इण समै केई नुंवा नगर ई बस्या। इण समै री चावी करण जोग बात आ रही के इण वेळा पुराणै दूढां री जागा नुवां नगर थापण री रीत जोर पकड़ियोड़ी ही। आघाट, विसालपुर, नागदा, जावर, नाडौळ अर आमेर ताई पाछा थापीज्योडा नगर गिराजी।

इण वेळा री अेक खास चोखाई आ है के अेक पास गढ़ां री चुणायां व्हेती। लड़ण-भिड़ण अर मरण-मारण रा जतन व्हेता तो बीजै कानी मिंदर चुणीजता अर आगोतर माथै मनन करीजता। विष्णु, सूरज, दुरगा अर साक्त रै भांत-भांत रै रूपां रा अणगिणत गाढ़ रै भावां सूं भरियोड़ा मिंदर वणिया। किराहू, छोटी सादड़ी, बाडोली, कल्याणपुर, ओसियां अर जहाजपुर रा मिंदरां री चुणाई इण वेळा ई हुई। किराहू में सिव-मिंदर अर चित्तोड़ री सूरज-मिंदर फूटरापै रै पाण जग-चावा है ती अथुना, ओसियां अर नागदा रै मिंदरां में 'आत्मोन्नति' रा भाव भरियोड़ा है। इण वेळा रा मिंदर घणा मोटा जंगी व्हेता थकां स्थापत्य री सगळी चोखायां सूं टिपाटिप भरियोड़ा दीसै। जैनियां रै सगळै मिंदरां में इग्यारवीं सदी में ठायीड़ी आवू में विमलसा री मिंदर आपरै फूटरापै रै पाण घणो ई सराहीजै। १३ वीं सदी री वास्तुपाल री मिंदर अंडी री ओड़ी है। बारणा, धुमटियां बसाळियां, बिचला आंगणा अंडी कारीगरी अर सावचेती सूं घड़ीज्या के देखणियां सरावताई को थाकै नीं। भाटै में इत्ती चतराई सूं घड़ाई व्ही अर मांडणा खुदीज्या के नास्तिक सूं नास्तिक नै ई थुथको न्हांखणो पड़ै।

१३ वीं स० १८ वीं सदी रै बिचलै राजस्थान में पैला करतां मारकाट कम मन्ही। बारलै हमलां री जोखम ई नीं जित्ती ई हो, पण तो ई मालदेव, कुम्भा, सांगा, प्रताप, जसवंत सिंघ अर दुरगादास जैड़ा भिड़मल इण समै ई व्हिया। केई नुवा गढ़ थापीज्या, गढ़ां में नगर रा नगर विणीजण हूका, मल-माळिया अर स्थापत्य रा अलेखूं नामून विणीज्या। कुम्भलगढ़, तारागढ़, आमेर, सीवांणा, जोधपुर, बीकानेर अर रणथंभौर जैड़ा जवर गढ़ इण वेळा ई जलमिया। जाळौर, आवू, अर चित्तोड़ दुरगां में केई कोट-कांगरा जुड़िया। बूंदी, आमेर अर जोधपुर नगरां री नींव इण वेळा ई धरोजी। कुम्भा रै पछै स्थापत्य माथै मुगलां रा रंग घणा चढ़ियोड़ा रह्या। बेल-बूंटा, फूल-पांखड़ियां, भांत-भांत री भीणी-भीणी जाळियां री मांडत सारू चेजारा अर घड़ाईदार कांई ठा कित्ती ई पाणत अर खपत करी व्हेला। डेलाण, भरोखा, थंवा, तोडा, खड़पा, पंछेटियां, गोखडा, छाजा, छवणा, तोरण, कंवळियां अर समूदै अगवाड़ै नै भांत-भांत रै मांडणा सूं जड़ण री रीत इण वेळा अनूती जोर पकड़ियोड़ी ही। थड़ा, देवळा, अर जंगी छतरियां ईं विणीजण हूकगी। दिलवाड़ा, रणकपुर, अंकलिंगजी, आवू, रिसभदेव, केसरियाजी, नाथद्वारा अर परसराम महादेव जैड़ा नामी मिंदरां री चुणाई इण समै ई व्ही। आं मांय सूं घणकरा भाखरां री ऊंची टेकरियां माथै चुणीज्या। जैनियां रा सगळां सूं घणा तीरथ धाम राजस्थान में ई है। जैन धरम नै पाळणियां रा ती टोळा रा टोळा गुजरात अर माळवै जैड़ा पाड़ला मुलकां सूं अठै आय पूगा। इतिहास लिखारा

माने के वारले मुलका में हमलावरां रो दाव वधियो जद जैनी आप रो रीत-पांत रो क्खाल सारु अठे रा जू'भारां रो छीयां में आय'र लुकिया । पण पैला रे इतिहास सूं जुड़ियोड़े साधनां रो मनन करियां इण बात में घणी गाढ़ को लखावे नीं । इण में पैली खोट ती आ दीस के अठे घणकरा मरण-मारण खातर माथा बांधियोड़ा छत्री-धरम नै पाळणिया राजा हा जिकां रे अहिंसा गळै उतारणी ती अळगो, वा नैड़ी ई को फटक सकती नीं । पछे ठेट मू' ई राजस्थान में जैनियां रो जोर रह्यो । हमलां सूं पैला ई जैनी राजस्थान में घणा हा अर वा आप रा केई नामी मिंदर अठे चिणाय लिया हा । जैनी अवखायां सूं घणी लाट राखे । जीव रे दोराये सारु वे अड़ी ठोड़ जोवे, जठे लीले-चर रुखां रो नांव ई नीं व्हे, पांणी रो तंगी, तू रा खंगाड, वतुळिया अर तावड़ी अणूती, मोटे सैरां रो तोटी, मानखं रा टोळा कम, घणी अवखायां, सांप-विच्छू अर जैरी जीवां रो जोर अर डील नै केई दोरायां रेवे अर अणूती पचणी पड़े । पीराणिक धरम पाळणिया ज्यूं हिमाले रो तराई नै अमोल गिणता ज्यूं ई राजस्थान रो धरती गुद ई जैनां सारु तोरथ ज्यूं ही । सो दोरायां जोवणियां जैनां नै राजस्थान मोने सवे रो लागती अर अवेड़ रा अवेड़ धरम रो खेव खातर अठी उछरता । सैरां, गढ़ां, गांवड़ां नै द्वाद हाणियां रे कांकड़ सूं कोसां आगा मरुखेतर रे ठेट गरम में ऊची टेकरियां माने अर रीट में अंदा मिंदर गुणीजण रो बीजी कीं घज नीं व्हे सकै ।

१३ वीं सूं १८ वीं सदी रा स्थापत्य रा नमूना सूं ती ग्रेक मू ग्रेक इधका, पण 'कीरन-स्थंभ' इणां में सगळां सूं भारी है । नव खंडां रे इण कीरत-स्थंभ रे उपरले दो गडां नै छोटे बा की रा सातां माथे देवी-देवतावां रो इत्ती मूरतां टांकी-हयोड़े सूं जड़ीजी के कळा रा कित्ता ई पारखी ती इणने मूरतां रो आखी म्यूजियम ई गिणै । लारे जावतां निरवाळी छव रा राज-संमद, उदैसागर अर पिछोळा जेड़ा भील-तळाव गिणीज्या । भील-तळावां रे येन बिन हयणी रो जागा मेल-माळिया चुणीजण रो रीत इण वेळा ई पड़ी ।

भांत-भांत रो मूरतां ठावण में राजस्थान ठेट मू' ई घकनी पांत में रह्यो । थेट प्रागैतिहासिक जुग रो मूरतां अठे मिळी है । माटी रो केई मूरतां काळीबंगा सूं मिळी अर अंड़ी ई आहड़ अर गिलूंड सूं हावे लागी । पछे ती भांत-भांत रे देव-देवियां रो माटी, भाटे अर धातां रो कित्ती ई मूरतां राजस्थान रे गुणै-गुणै सूं मिळगी । घे मूरतां के ती घणकरी जैन धरम रो अर के पछे हिन्दू-धरम रो है । गुप्ता सूं पैला रो नोह में लाघोड़ी साड़ी तीन गज रो यक्ख रो मूरत देखण जोग है । रेड, बंराट अर नगर में मिळयोड़ी मूरतां ई गिणावण जैही है । 'महिंसासुरमदिनी' रो मूरत ती देखण वालां रो आस्थां नै भपकी ई को सावण दें नीं । गुप्तां सूं पैला रो मूरतां गान्धार अर मथुरा दोनू ई सैलियां रो है । गुप्तां रे समे रो मुकन्दड़ा, कसण-विलास, भीनमाळ, मंडोर अर पाली सूं केई फूटरी-फूटरी मूरतां मिळी है । कामा रो विस्णु, कसण अर वलराम, मंडोर रो गोवरधनधारी कसण रो मूरतां ती अंही जवर है के वां रे जोड़ रो बीजी ती अजै ताई सांमी आई कोनी । रंगमहल रो सिव-पारवती रो मूरत, सांभर अर कल्याणपुर रो सैव धरम अर नळियासर रो दुरगा रो मूरतां रे घणी सराहीजै । गुप्तां पछे मूरतां घड़ण रो हूनर वळै हल्ली तेजी अपड़ी । भरतपुर, करीली, मेनाल, दवोक अर धोलपुर सूं लाघोड़ी मूरतां में भाव अर रस रा गुण थरपीज्या । सिएगार, मोह अर जहावट मे किराहू

सूँ मिळी मूरतां घणी भांव ताई ओळखीजै । केई-केई मूरतां में ती डर, रीद्र अर भूंडापणी रै रसां रा चितरांम घडीजिया । घणकरी मूरतां में डोल री चोखाई अर न्यारै-न्यारै अंगां रै फूटरापै रै सागै ई आध्यातम रै भावां नै ई भेळा राखिया है । आवू में दिलवाडै रै भिंदर री मूरतां देखणियै नै लखावै जाणै घड़ाईदार रै हाथ में टांकी हथोड़ा कोरा फूटरापै नै चावौ करण सारू ई उच्छळ-कूद मचाई व्हेला । रणकपुर, जोधपुर, लौदवा अर जैसलमेर री मूरतां में भरपूर कळाकारी भाड़ियोड़ी है । राजस्थान री अँ मूरतां जगमग करता वै रतन है, जिकां रै वूतै माथै भारत री संस्कृति अँड़ा पळका मारै जिण सूँ चकरबम्ब होय अंधांळी खायोड़ा बारला आं रतनां नै उचकावण सारू काला व्हियोड़ा भटकता भचीड़ खावता फिरै ।

राजस्थान री चितरांम-कला रा गुण बखाणतां आणंदकुमार स्वामी, परसी ब्राउन, अ्रेन. सी. मेहता बीजा इण नै चावी करण रा जतन करिया । पैला पैला ती भिनख इण नै सुगायवौ करिया पण अबै तौ सगळां इण री धाक अगेज ली । अजकाले चितरांम-कळा रा सगळा पारखी मानै के भारत री सांस्कृतिक लांठाई में राजस्थानी चितरांम-कळा री ई अणूतौ हाथ है । अँड़ा ई सैठा खूंटो रै पाण तौ आ संस्कृति अजै ताई आप री मरोड़ रै साथै गरबजोग वणयोड़ी है ।

राजस्थानी चितरांम-कळा रा ठेट जून नमूना ती चंबळघाटी री खोवां, काळीबंगा अर आहड़ रै मळवां सूँ मिळै । मटकां-माटां, मोहरां अर ठांव-ठीकरां माथै मंडियोड़ा लींगटा आं में भेळा है । चितरांम-कळा रा नमूना बीजी कळावां विचै सोरा अळिया-गळिया व्हे, सो घणी जूनी चितरांम-कळा में तौ रिन्द-रोई में नाचणियै मोर आळी व्हे । पागी घणा माथा खपावै किता ई अवखै, पण कठैई बावड़ को लागै नीं । सो घणा जूना चितरांमां री तौ कोई खोज है न खबर ।

तिव्वती लामा तारानाथ आपरी 'बुध-धरम' नांव री पोथी में मरू-खेतार री चितरांम-कळा री थोड़ीक इसारी करची है । १३ वीं सदी सूँ पैला-पैला पाटण, गुर्जरात्र अर मरूदेस में चितरांम मांडण री रीत ही । जैसलमेर रै जैन ग्रन्थ भंडार में कल्पसूत्र सैली रा हवाला मिळै है । १३ वीं सदी रै राजस्थान अर गुजरात में चितरांम पोथियां री रीत जोरां माथै ही । कालकाचार्यकथा, प्रवचनसरोवदर, व्रतिसार (नेमीचन्द्र री रच्योड़ी), सवज्ञपद कामना सुत्तचूणि, कुमुददेव सूर्यभरत, बाहुबळ री रच्योड़ी जैनपटली उत्तराध्ययनसूत्र न्यायतात्पर्यटीका नेमिनाथचरित, नीसितचूर्ण बीजी घणी चोखी जैन-चितरांम पोथियां है । जैन धरम सूँ न्यारी बालगोपाल स्तुति, दुर्गासप्तसती जैडी चितरांम पोथियां रच्योजी । घणकरी इण भांत री पोथियां गुजरात में लाघण सूँ जैन-सैली री नांव गुजरात सैली पड़्यो । आगै आवतां जद आंध्रूणै मुलक में केई जागा अँ पोथियां लाघगी तौ इण नै पछिम सैली सूँ भिनख ओळखण लागा । उण वेळा री साहित अणभ्रंस साहित बाजती सो चितरांम-कळा री आ सैली कठैई कठैई अणभ्रंस सैली कहीजण ठूकगी ।

पैलपोत मेवाड़ में अजन्ता परम्परा री रंग चढियौ अर मेवाड़ी चितरांम-कळा फळण-फूलण ठूकी । मेवाड़ सैली री जोरदार छिब चित्तीड़ रा मेल-माळियां में मंडियोड़ी दीसै ।

१७ वीं सदी पूर्ठ मेवाड़ी चितरांम-कळा माथे मुगली चितरांम सैली री छाप बँटण हूकगी अर तर-तर आ छाप घणी खुलास दीसण लागी । इण वेळा मेवाड़ में जँड़ा सांतरा चितरांम मांडी-जिया बँड़ा पढ़े वळी को ठाहीजिया नों । मेवाड़ में कुशयोड़ा चितरांमां में पळापळ करत पीळ पट्ट अर रातचट्ट रंग री जोर घणी ई रह्यो । ठोंगण-आंगे रा मिनख, गोळण्ट मूंडी, तीखीतच नाक अर मोनाखी आख्यां रा चितरांम मेवाड़ सैली री ओळखाण जोग वातां हे । आं चितरांमां रा गाभा-लत्ता, गैणा-गांठा अर हेटली चौक ई मुगली चितरांमां दाई मांडीजती ।

मेवाड़ आळी दाई पैला पैला री मारवाटी चितरांम कळा माथे अजंता री छाप घणी लखावें । १५ वीं सदी ताईं मारवाड़ में ई जैन चितरांम-पोथ्यां रनीजगी ही, जिकां में सूं केई ती अजै ताईं जैन-भण्डार में ठावी पड़ी हे । मुगलां सूं मारवाड़ र घणियां रा हेत बधिया जद मुगल चितरांम-कळा री रग टीप्यं टीप्यं अठेई चढ़ण लागी । अठे उतारोज्योड़ा भागवत रा चितरांमां में क्रसण अर अरजण रा गाभा मुगलां जँड़ा हे जद के वां र मूँडा रा चितरांम में मारवाड़ी आंगी टपकें । गोपियां रा गाभा-लत्ता ती मारवाड़ी हे, पण वां नै गैणां मुगली पैहराईजया हे । अजीतसिध र सम चितरांम ती कांईं ठा कित्ताईं कोरीजिया पण खंखोळी खावती कामणियां, होळी रमती लुगायां अर मिकार रा चितरांम फूटरा घणा गिरणीजें । विजैसिध अर मानसिध री वेळा भगती र साग ई सिएगार रस र चितरांमां री जोर रह्यो । मारवाड़ी सैली में गठियोडें डील अर मूँटे र फूटरापे माथे जोर राणीजती । मिनखां र गळमुच्छा अर ऊची पागड़ियां कोरीजती । मारवाड़ी चितरांम पैली रातें अर पीळ रंग नै अर १८ वीं सदी में सोनल रंग नै ग्राम काम लेता ।

मारवाड़ी सैली सूं अक नुवीं कूँप बीकानेरी गैली र रूय में फूँटी । इण माथे थोड़ीक पंजाबी कलम री रंग ई चढ़ियो । अठे रा घणी मुगलां साथे लंकाऊ दिग में घणा अरबनिया सो अठे र चितरांमां माथे दिखणी असर ई दीस ।

पैलापैला वूंदी र चितरांमां में मेवाड़ा सैली री लटको आवें । सोळवीं सदी र लारलै पास राव सुरजाण र समे अठेई मुगली असर लखावण हूतें । अठा रा चितरांमां में मिनख री डील ती मेवाड़ी पण नदी-नाळा अर रुखड़ा वूंदी रा कोरीजता । कोटा में वूंदी र लगू-ढगू चितरांम ई बणता ।

फूटरापे रा रसियां नै किसनगढ़ सैली घणी ई मुहावे । सांमतसिध र समे आ सैली राती-माती व्ही । सांमतसिध नागरीदास नांव सूं ई चावी हे । नागरीदास माथे वैष्णव धरम री घाँस ती जमियोड़ी ही अर साग ई वणी-ठणी कहीजण आळी अक लुगाई री रंग ई अणूती चढ़ियोड़ी । नागरीदास अर वणी-ठणी राधा-क्रसण र रंग में रळियोड़ा हा । सो किसनगढ़ र चितरांमां में कळा, प्रेम अर भगती री भेळ लखावें आं चितरांमां में लावें आंगे आळा, लवूतर मूँडे अर तीखी नाक रा मिनख लारली वेळा रा मुगली गाभा ठठायोड़ा मांडीजता । घणा डाळां अर पत्ता सूं लड़ाळूम होयोड़ा रुख, लार दीसती गोदाळा नांव री तळाव, राजदरवार अर मैलमाळियां री रातां र साग ई वणी-ठणी अर नागरीदास रा चितरांम

कोरीजता । किसनगढ़ सैली में कोरीजियोड़ा वणी-ठणी रा चितरांम राजस्थानी चितरांम-कळा रा सांतरा अर फूटराप में अजोड़ नमूना गिणीजै । आं चितरांमां न भारत रै बीजै किणी खुणै रै चितरांमां री जोड़ में ऊभावां ती इक्कीस ई दीसै । नाक में नथ अर मोनाखी आंख्यां कोरीजियोड़ी वणी-ठणी री चितरांम अड़ी जवर है के उण नै गिणायां बिना राजस्थानी चितरांम-कळा री लेखी आधी ई रैय जावै । वणी-ठणी री औ चितरांम, चितरांम-कळा रा पारखियां नै अड़ी सवावणी लागे के घणकरा ती उण नै लियोनाडों डा बिन्सी रै जग चावै चितरांम 'मोना-लिसा' री जोड़ री चितरांम अंगेजण नै तयार है । इण समै रा घणकरा चितरांम निहालचंद नांव रै चितरांमकार रा ठायोड़ा है ।

जैपर अर अनवर री चितरांम-कळा माथे ई मुगली रंग री जोर रह्यौ । नाथद्वारा में मेवाड़ी भांत सू न्यारा चितरांम कोरीजता ।

इत्ती भांत री व्हेतां थकां ई राजस्थानी चितरांम-कळा में अकठपणै रा अलेखू भाव साव सांमा दीसै । घणकरी भांतां में पळापळ करता रंगां सू राग-रागणियां, वारामासा, भागवत, रामायण अर गीत-गोविन्द री वातां कोरीजती । राजस्थानी चितरांम-कळा री सगळी कूपां अजन्ता सू फूटाड़ी होवण सू अ कूपां भारत री चितरांम-कळा रै सांग जुड़गी । घणकरी राजस्थानी सैलियां धकै जावतां मुगली गाभा-लत्ता अर गैणा-गांठा अंगेज लिया ।

राजस्थान में संस्कृत, प्राकृत, अपभ्रंस, डिगळ, राजस्थानी, हिन्दी अर बीजी भासावां रै बघापै सारू कित्ता ई जतन होया । भणार्ई अर साहित रा कांम अठै रै चावै सैरां में उट सू ई व्हेता आया है । सातवीं अर आठवीं सदी में चित्तौड़ अर भीनमाल नै भणार्ई-गुणार्ई री सांतरी ठाड़ा मानीजण रा कित्ता ई साबूत मिळै । चित्तौड़ में जिनभट्ट, हरिभद्र, इलाचार्य, वीरसेन, जिनभद्र सूरी जैड़ा मानीता विद्वांन आपरी पिंडताई सू मानखै नै जगावण जोग कारज साजिया । भीनमाल में ब्रह्मगुप्त, माघ, माहुक, धाइल्ल, मण्डन अर माघ री आल-आलाद में ई माघव जैड़ा धुरन्धरा आप री भणार्ई-गुणार्ई अर सूफ री धाक जमाई । अजयमेरू, जवालीपुर, त्रिभुवन गिरी, आवू, मेड़ता, चन्द्रावती मालव नगर अर चाटसू जैड़ा नगरां भणार्ई री परम्परावां नै सांगेड़ी जमायां राखी । अठै आधे-आधे सू भणार्ई रा भूखा आयर आप री भूख-तिस भांगता । चौवाणां रै समै ती विद्वांनां रै वासै सारू न्यारी ब्रह्मपुरी वणायोड़ी ही । राजस्थान में वेद, धरम, साहित, व्याकरण, गणित, वैदगी, ज्योतिस इत्याद री भणार्ई जोरां माथे ही । भणार्ई री चावी पोसाळां नै राज री छीयां मिळयोड़ी रैती । नगर-सेठ अर बीजा महाजन ई आणै-टाणै आं पोसाळां रै पईसा-टक्कां सू आडा आवता । मध्यकाळ में जद सगळ देस में परम्परा सू चालती भणार्ई कीं मौळी पड़ी ती राजस्थान माथे ई इण री असर पड़ियो । ती ई राजस्थान में माड़ी-मौळी भणार्ई री पुराणकीं रीत पळवी करी ।

राजस्थान रा साहितकारां में सातवीं सदी में भीनमाल रा माघ घणा चांवा है । माघ सिसुपाल वध नांव री पोथी रची । संस्कृत रा धुरन्धरां री कैणी है के काळीदांस री 'उपमावां' महाकवी भरवी री 'अरथ गूढता' अर दण्डी री 'पद लालित्य' अजोड़ ही । संस्कृत रा सगळा जाणकार आं तीनू गुणां री भेळ माघ रै 'सिसुपाल वध' में बतावै । सो कहीज सकै के

काळादास, भैरवी अर दण्डी रा सगळा गुण भेळा होय जिण अक मिनख नै सूं पोज्या उण महाकवी माघ रै साहित सिरजण री जागा राजस्थान ई ही । घिन है इण माटी नै जिण संस्कृत साहित रै इण सगळा सूं जोगै साहितकार नै पनपण अर इत्ती ऊंचाई ताईं पूरण जोग वातावरण निजर कीधी । 'सिसुपालवध' रै नव सरगां में संस्कृत साहित रा सगळा आखर कांम में लिरीज्या । माघ री जाणकारी अर मालदारी नै नीं तो अजै ताईं कोट पूग सकियो है अर नीं उण ऊंचाई माथै पूरण जित्ती गाढ़ किये में ईं होवण री उडीक है ।

भीनमाळ नै ईं गणित अर ज्योतिस रै जाणकार ब्रह्मगुप्त नै जलम देण री जम है । ब्रह्मगुप्त नै आर्यभट्ट अर वराहमिहिर री जोड में ऊभाय सकां उण । 'ब्रह्मसिद्धांत', 'सण्ड्याध्याय' अर 'ध्यानग्रह' जैड़ी नांमी पोथियां रची । चित्तोड़ रै हरिभद्रसूरी 'समराडच्छकथा', 'धूर्तान्यान', 'कथाकोस', 'मुनिपतिचरित', 'यसोधराचरित' जैड़ी जवरदस्त पोथियां रची । १५वीं सदी में माघ री आल-ओलाद में ईं माहुक व्हिणी जिण 'हारमेखला' नांव री पोथी लिखी, जिकी लारै जावतां घणी सराहीजी । हरिभद्रसूरी रै चेलै उदयोतम सूरी ७७८ ई० में जवालीपुर में 'कुवलयमाल कथा' लिखी । इण सूं उण समै रै साहित-संस्कृति री भांन तो व्है ईं पण सानै ईं प्रतिहारां रै इतिहास रा कित्ता ईं अळूभा काढ़ण में उं आ पोथी घणी घाटी आवै । घणकरा इतिहास लिखारा तो इण री साख रै पांण जवालीपुर नै ईं प्रतिहारां रै बटेरां री ठोड़ गिरा अर उदयोतम सूरी नै बत्सराज री दरबारी बनावै । १६२ ई. में भीनमाळ में ईं सिद्धसामूरी आप री पोथी 'उपमितीभवप्रपंचकथा' लिखी । जिनेस्वर सूरी 'लीलावतीकथा' अर 'कथाकोस प्रकरण' जैड़ी पोथियां लिखी । इण जिनेस्वर रै चेलै अभयदेव 'भगवतीमूय' री टीका करी । जिनभद्राचार्य 'सुर-सुन्दरी कथा' अर जैन चन्द्र 'संवेग रंगसाला,' जिनवल्लभ आप री 'संघपट्टक' अर 'पिण्डिविसुद्धप्रकरण', जिनदत्त सूरी आप री 'उपदेसनिकामनसार' अर नरमरी नांव री पोथियां लिखी । मेवाड़ रै हरिसेण 'धरम परीक्षा' नांव री पोथी मांड'र नांव कमायी । राजावां में साहित रै मुजब तो कोरै राजस्थान ईं नीं सगळै भारत में महाराणा कुम्भा री ठोड़ निरवाळी ईं है । कुम्भा 'संगीत राज', 'संगीत मीमांसा' जैड़ी महताऊ पोथियां लिखी, 'चण्डीसतक' री व्याख्या करी । 'गीत गोविन्द' री 'रसिक प्रिया' नांव री टीका लिखी, जिकी कुम्भा रै ईं वृत्ती री बात ही । मेवाड़ी भासा में ईं कुम्भा आप पोथियां रची । कुम्भा रं समै उणरी छत्तारछीयां में संस्कृत अर प्राकृत भासावां रं सागे ईं राजस्थानी री ईं घणी बधापो व्हियो । कुम्भा रै समै रच्योड़ी पोथियां राजस्थानी री पैलड़ी रूप मानीज सकै । घणकरा विद्वान ती पीठवामीसण, मेहळ खगार अर वाग्हठ हरिसूर नै कुम्भा रा दरबारी ईं गिरा । कुम्भा री वेळा रै साहित री अक वळै खास बात आ है के ऊण वेळा सिल्प कळा जैडै तकनीकी विसयां माथै पोथियां रचीजी । मण्डन री नांव आं में सगळा सूं चावो है । मण्डन की लिखोड़ी 'प्रासाद मण्डन' 'राजवल्लभमण्डन' 'देवतामूर्तिप्रकरण' 'वास्तुसार' 'रूप-मण्डन' अर 'वास्तुमण्डन' जैड़ी पोथियां है । मण्डन रै छोटै भाई नाथा 'वस्तुमंजरी' नांव री पोथी इण वेळा ईं रची । 'उद्धारधोरणी', 'कलानिधि' अर 'द्वारदीपिका' नांव री पोथियां री लिखारी मण्डन री बेटो गोविन्द ईं गिराजै । सो कुम्भा री छत्तारछीयां में संगीत अर सिल्प कला जैडा तकनीकी विसयां माथै ईं घणी साहित लिखीजियो ।

कुम्भा रें पछै मेवाड़ में ती जांणी साहित सिरजण री रीत ई मंडगी । अमरसिंघ री वेळा री संस्कृत री सांतरी पोथियां में 'अमरसार' अर 'अमरभूषण' घणीज चावी है ! राजसिंघ नै अमर करण री काम रणछोड़ भट्ट 'अमर काव्य' अर 'राजप्रसस्ति' लिख'र करची । रणछोड़ भट्ट राणां री करणी रें सागै ई, गाभा-लत्ता, गैणा-गांठा, तुलादान, दिवाळी, जौहर अर घरम री अलेखां रीत-पांत री बखांण कर'र आप री लिखाई री सांस्कृतिक मोल अगूती ई बधा लियो । १७ वीं सदी में ई सदासिव रें २२ सरगां में रच्योई 'राजरत्नाकर' में उण वेळा रें मानखें अर रीत-पांत री बखांण है । मेवाड़ में इतिहास री अलेखां पोथियां लिखीजी, जिकी राजस्थांनी रीत-पांत अर इतिहास सारू तो अमोल है ई भारत रें इतिहास री किस्तीक लुकियोड़ी बातां आं रें पांण ई उघाड़ीज सकीजी ।

मारवाड़ ई साहित सिरजण में मुड़दार को रह्यो नीं । म्हाराजा गजसिंघ चवदै कविया नै लाख पसाव बखसिया । गजसिंघ री आसरी मिळियां ई हेमकवि 'गुणभासा' अर केसवदास 'गुण रूपक' जैड़ी साहित री पोथियां रचण जोग व्हे सकिया । जसवंत सिंघ साहितकारां नै ती लाड-कोड सूं राखती ई आपी आप सागैड़ी लिखारी ही । 'आणद विलास' 'सिद्धांतसार' 'अनुभवप्रकास' अर 'सिद्धान्त बोध' आप जसवंत सिंघ रें रचियोड़ी मानीजै । सूरत मिश्र, नरहरिदास जैड़ा मानीता कवी अर नैरासी जैड़ा इतिहास लिखारा जसवंत सिंघ रें समै ई जग-उजास करची । अभयसिंघ री वेळा तीन भारी लिखारा ब्हिया । अक जग-जीवन जिण 'अभ्युदय' लिखियो, बीजी सूरजप्रकास री 'रचणहार करणीदांन' अर तीजी बीरमाण जिण राज-रूपक री सिरजण करची । मान सिंघ री वेळा ती साहित रा भील-तन्नाव ओटै ई ब्हैग्या । 'नाथ चरित', 'कसण विलास', 'पंचवली', 'मान विचार' घणी चावी पोथ्यां है । वांकीदास री 'मानजसो मण्डन' अर ऐतिहासिक बातां राजस्थांनी इतिहास अर रीत-पांत रा भरणा ई है ।

पैली जांगल नांव सूं चावी बीकानेर ई साहित सिरजण में ओछी को उतरियो नीं । राजपूताने री कर्ण कहीजणियो रायसिंघ आप 'महोत्सव' अर 'ज्योतिस रचनाकर' रच्या । गंगानन्द मैथिल री 'कर्ण भूषण' ई घणी चावी है । अनूपसिंघ आप न्यारै-न्यारै बिसयां माथै पोथियां रची । 'अनूप विवेक', 'काम प्रबोध', अर गीत गोविन्द री 'वनुपोदय' टीका घणी सराहीजी । मणीराम दीक्षित, मद्रराम, अनन्त भद्र जैड़ा मानीता विद्वानां किस्ती ई पोथियां लिखी । अनुपसिंघ रें दरवार में साहजहां रें संगीतकार जनादेन भट्ट री वेटी भावभट्ट ही, जिण संगीत माथै केई रचनावां करी । जोरावरसिंघ रें समै 'वैदकसार', 'रसिकप्रिया', अर 'कवि-प्रिया' री टीकावां हुई । गजसिंघ री वेळा गोपीनाथ 'ग्रंथराज' लिखी ।

हाड़ीती रा राजा ई साहित री सेवा करण में फोरा को उतरिया नीं । सूरजमल मिसण १८६७ ई. में 'वंस भास्कर' लिख'र वूंदी-कोटा रें सागै ई समूदे राजस्थांन री इतिहास लिखियो । हूंगरपुर में १६ वीं सदी रा भट्ट सोमदत्त घणा चावा ब्हिया । यूं ई वांसवाड़ा में

संमरसिंघ अर कुसालसिंघ री वेळा साहित सिरजण व्हयी । प्रतापगढ़ में पं. जंदेव 'हरिविजय' नाटक रच'र प्रतापगढ़ री नांव उजागर करची । किसनगढ़ रा लिखारां में नागरीदासजी आप ई ब्रज भासा रा जोगा कवी मानीजै ।

अपरंच साहित सिरजण तो अजी तांई आंख्यां आगी है पण अठे घणकरी भणार्ई मूंडे रटीजती । चारण-भाटां री कवितावां पीढ़ी-दर-पीढ़ी घोकीजतां-घोकीजतां ठा नीं कद फुरं व्हे जाती सो अठा रै साहित-सिरजण री थाह तो कठे ई है ई कोनीं । छोटी-मोटी पोथ्यां तो अठे गिणती में ई कोनी आय सकै । अकलै राणा कुंभा री वेळा कोरै खर्तरगच्छ के तपागच्छ आळां री पोथ्यां पढ़ण लागां तो आखी ऊमर ई गळ जावे, तूण्डी आवै ई कोनी ।

राजस्थान री ख्यातां ती खीर निरवाळी है ई । अँ राजस्थान रै सागी ई भारत रा इतिहास रा किता ई मुद्दां नै उजागर करै । संगीत अर सिल्प जीड़ा हूनरां माथी अलेखां पोथियां अठे रचीजण सून राजस्थान री साहित अमोल अर अमर व्हेगी ।

भोळावण

'जागती जीत' री रचनायां मायें आपरा गुलासा कागद ग्हांरो लांठी मदद व्हेता । रचनायां नै पूरी-पूरी यांचो अर ये आपन कंई कांई लागे, अवस संपादक रै पतें कागद लिखावो ।

— संपादक

ओक जात्रा जबरी
 वरखा बहार आई
 डाँ0 नटसिंघ राजपुरोहित

उण दिन वीकामेर सून जोधपुर आवणी हो। रात री गाडी में स्लिपिंग कोच री बर्थ रिजर्वेशन री कोसिस करी पण वातड़ी बैठी कोनीं। भाई लोग बोल्या—क्यूं फिकर करै यार, कंडक्टर नै पटायां अैन वखत माथे ई वातड़ी बैठ जासी। दो-च्यार सीटां हर वखत प्राईवेट में रह्या करै। टुकड़ी नाख्यो के बर्थ तयार। हाथ पोली ती जगत गोली। इण में चिंता करै जिसो वात काई ई? इण वास्त अवार तो सीटिंग री रिजर्वेशन कारायलां अर पछे सै ठीक व्हे जासी।

पण बाई रा भांभर वाजणा अर वीर री और सुभाव। सो टुकड़ी नाखण वाली वात म्हन कीं जचो कोनीं। छतांपण पैली सीटिंग वाली जुगाड़ बिठायी अर टिगट लेय'र जेव रै हवालै कियो।

म्हनै आछी तरियां याद है, उण दिन मौसम कीं खराब हो। सियाळ री रुत अर आभे में घटाटोप वादळिया। रैय-रैय'र डांफर चालती अर हाडका घूजण लागता। रँळवा व्हेग्यो हो महावटी होवरण वाळी हो। इसी वखत में नीं घर वारै निकळण री मन व्हे अर नीं घर में ई मन लागै। फेर म्हं ती सगां रै अठै मेहमान बण'र आयीं सो आखी दिन बंद कमरे में पलंग माथे बैठी-बैठी वोर व्हेग्यो। सगां री मूंघी मनवार, अणूंती खातरदारी अर लच्छेदार वातां ई मौसम उदासी नै नीं तोड़ सकी। सगीजी म्हारा मोस्ट ओबिडियेंट किसम रा हसवैड है। वं सगीजी नै पूछ्यां बिनां पांवडी ई नीं भरै। उवासी आवै ती ई सगीजी नै पूछ'र लेवै। उणां ढळत दिन री वारै जावण री प्रोग्राम बणाया पण होम गवर्नमेंट री अनुमति नीं मिलण सून वी ई कौंसिल व्हेग्यो।

राम-राम करता रात री आठ वजी। जीम-जूंटर बैठा ती आलस आवण लाग्यो। सगीजी री किरपा सून पेट खासी वजनी व्हेग्यो हो। पण गाडी री टेम होवरण वाळी हो अर

म्हने जावणी जरूरी ही इण वास्ते आळस कियों पार पड़तो । टेसण जावण खातर दो साईकिलां माथे ऊंठा पर पिलांण कसें ज्यूं सामान कस्यी अर घर सून रवाने व्हिया । सगीजी पडदे रो ओट सून कैवायी—फेरुं आया ! म्हें मन में कही—आसूयूं ती खरी सगीजी पण सियाळा में नीं, मतीरा वाली मोसम में आवण रो कोसिस करसूयूं ।

गली छोड़'र गवर्नमेंट प्रेस रे साम्ही आया ती सफा सूनी पड़ी सडक माथे खरगज आपरा पूरा परिवार सांगे । मारेथन दोड़ रो अभ्यास करता निगे आया । अर वडां अरवडां-वरगडां-वरगडां जे साईकिल रा ब्रेक नीं दावूं ती बाथ घाल'र मिलणी व्हे जाती । खरराज रे फेमिली रो पलटण खासी लांबी ही । ओ मस्त जीव फेमिली प्लानिंग रो ध्यान क्यूं राखती । पळटण रो छंली सदस्य जद आभी कांती ऊंची मूंडी कर'र सप्तम सुर में प्रेम सून गलामी वजावतो आगे होय'र निकळग्यो ती सगीजी बोल्या-सुगन ती आज सांगेडा व्हिया । म्हें मुळकर पड्तर दियो—वीकानेर में इण सुगनां रो कांईं कमी ? निजर नांवां जठी नै ईं अ ती गळी-गळी में मोकळाई निगे आगे । वे ही ही कर'र हंसण लाग्या । स्वात म्हारी बात रो सत्यता अनुभव रे आधार माथे स्वीकार कर लीची ही ।

वजार रो भीड़ सून जूंभता अर थेई थेई करता घणा कळापां सून रेल्वे क्रॉसिंग माथे पूगा ती आगे मारग वन्द । मोटरां, तांगां, स्कूटरां अर साईकिलां रो जांणें प्रदर्शणी लाग्योड़ी । भीड़ रो दरियो हिलोळा खावे । च्यारुंमेर कोरा ओटक निगे आगे । सगीजी सवालिया निजर सून म्हारें कांती देख्यो—गाडी में घणी जेज कोनी बोली अगे कांईं करणी ? म्हें नाछी हारघोड़ी निजरां सून जवाव दियो—जो कछु होहि राम रचि राखा ! पूरा पच्चीस चिनट रो तपसा कियों पछे फाटक खुल्यो अर मीनखां रो रेली भाखरां रो नहर रे ज्यूं अरडाट करती वेंवण लाग्यो । ठेट टेसण पूगा-पूगा जितरे म्हने कोलंवस सांगे पूरी सहानुभूति व्हेगी ।

ढपला करती सेठाणी रे ज्यूं आभी आंसूडा टपकावण लाग्यो ही । प्लेटफार्मे माथे पूगा जितरे म्हारी जाड़ी वाजण लागी । म्हने किसन सुदामा रो वा कथा याद आयगी, जिण में वे दोन्युं जणा गुरु संदीपन खातर लकडियां चुगण ने जावे अर उठे मेह अर डांफर में अलूभूर सुदामा रो जाड़ी वाजण लागी । गनीमत आ रही के सगीजी म्हने किसन रे ज्यूं चणा चावण वाळी बात नीं पूछी अर म्हारें माथे मेहर कर'र गरमा-गरम कॉफी रो भागदार प्याली लाय'र पेस कियो । म्हें तन-मन सून सगीजी रे चूडा-चूनड़ी रो आसीस दीची ।

स्लीपिंग कोच में करीब करीब सगळा मुसाफर आयग्या हा । म्हें ई जाय'र म्हारी सीट संभाळी । जिणारी सीटां रिजर्व ही वे नेहचा सून पसरघोड़ा बंठां हा । अर जिकां ने सीटां रो जरूरत ही, वे कंडक्टर रे च्यारुंमेर माखियां ज्यूं भांगे हा । अक मोटी तूंद अर ढीली धोती वाळी सेठ वर्थ रो फिराक में ही ।

उण कंडक्टर नै पटावण खातर आपग नौकर नै भेज्यो । नौकर छेला किसम रो अक अवारा छोकरो ही जो आख्यां में काजळ सारचां बात करती वसत रुळियार रांड रे ज्यूं मटका करती । थोड़ीक ताल में छोगे सिनेमाई हीरो रो तर्ज में गीत गुणगुणावतो

पाछी आयी—वरखा बहार आई....अखियां में प्यास लाई....वरखा बहार ! होठों सूं सीटी बजावतां उए सेठों री हथाळी में टिंगट इए भांत धरियो जाणे तेनसिध अवेरेस्ट विजय कर'र आयी व्हे ।

सेठ हें-हें कर'र पीळा-पीळा सगला दांत काढती बोल्यो—पांच री ठीइ दस लागग्या ती जाईजो म्हारा बाप सागे । जाणांला के दुकांन माथे अक गिराक ओछो ई आयी । रात ती सुख सूं बीतला । बात सागे उएरै मूंडे सूं बदबू री अक भभकी सो निकळयो अर म्हें मूडी दूजै कांती फेर लियो । गनीमत रही के सेठ ने सीट दूजी कांती मिळी ही । नीं ती थोड़ीक ताळ में बदबू सूं माथो फाटण लाग जावती । छोकरी सीटी बजावती सळियार डांगर रै ज्यूं गेलैरी में अठी-उठी फिरण लाग्यो ।

नेहचा सूं बैठयां पछै म्हें च्याहूँमेर निजर फेरी, तो म्हारी सीट माथे बारी रै कनै अक फीजी अफसर बेठी निगे आयी । अपटूडेट पोसाक में धाकड़ किसम री आदमी । डीगी पूजती, मातो मतवाळी अर गोरी निछोर । मोटी मोटी प्याला जिसी आख्यां अर बिच्छु रै डंक जिसी बट दियोड़ी मूछां । वो उदास आख्यां सूं बारली कांती देखै ही । सांम्हली सीट माथे बाबू किसम रा दो आधकड़ आदमी बैठ्या हा । सूटेइ-बुटेइ खड़ी खम्म । अक री खोपड़ी गंजी ही अर बत्ती रा चांदणा में पळापळ चमकै ही । कोई तबलची री निजर पड़ जावै ती संगत करण री हूस आय जावै । थोड़ीक ताळ में कंडक्टर ई म्हारे कनै आय'र बैठग्यो ।

अधकचरी नगरीय सभ्यता में कोई असंघा मिनख सूं एक दम ओळखाण करणी असभ्यता गिणीजै । पण गांवठी आदमी होवण सूं म्हारी ती आदत है के म्हूं मुसाफिरी में सहजात्रियां सूं वारी साधारण परिचय पूछ ई लेवूं । इए सूं अक ती आपसरी बतल में जात्रा सुखद वण जावै अर दूजी जाण-पहचाण री दायरी ई बधै । पण जे अल्ट्रा मोडरेट किसम री कोई प्राणी इण में अंतराज मानै ती उएरै लारै घुड़ वाल दूं ।

आज ई इए सज्जनां सूं ओळखाण करी ती जाण पड़ी के फीजी आदमी री नाम संभूसिध परमार है अर वो इंडियन आरमी में कप्तान रै ओहदे माथे काम करै । गंजी टाट वाली आदमी के०डी० सरमा है अर बिजली विभाग में ऑफिस सुपरिटेण्डेंट री काम करै । तीजी आदमी जिणरै चौकै रा दांत कीं लांबा होवण सूं बारै आयोड़ा हा, अमरनाथ व्यास ही अर वो पी. डब्लू. डी. रा महकमा में हेड क्लर्क ही । कंडक्टर री छाती माथे चमचमाट कर-तीड़ी पीतल री नेम प्लेट लाग्योड़ी ई ही—पी. एल. गुप्ता—सो उएरी नाम ठाम पूछण री जरूरत ई कोनीं पड़ी ।

गाडी टेसण छोड़ण वाली ई ही के अक गांवठी आदमी आपरी लुगाई सांगै हळफळती थकी कोच में बड़ियो । आदमी अधबूढ़ सो ही अर लुगाई फालरा व्हे जिसी माल-मोटचार । काजल टीकी सूं टंच अर गहणै गांठे कड़ाजूड़ । रंग गजब री गोरो अर आखें-नाकें फूटरी । बिहारी री नायका जिसी । आदमी दूज वर लागै ही । कंडक्टर वारा टिंगट चेक किया अर बतायो के ऊपरली बर्थ अर नीचली दो सीटां वारै खातर ही । दोन्यू प्राणी म्हारे सांम्ही बाबू लोगां रै कनै बैठग्या ।

—किसी गांव थारी ? म्हें पूछ्यो । ...

—सांचोर ।

—काई नाम ?

— नाम ती भगवान री, म्हारी नाम लाघूराम ।

—अठे ?

—भतीजी नीकरी करे मिळण न आया ।

गाडकी रवाने व्ही ती थोड़ी नेहची व्हियो । लाघू साफी सीट माथे राख'र आपरे मोडिये माथे पर प्रेम सून हाथ फेरण लाग्यो । गाडी री नावा-दीड में इण ठंड में ई उणरे लिलाड माथे पसीनी चमकण लाग्यो हो । वो मूंडे मूँ निसकागे नाग'र अगोछे मूँ माथे री परसेवी पूछण लाग्यो तो लुगाई उणरे सांम्ही देख'र मुळकण लागी । लाघू न उणरी आ हरकत नागवार गुजरी । वो आंख्यां काढ'र बोल्थी—के बात है ?

लुगाई आपरे मूंडे आडो पल्ली राख'र भीणे सुर में धीरे सीक बोली—कडे ? कीं कोनीं । पण उणरी आंख्यां हंसै ही । म्हने कवी री वा उक्ति याद आयगी जिकी उण लिखनी वावत कही—पुरुष पुरातन की वधु क्यों न चंचला होय ?

कप्तान लुगाई कांनी खरी मीट सून देवती बोल्थी— वेगी प्लीजेंट व्हेदर ।

—वट ओनली इन द कोच । म्हारे मूंडे मूँ निकळ्यो । अबके बाबू लोगां पर कंठ-कंठ रै हंसण री वारी ही । टाटियो बाबू तो इतरी जोर मूँ हंस्यो के लाघू पचरीज्यो । उण सहज बुद्धी सून अंदाज लगाय लियो के हंसी री कारण व्ही न व्ही वो अर उणरी लुगाई इज है । केवत है के कुंभार कुंभारी सून पार नीं पावे जद गर्वही रा कान मसळ । वो लुगाई माथे आखती होय 'र बोल्थी— के दांतिया तिरड़ावे है फीं-फीं-फीं ! के लाघो है ? जा ऊपर कांवळकी विछाय 'र सोयजा ।

—ऊं.... ऊं.... S S S ! लुगाई नाजुकता सून कसमसाई ।

—ऊं S S S ! लाघू उणरी कूंटियां काढती बोल्थी—ऊं S S ! तो ऊपर कुण थारी वाप सोयसी ! रुपिया साडी च्यार रोकड़ा काढ'र दिया है । पीसा मुफ्त में कोनीं आवे । नगरा करे है नाजूडी । अर उण अक प्योर वेजिटेशन गाल ठरकायदी ।

धणी लुगाई री रोचक संवाद सुण'र अवारा छोकरी गळियारे में फिरती-फिरती उठे आय'र ऊभग्यी । वो लुगाई कांनी देख'र गावण लाग्यो—वरखा बहार आई.... अगियां में प्यास छाई.... वरखा बहार ।

—के माथे आय'र टिरं-टिरं करे है वेटी रा वाप ? आधी बसू वळै नी । अठे ती आगे ई धरणी देण है । लाघू जूँजळ खाय'र बोल्थी ।

—तुम्हारे बाप का क्या लिया, गाता हूँ तो मेरे मुँह से गाता हूँ—छोकरी ई ताती व्हे'र बोल्थी—गाडी तुम्हारे बाप की नहीं, सब टिकिट लेकर बैठे हैं। तुम मना करने वाले कौन होते हो ?

—यू ब्लडी नोनसेंस, गेट आउट ! फीजी इतरीं जोर सूं घड़क्यो के छोकरी बुलडोग नै देख'र कूकरियो नाठे ज्यूं पूछ पगा में दाव'र छू बण्यो।

गाडी होळी होळी स्पीड पकड़ लीवी अर कंडक्टर अक चक्कर लगाय'र ताळा-कूंची कज्जे कर'र पाछी सागरा ठोड़ आग'र बैठग्यो।

अठिनै धरणी लुगाई री संवाद चालू हो।

—जा, जा चढ़जा ऊपर ! सीट खाली पड़ी है।

—म्हासू ती कोनीं चढ़ीजै इण सूळी माथै। लुगाई आंती आय'र बोली।

—के कोनीं चढ़ीजै भली मिनख। अक पग इन्नै, अक पग उन्नै अर पछै हिरण्यो फदाकै ज्यूं कूद'र चढ़जा फदाक करतीड़ी।

—अर जे नीची पड़गी ती ? लुगाई हंसती थकी बोली।

—अरे पड़सी ती मूह ऊंचाय लेसू। लाघू मुळकण लागी।

—ती पछै ऊंचाय'र सुवांण क्यूनीं दे यार ! दांतल बाबू हंसती थकी बोल्थी—नाजुक बदन है विचारी।

—यस-यस व्हाई नोट, व्हाई नोट। कप्तान ताईद कीवी। सांम्हली ऊपरली बर्थ वारी खुदरी हो।

छेवट नतिजी श्री निकळची के सगळां रै कैवण सूं बापड़ी लुगाई नै ऊपर चढ़णी पड़ची अर कांवलकी ओढ'र सूवणी पड़ची।

नीचै सीटों माथै बातां रा गडिद उडण लाग्या। हाट बजार सूं लगाय'र देस-विदेस तांई री चरचा व्हेगी। छेवट वात जमानै री नाजुकता माथै आय'र अटकगी। सगळां री आम राय ही के जमाने अंगाई माड़ी आयग्यो, धाप'र फोरी। हाथ-हाथ नै खावै जिसी। मिनख में सू मिनखपणी ई जावती रह्यो। ईमान-धरम सै हूबग्या। खोस खावणा अर नाठ जावणा री टम आयगी। च्यारूमेर कूड़-कपट, बेईमानी, जाळसाजी अर धोखेबाजी री घुंसी बाजण लाग्यो। अष्टाचार री ती हद ई व्हेगी।

म्हने यूं लखायो जाणै मूह सतजुग में पूगय्यो हू अर म्हारे सांम्ही सत रा पूतळा ई बैठा है। कंडक्टर ई कीं फवती वात कैय'र मंडळी में आपरी सिक्की जमावणी चावती पण कीं वात ध्यान में नीं आवण सूं बोलणवाळां रै मूंडै कानी देखै हो। म्हने उगरी मुख-मुद्रा घणी मजैदार लागी।

गाड़ी अर्बे रवड़क घम-घम ! रवड़क घम-घम री ताळ-छोड़'र ताकड़ घिन्ना...
ताकड़-घिन्ना री तर्ज माथे नाचण लागगी ही ।

बैठक सांतरी जम्प्योड़ी ही । बहस नै ठेट दूंक ताईं पुभावतां श्रेक जणो बोल्थी--मुलक में
कितरी भ्रस्टवाड़ी फैलग्यो । दुकाळ जिसी कुटेम में ई भाई करोड़ा रुपिया डकारग्या । म्हारी
बस पूर्ण तो इसा हरांमखोरां नै फांसी माथे लटकाय दूँ ।

म्हने इण वातां में अणूँती ई रस आयो । इण वास्ते लाधूराम नै गळियारें में दरी
बिछावती देख'र ई म्हूँ जम'र बैठी रह्यो । इतराक में जुगाई ऊपर सूँ बोली--म्हूँ ई नीचे
आस्युँ ।

—क्यूँ ऊपर कांटा चुभै है के ? छांती बोली पड़ी रंवेनी भली मिनग्य ! सुर्ग कोनी
सा'ब लोग देस काल री किसीक सोवणी वातां करे ।

—अजी कोरा सरकारी नौकरां नै ई क्यूँ भांडी ? कंडक्टर कणाकली चुप बैठ्यो-बैठ्यो
अमूँजीजग्यो ही । सो बात री तूटोड़ी तार सांघती बोल्थी—अं वैपारी किता कम है ! भेळ-सेळ,
जमाखोरी अर धोखाधड़ी सूँ जनता नै दोन्युँ हाथां सूँ नूटे, साधारण मिनग्य री ती जीवणी
ई कठण कर दियो हरामखोरां ।

—लेट देम गो इन दी हेल माई डियर, नाउ वी सैल अैनज्याय । कप्तान आपरें धनें
में सूँ विलायती दारू री बोतल वारें काढती बोल्थी—भाई थिक यू विल कंपनी मी ?

—व्हाई नोट, व्हाई नोट ! दोन्युँ बाबूड़ा श्रेकण सागें ई उंतावळा व्हे'र बोल्था ।
—बोतल देख'र वारें लाळां पड़ण लागगी ही ।

पूरा कोच में स्यापी छापीड़ी । ठंडक अर छांटा छड़ियो होवरा सूँ लोगड़ा बारिपां
बंद कर'र बखं पूगी जठेई टांगड़ा लांवा कियां सूयगा । जाग ही तो फगत म्हांवाळी इण दोन्युँ
सीटां माथे । जठे बहसवाजी बंद व्हेय'र मेहफल सरू व्हेगी ही ।

डग....डग !डग....डग !

गिलास फगत श्रेक ई ही । कप्तान नै विचार में पड़्यो देख'र कंडक्टर बोल्थी—श्रेक
सूँ ई चालैला कप्तान साब ! आप क्यूँ विचार करो ।

—हां....हां....ठीक है, ठीक है । इण में कांई फरक पड़े । पीवण इकां पछे
दुभांत क्यूँ ?

गिलास वारी सर फिरण लाग्यो अर फिरती-फिरती म्हारे कांती आयो तो म्है हाथ
जोड़ दिया ।

—क्यूँ ? ओ तो देवी री परसाद, इण में कांई अंतराज ? कंडक्टर बोल्थी ।

—मूं माफी चावू ! म्हे नरमाई सूं कहची ।

स्यात म्हेन जागती वैठी देख'र बातां में रस लेती देख'र उणां गळत अंदाज लगाय लियो व्हेला । कारण के वारी आख्यां में श्री सवाल उपडती निगै आयी के ती मूं वैठी क्यूं ?

कप्तान रै थैले में स्यात मुफत री माल ही नसै री ढेर अक-अक कर'र तीन बोतलां श्रीरू निकाली । होळी-होळी सगळाई घोडै माथै असवारी कर ली । कंडक्टर ती अंगाई फें व्हेग्यी । वी हाथ जोड'र कप्तान नै कंवण लाग्यी— एक बोतल श्रीरू सा'व अक श्रीरू । पैसां री आप फिकर मत करजी । सो-दो सो मूं हरेक ट्रिप में कबाड़ लू । अर वी जेव में हाथ घाल'र नोट वारै काढ़ण लाग्यी ।

—लै रैवण दै यार थारा पैसा । कांई वानगी बतावै । म्हां वालै मेहकमै में रोजिना सो-पचास ती साधारण बावू कबाड़ लेवै । टाटियो बावू अटकती-अटकती बोल्या ।

—जद ती थें लाखां रुपिया जोड़ लिया व्हेला ।

—अरे जोडै फेर कांई जोड़ लिया यार—दांतल बावू रीसां वळती बोल्या—बापू नगर में सरमाजी री अक लाख री ती मकान ई है ।

—अर व्यासजी री वंगळी म्हा सूं ईं सवायो है ।

—व्हेला वापसी ! कप्तान सा'व फगत अक प्लीज ! कंडक्टर री फोहू देखण जोग ही ।

—यू वलडी—अर कप्तान हंसतै थकै अक बोतल श्रीरू वारै काढी ।

अवकाळै बोतल खतम व्हेतां-व्हेतां मामली 'आउट ऑफ कंट्रोल' व्हेग्यी । दांतल बावू ती बाकी फाड़'र उठै ई सीट माथै गुडकग्यी अर कंडक्टर'र टाटियो बावू आपसरी में भौड़ करण लाग्या—

—पग नीचै राख अरे !

—क्यूं गाड़ी थारै वाप री है ?

—भौड़ मत कर कमीण ।

—कमीण थूं अर थारी वाप ।

—थारी वाप स्साळा, भापड़ घरू ला अवार ।

—भड़वा स्साळा ! अर कंडक्टर वांयां चढावण लाग्यी । सगळै कोच में जाग व्हेगी अर लोग-वाग गळा काढ़ काढ़'र देखण लाग्या । आवारा छोकरा नै मजी आयग्यी । वी वरखा वहार आई गुणगुणावती म्हारै कनै आय'र ऊभो व्हेग्यी अर मलजुद्ध री उडीक करण लाग्यी । लुगावडी हाका हूबो सुण'र कांबलकी ओढली अर चापळ'र सूयगी । गळियारै में सूतै लावू नै लोगडा चीथण लाग्या ती उणारी आंख खुली अर वी हाक वाक व्हियौडो देखण लाग्यी । दोन्यूं जूंभार वाथ्यां आयग्या हा के कप्तान बीच में कूदची । —यू डेम वलडी—अर अक भटकै सूं कंडक्टर नै सीट माथै नांख दियो अर धक्की देय'र बावूडै नै सीटां रै बिचाळै सूवाण दियो । थोडीक ताळ दोन्यूं जणां बड़-बड़

करता रह्या अर पछै सै कीं सांत व्हेग्यो । नाटक' री पटाखेप वेगी ई व्हियो । कप्तान ऊपर जाय'र सूयगी अर म्हैई गळियारै में दरी विछायली ।

सियाळी री रात अर माथै महावटी । थोड़ी ताळ में पूरै कोच में सोपी पड़ग्यो । गाड़ी ताळ-लय सूं निरत करती दौड़ती री अर ऊंघ-ऊंघ में न जाएँ कितरा टेसण लारै छुटग्या । किए नै ई बोलती सुण'र अंचाणचक म्हारी नींद उठगी ! कोई कैवै हो— वारी बंद कर यार, छांटा आवै ! पण किणीं ध्यान नों दियो । डिम लाइट में म्है ध्यान सूं देख्यो ती जाण पड़ी के टाटियो बावू सीट पर सूता दांतल बावू ने आ बात बार-बार कैवै हो । दांतल बावू आख्यां मींच्यां ई पड़घै-पड़घै वारी माथै हाथ फेर'र कह्यो—वारी तो बंद है यार !

—तो पछै इतरा छांटा कठै सूं आवै यार ! म्हारा तो कपड़ा ई आला व्हेग्या ।

—हां छांटा ती म्हारै ई लागै.....पण.....पण.... वारी तो बंद है ।

—तो पछै काई छत फूटगी ? अरड़ात करती वा छांट आवै यार ।

दोनूँ नसा में चूंच व्हियोड़ा, आख्यां ई नीं ऊवटै हो । पण छांटां सूं नहचो कर'र सूवणी कठण हो । कंडक्टर ई उठनै बैठो व्हेग्यो अर मूंडा माथै हाथ फेरण लाग्यो । स्यात् उणरै ई वा छांट लागी हो । उण ऊठ'र खटाक सी लाइट कर दी । शिर्च में संचन्नण व्हेग्यो । चानणी व्हेतां ईं सै सूं पैली ऊपरली बयं पर सूती जुगाई री आवाज सुणीजी....वा जोर सूं कूकी....अरे वाई !

म्हारी निजर ऊपरली सीटां कांनी गईं तो संरम सूं मांयो नीचो व्हेग्यो । कप्तान नसा में घुत्त, सीट सूं टांगड़ा नीचा लटकायां आख्यां मींच'र नेहचा सूं लघुसंका निवारण करै हो । पछै तो बावूड़ा अर कंडक्टर मिल'र बी रोळी मचायो के कोच में सगळै मुसाफरां नै जगाय दिया । पण जितरै वं कप्तान सा'व आपरी काम निवेड़'र पाछा घोर घांचण लागग्या हा । कंडक्टर रीसां वळतै उणांनै भिभौड़'र जगावण री कोसिस करी तो हाथ सीधो पिस्तील माथै पड़यो— यू वलडी.....नोनसैस !

इणरै पछै किणीं चूंकारी ई नीं कियो । वास बेसिन माथै हाथ मूंडा घोय, कपड़ा बदळ'र सगळा ई चुपचाप सोयग्या ।

दिनूँ गै गाड़ी जोधपुर पूगी तो संगेळाई उतरण सारूँ साथावळ करण लाग्या । म्है कंडक्टर नै कह्यो— कप्तान सा'व नै जगावो कोनीं ।

—मरण दी यार ! तीनूँ आसामियां अक सागईं बोली । सेठ वाळी आवारा नीकर डिव्वै सूं उतरती-उतरती ई मस्ती सूं गावै हो — वरखा बहार आई वरखा !

★ ★ ★

अफसरी : ओक लखाण

किरण नाहटा

कुरसी रौ संजीवण परस पायः

तर तर तणती जावै

म्हारौ श्री डील

अर लगोलग बघती जावै—आंतरौ

म्हारै अर म्हारै हेताळवां बिच्चै

काल ताईं जिणां रौ आकासी अट्टास

हौ म्हारै ई अंतर रौ उजास

आज वां रौ ई मुळकौ

काळजै करोत-सी बावै

सकाळू मन

भौळा खिरगोसिया उणियारां माथै देखै—

ऊदबिलावी आख्यां

भाबरिया कांत

अर केहरी दाढ़ां

खुद रौ पड़बिम्ब

लीलै आभै में भंवती सिकरी मन

जीवत गिटणा चावै

ऊजळी बेकळू माथै किलोळां करता

नान्हा जीव-जिनावर
 उरगिया, सुसिया अर कूकरिया
 जद जद आंख्यां हेटे फिरती दीखे
 पांगली जामरा खातर
 पांवडै-पांवडै खटती रामदीन
 वेटी रै पांगरते डील सागं
 सूकती
 पैसन-भीरू, वीरू
 अर खुद री डिगरियां अर फाईलां रै वोभ
 लुळ-लुळ'र पड़ती
 नवोड़ी बाबू धीरू
 आं सगळां रा लटाफोरी करता चितरांम
 मन में अणमावती मोद भरै
 अर म्हारी मन
 बंगलां-बंगलां
 सैरां-सैरां
 लुगायां-लुगायां
 प्रमोसनां-प्रमोसनां सरसराती फिरै
 अर जद बावड़े अर घिरै
 तो मुजरा, अरदासां अर जुहारड़ा
 वां सगळां नै
 जिका म्हारै सूं सिरै
 हाकमी अर चाकरी
 चाकरी अर हाकमी
 अरे म्हारा सोल्याळ मन
 नीं जाणू
 के है थारी गत
 थारी मत
 थारी सत

★ ★ ★

जिन्दगांणी कठै

भागीरथ सिंघ भाग्य

ला जीवूं चैन सूं जिन्दगांणी कठै
डूब मर ज्याऊं ढकणी में पांणी कठै
भागंतं भूत रौ वाल कांबळ विह्यौ
अब बता सरदियां औ बितांणी कठै
थे कैवी ती बलद बण उमर काढ़ दू
तेल निकळ तिलां में वा घांणी कठै
देवतां नै हियै में रमाऊं कियां
रामजी पीर मिनखां री जाणी कठै
लोग बातां में देखै गजल री कड़ी
और गजलां में पूछै कहांणी कठै

* * *

जसः

रमेस मयंक

समदर ज्यूं पसरचोड़ी
आदमी री मगज
पांणी में ऊठता
वड़वड़ा री भांत
सोचती-विचारती रैवै
पण
करै-धरै कीं नीं
—सगळी ई विरथा जासी
आ ती जमांना री रीत
के कैवा आळा करतां
करवा आळी ई
सगळां रै मूंडे
सरावण री जस पासी

* * *

उण री आंख्यां में

अरजुन देव चारण

उण कद देखियौ
सूरज री डूबणी
अर ऊगणी चांद री
भूख गंलीजियौ वी
तड़फा तोड़ै
अठी-उठी पचै
अर बावड़-बावड़'र माथी फोड़ै
खावणी चावै सेवट कुत्ती
आपरा ई जायां नै....

Q.2 { फूलती नसां
खींचण ठूकै
रगत कालजै री
अर उणरी आंख्यां में
खुद रा टींगर ?
नीं-नीं
उफस-उफस आवती रोठ्यां न्है

★ ★ ★

तीन कवितावां

आत्माराम

•

१

पड़दै लारं सूं
किणी अणजाण
म्हारा हाथ काट न्हंख्या
अक रोटी री टुकड़ी फेंक'र

२

आपां सगळा पाडौसी हां
अक दूजै रा दोसी हां
जिदगाणी री अरथ आपां काईं जाणां
नख लागतां ईं
अक दूजै री घांटो मोसी हां

३

नीवां में गड जावी
अक मजवूत हवेली बणावी
करण दी
तारीफ सगळा जग नै
छाजै री

* * *

बीज में बरकत

कल्याण सिंघ राजावत

कळी फूल में रूप बदळगी
भंवरा री सै बात समझगी
देखी रत री अक अचंभी—

दोवड़ी दरखत होगी रे
बीज में बरकत होगी रे

नुगरौ पवन कुचरणीगारी
हर झोंकै छेड़ै उणियारी
सांसां रै संग जा सामेळै—

सरवरा सरवत होगी रे
बीज में बरकत होगी रे

तन री तिरस जेठ री धरती
जुगां जुगां सूं रैगो परतो
मीत मिळण री वेळ सुवेळा—

उमर ही तरपत होगी रे
बीज में बरकत होगी रे

मूँघौ है पण हंस बतळाणी
लोगां रै बिच कुबद कमाणी
देखी जग री अबखो बांणी—

कांकरी परबत होगी रे
बीज में बरकत होगी रे

छ परसंग

जूना जुग : जूनी बातां

सौभाग सिंघ सेखावत

खलल-पलल

म्हाराजा गंगा सिंघ जी कळजुग रा भागोरय तो हा ई पण राजनीत में ईं नारुण जी सूनं कम नीं हा । बीकानेर में आप जीवतां गंगां रा घणा लांवा हाथ-पग नीं हांवण दिया । अंगरेजां रा काठा मुलाकाती होतां थकां ईं अंगरेजां रा असर नै बीकानेर री कांका-सीव सूनं आंतरै ईं राखियो । आपरं राज में पैली बीकानेर रा पछे राजस्थान रा अर पछे भारत रा दीवांण, मुसायव, कामेती इत्याद राज रा काम में रागता । उमेदवार भिननां री 'इंटरव्यू' लेवता जद महाजन राजा हरी सिंघ जी इन्टरव्यू में बैठता अर राजस्थानी भागां में सवाल-जवाब पूछता । नौकरी सारु राजस्थान सूनं वारला उमेदवार ईं गुद नै राजस्थान रा बताता । वानं वै राजस्थानी रा गद्य अर पद्य बंचावता । घणकरीकवार श्री दूही पढ़वाना—

पळळ पळळ पावस पड़े, खळळ खळळ नद साळ ।

भळळ भळळ बीजळ भळै, वाह रे वाह वरसाळ ॥

राजस्थान सूनं वारला लोग 'खलल-खलल, पलल-पलल' करण लागता वयूं के वां री जवानं में 'ळ' नांव री चीज ईं नीं व्हेती । तद वै मीठी जवाब देता—“म्हारे अठै रा लोगवाग तो राजस्थानी जाणै । अर अठै रा लोगां सूनं ईं लेण-देण, काम-काज राज में वेसी पड़े । जिको मारवाड़ी नीं बोल अर समझ सकै बी अठै कीकर काम कर सकै ।”

खीचड़े हाथ

जोधपुर री घणी राव जोधी प्रतापीक राजा व्हियो । राव जोधी राव रिड़मल री मोभी वेटी ही । राव रिड़मल चीतीड़ में घोखा सूनं मान्गियो गयो ही । रिड़मल नै मारियां पछे चीतीड़ रा सिसोदियां राठीड़ां रा पाटथान मंडौर पर आपरी हांमपाव जमाय मारवाड़ पर

हुकम-हासल कर लियो । राव जोध मंडौर नै पाछी जीतण ताई वरसां ताफड़ा तोडिया, पण मंडौर जोधा रै रस नीं आई । मंडौर माथे घणी ई खेड़ करी, घणा ई घावा बोलिया, घणा श्रीसांण लिया पण सिंसोदियां रै धकै जोधा रै पराजै ई पल्लै घलती रह्यो । अक बार राव जोधी मंडौर माथे हाकी कर भूख-तिस सून आकळ-वाकळ होयो थळी में अक चौधरी (जाट) री ढाणी में थ्यावस लियो । चौधरी जोधा अर उण रा साथी-संगलियां नै आव वस दी । पछे वाजरी री खीचें रंधायो । ऊनो-ऊनी खीच राव जोधा अर उण रा मिनखां नै पुरसियो । मांय मोटी सारी खोवी कर पारियां में ठसियोड़ी पोळी गायां री धत घालियो । भूख-तिस अर दूर री जात्रा सून थकली चढ़ियोड़ी जोधी सटकै ई ताता खीच रै बीच में हाथ घालियो । ताव सून जोधा री हाथे दाभग्यो । आ देख चौधरी री जोड़ायत जोधा नै कह्यो—‘मोटियार ! तू ती राव जोधाजी री नाई ठोठ बुध दीसै है ।’ इण माथे जोधे पूछियो—‘चौधरण ! जोधी ठोठ बुध किये रीत है ?’ जद चौधरण पड़ूतर दियो—‘जोधो जी मंडौर री आखती-पाखती री धरती माथे ती आपरो जमावड़ी जमावै नीं अर बार-बार सीधो मंडौर नै हाथ घालै । आपरा घोड़ा, ऊंट, बैता अर मिनखां नै मरवाय रै पाछी आवै । इण सून जोधी कम अकली । अर तू ई असपाड़ै-पसवाड़ै सून सावळ ठार-ठार री खीचड़ी खावै नीं, सीधो बिचै हाथ घालै, सो हाथ तो बळ ई ।’

चौधरण री बात जोधे रै हिये जमंगी । पछे मंडौर रै कांकड़, सींवाड़, अगल-वगल, अड़ोस-पड़ोस रा चीकड़ी, कोसांणा, सोजत गांवां माथे चढ़ायां कर आप रै कब्जे किया । जीवरखां री ठीड़ करी । पछे मंडौर पर गयो अर मंडौर माथे हामपाव कियो । पछे हीळ हीळ आपरो राज जमायो । जोधपुर रा किला री रांग दिराई । आपरै नांव सून जोधपुर नगरी बसाई, सुख भोगियो ।

अक पीसै रा लेवाळ

मारवाड़ री नागौर पट्टी में जायल, खीयाळी अर रौळ-मूंडवी जाटां रा सखरा गांव कहीजै । लोक साहित में जायल-खीयाळा रा चौधरियां री नेकनामी अर भलापणां रा आज ई आखा राजस्थान में व्यावां रै मौकै गीत गवीजै है । समै बीत जावै, पण नांववरी नीं जावै । नांव ई लोक में क्यां जोगी व्हे ती जीवती रैवै, नाजोगा ती मरता-जळमता ई रैवै है । उणां नै कुण चितारै । सो जोधपुर रा घणी मानसिध जी रै समै में रौळ में हरनाथो चौधरी नाम-जदीक ब्हियो । घणी समझणी—घणी स्यांणी । रहणी-कहणी री घणी । वास-पळिया री वाल्हो । चीखळा री चावी । राजा-रंयत री हेताळ । आपरी खांटी कमाई खावू । पराई कमाई नै सिवजी रै सोस चढ़ियो उदक मानंगियो ।

मानसिध जी घणा ई टणका, अकल उजीरांत रा ठाडा, न्याव-लोभी राजा हा । पण अंगरेजां री अड़ंगां, मरेठा-पिडारां री टंटा-भगड़ां, जागीरदार-सरदारां रा राड़ा-रगड़ां में पूरी ऊमर उळभियोड़ा ई रह्या ॥ मारवाड़ री न्यांव-थपाव, हासल-हुकम, राजकाज अलंकारां-

कारकूनां रै हाथे चालियो । अलकार करसां कनां सूं मण लेवता तो राज में कण ई पूगती । सारा हासल रा हाकम, तैसीलदार, पटवारी, डांणी खाजा-मोजा कर जावता । कोटवाळ-कणवारियां सूं नकसांसियां आई रैयत नै देख'र हरनाथ जोधपुर आयी । मानसिंघ जी कनी हाजर धिह्यी अर वां नै तांवा रो अेक पीसी निजर करतां कह्यो—“घणी रो भाग तो मोटो है, पण हक इत्तो ई है ।” म्हाराजा मानसिंघ जी पूछ्यो—“कीकर ?” जद कह्यो— “मोहर हाकम रै चली जावै । रुपियो तैसीलदार खा जावै । अघेली पटवारी रै पानं चढ़ जावै । पावली कोटवाळ रै पल्लं बंधं । आनी कणवारियो खेंच ले जावै । पछे राज में तो अेक पीसी ई लारै रैवै, सो खजांनै आवै । सो घणी तो अेक पीसी नजरानां रा लेवाळ ही ।”

पछे मानसिंघ जी अलकार हाकमां रा घणा कानं मरोड़िया अर लूट-खसोट मिटाई ।

◆ ◆

सिंधी-भंडारी

मारवाड में भंडारी, सिंधी, पंचोळी अर पुस्करणां रो घड़ी ही । राजकाज में आं लोगां रो घणी चालती । भंडारी अर सिंधी तो म्हाजनां में हा, पण समानं ब्रत्यां रै भेळ नौ न्है । अेक दूजा रो कटती चालती ई रैती । भंडारियां अर सिंधवियां रै ई संप नौ ही । आपसरी में खड़वड़ीजवौ ई करता । होडा-होडी घणी चालती । अेक दिन भींवराज सिंधी अर भवानी राम भंडारी जोधपुर रा किला में बैठा हा । भींवराज जी सिंधी भवानोराम जी नै कह्यो—“भवानीराम सा, सिंधी अर भंडारी नांव राज-समाज में सार्ग-सार्ग बोलीजै है, पण सिंधी-भंडारी जोड़ा में पैली सिंधी अर अछे भंडारी बोलीजै है ।”

भंडारी भवानीरामजी, सिंधी जी रो अरथ भांप लियो । आव देख्यो न दाव, सट सूं कह्यो—“सांची बात है भींवराज सा । ओ तो ठेठ परंपरा रो ई जोड़ी है । राधा अर किसन, सीता अर राम, लिछमी अर नारायण सगळा साथै-साथै बोलीजै—राधाकिसन, सीताराम, लिछमीनारायण पण, पैली राधा, सीता अर लिछमी रा नांव आवै पछे किसन, राम, नारायण रा नांव बोलीजै है । बीरवानियां रो ठेट सूं ई घणी ईजत रह्यो है ।

दरीखांता में बैठा सगळा भिनख हंस पड़्या ।

◆ ◆

कळदार रिपियो

कुचामण ठाकर सेरसिंघ जी अपर बळी हा । उणां रै कुचामण में पहलवानां अर मल्लां रा आठ अखाड़ा हा । वै खुद दिन उगताईं घोड़ां ने पेटावा खारड़ा में निकळ जाता । उणां रो चिमठी अतरी बळ ही के चूंठी रा रगड़का सूं मूंंडीसाही कळदार रिपिया रा आखर मसळ'र मिटा न्हांखता । उणां रै आपाण रो चौखळा में बातां चालती । ठाकर सेरसिंघ जी रै अड़ीगड़ी ही उणां रै गांव में भीम बळी गोघी जी प्रजापत ही । वो मांटी रा बासण घड़्या रो बधी करतो, जिणां सूं गांव आळा उणनं गोघी मठेड़ी कहता । गोघी अेक दिन सालगिरं टांणै सेरसिंघ जी नै नजर करवा गयो । सेरसिंघ जी गोघा रै आपाण रो बातां सुण राखी ही ।

गोधौ गढ़ में जाय'र सेरसिंघ जी नै अक कलदार रिपियो नजर कियो। सेरसिंघ जी उणां री हथेली सूं चिमटी सूं रिपियो उठा'र जोर सूं मसल नै गोधा नै कह्यो—“गोधा रिपिया रा आखर घसियोड़ा लखावै है।” गोधौ ठाकरां री मनसा जाणग्यो। भट बोल्थी—“देखां, श्री म्हाराज म्हनै पाछी दिरावो, किसौक है?” कह'र रिपियो पाछी लियो अर दोनां हाथां री आंगलियां सूं रिपिया रा दोय ढव्वर करती थकौ कह्यो—“अन्नदाता जी द्रव री ती चोखो है। चांदी में मिलावट तो कोनी।” दोनूं ईं समवळी मुळक'र अक दूजा कांनी देखण लागा।

❖ ❖

गाभां री मोल

सेखावाटी रै सादा रा सायजादा में चौकड़ी सिरायत ठिकाणो हो। सादा जी री पूरो नांव ठाकर सादूळ सिंघ जी हो। सादूळ सिंघ जी झू'भणू रा नबाबी राज नै जीत'र आपरा पांच वेटा में बरोबर बरोबर पांच पांत्यां में बांट दियो हो, जिको पंचपानां रा नांव सूं आज ताईं ओळखीजै है। पंचपानां री अकठ अक सघ हो। उण रा सिकतरी जद चौकड़ी ठाकरां गोपाळ सिंघ जी नै कागद लिखता जद वै पाछी उथळो देता जिणमें सिकतरी जी पूणी पांच पानां लिखता। वै कहता—“म्हैं पंचपानां में नीं हूं। आखी सेखावाटी संध रै सामलात हूं। अर म्हारौ पाव पानी 'पंच पानां' सूं न्यारौ है।” गोपाळ सिंघ जी बडा जोमराड़ हा। कदैई गोरां सूं अर बडा राजा सूं नीं दव्या। अक बार चौकड़ी में नीलगढ़ री अक म्हाजन कपड़ा री दुकांन घालण री दवायती लेवण सारू ठाकरां कनै आयो अर भांत भांत रा धारीदार अंगरखा रा, चौकड़ी भांत कुड़तां-केखलियां रा कपड़ा अर सांतरा बारीक पोत री मलमलां, धोतीजोड़ा, साफा, ठाकरां नै दिखाया। ठाकर कपड़ा देख घणा राजी होया अर साहूकार री बडाई करी। साहूकार आपरी बडाई सुण'र मोद में गाभां री मोल बतावण लागी—“अनदाता! श्री मलमल री थान चाळीस रिपियां री है। श्री घौती जोड़ो इग्यार रिपियां री है। श्री चौखानो सवा रिपियै गज है।”

ठाकर कपड़ां री भाव सुण'र नाराज व्हेता थका कह्यो—“ठगोरा कठा ई रा, श्री ई कोई गाभां री मोल व्हे? घौतीजोड़ो आछा सूं आछो रिपिया सवा रिपिया री। मलमल रा साफा रा सवा दो, ढाई। श्री देख म्हारी घौती री जापांती लट्टो है जिको बारै आनां री है। पागड़ी तीन सी छिहतर री मलमल री, चाळीस बार री है, जिण नै पांच पावली में खरीदी है। म्हारा करसणी इस्या मू'घा गाभा मुलावसी जद यां रा टावर-टींगर काईं खाय'र पळसी। थारो दुकांन अबार री अबार उठा परी। म्हारै अठै ठगोरा कोनीं चालै।”

साहूकार ठाकरां री डांट सुण'र सूबर सांड री भांत आपरा होठ लटकाय'र घर सांम्हो व्हीर न्हियो।

★ ★ ★

उपन्यास री तीजी खेंप
खुलती गांठां
पारस अरोड़ा

सूरज री वस रुपाळू सूँ वहीर वही, तद घोमा म्हराज री ई की जीव हलकी व्हियाँ । वस ऊभी रयी जित्ते म्हराज ई किसना काका री चिलम लैय'र जमगा । वस ऊभी ही, किसना काका री गिरायकी री वगत ही, ती ई हाथ खाली व्हियाँ अकाध फूँक रीन लेवता ।

म्हराज चिलम पीवता सोचण लागा.....सूरज तो जा इज रयी है । अरै इण तारुड़ी नै ई सावळ समभावणी पड़ला ।.....व्है सकै, दोनों रा मन मिळगा व्है अर आगँ री ई की तेवड़ियोड़ी व्है । भगवाना री भरासी नीं—सेठां री छोरी, आ उकळती उमर अर सांमी जवान छोरी । फूटोड़ा घड़ा रँ कारी नीं लागँ । छोरी रँ भाग में रटाणी काढ़णी लिखियो है नी काढ़णी पड़ला । करमां रा लेख कुण भेट सकी ।.....छोरी तो इण सार्थ मूँडी काळी कर पाछी सतवँती वहेजा ला । हे भोळानाय ! अरै तो इण गरीब वामण री लाज थारै हाथ है ! देख ओमला ! कँड़ी बीती है थारै में.....

.....नवो ज़मानो है । नीं व्है जिकी ई चोखी । जे आँ छोरी तारा सूँ व्याव री तेवड़लँ के घर मे घालणी विचारलँ ती कुण रोक सकी । छोरी लाखां में अक हीरा री कणी व्है ज्यूँ । सागँसाग आपरी माँ रँ उगियारै । वा ई कम नीं ही । वा ती आपरी ही जित्ती उमर काढ़णी परण इणगी ती आखी उमर पड़ी है । आ हाल देख्यो ई काई है ?.....जे दोनूँ व्याव री तेवड़ली ती आड नीं दै सकलँ ।.....मांनो के न्यात-जात में रँवणी है । परण म्हारै कियो अरै कोई टारणी काढ़णी है ।.....परण हाल ती गांव मे निवळणी मुश्किल वहेजा ला । जराँ जराँ नै जवाब देवणी भारी । दो दो कोडी रा मिनखां आगँ माथी नीची करणी पड़ला ।... लोग मोवन रँ वारें में ई कैव के म्हराज छोरे नै केवट नीं सक्या ! खोटी-खरी हो जेडो ई वेटी तो ही ।.....अंत सभ में खांद ती देवती । मांनो के वी आपरी रँ लुगाई कँराँ में हो, पण आजकाल तो सगळा ई छोरा घावळिया री जूँ वणता जेज नी करै । कैवत मे कैव के पूत वपूत व्है सकै परण मायत कुमायत को व्है नीं छोरा नै गांव छोडिवां वगस बीतगा परण म्हे कदै ई सँर जाय र नीं

मिळियी फाऊ री आंट ती फोड़ा इज भुगतावै ।.....नै तारा साथै सूरज रौ नांव जुड़ियां पछै श्री सेठ म्हनै कियी सोरै सांस जीवण देवैला । न्यात में ती अवै इण छोरी रौ पाछी की व्है नी सकै ।.....हां उण दिन मेड़ता सूं आयोड़ी श्रीकिसनी कैवती के उणरै पाखती रा गांव में गौरी-संकर नांव रौ कोई है, चाळीस नैड़ी उमर रंडवी है कोई आगै-लारै कोनी । वो छोरी नै राख सकै । पण जीव पतीजै कोनी ।.....इत्ती में बस रौ भोंपू सुणीज्यौ । म्हराज चेतन व्हेय'र ऊभा व्हेगा ।

बस मोड़ लैय'र वहीर व्हेण लागी । म्हराज दोय पग बस रै नैड़ा धरिया । सूरज सूं चीनिजर व्हिया वो मूडो फेर लियो, जाणै म्हराज नै देख्या ई नीं व्है । उणी बगत सूरज री अवाज सुणीजी 'चालू तेजू ! लारै ध्यान राखजै ।'

बस री वारी नैड़ ऊभौ तेजसिध बोल्यो—'ही, ही ! थूं बेफिकर रैईजै । नै पूगत पांण ई कागद दीजै ।'

म्हराज अक निजर तेजसिध नै देख'र लाभजी सेठ कांनी वळंगा । सेठजी वानै आवता देख'र सांमी पग धरता बोल्यो—'आवो म्हराज ! सूरज नै आज जोधपुर वहीर कर दियो हूं ।'

म्हराज नै लखायी के सेठजी कीं उणमणै मन सूं बोल्यो है । अर वारी वात में अक सवाल है के म्है ती छोरा नै भेज दियो अवै थै काई कर रैया हो ? म्हराज अक चलताऊ सवाल पूछ लियो—'किणी खास काम सूं भेजियो हो ?'

सेठजी सामलै मिंदर री सूनी चांतरी कांनी वधतां कैयो—'हां, आवो चांतरी माथै जमी ।' अर दोनू चांतरी रै किनारै पग लटकाय'र बैठगा । सेठजी डावी पग ऊंची लैय'र ओड़ी अर गिरियै बिच्चै खाज खिणता बोल्यो—'खास काम ती कई । छोरा नै थोड़ी बीपार रै तजुरवै ताईं भेज्यो हूं । सैर में रैवैला ती चार पैसा कमावणी सीख जाई । गांव में क्याणी बीपारे, कोई छोटी सीक दुकानड़ी लगायली के खेत खड़ली ।'

'सांची वात !' म्हराज हांमळ भरी ।

'सैरां में लाखां री बीपार है । बदळतै बगत साथै बीपार री रंगत बदळै । अर बगत री नवज सैरां में पकड़ीजै ।'

'आती है ई !'

दूजी वात ! टावर फाऊ फिरता फिरै ती कीं न कीं उल-फेल सूभै इज कई ?' सेठजी सवालिया निजर सूं म्हराज कांनी देख्यो ।

म्हराज हांकारो भरता बोल्यो—'साव सांची वात ! जावण सूं पैली भंगवानी काले म्हारे कनै आयो हो ।'

'हूँ !'

म्हराज पसवाड़ी बदलता बोल्या—‘म्हें तो उगाने आ इज कैयी के देख भाई थारी वाप वगत रो पारखू है । वो कदैई फोरी बात नीं सोचैला ।

सेठजी म्हराज री बात सुण हलका व्हेता बोल्या—‘जण पछे ! नै दूजी बात आ है म्हराज के अवे छोरी परणावे जेड़ी व्हेगी । अं सेठ किरपारामजी म्हांरी न्यात रा है । अर म्हारा खास मित्रा में ई है । यांरै अक जवान वेटी है । अं सूरज सारु द्याव री बात करो ।’

‘ठीसक’ म्हराज नै बात में कीं दम निजर आयी ।

सेठजी बोल्या—‘म्हें तो वाने साफ कं दियो के ओ रैयी छोरी । म्हारी ना नीं है । कैवी जदै ई वरात लेंय’र आ जावूँला । वै अक वार छोरी नै ई छोरी बतावणी चावता । वै कैयी के उठे इज सैर में छोरा नै कोई काम-धंधी खुलवाय देवैला अर छोरा-छोरी आपस में अक दूजे सूं मिल लेवैला ।’

म्हराज बोल्या—‘पण छोरी जावती वगत कीं उदास ही । उगरी गांव छोड़ण री मन नीं हो ।’

सेठजी म्हराज रै खंवे हाथ धरता बोल्या—‘कैड़ी बात करो म्हराज ! जे आपां सूं टावरां री उदासी अर नाराजगी री गिनरत करण लाग जावां ती टावर साव भाटा व्हेय’र निसरमाइ वरतण लाग जावें । अं काले कीं खरी-खोटी वर लियी ती मां-बाप री नांव बखांणैला ।’

म्हराज पागड़ी उतार माथी कुचरता बोल्या—‘हां, आ बात ती है इज ।’

सेठजी ऊभा व्हेता पूछ्यो—‘दीया बत्ती व्हेगा है, चालूँ । आपरै ई मिदर जावणी व्हेला । मिदर पछे घर में इज लाधीला ?’

‘हां, क्यूँ ?’

‘यूँ इज कीं बातों करणी ही थांसूं ।’

‘कैवी ती म्हे इज आ जावूँ’

सेठजी दोनू हाथां सूं ना देवता बोल्या—नीं, नीं ! आप कठे अंधारै में फोड़ा भुगतो वापजी ! हूं इज आ जावूँला ।’ इत्तो कैय’र वै अक गळी कांनी पग धरिया ।

म्हराज ई ऊठ’र सांभो किसना काका री दुकान कांनी पग धरियो । उणी वगत तळाव कांनी सूं आगती अक पिणियारी छींक करी । म्हराज लारं धिरनै देखता थका बोल्या—‘कई बात है वा, क्यूँ छींका-छींकी करै है ?’ अर म्हराज री बात सुण वा लुगाई मूंडी फेर लाज करती आगे वधगी अर म्हराज होटल माथे पूगा ।

म्हराज नै देख'र किसना काका बोल्या—'आवो म्हराज, बिराजी ! कइं कैवता लाभजी ?'

म्हराज पाखती रं खाली पाटियँ माथै बँठता बोल्या—'कैवँ कइं ! कैवता के छोरा नै जोधपुर में वीपार करण सारू भेजियो हूँ । म्हेँ कैयी—चोखी कियो ।' म्हराज ओछी में बात काटी ।

किसना काका चिलम में तमाखू भर, सिगड़ी सूं खीरी काढ माथै धरता बोल्या—'चोखी कियो, भेज दियो । आं दिनां में इण छोरा री ई ढाळी बिगड़गी हो ।' इत्ती कैय'र चिलम रै साफी लपेट, खीरा नै कीं अगूठै सूं दवाय धीरै-धीरै फूंक खेंचण लाग़ा ।

म्हराज कीं चेतन व्हेय'र किसना काका सांमी देखतां पूछ्यो—'क्यूँ रे, अड़ी कइं बात देखी रे किसना ?'

किसना काका अक लम्बी फूंक खींच'र नाक-मूँडै सूं धूँआँ काढ़ता चिलम म्हराज नै पकड़ाई । म्हराज पाछी साफी लपेट'र फूंक खिंचण लाग़ा जद किसना काका बोल्या—'कइँ, कइँ बात म्हराज ! म्हेँ तो आखी दिन दुकान माथै बँठी देखूँ । सवार व्ही के सिझ्यार व्ही, लुगायां रै पांणी आवण री टेम व्ही नीं नै अँ छोरा वेटा टोळी री टोळी बणाय'र सामली मिंदर री चांतरी माथै जम जाई । आँ भगवानो ई ठाकर सा आळा तेजां अर दोयेक दूजा छोरां साथै इण पोस्ट-ऑफिस रै डागळ चढ़, उठोनै तलाव कांणी मूंडी कर डागळ री बिंडी माथै जम जावै । पछै अँ वेटा लुगायां नै आंख्यां फाड़-फाड़'र देखण लाग़ जावै । जव्वर तूफान मचाय राख्यो है । कोई किणी नै कांकरी मार रेंयी है तो कोई किणी रै लारै जा रेंयी है, तो कोई किणी नै इसारा कर रेंयी है, तो कोई वेटी रागा कसी कर रेंयी है । इण ठाकर सा आळ जोध नै तो अव्वर कीं दिनां पैली लोग सांवता आळी चुकलो रै साथै मोतिया आळ खेत में देख्यो । आँ तो टावगं गे वाप है । पण इणरै वारै में कोई बोले इत्ती कालजो किरारी । दूजा छोरां माथै इणरो इज रंग चढियो है ।'

'राम, राम ! देखी छोरां रा हीया फूटा है ।' म्हराज बोल्या अर चिलम किसना काका नै झिलाई ।

किसना काका चिलम माथै अंगुठी दवावता बोल्या—'नै लाभजी आळ भगवाना री आंख अस्टपीर थारली तारूड़ी माथै रैवै । चोखी व्हियो, सैर गयो परी ! इणरी ई बुद्धि भ्रिष्ट व्हेगी हो ।' इत्ती कैय'र पाछी फूंक खींचण लाग़ा ।

म्हराज तारा री नांव सुरण भटकी खायो । अकर ती चंरा री रंगत उतरगी । पण भट सावचेत व्हेय'र बोल्या—'छोरा तो खरैखर उधम मचाय राख्यो है किसना ! लाज-सरम तो घोळ'र पीगा है । आँ भगवानो तो लखी व्हियो । दूजोड़ां री ई कीं न कीं करणौ पड़ैला । यूँ तो वैन, वैटियां अर भवां री घर सूं निकळगी मुस्किल व्हेजा ला । अक दिन चालां कीं ठाकर सा सूं बात करां ।'

‘ठाकर सा मूं अवे कीं नीं व्हे ! जोधसिघ रो कन्तूतां कुणु नीं जांरी । अवे जोधी ठाकर सा नै दांव नीं देवे । म्हनें तो जचे कोनी म्हराज के रावळा में मुणवाई व्हेला । आंखियां आया वत्ताई में व्हीला ।’

‘म्हें खुद इज ठाकर सा मूं वात करूंला । डर किण वात रो……वा भई वा……’ कैवता ऊठगा अर धीरे-धीरे बड़बड़ावता आपरै घर कानी बहीन व्हेगा । अंधारी पड़गा लागगी ही । तारा-मंडल उधड़ण लागगी ही । दीया वत्ती व्हेगी ही । म्हराज मिदर व्हेय’र घर पूगा ।

तारा रसोई-पांणी मूं निवड़गी ही, पगीडै कियोदी जोत चुधु-चुधु ही । भगवान रा आळा में सैलंग जोत जगती ही । आळें मूं आरती आंग्यां रें नगाय म्हराज पाछा मुठिया । तारा बोली—‘जो, जीमली !’

म्हराज बोल्या—‘मूं जीमलें वेटी ! हूं की जेज मूं जीमूला ।’

पछे म्हराज बारली चांतरी माथें मचली जमय’र जमगा । सोचण लाग के लाभजी ई आवणाळा है । जे वै तारा रो वावत कीं बोल्या तो म्हे ई खरी-खरी मुणाय दूला । मूं छोरा नै आधी कर सकै, म्हें इण विधवा छोरी न कठै काहूं ? छोटी जात रो तो हूं कोनी के छोरी रो कठई नातो कर हूं । खुद रा छोग नै वयूं नीं वजै । वयूं वो म्हारो छोरी रो लागी करे । पैली खुदरें छोरा नै तो सुधारले, पछे दूजां रो नांव नीजै ।

मूं विचारतां ! म्हराज चिलम रो डरादो कियो टज ही के गळी में गिटक भुसण लाग अर सेठां रें धुरकारे रो अवाज मुणगीजी । म्हराज ऊठ मांभी जावता बोल्या—‘कुण, लाभजी ?’

‘हां, म्हराज !’ सेठजी पडुत्तर दियो । अर म्हराज माथें मचली माथें आय जम्मा । तारा लालटेण लाय’र चांतरी माथें घर दी । सेठजी रो संका देख म्हराज कोई अटी-उटी रो काम बताय’र तारा नै आधी करी ।

तारा रै आधी व्हियां पछे सेठजी बोल्या—‘थागे ताग नै देख’र मन भारी व्हेजा म्हराज ! कौसी फूटरी-फररी अर हुंमियार छोरी है, नै कड़ी किस्मत लाई है । थं ही जित्त तो गाड़ी धक जावला, पछे इण रें कुण है ? कीं न कीं तो सोचणी इज पड़ला म्हराज ! सासरा आळा नीं राखें तो पूड़ बांन । जमानो बदल गयी है । कोई दूजी डावड़ी देखो ।’

म्हराज घाटी हिलावता बोल्या—‘ओ दुख तो म्हनें ई घणी सालें लाभजी, पण कंरु कई ? म्हागे दोड़ तो म्हें सगळी दोड़ली ।’

सेठजी कैयो—‘फेर कठई देखो ! सोध्यां कई नीं लाधें ! हाल आ छोरी देखियो कई है ? इणरै वास्त तो सगळा तीज-तिवार चिग्था व्हेगा । नै हाल आती उमर पड़ी है ।’

म्हरान सांस खींच’र निसांस न्हाकी चैरी सळां भरीजगी । मचली हेटें मूं तमाप्पु रो डब्बी काढ़’र चिरम भरता बोल्या—‘जाणू हूं लाभजी ! सैंग समझूं थोरी वात नै । कई

ताफड़ा तोड़'र ती छोरी रा हाथ पीछा किया हा । पण किस्मत री मार लारी नीं छोड़ियो । साढ़ामाती लागोड़ी है । अब ती भोळानाथ करैला ज्युं व्हेला । दूजी बात म्हाणें में हाल छोरी री दूजी व्याव नीं व्हे । न पछे छोरा कठै ? कंवारी छोरी सारू ई छोरी मिलणी मुस्किल व्हे । म्हाणें में घणकरा करम-कांडी विरती आळा के छोटी-मोटी नौकरी आळा । पण आ देखली के सी में सूं निन्नाणु नसेवाज लावैला । भांग गांजा बाळ लेई न पड़िया रैयी । नीं चालीज के नीं बोलीज । इत्तो केय'र चिलम री फूंक खेंचण लागा ।

सेठजी म्हराज नै वांता में भटकता देख'र बोल्या—'अ सगळी वातां तो ठीक है म्हराज ! पण छोरी दिन कीकर गालैला । हाल उमर ई कई है । मोट्यार जवान छोरी है, कठैई पण आघो-पाछो घरीजगी तो थारै जीव नै गिरै व्हेजा ला ।'

म्हराज धुओ काढ़'र चिलम सेठां नै झिलावता बोल्या—'वा अक कैवत है लाभजी, के रांड ती रडापी काढ़ दै पण रंडवा काढ़ण दै जदं व्हे । चोखी कियो सूरज नै सैर भेज दियो । वो ई अब मोट्यार व्हेगी है थै अब व्याव रा सरतण करी परा । आ उमर इज अड़ा व्हे के पण आघो पाछो व्हेतां जेज नीं लागै ।'

म्हराज नै सांमी व्हेता देख'र सेठजी वांनै चिलम झिलावता बोल्या—'वा म्हराज, वा ! आप चोखी कियो । म्हें बात करूं ताग री नै थै करी सूरज री । आ कठै सूं लाया म्हराज ! गांव में फेर ई लोगां री वन वेटियां रैवै । मगदूर है कोई सूरज री नांव लैय लै के वो वेवाजवी कोई नै वतलाई । लोग थारी छोरी री नांव लेवै । लोग आपरी आंख्यां दोनां नै अंधारै-ओलै अठी-उठी साथै देखिया है । ताळी अक हाथ सूं नीं बाजै म्हराज !'

पछे दोनू ई अक-दूजा माथै आकरा व्हेण लागा । आखती-पाखती रा लोगां री बोली सुण अर ताग नै सांमी देख सेठजी 'फोड़ा भुगतोला, दुख पावोला' कैवता ऊठ'र वहीर व्हेगा । अक जणी सांमी आय'र पूछ्यो—'काई बात है लाभजी भाभा?' अर लाभजी 'देण लेण' री बात बेय'र आगै निकळगा । कीं लोग 'कई ब्हियो-कई ब्हियो' कैवता इज रैयगा । म्हराज पड़पडाट करता ऊठ'र घर में घुसगा ।

तारा डांगळ मेडी में ऊभी सगळी बात सुणली ही । बात री मरम समझ'र काळजै कळझळ मचगी । सूरज रै गयां पछे, मुस्किल सूं अवेर'र बांध्योड़ी पीड़ री पोटली खुलगी । सेठजी नै वहीर व्हेतां देख'र वा परींडे कनै आय ऊभी । बाप री घांटी नीची व्हेती देख'र आंख्यां री पांणी रोख्यां नीं रुक्यो ।

म्हराज लालटेन लैय'र मांयनै आयां देख्यो के छोरी मूंडा में पल्लो दवायां दुसक्या भर रैयी है । म्हराज ओरा रै बारै देवतावां रा आळा कनै बैठता बोल्या—'तारा !'

तारा दीड़'र बाप रै खोळा में मूंडी घाल दियो । म्हराज बेटी रै मोरां हाथ फेरनै थ्यावस देवता बोल्या—'नीं, बेटी नीं ! यूं मन छोटी नीं करणी । म्हें यूं डरणाळो कोनीं । अड़ा केई सेठ देखा हूं । व्हेला आपरै घर में सेठ !' पछे धीरै सीक उणनै आघी करता कियो—'पण

वात साव झूठी नीं व्हे सकै तारा ! लागे के थारी बुद्धी ई कीं अष्ट व्हेगी है । आगे ई म्हें यने वरज चुकी हूं । पण तूं म्हारी छाती रा छोडा लेवणा नीं छोडिया । क्यूं म्हारी काळी मूंडी करवावण माथै तुलियोडी है । आखिर है कई थारें मन में, आ ती बताव दे ।'

ताग रोवती थकी तमक'र बोली—'काळी मूंडी जैदी वात नीं ती व्ही अर नीं व्हेला । आ फेर के दू के कियो जिकी ई म्हारी लारी बियो व्हेला, म्हें कोई र लार नीं गई ।'

म्हराज उएनै यूं सांभी व्हेती देख'र गुस्सी नीं रोक सवया अर लण्ड चेप दी । छोरी 'मार काडी, ज्हेर दे दी !' कंवती डागळ चढ़गी । उएरा दिमाग में अक इज वात ही के आज ती मुरज गयो है अर आज इज....

लाभजी अर ओमा म्हराज विचंचं टंटी व्हेण री वात चीफेरी व्हेगी । 'लेण-देण' री वात लोगां नै जमी नीं, पण अटकलां लगावता लोग असल वात रै नैडा पूगगा हा । आगे जैदी लोगां नै जंची, वैदी वै आगे जमाय दी । दूजें दिन सिध्याग लाभजी फेर मिदर में म्हराज नै वतळया । इकांत देख'र दोनूं जमगा । इण विचःळ म्हराज ई विचार कर चुका हा के वाने सेठां माथै यूं नीं उफणणो ही ।

लाभजी वाने समझाया के देखी म्हराज थां-म्हा बीचनी जग-मीक बोलचाल रो आज आखे गांव में चरची व्हे रैयी है । म्हें थाने गलत वात कई कंयी ? देगी के म्हारें इत्ती चिंता करे जैदी वात नीं है । म्हारें तो छोरी है अर छोरा रो कीं नीं बिगड़ला । जे थां-म्हां ध्यान नीं दियो ती छोरी रें दाग लाग जावला । म्हराज घांटी हिलाय'र हामळ भगे । छोरी रो दूजी व्याव नीं व्हे सकै, म्हराज री आ मजबूरी मुण सेठजी कंयी के व्याव नीं कर सकी ती कीं नीं पण सावळ समझाय ती सकी हो, उण माथै कावू ती राख सकी ही । अर म्हराज मनां-ग्यानां मानगा के सेठजी वारा हितु है ।

घरै आयां पछे म्हराज वेटी नै समझावण लागा के देख काल री लाभजी सूं व्हियोडी बोल-चाल आज लोगां रै मूंडे चढ़योडी है । आ ती भली व्ही लाभजी रो के लेण-देण री वात बताय'र वात नै दवाय दी । जे वै नीं दवावता ती आज थारी नांव भगवाना रै साथै जुड़'र आखे गांव में चकचक चल रैयी व्हेती ।

समझावतां समझवतां म्हराज री आख्यां गंगा-जगनी व्हेगी । वै आपरी पाघ हाथ में लैय'र बोल्या — 'आ पाघ थारा पगा में घरूं देवी, मानजा ! खा थारी मरघोडी मा री सोगन के भगवाना सूं अवे थारी किणी तरें रो तल्ली-वल्ली नीं रैवला ।'

वेटी सूं वाप री दसा नीं देखीजी । जाणें हेमाळ पिघळथो अर नदियां ठटोठट बंवरण लागी व्हे ज्यूं तारा री आख्यां ओसरी । सेवट वा मां री सोगन खाय वाप री जीव हळकी

कियो । पछै महराज ई बेटी रै साथै हाथ फेर पुचकारता थका आधा बहेगा । बारै आय आभै कांती देख्यो । आभै में घोळी बादलियां उड़ रैयी ही । महराज नै लखायो के वारै अंतस में जिकी काळी-पीळी बादलियां घुमट्योड़ी ही, वै ई आं आभै री बादलियां दाई छंटाण लागगी है । भादवै रा छैला दिनां री सवावती हवा चल रैयी ही । अर महराज सोचण लागा के सिराध साथै आयगा है । अबकली गंगा (तारा री मां) री सिराध कीं चोखी इज करणी चाइजै । जे इण वगत मोहन (महराज री बेटी) घरै बहेती...

महराज यूं विचार करता इज हा के तारा री अवाज सुणीजी—‘जी अबै तौ जीमली ! थै जीमली तौ पछै बासण-बरतन मांज’र निवडू ज्यूं ।’

महराज मचली सूं ऊठता बोल्या —‘हां, अबै पुरस दै बेटी !’

कीं दिनां पछै इज अेक दिन सवार सांणी ठाकर हिम्मतसिंह जी आपरा बेटा तेजसिंघ रै साथै सेठां नै बुलावौ भेज्यो । सेठजी पूजा-पाठ सूं निवडू’र दुकान जांण री त्यारी करता हा । तेजसिंघ कैयी के ठाकर सा वानें दुकान जावती वगत पैली रावळ बुलाया है ? सेठजी पैली तौ तेजसिंघ नै इज पूछ्यो के क्यूं बुलाया है ? पण वो नीं बता सक्यो जद उणरै साथै इज रावळ वहीर बहेगा । सेठां रै मकान सूं रावळी पचासेक पावंडां रै आंतरै । कोट रै मांय घुसतां इज पोळ रै डावै पसवाड़ै मुनीम सुंदरलाल वैस्णव री कमरी, अर जीमणै पसवाड़ै गोदाम । आगै हवेली रै सिरै मूंडै डावी कांती घुड़साळ, जिरामें अेक घोड़ी, अेक जीप अर अेक ट्रैक्टर ऊभा । जीमणै कांती वण्योड़ा दोय ब्वाटरां में रावळ रा दोय राजपूत चाकरां री रैवास ।

मुनीमजी अर कीं दूजा लोगां सूं जैरामजी री करता सेठजी चौक में आया तौ ठाकर सा डोढ़ी में सूं मूंडी काढ़’र बोल्या—‘आवौ लाभजी, ऊपर आवौरा !’

डोढ़ी में पूंगा ठाकर सा वां नै कुड़सी साथै बैठण री इसारी कियो । सेठजी कुड़सी खांचता बोल्या —‘आपरै अठै आयां इण कुड़सी टेबल नै देख’र आपांणी स्टूडेंट लाइफ याद आ जावै । आं साथै बैठ’र आपां जिकी पढ़ाई करी, वै दिन याद आ जावै ।’ पछै भट असल बात साथै आवता बोल्या —‘फुरमावौ कीकर याद कियो ?’

उणी वगत ठाकर सा रा दोनूं बेटा जोधसिंघ अर तेजसिंघ ई डोढ़ी में आयां’र जनान-खानें रै पड़दा आळ कमरै रै दरवाजें कनै मुड्डा जमाय’र बैठगा । ठाकर सा जोधसिंघ नै आंख रै इसारै सूं पूछ्यो अर जोधसिंघ हामळ भरती थकौ पड़दै आळ कमरै कांती इसारी कियो । उणी वगत पणदै लारै सूं हलकी-सीक छम-छम री अवाज रै साथै ई घुस-मुस सुणीजी । ठाकर सा टेबल साथै सूं सिगरेट री पाकिट अर लाइटर उठाय’र आपरै चोळा री जेब में धर लिया । सेठजी समझगा कै पड़दै लारै घा सा (ठाकर सा री मां) ई विराजिया है ।

ठाकर सा री परवार खासी पसरचोड़ी हो । वारें दो भाई हा अर अक वैन । खुद री पांच टावर-तीन छोरा अर दोय छोरा । तीस वरसां रा वडा वेटा जोधसिध री दोय टावर । तेईस वरसां रा दूजा वेटा तेजसिध री दोय वरसां पैली व्याव दिह्यो, टावर व्हेणाळी । उगणीस वरसां री मेघसिध जोधपुर में काका कनै रैव अर पढाई करे । छाईस वरसां री वडी बेटा उमराव कंवर जंपुर कांनी परणाचोड़ी अर लारलें वरस उणरें तीजी टावर दिह्यो । पन्दरें वरसां री गुलाव कंवर बाई नें ठाकर सा आवतें मिगसर में परणाच देवणी चाव ।

सेठजी लुगायां समेत लागतें इण दरवारे-खास नें देव'र समभगा के जम्हर कीं ग्रास बात है । पछे सेठजी सावचेत व्हेय'र मुळकता थकां पूछ्यो—'कंदे बात है भई, आज कीकर घरै बुलाय'र सगळा जगां घेरी घाल्यो हो ? भली विचारी हो'क ?'

ठाकर सा गोडा माथे गोडी घर दोनू हथेलियां गोडा माथे जोड़'र बैठा हा । जीमणी हाथ री आंगळियां डावै हाथ री तरजनी आंगळी में पेरचोड़ी अंगूठां नें घुमावण लागी । ठाकर सा आपरी आंगळियां री हरकत माथे निजर गडाय'र बोल्या—'हाउ ! विचारी ती घणी भनी हां लाभजी ! अब पार पड़े जणै ठा पड़े !' इत्ती कंय'र ठाकर सा तेजसिध नें चाय लावण री इसारी कियो अर बी ऊठ'र मांयलै कमरें में घुसगी ।

सेठजी बोल्या—'भली विचारचोड़ी ती पार पड़ैला इज ! मां जगतंवा री किरपा सून सब पार पड़ैला !'

ठाकर सा कीं नैडा व्हेय'र बोल्या—'बात आ है लाभजी, के आवतें मिगसर में गुलाब री व्याव करण री तैवडली हूँ । छोरी जंपुर में डाक्टरी पढ़े । घर-वर दोनू शाहीस । म्हे श्री छोरी छोडणी नीं चावूँ ।'

सेठजी कीं चवड़ा व्हेता बोल्या—'आ ती गिठाई खवावी जैडी बात । इण सून उत्तम बात भळै कंदे व्हे ।'

ठाकर सा सोफा माथे मोर टिकाय'र सेठां री आंखयां में मोट जमावता बोल्या—'कर ती घणई दू लाभजी, छोरा आळां रे ई उंतावळ है । अब आगे बात थां माथे आय'र अड़गी है ।'

सेठजी मनोमन बोल्या 'द्वबगा !' अर मूंडे सून अवाज निकळी—'हुकम करमावो !'

ठाकर सा निजर जमायां इज नैठाव सून बोल्या—'इण व्याव में रुपिया चरो बीसेक हजार लागेला, इण सून कम में घाटी नीं । रुपिया दसेक हजार री बन्दोबस्त तो म्हे कर लूँला लाभजी ! दसेक हजार थाने करणा पड़ैला ।'

सेठजी सीनी कीं लारें खांच'र बोल्या—'दस हजार री बंदोबस्त तो मुस्किल व्हेला हुकम ! सगळी रकम लोगां में अटक्योड़ी है । अवार हळां माथे पइसी ऊठियो है । आ बात पैली फरमाय देवता ती कीं पइसी रोकती । बांजरियां काती तांई अंचरीजैला । मिगसर पैली पइसी आवै नीं ।' सेठजी हाथ जोड़'र हाथ भटकता बोल्या ।

ठाकर सा पैली तौ जोधसिंघ कांनी देख्यो, वीं रं लिलाड़ माथै सळ देख निजर पड़दै कांनी फिराई। पछै सेठजी कांनी देख'र बोल्या—'यूं कई करी लाभजी ? म्हैं तौ थारी पक्की विस्वास लियां वैवूं के इत्ती तौ लाभजी ई कर दैला ! आ कांम तौ थाने करणी इज पड़ेला । दस हजार तौ म्हैं कर इज लिया हूं । रैयी बात दस हजार री—सो दो-तीन मईनां सारू नीं व्है तौ दूजी जगै सूं लाय'र अडेजैस्ट करणा पड़ेला ।'

सेठजी नै गुचळक्यां खाता देख'र पड़दा लारै सूं अवाज आई—'जोधजी !'

जोधजी पड़दै कांनी लपकती बोल्या—'आयी धा सा !' अर पड़दी अकांनी कर घांटी मांय धाल दी । अर पछै ठाकर सा नै वतलावती बोल्या—'धा सा पूछे के यूं नीं व्है तौ रकम माथै तौ प्रबंध व्है सकै है'क ?' आ बात कैवती बगत जोधसिंघ रै चैरै री रंगत बदळगी ही ।

सेठजी भट पड़दै कांनी हाथ जोड़'र बोल्या—'अड़ी कई बात धा सा ! टावर हूं आपरी ! पण पइसा तौ व्हियां काम आवैं । आ राजा करण री बगत झूठ नीं बोलूंला । आप सांमी कूड़ बोलूं तौ जीभ भड़जौ ! म्हारै कनै व्हैता सांतर म्हैं कदैई ना नीं दियो । इत्ता ई लारला वाकी वहेला, पण म्हैं कदैई मूंडे नीं लायौ ।' सेठजी मूंडे नीं लायोड़ी बात, मूंडे लाय'र बताई ।

पाछी ठाकर सा कांनी मूंडी फेर कैवण लागा—'अवै रैयी दूजी जगै सूं करण री बात ! तौ आप चावौ जदैई अक जणै नै म्हारै साथै भेज दीजौ । जोधपुर गयां कीं न कीं बन्दी-वस्त व्है सकै । अर कोसीस म्हारी पूरी आ रैवैला के बिना रकम कांम बणजा । जे नीं बण्यौ तौ रकम म्हैं म्हारी धर हूंला । आपरी रकम धरीज जैड़ी बगत सोरै-सांस नीं आवण हूंला । यूं मिसर में खेती री रकम आवैला इज ।' इत्ती कैय'र वै जोधसिंघ सूं निजर मिळाई ।

जोधसिंघ नै सेठजी सूं इण दांव री उम्मीद नीं ही । वी ठाकर सा कांनी देख्यो, वारा चैरा माथै हळकी-सीक मुळक थरप्योड़ी ही । वै सेठजी कांनी देख'र बोल्या—'चाथै चालण री बात झूठी । म्हैं चावूं के इण बात री कोई नै हवा ई नीं लागै । थैं सूरज सूं मिळणै रै मिस जाय आईजौ ।'

उणी बगत तेजसिंघ अक छोरा साथै चाय लैय'र आयगी । पड़दा लारै ई कप-प्लेट बाज्या । पछै चाय रा सुळ्ळकां रै साथै अठी-उठी री बातें सरू वहेगी ।

ठाकर सा पूछ्यो—'छोरा नै सैर में वीपार करावणी चावौ ?'

'हां, सोची तौ आ इज है । उठै इज अक जगै भगवाना सारू छोरी री बात ई चल रैयी है ।' सेठजी कीं खुलासी देवतां कैयी ।

'आ तौ थारी ई मिठाई खवावी जैड़ी बात है । बात पक्की वहेगी ?'

'नीं, हाल पक्की नीं वही । छोरा नै इण वास्तै इज भेजियौ हूं के छोरी नै देख लेई अर छोरी आळा छोरै नै देख लेई ।'

‘औ ठीक कियो ।’ कैय’र ठाकर सा जोधसिंघ नै इसारै सून पूछ्यो के पढ़ा लारै कुण है ? अर जोधसिंघ इसारो कियो के कोई कोनीं । तद वै जेव सून सिगरेट रो पाकेट अर लाइटर निकाल सिगरेट सिझगाई ।

उणी बगत सेठजी कीं संकीजता थका बोल्या—‘हूजी आ बात है भावा, की आं दिनां गांव रा लोग सूरज रै साथै ओमा म्हराज आळी तारा रो बात करण लागगा हा । कीं बात तो आप ई सुणी व्होला ?’

ठाकर सा हंमळ भरता बोल्या—‘हां, उडती म्हें ई सुणी ही के भगवानी आं दिनां तारुड़ी रै ओळू-दोळू चकारा लगाय रैयो है । बात आ है लाभजी के छोरी नै हाल कोई सागड़ी मिळ्यो कोनीं । अर थारै आळी छोरी अवै गवरू जवान दीखण लागगी है । यूं छोरी ई गिरागीर व्हे ज्यूं है । इण उमर में दोनू ई पितळ सकै । चोगी कियो छोरा नै सैर भेज दियो । कीं ओमा म्हराज नै ई समझावी !’

सेठजी आखता व्हेय बोल्या—‘अरे समझावां कई ! वारै कीं भेज में ई नीं चंटे, समझावां वै सांमी सेर व्हे के थारा छोरा नै वरज लो ।’

‘नीं समझै तो फोड़ा भुगतैला । छोरां रो कई बिगड़े, वै ती गुल्ला चरता फिरै । पण छोरी नै, समझी के ढक-ढूम’र इज राखणी पड़ै । आ उमर ई ग्रैडीज व्हे । बेटी रै आप रो तो अस्टपौर छाती साथै हाथ व्हे ।’

पछै अठी-उठी रो बात करता ठाकर सा पूछ्यो—‘गुणी के चिमनोजी माळी रो तळाव कनैली जमीं लेवण रो बात कर रैया हो !’

सेठजी कीं संकीज’र भेळा व्हेता बोल्या—‘यूं इज चलताऊ बात व्ही ही । चिमनोजी आठ हजार मांग रैया है उण टुकड़ै रा । म्हें पांच हजार बनाया । अवै धकलै नै देवणी व्हेई तो पांचेक हजार रो फांसी फेर कठैई खाय लूँला । वा ई दिवाळी पछै । अवार कठै पइसा ?’

ठाकर सा ‘हूं’ करनै रैयगा । सेठजी ऊठता थका बोल्या—‘अवै हुकम व्हे ? दुकांन खोलण रो बगत व्हेगी ।’ अर सेठजी रवानगी लिबी ।

सेठजी रै गयां पछै ठाकर सा बोल्या—‘बडो चंटे है लाभजी ! आखर तो बाणिया रो बेटी । छोरा नै सैर में बीपार सारू भेजियो, उणरो व्याव ई करणी चावै । चिमनोजी रो जमीं रो ई सौदी चल रैयो है, अर कैव के पइसा कोनीं ।’

तेजसिंघ बोल्थो—‘तो ई सोरै-सांस पइसो काहें जैड़ा कोनीं । आपरो ल्याज सायगा व्हेला, म्हनै तो हाल ई पतियारी कोनीं । पिरसूं रै दिन छोगी दरजी दोय सी रिपियां सातर घणा ई सेठजी नै हाथ-पग जोड़्या पण औ नीं पिघळ्या जिका नीं’ज पिघळ्या । सेवट लाई छोगी चार वातां फाऊ रो सुणी नै मूंडी उतार गयी परो ।’

जोधसिंघ आपरै सुर में इज बोल्या—‘अरे म्हैं ती अक बात जाणू के जिए मिनख नै जिए चीज री गुमान व्हे, उणसू वा चीज इज खोसली । सगळी गुमान आपई उतर जा ला ।’

जोधसिंघ री बात सुण ठाकर सा उणनै टोकता बोल्या—‘गैली बात नीं करणी जोधजी ! लाभजी लाई सदां ईं आपांणी अड़ी बगत में काम आया है । आपांरी बगती कोसीस ती आ व्हेणी चाइजै के आपां ईं वारै की काम आवां । वै आपांरै काम आवै ती आपांनै ईं वारा दुख-दरद री सीरी बगणी चाइजै ।’ ठाकर सा जाणता के जोधी महा ओटाळ है । इणरी कीं भरोसी नीं । ओ लाभजी रै अठै डाकी पटकवा सकै । जंच जा, ती खून करवा सकै । इणरै वारै में कईं नीं सुण्यो ? सगळा अब इणमें बळ । हाथां वारै व्हियोड़ी ओलाद है । पछे वै उणनै समभावण लागा के अकाअक किणी रै कनै दस हजार रोकड़ा नीं लाधै । नै लाभजी ईं कोई लंबी-धवड़ी आसांमी कोनी । आरै सूं ती आंरा बड़ा भाई सुगनराजजी अर पंडित जटासंकर कनै वत्तो पइसी व्हेला । ओ ती उजड़र नवीं अर आंख्यां सांमी बण्योड़ी सेठ है । सुगनराज अर जटासंकर कनै हाल पीढ़ियां री पइसी अर वेटा ईं धीरै-धीरै सगळा सैर में दुकानां करै । सुगनराज ती खुद चलायर कैयी कै गुलाब बाईसा री बगत तंगी पड़ै ती हुकम दीजी । यूं ती हाल ईं लोगां रै मनां सूं मान-सनमान री भावनावां मिटी नीं है । हाल ईं सात गांवां री ठाकर बाजूं । जे अवार जीपड़ी लैयर निकळगो व्हूं ती सवार ताईं कै जित्ती पइसी भेलौ कर हूं ।

यूं समभायर ठाकर सा ती गांव में निकळगा अर जोधसिंघ आपरै कमरै में बोलड़ी खोलर जमगो । जोधसिंघ री निवास ती तळाव लारलै बंगलै में ही, पण अठै रावळ में ईं वी अक कमरी आपरै हाथ वसू राख्यो ही । दूजां री नींद चाय पीवण सूं उडती पण जोधसिंघ री नींद ती देवी री परसाद लेयर इज उडती । ठाकर सा अर सेठजी बिच्चै पक्की यारानी है, आ बात वी ईं जाणती । सुरज अर तेजसिंघ री दोस्ती री ईं उणनै ठा ही । पण जोधसिंघ नै सेठजी सूं अणूती चिड़ ही । जोधसिंघ रा चाल-चलण नै लैयर सेठजी केई वार ठाकर सा नै सिकायतां करी । अक जणै री जमीं रै लेण-देण में ईं सेठजी आडा आया । काळू भांवी री छोरी रा मामला में ती सेठजी उणरै खिलाफ गवाई देवणनै ईं तयार व्हेगा हा ।

सुरज अर तारा नै लैयर कीं वातां उणरै कानां ईं पूगी ही । तारा सूं दोयेक वार वी खुद ईं चीनिजर व्ह्यो ही । उणनै देखर जोधसिंघ ईं ठंडी निसांस न्हाकी ही । जे आ ओमा म्हराज री वेटी नीं व्हेती ती जोधसिंघ नीं छोडती । आज वी देख्यो के सेठजी तारा नै लैयर कीं चिन्ता दरसाई ही । अठी ठाकर सा कैयी के आपां नै सेठजी री व्हे जैड़ी मदद करणी चाइजै सेठजी सूं पाछी बात करणी पड़ैला । वां री चिन्ता मिट सकै ।

ठाकर सा रै उठै सूं पाछा आयर दुकान खोल्या पछे लाभजी सोचण लागी के आज री दिन स्यात् फोरी रैवैला । दस हजार री भटकी ती सवार-सांणी लागगी । ना ईं कीकर

देवती केई खोटा-खरा काम अक-दूजै सूं मिळ'र किया । अक-दूजै सूं दोनों री नवज दव्योड़ी ।
पण म्हारै कनै इत्ता रोकड़ा कठै ? व्हे तो ई दू' कीकर ? पाछा देवण री नांव नीं लैवै ।
 आगला ई दसेक हजार बाकी, जिकां नै हाल हेला पाछूं हूं, नै दस हजार फेर दे दी सा ।....नै
 जे सफीट ना दे दियौ तो जोधो को छोडै नीं उणरी आख्यां में अमटपीर भैरूं नाचै । तळाव
 लारलै वंगलै में कित्ता कांड बिह्या है, जिकां री गिराती कोनीं ।....ओ ! इणनै कोई दया-मया
 कोनीं....ओ गोळी मार सकै । पक्की घाड़ायती व्हे ज्यूं ।....आ तो इणरा बाप मूं इत्ती गैरी
 दोस्ती नीं व्हेती तो ओ म्हनै कदैई भांप लेवतो ।

....इणरी बाप म्हारै सारु तो लाखीणी....हिम्मतसिध री मदद मूं इज आज म्हारै घर
 में लिछमी री बासी है । गांव में म्हां दोनों री दोस्ती री साख भरीजै ।....अर इण कारण
 इज ओ दस हजार री खारी गुटकी पोयी हूं । नै ठाकर मां री तो म्हे वेटो व्हे ज्यूं ! वै म्हारी
 कान पकड़'र पइसा घरा सकै । किए नै कीकर ना हूं । दो दिनां पछै आसोज लाग जावैला ।
 काती में बाजरियां अंवरीज जावैला । सो कीं पइसी तो उण वगत आ जावैला अर बाकी री
 इंतजाम ई करणी पड़ैला । इण मिस ई जोधपुर जावणी व्हे जाई । ...अठी ओमा म्हराज ई
 कीं ठिकाण आयाग है । पण ओ छोरी नै बांध सकै ना ? म्हारी सूरज, लाखीणी छोरी....नै
 आ रांड तारकी इणरा मरमट हाल को गळिया नीं । इण ओटाळ री करटण हाल कोई
 नीं भांगी ।....इणरी 'किए विचार में हो सेठां ?' म्हराज री बोली सुणीजी ।

लाभजी देखी कै म्हराज दुकान री चांतरी माथै अक पग घरियां ऊभा है । जाणं कसूं
 लाभजी नै म्हराज री आवणी अर टोकणी चोखी नीं लागी । तो ई सेठजी कायदी रायता
 बोल्या—'पघारी म्हराज ! ऊपर जाजम माथै आवीरा ।'

म्हराज ऊपर चढता बोल्या—'म्हें ई देखी लाभजी यूं गुमसुम हुयोड़ा कीकर बैठा
 है ?' अर जाजम माथै जमता बोल्या—'हरि ओम, हरि ओम !'

म्हराज रै बैठां पछै सेठजी जरदा री डव्ही अर चिलम म्हराज सांभी घरता बोल्या—
 'यू' ई' आज दुकान खोली जद भगवान री याद आयगी म्हराज !'

'आवै इज !'

'वो व्हेती जणै म्हनै आगै दुकान खुल्ली लाघती । साफ-सूफ सगळी चीजां आग-आपरी
 ठीड़ जमायोड़ी ।नै आज.....'

'सांची को सेठा ! मोटी वेटो भाई बराबर । स्यारी तो व्हे इज ! नीं व्हे तो अक
 वळाको जोधपुर करिआवो !'

सेठजी निसांस न्हाकता बोल्या—'हां, म्हे ई' कीं ओ इज विचार करूं हूं म्हराज !'

'हूं' म्हराज हुंकारो देय'र थोडा खया अर पछै बोल्या—'आज रावळ' कनीं कीकर
 गया ?'

सेठजी म्हराज सांमी देख'र बोल्या—'किणी कांम सूं ठाकर सा बुलायी ।' सेठां री लिलाड़ माथै सळ पड़गा हा ।

म्हराज सेठां माथै निजर जमाय'र बोल्या—'ठाकर सा गुलाव री व्याव मांडण आळा है ।'

सेठां नै कैवणी पड़्यो—'हां !'

'म्हने म्हीरत पूछण सारू बुलायी ही काले ।' म्हराज कैयी अर सेठजी कांनी देखण लाग्या । चौनिजर व्ही अर सेठजी नै लखायी के म्हराज री आख्यां कैय रयी है 'सेठां, कैसीक रयी ?'

सेठजी निजर फिराय हिसाव री खाता-वही काढ़ पाना पलटता बोल्या—'कद रा सावा निकळ्या ?'

म्हराज उठता थका बोल्या—'मिगसर में सावा ई सावा ! भलैई कदाई करी ।'

'यूं कंई ऊठगा म्हराज, चिलम ई नीं पी !'

'नीं, अवार नीं ! लारला दोय दिनां सूं घांसी काठा काया कर दिया ।' अर इण साथै ई वै 'खरड़ ..खरड़' खांसण लाग़ा । पछै कीं विसाईं खाय'र बोल्या—'जोधपुर जावो तो अेक बात री भळ घ्यांन राखजो ।'

सेठजी बोल्या—'क्यांणी ?'

म्हराज अेक ठडी सांस खींच'र बोल्या—'म्हारली ओटाळ कठै ई नींगै आजा, तो कैइजो कै इत्ता वरस व्हेगा । अेकर तो बाप नै सूरत बताय जा नालायक ! थारो बाप कीयो थारै सूं रुपिया-पैसा मांगै ।'

'जरूर, म्हराज जरूर ! मिळगी जराँ तो जरूर कूं ला, नै आवती वैई तो साथै लियावूं ला ।' पछै कीं रुक'र सेठजी बोल्या—'सेवट थानै ई वेटा री याद आयगी ।'

म्हराज कीं जमी कानीं देखता बोल्या—'हां, लाभजी ! अवै उणारी कमी खटकण लागी है । जे आज व्हेतो तो छोरी रै माथै ई थोड़ी दबाव रैवतो ।'

सेठजी मतलब री बात देख'र झट थ्यावस देतां कैयी—'खरी बात म्हराज ! म्है जरूर पती लगवाऊं ला । रैवै कठै है ?'

'ब्रह्मपुरी के महामिंदर सूं उणारी अती-पती लाग सकै । उठीनै म्हांणा घर घणा ।'

'करै कंई है ?'

‘पैली तो खूमची करती कोई, अर पछे सुणी के किणी सिरकार दफ्तर में चपड़ासी है । किणी इस्कूल-फिस्कूल में । पक्की पत्ती तो म्हने ई कोनी ।’

‘ठीक-ठीक ! म्हें पत्ती लगवाऊंला ।’

‘जाऊ !’

‘जंरामजी री !’

अर सेठजी विचारण लागा के अरवें ती ठाकर सा कँवै जित्ती जेज । केई काम भेळा सर जाई । ठाकर सा री काम...सूरज सूनं मिळाप अर किरपारामजी सूनं ई बात व्हे जाई । छोरी दाय आयी के नीं, अरवें ती घर में सगळा ई देख लियो । म्हाराज री छोरी ई कटई दीसगी तो बात अोर ई उत्तम । सैर में केई काम व्हेजा ला ।.....

अठे आगली बात करण सूनं पैली कीं लारली बातों जाणणी पढला । सेठजी दो भाई । गांव रा दूजा म्हाजन सुगनराज जी, जिकां नें लोग सुगनोजी कंय'र बतळावें, लाभजी रा सगा बड़ा भाई । बाप रें मरियां पछे दोनां में बंटवाड़ विहयो अर बंटवाड़ नें लैय'र जिका मबंध बिगड़्या, वै तर-तर बत्ता इज बिगड़ता गया । बंटवाड़ में सेठां नें सो-भेड़ भी बीषा जमीं अर मकान हाथे आयी ।

दिन फिरया, हिम्मतसिधजी रें ठाकर बण्या पछे दोन'री दोस्ती रंग लाई अर लाभजी ठाकर सा री मदद सूनं मौज ई करी अर पइसी ई जोड़ियो । पैसा री प्रेम सेठां नें कुवो बत्तायो अर वै ई ठाकर सा री देखादेख कुवो खुदवाय'र माथे मोटर लगाई । ट्रेक्टर लियो । अकर ती ठाकर सा नें आ बात कीं अखरी पण साथी समझ हेत पाळ'र रेंयगा ।

दूजें वरस धाड़ायती आय पूगा अर घर में ही जिकी सगळी बोन'र लैयगा । अकर ती सेठां नें लागी के वै कंगाल व्हेगा है । लोगां री कित्ती माल-मत्ती, गंग्णी-गांठी चारें कनें अडांणी पडचो ही । कोई एक दमड़ी नीं छोडें । सांमी दूणा बत्तावैला । अर आ ई व्ही । सेठजी सगळा मांगणियां नें थ्यावस दी के विस्वास राखी, थारो पइसी कुवो-जमीं बेच'र ई चुकाय दूला । सेठजी ठाकर सा सूनं मदद मांगी । ठाकर सा तो पल्ला भाड़ दिया, पण ठाकर मां जरूर पांचेक हजार सूनं मदद करी । बाकी री इन्तजाम लाभजी आपरा जोधपुर रा मित्र किरपारामजी सूनं कियो । नीं ट्रेक्टर-कुवो बिबया अर नीं जमीं । हां, काम निवड्यां पछे बडा भाई सुगनोजी कोई नें कँयो के अँडी बगत में लाभजी म्हारे कनें आय'र कीं नीं कँयो । कँयतो ती म्हें कियो नट जावतो । आगली राखणी ई नीं चावै तो म्हारे अँडी कई गरज पड़ी । अर सेठजी किणी तीजें मूडें आ बात सुण'र चुप धारली ।

सेठजी रा वै ई बड़ा भाई सुगनराजजी आज छोटा भाई रै घरै पूगा । उए वगत सिइया पड़गी ही । सेठजी दुकान डोढ़ी कर घरै आयगा हा । धाजी (सेठजी री मां) आपरा कमरा में दिया वत्ती कर माळा फेरण नै बैठगा हा । उणी वगत अवाज सुणीजी—
‘लाभजी !’

सेठजी री कलम रुकी अर धाजी री माळा । लाभजी बड़ा भाई री बोली सुणैर भट ऊठ्या अर वारी में सूं मूंडी काढ़ैर बोल्या—आयी सा !’

‘सांमी आयैर लाभजी बोल्या—‘मांय पधारौ सा !’

सुगनोजी पावड़िया चढ़ता बोल्या—‘हां, आज भगवानां री मोह खींच लायी । थूं ती बी.ए. है भाई, पछ छोरी ती इत्ती पढ़ियोड़ी कोनीं के । भगवान हजारौ ऊमर करै उणरी । सुणी के थूं उणनै जोधपुर किरपारामजी रै कनै भेज दीयो है ।’

लाभजी नीची घूण कियां इज बोल्या—‘हां, अठं फाळ री फिटोळ व्हे ज्यूं फिरती । उठै रैवैला ती कीं धंधी बाड़ी ई सीखैला ।’

सुगनोजी अेकर ती ‘हूं’ करैर रैयगा । पछै लाभजी रै चैरै माथै निजर जमायैर वांल्या—अठं थारै किए वात री कमी ही रे भाई, जिकी छोरा नै आघी काढ़ियो । लाखीणी छोरी । थूं भूलगी व्हेला, पण वो आज ताईं म्हारी काण-कायदौ राखती । रैयी वात फिटोळ व्हे ज्यूं फिरण री । हूं ती कदैई उणनै यूं फिरती नीं देख्यो । हां, कीं लोगां मूंडै उणारै साथै म्हाराज आळी तारकी री नांव जरूर म्हैं ई सुण्यो । ती भई देख कै ओ ती ऊमर री उफाण है । इण उमर में आछा-आछा रां पग डगमगायगा, आ वात थूं ई जांणी । इणमें यूं छोरा नै आघी करै जैड़ी कई वात ! इण सूं उत्तम वात ती आ इज रैवैला के उणरी व्याव कर ई ।’

सुगनोजी नै बोलेण री आदत कीं वत्तीज ही । इण कारण केई लोग वांनै ‘बोवाड़िया सेठ’ ई कैवता । लाभजी वात नै टिकांणी पूगती देखैर भट बोल्या—‘हां, किरपारामजी रै अेक परणावण जोग छोरी ई है । वां नै ती छोरी दाय आयगी पण वै घर में अर छोरी नै देखावणी चावता ।’

‘साव ऊंधी वात ! म्हैं क्यूं छोरा नै देखावण सारू भेजां । छोरी लाखां में अेक है सूरज । सागैसाग सूरज व्हे ज्यूं पळकती । म्हारा ती सगळा ई टावर सीर में । अठं ती अेक छोरी जिकी कालै सासरै जा ई परी । म्हारै मूंडांग ती ओ अेकीज छोरी ही । बतलायोड़ी काम दौड़ैर करती । उणनै ई थूं आघी कर दियो ।’ अर इण वात रै समचै ई वै उदास व्हेयैर चुप व्हेगा ।

लाभजी वात नै अठं इज पूरी करता बोल्या—‘जीम ली !’

‘नीं ।’

‘चाय तो चल जा ला ।’

‘ऊँ.....हूँ ।’ घांटी हिलाय’र सुगनोजी ना दियो । पछे की चेतन व्हेय’र पूछ्यो—
‘घाजी कठे ?’

‘आ रैयी बडोड़ा ! मांय आबोरा !’ पाखती रै कमरे सून घाजी री बोनी गुणोजी ।

सुगनोजी ऊठ’र मांय गया परा अर लाभजी अक निसांस नाग’र पाछा खतावणी में लागगा । परा सुगनोजी रै सून अचाणचक आवण सून अर बांरी बातां सून मन रा तार की दण गत उलझ्या के खेतावणी में मन लागी नीं अर वी वही संवेट’र विचार करण लाग के कंई करूँ ? सूरज नै पाछी बुलाय लूँ.....खुद इज जाय’र वयूँ नीं साथे लियावूँ । पण अठे फेर वा री वा बात ।.....उणरै कागद में लिखियां मुजब तो उणनै उठे आसींगगी हे ।.....पण अठे बड़ा भाई आज जिए गत.....कंई करूँ ?.....

सुगनोजी रै गयां पछे थोड़ीक वार नै इज जोधसिध आय पूगी । लाभजी अचभे में के आज कांई बात हे जिकी अणचितारचा लोग घर आय रैया हे । जोधसिध री इच्छा मुजब सेठजी आडा दैय’र कमरा में जमगा । दोनों बिच्चै खासी वार ताई घुम-मुस व्हेयो करी । कमरा रै वारै निकळती वगत सेठजी जरूर कीं गंभीर दीसता परा जोधसिध रै सून ई मुळक पसरघोड़ी ही ।

★ ★ ★

लिखारां सून

- ‘जागती जोत’ सारू रचनायां कागद रै अक पसवाड़े हासियो छोड’र आखरां नै ध्यावस सून मोट’र भेजी । उंतावळ के लापरवाही सून मांडियोड़ी रचनायां भेज’र संपादक री जीव मती वाळी ।
- लिपी रा कायदां रै सरोध सारू ‘जागती जोत’ मासिक रा अकां नै सावचेती सून बांची अर छुद री रचनायां नै जागती जोत री लिपी रै ढव ढाळर भेजी । —संपादक

परख

मीरां

कवी : नारायणसिंघ भाटी

प्रकासक : गिरधर प्रकासण, जोधपुर * मोल : दस रिपिया ।

नारी बाबत अक सहज मानवी बरताव अर नुंवी चेतना री विकास आधुनिक काव्य-चिन्तण री अक लूंठी खासियत मानीजै । तकरीबन सगळी भारती-भासावां रा नांमी लिखारां इण चेतना रै निरमांण में आपरी पूरी स्सारी दियो । तौई हाल इण बाबत ठोस अर सांवठी विचार-चिन्तण बौत कमती ब्हियो । अमूमन नारी-मुगती आंदोलण रा घणकरा पैरवीदार इण अबखाई नै उणारा आरथिक-सामाजिक आधारों सूं परवारै या वांनै गौण (चलताऊ) मान'र, खाली मानवी भाव-व्रितियां अर आपसी रिस्तां री असंगतियां रै बिच्चै ई सुळभावण री कोसिस करता रैया, जिणमें घणकरी जोर इणी बात माथै दिरीज्यो के मानवी-सभ्यता रै इतिहास में पुस्त बरग नारी बरग माथै अणूती अत्याचार कियो । ऊपरी तौर माथै अबखाई री सरूप ओ ई दीखै इण वास्तै लुगायां रै ई आ बात खासा हीयै लागती ठूकै । नतीजन इणरी बुनियादी रूप सूं गुनंगार वा सामंती या पूंजीवादी समाज-व्यवस्था साफ बच'र निकळ जावै । इण व्यवस्था रा हिमायती अर पैरवीदार जवांती तौर माथै लुगायां बाबत खासा चिन्तित अर किरियावर दरसावता दीखै—वै वारै सांमी आतमा री मुगती री केई मिसालां अर निराकरण पेस करै अर इतिहासू परिपेख में वारी महानता री बिड़द बखांणतां कोई कसर लारै नीं राखै । भारती-भासावां अर खास कर हिन्दी रै साहित्य-चिन्तण नै ध्यान में राखतां जे आपां इण प्रव्रति री पड़ताल करां तो इणी नतीजै माथै पूगां कै छायावादी रचनाकारां नारी माथै सगळां सूं बेसी ध्यान दियो, पण वारै नजरियै में भावुकता अर हवाई हमदरदी री असर इत्ती अणूती ही के वारी 'ध्यान' अर 'चिन्ता' असलियत सूं कोसां अळगी पड़गी । वां उणानै श्रद्धा अर देवी री इत्ती ऊची पदवियां माथै पुगाई के नुंवां कविताकारां नै उणानै पाछी सामान्य नारी रै धरातळ माथै लावण में खासा जोर लगावणो पड़्यो । इण बिच्चै नारी-मुगती आन्दोलनां अर अन्तर्राष्ट्रीय महिला बरस री ई नुंवां रचनाकारां माथै गैरी असर पड़्यो । नुंवे समाजवादी विचार-चिन्तण इण अबखाई री बुनियाद खोलतां थकां जिकौ वस्तुपरक विस्लेसण पेस कियो उणसूं संवेदनशील यथार्थवादी रचनाकारां नै अक नुंवी दिसा अर दीठ मिळी । कीं अँडा ई रचनाकार है, जिका परम्परा अर आधुनिकता रै बिच्चै ताळमेळ बँठावतां थकां आपरी मौलिक जीवण-दरसण इजाद करण में ह्व्योड़ा, तो दूजी कांती कीं अँडा मुगत-

मानववादी रचनाकार ई, जिका इतिहास में चावा चरितां रै जरिये इण अखवाई माथे विचार करण री मिसाल पेस करै । स्यात् रचनाकार सारू आ दूजी रीत ज्यादा माकूल ई व्हे के वी आपरै पाठक सांमी अखवाई नै उणरा इतिहासू संदरभां माथे मूर्तरूप में समझा सकै । राजस्थानी रा लूँठा आधुनिक रचनाकारां में इण दीठ सून 'मीरा' रा रचयिता हौं । नारायणसिंघ भाटी खास तीर सून उल्लेख-जोग जांणीजै ।

ओ अ्रेक खु गी सांच है के मुलक रा दूजा हलकां री तुलना में केई कुदरती कारणां मूं राजस्थानी समाज में सामाजिक चेतणा रै विकास री रफतार बोल घौमी रेंयो । जठे सामंती मांण-मरजादावां, धार्मिक-नैतिक मूल्यां अर रूढ़ परम्परावां री तग पकट में अठे री आम जीवण ओझूँ लग कळपीजै । आ ई बजै के जिका इतिहासू चरितां वां रूढ़ मरजादावां नै चुणौती दीवी, उण वगत रै सासक-वरग अर मठाचारियां री ऊभी करियोड़ी बाघावां रै बावजूद आम जीवण में वै खूब चावा विह्या अर वांनै पूरो मांण सम्मान ई मिळयो । मध्य जुगी राजस्थानी समाज में मीरां अ्रेक अ्रैड़ी ई समग्र चरित ही, जिकी कधी नारायणसिंघ भाटी री नुंवी संवेदणसीलता अर आधुनिक भावबोध रै साथे ताळमेळ बँठावती थकी उण इतिहास नै ललकारती केवै—

थे कांई देवी बर बर में
सतियां री साल
थारी अरधंगी नै सूपियो
थे सेजां री नै चिता री ई आघ
जे वै जूँझती जीवण थारै जोड़
थे जग री कोई समर नीं हारता,

मीरां वां सामंती नेम-कायदां नै उळांघ जिकी मुगती री मारग धारयो वी मुगती री सही आदसं नीं व्हेतां थकां ईं । उण वगत री काळगत हालतां में, फगत वी ई मारग उणरै सांमी हौ अर वा उण पंथ माथे पूरै आतम विस्वास अर निष्ठा मूं आगे बधी । मीरां री ओ ई करमठ व्यक्तित्व अठे री नारी नै सदा प्रेरणा देवती रेंयो—

वं जीरण परकोटां रा जिरांण
पथरीजग्या है
नवल राजपथ नयर
जठे मुक्त नारी विचरै है
आपणी चाल,
नित सांभ सहेली संग रम जावं
अंतर चित्रपट में
थारै जोगिये मरम मूं
आपरी पीड़ नै पिछांणती,

आज रै साहित्य में यथार्थ री प्रतिस्था अर उणारी निरवाह जे टाळवीं रचना री लाजमी सरत मानीजै तौ कोई अणूती बात नीं अर आ अक उलेख जोगी बात, के कवी भाटी इण सरत नै घणी दूर ताई निभाई । ओजूं लग मीरां री क्रिसन-भगती नै लेय'र केई तरै री दंत-कथावां अर अन्तर-कथावां चालती रैयी, जद के डा. भाटी इण काव्य री दूजी किरण में वां सगळा घटणा-परसंगां अर हालतां री सार-रूप खुलासी औ कियो के वां हालतां में मीरां रै सांमी क्रिसन-भगती ई अक मात्र मारग रैयग्यो—

पैला सूनो होग्यो सासरो
हमें सूनौ होग्यो पीर
धीवड़ी ज्यूं बहू नै धीरपणी
रांण सांगो ही सरग सिघायगो,

अर तद—

पीड़ भपेट
चौगुणै चेतै परजळी
अंतरजोत
सबळा नै सबळ संगी
दीखियो—

‘मीरां’ आधुनिक भाव-बोध, नुं वै रचना-सिल्प अर राजस्थान रै गुमेजू सांस्कृतिक चौफेर रै तिखूरण रचना-संघर्ष सून उपज्योड़ी अक कदीमी अर सांवठी काव्य-कृति है, जिएमें कवी मीरां रै व्यक्तित्व नै जिकी मांयली मनगतां, भीणी रंग-रेखावां अर मौलिक अणभूतियां रै माध्यम सून उभारण री सिल्प कांम में लियी, वो निस्चै ई वारा रचना-सामर्थ्य री सही साख भरै । परसग रै पेटे इण दार्वे आ बात औरू उलेख जोगी समझू के इण दीठ सून कवी नारायणसिध भाटी री पैलड़ी काव्य-कृति ‘दुर्गादास’ वारै सिरज्योड़े साहित में आपरी सिरै ठांव राखै ।

कवी भाटी आपरी कविता-जातरा रै दरम्यान केई इतिहासू चरितां नै अक अँडौ नुं वौ व्यक्तित्व दियौ जिको वारी जांणी-पिछांणो स्थूल रूपाकारी सून साव न्यारी भाति री निगै आवै । चरित नै उणारै मांयलै सुभाव अर निगूढ़ मानवी गुणां सून उभारणी वारी निरवाळी रीत रैयी, जठे स्थूल कथा-विन्यास अर घटणा-परसंग गौण व्हे जावै ।

औ अक दिलचस्प तथ्य है के डा. नारायणसिध भाटी आधुनिक भाव-बोध सून बीत नजीकी संपर्क राखतां थकां ईं आधुनिक जीवण री जटिलतावां नै बड़ी खूबी सून अकांनी करतां, किणी इतिहासू-चरित रै व्यक्तित्व-निरमाण में बड़ी संजीदगी सून उलभ जावै । हालांकि नुं वै जीवण री जटिलतावां रै टकराव सून उपज्योड़ी थकावट साफ तौर सून वारी कथणी में मुखर व्हे जावै, जठे वै अनायास ई केवता दीखै —

आज रं अलसाया नंगां में

वो उछाव नों

इणरे वावजूद उण जूनी परंपरा सूं मांयलै लगाव, ओळ अर कल्पना रं स्तारं वं पूरं नैठाव अर आतम-विस्वास सूं वां इतिहामू संदरभां रं विचै पूग जावै । कवी आपरें इण अणभव री बड़ी ई रोचक अर कविताळ व्योरी पेस कियो, 'जठे वो मध्य-जुगी इतिहास री मैरावां नीचे खुदियोड़ी काळ-वावडियां री मांयली पेडियां मायें अक सलूगें ग्यांन रं धीजें साथे उतर नै उण पारदरसी जळ री गैराई में भांकें, जठे ऊंघतें अंधारें रं असळाक हेटें पैली वार उणारी दीठ में वै मरमीला आईठाण सोनजुही ज्यूं चमकण लागें ।' अर उण गैराई अर उजास-बोध रं साथे पाछी वरतमान जुग कांती पांच सौ वरसां री आंतरी पार कर पूगणी, कवी री कथणी मुजब, वारें वास्तै अक अजब अर अनूठी अणभव ही ।

'मीरां' री हूजी अर तीजी किंगण री रचना-विन्यास जित्ती सीधी अर मपाट है, आगं री सगळी किरणां री उत्ती ई मांवठी अर कविताळ । सासकर चौथी अर पांचवीं किंगण में मीरां अर सांवत-सिरदारां रं विचै री कविताळ चारतालाप ग्यासी रोचक अर महत्ताळ, जठे मीरां राजमहल छोड नै क्रिसन री फ्रीडास्यळी बन्दावन कांती मंघाण करे अर भेवाट रा राणा विक्रम आपरी माण-मरजादा कायम राखण सार मीरां नै पाछी मनाय लावण नै आपरा अणभवी सांवत-सिरदारां नै लारें मेलें पण वै मीरां नै पाछी फेर लावण में नाकांमयाव रैवै । मीरां रा अणभव सूं उपज्योड़ै आं बोलां री वै पण कांडे पडूतर देवता—

मोड़ा आया रे मांनोता सिरदार !

वा वेळा तो कदं बीतगो,

म्हारी सार सुरछा री

काई वतावी मू'छाळां मोद

मीरां तो मार लिया

जग छळ मीर

अं अमीर भलाई भवै

किरण री काई करलें कांवळा ।

अर जद वां पीडियां री लाज अर माण-मरजाद री दुहाई देयनं रोकण री छेली कोसिस कीवी, मीरां री लाजवाव पडूतर ही—

लाज तो रैसी नरां !

आतम रं आपांण

ना रहै—

नारी रं नय घालियां !

संसारी माया-मोह अर ऊपरी माण-मरजादावां उळांघ नै मीरां जिण निरमळ भगती अर प्रेम रं छेव में प्रवेस कियो, उठे ई पाखंड अर ऊपरी दिखावां री कमी नों ही । जद ई तो वा च्यारूमेर फैल्योड़ै पाखंड अर उथळें स्वारथ नै धिक्कारती कैवै—

‘अरे बंट रा लोभी लैणायतां !
 घरां नै धींगाणै बांटी भूपतियां
 घन नै सूत लियो घनपतियां
 घरम नै पंय में पळोट
 थे नर नै नारायण बांटियो !’

अर इणी उचाट मनगत में मीरां री मन रूपी रथ द्वारका धाम कांनी मुड़ग्यौ । छठी किरण ताई आवतां-आवतां कवी मीरां नै श्रीकृष्ण सूं सीधै संवाद रै घरातळ माथै पुगाय दी । हालांकि तथ्य रूप में मीरां री आ मनोभावना इकतरफा ई रैयी अर जैड़ी के परंपरा रैयी है, अर इतिहासू परिणति तकात इणी रूप में चावी है, कवी आ कैवतां थकां मीरां रै भौतिक अस्तित्व नै उणारै आराध्य में अक-मेक कर दियो—

खंभ-खंभ दोळी रास रौ रचाव
 सुरज-सुरज दोळी रसमि रमाव
 पळक-मुळक में/आपै रौ मिळाप
 लय में लय लीन
 जोत सूं जोत सजोत हुई ।

अर इणी दिसा में कवी मीरां रै चरित री विकास करती उणनै विष्णुप्रिया कमला रै सेंजोड़ पुगा देवै । मीरां री आ चरिताळ विकास कवी री निजू मौलिक सूझ-बूझ रौ नतीजी है अर कोई इचरज नीं के इण कविता रा पाठकां नै आ कीं अरथां में अणूंतौ अर असुभाविक लागै ।

मीरां रै चरित नै उण ऊंचाई माथै पुगायां पछै कवी जद पाछी आपरै चौफेर में वावड़ ती उणनै दीखै के डूबतै उजास में कत्राणिया छाजां री पलक भुकायां आ मोटा महल अबोला ऊभा भाळै अर दुरभाग दरसावै । अठै आ बात विचारण जोयी व्है सकै के कवी री निजर घूम-फिर नै इणी सीमित चौफेर मे अटक'र रैय जावै, जठै वी गैरी उदासी अर पिछतावै री मुद्रा में ऊभौ निजर आवै । जठै ताई आधुनिक जुग री नारी रै जीवण-संघर्स री सवाल है वै आज ई उणी प्रेरणा-पुंज कांनी इसारो करता दीखै—

इण विध
 जरी रै तारां रा जरद भाड़
 अक इकतारै में संवरियो
 नारी रौ सील
 जिण भणकार—
 नारी संसार री सकळ स्वांस
 अक राग अनुरागै
 जीवण जुध री रागणी ।

निस्चै ई मोरां री वो विद्रोही रूप आज री नारी साकू अक हृद ताई प्रेरणा री सरूप कथीज सकै, जठै वा अकारथ थोप्योडी जड मरजादावां नै सीधी चुणौती देव, परण उगरी आध्यात्मिक अत नीं प्रेरणादायी है अर नीं आज रै जीवण में व्यावहारिक ।

जिण अरचना-भाव अर आस्था सून कवी 'मोरां' री रचना कीवी उणी भाव-धारा री सीवां में रैयां, स्यात् इण काव्य री सही मोल आंकणी ओखी हँ अर जै पूरी तरै तटस्थ व्है'र परख करीज तो व्है सकै के पाखी कठैई आपरी संतुलण गंवा बँटै—आ गत गासा दुविधा-पूरण है, अर म्हारै वास्तै ई किणी अरथ में रैयी जरूर ।

रचना-सिल्प री दीठ सून 'मोरां' निस्चै ई राजस्थानी री अक बेजोड़ काव्य-कृति है । कवी नै जठै उण मध्य जुगी सांस्कृतिक-परिवेस नै रूपावरण बाळी सामरथ सबदावळी है, उठै ई आधुनिक भाव-बांध रै मुताबिक नुंवी रचना-विन्यास अर जीवंत काव्य-भासा री ओपती पैरी जाणकारी ई । आपरी काव्यानुभूति री बुगुगट रै दरम्यान कथी नारायणसिघ भाटी री मनगत अर चेतना में कठैई आ मांयली इच्छा जरूर रैयी दीग्रे के वं 'मोरां' नै अक 'श्रैपिक' काव्य रचना री सरूप दे सकै । 'मोरां' री काव्य-संरचना अर कयणी रै मिजाज में इण कामना नै बखूबी पिछांणी जा सकै । आ दूजी बात है के आज रै जमाने में 'श्रैपिक' री गुंजायस बोल कमती रैयगी । महाकाव्य री जिकी सासूरीय सगतां पैली सून निरधारित है, उणी आधार माथे जे इण रचना नै परखां तो स्यात् वा खरी नीं ऊतरे, नयूँ के महाकाव्य में किणी देसकाळ-विसेश्व रै जीवण रै जई सांवठै नित्रण री उम्मीद रागीजे, अर उण इतिहास कथा रा खास घटना-परसंगां अर चरित्राळ विकास नै जिण नाटकीय घरातळ माथे दर्सावण री उम्मीद रैवै, 'मोरां' में उगरी निरवाह बोल थोड़ी व्है सकयी. अर उण रूप में 'मोरां' री मूल सुर अक प्रगीत रचना री ई रैयी । मोरां रै जीवण रा मुख्य घटना-परसंगां री अठै फगत सूचना ई मिळै—ओ सिल्प किणी महाकाव्य री नीं व्हैय'र अक लंबी कविता री कैवणी ज्यादा सही है । अक अंही लंबी कविता जिणमें कवी महाकाव्य रा मांयला गुणां नै बखूबी समेटण री कोसिस कीवी ।

काव्य-भासा री दीठ सून डॉ. नारायणसिघ भाटी री आधुनिक राजस्थानी रचनाकारां में आपकी अक न्यारी इमेज है । राजस्थानी री नुंवी सिरजण जठै आपरी लारली परम्परा में लोक-मानस अर लोक-भासा सून जुड़'र विगस्यो, उठै ई डॉ. भाटी री काव्य-भासा में लोक-भासा अर नुंवी मुहावरै रै साथै-साथै पुराणी डिंगल काव्य परम्परा री ई बखूबी निरवाह दिह्यो । ज्यूँ—

वाहरू डोलां रै वाजें
अखंड आखड़ी राखण
उजळ दूध रै उकारण ज्यूँ
सार मरण सुख उससतां
वाजती बीजूजळ चौकड़ी वाज
रगत होळियां री खेलणी,

सबद नै उएरी, मैमूवी सांस्कृतिक गरिमा रै साथै प्रयोग में लावणी वारै रचना-सिल्प री मोटी खासियत है। भासा फगत विचारों या सवेदू प्रतिक्रियावां री वाहक ई नौं व्है, जीवण री सांस्कृतिक अभिव्यक्ति री सरूप पए व्है। जिकौ कवी आपरी जीवंत सामाजिक परम्परावां वाबत जितौ जागरूक रैवै उएरी कथणी उत्ती ई सांवठी अर संदरभां सूं जुड़योड़ी व्है। 'मीरां' इए दीठ सूं अेक उल्लेख जोगी कति है।

अेक दूजी वात जिकी कवी री रचना-प्रक्रिया सूं जुड़योड़ी है—डॉ. नारायणसिंघ भाटी री आ वीत बड़ी खूबी है के वं कविता रै हरेक पद या वंघ नै 'कविताऊ' वणावण री भरपूर कोसिस करै। अठैं ताईं के कथा-वस्तु रा खास घटणा-परसंगां रा विवरण में ई इए कविताऊ कथणी नै परखी जा सकै—

सेवट

गरव री गिरदां में रैग्यौ

रोसोलौ मेवाड़

जठें दुंद री लाल-पीळी आंधी री

अधोकरै आवटणौ।

मीरां खुद आपरै जुग री सगळां सूं सिर कळावंत ही। अंडै कळावंत व्यक्तित्व री रंग रेखावां कोरतां जिए भीणी कारीगरी री जरूत व्है, डॉ. नारायणसिंघ भाटी आपरी कविता-जातरा में आ खासियत बखूबी हासल कीवी। आ ई बजै के 'मीरां' री आहूँ किरणां री भीणी वुणगट में कविता रा सगळा अंग-प्रत्यंग अर खासियतां आपूँ-आप समाथी। कविता री कथणी में बिम्ब अर प्रतीकां री खास हाथ रैवै अर जठैं कविता री आन्तरिक जरूत मुजब आंरी उपयोग व्है, रचना निश्चै असरदार वणै। 'मीरां' री हरेक किरण में अंडा अमीणा काव्य-बिम्बां री योजना सहज ई पाठक री ध्यान खीचै—अंडी ई बिम्ब योजना री अनूठी मिसाल रूप देखीजै औ नारी रूपी सांभ री सलूणी सांग-रूपक -

अलसाई

रंग-तळाई न्हाई सांभ

बदलै-गुदलै बेसां रा वणाव

कूंकू वरण हथाळी संवार

सौरमकड़ रळक्या संवर केस

वा गायण गमक ज्यूं बैठी पवन पोढ़ौ ढाळ

लागी नितंबां मखतूळीं अंवार

अंगूठै अटकाय

सुलभाई आठी रसम रंग री

नै बिदली देवण देख्यौ—

उरसां आरसी,

जागती जोत/६६

असर्मांनी सेजां रा सळ काढ चंदे पकड़ाई तारक चूंदडी ।

म्रीडा रूपक, विम्ब या प्रतीकां री फगत प्रयोग कटई कवी री मकसद नों रीयो । कविता री भाव-भोम, मांयलै सरूप अर मीरां री मनगत-चेतना नै ध्यान में राखतां जे आं काव्य-उपादानां रै उपयोग री जांच करां तो इणी नतीजें माथे पूगां के कविता री मांयली बुणगट रै वारें आंरी कोई वकत नों अर नों कवी नारायणसिध भाटी कटई ई जाण-वृक्ष'र या सायास रूप सून इण काव्य-सिल्प वावत कोई रुझाण जाहिर कियो ।

रचना-सिल्प री दीठ सून 'मीरां' निस्च ई अेक सचळी काव्य-कृति हें अर धाधुनिक राजस्थांनी लेखण री अक लूंठी उपलब्धि ई, जिणनै किण्णे भारती भासा री टाळवीं काव्य-कृतियां रै विचचें राख परखीज सकें ।

— नन्द भारद्वाज

★ ★ ★

लिखारां सारुं

रचनावां रै महनताने अर जागती जोत री पुग नो पूग री यावत संगम रा
सहायक सचिव ने सीघी कागद लिपी, संपादक ने लिपियां क्यारी कोनों
लाबें ।

—संपादक

आपरा कागद

जोधजी,

'जागती जोत' रा अप्रैल-मई अंक पढ़्या । नवी पीढ़ी रा लेखकां नै मंच दे'र आप संगम रै काम नै आगे बढ़ायी । इसा चोखा अंकां रै खातर आपनै बघाई । अम्बू सरमा रा अप्रैल अंक रा कागद में 'सिड़लै' जिसै सबदां री प्रयोग पत्रिका रै स्तर लायक कोनी । हां, वारी पूर्वाग्रह जरूर दीखै, जिको तो 'म्हारो देस' में भी है । अंक ई लेखक री दो तीन चीजां देणै री बजाय ज्यादा लेखकां नै मौकी देवो तो आछी ।

श्री लाल मिश्र

सभापति, राजस्थानी संगम बीकानेर

घणा मानीतां जोधाजी,

'जागती जोत' री अप्रैल ७७ अंक तो नीं मिलियो, परण आज इगरो मई ७७ अंक देख'र मन हरखायो । या मासिक बणगी अर आपरै जोसीलै हाथां सूं सम्पादित व्हैय'र निकळै या सरावण जोग वांत है । सगळी सामग्री ओपती अर मनभावती है । आस करूं या जीवती रैयसी : 'खुद सूं खुद री बातां' में घणा फूठरा प्रयोग है, आ कविता घणी दाय आई ।

डॉ. उदयवीर सरमा

बड़वासी (नवलगढ़)

व्हाला बांधव,

'जागती जोत' री मई अंक मिल्यो । दाय आयी । ओपती सामग्री, फूठरी गेट-अप । भाई सत्यप्रकाश जी जोसी, नारायण सिध जी भाटी अर सांवर जी दइयां री रचनावां चोखी लागी ।

डॉ. नरसिध राजपुरोहित

खांडप, वाड़मेर

प्रिय श्री जोधा,

'जागती जोत' को इसके शेषकाल से ही मैं निरखता रहा हूँ । आपने इसको नया मोड़ दिया है, जो प्रशंस्य है ।

नागरमल सहल

अध्यक्ष अंग्रेजी विभाग, जोधपुर वि. वि.

जोध,

मेरी पंजाबी कविताओं के सफल सटीक व सुन्दर राजस्थानी अनुवाद के लिए मेरी हार्दिक बधाई ।

प्रकाश प्रसाकर

पंजाबी विश्वविद्यालय, पटियाला

इण अंक रा लिखारा

[पेज २ री बाकी]

मानखा' आळा रेंवत जी । कम कीकर व्हैता, अरजण जेडा ई फरजण । पढ़ता व्हैला ? हां, हां ऊमर ई पढ़ै जेडी, अठी ? च्यारेक वरसां सूं कवितां रें गेलै ।

आत्माराम : कोटा कदै पूगा ? साल-छ म्हीनां व्हैगा व्है ला । जोधपुर हा नीं, हरावल सूं आया हा आगं ? वं रा वै, भला ओळखिया, सागं न बागं । क्रियां काई ? देखी जी नवा-नवा सो व्हाला ई लागं । कोरी कविता ई लिख ? नीं, दूजी विधावां में ई कणां-जणां दीखै ।

कल्याण सिध राजावत : देखी जी बालघां काई पर काई ? जा ओ गेली, कीं न काई, ओ तो बाजें मंच अर ओ किलजी राजावत । इत्ती ई कोनीं जाणें, कुणसै गांव वसै, राजस्थान रें खुर्ण-खुर्ण चावा, गीत अर गळें दोनां में ई ठावा । याद कोनीं खाती जी खट-खट, फूल-फूल री मोल, अर वां सलाम, सगळा आपरा ई काम । अठी 'परभाती' अर ओक फुटकर गीत पोथी, दो-दो पोथ्यां सारू सजियोडा-संभियोडा ।

सौभागसिध सेखावत : रजवाड़ां सूं भेलवाड़ां ताई भांत-भांत सूं भुगतियोडी ऊमर । हांSS अब कीं

इत्ती फरक प्रथम ऊमर रें सागं, के चौपासणी सूं जोधपुर री पेंडो लांबी-नांबी लागं । रोजीनां जावणी मज आवै नीं, पण तेज सा करां काई, दूजां रा देखोडा 'प्रक' दर ई भावै नीं । दो पोथी हाथ में, दो बान में, दो संभाळैला सौभाग जी रात में । आ ऊमर पर इत्ती काम भाई ओ भाई, राम ओ राम ।

पारस अरोडा : प्रेक हाथ में कटोरदान, दूजें में साइकल अर मूँटे में पान, हेSS वै देवो आवै पगां-पगां पारस जी । मोटा पूगा नीं, काठो दिन अंधार । पण कठै कतूतरां री चोक अर कठै भगत री कोठी । तीसूं तारीफ री आव-जाव पोटी । 'कई मार, हो जिण में यूं बेगार भोळाय दी, बनिषोड़ी टेम दारी आ 'जागती जोत' सायमी । या री डा र्हेती तो प्रेस री काम सोन्रती ई नीं ।'

नन्द भारद्वाज : गिनतारा । नंद जी परवारा-परवारा । लो घारी ओळख काई मांडा, कीं तो आवण दी । येक घर ठाकण ई टाळै, तेजजी जावण दी । जसूं घारी मरजी, ये जांणी पाठक तो रचनावे रा मरजी । हां असल ओळख तो लठें ई पासी, नीतर घारी तुकवाळी सूं काई हाथ आसी ।

सम्पादक री पत्ती :

तेजसिध जोधा

संपादक-जागती जोत (मासिक)

मोहता कॉलेज

सादूलपुर-३३१०२३

राजस्थानी भाषा साहित्य संगम (अकादमी) बीकानेर

रा

प्रकाशन

नाम पुस्तक	विधा	लेखक	मूल्य
प्रेतात्मा री प्रीत	(कहानी)	श्री दामोदर प्रसाद शर्मा	५-५०
रोहिड़ै रा फूल	(व्यंगात्मक निबंध)	डा. मनोहर शर्मा	५-७५
हांस्या हरि मिलै	(हास्य)	श्री नृसिंहराज पुरोहित	७-५०
जोग संजोग	(उपन्यास)	श्री यादवेन्द्र शर्मा 'चन्द्र'	७-२५
अटारवां	(रेखाचित्र)	डा. ब्रजनाटायण पुरोहित	५-७५
आदमी रो सींग	(कहानी)	श्री कटणीदान बारहठ	६-००
अक 'वीनणी दो वीन	(उपन्यास)	श्री श्रीलाल नथमल जोशी	८-३०
राजस्थानी साहित्यकार			
परिचय कोस	(परिचय अंक)	सं. श्री रावत सारस्वत	७-७५
सोनल भींग	(लघु कथायें)	डाँ. मनोहर शर्मा	७-००
काळ भैरवी	(लघु उपन्यास)	श्री रामनिवास शर्मा	७-४०
हंस करै निगराणी	(काव्य संग्रह)	श्री सत्येन जोशी	७-५०
राजस्थानी साहित्य री समीक्षा	(जा. जो)	सं. डा. मनोहर शर्मा	८-००
राजस्थानी कहानी संग्रह	(जा. जो)	सं. रामेश्वरदयाल श्रीमाली	८-५०
राजस्थानी निबन्ध माळा	(जा. जो)	सं. डा. मनोहर शर्मा	८-००
सरवर सूरज अर सिज्या		श्री प्रेमजी 'प्रेम'	प्रकाश्य

सम्पर्क—

राजस्थानी भाषा साहित्य संगम (अकादमी)

नागरी भंडार, बीकानेर ।

आगले अंक की जानकारी

- * 'लौ सा, लंदन आयागयो'—लिट्जो कुमारी चंदावन की बिलायत-जात्रा ।
- * 'तिरी तळायां थने थाग लू'—नारायण सिध भाटी का पनरा गीत ।
- * 'भारी सोद-सरा'—विरचूमल गाडांसी ।
- * 'रजाई' नांव की कथा अर 'शालभीरी अर देद व्यास की मारवाड़' नांव की नांभी लेख ।
- * बी. आर. प्रजापत, कल्याण गोतम, ओमप्रकाश गरम, दीपचंद सुमार अर पूरण तरभा इत्याद की कवितायां ।
- * डोगरी अर कसमीरी कवितायां का उल्हा ।
- * 'खुद लू' खुद की बातों' अर 'खुलती गांठां' की लोखी लेख ।
- * बूझा लगळा स्थंभ ।

जायती जात


राजस्थानी संगम रौ मासिक

सम्पादक
तेज सिंह जोध

अगस्त

१९७७





जागती जोत

राजस्थांनी संगम रौ मासिक

अगस्त १९७७

संपादक

तेज सिंह जोधा

वरस : ५

अंक : ६

वरस रौ मोल : १२ रिपिया

इण अंक रौ मोल : सवा रिपियो

रियायती मोल : ८ रिपिया

प्रकासक

राजस्थांनी भासा साहित संगम (अकादमी)

बीकानेर [राजस्थान]

३७ अंक रा लिखारा

मोहन निरास : पीछी रंग दूबळी देही, तीखी-लांबी नाक, ऊपरलै होठ रै नपीली चतराई सून काटी थकी मूँछां, सिगरेट माथे सिगरेट, पैरियोड काई, डील माथे नीठ-सी ठेरियोड गरम-बोझल सूट में लागे, कठै न कठै तो भाई निरास वहेला ई । लारलै बरस भोपाळ में कवितावां रै अनवाद-मेळै मिलिया, तो एण अक छपी कविता 'देखतां-देखतां' वै प्राप म्हने दीवी अर उठै ई इण नै अरथावण में हायू-हाथ म्हागी मदद कीवी । कैवै हा—“आज म्हे कसमीर सून असेधा वहेगा, अर कसमीर म्हां सून । सांच पूछी तो कसमीर री असल कलचर, हिन्दू कलचर ही, जद के आज अक पूरै वगत सून (अर डेलीव्रेटली) उठै मीयांपी ई मीयांपी मांय-वारी कर फिरियोडी लावै । टोटीडां झील-झरणां तकात रा नांव वदळ दिया, म्हांरी ती ओळख ई साव गमगी । वा ई गमियोडी ओळख म्हारी इण कविता 'देखतां-देखतां' री पीड ।”

कसमीरी कवी मोहन जी तोस-पेंतिस रै विचाळै वहेला । आकासवांगी श्रीनगर माथे नौकरी लागोडा । कविता सुणावै तो लागे जाणै देही री आखी रस-कस वारी आंखियां आयगी व्हे अर मूँडै-हाथां उफस आई व्हे लीङियां दाई लीली-चैर नसां । अवाज वारी सुणियां पछै दिनां याद रैवै ।

मधुकर : डोगरी कवी । पूरी नांव केहरी सिध 'मधुकर' । चाळीस सांकडी ऊमर । रुगड-मुगड अर मस्त । जम्मू जिले रा वासी । भोपाळ रै अनवाद-मेळै मिलिया तो खुद री छपियोडी कविता-पोथी 'डोला कुल ठप्पे आ' म्हने दी । इण अंक वारी कविता उणी पोथी में सून । डोगरी में गीत, गजल अर कवितावां रै सीगें चावो नांव । खेती-वाडी री हलीली । पिडां री नौकरियां में जीव रमै नीं, आ छोडी अर वा छोडी ।

बी. आर. प्रजापत : कविता तो निर्गं जिगी लिखै ई, फोटोग्राफी अर पेंटिंग री सीग ई प्रजापतजी नै पूरी । 'अंधार-पन' अर बोले-भारमली' इत्याद पोथ्यां रा कवयोज आं रू ई बणायांदा । इण छाप 'जागती जोत' रै नां री डिजाइन अं ई ह्यार कीधी । जोधपुर विश्व-विद्यालै में नौकरी । शीघा-म्यांग्रा अर मिनतारु-ग्राम मे म्हाण्यां ई चुने नीं ।

पूरण सरमा : राजस्थानी अर हिन्दी, दोनू ई भासायां में लिखै, सासकर कविता । राजस्थानी में पैली बळा छपिया-उणी अक में । जेवर जिले रा वासी ।

मुरलीधर सरमा 'विपल' : कवितावां लिखै । 'जागती जोत' मे पैली बळा । मेड़ता सिटी री शायर सैकण्टी स्कूल में टाचरां नै पढ़ावै ।

दीपचंद मुयार : इन्वेंटरी गीत । पेंतीश रै ओळू-दोळू ऊमर । मूँडे सून हळकोक वारं आयोडी चोकी । अग्रणाम सून हळाबोळ हमी । माथे रा घणकराक बाळ उठियोडा । बात करै तो लागे जाणै पैली सून ई सेधा । मेड़ता सिटी में मास्टर । हिन्दी में ई लिखै ।

कल्याण गीतम : बीकानेर रा वासी । नवी कविता री खासी-भली समझ । सासकर भासा समचे भरोसी करां जेड़ा ।

श्रीमप्रकाश सरण : बाडमेर जिले री पचपदरा तहसील में काम लागोडा । इण अंक सावण रा दूहा । श्रीमजी 'जागती जोत' में पैली बळा ।

लिछमीकुमारी चूँडावत : साहित अर राजनीत में सारीसी नांव । देसां-परदेसां फिरियोडा । राजस्थानी में कथावां री केई पोथ्यां छनी । परदेसी वातां रा उल्या ई आप कीधा । विचारां में वामपंथी रीझ-रिभाव । आजकाले राज्य सभा रा मेबर । कांग्रेस रा भला दिनां अकर आप प्रदेश कांग्रेस रा अध्यक्ष ई रह्या ।

[रचनावां वहेला यकां, इण अंक अंदा लिखारां री ओलख टाल दी, जिकां री ओलख पैली केई वला 'जागती जोत' रा अंकां में आयोडी ही—संपादक]

वि ग त

देखतां-देखतां	मोहन निरास	४
आ किण री पड़छाई ?	मधुकर	५
तिरी तंलायां धनै थांग लू	नारोयण सिध भाटी	७
खुद सू खुदरी बातां	गोरधन सिध सेखावत	१२
बालमिकी अर वेद व्यास रौ मारवाड़	जहूर-खां मेहर	१६
म्हारी सोक-सभा	मिरचूमेल माडांणी	२५
रंजाई	नरसिध राजपुरोहित	२६
धीसू कुंबार	बी. आर. प्रजापंत	३४
गुलाब रोपां	पूरण सरमा	३५
वै अर म्है	मुरलीधर सरमा 'विमल'	३६
कीकर कहें दू	दीपचंद सुथार	३६
पैडौं तौ छेकड़ें	कल्याण गौतम	३७
सावण रा दूहा	ओम प्रकाश गरग	३८
दोय चूथरा न्यारा-न्यारा	लिछमी कुमारी चूंडावत	३६
खुलती गांठां	णारस अरोड़ा	४२

स्थंभ

आपरा कागद

६२

● पूठै रौ चितराम : प्रेमचन्द्र गोस्वामी

देखतां-देखतां

मोहन निरास

देखतां—देखतां

आंगलियां बिचोकर निसरगी वितस्ता^१

म्हारी आप री उणियारी

वैगी म्हां सूं ई असैंघी, अर सांगी

जिकी म्हे लाया उघारी-पारी

उघार रा भांठां में ही पंली सूं ईं तेंरां

सेवट तेवड़ी के खुद न बेच म्हांवां

वपरायलां खुद रें साटें नवी असतित

इणी गतागम में गमगी म्हारी परगत

लीलांम होवण लागी मिनख री सांस

अर म्हे आप मोलाई, पीसां साटें

मिनख री सांस

अनांवी नगर सूं चींठगी अ्रेक गघी

ढेंचूं—ढेंचूं —खायगी सगळी कागद

जिए माथै मंडियोड़ी ही म्हारी मूंढी

थारी पूठ

टावर रा पगल्या

सड़कां गलियां में गेली विसरगी

लोगड़ा वां में, वां में ईं चेताचूक वितस्ता

हां S S उणीं में जजवीजगी आखी वूलर^२

समद समूदी माटी री थाली में

अर लला^३ रें नाकें पड़गी अवढी-ऊंडी खाई

१. अ्रेक नदी

२. अ्रेक भील

३. अ्रेक दूजी भील

सगळा खुणां सूं पड़गी काच में तेड़ां

अर अकूअक तेड़ा में साव सूनी

अर गमियोड़ी म्हैं—म्हैं ईं म्है

सांकळ, जिकी अबारू—अबारू

किणीं गंडक रें गळै सूं खोलीजी

म्हारै गळै घलगी

दरूजा तूटा, बारियां उखलगी

तावड़ी चांक दी आज म्हांरी हाडकियां

जद किणीं री उणियारी व्हैगी

उण खुद सूं असैंघी (आ ईं व्ही)

जिकी वो लायी ऊधारै—पारी

उधार रा भांडां में ही पैली सूं ईं तेड़ां

आंगळियां बिचौकर निसरगी वितस्ता

देखतां—देखतां

* *

ढोगरी कविता

आ किण री पड़छाईं ?

मधुकंठ

कुण दीखे दरपण रें मांई

आ किण री पड़छाईं

म्हारी ?

नीं, नीं कदै न म्हारी

म्हैं ग्यांनी, दांनी, पराकमी,

दुनियां री सांचौ उपगारी

जागती जोत/५

आ नीं म्हारी पड़छाईं
 श्री ती कोई चीर, लफंगी, तुच्ची
 डाकू-धाड़ायत सो लागै
 साव दुइयोड़ी आख्यां
 मूंडै हद काळस पुतियोड़ी
 इण कमरै में पण फगत अकली म्हैं हूं
 ती कुण दीखे दरपण मांई
 आ किण री पड़छाईं
 म्हारी ?
 नीं, नीं कदै न म्हारी
 म्हारी अक आख रं सागै
 रोज नवा इतिहास लिखीजें
 म्हारी हर पग मजल लावें
 म्हैं निस्कांम-भगत, मोह-त्यागी
 कवी-लिखारी
 दुनियां मानै घूसी म्हारी
 आ नीं म्हारी पड़छाईं
 श्री ती बोखेबाज फरेवी
 कूड़ी, कमसल, फरजी दीसै
 आख्यां में कितरी कुटछाईं
 इण कमरै में पण फगत अकली म्हैं हूं
 ती कुण दीसै दरपण मांई
 आ किणरी पड़छाईं ?

उल्यो : तेजसिंघ जोधा

* * *

पनरा गीत

तिरी तलायां थनै थाग लूं

नारायण सिंघ भाटी

१

बादलियै बटाऊ री चढ़ती वेस
थारै अंगों री डूंगरियो उठाव
भल आपै आई सैंधी सुघड़ाई री
वा घुळती अर पिघळती पिछांण
सांसां सरूपाई रा समंद में
तिरै है हेत हिलोळा बरा बेलड़ी ।

जागती जोत/७

गेरी ई गेरो काई गाजे रे गिवार
 डंवर अंवर डाका देवती
 आगे वधे ती वध वधाऊं
 बांह री नदियां पसार
 ऊभरो यादां री घिर घाटियां
 तिरी तळायां थनै आग नूँ ।

बूठीड़ा डूंगरियां राळची है हरियो डोळ
 पवन चढ़ चाल्यो है प्यारी रं देसड़े
 कणंकणी करी है किरण मूरो मोक्ष
 कबडाळा कोडां रा डहकं डेडरा
 लाजाळू हाथां रं गूंथ्यै गोरवंदिये री याद
 आज ती दोनां नै आवै अकसी ।

आज ती सांवणू गलीचं माथे
 मूमलिया खोजे है आरा खोज
 हरिया होवै हियै रा अनंग
 दांवणियै मनां री दीड़ रा
 घड़ी-घड़ी आछटे औसांग
 मोतीड़ा वींधती रसमायल रौळ रा ।

कुरजड़ियां कोकाई है काळोड़ै असमान
 खेजड़ियां गमगेरी है चिड़ियां रै हूळकां
 हरियल खेतां रै हमगीर तेजी उगेरचो तीखी राग री
 तालां तिरै आडी-डौढ़ी आडां आळी डूंड
 डगरां ती डिगै है गज-धोरां घसती डोरियां
 साईंणी रा सदका पड़ै है कंचुवै केळोजती डेरियां ।

थांरी हिरणी निजरां री निरणी सौक
 आज री अंधारी में बीजळियां लड़पड़ी
 थारै भुरणै सूं वारै भुरणै री होड
 पण थारा डाबरिया नैण तौ सायरां पैली ऊभळ
 म्हे पूगा पूगा नद नाळा जाळ उलांघ
 थांरी छिळती छीळां नै छाती ढाववा ।

सांवण सूरंगै लियो भादवै रौ भार
 आ लागतै आसोजां री कंचन लीलांगी
 भुर भुर भुरी कण भोलै री भांप सूं
 किसोक बायरियो आवळ-कावळ बाजियो
 तिलां ईं तिड़कै है दीवाळी नै दसरावै रौ नेह
 हाल तौ तीजां नै राखड़ी रौ रूपक रसावियो ।

आयौ अ सुंदर थारौ कमाऊ कातीसर बीर
 बणीठणी बोरड़ियां नै लाल चूनड़ ओढ़ावतौ
 रूपाळी रसाळां लायौ काचर बोर मतीर
 थारै भांत-भांतीलौ दुपटौ बेल-वूंटों री भांत री
 हाथ दियां ईं तिड़कै नेह निजरां निदाणियोड़ी
 भात हेत फूटती फळियां मुटकरणे मूंग री ।

जुगनू जड़ियो है गगन रूखड़ी
 चांद चिरागै है डावी डाळ
 जिवणै पासै पवन कनातें
 पांख पपीहां हुई बिछात
 मन मेळू मिनखां खातर धरण
 सुरग धरा री आ सौगात ।

अगूणी मघवा मड़ी में रोली रम रे वयार
 धरा रे उजळायै चेरै जांगै
 भीणी-भीणी मुलमुलियो रुमाल
 लुळतां भड़गी मोतीड़ां री माळ
 सुहाग सिद्धरै किरणार्ई टाळ
 अलक आसरै ऊभी हुई है
 ऊसा सळवट दुपटी संभाळ ।

११

उगा घेर-घुमेर नीमड़ली री
 पितळवीं पसम में
 छोगा ती छूटा है
 हर कर सिद्धरी हुलास रा
 पवन भोट भिळकें उछाव
 प्रांणां रे पावक रा जांगै भरणा ।

१२

मग माथे ऊभोड़ै सरेस री
 भरणक उठी है सूखोड़ी फळी
 रणक उठी है पायल हिळी पीड़
 दपट उठी है सोरमियोड़ी दीठ
 रुंआळा फूलां री फुरवीं फुरक में
 ऊभा होवै है रुंआळी रा ऊमरा ।

१३

पींपिया फूटा है पींपळकी री डाळ
 जांगै सूरज सुभाव रा चावता चूमा
 अथर पलव तिसळ ठया अरुणार्ई रे ठांव
 मुळकाई मठारिया है उफणता ऊरवा
 अणवोल्याँ बोल रा घुळै है उमाव
 निसकारां नितरिया है तरुणार्ई रा तुजरवा ।

जागती जोत/१०

चेतै आई चौमासै री चूक
 माह रै महीनै में बावड़ी
 पीघळिया कुंजां वरणी मिसरी रा ठूक
 मुधरौ मुघरौ रिसै है सुवाद
 तावलियै बखत री ताप में
 खारोड़ै घासै री घुळतै मिठास ज्युं ।

१५

इण रे पिलांणी रौ लिपटवों सुभाव
 सळ पड़ियां ई बळ ना नीसरै
 डाळां सूं उळभी है डाळ
 खेजड़ सूख्यां ई खुमारी न ऊतरै
 सुआं सागै कोचरियां करियौ रैवास
 दिन पलट्यां ई दरम्यांनी न बीसरै ।

* * *

लांबी कविता—चौथी खेंप

खुद सूं खुद री वातां

गोरधन सिध सेखावत

मन रं आगळ देय'र
मन कद ताई डाटीला । थूं जांगी हे
मुसकिल हे भूखी-तिरसी गाय री खूंटं माथे
ढवणी अर नीं तुडावणी हरी कचन घास सारू
मिनख आपरी जत्रांन रा सवदां नै
खुद चिगळी, उणां री अरथ कंठां नीं उतरं
कलपनावां रा कळस उवारचां सूं
वगत रं धक्का मारं । हां, टांक्यां सूं टकणां
घड्यां पार नीं पडै ।
थनै इत्ती गुमांन के सदा थूं ईं
सरपंच सारू खड्या व्हेला, कांई थूं ईं
वणेली अंम.अल.अ.

जागती जीत/१२

अरै बदकार नेता !

थारी बोलो नीं सुणीजै थारै ई कानां में
थूं इतर-फुलैल रा फोवा उतार
थूं छींक सूं करवौ चावै भगज
अर चढ़ावौ चावै दंकाल सूं समदर रै ताव
पण थोड़ी त.ळ संभाळ
लोगां रै माथै ऊपर धरचोड़ी दरद री पोटळी
पण मुसकिल, घणौ मुसकिल
थारी करतूतां सूं लथपथ होयोड़ी
थारी हथेळ्यां री लाल रंग निरख । नेम
धरम माथै अतीत थोड़ी घणौ बांच । याद
कर 'बदे मातरम्' अर भारतमाता री जैकार
लारै थारा कांई सपना हा

मत बिखेर कुचमाद रा कांटा
जीवण दै कमीण-कारूवां नै
मत झूंगरां माथै नाच
साग री हांडी में उतार इन्द्रपुरी रा सपनां नै
घरती री कोख रै मती लगा दाग

दुनियां सूं जातां-जातां-
क्यूंके फूटसी भैद रा ढोल
सांच नैड़ै आतां-आतां

पण कांई ?

इतिहास नै कतल करणै री थारी आं चालां नै
पूठी सांवट बावळा
राजनीत री दड़ी रा घमीड़ां सूं
इण गांव रै मंगरां में लोई चुवण लागी
थारी जैकारां में आवण लागी
मरचोड़ै मिनख री ल्हास जैड़ी बदबोय
थूं खुद नै देख सावळ देख भळ
चौक च्यांनणी मनाता

रोई जंगल में सांस्यां रा डेरा । आज जणो-जणो
लेवो चावै राजनीती सूं फेरा ।

कुण पूछै समाज अर रीत री जागीर रा
पीरादारां नै

क्यूंके पूछणी गुना है बेविसवासी, सुवारथी
अर वुगला भगतां री निजर में
जिका राजनीती री मुगट बांव'र
सगळै दिन पिरजातंतर री दुहाई रै नांव
पिरजा रा कंठ मोसं ।

खज्योड़ी समझ रा तरळा गांव रै मांय
पग पसार फैल ज्यावै ।

कदै कदै

धूजवा लागै ओ गांव जेकारां सूं
पायचा टांग लेवै

न्याव रै सवदां नै पेरवां माथै गिणै
सूंसाड़ां सूं खूंआं उछळवा लागै । हक री बारखड़ी री
म्हारणी लेवै । देखतां-देखतां माथै में

चतर समझ रा सळ पड़ै । सत, घरम अर न्याव री
वातां डोळ्यां रै काळजै में चिप ज्यावै
तकदीर री लाटरी रा खिलाड़ी
भळै गांव रै गुवाड़ में ऊभ ज्यावै ।

लाल-पीळा परच्या छपवायां, फोटू साथै
ओळखी

म्हने ओळखी, थारी, हमेस थारी रैवस्यूं
अवै कीयां जीव धापै राजनीती री चापड़ सूं

इण गांव में म्हारी जलम होयी
उछव मनायोग्यो । स्यात म्हारे सूं
कीं आसावां करी व्हेला अठा री धरती
अठा रा खेतरपाळ थपथपाई व्हेला

म्हारी पीठ । जूनी बातां री आंख्यां में
घुळचौ व्हेला फेरुं अक रंग

चौगिडदे अक जसन मनायी व्हेला

पण क्यूं ? म्हारी सामरथ रा डोरा
नापण री हूक इण गुवाड़ री छाती में
ऊठी व्हेला । पण देखतां देखतां लोगां री
निजर बदळगी । जुगां सूं घुळचोड़ी
गांठां में कीं सुळबुळाट होवण लागी
लोग भाग'र घरां रै मांय आपरा
मूंडा ढक लिया ।

उण दिन म्हनं लाग्यी
उछव री अक पीड़ ई व्हे
पीड़ री इत्ताज सोध्यी । सुवारथ सूं तपतपाया
होठां रा सबद बगत रा भचीड़ा
आं डागळां माथै अकर
अपणायत रा चैरा अलेखूं चैरा
ओळखाण री नसां मसळता
आपरी गुद्दी कुचरैला
साव बोदा बण

ओ विसवास नीं हो ।

म्हैं खाली

हथेळ्यां रै भूगोल में

अपणायत री सांस लेवतौ
छेलौ अकली रैवू ला
फगत अकली

लोग निजरां छिटकाता

अणसैधा बण ज्यावैला
म्हारै भोग्योडें बगत री दुरगत
खुद म्हारै सूं पडूतर चावैली ?

अणचींती तळायां री तरेडां में
वीत्योई इतिहास रा संकळप
म्हारै माथै हंसला
मीठै मीकै री हतायां
खुद अळूभूर
वणैली अेक टेम री कथा

म्हारा हांफळा
वेहोस होवला

म्हारी गोद में
म्हें अेक अणलिख्यै इतिहास री
नायक वणा दियो जावूला
आ नीं सोची
पण गोरघन
टेम रै पागडां में पग राख
इण खोजां रा निसांण
स्यात कोई पिछांण सी

लोग होठां पर
वातां नै खिलावता वातां रा गढ़ वणा देवे
म्हारै साथै रैयूर
म्हें उण री वात आज तांई समझी नीं
कांई कंवै, चावै कांई

उण री चावना री भोग
कीं सारू रोग
समझै लोग श्री आप आपरो विचार है
पण दूजां सूं कांई होड
वै तांणी वणै जिंदगी री

मामूली वातां सूं
नीं तमकावै मनसूवा
श्री स्यात सुभाव व्हे र

अलेखूं भटकै
 रोई रूखां री ठंडी छीयां सारू
 पण उण री जांघां में
 नित खाज रा इतिहास बणै
 उमर रै हियाव री सीवां
 आपरी मसळ छाती
 अणभेल्यौ कुरळाट

दावती खुद नै
 मिनखां रें मंगरां चढ़ जावै

म्हें मोचूं वी क्यूं चावै
 सोधबी सोनी

चूला री राख में
 काख में जलम्योड़ै छोट री वरसगांठ
 मनातां नीं आवै उणन सरम
 गळी, गुवाड़ अर डागळै डांवरचोड़ी निजरां
 डील री तांण नै पंपोळै

ढुळ ज्यावै
 रू रू में

पण आ चावना कठे नीं

म्हारा समझदार मन

देख दफतर, कालेज, कारखाने

गांव, सैर, जंगल
 सगळै

क्रांति री सुरजो ढोल पीटती-पीटती

दरवाजे माथे ऊभ ज्यावै

पण वी छात माथे सूता लोग-लुगायां

रा खिलकटिया निरख'र

करै खुद रै गदगदावड़ी

सूं घे सगळीं बातां नै पछ जोड़ै बां सूं

खुद री रातां नै । सोचूं कांई ऊमर व्हेली

जागती जोत/१७

इण छोरा री, जिका रै टांगां विचै
 समदर उफांणा लेवणा लाग्यो । अक सपनां सूं लड़ै
 दूजो असलियत सूं डरै
 पण वेवस सगळा
 सकळाई री सांकळां
 आपीआप पड़ै किरा रै माथै
 पण सं भागणो चावै खदे में
 वतळावै गुपताळ
 योजना री नस तोड़ै खुद नै खुद में ऊळनावे
 पण उण री गत तो

साव अळगी
 दूजां सूं
 अक छिराकारो सो ऊठै उण रै मन में
 वो अणगिरा छवकाळी मूरतां मांय
 डूब'र खुद री ताकत तोलै
 मनस्यावां री रंगत सूं खुद री मोजमस्ती रंगे ।

म्हें सोचूं उण रै ईसकै सूं
 क्यूं फिसळै म्हारा पग । क्यूं सरासणाट व्है
 पूरै डील री नस-नस में । ओ खुद री
 समझ रौ नमूनी है
 स्यात वाड़ रै मांय मूतरा सूं
 दूब रा कंठ गोला व्है सकै
 घमंड री मरोड़ सूं झूगरां रै दस्त व्है सकै
 कुण सा वेद रा मंत्रां नै पाळ राख्या है
 वो आपरी जेव में

पण कीं री कांई दोस
 गिरा नौ लोग चमक नै सोनो । तरकीवां री
 तीर-कवांण कद तांई अंगड़ाई सूं
 मरदानगी पिछांणती रैसी
 डील रा नखरा कद तांई
 भीड़ रै अंतस में
 दूहां-प्लाळी लिखैला ।

[आगलै अंक पछेती छेप]

* * *

निबंध/सोध-खोज
बालमिकी अर वेद व्यास रौ मारवाड़
जहूट खां मेहर

[सोध-खोज रै इरा लेख में 'मरुधन्वम्' सबद री जिरा नव ढाल जोख-पजोख करीजी, वा इरा री खास बात । ठेट 'अमरकोस' रै लिखारें सू लेय'र रेऊजी ताई री बातों री खरी ओलखाण री जतन ओ लेख । —संपादक]

घणी-घणी भांय ताईं पसरघोड़ी जमीन रै पाण मारवाड़ कोरी राजस्थान री ई नीं हैदराबाद अर कसमीर टाळ आखें भारत री सगळां सूं लांठी रजवाड़ी हो ।^१ आंथूणी राजस्थान री ओ राज घणी पैला कित्ता ई भांत रा नांवां सूं ओळखीजती माण्डव्यपुर, मण्डोर, मरु, मरु-स्थल, मरुस्थली, मरुमेदनी, मरुमडल, मारव, मरुदेस, मरुधन्वम्, अर मरुकान्तर जैड़ा नांव मारवाड़ सारू जूनी पोथियां में मिलै ।^२ आजकाल ओ जोधपुर नांव सूं ओळखीजै । जूनी कवितावां में जोधाणी ई कहीजती । मारवाड़ रा न्यारा न्यारा इलाका घणा पैला द्रमकुल्य, माण्डव्यपुर, मण्डोर, मेदान्तक, मेदपाट, भिल्लमल्ल, जांगल, पल्लिका, जबालिपुर, नड्डुल अर भळै कित्ता ई नावां सूं चावा हा ।

मारवाड़ रै मानखे री इतिहास अेक सी हजार बरसां रै लगैटगै जूनी है । भाठा रा अणघड़ ओजारां^३ रै पाण, जिका लूणी अर चंवळ नदियां रै असवाड़-पसवाड़ मिळिया, ओ सार काढ़ीजियी के मारवाड़ में पैलपोत बसण आळा मानखां री इतिहास उत्ती ई जूती है, जित्ती के वनास, गंभीरी, अर वागां जैड़ी नदियां रा पसवाड़ां माथे रैवणियां मिनखां री ही ।

१. रेऊ, ग्लोरीज आफ मारवाड़ अैण्ड ग्लोरियस राठीड़ पे. १

२. (अ) गो. ही. ओझा, जोधपुर राज्य का इतिहास पे. २

(आ) मारवाड़ रा परगनां री विगत, भाग १ सम्पादकीय पे. १

३. रुडले चिप्ड स्टोन इंपलीमेंट्स

अक सी हजार वरत जूनी ।^१ जग चावी अर अणूती जूनी 'सिन्धु सभ्यता' र समै मारवाड़ र आंथूणी खुणी मिनख रैवता हा । इण समै रा मिनख ती 'सभ्य' गिणीज । राजस्थान में जिकी दपतरी खुदाई^२ हुई उण सूं ठा पड़ के मोहनजोदड़ो र समै अठे ई मिनख रैवता हा । सो मारवाड़ र असवाड़-पसवाड़ ती सिन्धु सभ्यता खरीज ही, पण मुद मंडीर अर जोधपुर री ठोड़ उण समै मिनखां गे वासी ही, आ वात अजे ताई पकावट मूं नीं कयीज सक । ती ई जूनी सभ्यतावां रा जाणकार मारवाड़ में जूनी सभ्यता अगेज ।^३

वैदिक साहित में मारवाड़ रा कित्ता ई वखाण मिल । ठेट रिगवेद में 'मरु' सबद आयोड़ी है ।^४ वेदां में मरुतां री आख्यायिका आयोड़ी है । केई निसारा ती वैदिक मरुतां र बसण री जागा होवण सूं ई इण री नांव 'मरु' पाड़ीजियोड़ी गिणी ।^५ वाल्मीक रामायण में ती मारवाड़ री घणी ई वखाण मिल । रामायण र जुद्ध कांड में मारवाड़ र जलम सारु अक कथा लिखियोड़ी है । भगवान श्री राम जद लंका मारु चढ़ाई सारु वानर सेना ले'र बहीर होया अर समदर र किनार पूगा ती समदर गेली ई को दियो नीं ।^६ इण मूं रीस आयोड़ा रामजी ब्रह्मदण्ड नांव री तीर कवाण में चढ़ाय'र उगरामियो । उरु-कुरु होयोड़ी समदर हाथ जोड़ती गई करण सारु डाडण ठूकी । राम जी बोलिया के ओ कोई टावगं री रमेकड़ी ती है कोय नीं, जिण न उगरामी ती भलाई पण छूट नीं ।^७ मूंडी पिलकावती समदर गिट-गिटायी के 'द्रमकुल्य' नांव री म्हारी अक हिस्सी घोरारु दिस में है । उठे री पाणी पीय'र मलेछ पाप करे अर म्हने ई पाप री भागी वणावै । ओ वाण जे उठे ठोकीज जावै ती म्हारा पाप ई भसम परा व्है । राम जी न दया आयगी अर वां द्रमकुल्य कांनी वांण भ्हाय दियो । इण ब्रह्मदण्ड नांव र अगनी वांण सूं समूदै द्रमकुल्य री पांणी ती कळकळीज'र हवा होयगी अर रुखां समेत मलेछ वळ'र भसम व्हेगा । उण ठोड़ बिना पांणी री थळी बरणी,^८ जिकी मरु-खेतार वाजै ।

१. (अ) राजस्थान ग्रू दी अजेज पे. ३३

(आ) दी स्टोन अज कल्चर्स आफ राजस्थान

२. Archaeological excavations

३. (अ) हंसमुख लाल धीरजलाल सांखलिया, वीगिनिंग आफ सिवलीजेसन इन राजस्थान (उदेपुर सेमीनार)

(आ) डॉ. वी. अने. मिश्रा, प्रोसिडिंग्स आफ राजस्थान हिस्ट्री कांफ्रेंस-१९६७

(इ) डॉ. लेसनिक, इण्डियन आकियालाजिकल रिव्यू, १९५६, ५७, ५८ अर ५९

(ई) अ. घोस, द राजस्थान डेजर्ट, इट्स आकियालाजिकल आस्पेक्ट्स

४. रिगवेद, १, ३५, ६.

५. लिछमी नारायण सास्त्री, राजस्थान प्रबोध पत्रिका पे. १०

६. देवीप्रसाद, तवारीख मारवाड़ (ह. लि.) पे. ११

७. (अ) विसवेसरनाथ रेऊ, मारवाड़ का इतिहास, पे. २

(आ) देवीप्रसाद, तवारीख मारवाड़ पे. १३

८. वाल्मीकी, रामायण जुद्ध कांड, सर्ग २२

मारवाड़ रै जलम सारू रामायण रै बखाण नै कोगी कथा मान'र कोई टाळ रै, ती ई इत्ती ती अगेजणी ई पड़ के खुद बालमीकी 'मरुकान्तर' या 'मरुदेस' नै ओलखता ती हा ई । सांचाणी अपां जे सावळ पड़ताळ करां ती ठा पड़ के इण मरुखेतर री ठीड़ कदै ई हवोळा खावती समदर हो । पछे समद री पांणी सूखगी । पांणी री लैरां रेत री लैरां बणगी । जुगां सू उड उड समद में पड़ती रेत पांणी रै तू डै जमती रह्यी । पांणी सूखी जद इण जुगां सू जमती बेकळू सू मरुखेतर बणियो । इण मरुखेतर में मिनख री बसणी ती कठै रह्यी जे कोई दोरी-सोगी पूग जावती ती ई बळती रेत अर लू रै खेंखाडां सू भुळसीज जावती । तड़तड़तै जावई सू बळती धूड़ मिनख नै बाळ काढ़ती अर सेवट मरणी पड़ती । इण सारू ई इण खेतर री नांव 'मौत री बाड़ी' (रीजन आफ डेथ) पड़ियो । ओम्हा जी लिखियो 'मरु री अरथ मरणी अर रेगीस्तान है । सो जठे मिनख पांणी बिना मर जावै उण री नांव मरुदेस है ।' ^१ मुगल बादसा हुमायूँ माथे बीखा पड़िया जद वो लुकती-लुकावती 'मरुखेतर' कानी मूंडी करियो हो । उण में कंडीक बीती, मरुखेतर में मिनख रा कंडाक हवाल व्हे, इण री बखाण कित्ता ई फारसी लिखारा घणी खारी करियो है । ^२ समदर-सास्त्र सू ई आ बात पक्की व्हे के मारवाड़ री ठीड़ कदै ई समदर हिलोळा लेवती हो । ^३ दाणियां रै पाखती रेतूड़ रै घोरां माथे रमतै टाबरां नै अजै ताई कदैई गुळगुचिया ती कदैई सीप अर सख मिळै है । पकायत सू कैय सकां के इण मरुखेतर री ठीड़ कदैई समदर हो । मारवाड़ में अजै ताई परम्परावां में आ कैवत चावी है 'वो पांणी मुलतान गयो ।' सो इत्ती बात ती पक्की है के इण मरुखेतर री जागा कदैई समदर हो । बालमीकी रामायण लिखी जद 'मरुदेस' ती व्हेला, काई ठा तीर सू नीं बणियो व्हेला, पण बालमीकी नै इण बात री ठा ती खरी ही के अठे पैला समदर हो । सो रामायण री साख मुजब इत्ती बात ती है ई के रामायण लिखीजी जद मारवाड़ ब्रसियोड़ी हो । इण नै मिनख उण वेळा ई अेक देस अगेजता हा । मारवाड़ री ठीड़ घणी पैला कदै ई पांणी हो ।

मारवाड़ घणी जूनी मुलक है, इण बात री अेक भळै साख भागवत पुराण में मिळै । इण में मारवाड़ नै अेक अड़ी चोखी जागा बताई है के जठे गुणी मिनखां री वासी हो । ^४ इण पुराण रै दसवै स्कन्ध रै पचासवै पाठ में अेक वारता है । मगध री राजा जरासन्ध आपरै जंवाई मथुरापति कंस सू वैर लेवण खातर सतरै वार बढ़ाई करी, पण उणरी कारज नीं सजियो । थोड़ीक पछे काळयवन मथुरा माथे हमलो कियो । इण मौकै श्री किसन जदुवंसियां नै भेळा कर संभाला के जे जरासन्ध पाछी हमली परी करियो ती दोवड़ा हमलां सू जदुवंसी

१. ओम्हा, जोधपुर राज्य का इतिहास, जिल्द १ पे. १

२. (अ) गुलबदन बेगम हुमायूँनामा (उल्हो डा. रिजवी) जि. १, पे. ५४१-५४२

(आ) बदायूनी, मुन्तखब-उत-तवारीख (उ. रिजवी) जि. २, पे. १५४

(इ) गुलबदन बेगम हुमायूँनामा (उ. डा. ब्रजलाल सरमा) पे. ६०-९१

(ई) जीहर, तजकीरात उल वाकयात (रिजवी) १, ६३५

३. इम्पीरियल गजेटियर, जिल्द १, पे. १, ३ अर ७६

४. भागवत पुराण, स्लोक ३९, अध्याय १०, खण्ड १

सागेड़ा कूटीर्जला । किसन मथुरा रँ जदुवसियां नँ द्वारकापुरी पूगण सारू त्वार कर निया ।
 वां नँ सुभायी के मथुरा सूं द्वारका पूगण री सगळां सूं निगंक मारग जटँ खीली री ई छटकी
 नीं, 'मरुधन्वम्' होय'र निकळ' । अँड़ो ई भरोसँ जोग मारग जे मरुधन्वम् री मारग हो, तद
 विणज-वोपार सारू बाळदिया ई ओ ई गेलो पकड़ता व्हेला । इण सारू ई अजँ ताई
 मारवाड़ नांमी वोपारियां री घर गिणीजँ । भळ' पाछी आ बात अटँ सराईज सर्क के भनां ई
 भागवत पुराण में जरासन्ध अर काळयवन री वारता कोई इतिहास नीं गिरा, तो ई आ ती
 अग्नेजणी पड़ैला के भागवत पुराण लिखोजियो उण वेळां 'मरुधन्वम्' देस मोजूद हो । इण नँ
 मिनख मारग मतँ भरोसँ जोग जागा गिरता ।

भागवत रँ वखाण री मरुधन्वम् मारवाड़ हो, आ ती सगळा ई इतिहास निगारा
 अग्नेजँ । पण इण 'मरुधन्वम्' में 'धन्वम्' किसी मुलक हो । वेदध्यास जी 'मन्' देस रँ सार्ग
 'धन्वम्' नँ कीकर जोड़ दियो । इण बात समचँ इतिहास लिखारां रा न्यारा-न्यारा विचार हँ ।
 मारवाड़ रा घणा चावा इतिहास लिखारा रेऊजी तो आपरी मूभ. सूं ओ सार काड़ियो के
 मथुरा अर द्वारकापुरी रँ अँन विचँ तो मारवाड़ अर उणसूं लंकाऊ दिस में 'धन्वम्' नांव रा
 दो न्यारा न्यारा मुलक हा ।^१ संस्कृत रा धुरन्धर विद्वान अमरसिध जी री बघाण रेऊ जी
 री बात सूं मेळ नीं खावँ । अमरसिध जी 'अमरकोस' रची हो । अमरसिध जी रँ मुजब 'मन्'
 अर 'धन्वम्' अँक अरथ राखण आळा (सिनोनिम्स) आतार है ।^२ दोनूँ सबदां री अँक ई
 अरथ 'रेगिस्तान' है । सो 'मरुधन्वम्' अँक ठीड़ री नांव ई है । सो रेऊ जी अर अमरसिध
 जी रँ बतायोड़ँ 'मरुधन्वम्' रँ अरथ में फरक है । आं मांय सूं अँक बात गरी व्हे, तो बीत्री
 मतँ ई कूड़ व्हे जावँ । पण व्हे आ ई सर्क के दोनूँ ईं वातां कूड़ व्हे । सावल पढ़ताळ करां तो
 ठा पड़ँ के दोनूँ वातां में सूं अँक ई खरी नीं है ।

पैला आपां रेऊ जी री बात मायँ विचार करां तो ठा पड़ँ के मारवाड़ रँ लंकाऊ दिस
 में 'धन्वम्' नांव री ठीड़ सांचाणी केई है । आ बात आप रेऊजी नँ ईं ठा कोय नीं । मथुरा
 अर द्वारका रँ विचँ तो मारवाड़ है ई । आगे मारवाड़ अर द्वारका रँ विचँ कठँ ई 'धन्वम्'
 व्हेला, यूं विचारतां आगे इण ई दिस में 'धन्वम्' कठँ ई है ओ कैणी ती सोरी ई है । पण
 इतिहास में इण बात री पड़ूतर जोड़जँ के इण गेलें में 'धन्वम्' कठँ है । किसी साधन में
 इणरी हवाली मिळ' । 'धन्वम्' जँ कद ई खतम व्हगी तो कद'क व्हियो । अजँ ताईं हूँदा कठँ
 ई मिळ' के नीं ? जे अँक ई जूनी पोथी, लेख या हूँदां सूं मारवाड़ सूं लंकाऊ दिस में
 'धन्वम्' नांव री ठीड़ रा कीं बावड़ नीं लावँ, तो पछँ कोरी रेऊ जी रँ कह्योड़ी है, इण सूं तो
 सांच गिणीजँ कोय नीं ।

१. रेऊ, मारवाड़ का इतिहास, जि. १, पे. ३-४

२. अमरकोस काण्ड २, भूमिवर्ग, श्लोक ५.

संस्कृत रै जाणकारां सून पड़ताळ करियां ठा पड़ी के संस्कृत व्याकरण रै मुजब 'मरुधन्वम्' सबद अकवचनी है, बहुवचनी कोय नीं । जे सांचाणी औ सबद बहुवचनी व्हेतो तो भारत रा मानीता वेदव्यास जी, जिका महाभारत अर अठ्ठारा पुराणां री रचना कीवी, संस्कृत व्याकरण री अड़ी मामूली भूल कोनी करता । जे सांचाणी 'मरुधन्वम्' 'मारवाड़' अर 'धन्वम्' नांव री दो न्यारी न्यारी ठोड़ां बतावण आळी अक सबद व्हेतो तो संस्कृत व्याकरण रै कायदे मुजब इण री रूप मरुधन्व व्हेतो, मरुधन्वम् तो नीं ई व्हेतो । सो रेऊजी री बात तो ऊठी जठै सू ई खोटी ।

अवै आपां अमरसिंघ जी री बात माथे विचार करां, जिकां 'मरु' अर 'धन्वम्' नै अक ई अर्थ वाळा दो सबद बताया । 'मरु' री अर्थ रेतीली जागा है अर औ ई अर्थ 'धन्वम्' री है । आ मानण में कीकर आय सकै के वेदव्यास जी जड़ा मुनी अक ठोड़ री नांव दो-दो बळा लिख दियो । आज ई देखां तो जोधपुर-जोधपुर के जोधाणी-जोधपुर या अड़ा ई अक जागा रा अक अर्थ आळा दो सबद तो लिखण में आवै कोय नीं । जे कोई लिख दै तो व्याकरण मुजब खोटी बात गिणीजै । वेदव्यास जी रै लिखण में व्याकरण री खोट नीं व्हे सकै, सो अमरसिंघ जी री बात ई बैठती कोनी लागै ।

रेऊ जी अर अमरसिंघ जी दोनों री बात खरी कोनी पछै आ बात सामी आवै के 'मरुधन्वम्' सून व्यास जी री अर्थ काई हो ? आ बात तो जचै कोनी के महामुनी कोरी कविता नै फूठरी बणावण सारू के छंद री चटक-मटक सारू औ सबद कांम में लियौ । महामुनी री घाल्योड़ी इण अबखी आडी रै पड़तर सारू बालमीकी जी री मारवाड़ रै जलम सारू लिख्योड़ीकी कथा री आसरी लेणी पड़ै । इण कथा री जिकर म्है इणी लेख में पैला कियो हूं । इण 'मरु' री जलम धनु सून ईं होयो हौ, इण सारू ई वेदव्यास जी, जिका रामायण री बात जाणता, इण सारू 'मरुधन्वम्' नांव लिखियो । सो बात खुलासै व्हेगी के 'मरुधन्वम्' री अर्थ वो मरु हौ, जिकी धनु सून जलमियो । बात री सार औ के 'मरु' नांव रेतील देस री है अर 'धन्वम्' कोरी विसेसण (अेडजेक्टिव) है, जिएमें उण देस री उत्पत्ति छिपियोड़ी है । 'मरुधन्वम्' सबद इतिहासिक सबद है क्यूंके इण में मारवाड़ रै जलम री इतिहास छिपियोड़ी है । सो इण ढाळ 'मरुधन्वम्' अक ई जागा री नांव व्हेता थकां 'मरु' अर 'धन्वम्' दो न्यारै न्यारै अरथां रै सबदां सून बणियोड़ी है । इण में अक तो मुलक री नांव है अर दूसी उण मुलक री ओळखाण करावण आळी सबद है ।

इतिहास लिखारा रामायण अर भागवत में मारवाड़ रै जलम सारू आयोड़ी बात नै अंगेजण में भलाई कित्ती ई टाळमटौळ करलै ! उण नै कोरी साहित री बात कैय र टाळ दै । दूसी सावूतां विनां इण साख री मोल दावै जित्ती घटाय दै । पण आ तो अंगेजणी ई पड़ै के मारवाड़ ठेट बालमीकी अर वेदव्यास रै समै री देस है । रामायण अर भागवत लिखीजी जद मारवाड़ नै मिनख ओळखता हा । अक खास मुद्द री बात आ है के बालमीकी अर वेदव्यास बिचै हजारों बरसां री फरक है । पण भागवत में उणी ठोड़ नै 'मरुधन्वम्' लिखीजी है, जिए नै रामायण में 'मरु' बताई है । मारवाड़ आज ई मथुरा अर द्वारका रै अंग बिचै है ।

साहित्य की बात में भूगोल की साथ इस बात के दाखिलगर्ज की सन्न है के मारवाड़ वगैरी
 जूनो ठेट पौराणिक देस है, भलाई उण बेळा के मारवाड़ के इतिहास रा बावड़ मिले या नीं
 मिले । सो साहित्य अर भूगोल के सानूतां के पाण मारवाड़ की महाकाव्य काल तक की
 प्राचीनता ती पक्कीज है ।

मारवाड़ के पुराणपण की अक भळे सानूत व्यास जी के ई रचियोड़े महाभारत में
 मिले । मथुरा अर द्वारका के विचले सेतर न महाभारत में 'जांगळ देस' लिखियो है । जोधपुर
 में विजोळाई रा भाखरां के विच वणियोड़ी अक खो (गुफा) अजे ताई' भीम सड़क नांव सू
 चावी है । कित्ता ई डोकरा-डोकरियां इण खो न पाण्ठ भीम के वणियोड़ी गिरां ।

परम्परावां में आ बात ई अजे ताई' ती खालीजियोड़ी है के मारवाड़ की जूनो
 राजधानी मंडोर ही । अठे मांहु रिसी की वासी ही । इण सारु इण की नांव मांडवपुर घर पछे
 मंडोर पड़ियो । नैणसी की श्यात अर परंरावां सू आ ई ठा पड़ के मंडोर की राजकरी
 मंदोदरी लंकापति रावण न परणायोड़ी ही । आ ई कहीजे के अयोध्या के कंवर श्री राम रा
 कुळ गुरु वसिष्ठ मुनी हा, जिका आवू की टंकरी माघ रैवता हा ।

इणां सगळा सनूतां सू श्री सार काहीजे के रामायण अर महाभारत की बेळा मारवाड़
 ही ती परी ई । श्री मारवाड़ की इतिहास साहित्य के पाण बालमीकी अर वेदव्यास के समे जित्ती
 जूनो अर दफ्तरी खुदाई के पाण सिन्धु सम्यता जित्ती जूनो अर अणघड़ घड़ियोठा भाटां के
 राछां के पाण अक सो हजार वरस बूढ़ी है ।

★ ★ ★

१. (अ) रायबहादुर हीरालाल जी के लिखियोई 'अवधी हिन्दी प्रांत में राम-रावण युद्ध' नांव
 रैलेख की काट करता थकां रेऊ जी सुधा पे. ४७३ माघे इण परम्परा की हवाली दियो है ।

(आ) मारवाड़ रा रावणियो अर रावणियाणा जैडा गोवां रा नांव उण परम्परा की जड़ है ।

२. गहलोत जगदीश सिंघ, राजपुताना का इतिहास, २ पे. १८ ।

व्यंग
म्हारी सोक-सभा
 मिटचूमल माडांणी

[फरजीमल फल्लांणी म्हारी घरा हेतालू मित ई नीं, वल-वोटमियौ यार ई है । म्हारी कविता सवसू पंला वो ई सुराँ । हूटिंग जेईं आडं वगत आडो आवे । उगारी कंवराँ हो के म्हारै मरियां पछै सोक सभावां करण रौ ठेकौ वो ई लेवला । नीं जांराँ उगारी अंमन उतारण वास्तै म्हनै कित्ता जलम लेवणा पड़ला ? म्हारी सोकसभा में पढ़ण वास्तै भासण म्हें खुद ई तयार कर'र देवूं हूं, जिण सूं अंन वगत माथै उण नै आ तकलीफ नीं उठावणी पड़ै ।]

सन् १९८७

“भायां अर बहनां !

भीत ई दुख री बात है के मिरचूमल माडांणी, राजस्थानी रा लूँठा कवी, आज आपां रै विचै नीं रह्या । इण सूं बघ'र आपां री इण दुनियां में कोई दुरभाग नीं हो सकै । सांव मांतां तौ किणी नै इण री अजोगती कलपना तकात नीं ही । सिरफ पैतीस बरस री ऊमर में वै अकाळ भीत मरगा अर आपां सगळां नै अनाथ करगा ।

आज जद के सोक-सभा रै वास्तै आपां सब अकठ ब्हिया हां, म्हें वां रै बारै में भीत कीं कैवणी चावूं । म्हें वां रै सब सूं ज्यादा नजीक ई नीं हो, वां रौ वल-वोटमियौ यार ई हो । इण कारण वां रै जीवण री छोटी सूं छोटी बात ई म्हें आछी तरै जाणू । म्हारी पत्रकारां, सोध-करणियां अर लिखारा सूं हाथ जोड़'र विणती है के इण फरजीमल फल्लांणी री बातां घ्यांन सूं सुरा'र सुरगवासी माडांणी जी रै बारै में लिखै-छापै । लोगां नै गलतफैमियां नीं रैथ जावै, इण खातर म्हें वै सब बातां मांड'र बतावूं हूं, जिकी के किणी कवी री मिरतू माथै नीं बतावणी चाहीजै ।

दुनियां में आ मसूर है के कविता जलमजात प्रतिभा व्ही, भगवान रौ वरदान व्ही । पण माडांणी जी रै वास्तै कविता नीं तौ जलमजात प्रतिभा ई ही अर नीं भगवान रौ वरदान ई । वै अक्सर आ ई कैवता के वां री जिदगणी रौ सब सूं खराब दिन वो ही, जिण दिन के

कविता लिखण री फितूर वां रै दिमाग में जलम लियो । वै इण दुर्वटना नै धनानी दृजैडी सूं कम नीं मानता । वै कदै कदै ई आ ई कैवता के वै अवस लारना जलम में कोई मोटी पाप कियो हो, जिण री फल कवी वण'र वांनै इण जलम में भुगतणी पड़ियो वै मुद नै कया किणी वरदान सूं नीं, सराप सूं वणियोड़ी मानता । वांनै श्रीर किणी बात री गम नीं हो, सिवाय कवी वणण रै । कविता लिखणी वां रै वास्तै यातना हो, सजा हो । वै कदै-कदै ई कैवता के वै श्रीर कीं ई वण जावता तो ठीक हो, परण कवी वणग्या—इण बात री गम भीत ई ज्यादा हो । अः आखिर वो गम वां नै खा ई ग्यो ।

लोग आ ई समझता रह्या के वै 'स्वान्तः मुन्याय' लिखै । कोई आ नीं मोचती के वां रै घर में ई परात-हांडी है । रचनावां भेजती वगत वै हमस मन में थ्यावस देता के फितूर मत कर, आं कवितावां रै महनताने सूं हफती-दस दिन सोरा निमरीला, परण महनताने री ठोट मिलती वा'वाही जिण नै के वै नीत लगाय'र ई नीं चाट सकता हा । घाप लोणां नै इण बात री इचरज नीं व्हेणी चाहीजै, जे वै गुपत नांव सूं जागूसी उपन्यास लिख्या व्हे । आगिर नूनो छ्वांणा ती मांगै ई मांगै ।

पढ़ण री इत्ती सोक हो के वां री वम पूगती तो वै दुनियां री मगळो गितावां आपरा हूँदा में अकठ कर न्हांखता । परण लिछमी री दया कदैई वां रै मायै नी रह्यो । तो ई फाटा मार-मार'र हजार डेढ़ हजार कितावां भेली करी, जिकी के म्हने दिगं अव कदाही रै अटै जावैला ।

वां री सोसियल लाइफ रै वारें में अवै आप नै कांई बतानूँ, अछीनै तो वै कवी वणिया अर उठी नै लोणां री निजरां सूं पड़िया । अर श्री निजरां सूं पढ़ण री सिलमिनी अछी चालू होयी के पड़ाक-पड़ाक लोणां री निजरां सूं पड़ियां ई गया । वाप कैवती—छोरी विगड़ग्यो । मां कैवती—श्री तो हाथ सूं गयो । भाई-बैन कैवता—घर अर घर आळां री मोच ई कोय नों । अर घर आळी कैवती—किणीं दूजा रै लारै जावती तो मुय पावती । टावर कांई कैवता ? छोटी-छोटी चीजां रै वास्तै तरसता रैवता ।

साईना निकमी कैवता ती बूढ़ा-बडेरा होली घोड़ा री सिताव देवता । सामला नै जद मालम व्हेती के वै कवी है तो अछी अव मीट सूं देखती के वै अपणै आप नै अपराधी लखावण लागता । वां री निजरां जमीं में गड जावती । वै घरती माता सूं मन ई मन घरदाम करता के वा फाटै अर वै मांय समाय जावै । परण डम्बर री अ सरकारी सड़कां, जिकी के वरसात में लांवा-लांवा मूंडा फाड़ दै, अक कवी री लाज वचावण खातर नीं फाट सकै ।

कवी वण'र वै दीन-दुनियां सूं तो गया ई गया, केई लोग परपूठ कैवता—भोड़ी री श्रीर कीं नीं वण सकती हो ? अरे डागदर वणती, इंजीनियर वणती, घांगंदार वणती, बेंक री वावू वणती, श्रीर कीं नीं तो भगियां री जमादार ई वणती । परण कवी वणियो । कीं लूण-लकखण नीं । आछी रामत परवारी । वापड़ा बोदोजी नै डुबोय दिया ।

नौकरी वास्तै इन्टरव्यू देवण नै जावता तो आगली कैवती—कवी व्हेय'र नौकरी ? कवी नै आजाद रैवणी चाहीजै । उण नै किरणी रै आंकस में नीं रैवणी चाहीजै । नौकरी गुलांमी है, बधण है । —कोई आ नीं जाणती के बंधण में ई आजादी विह्या करे । अर औ पेट भासण सूं नीं भरीजै, रोटी मांगै ।

कदै-कदै ई तो वै खुद नै ना कुछ समझण लागता । क्यूं के अक्सर ऊमर में बड़ा कैवता—अरै वी मिरचियी ! म्हारै सांमी नागो फिरतो ही । नेकर पैरण तक री तो होस नीं ही । आज कविता करै । साथी-साईना कैवता—मिरचू म्हारै साथै ई पढ़ती ही । आज मोटो कवी बणग्यी । पानवाळो कैवती—कवीराज तो म्हारी दुकांन छोड'र कठई पांन नीं खावै । तो चायवाळो कैवती—वै तो म्हारै अठै ई चाय पीवै । आं लोगां री बातें सूं वां नै लखांण व्हेती के वै अपणै आप में कीं नीं है । है जिकी आं सब लोगां री बदौलत ई है । अर अक स्थिति अँड़ी ई आई के वै मँसूसण लाग्या के वै दुनियां में किरणीं काम रा नीं है । किरणीं लायक नीं है ।

भायां अर वहना ! केई बार तो द्रिढ़ निश्चै करता के आज सूं वै कविता हरगिज नीं लिखेला । पण उण दिन वां रै दिमाग में कविता रा धाकड़ आइडिया अवेस नै आवता । अर सेवट वां नै कविता लिखणी ई पढ़ती ।

वै भीत चायों के वां री किताब निकल जावै । पण कोई प्रकासक वां री कविता संग्रै छापण नै तयार नीं विह्यो । भारत री जनता कविता सुरा'र वा'वाही कर सकै, कविता री किताब नीं खरीद सकै । किताब नीं छपणै सूं वां री जीव भीत अमूझती रैवती । सेवट अक दिन अठी-उठी सूं मांग-तांग'र कीं उधार राख'र अक संग्रै छपायौ—‘म्हँ भी कवी हूँ’ । मुसकिल सूं अकाध कापी बिकी व्हे, तो बिकी व्हे, घणकरी तो फ्री-फंड में ई गई । ती ई आधी सूं ज्यादा किताबां वां रै मरतां तक छाती माथै मूंग दळती रही ।

ज्यूं ज्यूं वां री नांव च्याहूँमेर बधती गयी, वां री दुख ई साथै साथै बधती गयी । अर वै अक अँड़ी स्टेज माथै पूग्या के अपणै आप नै ‘अग्रिमाण’ समझण लाग्या । घर सूं बारै निकलतां ई आंगळियां ऊठण लागती—वै देखी, कवीराज जी जा रह्या है । नतीजो औ विह्यो के अंत में वै खुद आपरी निजरां सूं पड़ाक व्हेगा । अर घर सूं वारै निकलणी बंद कर दियो । अँड़ी सदमी बैठी के मांची पकड़ लियो । आखिर ‘ब्रह्म सत्यं जगत मिथ्या’ नै सांच मान'र वां री आतमा इण असार संसार नै छोड'र परलोक सिधारगी ।

भायां अर बहनां ! जिकी अकादमी जीवतै वां नै अक कोडी री मदद देवणी मुनासिब नीं समझी, वां रै मरतां ई इण सोक सभा री आयोजन करियो है । वां री जीवण-चरित छापण री घोसणा करी है । अर वां रै परिवार नै हंजार रिपिया देवण री कह्यो है । अकादमी

वधाई री हकदार है । ख्यातीणा राजनेता नेता ढींकड़ जी संदेश मिजवायी है के वं इग सैर में श्रेक 'माडांणी रोड़' निकाळैला ताके लोग वां रै रस्ते माथे चाल सकै ।

भाई लोगां ! म्हारी कंठ गळगळी व्हैण लाग्यो है । आंख्यां जळजळी होगी है । वस अव आगै म्है कीं नीं बोल सकूँ । आप साहित रा पारखियां सूँ अरज है के पांच मिनट री मून धारण कर वां री आत्मा री सांयती वास्तै भगवानं सूँ प्रायना करां । अर प्रायना करां के वां नै चौरासी लाख योनियां में सूँ जळ, थळ, नभ कंठ री ई जीव वणाय दे । कीड़े-मकोड़े री जूण दे दे । पण भगवानं रै वास्तै, भगवानं वां नै फेर कदेई कवी री जूण में नीं भेजै । कवी री जूण सूँ वां नै सदा रै वास्तै मुगती मिळ जावै—इणी अरदास रै सागै पांच मिनट री मून । ओम् सान्ती, सान्ती, सान्ती ।

* * *

लिखारां सूँ

- 'जागती जोत' सारू रचनावां कागद रै श्रेक पसवाड़े हासिया छोड'र आखरां नै थ्यावस सूँ मांड'र भेजी । उंतावळ के लापरवाही सूँ मांडियोड़ी रचनावां भेज'र संपादक री जोब मती वाळो ।
- लिपी रा कायदां रै सरोध सारू 'जागती जोत' मासिक रा अकां नै सावचेती सूँ बांचो अर खुद री रचनावां नै जागती जोत री लिपी रै ढव ढाळर भेजो । —संपादक

•
बात

रजाई

नटीसिंघ राजपुरोहित

•

ठाड जोर ही । भूडा-ठाडा कैवै के इसी ठाड लारला पचास बरसां में ई नीं देखी । दिन आथमताईं ठाड जांणै आभे सूं भरणा लागै । परड़ी इज पड़ै । डांफर इसी चाले के हाडक घूजणा लागै । ताजा खीरा ई राख री पड़त चढ'र कजलीज जावै ।

पण अकली ठाड नै ई वयूं दोस देवां । इण साल जिसी भयंकर दुकाल ई कद पड़्यो ! काची-करवरी व्है ती थोड़ी घणी ती वरखा व्है । पण अवकाळ ती आभे सूं छांट ई नीं पड़ी । पीवण रै पांणी रा ई सांसा पड़्यो ।

पेट री खाडी भरणा नै दांणा नीं अर सरीर माथे साबत कपड़ी नीं । इण उपरांत कोढ़ में खाज रै ज्यूं काळजी घुजावै जिसी आ अणूँती ठाड । सियाळू वायरी तीर री गळाई चालै । पिंड में घुस'र हाडकां नै हिलाय न्हांखै । गूदड़ां में सूतां-सूतां ईं बत्तीसी बाजै ।

रावतसिंघ झूंपड़ा रै आगे बारली ग्वाड़ी रा टपरिया में सूती । तूटीड़ी हुखलियो, फाटीड़ा गूदड़ा अर सरणाट करतोड़ी सियाळू वायरी । रैय-रैय'र घूजणी छुटै । गोडा छाती रै चेप'र जळेवी बणण री कौसिस करै ती थोड़ोक ताळ निवास बापरै पण छिनेक में पाछी घूजणी छुट जावै । सूती-सूती विचार करै-मिनखाजूण में आय'र ई भख मारी । उमर आधी विताय दी पण नीं ती रैवण नै कोई ढंग री टापरौ बणाय सक्यो अर नीं ओढ़ण-विछावण नै सावजोग राली-गूदड़ा ई जोड़ सक्यो । ढोलिया-सीरख अर रजाई-पथरणा ती आगड़ा गया पण जिन्दगी में सियाळो काढै जिसा ई गूदड़ा बणाय सक्यो व्हैती ती जीव नै संतोख व्हैती ।

.....वी मन में हंसण लाग्यो—मां री ती पती ई कोनीं अर मासी नै रीवै । पेट री खाडी ती भरीजै ई कोनीं अर सीरख पथरणा री बातां सौचै । तीन-तीन दुकाळ अक सांगै

इज पड़ग्या । अनाज री दाणी ई कोनीं पाकी । घर में नैना-मोटा आठ गिनग । नाटी री खुदाई अर सड़क री कांम चालू व्हेग्यो, नीं तो भूखा-मरण री पाळी आयोड़ी ही । आठ सांवरिया री मेहरवानी समझणी चाहिज, नीं तो ओ गुगाड़ ई क्रियां बँठती ?

खैर, जीवैला नर तो वसावैला घर । सांस खाँलिये में रह्यो तो ढंग री टाररी ई वसावांला अर सीरख-पथरणा ई जोड़ांला । अवार तो बिखारा दिन है सो क्रियां ई काटणा है । बावळ बाळा ढीरा माथे व्हे'र निकळ जावैला ।

परायिया कानी सू' राली री गूदड़ी काटोड़ी ही मो बगारा में हाँय'र जांगुं ठाड़ री रेली आयो । वो डील रै राली काठी बिटोळ'र मांचा माथे बँठो व्हेग्यो । आभे कानी देग'र अदाज करण लाग्यो—रात कितरीक बाकी व्हेला ? उगमणी दिस निजर भ्वांगी तो प्रभातियो तारो निजर आयो । रात घड़ी तीनैक बाकी । इनरी रात तो बँठ'र ई बिताय सकां उगु डोन रै गूदड़ी काठी लपेट लियो अर गांठड़ी बगार बँठग्यो । थोड़ोक ताल मे बँठा-बँठा नै भैरा आवण लागी.....सुपना रा आळ जंजाळ.....मोटोड़ी बेंटी मुगणां री दयाव मंड्यो.... दायजी दिरीजण लाग्यो अर बां अक-अक कर'र दायजी री नामान वारै लाय'र जमावण लाग्यो । सै सू' पछे होलियो अर रजाई-पथरणी वारै आया । रंगीन मूतर री गामनाई सू' वण्योड़ी मांगो-पांग होलियो, रंगीन ई पाया, माथे दांत री कुनटिया जड़यो री लावटा बढांग जिकी खांच'र तराकी तूनाड़ कियोड़ी । टणकी बागियो, ओपता नक्तिया अर रममा रजाई री तो पछे पूछणी ई काई । मोवणी रंगाई-छपाई, पूजती लंबाई अर मेहरी रुई री भराई । तळ-योड़ी पुड़ी रै उनमान उपस्योड़ी । दायजी देख'र जानी सगळा ई बगंगा करण लाग्या तो उणरी छाती फूलीजगी । परा थोड़ीक जेज में आंख खुलतां ई सै रागत बिगग्यो अर फूलीज्योड़ी छाती पिचर व्हियोड़ा ट्यूब रै ज्यू' बँठगी ।

.....वो आंगळियां माथे गिरण लाग्यो—सतरं.....अठारं.....उगमनि.....बीग ! सुगणां पूरी बीस बरस री व्हेनी । गई साल पीळा हाथ करावणा हा परा ऊपरा-उपरी दुकाळ पड़ जावण सू' बातड़ी बँठी कोनीं सांवरिये री मेहर व्ही तो आगली साल जरूर दयाव करग्यो है । टावर मोटी व्हियो, हाथ पीळा व्हे जावे तो छाती माथे सू' भार उतरं ।

भलावटी होवण बाळी ही । विचार कियो घरटी वेळा व्हेगी मो लुगावटो नै जगाम हूँ । परा याद आयो के नाज तो काल इज खूटगी, ऊठ'र पीसैला काई ? मजुरी री हपती ई आज चुकैला अर पइसा मिळयां इज घर में जवार आवैला । परा टावरों नै भूगा तो क्रियां राखीज । भाई सेंग रै अठे सू' उधारी-ऊसीनो लाय'र इणां नै तो दांणी-चुगो देवग्यो ई पड़ैला । बिखा में टावर अक टक ई भूखा रैग्या तो गजब व्हे जाती । दिन बीत जासी अर बातां रैय जासी ।

दिन उगां रावतसिंध डुखलियो छोड'र तावड़िये आयग्यो । उण री लुगाई जवार उधार लावण री तजबीज में पाडोस मे गई अर टावरिया वारं रमवा नै निकळ्या । थोड़ीक

ताल में गांव रें गौ-वै मोटर री आवाज सुणीजी अर गलियां में मिनख अनी-उठी आवता जावता निगै आया । इतराक में रावत सिंग रौ वेटी नारायण दीड़चौ-दीड़चौ घरां आयी अर हलफलती थकी बोल्यो—

—जीसा.....जीसा ! चांवटे पधारी ।

—क्यूं वेटा इसी काई बात है ?

—चांवटे सेठां री अक मोटर आई है अर रजाईयां-कांवळां वांटे हैछोरी हुड़ी कर'र दड़ीछंट दीड़चौ आयी ही सो सांस भरोजगी-थोड़ी दम मार'र बोल्यो—जीसा मिनख ती अड़वड़ है !चांवटे मावै ई कोनीभट-पट चाली नीं ती पछै हाथ ई नीं आवैलारंग-रंग री रजाईयां नुंवी अटंग ! भांत-भांत री कांवळांकिसनियै रै काकै नै कांवळ मिली अर किसनियै रजाई कवाड़लीचाली फुरती करो ।

—चालां रै भाई चालां अर ठाकर रावतींग गोडां रै हाथ टेक'र ऊभा ब्हिया अर टावरां नै पूछण लाग्या—कितरीक रजाईयां लाया है रै ?

—मोटर भर'र लाया है जीसा । फूटरी-फुटरी अर भांत भांत री डिजाइनवाली आपणै पटवारी जी ओढ़ जिसी । टावरां री आंख्यां में उमंग-उछाव री दरियां हबोळा खावै ही ।

ठाकर टावर नै आंगळी पकड़ायां बारली ग्वाड़ी में आया के पल्ला में जवार लियां वारी लुगाई सांम्हीं धकी । वा बोली—एक टंक रा सीधा खातर जवार ती मूँ पेमजी बा रै अठै सू उधार लेय आई, थे सिध जावो ही ?

—नारायण कैवै के चांवटे मोटरड़ी आई है अर रजाईयां-कांवल वांटे है, मूँ ई देख'र आऊं देखाणी । रावतींग लचकाणी पड़'र बोल्यो ।

—काई देखणी है उठै जाय'र ?

—देखू किसीक रजाईयां है ।

—क्यूं अेकाध लावण री विचार है काई ?

—लावां ती हरज काई है ?

—हरज ? घरमांदी री रजाई लावण में थानै कीं हरज नीं लागै ? सरम आवणी चाहिजै ।

—इण में लाज-सरम री काई बात ? सगळी गांव लेवै है ती आपां इसा काई टणकचंद जी हां !

--गांव की बात छोड़ी। मूं थाने पूछूं, ये घरमादा रा पूर ओढ़'र सियाली काड़ीला ?

—आपतकाळ मरजादा नास्ति ।

--आ आपत पैलड़ी वार फगत थारें माथे इज आई है के फिस् वदेई कोई रें माथे आई व्हेला ।...मारवाड़ की घरती माथे काळ-दुकाळ परंपरा सूं पड़ता आया । मात-मात दुकाळ साथे पड़चा पर मानखे छेह को दियो नीं । मँणत-मजूरी करली, नीं मिळी तो भूषां मरणी कबूल कियो परण कोई रें आगे हाथ को मांडयो नीं ।

—परण रजाईयां ती.....!

—फेर वाइज बात, ती मूं पूछूं ये मँणत-मजूरी क्यूं करो ? क्यूं दिन भर सड़क माथे घूड़ न्हांखी म्हांने हाथां में ढीवड़ा पकड़ाय दी । पेट तो यूं ई भरीज जायला ।

—थूं म्हारी बात नें समझी कोनीं ।

—काईं समझूं थारी बात नें । सूरज रा प्रकास ज्यूं बात मुभट अर साफ है—कोई सेठ आपरें पाप की कमाई में सूं घरमादो बांटे है अर ये लेवण नें बहीर बिह्या हो । बिरगार है थाने, इण पांत ती मूड़ी बांध'र मरणी चोखी ।

—तो थूं कैवे ती मूं नीं जाऊं ।

--मूं काईं कैवूं ? थाने सूझ कोनीं काईं ? बिखी मानला रें माथे ई आया करे । असली मिनख वो ई जिकी बिखी पड़चां ई पोता की मरजादा नें कायम राखें । मँणत-मजूरी में कोई लाज मँणी कोनीं, परण भीख मांगण पांत ती मरणी चोखी । आपां नें रजाई बणावणी है ती दो-च्यार हफ्तां में थोड़ा-थोड़ा पइसा बचाय'र जरूर बणावांला वा आपणी पसीने की कमाई व्हेला ।

रावतींग चौकी माथे चढ'र तावड़िये बैठगयी ।

सियाळा की दिन बीतता गया अर रावतींग फाटीड़ा गूदड़ां में सूती ठाड सूं जूंभती रह्यी । हर हफ्ते थोड़ी-थोड़ी बचत करण सूं पांचवें हफ्ते इतरा पइसा भेळा व्हेग्या के जिए सूं रजाई बण सकें । पइसा धणी रें हाथ में देवतां लुगाई बोली—फेमिन कैंप की मोटर में बैठ'र ओक दिन सहर जावो अर ओक सागैड़ी रजाई मोल लेय आवो ।

उण च्यार छः दुकानां माथे फिर'र रजाईयां देखी । परण ओक ई दाय नीं आई । कठे ई माल बोदी तो कठे ई कीमत आकरी । बातड़ी कीं जची कोनीं । छेवट पोता की पसंद की

कपड़ी अर रुई मोज लेय'र रजाई तयार कराई । चीज तबीयत सूं बणवाई सो सांगी-पांग बणी । नु'वी डिजाइन री चटकदार छोट, लंबाई-चोड़ाई में पूजती, रुई सूं उपस्योड़ी ।

घरै लायां रजाई नै-देखी जिराँ ईं बखांणी । दिन भर टावरिया उण कंवळी-कंवळी रजाई माथै लोटता रह्या अर पोता रा गाल रगड़ता रह्या । संझ्या पड़्यां रजाई रावतींग रै दुखलिये माथै पूगी तौ उण आपरी लुगाई नै बुलाय'र कह्यौ—रजाई तौ मांयनै ले जावौ, इणनै थूं अर टावरिया ओढ़जौ । म्हारै तौ ओढ़ण नै गूदड़ सेंठा है । सियाळी आधी ऊपर तौ बीतगी । अवे घरौ ओर तौ महीनी मास ठंड फेर पड़ैला । कैवत है—आधे माह तौ खांधै कांवळ !

लुगाई थोड़ी ताल ठैर'र विचार करती बोली—रजाई थे नीं ओढ़ी तौ पछै टावरिया ई कोनीं ओढ़ै । इणनै तौ अंवेर'र मांयनै घर दांला । आगली साल सुगणां रै दायजा में काम आय जावैला ।

रावतींग खुसी में उछलती थकी बोल्यौ—बात तौ थे लाख रुपियां री कही । रजाई दायजै में देवण जोग ई है । कोई नु'वा तापड़िया में लपेट'र इणनै कोठा रै मांयनै घर दी—अर वी फाटीड़ी गूदड़ी ओढ़'र सूयग्यौ ।

* * *

लिखारां सारू

रचनावां रै महनतानी अर जागती जोत री पूग नीं पूग री वावत संगम रा सहायक सचिव नै सीधी कागद लिखी, संपादक नै लिखियां कारी कोनीं लागे ।
—संपादक

घींसू कुंवार

वी. आर. प्रजापत

घींसू कुंवार
फाटोड़ी धोती लपेटचां
उघाड़ डील माटी खूंदै
उणारी लुगाई 'दुखिया'
भीर-भीर ओढ़णी, फाटोड़ी कांचली पैरचां
दांतली सूं काटै कांदौ
ढवरै सूं मिरचां सोघ'र बांटै चटणी
अर ठोकरै में घरचोड़ा
वासी सोगरै रा टुकड़ा गिरा घड़ी-घड़ी
उणारी छोरी 'घूळिया' निरण पेट ई
मटका पींचावण गयी है
लिखमीचंद सेठ रै अठै
भाखर राम सिरपंच रै अठै
छोटी छोरी 'माखूड़ी'
नाक माथै भिरकती माख्यां उडावै
अर भोळी में 'छोटची'
दूध सारु विचळ-विचळ जावै
आज कीं राजी दीसै घींसू
भेळा करै
न्यावड़ै माथै छाणा, फूस अर झूरी
न्याव पाकैला कालै
पण 'दुखिया' जाणै
लिखमी चंद रै कनै मोटी खाती
ब्याज री छेह ई कोनी दीसै आती
टेक्टर रा भाड़ा री किस्त

ले जावैला भाखर राम

साता पूछण रै मिस आतौ-जातौ

उदास व्है जावै घींसू

लोगड़ा कैवै—फेर मैणत कर घींसू

मैणत जीवण रौ सार घींसू

फेर मटका घड़ घींसू

मटका थारौ सिणगार घींसू

* * *

गुलाब रोपां

पूरण सरमा

आवौ

गुलाब रोपां

आपांरै आंगणै में

जठै उगियाई थोर

हवाडोल नदी में

कीकर छोडीजै नाव

अर कीकर फिरीजै उणरी पाळां

देखौ

नदी कितरी आसूदी बैवै

कितरौ नांमी व्हैला वौ टेम

जद आपां छोड़ांला इणमें नाव

फिरांला इणरी पाळां-पाळां

नदी रौ पांणी कितरौ साफ

माछळ्यां सागै-सागै तिरै—बिना छळ-छळाव

आवौ, गुलाब रोपां

जठै उगियाई थोर

* * *

वै अर म्है

ਸੁਰਲੀਧਰ ਸਰਮਾ 'ਵਿਮਲ'

मैं सिकुड़वी चायी
 वानै जाग्या देवण सारु
 वै पसरवी चायी
 म्हुनै ढक लेवण सारु
 वै इत्ता पसरगा
 मैं इत्ती सिकुड़गी
 के सेवट वां रै मूँढे
 कंठ आली जीरी होय रंगी ।

✱ ✱ ✱

कीकर कह दूँ

दीपचंद सुथार

हिवड़ै रै दरद सूं
निकळ-निकळ आवती
आखर री ओळ्यां नं कविता कह दुं !
कोकर कह दुं ?

..... रुठ जावैला
मचळ जावैळा
पिघळ-पिघळ जावैला—
मन री वीणा रा तार

ਪੇਟ ਰੈ ਪਾਟੀ ਵਾਂਧ'ਰ
 ਵਗਤ ਰੋ ਪਗਡਾਂਡੀ ਮਾਧੈ ਚਾਲਤਾਂ-ਚਾਲਤਾਂ
 ਮੁਸੀਬਤਾਂ ਰਾ ਆਡਾ-ਡੋਡਾ ਭਾਖਰ
 ਭਾਂਗਤਾਂ-ਭਾਂਗਤਾਂ
 ਕਠੈਂ ਤੀ ਢੇਹੁ ਆਗੈਲਾ
 ਕਾਂਡਿੰ ਊਧਾ ਦਿਨ

ਮੁਹਾਰੀ ਐ ਓਲਧਾਂ
 ਕਵਿਤਾ ਨੀਂ ਵਹੈ ਜਾਗੈਲਾ ?

वहै जावेला, वहै जावेला
पण अवार आनै कविता कह दूँ !
कीकर कह दूँ ?

* * *

पैंडौ तौ छेकड़

कल्याण गौतम

मझ दोफारी

अेकांनी अेक डोगौ धोरौ

वारै सूं बळतौ

मांय सूं उकळतौ

पसवाड़ै

खेजड़ै माथै, आंखयां में जीव लीयां

बैठी, च्यार चिड़ियां

दीठ रै पसारै ताईं रेत ई रेत

ताती तच

पांणी में पड़ियोड़ी लैरचां दाई-

बर-बर निजरां सूं छूट-छूट जाती

—ऊठता बगूळा

अठी-उठी चिळकता लोगां रा खोज

गमियोड़ा गेला

दिसावां हेरता सून्याड़ रा हेला

भाईड़ा !

कद ताईं मनसोबी करैली

पैंडौ तौ छेकड़

पार करियां ईं पार व्हैलौ

* * *

सावण रा दूहा

ओम प्रकाश गरग

सांवण आंगण आवियो, अम्बर राख्यो मेह
वूंदं अगन जगावियो, दाभण लागी देह
घण गरज काया कंपै, खिचो गगण में श्रीज
परदेसी पिव आवजी, घरां उडिके तीज
कांठळ आभे ऊमड़ी, हिये उपड़ियो नेह
के म्हाने पिव तेड़ियो, के आप पधारी नेह
नेह नीर अंबर भरै, चातक प्यास बुभाय
म्हें प्यासी वाटां तक्रूं, परदेसी कद आय
काळा घण वयूं आवियो, पीव न त्यायो संग
इमरत वूंदं जहर वण, पळ पळ जारै अंग
ज्यों ज्यों वरसै वादळी, त्यों त्यों तरसै नैण
म्हें जाणूं पिव आविया, जद जद पळकै नैण
आवण थो आयी नहीं, सावण सूखी जाय
रो रो थाकी वादळी, साजन आयी नाय

* * *

विलायत जात्रा
दोय चूंथरा न्यारा-न्यारा
लिछमी कुमारी चूंडावत

लो सा लंदन आयग्यो । मन मांय घणी हूंस ही इण नगरी न देखवा री । काई ठा वयूं जीव में आवती के विलायत इतरी दांण प्राया-गिया, पण लंदन नीं देखियो, जितरै काई देखियो, योरप देख्यो ई अणदेख्यो । सवाल ई घणी दांण मन में ऊठियो के औ अंडी कोड लंदन सारू ई वयूं लाग्यो संसकार । औ अंडा संसकार म्हारै में ई नी, भारत रा घणकरा लोगां में जाग्योडा ।

भाग-जोग सूं सुरजी आपरी किरणां सूं लंदन माथै भांकै हा अर हवाई जा'ज अक लांवा-चौड़ी आंटी खावती हेटै उतरियो । घिरीळा खावतै पखेरू री दीठ सूं लंदन देखण री मौकी मिलियो । काईं ठा वयूं म्हनै उड़दू री वो नामी 'सेर' चेतै आयग्यो, जिएमें कहीज्यो के जिए दिल री घणी हाकी-हल्ली सुणियो, चीरियो ती अक लोई री टोपी निकलियो ।

घणकरा इंटोड़ियां रा माळिया, माथै (टाइल) कलूड़ा । जागा-जागा काळा अर मगसा पड़ियोडा, ज्यूं आजकालै आपां रा रजवाड़ां रा म्हैलां माथै काळस जमियोडी ।

लंदन देखणी ती ही ई । मिस्र रा राजा तुतनाखानूम रा खजांना री नुमाइस लाग्योडी । पचास वरसां पैली वो खजांनी दो अंगरेजां नै लाधियो । खजांनी घणी जूनी, तवारख घणी जूनी । तीन हजार वरसां पैलां री सोनी मंढियोडी अंडी-अंडी कलाकृतियां के देखतां-देखतां वावळा व्है जावां । मानखी उल्टे वां नै अक निजर देखवा सारू । टिगट री काट्यो अक पूरी पाउंड । 'वयूं' में ऊभां-ऊभां पग तरणायग्या ।

इण नगरी में अजायबघर अर पोथीखांना सांवठा । अक नीं, अनेक । लांवा-चौडा, थळाथळ भरिया । अक सू अक सिरै सामग्री । असिया अर अफरीका रा देसा री जूनी, तवारखू, घणमोली, अजव-गजव भांत री वसत । सात समदरां पार सूं सूत-सूत अंगरेजां री भेली करियोडी । यां री कदर पूरी-पूरी जांणी अंगरेज, औ तौ गुण हौं म्हाटां में ।

जूना किला देखवा री म्हारी बांगू । वठा रा राजा री किली प्रन म्हेल ती देसगा ई हा । वंकिधम म्हेल सीरसा तो आपणी अठ ई घणा म्हेल-माछिया । राजा री जूनी किली देखवा री । टेम्स नदी रा तट माथे च्याहमेर खायां अर ऊंची-ऊंची मकीलां रा होव जेड़ी । चम-चम करती रंगीली वर्गदियां पंगोछा पोरायत, रांगुं रा 'बोडींगारड' ठोड़-ठोड़ ऊमा । अक पोरायत म्हारें सागें आय, घड़ी-अघघड़ी ताई वठा री तवारीख ठोड़-ठोड़ ले जाय ऊमा राख सुणावती रह्यो ।

पचियासी टका तवारीख ही — लांगां नै, घर आळां नै, मरजीदाना नै, फांगी माथे टांगवा री, सूळी रें सूया माथे चढ़ावा री, माथा कटावा री । डोकरी-डोकियां नकात रा माथा उडावा री । वेटें माथे नाराजगी । हाथे आयी नीं, तो उगरी मां नै प्रपट, मिन्नर बरसां री डोकरी री माथी कलम । किले माय नै अक चूंधरी बगियां यकी । उग माथे ऊमा राग माथा बाढ़ण सारू । अक दरवाजी नदी माथे खुलें । नांव दिघोड़ी 'हंगमगोरां री प्रोळ' ।

घड़ी-अघघड़ी ताई तवारीख सुणती री । हिट्टा री आंगियां मे भूतावळी दीगवा लागी सुणतां-सुणतां । किला म्हारें घणा ई देखियोटा अर तवारीगां ई घणी मुगियोड़ी, परा अड़ी भूतावळी पैला कदै ई जागी नी । बावड़ा तो मन में मूग ई मूग ही । विनारा में गळबळी माच्योड़ी । म्हें फिरती-फांदती 'ट्रेसडन' आयगी । ड्रेमटन, उगुंगो जर्मनी री नांमी नगरी । कळा, ग्यान-विग्यान अर संगीत-निरत री घर जांणीजे । वठा री 'आटे गेंगे' चायां । कोई अक जुग ही, जिए में इतालवी चितेरा आखें योग्य में पूजीजता । देन देस रा देमोन बां नै बुलायां अजस करता । घर आळा चितेरां री पूछ कोनी ही बां दिनां उठे । 'घर रा जांगी जोगड़ा बार गांवला सिद्ध' वाळी बात ही ।

वठा रें तकनीकी विस्वविद्यालै गया । ओ भवन हिटलरी जुग री अक ग्रास कंद ही । राजनीत रा वदियां नै अठ ई वद राखता । अवार विस्वविद्यालै ऊपरला खंड में चाले । हेटलै खंड नै यूं री यूं कंद खानी हो ज्यूं री ज्यूं राख छोटियो । काळा भाटा री । देसतां भी भरवा लागे । काळ कांठडियां सांकड़ी-सांकड़ी । देसभगतां नै यां मे घाल फोड़ा घालता । जर्मन देस रा नांमी-नांमी देसभगत यां में सड़िया, आपरा हाड फोड़ा अर मरिया । बां कोठडियां में बां जूंभारां माथे जोत जगरी । मांयला चौक में अक चूंधरी बगियां यकी । ओ चूंधरी ई मीत री ही । इण चूंधरा माथे हिटलरी राज में हजारों नै फांसी माथे चढ़ा दिया । इण चूंधरा माथे मोटी-मोटी फूलां री निरी सारी थेई लागोड़ी । जूंभारां रा चूंधरां री पूजा होय री । आवा वाळा माथी नमन कर रह्या । वठा रा बायरा री रंगत ई दूजी । डील में लोही री संचार बधगी । जुलिस फुचिक री पोथी 'सूळी रा सूया माथे' रा पानां रा पानां म्हारी दीठ में आय ढविया । चेकोस्लोवाकिया री राजधानी प्राग में अक अड़ा ई कंदखाना मे उग जूंभार रा हाड फूटा, चामड़ी चीरीजी पछे वो सूळी माथे टांगीजियो । उण जूंभार आप री आपवीती उण पोथी में मांडी । ठा पड़े के कीकर देस रा दीवाना जूंभार आजादी सारू आपरी टोपी-टोपी लोई दिया ।

उए पोथी में बांचियोड़ी बातां चितरांम वए म्हारे आगै आय ऊभी । अड़ा ई जूंभार अठै रगत री जोत जळाई, जदै ई ती उएां रा चूथरा पूजोई । खलक-मुलक आय धोक देवै । माथो झुकाय फिरी तो मनड़ा में मजबूती सी लागी । खवां माथै माथो आधौक आंगळ ऊंचो-ऊंचो लागी ।

अेक सवाल आपीआप जागियो । लंदन रा टावर में फांसी आळै चूथरा माथै मन में सूग क्यूं उपजी अर क्यूं ड्रेसडन रा इएा फांसी रा चूथरा माथै मन में सगती जागी ? विचारां री अेक नान्हो-मोटो वतूळियो माथा में भवए लागी । ओ क्यूं ? मरवा-मरवा में ईं कांईं आंतरौ ? मन री देवता बोलियो—मरवा-मरवा में घणी आंतरौ । बां नै लंदन रा टावर आळां नै मरणी पड़ियो आपरा सुवारथ सारू । वै हा राज म्हैलां रा सड़यतां में सरीगत । धरती रा घणी वणावा धूंकळ रचता । सत्ता री सगती अर सुख री लालसा बाळां सागै रळियोड़ा-मिळियोड़ा । मौजां माणवा रा मुतलबी । अै मारवा आळा अर मरवा आळा दोनूं ईं अेक जैडा, माथा तांईं मुतलब रा कादा में पजियोड़ा । आपसरी में सुवारथां सारू लड़ता-मरता । एए ड्रेसडन बाळा मरिया जुलमां री जड़ां उखेलवा । निवळां नै सबळा करवा । अै जूंभिया जजीरां में जकड़ियोड़ां रा बंध काटवा । यां माथा बढ़ाया पराई पीड़ मेटवा । यां लोई बैबायी भूलत तिसियां री रिछपाळ सारू । यां रा सींचियोड़ा राता लोई सूं आज राता-राता गुलाब रा फूल भोला खावै ।

अै मर नै ईं अमर । अएणै आप माथो निव जावै यां रा चूथरा आगै । क्यूंके चूथरा चूथरा में निरो फरक । मरवा-मरवा में निरो फरक । अेक ठोड़ मन में सूग आवै ती दूजी ठोड़ गरब, गुमान अर अंजस सूं छाती भरीज जावै ।

* * *

नवा सम्पादक

अक्टूबर १९७७ सूं 'जागती जोत' री संपादन दीनदयाल ओझा करैला । बां री पती—

दीनदयाल ओझा

सम्पादक जागती जोत (मासिक)

मारफत-राजस्थानी भासा साहित संगम
कोटगोट, बीकानेर

उपन्यास री चौथी खेंप

खुलती गांठां

पारस अरोंड़ा

जोधपुर में नवा लोगों री सगत रें माथीसाथ मूरज माथें नदती नयी रंगन । मनन रें साथै रैय'र वो रईसी रो ठाठ-बाट देखी । अणुंती पईसी दिहमां अणुंती चीतां रो मगीद । कपड़ी-लत्ती व्हो के गैणी-गांठी, मकान-दुकान री साज-मजावट व्हो के दान-पुत्र, पईमा आळा नै हरेक बात में आपरी रईसी दरसावणी जाणें लाजमी व्हे । दूजी कानी सोमनाथ जेड़ा लोग है, जिका पढ़्या-लिह्या अर गुणी व्हेतां सांतर ई हरेक बीज मार ताकड़ा तोड़ना दीसै । जिका आज मुसीबतां सूं बाधेड़ी लेवै अर कान काई व्हेला, नी जाणें । श्री दोय प्रमीर घर री छोरियां—निरमळां अर स्यामा, दोनों में रात दिन रो फरक । प्रेक किणो कुध्रें दाईं गैरी अर अंतस में इमरत लियां, गंभीर, निश्छल अर मुल्ले विचारों री । तो दूजी आजाद खयालां री व्हेती थकी ई किणी समदर ज्यूं उछाळा खावती, जिणरें सामी अवं फरत आपरी इच्छावां री परबत ऊभी है अर इच्छावां री पूरती सारु खरै-नोई री ओळग मिटगी है । तान के आं सगळा छोरा-छोरियां री आपरी न्यारी दुनियां है, मां-बाप बूढ़ा-बूढ़ेरां सूं न्यारी । पण सोम आं सगळां में न्यारी इज है । स्वात अमीरी री जकड़ सूं प्राची व्हेणै रें कारण इज वो मिनखीचारें री खरी समझ राखै । आं सगळी बातों में बंध'र मूरज नै सेंग में आसीगगी अर वो मनीमन तै कियो के अवे देखणी है के इण गत आप-आप री समस्यावां मे भळुइयोड़ा अ लोग इण उलझाव नै किरण गत सुलझावै ।

जठ ताईं काम-बंध री मवाल हां वो आपरी कची परवाण सेठ किरपारामजी रा छापाखाना में बँठ'र प्रेस रो बंधी सांखण लागी । गोजीना चार-पांच घंटां ताईं प्रेस मे रैय'र वो छपाई, कपोज, जिल्दसाजी अर कागद आद रें वारें में जाणकारी लेवती । सेठजी कई-कदांस उणसूं घुफ रीडिंग ई कगवता । छपाई रें काम री बावत सेठजी उणनै समझायो के छपाई अक बंधी इज नी, अक कळा ई है । किरण काम सारु कंड़ी कागद, कंड़ी टाइप (आवर), कंड़ी स्याही अर कंड़ी वाइडिंग व्हे, इण बात री जाणकारी प्रेस रा मालिक अथवा मैनेजर नै

व्हेणी जरूरी है। इण बात री पूरी ग्यांन नीं व्हियां उणरी छाप्योड़ी चीज फकत धोळा माथै काळी बण'र रैय जावै। चोखी कपड़ी ज्यूं आदमो री मांन बघावै, उणी गत चोखी छपाई छ'पणियै अर छपावणियै, दोनां री समझदारी री सवूत व्हिया करै। अर ओ इज कारण हौ के वै दूजी प्रेसां सूं सवाया दाम लेवता अर लोग राजी-राजो देवता। सूरज ई इण काम में पूरी रूची लेवण लागी। ढलती दोफार चारेक बजियां रतन प्रेस आ जावती अर पछै दोनू जणा घूमण-फिरण नै निकल जावता।

सिझ्यारा सातेक बजियां रै नैड़ी सोमनाथ सोजती गेट माथै लाघती अर पछै चाय-पांन कर रतन ती आपरा दूजा दोस्तां कांती निकल जावती अर सूरज उठै सूं इज सोमनाथ रै साथै व्हे जावती। धीरै-धीरै सोमनाथ कांती सूरज री खिचाव बध रैयो हौ। यूं ती इण खिचाव रा केई कारण हा, पण खास कारण हौ अलमारचा में बर कहाणियां अर उपन्यास री सोमनाथ री किताबां। किताब बांच'र पाछी देवतां सोमनाथ री ओ पूछणी के किताब कैड़ी लागी? चोखी लागी ती क्यूं अर भूँडी लागी ती क्यूं? पछै उण किताब माथै सोम आपरी राय देवती अर केई खास-खास मुद्दे री बातां समभावती। अर केई बार सूरज नै लखावती के वो इण निजर सूं ती इण किताब नै पढ़ीज कोनीं। सूरज नै ई ओ किताबां पढ़ण री चस्की लागनी देख'र रतन कैवती के उणनै ई निरमळा आळी विमारी लागगी है।

सूरज इत्ता दिनां में सोमनाथ रै बारै में खासी बातां जांणगी हौ। सोमनाथ अ्रेक प्राइवेट मिडल स्कूल में मास्टर हौ, पण उणनै इण नौकरी सूं संतोस नीं हौ। चार सौ माथै दस्तखत कर ढाई सौ लेवणा, मन नै मांनै जैड़ी बात कोनीं, पण आ ई अ्रेक मजबूरी हौ। साहित्य में उणारी पूरी दखल। लोग कैवै के पक्की मार्क्सवादी है। आपरै मेळू स्वभाव रै कारण वो सगळा लोगां में चावो हौ। लिखारां, पत्रकारां, प्राध्यापकां रै विच्चे उणारी नित री ऊठणी-वैठणी। ओ इज कारण हौ के सूरज उणसूं प्रभावित हौ। गैरा व्हेता संबंधां सूं बतळावण बदळीजी अर अन्नै दोनू अ्रेक दूजा नै 'सोम' अर 'सूरज' कैय'र बतळावै।

सोमनाथ री निजर में सूरज अ्रेक धायै-धापियै घर री अ्रेकली लाडसर है। मुसीबतां सूं सांमनो हाल नीं व्हियो। पण साफ मन री कीं भोळी गांवटी। इण उमर में सैर रा अमीर जादां में जिका अन्नै व्हिया करै, वै उण में नीं हा। इणनै जै अठै गलत संगत मिलगी ती विगड़तां जेज नीं लागला। अैड़ी नीं व्हे के ओ रतन री रंगत चढ़जा। सूरज री कसरती गठीज्योड़ी बदन देख सोम घणी राजी व्हेती।

जद पैलम-पैल सूरज अ्रेकली सोम रै घरै गयो, उण बगत सिझ्या री पांचेक बजी व्हेला। गळियां री गंदगी, हाकाहूक अर सांकड़वाड़ी देख'र अ्रेकर ती उणारी जीव घवरीजगी। सूरज जद सोम आळी बंद गळी रै नाकै पूगी उण बगत तीन-चारेक भाटा रा कोयलां री सिघड़ियां सिलगण सारू पड़ी हौ, जिका री धूँओ आखी गळी में घुमट्योड़ी हौ। वो आंखियां मसळती थकी सोम रै दरवाजै पूगी। वो सोम नै आवाज लगावती उणसूं पैलीज अ्रेक रव्वड़ री दड़ी 'थच्च' करती कनैलै खाळियै में आय पड़ी अर सूरज री पैट माथै कादा रा छापका

लागगा । वो आपरी पैंट री मुआयनी करती इज ही के कटो मूं अक पांचेक वर्गों री छोरी दीड़ती थकी दड़ी लेवण नै आयी के उरणी वगत मूरज जोर मूं बोल्थी—‘अं ७७ !’ अर छोरी सूरज री पैंट देख, आपरी पड़ती नेकरियो मंभाळ’र पाछी सामंला घर में घुसगी ।

दरवाजै रै साव सामीसाम कमरै में बैठो सोम वारी मांय मूं मूरज नै देग जियो ही । वो सामी आय’र बोल्थी—‘आव मूरज ! वारै इज कीकर ठेरगी ?’

सूरज खालिया में पड़ी गैद कांनी उगारी कर हकीकत बताई । उरीक में मांमन घर रा दरवाजा वारै उरानै वो छोरी दीमगी, जिण कांनी आंगळी उवाय’र मूरज बतायी—‘वो रैयी !’

सोम उठै मूं इज छोरै नै थावल दिवी—‘गमिया, ठैर भोड़ा बदमास ! अवार आवूं हूं म्है !’

स्यात् बेटा री नांव सुण’र उणरी मां वारै आई अर पूछगी के काई बिगनी ? पणु की बतावण मूं पैलीज वा सगळी बात समझगी अर छोरै री बाहुड़ी पकड़’र दै ‘घबोड़’ ! पछे वा छोरै री पूजा करती उरानै घीस’र मांय लैयगी ।

सूरज नै मूंड़ी हेरियां ऊभो देव’र सोम बोल्थी—‘ये भाई ! पाछी या ना । अठी इण गुसळखाने में पैंट साफ कर ले, आव !’

सूरज पैंट साफ कर सोम रै कमरै में आयगी । सोम माना माथे बिगारघोड़ी कितावां आधी लैय’र उरानै बैठण री इसारी कर ‘अक मिनट मे आवूं ।’ कैय’र पाछी निकळगी । मूरज माचा माथे पसरती सोम रा कमरा नै गौर मू देखण लागी । दोय भाटा री अलमारया में टग मूं सजायोड़ी कितावां अर पछीत माथे पत्र-पत्रिकावां रा डिगला लागोड़ा हा । दोय कुटुम्बा अर अक टेबल । टेबल रै ऊपर भीत माथे लेनिन अर मार्क्स री दोय तस्वीरा, अक दूजी भीत माथे फूटरी घीळी फ्रेम में चदण री माळा पैरायोड़ी किली आदमी री तस्वीर । भिऊन सोम मूं मिळती, स्यात् उरारा पिताजी री व्हेला । पछीत माथे इज अक छोटी-मोक ट्रांजिस्टर । टेबल माथे अक स्टील रै फ्रेम में खुद सोम री अक प्यारी-सोक फोटू, की कितावां, कॉपियां, पेन-पेंसिल आद अठी-उठी बेतरतीबी मूं पड़िया हा । पछे मूरज उठ’र वारी कनै आयगी अर इण मकान री बरणट देखण लागी । वारी रै सामीसाम इण मकान री दरवाजी । दरवाजै रै अक कांनी टट्टी-गुसळ अर दूजी कांनी अक बड कमरा ही । आगे अक चालिसेक फुट री चोरस चोक जिणमें डावी कांनी भीत रै अड़ीअड़ तीन साइकिलां अर जीमणी कांनी दोय कमरां में कोई रैवास ही । पछे श्री दरवाजै रै सामीसाम सूरज री कमरा । जिणरै डावी कांनी ऊपर रैवत मकान मालिक ताई पूरण री नाळ अर जीमणी कांनी अक दूजी कमरा । हवा में गोबर अर तारत, खालिया आद री बढवू रै साथै ई माछरां री ‘भरण-भरण’ कान कनै इज मुणीज रैयी ही । सिघड़ियां री धूंअरी जरूर की कम पड़गी ही । वो इण सांकड़वाड़े अर मदगी नै देत’र

बारी सूँ आधी व्हेय'र माचा माथै पसरती सोचण लागी के लोग कीकर अठै रैवता व्हेला । म्है रैवती व्हूं ती अके दिन में विमार पड़ जावूँ ।

सूरज यूँ विचार करती इज ही के सोम आयगी । उणरै लारै इज अके दूवळी-सीक चाली-पैताळी वरसां नैडी उमर री लुगाई मांय आई । सूरज देखता ई समझगी के आ सोम री मां व्हेला सोम उणी वगत झाज सूँ अके रिपियै री नोट काढ'र उण लुगाई नै देवतां सूरज सूँ बोल्या— 'सूरज, अँ म्हारा मां सा है ।' आ सुण'र सूरज तसलीम करी । वा हेत सूँ सूरज रै माथै हाथ फेर'र आसीस दी । सूरज इण परस सूँ न्याल व्हेगी ।

मां रै गयां पछै सोम अके कुड़सी माथै बैठ'र माचा माथै टांगां पसारती बोल्या— 'थारै प्रेस में भंवरजी कंपोजिटर है नीं सूरज ?'

'हां, है ! क्यूँ ?' वो इण वगत भंवरजी री नांव सुण'र कीं चकरीजगी ही ।

सोमनाथ बोल्या— 'वो बारै जिकी छोरी थारी पैंट खराब करी, वो भवरजी री दूजी छोरी, इण सूँ छोटा दो टावर फेर । चार टावरां रा बाप है थारा भंवरजी ।'

'चार ! यार म्हनै ती पांचवां री तैयारी दीसै ।'

'काईं ठा ?'

उणी वगत सोम री मां चाय लैय'र आयगी । कप मेज माथै धर सूरज कांनी देख'र मुळकती थकी बोली— 'वा भई, सूरज भगवान ! सोम थारी घणी तारीफ करै । निजर तेज है थारी । चौथी मईनौ चल रैयो है भंवर री भऊ नै ।'

सोम री मां रै मूँडें यूँ आपरी तारीफ सुण अकेर ती सूरज लजायगी । पछै वो चाय मैल'र जावती सोम री मां नै देखती रैयो । उणनै आपरी मां याद आयगी । मां जित्ती हेत कुण राखै ? भागसाळी है सोम के उणनै अँडी देवी रूपी मां मिली है । 'किण विचारां में रमगा भाईजी ?' सोम बतलायौ ।

सूरज चेतन व्हेय'र बोल्या— 'यूँ इज थारा मां सा रा बारा में सोचती ही । हद इज थाकोड़ा है यार !'

सोमनाथ निसांस न्हाख'र बोल्या— 'हां, कीं ती सरू सूँ इज दूवळा अर पछै फोड़ा ई कम नीं भुगत्या है आ ।' इत्ती कैय'र वो पेसी मांय सूँ जरदौ-चूनी काढ'र मसलण लागी । उणरै चैरै सूँ लखावती के मगज में कीं विचार ई रगड़का खाय रैया है । पछै वो होठ नीचै जरदौ दवाय'र बोल्या— 'देख के थनै थोड़ा में इज सगळी वात समझावूँ । यूँ आप ई समझ जावैला के आ इत्ती दूबली कीकर है !'

सोम कैवण लागी—‘म्हारा मां सा रे बतायां मुजव म्हारा जोसा रे दीय भाई फेर हा । जो सा सबसू छोटा । दादोसा गुजरिया उण वगत वें पन्नी-सोळी वरमां रा व्हेला । मेड़ता री बात है । थारा गांव रे नैड़ीज ।’

‘हां, वस ऊं डोदेक घंटा री रस्ती है ।’ सूरज हांपळ भरी ।

‘म्हारा दादोसा अर नानोसा आपस में बाळ-गोटिया व्हे ज्यूं हा । नानोसा अठे जोधपुर में रैवता उण वगत, जद दादोसा गुजरिया । दादोसा गुजरग नूं पंजीज नानोसा नूं व्याय री बात पक्की करगा । चारैक वरमां पछे जो सा री व्याय कर भाई वां नें न्यारा कर दिया । बटवाड़ में की वरतण-वासण अर की कपड़ा-लत्ता इज जो मा रे पांती यागा । हां, नानोसा रे बीच में पड़ण सूं नानोसा रे घर री गंगा-गांठी भायां नें देवगां पड़ियो ।’

सूरज हुंकारी भरती बोल्थो—‘हूं ! जई इज कैव के भायां मरीसा मंग नों अर भायां सरीसा दुसमीं नों !’

‘हां ! आ इज बात है’ कैव र सोम बात नें आने बघाई—‘आ देव ले के दोयेक वरस ती वें गांव में इज मुसीबत अर मुफलिसी रा दिन काड़िया । पण बाई (सोम री मां) तद सूं इज मैणत-मजूरी करण लागी ही । सेवट नानोसा वांनं जोधपुर लैय र यागया । नानोसा नें वां दिनां नासूर री भयंकर बिमारी ही । कोई मानिक भर व्हियो व्हेला जो सा नें अठे आयां नें के नानोसा गुजरगा । पछे की दिन ज्यूं-ख्यूं अठे गुजार आपरा पोक दोम्ता रे साथे श्रीमदावाद गया पग । उठे वांनं अेक मिल में नोकरी मिलगी । श्रीमदावाद में इज म्हारी जलम व्हियो । म्हें छं-सातेक वरसां री हां जद कांई दिव्यो के मिन में हड़ताळ व्हेगी । हड़ताळ रे बिच्चे इज कांईं ठा विण बात नें लैय र मजूरां मे फट पड़गी । मुण्णी के जो सा हड़ताळ रे पगस में हा । अेक गुजराती मुसलमान डोकरी जो सा री पवरी हिमायनी ही । हड़ताळ रे बिचाळीं ठा नों कांईं बात व्ही के हिन्दू-मुसलमानां में भगडो व्हेगी । घर अेक रात रा वी मुसलमान डोकरी रमजान चाचा जो सा नें अेक दुक्ता में घाल र अस्पताल मे लेंगी अर भगती करवाया । कीं मजूर घर आये र खबर दी के जो सा नें कोई चक्कू भार दियो । रमजान चाचा ई घायल व्हेगा है । बाई म्हें लैय र अस्पताल पूगी । उठे गया ठा पड़ी के जो ना रे तीन जयै चक्कू लागा है अर रमजान चाचा री हथेली चीरीजगी है । जो मा बेहोम हा । पेट, कमर अर खवा माथे घाय आया हा । रमजान चाचा हथेली में पाटी बांध्यां बाई नें थ्यावस देवता हा । इत्तक में अेक मजूर दीहती थकी आयो अर कैवण लागी के अरदुल अर रजाक मिळ र सेरखां री माथो फाड़ दियो है अर दोनूं ठा नों कटीनं न्हाटगा है । अरदुल अर रजाक दोनूं रमजान चाचा रा जोध-जवान घेता हा अर म्हारा जो मा री पण्णी मान रागता । वां नें ठा पड़गी के मोती भाई (जो मा) नें सेरखां चक्कू मारिया है अर रमजान चाचा रे ई हाथ में चक्कू लागी है । पछे वें चुकणिया नों हा ।’

सूरज निसास न्हाखती बोल्थी—‘देखी, कठे ती हिन्दू-मुसलमान री भगडो अर कठे रमजान चाचा अर वां रा वेटां री अेक हिन्दू परवार सूं हेत ।’

‘हां, सूरज ! पण देख के दंगौ ती कोई करावै अर भेंट कोई चढ़ै । जी सा तीन दिनां ताईं अस्पताल में मौत सूं लड़ता रैया । रमजान चाचा अर मिल रा दूजा मजूर आपरी दौड़ पूरा दौड़िया, पण चौथे दिन सै की खतम व्हेगौ सूरज, मौत जीतगी..... ।’ कैवतां-कैवतां ती सोम रौ कंठ भरीजगी अर मांयलें कमरै सूं ई दुसकी सुणीजी । सोम ऊठ’र मांयलें गयी ।

सोम री इण घर बीती नै सुण सूरज री मन ई भारी व्हेगौ ही । वो देख्यो के चाय रा दोनू कपां मांय सूं अक-दो गुटका मुस्किल सूं पीवीज्या व्हेला । इत्तेक में सोम पाछी आयगी । सोम री मां आय’र चाय रा कप लैयगी । सोम सूरज रें कनै इज माचा माथे बैठ’र जरदौ मसलण लागी । सूरज धीमै-सीक बोल्यो—‘वाकेई थारा मां सा जटवर दुख उठाया है ।’

सोम जरदौ दबाय’र बोल्यो—‘कई वताऊ सूरज । वं दिन भुलायं नीं भुलीजं । जी सा रें गुजरचां पछै साल भर फेर अमदाबाद मे इज बीती । वाई नै मिल में रमजान चाचा आद री मदद सूं प्याऊ माथे नौकरी मिली ही । पण आदमी री नीचता री की ठिकाणी कोनी । अर अक दिनइत्तेक में सोम री निजर मांयलें बारणै ऊभी मां माथे पड़ी । उणरी निजर सोम माथे थिर ही, लिलाड़ माथे सल अर चैरै माथे परेसानी रा भाव हा । मां-वेटा चोनिजर व्हिया अर सोम घांटी हिलावती माथो नीची कर बोल्यो—‘अर पछै अक दिन अमदाबाद छोड़ दिया ।’

सोम री मां हाथ मांयली पांणी री लोटौ टेबल माथे धर पाछी गई परी । सूरज नै लखायी के कोई बात सोम कैवतौ-कैवतौ छोड़ दी है । सूरज लोटौ लैय’र पांणी सोम नै धाम्यो । सोम रें इसारा सूं ना दियां पछै खुद पांणी पीय’र लोटौ पाछी धर दिया ।

पछै सोम पाछी बात सुरू करतां कैवण लागी —‘अठै आया पछै आ ती थां-म्हां री पीसणी-पोवणी करती अर म्हें छोटी-मोटी नौकरी करती । प्रेस में लागी अर केई वरसां ताईं कपोजिंग री काम कियो । म्हनै याद है सूरज म्हें प्रेस जावती जद म्हारै साथै अचार अर दोय लूकी रोटियां दोफारी सारू लै जावती । म्हें अक बार वाई नै कैयो—बाई ! तूं साव लूकी रोटियां अर रोजीना अचार घाल दे म्हने : बता, म्हें दूजा मजूर रें साथै बैठ’र कीकर रोटौ खाऊं ? — इत्तो सुणताईं ती सूरज आ म्हनै छाती सूं चेप’र धार-धार रोवण लागी । अक आखर नीं बोल सकी ।.....कीं रुक’र सोम आगै बोल्यो—इणी तरै सूं अक बार म्हाणै प्रेस रा सगळा जणां री अक ग्रप फोटू खिचीजणी ही । म्हारै कनै पैरणनै ढंग रा कपड़ा नीं हा । म्हें इणनै कैयो के वाई काले म्हाणौ फोटू खिचीजला । म्हारै कनै कपड़ा ती है ई कोनीं । नैकर रें ती कारियां लागोड़ी है । आ बोली—लाव, है जिका ई घोय’र सींव दूं ला । इस्तरी करायनै पैर लीजै वेटा ! अबकी तिनखा माथे थारै नवा कपड़ा बणवाय दूं ला ।.. अर जद आ म्हारी फाटोड़ी नैकरियी सींवण लागी सूरज, ती थनै कंईं कैवूं, वस आ समझलै के टांका डोरा सूं नों, आंमुवां सूं इज लागा ।’ इत्तो कैय’र सोम ऊठ’र वारी कनै जाय’र जरदौ थूकियो । पछै मांयलें कमरै में घुसगी ।

कुल्ला कर पाछी घ्राघी जद उणरै हाथ में दोय कप चाय रा हा । अक कप मूरज नै भिलावतां कैयी—‘लै यार, पैलकी ई ठंडी व्हेगी ।’ अर कमरा में चाय रा मुल्लूका मुगीजण लागा । पछे सोम बतायी के प्रेस री नौकरी करतां-करतां इज वी प्राइवेट मेट्रिक अर इंटर करी । इंटर करचां पछे वी प्रेस री काम छोड़ दियो । द्यूसन आद कर वी. ए. करी अर अक प्राइवेट स्कूल में मास्टर बणगी । अर वी बाई नै काम घघी छुडवाय दियो है अर एम. ए. कर रैयी है । बात नै खतम करतां बोल्थी—‘म्हें ती अक बात जानू मूरज के आदमी नै आपरी अक लक्ष तै करणी चाईजै अर तेवड़ लेवणी चाइजै के भनां ई कीं व्ही, म्हें म्हाण लक्ष नै हांसिल करूँला । ज्यूं के थनै तै करणी है । थनै पैली श्री ती नै करणी इज पड़ैला के थूं करणी कइं चावै ? बणणी कइं चावै ?’

इण तरै उण दिन सोमनाथ जिकी सवाल मूरज रै सांमी रागियो वो उण री पक्की उत्तर हाल ताई नीं सोध सकयी है । हां, पण उण दिन मूँ मूरज बरोबर बिना नागा प्रेम जावणी सरू कर दियो हो ।

सनीवार री दिन । काले अदीतवार नै प्रेस री छुट्टी है, इण कारण आज की प्रेम करमचारियां नै रुकणी पड़ैला । काम घणी चढ़चोड़ी व्हेण मूँ की आदमी काले ई बुनावणा है । तै व्ही के डेली वेजेज अथवा घंटा माथे कामकरण आळां रै मलावा ठेकेदार अर उणरा आदमी आज रुकैला अर काले ई आवैला । परमानेंट स्टाफ री छुट्टी रैवैला । इण व्यवस्था रै कारण परमानेंट स्टाफ रा लोगां में कीं मायूसी अर रोस री रंग हो तो डेली वेजेज अर ठेकेदार रा आदमियां में कीं खुसी हो । दोफार री दोयेक बजी व्हेला । किरपारामजी मूरज नै ई कै दियो के आज उणनै सिझारा छे-सात बजियां ताईं रुकणी पड़ैला । मूरज री आज सोम रै साथै छे बजियां आळै सिनेमा में जावणी तै हो । उणनै कीं सकपकावती अर चुप देख'र सेठजी पूछ्यो—‘बयू, थारै कठैई जावणी तो कोनी ?’

वो धीमे-सीक बोल्थी—‘हां, अक जगै जावणी है, टाइम ई दियोड़ी है ।’

‘ठीक ! तो थै यूँ करजो के जावती बगत तैयार व्हे तो थानवी जी रै अठै प्रुफ देता जाईजो !’

उणी बगत डाक आयगी अर सेठजी डाक देखता बोल्था—‘मूरज बाबू, थारा 'फादर साव' री चिट्ठी आई है ।’ अर वै लिफाफो खोल बांचण लागा ।

इण खबर नै सुणतां ई मूरज रै चैरा री रंगत उतरगी । अक पत्रिका रै दिवाळी अंक री प्रुफ सांमी पड़ियो हो । प्रुफ में लागोई दीपक री जोत सूं मूरज नै आपरी आंग-ळियां वळती लखाई । वो उण पेज माथे सूं आपरी हाथ आघी कर लियो । सेठजी मूरज सांमी देख'र बोल्था—‘वै लिखी के वानै थारी घणी याद आवै । दसरावा माथे जोधपुर

आवण री विचार है । गांव में सगळा जणा थांनं खूब याद किया है ।' इत्ती कैय'र वै टेवल माथे सूनं अखबार आद कागदिया संवेटता बोल्या—'यूं करो, थै थोड़ा कॉफी हाउस तांई' म्हारै साथै चालौ, पछै पाछा आ जांईजौ । थांरै सूनं अक जरूरी बात करणी है ।'

सेठजी री बात सुण'र सूरज री पगं हेटली जमीं सिरकगं । वी सेठजी रै साथै प्रेस सूनं वहीर व्हियो । रस्तै भर सेठजी अठी-उठी री बातां करता रैया । कॉफी हाउस में बैठ'र कॉफी री ऑर्डर दियां पछै सेठजी असल बात माथे आवता बोल्या—'हां, ती सूरज बाबू ! बात आ है के थांरा फादर ती अक तरै सूनं एग्री है अर वै अठै निरमळा न देख'र गया हा । अबं थांनै फेमलौ करणी है । थांरी निरमळा रै वारै में कंई' विचार है । लाभजी ती निरमळा न आपरी बहू वणावणी चावें । अबं थै बोलौ । इत्ती कैय'र वै सूरज सामी देखण लागा ।

सूरज गुच्छक्यां खावती बोल्यौ—'म्हेंSS अबं ' म्है कंई' बोलूं । म्है ती इण वारै में कंदे ई विचार इज नीं कियो । अर नीं अवार अइं कोई इरादौ है ।'

'क्यूं ?' सेठजी री लिलाड़ माथे सळ पड़गा ।

'म्है इण विचार सूनं जोधपुर नीं आयी सा । म्है ती आयी के अठै आपरै कनं रैय'र कीं काम-बंधी सीखू ला । दूजी बात, नीं म्है निरमळा जी जित्ती पढ़्यो-लिख्यौ हूं । वारै सारू ती आप कम सूनं कम कोई ग्रेजुएट लड़की देखी सा । म्है ती आ समझूं के म्है वारै लायक कोनीं । और ती म्है अबं आपनै कंई' कै सकूं ?'

'हूं !' सेठजी घांटी हिलाई । उणी वगत कॉफी आयगी । सेठजी कॉफी री चुस्की लैय'र बोल्यौ—'लायक-वायक री बात ती आप छोड़ी । आ देखणी के कुण कित्ती लायक है, म्हारी अर थांरा जी सा री काम ! अर म्हनै'ज ती थै घणा ई लायक दीसौ । नालायक जिसी ती कोई बात म्हनै थां में नीं लागी । के है ?' सेठजी इत्ती कैय'र मुळकण लागा ।

सूरज इण मुळक री म्यांनी समझ'र खुद ई मुळकती थकी बोल्यौ—'अबं म्है कंई' बोलूं सा !' अर नीची घूण कर कॉफी पीवण लागी ।

सेठजी ई मनीमन समझगा के हाल बात कीं जमी नीं । स्यात् औ इण वारै में कीं सोचियो ई नीं व्हे । के कोई दूजो कारण ई व्हे सकै । आज-काल रा छोरां री कीं भरोसौ नीं, कोई दूजो छोरी ई व्हे सकै । पण छोरी अइं नीं दीसै ।...इत्तेक में ई कोई सेठजी रा जांण-पिछांण आळा आयगा । सेठजी वां सूनं बातां में लागगा । सूरज विचार करण लागी के आज ती कोजा फसिया । अबं आ व्याव री मुसीबत माथे आई के आई । जीसा ई दसरावा माथे आवणाळा है । सोम सूनं मिळणी पड़ैला । रतन सूनं ई बात करणी पड़ैला । अर जे रतन री मां इण बात न लैय'र बात करी ती कांई' जवाब देवूंला ।...उणी वगत सेठजी ऊठता थका बोल्यौ—'लौ, चालौ सूरज बाबू !'

काँफी हाउस सून वारै आय'र सेठजी वहीर व्हेता बोल्या—'ठीक सा ! म्हें तो कागद री दुकान अर दोयेक दूजी जगै जाय'र पछें प्रेस आवू'ला । थं याद राख'र थानवी जी रा प्रुफ लेता जाईजी । अर म्हारी बात माथै फेर नेठाव सून विचार करजी । जठें तांडे लायक-नालायक री बात है, बडा-बडा पढ़िया-लिखिया नालायक निवड़ सकै अर अेक अणपढ़ वत्तो लायक व्हे सकै । सोचजी ! अैड़ी की जल्दी कोनी ।' इत्तो कंय'र सेठजी अेक 'श्री व्हिलर' नै रुकण री इसारो कियो ।

सेठजी रै गयां पछें सूरज नै न्हेचो आयो अर वो उठै सून प्रेस पूगी । प्रेस में आय'र वो सीधी मोवनजी कंपोजिटर कनै पूगी । वै प्रेस रा फोरमेन हा । थानवी जी रा प्रुफ री बात पूछ्यो, तो मोवन जी बोल्या—'हाल घंटो भर लागैला । दोयेक पढ़ियां री फरेक्शन-मेकप बाकी है सा । वारै पेजां रा प्रुफ तो तैयार है । चार पेज बाकी है । बाबूजी (सेठजी) पाछा कित्तीक वार नै आवैला ?'

'पाछा आवण री तो म्हनै कीं कंयो कोनी । तो ई अंदाजन दोयेक घंटा पेली तो कंईं आवै । क्यूं ? कोई खास बात ?'

'हां, भंवरा नै आज कीं रिपिया देवणा हा । वोट जरूरी है । सिराघ ई चल रेया है घर छोरी ई विमार है । दवा-दारू ई पइसी तो लागं इज ।'

'कित्ता रिपिया मांगिया ?'

'पचास !'

'म्हें देहूं ?'

'दे दो सा ! काले बाबूजी सून पाछा दिराय हूंला ।'

सूरज भंवरा नै रिपिया देय'र अठी-उठी री बात करण लागी । बातों में ई वो भंवरा सून बोल्थो के भंवरजी अबै तो थारै टावरां री ठाट व्हेगो । चार मोजूद घर पांचवी होवणाळी है । अबै थं आपरेसन करवाय ली । भंवरसिध छेड़ियां पछें चुप रेवणियो नी । पंजी तो वो इण बात सून नाराजगी दरसाई अर टावरां नै भगवान री देण वत्तायां पछें सिरकार नै गालियां देकी के परिवार नियोजन रै नांव माथै पूरा देस रा मरदां नै सरकार हीजड़ा करण में लागीरी है । पण पछें भंवर आपरी आदत रै परवाण मानगी के बात ठीक है । अबकी म्हारी ई आपरेसन करावण री इरादो है । सोम बाबू ई कंई वार कंय चुका है । घर सोम रै वारै में बात चलगी ।

प्रेस रा लोगां रै वत्तायां मुजब सोम ई तीनेक वरसां पेली प्रेस में कंपोजिटर री काम करतो हो । सोम री वगत प्रेस मजदूरां री संगठण ई खासो मजबूत हो । ओकाध हड़ताळ ई व्ही उण वगत में । उण वगत मजदूरां में जित्ती ओकी हो अबै नीं रेयो । अबै देखो दिवाळी माथै आयां सगळी प्रेसां में काम ई काम । अठी श्री गोरमेट प्रेस, रेल्वे, युनिवर्सिटी

प्रेस आदमें काम करणियां छुटियां लैर सैर री प्रेसां में रेट तोड़'र साळा टिकियोड़ा है। आं लोगां री बीं न कीं बन्दौवस्त करणी पड़ैला। इत्तेक में छोटजी मसीनमेन हाथ में मसीन री रोलर लियां नैड़ा आयर बोल्या—‘अरे, आपां लोगां में इज दम कोनीं ! नीं ती मजाल है सिरकारू नौकर प्राइवेट प्रेसां में काम कर लै। माथी भांग दी अकाद री ! पछे देखी बेटा मत्तो ई वंद व्हे जाई ।’

दूजी बोल्या—‘म्हें ती कैवू के फेवटी इस्पेक्टर नै लाय'र हाथी-हाथ पकड़वाय दी दो-चार जणां नै। संग आवणा छूट जावैला !’

भंवरसिंघ बोल्या—‘अब आप ई बताओ सूरज बाबू ! आं गोरमेट सरवेंट लोगां नै म्हां लोगां सूं डोढ़ी-दूणी तिनखा मिळै। ती ई आं रै जमाना भर री भूख। म्हां लोग दस-दस, बारै-बारै घंटा मर-पच'र काम करां ती ई मईनी मुस्किल सूं निकळै। यूं समझली के ओवर-टेम कियां बिना जीवारी नीं। पण यां कमीणां नै आ बात क्यूं नीं समझ में आवै ? आ भूख कद मिटैला। दीखै सेवट कायी व्हेय'र कोई न कोई किणी न किणी रा हाडका भांग देवैला ।’

मोवनजी बोल्या—‘नै ठेकेदारां नै की खाड में बूरैला भाया ?’

सूरज बोल्या—‘हां ठेकेदारां री बात ई सोचणी पड़ैला। सोम कैवती के आ ठेकेदारी प्रथा आखै देस में मजूरों सारू अक स्याप बगणी है ।’

मोवनजी हामळ भरी—‘सांची कैवी सा ! अठै प्रेसां में इज देखली। खांच'र ती प्रेस मालिक ठेकेदार नै पैसा देवै। ठेकेदार उणमें सूं ई तोड़'र मजूरों नै देवै। तद आप यूं समझ ली-के मजूर नै पूरी हाडकां री घिसाई नीं मिळै घिसाई ।’

छोटजी मसीनमेन साफ कियोड़ै रोलर नै अक खुरां में धरता बोल्या—‘अरे म्हें ती कैवू के आधी-अधूरी पइसी मिलै जिकी ती मिलै इज, पण वो ई बगतसर कठै ! चार चाइज ती दोय अवार ले ली, दोय कालै। आदमी नै फोड़ी रा नै आपरा पइसा सारू ई तरसणी पड़ै। गधी रा...अेड़ी नौकरी। पण कई करा बाबूजी ! मजबूरी में सब करणी पड़ै ।’

भंवरसिंघ आपरी राय देवतां मोवनजी नै बतलाया—‘म्हें ती कैवू बा, के सोम बाबू सूं मिलनै सल्ला लैय'र कीं न कीं तीयो-पांचो करणी पड़ैला। म्हार ती वै साव सांमीसाम रेवै। म्हें आज इज पूछूं ला ।’

सूरज कैयी—‘आज ती रात रा दस बजियां सूं पैली थानै सोम बाबू नीं मिळै। आज म्हां लोगां री पक्कर में जावण री प्रोग्राम है ।’

‘ती आप इज वानै सगळी बात समझाय'र बात कर लीजी ।’

‘अच्छी बात है । अब आप थानवी जी रा प्रूफ म्हेन देवो तो म्हे जावू ।’ सूरज मोवनजी नै कैंयो ।

‘प्रूफ में किस्तीक जेज लागेला रै रफीक ?’

‘बस चपियो प्रूफ लेवै है सा !’

सूरज आफिस में आय’र बैठगो । मोवन कम करें जी भंवर नै कैवग लागा के लं थारी तो काम बरगो । पचास मांगिया नै पचास मिळगा । पण सूरज मनीमन बोल्हो के म्हारी तो काम बिगड़गो । यूँ इज व्हे, कोई री काम बरुं तो कोर्ट री काम बिगड़ै । उगो बगत प्रूफ आयगा अर सूरज प्रूफ लेय’र उठै सूँ बहीर बिहयो ।

♦

सोम सूँ सूरज री आपरा जी सा रै दसगवा मार्ये आवगु री, सेठजी रै निरमळा री बावत पूछण री अर प्रेस करमचारियां री मुसोवतां नै लेय’र सगळी बात दूजें दिन गुलासा व्ही । आ सगळी बात रतन अर निरमळा री मौजूदगी में नेहरू पार्क में बैठ’र व्ही । निरमळा री बात रै बारें में तै व्ही के सूरज निरमळा सूँ कम पढ़ीगोड़ी व्हेण री बात ठीक घरी है । आगै बात चालै तो सूरज नै कैवणो है कै वो निरमळा नै आपरी बिन समझे है, एण कारण व्याव री तो वो सोच ई नी सकै । अर जे सूरज रा जी सा नै पैसां री नोभ बिहयो तो स्यामा नै बताय देवांला के आ देखी लखपती बाप री लाटली ब्रेटी । सूरज री उण सूँ भेळ-मिळाप बघ रैंयो है । आप चिन्ता मत करो ।

पण जद सोम सूँ रतन पूछयो के अब तूँ बता, तूँ व्याव री कद तेवड़ रैंयो है तो सोम अबोलो व्हेय’र अक पत्तियां भरियोई गुलाब रै फूल कानो देखण लागो । रतन उगरी चुप्पी देख’र भिमरती थकी बोल्हो—‘बस, आ इज खराबी है थारें में । गुद री बात आवनां ई मून धार लई । आखिर है कई थारें मन में । आ तो बता ? निरमळा में कोई कमी है ? के कोई दूजी बात है ? के कोई दूजी छोरी दाय आयगी व्हे तो वा बताय ई । माजंगी थारें गळै तो कोई पड़ै कोनीं । पछै.....’

‘रतन ! फालतू री बकबक मत कर ! म्हे पैली ई कैंयो अर आज फेर कंबू के व्याव म्हे निरमळा सूँ इज करुंला । पण कीं सम ताई ठैरणी पड़ेला । म्हारी अक काम वाली है, वो व्हेतां ई म्हे व्याव री तैयारी करुंला ।’ कैवतां-कैवतां तो सोम पाछो नीचो नाथो कर लियो ।

निरमळा सोम रै चैरै मार्ये निजर गहाय’र बोली—‘आपरी ग्रंथी कई काम बाकी है के आप म्हेने ई नी बता सकी ?’

‘हां नीं बता सकूँ !’

‘पण क्यूँ ? आपनै म्हारै माथै विस्वास कोनीं ? जे म्है वादी करूं के म्है कोई नै नीं कैवूँ, तो ई नीं बता सकी ?’ इत्ती कैवतां ती निरमळा री गळी भरीजगी ।

सोम पडुत्तर दियो—‘नीं बता सकूं !’ अर माथो ऊंची कर निरमळा कांनी देख्यो—
उण वगत उणारी आंख्यां में ई पांगी तिरती ही ।

सोम अर निरमळा, दोनों री सजळ आंख्यां देख’र रतन उठै सूं ऊठती थकी बोल्यो—‘व्हाट नॉनसेंस ! यार म्है ती जाबूँ । थै दोनूँ बँठा-बँठा रोयबी करो अर मनायबी करो । चाल सूरज !’

उणी वगत सोम उणारी हाथ पकड़’र नीचै खांचतां कैयो—‘अरे, बँठ-बँठ ! तमासी मत कर !’ अर रतन रै बँठां पछै बी बोल्यो—‘रतन ! अक बात बता ।’

‘बोल !

‘मानलै के म्है निरमळा सूं कालै व्याव कर लूँ ।....’

‘मानलै कईं व्है ? श्री मानलै....’

‘पैली पूरी बात सुणलै !’

‘ठीक ! बील !’

‘व्याव करियां पछै जे म्हनै कीं बरसां वास्तै अकली आघी जावणी पड़जा ती थै लोग म्हनै दोस नीं देवीला ।’

‘आघी कठै फॉरेन जावणी है ?’

कठै ई जावणी पड़ै !’

‘अर बाई ?’

‘बाई थारै भरोसै रैवैला । उणारी किस्मत में हाल दुख भुगतणी बाकी है ।’

सोम री बात सुण’र अक चुप्पी वापरगी । निरमळा अक पछै अक रतन, सूरज अर सोम रा मूँडां सांमी देख्यो । कोईनै बोलतां नीं देख’र वा बोली—‘ठीक है ! जे दुख इज देखणी है तो अवै बाई अकली नीं देखैला !’

‘निम्मो !’ सोम रै मूँडे सूं अक इज सबद निकल्यो अर उणारी आंख्यां निरमळा रै चैरा माथै जमगी ।

सूरज स्यावासी देवतां बोल्यो—‘स्यावास निरमळा ! क्या लाखीणीं जवाब दियो है ।’ अर पछै बी सोम नै बतलाय’र बोल्यो—‘सोम ! जे व्याव पछै थनै कठैई जावणी पड़ियो ती आ मत समझजै के बाई अर निम्मो अकली रैवैला । लारै बाई कनै म्है रैवूँला,

रतन री घर छोड़'र । नै पछै रतन तो है इज ! दोय बेटां बिच्चै कोई मां अर दोय भायां बिच्चै कोई बैन अकली नीं रैय सकै !' कैय'र सूरज अक हाथ सोम रै हाथ में अर दूजोड़ी निरमळा रै मोरां माथै घर दियो ।

पछै तो जांणो चारू अकाकार वहेगा । चारां री आंखियां में हेत री दमरत हिबोळा खावण लागी । तै ब्हियो के सोम वेगी सूं वेगी निरमळा सूं कोरट में व्याव कर लेवैला । हां, इणसूं पैली वो अक वार बम्बई जाय'र पाछो आवैला । पाछो आवतां ई व्याव कर लेवैला । अर दिवाळी माथै उणारी जावणी तै ब्हियो ।

उठा सूं वै सगळा पैदल इज घर कान्नीं बहीर ब्हिया । गूरज मारग में सोम नै प्रेम करमचारियां री समस्या बताई अर कंयो के इण बाबत भंवरजी थारै नूँ मिलैना । रस्ता में सोम सूरज नै कंयो के आज सेठजी सूं थारी जिकी बात वही उणाने गुण'र लागे के अवे इण बाबत वै फिलहाल थारै सूं कीं बात नीं करैला । हां, थाग जो सा आवणाळा है, वै जरूर नाराज व्हे सकै । दूजी बात आ ई व्हे सकै के रतन री मां अर दादी आद रै बरताव में कीं फरक आ सकै । पण आज री बात सेठजी घर में बताई, तो आ बात व्हे मकै । सेठांगी जी ई इण बारें में थारै सूं बात कर सकै । बस यनै मजबूती राखणी है । थारै कम पढ़बोड़ी ब्हेणै री बात इण बगत थारै हक में है । पण इणसूं एज काम नीं चाने कीं दूजा कारण ई तलास करणा पड़ेला ।

सूरज ई बिस्वास दिरायो के अवे उणाने कियी बात री डर नीं है । व्हेई जिकी देनी लागैला । जद अक बात सारू ना देवणी तेवड़ली, तो ना इज रैवैला । पछै वै लोग जाळोरी गेट माथै सोम नै छोड़'र अक ओटो रिक्सा में बैठ घरै पूगा ।

दूजै दिन अदीतवार नै सूरज प्रेस नीं गयो । सेठजी उणाने छुट्टी मनावण री कैं चुका हा । दिनूंगा चाय-नास्ता री बगत वो देख्यो के सगळां बिच्चै अक चुप्पी छायोड़ी है । सेठांगी जी बार-बार उडती निजर सूं उणाने देखता अर पछै वारी निजर उणारै कनै इज बेठी निरमळा माथै जम जावती । वारी चैरी ई कीं उतरघोड़ी हो । नास्ता सूं निपट'र सूरज आपरै कमरें में पूगी । सेठजी रै वारै निकळचां पछै रतन अर निरमळा ई सूरज रै कमरें में आथ जम्या ।

सूरज वानै देख'र बोल्थी—'रतन ! लागे के सेठजी म्हारै वारें में घर में बात कर चुका है ।'

निरमळा बोली—'हां, म्हनै ई कीं अड़ी इज लागी । बाईजी री निजर आज घड़ी-घड़ी म्हारै अर सूरज भाई साव माथै जम जावती । नास्ता री बगत सब चुप-चुप हा ।'

रतन टेवल माथै पड़ी अक किताब नै हाथ में लैय'र उणारा पाना फड़फड़ावती बोल्थी—'म्हनै तो हाल सोम री बात समझ में नीं आ रैयी है । रात रा ई म्है सोचती रैयी पण म्हारी समझ में कीं नीं आयो । आ कीं बरस ताई आघो ब्हेणै री बात कइ है ? वो बार-बार बंबोई अर अमदावाद रा चक्कर बयूं लगावै ? यनै कदैई कीं बतायो निम्मो ?'

निरमळा तुरत कीं पडुत्तर नीं दियो । वा किणी विचार मे हूवोड़ी ही । कीं रुक'र वा बोली—'म्हने तो लागे के वै किणी री तलास में है । अक वार जद कीं मईनां पैली अमदा-वाद सूं आया तद बातोंबात में बोल्या के अमदावाद जावणी ई वेकार गयी । लागे के उएने ववोई में तलास करणी पड़ेला । म्हे पूछ्यो ई ही के किणने तलास करणी पड़ेला ? तो वै इत्ती इज कैयो के है अक नीच आदमी । इण सूं वत्ती वै कदैई कीं नीं वतायी ।'

पछे अठी-उठी री दूजी बातां व्हेण लागी अर कीं वार पछे इज आ तिकड़ी बिखरणी । निरमळा आपरी अक सहेली कने जावण री तयारी में लागी अर रतन अक अंग्रेजी फिल्म देखणी चावती । काले फिल्म मे नीं जा सक्या इण कारण सूरज री ई फिल्म देखण री इच्छा ही पण वो सोम री साथ करणी चावनी । इण तर अक रै लारै अक तीनू बार निकळगा ।

सूरज जद सोमनाथ रै घर पूगी तद वो बंठी कोई चिट्ठी लिख रैयी ही । सूरज रै जावतां ई वो लिखणी बंद कर बोल्थी—'थार अक मिनट ! ओ कागद पूरो कर लू' । गोरमेंट प्रेस रा सुपरिन्टेंडेंट ने लिख रैयी हूं । अबार कीं प्रेस करमचारी अठे सूं गया इज है ।' इत्ती कैय'र वो पाछी कागद लिखण लागी अर सूरज आज री लोकल पेपर देखण लागी ।

कागद लिख्यां पछे सोमनाथ सूरज ने वतायी के वो गोरमेंट प्रेस, रेल्वे कारखाना रा मैनेजर, युनिवर्सिटी प्रेस रा मैनेजर आद ने कागद लिख दिया है के वारां आदमी सीटी रा प्रेमां में भाव-तोड़'र काम कर रैया है । जे किणी सूं वारां आदमियां री मारपीट व्ही अथवा फेक्ट्री इंस्पेक्टर वाने पकड़ लिया तो पछे यूनियन री अथवा किणी करमचारी री दोस नीं व्हेला । इण वास्तै आप आपरा इण-इण नांव रा आदमियां ने वरज लीजो । प्रतिलिपि लेबर डिपार्टमेंट, लेबर मिनिस्टर आद ने भेजी जा रैयी है ।

इण काम सूं निवड़'र वो आपरी मां ने चाय री कैयी । अर खुद 'अबार आवू' !' कैय'र वारें निकळगो । सूरज ऊठ'र सोम री कितावां देखण लागी । अक अल्मारी में फूटरी चमचमावती जिल्दां आळी रूसी साहित्य जम्योड़ी ही । गोर्की, चेखव पुस्किन, तोल्सताय आद रै साथे ई मार्क्स, एंगेल्स, लेनिन, स्ट लिन, माओ आद री कितावां करीने सूं सजियोड़ी । दूजी अल्मारी में हिन्दी साहित्य अर अक लकड़ी की छोटी अल्मारी में राजस्थानी अर गुजराती री कितावां रै साथे ई तीन-चारेक प्लास्टिक कवर री डायरियां । एक डायरी काढ़'र वो उएने खोली । पैला पांना माथे इज लिख्योड़ी के आ निजू डायरी बिना इजाजत कोई नीं बांचे । वो वारी सूं देख्यो पण सोम ने कठैई नीं देख'र वो डायर्डे रा पाना पलटण लागी । अक पांना माथे उएरी सीट जमगी । लिख्योड़ी हो—दीनू पटेल—इण सैतान ने नीं छोह्ला । भलाई जेळ जावणी पड़े, दीनानाथ ने उएरी करणी री फल जरूर चखाऊला ।' अर उणी बगत सांमलै दरवाजे में सोम री चप्पलां सुणीजी अर वो भट डायरी ही जठे ई घर दी । सोम मांय आय'र अक पल तो सूरज ने देखती रैयी पछे उएरी निजर उण डायरी माथे पड़ी । वो अल्मारी रै नंडी जाय'र डायरी ने गोर सूं देखण लागी । पछे वो सूरज ने वतळाय'र पूछ्यो—'सूरज ! तू इण अल्मारी सूं आ डायरी काढी ?'

सूरज रँ चँरै री रंगत उडगी । वो घोरै-सीक बोल्थी—‘हां काढ़ी तो ही !’

‘जद इज रेत री परत मार्ये डायरी काढण रा ताजा निसांग है । काई पढ़्यो ?’

सूरज झूठ री स्यारी लियो । बोल्थी—‘कीं नीं ! पैला पांना मार्ये इज डायरी पढ़ण री मनाई लिख्योड़ी देख’र पाछी घर दी !’

‘हूं !’ कैय’र सोम आपरी आंख्यां सूरज री आंख्यां में अटकाय दी । सूरज नै लगायो के अँ आंख्यां उणरै अंतस में गैराई सूं उतर सांच सोघ रेंथी है । अर सूरज मूँटो फेर माचा मार्ये आय बैठी । उणरी निजर जद पाछी सोम सूं मिळी, वो देखी के सोम उणरै देग’र मुळक रेंथी है । जाणै वो सूरज री झूठ पकड़ लियो व्हे ज्यूं ।

सूरज पूछ्यो—‘आज तो छुट्टी री दिन है । काई प्रोग्राम है ?’

सोम पड़त्तर दियो—‘कीं खाम नीं । तूं बत्ता ?’

‘आज टैम व्हे तो पिक्चर में चालां ?’

‘अरे हां, काले ई नीं चाल सक्या । आज जरूर चालांना । तीन बाळा में चानांना । क्यूं के सिङ्गारा सात वजियां अक मीटिंग में ई जावणी है ।’

‘अच्छी बात है ।’

ज्यूं-ज्यूं दिन बीतता गया, त्यू-त्यूं सूरज री बेचनी बघती गई । दसरावो नैटो आयगो । सिराघ खतम व्हेय’र नोड़ता सरु व्हेगा । सूरज रोजीना मनोमन रटती के जी सा आयगा अर निरमळा सूं व्याव री बात चलाई तो वो काई उत्तर देवला । खुद सूं सवाल करती अर खुद इज उत्तर देवती ।

इण बावत वो अक दिन सोम सूं ई बात करी । सोम उणरी बात मुण’र पैली तो चुप रेंथी अर अक टक सूरज नै देखती रेंथी । जद बोल्थी तो उणरै चँरै मार्ये अक तणाव ही । वो बोल्थी—‘सूरज ! इण मुस्किल सूं इत्ती मत घबरीज के चोली-भली सूरत मार्ये मांदगी निजर आवण लागे । थन जद निरमळा सूं व्याव करणी इज कोनी तो किस्ती रातम ! थारा-जी सा नै साफ ना दे दीज । नाड़ तो भाडैला कोनी थारी । नाराज रहेय’र गाळघां काड सकै । वत्ती सूं वत्ती गुस्से में अकघ हाथ ई घर दे तो छो घरता । थूं तो बस थारी ‘ना’ मार्ये कायम रँईजै । कई ?’

सूरज हांमळ भरी—‘हां ! खैर, आ तो हे इज !’

सोम कैथी—‘बस ! चिन्ता नीं करणी ! चिन्ता करण नै फेर केई बातों है । थूं तो गांव री रँवणियो । गांव री गरीबी ई देखी व्हेला । मजूर-करसां री पड़तल दसा थारै सूं

छाँनी कोनी । आं सारू जिकी सरकारी इमदाद व्हे, वा आं लोगां ताई पूगै इज कोनी । ठाकरां, पंचां अर सेठ साहूकारां बिच्चै इज हजम व्हे जावै । थू ती खुद अक सेठ री वेटी है । अं सगळी खरी-खोटी वातां थारै सूं छिपियोड़ी कोनी । के छिपियोड़ी है, बोल ?'

सूरज मरियोड़ी अवाज में बोल्थी—'हां जांगू हूं, अर आख्यां देखी हूं के गरीब करसां री जमीनां अर जिदगांणी किरण गत उधार माथै टिकयोड़ी है ।'

सोम राजी व्हेय'र बोल्थी—'स्यावास सूरज ! के थारै में कड़वै सांच नै मानणै री हिम्मत है । ती केवण री मतलब श्री के चिन्ता करणी है ती वां लोगां री कर, जिका इण हालात में पिस रैया है । इण सरकारी अस्ट व्यवस्था में कीं नीं व्हेणी है । केई चोखा कामां री घोसणा कर सरकार वां सारू जिका लाखां-करोड़ां रिपिया खरच करै, पाछी आ ई नीं देख के वी पईसी सही जगै पूगौ के नीं पूगौ ।'

सूरज अक निसांस न्हाख'र बोल्थी—'साव साची बात भई थारी ।'

सोम हथेली माथै जरदो-चूनी रगड़ती बोल्थी—'म्हें ती अक बात जांगू सूरज के आदमी नै बगत सूं जुड़'र उगारै साथै दौड़ लगावणी है । आपगी खिमता नै ओळखली है । जिरा जगै, जिण क्षेत्र में काम करां, उणमें इण लगन सूं काम करां के लोग बरसां नीं भुलाय सकै अर बगत रै माथै आपांरौ नांव अंकित व्हे जा । दूजी बात, मां-बाप, कुटुम्ब-परवार, गांव-गळी रा लोग अर यार-दोस्तां रै बिचाळै रिय'र आपां खुद री जिकी चरित्र खड़ी करां, उणमें घणां लोगां री देण जुण्योड़ी व्हे । तद आपां री फरज वण के किरणी'र किरणी रूप में वारै काम आय'र इण देण री चुकारी करां । पूरी दुनियां री ग्यान-विग्यांन आपां रै विकास में जुड़योड़ी अर आपां पूरी दुनियां रा देणदार । तद आपांनै चाईज के आपां इण संसार सारू पाछी कइं कर रैया हां ? इण बात नै गैराई सूं सोचणी पड़ला ।.....'

अर इण गत सोम अक पछे अक जिकी वातां सुणाई, वांनै सुण'र सूरज नै लखायो के वी फालतू अक छोटी-सीक बात नै लय'र इत्ती परेसान है । लोग ती बड़ी-बड़ी मुस्किलां सूं लड़ता थका ई इत्ता परेसान नीं व्हे । अब ती काले आवता जी सा भलाई आज आवी ।

उणी दिन स्यामा मिळगी अर कैवण लागी के कलकत्तै सूं बाबू सा (पिताजी) री कागद आयी है । दिवाळी माथै म्हें कळकत्तै जावूँला । वाईजी भुवासा नै कैवता के बाबू सा उठै म्हारै वास्तै लड़की देख्यो है । इण सारू इज म्हनै बुलाई है ।

सूरज बोल्थी—'म्हारा जी सा ई दसरावा माथै अठे आवणाळा है । इण वावत म्हें थां सूं अक बात करणी चावती ।'

स्यामा अक उमावै सूं बोली—'हां, हां ! बोलौ कइं बात है ?'

सूरज कीं संकीजतां कैयी—'म्हारा जी सा कीं लोभी जीव है । स्यात् निरमळा सूं म्हारौ व्याव इणी कारण करणी चावता व्हे के किरपाराम जी पैसा वाळा है अर व्याव में

लेण-देण चोखी करेला । पण म्हें जद इण व्याव सारू ना हूँला ती ये भीमर सकै । उण वगत वानें कंयी जा सकै के अेक हूजी करोड़पती बाप री वेटी स्यामा मूरज में 'इंटरस्टेड' है अर वानें थां सूं अेक हळकी-सीक मुलाकात करवायां थानें कोई अंतराज ती नीं व्हे ?'

स्यामा हंप'र बोली—'वाह ! क्या प्लान है ! म्हें ती ये सांवांणी म्हारें मूं व्याव करणी चावो जो ई अंतराज कोनीं । थारें वास्तें ती म्हें सारी दुनियां रा लड़का रिजेक्ट कर सकूं ।' पछै सूरज नै खुद री बात मूं कीं परेसान व्हेती देग'र वा बोनी—'पण घबरावो जैडी बात कोनीं । म्हें जवरदस्ती कोई रै गळें नीं पडूँला । म्हें ये थारा जो ना मूं भिळवाय दीजी । अरे, वो मामलो फिट करूँला के ये ई याद करीला अर थारा जो सा रात्री-रात्री पाछा गांव जावैला परा । वस !'

'वस !'

अवै सूरज निसंक व्हेगी । पण स्यामा री प्रस्ताव उणरें दिमाग में येक हळकी-सीक खट-खट पैदा कर दी ही । वो तारा अर स्यामा री तुलना करण लागी । मेंटें बातों में तारा री जवाब नीं ही, ती केई बातों में स्यामा ई कम नीं ही । तारा मूं व्याव करणी गोरी कोनीं पण स्यामा सूं करणी व्हे ती कीं खुदकी ई कोनी । हां, मूं तो दोनूँ टें दामील है, पण तारा....पण स्यामा....तारा....स्यामा....अर उण तरें सूरज आकाशक विद्योती था नें नीं कर सवर्णा के आ दोनां में कुण उणरें लायक है ।

सूरज जद रात रा बिछावणा में पुगी जद उणरें मगज में केई सवाल अळख्योडा हा । तारा अर स्यामा में सूं कुण ? निरमळा मूं व्याव री ना दियां, जी मा री नाराजगी री काई रूप व्हे सकै ? अं जोधजी जो सा रें साथे कीकर आ रेगा है ? मोम, हां मोम री डायरी अेक निजर देखतां जिण दीनूँ पटेल री बाबत लिख्योडी ही, उणमूं मोम री काई दुस्मणी है ? सोम कीं वरसां ताई आघो व्हेण री जिकी बात किये, वा दीनूँ मूं दुस्मणी ती नीं है ? वो इण मामला में काई कर सकै ?—इण गत मूरज रें मांमी अेक रें पळे अेक केई सवाल दिमाग में उछाळा खावण लाग ।

किरपारांम जी उणनं आज श्री ई बतावो के उणरा जो मा कानं दिनूंगां ई घटे पूग रैया है । कालें होमाष्ठमी है, सो आवतां ई सिनान-संपाड़ा कर जोप्रसिध जी रें साथे किल्लै देवी रा दरसणां सारू जावैला ।

सूरज रें सांमी सबसूं पैली सवाल ती कालें इज गावैला । वो आज ताई कदैई आपरा जी सा नै किणी बात सारू ना नीं दिया । आग्याकारी बेटा रें रूप में आगो गांव में जणरी साख है । पण अवै ? अवै पैली बार उणनं आपरा जी सा मूं मुडे-मुडे मुताबली करणी पड़ैणा । अं सगळीं वातां सूतां-सूतां सोचती यकी वो केई देवी-देवतावां नै याद कर लिया । अर नींद री देवी कद उणनं आपरी गोदी में सींच लिया, आ उणनं ठा नीं पड़ी ।

दूजें दिन किरपारांम जी सूरज नै साथै लैयर कार में स्टेडियम कनालै मोटर स्टेंड साथै पूगा । लाभजी जद जोधसिध नै आपरै साथै चालण रौ कैयी तौ पैली तौ जोधसिध नां देय'र आपरा काकोसा रै उठै जावण री बात कैयी, पण जद किरपारांम जी ई साथै चालण सारू खांत करण लागा तौ सगळा जणा सेठजी री 'शेवरलेट' में बैठ'र वहीर ब्हिया । रस्ता में अठो-उठो री बातां बहैती रेंयी । घरै आयां दोनां नै सूरज रै कमरें में ठेराया ।

जोधसिध सेठ किरपारामजी रौ ठरकौ देख'र मानगी के लाभजी छोरा सारू घर ती टाळ'र देख्यो है । साथीसाथ उएनै श्री ई विस्वास बहेगी के वी जिण कांम सूं आयी है, वी जरूर पूरी वहेला, इणमें मीन-मेख नीं । पछै वी सिनांन-संपाड़ै सूं निवड़'र लाभजी रै साथै किल्ले जावण सारू तयार वहेगी । सेठजी रतन रै साथै कार में जावण री बात कैयी पण लाभजी ना दे दियो अर सूरज नै साथै लैय'र पाछा इज जावणी तै कियो । किल्लै जावण सारू वहीर वहेती बगत किणी काम सारू निरमळा आपरै कमरें सूं वारै आई । लाभजी अर जोधसिध नै नमस्कार कर वारै बरांडा में पड़ी आपरी साइकिल लैय'र वारै निकळगी । निरमळा नै जावती देख'र लाभजी फुसफुसाय'र जोधसिध सूं बोल्या के आ इज छोरी है । जोधसिध ई घांटी हिलाय'र हांमळ भरी । उणी बगत सूरज साथै चालण सारू तयार वहेय'र आयगी । किरपारांम जी अर जोधसिध अक'र ती सूरज नै देखता इज रेंयगा । वस स्टेंड साथै सूरज चोळी-पजामी अर चप्पल पैरचां आयी ही अर अबै पैंट-बूसट अर कस्मा आळा बूट पैरचां पक्की सैर रौ रैवणियाँ अर कॉलेज रौ स्टूडेंट वहे ज्यूं लागती । उएनै देख'र जोधसिध बोल्थो—'वाह, भई वाह ! क्या बातां है भगवान थारी । अकदम बाबू साव बणग्या थै ती !'

सूरज संकोजती थकी कीं नीं बोल्थी । अर तीनू उठै सूं वहीर ब्हिया । रस्ता में लाभजी बेटा नै अठै रै कांम धंधे आद रै वारै पूछ्यो अर सूरज बतायो के वी प्रेस रौ काम सीख रेंयो है । लाभजी आपरै आवण री कारण नीं बतायो ।

किल्लै सूं पाछा आयां पछै जीम-चूट'र वै सेठजी रै प्रेस पूगा । सूरज तौ प्रेस में इज रेंयगी अर किरपारांमजी चाय पीवण री कैय'र लाभजी अर जोधसिध साथै वारै निक-ळगा । सूरज समझगी के श्री अबै कॉफी हाउस में बैठ'र सगळी बातां करैला । जीत्तै वै पाछा नीं आया, जित्तै सूरज रौ जीव आकळ-वाकळ इज रेंयो के कांई ठा कांई बात वहेला ? आधै-पूण घंटे सूं वै पाछा आया । जोधसिध साथै नीं ही । पूछ्यां ठा पड़ी के वी आपरै रिस्तेदारां सूं मिलण नै गयी है ।

पाछा आय'र लाभजी सूरज नै आपरै साथै चालण री कैयी । उण बगत वारें चैरै साथै अक तणाव हौ, लिलाड़ साथै कीं सळ हा अर बोली ई कीं बदळचोड़ी ही । सूरज मनीमन भगवान नै याद करतौ थकी ऊठ'र लाभजी रै साथै पाछो वहीर ब्हियो । रस्तै में लाभजी आपरै आवण री खास कारण बतायो—'ठाकर सा आवतै मिगसर में गुलाब वाईसा री व्याव करणी चावै । इण सारू कीं रकम रौ बंदीबस्त करणी हौ । म्हारै कनै इत्ती रकम ही

कोनीं । म्हें सोचियो के किरपारांम जी सून रकम रो बान करगं तो बैठ सकें । उण मिस थारें सून ई मिळणी व्हेगी ।'

सूरज पूछ्यो—'सेठजी रकम सारू हांकारी भर लियो ?'

लाभजी बोल्या—'हां ! भर ती लियो पण हांकारी की कठमठाट करवां उज भरियो । वी ई उण वगत, जद म्हें थानें कैयो के श्री म्हारे घर रो काम है भर नी व्हे तो म्हें गिरवी घरण सारू रकम सार्थ लायी हूं ।'

'किता रिपियां रो बात है ?'

'दस हजार, खरा !'

'हूं !' कैय'र सूरज चुप व्हेगी उणरें मन में थोक उज बान घटायोनी के ब्याव रें वारें में थवें पूछेना, थवें पूछेला । पण लाभजी रस्त में कीं नी पूछ्यो ।

घरें आय'र लाभजी पिलंग माथें आजा व्हेता सूरज नें कुडमी माथें बंडगु रो इसागी कियो । सूरज रें बैठे पछें खुद पाछा ऊठ'र कुट्टे रो जेब सून बोली रो गटक काट'र बोली सिद्ध गाई । असल बात माथें आवता लाभजी ई संकोज रेंया हा के छोरा नें कीकर पुछूं । ये उणरी मां व्हेती तो....छेर । वें बोल्या—'हूं ! भळें कोई गस बात रही थारी विगारावणी सून ?'

'खास बात ?'

'हां !'

'खास बात तो आ उज के श्री म्हनें आपरो जंवाई बगुलणो नाहीं ।'

'हूं ! तू कइं जवाब दियो ?'

'म्हें ती ना कर दी'

'वयूं, ना वयूं कर दी ?'

'नीं तर कइं करूं ! म्हें उण छोरी सून ब्याव नीं कर सकूं ।'

'कई खराबी है छोरी में ?'

'म्हारे लायक वा—सून समझी के म्हां दोनूं थोक दुजा रें लायक कोनीं ।' सूरज जाणें फंसली सुणाय दियो ।

'लायक कीकर कोनीं रें भई ?' लाभजी नें सूरज सून घड़ाघट उत्तर रो उम्मीद नीं ही ।

'पैली बात तो आ जी सा, के बी. ए. पास छोरी रें वास्तं छोरी ई बी. ए., एम. ए. व्हेणी चाईज, नीं तो छोरा नें जगै-जगै, जणा-जणा सांमी नीची देखणी पड़ै ।'

‘हूँ !’ लाभजी री निजर बेटा माथै थिर ही ।

सूरज सोम सूँ मांग’र लायोड़ी अक किताब माथै मीट जमायां इज आगै बोल्यो—
‘दूजी बात, निरमळा नै आप देखीज व्हीला । साव दूवळी-पतळी अर कांम-घांम सूँ कोरी है ।
अँड़ी छोरियां गांवां में जावण कोनी व्हे । तीजी बात के म्हैँ अठै आवतां ईँ उगनै म्हारी वैन
वणाय ली ।’

लाभजी की नाराजगी दरसावतां कैयी—‘बोत बढ़िया कांम कियी आप !’ अर पछै
आज-काल रा छोरां रा गुण-दोसां री बखाण करण लागा अठी-उठी री कैई बातां सुणायां
पछै बोल्यो—‘सुणलै ! अँ लायक-वायक री ती सगळी बातां छोड़ ! अँड़ी रिस्ती किस्मतवाळां
नै मिळै गैलसप्फा ! लाखां री आसांमी है किरपारांम ! अँड़ी व्याव.....’

उगणी बगत फटाक देणी दरवाजी खील’र स्यामा मांय आवती बोली—‘हेलो सूरज !’
अर लाभजी नै देख’र ‘साँरो’ केयर पाछी मुड़ती ही के सूरज बोल्यो—‘स्यामा जी ! आवी अँ
म्हारा जी सा है ।’

स्यामा लाभजी नै नमस्कार कर सूरज सूँ बोली—‘म्हैँ प्रेस फोन कियी तो पती लागी
के आप घरै ही । म्हनै शॉपिंग करणी ही, आप साथै रैवता ती चूज’ करण में सुविधा रैवती ।
खैर, म्हैँ निम्मी नै लैय जावूँला !’ इत्ती कैय’र वा नमस्कार करती बारै निकळगी ।

लाभजी पूछ्यो—‘आ कुण है ?’

सोम कैयी—‘न्यात री इज है । सेठजी रै रिस्ते में कीं लागै । कलकत्ता वाला
उमराव चंद सा री बेटी है । आ ईँ किरोड़पती बाप री बेटी है ।’

‘हूँ’ कैय’र लाभजी सूरज री मूँडी देखण लागा । वारी आंख्यां में अक सवाल ही ।
सूरज जमीं कांती देखती कीं मुळकण लागी । उगरी मुळक में अक जवाब ही । पछै जाणै
बाप-बेटा दोनूँ समझगा । कोई कीं नीं बोल्यो ।

दूजै दिन सूरज अर रतन मिळ’र लाभजी नै स्यामा रै घरै घुमाय लाया । लाभजी
नै ईँ पक्की बिस्वास व्हेगी के बेटी लाखां में नीं, करोड़ा में हाथ घाल्यो है । वां नै अब सूरज सूँ
कोई सिकायत नीं ही । वै मनौमन उगरी सरावना करण लागा हा । अर सेवट दसरावो कर,
ठाकर सा री कांम निवेड़’र वै पाछा राजी-राजी रूपाळू वहीर व्हेगा ।

(आगलै अंक पछेती खेंप)

* * *

आपरा का गढ़

भाई जोधाजी,

‘जागती जोत’ रा तीन अंक देखा, घणा दाय आया। संपादन सावचेती अर चतराई सूं कियो गयो है, इण सारु आपनै मोकळी बघाई। संपादन रै भार हटे आपरो कवी अर लेखक दब नीं जावै, ओ डर है।

जून रै अंक में भाई किसोर कल्पनाकान्त री हिन्दी में कागद पढ़े र घणो दुग होयी। आपरो दरद अर जलन वैं राजस्थांनी में क्यूं नीं प्रगटी? आप भी उगु हिन्दी रै कागद नै ‘जागती जोत’ में छाप’र कोई बडमाणसो री काम कानी कियो।

‘जागती जोत’ री संपादन जे लगोलग साल-दो साल ताई अक ई कलम होवती रैथ, ती भासा री अकरूपता अर सली आद री फूठरी अर ओपती मंजग मंजती—वात कीं सावळ बैठती। संगम इण सारु भळै निरण लेवै तो वात दगसर बंटे।

बैजनाथ पंवार

चूरु

भाई तेजसा,

‘जागती जोत’ नै सांच्यांगी जगा दी। गैलड़ा रही अंकां नै देग’र उगु नांव नू ई कियां ई होवण लागी ही, पण अब आ लागे लागी के नांव में कांई पड़यो है? अमनी बात ती काम है। आप राजस्थांनी री आ ‘जागती जोत’ जगा रचा हो, ओ राजस्थांन अर राजस्थांनी वास्तै सुम-लक्षण। बडा आदम्यां कैवण नै ती जगां करी के राजस्थांनी मे ई अक ढंग री मासिक निकळै। म्हारै सारु सेवा लिखज्यो।

भंवरसिंह सानीर

चूरु

भाई तेज जी,

इण में कोई दोय राय नीं के ‘जागती जोत’ री भी अर सरूप आप सुधारियो, पण छै महीनां पछै वैं ढाक रा तीन पात दीखै। कांई बणेला आं छै महीनां री मैनत अर मगजपन्ची री। राजस्थांनी हाल इण गत सूं छूटतां बरस लागेला। आप ‘दीठ’ नै पाछी चेतावी ती कीं वात वणै। म्हे कित्ता कांई मददगार व्हे सकां इण वावत आयूंच आप सूं कांई दावां करां, धोड़ी आळस ओरू उडावणी पड़ैला, आ ती दीखती वात है ई।

नन्द भारद्वाज

जोधपुर

भाई जोधाजी,

थां रै हाथ सूं छूट्यां पछै 'जागती जोत' री डोल फिरुं बिगड़ैलौ। म्हारे विचार सूं थांरा अँ छै अंक इण री जिकी साख बणासी, पछै आ आगै संभळचोड़ी रैवणी मुसकिल है। पण खैर.....दीठ काढ़ण री तो विचार सौ टका पक्की ई है नीं ?

सांवर दइया

पूना

मानीता तेजसिधजी,

'जागती जोत' रा अंक बांच'र जीव सोरी होयी। हरावळ रै खळ-बिखळ होयां पछै महावारी राजस्थांनी छापै री कमी अंगई घणी खठकती। 'जागती जोत' इण खोगाल ने सावळ भर दी। इणनै महावारी छापै रै रूप में जमावण री जस आपनै। महीनै री महीनो धड़ाधड़ सांतरी अंक निकळती देख'र 'हरावळ' बढ होयां पछै कुन्द पड़िचोड़ी मन पाछी नवा लेख लिखण सारु हुकण ठूकी।

जहूर खां मेहर

जोधपुर

घणा मानीता भाई जोधा,

राजस्थांनी साहित-साधकां नै दिसा-बोध देवण आळा लेखकां, चितकां, विचारकां अर संपादकां में आपरी नांव सदा सिरै रह्यो। आपरी गैहरी दीठ, मिळन-भावना, सांतरी सूभ-वृष् रै पाण 'जागती जोत' रा अंग्रेल अंक सूं आज ताई जित्ता अंक देखण में आया, वां री सगळी ठोड़ सरावणा व्ही। जीवण में सगळां नै राजी तौ कोई नहीं राख सकै।

आपनै इण बात री पत्ती है ई के अक्टूम्बर '७७ सूं मार्च '७८ ताई 'जागती जोत' री संपादन म्हनै करणो है। म्है चावूं आपरी रचनावां नै छापण री मौकी म्हनै मिळै अर व 'जागती जोत' री आधार वणै।

आप घणा सुळभियोड़ा सम्पादक हौ। किरपा कर कंई दिसा दिखावण आळी, सावधानी बरतण आळी, आगळै अंकां में किरण तरै री सामग्री आवणी चाईजै—आदि-आदि बातां लिख'र भिजावी, तौ घणी किरपा होसी। म्है आपरा सुभावां री उडीक में रैबूला।

दीनदयाल ओझा

सम्पादक 'जागती जोत' बीकानेर

* * *



राजस्थानी भाषा साहित्य संगम (अकादमी) बीकानेर

रा

प्रकाशन

नाम पुस्तक	विधा	लेखक	मूल्य
प्रेतात्मा री प्रीत	(कहानी)	श्री दामोदर प्रसाद शर्मा	५-५०
रोहिडै रा फूल	(व्यंगात्मक निबंध)	डा. मनोहर शर्मा	५-७५
हांस्या हरि मिलै	(हास्य)	श्री नृसिंहराज पुरोहित	७-५०
जोग संजोग	(उपन्यास)	श्री यादवेन्द्र शर्मा 'चन्द्र'	७-२५
ग्रटारवां	(रेखाचित्र)	डा. ब्रजगारायण पुरोहित	५-७५
आदमी रो सींग	(कहानी)	श्री करणीदान वारहठ	६-००
अक बीनरणी दो बीन	(उपन्यास)	श्री श्रीलाल नथमल जोशी	८-३०
राजस्थानी साहित्यकार			
परिचय कोस	(परिचय श्रृंखला)	सं. श्री राघव साठवत	७-७५
सोनल भींग	(लघु कथाएँ)	डॉ. मनोहर शर्मा	७-००
काळ भैरवी	(लघु उपन्यास)	श्री रामनिवास शर्मा	७-५०
हंस करै निगराणी	(काव्य संग्रह)	श्री सत्येन जोशी	७-५०
राजस्थानी साहित्य री समीक्षा	(जा. जो)	सं. डा. मनोहर शर्मा	८-००
राजस्थानी कहानी संग्रह	(जा. जो)	सं. रामेश्वरदयाल श्रीवास्ती	८-५०
राजस्थानी निबन्ध माला	(जा. जो)	सं. डा. मनोहर शर्मा	८-००
सरवर सूरज अर सिज्या		श्री प्रेमजी 'प्रेम'	प्रकाश्य

सम्पर्क—

राजस्थानी भाषा साहित्य संगम (अकादमी)

नागरी भंडार, बीकानेर ।





आगलै अंक री बानगी

- ❁ मनवा थारी आदत नै—अन्नारांम सुदामा री टाळवों लेख ।
- ❁ अरे ! इत्तो दुख—सांवर दइया री नवी कथा ।
- ❁ सत्यप्रकास जोसो, सिवराज छंगानी, असरा गोपाल सरमा, चन्द्र प्रकास देवळ, भूरसिंघ राठीड़ अर नारायण सिंघ भाटी इत्याद री नवी अबोट रचनावां ।
- ❁ 'खुद सूं खुद री बातां' अर 'खुलती गांठां' री पछेती खेप ।
- ❁ जागती जोत सूं निवड़तां—सम्पादक री बात ।
- ❁ दूजा सगळा स्थंभ ।

आजादी का आह्वान

राजस्थानी संग्रह ही मासिक

सम्पादक
तेज सिंह जी

सितम्बर

१९७७



प्रेमचन्द्र गोस्वामी

वीयां ती वीकानेर रा, पण वरसां सूनं जेपुर ई बस । राजस्यान रा चित्तरामकारां में नांमी । राजस्यान ललित-कला अकादमी सूनं इनाम पायोडा । ललित-कला अकादमी रे छाप 'आकृति' रा सम्पादक ई रखा । राजस्यान रा हिन्दी कथाकारां में ई गोस्वामी जी रो नांव खासी भली । केई पोथ्यां छप्योडी । इण छाप रे सम्पादक तेजसिध जोधा रो पत्नी पोवी 'मोळू' रो ओळ्यां मुंडाग लावण में ई गोस्वामी जी रो पूरो-पूरो हाथ हो ।

जागती जोत

राजस्थानी संगम रौ मासिक

सितम्बर १९७७

संपादक

तेज सिंघ जोधा

बरस : ५

अंक : ७

बरस रौ मोल : १२ रिपिया

इण अंक रौ मोल : सवा रिपियो

रियायती मोल : ८ रिपिया

प्रकासक

राजस्थानी भासा साहित संगम (अकादमी)

बीकानेर [राजस्थान]

३७ अंक रा लिखारा

अन्नाराम सुदामा : मूंडोमूंड तो कई मिलिया नीं, पण म्हारं विच्चै कागदां रो खींचतांण जूनी । 'जागती जोत' संभाळी तो सुदामा जी न रचना सारू लिखियो । 'अवार ओसांण नीं, लढकां रा इमतांत चालै ।' अरवै ? 'हागी-बीमारी फोटा घालै ।' अरवै ? 'मूड कीं गढ़वढ़-सड़वढ़, आज नीं कालै ?' अरवै ? 'अरै ओ सम्पादक जवरी, हिलै न हालै ।' छः महीनां लार अरवड़ी तो वां रा ई सबदां में लिखवा ली मेवट- 'मनवा थारी आदत नै !'

खरी, खांटी अर ठेळवंद राजस्थानी लिखवाळा दो च्यारेक लोगां में अन्नाराम जी सुदामा रो नांव । भासा काईं सूंसावती लीली कामड़ी, आड-डीड रो तो बख ई अणूतो, सुरडै तो ई जीव सोरो । जाणूं पीज ई न्हांखें तो चोखी ।

राजस्थानी में आपरी केई पोथ्यां छप्योड़ी । 'मैकती काया मुळकती घरती,' 'पिरोळ में कुत्ती व्याई,' 'आंवै न आंख्यां' अर दोयेक बरसां पैली सूंपी 'दूर दिसावर' । आप बरसां सूं उदयरामसर (वीकानेर) में मास्टर । अक वळा राजस्थान साहित अकादमी रो इनांम ई लीघी ।

सिवराज छंगारणी : दोवडै हाडां । कद-काठी सूं पूरा । सभाव सूं घीमा, मधरा अर मिलतारू । साहित रो सगळी विद्यावां में लिखा-पढी रो चरमी । राजस्थानी में 'उणियारा' नांव रो अक पोथी छप्योड़ी । भासा छंगारणी जी रो संवळी, सांची अर रव्वां-तव्वां । वीकानेर रा वासी । उठै ई अक हायर सैकण्डी स्कूल मे हैडमास्टर ।

सुरेस पारीक 'ससिकर' : भीलवाड़ी जिली । खेजड़ी गांव । राजस्थानी कविता में नवादू पण भरोसदार । 'जागती जोत' में पैली वळा ।

स्वामी खुसालनाथ : स्वामी जी वाड़मेर रा वासिदा । नवी कविता रै गेलै नवां नवा । 'जागती जोत' में इणीं अंक पैली वार छपिया ।

नन्दकिसोर चतुर्वेदी : जिली चित्तौड़गढ़ । गांव पाछ्गंदी । बांयां टवोक (उदैपुर) रो बी. अ्रेड. कॉलेज में । पढे के पढावै इणरी जांच नीं । कविता रो चरसी ।

अननप्रकाश धानवी : बीकानेर बागी । हिन्दी अर राजस्थानी दोनू भागावां में लिखे । राजस्थानी में अलवत नवा । 'इतवारी पत्रिका' में केई वळा छपे । पत्रकारिता रो सोक ई पिटां नै पूरी । कागद परवाणु आजकाने नेहदा रो कवितावां रा उत्था मे लागोटा ।

कोमल फोठारी : घोळा-फाळा बाळ । पाकी-पाकी रंग । पचाम रं नगंटगे ऊपर । डील मायं घर्ते पट्टे जिकी ई पत्रांमी अर चोळी । कालर दबिषी, तो दबियोदी छै । बेरी रात जाणूं न दिन । ग्रेनरल स्टेडी, दयास्वड पंटनं लेवीस्ट्रास, मिथ, फोक बेट आंक मांउन्ड, साउको ग्रैनेलेसेस, आंगन टूटोसन, पांन मायं चालती कायें-चूनें रो डांडी वेसिकस तो समझणा छै व्हेला, अळगे-अळगे ताईं मन-मगज में लोक साहित अर लोक कळादी रो बितेरी ।

कद रिर्कोटिंग कद सूटिंग, कद अकादमियां रो अठी-उठी मिटिंग । आजकाले परदेसां रो भागदोड ई बघमी । रूपायन रा नित हमेस रा काम अर अळूभाड ई कम नीं । नेहरू फेलोशिप रो मागीगरी ओरूं खांधै । राजस्थानी में लिखा-पढता लोग ई सार-संभाळ नै उडोकै । परदेसी विदवांनं रो आवजाव ई सासा । सेवट कित्ती काईं संभाळै कोमल दादा । मिनस रो सामरय रो हद, कठै न कठै तो व्हेती ई व्हेला ।

अमरसिध : सादबूधा मिनस । राजस्थान रो हद मायें ई हरियाणें में गांव । राजस्थानी में लिखा-पढी रो पूरी-पूरी कोड । सादबूधपुर में कामकाज लागोडा ।

विगत

दो कवितावां	नारायण सिघ भाटी	४
तीन कवितावां	सत्यप्रकास जोसी	६
खुद सूं खुदरी बातां	गोरधन सिघ सेखावत	६
मनवा थारी आदत नै	अन्नाराम सुदामा	१४
अरे ! इत्तौ दुख	सांवर दइया	२२
ईसरलाट	सिवराज छंगांणी	३१
थूं भीतर नै झांक	किसन कल्पित	३३
अेक मिनख रौं दिन	सुरेस पारीक 'ससिकर'	३४
औं ई निवेड़	स्वामी खुसाल नाथ	३५
म्है ई म्है	किसोर चतुर्वेदी	३६
आ धोबोंक पीढ़ी	ओम प्रकास थानवी	३७
निनांण	महावीर प्रसाद जोसी	३८
राजस्थांनी साहित रौं लेखौं जोखौं	कोमल कोठारी	४०
खुलती गांठां	पारस अरोड़ा	४२

स्थंभ

आपरा कागद

● पूठै रौं चितरांम : प्रेमचन्द गोस्वामी

मोडियो भील

थारै हाथां सेकियोड़ा मूळां रा वखांग
 केई गीतां, ख्यातां अर वातां में
 चालागारी छ्दाक री छ्दकियोड़ी जीभां
 घणै चाव सूं चाखिया
 पण आज दिन थूं भूखी री भूखी,
 समै रो हिरण फालोफाल
 अतीत सूं वरतमान होय
 चिड़ियाघर री चीज वगुगी
 उण अगछाल माथै सूं
 जूनां जोगियां रा आसण ऊठ
 दिल्ली रै पारकां में बिछगा
 थूं आज दिन दोड़ै उण रै खोजां खातर,
 भूख री कस्तूरी री सीरंम
 कितरी कीमती वहै है
 सगळा सासण आसण अर
 मिरगानैणियां रा सिणगार सूं ?

निसकार मत पाकोड़ा पारधी
 ओटमवम्ब बीत्यां ई थारी तीर वरकरार है
 इण दौलतियै महाभारथ रा
 अवतारां नै उथापण खातर

* * *

मिसफिट

०

मैं इए दुनियां में
क्यूँ मिसफिट मैसूसतौ रह्यौ
वौ अरथ आज उखलियौ
जद चपड़ासी उथलौ दियौ—
'आठ आना स्टेसनरी रै बिल में
वेसी लिखाय लायौ हूं, साइकल रौ पिंचर कढ़ायौ ।'
महनै आत्मग्यांन रै अक भटकै में लखायौ
के आ साइकल आज ई पिंचर कोनीं व्हौ
इए जीवण री खोड़ीली सड़क माथै
समझ आयां पछे होवती ई री
अर म्हारा साथी म्हारा सूँ
औ अंडजेस्टमेंट आप खातर चावता ई रह्या
जिए नै म्हेँ कदैई सावळ समझण री
सावचेती नीं बरती
अर वै म्हेनै
कदैई मूरख, कदैई स्वारथी, कदैई सामंती
कदैई छटेल अर कदैई चालबाज
कैय'र भूँडता रह्या, साथ छोडता गया
परा वारी बिटलियोड़ी निजरां हाल म्हेनै बींधै
देखतां-देखतां केई साइकलां मोटर-साइकल
अर सेवट मोटर बरागी
अर वा सड़क दिल्ली ताई पूगतां ई
अयर पैसेज
आज म्हेनै अड़ा मिनखां री फैसन परेड
उड़ सड़क माथै घणी बीफरियोड़ी दीसै
इए खातर म्हेँ केई वार डरतौ सड़क छोड़ दूँ
परा काई इए जुग री जात्रा रौ
औ ई अंजाम ?

* * *

समाध

जद सूं थारै लारै आई पीहर छुट्यो
 मां बाबल वीरा रा मुखड़ा मगसा पड़ग्या
 साथणियां री हेत, आंगणा, पिणघट
 वाड़ा रा चितरांम आंमुवां घुलग्या
 बंधतां थारी भुजा, नैण मुंद जावै म्हारा
 मेड़ी री च्यारूं भींता रा घुड़ै लेवड़ा
 पिलंग पथरणा तकिया चादर तिरता लागै
 जुपती दीवी म्हारै नैणां सू अदीठ व्है जावै
 भारी-भारी थारा दो भुज, भार अग री
 थारी मुखड़ी, नैण, होठ, बोजळ ज्यूं पळकै
 अंग-अंग में हरख पीड़ री रास रमीजै
 म्हैं अलोप व्है जाऊ, बस थूं ईं थूं दांस
 अब ती थूं ईं कोनीं है, म्हैं ईं कोनीं हूं
 देस काळ सूं ऊपर कोई जोत बधै है
 अणहद नाद सुणीजै, आणद लीला राचै
 जूंण-मरण, सवदां परवारी लोक सधै है
 कांटां माथै हूं के हूं धरती रै माथै
 चुभै कांकरा हाय पूठ ग्राखी छुलगी है
 म्हारा गाभा कठै ? कठै है म्हारी सुध-बुध
 मोर ढेलड़ी दुग दुग निरखै ओळूं-दोळूं
 छतरी वणगी है, सोनल पांखां तरागी है

★ ★ ★

भरम

०

आज चांद नै देखूं हूं तौ
सांमै समदर लंरावै है
काळी केस कठा सूं उडतौ
म्हारै खांधै पड़ जावै है

आज चांद नै देखूं हूं तौ
धोरं-धीरं कानां में कोई कीं बोलें
गोत मुणानै, खिल खिल हंस
इमरत रस घौळै

आज चांद नै देखूं हूं तौ
कोई सपनी म्हनै जगानै
इण बेळा नै भेटै कोई
बीत्या पल में म्हनै पुगानै
आज चांद नै देखूं हूं तौ

२२

* * *

नारी

टावर रा मूंडा में हांचल

जांघ उघाड़ी

काल पराई, वगत बायरी

आज समझयो

सकल त्रिस्टि रा बीज कठे बीज्या विरमा जी

सूंटी सूं निकलणवाली बी कंचळ किसी है

थूं लांघै इतिहास, मूलकती जुद्ध करावै

जुग-जुग सींचै रगत गुरमा

जद थारै गालां पर थोड़ी लाली आवै

श्री साटणिया रूप, रेसमी कमर

देह री सोरम ओढ्यां

कामण रा सतदल रै नीचै थूं सोई है

सीस दियां ईं पूग सगै विरलो कोई है

आ फागणियां सांभ, हवा में सीयाली है

झड़ै पानड़ा लीला-पीळा, नवा न ऊर्ग

सगली खेत कटण वाली है

टावर रा मूंडा में हांचल

जांघ उघाड़ी

काल पराई, वगत बायरी

* * *

जागती जीत/८

लांबी कविता-पछेती खेंप

खुद सूं खुद री बातां

गोरधन सिंघ सेखावत

म्हैं सौचूं

कदं बात किस्ती बदरंग ढंग सूं

लोगां रै सांमै उतरै

इमानदारी री नीं मोहर

अखबारां रा मूंडा माथे

सगळा पिचकावै मूंडी

राजनीत रा चटपटा संवाद सूं

भूखां रा गवाळ

खुद रै भजन में मस्त व्हेगा

जगां-जगां खुलगी

रासन री दुकांन

बिलबिलातै पेट री लड़ाई री

सैठी मंच

आवण आळी पीढ्यां करेली याद
 वां रा पुरखा मूठी-मूठी नाज सारू
 तावडें में लेण लगा'र वोटां री जे वोळता
 अतीत रै कूंची लगाता गट्टे पर दोठ्या
 गोडां पर हाथ धरचां कंवत री गांठ्यां मुलभातः
 सांतरा पडूतरां रा नाटक देखता
 जे वोळती वगत दारू-दडवे री वातां करता

म्हें कद तांईं हरेक वात ने
 ठीक कवूंला । यारी चावना म्हारें सून ओलें
 म्हारें साथे छळ करे । क्यूं नीं खुले थारें अंतस
 रा किवाड म्हारें सामें । म्हारें साथे रेंघ'र थे
 कांईं सीख्यो ?

थारें सुवारयां री पडताळ
 करता थकां म्हें आज लग म्हारें आपे नून वंगी
 लड्या । मन ने समझायो । कीकर अपणायत आभे
 री घूंवर ज्यूं वंगी विखरें । उण दिन थारो
 ओछीपण म्हारें सून डोगी बघतो गयो । आंगळ्यां
 विचवें मीठी-मीठी खाज सरू व्हेगी । डोल रें
 मांय चिरमिराट री भणभणाट लागी ।

थारें कनी आवती वेळ्यां
 हमेस थारें मन ने समझण री धीरज वारचो
 पण म्हारी समझ म्हारी ही

म्हारें मन में वणता अँ चितरांम
 कठे लग सही व्हेला ? आ पैल्यां कदे सोचो नीं
 वो रोज सुवारें ऊठे अंगडायोडो, ऊठतो ई पूछे
 न्यूती अर सून घे कंठल्यां में वांघ्योडा
 तारवाजां ने । हरखे हाथ पर खिणायोडें
 नांव माथे । छाती फूलें नकली टांग्योडा विल्लां सून
 वो बिसरावे सगळ्यां ने अर कूंट कढावे
 सगळ्यां री

ठाली बैठ्यौ दूजां सूं पंज्यौ लड़ावै
पण दोस किरणरी ? अड़ा है अलेखू

म्हारै सामै

जिका नित-नेम री फरीं बांधै
राली सूं जगावै भूखां री गोद में सोयौडै
भगवान री छीयां नै । खंखार री तरियां
उपदेल सूं सगळां नै भांडै

पण खुद नीं गुणै

बस मिदर में ऊँघै अर कथा सुणै

अड़ी हालत में लागै

म्हैं कठै फसग्यौ ? म्हैं उतारबौ चावू

खुद मायै चढ़चोड़ी संस्कृति री गरद नै

पण ओ कांडै ? अंधारै रै मांय टपटैळा मारता

लोगां रै हाथां में भाला, बरछी अर किरपांग

स्यात ओ म्हारा सूं लड़सी

क्यूँ के म्हैं तुळछां नै ठोकर

मारणी नीं चावू । मिदर रै सामै पेसाब करणी

नीं चावू । पण ओ कीं नीं धारै । आं रै हाथां में

धतूरै अर सत्यानासी रा फूल । बदळाव री नारौ

तिजाब ज्यूं उफणै आं रै कंठां में

पण किरण री कांडै विसवास ?

भरम, संका अर तरक री जेवड़्यां सूं म्हारै

कंठां री छुलगी नसां

म्हारै फेंफरै में फेंक दी घोबी क लटां

अब तौ नीं चावू अफंड अर ढोंग सूं

लिप्योड़ा चैरां री लमचेडू जबांन रा मीठा

सबदां री चाकू सी-धार नै ।

खुद नै हेरती आं सड़कां घणौ घूम्यो

कीं देख्यो, कीं मुण्यो । आंख्यां रै पट्टी
अर पगां रै पाटा बांध'र सोयग्या हाकिम
कचेड़्यां मांय कागलै अर चिड़ी रै व्याव
माथै ताळी पीटै वकील अर अफसर

पंचायत रै दफतर में

चिरभर खेलै कुचमादो टींगर

परण कांई ?

बाप बाण्यो अर अर भां गुसांई

दगाबाजां रा चूँटव्यां सूं जुवान पिरजातंत्र री
चामड़ी में पड़ग्या घाव । सगळी टेम आंख्यां में
उबळती रह्यो अंरीटा लाग्योड़ी चरमराट
कद तांई मिनख लेवेलो गुचळकी

आं अणसैवापणां री हदां लारे

खून सूं रंग्योड़ी सम्भता री उकार साथै
जन गए मन बोलै ऊंचो ऊठ ओ मिनख
खुद नागी वण'र खुद नै तोलै

इतियास री अेडियां हेटे राख'र

कीं बोलै खूँवे पर मेल्योड़ी री मसीन

परण आ मिनख री संकळाई नीं

कुण पिछांणी

भाड़ में भुनतै चणां री भासा

कुण उधार रा सबदां री

ओप में खुद नै लुकायो

घणी जेज

अवे इमान रा गुलदस्ता कमरै री सोभा सारू

परण फेरू कांई होसी ?

कीं होसी रै...

आ चोखी के थोड़ी ताळ पछै उण रै पगां रा मंसूबा
पिछांण लिया हाटां रै मांय बैठ्या लोग ।

आग रा गोळा खावाळी मूंडी कूड़ी बातां सूं डर

हेली री भाँकी में चादर ओढ़'र लुकग्यी
 जीत वीं री जिकी अड़' मौका पर
 अर लड़' धमकावण्यां सूं । तिरै पसीना रा
 समदर में ।

सांची है ताते खून री धार सूं
 हंसै होठ खेतां रा
 परा चापलूसी री नौबत री मजौ अलैदा
 कूवत छिपै नीं भरचा बजार में
 कालबेलियौ गली गली घूमै
 बाळद रै ठांरां में उलझ्यौड़ौ मन
 जोवै नवा ठांरा
 कदै डूंगर साथै
 कदै धोरां ओले

म्हारी मनगत रा खूंटं कदै कठै रुप
 कदै उपड़ै
 बगत रा वांयटां री दरद, कांई रैवैलौ
 आखी ऊमर ? कांई वातां रा जवान पळका
 नीं ओळखैला खुद नै । स्यात व्हेली अ्रेक
 टेम आख्यां री वळत नै । मुठचां में दाब्यां
 मुठचां रौ सळबळाट पकड़ैलौ कांन
 माथै री सळां में
 क्रान्ति रा दूहा जलमैला

सोचूं कुरा है अेड़-छेड़
 मुक्की बांध्यां । कदै कलैण्डर री तारीख बदळणै
 रौ कोड ही. रोज सूरजी साथै
 आज नीं रह्यौ वौ उछाव
 मंगरां रै मांय दोय मुठ्ठी बरफ री ठंड
 नित सालरती रैवै । चालता रैवै पड़ूतरां
 रा खळा ।

* * *

निबंध

मनवा धारी आदत नै

अन्नाराम सुदांमा

•

घरती पर अगलां सूं ग्यांगो आदमी ई रहे, आ कान मे पड़ी मांमी चिल्लाई, वण घणी ई जाग्यां सगलां सूं घणी उकोळ अर चेतारूक ई बी होवै, उमी के वण जिसी कोई ठूनी सोध्यी ई को लायै नीं—न जिनावर अर न जिद । बात बुद्धि रो को हे नीं, बात है आदन रो । इसी-इसी रोगली अर रोवती आदतां रो अलानीडी, देग्यां-मुण्यां फरफरी छुटे, उमी-उमी मळे वण आपरें देव-दुखलभ खोलियै में भगनै, जिर्क सूं उण रो आप रो माणुम मिमावण में तो खैर गोळ ई कांई, कई टफा जे उणरी बेगी सो इलाज नीं रहे, तो घाम-घाम रो ई कांई, खासी अलगी तांई रो घरती रें सांस मे वां अमूजणी पैदा कर दें । कुटेवां रें माददां नीं किचरीजतें अर डाडतें आदमी रें मिघ नै देख, कदैई अचंनो रहे घर कदैई उणरी साजारी माथै दया आवै । घणी दफ उण माथै भाळ ऊठे तो इसी ऊठे, के जाण्ड उण रें मोभरें रो लाड होवै ठुळी सूं, इसी सांची अर संतोन के उणरें माथे रो सगली पांवली रोळी चार आचर उणरी लिलाड़ रंग दें । उबधोड़ी आदमी छेकड़ कांई करे ? उयां नही करे तो कुटेवां रो कोथलियी कांई ठा कांई करता कांई कर बैठे ? निरदोस चेतणा रो कांईं ठा रिती मोटी उजाड़ बी कर दें । उण रें कदे गोळी ई मागणी पड़े तो पड़े अर चाय उणनें उमर कंद करणी पड़े तो पड़े । चोर-जार, डाकू अर हित्यारा कुटेवा रा घणा ऊठा दरदा में बेमोल भरता-पकड़ीजता देखां अर सुणां । कोई को चाय नी के घरती रो कोई अमोलक बेटी, हिडकियै कुत्ती आळी दांई गोळी का फांसी रो सिकार रहे । मिनण जिसी मुंघो जमारी राटी आदतां रें वसीभूत कोढ़ सूं ईं हीणी जूणी जीवै, एण सूं देहकी बात घरती पर भोर कांईं रहे ? नहीं मनै तो आगें बधो और देखी आख्यां रा डीळा ऊंचा कर-कर—

“बाबू, अघपाव डोडा दिरावी आज तो, जै होवै धारी । लिछमी रो नाथ कमाई मोकळी दें थानै, डील पड़े पांवडो ई को सिरकीजै नीं”—गळें में तुळछी रो माळा साव मैली, चनण रो टीकी, बुझती आख्यां अर वां रें सुणां में भेली होयोही मोढ़, भरती नास्यां, जर दें सूं पीळा अर चूनें सूं कटता, हालता अघघळ दांत, चीटी सी दगली, जाग्यां-जाग्यां रुई

सांमी चिलकै, अर वंडी ई ऊजळी घोटियो, पगां में दो भांत रा जूता, अक खुस्योड़ी स्वेटर, दूजो कपड़े रो उण में अंगूठी निकळचोड़ी अर आं सगळां सूं ऊपर उणरै संवार वधयोडै चरै सूं छिण-छिण घणी व्हेती अक गैरी उदासी, रह-रह दम दोरी लेवती अवेइ सो अक वामण अक भलै मिनख नै बोल्यो—

“वेटी रा बापां, डोडा पीवो थे अर वं ई दिन में तीन-तीन दफे, तूली अर तपेली ठंडा ई को होवण दी नीं ? अबार रासन रै इण जुग में आदमी नै दिन में तीन दफे दळियो ई को पोसावै नी अर थे डोडा, पाव पक्का रोज खांड नीं ती रस-कढ़िई गुड़ सागै ई, अर उण सागै नहीं नहीं करतां धोवो नैड़ी चाय, बळीतौ कित्तो लागै थे ई जांणी । अकानै थारो ओ काढी अर दूजै कानै अधनागा टावर सी में ठांठरै, भूख काढ़ै गडकां जित्ती, घर आळी बापड़ी चरुडी ले’र कियां खुणच-खुणच चून भेलो करै, वा ई जांणती व्हेसी । थे जरा-जरा आगै हाथ पसारो, लिलड़ी काढो, छोरी बैठी हूँ दो-तीन घोरिये चढ़ण नै अर थानै कीं विचार ई को आवै नीं । आगै ई थानै दो-तीन दफे दिराया दा डोडा म्है । राजी व्हो चाय वेराजी, ईयां हूँ ई को पोसावूँ नीं”—उण भलै आदमी कह्यो ।

“जाणू को मांगूँ नीं बाबू, मांगणै मरणै सूं बेसी है, पण कंठां में आ फसै जद ? आदत पड़गी, अबै छुटणी किसी हाथ की बात है, ठा है के घणो ई माडी है (वा, छोड हूँ, पण हूँ हूँ में इसी रची है वा के किसै ई सोढ़ै सूं साफ को होवै नीं । पनरै बरस व्हेगा पीवतां, अबै तो मोड़ी-वैगी डील ई कदैई भलाईं छूटी, आ को छूटै नीं ।

“छूट ज्यासी, अक काम करो थे, आदत आगै हाथ जोड़’र बाकी फाड़-फाड़’र जोर-जोर सूं डाडो, पेट दूखतै डांगरै आळी दाईं के कियां ईं छूट जा अे, छोड दै म्हारो लारो, गाय हूँ थारी, परसाद चढ़ास्युं थारै ।”

“छोड्या ओ बाबू छोड्या, थे तो ठट्टा करण लागग्या दीसो, ईयां ईं कोई छूट्या करै, आ आदत है, आपरै नांव सूं ओळखीजै, गाय गिरौ न वामण, राजा गिरौ न जोगी, पड़गी उण नै लेय’र जासी । ठाकुर जी करै कियों नै पड़ै ई नीं कोई खोटी आदत ।”

“ईयां ईं नीं मानै तो कूटी रंडार नै, लड़ी सांमी छाती उण सूं, किसी अंटमबम्ब चलासी थारै माथै वा ?”

“लड़िया जी लड़िया, इस सूं लड़यो पूरवै आदमी ?”—कैय’र कीं रुकग्यो, दम दोरी आवण लागग्यो, चेतना कीं आसावान हुई का भळै बोल्यो—“लौ अबै करो कीं मैर देखां, डील पड़ै अबै”—रोवण आळी व्हेगो अर सिर गोडां बिचाळै देय’र सांस दोरी लेवण लागग्यां । देख्यां दया आवै अर उण पर सोच्यां जी में आवै जांणी इसा कुमाणस तो मर्या ई भला । दिनूगै सिझ्या गोरवो ई बिगाडै, घान अर घरती रा बैरी है अै ।

“बाबू भीत गई थोड़ी रही, च्यार-छ म्हीनां धिक्का नीं धिक्का सही”—कहर

भल्ले वो उण आदमी रे जीवण हाथ कानी देखण लाग्यो के कद वो जेव में जावे घर की लेय'र चारे आवे ।

“पण अक बात तो बतावो गुरु, आदत थाने पैदा किया का थे आदत न ।—आदमी भल्ले पूछयो ।

“करी तो म्है ईं बाबू ।”

“तो आप कमाया करमड़ा किया न दीज दोम । तो मनास्यो के लट्ठयो किम लागे जी सूं, जड़ तो थे आप ई वळो । लट्ठणी थाने थारें सार्ग ई है, लट्ठो पयूं नीं, किसा सस्तर—पाती सांभणा है थाने ?”

“सांभणा तो कीं नीं बाबू, पण बल थिना बुद्धि बापड़ी है, थाने कह दियो नीं के आं हालां डील भलाई छूटी, बा को छूटे नीं ।”—घर भल्ले थो सार्गो ठाळ पर आप मेटो, अवे कोई जाययां छुडावे तो कियां छुडावे ? आ तो इयां हई, जियां कोई आदमी आपरे मिणिये न आप रे हाथ सूं आप ई दूंपो देय'र आरडे, परे मने छुडावो रे । उमे समझदार न बोली, कोई कियां छुडावे ? अवार छुडावो, अथवा नीं थो नीं भल्ले नई ई इवार बीयां ईं आरड़ती । छोडै तो आप ई जद पार पड़े । इसे न रिपियो देणो मोरी, समझावो दोरी ।

सोची, अवे डोरा, चाय घर गुड रो काढ़ी पोणी दिन में तीन-तीन दफे घर सामिलत आ के घर में नहीं अद्यत रो बाज, बेटी मेलै प्रायातीज । घर में मग्ता ऊंदरा गड़ी करे, पण उपाव काई आदत पड़णी ऊधी । आ किमीक न आप सोने घर न दुजे रो मुर्गी । आगे न आरसी पकड़ाणी ई फालतू है । हथियार ई न्हांग दिया उण तो घर गुटेव न दगा मग्ता सिकार ई चाहीजे—पड़तल अर पाकी बोगटी नीचे भुग मरणा आळा । आनमवल पाती वोस्टी ई तो है—ऊनरे वोरियां सूं लड़ाभूम, उण सूं नशाम रे दुगा रो काईं रेहती, तो ई खूबी देखो इसी मरी मास्यां री, आप तो इया मोटा भुगतै अर लोणां पातर अमभाव सोडां में सिफारिस करे ठाकुर जो नै—“लछमी रो नाथ कमाई मोबळी दे,” इयां रो कैयो मळी री गडकड़ी ई को करे नीं, तो ठाकुर जो क्यों करसो अर करसी तो ई इमे कुटेवी अर कुमायासां न डोहा अर भांग दिरावण री सीध तो बां की हावत में ईं को करे नीं । जिको आपरो डील ई कां सांभे नीं, ठाकुर जो उण नै देवाळ ई काईं है ? God helps those who help themselves. हिम्मत मरदां, मदद मुदा । जिकां रे आनमवल पर गुटेव रो धोरो फिरग्यो, वै ऊचा कीकर ऊठे । मजो देखो थे के इसे पुरकारय रे भाग्यां नै ईं कोई देणण आवे अर आपरी छोरी सूंपर जावे, न जीवता अर न मग्था, अ ई भल्ले दायजी मांने । सांमी गोर नै भाठी मारे, बां रे पल्ले अ भागी पड़े, तातो अर रातो क्या नै देगले आं इसां रे राज में कोई बापड़ी ।

आ तो हुई अक अणपढ़ री बात समझी । बापड़े नै ग्यांन कम हो, संग रो रंग लाग्यो कठे ई । भिलग्यो आदत रे सिकजे में । अवे न घर कैयो करे अर नीं निकळणी तावे

आवे । हिप्पियां न देखीं, मा-बाप, घरबार, पढ़ाई-लिखाई, सुख-संपत्त, अरु प्यारी जलमभोग न पूठ देय'र आदत रा गुनाम होयोड़ा गांज अर सुनफै रं धुवें लारै भुंवीजता फिरै । बसती धरती छोड़'र सुन में (सुन्न समाधि) बिचरणी चावै अर फिरै खख खावता मड़का पर । आदत भाली है गांजै-सुनफै री ऊधी । आकड़ी उगा'र आंघी सावळ चुंस्या, होठ जरू राख्या, ढीला छोड़ दिया तो टोपा धूड़ में पड़ैला । माछू मोड़ा ताई पूगै ती कीं नीं सुहागण लागी दुहागण रं पांय, म्हैं जिसी करे-मोरी मांय, मोड़ा तो इत्तै नै ई उडीकै के कोई फस भुंवाळी खावतो । नागी कोई धोवै अर कोई निचोवै । किसी दफनारी काम है आं कनै अर किसी फ ईलां निवटाणी है आं नै । जट अर राख चीपियी अर चिलम, जोखम आ है, कुण काकोजी हाथ घालै अठी नै । सिद्धि आ है के सुल्फी तोळी ह'वै चावै पांच तोळा, अक ई सरड़कै में कांयरी काढ़ देसी चिलम री । आ सिद्धि कम है, पांच तोळा में ऊठ रा पग ऊअर व्है जावै । सुल्फी होवो चावै सखियो अ थोड़ा ई पीवै आदत पीवै अर आदत आं पाळ राखी है, अवै गोवो जणीतां के आं री सागो भालै वां नै ।

‘आ अरे वांडी आगे घालां, ओ पूछ आरै में ई गमायी ।’ आं कुमाणसां ती आपरी ऊमर आदत पक्की करण में ई काढ़ दी । बासत में पकायोड़ी आदत री ईट वां रं मार्य में दियां ई वो फूटै नीं । पण आं सुलखणी संतां री चिंता ई किये नै है, बासती में बली चार्य उजाड़ में, मोटी चिन्ता ती आ है के आं हिप्पियां री आदत इण धरती री फूलां-कालेजां ताई लांडी होय'र वां में पळतै उजास नै आंधी करण लागगी । छोरां में ई नीं, छोरचां रं गळै में ई हाथ घालण लागगी । बाई बाबा होय वैठी ती फेर मौज किया । बमग्या घर, खेल लिया टावर अर चाल लियो राज ‘बम-बम’ धुवै रां गोठ उठसी, खुडको ई को व्है नीं अर मैदान साफ, नसबदी री फोड़ी ई मत देख्या सरकार । जद आदमी री इजण गांजै सूं चालसी, ती गिरस्त री गाड़ी रा चक्का जांम है फेर । आदत री इसी ईटां पर जठै महल चिणीज सी, बां में आगे जाय'र कवूतर बोलसी । जिमी आदत, वीपार विसो ई । मणां वद गांजी आर्य दिन चोरी-दावै अठी सूं उठी होवै । किरोड़ू गिपियां री तस्करी ठेट अमरीका ताई । कूटीजी, पकड़ीजी, चावै कीं व्हो, आदत पड़गी, कियां छूटै । अक कुटेव नै रोकण खातर कित्ता पुलिस रा जवान, कित्ता आयकर इधकारी, कित्ता जकात पर लाग्योड़ा जवान देस री खरचो खावै । रात-दिन अठी-उठी आख्यां फाड़ै । देस री प्रतिभा खपणी चाहिजै कठै ई अर खपै कठै ई ।

हिप्पियां रं मां-बापां नै पूछी के इण खातर ई जलम्या है आं राजकंवरों नै—वै धुवें खातर टीवता फिरै । कनै कमरा है फोटू खेचै दुनिया रा, आपी ई संभाळ्यो होसी कदै ई, के किसीक है फोटू घर आळी । इसां री मावां टावर थोड़ा ई जाम्या है—कुटेव अर कुव्यसनां री कोथळचां जांमी है—काढ़-काढ़ बारै फेंक दी दुनिया नै सोरी कोनी सोवण देणी वानै । इण सूं आछो हो कोई रबड़ री बबुवा गोदी में राख'र रळी काढ़ती रमा'र देटै नै, को सूत घोणी पड़ती अर न पूछणी पड़ती टट्टी ।

जुवै री आदत पड़गी । गेंणी-गांठी गमायो । घर गयो । इज्जत ती खैर ही ई कठै । पालण में पग दिया उण दिन ई बिदा व्हैगी वा ती । लुगाई री तीब रै ती तूळी लागगी, डील

पर पूरा पूरा ई को छोड़ नीं । बाईं करे वापड़ी, भरतार ई इसी पल्ले पड़गी न छोड़ण में तावे आवे अर न साग ई निभाव होवे । इए सूं तो तास री वेगम ई आछी, पण इसी लुगाई री बात करणी फालतू सी है । लुगाई इसी चाहीज, जिकी इसी मोर्क ग्रेक ई बात राखे के—“मुग्गी हो नी, गैरा जी फूल गुलाब रा, का तो आ आदत रैसी थारे साग अर का म्है । म्हने राखी चावी तो आदत छोड़ दो, आदत राखी चावी तो म्है जाऊं ।”

“को छूटे नीं आदत तो ।”

“तो वा अर ये दोनू जावी बाढ्योड़ तिलां में म्हारे कानी मूंडी कियो तो थे थारी जाणो ।” इसी आदत रै गुलामां री आ ई दसा वहेणी चाहीज पण असली मा री चेष्ट्यां इसी लुगायां वैगी सी कठे ?

ठा हूं चोखी तरें सूं—दारू पियोडी हूं । रूप री दीदारू पढ्योडी कम नीं, ग्रैम. ग्रे, वो ई भळै इकोनोमिक्स में, ग्रेक रेलवाई दफतर में बाबू नांव घणी ई आछी अमरगिध । ईयां तो हर आदमी अमरगिध ई व्है, पण होयां काई व्है ? नाळी कने ई पड़ग्यो, बेहोम हूं । कुतियो. वो ई भाग सूं पांवलो, कुत्ता खायग्या उण नै केई जाग्या सूं, कान भरै, मिसकती पड़यो हूं कादे में, ऊठ्यो कोई बीठ में मूंडी देवण नै—आनडा तो मांगे ई । रस्ते में तिरणी उन्टो कर दी दीसै । कीं जमीं बूसगी अर कीं उण चाटली । कने ई अमरगिधजी पड़या हूं आपी विवरघोड़ा । सिरांग कने दो-च्यार अंठा कागद पड़या हूं—टींगरां रा चाट्योडा । कुतिये री मुग्ता ठठो नै गई पगी । पैलां उण कागदां रै चरकास नै चाट्यो फेर होळें होळें अम गिधजी री मूठी अर फेर कुण जाणै रीसां बलती के राजी-खुसी टांग ऊंची कर, वां रै मूंडे मायें धार दी । की टांग मूंडे में कीं वारै । धार ताती लागी जद थोड़ी आल्या खुली के बोल्या अमरगिधजी—“भच्चो...हराम, ऊठण दो सा.. साळें री टांगां.. टांगां नीं तोड़ न्हाखूं तो, अर फेर आंठ्यां मीचलो । फेर गुण जाणै उण पांवळिये रै देखादेख किता गिडकिया आया होसी अर छांटो घान-घान वां रै मूंडे नै आली अर ऊजळी करग्या होसी । इसे मदकमाऊ बादस्यावां नै कुण जगावै, किण नै दोगई भच्चो हूं मुलक काठी आ मूं । अवार लारले वरम इंदोर में सी मूं घणा अमरगिधजी जैगीली दारू पी-पीय'र पूरा होगा । ईयां ई तमिलनाड कानी ग्रेक नीं पनासूं ग्रेकें मांगे दारू री जाग्या वारलीस पीय'र । काई बाप री नांव निकळै हो । पण आदत रै हाथां मे गळो दे दियो ले वंटी वा । किता ई अबोध टावर बिलखे अर किता ई जीवण-धन उडोकती जवान आदया दुळ-दुळ बुक्के अर घर ऊजड़े । पापण आदत रै फंदे मे पड़या री घोर काई रहै ? चीन अर पाकिस्तान री लड़ाई में ईं घड़ी दो-घड़ी में इता आदमी को मरया नी । वं किता आदत रा बिगाड़योडा थोड़ा ई हा, ग्रेक नै ई हाथ घाल्यां ताण आवे । जे अं मैकटू आदमी देस खातर कठे ई बल्लिवान होवता तो इतिहास मे नुंवा अध्याय किमा को जुहता नीं । पण इतिहास री चिता आदत रा गुलाम काई समझें ?

घरें टावर उघाड़ा है, चूल्ही कंदई चेतो करे अर कंदई वासनी नै उडोक ई घो करे । छोरां नै प्रंगी उल्टी, लोईठाण दग्त, दवाई बटै, लुगाई लूंकारिये में वंटी आटे नै अडोकें पण बादस्या किण रा आटा ढावै अर किण रै गाभे-गूदई री चिता करे, सूता है घेठ सूं ऊपजी

नाली किनारे । आ नाली बघती बघती कदैई गंगा तांई पूगगी तो 'सुरसरि नाम पर्यो' । बाद-स्या नै कदैई नौंद आयगी लांबी तो मोक्ष खातर पांवडी ई फौडी को पडै नीं बिना मैत ई जोत में जोत । पभु रै इसै लाडलां खातर, घर आळा रोवा-फूका करै तो बांरी मरजी है, बाह आदत, नरनारायण री देह री कांई दुरगत करै तू । 'प्रोगुण अपार गुण श्रेक नीं दारू में' कंवणियो तो बापडी कह ई सकै और कांई डांग मारै किरिणी रै ?

गांधी री भोम गुजरात हांवो, चायी परमहंस री बगाल, अजोध्या-मथुरा होवी चायी कासी-कैशर, आदत रा आंधा जद इत्ता सस्ता अर माख्यां री मौत मरै ती कीं विचार आवै । योरप अर अमरीका मे मरै ती कोई खास बात नीं, बांरी जलमघूँटी ई दारू है, परा इडिया किरा सूं कम, उण नै ई तो अंडवांस्ट होवणी है । होवी-होवी, करो नफो ।

नुंदाँ-नकोर कमीज है टैरालीण री, विसो ई कोट । चिलम भरी का डिब्बै री भीड़ में बीड़ी सिलगाई, नीं नीं करतां श्रेकाधी वार नौंद री भौंकडी आयगी, चूचकी लागगी बांव रै पेंसल मावै जितो कोचरो निक्कल्यो, चामडी कनें की गरमास लाग्यो जद अचांणचकी ई जीभ उथळीजी 'अरे श्री बांई होयो ?' डोवा अंजुं खुत्या को दीसै नीं । कपड़ां री होळी होयां बिनां चेतो थोडो ई होवै, आदत रै इसै डफोळां नै । ईयां बाळदेसी बाप री नांव काढण नै, परा किरिणीं गरीब नै लीरी को परखावै नीं ।

अधघडी पछै ई भळै चिलम भरी दो-च्यार भायलां, कच्ची नीं पक्की । हाथ में लेवतां ईं आवाज करी 'चिलम चट्टा, पियै मरद पट्टा ।' मरदां री मूडो तो देखो । नीं पियै वै तो आं री निजर में हींजडा ई समझी, समझ है सा । भाई जी थोड़ी बासत है ती देवी नीं, पूछी उण नै, थनै धूप खणो है ठाकुरजी रै, के फलका सेकणा है, बता तो सरी क्यां खातर चाहीजै बासत ? 'थोड़ी तुळचां री पैटी है कांई ?'—'हां है, ई परा थारी बीड़ी सिलगावण सारू थोड़ी ई खरीदी ?' अर फेर मूडो नारेळो सो कर आगी नै, भळै कीं कनें सूं बीयां ई मांगणी, अर ऊपर सूं 'पियै मरद पट्टा', आ और । डौळियो इसी ई होवै मरद पट्टां री ? वेमाता बावळी ई समझी ममाली खगाव कियो, पळोथण अर पसीनो घर ग लगाया अर जस मिल्यो श्री, मरद अ पैदा दिह्या । आदत पडगी, दस पइसां री ठीकरी को छूटै नीं ये तमाखू मूंडे में नीं, तो नास्यां में ई सई । इयां करतां-करतां बुढ़ापे में तार ढीला पडयां की कानां मे अर कीं धरतै । नीं देसी जद कूकसी बाकी फाड़ फाड़ैर, लोग कैमी देखो बापड़ री बुढ़ापे में चाकरी को होवै नीं । आदत नै कानं झिलायोड़ा इस्या भागी, घर आळां नै कुजस दिरावण नै ई घड़ीज्योड़ा है । आं वैठां जस पाड़ास में ई को ठरै नी ।

बिस्तरबंद का थेल में धोती-कुड़ती घालणा भूल सकै, गीता रामायण अर कुरांन बाइबल री पीथियो विसरग्यो उंतावळ मे ती विसरग्यो परा चिलम अर तमाखू री डब्बी नै दुग्ण सूं पैलां चवार दफै संभाळ सी आदत है । बैठमी जठै बातां ग्यान री इसी भ्रमकसी जांगी ठाकुर जी सूं अे अवार ई मिलैर आया है अर सळर श्री है के नास्यां में ई तमाखू अर बाक में ई तमाखू ।

सिगरेट पर लिख्योड़ी है—Injurious to health सरीर नै नुकसांण करै,

लिख ई सकै आगली कोई पैकट में इसी कागदी वम ती घालण सूं रह्यो के डब्बी खोलतां ई धमोड़ उपड़ी। काईं डागदर, काईं वकील, काईं विद्यार्थी अर काईं प्रोफेसर, वांच सै ई, पग वोवो सिगरेट रो ई लेमी, दूध नीं तो खुंवीं ई सई पढ्योदो अणपढ़ सूं ई माटो—आदत कर दियो। जरदो अर चूनी खावण रो चीज है, न सावळ खाईज अर न पूरो चिगळोजे, रह-रह थूंकवो कसमी पचर-पचर बिगाड़ दी जाग्या अर जिनस। आदत रो भाठी आवे ई ले निघी सिर पर, ढोवो अरव, कुण उतरावे। चूनी ईट चरण रे काम आवे, का कोई पाटा पोळी करण रे, ठोकरण लाग्या, घर चिणाणी चावे वो कूकी भलाई सस्ती अ को होवण दे नीं।

छोरी है बरस बारै तेरे रो। पढै है चौथी-पांचवीं में। गोरी अर फूठरी, पग चामड़ी पीलरी पड़ैर हाडां रे चिपगी। आख्यां में सांम, निव्वर बध्योड़ी, पेट तूमड़ी सो ऊंवी आयोड़ी अर ऊपर सू गी नाडां चिलकै, आख्यां धोळी खून रो वासतो ई नीं होंठ राखिया अर वा पर पापड़ी कौडी जम्योड़ा दांत, न सावळ जिये ही अर न भट देमी मरे ई, आदत पडगी माटो खावण रो, ऊजळी-मैली रो कोई कारण नीं, हाथ आणी चाहोज भागण रे।

सा-बाग ढाण फिर मगाई खातर। अरव बतावी इण चीनणां मा न सुगती-गुगती किसी भरतार हाथ घालै। इयां करतां ई किली भागी रे गळें बघगी तो कुंवारपणी तो नर ऊतरग्यो ई समझी, पण परोटण रो रळी तो अगलें में, इण जमारे में मायत ई आवे। चंवरी में तो ठा ई काईं पढ़ै कूणो तो घर जायंग पढ़ै। भरतार होयो कोई भूंडी तो दायजी लेमी राख अर मैदी सांवळी पड़्यां म पंला ई इण जोखम न घर म विदा कर देमी। मोर सांस नीं गई काईं तो किरासणी तो फेर देख ई है, पछे निदा होयां भला ई मुकदमयाजी, दुम ई दुख है, पण कुटेव को छोड़ नीं लोग।

सो, आदतां रो लेखी कठै ताईं लेवां, मिनख में भांत-भांत रो नुगली सूं नुगनी आदतां। चोरी-जारी, कूड़-कपट, ईसको, रीस, चुानी, वापळूमी, मिनख रो आदता में काईं काईं नीं? बात-बात में गाळ गाळ पैली अर बात पछे, भलाई बंन बेटी भी, भलाई बेटी अर भलाई मां, आदत पडगी लाल रो। घर नुगाई चणी ई फूठरी पण बार धूट माणी करियां बिनां सरै नीं। काईं व्हे घरां मोट्यारां जेडो मोट्यार पण भेळां-वेळां पगये मिनखां ग चूंटियां रो चसकी पडो, सवाद ई न्यारी, लाग्यां छुटै नीं। किणीं कनपटोमार चावे न पूछ्यो—क्यों संतां काईं हाथ आवे थाने इयां आदमी मारचां?

‘अक-दो आदमी जद ताईं नीं मारु, म्हनै सावळ नींद ई को आवे नीं, अर न मारै जीव में सोराई वापरै।’ अरव बोली हम भागी रो काईं करै? नमवदी रा कंथां रो गच्छो अर फौड़ी दोनू ई जमाताजी रो। इण तपसी न किणी भागण नी जायो ई होमी, गातो ई बजाई होसी किणीं तो। सग्धा मारु कीं बघाई ई वांटीजी व्हेला। किणी चामण देवता नांव ई बढ्यो होसी। थोक तो सै ई होया होसी, सेवट बेटी रो माटो है नी, कनपटोमार नांव तो खासो मोडो पड़्यो, मिनख मारणी आदत पड़ियां पछे।

डागदर होवो चार्य रोगी, आदत रे लेखे दोनू सारीसा। नयां में किसी सैत व्हे के नख काट्यां किसी दांतां रो कसरत व्हे, पण आदत। इयां ई बात-बात में आंच टिमकार केई,

जूता लागां ई छूटै नीं, आदत रैगी । आवळ-कावळ ठोड़ां मिनखां बैठें खाज, कोई अपूठी व्हे ती आगली ई व्ही, उण ती सरम बेच खाई । केयां में आपरी बडाई ठोकरा री आदत अणूती, न दूज री सुणै अर न आपरी बंद करै । खुद अन्नपूरणा आपरै हाथां बत्तीस भोजन अर तेतीस तरकारी तयार कर'र पुरस दै ती ई खोड़ीला ती मानै कोनी, खोड़ काढ्यां ई लारी छोडै ।

आदत री सरूप जितो ई महीन होसी वो उत्ती ई छूटणी दोरी । खाणै-पीणै अर सिनेमा देखण री आदत सूं बांणी पर कावू करणौ दोरी अर बांणी सूं ई चोरी, चुगली, कूड, क्रोध अर घमंड सागै ललभी आदतां छोडणी और ई दोरी । बूढ़ापे में हिल-थक'र काया जद आपरी खोटवौं ई सावळ को काढ़ सकै नीं, वीं वेळा जुगां सूं पाळी कुटेवां सागै जूझणी तावै ई को आवै नीं । 'कात्यो नहीं दिन कातरण आळै अब कांई' कातै गयै सियाळै ?' जवांनी में ती भळै ई कीं बात है—

जोवन तरणा जतन घणा, काया पड़ी बुढ़ाण ।

सूखी लकड़ी लालदास, कीकर निष्कळै कांण ॥

नवा दिनां जे कोई छोडै कुटेव ती छोडतां टेम ई कम लागै अर सोरी इसी छूटै जीयां सनलाइट सूं गाभै रो मैल । कुटेवां री गुलांम कोई मरती वेळा जे वां में ईं लीण जीव छोडै ती वां साग्यै ई कुटेवां रा संस्कार ले'र कठैई नवी खोलियौ धारै । फेर वां जलमजात खोड़ील संस्कारां सूं लारी छुडावणी और ई दोरी ।

सगळां सूं मोटी बात आ है के खोटी आदत छोडणी चावै वीं आदमी नै आतमवळ री लूंठी संकल्प साधणौ पड़ै । शरीरं पातयामि वा कार्यं साधयामि । इण ढग री वळ जगायां बिना पांवडी ई आगी नै कौ वधीजै नीं । मन में जे राई जितो कमजोरी ई वापरणी ती समझली आदत ऊपर चढ़गी । छोडण री निरखै लेवौ, सावळ सोच-समझ'र अंकर नीं सी वार, पण लिया पछै आंगल ई सिरकै वीं और । नैपोलियन आळै दांई फेर रस्तै में चायै आलप्स आवै अर चायै पिरैनीज, भुक्सी वीं ई । इण खातर ई ती गायी है कियों—

मनुवा थारी आदत नै, पळटेला हरिजन कोई सूर ।

कांई पळटेला चोर, जुवारी, माया रा मजूर ॥

पळटसी किरकी राखणियों ई । Certainly great is he who changes the habits by thought and life.

'नीम न मोठी होय, सींचो गुड घीव सू' हैं सा आदत पड़गी, आ तो मरघां ईं छूटसी; वां री माख्यां को उडै नीं, खावण दो वां नै इण भाग रा ई है वीं । दुख इत्ती ई है के वै देस री दळियौ विगाडै । Coward's die before death. कुटेव छोडण री दवाई खुद आप कनै ई, खाली विसवास होणौ चाहीजै । आदत नै लूंठी अर आप नै कमजोर मान्यां आदत को छूटै नीं । 'हूं सरव सगतीवान हूं ।' वो कुत्ता लिकणो आदतां री दास, आ कियों ? 'हूं पूरण कांम हूं ।' ती कुवासनां री अकूरडी पर ऊभूं—सफा गळत, औ सोच'र निश्चै करै वो पावै । कूड़ी सांग रचै वो काद में तर-तर और ऊंडी । आदतां सागै सूनी लड़ाई मत लड़ी । सगती को वधै नीं, घट ई सी, वां नै मोड़ी नवै रस्तै कांनी, फेर देखौ मजौ, पण मोड़ वो ई सकै जिकी सूरवीर व्हे संकल्प रीं ।

* * *

बात

अरे ! इत्तौ दुख

सांवर दइया

—लाल जी मरग्या !

आ सुणतां ई बां सैगां री जीव आकळ-वाकळ व्हेग्या । अकर ती बां रै मांनग्यां में ईं कोनी आई । आज दिनूग ई ती बां री भाई लुट्टी बघावण सातर अजी देवग्या ही । पण संजोग री बात, अवार खवर लावणियो पण वो ई ।

लाल जी लारलें केई वरसां सूं मांदा चाले हा । सऱू में तो बस इत्तौ ई ही के बगत-वेवगत माथी दूखण लाग जाया करती ही । उण बगत-वेवगत रै दरद री पग्वाह बां कर्दे कोनी करी । पण ओ सिलसिली जद केई म्हीनां तांईं चालती रह्यो तो सेवट बां नै हार'र पी. बी. एम. अस्पताळ जाय'र डागदर नै दिखावणो ई पड़्यो । डागदर कएयो के 'ब्रेन ट्यूमर' है । बां नै अस्पताळ में भरती होवण री सलाह दीवी । पण आ बात बां रै घरआळां रै जची कोनी । अस्पताळ अर कचेड़ी सूं रांम बचावै । वै खुद आ ई मानता । डागदर रै कए री कीं असर नीं व्हियो । भरती होवण री बात टाळ दी । पण अबे दो तीन म्हीना जलतां नीं जलतां तकलीफ घणी बघगी । अबे दावै जणां ई दरद होवण लागतो । दरद केई दफे ती इत्तौ व्हेती के वै बोवाड़ा सा करण लागता । या पछै कणाई-कणाई माथा पकड़'र सूना सा व्हेय'र मांचे माथे पड़ जावता । इणीं विचाळ वै भाड़ा-जंतर करवाय'र हारग्या । दूणै-टोटकां सूं रत्ती भर ई फायदी कोनी व्हियो ।

लाल जी नै अस्पताळ में भरती होवणो पड़्यो । जांच-पड़ताळ पछै इलाज सऱू व्हियो । वै अढ़ाई-तीन म्हीनां तांईं भरती रह्यो । इणीं विच्चे बां नै खुद नै कीं फायदी लखायो । रोग कटती देख'र डागदरां नै खुसी ही, पण अजै तांईं 'ट्यूमर' जड़ामूळ सूं कटी कोनी । डागदर सलाह दीवी के बां नै दिल्ली जाय'र अप्रेसन करवाणो पड़्यो । बिना अप्रेसन बचण री गुंजाइस दर ई कोनी ।

जागती जोत/२२

लाल जी रै घर आळां सामे बेजां अन्नखाई आयगी । अबै करै ती काई करै ? दिल्ली जावण री सरदा कोनी अर इलाज नीं करवायां सांसां री ठिकाणी कोनी । किणी बगत सांस री पखेरू देही रै पिजरा मांय सूं उड़ सकै—फुरैर ! अर आ होणी-अणहोणी व्हियां घर उजड़ै । टावर-टींगर रुळै । रामजी री दया सूं घर भरचो-पूरी । तीन छोरचां चार छोरा । अक छोरी परणायोड़ी, दो क्वारी परणावण सावै । बडोड़ी छोरी परण्योड़ी, घर सूं बेटी सासरै गई ती वेटे री बहू घरां आयगी । बावीं मरचो अर गीगली जाई, रह्या तीन रा तीन । छोरी काम रै नांव सड़कां माथे जूतां रा तळा घसती फिरती । बाकी तीनुं छोरा हाल ताई पढ़ै हा ।

डागदरां लाल जी नै अस्पताळ सूं छुट्टी देय दी । वां री राय मुजब दिल्ली जावणी जरूरी ही, पण घर री हालत देखतां आ पार पड़ती निगी आई कोनी । सेवट घर में ई मांचो भाल लियो । अबै साथे काम करणियां लोगां कनै अ समचार आवण लाग्या के लाल जी नै चेतो की कमती ई रैवै । के चेतो आवै ती वीं न वीं बड़बड़ावता रैवै । के वां री खाणो-पीणी दिनोदिन कमती व्हियां जावै । के वां नै खायो पीयो जरै ई कोनी । के अबै डील में सून सी वापरण लागी है । के घर आळा चमचो सूं दूध-दळियो देवै । फेर दिनोदिन हालत बिगड़ण रा समचार मिळता रह्या । साथी-बेली ऊठतां-बीठतां केई दफे वां वावत बात कर लिया करता । सैंग इणी कोसिस में रैवता के दफतर संबंधी वां री कोई काम नहीं अटकै । भाग-दौड़ करैर वां री काम पैली कराय देवता । पण अबै नीं ती दौड़णी रह्यो अर नीं इण री जरूरत । स्सी खेल ई खतम व्हैग्यो । अवार-अवार वां री भाई कैयग्यो—लालजी चालता रह्या ।

•

सैंग जणां स्टाफ रूम में पूग्या । इंचार्ज साव नै ई इण बात री खबर मिळगी ।

—अबै काई करची जावै, हैड माड़ साव तो हाल आया कोनी ?

—अरी हैड मास्टर री बच्ची कदैई बगतसर आवै बळै कोनी ।

—क्यों आवै, लारै खूंटी है—रसूल घोची करण लाग्यो —थां-म्हां दाई चोदू-मोदू थोड़ी है ।

—कानून-कायदा सगळां खातर बरोबर...! इंचार्ज सांमै देखैर सूरजमल कह्यो । बात आगे गाळचां री गळी में बड़ै, इण सूं पैली ई चपड़ासी नत्थु आयैर खबर दीवी—हैड माड़ साव आयग्या ।

—न्याल करचा ।—मोहन बोल्यो ।

—आवी आपां ईं दरसण करलां—आ कैयैर नरेन्द्र स्टाफ रूम सूं वारै आयग्यो । बाकी लोग ई सांगै ।

हैडमास्टर ने ई लाल जी रै रामसरण होवण रा समचार मिळग्या । सेंगा रै भेळा व्हेतां ई कच्ची—छोरां नै मैदान में भेळा कर'र सोग-सभा कर'र वाने ती छोड दी, पछे आपां नारै चालसां ।

सोग-सभा कर'र छोरां नै छोडचां पछे मास्टर लोग वाग में जाय'र ऊभग्या ।

—नारायण जी ! हैडमास्टर हेली पाडचो । नारायण वां कानी जावण लाग्यो इत्ते में वं खुद ई वाग कांती आयग्या । पूछचो—दाग कितीक वजी तांई व्हेला...?

—बारह-अक ती वज ई जासी....

—वां रै भाई सूं पूछचो कांई ?

—अंदाज सूं ई कैवूं । आं कांमां में सगा-परसंगी भेळा व्हे इत्ते कीं देर ती लागे ई । फेर सामान-सूमन न्यारी लावणी व्हे ।

—किणी नै भेज'र मालम करवावां कांई ?

—जीयां ठीक समझी ।

—हां, देख'र आबूं ?

—और कृण जांणी ?

—नत्थू नै भेज दी ।

हैडमास्टर कमरै मांय गयो । पछे घंटी वाजी । नत्थू मांय गयो । वारै आयी । साइ-कल लेय'र रवांना व्हेतौ दीख्यो ।

नारायण वाग कांती आयो ती गणेश पूछचो—कांई कैवें ही फद्दूमल ?

—नारै चालण री बात करे ही ।

—इण तुरकडै री उठे कांई कांम ! भगवान आपरी जनेऊ संभाळतां कय्यो ।

—म्हारै तो आपरै कम जचें । गिरधारी री अवाज ।

—कट्टा-फट्टा ससै ई नारै चालसी कांई ? मोहन कैवण लाग्यो—वांमणां रै नारै में आं वकरा खावणियां री कांई जखत ? अर इणीं विचाळी उणने हाजत व्हेगी । कांन रै जनेऊ री आंटी देय'र पाखांनी कानी गयी परो ।

—पण म्हें कैवूं हरज कांई है ? कैलास बोल्थो—आपां सागें कांम करणियो भाई मरचो है, अं वातां साव ओछी लागे ।

—और नहीं तो काई, आदमी-आदमी सब बराबर । कट्टा या वामण की काई बात ?

—आपोंआप रा संस्कार—कैय'र नारायण बात बदलण की कोसिस करी । वो जाणती के जे बहस छिड़गी ती पछै गई घंटा भर री । फालतू री खपत । काई आंणी न जांणौ । आखिर में व्हे —तू-तू म्है-म्है ।

—चाय पी'र आवां, आवाी नारायण जी ।

—हां ५५५ । वै दुरग्या ।

साढ़ी दस पूणी इग्यारा व्हेगी ।

सैग आपी आप री साइकिलां संभालण लाग्या । केई जणां आपरी साइकिल लेय'र बारें फुटपाथ कने ऊभग्या । च्यार-पांच जणां हेडमास्टर रै कमरै मांय हा । वै वानै उडीकण लाग्या ।

—गाडी में हवा कम दीखै ।—सम्पत आपरी साइकिल री लारली टायर अंगूठे सून दवाय'र देखतां कह्यो ।

—हवा ती म्हनै ई भरणी है, दिनूगें आयी जणां ई कम बलती ही ।—कैय'र सोहन वीरें सागै सांमली दुकान कांती दुरग्यो ।

—सब नै चालणी जरूरी है काई ? —किसन पूछ'र आपरी गुद्दी कुचरण लाग्यो । वीं रै सांमै ऊभा मास्टर बारी-बारी सून वीं नै देखण लाग्या ।

—गोरमेंट री इसी कोई नियम कोनी के जावणो जरूरी व्हे—नारायण थप्पड़ मारु उथळी दियो ।

घड़ी खांड सारु उठै मून रा तीखा खीला खिण्डग्या । कोई सांमली भीत माथे चेप्योड़ा फिल्मी पोस्टर देखण लाग्यो ती कोई आभै कांती । अक-दो जणां उबासी खायो अर अक जण खंखार'र थूक्यो ।

गिरधारी अर गणेश उठै सून खिसक'र अकान्ती गया । गिरधारी पूछ्यो फिलम किसी लागी है ?

गणेश फिलम री नांव बतायो । नांव सुणतां ई गिरधारी नै जांणै खजांती लाग्यो । होळी सीक पूछ्यो—चालसी ?

—आज ?—वीं री आंख्यां कीं चवड़ी व्ही ।

—और नीं ती काई आगलै जलम में ।—रीसां बल'र थूकतां कह्यो ।

—जावक ई भूँडा लागसां, कीं ती सोच ?

—आपां कुरा सा ढोल बजा'र जावां हां, चुपचाप रस्ते मांय सूं खिसक जासां ।

—ठीक है—उरा हौळ-सीक हां भरी । दोनू पाछा आया'र संगां में रळग्या-मिळग्या ।

नत्थू चाय लेवण नै जावती दीखी । नारायण हेली पाढ़ी—अरे नत्थू ! तू लोग मांय सूं निकळसी के नीं ? काईं करण लागग्या ?

—जिणणियां नै घोवा देवै ।—गिरधारी बोखी । वीं नै भाळ आवै ही । टुरतां ईं आगै रस्ता मांय सूं खिसकण री सोचै ही ?

—हैड माड साब कीं काम भोळाय राखी है । पूरी कर'र पांच मिट में आवै ।

—इरा फद्मल नै स्सं काम अवार ईं सूँफला ।

—लालजी संबंधी काम व्हेला ।

—वां री चार्ज कुरा लेसी ?

—चार्ज लेवण में काईं है, कोई लेय लेसी ।

—कमती-वेसी कुरा भरसी ?

—वां रै चार्ज में वोई रौळी बोनी । वै आदमी काईं हीरा हा—सम्पत बोखी ।

—हां S S, लालजी आदमी काईं हीरा ई हा ।

—म्हें तो लारलै दस वरसां सूं वां रै सागं हूं, पण मजाल के वीं आदमी बिणी नै दो ओछा लफज कहा व्हे ।

—धीजी अर नैठाव ई गजब री । सी तकलीफा थकां ईं किणी आगै कइई रोवणी कोनी रोवता ।

—हारी-मारी में दूजां रै आढा न्यारा आवता ।

—लेण-देण रा इत्ता साफ के ना पूछी बात । कोई पांच-पचीस वां रा भलाई खाग्यो व्हे, वां किणी री फूटी कौडी ई राखण री कोनी सोची ।

—पण कैयी है नीं के भला आदम्यां नै दुनियां में ठोड़ कठे ? वां नै तो भगवांन ई पैली बुलावै ।

—आदमी लाखीणी ही ।

गिरधारी री भाल मांय री मांय बध्यां जावै ही ।

बाकी मास्टरां रै आवतां ईं सँग टुरग्या । रस्तै में गिरधारी अर गणेश चुपचाप खिसकग्या । नारायण कनै जाय'र रघुनाथ होळै-सीक बोल्थी—यारां म्हनै लुगाई नै स्कूल छोड र आवणी है, म्हैं चालसूँ—अर वो टुरग्यो ।

रस्तै में अकर फेर खुसर-फुसर व्ही—ओ तुरक उठै कांईं करसी । —पण कांईं करसी, कांईं करसी करतां-करतां ई लाल जी रै घरां पूगग्या ।

अरथी हाल तांईं ऊठी कोनी ।

लोग भेळा होयौड़ा हा । मांय-बारै रोवणी-कूकणी चालू ही । गळी-गुवाड़ रा टींगर अठी-उठी उछल-कूद करै हा । बूढा-बडेरा अर समझवान लोग टींगरां नै अकांनी भेजै हा ।

सांमलै घर रै डागळै मायै तीन जोध-जवान छोरयां ऊभी ही । ऊमर री ऊठती सफाण । दो-च्यार मास्टर गैरी मोट सूं उठी नै देखण लाग्या । गळी रा छोरा पैली सूं वां नै ई देखै हा, वातां करै हा ।

—विचली धाकड़ है ।

—अड़ली-छेड़ली पण माड़ी नीं ।

—लाल साड़ी आळी चालू दीखै ।

कनै ऊभै आदमी खखारी करचो । गुणका न्हांखणिया नै खखारी खारी लाग्यो । वातां रा परसग बदळग्या ।

—कांईं देरी है ?—अक आदमी नै धोळै केसां आळै खुणै कानी ले जावतां पूछ्यो ।

—बस, पनरै-बीस मिट में ईं रवाना होवण आळा हां ।

—ओ स्सी इंतजाम कियां ?

—अबार तो म्हैं ईं ।

—भोजाई कनै सूं मांग्या कोनी कांईं ?

—वठै कांईं पड़्यो है ?

—पूछणी तो ही ।

—पूछ्यो जणां कह्यो के बीमारी में लागग्यो । अर कनै फूटी कौडी ई कोनी ।

—गैरां-गांठा तो व्हेला ?

—आधा-पड़घा बीमारी में वेच खाया । थोड़ा घणा व्हेला ।

—ईयां पछै कांईं बारूँ मास भुवाजी सूं बाथेड़ा करतो ही कांईं ? पांच-छव सी नैड़ी तो तिनखा ई ही ।

—तीन साल सूं बीमारी में खरचो व्हेतो रह्यो । वो पछै आभै सूं थोड़ी वरस्यो—ओ तीजी आदमी अबार-अबार उठै आय'र ऊभ्यो ।

—धूड़ न्हांखो लारं व्हिये माथे, अवार तो काम सजग्यो, आगे काई करेला ?

—म्हारो तो मगज काम कोनी करे । लुगाई कने सूं गैणो-गांठी मांगूं तो या सीधी चट्टे पड़े अर भीजाई कने सूं अवार मांगूं तो भूंडी लागूं ।

—भूंडी लागण री कोई बात कोनी लाडी । दुनिया में पईसे री काम ती पईसे सूं ईं सजे ।

—म्हारें तो च्यारूं कानी मौत है । करूं तो म्हे पौंचीजूं, नीं करयां न्यात-जात रा बटका भरसी के बरोबर री भाई लारं ही तो ई धूड़ उडी । हाल तो सै काम बाकी पड़या है—तीसरो, क्रिया, बारियो—अर वो दुसका भरती-भरती घर में गयो पयो ।

—थोड़ी ताळ पछे अरथी ऊठी ।

—रोवा-कूकी अर हेला हवा में भरीजग्या—रे जीसा ओ 55 हाय रे म्हारा भाई तने आ काई सूभी ।

—राम नाम सत है...सत बोल्यां गत है । चालो चित कासी बैकूठवासी...जहां बहती गंगा...वहां मुगती पासी ।

रस्त में फूलयां अर पईसां री उछाळ ।

लाल जी नै मरचां तीन दिन व्हेगा ।

वारें चार्ज री लेवा-देवी व्हेगी । हैडमास्टर स्टाफ री गय लेय'र लाल जी रं परिवार री पइसा-टकां सूं मदद री योजना बणाई । तय व्हियो के हरेक मास्टर कम चूं कम पांच रिपिया तो देवै ई । हरेक क्लास में छोरे दीठ रिपियो-रिपियो मंगावां । इयां सात-आठ सौ रिपियां नैड़ा भेळा होवण री उमीद बंधी । कीं रकम 'टीचर्स वेलफेयर फण्ड' मांग सूं मिल जासी । कानून मुजब राज अर जीवन-बोमै सूं जिकी कीं मिलणी व्हेसी, मिलेला ई ।

अवार मास्टर बाग में ऊभा हा ।

—भायला, पांच रिपिया देवण आळी आ स्कीम ? —ठीक है या गळत, आ बात गिटचोड़ी राखी ।

—क्यों थारै जचे कोनी काई ?

मूंडे आगे सवाल आय पड़्यो जणा बगलां कानी देखती बोली—हे तो ठीक पण....

—ठीक है जणा पछे पण क्यां री ?

—आपण वी मुडदा-फण्ड वण्योडी है नीं ?

'टीचर्स वेलफेयर फण्ड' आपसी बतळ में 'मुडदा-फण्ड' नांव सूं नांमी । जद कदैई इण फण्ड खातर कीं देवणी पडै तो चाय पीवण नै भेळा व्है वीं वगत आ बात चालै ई—आज ती मुडदा-फण्ड में पांच रिपिया न्हांख्या है, कदाच घरम व्है ती ।

—वीं फण्ड सूं तो मिळसीज....वीं रै अलावा आपां कीं और कर लेवां ती कांई हरज है ?

च्यार-पांच मास्टर और भेळा व्हैग्या ।

—पांच रिपियां खातर धरती क्यूं व्है ?

—अरे ओ चम्पालाल, दो फिलमां ना देख्यै ।

—हां s....और कांई ?

—तूं कदैई ती चामड़पणी छोड्या कर ।

—म्हारो मतलब ओ कोनी । थे लोग बात नै कदैई सई ढंग सूं समझी ई कोनी । म्है आ कैवणी चावूं के 'मुडदा फण्ड' ई गळत है । अक ती किणी रं घर सूं आदमी जावै अर आपां उठै सेफांवाई-सो मूंडी कर'र पांच-सात सौ रिपिया देवण नै जावां । वीं री मौत री मोल । म्है पूछूं वीं री जिदगी भर री सेवावां री मोल इत्ती ई.. खाली इत्ती ई ?

—ती पांच-सात हजार री इंतजाम करल्यो । पांच ती दिरीज कोनी । पचीस-पचास देवण री बात करै वेटा ।

—अरे ओ फिलोस्फर, तूं चुप रह लाडी ।

—इण बात मार्ये गौर करचो जावै ।

—मगजमारी ती करी ना, जिण नै नहीं देवणा, मती दी ।

बातां रा ववंडर चालता रह्या । अठाई । जणा मांय सूं दो जणा साव नटग्या । वां री निजरां ओ फण्ड ई फालतू हौ ।

तीनेक दिनां में सात सौ रिपिया भेळा व्हैगा । रिपिया कद देवणा इण वावत मीटिंग ही । लाल जी रा बीमै रा कांगजात तयार करावण खातर सोहन ऑफिस गयोडी हौ । वो आयी जणा वीं रै हाथ में फाइलां ही । कमरै में आय'र बैठतां ई उण कह्यो—भायां, लाल जी आदमी हा भागी ।

—लागै थनै दोरी पड़सी वेटा !

—देखी, काल ई सरकारी आदेस होया के सरकारी सेवा-काळ में रामसरण होव-
 गिये नै सरकारी बीमै री दूणी रकम मिलसी । अई आदेस लारलै म्हीनसूं लागू व्हेला । लाल जी
 रा भाग तेज, वां नै ई दूणी रकम मिलसी ।

सरकार अी कांम ती आच्छी ई करची । पण इत्ती आच्छी ती कांयत ई कोनी ही के
 दूणी रकम लेवण खातर ई लोग मरणी सुरू कर देवे ।

सैंग जणां अेक-दूजे री मूंडी देखण लाग्या । पछे खबर मुणावणिये नै देवण
 लाग्या ।

सैंगा री निजरां खुद माथे टिक्योडी देख'र वी बगलां जोवण लाग्यो । कमरे मांय
 थोड़ी ताळ खातर गिंघावती मून पसरग्यो ।

•

भोळावण

‘जागती जीत’ री रचनायां माथे आपरा छुलासा कागद
 व्हांरी सांठी मदव व्हेला । रचनायां नै पुरी-पूरी यांचो
 अर ये आपन कंठो कांई लागे, अवसत संपादक रे पत्ते
 कागद लिखावो ।

—संपादक

•

ओळू
ईसरलाट
सिवराज छंगाणी

•

संसोळाव तळाव बीकानेर री घणी नांमी । कासी विस्वनाथ जी री मकरांणी री मिंदर अर वीं रें लारलै कानी नागा बाबा री समाधी । दरसण करण आळा दोनू जगां माथै जावै, मिंदर री लारली फेरी मांय सून पिछम कांणी दरवाजी । वठै सून तळाव री सोभा निरवाळी दीसै ।

सावण रें म्हीनै में अठै उच्छव होवै । सोमवार नै सिवजी री पूजन होवै । फेरू भगत लोग आरती गावै—जय सिव ओंकारः भज सिव ओंकारः....

नगारा, भालर अर छमछमा री अवाज रें सार्गै-सार्गै सैकडूं लोग-लुगायां आरती गावती रैवै । जद भीड़ होळै-होळै खिडणी सरू व्हे जावै, उण वगत हाथ में डांग लियोडा आवै है ईसरलाट । वां नै देखतां पांण हरेक आवाज लगावै—लाट साब... । उथळी मिळती—जै हो बाबू साब, खुसी रैवौ कंवर साब ।

ईसरलाट नें सै लोग जांणै-पिछांणी । डील-डौळ में लांवा-चोड़ा । रंग गऊं वरणी । आंख्यां प्यालै ज्युं दीखती । वां रें डोळां सून भला-भला डर जावता । जात रा वामण हा । पण आंख्यां री खाकी खांटी रजपूत ज्युं ही । गंजी अर धोती धारचोड़ा खांधै माथै गमछी अर हाथ में डांग लियोडा घूम्या करता । तळाव में तिरणी आछी जाणता । पांणी मांय गुचळका खावतां नै अर हबतां नै भट सून वारै काढ़ लेता । चीमासै रें दिनां वांरी डच्यूती तळाव री रुखाळी रैवती । म्हीनी सेठ-साऊकारां सून मिळती । जद कदै ई वां नै कोई कैवती के लाट साब, म्हारै छोरै नै तिरणी सिखाणी है, तो उण ई वगत हुंकारी भर लेवता । सिंध्या सून पैला-पैला छोरां नै तिरण री अश्यास करावता अर पांच-छ दिनां में तयार कर देवता । बीत सा लोग वां कर्न सून तिरा-तिरी री कळा सीखता ।

लाट साव नै कवूतरां री सीख । कवूतर पाळता, रखाळता अर उडावता । कया करता के कवूतरवाजां री दीठ तेज रहे । वां री दीठ अकास में उडता कवूतरां नै ओळखती । कवूतरां नै दोनू टेम दांणो न्हांखता । खुद भलाई भूखा रैय जावता, पण कवूतरां नै जवार-वाजरी चुगावता ई । भायला पूछता—लाट साव आजकाल किसा किसा कवूतर थारै खनै है ? उधळी मिलती—थाने किसा चाईजे ? म्हारे अठे सन्जो, भवरो, पाठो अर करेली, दो-दो जाड़ा बडी फूटरी है । लाट साव कवूतरां नै बेचता कोनी । चावै कितो ई लोम मिल जावती । वां नै तो सीख ई पूरी वरणां व्हेतो । कमाई तो इक्के-वांडे मूँ करता । आं नै तांगी चोखी कोनी लागती । मेळ-डवोळ लाट साव री इक्की देवीकुंड सागर, सिववाही अर कोडमदेसर ताईं जावती । आछा घुडसवार हा । आछा-आछा सेठ-मऊकार लाट साव री इक्की-वांडी भाई करता । वां नै पईमा मोकळा देवता । लाट साव भजन मडला रा मृगिया हा । जुम्मे-जागण में नराण म्हाराज री मडली सार्न जावता । मवद बाण्यां गावतां-गावतां आगी रात काट देता । ढोलक अर चंग बजावण री खुद नै मोख रैवती ।

होळी रै दिनां में रम्पतां पड़ती जद ढोलक बजंदगियां में लाट साव आगै रैवता । गवरचां रा गीत, हेड़ाऊ-मेरी री रम्पत रा ग्याल अर सीतला माता रा गीत तीगरी अर सुवावणी राग सूँ गाया करता । कदैई-कदैई अकला बैठा व्हेता जद गीत उगेरता—‘माना अरे म्हारै टावरियां नै ठड रा भोला देयो अरे—नोखा री अरे राय-म्हारै....’ गीत गावण रै मागै-सागै हाथ में रेजमाल लियोड़ा वोरटी री लकड़ी नै सवळी करता रैवता । लाट साव नै नोगी अर मजवूत डांग गखण री सीख ही ।

गळी-गुवाड़ आछा लोग ती रात-विरात आनै तकलीक देवता, जद- कदैई मोहल्ले में सांप अर पगड़-वांडी निसरती, लाट साव री जरूरत रैवती । लाट साव सांप अर बांड़ी नै तुरत पकड़ लावता । चायै कळंदर व्हो, चायै भंवरो । चायै पदम सरप व्हो, चायै पीणो, सगळा लाट साव रै कब्जे व्हे जावता । जाणै आं रै कनै कोई मतर मिध होयोड़ो होये । दूर-दूर मूँ सरप पकड़ावण नै लोग लाट साव नै बुलावो भिजाता । सरप री पकड़ वास्तं तो लाट साव पूंगी वाळा गोड़िया हा । सनेसी मिलता ई रवाना व्हे जाता अर थोड़ी दार पछे गळी में सरप लटकायोड़ा चौक में आयेर बंठ जावता । आवण-जावण आळां री भीड़ व्हे जाती । लाट साव रै वस्ती व्हे जाती । फेरू सरपां माथे बातां चालू होवती । लाट साव पंढ-मतर बरस री ऊमर लेयैर सैकड़ूं सरप, पगड़्यां अर बांड्यां पकड़ैर जगल मांय छोटी है । लाट साव परायी पीड़ा में पड़ण वाळा मिनख हा । नीयत रा खरा, वात रा पकरा हिन्दे में दया गतण वाळा सतवादी मिनख हा ।

गळी-गुवाड़वाळा लाट साव री धाक मूँ डरता पण वां री मग्दःनगी नै सगवता । कुतियै (दवारकै) री दुकान रा भुजिया अर रणा ठाकुर रा पांन नित हमेस लाट साव नै खवाईजता । आवती जावती लाट साव नै बैठा देखैर अयाज लगावती—लाट साव... । उधळी मिलती—जय हो बाबू साव, खुस रैवो कंवर साव ।

बगत बीत जावै, पण बातां रैय जावै । गळी-गुवाड़ में जद कदै सरप बांड्यां निसरै वीं बखत लाट साव री ओळूं आ ई जावै ।

* * *

थूँ भीतर नै झांक

किसन कल्पित

मन में कमरौ
कमरै में कमरौ
कमरै में खाली राख
लाख टकां री बात है भाई
थूँ भीतर नै झांक

पड़छाँईं तो फिर बांटती
काळस री परसाद
पांती आयौ लेणी पड़सी
मतो करी थे वाद

मन में हेत उगायौ ही म्हे
पण उगियायौ आक
थूँ भीतर नै झांक

अठी-उठी नै खोज काढ़तां
पगल्या विसग्या म्हांरा
म्हे तौ जठै-जठै ई देख्या
हा थाक्या उणियारा

दूर थकां लग धूड़-धूड़ है
धोवा भर-भर फांक
थूँ भीतर नै झांक

★ ★ ★

अेकं मिनख री दिन

सुरेस पारीक 'ससिकट'

हाकाहूक री हाट माथै बंठ
नित सुरजी नै बेच आपरो तींद
आखो-आखी रात जागै मिनख

सोवण री सांग करं
घड़ो में कूंची भरचां पछे
पाड़ीसी नै जगावण री कैवै

ऊगै दिन

चाय उवास्यां पसवाड़ा
छेवट हड़वड़ा'र फेकै पछेवड़ी
फाटी-फाटी आंख्यां सूं निरखै
सांप री छतरचां दाईं
छाती ऊगी टावरां री टोळी नै

काच में मूंडी

सवाल-जवाब अपणै आप सूं
हाथ-मूंडा तौ घोया हा काले
ठंड में नित न्हांणौ ठीक नीं
वीयां ईं जुखांम होयोड़ी

तौ ईं आफिस जावण में

आध घंटे री मौड़ी

काईं व्है

साव तौ खुद ईं लेट आवै भोड़ी

★ ★ ★

श्री ई निवेड़

स्वामी खुसाल नाथ

बूढ़ा ठाड़ा डोकरा

गुडाळ में बैठा

होको गुडगुड़ावै

चिलम फूंकै

बातां रा बतूलिया उडावै

मैलें भरियोड़ा गाभा

अमल-तम्बाखू सूं बासता मूंडा

डील माथै जमियोड़ी ओड़ी-ओड़ी मैल

नैणां में अंत विहूण सूनेड़

गुडाळ सूं बारै चिलके तावड़ी

अर तेड़

इण जमारै

जूण रौ श्री ई निवेड़

★ ★ ★

म्हें ईं म्हें

किसोर चतुर्वेदी

म्हूं ओले वंठ'र
छांनै-छांनै आखी उजाळी पीयगी
पीयगी कांईं जीयगी
अवै ही घुप अंधारी ईं अंधारी
अर हो म्हें ईं म्हें
गळे वंधियोड़ी ही ढोल
अर सांमी दीखै ईं पोल ईं पोल
'लोगां म्हें थांरो नवी नेता
उजास रो सगळी कोटी म्हारे कर्न
सुरजी दवियोड़ी म्हारी अंटी में
उजाळी फगत वांनै ईं हायै आवैला
जिका म्हनै दियोड़ै वोट रो रासन-काड लावैला
म्हारी जे गावैला
सवै ही घुप अंधारी
अर हो म्हें ईं म्हें.....

* * *

आ धोबौक पीढ़ी

ओम प्रकाश धानवी

मिनख री जिदगांणी

अंक लांठो मरुथळ

अर

मिनखपणी

फगत पांणी री टोषी

फेरू ई

आख्यां ऊठचोड़ी

आसावां बणियोड़ी

* * *

निनाण

महावीर प्रसाद जोशी

तळै बिछ री हरियाळी दूव
वादळो ऊपर करघी मंडाग
खेत में लेकर कसियो हाथ
मिरगा नैण्यां करं निनाण

पाय कर मनचायी सो मेह
वाजरी खड़ी हरी कचनार
सोवणा बीच बीच में वूंट
घाल राख्या हा मोठ-गुंवार

रमीला हाथां री कसियो
भरै रस पत्ता पत्ता मांय
पसेवी टपकै सारै डील
फिकर क्युं अन-पांगी री नांय

गावणै लागी दूहा-गीत
बोल पर चढ़णै लाग्या बोल
आगलै दिन में के होसः
न इण री कोई नै ईं तोल

बीच में बाकी रह्यो निनाण
सूखणै लाग्या सारा खेत
चूसणै लागी सारी सार
तावड़ा सूं तम-तप नै रेत

जागती जोत/३८

मुरझगौ खेतां सारी नःज
सूख नं पीळा पड़गा पांन
घास बिन मरगा ढांढा-ढोर
टेक पण राखी ना भगवान

जा पड़चा कसिया हाथां छूट
नैण जोवण लाग्या आकास
न दीख्यौ पण बादल्यौ अक
तूटगी बस सारी ई आस

लावणी बणगौ फेर निनाण
न निकळ मूंडें में सूं वैण
भरचोड़ी बदली ना वरसी
बरसण लाग्या सूखा नैण

* * *

•

आजादी सून अब ताई

राजस्थानी साहित रौ लेखी-जोखी

कोमल कोठारी

•

[साहित अकादमी दिल्ली १९७४ में पोथी छापी — 'इंडियन लिटरेचर सिम उंडिक्-डेंस'। उण पोथी सारू राजस्थानी साहित समच लेख कोमल कोठारी निगियो। एण लेख में आजादी अर आजादी मूं पछे रै राजस्थानी साहित अर राजस्थानी भाषा री भांत - भांतोकी आफल रौ मोटी लेखी - जोखी। अक ई लेख मे ३० - ४० वर्ग री सगळी ऊन - नीन न विगताय देवणो सोरी कांम नीं पण कोमल जी री कलम हद ई छारेर में मायवेत अर नुनवां। कुण सी बात कित्ती कथीजणी चाहिज, एण न भली भांत जाणूं। निगियोडो राई चटें न तिल वर्ध। मूळ लेख अंगरेजी में हो, अटै उण री राजस्थानी उल्था— मन्गारन]

भारत री आजादी राजस्थान सारू दोवड़ी नकी लाई। घेक तो मामंती-व्यवस्था री पापी कटियो अर दूजी भांत-भांत रै विकास रा छेड़ा कांम-धाम सारू श्रिया अर छेड़ा मारग खुलिया के जिका री राजस्थान में एण मूं गेला लयनेम ई नीं हो। आजादी सून पैली रा वरस जागीरदार रै हाथ घाईकट लूटमार रा चरम हो। वां री राज नीं कोई सामाजिक विकास होवण देतो, नी आरगिक, अर नी पढाई-लिखाई नी ई आग बघण देतो। वां री जीव जमियोडी बात ही के आं गेला रै गुनियां लोग धारना नीं। पछे राज अर कानून ती वां रै हाथ मे ईं हा, सो समाज री भलाई कांम, भलाई-गुलाई अर विकास री दूजी सगळी बात न वै जड मूं ई टाळ'र चाल्या। आज एण बात नै विनाग तो भरोसी नीं व्हे के राजस्थान रै दो करोड़ मानव में मो दीठ दो नोठ पडियोडा लावता। अव्वल तो पढाई री सुविधावां रजवाड़ा री रजधानिया में ईं ही अर उई ई कोरी वां सारू ई जिका समाज रै ऊंचल तवक रा जाणीजता।

गय वगत नै रावता राजावां आपरै राज-काज नै प्रिटिम भारत रै हय-ढाळें ई कीथी

नीं, जिकी वां रै साव पाड़ीस में चालै ही । ब्रिटिस भारत में ती फेरू ईं करतां नीं करतां गिणी-चुरी कोसिसां भांत-भांत रा उद्योगां अर भणार्ई-गुणार्ई री संस्थावां थरपरण सारू व्ही, जद के अठै रा राजावां ती अँड़ी कोसिसां तकात नै साव अदेखी कर दी । उल्टी वां री रुख ती हो जँड़ी ई ही । अर क्यूं के सगळी भांत रा इधकार अर साधन वां रै हाथै हा, सो वैं राजस्थान नै खुद कानी सू पीदै बँठावण में पाछ कोनी राखी । राजस्थान ब्रिटिस भारत करतां घणी लारै रंगी ।

आजादी सू पेलई राजस्थान रै साहितिक दीठाव में घणी गुंजायस कोनी लागै । साहित नै करतां नीं करतां सांवठे चौफरी दबाव समचै आपीआप में अ्रेक विद्रोही अवाज अगेजणी अर विगसावणी पड़ी । उण अवाज में कोरी आजादी रै मोल-महत री बात ई नीं ही, जागीरदारां अर सामंती री लूटखसोट री गाढ़ी मुखालफत ई ही । सगळें देस रै जोड़ाजोड़ राजस्थान में ईं छिड़ियोड़ी रास्ट्रीय आंदोलन बां दिनां री गांवां अर सहरां री साहितिक हड़चलां री आगीवांण रह्यौ ।

आजादी सू पेली री राजस्थान री साहितिक दीठाव तीन ढबां ढलियोड़ी दीसै । अ्रेक ढब में अँड़ा लिखारा लागै, जिकां नै भूतकाळ हृद ई व्हाली लागती अर वैं मध्यजुगी परम्परावां माथै रीभता । वां लोगां री प्रतिभा पुराणी पांडुलिपियां रै सम्पादन में अर इतिहासू बातां नै मध्यजुगी मान-मोलां माथै खासतीर सू जोर देवता थकां विगतावण में सामी आई ।

दूजै ढब रा लिखारा आं करतां ज्यादा बगतवळू हा । वैं उण बगत रै आरथिक सामाजिक ढांचे अर सामंती व्यवस्था माथै सीधी चोट कीधी । ओ ई वो बगत ही जद गणेशीलाल व्यास उस्ताद नांव री नामी कवी, सामंती मारूवां माथै आपरा ऊँडा-आकरा व्यंगं सेती सीधी अर समझदार हमली कीधी । आजादी री मनसा सगै सांवठा लोगां नै जोड़ण सारू जयनारायण व्यास, माणकलाल वरमा अर हीरालाल सास्त्री जैड़ा राजनेतावां ईं कीं कवितावां रची अर न्यारा-न्यारा रजवाड़ां में आजादी री चाळी चेतावतां वां नै मोकै-मोकै गाई ।

इणीं बगत तीजी भांत रा लिखारा ई आपरै ढाळें लिखा-पढ़ी में लागोड़ा हा । इण ढाळें रा लिखारां री लाग-लगाव राजस्थान रै लोक साहित खुद सू ही । लोक गाथावां सू गीतां सू अर वातां सू । लिखा-पढ़ा री आं प्रव्रतियां रै जोड़े-जोड़े भाषा-रूप राजस्थानी भासा री भणार्ई री काम ई होळै-होळै विगसै हा । रामकरण आसोपा अर बीकानेर अर जैपुर रा रसवाड़ां सू कीं दूजा विदवांन ई राजस्थानी रै व्याकरण, सबदकोस अर भासा-रूप भणार्ई रा दूजा छोटा-मोटा कामां नै अगेजै हा । राजस्थानी हिन्दी सबदकोस समचै, सीताराम लालस निकेवळी, अर आगीवांण नांव जाणीजै । इण काम नै वैं उगणीस सी इगतीस रै लगेटगं सरू कीधी वां अ्रेकलां अ्रेकलै हाथ ई इण लांठे जस-जोगे काम नै पार घाल्यो । भारत सरकार अर राजस्थान सरकार री आरथिक इमदाद सू छ लांठी जिल्दां ती इण सबदकोस री छपर सांमी आयगी । कासी री नागरी प्रचारणी सभा ई राजस्थानी साहित री मध्यजुगी अर प्राचीन

पांडुलिपियां न मुंडागे लावण री काम कीधी । 'मुंहता नैणसी री ख्यात' अर 'राजरूपक' अइहा महताऊ कामां में सूँ है जिका सभा री मारफत सांमी आया । सभा लोकगीतां अर लोक कथावां री कितावां ईं काही ।

अक जिकी महताऊ बात साहित री आं सगली प्रवृत्तियां री पृष्ठ में दीसै—वा है हिन्दी भासा री निभायोड़ी भूमिका । हिन्दी आजादी री लड़ाई रें दिनां रास्ट्रीय आकांक्षावां री प्रतीक बहेगी ही । राजस्थान री हरेक सावचेत मिनख इण बात नै जाणै ही के आजादी री लड़ाई में उण री हिस्सेदारी हिन्दी सीध्यां ईं पार पड़ सक । पण मामंती लोगां नै तो पढ़ाई-लिखाई री नांव ईं नी सुहावती । सो पढ़ाई रें काम नै के तो हेटी देखणी पड़्यो के उण रें गेलें में भांत-भांत री अड़चलां अवेस कर न्हांखीजी । नतीजन भग्गाई री जग्यो हांवण री 'वज्रसू' हिन्दी नै ई कम भुगतणी कोनी पड़्यो । इण बात री डर हो के पढ़ाई-लिखाई खिलाफत अर रुठियारे री कारण बहे जावेली । फेरू ईं राजावां अर अभिजात लोगां री अक वरग ही, जिको चावती के शिक्षा राज-काज में आपरी भूमिका निभाव । पण वें ईं आपरी कोसिसां टाळवां अर खास सुविधावां हासिल कियोडा लोगां नै पढ़ावण तक ईं ढावियोड़ी राखी । केई राजवियां री मन हो के वां री ख्यातीली भूतकाल मुंडागे नाईजें सो वें विदवांनां री पूठ इण दिसा में काम सारू थपड़ी । कर्नल जेम्स टॉड इण सारू रासी भनी इतिहासू अर दंतकथावां री सामग्री दे ई दी ही, जिण रें आधार माथे राजनमां रें माळी पानां लगाइज सकता ।

राजस्थान री साहितिक दीठाव अक जबर धाळ-मथोळ में ही । आजाद होवण री मनसा, रास्ट्रीय प्रेरणांवा अर समाजिक अन्याव रें खिलाफ, मुगलफत रक्त अपड़ें ही । साहित इण सगळी हालत नै चितरावै ही, पण हिन्दी अर राजस्थानी री योगाचीतां उण रें सांमी ही । लक्ष तो सांप्रत ही पण भासा रें चुणाव री अवग्याई गेन में ही । साहित दोनू ईं भासावां नै वरती । हिन्दी रास्ट्रीय भावनावां नै अर समाज रा पढ़िया-लिपिया मिनरां नै सबोध ही, तो राजस्थानी सादबूधा लोगां मूँ सीधी बतळावण में लागोड़ो ही । राजस्थानी अर हिन्दी रें विच्छे उल्लाव के टकराव री कोई बात ईं नी ही । हरेक राजस्थानी विदवांन इण बात नै जाणै ही के दोनू ईं भासावां नै राजस्थान में आपरी भूमिका निभावणी है । राजस्थानी री हरेक काम हिन्दी अरथां अर टीपां सागें सम्पादित बहेतो । राजस्थानी साहित हिन्दी री मारफत आपरी गेली देखै ही । हिन्दी साहित में ठोड़-ठोड़ छुटियांही खुनी नै राजस्थान रा असंधा पण महताऊ कवियां । लिखारां रा कामां नै मुंडागे लापर भरा-भरी री कोसिसां होवै ही ।

ओ ईं वो वीचली वगत अर हालतां ही, जद भारत आपरी आजादी हासिल कीधी अर नवी संविधान वण्यो । संविधान चवदा भासावां नै मानता दीवी अर राजस्थानी वां में नीं ही । संविधान इण बात नै खासतौर सूँ जाहिर कीधी के चवदा भासावां री मानता री मतलब ओ नीं है के भविस में विगसण आली भाभावा नै मानता नीं मिलेला । वीयां उण वगत राजस्थानी भासा नै टाळ देवणी राजस्थानी लिखारां पाथे अणूतो असर न्हांव्यो ।

अभीचक १९५० में राजस्थानी लिखारों ने जात्र वही के जिए भासा-री मारफत वै लिखा-पढ़ी में लागोड़ा है, उण रै पांती कियों भांत री सामाजिक के साहितिक दायित छोडोजियो ई नों । राजस्थानी री पोथ्यां छापतां प्रकासक भेपण लागा सावर्जनिक अर सैश्रणिक पुस्तकालय राजस्थानी पोथ्यां सू परहेज राखणी सरू कर दियो अर इण आजाद सविधान रै असर में आय'र राज अर समाज री दूजी संस्थावां ई सगळी भांत रै राजस्थानी लेखण सू आंतरी काटण लागी । कवियां अर लिखारों इण हालत में खुद नै साव अधर-पधर अनुभव कीधा । पण केरू ई वै इण हालत सू छाती रै पांण जू भिया अर खुदोखुद आपरी पोथ्यां प्रकासित करणी सरू कीधी अर नीजू आधार माथै वारी बिक्री री सराजाम कियो ।

अड़ी अवळी गत में राजस्थानी साहित अके सार्ग अवखाई री वेई तर-तळां जू भियो । राजस्थानी में लिखण सू लगा'र भासा रै मानक-रूप तयार करण ताई उण नै सांवठी सोच करणी पड़्यो । व्याकरण, सबदकोस अर आपरी समूदी जात-न्यात अर जमावई सेती खुद री न्यारी निरवाळी ओळखाण सरू राजस्थानी साहित आफळियो । १९४९ सू ५३ ताई रा बरस हद ई घाळमथोळ रा हा अर दीठाव में कोई चितरांम साफ-साफ निर्ग कोनी आवै ही । पण केरू ई आ बात तो साव सांची के राजस्थानी री काम आपरै ढाळै चालै ही अर देस रा दूजा छेवां सू कियों तराजै घाट नो ही ।

भासा रै ओळू-दोळू भांत-भांत री अवखायां अर सवालां नै हीमत रै पांण भुलाईया । सिरजण री प्रेरणावां सगळी भांत रा धक्कां अर व्यवहारू जोखमां नै कवजै कर लिया । राजस्थानी लेखण राजीमनां ऊजळै अर आसा भरैयै भविस रा गीत गावणां सरू राख्या । हमेसा सांरू सामती व्यवस्था रा पैखळा ढीला पड़गा । गणेशी लाल व्यास उस्ताद, रेवतदान, मेघराज मुकुल, गजानन बरमा, कन्हैयालाल सेठिया अर की दूजा ई सांतरे अर सोवणै भविस री आसावां-लालसावां आपरी रचनांवां में जाहिर कीधी ।

समाजू हालत में बदलाव विसै-सामग्री में ई बदलाव री कारण होयौ । हरख-उछाव रा वां भावां सांरू अभिव्यक्ति रा पुराणा रूप समरथ कोनी हा । परम्पराळ काव्यरूप नवी कलपनांवां समचै पूरा कोनी पड़ता के वां आयांमां नै केवट कोनी सकता, जिका नवी हालतां में सू जलमै हा । आजादी सू पैली अर पछै रै बगत में कविता ई साहित में सिरै अर सांवठी ही, जद के राजस्थानी री गद्य गुडाळ्यां चालै ही । कविता कवी-सम्मेलनां री मारफत मुंडागै आवंती, जठै कवी आपरी कवितावां पढ़ता । हजारों लोग अड़ी कवी-सम्मेलनां में भेळा व्हेता अर कवियां री वाहवाही व्हेती । पण आं सांवठी भेळपां रा आपरा घांदा हा । कविता री भीणी बणगट अर फूटरापी ती अकेनां छूट जाती अर सुणावण री असरदार ढंग बाजी मार लेती । ती ई ओ राजस्थानी री लेखण आपरा सखपोत रा दिनां सुणावण रै ढंग अर कविता री वाचिक आंट लियां खुद रै पगां हो । मुकुल, रेवतदान, सत्यप्रकाश जोशी, गजानन बरमा इत्याद हजारों लोगों नै अचळ बांध्यां राखण में समरथ हा ।

अ हालतां, जठै के राजस्थानी री कोई प्रकासण फगत सपनी व्हेती, सेवट निवड़ी अर निवड़ी ई हाकां धाकां । कई कवियां खुद री पोथ्यां खुद प्रकासित कीधी के वां सांरू

आपरा दोस्तां री मदद लीधी । जोधपुर, जैपुर अर बीकानेर अंडा महताऊ सहर व्हेगा जठे सूं राजस्थांनी साहित नें मुंडागें लावण री सांतरी अर सांवठी कोसिसां होवण लागी ।

राजस्थांनी—जिकी आपरी उपयोगिता नें कविता अर कवी सम्मेलनां री मारफत सरू में सांप्रती—होळै-होळै सावचेत चितकां, विदवांनां अर लिखारां नें आप धकी खींचण लागी--भासा रें समचें जिम्मेदार होवण सारू अर देम री दूजी छेयीय भासावां रें संतोल राजस्थांनी नें आगें वधावण सारू । अ लोग साहित रा भांत-भांत रा रूपां में रुची ली—राजस्थांनी रेंगळ नें खास तोर सूं सुधारण अर विगसावण री बात नें निजर में राखतां थकां । समसामयिक जीवण वांरी खास चुणोती ही ।

आ बात ती पैली कथीजी कै आजादी सूं पैली राजस्थांनी भासा मध्यजुगी साहित रें सम्पादन सूं बंधियोडी ही । प्रगतिसील कवितावां अर लोक साहित री अध्ययन हिन्दी री मारफत ओळखाइजता । आजादी सूं पळै रें वगत गे ई आपरें ग्रेकदम लारें छूटें भूतकाल सूं ती अंदरूणी अर अवयवी तालुक होवणी ई हो, सो वो पैली ग छेडियोडा कांमां नें ज्वादा अग्याऊ अर सांवठा कीधा । राजस्थान री प्राचीन अर मध्यजुगी साहित इग मनमा सागें मुंडागें लाइजणी सरू व्हियो के देस रा लोगां नें राजस्थान रें साहित री समग्र्य ओद-पोध अर परंपरायां री जांच व्हे । आ बात सहजां ई चितारीजी के राजस्थांनी में साहित सिरजण री धारी घणी जूनी अर सासती । राजस्थांनी साहित री । इतिहास आपोनें टेट आठवीं सताब्दी ताई लारें ले जावें अर तेरवीं सताब्दी अर उणामूं आगें कविता अर गद्य सगळा छेत्रां में सिरजण री धारी वरीवर लावें । कवितावां, कथावां, लछण गंग, टीकावां, वात-चणाय, संस्मरण, विगतां, जीवनियां अर इतिहासू किस्सा । राजस्थांनी कविता आपरी क्लासिकल बुनियाद डिगळ कविता रें पाण ऊभी कीधी । डिगळ राजस्थांनी क्लासिकल कविता री जगिरी ही जिकी नें खासतोर सूं राजस्थान रा चारणां बरती । इतिहासू दंतकथायां अर भक्ति-परक विसय डिगळ कवितां री मारफत बंध्या-वधामा काव्य रूपां दळिया । आ कथीज सकै के डिगळ कवि आपरा 'अमरकोस' जैडा सबदकोस हा जिका 'प्रेकागरी' के पर्यायवाची कोसां माथें टिकियोडा हा । चारण आं सबदकोसां री नामगो ने याद राख्या करता अर तें सबदां ने आपरी अभिव्यक्ति में काम नेता । डिगळ कविता री आपरी छंद सासन ही । १६ वीं सताब्दी रें अंत ताईं आपां ने १०५ रें लगैटगें गीत के काव्य रूप डिगळ कविता में दीसै जिका के संस्कृत अर ब्रज रा छंदां सूं अंगें न्यारा हे । आ रें वाचन री ई आपरी न्यारी-निरवाळी आंट ही । आ अेक नवी जाणकारी व्हेला के अे गीत संगीत रें सागें ई गावीज सकता । पण चारणी गीतां री रूप, वाचन अर आपरा बोलां अर वांरें लयगत आंटे तक ई सीमित रह्यो । डिगळ गीतांरा पद अेक दूजी ई अवखाई सांगी लावें । अेक पद आपोआप में पूगे नी व्हे च्यार पद मिल'र अेक छंद ने पूरो वणावें । अेक हद ताईं डिगळ गीत री रूप अंगरेजी रें सॉनेट जैडी व्हे । आजादी सूं पळै रें वगत में राजस्थांनी साहित में मौजूद सगळी भांत रा जूना काव्य-रूपां माथें ध्यान दिरीज्यो । पण आ बात सिरजणाऊ लियाग रें ती मनांम्यांनां जाण्योडी ई ही के कविता रा जूना रूप नवी अभिव्यक्ति सारू कोनी बरतीज सकै । पण पैरु ई खासी भली तादाद कविता रा जूना रूपां सूं बंधियोडी रह्यो । 'दूही' आधुनिक कवियां री

महताऊ छंद ही। अंडा कवी परम्परागत काव्यरूपां रूपां सून बंधियोडा रह्या, खुद न दंतकथावां अर कूडा सांचा इतिहासू विसयां र ओळू-दोळू ढाव्योडा राख्या। वै इण बात माथे ई दुख देसायी के कंडी नामी अर भली सामंती व्यवस्था खतम व्हेगी। वां नै अक नवै समाज र जलम अर उणरी आसावां उमीदां री लेखाव ई नीं व्हयो।

कवियां री औ ग्रुप भूतकाळ नै भाळै हो अर मध्यजुगी साहित री पढ़ाई सून बंधियोडा हो। रिसचं र काम में उणरी खास रची ही—भला ई वो मध्यजुगी साहित री व्हो अर भला ई दूजो। केई वळा अ कवि अर विदवांन समसामयिक अवस्थायां नै परम्पराळ काव्य-रूपां सून केवटण री कोसिस कीधी, पण वां रा बिम्ब, प्रेरणावां अर विसै सामग्री री सीमित असर घणा पाठक परोटण में समरथ कोनी होयी। नाथूदान महियारिया, हिंगळाज दान कविया, मुकन्दसिध इत्याद अंडा कवियां में सून जाणीजै जिका कविता रै परम्पराळ रूपां अर विसै-वस्तुवां सून बंधियोडा रह्या।

सोध रा विदवांन में ई राजस्थान रै ठाटदार भूतकाळ नै रोवण री कुवांण विगसी। कनरल टांड री इतिहासू काम माळी पांता लगा-लगा र विगतायोडी राजस्थान री भूतकाळ, साहित में पुनरुत्थान रै आंदोलन सारू माडी-मौळी उछाव केयां नै दीधी। ठावा-ठावा इतिहासू चरित नवी कलपनावां रै पांण रास्ट्रीय हीरोज रै रूप में सांमी लाईज्या। बंगाली पुनर्जागरण अर नायक पूजा साहितिक विसयां री तादाद नै बधाई अर अंडी अव्रति नै ई स्यारी दियो, जिणनै आवण आळा दिनां ई थोडी-घणी ती चालणी ई हो। सोध विदवांन री अक दूजो सावचेत ग्रुप ई होळ-होळ दीठाव में उभरै हो, जिण री अप्रोच ज्यादा वाजिब अर वैग्यानिक हो। अगरचंद नाहटा, नरोत्तम दास स्वामी, डॉ. मोतीलाल मेनारिया, कन्हैयालाल सहल, सीताराम लालस, भाबरमल सरमा इत्याद री तालुक सोध विदवांन रै पुराण ग्रुप सून हो। आं लोगां री राजस्थानी साहित री पाछी जाग में सावठी योगदान रह्यो, पण आं री सगळी काम हिन्दी भासा में ई आपरी गेली सोध्यो। सोध विदवांन री अक नवी अर ज्यादा जवान ग्रुप सांमी आवै हो, जीयां सौभाग्यसिध सेखावत, डॉ. नरेश्वर भानावत, डा. हीरालाल महेश्वरी, डॉ. बी. अम. जावलियां अर डॉ. मनोहर सरमा इत्याद। पण अ सोध विदवान ई फिर-धिर र जीवण रै परम्पराळ ढब ढळ अर मोह सून बंधियोडा दीसै। अ जिका मान मोला में विसवास राखै, वै नीं कोई नवी धरातळ लावै, नीं आं नै मध्यजुगी जीवन रै हेज-गुमेज सून आंगा ले जावै।

राजस्थानी लिखारां री अक दूजो खेप राजस्थान रै भूतकाळ में जोवण री नवी गेली अपड़यो। ओ गेली वानै राजस्थान रै लोकसाहित, लोक संस्कृति अर वाचिक परम्परावां ताईं लेगी अर इण छेत्र में खासो भलो काम होयी। लोक साहित धकी जोवण री मनसा वां लोगां वास्तं गाढी अरथ राखै हो, जिका लेखण रै काम सारू बोलचाल री भासा नै पूरसल परोटणी चावै हा। राजस्थान री लिखत परम्परा वीयां ती लिखानां नै आपरी स्टाइल अर भासा बणावण में मदद करै ही, पण वां नै समसामयिक समाज रै नैडै लावण में उत्तो समरथ नीं ही। पुराणा सबद अर वां सबदां रा बिम्ब अर अरथ आपरी समाज संप्रसण अर गाढ गमाय दी ही। राज में शिक्षा री जिकी नवी पॉलिसी बणी, उणमें राजस्थानी रै पांती किणी भांत री भूमिका आई नीं, सो आ सांचमांच में कवियां अर लिखारां सारू आफत व्हेगी के वै कीकर आपरी सबद-

सगती बघाव, सबद-ग्यांन सांवठी करे अर कीकर भासा री समूदी कळ-विद्या वारें हाथें आवे । फेर समाज ई भासा सिखावण-पढावण घकी ध्यांन दियो नीं । नीं कोई सावचेत कोसियां ईं दण सारु कीधी । सो कवियां अर लिखारां कने भासा सीखण अर उगने भीणा अरथां ताई ले जावण सारु मौखिक परम्परा ईं सो क्यूं ही । दण टाल दूजो विकळप ईं नीं ही । अक मायड भासा जिकी कोरी दैनिक कांमां रें सीर्ग ईं वरतीर्ज, कीकर साहितिक भासा री माट-मरजाद नै केवटे । पण अंडी माठ-मरजाद आळी भासा अर साहितिक रूप लोक नाहिन में पैली सूं ईं मौजूद हा, सो राजस्थान रा सिरजणाऊ मन मगज लोकगीतां, लोक कथावा अर मौखिक परम्परा रा दूजा केई रूपां सूं आपरी सगती संची ।

अंडा कधी अर लिखारा जिजा राजस्थान रें लोकसाहित कानी मूडी कीधी, राजस्थानी भासां अर साहित रें आंदोलन में ठावी अर असरदार फरक लाया । राणी लिट्टी-कुमारी चूंडावत आपरा विसै लोक दत्त कथावां, गाथावां अर लोक मे ईं चावा इतिहास परसंगां सूं लीधा । वां रें गद्य में सांतरी पांतरी रफत ही अर वै साहित में आपरी ठावी छाप छोडी । डॉ मनोहर सरमा साहित नै न्व मागी लोक कथावा दी अर लोक विमयां माथें लावी कवितावां ईं लिखी । भंवर लाल नाहटा, गोविन्द अग्रवाल अर कीं दूजा ईं लोक कथावां चावी करवा रौ कांम कीधी । पण दण समर्च सगळां सूं ज्यादा अरथाऊ अर ठावी कांम है विजय दांन देया री । वै हजार रें लगैटगै लोक कथावां लिखी जिकी दस मोटी-मोटी जिल्दां में छरी । वां री पूरी योजना बीस जिल्दां री है मो वै आगे ईं इणी कांम में लागोडा है । विजय दांन देया री लोक कथावां राजस्थानी गद्य मंत्री अर लोक कथा रें आधुनिक अरथ नै नवा आयांम दिया । विजय दांन देया री लोक कथावां वांच्यां आधुनिक संदर्भां में लोक कथावां री सगती अर संदेस री खरी अदाज व्हे । देया री कथावां मुखियोडी कथावां री है जेडो ईं पाछो कथाव नीं होय, अक सिरजणाऊ लिखारें री पूरी ईं आपरी आंट सूं लिखयोडी कथावां व्हेगी । वै आधुनिक संदर्भां में आं परम्परागत कथावां रा ऊडा गडियोडा अर्थ अर सगती नै जोडें लावण में समर्थ है । वां री भासा राजस्थान रें गद्य नै पुस्त नौव देव । वै आपरी कथावां राजस्थान रें अक छोट क गांव सूं लेवें अर वां री भासा घरती री सोरम सूं हळावोळ लागे । वै राजस्थानी भासा री सबदावळी रें समर्च हव ईं खग अर सांचा दीम । वां री अभिव्यक्ति री फूठरापी अर प्रवाह वां नै न्यारा ईं ओळखावं, जठे वां री जोड री दूजो कोई कोनी लागे ।

लारला पचीस बरसां में राजस्थानी नाहित खुद री अयत्तायां अर नवा विमं सोधण सारु आफळियो । वां परम्परावां सूं आपरी कथावस्तु ली अर नवी जमीन तोडण मारु पच्यो । नवा प्रयोग, नवा कल्पनावां अर विसयां सूं नवा-नवा बरतावां री मनमा राजस्थान री सिरजणाऊ प्रतिभावां नै उत्साहित कीधा ।

सुरगवासी गंगेसीलाल उस्ताद जनकवी हा । वां उण जोर्य बीगं अर आफळ री सबद दिया, जिकी लोगां जागीरदारां हेटे भुगती । आजदी पछे वै कवितावां में हरथ अर आसा जाहिर कीधी । होळ होळ वारी कविता भरोसो खोवण लागी अर वां नै वां आसावां माथें

सक होवण लागी, जिकी र पैली भविस सारू कीधी ही। 'काई' इणी आजादी सारू व कवितावां रची, जिकी लोगां री उमोदां अर मनस्यावां न साव ई पगां हेटे कुचळ ही, फगत राजनीति में लागी लोगां रा नीजू स्वारथां सारू। वै आपरा ऊंडा आकरा व्यंगां सेती आं नवा, सत्ता रा भूखा, जोड़-तोड़ करवाळा लोगां माथे काटकिया। उस्ताद री लोगां री साधारण जवान माथे असाधारण इ कार ही अर ठीकीठीक अर खरी-खरी कैदगी वां री खास गुण। वां री जवान में खुसामद जैडी चीज री लवलेस ई नीं ही। वां री कवितावां में नीं सरलीकरण लाधै, नीं कोई दूजी गैर जिम्मेदारी। उस्ताद गणेशीलाल राजस्थान री प्रतिबद्ध कविता सारू हमेंसा आगीवांण जाणीजैला।

मेघराज मुकुल आपरी कविता सैनाणी जिकी के अक मध्यजुगी इतिहासू घटना माथे टिकियोड़ा ही—लेय' र सांमी आया। घटना मुन्ब नायिका इण सारू आपरी सीस उतार'र सैनाणी रूप देय देवें क्यूंके उण री घणी लड़ाई में जावतां मन काठी-काठी करे। मुकुल अक सांगोपांग वाचक है अर हजारों लोगां न अचळ बांध्यां राखण री खिमता वां में पूरी। वां कने सांतरी आवाज अर सुणावण री सगती दोनू मिल जुळ'र अंडी के भला-भला कवियां न अकानी बैठाव देवें। आगें चान'र व कवितावां न छोड़ी अर गीत ई गीत मांडचा।

आजादी री लड़ाई रें दिनां रेवतटांन करसां री स्थगित छोडियोड़ी क्रान्ति न कविता री विसै कियो अर जागिरदारां रें खिलाफ वां रें विद्रोह रा आगीवांण होया। वां री कविता अमानता रें खिलाफ हाकी कीधी। वें पूरी रीस अर ताकत रें सार्ग समाज री अंडी अक अक चीज माथे काटकिया, जिकी ल्होड़-बडाई री हिसाबदारी बणायो राखण में मदद करे ही। वें किसान-क्रान्ति रा गीत गाया अर करसां न जागिरदारां सू आखरी लड़ाई सारू चेताया। वें करसां रें जीवन रा कवळा छिया। रात-दिन रा कळापां अर वां री मनस्यावां न ई आपरा गीतां री विसै बणायो। वीयां वां री सवदावळी साव संधी पण फेरु ई उण सवदावळी में आपरें ई किसम री तीख-तेज ही।

सत्य प्रकाश जोशी राजस्थानी कविता रें क्षेत्र में थोड़ा क मोड़ा पूगा, पैली वें हिन्दी में लिखता, पण ज्यूं ई वें राजस्थानी में लिखणी सारू किधी, वां न मानता ई मिळी अर लागी के कवी रूप वां कने चोखी-भली भविस। वें कविता री 'थीम्ज, समचै खूब बोल्ड हा अर नवा नवा छंदां अर मुक्त छंदां रा केई प्रयोग वें राजस्थानी कविता में किया। वां कने अंडी विम्ब विधान ही जिकी राजस्थानी कविता सारू नवी ही। वां री काव्य 'राधा' राजस्थानी कविता में 'माइल स्टोन' जाणीजै। वें नवी संवेदना रा कवी हा जिका राजस्थानी सबदां न मोड दियो अर वां न विसयां री नाजुक अपड ताई लेगा। वें आपरी प्रेरणावां लोक कविता सून हासिल कीधी। वां न कविता सुणावण री ई सांतरी आंट ही। वें अंडा पैला कवियां में सून हा जिका अक 'इन्डीजवल' रें जीवण री अंदरूणी हालतां न उजागर कीधी अर भावुक छिया न अभिव्यक्ति दो अर आ सारू कविता रें माध्यम न गंभीरता सून लियो। वां री कवितावां में अक मनोवैज्ञानिक गहराई लाधै।

कन्हैयालाल सेठिया फेर अकै अइडा कवी जिकां री कवितावां में गाढ़ अर गहराई लाधे । वां री कवितावां री आपरी नीजू खासियत । चटकी, हाजिर जवाबी अर भासा री फूठरापी याद राखे जैडी । वां रा लम्बा अर दमदार रूपक कलपना रा परस्पर विरोधी रंगां री मारफत आगै बधे अर आ वां री अइडी खासियत, जिकी वां नै राजस्थांनी कविता में न्यारी निरवाळी ठोड़ देवे ।

गजानन वरमा आपरी प्रेरणावां लोकधुनां सूं हासिन कीधी । वं राजस्थांन रं पारिवारिक जीवन नै पद्यबद्ध कियो, जिकी लोक कविता में आपरी ई किमम सूं आर्व अर उण री खासियत जाणोजे । गजानन राजस्थांन रा लोकप्रिय कवी है । विस्वनाथ विमलेस अर बुद्धिप्रकास हास्य-व्यंग री कवितावां लिखी । नानुराम संस्कर्ता ग्रामीण जीवन रा कवी है । राजस्थांनी कहावतां अर मुहावरां माथे पूरमल इधकार री वर्ज सूं वं न्यारी ई भांत रा कवी लागे । कल्याण सिंघ राजावत अर रघुराज सिंघ हाडा प्रेम गीत गाया अर अचगाद रा छिणा नै अभिव्यक्ति दी ।

ऊार गिराणयोड़ा सगळा कवियां री राजस्थांनी कविता)री खास-खास प्रश्रितिया नै वणावण अर विगसावण में महत्ताऊ भूमिका रह्यी । पण सन् ६० रं पछे अकै खास ढाळ री चुप्पी अर सूनमून राजस्थांनी कविता में पग पसारती लाग्यो । अइडी लागती के आ चुप्पी के नवे मूवमेंट री उडीक में ही । अर सेवट कवियां री अकै साव नवी ग्रुप दीठाव में सांप्रत आगै ओ ग्रुप पैली आळा कवियां नै अवमूल्यित किया । वांरा कविताऊ आधारान नै काचा अर कूड़ा वताया । अ कवि छंद अर छंद विधान री बंधिसां नै अछली करवा री कोसिसां ई कीधी । वां री विसवास नीं कवी-सम्मेलन में है, नीं कविता रा अइडा मांवठा समूही वाचना में । कितहान लागे के कवियां री ओ नवी ग्रुप राजस्थांनी कविता नै नवी जीवण अर नवी आधार दे सके । मणिमधुकर, तेजसिंघ जोधा, गोरधनसिंघ सेखावत अर पारस अरोड़ा इण नवे मूवमेंट रा आगीवाण है ।

आ बात कोनी के राजस्थांनी माहित कोनी कविता रं छेत्र में ई विकास पायो व्है, वो गद्य रं छेत्र में ई पूरी ताकत सूं आगे बघियो । निबंध, कथा, उपन्यास, नाटक अर रिपोर्ताज सगळे छेत्रां में साहित नवी नवी माठ-मरजाद ताई पूगी अर स्तर हासिल कियो ।

मुरलीधर व्यास आजादी पैला सूं ई कथावां लिखवा में लाग्योडा हा अर वं आपरा संस्मरणां, रेखा चित्रां अर कथावां री मारफत अब ताई अकै सांतरी सामाजिक जागरूकता पैदा कर दी । वां री कहावता अर मुहावरां माथे सांतरी इधकार है, जिए सूं वां री अभिव्यक्ति री फूठरापी बधे अर वं आपरा चरितां नै खूब ढग सूं खोलै । वां रा चरित वीयां ती मदरी व्है पण आपरी मनोवैज्ञानिक समस्यावां री व जे सूं यूनिवर्सल व्है जावै । नरसिंघ राजपुरोहित, डॉ. मनोहर सरमा, मूलचन्द प्राणोस, वैजनाथ पंवार, नानुराम संस्कर्ता अर दूजा ई कई होळी-होळी कथावा रं छेत्र में आया । छेत्रीय, ग्रामीण अर पारिवारिक समस्यावां आं री लिखावट री तास विस रह्यी ।

राजस्थानी अर्जै अक पनपती भासा है अर इण में उपन्यास लिखवा री ई केई पैलापैल आळी सी कोसिसां वही है । जे आपां वां री विसै-सामग्री अर स्टाइल नै दूजी विकसित भासावां रै जोड़ाजोड़ देखां ती लागै राजस्थानी नै इण छेत्र में हाल आपरो काम करणी है । हाल ती फगत सरुआत ई है । श्रीलाल नथमल जोसी, अन्नाराम सुदामा अर यादवेन्द्र सरमा चन्द्र इण धकी आपरी कोसिसां कीधी है । पण कथा-लेखण री असली ताकत अर्जै ई लोक-कथा लिखारां रै हाथ में है । लोक कथावां री मारफत सामाजिक जीवण नै चितरावण री विजयदांन देथा री प्रतिभा-साळी कोसिसां री आपरी कथा है जिकी पूरी बखाण मांगै । वै लोक कथावां अर वां री कडियां नै छोटा उपन्यास के उपन्यास सारु बरती । 'टींडो राव'हा 'इस्टू खा' अर 'आठ राजकंवर' राजस्थान रै कथा-साहित रै इतिहास में हमेसां नांमी जाणीजती रैवैला । वां री ६०० पेज मोटी 'मां री बदळी' उपन्यास जिकी के दो जिल्दां में है, सामंती व्यवस्था माथे व्यंग करै अर उण रा हिया-दिया वायरा मान मोलां नै उघाड़ै अर पोछड़ी मिनखपण री लांठाई नै थरपै । ओ उपन्यास अक लांवी लोककथा माथे आधारित है, पण इण री विकास, विस्तार अर कथावस्तु, चरित अर घटनावां परोटण री सैलीगत आंट साव आधुनिक उपन्यास जैड़ी है । ओ उपन्यास राजस्थान री जीवण सगती नै लोककथा री मारफत सामी लावण री विजयदांन देथा री बातां-ख्यातां विगतावै जैड़ी कोसिस जाणीजैली । सामाजिक अन्याव, बुगई अर पाप री धारणा उण बगत रै राफट-रोल्लियै अर पीसै री खोटी भूमिका इत्याद नै इण उपन्यास में हृद ई नांमी अभिव्यक्ति मिळी । रांणी लिछमी कुमारी चूंडावत, मूलचन्द प्राणेश अर डॉ. मनोहर सरमा ई लोक अर दंतकथावां री थीम्ज नै आधुनिक सदरभां में कथा लेखण री विसै बणायी ।

आ लागै के राजस्थान री लेखक आपरी सांस्कृतिक ओळख री तलास में है, जिकी के प्रांत रै लोकसाहित में पैजी सू ई तयार पड़ी दीसै । इण री मारफत राजस्थान रै मिनख नै उणरी आपरी मनोवैग्यानिक बुणगट में समझीज सकै ।

राजस्थानी साहित री लारना पचीस बरसां री कथा अबूरी रह जावैना जै आपां वां कोसिसां नै याद नीं करां, जिकी के राजस्थानी नै भामा रूा थरपण सारु वही । जीयां के पैली कह्यो सीताराम लालस अकलै हाथ अक लांठी राजस्थानी-हिन्दी सन्नदकोस तयार करवा में लाग्योड़ा है । ओ आठ मोटी जिल्दां में ४ लाख रै अड़े-छेड़ै सबदां नै परोटली । 'ब' वर्ण तांई री जिल्दां ती छपणी है । सीताराम राजस्थानी व्याकरण माथे ई अक पोथी लिखी अर इण काम नै नरोत्तमदास स्वामी अक दूजी महताऊ पोथी लिखर आगै बघायी । अवार ई सिकागी विस्वविद्यालै रा प्रो. कालीचरण बहल राजस्थानी व्याकरण माथे अक नवी किसम री अर नांमी कोसिस कीधी । प्राचीन अर मध्य-जुगी राजस्थानी कवियां रा काव्य अर टीकावां प्रकासित करवा री काम ई होयो है । प्राच्य विद्या प्रतिष्ठान जोधपुर, जिण नै के राजस्थान सरकार थरपियो, केई महताऊ काम सांमी लायो । 'मुहता नैणसी री ख्यात', 'बांकीदास री ख्यात', 'वीरमायण', 'रघुवन्जसप्रकास', इत्याद कीं अड़ा कामां रा नांव है जिका इण सस्था री मारफत सांमी आया । बदरी प्रसाद साकरिया 'नैणसी री ख्यात' माथे महताऊ काम कियो । नैणसी री गद्य आधुनिक लिखारां सारु देखाभाळी री विसै वहै सकै । दूजी ई केई संस्थावां

है जिकी राजस्थान की प्राचीन पांडुलिपियां री प्रकासन अर सोध री काम में लाग्योड़ी है । राजस्थान विद्यापीठ उदैपुर, राजस्थानी सोध संस्थान जोधपुर, साहूळ रिसर्च इन्स्टीट्यूट बीकानेर, रूपायन संस्थान बीरुंदा, राजस्थान संस्कृति पर्सिद जैपुर, राजस्थानी सोध समिति विसाळ अर पिलांणी सोध संस्थान पिलांणी, राजस्थानी साहित अर भासा साहू ठावी काम करवा में लाग्योड़ी है ।

अै सगळा ई संस्थान तिमाही के माही छापा काढै । सोध पत्रिका (उदैपुर), परम्परा (जोधपुर), वरदा (विसाळ), मरुभारती (पिलांणी) अर लोक संस्कृति (बीरुंदा) राजस्थानी साहित अर संस्कृति रा नामी छापा है ।

साहित री छेत्र साव सूनी व्हे जावै जे किणी भासा में छापा नीं छै । अवार री घड़ी तीन महताळ छापा—‘मरुवांणी’ (जैपुर), ‘प्रोळमो’ (बीरुंदा) अर ‘जलममोम’ (बीकानेर), राजस्थानी री आधुनिक लेखण नै मुंडागें लावण में लागोडा है । बीयां तिमाही के माही छापा काढवा री केई कोसिसां होई व्हेला, पण वै सफल नीं व्ही । लागला पचीस बरसा में १० री नगैर पत्रिकावां मुंडागें आई, पण बंद व्हेगी—पीसां री तोटे के राज-समाज री गिनार नीं करणै सू ।

असल में संविधान री मानता री तोटी राजस्थानी भासा री विकास अर ममाविक बघापै साहू लांठी खांमी व्हेगी बीयां संविधान किणी भेदभाव साहू कोनी क्खी पण सांचमान में कवियां अर लिखारां नै सरकारी जरियां री मारफत आपरी पोथ्यां खपावण साहू घणी पनणी पड़्यो । सरकारी खरीद आपारै अठै पोथ्यां साहू लांठी स्यागे व्हे । राज्य सरकार री सामान्य शिक्षा नीती राजस्थानी भासा री समस्या नै अदेखी करै र चाली । आ फगत केन्द्रीय साहित अकादमी री मानता मिळियां ईं तोजी बैठी के राजस्थानी साहित धकी थोटी-पणी नायळ ध्यान दिरोजणी सुरू व्ह्यो । आ अकादमी री मानता राजस्थानी साहित साहू मोटी बात व्ही । अर वो देस रा साहित पारखियां री घणी आभारी है के वै राजस्थान री संस्कृति अर उणरी भासाक मनसा री कदर कीधी अर उण री सांच नै सिकारयो । बीयां राजस्थान सरकार ई राजस्थान साहित अकादमी री थरपना कीधी है अर उणरी मुख्याल उदैपुर में है । आ अकादमी हिन्दी, राजस्थानी, उर्दू अर संस्कृत च्याहू भासावां रा काम देखै । अवार १९७२ मे आ अकादमी आपरी अेक न्यारी स्वायत साखा राजस्थानी साहित साहू बीकानेर में थरपी । राजस्थान साहित अकादमी कविता, कथा, निबंध इत्याद रा सांचा संकलन ई काढ्या है अर केई लिखारां री न्यारी न्यारी पोथ्यां नै ई प्रकासित कीधी ।

आ बात ई मन बघावै के राजस्थान रा विश्वविद्यालयां राजस्थानी भासा अर साहित में रुची दिखावणी सुरू कर दी । आ ईं दिना (१९७०-७१) राजस्थान विश्वविद्यालै जैपुर अर जोधपुर विश्वविद्यालै जोधपुर, राजस्थानी भासा रा चार परचा आपरी स्नातकोत्तर कक्षावां में सुरू किया है । आ उमीद ई है के उदैपुर विश्वविद्यालै ई आं री साथे व्हे जावैला । हायर नैकण्ठी बोर्ड ई राजस्थानी नै १९७३ सूं अेक अैच्छिक विसै-रूप लागू करवा में लाग्योड़ी है । हरेक भासा री आ बुनियादी जरूरत व्हे के वा भणार्ई री किणी न किणी स्तर माथे पड़ाईजै । देस री

आजादी अर लोगां रँ दिमाग री जनतांत्रिक संवेदना ई छेत्रीय संस्कृति अर साहित रँ विकास री गारण्टी है । राजस्थानी साहित अब होळ-होळ समाज में आपरँ हक री जागा पावण में लागोड़ी है । बेगो ई अक वदळाव उणरी भूमिका अर स्तर में आवँली । लारला पचीस वरसां में अक पुस्ता नींव दिरीजगी है, जिण माथै वो आपरी सभाविक विकास कर सकै ।

आ सांच है के देस रा सगळी भांत रा साहितिक आंदोलनां री पड़भूँज राजस्थान रँ साहित में होई । परम्परावादी, प्रगतिवादी, प्रयोगवादी, प्रतीकवादी, बिम्बवादी, प्रतिबद्ध अर अतिबद्ध सगळो ई भांत रा कवी अर लिखारा राजस्थानी लिखारां में लाधे । मुक्त छंद अब राजस्थानी में मानीजती सांच है । अब नवा प्रयोगां अर विसयां सूँ लोग कोनी बिदकै । राजा राणियां अर रीमेंटिक नायक-नायिकावां अर के उच्च मध्य वरग रा लोग के टाळवां बौद्धिक लोग अब साहित रो विसै कोनी रह्या । साधारण आदमी आपरी आयै दिन री आफळ साग साहित री सिरै विसै व्हंगी । मिनख राजस्थानी साहित मे पैली वळां अक मनोवैग्यानिक-सामाजिक ईकाई रँ रूप में सामी आयी है, बिना किणी ताकत, धन के जात री ऊँचाई री मोद-मिजाज लियां ।

१९४७ सूँ १९७२ ताई राजस्थानी भासा खुद नै प्रांत सारू कांमयाव सावित कीधी । राजस्थान रा साहितिक विदवांनां लंबै दगत ताई लिखापदी रा सगळा गेलां अणूती आपव कीधी । वां नै राजस्थान रँ इतिहास अर राजस्थानी साहित री परम्परावां माथै कांम करणो हौ । राजस्थानी भासा में खुद री रुची जगायोड़ी राखणीं ही । नवी पीढीं सारू लिखणो हौ । भासा री मानक-रूप अर भासा अर लिपी री अकरूपता री कांम देखणो हौ । कोरो खुद री कोसिस सूँ भासा सीखणो हौ । छेत्रीय संस्कृति री अध्ययन अर अनुवाद करणो हौ । संसार री दूजी भासावां क्लासिक्स री पढ़ाई करणो हौ । इत्ती कीं करियां वँ राजस्थान रँ साहित री विकास करवा में समरथ व्है सकता । अकू-अक चीज राजस्थान सारू नवी ही । आ फगत आजादी री देण ई ही के राजस्थान रा मिनख आपरी सांस्कृतिक ओळख हासिल कीधी अर उण ओळख नै जग-जाहिर करवा री कांम कीधी ।

(उल्थाँ—अमर सिध)

* * *

नवा संपादक

अक्टूबर १९७७ सूँ 'जागती जोत री'

संपादन दीनदयाल ओझा करैला । वां री

पती— दीनदयाल ओझा

संपादक जागती जोत (मासिक)

मारफत-राजस्थानी भासा साहित संगम

कोटगेट, बीकानेर ।

उपन्यास श्री पछेती खेंप

खुलती गांठां

पारस अरोड़ा

लाभजी जोधपुर आया। व्याव री बात माथै राता-पीळा ई व्हिया अर पाछा राजी-राजी गया ई परा। सूरज नै इत्ती उम्मीद नीं ही के सगली बानां यूं सैज रूप नूं निवड जावैला। लाभजी रै गयां पछै वी निरभं व्हैगो। अवै उणरै भेज में आ बात जमगी के हिम्मत राख'र, नैठाव सूं सोच-विचार कर, योजना बणाय'र कियां, सँ कीं व्है मर्क। हिम्मत रै हिवौळ चढ़'र अवै उणनं लखावती के ताग सूं व्याव करणी ई, मैड़ी कीं मुम्किन काम कोनीं।

लाभजी जावण सूं पैली उण नै कीं दूजी बातां ईं बतायगा। उयूँ के ठाकर ना रा काम सारू बां नै खुदरी रकम किरपारामजी कनै धरणी पड़ी है।....के श्रीमा म्हराज नै आं दिनां आपरा वेटा मोवन री घणी ओळूँ आवै, कठैई देख ती ध्यांन रागजै। के वी किरपारामजी नै कैय दियो है के व्याव छोरा नै करणी है अर छोरी थारे कनै है, मांनं ती मनाय ली। लारै जावतां वी आ ई कैयगा के व्है सकै इण उत्तर सूं के किणी दूजें कारग सूं सेठजी रै के बांरा घरवाळा रा बरताव में परत आयजा, या रिपिया-पैमां री तगी पड़जा ती म्हनै लिख दीजै। हां, उमरावचद सा आली छारी ह्यामा री ई ध्यांन रागजै। रिस्तो वी ई फोरी नीं है, म्है पती लगवाय लियो हूं।

लाभजी रै गयां पछै किरपारामजी रै घर री वातावरण बदलण लागी इज। घर में सगळां नै ठा पड़गी के श्री छोरी निरमळा सूं व्याव री ना कर दी है। सेटाणी जी री हेत फीकी पड़गी। घा सा रै कमरै सूं ठाकुरजी गी परसाद आवणी बंद व्हैगो। घर रा वड़ा-बुजरगां रै चैरा माथै थोथी मुळक व्हैती के लिलाड़ माथै सळ। सेठजी ई कै दियो के प्रेम री काम सीखणी इज व्है ती तीन-चार घंटा बंठण सूं काम नीं चलैला, आठ घंटा ती कम-सूँ-कम भरीजणा इज चाइजै। अर कार्ल जद वी रात रा इग्यारै बजियां घर जाय'र

घंटी बजाई, उए बगत मांय सून खतरा री घंटी बाजगी । सैठाणीजी नोकर नै कैवता सुणीज्या—सूरजप्रकासजी नै कै दीजै रे पन्ना के नउ बजियां ताई घर में आ जाया करो । चौईसू घंटा आडा खुल्ला नीं राख सका । जमाना खराब है । अड़ीज सहूलियत चइजी तौ सैर मांयली हवेली में तिपड़ै माथली कमरी खाली है । इत्तो केयर बड़बड़ाट करता गया परा—‘ओ कइ आवणी ! घर है के बरमसाळ है, वा भई वा ! आ हाजरी चांखी । …… अर जद चवदै बरसां री नोकर छोरी पन्नी दरवाजी खोलियो, तौ उएर की कैवण सून पैलीज सूरज उएनै इसार सून समझाय दियो के वो सैंग सुए चुकी है ।

दूजी ई दिन रतन अर निरमळा पैली तौ मां सून अटकिया अर पछे बाप सून । खासी गरमा-गरम वातां व्ही । सूरज उणी बगत बंगली छोड़णी तेवड़ली । रतन उणी बगत स्कूटर लेय'र वहीर ब्हियो जिकी सूरज सून मिळ-मिळाय'र दोय घंटा रै मांय-मांय उएनै जाळोरी गेट रै मांय अक कमरी किराय दिराय दियो । थोड़ीक आगं इज कवूतरां राचीक कांनी सोम री मकान । रतन जद मकान मालिक सून किराय आद री बात करती; तद सूरज वारै आय'र सोचण लागी के आ कइी बात—अक मुसीबत खतम व्हे तौ दूजी पैदा व्हेजा । पैली जी सा री डर ही, वो खतम ब्हियो तौ रैवण री समस्या आयगी, आ खतम व्ही तौ अब प्रेस री चिन्ता है के उठै सेठजी री कांई बरताव-रैवला ?

कमरा री बात निवेड़'र दोनू अक होटल में आय जम्या । सूरज जद रतन नै प्रेस जावण री बात कैयी तद रतन बोल्यो—‘देख के आज तौ अब प्रेस जाइजी मत । अवार तौ खाणो-वाणो खाय'र वारै बजियां वाली पिक्चर में घुस जावांला । पछे बंगलै सून थारो समान लिंआवाला । की जरूरत री चीजां खरीद लेवांला । सिझ्यारा म्है फेर वावूजी सून बात कर लूंला । सूरज रतन री बात हांकरती थकी सोचण लागी कैसी बीती है आज । आज री सूरज तौ म्हारै वारत खोटी इज ऊगियो । दिन ऊगतां ईं घर छोड़णी पड़ियो । जद कैव के जिंएरा जित्ता अंजळ जठै लिखियोड़ा व्हे, उता इज भोग सकै । कित्तो हेत ही बाईजी (सैठाणीजी) री म्हारै माथे । सगळी जाणै कपूर व्हे ज्यूं उडगौ । …इएनै कैव जिदगानी री लड़ाई भगवाना ! आदमी जद खुदर आप ऊभो होवण री कोसीस करै तद उएनै ठा पड़ के कित्तो जोर चाइजी टांगां में ऊभो होवण सारु । हाल तौ बाप-कमाई माथे बरस बिताया है कवर सा ! आप-कमाई सून दिन तोड़णा पड़ैला जद ठा पड़ैला थनै ! …

भांभरक री बगत । हाल गांव में पूरी जाग नीं व्ही ही । तळाव रै पसवाई अर गांव रै किनारै आयोड़ा भांबियां रा कीं दूंडा । छेलो झूपड़ी काळू भांबी री । झूपड़ा रै आखती-पाखती दो हाथ जमीं छोड़'र कांटां री बाड़ । बाड़ में इज अक छीण रै टुकड़ै माथे मूतरण सारु वंठी केरां लेवती काळू की खुडकी सुएर चेतन ब्हियो । झूपड़ै रै पन्दर-बीस पांवडां लारै अक नीम कनै-किणी री ऊट भेकावण री अवाज सुणीजी । नीमड़े लारै कोई उभो ही । ऊणी बगत तळाव कांनी सून दोय जणा आवता दीस्या । अक जणे रै कांधे कोई

भारी पोट ही । काळू मीट जमाय'र देखण लागी । आवणाळा मांय सून अक पोट न ऊंट माथ राखी अर हूजोडो माथ बैठ'र पोट न सभाळतां ऊंट उभो कियो, उणी वगत नीमडै लारली मिनख आगे आय'र ऊंट आळ' न खानगी दी । काळू खानगी देवणिये न ओळख लियो । अर उणरै काळजे कळजळ मचगी । आखं सरीर में अक तणाव बापरगी । वो मनीमन विचारण लागी के श्री दुस्ती आज किररै काळजे हाथ घालियो ? पछे वो जावतोडै ऊंट कांनी मीट गडाई । ऊंट आंथूणै जैकिसना रा खेतां कांनी जावतो ही । काळू भूट वारै आय आंथूणे अक हूवै माथे आय ऊभो । हाल पुरी उजास नीं व्हियो ही तो ई अक काळो आकार ऊंट रो दीसतो ही । ऊंट ढांणो आळी डांडी माथे मुड्यां पछे दीखणी बंद व्हेगी ।

काळू उण नीम वनें आय'र ऊभगी, जठे पैली वं लोग भौळा व्हिया हा । वो सोचण लागी के व्हो-न-व्हो वो ऊंट माथे सैताना रो ढांणो आळी खेती व्हेणी चाडजे । न उण जोधसिध न दुस्ती न ती म्है अंधारे में पडछांवळी देख'र ओळख मकू । दोय वरसां पैली श्री म्हारै काळजे ई हाथ घाल चुकी है । अर वो चितगंम काळू रो आंखयां पसरगी । .. पूना न खेत में वो आपरी वेहोस चंपली रो गांठ न्हाक'र जावतां सांप्रत देख्यो ही । छोरी दोय दिनां तक गायव रंथी । तीजे दिन भांभरक वो जोधसिध न गांठ पटक'कर जावतां देख्यो, जंगळ फिराक सारु आयोडा लाभजी ई देख्यो । पण कीं नीं व्हियो । लाभजी उणनै लैय'र ठाकर सा कने पूगा । ठाकर मा सगळी बात सुन'र कैयो के जोधी नीं व्हे सक । अघार में थां लोगां न सावळ दीख्यो नीं व्हेला । सेवट बिलखतै काळू न ठाकर सा पांच सो रिपिया देय'र बेटी रो वेगी व्याव करण रो ताफीद कर बहोर कियो ।.... उण वगत उणारी कीं नीं चली । करै ती करै कांई अर कैवे तो कैवे किररै ? रंथणी तो गांव में इज है ।... पण वो जद कदैई जोधा न देखतो, उणगे खून उछाळा खावण लागतो, मरीर में अक तणाव खिच जावतो । अर आज,.... आज फिर किररी रै काळजे खाडी पड्यो व्हेला । पण किररै ? अवार ठा पडजा ला । अर वो अक बीड़ी सिळगाय'र तळाव कांनी पग धरिया ।

ज्यू-ज्यू दिवाळी नैडी आ रंथी है, ज्यू-ज्यू सैर रो रौनक बघती जा रंथी है । अवे दिवाळी आडी एक हपती । दुकानां रंग-रोगन व्हेय'र सजगी है । घरां में हाल सफाई-पुताई चल रंथी है । लोगां न पुताई करणिया कारीगर नीं मिल रंथी है । ग्रामजी-ग्रामजी ई पन्द्र-पन्द्र रिपिया देनगी मांगी । मूरज ई आपरै कमरै रो पुताई करावणी चावतो । कारीगर सारु सोम न कैयोडी ।

कमरी लियां पछे सेठजी सून रतन रो मारफत बात ते व्ही के मूरज रोजीना आठ घंटा बिना नागा भरैला । सेठजी हाथ-खरचै सारु डेढ़ सो रिपिया देवैला । सोम उण बावत राय दिवी के हाल-फिलहाल ठोक है, बम्बई सून म्है पाछी आय जावूँ, पछे कीं हूजो बात

सोचांला । अर सूरज बिना नागा प्रेस जा रैयी है । प्रेस में बी दिन भर प्रेस री कच्ची खरच-खाती लिखै अर सगला बिल, रसीद, वाउचर आद केवट'र राखै अर सिझ्यारा 'पार्ट टाइम'में आवणिया मुनीम जी नै संभलाय दै । हिन्दी री प्रूफ-रीडिंग देख लेवै । काम पड़ियां उगाई माथै के बेंक आद रै दूजा काम सू' ई' अठी-उठी जाय आवै ! सेठजी प्रेस में नीं व्हे तद करमचारियां सू' गप-सप कर लेवै ।

पण इण सगलै काम विच्चै बी आ जरूर देखी के सेठजी कीं भारी मनां उणसूं बात करै । कम बतळावै । बतळायां हां-हूं कर टाळ दै । पैली हरेक बात में ज्यूं राय लेवता—देवता वा बात अबै नीं रैयी । बी देखी के निरमळा री चिन्ता अबै वां नै पाछी सतावण लागी है । अक बार तो वं निरमळा नै ई कं दियो के अबै वं साल-छै मईनां सू' वत्ती जेज नीं करैला अर नीं किणी री ना सुणैला । दोयेक दिनां रैली तो सूरज सेठजी री बात सुण मूंडी इज देखती रैगी । सेठजी प्रेस में बैठा आपरै एक दोस्त सू' बात करता हा । निरमळा री बात चलो । बातोबात में दोस्त बोल्या के कठई छोरी तो खुद छोरी नीं देख लियो ? सेठजी उत्तर दियो—'अरे भई, बी ई कीं कैवें तो सरो ! कीं ठा तो पड़ै ! म्हारी एक चिन्ता तो भिटै के छोरी देखणो है । पछै ओ इज देखणो रैवै के कुण है, कईं करै, कईं नीं करै ? पण खुद ई कीं मूंडा सू' तो कैवें जद !' अर आ बात कैयां पछै वां री मूंडी सळां भरीजगी अर कीं विगड़गी हो जाणे कोई खारी चीज गळै हेट उतारी व्हे ।

सेठजी री ओ रुख देख'र सूरज नै लखायो के अबै निरमळा अर सोमनाथ नै ई जेज नीं करणी चाइजी । निरमळा तो तैयार इज है पण सोमनाथ माथै बात अटक्योड़ी है । बी एक निजू काम सू' बम्बई री चक्कर लगाय'र आयां पछै इज व्याव रै बारें में निरणे लेवैला । अर बम्बई री ओ चक्कर...कोई भारी चक्कर है । उणारी मन कैवै के इण मामला में जरूर बी सोम री डायरी मांगली दीनू पटेल जुड़योड़ी है । ओ आपरा बम्बई चक्कर रै बारें में कोई नै नीं बतावै । पैली ई ओ बम्बई जावती-आवती रैयी है । मडोर गोठ में चाल्या जद ई ओ बम्बई सू' आयो हो । निरमळा ई कंयो के इणनै किणी री तलास है । किणरी ? स्यात् दीनू पटेल री !

आज म्है ई कीं खोद'र पूछ लूं, देखां कीं बतावै तो ! पुताई करणियै री ई पूछ लैवूंला । आ सोच'र सूरज सिझ्यारा प्रेस सू' निवड़ सोम रै घर कांती वहीर ब्हियो । सोजती गेट आय'र आख्यां तांणी । पान रै ठेलै माथै अर दोयेक दूजा जाण-पिछांण रा लोणां नै पूछ्यां पती लागी के सोम घटे भर पैली अठीनै आयो हो, घरै जावण री कंवती । सूरज अक पान खुद खायो, अक सोम रै वास्तै बधवायो अर उणरै घर कांती पग धरिया । सोम रै घरै पूग्यां देखी के बी जोम'र ऊठ्यो इज है । बी उणनै पान री पुड़ीकी भिलाई । सोम पान देख'र राजी व्हेतो उणरै साथे कमरा में आय जम्यो । टेबल माथै ओस्त्रोवस्की री उपन्यास 'अग्नि दीक्षा' पड़यो हो । सूरज अठी-उठी री बात करतां उपन्यास नै उलट-पलट'र देखी अर पाछी घर दियो ।

सोमनाथ कुड़सी माथे इज की पसरती बोल्थी—‘रतन आयी हो अघ-घंटे पैली ।’

‘कई कैवती ?’

‘ओ इज, के किरपारामजी बेटी रे वास्त छोरी देखण सारू दिवाळी पछे अजमेर जावैला ! अक जगै बात करी है ।’

सूरज बोल्थी—‘हां, वै तो जावैला इज ! व्है सकै बात पक्की व्हैजा । अरै थन ई की ‘डिजीजन’ लेवणी चइजै ।’

सोम घांटी हिलावती बोल्थी—‘म्है बंवोई सूं आयां पैली कीं नीं कै सकूं । वस, रामा-सामा रे दूजै दिन जा इज रैयो हूं ।’

सूरज की संकीजता थकां ईं पूछ लियो—‘ओ थारै बम्बोई री कई चक्कर है थार ?’

सोम अक निसांम न्हाकर उण उपन्यास रा पाना फड़फड़ावती बोल्थी—‘है अक चक्कर । अक...अक आदमी सूं हिसाव बराबर करणी है ।’

‘हिसाव ?’

‘हां, हिसाव ! अक बरसा पूरांणी हिसाव ।’ अर सोम रे चैरे माथे अक तणाव बापरणी हो । वो सूक्की बांधर धीरे-धीरे किताव माथे ठपकारख लांगी हो ।

‘अंडी कई हिसाव है ?’ सूरज पूछ्यो ।

सोम उणरी आंख्यां में देखती थकी बोल्थी—‘है अक हिसाव ! धू म्हारै सूं पक्की वादो करै तो बतावूं ।’

सूरज भट सोम रे गलै हाथ धरती बोल्थी—‘थारी सोगन, कोई नै नीं कैवूंला । बोल, कई वादो करावणी चावै ?’

सोम बोल्थी—‘पैली बात तां आ इज के म्है कैवूं जिकी कोई नै नीं बतावैला । अर दूजी बात, म्हारी बात सुण्यां पछे म्हनै बम्बोई जावण सूं रोकण री कोसीस नीं करैला ।’

अर सूरज वादी कियो । पछे सोम उणरै सांमी आपरी मन री गांठ खोली । वो बतायो के खिण वगत अमदावाद में उणरै पिता रे सरगवासी व्हियां पछे उणरी मां प्याज माथे मिल में नौकरी करती, उण वगत री बात है । उण वगत वो आठेक बरसां री रैयो व्हेला । मिल री अक मुनीम-दीनानाथ पटेल, जिणनै सगळा दीनू पटेल रे नांव सूं ओळखता । वो मिल मालिक री आधी-नैड़ी रिस्तेदार ई ही केई वार वो आडी-अंचळी वगत सोम रा पिता मोतीभाई री पैसा-टका सूं मदद करी । पछे वो सोम री मां नै नौकरी दिरावण में रची

लिवी । अक दिन वो सोमरी मां सारदा न छुट्टी व्हियां पछै अक जरूरी काम बताय'र रोक लिवी । अर पछै.....मिल र गेस्ट रूम में वो की वदमासां र साथ मिल'र सारदा र साथ आपरी मुंडी काळी कर लियो ।

सारदा इण हादस पछै केई दिनां ताईं अघगावळी ज्यूं रंयो । कोई सूबात नीं करती अर रोवती रैवती । दीनू दूजे दिन सूं इज फरार ही । मिल रा मजूरों आद में ईं सारदा अर दीनू न लैय'र चरेचा ही । सारदा केई लोगां सारू तमासी अर बातां करण री मुट्ठी वणगी ही । सेवट रमजान चाचा री मदद सूं सारदा अमदाबाद र उण अमूमर र वातावरण न छोड'र जोधपुर आयगी ।

सोम बात न पूरी करती बोल्यो—'म्हें उण वगत घणो छोटी ही सूरज ! पण व दिन भूलाया नीं भूलोजे अर जीवू जित्ते नीं भूल सकूं । जोग री बात के तीन बरसां पैली कल्लेज स्टूडेंट्स र अक फंकसन में भाग लेवण सारू म्हें बम्बोई गयो अर उठै दीनू पटेल री पती लागगी । वो उठै कपड़ा री बोपारी है । म्हनें हर हालत में उणसू वदली लेवणी है । पचासां नैड़ी उमर लियां पछै ई उण आदमी रा अब नीं मिटधा है । अक अयास री जिंदगी है उणरी । उणर सतायोड़ी अक छोरी ई म्हनें बम्बोई में मिली । जित्ते गुनगार न सजा नीं मिलै सूरज, वित्ते उणरा होंसला बधता रैवै । अर म्हें धारली हूं के म्हें उणन सजा जरूर हुंला । भलाईं म्हने जेळ जावणी पड़ै । की ईं व्हो, म्हें तो उणसू वदली लैवूंला इज—'वहै सकै लोग म्हने गेली कंवे, इणने म्हारी बेवकूफी, म्हारी नासमझी माने । छो मानता ! म्हें.....' अर सूरज देखी के सोम धीरे-धीरे आपी खोय रंयो है ।

सूरज सोचण लागी के देखी, आदमी र अंतस में किए गत दुख-दरद री पोटेल्पां छिप्योड़ी वहै ? कोई नीं जाणे । म्हने तो खैर थोड़ा दिन इज व्हिया है इण आदमी र सपरक में आयां न पण रतन अर निरमळा आद ती बरसां सूं इणन जाणे, वां लोगां ने ई इण बात री पती नीं । किए गत श्री इण आग न अंतस में दबायोड़ी राखी है । दीनू जेई नींच नै तो सबके सिखावणी इज चाइजी । म्हें सोम सूं सहमत हूं ।

सोम आपरी बात कैय'र चुप व्हेगी अर सूरज उणरी बात सुण'र चुप । कमरा में अक गरमीज्योड़ी सांयत पसरचोड़ी ही । उणी वगत सोम री मां कमरा में पग धरती बोली—'भाई काले बिलाड़ जायावी । काले उठावणी है । अक रात रुक जाइजी नै पिरसू दिवंगा पाछा वहीर वहै जाइजी ।'

सारदा र कमरा में आयां पछै कमरे मांय पसरचोड़ी अमूमर धीरे धीरे तूट्यो ही । सोम सावचेत व्हिया । उणर चैर सूं लखायो के बिलाड़ जावणी उणन कीं रुचियो नीं है । वो बोल्यो—'थं कंवी तो जाऊला परो, पण म्हारी इच्छा नीं है ।'

सारदा बोली—'नीं भई ! जीमण-चूटण में तो नीं जावां तो ईं सरजा, पण मीत-मरगत में तो जावणी इज पड़ै । कंई भगवानजी ?' भगवानजी कीं बोलै इणसू पैलीज वा बोली—'नीं गयो ती ध्यां राखजै, काले थारी मां मरगी तो कोई नीं आवैला, ही !' इत्ते कैय'र वा लिलाड़ माथे सळ घाल्यां पाछी मांयले कमरे में गई परी ।

उणरै जावतां ई सूरज ई ऊभी व्हेगी । सोम उण सांमी सवालिया निजर सूं देख्यो । सूरज बोल्थो—‘अब चालूँ ला । थारी बात सुण’र तो भेजो घुमगो है सोम ! थारै अंतस री पीड़ जरूर भारी है । दीतू जैड़ा आदमियां नै जरूर सजा मिलणी चाईजै । पण तू सजा देवण री ओ काम किए तरै सूं पूगी करैला, आ तो तू इज जाणै । जरूर इत्तो कंबूँला के इण काम में खुद नै बचाय’र राखणी जरूरी है । जोस में होस नौं गमावणा पड़ै ।

सोम मुळक’र बोल्थो—‘तू बेफिकर रै । इण मामलें में कीं बम्बई रा लोग ई म्हारै साथै है । जद इज तो इत्ता दिन लागा है, नीं तर जोस में आय’र तो ओ काम म्हें कद ई कर देवती ।’ इत्तो कैय’र वो सूरज नै खानगी देवण सारू ऊठ्यो ।

सूरज उठै सूं वहीर व्हेय’र मिनर्वा सिनेमा पूगी । रतन री बात उणरै दिमाग में हो के जद कदेई भेजो खराब व्हे जावै के अणूँतो परेसानी व्हे, उण बगत पक्कर में घुस जावणी । गई तीन घंटां री । आज गांव सूं उणरो मनिआर्ड’र ई आयो हो । ग्रेक होटल में खाणी खाय’र वो मिनर्वा आयो, उण बगत फिल्म छूटगी हो । भीड़ निकल रैयो हो । उगी बगत सूरज री निजर सांमी आवती भीड़ मांयनै ग्रेक चेरै माथै जमगी । ग्रेक पल रुक’र वो अवाज लगाई—‘मोहन !’

इण अवाज रै समचे सांमी सूं आवती भीड़ मांय सूं ग्रेक जणै रा पग धमगा । उणरै लारै आवती ग्रेक लुगाई ई रुक’र सूरज नै देखण लागी । ओ ओमा म्हगज री बेटी मोहन हो, आपरी लुगाई साथै । मोहन सूरज नै आळख’र हंसतो थकी सांमी आवती बोल्थो—‘अरे वा भगवानजी, वा ! ये जवरा मिळिया !’ कैय’र वो सूरज री हाथ पकड़’र ग्रेकानो सिरकतो बोल्थो—‘भीड़ है, अठौने आवोरा ।’

दूजै दिन दिवूँगा इज सूरज चाय-पांणी सूं निबड़’र सोम रै घरें पूगी । सोम री बात में अलूझ’र काले वो पुताई आळी री वावत पूछणी भूलगी । मोहन सूं मिळणै री राबर ई देवणी चावतो । घर रै वारै इज साग लेवण नै आवती सोम री मां मिळगी । सूरज नै देवतां इज बोली—‘ये ठीक आयगा सूरज भगवान ! थारै सूं ग्रेक काम हो’ ।

‘बोली वाई, कई काम है ?’ सूरज पूछ्यो ।

‘सारदा दरवाजे सूं ग्रेकानो व्हेय’र घीमै सीक बोलण लागी—‘देसी के सोम तो भवार इयारै री वस सूं विलाड़ जावैला परी । ये सिझ्यारा प्रेस सूं छूटियां पछै ग्रेक बार अठो आ जाइजो, नै व्हे सकै तो रतन नै ई लेता प्राइजो ।’

‘ठीक, सिझ्यारा सातेक बजियां ताईं म्है रतन रै साथै आ जावूँला ।’ सूरज हांकारो भरतो बोल्थो ।

‘वा जणै ।’ कैय’र सारदा तो साग लेवण सारू वहीर व्हेगी अर सूरज मांयनै पग धर्यो । सोम ग्रेक अटैची में साथै लेजावण जोग कपड़ा आद धरतो हो । सूरज जावतां ई पुताई आळी री वावत पूछ्यो । सोम पाखती रैवणियै ग्रेक छोरें नै बुलाय’र उण सूं बात

करवाय दी। पछे वो सोम नै मोहन रै मिललै री बात बताई। सोम उए नै कैयी के आ ती घणी चोखी बात है। म्हारै सँ उएनै मिलवाइजै। बाप सँ रूठोड़ी वेटी पाछी बाप सँ मिलजा ती डोकरी थारा गुण गावैला। मोहन थारै अर तारा बीचलै सबंधा में ई फयादैमंद व्हे सकै। तू उएसँ मेळ-मुलाकात करतो रईजै। पछे वो कैयी के म्है बिलाइ जा रैयी हूँ। काले सिझ्या ताई पाछी आवूँला। जित् तू अक चकारी अठी री ई लगाय लीजै। बाई रै कोई छोटी-मोटी काम व्हे ती.....'

'तू बेफिकर रै यार ! म्है किस्यो आगो रंघूँ। सूबै-साम आवूँला इज !' कैय'र वो उठै सँ वहीर व्हेगो। रस्ते में वो अक इज बात सोच रैयी हो के सिझ्यारा सोम री मां उएनै रतन समेत किए काम सारू बुलायी है ?

दोफार री दो बज्यां री डाक सँ सूरज नै तेजसिध री कागद मिलथी। सूरज लिफाफो फाड़'र कागद काढ़ बांचण लागी। ज्यू-ज्यू बांचती गयी त्यू-त्यू उएरा होस उडता रैया। कागद पूरो पढ़्यां पछे ई वो उएनै ज्यू री त्यू हाथ में लियां वेठी हो। वो ऊठ'र चुप-चाप प्रेस रै लारलै बारण सँ निकळगी। अक सिंधी री छोटी-सी चाय री होटल माथे जाय, चाय री ओडर दय'र पाछी कागद पढ़ण सारू काढ़ियो। खोल'र बांचण लागी—

'सूरज !

थारै जी सा सूर थारै राजी-खुसी रा समचार मिलगा हा। आं दिनां अठे अक अई घटना घटी है के थनै कागद लिखणी जरूरी व्हेगी। थनै काई लिखूँ, समझ में नीं आवै। तीनेक दिनां पैली तारा तड़काऊ रा निपटण सारू गी, जिकी पाछी आई कोनीं। आखी दिन म्हाराज गळी-गळी गालियां काढ़ता फिरिया। र'वळै सवार रा ई पूगगा हा, म्है म्हाराज रै सांमीज तारा नै सोधण सारू निवळगी। काळू भांबी सँ कीं पती लागी। काळू री बात सुण'र म्हारी हालत खराब व्हेगी, जाणै कोई म्हारी खून निचोय लियो। काळू कैयी के तारा नै गायब करण में म्हारा बडा भाई जोधजी री हाथ है अर तारा सैताना री ढांणीं में लांध सकै, खेती लेगी व्हेला। उए बगत खासी अंधारी हो। काळू री बात सुण म्है ठाकर सा कनै पूगो। ठाकर सा सुण'र चित्राम व्हेगा। पछे बोल्या के तू पुलिस लैय'र ढांणी पूग, म्है जोधा नै देखूँला।

म्है पुलिस री मारफत तारा नै हांसिल करली सूरज, पण उए बगत उएरी हालत खराब ही। साफ दीखती के इएरै साथै निरसंस तरीकै सँ बलात्कार ब्हियो है। तारा री हालत देख'र म्हारी आंख्यां में पांणी आयगी अर म्है सोच्यो के म्हाराज री काई हालत व्हेला। खेता रै हथकड़ियां पड़गी। सिझ्या ताई म्है अस्पताळ अर थांणी सँ निवड़ तारा नै लय'र गांव पूगो। ठा पड़ी के ठाकर सा जोधसिध माथे गोळी चलाय दी। गोळी पूठ में खंवे माथे लागी, ती ई जोधजी न्हाटगा है।

पुलिस जोधजी री तलास में है। ठाकर सा उदास व्हेय'र आपरै कमरे में बंद व्हेगा है। वां री कैवणी है के जोधसिध गांव री इज बामण री वेटी माथे हाथ घाल'र ठिकांणी री नाक कटवाय दी। गांव में मूंडी देखावण जोगा नीं राखिया। म्हनै ती जोधजी

माथे अणू तो इज क्रोध आ रंयो है। म्है थनै काई जवाब हूं, बता? जोधजो नै सजा मिलेगी इज चईजै।

दो दिन म्हारा इण परेसानी में कटगा के थनै काई लिखूं? कीकर लिखूं? सेवट आज हिम्मत कर सगळी बात लिख दी हूं। गांव री वातावरण खराब है। अवार थनै अठे आवण री नीं लिखूंला। थूं पाछी ठंडे दिमाग सूं सोच समझेर कागद जरूर लिखजै। व्हैगी जिएन नकारीजै कोनी। अब काई व्है सकै, इण माथे विचार करजै।

म्है थारै कागद री बाट उडीकूं हूं।

थारी
तेजसिध'

हूजी बार कागद बाच्यां पछे ई उणारी जीव ठिकारो नीं हो। वो प्रेम आयर मोवन जी फीरमेन नै कैयो के वो जा रंयो है। बाबूजी पछे तो कं दोजी के अंक जरूरी काम हो; इण वास्तै सूरज बाबू गया परा। अब आज पाछा नीं आवंला। अर वो अंक किराये री साइकिल लैय'र निकळगो।

पछे प्रेस सूं वो रतन री कपड़ा री दुकान माथे पूगी अर उणनै सगळी बात बताई। रतन कैयो के अवार तो नैठाव राखण रै अलावा कोई रस्ती नीं है। गांव जावणी ठीक नीं रैवैला। हूजी बात तारा रै बारै में थनै नैठाव सूं सोचणी चाइजै। थान तो काबळ इज व्हो है। परा व्हैगी जिएरी काई कियो जा भकै। उणी वगत सूरज रतन नै कैयो के सिझ्यारों सोम रै घरै चालणी है, वाई बुलाया है।

रतन सूं मिळयां पछे ई सूरज आ ते नीं कर सकयो के अब वो काई करे? सोम अठे है कोनी। अर उणनै स्यामा री ध्यान प्रायो। उठे सूं वो साइकिल माथे स्यामा रै घर कानी वहीर व्हियो।

वो स्यामा रै घरै पूगी उण वगत वा कठई जावण री तयारी करती हो। सूरज नै देखतां ई वा उणनै बैठण री कैयार आवण री कारण पूछयो। सूरज गांव री बात सुणावण लागी अर स्यामा आपरी चोटी भूथती सुणती रंयो। इणी विचारळ नोकराणी आय'र कैयगी के वेगा निवड़ी, वाईजी बाट जोवै है। सूरज री पूरी बात सुण'र स्यामा बोली—'आ तो भूँडी व्हो सूरज बाबू! म्हाराज नै ओ सदमी भेलणी भागे पड़ैला। तारा ई इण सदमै नै राम जाणै कीकर बरदास करैला। म्हारी समझ में तो थानै अंक बार गांव री चक्कर लगाव लैवणी चाइजै। फिर सोम आद री राय लै लीजो।'

अठे आय'र बात पाछी उलझणी ही। रतन कैयो के गांव जावणी ठीक नीं रैवैला अर आ कैवै के म्हनै गांव जावणी चाइजै। अब तो सोम री राय लेवणी बाकी है। इण विचारळ उणरी निजर बराबर स्यामा माथे जम्बोड़ी ही। स्यामा सजण-सवरण में लागोड़ी ही। जाणै किण कारण सूरज वैठी-वैठी मनोमन तारा अर स्यामा री तुलना करण लागणी। स्यामा थोड़ी दूबळी अर सावली जरूर है, परा की फैसन मे वत्ती आंटीज्योड़ी है। नाक नकस चोखा इज है। तारा की खूबसूरत वत्ती है, उणनै देखियां जिकी नसो चढ़े, या बात

इंणमें कोनीं । पणं हिसाब सूं आ उणंमूं इक्कीस है । कंवारी है, न्यात री है अर पंसावाळी है । जी सा ई देख लिवी अर वारें दाय आयोड़ी है । कीं खुड़की ई कोनीं.....'किण विचार में ही वावू साब ?' स्यामा री सवाल सुण सूरज चेतन ब्हयो ।

उणरै मूं डै सूं निकळ्यो—'हैं ?'

स्यामा हंस'र बोली—'हैं क्याणी ! म्हनै बाईजी रै साथै जावणी है ।' केय'र सेंडल पैरती बोली—'किण विचारां में ही ?'

सूरज सोफा माथै सूं ऊठती बोल्थी—'अक अजीब बात दिमाग में आयगी ही ।'

स्यामा काच में देख'र रुमाल सूं चैरा री पाउडर हळकी करती बोली—'वा कईं बात ?'

सूरज बारी कानी मूं डी फेर अटकती बोल्थी—'म्हैं....म्है थारी अर तारा री तुलना करण लागी ही ।'

स्यामा उण कानी मूं डी घुमाय'र बोली—'के दोनों मांय सूं ठीक की रैवैला, यू ?'

सूरज भट स्यामा कानी घूमती बोल्थी—'हां, कीं अंडीज बात ।' पण स्यामा री लिलाड़ माथै सळ अर तीखी टंटोळती निजर देख'र सकपकायगी ।

स्यामा अक भीणी मुळक साथै 'हूं' केय'र माथी हिलावती अर दरवाज कानी पग धरती बोली—'फेर आछी तरै सूं तुलना कर लीजी । पछे नैठाव सूं बात करांला । अवार ती जल्दी में हूं ।'

सूरज स्यामा री उंतावळ देख'र वहीर व्हेती बोल्थी—'ठीक जणै, चालूं म्हैं ।' इत्ती केय'र बारै आयगी ।

उठै सूं साइकिल लेय'र वहीर व्हियां पछे वो सोचण लागी के अवै कांई करूं ? कठी जावूं ? अर पछे वो प्रेस कानी रवाने ब्हयो । छुट्टी री वगत ब्हैवण आयी है, पण अक चक्कर लगाय लेवणी चाईजै । हां, स्यामा अर तारा ने लेय'र बात पाछी सोचणी पड़ैला । पण अँ सोम अर रतन आद कईं सोचैला ? खैर, देखी कांईं व्हे ? गांठ ती अक माथै अक लागती जा रैयी है ।

सिझ्यारा बगती बगत सूरज, रतन अर निरमळा सोम रं घरे भेळा व्हिया । रतन कीं म्हताऊ बात समभर निरमळा ने साथे लायी । निरमळा ने देख'र सारदा बोली—'आं चोखी व्हियो, निरमळा वेटी आयगी ।'

सगळां री सोम वाळी कमरे में बैठक जमी । रतन अर सूरज मुहुं माथे जमगा । सारदा अर निरमळा माचा माथे । सगळां रं बैठतां ईं रतन बोल्की—'हां, वाई ! बोली कीकर बुनाया ?'

सारदा पग माचा माथे लैय'र भीत री स्वारी लेवती बोली—'बुलाया यूं भई, के म्हें थां लोगां रा टावरपणां सूं दुखी व्हेगी हूं ।'

'क्यूं, अंडी की टावरपणा वाळी बात ?' रतन पूछ्यो इज ।

सारदा बोली—'अक व्हे तो बताऊ । सोम ग्यात-जात छोट'र निरमळा सूं व्याव री तेवडी है । सूरज बाबू री सुणी, ती आं रं बोई सोम जंडी चवकर । थारी तारीफ ईं सुन सुणी हूं । अरे थे लोग कदै सुधरीला ? सीधा चालतां चालतां थे लोग रस्ती बदळ दी ।'

सारदा री बात सुण'र तीनां रा चैरा 'फक' व्हेगा हा । आ उम्मीद नीं ही के सूं भडती लिरीज जावैला । निरमळा ईं सारदा रं नैडी भीत री स्वारी लेय'र बोले की बोली—'आ चालता-चालता रस्ती बदळण वाळी किसी बात वाई ?'

सारदा उणी बगत निरमळा माथे हाथ फेर'र बोली—'यूं जीव छोटी परे जंडी बात कोनी वेटी । म्हें थारं अर सोम रं व्याव करण री बात सूं नाराज नी हूं । थूं तो व्याव सूं पैलीज म्हारै काळजै री कोर है । पण सोम री गैलाई सूं परेसान हूं ।'

'गैलाई ?' निरमळा कीं सवालिया निजर सूं सारदा कानी देव्यो । उणनें अनरज व्हे रैयो हो के हमेंस वेटा री तारीफां करणाळी आज यूं कीकर बोल रैयो है ?

सारदा अक निसांस न्हांक'र बोली—'थाने ठा इज है, सोम लारला दो-तीन बरमां में बम्बोई रा तीनेक बार चकारा लगाय लिया, पण कोई न आ नीं बताई के क्यूं गयो ? अब दिवाळी पछै फेर जावैला, अर कोई नीं जाणै के क्यूं जावैला ?'

रतन कैयो—'म्हां लोग पूछण में कीं कसर नीं राखी वाई ! आप भलाई निरमळा ने पूछली । अब वीं कीं बतावै इज नीं, जिणारी ती कंडे इलाज ?'

'हूं' कर उठती थकी सारदा बोली—'यूं करूं, म्हें चाय बणाय'र लाबूं जित्ते सूरज बाबू थाने बताय दैला के सोम री बम्बोड में की हेमांणी गडियोड़ी है ।' अर सूरज कानी देख'र मुळकण लागी ।

सूरज ने लखायो के वो जव्वर फसगी है । उणरै मूंडे सूं बोल नीं निकळया अर

‘म्है-म्है’ करण लागी । सारदा मांयलें कमरें में पग धरती रुक’र बोली—‘हां, थं । थानें तो वो सब कुछ बताय चुकी है ।’ कैय’र गई परी ।

रतन अर निरमळा पैली तो अक-दूजे री मूंडी देख्यो अर पछै सूरज कांनी देखण लागा । वारें चैरें माथे अचरज रा भाव जरूर हा के सूरज नै कीकर ठा पडो अर श्री म्हानें असल बात थू नो बताई ? पछै सूरज सगळी बात सोम सून सुणी जिकी बताय दी । दीनू पटेल सून बदळ री बात सुण’र दोनू भाई-बैन काठ रा व्हेगा । निरमळा सोचण लागी कै सोम कित्ती पीड़ छिपाई है । व्याव री अमली रुकावट तो आईज है । अर उणनै व्याव री वावत सोम री कठमठाट अर बम्बोई सून आया पछै री बात समझ में आयगी । पण आ बदळ री भावनां तो अनिष्ठकारी है । रतन सोच्यो कै उणनै कंई करणी चाईजै ? आ तो खतरनाक बात व्हेगी । सोम बम्बोई जेडें सैर में दीनू जेडें ऊंच दरजें रै वदमास सून हरगिज नो निपट सकै । चाहे छानें जावूं या चवडै, म्हनै सोम रै साथै जावणी चईजै । उणी वगत सारदा चाय लेय’र आयगी । कमरें री चुप्पी देख’र समझगी के बात खुलगी है । वा टेवन माथे ट्रे धरती बोली ‘सुण ली ?’

रतन अक लांबी उसांस खोंच’र बोली—‘हां, सुणली ।’

सारदा अक-अक कर चाय झिलावती बोली—अवे बताओ, श्री है के नो गैलपणो । इण बदळ सून कंई हांसिल व्हेणी है । बदळी भगवान लेवैला ? थारी कंई हस्ती है ? आगे ई म्हारी काळजो बाळ’र तीन-तीन वार बम्बोई जा चुकी है । पण सोम अर दीनू बिच्चै लुक-मीचणी री खेल चल रैयी है । मालिक री मरजी बिना पत्ती नो हिलै । पण थी लोग भगवान नै मानो कठै ? नै म्हारी बात आज सुण लीजो । वो तीन लोक री धणी सँग देख रैयी है । जिएनै जिको सजा देवणी व्हेला, वो खुद देवैला । अर जे उण पापी नै सोम रै हाथ सून सजा मिलणी व्हेला, तो वा व्हेला । केयर वा माचा माथे बैठ चाय पीवख लागी ।

सूरज बरोबर सारदा माथे निजर जमायां हो । उणनै लागी के वाई जाणें इण बात सून खुद नै अक थोथी थ्यावस देवण री कोसीस कर रैयी है । मांवी मांय जाणें आ सिळग रैयी है । वो कीं सोच’र बोली—‘वाई ! आप बतावो के देखती आख्यां माखी गिट जावणी चईजै कंई ।’

सारदा उणरी आख्यां में आख्यां गडाय’र बोली—‘कर कंई सकां ?’

रतन झट बोली—‘म्है सोम रै साथै बम्बोई जावण री सोची ह । वो साथै नो लेजाई तो म्है छानें जावूंला । पण जावूंला जरूर ।’

सारदा कप माचा नीचे सिरकावती बोली—‘म्है थनै इण वारतें इज बुलायो हो । पछै साडी रै पल्लै सून कीं सुपारी रा किरचा काढ’र टाबरां में बांट्या । अक खुद रै मूंडें में

म्हाकयी अर वच्योड़ी फेर निरमळा नै देवती बोली—'अव्वल तो इत्ती नौवत इज नीं आवैला के कोई नै बम्बोई जावणी पड़ै । अर जे भगवान री आ इज इच्छा व्ही तो यनै सोम सून अक दिन पैली बम्बोई पूगणी पड़ैला रतन !' नै पछै वा रतन नै आपरी बात समझावण लागी ।

सारदा री वातां सुण'र सूरज नै लखायी के आ डांकरी घणी तेज है । सगळी बात नै किरण तरीकें सून परोट रैयी है, आ तारीफ री बात है । वेटी अक भारी खतरै सून झुक्कण री तैयारी कर रैयी है अर आ...हृद है ! आखी उमर मुगीवतां सून बायेड़ी नेवती रैयी, जदै इज इण वगत इत्तै धीजै सून वगत साथें मुकावले री तैयारी कर रैयी है । अर म्है अंही अवळी वगत में आं लोगां रै कीं काम नीं आ सकूँ । अठै ती खुद री कुत्ती ई कादा में फस्योड़ी है । निरमळा रै दिमाग में सारदा री अक इज बात बार-बार छठती के 'अव्वल तो कोई रै बम्बोई जावण री नौवत इज नीं आवैला ।' इण बात री कांई मतलब है ?

वातचीत खतम व्हियां पछै रतन अर निरमळा तो वहीर व्हेगा, पण सूरज नै सारदा आ कैय'र रोक लियी के सोम है कोनीं, म्है अकली व्हे जाऊला । वो अठै इज जीम'र सोय सकै । अर सूरज रुकगी ।

दूजै दिन सोम पाछी आयगी । सूरज उणनै तेजसिध आळी कागद पढ़वाय दियो । सोम उणनै राय दी के वो पाछी तेजसिध नै कागद दै अर समचार मंगवाई के अवे म्हराज अर तारा री कैड़ी मनस्थिति है ? उणरै जावण सून कीं फरक नीं पड़ैला । हां, इण वगत जे म्हराज आळै मोहन नै गांव भेज सकां तो ठीक रैवेला । मोहन नै म्हारे सून मिळवाइजै ।

दिवाली आडा फगत दोय दिन । इण विचाळै सूरज अर सोम सावळ समझाय'र मोहन नै बाप कनै भेज दियो ही । उणनै समझाय दियो के व्है सकै जठै ताईं म्हराज नै अठै लेती आइजै । अठै आयां पछै वांनै कोई दुकानड़ी के नौकरी लगवाय देवांळा । ताराई मैणत-मजूरी कर सकै । आज दोफार री डाक सूं सोम नै अक रजिस्टर्ड लिफाफी बम्बई सूं आयोड़ी मिलियो । सोम उणी बगत स्कूल सूं आयी इज ही । वी कागद बांच'र अचंभै में पड़गी । उणनै विस्वास नीं ही के कागद में लिख्योड़ी बात सांची व्है सकै । पछै वी की पल सोच'र सारदा नै आवाज दी—'बाई !'

सारदा कमरै में आय'र बोली—'कई कंवी भई ?'

सोम उणनै बैठण री इसारी कियो अर वा माचै माथै बैठगी । उणरै बैठै पछै सोम हाथ मांयली कागद बतावती बोल्या—'बम्बई सूं यसवंत री कागद आयी है । थै जीतगा । थारी भगवान दीनू नै सजा दै दी है । अक अक्सीडेंट में उणारा दोनू पग बेकार व्हेगा ।'

सारदा की राजी व्हेय'र बोली — 'पापी कटियो ! म्हे थनै कई कंयो, म्हारो सांवरियो सब देख रैयो है । देखल पापी नै उणरै पाप री सजा मिलगी । थारै बम्बोई जावण री रगड़ी मिटियो । निरमळा आद नै समाचार दै दीजै । सगळा पूछै के बम्बोई सोम घड़ी-घड़ी क्यूं जावै ? म्हें काई जवाब दू ?'

सोम हांकागे भर उठै सूं बहीर व्हेगी अर सिझ्या ताईं सगळां नै इण बात री खबर पड़गी । सिझ्यारा सगळा सोम रै घरै भेळा व्हिया—रतन, सूरज, निरमळा अर स्यामा । सोम सगळां नै बम्बई रा समचार सुणाया । सगळां नै अक इज सिकायत ही के सोम इत्ती बड़ी बात क्यूं छिपाई ? अर सारदा री कैवली ही के भगवान माथै विस्वास राखणी चाइजै । निरमळा सांचती ही के इण बात में जहर सोम री मां की खास बात छिपा रैयो है । कागद तो बम्बई सूं अब आयी है । आ पेलीज कैवती के कोई नै बम्बई जावण री नौबत नीं आवेला । की ईं व्ही, हाल दिवाली री त्यूंवार तो राजी-खुसी मनीजैला । इण समचार सूं सगळा ई प्रसन्न हा । अठी-उठी सूं सुणीजती पटाखां री आवाज मन में उमावौ उपजावती ।

इण सगळी बात पछै सारदा बेटा नै कंयो के अब उणनै निरमळा सूं व्याव रै वारै में फुरती बरतणी चाइजै । इण बात नै सगळा ई अकमत व्हेय'र स्वीकारी । पछै कीकर, काई अर कद व्हेणी चाइजै इण माथै सगळा आप-आप री राय-देवण लागा ।

धन-तेरस रै दिन सूरज नै गांव सूं मोहन री चिट्ठी मिंळी के वी दोनू बाप-बेटो नै लैय'र दूजै दिन जोधपुर पूग रैयो है । सूरज इण समचार सूं घणी राजी व्हियो अर सोम, रतन आद सगळां नै आ खबर सुणावती फिरियो के काले ओमा म्हराज आ रैया है । सोम उणनै समझायो के म्हराज सूं मिलणी री इत्ती उंतावळ मत करजै । वांरी मनगत आछी तरै समझ'र वारै सांमी जाइजै ।

दिवाली पछै रांमा-स्यामा रै दिन सूरज, सोम, निरमळा, रतन अर स्यामा सगळा जणा मोहन रै साथ उणरै घरै पूगा । अके छोटा-साक कमरा में म्हराज बैठा चिलम पीवता

हा, पाखती इज वैठी तारा साग विधारती ही। भाई रे साथे दूजा लोगों री बोली गुण वा वारै भाई अर सूरज साथे निजर पड़तां इज अकर ती वा उराने देखती इज रेगी। पछे भट दौड़'र मांयन गई परी। मोहन जद सगळां रे साथे कमरा में पूगी, उण वगत तंगई तारा दरी विछाय'र रसोई में घुमगी। सगळा जणा म्हगज सूं जंगम जी री करी। म्हराज अक-अक री सूरत देखण लागा अर जद सूरज न देखी तो डोकरा भट राजी व्हय'र मुद दरी साथे वंठता बोल्या—'अरे वा भगवान जी वा ! भगवान थाने हजारो उमर दे। म्हने मोवन कैयी हौ के उराने गांव रा सगळा समचार थां सूं इज मिळिया। देख वेटा जी, थारे अठे आयों पछे म्हां बाप-वेटी साथे कड़ा जुलम व्हिया है। कोई न मुंडी देवावण जोगा नीं रया। स्यात म्हें थारे आडो आयो इण वास्तै इज भोळानाथ म्हने ओ दुख दियो।' इत्तो कैय'र म्हराज कांधे पड़िये अंगोछे सूं आख्यां पूछण लागा।

पछे म्हराज गांव री आपरी सगळी वातां वां लोगों न विगतवार सुणार्त मूरज आपरें साथे आयोड़ा लोगों सूं ओळखाण करवाई। म्हगज वां सगळा मूं मिळ'र घणा राजो व्हिया। आखीर में वै सूरज न कैयो—'अवै तो म्हें थारे वन आयगो हूं। अवै म्हे थारी इच्छा रं आडो नीं आबू'ला। थां लोगों न ठीक दीखे ज्यूं करी।'

अक दिन सूरज प्रेस में वैठी अक फोन री इंतजार करती हो। इथारें बजियां फोन आयी। फोन रतन री हो। रतन बोल्थी—'हल्ली ! सरज ?'

'हां, भाई !'

'निरमळा री कचेड़ी में व्याव व्हेगी है। अठे खासा लोग माळावां लियां आयगा है, बघाई देवण नै !'

'म्हें ई आजाबू ?'

'हां, पण फोन बाबूजी नै दे दे अर कीं रुकजै। स्यात् वै ई कचेड़ी आवणी चायें।'

'ठीक ! म्हे फोन बाबूजी नै दे रंयो हूं। इत्तो कय'र वो किरपाराम जी नै फोन देवती बोल्थी—'लौ सा रतन रौ फोन है।'

सेठजी फोन लैय'र बोल्या—'हेली ?' अर फोन सुण'र जोर सूं बोल्या—'कईं बकै है ? होस में ती है ?'

सूरज देखी के सेठजी री चैरी तमतमायगो है अर वै फोन सुणता-सुणता इज राती-चोल आख्यां सूं सूरज कांनी देखण लागा ? पछे फोन नै जोर सूं पाछी घरता कूवया—'सेटाप ?' अर सूरज कांनी देख'र पूछयो—'थाने सगळी वात मालुम ही ?'

सूरज घांटी हिलाय'र हांकारौ भरचौ । पछै धीरे सीक बोल्या—'म्है जाऊं ?'

सेठजी बोल्या— ठीक है पधारौ ! परण सुणौ, पाछौ अठै आवण री जरूरत नीं है । कोई म्हारै सूं नीं मिलैलां । सब आप आपरी म'जी सूं काम काज कर रैया है । म्हनै धी सब लोग मिल'र घोकी दियो हौ । आउट !' सेठजी इत्ता जोर सूं बोल्या के प्रेस रा केई करमचारी ऑफिस में आयगा । सूरज उणी बगत बारै निकळगौ ।

इण ब्याव री खबर हवा व्है ज्यूं आखै सैर में पसरगी ही । सूरज प्रेस सूं नीचै उतर कचेड़ी कांती मूंडौ घुमायो । वो स्टेडियम आउड नैड़ी पूगो के ऊणी बगत स्यामा री फूलों सूं सज्योड़ी कार आवती दोसी । सूरज हाथ ऊंचौ कियो अर कार नैड़ी आय'र रुकगी । कार में बीद-बीदणी रै अलावा रतन, स्यामा मोहन अर तारा ई बैठा हा । सूरज भींचा-भींच में तारा रै कनै इज बैठगौ । कार आगै बधी । प्रेस रै नीचै इज सेठजी ऊभा हा । कार वां रै कनै जाय'र रुकी । सोम अर निरमळा बारै आय'र सेठजी कनै पूगा । ऊपर वारी मांय सूं कीं प्रेस करमचारी मूंडा काढ्यां देख रैया हा । सोम अर निरमळा तसलीम करी ।

सेठजी दोनों रै मोरां माथै हाथ धर नाराजगी सूं बोल्या—'बस बस ! सड़क माथै नाटक नईं । घरें आज अवार मत जाईजो । पछै म्है कंवूं जद जाईजो । परण थै औ चोखी काम नीं कियो सोम बाबू !' ईत्ती केय'र खुद री आगळी सूं हीरा री अंगूठी काढ'र सोम री आंगळी में पेराय दी । जेव सूं कीं रिपिया काढ'र बेटी नै दिया अर उठै सूं चुपचाप वहीर व्हेगा । कीं आगै गयां पछै सेठजी रुमाल काढ'र आंख्यां पूछी ।

ऊणी बगत कार में ड्राइवर री सीट माथै बैठी स्यामा सूरज नै छेड़चौ—'हां सूरज बाबू ! अबै ती म्हां दोनूं आपरै सांमी हां, तुलना कर लीजौ !'

सूरज चोर निजर सूं मोहन कानी देख'र तारा री हाथ आपरै हाथ में लैय'र बोल्या—'कर ली तुलना !'

स्यामा चट बोली—'स्यावास !'

उणी बगत सोम अर निरमळा कार में आय बैठा अर कार आगै बधगी ।



राजस्थानी भाषा साहित्य संगम (अकादमी) बीकानेर

रा

प्र का श न

नाम पुस्तक	विधा	लेखक	मूल्य
प्रेतात्मा री प्रीत	(कहाणी)	श्री दामोदर प्रसाद शर्मा	५-५०
रोहिडै रा फूल	(व्यंगात्मक निबंध)	डा. मनोहर शर्मा	५-३५
हांस्या हरि मिले	(हास्य)	श्री नृसिंहराज पुरोहित	७-५०
जोग संजोग	(उपन्यास)	श्री यादवेन्द्र शर्मा 'चन्द्र'	७-२५
अटारवां	(रेखाचित्र)	डा. व्रजनारायण पुरोहित	५-७५
आदमी रो सींग	(कहाणी)	श्री कटणीदान वारहठ	३-००
अक बीनणी दो बीन	(उपन्यास)	श्री श्रीलाल नथमल जोशी	८-३०
राजस्थानी साहित्यकार			
परिचय कोस	(परिचय ग्रंथ)	सं. श्री रावत सारथ्यत	७-७५
सोनल भींग	(लघु कथायें)	डॉ. मनोहर शर्मा	७-००
काळ भैरवी	(लघु उपन्यास)	श्री रामनिवास शर्मा	७-४०
हंस करे निगराणी	(काव्य संग्रह)	श्री सत्येन जोशी	७-५०
राजस्थानी साहित्य री समीक्षा	(जा. जो)	सं. डा. मनोहर शर्मा	८-००
राजस्थानी कहाणी संग्रह	(जा. जो)	सं. रामेश्वरदयाल श्रीमाळी	८-५०
राजस्थानी निबन्ध माळा	(जा. जो)	सं. डा. मनोहर शर्मा	८-००
सरवर सूरज अर सिज्या		श्री प्रेमजी 'प्रेम'	प्रकाशय

सम्पर्क—

राजस्थानी भाषा साहित्य संगम (अकादमी)

नागरी भंडार, बीकानेर ।

आपरा कागद

तेज जी,

‘जागती जोत’ री जुलाई अंक देख्यो, ठीक लागी, पण लेखकां रा परिचय देवण री लकब बिलकुल दाय नीं आई। ओ तरीकी घणो हळकी, परिचय हमेसां ईं तथ्यात्मक होवणो चाहीजे। अंडी नाटकीयता भी कांईं काम री, जिकी भांडाई ज्यूं लागे। थाने कीं बरसां पछे आ वात मैसूस होवैला, वुगे मत मानजो।

डॉ० नारायण सिध भाटी. जोधपुर

भाई जोधा जी,

जुलाई अंक पढीजण में आयो। आछो लाग्यो। इस अंक रा लिखारा पढ़ण सारू मंत्र हुयो। परिचं री नवी दोठ सांगोपांग। कलम बघती रैवं। नरसिध राजपुरोहित री बरखा बहार आईं अर नंद भारद्वाज री ‘परख’ आछी लागी।

—सिवराज छंगारो, बीकानेर

जोधा,

‘जागती जोत’ रा अंकां ले सासिक होयों पछे बरोबर बांच्या हूं। पारस अरोड़ा री उपन्यास ‘खुलती गांठां’ बढ़िया लागे। कथा रा तागा पारस जो खूब सावचेती सू फेलावे अर संवेटे। म्हने ती वे कवी करतां ईं उपन्यासकार ज्यादा सफल लागे। गोरधन सिध सेखावत री ‘खुद सू खुद री बातां’ भी जोरदार हे, पण कठई कठई कविता री कसाव थोड़ी ढीली पड़ियोड़ी लागे, स्यात कविता लांबी होवण री वजह सू आ वात हुवे।

—रमेश कुमार, जयपुर

भाई,

‘जागती जोत’ रा अंक मिल्यो अर पूठे रा चितरामों री महनतांनी भी। इचरज हुयो के महनतांनी भी देवो, पण अच्छो लाग्यो। सम्पादन बढ़िया रह्यो, म्हारी बधाई।

—सुमहेन्द्र, जयपुर

संक्षेप

आपां ने राजस्थानी भासा, साहित, इतिहास अर जीवन सँ गाढ़सगाढ़ी अर जड़ीजड़ अकमेक व्हेणी है । उणरा सगला सीगां सैलंग देतणी है । जिए दिन अठा रा मानसा री भाग अर भदिस भासा री ऊँडी आंटी भिलर आपां गुडै फलापरणी सरु व्हेला, उण दिन आपां री रचनासां नाचण जोगी व्हेला अर आपां रा छाप सिर-आस्थां लेवण बीगा । राजस्थानी लिखारी व्हियां, व्हेगी, खुद री गती अर नीयती नै ओलखी । ओलखी के आपां कठ-कठ सूटगा हां, कठ-कठ छूटगा हां, अर इतिहास री कँडो दायित अर तोभ आपां रँ मार्ये : —जोध

["जाजनी जोन" संप्रति १९७७ रा सम्पादन]

मुद्रण : माहेस्वरी प्रिंटिंग प्रेस बीकानेर सारु साधना प्रेस जोधपुर मे छपी ।

जागती जात


राजस्थानी भाषा साहित्य संगम ही मासिक

सम्पादक

डॉ० कन्हैयालाल शर्मा



अप्रैल
१९७८



अंक २

जागती जोत

राजस्थानी भाषा साहित्य संगम रौ मासिक

अप्रैल १९७८

सम्पादक
डा० कन्हैयालाल शर्मा

बरस : ६

अंक : २

बरस रौ मौल : १२ रिपिया

इए अंक रौ मोल : सवा रिपिया


रियायती मोल : ८ रिपिया

प्रकासक

राजस्थानी भाषा साहित्य संगम, (अकादमी)
बीकानेर [राजस्थान]

संग्रह

सम्पादकोय	—	१
सरवनास रो निरत	रावत सारस्वत	५
हेजळा आखर	चन्द्रप्रकाश देवल	७
हवा रे सागं	चन्द्रकान्ता सरमा	६
श्रेक च्यूंठी तावडी	रामस्वयम्भ 'परेण'	११
राजस्थानी गजल	प्रेमजी प्रेम	१२
चालतोई चाल	वानु आचार्य	१३
अळगं ऊंचं भाखरियं	कल्याण गोतम	१५
गीत	कृष्ण कल्पिन	१७
छानं-छानं	मोर पांग	१८
सांस बदलं	वस्तीमन मोनंशी	१६
प्रकृति की दो जकिनया	नरोत्तमदास ग्यामी	२१
वापूरं सपनां रा गांव	षजुनसिंह देमावन	२३
राजस्थानी जीवण अर गणगीर	डा० प्रतापसिंह राठी	३८
राजस्थानी ह्यातां	कृष्ण मोहनोत	३३
गूंगळी	चेतन स्वामी	३७
सावली अर लूगटो	विक्रमसिंह मोनंकी	४०
भैकपोडा पगन्या	डा० मनमोहन स्वयम्भ माथुर	४६
ऋभुगण	प्रो० भूपतिराम माकरिदा	५०
टूटतो जूडतो टापरो	नन्द किशोर चतुर्वेदी	५२
सकर म्हाराज	मनोहरसिंह राठी	५६
म्हे भी बड़ा आदमी हां जो !	उमाचरण महमिया	५६
कागद ! चौराया रो राणी रो		
सडक रे सहजादे रे नाव !	त्रिलोक गोयल	६२
समीक्षा—	डा० ईश्वरानन्द शर्मा	६६
हस करे निगराणी		



कसी भी भाषा की महत्ता ईमें कोईन क वा घणी पुराणी छै अर ईमें भी कोईन क अतीत में ऊमें घणू सारो साहित्य लिख्यो ग्यो छै; ऊंकी सांची महत्ता तो ईमें छै क आज का फैलता ग्यान-विग्यान का विषयां में ऊमें कतनी चरचा अर सरजण होवै छै अर कतनी समरथताई अर सुगढ़ताई सूं वा वाईं परगट करै छै । ऊंका शब्द-भंडार पर नजर जाता ईं या बात आसानी सूं तोल पड़ जावै छै क ऊमें कतना नुया-पुराणा विषयां पे लिख्यो ग्यो छै अर समय कै लारां चालबा अर बदलबा की क्षमता ऊमें कतनी छै ।

राजस्थानी देस की वां भाषां की कतार में रखी जावै छै ज्यांको अतीत शानदार छै अर ज्यांमें सरजण आज ताई बराबर होतो रघो छै । रोजीना काम आवा हाळी चीजां सूं लेर ठेठ आध्यात्मिक विषयां का शब्द राजस्थानी में मल जावंगा; राज-दरबार, लड़ाई, बोपार, साहित्य-शास्त्र आदि विषयां का शब्दां की तो ऊमें असी भरमार छै क देखतां ईं बगै छै अर धरम, संस्कार-जस्या विषयां पे भी घणांसारा शब्द मलैगा ।

पण आज की दुनियां ऊ दुनियां सूं तेजी सूं दूर होती जा री छै ज्या राजस्थानी साहित्य में मलै छै । ईंसू दुनियां की समरथ-सू-समरथ भाषा भी आपणां पांगलापण को अनुभव करबा लागी छै । आज का सचार-साधना सूं दुनियां छोटी होती जा री छै अर बड़ा-सा समाज को रूप लेती जा री छै—अस्या समाज को रूप लेती जारी छै जीमें अनेकरूपता छै । अब कोई भी भाषा आपणां गण्ठा-गूठ्या शब्दां सूं आज का आम आदमी को जहूरतां तक न पूरी न कर सकै तो खास आदमी की तो बात ई न्याळी छै । आम आदमी का मन कै ताईं अतना नुया-नुया विषय घेर्यां ऊवा छै जे फैली का आम आदमी कै सामं खदीं न आया छा; खास आदमी को विचार-जगत तो कतई बदल गयो ।

असी घड़ी हिन्दी के सामें भी आई छी । ऊन तो घणी जागरूकता सँ काम लेर ई समस्या को हल हेर ल्यो । एक आड़ी तो ऊन संसार की भाषा का शब्दां वेई आपणां दरवाजा खोल द्या अर दूजी आड़ी संस्कृत-जसी लोटी अर विकसित भाषा सँ जुड़ गी । आपणां घर में ऊंको मान अस्यां करवा लाग गी जाएँ वा घर-घर्याणी होवें, वूढी दादी न । ई सँ आपणां घर में अर वारें हिन्दी को महत्व घट्यो कीईनै; बध्यो ई छे । हिन्दी में संस्कृत को मान सम्मान सँ होयो क जद देस में सांस्कृतिक पुनरुत्थान की चेतना जागी छी ऊं समय हिन्दी का लेखकां न संस्कृत शब्दां को प्रयोग तेजी सँ सुरू कर द्यो अर वै ऊंकी चिन्ता-धारां सँ जुड़ ग्या । संस्कृत-जसी वैज्ञानिक भाषा का मलबा सँ घणासारा साहित्य, संगीत, ग्यान-विज्ञान का शब्द तो मल ई ग्या, ऊंकी व्याकरण की व्यवस्था सँ नुया शब्द वणावा की कुंजी भी हाथ आ गी ।

जौं समय देस में सांस्कृतिक पुनरुत्थान हो रयो छी ऊं समय राजस्थानी में साहित्य-सरजणा घणी-थोड़ी होरी छी अर वा भी उसी ई, जसी फँली सँ चानी आ रो छी । देस की वा जाग्रति अर चेतना ऊं समय की राजस्थानी लेखकां न थोटीसोक ई प्रभावित कर पाई; जादातर तो वें पुराणी लोक रं ई चालता र्या । ईसँ राजस्थानी में संस्कृत को प्रभाव न पड़ पायो ।

या बात म्हे छे क वर्तमान में जे कवि-लेखक राजस्थानी में लग र्या ई वांमैं सँ अधिकांश फँली हिन्दी में रचना करे छ़ा । राजस्थानी का प्राचीन साहित्य सँ वांको घणू थोड़ी लगाव र्यो या र्यो ई कीईन । अस्या लेखक हिन्दी सँ जद राजस्थानी की आड़ी मुड़्या तो हिन्दी की शैली अर मुहावरो तो वें साथ साथ, पण हिन्दी में ज्या भाषा-ज्ञाति होई छी ऊंका विचार न लेर न आया । अस्या आवाहाज्जा लेखकां की ऊं समय की मन की दसा काई भी रो होवें, पण राजस्थानी में आर वानें वा उदार अर देशव्यापी द्रिष्टि न अणवाई जौंकी आसा वा सँ छी । यो गैबो निरारद कीईन क अस्या लेखक आपणी ठोर वणावा की उतावळी में छ़ा अर आपणें ताई घरपवो भागें छ़ा । ईसँ वानें भाषा के वारा में गैराई सँ न सोगी, यें तो आपणी आपणी मात-भासा बोली में लखवा की सुविधा के साथ आगं बघ र्या अर ठेठ बोलचाल का शब्द प्रयोग में लावा लाग र्या । एक भाषा की बोलियां में समानता भी होवें छ़े अर भिन्नता भी । ज्वां समानता छे व्हां तो वें सगा-सो मेळ-मलाप पैदा करे छे, पण ज्वां भिन्नता छे व्हां पटाव अर तणाव लावें छे ।

अगर राजस्थानी भी संस्कृत शब्दा न अणवावा में उसी उदारता दगाव जसी हिन्दी नै दखाई छे तो ऊस राजस्थान का लाग आगम में जुटेगा अर देस का दूजां प्रांत का लोगां के नेई आवैगा । देस की घणासारी भाषां संस्कृत शब्दां की उदारता सँ उपयोग करी रो छे । संस्कृत शब्दां का प्रयोग सँ हिन्दी दक्कण में आदर वा सही हई । व्हां का लोगां नै प्रसाद प्रेमचन्द की तुलना में वेगा ममक में आवें छे, जौंको कारण प्रसाद को संस्कृत-प्रेम छे ।

कसी भी भाषा की मूल प्रकृति ऊँका तद्भव शब्दों से बरुं छै । जे ठेठ राज स्थानी का हिमायती छै वाँको वो तर्क यो हो सकै छै क जद आपणी मात भासा (बोली) में शब्द मौजूद छै तो क्यूँ सस्कृत या दूजी भाषा के मूँडा आडी ताकां ? ई बात में बल छै, पण साथ ई या प्रासङ्ग्या भी छै क बोलियां से अस्या-अस्या शब्द खोज-खोज'र लावा को चालो न लाग जावै ज्यो बोली विशेष में ई बोल्या जावै छै अर राजस्थानी की दूसरी बोलियां में न मलै । ईसूँ तो राजस्थानी की कठणार्ई सुलभगी कोईनै, वधैगी ई । एक ओर तो आपण आपणां सून ई दूर होता जावैगां अर दूजी ओर बीजा प्रान्तां का लोगां वेई तो पयाळी बणता जावैगां गूँगा-बैरा हाळो न्याव हो जावैगो ।

आधुनिक राजस्थानी में न जाणै क्यूँ सस्कृत अर हिन्दी शब्दों वेई उतनो आदर-भाव कोईनै जतनूँ होणी चाहजे । यां दोनी भाषां का शब्दों न लेवा को मतलब छै राजस्थानी की सीमा न देश अर काल में फँलावो-ऊई देस का दूजा भागां सून जोड़बो अर भूत अर भविष्यत् सून मेल-मलाप करावो । यां भाषां का शब्दों के लारै जे अरथ जुड़्या छै वै समय के साथ भी आया छै, अर वाँको इतिहास भी छै । अस्या शब्दों न आपणा'र राजस्थानी आपणूँ मान-सम्मान बधावैगी अर ईका प्रयोग करवाहाळा की उन्नति कर सकैगी । राजस्थानियां न देस का दूसरा आदम्यां सून भी जोड़बा में सोमैट की काम करैगी ।

एक बार असी द्रिष्टि बण-जावा पे राजस्थानी का लेखक आपणी बोलियां सून वे'ई शब्द लैगां जे साहित्य में अर सभ्य समाज में प्रयोग में आवै छै । ज्यां शब्दों न आज ताई साहित्य में आदर न मल्यो अर जे घरू बोलचाल में ई प्रयोग आवै छै वाई खेच-खेच'र साहित्य में प्रयोग करवो पाठकां वेई कठणार्ई पैदा करवो छै अर साहित्य भाषा का गौरव न कम करवो छै । राजस्थानी बोलियां में घणासारा अस्या भी शब्द मल जावैगा ज्यांको अनुवाद संस्कृत में न हो सकै छै अर न ज्यां वेई हिन्दी में कोई सटीक शब्द चलण में छै । अस्या शब्दों सून राजस्थानी आपणी फचाण बणावै छै । अस्या शब्दों न भुला'र तो कस्यां चाल्यो जा सकै छै ।

देश-भाषावां में जतनूँ सुगढ़ व्याकरण संस्कृत को छै उतनूँ दूसरी कसी भी भाषा को कोईनै । संस्कृत में शब्द का ठेठ धातु-रूप ताई जा'र प्रत्यय आदि को विश्लेषण कर'र जतनी बारीकी सून ऊँको परिचय ई भाषा में करायो ग्यो छै उतनूँ दूजी भाषा में न मलै । ईसूँ तत्सम शब्द तो बारीकी सून समझ्या ई ग्या छै; नुया-नुया शब्द बणावा को गेलो भी साफ-साफ दीख्यायो छै । ईसूँ संसार की कसी भी भाषा का शब्द को अनुवाद करवा में कठणार्ई न आवै । जद संस्कृत देस की दूसरी भाषा में शब्द-रूप में प्रवेश पा-गी तो ऊँ भाषा की शब्द-रचना को विकास करग्यो, ऊकी संघियां भी विकसित न हो पाई अर न समस्त शब्द बण पाया अर वा भाषा नुया शब्द बणावा की क्षमता खो-बैठी, क्यूँके संस्कृत यां कामां वेई सोळा आनी भाषा छी । यो असर हिन्दी

पै भी होयो अर राजस्थानी पै भी होवेंगे । पण ईं सूं डरपत्रा की जरूरत कोईने, परसन्न होवा की तो बात जरूर छै ।

एक भाषा की प्रकृति ऊंका तद्भव शब्दां अर वार्में भलवा हाळो ध्वनियां अर प्रत्यय-विभक्ति सूं जाणी जावें छै । जद ताईं भाषा-विशेष की ध्वनियां आपणी छै अर व्याकरणिक कोटियां भी आपणां ई प्रत्ययां सूं बर्ण छै तद ताईं शब्द कसी भी भाषा का आवें ऊई खीचड़ी न मानो जा सकै । खीचड़ी तो भाषा तद बर्ण छै जद दूजो भाषा का प्रत्यय लिंग, वचन, कारक आदि बणावा में काम में आवा लाग जावें छै । संस्कृत या हिन्दी या कोई दूजो भाषा का शब्द आवा पै भी राजस्थानी राजस्थानी रवेंगे । अर संस्कृत तो राजस्थानी कुळ की ई छै— पढ़दादी छै, जीकी ईं टायड़ी न बदलता समय के मुताबिक थोड़ीसीक ध्वनियां छोड़ दी, थोड़ीसीक नुई बणा ली । रूपां में भी थोड़ी-सोकर बदलाव आयो अर वाईं परगट करवा हाळा प्रत्यय भी पढ़दादी का प्रत्ययां सूं ई विकसित होया छै । अस्यां संस्कृत शब्दां को प्रयोग कर'र तो राजस्थानी का लेखक ऊंको भलो ही चीतंगा अर करेगा । वाईं तो दूसरो भाषा का शब्दां वेई भी उदार द्रिष्टि सूं काम लेणी चाहजे ।

ई विषय पै आपका विचार मादर ग्रामयित छै ।

×

×

×

अर 'जागती जोत' का ईं अंक में राजस्थान अर वारे का राजस्थानी साहित्यकारां की रचनावां पाठकां ताईं पौनाता थका हरस को अनुभव होयो छै । प्रयास यो र्थो छै क प्राप्त सामग्री में सूं असी-असी रचनावां ली जावें जे रूपाळी तो होवें ई, प्रान्त का सैदी आढी का लेखक भी पत्रिका में स्थान पा जावें । निबंधों में मोनिकता अर एक द्रिष्टि छै, कहानियां में संवेदना की हल्की कपोट छै, हास्य-शृंगारों में तीखोपण अर चुटीलोपण छै अर एकांकी में कला की डीली पकड़ में अत की मूज संभाळयां छै । कविता में आशा-निराशा, प्रेम, सृजन-ध्वंस, उत्तनाम आदि का स्वर रंग, जे छोटा अर मोटा दोनो तरै का कवियां सूं आया छै ।

यो अंक आपका हाथां में छै, अर सम्पादक आपका सुझावां की आड़ी नहाऊं छै ।



कन्हैयालाल शर्मा
सम्पादक—

सरबनास रो निरत

मूळ अंग्रेजी : सुब्रह्मण्य भारती

राजस्थानी अनुवाद : रावत सारस्वत

(१)

गरजता गिगन विकट रागां अरडाट करै

लाखां नभ गगा लपलपे लाल जीभी

नौबतां गूंजै छन्दां रुधिराळां

नाच ए नाच काली चामुंडा कंकाली ।

थारो क्रोधाळ नाच, हे मातेसरो

जाचूं मै, द्रवूं जिण, बणूं घण रगत रंग

(२)

पांचूं तत्व सिस्टी रा कोपै अर गरजै

संधारक सिस्टी रा भूखां सब मारै

टूक-टूक बुद्धी रा करै घोर महारव

नाचै अणथाक अर अछाळै अगन भळ

थारो अणथाक निरत, हे मातेसरो

जाचूं मै, द्रवूं जिण, बणूं घण रगत रंग

(३)

सवेगा आंतरा धूजै अर लड़खड़ै

पीढ्यां राजवंसां री पड़े, अवसाण हुवै

डाको डगां पीड़क पगां घूमै सरबनास

भौ भोतां संसारां नाचै सरबनास

थारो क्रोधाळ नाच, हे मातेसरी
जाचूं में, द्रवूं जिण वगूं घण रगत रंग

(४)

कोप परचंड ग्रहमंडळां विधूंसती
ढोल सरवनास रो घणारव घुरावती
विकराळां नैणां भळां श्रूपाडती
जुगां श्रर कळपां रा भसम कर श्रणत काळ
थारो क्रोधाळ नाच, हे मातेसरी
जाचूं में, द्रवूं जिण वगूं घण रगत रंग

(५)

धूंस हुयी सिस्टो, खण्ड खण्ड भो श्रणंत काळ
मद ज्योत सिव घरघा ताक निर्वाण री
थारें उन्मत्त कोप प्राजळती श्रगन में
उछळें श्रर लिपटें तूं उण सूं जो संग्याहीण
थारो क्रोधाळ नाच, हे मातेसरी
जाचूं में, द्रवूं जिण वगूं घण रगत रंग



हेजला आखर

चन्द्रप्रकाश देवल

अडोळे ठूठ री खोखालां
वा मूंडौ काढती मौत
अर जड़ां रै मिस पांघरता
जलम बिचाले
म्हें इकलापी, अकल छड़ौ
थारो मेड़ी पूगण सारू
उलांघूं, अलेखूं डूंगर
छीजते जोबनिया री छेहली केळ
म्हारी मरवण !

औ रूड़ी रूपाळी थारौ हेज
ढळता सूरज रै उबड़-खाबड़ मारगां
म्हने निपट दिहावळी कर न्हाकें
ठीड़ ठीड़ अळूभाड़ रौ भीड़ौ
म्हारी मूमल !
म्हारौ कीं बस नी पूगै ।

आ सून्याड़ निंदरोही
चारूमेर रात रै घणियां री घूंघाट,
कळपती कोचरियां री कुरळाट
पावंडे पावंडे जोखम री पांथ

नीं म्हारी सुध ठांणै
 नीं म्हारी बुध ठांणै
 म्हारी गजवण ।
 कठै ई कों पसवाड़ी नीं फिरे ।

औ काळी-बोळी अंधियारी,
 पग-पग छळ-छंदां री सूळां,
 म्हारी रग-रग वींधोजं
 औ भाड़ बांटका आंधा
 सूरज नै रातिदी
 तारा री आंख्यां जाळी
 किरण सांम्हो आंसूड़ा ढळकाऊं;
 दरद म्हारं हिवड़ा री दरसाऊं
 म्हारी कांमेतण !
 म्हारै पूरवला जलम री साथण,
 बत कठे चढ़ाऊं
 थारा हेजळा आखर ?
 आंनै देवळ उपासरा री सूग आवे,
 गगा-जमना सूखी लखावे ।
 औ पांगळा भाखर
 आंरौ भार कद भलै
 बत-बत म्हारो मरवण ?



बायोकेमेस्ट्री विभाग
 जवाहरलाल नेहरू मेडिकल कॉलेज
 अजमेर

हवा रै सागै

चन्द्रकांता सरमा

आवो
आकास नै
गिरण सूं बचाल्यां
आपरां दोन्यू हाथ उठा'र ।

थोड़ो आपरो
माथो उठा'र देखो—
आकास आपरै
माथां ऊपरां लटक आयो है ।

इण टैम
थे बीना हो—
आकास छू नी पा रेंया हो ।
थोड़ाक दिनाँ ताई
थे और
लाम्बा होवण री कसरत करो

आपरै हाथां नै
ऊंचा उठा'र

थे हंसो नी-ओ हंसी
आकास री नीं होसी-बल्कि
आपरै बीनापण नै
प्रकट करसी ।

देखो आजकाल
पून भी आपरै सागै है
अर च्यारूँ दिसावां में
वंग हाळी भी ।

आपरी नावां नै
वेगो वगी
नदी री पाळां खन्या आवण छो
के पतो—
आगला किरणी भी छिरण में
आंधी अर तूफान उठ आवै

अवै देखो !
आकास खुलग्यो है
अर गिरण सूं वचग्यो है
फेर भी
थे चोकस रेंवो
आकास कदै भी गिरजाव



सिफन्दरा-३०३३२६

जयपुर-(राज०)

अक च्यूंठी तावड़ी

रामस्वरूप 'परेश'

कृण बखेरी—

तासळी-सा आंगणां में

अक च्यूंठी तावड़ी ।

जिनग्यानी वांदै अठे वूंदी ।

सै जेज री जूती करै सूंदी ।

कूळै चिपरी उजळी किरण,

आसुवां सूं पांगरै अंधारी डावड़ी ।

अक च्यूंठी तावड़ी ॥

नित नुवां गाभा बदल ले अपणोस

भाणखो दे घरोंरा प्रीत रा उपदेस

अवड़-छेवड़ मिनख मोकळा

पण मिनख रै बोच लाखों आवड़ी

अक च्यूंठी तावड़ी ॥

छिपकल्यां रौ डर घरोंरो, खैर ।

इजगरां रो खोलियो ले पैर ।

बायरा रे सागे सागे चाल—

हिया री सै गळ्यां कर सांकड़ी ।

अक च्यूंठी तावड़ी ॥

वारणां पर मंडरथा उड़ता मोर ।
 आगणां में लुखरथा डाकू-चोर ।
 आखरां रा बदल गया सें अरथ—
 आदमी नै तोल बदल ताकड़ी ।
 अक च्यूंठी तावड़ी ॥



बी० एस० मंकण्ढरी स्कूल
 डा०—बगद ३३३०२३
 जिला—भृ भृ (रात्र०)

राजस्थानी गजल

प्रेमजी प्रेम

आंगण में उग आया थापाथूर, वचता रीज्यो ।
 वचता रीज्यो, हां-हां रोज हजूर, वचता रीज्यो ।
 आज हथेली मै'र कहाल की आस कसी ?
 व्वार भायलां को छै खुलो कपूर, वचता रीज्यो ।
 जतना मोठा होट, कड़ी उतनी बातां,
 वरसां सूं यो को यो हो दसतूर, वचता रीज्यो ।
 दुख सासां का सरणाटां सूं भी नोड़ो,
 सुख, नजरचां न पूगे जतनो दूर, वचता रीज्यो ।



भंवर भवन,
 फारवला, कोटा

चालतोई चाल

वासु आचार्य

चाल तोई चाल !
खींचतोई चाल !
गाडो अर गाडै रै असवार नै ।
चालतोई चाल, चालतोई चाल ।

भुकियोड़ी नसड़ी
अर भरतै नैणां सूं
डिचकारी रै सारै—
या खारै बैणां सूं चालीस;
तो भो तनै हो चालणो पड़सी ।

अर नसड़ी उठायोड़ो,
बिना हड़बड़ायोड़ो,
भार री भार नै पीर
मुळकतो चालीस;
तो भी चालणों तनै ही पड़सी

फेर, क्यूं तो
बलै रीस्यां,

अर क्यूं खावे किड़किड़ी—
असवार माथे
कै थारो जूण ऊपर ।

जे नीं भी मिलै—
कदै हरी भरी सेवण
तो रूखा-सूका
डांखळा अर डोका—
चवावंतोई चाल ।
चालतोई चाल-चालतोई चाल !

चालतोई चाल—
एक नूवें जोस सूं ।

चीरतो ई चाल
वाळू रा धोरा,
घूड़ री घेंसळ
अर छरें रा रस्ता;

इण सवरै माथे
माण्डतोई चाल—
थारे पगां रो सैनाण
अर बणावतोई चाल-एक नूवीं पगडंडो
चालतोई चाल—चालतोई चाल...



वाहेतो चीक, बीकानेर

अलगै ऊँचै भाखरियै

कल्याण मोतम

सरणाटो ।

च्यारू-मेर

स्यांS...स्यांSS...

सरणाटो ।

चौतरफी अंधारो/ऊपर सू

जाणै के ?/उतरघो हो

होळैसी ।

चौफेरी

बो कांई पसरघो हो ?

लावो-सो

चौतरफी/स्यांS...स्यांSS...

सरणाटो ।

मांय नै धुक-धुकी

हंवाळी कांपै ही

कानड़ा खड़चा दोऊं

आख्यां कीं जोवै ही ।

अलगै ऊँचै भाखरियै

रचनां कांई हुवै ही ?

जाणै कुण ?

अंधारो/च्यारू-मेर

सरणाटो !

न्हाटग्यो/एक दिन
अचाणचक/अंधारो
पूँछ लूका/गाळा में जाय लुकयो
सरणाटो,
अंधारो ।
हरख सु

नाच उठ्या,

पंछी संग—

डाळ्यां पे,
चिड़कल्यां गावै हो
ऊंची वैठ आळा में ।
हरख रा/हवोळा
लागै हा चीफेरो
राजी हो रोम-रोम
पण हुयो ओ काई ?
रोटी !

ऊंचे आभे में/दोड़ती क्यूं जावै है ?

भूख रा सा बादळिया
घुरताई आवै है ।

जोकां संग जुटग्यो

ठा नीं/के हुयो ?

जेव रो छेकलो

वधतोई जा रैयो,

आंतड़ियां रोवै है

अळगै ऊंचे भाखरिये

नित नवो कीं हुवै है ।

५

विगल साहित्य सदन,
३२/४६८ चीतीना कुप्रा रें नई-बीकानेर

गीत

कृष्ण कल्पित

नैणां में सूतोपण जमियोड़ो पाळें-सो,
मरियोड़ी देही पर आंच रो लिबास,
एड़ो बुत अबै-अबै नैणां सूं गुजरयो है ।
फुटपाथो नालथां में
पसरयोड़ो मिनख पणो,
रोजीना किरळावै
होटां पर मंडियोड़ी
भूख रो नदी नै
आंतड़ियां भरमावै;
जीवण रै मरूथळ में उखडचोड़ी सांसां,
सुपनां रै मिन्दर री डूवती उजास ।
अड़े-छेड़े अबै-अबै स्थापो सो पसरयो है
भरम री जमीं पै
बांझड़ियै वादां रो
डोळी कुण चिण रैयो ?
टूटचोड़ै दरपण में
टूटचोड़ै चैरै रा
टुकड़ा कुण गिण रैयो ?
खुद नै हो हूंढण नै, खुद नै हो पीवण नै,
घूम रैयो सड़कां पर जोवन्ती लहास.
सांसां साथै मन में कोई तो उतरयो है ।



झोटवाड़ा रोड़, जयपुर

‘छानै-छानै’

मोर पांख

कळी कळी घूँघट सूं भांकी,
वहक गई कोयल काळी ।
आडो ऊंळो, अज मतवाळो,
नाच्यो वाव दियां ताळी ॥

गोरी-गोरी, कंवळी-कंवळी, कळियां में कुण मुळकै है ।

गोरी गावे, जन-मन धिरकै,
महकी सरसूं रो क्यारी ।
ठूँठ सरसग्या, फूल वरसग्या,
जोवन रो छिंव है न्यारी ॥

होळै हीळै, हरवळ हरवळ, कुण अमराई महकावै है ।

हियै गिलगिली, भोळी भंवरी
वहकै गुण मुण गावै है ।
चटक-मटक अर चहक चुल बुली
तिरलोकी नै भावै है ।

छानै छानै, छम्मक छम्मक, घूँघर कुण घमकावै है ।



आसजी की हवेनी, मोलंकी दरवाजा
देवगढ़ (उदयपुर)

सांस बदलै

बस्तीमल सोलंकी

सूरज ऊगै,

अर आंथवै

लोगड़ा सोवै । जागै'र उठै,

आप आपरै काम धन्धे में लागै,

सिझियां तक थाकै, बैठै

परा कदै कदै—

आस—बदलै ।

घण हेताळू रो वाताई वातां में,

हियै रो ठाह पड़ै

हियै रो होठां पै आवै,

परा कदै कदै—

विश्वास बदलै ।

हरिया पानड़ा

पीळा पड़ खिर जावै—

भडजावै,

जलस हूँवै तुंवी कूँपळांरो,

ओ क्रम चालतो रैवै,

राताई रातां में कदै कदै

इतिहास बदलै ।

इए जागा मुरगो नै सरमाणे वाळा—
 महल र बंगला
 बणियां'र चूणियां,
 ऊंचे आभे सूं करतां नित मुजरो
 पए आज बगत री वार सूं—
 उजड़ ग्या,
 मुसकल रै बगत
 मोटा मोटा भूपाळां रा
 कदं कदं
 सांस बदळै

सचिव
 राजस्थान साहित्य चिन्तन परिषद
 भीम (जिसा-उदयपुर)

पाठका सारू—

- जागती जोत री रचनावां आपनै किसी लागो ?
- जागती जोत में आप किसी रचनावां चावो ?
- जागती जोत आपरै विचारां में किसी हुवणो चाईजे ।

सम्पादक जागती जोत नै जरूर लिखाओ ।

—सम्पादक

प्रकृति की दो शक्तियाँ

नरोत्तमदास स्वामी

आपणी पृथ्वी सूरज की परकमा करती रैव, सूरज की वारें कर पृथ्वी की ओर परकमा जितने वखत में पूरी हुवें उण न ओर बरस कैंवें । ओर बरस में कोई ३६५ दिन हुवें—असल में ३६५ दिन, ५ घंटा और ४८ मिनट । पृथ्वी की परकमा की मारग वृत्ताकार अर्थात् गोळ है (दीर्घ-वृत्ताकार कैंवणो ज्यादा ठीक-हुसी) और उण की विस्तार कोई ५८ करोड़ मील (कोई ९० करोड़ कीलोमीटर) है । इण हिसाब सँ पृथ्वी ओर घट्टे में कोई ६७ हजार मील (कोई १ लाख कीलोमीटर) और ओर सेकंड में कोई १८३ मील (कोई २९ कीलोमीटर) 'चालें-ये कीलोमीटर' शब्द बोल से इत्त में हो पृथ्वी २९ कीलोमीटर आगे बढ़ ज्यासी ।

पृथ्वी की इण परकमा में प्रकृति की दो शक्तियाँ घणें महत्त्व की काम करे । उणां की नांव है—केन्द्राभिसारी Centripetal शक्ति और केन्द्रापसारी Centrifugal शक्ति, केन्द्राभिसारी शक्ति चीजाँ न केन्द्र कानी खेंचें और केन्द्रापसारी शक्ति चीजाँ न केन्द्र सँ दूर ले जावे, उणां न केन्द्र कानी नहीं जावण दें ।

पृथ्वी की सगळी पदार्थाँ में आकर्षण-शक्ति हुवें । आकर्षण-शक्ति केन्द्राभिसारी शक्ति की ही ओर प्रकार है । आकर्षण-शक्ति के कारण प्रकृति की हरेक चीज दूजी हरेक चीज न आपरें कानी खेंचें और आपणें सँ आधी नहीं जावण दें । सूरज पृथ्वी न आपरें केन्द्र कानी खेंचें और पृथ्वी आपाँ न—पृथ्वी माथली हरेक चीज न आपरें केन्द्र कानी खेंचें । पृथ्वी की ओर चीजाँ भी पृथ्वी न आपरें कानी खेंचें पण ओर पृथ्वी सँ घणी छोटी हुवें इण वास्तं इणां की खेंचण की तागत भी पृथ्वी की तागत सँ घणी कम हुवें—इत्ती कम कैं उणां की खेंचाव आपणी नजर में नहीं आवें । पृथ्वी भी सूरज न आपरें कानी खेंचें पण सूरज सँ घणी छोटी हुवण के कारण उण की खेंचण की तागत सूरज की तागत सँ घणी कम है, इण वास्तं सूरज पृथ्वी कानी नहीं खेंचोई, पृथ्वी हो सूरज कानी खेंचोई ।

कोई चीज चालती हुवे और उण न घपण वगैरा कोई तरं रो बाधा नहीं मिले तो वा चीज बराबर अके रेखा में—नाक रो सीध में—चालती जासी, जे सूरज रो आकर्षण-शक्ति पृथ्वी न नहीं खंचे तो पृथ्वी निरन्तर अके सीधी रेखा में चालती जावे । पण सूरज रो आकर्षण-शक्ति उण न सीधी रेखा में नहीं जावण देवे । केन्द्रापसारी शक्ति पृथ्वी न सीधी रेखा में, सूरज सँ दूर, ले जावे पण ज्यों-ज्यों केन्द्रापसारी शक्ति उणन सूरज कानी मोड़ती जावे जिणसँ पृथ्वी रो मारग वृत्ताकार अर्थात् गोळ हुतो जावे ।

इण भांत केन्द्रापसारी शक्ति पृथ्वी न सूरज सँ आधी खंचे और केन्द्रापसारी शक्ति उणन सूरज कानी खंचती रेंवे । दोनों में जबदेस्त रस्ता कस्सी (सीध-ताण) हुवे, आपणा भाग चोखा है के दोनों रो जोर सदा बराबर रेंवे । जद खंचोजती थकी पृथ्वी सूरज रें कने आवण लागे और केन्द्रापसारी शक्ति रो जोर बघण लागे तो केन्द्रापसारी शक्ति रो जोर भी उतो ही बघ जावे और पृथ्वी न सूरज सँ आधी खंचण रो काम और जोर सँ करण लाग जयावे । इण भांत दोनों रो अनुपात भळ बराबर हु जयावे ।

कदास दोनों शक्तियां मांय सँ अके रो भी जोर बेसी हु जयावे तो कौई हुवे ? केन्द्रापसारी शक्ति रो जोर बेसी हु जयावे तो वा पृथ्वी न खंच पर सीधी सूरज में लाय पटक जठे रो ताप-मान करोहू डिग्रीयां रो है; पृथ्वी मांय पड़ती पाण, दण भर में, गैस वणर उड जयावे, फेर उणरो कठे पत्तो ही नहीं लागे ।

अर जे कदास केन्द्रापसारी शक्ति रो जोर बघ जयावे तो वा पृथ्वी न खंच अर इण अनन्त आकाश में, नाक रो सीध में, कुण जाण कठे ले जयावे ? फेर उण रो पत्तो ही नहीं लागे । पृथ्वी आपर प्रचांड वेग सँ दूट नहीं जावे तो का तो कई आकाशीय पिंड सँ (तारं वगैरे सँ) टकरा-अर खड-खड हु जयावे, का कई तारं रें मांय जाअर पड़ जिण सँ उण रो नांव-निसाण भी बाकी नहीं रेंवे ।

सृष्टिकर्ता न घन्यवाद देवे के दोनों शक्तियां रो अनुपात सदा बराबर वण्यो रेंवे है ।

×

बापू रै सपनां रा गांव

अर्जुनसिंह शेखावत

आपणो देस में एक मोहन हुयो पीताम्बर आळो, मुरलीआळो, चक्कर आळो, दूजो मोहन हुयो है खादी आळो, डांग आळो, चरखा आळो। एक पांच पांडवों रै बल सँ कोरवा री अक्षोहिणी सेना नै हराय दीनी तो दूजें भी सत्याग्रह रै बल सँ अर अहिंसा रै जोर सँ अंगरेजां नै मुक्त सँ बा रै काढ दीना। एक मोहन कंस नै मार नै, उठां री राज उगरसन नै सोप्यो, खुद नी लीनो, इणी भांत दूजो मोहन भी देश नै राज खुद नी भोस्यो राष्ट्रपति नी बण्वा अर राज जनता नै सँप दीनी, जद उणाने राष्ट्र रा बापू (पिता) मान लीना। दोनों मोहनां में कित्तो त्याग, कित्तो बलिदान, कित्तो सेवा भाव है। एक री चरित मोर पांख अर पीताम्बर में भांत-भांत रै रंगां में झलकै-पलकै तो दूजां री चरित री रतबो भी इन्दर धनक (चरखा) रै सतरंगा बिच धवली-घट्ट सफेद-भक्क खादी में निरमल (निष्कलक) कजली उजास करै सुरज ज्यूं चमकै।

बापू रै जिन्दगाणी री जरूरत मामूली सी थी दो लंगोटी, दो चांदरा, एक चहमो, एक गीता, एक डांग, एक जेब घड़ी, एक बकरी, एक भूपड़ी अर एक खडाऊं री जोड़ी। उणां री सांगो-पांग चितराम आज भी आख्या आग आ जावें। इण थोड़ा सा साधनां सँ वै घणा पण घनी हा जिण सँ ससार में गजब काम कर ग्यो वो डकरेल डोकरियो-लांबो, पातळो थकियोड़ो, एक हाडकी-पासली री आदमी आपणुं आत्म-बल सँ इस्या-इस्या काम दुनियां में कर ग्यो जो दिग्विजयी लोग धांकड़ जंगी फौजां रै बल सँ भी नी कर सकिया।

बापूजी री विचार हुतो कै आपणो भारत देस गांवां री देस है; छेल छबीलां रंग-बिरंगा, इणिया-गिणियां सँरां सँ आपणुं देसड़लां री तोल-मोल नी व्हे सकै। भारत तो साढा-सात लाख गांवां में बिखरियोड़ो पड़ियो है। आपणो देसड़लां री आतमां तो गांवडियां में, ढाणियां में, भूपां में अर दरिद-नारायण में वसियोड़ो है। भारत-मावड़ तो गांवां री वासिन्दी है। इण खातर बापूजी री ख्याल थो कै जे भारत री रतबो अर

संस्कृति नै निरखणी-परखणी है तो गाँवाँ में जाबो, वठै देखो, सोचो, समझो । सैराँ सून भारत रै गैणी-गाठाँ, कपड़ा लत्ता रै ऊपरलाँ नै बारलाँ भमका रा दरमण व्है सकै है, उणरै अन्तस रै मन री छानबोण नी व्है सकैला । जूनाँ जुगाँ रो लाटेसर देस भारत जिणरी छतर छाँया में मिनखपणा नै पाल पोष'र मोटो कीनो है, उणरा दरमण गाँवाँ में इज व्है सकै है । सै'र तो परदेसी लोगाँ रै ज्यू नकली-बनायटी बादरिया रै ज्यू है । जिण दिन बादरियो (मुखोटा) उतर जासी नकली कलाई उघड़ जासी, उण दिन गाँवा रै बारणाँ आसी । गामड़ा रै नास सून तो सगलाँ मुळत रो सत्यानास व्है जावेना, भर गाँवाँ रै विकास सून सगलाँ देस रो विकास होसी । इण वास्ते गाँव स्वराज रै बाबत बापूजी रा विचार नीचे मुजब है —

“म्हारै सुपनाँ रा स्वराज में जाँत-पाँत, भेद-भाव अर घरम-करम रा फरक नै कोई पण ठोड़ नी व्है सकैली । वो स्वराज सगलाँ रै भला सातर होसी । करसाँ रै अलावा लूला-पांगलाँ, आँघा-काणा, भूखा-तिरसा लासाँ करोड़ा लोग उणरी भलाई सातर भेळा रेसी स्वराज रो अरथ सगलाँ रो राज, न्याव रो राज होसी अर सास कर गरीब रो राज रेसी । इण स्वराज रे एक छेड़ा पर नैतिकता अर सामाजिकता रेसी तो दूजाँ छेड़ा पर घरम-करम रेसी । आपाँरी सम्यता रै मूळ में नीति नै सास ठोड़ दीनी है । नीत रो घाटो नी आवणो चाइजै ।

बापूजी रै सुपनाँ रै गाँव स्वराज री कल्पना ही केँ ओ अेक ऐहो पूरो प्रजा-तंत्र व्हेलो जिको आपरी जरूरताँ रै वास्तै पाड़ोसी रै मातहत नी रेसी, घोड़ी घणो जरूरताँ पूरी करण सारू दूजाँ सून मदद वाजव समझै तो ले सकै ।

हरेक गाँव रो सेंगा पेलो काम ओ व्हेला केँ आपणै जरूरत मुजब जितो अनाज अर कपड़ा सारू कपास चाइजे उतरो पैदा कर लै । इण सून गाँवो सुरास घर कपड़ा लत्ता रो भाँग अर जरूरत पूरी व्है सकेला । इणरे बाद हरेक गाँव गनै सीमाँटा इतरी ढाबीयोणी गोचर री भोम व्हेणी चाइजै केँ ढोर चर सकै, घोरण इत्याद में फासतू जमीन गर'जे व्है तो टावर-टोली रै रमण सारू पार्क और मैदान भी बणावणा चाइजै । करसाँ नै करसण री कमाण में गाँजो, भाँग, अमल, तम्बाकू वगैरह नशा पत्ता री चीजाँ नी व्हेणी चाइजै । बापूजी रै ख्याल सून हर गाँव में आपणी गुद री एक नाटक दाना, पाठशाला, सभा-मंडप, हताई; पंचायत, डाक घर, अस्पताल मिनमा सातर नै अस्पताल जन'वराँ सारू होवणो जरूरी है । इणरै साथै इज जल-योजना अर बिजली योजना भी होवणी चाइजै जिण सून करसण अर उद्योग में मदद मिलै ।

पंचायत रै पाँण गाँवाँ रो स्वायत्त शासन चलावण री कल्पना बापूजी री हो केँ — गाँवाँ रो शासन चलावा सारू सब गाँवाँ में एक पंचायत होसी । इणरे वास्तै खास काबिल मिनखाँ नै आगँ आपणी पड़सी । उण पंचायती नै सब तरह री जरूरी सत्ता अर हक मिल जासी, पण इण गाँवाँ रा राज में सजा केँ दण्ड रो कोई पण रिवाज नी

रैसी । इण वास्ते पंचायत आपणे काम री म्याद में खुद ही घारा सभा, न्याय सभा और कार्यकारिणी सभा रो सगलो काम सामल रूप सूं करेला इण में मौजूदा सरकार भी ज्यादा दखलदाजी नहीं करेला क्यूंके राज सरकार रो मोटो काम माल गुजारी (बीघोड़ी-लेवी वसूली) रो है : इण तरं रा गांव तयार करण सारू केई मिनख आपणी पूरी जिन्दगी खपासी जद होसी । गांव-गांव में मशाल ले'र अलख जगाणी पड़सी, ज्ञान री जीत जगाणी पड़सी, नवां जागरण रो शख बजाणो पड़सी, जद काम पूरो होसी, एडा त्यागी तपसी लोगां ने गांव रै विकास सारू गांधीजी रं ज्यां एक साथ करसां, हरिजन, चौकी-दार, वैद्य, मास्टर, कवि साहितकार, समाज सेवी अर नेता रो काम करणो पड़सी । गैर'जे गांव रो एक भी आदमी उणा गने नी फटकें तो पण उणनं धीरज, सतोष, शांति अर पूरी लगन सूं काम करता ही रेवणो चाइजै । घर-घर अर गांव-गांव में गांधी पैदा करणां पड़सी । गांधी-गीता रा गीत उधेरणा पड़सी । कविता री नीचली आकड़ियां देखबा लायक है—

गोरां री गोरी कहे घर आया घन आज
चरखा रं चरखां घरो, मशीन गजा लब आज
द्रोण-चक्र व्यूह रचता ऐ कढ़ जाता सैज
चरखा रा चक्रव्यूह मूं, कढ़ न मकियां अ गरेज

देहाता में कळा अर कारीगरो रो भी वदापो होवणो जरूरी हैं, देहातां री बुद्धि ने आत्मा री सनण करवाआली कळा री भी कमी नी रैसी गांव-गांव में कवि, चित्रकार, भासा पंडित, सोध करवा आळा पंडित इत्याद मिलैला मुतलब थोडा में घणो अरथ ओ है'कै जिन्दगाणी री कोई पण चीज नी वहेला जिको आपा नै गांवां में नी मिल सकैला । आज आपणां गांव ऊजणियोडा खेड़ा अर बगदां नै उकरल्यां रा देर है । काल वै इज फूटरा फग बाग-बगीचा वहेला—ओ बाबूजी रो सुपनो हो जिणनं सांचो करणो आपरो फरज है । सैर आज गांवां री मोत्यां मूंगी पूंजी माथे घाड़ा पाई है, जलौका ज्यूं चूसै है पण आ बात अब घणां दिन नी चाल सकैला ।

एक आदर्श भारत रा गांव में ऊपर लिखोड़ी सगळो सुख-सुविधावां मिलसी सफाई रो इन्तजाम होसी, घरां में खुला चौक होसी, भूपडियां में दवा अर उजाले री व्यवस्था होसी खुला चौक में साग-सब्जियां, फल-फूल पैदा कर सकैला अर मवेशी भी बांध सकैला । एक मोटो सभा—मंडप होसी, गोचर भूमि री मोकळात होमी, जात-पांत, धर्म-कर्म अर ऊच नीच रो भेद-भाव नी होसी । लुगायां अर मिनखां नै बरोबर हक होसी कोई, किणी तरं रो नसो पतो नी करसी । गांव स्वावलम्बी अर अण्णा आप में पूरा पूजता होसी । एक कवि रा सब्दां में गांधीजी रो महत्व कितरो खबर है—

गांधी री चादर नै जं धरजुण लेता ओढ ।
तो भारत हथनापुरी कौरव जाता छोड़ ॥

कद देखाँला मंदरा कद जोड़ाँला हस्त ।

राम-किशन रे बीच में गांधी री मूरत ॥

ग्राम राज रा रामराज में एक मोटी बात बापूजी ग्रामोद्योग रे वास्त भी कही ही उणारी ख्याल हो के रोजीना रा काम काज री चीज-वस्त भर जरूरत गाँवा में इज वणी चीजां सू ई पूरी होवणी चाइज । करसण मजूरी भर उद्योग-घन्घो तो गाँवा रा प्राण है । अगर इणरो विकास नीं वहीयो भर इण खातर लापरवाही बापरी तो भारत जेड़ा जंगी देश न हृदय रोग व्हे जावैला, यूँक भारत रो हृदय तो गाँवा में बसियोड़ो है ।

आयूणी विचार धारां आळा लोग केव है के दया, तेल, भर बिजली रो ज्यां भरपूर उपयोग आयूणा देसां में व्हे रियो है, इणी भात आयुगे भी इण चीजां न काम में लेवणी चाइजे उणा रो कैणी है के गुप्त कुदरत री ताकतां माय कबजों केर लेवां सू हरेक अमरीका रा बासिन्दा ३३ गुलाभां जितरी घेट-वेगार ले रया है । गांधी इणरा पद्धतर में कयो के इण गेला (मारग) माय भारत न ने जाऊं तो में बेधड़क के सकू हूँ के हरेख मिनख ने ३३ गुलाम मिलण री ठोट दरेक मिनख री गुलामी ३३ गुणी बढ़ जासी । कल कारखानों एवं मशीनों ने घणी मात्रा में काम में उण हानत में ही लेणी चाइज के जद घणो सारो काम पूरो करण सारू घामूदा मोटारों री मोरलात नी व्हे, भर चुंकी भारत में आ बात कीनी, काम काज सारू जित्ता घादमी चाइजे उण सू कठेई घणोरा बेकार खाली ठाला बैठा है । इण हानत में यंत्रो करण न बेकारी भर गरीबी घटसी के बढसी ? इण सू तो बेकारी में बढोतर इज होसी । सिलाई री मशीन जेड़ा छोटो यंत्र भर मशीनों रो विरोध बापूजी नी कीनी । हजारों लोगों रो रोटी रोमी हड़पे जेड़ी मोटी मशीन रो विरोध कियो यो आज भी आ बात सही जचे है गरजे हजारों मजूरों रो घघो खोस'र उणा न बेकार बणाव दीना छं तो सस्तो सू सस्तो यो कपड़ो गाँवा में वणियोड़ी खादी सू भी घणो मूंगो है । इस मूँ एक पाछे तो मोला रो वणियोड़ो कपड़ो हजारों गरीब गुरवां न बेकार बणाव रयो है तो दूजो पाछे आटा पीसण री चक्किया, चावल पर पालिस करण री मशीनां पोस्तां न देकार इज नी बणाव बल्कि जनता री तन्दुरस्ती भी खराब करे ।

आपण राजस्थान रा गाँवा न जगावण सारू बापूजी घठीन मो दान बन्नायो हो जिनरा केई पण छुटांत भर दाखला है —मेवाड़ रियासत में बिजोलिया गाँव रो सत्याग्रह, भील आंदोलन, वेगार विरोधी आंदोलन, सिरोही रो संघर्ष, मारवाड़ लोक परिषद् री थरपणा, जोधपुर, रेलवे रा संडास री मफाई वगैरा इणरा साक्षी है, जिको राजस्थान रा इतिहास रा पानां पर इण अमोलक कामां सारू बापूजी रा जित्ता बन्नाय करों उत्ता थोड़ा है । राजस्थान में केई आदर्श गाँव बणग्या है। मोरदा (जिला जोधपुर) भर तखतगढ़ (जिला पाली) भी उण पाँयसू दो है । गांधीजी रे मुपनां रा गाँव रो

जिकी कल्पनां हो उणरै मुजब काफी हद तक उण गांवां रो रूप रंग ढलतो जाय र्यो है, काया पलटती जाय रई है । वो सपना रो सूरज कद ऊगसी जद जनता रा लाडेर नेता बापूजी रे मन मुत्तबक गांव-सिसार रो मडाण होसी, कल्पना साकार होसी रामराज ज्यूं ग्रामराज में सगळी रैत (प्रजा) सुखी रंसी अर बापूजी री आत्मा सरग रं भरोखे सूं भांकती, निरखती, मुळकती शांति नै सतोष री कालजे ठाडोल महसूस करसी । पण गर'जे आपा इण तरफ ध्यान नी दीनो अर तन-मन-धन सूं कोसिस नी कीदी तो सपनो सपनो इज रै जावंलो ।



प्रधानाध्यापक रा. उ. प्रा. वि. खिमेल

पो०- खिमेल वाया-रानी

जिला-पाली (राजस्थान)

प्रकाशकां सारू—

० जागती जोत में आपरै प्रकाशन संस्थान सूं प्रकाशित पोथ्यां री दीय प्रतियां संगीक्षा सारू जरूर भिजावो ।

० जागती जोत रै जिए अक में आपरी पोथ्यां री समीक्षा छपसी वो अक आपनै जरूर भेज्यो जासी ।

—सम्पादक

राजस्थानी जीवन अर गणगौर

डा० प्रतापसिंह राठी

मानव जीवन में त्युंहरां की सामाजिक, सांस्कृतिक, धार्मिक, आर्थिक अर मनोवैज्ञानिक द्रिष्टि सून घणी मानता अर महत्व है। जातीय जीवन की सांको चितराम या मूर्तरूप त्युंहरां में ई मिले। जिकी जाती जितो सम्प अर मुक्तकृत हुवे बी ई तीज त्युंहरां में सजीवता अर उत्कृष्टता मिले। त्युंहरां सून राष्ट्रीय जीवन ने जणी प्रेरणा मिले। सामाजिक भाई चारो, एकता, समानता, सरसता, प्रभुता की स्थापना में घां की महताक योगदान नीं भुला सका। जीवन की निरासा अर नीरसता ने भुला'र त्युंहार आसा, सरसता अर उल्लास की संचार करे। प्रापणी कटुता बैर-विरोध, दुष्ट अर तमी ने भुला'र लोग ई दिन हरषीज सठे। आखं भारत में रक्षा बंधन, एसहरो, दीवाली अर होली राष्ट्रीय पर्व रूप में मनाया जावे है। आं पर्वो की उल्लास उत्साह, रीत-नीत अर रगत दरसन जोग हुवे। भारत में होली की हृदय तो न्यारी ई है अर होली तो सारं भारत में विख्यात है। राजस्थानी होली अर तीज-गणगौर की रगत पर रंगीनता की न्यारी ई लखावे। फागण की फाग मांझ में बाजती भांझ, घमाळां अर चग या डफ की गूज लोगां ने मोहले। रंगील चग रा सुर लोगां ने जोस-होस ने की ओर ई कर नाखे।

गणगौर या गौरी-पूजन की भारत की प्रमुख त्युंहार है जियां संव सम्प्रदाय में शिव की, शाक्त संप्रदाय में शक्ति की पूजा-उपासना हुवे, बियाई गणगौर पर्व पर गण समेत गौरी की यानी शिव (ईसरजी) अर गौरी (गवरल) की पूजा हुवे। सोवणी-मोवणी लुगाई ने बी गौरड़ी, गणगौर कवे। शिव-पार्वती के विवाह की कथा के आधार पर ई गौर की मेळी लागे। व्याध के पछे विदाई को काम ई गौर-पूजन है। गौरी या सती दक्ष प्रजापती अर वीरिणी की बंटी हो, शिव की परिणीता। एकबार दक्षयज्ञ कर्पो पण शिव-सती ने नीं बुलाया। नारद मुनि सून खबर पा'र सती बी गई परी पण बा आ देख र आग बवूला व्हेगी के शकर जी की छोड़'र स देवां की यज्ञ भाग है। यज्ञ-कुंड में कूद ने सती प्राण दे दिया। मालम पड़ता ईज शिव प्राप कुंड हो'र वीरभद्र गण पैदा कर्पो अर बीने यज्ञ विधवंसरी कही। देवां की विनती पर शिव वर के रो मायो लगा'र दक्ष ने जिवायी। सती जलम-जलम में शिवजी ने ई वर रूप में पा'र की अरज करी।

मैना अर हिमालय पुत्री पारवती फेरुं शंकरजी न वर रूप में पायो । किसना आढ़ा रो पोथी 'महादेव पार्वती रो वेलि' में बी श्री सारी घटनावां है । भारतीय लोक साहित में ओढ़र दानी शिव रो उदारता अर पारवती रो दया-वक्रणा रो जगां-जगां वरणन है । भक्तां पर भीड़ पड़तां ई पाद करताई बँ जा पुगँ । लोककथावां में मरेड़ नायक-नायिकावां न इमरत जल छिड़कर बँ जिवादे है ।

शिव-पारवती रो पूजा भारतीय संस्कृति रो विशिष्ट अंग है । राजस्थान में जगां-जगां गौर का मेला भरीजँ, सवारी निकळँ । गौर को ठाठ-वाट अर लवाजमो देखण जोग छै । साथेई केसरिया कसूमल पोसाकां पर्यां नाचती-गावती श्रीरतां अर हावड़ां चालँ । जयपुर-जोधपुर-बीकानेर अर शेखावाटी में गणगौर का मेला भरँ जका सवण जोग है । राजस्थान में चैत बंदी प्रतिपदा सँ चैत सुदी तीज ताणी अठारा दिन गौरी-पूजा रो कामकाज हुवँ । होळी रँ दूजँ दिन छारंडी या धुलडी नै दिन ऊगताई राख रो पींडयां बणा'र गौरी रूप में बां'री पूजा सरू हुवँ । कुंवारी लड़कियां रुड़ै वर खातर सुहागियां बेटां खातर अर अमर सुहाम ताणो, घन-ढोलन खातर शिव-पारवती नै पूजँ । आठवँ दिन सीतलाष्टमी नै कुम्हार कं घराऊ चौकणी माटी नै भावली ल्या'र ईसरजी; गौर, ढोली-ढोलन, माळी-मालण, कानूड़ा की मूरत्यां बणावँ फेर रोजीनां पूजा करँ । चैत सुदी तीज नै राजस्थानी पोसाकां में ईसर-गणगौर रो सवारी निकळँ । चोखँ वार नै आं मूरत्यां नै कुवँ या तालाब में पधरायी जावँ । इन सँ पैली दूब, फूल अर जल सँ गौर की पूजा हुवँ । घरां में रोज गौर की बनीरो नीकळँ । गौर; गवरल, गवरजा, गणगौर नावां कं गीत गवीजँ ।

राजस्थानी रमणियां गौर पूजती टेम घणै उल्लास अर उमग सँ भूमती रँवे । नारी-हिरदय रो आकांक्षा अर उल्लास रो एक अनूठी चितराम देखणजोग है—

खेलण छो गणगौर, भँवर म्हानै पूजण द्यो गणगौर ।

ओजी म्हारी सखियां जोबँ बाट, बिलाला म्हानै खेलण छो गणगौर ॥

पति बी पुत्र-प्राप्ति रो इच्छा परगट कर'र हरष रँ साथ गौर पूजण रो सलाह दे देवँ है—

भल खेलो गणगौर सुन्दर गौरी, भल पूजो गणगौर ।

ओ जी थानँ देवँ लाइन पूत, अतसप्यागी भल खेलो गणगौर ।

लड़कियां टोळी या भुण्ड बणा'र दूब ल्याण नै जावँ (आ'ई दूब 'गौर को दायजो' कहीजँ, जको आखिरी दिन गौर कं साथ कुवँ या तलाब में पधरायी जावँ) उण टेम घणां मोठा नै सांतरा गीत उगेरँ—

बाड़ी हाळा बाड़ी खोल, म्हे आई छां दूब नै

कुण्या जी रो बेटी छो, अर कुण्या जी रो पोती

×

×

×

वाड़ी बाड़ी बाहूल्या म्हारा भंवरघा रे
वाड़ी में वसेली कुण ।

वसै ईसर पातळ, ल्याय भोळी भर फूल
आघा गेरूँ अळघा गळघा, आघा गोरीं बाई री सेज
सेज विछर्ता यूँ कँव अगड घडाळ म्हारी वं'ना नै
नीसरहार घडाळ म्हारी गोरल नै
इतरो कँता रुस गई दोडघा पीवर जाय
कानूडो मनावण नै नीसरघो

धारी मनाई ना मनू म्हारा देवर रँ
वडोडा वीरो सा नँ भेज, भावज पाछा माय
ईसरजी मनावण नै नीसरया, काँधे भंवर बंदूक
कांकड तोडी कामडी म्हारा भंवरयाँ रे
सरड सरड सुळह्याँ जाय
कदै न रुसूँ म्हारा सायबे घी
कदै न जाळ म्हारे पीर
भलभल रुसूँ रुसणा म्हारा सायबे रे
भलभल जाळ म्हारे पीर

दूव लेर आँवती टेम सारी भूलरो वडे उल्लास सूँ पो गीत बाँदे —

“गोर ए गणगोर माता खोल ए किवाड़ी
वाहर ऊभी धारी पूजणवाळी

पूजो ए पूजार्यो वायो काँई-काँई मांगो
अन मांगां घन मांगां लाछ अर लिछमी
गोडा सूघो राज मांगा खूण्यां सूघो सुहाग
जळवळ जामी बाबल मांगा रातादेई माय
कान्ह कंवर सो बीगे मांगा राईसी भोजाई
साँवळियो बनेई मांगा सिज्यावाळी भँण
फूस उडावण फूँको मांगा हांडा घोवण भूँवा
पीळी मुख्यां मामो मांगा विणजारी सो मामो
इतदा वर देयो म्हारी गोरज्याए म्हे धारी पूजणवाळ
वर देई बाई कैसरिया ए सारी में सिरदार
मंडी वँठघो बाई मद पीवें ए जांगड गावें गाल
घोडें चडें अंग मरोवें चालें निरसतो चाल
श्री वर देई म्हारी गोरज्याए म्हे धारी पूजणवाळ”

प्रस्तुत गीत में ढोला-मरवण (पति-पत्नी) रो संवाद देखण जोग है जी' में घण रो आग्रह है कै आप गणगौर घर रो मनावो पण घणी फोजी साथ्यां रो दरवार में हाजिर होण रो बतार जावण रो ताकीद करै है—

म्हारे माथे नै मैमद ल्याव, म्हारा हंजा मारु यां ही रँवो जी
यां ही रँवो जी वरसता बादळ, यां ही रँवो जी
थाने रस्ते में होसी गणगौर, म्हारा हंजा मारु यांही रँवोजी
थाने कोटा बूंदी में होसी गणगौर, भवर कोई यांही रँवो जी

×

×

×

जावा द्यो छिणगारी नार जावा द्यो ना जी
थाने आय पुजावां गणगौर
म्हारी मिरगानैणी जावा द्यो ना ए

गणगौर त्योहार सम्बंधी राजस्थानी लोकगीतां में कोमल शब्दावली, भाव-मधुरता, कलात्मकता र साथ उल्लास रो गूँज है। वसन्तकालीन मादक वातावरण में श्री गीत अखूट रस रा भंडार लागै। गांव-गली अर झूपड़ा में ऊँच सुरे रा अ गीत इमरत रो खान लागै। कर्नल टाड बी उदपर रो गौर कै मेळी को सातिरो वरणन कर्यो है। राजस्थान में हजारों की सख्या में काठ रो गणगौरां है। जैसलमेर में हाथी र दांत रो नै जोधपुर में चांदी रो गणगौर बी है। गढ़ां सूँ ऊतरी हाथ कंवळ सिर फूल हांली गौर र सामे घूमर घालती औरता रो तो मजमो ई न्यारो। आं गीतां में नारी-मानस रो सहज अभिव्यक्ति मिलै। लूवर-या घूमर गीत र मिस एक बालिका सहज भोलापन र साथ आपकी काळजिये रो बात परगट करदे है गीत की कड़ियां देखो—

म्हारी घूमर है नखराळी ए माय, घूमर रमबा म्हे जास्यां।

म्हाने रमती नै काजल टीकी लादो मोरी माय,

घूमर रमबा म्हे जास्यां।

म्हाने रमती नै लाहड़ा दीजे मोरी माय, घूमर रमबा***

मनै राठीडां रो बोली प्यारी लागै मोरी माय, घूमर रमबा***

मनै राठीडां र घर परणाज्ये मोरी माय, घूमर रमबा***

घूँघट में झाँकती नारी जद ओ गीत नृत्य र साथ गावै तो समो बध ज्यावै। गीत अर नाच रो एकरसता, तान, हाव-भाव अर बोल लोगां नै भाव विभोर कर दे। महिला-जगत र सहज भावां रो निश्छल प्रकासन इत्ये अवसरां पर ई देख्यो जा सकै। मनोविज्ञान अर समाज शास्त्र रा पारखी आं गीतां अर घूमरां ऊँ घणी बातां सीख सकै है।

राजस्थानी कहावतों में गणगीर—राजस्थान की कहावतों में अठे रं भूमोल, इतियास, सस्कृति, प्रकृति अर जीवन की घणी बातों छिपी है। गणगीर सम्बन्धी कहावतों की मिल ६ जां में अं बातों देखी जा सकें—

१. तीज त्युहारों बावड़ी ले डूबी गणगीर—साधारण मास की तीज की त्योहार आखें राजस्थान की प्रसिद्ध न प्रिण त्युहार है। चेत मुदी तीज न गणगीर प्राये, ई बीच तीज ताणी त्युहार न आण सूं आ कहावत चाल पड़ी कं तीज त्युहारों में सें सूं पैली बावड़ी अर गीर बां न ले डूबी। गणगीर कुर्व या तलाव में डूबी जाय है।

२. गणगीरचां नैं ईं घोड़ा नीं दीडगा तो कद दीडसो—आ की राजस्थान की प्रसिद्ध कहावत है। गणगीर रं मेळें में घुडदोड़ नें कटां की दीड हूवें। जद कोई मंहगी या न मिलण हाली चीज ले आवें जकी बीरी आर्थिक दसा रं अनुकूल न हूवें तो वो गणगीर की घुडदोड़ की तरियां बीं की महत्व बतावें अर ईं कहावत की प्रयोग करे। तीज-तिवार नैं ईं गरीब चीखो ला पी सकें या पंर सकें।

३. हाड़ो ले डूव्यो गणगीर—वूंदी आंचल सूं सम्बन्धित आ कहावत है। पैली वूंदी में बी राजस्थानी रजवाड़ा की तरियां गीर की तिवार ठाठ-चाट सूं मनायो जातो। पण राव बुधसिंह हाड़ो रा छोटा भाई जोधसिंह आपरी राणी सरूपकवर साथे जैत सागर में गणगीर की प्रतिमा समेत डूवग्या जद सू वद हुगी। नाव में बिहार करतां थकां ई दो मदमता मैंगल लड़ पड़्या अर नाव नें उलट दी। ई दुस्मान्त घटना सूं राव राजा गणगीर मनावण की मनाई कर दी। आ घटना सम्बत १७६३ वि० में घटी ही। हाड़ोती की यो वातालाय ई की ई संकेत करे है—

—ममता गज आमत्या, खंच की लांबी डोर।

जैता सागर मांहिने, हाड़ो ले डूव्यो गणगीर।

गणगीर रं गीतां मे राजस्थानी जन-मानस की सांची अभिव्यक्ति देतो जा सकें है। खासकर नारी-हिरदय की भावनावां, आसा-आकांक्षावां गुल'र परगट हूवें। सैकड़ों धरसां रं प्राचीन ई तिवार की महत्व हर द्रष्टि सूं है। रंगीली राजस्थानी सस्कृति की रूढ़ी रूप ईं तिवार सू जुडघोड़ी है। बदलांजयोई जुग-परिवेस, मानता, मानव-मूल्य अर सांस्कृतिक आदरमां रं बावजूद बी गणगीर तिवार-उत्साह-उल्लास रं सचार नें मनोरंजन की द्रष्टि सूं आज बी घणी महत्व राखें। सामाजिक अर सांस्कृतिक जीवन की प्रतीक ओ तिवार इयां ईज जोस खुसी रं साथ मनाईजतो रंसी।



हिन्दी विभाग,
मारवा सदन कालेज
मुकुन्दगढ़ (राज०)

राजस्थानी ख्यातां

कृष्ण मोहनोत

मिनख रो सभाव इ निराळो व्हे । एका कानी तो वो है जठेऊं भी घणो ऊनी नै आगे बढण सारू रात-दिन जोड़-तोड़ करै नै एका कानी आपरै लारलै इतिहास नै जाणनै भी घणो उतावळो रेवै । इण इतिहास न जाणणरा भी घणा साधन है । वात, ख्यात, पीढियां वंशावलियां रै साथै सिलालेख तांबा पत्तर 'र रुक्का बीजा भी इतिहास रा खास स्रोत है । राजस्थान में तो ख्यात सबद रो अरथ इतिहास इज मानीजै है । यू तो ख्यात सबद रो मतलब घणो नामी के कीरतमान के पछै लोक में मानीताऊं व्हे, पण उत्तर मध्यकाल रै मायनै राजस्थान रा इतिहास लिखणिया इणरो अरथ और बढ़ाय नै इणनै इतिहास रो दर्जो दे दियो ।

राजस्थान रै मायनै ख्यातां लिखण रो चलण मुसलमान पातसाह अकबर रै बखतऊं मानीजै है । इणऊ पेली बात पीढियां वंशावलियां रुक्का नै विगतां बीजी लिखिजतीज ही । वात में एक मिनख खास रो थोडो हवालो व्हे । पीढियां मांय कोरो नाम नै सम्बत रो इन्द्राज व्हे नै ऐइ-रूप रुक्का ने विगतां रा व्हे । ख्यात लिखण रो सीख मुगल दरबार ऊं मिली, एड़ी बात इतिहास रा पिंडत मानै है । अकबर जद आंइने अकबरी लिखावणो सुरू करायो ने आपरै राज में इतिहास रो एक नेरो मेहकमों थिर-पियो, इण बात ऊं राजपूतानां रा राजा रईस भी सीख लेय नै आपरा राज में ख्यात या जिणने इतिहास इज के सका हां लिखावणो सुरू करियो । अकबर रै समंऊ लेय ने आज ताईं राजस्थान में घणी ख्यातां रचीजी । खास तोरऊ अं ख्यातां दो तरै रो हुवती । राज रा कर्मचारी राज रै खास हुकम ऊं उगारै राज रो ने बडेरा रो पूरो हवालो विगत वार लिखता । इण मायनै राठीड़ां रो ख्यात, जोधपुर रो ख्यात, उदयपुर रो ख्यात, बीकानेर रो ख्यात नै मारवाड़ रो ख्यात बीजी आवै । दुजोड़ी ख्यातां में ई व्हे तो इतिहास रो इज आलेख पण उणने लिखणिया आपरे मर्जी ऊं ने इतिहास रे चाव रै कारण ख्यातां रो रचना करै । जिणमें नैणसी रो ख्यात, बांकीदास रो ख्यात, दयालदास रो ख्यात, गुरां नारायणदास रो ख्यात, जोधपुर रै किले रो ख्यात बीजी आवै ।

सैगाऊं पुराणी नै भरोसेदार ख्यात "राठोड़ा री वंशावली राव सीहू जी सून कल्याणमल जी ताई" री मानीजै । इणमें राव सीहा जी ऊं सगोय नै राव कल्याणमल जी रे राज काल ताई री खास-खास घटनावां री विगत है । 'गुरां नारायणदास री ख्यात' मायनै बोकानेर नै जोधपुर रै राठोड़ सासकां वेणा भाई वेटां री पीढियां रो इन्द्राज है । साथै इ इण ख्यात री खासियत या है के राणियां, ठकुराणियां री भी जातियां नै वेणी साखावां रो संकेत है । जूद्ध में काम आया वे बीरां रो तिथि सम्बन्ध सामे नाव है । ठोड़ ठोड़ साख रा गीत दूहा नै कवित्त पण दियोड़ा है । राव रिठमल रै राजकाल ऊं सरू व्हे है । बीं एक नमूनो देखावो—

"राव जांघाजी रे पुत्र जोगोगी हुवा । टीकायत था पिण टीकी न हुयो । सनान करायो, उमरावां तेड़ियो, कह्यो पधारो किणहीक चाकर सवास कह्यो मायो मूर्क छै, इसा वचन सकुन्यां सुण्या तद टीकी न हुयो ।"

"जोगावत खगारीत छै, खगार जोगावत बडो दातार हुयो । घणा थोड़ा दीया श्रवसाण सिद्ध जंतवार हुवो ।

"खगार जी काम आया जंसा वरसिघोत सून वित लियो खवारियां सून तद"

श्रेड़ी सैग जाताऊं-आ ख्यात 'मूता नैणसी री-ख्यात रै सम री ईज लाने है । मूता नैणसी री ख्यात राजस्थानी में लिखियोड़ी सै ख्याताऊं वजनदार ख्यात है । क्यूंके इणमें इतिहास जाणना सारा साधन बात वशावलिवां पीढियां कक्का, गीत दूहा नै कवित्त समायोड़ा है । जठे दूजी ख्यातां एक राज खास रो हाल बताय सके उठे नैणसी री ख्यात ऊं केई राजावां रै राज रो हाल मालम व्हे । राजस्थान इज नीं पण गुजरात कठियावाड़ नै कच्छ री हकीकत भी इण में मिले १३ वां सईका ऊ लगा नै नैणसी रै समय ताई रै राजपूताना रै इतिहास सारू मुसलमाना रे लिखियोड़ी तयारीवा ऊं घण-करी नै भरोसै बन्द नैणसी री ख्यात है । राजपूताना रै इतिहास जाणन सारू जद इतिहास री दूजी खोज सामग्री हाथ भटकाय ले वठे भी नैणसी री ख्यात इज बंधारा री सोन किरण वणै । राजपूत राजावां रे शलावा वेणे भाई बन्द, री सामानां सारू तो नैणसी री ख्यात इज साची जाणकार है ।

कोरो राज रो इतिहास इज क्यूं भासा नै समाज रै इतिहास रै मायने भी नैणसी री ख्यात वेजोड़ कड़ी है । राजस्थानी भाषा रै इतिहास में नैणसी री ख्यात रो ऊंचो आसन है । राजस्थानी ख्यातां री सिरमौर इण ख्यात री मेहमां इतिहास रा मोटा मोटा पिडत मानी है । इतिहास रा जाणेत विद्वान स्वर्गीय दसरथ शर्माजी तो इण ख्यात री घणी मेहमां बताई है ।

नैणसी री ख्यात रै पछे 'दयालदास री ख्यात' ऊं भी इतिहास नै साहित समाज री जाणकारी मिले । इण माय नै बोकानेर राज रो पेळो विगतवार हवालो है ।

राव बीकाजी ऊं लेय ने महाराजा सरदारसिंह जी ताई रो सही हाल इण मायने दरज है । इणरें अलावा दयालदास 'आर्याख्यान कल्पद्रुम' री रचना पण कीवी जिणमें सगले हिन्दुस्तान रो इतिहास लिखण री कोसिस कीवी । बीकानेर रे इतिहास रो नमूनो-
 "पछे कमर बांधीज रावत जी व्हीर हुवा । सू राजासर आया । अरु रायजी श्री जेतसी जी काम आया । तिण समै सिरदार सारा आपरा ठिकाणां गया परा था सु किता एक नू किसनदास जी लिखावट करी । तिण माय लोक हजार छव भेलो हुवो ।"

दयालदास रें समै रा इज कविराजा बांकीदास जी भी एक ख्यात री रचना कीवी । इण ख्यात मायने समै समै माथे जेड़ी बाता मिली ने हुई उणरो अलेख है । इणमें कोई विगतवार न मोटी बात नी है पण छोटी-छोटी याददास्त सारुं लिखियोड़ी बातां है । जिकी उण ओखोण न याद अणावे के सुई रो काम तरवार नी सार सके । सोलंकिया रें साख री विगत पढ़ण सू आभात सोले आना सई निजर आवे है । 'सोलंकिया' रे भारद्वाज गोत्र, क्षेत्रज्ञ चामुंडा द्योय देवी, महिपाल पितर, परवर तीन खिड़ियो चारण, बांगड़ियो भाट, कडारिया ढोली सोलंकिया रे कुल देवी कटेस्वरी, बड़ी चरादेवी अरथ कुक्कुट चहणी लोक बहचरा कहै ।"

इतरो इज नहीं पण ख्यात में ठोड़-ठोड़ नीति री बातां, नामी कवि न लेखका रो अलेख है । नामी राजा, मंत्री, गढ़, गीत ने हाथी घोड़ा रो भी इन्द्राज इण माय है । आ ख्यात तो एक महासागर है उण माय मूंगा, मोतियां रें सागे सीपी घोधा भी मिले है ।

यूँ खास तौर ऊं ओ ख्याता राजपूताना रे इतिहास रो इज रूप है । बात, वंशावलि री ने पीढियां ऊं भी ख्यात रो मान घणो है । इण माय उण टेम रो राज रो, लोक रो, धर्म रो ने अर्थ रो सारो इ चित्राम व्हे । इयां भी इतिहास, समाज न साहित्य एक बीजे रा पूरक मानीजे । राज रें इतिहास लिखण रो ख्यात रो पेलो काम है इज पण इण रें साथे इ मन्दिर न गढ़ बणिया, जिणमें किण में कित्तो खरच ब्हियो न लोक में काई रीति-रिवाज हा उणरो अलेख भी आप ई आप आयगयो है । मतलब के एक राज रो इतिहास इज नई पण ख्याता ऊं भासा, साहित्य न लोक जातियां रो भी इतिहास मिलै । ज्यूँक मोणोत जाति रें उदय रो इतिहास "राठीड़ा री ख्यात" में मोहन जी रा बेटा रो ब्योरो लिखता टेम आयो है । "मोवण जी रे बेटा द्योय । १ भीयोजी रे वंश रा मोवणिया राठीड़ मसूर है । २ सुभसेण जी रे वंश रा मोणोत ओस-वाल हुवा तिणरी हकीकत ईणतरे है के रायपाल जी मांगा भाटी ने चारण री बेटो परणाय चारण कर दियो हो जिण बेर में मोवण जी न जैसलमेर रा रावल पकड़न ले जाय न आपरा कामदार श्रीमाल महाजन रें परणाय दिया तिण रें बेटा सुभसेण जी हुवा तिण रें वंश रा मोणाहत कहलाया ।"

याँ ख्यातां में तो ऐड़ा हवाला मिले जिका आज तर्हि चावा नी विह्या ने इतिहास री ऐड़ी केई कड़िया ऐ ख्यातां बिना बिखरियोड़ीज रं जावै । 'सूरज प्रकाश' ने राज रूपक जेहा महाकाव्यां माँय जोषपुर रा राव चन्द्रसेण रो कीं हवालो नी मिले, पण जूनी ख्यातां में नै मोणोतां री ख्यात में ऐणो जिको हवालो मिले उणसूँ आ ठा पड़े क ओ राणा प्रताप रै जोड़ रा जुझार हा जके आपरी आन नें मान सारु भातर-भातर भटकिया नै रोही रा रंवास किया ।

इने सगै एक बात तो मानलीज पड़े के ख्यातां में कठेई सन-सबत् कूड़ा दियोड़ा तो कठेई राजा खास रो व्योरो उणरै समय ऊ एण सईका पेसी पछे है । पण ओ तो इतिहास रा पिढता रो काम है क चालणी ज्यूँ छान, बीण कर नै सार नै लोक रै सामे रखे ।

इतिहास री आज री कोई पोयी ऐड़ी नीं है, जिनमें ख्यातां रै अटान बिना इतिहासकार आपरी कीं बात कँ सवया है । ठोढ़ ठोढ़ नंणसी, दयालदास, बांकीदास ने नारायणदास री ख्याता रै सागेई राठीड़ा री बीकानेर री, नै घणाह महाराजा री ख्याता रो हवालो दियो । इतिहास रा मोटा विद्वान नै पिढत डा० दसरथ सम्रा, गोरीधकर हीराचन्द ओझा ने विदेवदेवर नाथ रेऊ बीजा तो ओ ख्याता री महिमा माने इज है, पण परदेस रै इतिहास रा जाणकार भी राजस्थानी ख्यातां रै, अटान बिना इतिहास नै अछूरो इज मानै ।



प्रा० जोषपुर विद्वयिचालय
जोषपुर

गूंगली चेतन स्वामी

जेठ रो तपतो महिणों अर ऊपर सून चालतो कुलखारी लू । आलकतरें री सडकां लुहार री भट्टी सो तपै; पण गूंगली नै किण बात री फिकर । उणरै भवां (भले) लूवां क्या लूवां री बाप चालो नीं चावै, सडकां भट्टी क्या रेल रै इंजन ज्यां तपीनी चावै । बा तो आखी दिन बीया ई उभराणी तपडका मारै । अक जाग्यां बैठी तो उणनै स्यात ही कैण देखी हुवैला ।

सियाळो, उनाळो, चौमासो किसी ही रुत हुवो । गूंगली रो अक पहरावी हुवै फाट्योडो मेलो कुचेली सो स्याडियो, (घाघरो) टुकीआळी कांचळी, अर अक फाट्योडो सो ललूरियो (ओढणो) माथै ऊपर नांखयोडो । कितरो ई कडकडावंतो पाळो पडो । गूंगली रै शरीर माथै बीजो गावो नीं दीसै । साधो-बुधो मिनख पाळै सून जकडोजर्या पण कै मजाल गूंगली नै तेज तावडो चढै । कैवत साची ई कैयो है कै 'भोळां री भगवान राखै टेक'...

आपरो दीन घमं विचार'र जै कोओ बासी-कुसी गूंगली नै देय देवै, गूंगली पोता री कायाने भाडो दे देवै अर फेरूं मस्त, पण गूंगली भी अजब तरीकै री सिटकणी (चिड़ोकली), उभराणी फिरती नै देख'र जद कोओ फाटी पुराणी चपलां देय देवै, तो गूंगली चपलां नै पाछी दैवण आळै रै सिर माथै मारै, अर रोळा करे गळियां में भूवती वेळां कदैई नीं बकती दीसै, पण जे समझदार मोटो मिनख लुगई छेड़ लेवै तो रांडा-बूडां री गाल्यां काढ्यां बिना नीं रेवै । छतांपण गूंगली में अक अनोखी घात फेरूं ही नान्हां टाबराने कंओ नीं कैवती । नान्हां टाबराने नै देखता ही भाज'र साम्ही आवती अर टाबर नै बांध्यां में उठा'र छाती सून काठी चंप लेवती, मुंडै माथै सैकडूं वाल्हा(प्यारिया) जवरदस्ती लेवता थका बडबडावती "....म्हारा नैनकिया....म्हारै काळजियै री कोर....म्हारा नैनकिया इतरा दिन तूं कठै रमगयी हो...."।

अचाण चकै री गिरफ्त में आयोडो टाबर गरळांवतो ।

"अे मां अे...गूंगली खा अे...मां म्हने गूंगली खा....sss...."

टावर रो रोवणो सुण'र टावर रो मां भाज'र वेगी वेगी आंवती अर गूंगळी रे हाथां सूं टावर नै छुड़ा ले जांवती, जाती जाती पांच सात गाळ्यां रो बगशीस गूंगळी ने बनाय जांवती ।

“निसरमी रंडार नै ढोई ई को ह्रुवें नीं...डाकण गळी गळी हांडती फिर बोकरसी, टावरां नै सुख सूं को खेलण दें नीं...।”

टावर रो बांवलियो भाल'र आगीनं करती टावर रो मां पाछस फुर'र ओजू चेतावणी देवती थकी केवती 'अबकाळ जे टींगरा नै अधाई तो वखोरो सी; भांग नाचूली'

गूंगळी अकटक जोवती रेवती, जोवतां जोवतां ही उणरं ठीमर (धीरज) फूट ज्यांवती । नैण सावण भावद रो झंडी लगाय देवता । अक भरजोर नेहरो निसकारो नाख गूंगळी आगली गळी में रम जांवती ।

×

×

×

आज जद म्हें नानाणे सूं भण पंढीज'र दस वरसां सूं पाछो गांव आयो तो लारली बालपणे रो सेंग वातां मुंडें आगे सनीमां रं पडदे मागे चितराम आवे उपा आवण लागी । जूनीये पीपळ तळें हाहा लकड़ी रमता हा अर बीं टंम ही घूमती घामती आ ज्यांवती गूंगळी । सेंग रमणवाळा टावर चिटावणो सरु कर देवता—“गूंगळी पारं माथे ऊपर भाठी...गूंगळी थारं माथे ऊपर भाठी ।”

टावरां सूं गूंगळी रुदे ही नीं चिडती टावर चाहे जचे ज्यां केवो छतां पण टावर डरता भागण लाग जांवता । गूंगळी भाज'र म्हने पकड़ लेवती अर म्हें गूंगळीवतो म्हारो गरळावणो सुण'र मां आयर छुड़ा ले जांवती । फेर गूंगळी केघी जेज ताई आंसूड़ा ढळकावती ।

आज जद अरे वातां मुंडें आगे आवण लागी तो मां सूं पूछ बंद्यो ।

—“मां गूंगळी तो को दोसैं नीं आस-पासैं...काई ह्यो उणरो ?”

मां रो आकरो सुभाव सदा सूं है पण म्हारी अचाचूक रो आ वात सुण'र तो मुंडें माथे मुळक आ ही गी । फेर नेहयळं बोली—“ह्रुवें कांवी हो मरगी, पण तने या अचाचूक रो वात पूछण रो कांओ सुझी । दस वरस ह्यग्या पण मज को भूल्योनी ?”

भूलूं कियां...फेर थोड़ी जंज रुक'र बोल्पो—“मां गूंगळी जलम सुं ई पागल ही कांओ...उणरं टावरां सूं अणूतो कोड कीकर हो ?”

मां फेरु हंसी—

“बात्रळा ! थन कांओ लेवणो हे आ वातां सूं हणें तो नानाणें सूं आयो है—उठे रो वातां बत्ता ओ तो फेरुं ही होवती रंसी ।”

“नहीं मां म्हने गूंगळी रे वारें में सगळी वातां बत्ता—नानाणें रा कोओ समचार है । सब राजी खुशी है ।”

घणो अधायो जणें जा'र मां गूंगळी रो इतिहास बतावणो सुरू करियो ।

“ओ...जको आपां रे आधूणें छेड़ें उपासरो है वो कदेई गूंगळी रो हुया करतो । गूंगळी रो मोटियार, गूंगळी अर उर्वरो नैनो छोरो तीनां तीन ई रैवता । गूंगळी रो मोटियार मास्टर हो । सगळां रें मुंहडें लागतो आदमी हो । इयें उपासरें में टावरां नें भण्णावंतो । टावर भण्णावणें रें अवेज में उणने मोयलाळा जरूरत री चीजां देग देवता । मास्टर री जिननडी पोतारी सुख सूं हालती हो । मास्टर आपरें रस्तें सर चालतो इण कारण सूं सैंग मोयलाळां रो प्यारो हुयग्यो । कोओरी नें पण शिकायत रो मोको नीं देवतो । पोता री ईमानदारी अर भैणत सूं टावरां नें पढावंतो ।

मास्टर सदा सूं रिगली गारो हो । लोगां नें रोजीना सांसरा उपासरें में भेळा कर लेंवतो अर उवांन आपरी घड़ियोडी का'ण्यां सुणावंतो । उण री का'ण्यां कोओरी राजा-राणीयां री नीं ही । भोगता जमींदारां री काट करणवाळी होवती उवां रा जुल्मां माथें मास्टर खार खायां बँठो हो । कोओरी भोगते नें उर्वरी लिखियोडी का'णी पोंचगी । दूजैई दिन लोगां मास्टर अर उवें रें नेंने टावर री लाश दीठी । कोओरी दोखी मास्टर अर उणरें नाहे छोरें री कतल करदी हो ।

दिनूगें उठतें ही मास्टरनी (गूंगळी) जद मोट्यार अर आपरें अकलडें छोरें री लाश दीठी तो तड़ाछ खाय'र पड़गी । च्यार दीना पाछें मास्टरनी न चेतो बापर्यो तो अबै वा मास्टरनी नीं ही । गूंगळी रो खतबो मिळ चुक्यो हो ।

गूंगळी नें आपरें अकलपें छोरें सूं भोत बती मोह हो । इण वास्तें वा सदा गळियां में खेलता टावरां में आपरें छोरें नें ओवती रैवती । मां इतरो कैयन चुप हुयगी । म्हें ह्यालां रें हूंगै सागर में गोता लगावंतो थको मां सूं प्रश्न कर्यो—“पण मां वा इत्ता छोरां रें होवता थकां म्हनै क्यां बाथ्यां में घर लेंवती अर म्हनै ई क्यां वाल्हा देवती ?”

मां बतायो ।

“जिण दिन गूंगळी रें मोटियार अर छोरें री हत्या हुयी हो उणी दिन थारो जलम हुयो हो पण गूंगळी नें इण बात रो पतो नीं हो वा तो थनै इण वास्ते ज्यादा वाल्हा देवती कै'थारी अर उर्वरें छोरें री सूरत अक ही जैडी ही, उवेंनै ह्यात थारें चे'रे में आपरो फरजन्द लखावंतो ।”

मां तो कैवणो बन्द कर दीयो हो पण म्हारो सोचणो जारी हो । मां रें मुहडें सूं पूरी बात सुण'र तो म्हनै ह्यां लागण लाग्यो कै जाणें गूंगळी म्हारी मां ही अर वा अबै इण नृश्वर सेंसार में नीं है । आख्यां री कोरां में हाथ लगायो तो बँठे नमी ही । बँठ्यो बँठ्यो ही भर जोर निसकारो नाख्यो—‘हे गूंगळी मां तूं जठे कठैई हुवै थारो आत्मां नें ह्यांती मिळ ।



प्रबन्ध सम्पादक राजस्थली
श्री हूंगरगढ़ (चुरू) राज०

सावली और लूगड़ी

विक्रमसिंह सोलंकी

घूळ सूं खैलती-खैलती, सारी की सारी घूळ में लोट-पोट हो जावें छी मूँ ।
दन-रात उगवा सूं आयतां ताई यो हो एक काम छी । रोटी तो दूरी, पण फाणी नें भी
भूल जावें छी । जद ताणर तस लागती होठां पं फेफरी आ जाती जद ही मामी-मामी
जार मां सूं कहती—“मां फाणी पोळंगी री”

“चाल थई फाणी की तो याद आई ।”—मां रीस पार रीती ।

अर मूँ गटां-गटां फाणी की घूंट नें उतार पाछो-को-पाछो घूळ में घर-गुप्पा
जा बणाती ।

वै दन भी बीतता ग्या, अर हरण-धूवरो, छीया-पत्ती, लाटी-पूट्या मेलती
री-खैलती री, अर नांगतणी रँहती-रँहती छोटी-सी घाघरी पहरवा लागी । कोई भुगनू
कहतो, कोई भवरी, कोई नूपाली अर कोई चडी अर मूँ छोटी-सी छोटा-छोटा मूँटा सूं
वार्ता करवू करती । कदीं दादी की गोदी में तो कदीं बाबा का कांघा पं, अर कदीं मां
काँख में लटकाती ।

“थाकें तो घण्टी ही लाडली भाई कोराणी । ई छणोक ताई नीचें हो न
उतारो ।” म्हारी काकी कहती ।

“ई का अस्या लक्खण बगड्या छै क ईं सूं नीचें हो न चाल्यो जावें । सारा
गांव के चक्कर लगावंगी, घर-घर नापंगी पण मूँ दीपी क ईंका देवता सोझास जावें
छै ।” म्हारी मां कहती ।

असी मनमान बांता पाछें छूटती गी अर मूँ बडी होवा लागी । घाघरी-
लूगड़ी सूं अब घाघरी अर लूगड़ी खंचा लाग गी । मां भी जादा गैलवा न दें छी । मूँका
गांव में पांचवीं ताई कोई मंदरसो छी, ऊमें पांचवी करली । अब एक ही काम छी, ऊ
भी घर की व्वारो-वस्तण, सोवणू-टोपणू, कदीं-कदीं कसीदा भी पाड़ती । दोनो
टैम रोटी-स्पाग तो म्हारें ही पांती छी, ‘मां और काम करे छी ।

या तो म्हेईं याद पड़ ही गो-छी घणां दन फेली ही क म्हुं एक दन पांखड़ा लगाए उड़ जाऊंगी, 'म्हुं परायो घन छूं' । एक दन ई घर सूं जाणी ही पड़ंगो । गांव में म्हारै सामने नरी ज्यान्या-बरात्यां आई छी । सुगना तो म्हुं छोटी छी जद ही परण गो-छी । राधा भी परणी परणाई छी । पारवती के ई साल ही गूगू देवा की सुरसरी छी अर म्हारी भी चरचा घर में म्हसूं छानी कोई न छी । कदीं ऊं लड़का की बातां तो कदीं ईं लड़का सूं सगपण की । कोई दो हजार मांगे छो तो कोई ईं सूं ऊपर ।

बड़ी अजब लाग छी ये सब बातां क बेटी की तो बेटी द्यो अर फेर ऊपर सूं पीसा द्यो, डायजो सजोवो, गहगू बणावो, कपड़ा लत्ता को सूत बांधो, बरतण-थाळी बसावो-अतरी जद चीजां होवें जद जार एक बेटी का पीळा हाथ होवें । गजब छै, ये दुनियां हाळा भी ज्याईं काई समझ न आवें । यां ई समझावें भी कुण, फेर समझें भी कुण छै ? अक्कल खुद के गोडें अर घन दूसरा के गोडें दीखें छै ।

तरै-तरै की बातां सोचवा में आवा लागी, भलाई बेटी बोल न । अर या भी सुणवा में आवें छै क बलद अर बेटी तो 'जठी डौर उठी' हो जावें छै । बड़ी ताज्जब छै ईं बात में भी क ई मनख्यां की दुनियां में बलद सूं भी गो-वीती छै या बेटी की ज्योत । बलद तो फेरूं भी तुहार भाग जावें, पण बेटी जीसूं बाघी ऊस बघा हो र जावें छै, मारै या ताड़ै, पण स्याणी की स्याणी एक हो ठाम प बघी रवंगी । या ऊंचा-नीचा बच्चारों में एक दन अस्यो भी आग्यो क म्हारी सगाई भी होगी, अर लाड्यां गाबा को बलावो लाग्यो । म्हेईं आज समझ में आगी छी क बेटी जनावर सूं भी सस्ती छै जीया भी याद कोई न क कुण तो ऊ छै, ऊकी कसी नक्ल-सक्ल छै, कस्यो रूपाळो छै, कस्यो सभाव छै-ये सेंदी बातां म्हारा दिमाग में फरती-फरती ठंडी होगी, कोई-न काई रवी, कोई न काई । सब बातां सुणतो री अर मन का लाहू बणाती री-अस्यो होवंगो, अस्यो होवंगो अर फेर घर हाळा भी तो म्हारा ही छै याने जै भी करी होवंगी, आछी ही करी होवंगी ।

गांव की लुगायां बातां भी करे छी अर लाड्यां भी गावें छी ।

“चाली घणी आछी होई भाई, बेटी तो पैलां की करणी हो पड़ै छै ।”

“करै न तो काई करै ? यो तो घन ही परायो छै ।”

“बाबा-दादी की भी मशा पूरी होगी । वैं भी घणां दना सू करै-छा क ब्याव म्हां के मूंडा आगे हो हो जावें तो घणूं रूपाळो लागे ।”

कोई न रवी, “बोझ हलको होग्यो ।” अस्यां जतना मूंडा उतनी ही बाता होती गी ।

अंदाईं घणी मोड़ी नींद आई । सोचती री क आज सूं आपणा अंजळ-दाणा ईं घर सूं उठग्या । अब मीनां दो मीनां में जागू ही पड़ंगो ।

दनाई कड़तां देर न लागी । कतना ही आमण-टामण होवा लागया । बन्ध्याक बैठया, सीगसा लागव । लाग्या, अर हल्दी सूं सारा कपड़ा पँट्टा होवा लागया । लाड़ी-बन्ध्याका को नूतो आतो । जस्यां ओर लाइयां देखी उस्यां ही म्हई भी बणणी पड्यो । उस्यां ही लाज आती, उस्यां ही माथो नीची को नीची रंतो, बोल्यां सूं बोल न पडतो । न तो रोटी वारे ही आवं छी, न भीतर ही जावं छी । अतनूं भी फकर कोई न छी क परणवो एक फांसी छै अर या भी खुणी कोई न छी क परणवो आछी बीज छै । या बात जरूर याद छी क वेटी नै परणानू हो पड़ै छै । तेल बैठया । रोज कावयो-भाभ्यां तेल छीड़तो अर तेल गाती । बंदी-कदीं तो मन-ही-मन हांसी आती क तेल भी गय्या जावं छै काई ?

अस्या करता रया पांच दिन ताईं, बासणां के दूसरे दिन गैठो, ऊई दिन फेरा छा । मैडा के दिन अतना भी डूम-डाम होया क जीव रह्यो, यो करो ऊ करो । स्याम पड़तां-पड़तां कोई नै आर रवी क जान को नाई गयो-जान भागो, कांकड़ पे बैठ बाज्यो क काळज्या में डोळी-सो पड्यो, क अब तो...

फेरा की टैम पे फेरा पड्य अर बसदर छानी-मूनी भाकती रो । स्याण-स्याण लाडी फूटल्या मारा नंगां के आग करता रया आज छीतरा का सादा-सादी में जीव आग्यो छी ।

अब म्हूं वेटी सूं बूँ बणगी । कतनूं ही नयो अचरज म्हारा मनन-जमारा में आ जुड़्यो ।

बावळ की छाती अर मायड़ का काळज्या सूं बढानी अर सासरा का गंता पे गाड़ी-गुड़कवा लागी । गुड़कतां-गुड़कतां ऊ घर भी भाग्यो ज्यो नई जन्मगानी, नई दुनियां, मनख नया, घर-आंगणा नया अर पैला को पूत, जे परमेसर-पी घरप ल्यो ऊ का मंदर में पांव धर्यो । सारा घर में फावणां को मेळो-सो भर्यो छी । समो म्हारा मूँडा आडी भांक रया छा, परण लांवा-सा घूँघटा में म्हूं लाडी छी अर सभी की आख्या एक टक सूं म्हई घूरतो रो । एक-एक कर सभी ने म्हारो मूँडो देख्यो ।

“लाडी तो कूँळा-गांडी मूरत छै ।”

“चन्दरमा का टूकड़ी आयो छै जाणें घर में ।”

“ओ...आया, अस्या गीरो रंग भी काईं काम को, कदीं भी नजर लाग सकें छै ।”

“खा-खार जा र्यो छै घोळा खालड़ा पे यो पडळो ।”

कोई नै काई रवी, कोई नै काई, अर अब म्हूं नो दिन को लाडी अब पत-टवा लागी ।

दन बीतता गया। कहीं सासूजी का मन मैं न समाती, तो कहीं नणद बाईसा का बोल काळज्या सूं पार हो जाता। बड़ा नणद तो ब्याव क पाछें ही वाँकै सासरै चल्या गया छा। बाँका आठ दन का हाव-भाव भी गजब छा। जस्यां-तस्यां वै पघार गया छा, पण छोटी नणद छोटी-छोटी बातों नै सासूजी सूं चपोती, थोड़ी-सी भी मोड़ी उठती तो रसोई का बतरण वाज उठता, एक घरता अर एक मेलता सासूजी। वाँकै सराणै नै मूँ कहीं खड जाती तो खैता—

“मच्च-मच्च काँई चालें छै, थोड़ा पाँव तो घीरां घरवू कर।”

असी-बार्ता सूं जीव काळी-पीळी हो जावें छो। वै भी या ही खैता—
“थारो बगड़े काँई छै, जस्यां मां खैवै अस्यां ही कर लेवू कर।”

आज कै पेली या-यूँ खै द्यू क जद कुंवारी छी जद सुणवू करै छी क सासरो-घणूँ कठण होवें-छै, आछो-आछो का होस डोल जावें छै, घणां हाथ्यां को मद गल जावें छै। ऊँठी सासूजी की कुणस, उठी नणदां न भावै अर छोटा-छोटा देवर भी रोस गाँठे। आज नूण कम, आज मरच्यां जादा। या साची ही बात छै क जै जादा डरफे छै ऊँई भूत दीख भी आवे छै। कतरों भी सबलर काम करती, पण कोई ठीर तो कसर रै ही जावें छी। एक दम बाँकी स्याण में जाणै कठी सूं बाळ खड आयो तो थाली असी फाँकी क स्याग सूं म्हारा पग दाजग्या। नठां जार बाँकी गुस्सो ठंडो कर्यो बचपण का सारा का सारा खेल-तमासा भी घणी दूरै दीखें छा। कतनी भी कोशीश कर पण घणां घणी दूरा रंग्या छा। घूळ का घर-खूणगा मटग्या छा अर ये साँच्याई का घर खूणयाँ की भणकार म्हारा प्रावां में गूँजती री। लाम्बो सी घूँघटों खाड र घाणी को सी बलद बणी फरती, कहीं-कहीं तो घूँघटा में ठोकरां भी खाती तो या ही आवाज आती—“आँघी छै कैँई? देखर तो चाल।” हाँसी भी आती, तो रोवणूँ भी। हाँसी यूँक ये सब आख्यां होता भी आघा छै अर रोवणूँ यो क मरबा की, न जीबा की। कैँई बार तो रोटी कंठ में चुभती अर आंसू टलक देणी सूं टपक पड़ता। हाय र सासरो, हाय र मनखाँजमारी। बाबल नै तो घर ही देख्यो, जौमैं दोन्यूँ टैम को दाळ-रोटी छी। बर भी छौकी, पण घर हाळां को सभाव करमां दीखें।

रोज काँई-न-काँई बहानूँ अर ठाँको रोस म्हारा माथा पैं आतो। सारो-को-सारो बाळपण घणीसी दौर में ही खडग्यो। “अटली-पटली गाँठ गठेली आरें नाई द्यो जो, द्यो जो सूना की पाळ पसार दे।” सूना की पाळ तो काँई आख्यां की पाळ रोज फूटती अर फाणी-ही-फाणी हो जाती, मोरड़ी का-सा आंसू टपकवू करता। सारा लाड खेतलयां घलग्या, साँची खैवै छी मारी काकी—“देखो कौराणी ई-लाडां सू लोड्यां मत नंगळावू करो, एक दन सारा लाड खड जावैगा। साँची बात छै बाळपण में जादा ईतराबी, गाबी, रुसबो अर यो खाऊँ, ऊ खाऊ सारा ही एक-एक कर खड आया। सासरी अन्त्याम-सी लागर्यो छो ज्यां रोजीना नया-नया पाठ फडणी पड़ै छा। काँई-काँई याद रखाणती?—यो कर, अस्यां कर, अस्यां बैठ, यूँ न यूँ चाल, पल्लो कुड़ैस, लूगड़ा

ही साम'र चाल। जीव रैग्यो ये सब नखरा सहता-सहता। बस कं बारं छै सब काम। सैर जस्यां-तस्या दब बीतता र्या, घर-घण्यां सूं भी कई बार ली, पण वानं भी यो ही जवाब द्यो, 'मूँ कई करूं। थू खैवे जै करूं। कस्यां समझाऊं? मां जाणै अर थू जाणै। 'कई बार तो अस्यो कस'र गुस्सो आतो मन ही मन में अर ली उठती कस्यो लोग छै एक ही बात न मानै। श्रीरां का लोग तो लुगायां कं आगं नाचै छै, फरक्या-फरक्या फरै छै।'

कुण नै भी चत न धर्यो, सब आपणा-आपणा की ही भीड़ बोलता। सब आपणी-आपणी आतपा का मगा होवै छै। मूँ तो छी भी पंता की जाई, कुण कं दरद हो तो।

जीनै जस्यां रवी, उस्यां ही करतो री। मां की समझाई या बातां मूँ चाततो "वेटी, सासूजी थारी धरम की मां छै अर ससरा जी परम का बाप। दैन, धारा घरका में गाल्यां मत खडाजै सबको खी मान जै।

जीव कं ताई दुख द्यो, पण सबकी खैण मानतो री। घणूंक म्हारो सभाव छी क कोई को खरवाद्यो न सै सकै छी, पण सय पराणी दाता का बच्चार, बच्चार ही रै ग्या।

रवंगूँ करतां-करतां कोई को थूक्यो, न उसांग्यो, पण एक दिन परबत टूटल छो, जे टूट्यो ही सरी। म्हारो तो सांझ पड़तां बयारो साठ'र घाबो छो क बोहो-सी खोटी पाछे सूं उगड़ी रैगो। उईं घड़ी ससरा जी को आबो होग्यो। याने थू भी न करी, पण सासूजी नै अस्यो बहानूँ पकड़्यो क साग का सारा म्हारा पोहर का कूळै। बला ल्या। एक घरें अर एक खाड, हाथ उठावा ताई की नोयत घागो। ससरा जी या ही खै'र बारं चली ग्या, 'ईं खालं एक दिन, जे धारा घर को भी टंटो मट जावै। जद देखै जद भापड़ी नै खाती रैवंगो।' पण सासूजी कं तो एक भी न सागी। रात पड़गो, तो नठा-नठां दिन ऊग्यो। ज्यूं ही दिन ऊग्यो, रामायण चालू होगो—

"चोटी दीखी अर बयूँ दीखी, " या ही एक धुन छी।

मूँ सुणती री अर काम करती री अर सासूजी तो गुस्सा सूं ठस सूं मत न होया अर बड़बडाता र्या।

"मां, हे मां, बड़ी जोजी बाई को कागद आयो छै।' छोटी नणद या रीतो दौड़तो आई।

"देखां काईं समचार आया, पड़तो।"

छोटी नणद कागद पड़वा लागी—

"...मां, ईं का होत की तो थू म्हारै ताईं नदी में धकोल देती। एक दिन

माथो उगडयो काई रंग्यो क सारा घर में जंजाळ छारयो छें । जे भी आवै छें सब कुणसै छें, कोई को भी सुख कोई नै । सासू भी वैरग छें जे सळगी लाखड़यां सुं भी म्हईं... । अरी म्हारी मां, म्हारो गळो मसकर कळूँट ले लेती री । अरी म्हूँ मरबा को, न जीवा की री । भायो खंदा'र म्हईं मंगा लै री ।

सारा घर का ही रोबा लाग्या, म्हूँ छानी-मूनी खड़ी री ।

सासूजी उठ्या, फागों प्यो अर म्हसूँ खंबा लाग्या—'बेटा, म्हईं माफ करजें म्हसूँ गलती होगी ।'

अब राजा राज छें अर प्रजा चैन छें ।



द्वारा हाडौती शोध प्रतिष्ठान
कोटा जक्शन, कोटा

सम्पादक रो पतो—

डा० कन्हैयालाल शर्मा
४/२ सिविल लाईन्स,
बीकानेर

भैरव्योड़ा पगल्या

डा० मनमोहन स्वरूप माथुर

अमिट नें देख'र म्हारो जीव उदास हूँ जावँ । नी जाणें क्यूँ ? ऊंची भय्योड़ी भाँग रंग काया । चोडा माया पं घूँघराळा केस । पण म्हूर्न बीको रूपाळो पण कोनो भावँ । साँझ लान माथे बँठ्योड़ी म्हूँ याई सांमळ रो ही कँ अमिट वठें आ पूग्यो । साँगात्रेरी छपाई रा वेल-वाटम ऊपरें टोदार वूट पंर्योड़ी वो घणी रूपाळो लाग रग्यो हो आताँई वो म्हारी लारली कुसी माथे बँठग्यो । हाथ सून लिफाफो काढ'ण म्हारा आंगें बढायो । "वेना घणी काँण्या लिखें है । या ले म्हारी भी एक का'णी ।" म्हूँ पाका सून ऊँरी उणरो काँनी दँखूँ । यो लिफाफो ? ईमें कई है ? "सुणता हीज अमिट रो हास ठा'का में बदल गयो ।

"याई तो कळ हूँ वेनां । ईमें है म्हारी का'णी । ले बाचं नी ।" यो कय्यो । म्हूँ लिफाफा नें खोलूँ जतरें वो बोल पढ़ें वेनां, यो एक छोरी रो कागद है । म्हूर्न घणी चावँ । अरे, खोलेंनी ।"

"पराई छोरी रो कागद म्हूँ क्यूँ बाँचूँ ?" म्हूँ कयो ।

तूँ भी भोळी है वेना ! बाँच'ण देख तो, कपू लिग्योड़ी है ? कागद शोलता ही किस्योँ-किस्योँ लाग्यो । 'म्हारा सिरजणहार' पदताँ ई तो हँसी फूटगी । लिग्यो ही "थां हर हफता आओ हो तो साँच कँऊँ सूणी जिदगांणी में गीताँ रो गूँज छा जावँ घर थांरें जावण रँ पाछे म्हारो जीव फाट्यो जावँ । थारें सांगळ उण दिन जी रोल नें देनी ही आज भी नी बीसरी हूँ । लाग वा परदा रो नी म्हारा जलम री रोल ही । सायद काकोसा नें ठा पड़गी । पण म्हूँ कळूँ भी तो कई ? अमिट ! म्हारा हिरदा सून प्यारा अमिट । म्हूँ तो थांकी रेख हूँ—अमिट रेख । जो कदो मिट नी सकें घर थां भी ईनेँ मिटावण री जतन मती करजो । थां वो अदरग बाड़ी में मिळज्यो जठें थापांरें मिलण सून पुमप मुळकावँ, भमरा गुणगुणावँ अर थांको प्यार—"" आगे री लाहणा बाँची नी जावँ । म्हारी आँख्यां रे सामें वीं भोळी भाळी वसुधा रो चेरो उभर आवँ । म्हूँ सोचवा लागो

“अमिट सात फेरा फिर र उणरो अगनी देवता रे सामे हाथ पकड़यो । जिणरो लार साथ देवां सारु । पण कठे मल्यो बीन भरतार रो सारो ।”

कितरा बरसां सून अमिट नै जोवती आ'री हूं । मावीत्र रो घणो भरोसो है ऊपै । छं बेनां ऊं मोटो है बो । मावीत्र सरबस निछावर कर सकै ऊपै । ईं खातर हीज ती छोर्यां नै फसावणो ऊको डांवां हाथ रो काम बराग्यो है । गावां अर करीम पोडर रो रीब डाल'ण वो आपरा खास मुखौटा नै छिपाई ले । लोग सोचै घणा मोटा घर सून है यो । पण या कल्पणा री उड़ान पछै कितरी फोकी लागे—ईनै अमिट पिछाणनो हीज नी चावै । रिटायर्ड बाप रा अरमानां नै पूरो करवा सारु वो लारला चार सालां सून बी० ए० पास करवा रो जतन कर र्यो है । पण आज तलक तो वो पास नी हो सक्यो ! जलम रा ईं चटकीला रख सून तो प्रस्थो लागै कै ऊंका जलम रो सगळो अस्तित्व हीज खतम हो जावेलो । छ छोर्यां री उमर रो बोझ अर अमिट रो दुख ऊंका मावीत्र री जोत नै सदां बदळै जा र्यो है ।

बेटी ! अमिट थनै घणो मानै है । ऊनै कं क जलम रा आखरी दणां में तो मूँ बीनै खबर सून देखलूं । ऊनै बी० ए० तो कर हीज ले'णो चइज । ईं साल वो चित लगा'र भण ले । ठाळोपण छाती रो बोझ वणतो जा र्यो है । बो ईं बोझ ने हीज हलको करदे । यूँ पचास-साठ री नौकरी पावा री कौशिश तो मूँ भी कर र्यो हूं ।

वांकी भर्योड़ी आख्यां म्हारा सून सही नी जा सकै । “ईं बँस में भी बीं नौकरी री सोचै ? मतलब बी खुद अब भी अमिट ने ज्ञान शौकतऊं राखणो चाई र्या है ?” अब वांका मन री ऊमस म्हनै सदां वैचेन करवा लागी है ।

आज फेर अमिट म्हारा मन रो बोझ बढ़ा दैवै । गरीवणी बी० ए० में भागवाळो छोरी जी अमिट रें सगै अमिट-रेख वणवो चावै । जदी अमिट हर बनिश्चर ने ऊं से मिळबां सारु ऊं कै कनै जावै । बाप सोचै क अमिट बाप रो बोझ बंटावण खातिर नौकरी री टोह में ग्यो हें । पण बेटी जी वठै पै'ल्या बूझ र्या है ।

आज मो'ना रो आखरी दन है । वो आज आपरी गौरडी सून मलबां नी जा सकै । वो सांभळै विचारी रा प्राण कंठ ताई पूग्या ह्वेगा । जदी बीनै एक तरकीब सूझै । बो तुरन्त बेना कनै जा'र कैवै “बेना ! बस दस रिपया दैदे । पेली सून ‘पाट्टाडिम’ नौकरी करूँला ।”

जाणै म्हने क्यूँ लागै कै अमिट भेक र्यो है । बींका भेकतां पगल्या नै ठामणी चइज । ‘जीं दन रेखा सुगेला कै तू परण्योड़ी है, ऊंदाण ऊं प्रेम री कई गत होवेली ?’ में ऊने कयो ।

“वाह बेना ! ऊनै कदी ठा नी पड़ेला । तू हीज बतळा इतरी छोटी बेस में कीरो ब्याव ह्वै है ? फेर म्हारो हीज क्यूँ कोघो ? जद ब्याव कर दीघो तद मूँ बीनै

क्यूँ होऊ ? मावोय ने बू मल्लगी घणी सेवा करावे वो ।”

“तू वीसूँ व्याव करेला ? है अतरी हिम्मत ?” पेंशनयाफता बाप रो छोरो जींकी भण्णई भी पूरी नी ह्वी ह्वी वो कीं घरती पे पग मेलणो चाइ र्यो है ? “सांच तू भी ऊसं प्यार करे है अमिट ?”

“व्याव करवा नी करवा री बात छोड़ वेना । पण प्यार रो जइ घणी गंरी ह्वे है । म्हारा प्रेम रो एक हीज परिभाषा है नरी मारी नी ।” म्हारो अंतर पिघळ जावे । सोचूं ‘वो इनरो भावुक क्यूँ ह्वे तो जा र्यो है ? कद तक बी आपरा इगु भू-क्योड़ा पगां सू चालेगा ? पेलां तो वो कु वारो ह्वे । पण अब तो वो बाप वगुर्बाळो है’ वसुधा ! कुटुंब रो जिम्मेदार्यां सू दव्योड़ी बुज्योड़ी वसुधा रो उदास आन्या चुपचप चे’रो बीसरपा पे नीं बीसर । अमिट बीकी वार्ता सू घबरावे बस वेना बस ऊं नूहेंस रो नाम मत ले म्हारें सामें । ऊठता होज मूँहो देखलो तो सांभ तलक रोट्या नी मळे । नी रहवौ आवे नी वार्तां रो शऊर म्हें तो कीने केऊ भी कोनी के म्हारो व्याव दोग्यो । मौका पे केइहूँ आ म्हारी रिस्तेदार है ।’

एक दण वार्ताइ वार्तां में आपरा व्याव रो सगळी कांणी वो कैग्यो हो । भणवा में वो सदाईं कमजोर हो । किलास रो छोर्वा सागें दोस्ती गांठबां में वो मदार्ईं अव्वल र्यो अर वांका कुटुम्ब रो भरोसो पा’न ऊ नो फायदो नेतो र्यो । बीने छोरवा लार्दे देख’र दूजा भायला घणां वळता ने छोर्यां बीको मायो पाबा तातर व्याकुल रेवती अस्या मौजमजा र कारण हीज वो आजतलक ‘कस्टर्डियर’ रो इम्नागु भी पाम कीनी कर सक्यो है । एक दन बाप रा कानां में ए सगळी वार्ता पडी अर वो आपरा तजुरबाऊ बीने व्याव रा फंदाऊं बांध दीघो । पण ईमें वो घणी ऊतावळ करग्या ।

गाम रा एक घनी परिवार रो छोरीकं अमिट रो रिस्तो पमको कर दीघो । अमिट ने जइ समचो पड्यो तद वो घणी रोयो । घर नू भागवा री जोर जबर भी कीघो । पण ए सगळी वार्तां फाळतू रो ही । खुदकणी गो निसचे करण बंठवाळा बाप रें सामें ऊने चुप रैणों पड़्यो । नै पछें, व्याव घणी घूमघामऊं मंड्यो । गाम रो एक घणो स्याणी, ठावसदार अर सांवळा रंग री रूपाळी वसुधा अर्ब अमिट री बू वण’न ऊका घर में आपूणो । अमिट री गिरसती ऊईं ताईं शरू भू जयाण अघारा में जुलम्या रा खोटा मनसूवा ।

आज काल अमिट रात रो पावणो वणन हो घरां प्रावे । ठीक घरमसाळा में रहवाळा नाई । नै ऊकी बू ? एक चोखी कुळ बघू वणन सगळा दिवस रा काम काजा में मगन । अर्ब ऊकी नी कोई जरूरत है अर नी ही कोई मुरजी । पेलां भरोसो हो के भरतार भणन नीकरी करेला तद ऊंको साथ बीनें मलेळा । अवार बीका मारग में बिघन ख्यूं डाले ? पण इतरी वार रात सू घणी रो घरं पूगवो बीनें रास नी प्रावे । ऊंकी

घोरज दूट जावे अर वा' एक दन आपरा भरतार ने टेम पे आवां री अरज कीधी जद
अमिट रा कड़वा बोल ऊको मून्डो सोम देवता "कपीनी हुकम चलावा लागी । जळदी
घरें आण थारी मूंडी निरखूं ? म्हने बांध'र राखवी चावें । म्हने करणो है, करूं ला ।
जदी घरें पूगणो है पूगू गा । जीनी लागीं ... "

"बंघाई अमिट थने वेटा रा जळम पे । "म्हूं मुळकती थकी कऊ ऊने ।
अमिट भेंप्योडो कंवा लाग्यो "परी वालो वेना अगलूत री बार्ता ।"

अवं तो थारी गिरसती शरू भैयो है अमिट ! देख, वसुधा नें अवं मत
छिजावे । याई इसी भोली छोरी है जो थारी सगळी बातां नें सैली । नी तो आज री
कुण छोरी है जो थारी भूंडा सुभाव नें सै लेगा ? एक लुगाई री जूण सू भी तो भाल
अमिट वा कतरी कंवळी व्हे है ?

ईसू घणो अमिट नी सै सकें । वसुधा रो नाऊं ही ज्याण वो नी सुणवो
चावें घणो कडवाटक बोल्थो "वा वेना ज्यान गाडी चाल री है चालबा द । ऊने कीं री
कमी है ? कई चावें वा म्हारा सू ?

"बोई अमिट...जी थारी रेखा थारां सू चावें ।"

"नं बोईं ऊने नी मल सकें । ऊरें खातर हीज म्हारो जळम आघो रेंग्यो ।
अबं याईं भैक्योडा पगल्याऊं म्हारो जिणंगी नें ठावस मळगा वेना । ईं सगळी म्हारा
जीवण री पैल्यां है ज्यानं म्हूं सदां बूझतो रूंगो ।"



प्राध्यापक-हिन्दी

जनता महाविद्यालय (कुरुक्षेत्र वि.वि.)

बावल (हरियाणा)

ऋभुगण

प्रो० भूपतिराम सांकरिया

(वेदां की इण कथा सून आ वात प्रगट हवै है कौ मिनस आपरें कसौ सून देवता वण एकैं । कसं वडो है, जात-नात नहीं नै इणीईज भांत मिनस जलम सून ऊंच-नीच नहीं हुय'र कसं सून ऊंच-नीच हवै है । इण कथा में इण सिद्धान्त रो प्रतिपादन कियो हो हैं । जो आपां वेदां में श्रद्धा राखतां हुवां तो प्राजरी वणं व्यवस्था रो बोदापणो साक निजर आवैं ।)

अंगिरस रा वेदां सुधन्वन, सुधन्वन रें तीन वेदां-ऋभुगण, बिम्बन नै बाज । ओ तीन ई त्वण्टां रा शिष्य, जिकें मोटा सिल्पकार ह । त्वण्टा आपरी सगळो बिदा इण तीना नै सिखाय दीनी । पछे तो ओ तीनई आपरें सीधे समाय, प्रेमाळ हियें नै सत्यनिष्ठा सून घणा आगें बधिया, उणारी कला निर्माण में ईज बाधेली नी रही । उणा तो वेनु वणाई नै आपरें बूढा मां-बाप नै आपरी कला सून पाछा जवान बणा दिया । गुरु करतो चेला सवाया बण गया । उणा माथें सूरजी राजी हुमा नै यानें प्रमर बणाय दीना । मरण-धरमा हुतां थकां, वे देवतां रें वच में रहवण नै पूजीजण सागा ।

अक दिन देवतां रा दूत हव नै अग्नि उणरा साधम में पधारपा नै तीनों भाइयां रो घणी तारीफ कीवी । अग्नि बोलिया, “महूँ देवतां रें अक काम सून आपरें कनै आयो हूं ।”

“हुकम फुरमावो,” भाइयां कह्यो ।

“यांणा गुरु त्वण्टा अक चमस (सोमरस पोवण रो प्यालो) बजायो है ।”

“महानै खबर है ।”

“थे इणरा चार बणाय दो ।”

तीनों भाई विचार में पड़या । पछे अक जण पूछियो कैं इणसून महानै कोई लाभ ?

अग्नि कयलो दीनो कैं देवता ज्यु थे भी यज्ञ-भाग रा अधिकारी बणीला नै ज्युं ही अग्नि कह्यो कैं याणा गुरु त्वण्टा इण योजना नै मंजूरी दे दीनी है । तीनों भाई घणा

राजी हुआ न चार चमस बगाय न दिया ।

उणा अग्नि न पूछियो कै म्हाणुं वास्ते फेर काई हुकम ?

अग्नि कह्यो कै थे हस्तकला में तो घणा उमदा कारीगर हो, पिण हमें अमरत्व प्राप्ति रै मारग माथे भागै बधो । इतरो कहनै अग्नि तो उठै सूं अंतर्ध्यान हुय गया ।

अब तो सैग ठोड़ उणांरी बाह बाह हुवण लागो । उणां अश्विनीकुमारां वास्तं तीन आसणां रो अक दिव्य रथ बणायो इन्द्र रै वास्तं बे घोड़ा रो तेज चालणियो रथ बणायो । देवतां वास्तं अभेद्य कवच बणया । गायानै घोड़ा बणाया, आभा नै घरती सूं जुदो कियो । इन्द्र उणांनै वरदान दियो । बे सैगा सूं पेला सोम पान करण रा अधिकारी हुआ । उण तीनां रा संबध क्रमशः इन्द्र, वरुण नै बीजा देवतां सूं हुआ । बे इन्द्र रा सखाया बणिया इन्द्र, अरुण, मरुदगणां नै देवांगनावां साथै सोमपान करण लागे । मरण घरमा हुताथकां भी बे उपासनीय देवतां में मिल गया ।

अश्विनीकुमारां रै कहवणा सूं उणां तीन पईड़ा रो अके अंडो अष्ट रथ बणायो, जिको बिना घोड़ा अतरिक्ष में यात्रा करतो । रथ नै उणां गऊ रै चामड़े सूं मडियो । ओ रथ उणांरै देवत्व रो गवाह है । वानै देवतां में अविनाशी पद मिलियो ।

पछे तो बे देवतावां रै अष्ट यज्ञां में आवण लागे । उणां रो पहला सवन में अनुष्ठान हुवण लागो । उणां सैग देवतां वास्तं रथ नै हथियार बणाया ।

आपरी कर्तव्य निष्ठा सूं देवता बणिया । उणां मिनख रै वास्तं देवत्व मेळवण रो मारग मोकलो करयो । मिनख देवता बण सकै है, अंडी आशा उणां मिनख में पैदा कीनी । इयुं आदमी देवतावां रो पूजा करै है, पिण आपरै करमां सूं खुद पुजीज सकै ।



आर्ट्स कालेज
वल्लभ विद्यानगर (गुजरात)

ढूढतो जूडतो टांपरो

नन्दकिशोर चतुर्वेदी

रामचन्द्र — सरकारी दपतर रो अपरासी
 राणी — रामचन्द्र री चुगाई
 मोहन — रामचन्द्र रो अकली टावर
 डागडर — सरकारी सफासाना रो डागडर

[स्टेज माथे सजाळा रो घेक गोळो पटता ही संभला वरग रो घर दोन ।
 एक खाटला पे राणी सू ती थकी है, तीपार्ई पे दो चार दयाईयां रो जीव्यां पकी है ।
 राणी रो रूपाळो मूण्ढो बीमारी सूं पीळो पड्यो तको है । राणी रं-रं'र टीका करे,
 व्हीरो ठसकणो सुण'र व्ही रो धणी कंना पाणी री घाटली लेर बाबं ।]

रामचन्द्र—तकलीफ घणी है काई ? ले म्हें पेट रो बिकाई करदू, आराम
 मळेला ।

राणी—(निसास नाखती) अब आराम कठं मोहन रा बापू, अब तो आराम
 थारे कांवे चढयांकन मलेला ।

रामचन्द्र—यू कई बोल मोहन री मां ? अस्यो भूण्ढो बोल मूण्डा सूं नी काडणो ।
 म्हें अवार डागडर ने बूला लास्युं ।

राणी - (हाथ लाम्बो कर'र) नी... ना मोहन रा बापू ! का तोटा पईता
 बिगाडो ! यानि म्हाारी सोमन, यो डागडर रो काम कोनी, ये तो आकण्यां
 रा छाळा है । डागडर आचण सू तो बांका चरत मोरसू बठ जासी ।

रामचन्द्र—(ऊकी व्हेर) देख म्हें चार दिनां सूं कं रियो हूं, पण यू हर बगत सोमन
 देर म्हाारा पग तोड़ दे । पण म्हें आज मानूं कोनी म्हें डागडर ने लेर
 आकं (जोर सू बूम पाड़ती तको जावं) घरे मोहनी घठं पारी मां कनं
 बैठ, म्हें बारे जांरियो हूं ।

(अंक ८-९ वरस रो टावर आन)

रामचन्द्र—(भोलावण देर) देख मूं पाछो घाऊं ज्यां ताई थू अठे ही रहीजे ।
(टावर हामल भरवा सारू नाइ हलाव)

राणी—(लाम्बी सांस ले'र) म्हारी मानो भूण्डा पइसा मत बिगाडो, भोपाजी सु
वेळ बणाई है । दो चार दिनां में ठीक हो जाऊंला ।

रामचन्द्र—देख मोहन री मां अब म्हासू थारी आ दशा देखी नी जावें अब डागडूर
ने लावा दे, पछे भोपा ने भी बुला लूंला ।

(दो बारे निसरगयो)

राणी—(अकली ही खुदाखुद) हाय राम; अब काई वहेला, डागडूर के आवतां
सगळो पोप खुल जासी, अब ई टावरां रो काई वहेसी, बापड़ा नै कई
ठा के म्हापै कई बीती है, ई राज रो खोज जावें, जो जवरी सू वहीरी
नसबन्दीं करदो, अर म्हारी सुख शांता सू चालती गिरस्ती के पळीतो
मेल्यो । अब जीवन मां कई सार, बदनामी, ठोर-ठोर धूँधकारा माल-
जादो की गाळघां रे लार जात न्यात रा मिनख म्हारै कुळ रे घूळो
बांधेला, भगवान म्हारां भोळा घणी री पार लगाजे । म्हेने जेर (जहर)
खा लेणू चायजे ।

[वा ऊठेर अलमारी सू जहर री पूडी लेर पाणी लारे निगळगी
आंगणां में खेलता टावर ने नेडो लेर, बार-बार बोसा ले, आख्यां सू
आसू डां भरै ।]

राणी—(रोवती) म्हारा लाल थारा बाप रो केणो मानजे बेटा, भणजे अर
मोटो आदमी वणजे पूत ! अब थारा बाप रो...थू...ही...आसरो है ।
...वां ने कदे ही दुःखी करे मती... ।

[राणी टावर ने छाती पे सुवाणर घीरे-घीरे वहीरे माथे हाथ
फेरें अर रोती जावें । नानो टावर वहीं रा मूण्डा कानी टुकर-टुकर
देख ।]

टावर—(रोवतो थको) मा रोवें मती, थू घणी भट आछी हो जावेली ।

राणी—(वही ही सुर में) बेटां...म्हारा मोहन...म्हारा लाल, थू रोवें मती !
मूं नी मरू रे, मूं भट ठीक हो जासू । (घर री छान पर देखती)
भगवान कृण पाप करै, अर सजा कुण भगते ईं बाळक सामें तो देख,
वही कपटी के कीड़ा पड़जो रामजी ।

[डागडूर रे लार रामचन्द्र रो आवणो । डागडूर हाथ आख्यां
जीभ पेट छाती रीं घड़कन री जांच करै ।]

रामचन्द्र—[अरदास करतो] डागडूर सा० लारला चार दिना मूं पेट-पेट कुरनावं
नी खावं, नी पोवं, बस रोवती रै'वं है। आपन वूलावण री कहीं तो
ना करे।

डागडूर—[हामी सारू नाइ हिलावं] पछे कई निरलोपे पूगण सारू थोड़ी विचार
करे] यह तुमने क्या किया राणी। आश्री रामचन्द्र ये दवाईयां लेकर
जल्दी से जल्दी आजाश्री अगर देर की तो तुम्हारी पत्नी नहीं बचेगी।
(परची पे दवायां रा नाम लिखे)

रामचन्द्र—(अरदासरा सुर में) भगवान! डागडूरसा म्हारें तो येई रामजी ही ईने
बचालो, नी तो म्हारो कई व्हेला। वो रोवण लागी। म्हांने रोतो देग
राणी अर टावर दोन्यू भी ह्स्कया भरण लागी।)

डागडूर—(डांटतो तको) तुम लोग रोने सगे तो फिर जिनगी भर रोते रहना,
जल्दी करो दवाईयां लागी।
(रामचन्द्र भाग'र दवाई लेवा जावं)

डागडूर—(राणी सूं) तुमने यह क्या किया? जहर माने की क्या आवश्यकता
थी।

राणी—डागडूर सा अवं जोयती रै कई घू घफारा साक मणी मूं कुमानेती व्हे
रेक। ईसू तो मरजाणू ई सोलो डागडूर सा० मर जाणोई चोती है।
म्हने मरवा यो डागडूर सा०। म्हे पाप कीदो है***पाप*** म्हे म्हारा
भोळी मिनख लारें दगो कीदो। म्हारें तीन महिना चढे है डागडूर सा,
अर यांरो आपरेखन हुआ छः महिना मूं बना होया बोली, मूं माने
कस्यां बिसवास दिलाऊ***। दवाईयां या सा'र हारणी पण मो पड़े नी
कोनी।

(लाम्बो निगास)

डागडूर—(दिलासो देवतो) इसमें बिस्वास अविस्वास री कश बात है। आपरेखन
तो इन्सान ने ही किया है। भगवान ने नहीं, कोई गलती हो सकती है।

राणी—(निस्वास सूं) अठे ही तो रोवणी है डागडूर सा० माने पूरो भरोसो है
क आपरेखन गलत कोनी फेर व्हे व्हीरो दूवारा जांच व्हे भेम नी धरें।
फेर सांची बात या है के मूं ही छोटा गेला गी। यांरो काणियो अकसर
म्हने रै-रै, धरें वूलावतो भांत भांत री चीजां टावर सारू सावतो।
म्हने कई ठा के ईं की नीत छोटी है। पछे धरे वूलातो मारे साथे मूं'हो
काळो करतो' वो पाप ही आज छाती चढघो है। डागडूर सा, अवे व्ही
पाप री मुगती आग सू ही व्हेला।

डागडर—तुम मर कर भी आराम नहीं पाओगी राणी, जब इन्हे पता चलेगा कि तुमने जहर खाकर आत्म-हत्या की है तो ये तुम्हे कभी माफ नहीं करेंगे फिर; इस नन्हे बच्चे को किस जुल्म की सजा दे रही हो। आत्म-हत्या महान पाप है। ईश्वर यह जिन्दगी जिन्दा रहने को दी है।

[रामचन्द्र रौ दवाईया लेर आत्रणो]

रामचन्द्र—[डागडर सामे दवाईया कर] डागडर सा इने बचालो म्हारो ठापरौ भी नीलामी पै चढ जावै तो भी कई हरज कोनी पण म्हारी राणी बचणी चाईजै। इने कस्या भी बचावो डागडर इने बचावो [रोवण लागै]

डागडर—[आस बन्धावतां] भगवान तुम्हारी प्रार्थना अवश्य सुनेगा।

[डागडर इजेक्शन लगावै है राणी हाथरे हाथरे ठंका करै]

लो अब इस दवा को पीलो अभी ठीक हो जावोगी (रामचन्द्र सूँ) राम चन्द्र चिन्ता की कोई बात नहीं है। हाँ एक खुश खबरी की बात है तुम्हारी पत्नी फिर माँ बनने वाली है।

रामचन्द्र (अचरज सूँ) पण डागडर सा म्है तो***।

डागडर—भई हम भी तो इंसान है, भगवान नहीं, हमसे भी भूल हो सकती है।

रानी के ठीक होने के बाद तुम अस्पताल आना, तुम्हारी जाँच कर लेंगे कुछ गड़बड़ हुई तो भी ठीक हो जावेगी।

रामचन्द्र—[टूकर टूकर दोन्युँ जणा कामूण्डा देखे पण कई नी भाखे]

डागडर—रामचन्द्र इसमें शंका की कोई बात नहीं है म्हे सच कह रहा हूँ। तुम्हारी पत्नी का इसमें कोई दोष नहीं। अच्छा अब मैं चलता हूँ। हाँ, चार दिन बाद अस्पताल अवश्य आना, कई वहम-वहम में दोनों अपनी गिरस्ती न बिगाड़ बँठो।

[रामचन्द्र हूँकारा सारु माथा हलावे डागडर जावै]

रामचन्द्र—(राणी कनै जाँर) राणी म्हारी राणी*** (बाय में) (बाहो में) भर लेवे पण, अण्णाचेत को कई बिचार लार पाछो हट जावे।

ना कई ठा***चार दिन पछे।

(घीरे घीरे पड़दो पड़े)



पो० पोछुन्दा

जिला-चित्तोडगढ़ (राज०)

संकर म्हाराज

मनोहरसिंह राठोड़

संकर म्हाराज नै हण घरती रा माणस नीं मान नै आपा भगवान रो रूप मानलया जणां बात घणी जचै । आपरै मन में आ जायगी हुवेली, या किण संकर भगवान रो बात है ? कँलास रा वासी, पारवती देखी रा पति संकर भगवान रो । नेटाव रनाचो सगळी बात हण आतमा रं वाचत म्हने ठा है जकी आप नै बताऊला ।

संकर म्हाराज रो जलम म्हारा गांव रा एक गरीब बामन रं घरां एक बाबाजी रो फिरपा सून हुयो । बाबाजी बचन सिध हा । बाबाजी चैतायनी देखने गिया हा—भाई टावर नै ५ बरसां को हुयां पछे म्हारं घूणं मायें आप नै छोड दीज्यो ।

पूरा नौ महिनां पछे टावर रा पग हण घरती मायें टिकवा । जनम रो बेल्या ही एक आंख ग घणी हा । केई जणां कंव—पांच दिनां पछे मा रं मन में आयगी के में हण टावर नै बाबाजी रा घूणां मायें कोनी चढाऊं, जणां माता निकळगी जिन में म्हाराज एक आंख रो भेंट दे बैठा ।

पुत रा पग पालणा में ही दीख ज्यावै नै बाबाजी का पग कीं बड्डा हा जकी आंतराऊ ही दीख ज्याता । ४-५ बरसां का हूयता हूयता ही बीं नै पटवरो बीं-नै रुवाण्यो—ओ घन्घो सरू कर दियो ।

बीड़ी-चिलम रा घूंवा में आणंद आंवण लाग्यो हण कारण नांव संकर म्हाराज लोगां राख दियो । जलम रं नांव रो कोई नै ही ठा कोनी । पठार्ई-लिगार्ई रं हिसाब में अतो कियो जा सक है—इस्कूल रा फनो कर ही कोनी निकल्या । मिटर में रोजीना दोनूं बगत आरती न्हेवाऊ पेली जायने टिकोरा परकानू कर लेवता । पछे परसाद लेवती बेल्या टिकोरो परं न्हाँकता । असली इस्कूल हण नै समझता ।

दिन गुडता गिया नै संकर म्हाराज लोगां रा टावरां नै गुडता गिया । कदे ओळमो आवतो-वदैई कोनी आवतो । थोड़ा हुस्पाय हुया जणां सगाई रो चातां चालण लागी । सगाई रो बात करवा आर्व जकां नै संकर म्हाराज आप रं साथे ले जयाय नै

तलाव री पाळ माथें बाल्टी भर-भर ल्याय नें सिनान करवावें । गांव में कूवां री साधन कोनी इण कारण तलाव में न्हावणो मना है । इण वास्तें बारें बाल्टी भर-भर न्हावणो पडें । आवण वाळो वनडा री पूछें जद म्हाराज खुद ही मुळकता कैवें-लडको में ही हूं सा । चोइस री उमर रा हा पण तीसी ढल्योडा दीखता नें रंग इस्यो फूटरो जको ५ जणां में ऊभा न्यारा भीरा व्है ज्यूं पळकता । कद में मां पर गया हा जको मधरो रेंथग्यो नें सरीर दीवळ लाग्योडा ठूठ व्है ज्यू हो । उपरऊ एक आंख रा घणी । आं सगळी बातां को मिलाण एक जगां देख नें आवाळा कै मन में आवें-कै दूजा गांव जावा की ढील करणी ठीक कोनी ।

लोग आवता गया नें संकर म्हाराज न्हुवावता गया । नतीजो क्यू ही कोनी निकल्यो । सगाई री नांव सुणताई संकर म्हाराज पैली राजी हुंवता नें अब चिमकवा लागग्या ।

सगाई री तान पीवती लागी कोनी जणां संकर भगवान रा मिंदर में भक्ति माथें जोर देवणो सुरू करूयो । 'हारे को हरि नाम' री सन्त बाणी असर करगी । भगवान सकर री सेवा-आरती जोराऊ सुरू करी जणां भगवान री काळजो हालबा लागग्यो भगत नें आपरी चाकरी में लेवा सारू भगवान वूढा पूजारी जी नें इण संसारऊ उठायनें सुरग लोक भेज दिया ।

अब संकर म्हाराज भगत नंतो भगवान भोळें सकर । भांग घुटवा लागगी । भगत भगवान दोनूं पीवें नें मजा करै । संकर म्हाराज सेवा सांभळी इण रें थोडा दिनां पछें चमत्कार टिखीजणां सुरू व्हैग्या । कोई नें गम्योडी जिनस बतावें नें कैयां रा 'फंटेडा' सावळ करे । कीं भगवान की किरपाऊ कीं आवाळां की किसमतऊ काम दनादन चालबा लागग्यो ।

आं चमत्कार रा दिनां में घणां जणां दूजा गांवां रा लोग-लुगायां आंरा चेला-चेलक्यां बराग्या । अब थोडी-थोडी किताब पढणी सीख लीनी । संकर म्हाराज सगळें दिन नें आखी रात मिंदर में रेंवें इण वास्तें में म्हारा मु डाऊ काळूं स लागीं जियां की बात कोनी कैय सकूं पण लोग कैवें-म्हाराज बस्यावाडो खोल राख्यो है, मिंदर रा सब अफड करै है ।' दिन पसवाडो फेरता गया नें म्हाराज लोग री नें संकर भगवान री सेवा करता गया ।

सकर भगवान उतावळा घणा हा इण वास्तें जुंझनी कद आई नें कद पल्लो फेरगी ठा कोनी पड्यो पण वुढापा का नजरा सामें दीखबा लागग्या । चिलम नें भांग रा डळां रें कारण कफ री भण्डार भरीजग्यो । आधी-आधी घण्टा बरोबर घांसी आवो करे पण सकर भगवान रा पुजारी हूणें कारण भांग-चिलम बिना सेवा आधी समझें ।

थोडा दिनां पछें परलोक री रस्तो सुधारवा की धुन आयगी । सगळें दिन किताबां में माथो राखें नें भगवान रा दरसण करबा रा तरीका पडै । लुगायां रें सिवाय दूजाऊ राजी मनऊ बात ई कोनी करे है, दूजा गांव की है, भगवान री आ सेवा ही असली है ।

एक दिन कित्ताव में पल लीनो कि आकड़ा का मंग में रोजीना पाणी देवाळ भगवान रा दरसण हू सकी है। वी दिनऊ ही जगल जाती टेम चटोटी लोटी पाणी रो भर न लेज्यावणी सख कर दियो। जगल जाती वेल्पा आकड़ा र एकदम कने थोट लेयने बैठता। बरोबर दो महिना आकड़ा में पाणी देवतां ही चुक्या जणां मन में आना लागी आज भगवान, मिले, काल मिले। एक दिन मक दोफारी रो वणत ने म्हाराज लोटी लेय न जगल पधार्या। उठती वेल्पा बचायोटी आभो लोटी पाणी आकड़ा में मसकाय दियो। ऊचा होय न एक लांग घोती री टाकी अता में घरती मांगनऊ जोरको मूसाड माच्यो, इण र साथे धूल उड़ो। सकर म्हाराज धुक मूट्या में म्हाटा। जूत्या तारि न बाबाजी आगे। लारि घोती लटकती छट्या में उलभती-उलभती फाट्या जायरी। एक सस ठेठ गुवाडी में जाता दम्या। सांघरा मूसाडा मानर्या। घोती रा नीरी में छट्या लटकै। जटा विखर्योटी न आख्या राती साल। रांम तगदोरी री घाणू बांधरण मिलगी। आ मसकर्या करती आपर जेठऊ कोनी चूकं। अता में ५-७ अणो आयन म्हाराज न सावल वेठाण्या अब हाल-चाल पूछ्या माग्या। केई ताळ पदं सगळी बात मूहाउ काडी।

लोग बोल्या आ नीं हो सकें। घाणू बोली-बाबाजी भूत आयन पाके कने करे काई? थे खुद भूत हो। २-३ जणां आयन आकड़ा ने देवरो। आकड़ा र नीचे पोधी घरती ही दोफारी में ताती न्यारी हूयोटी ही जको पाणी जाना ही मद्भाट उठणो ही हो। जूती न लोटी लाय न म्हाराज न दीना।

उण दिन पछे आकड़ा रो दर लागवा लागयो। इण मू पेली किया करता 'डर कुछ नहीं होता है, मन में कयोटो बैग है।' अब भगवान रा दरमना रो मन में कोनी आवे पण सेवा बराबर करे।

महिना रा तीस दिन में आदी बार सकर म्हाराज कोट रा हत्ता मे ल्हादे पूछ्याउ ठा पड़े कोई रो ३० भोल आंतरो फोजदारी मामला हो गीरा गुवाह बण्या है। कोई र ही कोर्ट रो काम हूवो भलाई म्हाराज न एकर टोक्या पछे त्वार ल्हादे। लोग कवे पइसा खाय-खाय भूडी गुवायां देवं पण म्हाराज रो कयणो हे दुहा र काम आवणी इंसान रो घरम है।

आप लागां र आ बाबाजीऊ मिलवा री मन मे आवणी हूवेना पण माफ कराव्यो लारली साल घणी वेमारी माना में बाढ न सकर म्हाराज सुरग लोक यासी हो चुक्या है। माचा में पड्या पछे भी लोग लारी कोनी छोट्यो। गांव रा लोग दान-दान वातां करता—म्हाराज चढावो खावे जको तो खावे बीं र साथे मांड वास्तं न कबूतरां र चुर्ग वास्तं दियोड़ा पइसा खायग्या जणां वेमारी भुगतल्या है।

केई लोग भूंडा बतायन याद करे न केई वारा गुण गावे। साफ बात आ है कि आतमा वा ऊची ही। भगवान री लो भगवान में मिलगी होरी।

जो-५१ सीरी फालोनी
पिलानी (रज०)

म्हे भी बड़ा आदमी हां जी !

उमाचरण महमिया

ढीळ-ढीळ'र कद-काठी सून छोटा हां जरूर, पण म्हे बड़ा आदमी हां जी । आखो मोहलो केवें, बजार केवें, गुवाड़ मांय भारी-भाड़ी करणें वाली जमादारणी तो यो ई केवें— थे बड़ा (जाणें वा 'बंडा' कवें या वेड़ा 'पण म्हांन तो 'बड़ा' हो सुणें) आदमी हो जी, म्हारें सून हांसी-मजाक मती करया करो जी । दूध वाली गुवाळो भी खासो-मोटो 'भूषराकार सरीरा' है । वो हर पैली तारीख नें म्हानें 'बड्डो' बणा जावें । 'पैली तारीख नें थारें जिसा 'बड्डा आदमी' पैसा चूकता कर देवें तो म्हारें स्यारसा छुटकणा री गाडी चालती रवें जी ।'

ज्यादा नई तो, हफ्ते में दो बार तो म्हे कूजडें सून 'ऋतुफल' खरीद ई ल्यावां । जाडो हुवें तो मूळी कं गाजर, अर गरमी में खरवूजा । पीस नें हाथ रो मेल बतावणियां जूना रिसी-मुनी नुअें विज्ञान नें के समझें ? आखिर 'विटामिन' बी कोई चीज हुवें ! सातवीं जमात री परीक्षा में सिफं तीन साल बँठ'र तीसरी खेणी हथिया लेणें रो करतब दिखाणें वालें म्हारें सा'ब जादें सून 'ज्ञात' हुयोडा विटामिन—ए, बी, सी, डी ई एफ जी एच आई जे के—'एक्स वाइ जेड मूळी, गाजर अर खरवूजें में मोकळा मौजूद हुवें । यो ज्ञान जद म्हे 'योगीराज' बण'र कूजडें रूपी 'पार्थ' रें सामें बखाण करं जणां वीं रें हाथां सून तखडियो 'गाण्डोव' री ज्यू छुटज्या अर सुखती जीभ सून—

सीदन्ति मम गात्राणि

मुख च परिशुष्यति ।

वे पथुश्च शरीरे मे

रोम हर्षश्च जायते ॥

“उच्चारित” करणें री बजाय वो म्हानें याद दिरावें के 'तेरा पीसा री तो हुई दो सी ग्राम गाजर अर तेरा पीसा री आधा किलो मूळी । चालो, थे कुलजमा पच्चीस ई दे दूरो—अक चुग्रन्नी । 'बेटामिन-फेटामिन' थारें जिसडा 'बड्डा आदमी' ई समझ सकें—वूणी रें बखत म्हांन तो बखसो ।

खेर कू जई ने छोड़ो, घोबो नै ल्यो । वो बी म्हारन कई मंगलवारां नै 'बड़ आदमी' रो पदवो सँ विभूषित कर्यो है । कीयां ? ईया जो के वो घोबोड़ा गाबा सोमवार नै ल्याया करे है । पण भाईजो, इन्तान सँ गलतो भी हो ई ज्यावे । बड़ा-बड़ा फिलोसोफर, जीया, अफलातू, अरस्तू, कपिल अर चार्वाक आदि को कौनो यो के 'आदमी गळतियां रो पुतलो' है । ई रो सांपरत प्रयोग म्हारलो घोबी कई मंगलवारां नै कर चुक्यो । अवे चू कि म्हे म्हारे दिवगत ताऊजो सँ ईकोनोमिक्स रा कई अव्याय उधारा ले चुक्या सो किरायतकारी नै मिनखा जूनी रो लूण-मिरच मान'र दो ई मूट काफी समझां । तो, अक सूट तो हप्तें रे भागिरी दिन लागो म्हारे गरीब रो सोमा बढावे । अर दूजो घोबी रो भट्ठी रो । जीं सोमवार नै घोबो म्हारा गाबा ल्यावे रो नागा करज्या वीं सोमवार नै भी 'कपाळ-पीठा' रो ला-इलाज बहानो बणा'र दफ्तर रो नागा लाजमी कर्या सरै । और मंगलवार नै आ'र वो म्हारी बांदर घुड़ियां रे खेवन में याद दिरावै : धारें जिसा 'बड़ा आदमियां' रो काम इन दो लत्ता-सीरां रे योग्य मोड़ी रख्यो रवे बाबूजी ! बीया भी ओ सूट प्रागली घुलाई लायक तो रियो कीनी ! गरीब नै बखस द्यो—धारें जिसा बड़ा आदमियां रो किरपा सँ ई तन रुका ह । म्हे भी म्हारी जीभ सँ बड़पण में कोई कसर राखां नही : धाने काट्या-पूराणा गाबा मोड़ी द्यो गा । थारी तीन पुस्तां सँ म्हारी तीन पुस्तां रा कपड़ा घुपता पार्या है—ईं होखी पर नूवो सूट बणा र पैगवांगा ।' पण आपतो जाणो ई हो के म्हारे स्वारसा 'बड़ा आदमियां' रो होळी-दिवाळी भी बड़ इन्तजार रे बाद ई आवेली ।

कू जई अर घोबी दोन्या नै छोड़ो । फायद भर मात्रा नै ल्यो । 'शक्तिपूति' रे सिद्धान्त रो तो ईजाद ई छोट कद-काठी बाळा आदमियां नै बड़ा बणाए मात्रा रुई । यो सिद्धांत है—'ई किस्म रो कमी नै वीं किस्म सँ पूरी कर लेणों ।' छोट कद रा अभिमन्यू गरभ में ई ईं मुहावरे नै रट लेवे—अकल बड़ी के भेंट ? जो, अकल । नेपोलियन नाटो जरूर हो पर वीं कने अकल रो घाटो नीं हो ।

अवे ये तो जाणो ई हो के बड़ा आदमियां रा पगल्या तो पालणें में ई दिग ज्यावे । बचपन में क्रोकरी, जुमानो में छोकरो अर बुढापे में नौकरी रे गैल दोन्युं हाथ धोर पड़णें रो मिसाल देणें में म्हे कोई कसर छोड़ी नहीं । यो बचपन में म्हारी तुलना न्यूटन अर एडीसन सँ, जुमानो में मजनू अर फाहाद सँ अवे बुढापे में रुसवेल्ट'र चर्चिल सँ कोई करे तो कीं रो के लेवे ?

सगळें महान मिनखां रो ज्यूं, सांपरत बड़ा आदमियां रो ज्यूं सारा ऊंचा-ऊंचा लोगां रो ज्यूं म्हारे में भी न तो मू' मियां मिठू बणणें रो बाण है घर न म्हे म्हारे 'बड़ कारनामां' रो ईं लेख में एडवरटाइजमेंट करणो चावां । य्यूं के

बड़ बड़ाई ना करे, बड़ो न बोल बोल ।

रहिमन होरा कब कहै, लाख टका मेरो मोल ॥

बस इतनो और बतायाँ के जद म्हारा भायला, ज्यां सूं म्हानें लेणो-देणो [लेणो ७०%, देणो ३०%] करणो पडै अथवा बँ दूकानदार ज्यां सूं म्हारी घरघिराणी सामान उधार ल्यावें — म्हीनै रँ पैलें हफ्तें में मिलता ई पैलो जुमलो यो ई कवे—

“अबै तो नत्थूसिंह जी ये तो ‘बड़ा आदमी’ होगया जी । जद सूं ये उधार लिया, दरसण ई दुरलभ।”

इसड़ा मोका कद-कद हाथ आवै ? म्हे भी इण बेळा बड़ा आदमियां ज्यूं बत्तीसी दिखार बड्डी ऊंची नसल रँ घोड़े री ज्यूं ह्मिणहिणा दयां—हैं...हैं...हैं...



६ एफ, ओल्ड कोलोनी
पिलानी (राजस्थान)

कागद चोराया री राणी रो सड़क रै सहजादे रै नांव !

त्रिलोक गोयल

म्हारे आंसुआं रा क्लाटिंग ! म्हारे ह्रियडे रा गिंग !!

प्यारा प्यारा 'तू तू' । तू तू इण वास्ते निगरो हूं क परेसी जगत रा
आजतीं रा सगला सम्बोधन मन धारें ताई ऊँठपा जूँठपा पर गोया जालु पढ़पा ।
म्हारे रूंग रूंग में तू है, म्हारी सांस सांस में तू-है, म्हारे कजगरा नंगा में, नंगा रा
मीठा मीठा सुपनां में हैण तू ही तू है । टिकमनेरी रा घागा दाना पसट निपा पन तू तू
सूं पाँवर फुल, पूठरो फरों अर मौलिक सब मन बीजो को लाख्यो भी । विरागी नाम्दा
रो मत है क दुनिया वणी जशं सूं हो श्याणा समभला लोग तू तू तू तू हेना मारर घावो
ने घणै घणै मान सूं नूतता आथा हैं । यूं आवां दोन्पा में भी पाए दन हा तू तू में मैं
हुया करती ही पण ऊँरो कारण भौठ भपाट मन मुटाव नी साठ प्यार होज हो । घाउट
आँफ डेट न्हियां मुय्यां रे लाख कूकवा पै भी राम मार्या मिनगां रो 'मैं, मैं' घाज तीं नीं
छूटी, जे वं आवां सूं 'तू, तू' रो पाठ पढ़ लेवता तो उणरी घा दुर्गत न होतो ।

तो म्हाग बॉल बांस रा, मायो तू तू । फूल नित्या गुनाबी मिकाफा में,
सोहणी सरूप हरी स्याही सूं मंडघो, अतर सूं मय्यो, रोमाटिंग मिने मंगद घर मेरी
सायरी सूं भर्यो यको बारो वाली बानो कागद मिल्यो । बांच-बांचर बांच्यो, माँवने यू-
यू होवा लागी, डोल में कीडयां-सी चाली, अस्यो सुग-प्रानन्द मिल्यो क लिग न सकूं,
पण अठें आर कालजो कीयला ज्यूं बलर राख होगो क आजकाल तूं दम्वाला कार में,
कोई भारतीय 'मैम साव' री गोदी में पढ़्यो मुरगां रा सातूं गुग मंडह भोग रियो है ।
थारें सगैं वितायोडी चानणी रातां, मदभरी बातें घाज भी ह्रियडे में हक सी उठावे हे
जद हूं चोराया री राणी अर तू सड़क रो सहजादे ह्रियां रै जियां सट्या-सट्या आबारा
गर्दी करता डोलता हा । गलियारे-गलियारे मोल्डन नाइट घर पारक होटलां में लंच-
डिनर हुया करता हा । जीवण रो ओहीज एक मोटो उसूल हो क मस्त रहवो मस्ती में-
लाय लागे वस्ती में ।

जद तू सहरा कॉलिज में भती होबा सारू जारयो हो हूँ तने घणो ही बरजो नारें मना जा, अठेई कोई साक्षरता केन्द्र में, खै बूढल्यां रें वारें कोई प्रोढ शिक्षण केन्द्र में दो आखर सीखले, नगर री अर बा भी फेर कॉलिज हाँस्टल री हवा आज काल घणों खराब हैं, कोई-न-कोई चक्कर में फँस जासी, पण तू न मानी, अब ले ! पडग्यो न गला में देवी जी रो पट्टो ? लागग्यो न सुतन्त्रता पे इमरजेंसी रो बट्टो ? देख डीयर । कीती ताही बिसार आगे री सुध ले, अब भी हूँ तने सचेत करूँ हूँ क जे तू आपरो भलो चावे तो सिक्षित अर सहरा मिनख सूं अलगो रें ।

छापा वांचवा रो एब थारे में सरू सूं ही हो । ऊँके बिना राष्ट्रीय पेय चाय रो चुलो गले न उतरतो, जी सूं तने आ पूरी तराँ ठा पडगी होली क इण दिनां ई क्षेत्र में म्हारी तूती बोल री है । हूँ आपरी जमात कानी सूं बराबर ओ संपर्क करतो रही हूँ क सिड्यूल्ड कांस्ट रो जीयाँ हो म्हाकी बिरादरी रें ताई भी चुनावों में, नोकर्न्या में सीटां रो फिक्स-कोटो रिजर्व रहणो चावें । म्हाको समाज घणा दिनां ताणी पीडित अर पददलित रह चुक्यो है, जद म्हे आपरा अपणा घर में हो सेर न होस्यां तो ओजू कठे होस्यां ? यूँ रग-रूप, आकार-प्रकार, केश-वेश में, म्हामें चिण्यो घणो ऊपरी भेद भले ही हो पण अटक सूं कटक अर कश्मीर सूं कन्याकुमारी ती आपणी एक होज भाषा है 'भों भों' हूँ ई ने वैधानिक मानता दियार मानुली । एम् ही वेश है 'दिगम्बर' एकही भोजन, एक ही रुचि, एक ही सुभाव हैं, अश्यी भावात्मक एकता आदर्शों रा थोथा ढोल बजावणियां यां मिनखां रो समाज में हेरयां ही न लावे । आपणो एक टाबर भी भूके तो सगला सदस्य एक सुर में ऊँरो बराबर साथ देवे, अर आदमी रें आदमी एकलो ही घंटां माइक पे बार घालतो रें कोई सोधी ही नले ।

हूँ आपरा चुनाव घोषणा पत्र में कीं अणछुई मोटी-मोटी समस्यावां सुलभावा रो आश्वासन दियो है जियाँ—घण करा लोग बात-बात में आपणा नांव रो मिसयूज करे है—बाबू कफसराने, ठेकेदार इंजिनियराने, मतदाता मन्त्रां ने, भणवाली छोर्यां सागै प्रढणिया छोरां ने, नागरिक पुलिस हल्ला ने, बात-वात में नाक मूँडा चढ़ार आपणो विशेषण लगा देवे हैं "साला कुत्ता" ठानी अं अयां कहर ब्यानें सम्मानित करे है क आपांने अपमानित, ओ सो क्यूँ न होणो चावें । आपणां गांव रो एक कूतरा दूजा कूतरा ने 'नेता' कहर गाली काढीं—सो गाल्यां री एक गाल सुणर वापडा रा दिल पे अश्यी ठेंस लागी क लाई रो हारटफेल होगो—ई सहीद री विधवा ने एक सिलाई री मसीन मिलणी चावें ।

रहिमन ओछे नरन तें, तजो वेर ओर प्रीत ।

काटे चाटे स्वान के, दो हूँ भांति विपरीत ॥

ई तरां री ऊट-पटांग, बेतुकी-कविता-लिखां री कुत्ता घसीटी करर व्यान पाठ्यक्रम सूं सदा-सदा रें ताई निकाल देवणो चावें । अश्यी बार्ता भणवा सूं कवला-कवला-बालकां रें काच काळजे पे के असर होसी ? अं टूक ड्राइवर कुत्तां रा काल है ।

यां रा लाइसेंस जल्द कराया जावे । निपूता बिना पीपी चालेई नीं । हलवायां नें प्रादेश कर्या जावे क वै सियाला में आपरी भट्यां नें कूतरां ताई निव-निवाई रातें हर गिरा-यक ताई आ कम्पलसरी करदे क वो खुद हुना, सकोरा न चाटे ओ घुम काम कूतरा ही करेला । पांव खा, खजियारा, अर हाइड्रोफाबिया हाता कुत्ता-कुर्पा ताई मां, नेटा रा नांव सू नगर-नगर में जनरलहास्पिटल छोट्या जावे, अर आ ध्यान राख्यो जावे क कोई डाकदर व्यांकी दवायां न खा जावे । गांधी, बुद्ध अर महावीर रे मुलक रा लोग या रोगलां जीवा पै दवा करवो तो अलगो रह्यो, घिरणा करे है, भाटा मारे है अदया नास पीट्यां नें बिने मुकदमें बद कर देणो चावे ।

टांग उठार मूतवा रो मुनेरी पिरयां अगरेजां सूं म्हामें आई क म्हासू अगरेजां में ईं पर सरकार नें शोध करावणी चावे, जइ अतरो हीन रहे सकें तो ओ साहित्य अकादमियां किएकामरी ? बांदर नें सीतदे तो घर वेंगा रा जाग जी सू कहणी तो न चावे पण थारै सूं अपणेस होषा सूं मन न माने मुणो है क आजकाम तू आण्डी बान्डी भी सरू करवी है, ईनं कैवे है साबत रो असर मोटां रो संगत बैठती तो मोटा ही लखण आसी । डालिंग नशाखोरी हरामखोरी, रिदवतखोरी, साराब बाजी, जूमा-बाजी जइयो खोरी अर बाजी रो कुख्यात लतां आपणा सभ्य समाज में डेठ सूं ही अजित है, आपां तो कदेई-कदेई नाली में पड़्या सरावी नें होण करावा साहू कं रे मूठे पै छिड़काव हीन करां हा ।

थारै कागद सूं मातम पडी क आजकाल सहरो रा आदमी पापणा अण करा गुण अपणा लिया है—व्यां रा मन आपणी पूछ रे जियां टेढा है, आपरा माई बन्ध न देखतां ही भूकें गुरावे है, मातहतां नें काटे—ऊपर हाळां रा चमचा बगर पणवस्यां चाटे, हड्डो हड्डो रे ताई अ पस में लड़ भगडर कुत्तां रो मोत मरे है । गोष्टो कुतिपां जतेव्यां रो रूखाळो, कुकर वामण बाणिया जात देख गुरावे, घेला रो हांटी गो कुत्ता रो जात पिछाणी, हाथी रे पाछ कुत्ता भूंकवा, आंधो पोस गंडक नाथ; कुत्ता रो सू अ सगळी कहणगतां यां ही खोडला मिनखां पै फिट होवे है आपणो नांव तो मादपाणी ही बदनाम कर मेल्यो है ।

टिकट रो मांग करता हूं स्पष्ट कर्यो है क जनता सूं म्हाको सीधो सम्पर्क है, बफादारी म्हाका लोही में है, मुखक चोकसी म्हासू बेसी कुण कर सकें है, न म्हे तोड फोड हडतालं करां न मेंहगाई भत्ता रो मांग, कोई डिपार्टमेंट कोई गली कूचो म्हा सूं छानो नी है—म्हे सेंट परसेंट दुत्कार-फटकार प्रूफ हां जो एक चुनाव लडणियां रे सातर घणो जरूरी है । तीस तीस वरसां सूं कुस्यां पै सोवणिया कुम्भ करणां सूं म्हे सुढको सुणता ही जागणिया हजार गुणा चोखा हां, कुण रो मां दूध पायो है जो म्हां घाट घाट रा पाणी पीणिया रे सामे घडी भर भी टिक सकें । अपना पराया रो पिछाण यां भाई भतीजावादयां सु म्हामें बैसी ही है । म्हारी ईं बात नें नूयो मानेलो क आपां जतरो

लोक प्रिय आज नीं तो कोई हुयो नीं आगं री रामजाणु । दाना लोग कहग्या है, हीडक्या कुत्ता रा काट्यां री तो सूई है पण हीडक्या मिनखां रै काटया री कोई दवा दाख कोनीं

आपणी सभ्यता-सस्कृति भूतपूर्व नीं अभूत पूर्व है । भूतनाथ भैरू रो वाहन, परमपूज्य दत्तात्रेय जी रो गरू, धरमराज युधिष्ठिर रा आखरी बखत रो साथी, हिज मास्टर्स वाइस रो मन भावन मानो ग्राम, चन्द्र लोक में पण धरहालो पहलो जीव घारी, कुक्कुर मुत्ता पोथी रो नायक, मसाण में प्रे-पिसाचारं बीच निर्भय रमणियो एकमात्र कुत्ता नीं तो और कुण है ? है कोई आपा जतरो सफाई पसन्द ? है कोई में कूकर जश्यों सू घबा री सक्ति ? अपराध्यां री हेरा सोधी में पुलिस, सी. आई. डी, अर सी. बी. आई सूं भी ऊचो आपणा दर्जो है । कोठा सूं कोठी नीं, वेटिंग रूम सूं डाक बंगला नीं, इण्डिया गेट सूं लाल किला ती सगली ठोड़ आपा बिना रोक टोक कैं आ जा सकां हां । जो म्हानें धुरें ! धुरें ! करै है म्है व्यां नें हुरें ! हुरें करां हां ।

आ तो सो क्यू ठीक है क कीं समाज-सेवा री नकाब लगायोड़ा लोग गऊ साला, धरमसाला, पाठसाला रै जिया हो कुत्ता साला भी गांव-गांव में खोलरी हैं पण यां आश्रमा रो नांव कुत्ता साला नीं कुतवाली होणो चावै, श्री नरक पालिका हाला जियां श्रमानुषिक ढंग सूं आपणो पकड़ धकड़ करै हैं, फैंर श्री परिवार नियोजण हाला बठें कुत्ता कुत्यां नें न्यारा न्यारा रहबा नें मजबूर करै भला ओभी कोई मिनख पणो है ? इतिहास साक्षी है जुना जमाना में कुत्ता नें मडक्यो न्हाकबो हर सद्गृहस्थ रो नेम हो । वो टैक्स आपणो जलम सिद्ध अधिकार है टैक्स प्रिय सरकार नें ई पर पूरी ध्यान देवगो चायजे । म्है नुगरा नीं हां जो टुकड़ी खार पुंछ नीं हिलावां, जी हांडी में खावै ऊपें हो छेद करे आ किरत हनता मिनखां री होज बाणु है ।

यू लिखबा री तो और भी मोकली बातें ही पण मनै पार्टी मीटिंग में जाणो है, गयोडी कुडसी हथियाणो है जी 'सू' अबार टेम नीं है । आ सोलाणा मांच है क राज-नीति आजकाल घणी सुगली अर ओछो होगो है लोग बात-बात में दल बदलै, न्यारा-न्यारा सिद्धान्ता हाठा दल स्वारय साल पहला तो भेला व्है पाछे सीर री हांडी चोराया पें फोड़े, पण ई आखा दलदल सूं हूं पुरी तरां चाक चोबद हूं, लाख चाहर भी कोई म्हारो बाल बाँको न कर सकै आखिर हूं कश्या बाप रो बेटी । आ जाणू हूं क "जहाँ डांग तहं गाड है, जहाँ गाड तहं डांग" आपणी जात में यूं ऊंरो सूंदो तो चालतो ही रहै छ ।

बिस्वास है तूं चिट्ठी नें तार समझर बेगो बावड़सो ।

आपरा दोन्यू पिल्ला मजा में है, नाना जी रा माल खा रिया है गुरी रिया हैं, ऐलसिएशन कुत्यां सूं इश्क लड़ा रिया है, व्यां री पत्रा जोडर परणाम स्वीकार जो ! हां आ बात जरूर दुःख री हुई क व्यारां मामाजी नें हण्डकफ करर पुलिस हाला सरकारी सासरें लगा ।



अग्रसेन नगर अजमेर

हंस करै निगराणी

डा० ईश्वरानन्द शर्मा

संग्रह की क्रियाशील कवितावाँ समय-समय पर लिन्योड़ी है। संग्रह में अनेक कवितावाँ में भाग की तुलना में अम, अर लगन न ऊँची स्थान दिव्यो गयो है। उत्साह की सरावना करी है। कवि की विसवास है कि मिनख की साँची लगन पर ताकत अकास रा तारा तोड़ सकै है। हार-जीत की परवा नही करणी पाहीजै। बँ तो जोड़ा है। दो लड़सी वी में एक पड़सी। लगन रहसी तो बाजी घायणी रँसी। मिनख बोई है जकी हिमत कदेई नहीं हारै। मिनख चावै तो इण घरती पर मुरग ला सकै है। साँची माणस कुमाणस की नस तोड़ सकै है। 'आगोवाण' कविता बोर रम मूँ मोत-प्रोत है। कवि की भावना है कि त्याग, बलिदान पर पर उपगार रा दीवाना 'आगोवाण' जुगान जुगताई' गीता में गाईजता रँसी। ईसा माणसाँ की जन्म जगत की भनाई तातर हुवै है। बाँरी वाणी दवा की फायदी करै है। कवि अंग्रेजाँ की मनोत 'कूटदानी और राज करो' की तरफ भी इशारा कर्यो है। 'राजस्थान' कविता में बोर-भगत, सड़ी, बलिदानी राजस्थान की मनभाँती घण चोखो वणुन है। कवि की विसवास मिनखणुँ पर अर रलमल्ल रैवणुँ में है। बीरो कँवणो है कि पुराणी बोर दयावणो दाता न कुचरणुँ स्यू कोई लाभ कोनी। मिनख बोई है जकी काँटा बिछावणिये न भी फूल बिछावै। कवि की व्यंग्यात्मकता देखतां हो वणुँ है। 'आवो आवाँ प्यार करा' कविता ई दृष्टि मूँ बड़ी आछी है। कवि की उमग आज ई वास्ते घायल है कि अफसर धाढ़ती बणग्या है अर सुवारथ की जोर है। कवितावाँ की कई पंगत्तां संस्कृत श्लोकाँ की भावानुवाद न होतां थकाँ भी पुल मिलती सी भोत सुन्दर लागै है—

हंस करै निगराणी, १९७७, सत्येन जोशी

प्रकाशक—राजस्थानी भाषा साहित्य संगम (अकादमी), बीकानेर

पृ० स०—६६, मूल्य ७.५० रु०

जद जद थारी चाली बात-कुण जाणै कद खुटीरात
अविदित गत यामा रात्रिरेव करसोत् (उत्तर राम चरित)

मिनख नै मात नही लागै—

नहि मानुसात् अंष्टतरं हि किंचार (महा भारत)

‘जीवतां रो ! जूवां रं भागरी’ कविता में व्यंग्य बहुत ऊंचो है। मैं मरियो नहीं, मारियो गयो हूं ईं वास्तु हाल जीवतो हूं’ रो भाव सद विचार पर कुविचार रो हार जीत रो-संघर्ष रो उजागर इतिहास बतावै है। कई गीत श्रृंगार रस रा भी है।

भाषा रा लाक्षणिक प्रयोग बहुत आछा है। लोकोक्ति—मुहावरा सूं भासा घणी असरदार बणगी है। ‘बलती मैं नाखे पूळा’ ‘साँपों रो कैड़ी मासी’ ‘कद डाकण पुत जणै। जीसा प्रयोग आछा अर मनभाता है।

बाइप्रै कविता रो मूल सवेदना ओछे स्तर रो मालम पई है। कवि परिवार नियोजन अभियान रो प्रचारक लागै है। ‘गीत’ कविता में फागण रं सुहावणै दिनूगै रो वर्णन है। होली रो वातावरण है जो भोत सुन्दर है, पण एक लाइन में ‘खाटा काचर बोर’ बताया है। फागण में काचर बोरिया खाटा हुवै है कई ईं तरै ही ‘धूमर घाल-गोरङ्घां’ में धूमर नै दिनूगै घालती बतायी है। प्रायः धूमर रो टेम रातरो हूया करै है।

सार रूप स्यूं कयो जा सकै है कि ‘हंस करै निगराणी’ पुस्तक भाव, भाषा और कल्पना रो दृष्टि स्यूं उच्च कोटि रो रचना है। कविवर जोशी इण वास्ते वधाई रा पात्र है।



प्रवक्ता— हंगर कालेज, बीकानेर



राजस्थानी भाषा साहित्य संगम (अकादमी) वीकानेर

रा

प्रकाशन

नाम पुस्तक	विधा	लेखक	मूल्य
प्रेतात्मा की प्रीत	(कहानी)	श्री दामोदर प्रसाद शर्मा	५-५०
रोहिड़ रा कूल	(व्यंगात्मक निबंध)	डा० मनोहर शर्मा	५-७५
हास्यां हरि मिले	(हास्य)	श्री नृसिंह राजपुरोहित	७-५०
जोग संजोग	(उपन्यास)	श्री यादवेन्द्र शर्मा 'नन्द'	७-२५
घटारवां	(रेखाचित्र)	डा० ब्रजनागमण पुरोहित	५-७५
मादमी रो सींग	(कहानी)	श्री करणोदान चारहूठ	६-००
श्रेक वीनणी-दो वीन	(उपन्यास)	श्री श्रीमान नयमन जोशी	८-३०
राजस्थानी साहित्यकार			
परिचय कोस	(परिचय अंक)	मं० श्री रावत सारस्वत	७-७५
सोनल भींग	(लघु कथाएँ)	मं० मनोहर शर्मा	७-००
काळ भैरवी	(लघु उपन्यास)	श्री रामनिवास शर्मा	७-४०
हस करे निगराणी	(काव्य संग्रह)	श्री सत्येन जोशी	७-४०
राजस्थानी साहित्य की समीक्षा (जा.जो.)		मं० डा० मनोहर शर्मा	८-००
राजस्थानी कहानी संग्रह (जा.जो.)		मं० रामेश्वरदयाल श्रीमाजी	८-५०
राजस्थानी निबन्ध माला (जा.जो.)		मं० डा० मनोहर शर्मा	८-००
राजस्थान के कवि भाग २		स० रावत सारस्वत	१५-००
राजस्थानी साहित्य संपदा		श्री सोभाग्यसिंह शेखावत	१८-००
सरवर मूरज अर सिङ्गा		श्री प्रेमजी 'प्रेम'	प्रकाश

सम्पर्क:

राजस्थानी भाषा साहित्य संगम (अकादमी)

नागरी भंडार, वीकानेर ।


जागती ज्योत

राजस्थानी भाषा री त्रैमासिक पत्रिका



राजस्थानी भाषा साहित्य संगम (अकादमी)

बीकानेर (राज०)



जागती जोत

(समीक्षा-अंक)



सम्पादक

डा० मनोहर शर्मा



प्रकाशक

राजस्थानी भाषा साहित्य संगम (अकादमी).

बीकानेर (राजस्थान)

प्रकाशक

धनंजय वर्मा, सहायक सचिव

राजस्थान भाषा साहित्य सगम (अकादमी)

वीकानेर (राजस्थान)

भाग ३ : अंक ३

अक्टूबर-दिसम्बर १९७४

वरस रो मोल १०-००

इए अंक रो मोल ३-००

मुद्रक

माहेश्वरी प्रिंटिंग प्रेस,

वीकानेर (राजस्थान)

सम्पादकीय

साहित्य की श्रीवृद्धि में समीक्षा को असाधारण योगदान रहे। समीक्षा सूँ साहित्य को संस्कार हुवे और कवि-लेखकों ने मार्ग-दर्शन मिले। समीक्षा के अभाव में रचनाकार आपसी असलियत ने समझ नहीं पाई और मन-माने मार्ग पर चालते रहे। पण साथ ही ईं समीक्षक को काम करड़ो भी घणो है। उण को अध्ययन विस्तृत, नजर पैनी और निर्णय निष्पक्ष हुवणो जरूरी है।

लारलै तीस चाळीस बरसां में राजस्थानी भाषा में घणो महीं, तो कम भी नीं लिख्यो गयो है और यो लेखन-कार्य सतत गति सूँ चालू है पण राजस्थानी की जितरी भी साहित्य-सामग्री प्रकाशित हुई है, उण की हाल-ताईं समुचित समीक्षा नीं हो पाई है। ईं अभाव की किणी अंश में पूर्ति करण-सारू 'जागती-जोत' को वर्तमान समीक्षा-अंक प्रकाशित करघो गयो है और ईं खातर साहित्य के प्रमुख अंगों पर अधिकारी विद्वाना सूँ विशेष लेख तयार करवाया गया है।

म्हाने हरख है के प्रस्तुत विशेषांक रा विद्वान लेखक आपरै दायित्व न भली-भाँत समझर आपरा लेख तयार करघा है।

लेखकों द्वारा आपरै लेखों में जो भी विचार प्रगट कर्या गया वे ठोस है प्रस्तुत विशेषांक के प्रकाशन में विद्वानों ने और साथै ई संगम-कार्यालय ने भी धन्यवाद देवणो संपादक के नाते मैं म्हारो फर्ज मानूँ हूँ, जिणों के सहयोग सूँ यो प्रकाशन व्यवस्थित और जल्दी सूँ जल्दी हुय सकयो।

टीप

१. सम्पादकीय	डा० मनोहर शर्मा सम्पादक	
२. राजस्थानी उपन्यास	डा० मुनचंद मेहता	१
३. राजस्थानी कहानी	श्री रामेश्वरदास श्रीवाशी	१३
४. राजस्थानी रेखा-चित्र ग्रंथ संस्मरण	श्री श्रीमान नरदत्त जोशी	२२
५. परम्परागत राजस्थानी कविता	डा० मदनमोहन जर्मा	३१
६. राजस्थानी नूवीं कविता	डा० किरण नाट्टा	४१
७. राजस्थानी री साहित्यिक पत्रकारिता	श्री रायत सारखा	५५
८. राजस्थानी लोक साहित्य री संग्रह :		
सम्पादन ग्रंथ विवेचन	श्री दीनदत्त जोशी	६३
९. राजस्थानी मांय श्रुतित साहित्य	प० श्रीमान मिश्र	७०
१०. राजस्थानी शोधकार्य	डा० लक्ष्मीर शर्मा	८३

राजस्थानी उपन्यास

आ० मूलचन्द्र सेठिया

समाज में जद-कदै कीं तूंची सगती रो उदै हुवै तो बीं रो उठाव करणै रै निमित्त साहित्य में कोई तूंची विधा परगट हुवै । राजावां री सामन्तवादी सत्ता रो माहातम महाकाव्यां रै माध्यम सूं बरणीज्यो तो मसीन जुग रै मध्यवर्गी मानखै रै जीवण री धूप-छांव रो चितराम लेय नै उपन्यास रो आविर्भाव हुयो । उपन्यास नै मध्य वर्ग रो महाकाव्य कहवै जका ठीक ही कहवै । उत्पादन में मशीनां रो परबेस होणै सूं समाज रो नक्शो ईज बदल गियो । राजा-रजवाड़ा रै हाथां में जिकी सत्ता अर महत्ता ही, वा तूंचे पूंजीपती वर्ग रै हाथां में खिसकण लागगी । सेठ-साहूकारां नै आपरें बिणज ब्योपार री बेरोकटोक बढ़ोतरी रै मारग में राजा-रजवाड़ा रोड़ा ज्यूं दड़कण लागग्या अर बै आपरो झंडो गाछण रै वास्तै जनतंत्र रो नारो बुलन्द करथो । मशीनी-जुग में पैदा होयेड़ो मध्यम-वर्ग ईं नारै नै संजोरा कंठां सूं गुंजाय नै आखै आभै नै गरणा दियो । पूंजीवादी अर्थ-व्यवस्था रै सार्गै जनतंत्र रो गै रो सम्बन्ध है अर मध्यम-वर्ग रो अस्तित्व भी सामन्तवाद री समाधि पर पूंजीवाद रो दीयो जलनै रै वाद ही सामणै आयो है । उपन्यास रो तिकोण पूंजीवाद, जनतंत्र अर मध्यम वर्ग रै तीन बिन्दुवां सूं मिलर बण्यो है । जे औद्योगिक क्रांति नईं होती तो शायद उपन्यास रो जलम भी नईं हतो । छापै री मशीन रो आविष्कार अर गद्य रो विकास भी उपन्यास रो जोर बधाणै में आपरो पुरो जोग दियो है ।

साहित्य री विविध विधावां में उपन्यास री विधा सब सूं तूंची विधा मानीज । मानखै रै जीवण रो जिसो जीवतो-जागतो चितराम उपन्यास रै माध्यम सूं सामणै आबै, विसो और कोई विधा सूं नईं । ईं रो कारण ओ ईज है के उपन्यास जीवण अर जगत री सच्चायां सूं मुंडो लुकोवणै री अर सुपनां रै सम्मोहण सूं भरमाण री चेष्टा नईं करै । कवि जीवण रै चुमता कांटां नै रेशमी-रुमाळ सूं लपेट नै पेश करै अर दर्द नै भी दबा बतारै । वो आभै रा रंगो चूक्या बावळां सूं मेल-माळिया बणावतो धर्क

ई कोनी । पण, उपन्यास की पैली बफादारी जमाने की सच्चायां साकू होवें पर वो जीयन रें यथार्थ नै दरपण ज्यूं दिखावां की चेष्टा करे । उपन्यास सपना की सोझावर नई होय नै जमाने की जळती बळती अर उळभी पुळभी सच्चायां की मन्देश याहक होगी नाबे ।

कविता की इतिहास घणो पुराणो है । आरम्भो की पैली आगू पर वी की पैली मळक कविता रें दरपण में ईज आपरी परछाईं देगी । कहानी की परम्परा भी ना की नानी की नानी सूं चालती भावें । पण, उपन्यास तो चार दिना की टावर है । पच्छमी देसां में भी उपन्यास की जिनगीनी तारना दोन्हाई मो बरगा में निमट्टोही है । हिन्दी रें उपन्यास तो एक शताब्दी ही पूरी करी है । प्रो० नरोत्तमदास स्वामी रें कथे परवारण राजस्थानी की पैली उपन्यास निपण्ट भरनिया की निमट्टो 'कनक सुन्दर' है, जिको सम्वत १९६० में छप्यो हो । डा० मनोहर जर्ना सम्पादित 'कुलरमा सायली' अर 'राहिव साहिव' सारिखी रचनायां उपन्यास की गीब सूं दूर होवें पर भी रें परनिया है, जिका पुराणी कथायां सूं तूवें उपन्यास की तरफ होन-याली जानका रें बीनता पशता की परिचय देवै । डा० किरण नाहटा आपरें जोग-प्रबन्ध में 'कनक सुन्दर' रें बाद श्री-नारायण अग्रवाल रें 'चम्पा' उपन्यास की उल्लेख करणो है । 'कनक सुन्दर' अर 'चम्पा' ना कथानक आप रें जुग की सुधारवादी भावनाया रें कर्ण बाले में सुमीरयोदा है । हिन्दी रें आदि उपन्यास 'परीक्षा गुप्त' अर बगना रें आदि उपन्यास अनादि परे 'कुलरमा' रें कथानका रें साने 'कनक सुन्दर' रें कथानक की गयी समानता जगाने । डा० गिना उपन्यासां की कथानक सामाजिक स्तू ज्वादा पारिवारिक है । अथिया, पिता मायी अर दूसरी बुरायां रें कारण पैली परवार की खानो मङ्गलप्राप्ति-नो खानो पर बाद में शिक्षा अर सदाचार रें समर्प सांतरो जम जावें । राजस्थानी अर हिन्दी की नई, मसळी भारतीय भाषायां में वो जुग आदर्शवाद अर सुधारवाद की जुग हो अर आ यान गयी सुभाविक है कैं वीं जुग रा राजस्थानी उपन्यासो की मूर आदर्शवाद में अनुप्राणित है । अचरज की बात तो आ है कैं राजस्थानी की सब सूं तूयो उपन्यास 'शोभी' अर 'आम्पा' (भन्नाराम 'सुदामा') भी ओइ नाणी वीं पुराणी गैल नै नई छोडी है ।

'कनक सुन्दर' अर 'चम्पा' रें प्रकाशना की पैली बरमा बाद श्रीवास्तव मधुमे जोधी की 'आर्मे पटकी' उपन्यास प्रकाशित हुयो अर इण उपन्यास रें बाद ही राजस्थानी में उपन्यास की अखण्ड परम्परा की आरम्भ हुयो । जोजीजी की एक मोर उपन्यास 'धोरां की धोरी' राजस्थानी साहित्य और संस्कृति रें जाणवा-भाणवा विद्वान अर मोडी इटली रा डा० टैस्तीटोनी रें जीवण माथे निर्माजिही है । राजस्थानी की वो मूखो

जीवणी परक उपन्यास है। अन्नाराम 'सुदामा' रा दो उपन्यास 'मैकती काया' अर मुळकती धरती' अर 'आधी अर आस्था' प्रकाशित होया है। हिन्दी रा आगीवाण उपन्यासकार यादवेन्द्र शर्मा 'चन्द्र भी आपरी मायङ भाषा में एक उपन्यास लिख्यो है- 'हूँ गोरी किण पीव री'। विजयदान दया 'टीडोराव' में एक लोककथा नै उपन्यास रो रूप दियो है। राजस्थानी भाषा र मांय पैलो ऐतिहासिक उपन्यास लिखण रो श्रेय सत्येन जोशी नै है, जिका 'कंवळ पूजा' में जैसलमैर र इतिहास री एक कथा आपरी कल्पना रो पळेथण लगाय नै पेश करी है। कवि छत्रपतिसिंह रो 'तिरसकू' राजस्थानी रा पैलो प्रगतिवादी उपन्यास है, जिकै में वर्ग-संघर्ष री समस्या नै रोमान्स र ताण-बाण में गूथी है। आज री मितो ताणी राजस्थानी भाषा में इत्ता ही उपन्यास प्रकाशित होया है।

राजस्थानी उपन्यासां री विषय-वस्तु रो चुणाव समाज री सीमित परिधि सँ ई हुयो है। 'आमै पटकी', 'मैकती काया' अर 'मुळकती धरती' अर 'हूँ गोरी किण पीव री-आं तीनां उपन्यासां री धुरि तो जुग-जुग सँ सताईज्योड़ी अर पुरुषां र पगां नीचै रगदोळीज्योड़ी नारी रो जीवण है। आं उपन्यासां में नारी री अखूट वेदना रो अपार सागर लहरा रेंयो है। 'आमै पटकी' अर 'हूँ गोरी किण पीव री' में नारी रो विधवा-रूप सामणै आयो है। समाज र पगां में किचरीजती र चीथीजती विधवा आपरै परिवार में 'देवराणी, जेठ-जेठाणी अर सांसु-सुसरै संगेळां र पगां री जूती, कुळ में कुन-खणी अर खुरडपणी गिणीजै।' बीं रो पुरो जीवण ही विधाता रो एक व्यंग्य-सो घणो दोरो अर अराखीवणो लागै। आं दोहूँ उपन्यासां में विधवा र जीवण री कहाणी आंसुआं सँ गीली कलम सँ लिखीजी है।

'आमै पटकी' री किसनी अलवर है मानीजतै सेठ री बहू है अर 'हूँ गोरी किण पीव री' किसनड़ी एक कुंभार री लुगाई। दोन्यां र खतबैं में घणो ई फरक है, पण दोन्यां रा करम एक सारीसां फूटयोड़ा है। विधवा चावै रक री होवै अर चावै राव री, पण बीं री आ हालत होवै कँ आमै पटकी अर धरती भाली कोथनी'। बा चावै किता ई फूक-फूक र कदम ब्यूँ नई राखै, बीं री इज्जत नै च्यारू तरफ सँ खतरो-ई-खतरो होवै। 'हूँ गोरी किण पीव री' में किसनड़ी कँवै, बिना धणी री लुगाई री इज्जत सफेद कपड़ै जिंसी हुवै है, हाथ लागण सँ मैली हुय जावै। बिना धणी री गाय री कुण रुखाळी करै। 'आमै पटकी' में भी विधवा री ई विडम्बणा रो घणो आंकरो रूप सामणै आवै "सुहागरण छोरचां किसी कुमारग में को पड़ जावै नी, पण वारै ऊपर धणी ढाल हुवै जिण सँ सब ढकीज जावै। विधवा निछतरी हुवै। एक पांवडो ऊक-बूक धरतै ई समाज सड़ासड़ साटका सँ सूतण लाग जावै।"

श्रीलाल नथमल जोशी और यादवेंद्र जर्मा आपरें उपन्यासों में विधवा रें जीवण री साळामेली री सामिक वर्णन ही नीं कर्णो है। घर न समस्या री विचाराळ रूप सामणें राखन आपरी कलम नें अळगी नाख'दी है। प्रेमनन्द जुग रें हिन्दी उपन्यासों में विधवा-सारू आंसू तो बहोत धँवाया है, अपणायत री दिगावो भी धणो कर्णो है। घर वारें त्याग और तप री प्रससा रा पुळ भी मोकळा बांध्या है, पण जठें विधवा रें आग री सवाल आयो है, वठें वें आपरी निजरां चुगवण लागला है। प्रतापनारायण श्री-वास्तव और विश्वभरनाथ जर्मा 'कौणिक' सारीगा मोटा उपन्यासकार विधवा रें नारी री तप-रूप मानता थकां वीं री भारती उत्तारणें में कोई कमर कोय रानीनी, पण परम्परा नें अळगी नाख'र बां री व्याव रचारण री मोको घायो, जठ वें बगसां भावण सामला और बांरा पग पाछा पड़्या। हें समस्या रें मूंडामूंड देगणें री हिमन ना री को हो नी। श्री० न० जोशी और 'चन्द्रजी' आपरें उपन्यासों में विधवाया रें आयो उमर रूपायें रें जळवळतें कड़ाव में तळतळीजण गातर कोनी छोरी। दोनू आपरें उपन्यासों में समाज री जूनी परम्परावां नें तोड'र बांरा ध्याव रचारण री दिवाव दिमावो है। समाज सूं विधवावां सारू सहानुभूति री भोत मांगणें मूं घागे चड नें हें उपन्यासकार समस्या री एक सांगोपांग समाधान पेज कर्णो है।

'हूं गोरी किण पीय री' री नायिका किमनही जात री कुंभार है। बीरें समाज में नाते री प्रधा जुग-जुग मूं चावती भाई है, पण बीरें देवर भागो घावरी भोजाई सूं व्याव करणें में भोत अळसा-मळमी कर्णो दीमं। हें रें विपरीत 'घागे पयसी' में किसनी री देवर 'मौवन' आपरी भोजाई मूं व्याव करणें में कोई मन री अटकाव मैसूस नईं करे। हें री कारण सामाजिक नईं होय नें मनोर्धभावन है। माधो री भाई जद कर्जें रें डर सूं भागम्यो तो किसनही बी री रिस्काळ मागी मायट बण नें करी। बा आप कमठाणें मजदूरी करण नें गई पण माधो री पढाई कोनी खुशम री। किमनही री भाई आपरी वंण नें एक जुआरी और लम्पट रें हाथां येवमं री पड्यन कर्णो जद माधो री भलो चावगिया वीं नें आपरी भोजाई नें हें जाळ मूं चुगवण बायो री मु नातो करण री सलाह दी। माधो घणें धरम-मंकट मांय पड्यो और मोख्यो—“बी उण नें देवळी मान उण री पूजा करी है, घाव-घादर करघा है, मरुभा मूं उण रें पतनिया पासो जोयो है, पण कर्दई पावरी नजर मूं उण नें नईं जोई।” जपत नें मा री जिया थाप राखी ही उण नें वो आपरी जुगार्द कियो वणावें? माधो रें मन री हें अटक री विप्लेपण करणें में 'चन्द्र' ने आधी सफलता मिली है। भोजाई नें जाळ-जजाळ मूं वचावण वास्तु माधो उण सूं व्याव तो रचावें पण वीं री मन घागो-पाछो होवतो हें रेंवें।

अन्नाराम 'सुदामा' की 'भैकती काया' और 'मुलकती धरती' एक घणो भवि-
 भोनों उपन्यास है। ई की नायिका सुथारी नानी है, जकी आपरें मनमानीत दोहीतें रें
 भागें आपरी जीवण कथा रो बखार करै। ई उपन्यास ई नारी रें दुखा री जड़ में
 नारी रो ईज अत्याचार है। नानी विधवा को ही नी, पण विधवा सूं भी गई बीती
 ही। नानी री कांटकटीली नणद बीन आपरें बीन खनियां धोळो उठवार घर सूं कढवा
 दी। सासरें सूं काढीजेड़ी नै पीगे कीयां भालें ? इण वास्तें नानी आपनै भगवान री
 मरजी पर छोड़ दी ही। नानी रें मन में कोई आस्था रो बीज कठै सूं आय नै पड़ग्यो
 हो, बीनै वा आपरें आसुवां सूं सींच-सींचर एक बेल रो रूप दे दियो। कई भक
 भोरा खाणें रें बाद नानी रो मन एक विस्वास रें लंगर भायें टिकग्यो हो। बा कैवै,
 डाई पड़ै जीनै तो काढणी ही पड़ै, हंम हंसर काढो भावें रोयर' नानी तो आपरी डाई
 हंस हंसर ही काढती दीमै। बी री आख्यां में दुख रो सरमो सारण सूं एक गहरी टीठ
 आ जावै, जक सूं बा ऐड़ी बांता कैवै, जकी आज रें जुग री कसौटी पर भी बाबन तोळा
 पाव रनी खरी उतरै। सुथारी नानी रो भारत री धरती सूं इत्तो अपणायो है कै बा
 आपरें एक जनम में सी नारकी भोगणै रें बाद भी ई धरती पर जलम लेगो चावै। नानी
 कैवै, "अै रजवाड़ा, अै ठाकर-ठरडा के ठा रैसी न रैसी, पण आ धरती आपां री कठै ई
 को जावै नी। आपणो नेह तो ई धरती सागी है। देख तूं आ धरती किती पवित्र है,
 जिकै पर रांगा और जमना जिमी नद्यां, हरियाली और अन्न धन्न बाँटती-बिखेरती किती
 खाती चालै, जाणां खेत-खेत में आनै टेम सूं पूगणो है। भूखें तिस्सै मानखें री जाणो
 मा' चिन्ता आ नै ही है।

ई उपन्यास में 'सुदामा' जी राजस्थान री ही नई, आखें देस री धरती रें
 भांत भांत रें रूपरंग और फुटपाय रो घणो रलियावणो वरणन कर्यो है। उपन्यास री
 कथा रें समचै बी री किस्तीक सार्थकता है, ओ सवाल दूजो है। पण, आ बात मानणी
 पड़सी कै उपन्यासकार रें मन में देस री धरती-सारू घणो हेत और अपणायत है। इण
 उपन्यास में राजस्थान रें जन-जीवण रो सांचो सरूप अंकित ह्यो है और केई स्थल पठणै
 में तो गद्यकाव्य सारीखो रस अनुभव हवै।

विजयदान देवा रो "टीडोराव" एक लोक-कथा रो उपन्यासीकरण है।
 पण, इण उपन्यास रो सांकेतिक-अर्थ-आज रें जुग-सन्दर्भ में घणो तीखो और आछो
 मासूम देवै। तीडी पडिहार बेजो बगलतो और भजन भाव रो घणो चाव राखतो। एकरसी
 बी रें हाथ-सूं एक उडती माखी रो निसाणो लागग्यो तो आ बात टीडै रें हाडोहाड
 हकगी कै वो एक लूँठो मिनख बगलतो। आ सोचर वो घर सूं नीसरयो तो बी रें भाग

रा टोटका लागता गया भर घो गलती करी जकी ई बात उगरी सावळ पड़ती गई ।
 चोरी गएई नखलखे हार रो मरी ई पतो पड़ग्यो, जीवते मिन नै मयेदा मू' कान पकड़
 नै नीवड़ा रै बांध दियो, चोरी गएड़ी बन पाछो घरा मियो भर मृ डी डोती मू' बिना
 लड़पां हो हार मनवा ली ।

'टीरोराव' रो ओ परित कोरो भाग-संजोग रो परतो ई गई है, उग मू' ओ भी संकेत मिले है कै टीरोराव बप्पा फिर, इसा मना नोगां रै मांग पोस ही पोस होवै । जिका होवै घोषा चिणा, बं ही बाजें बणा । मिनग पन रो मोन दुनियाकी सफलतावां मू' कोनी आंखयो जा मके । आज रै जुग मे 'टीरोराव' रो खगल पलो साथेक लखावै ।

✓ छत्रपतिसिंह रै "तिरसंकू" रो नाबत प्रकाशक री घो मू' ओ दावो कर्ग्यो गयो है कै 'ओ प्रगतिवादी विचारों री मुरुघात करदियो वैचरो राजस्थानी उपन्यास है।' ओ दावो भोत दमदार नई लागे, मू' कै 'घाभं पटरी' घर हू गोरी मिन पीर री' समाज री कूड़ी मानतायां घर जूनी मरपादा पर थोट करके रो हथि मू' पदवि-शील ही कैया जा सकै है । अन्नाराम 'मुदामा' 'भैरवी कामा' घर 'भक्तकी भगनी' में देस री धरती भर धरती रै जायां रो पग पलो मजोरो मियो है । उग कारण 'मुदामा' रै उपन्यास नै भी प्रगतिशीलता रै श्रेय मू' बंधित नई कर्ग्यो जा मके । 'तिरसंकू' री लासियत आ है कै आज री राजनीति नै परतग रूप मू' उपन्यास रै घादनी सामने राखी है । राजस्थान सामन्तवाद रो गड रेंगो है, पग पीड़पा रो संक्रमण सामन्ती परिवारां नै भी अछूता नई छोड़या है । पवन घर बी रै जीमा' रै दिवाग मे राज-दिन रो फरक पड़यो सखावै । उपन्यास रै पर्वत में पवन री मनन रै मागे सामन्त पण री टकराव कई रूपां में सामने घाव, पग रूमान रै मुनाबी रूप रै मागे कानि री लाली पीकी पड़ती लागे । नीना रै "जीन री पड़ाहियां घर घाटपा" मागे निरतो-हवती पवन री निजर नारी मू' हट नै 'प्रकृती पर पड़े घर प्रकृती मू' हट नै नारी पर पड़ ज्यावै । नारी (नीना) रै 'घंग घंग मांग मगवाळ' जोदक री पमंग नाच गयी है । म्हारै डील में भी उग रै छुग मू' गरमी दोडमी ।' नारी रै मोवले रूप मू' गीरेही पवन री निजर प्रकृति रै मोवर्ग रूप पर पड़े तो बो देखे—"मखर दिने रा घासरी टिमटिमाता तारां नै आप रै पल्ले मांग घांध्यां लहरा रह्यो हो ।" नारी घर प्रकृति रै दोहरे आकर्षण में बंधयोहो पवन आपरै आप मू' रिमाळ होय नै गांव छोड़'र दिल्ली चलयो जावै । अठे मू' उपन्यास रो उत्तराखं मरु होवै । दिल्ली में जीन नामरी-एक क्रांतिकारी लड़की री प्रेरणा मू' क्रांतिकारी आन्दोलन ताई आकर्षित हवै, पण क्रांतिकारी दळ में भी स्वारथा री उठाव-पटक मू' ऊपर पाछो गांव गानी मृड जावै । ओ आपरा

सगळी खेस अर बाग-बगीचा काम करणियां करसां मांय बांट'र वां री सहकारी समिति बणाय नै आप वीं रो अघ्यक्ष बण जावै पण गांव रा छळछन्दी लोग वीं नै अघ्यक्ष पद सूं भी हटा देवै। गांव सूं दिल्ली अर दिल्ली सूं गांव रै विचाळें भटकतें पवन नै इयां लागै है 'म्है इण दुनिया मांय भतूळिये मांय कागज रै टुकडें ज्यूं अर नंदी मांय गुडकतें पत्थर ज्यूं वेमतलव जिन्दगी बिता रयो हूं। अब म्हनै लखावै है कै दिल्ली अर नन्दीगाम मांय कोई फरक कोनी।' शैल नन्दीग्राम आय पवन री सुधारवादी योजना-सारू उण नै फटकारै अर कैवै, आ क्रान्ति छत माथै खड्या होय'र सुहाणै सरवर ने देख्यां सूं कोनी आवैली पवन ! आब नीचै चालां।

पवन ईज तिरसंकू है, जिको दिल्ली अर नन्दीग्राम क्रान्ति अर सुधारवाद रै बीच भटकतो फिरै। इण उपन्यास में क्रान्ति रै सागै रोमान्स रो इत्तो धाळमेल हो रैयो है कै क्रान्ति रो सरूप रोमान्स रै पडवै लारै लुबयो-छिप्यो रह जावै। कृशनचन्दर अर यशपाल रै प्रभाव सू छत्रपतिमिह नै ऊपर उठणो पडैला। उपन्यास रै माथै गुप्तार मिरडल रै उद्धरणों री चिपक्यां भी घणी लगाई है, पण जनक्रान्ति रो रूप लीना अर शैल रै मदमातें रूप में ही दवेडो रड जावै। लीना कैवै भी है, 'सगळी बीरता अर बहादुरी री कहाण्यां लारै गोरड्यां रो मोह-जाळ है पवन !' पवन भी हंकारो भरतो थको कैवै—सगळी बीरगाथावां सुन्दर नार रै घेरे सूं बाटै कोनी। छत्रपतिमिह रै 'तिरसंकू' रो नायक पवन एक खानी लीना अर शैल सारीखी गोरड्यां रै घेरै में घिरघोडो है तो दूजी खानी प्रकृति री सुन्दरता रै मोह-जाळ में बंध्योडो है। क्रान्ति तो बापडी 'तिरसंकू' री तरियां नारी अर प्रकृति रै बीच अधर में लटकती ही रहगी है।

अन्नाराम 'सुदामा' रो दूसरो उपन्यास 'आंधी अर आस्था' है, जिकै में 'सुदामा' राजस्थान रै गांवां रो यथार्थ चित्रण कर्यो है। राजस्थान रो गांव गरीबी रो ईज दूसरो नांव हें अर अकाल री काली छाया रै हेटै दम तोड़ता गांव तो नरक रै ओडै-जोडै रा ई कह्या जा सकै है। जगनाथ एक चरित्रवान ब्राह्मण है, पण वो गरीबी रो ई सतायेडो को है नी, गांव रै सिरैपंच री कूठारगी रो शिकार भी है। वो एक कूडै मुकद्दम में फंसा'र जगनाथ नै जेल करा देवै। जगनाथ री मां, लुगाई अर टावरों पर घणी दोरी बीतै अर वै गांव छोड़'र बीकानेर चल्या जावै। भाग री मार, गरीबी री मार अर गांव रै मोथां री मार खातां-थकां भी ओ परिवार आपरी आस्था नै नई छोडै अर एक दिन आपरै पगां माथै खड्यो होय जावै। उपन्यास रो सूर 'कुर्सी-खानी मूँढो अर देस खानी पूठ देवणियां सारू घणो आकरो है। मंगल शास्त्री कैवै 'उठती अर अमूजती पीढी वीं सगळी जात नै कदैई दरडें में नाख'र घरती बराबर कर देसी।' उपन्यास रै अन्त में नई क्रान्ति रो सूरज उगतो दिखायो है—'अगूगी घरती री जड़ां में काले भूजां

न चीरती धरती न नयो जीवन वांटती क्रान्ती-सी नई किरणा निकले हों ।' पण, उपन्यास रो पाठक क्रान्ति री किरणां सून इत्तो प्रभावित को हूयें नी, जिनो ह्यालाय रं थपेडां रं बीच आपरी आस्था री ली न जळती रागागी-पाळें गरीब गरवार री गरदा-मगीं सून । 'मुदामा' जी थो चित्रण करणें में भी सकल हीया हे की भाषां रं भाषां दळकरी रं दळ दळ में किता गहरा कंसियोडा है ।

✓ 'कंवळ पूजा' राजस्थानी रो पैलो ऐतिहासिक उपन्यास है । गोपित घरे में इण न राजस्थानी रो पैलो 'आंचळिक उपन्यास' भी कसो जा मके है । जैमलमेर रं योग री धरती री हवा अर पाणी में जाणें कांडें जादू हो के म्हागे मन उठेई रमगो । जैसलमेर म्हागी रंग-रंग में अजून रम, धर ता-उमर म्हागे रंग-रंग में जैमलमेर री सोरंम आवती रवली । इण उपन्यास मांय सून भी जैमलमेर री जळकी-जळकी सीम भावें । धूड रं समुन्दर में बसियोडें जैमलमेर रं योग, मर-मिलना धर मेल-मिलना रो वरणन ईं उपन्यास न एक आंचळिक स्पर्श देवें । पण, मध्येन जोशी रो दीप रो केन्द्र 'अंचळ' नई, 'इतिहास' ईज है । तन्नोट रं राव विजयराज सायें राजकी रं सुलतान मैमूद हमलो कर्गो । बाराह धर तंगा विजयराज सून मोद रोके रं कारण मैमूद री मदद करी । इतिहासकारां रो थो भावगो है की ईं लडाईं में जीव मैमूद री हुई । पण, मुणोत नैणसी री स्वात में राव विजयराज रो जीव रो हवागो दिगरी है । सत्येन जोशी स्वात रो आधार लेय न था थाव निगी है की 'मुन्हाव' री जीव खतम व्हंगी । पण कीं अफसरां धर मिपागी मायें मुन्हाव जीवगो भावगो में कामकाय व्हंगो ।' इण उपन्यास री आलोचना करता मका पं० बशरतुल्ला शर्मा लिखी है- 'कंवळ पूजा' राजस्थानी धूर-वीरता रं सामें आपगी जद रो उन्नावेज है, उगा रं भीतर देव री, त्याग री, वामना री उफणती घारा जुद रं रगत सून रंगोडी कसा में तकाकाय वेंती रवे । उपन्यास रो मूळ मुर जुद रं गिनाफ जीवण घरे दादिर रो मन्देरो ? । उपन्यास में एक-खानी वीरना रो बिन्द बगावो है, देम री रगत रं जराणा रं वीरन न ललकारथो है अर दूजे-खानी ज्ञानिवाद रो प्रचार भी बीच-बीच में चलन रळो है । राव विजयराज जद देवी तन्ना रं माम्हे 'कंवळ पूजा' करण नें स्वार हूयें तो यगोघरा वीन वरजती-थकी कवे, "आप आपगी ताकन बडावो, फजय राजकीय सून मीव पादोमियां सून भाइपी करी अर जुद री हमेश-हमेश माक काळी मण्णो करी ।"

पण, साची दात आ हें की जुद रं जुभाक साजा रं मायें जाति रं ईं मुर रो मेळ नईं सध सकयो है अर वीरता री उफणती वातावरण में थो शांति रो मन्देस उपन्यास रं मांय सून निसरनी नईं, ऊपर सून मोडाण्डो सो लगावें । एक बात और की

असंगत सी लागें । मैमूद रै बारें में एक जग्यां लिख्यो है कै बो पाखण्ड रा पाटिया ऊंधा मार दिया । सोचणें जोग सवाल ओ है कै मैमूद हिन्दुस्तान माथें आपरी साम्राज्यवादी भूख रै कारण हमलो कर्यो कै पाखण्ड रा पाटिया उलटा करणें रै वास्ते ? इतिहास रै बारें में दीठ रै ईं उलट फेर रै कारण उपन्यास री मूल परिकल्पना ही कीं अस्तव्यस्त हो जावें तो अचरज काई ? 'कंबळ पुजा' आपरें आंचळिक चित्रण अर ऐतिहासिक वातावरण रै कारण राजस्थानी उपन्यासां में आपरी एक न्यारी-निरवाळी जग्यां राखै । एक नई सरूआत रै रूप में ईं रै महत्त्व नै कोई नकार सकै नईं ।

कथा वस्तु रो घणो चुस्त बंधाण आज रै उपन्यास रो गुण नईं मानीजै । उपन्यास जीवण रो सांचो प्रतिबिम्ब बणणें रै फेर में जीवण री तरियां ही अखड़घो-पुखड़घो होयग्यो है । जेम्स ज्वायस रै 'पुलिसीज' रो नांव तो दूर री गूँज कही जा सकै पण 'अज्ञय' रो 'शेखर एक जीवनी' सारीखा उपन्यासां में भी कथा री शृंखला जाण-बूझ'र तोड़ेड़ी सी लागै । जाणै माला रा केई मिणिमा आगै रा पाछै अर पाछै रा आगै कर दिया होवै । राजस्थानी उपन्यासां में कथा रो बंधाण परम्परागत रूप में इज कर्यो गयो है । जीवण रै व्यापक विस्तार नै समेटणें री खिमता नईं होणें रै कारण उपन्यासां री आकार भी घणो बत्तो को है नी । श्रीलाल नथमल जोशी रै उपन्यासां में कथा रो कोरो वरणन है । घटनावां जियां-जियां घटती गई है, बांरो बियां-बियां वरणन करता गया है । 'चन्द्र' जी कथा रा कुशल शिल्पी है । बँ आपरें उपन्यास में कथा रै धागां नै जतन सूँ एक दूसरें रै सागै गूँथ्या है, पण 'टेकनीक' बांरी भी पुराणी ही है । "मैकती काया अर मुळकती धरती" में कथा रो बन्ध कीं ढीलो-ढालो है । नानी री मौत रै सागै कहाणी थक बार दम तोड़'र बैठ जावै पण कीमे मामै री कहाणी में वीनै पूंछ मरोड़र फेर खड़ी करी जावै । 'तिरसंकू' में भी लीना अर शैल री अळगी अळगी कहाण्यां में कोई गैरो सम्बन्ध नईं मालूम देवै । बँ खाली पवन रै धागै सूँ हलकी-सी जुड़ेड़ी है । टेकनीक रो नयो प्रयोग करणें री हूस ओजूं ताणी राजस्थानी रो कोई भी उपन्यासकार कोनी दिखाई ।

श्रीलाल नथमल जोशी अर 'चन्द्र' जी रै उपन्यासां में संजोग-तत्व रो भी पूरो उपयोग कर्यो गयो है । तूँवा उपन्यासां में इण रो महत्त्व भोत कम होग्यो है, पण इण रो उपयोग करणें वास्तै जोशी जी अर 'चन्द्र' जी नै घणो ओळमो नईं दे सकां । रवीन्द्रनाथ ठाकुर 'गोरा' अर 'नौकाझुबी' में तथा जयशङ्कर 'प्रसाद' आपरें 'कंकाल' में संजोग-तत्व रो धाप'र उपयोग कर्यो है । जीवण में संजोग रो भी आपरो एक स्थान होबै है, वीनै फूंक मार'र उडायो कोनी जा सकै ।

राजस्थानी उपन्यासों में छोटा कस्बा री निचले मध्यम-वर्ग री जीवण री चित्रण इधकाई सूं कर्यो गयो है। उपन्यास री मूल सम्बन्ध मध्यम-वर्ग सूं ईज है, जियां सामन्ती समाज री महाकाव्यां सूं। अन्नाराम 'मुदामा' री 'आंधी अर आस्था' में गांवों में रैवणिया सर्वहारा परवार री चित्रण है अर छत्रपतिसिंह री 'तिरसकू' में गामन्ती परवार री। बाकी राजस्थानी रा सगळा उपन्यासां री आधार मध्यम वर्ग ईज है। मध्यम वर्ग री मानखे रा सपना भी वीं री आकात-सास छोटा-छोटा ई होवै। भाई कुभार री मां री ओ सपनी हो कै वीं री बेटी दगवीं कनास तांणी भणीजर दफ्तर री बाबू बण जावै। पण, सपनां में ओ बड़ो रोटी है कै वै सांचा होता ई फोटा लागत लाग जावै। 'वो जिकै हुरख अर सपनां री आसावां सूं दफ्तर री बाबू बन्यो हो, अर उण में कोई वेसी भदरक लागी कोनी। बरस में रुपिया बदे थोड़ा अर नाग घना।' मध्यम-वर्ग री मोटी समस्या नाएँ री टोटी री है, पण ई री कारण मानगें री मन मांग और भी घणी गांठयां पड़ जावै अर वो आमण-दूमणो रेंग लाग जावै। नोट पर नोट खाता-थकां बीं री मन में हिसा री तोड़ फोड़ री प्रवृत्तियां भी पनपण लाग जावै। राजस्थानी रा उपन्यासकार ओजूं ताणी मध्यम-वर्ग री मोटामोटी समस्याओं री चित्रण ही करयो है। मध्यम वर्गी मानखे री क्लीणी अर ठडी मनगतां तांणी पूर्णता री चेष्टा करीजी नई है। यादवेन्द्र जर्मा 'चन्द्र' 'आंधी अर आस्था' री भूमिका में लिख्यो है, 'ई में मनोविश्लेषण थोड़ा है अर कांणी करीटे सूं चालै है। फेर एर आदतवादी छीट। वीं दिठाव में जाया सूं आ साक लागै है कै उपन्यास में प्रेमनन्द री जुग री छीट है। सायत राजस्थानी भाषा री पांचडो हान ताई बीं ई जुग बीग मांग सूं निमर राख्यो है।

'चन्द्र' जी री आ बात राजस्थानी री बणकरा उपन्यासां पर लागू होवै। पण, विश्व उपन्यास री बात आगी नासां, तो हिन्दी रा उपन्यास भी प्रेमनन्द जुग सूं घणा अळगा हट आया है। अर उपन्यास री कहण जोग (तथ्य) और कहणगत (काली) में घणो हेर फेर होयग्यो है। राजस्थानी अब साहित्य प्रकाशनी री मानीजती भाषायां मां सूं एक है अर बरसो बरस ई भाषा री रचनायां मांगे पुरस्कार भी दियो जावै है। अब आपां आपणै पिछड़ै पण री हवालो देय नै महर री मांग करता रैया तो उचित नी है। राजस्थानी उपन्यास दूसरी भाषायां सूं ओजूताणी भोत लारै है। ई सांच नै आपां आपणै मनां ग्यानां भंजूर कर लेवाला, जद ही आगे बढण री उपाय हाथ आवैलो।

✓ राजस्थानी उपन्यासां री भाषा में सैजता री कमी एकदम आछी है। भाषा में सैजता प्रयोग अर प्रचलण सूं आवै। हिन्दी में हजारों उपन्यास लिखा जाणी री

बाद भी कई लोग खड़ी बोली नै कोरी किताबी जवान कहता नई सकै । राजस्थानी रा आठ दस उपन्यासां में भाषा रो प्रवाही रूप निखरणो तो भोत मुस्कल है, पण आं उपन्यासां नै पढ'र कोई आ कोनी कह सकै कै ऐ बिल्कुल पैलड़ा उपन्यास है । अन्नाराम 'सुदामा' रै उपन्यासां में भाषा रो प्रवाह बड़ो खातो अर ओपतो है । 'मैकती काया' अर 'मुळकती धरती' रा कई कई स्थल तो गद्यकाव्य री होड़ करै । 'आंघी अर आस्था' में कहावतां पर कहावतां अर मुहावरां पर मुहावरां री ऐड़ी भड़ी लगाई है, कै बां नै आ कहणै री मन में आवै कै आप आपरी मुहावरादानी पर कीं कन्ट्रोल राखो ।

श्रीलाल नथमल जोशी री भाषा बोल चाल री साधारण भाषा है, न घणी अलंकारां सूं जड़चोड़ी, न मुहावरां सूं मंडचोड़ी । हां, 'हूं गोरी किण, पीव री' नै पढर आ जरुर लागै के ओ उपन्यास हिन्दी में लिखीजतां-लिखीजतां राजस्थानी में लिखीजग्यो । छत्रपतिसिंह री कविता री भाषा है, राजस्थानी मांथै बांरो सैज अद्विकार है, पण कविता जद उपन्यास रै सिर पर चढ नै बोलण लाग जावै तो उपन्यास रै हक में घणी सिरंकार को होवैनी । सत्येन जोशी री 'कवळ पूजा' रै बारे में कोमल कोठारी लिख्यो है— 'कवळ पूजा' री भाषा राजस्थानी भाषा का वह रूप है जो सरल एवं ग्राह्य है ।' मासिक 'हरावल' री दीठ सूं 'कवळ पूजा' में राजस्थानी रै उण सरूप री खोज की जा सकै, जिका नै आपां स्टैण्डर्ड राजस्थानी री कल्पना रै रूप में देख रैया हां ।' सत्येन जोशी री भाषा में भावां रै प्रकटीकरण री लूँठी खिमता है, बै शब्दां रा जादूगर है है जका रै हाथां मे आय नै एक एक शब्द एक-एक चितराम रो रूप धारण कर लेवै । पण, बां री भाषा राजस्थानी रो स्टैण्डर्ड रूप मान्यो जा सकै, इण में सन्देह है । पश्चिमी राजस्थानी रै बारै भाषा रो ओ सरूप सहज-ग्राह्य नई है । राजस्थानी भाषा रो स्टैण्डर्ड रूप विजयदान देथा रै उपन्यास 'टीडोराव अर बां री 'बातां री फुलवाड़ी' में देख्यो जा सकै ।

राजस्थानी उपन्यास हिन्दी रा उपन्यासां सूं भोत कुछ सीख सकै है, पण जे बै बांरी 'कॉर्बिन कॉपी बणग्या तो आ भोत माड़ी बात होवैली । हिन्दी उपन्यास आज कुण्ठा, संत्रास, अजनबीपण, अर अणमणपण रै दौर सूं गुजर रैया है । आं मां सूं घणकरी बातां आज रै भारतीय जण-जीवण रो सांच नई होय नै पच्छिम री कूड़ी नकल है । राजस्थानी उपन्यास नै आ जूठण खावणै री कोई जरुरत को है नी । जे राजस्थानी उपन्यासकारां नै आपरो रचनावां नै राजस्थानी रै जीवन-जथारथ रो दरपण बणावणो है तो बां नै ईं धरती रै पूतां री आख्यां सूं आख्यां मिलाय नै देखणो

पड़सी । राजस्थान रो असली रूप वीं रं लाखां गांवां अर हाण्यां में ईज देख्यो जा सकै है, जठं करसी आपरं जीवण रो जुद्ध लड़ रैयो है । ओ जुद्ध माली ऊपरी ई नई है, इणरा केई आसापासा है । समाज रो केई परतां है अर मानसी रं अस्तित्व रो ओ संग्राम समाज रो परतां दर परतां व्यापड़ो है । राजस्थानी उपन्यासकारां नै इनी मानतावां अर कूड़ी मरजादां नै भांग'र जीवण रं मुगत-रूप नै आपरो बाध्यां मांय भरणै खातर बांध्यां फैलाएई मानखै रा सपनां अर मंघयां रो ईयात को जीनो, जागतो चितराम पेश करणो है कं बां रो गाथा राजस्थान रो जीवण-गाथा होता-मता भागी मानखै रो जीवण-गाथा रो ईज एक भाग बण जायं ।

राजस्थानी उपन्यास खाली राजस्थानी भाषा में लिखीवेड़ा ई नई होणा चाहीजे । जद ताणी राजस्थानी उपन्यासां में राजस्थान रं काळजै रो मड़कण नई सुणीजैली; घोराळी घरती रो गन्ध, मतीरां रो मीठो सुवाद, निहकोल्यां रो 'तू' 'तू', नीम अर सिरस रो सौरम अर रिमझिम करती बिरगा रं सरगम रो वातो नई हवैतो, अर सब सूं आगै बढर राजस्थान रं तप-त्याग अर आपरो भाण बाण पर मर मिटण रो बलिदानी भावना रो घोष नई गूँजैतो, राजस्थानी उपन्यास राजस्थान रं किनई रा हार नई वर्णैला ।

—के ७, मानवीय मार्ग
'मी' स्कीम, जयपुर
(राजस्थान)



राजस्थानी कहाणी

श्री रामेश्वरदयाल श्रीमाली

‘एक चिड़ी हो । एक चिड़ी ही ।’

रोवता-विसूरता टावरों रो मन विलमावण वास्तै, कै भोळा नै भरमावण वास्तै बालपणां सून ई, कहाणी कैवणी सारू करां अर मरां जितरै ई कहाणी में मन रमतो रेवै । मनोविग्यानी इण बात नै मंजूर करै कै कहाणी म्हानै आवण बाळो जीवण जीवण-सारू अर जीवण री कड़वास सून जूझण सारू पैला सून ई तयार करै अर इण वास्तै जीवण नै सहज वणावण-सारू, अहम् जगायर जीवण नै सफल वणावण-सारू भिनखादेही नै कहाणी री सै सून वत्तो दरकार है ।

ससार रै सगळें कथा-साहित्य सांमी भांकां, जद लागै, जाणो भिनख मात्र रो सगळो ग्यान-विग्यान, चोखो विण्ठो, भूंडो-भलो, रुढ़ रूप सून सम्पूरण आस-निरास रै सागै कथा-नदी में वह रैयो है अर समूचै भिनख समाज सून एक इसी संवेदना सून जुड़ रैयो है, कै लागै जे ऐ कहाणियां नीं होवती तो भिनख इतरो गहरो कोनी होवतो, जितरो आज है ।

कहाणी किणीं ई देस-काल, जात-कुजात, रूप-रंग कै ऊंच-नीच सून को बंधी नीं । आ फकत् भिनख रै आदम सुभाव नै निरख-परख अर कैवै । इण वास्तै, भळै किणीं ई देस री कहाणी होवो, जगै अर भिनखां रै नामां नै बदळ देवां, तो वा म्हारै पोता-रै (खुद रै) देस री कहाणी वण जावै । इण बांत नै मै कीं जोर देय र कैवणी चाळ, कै कहाणी नै देस, काळ अथवा भासा रै टुकड़ा में बांटणी इसीज अणू ताई है ज्यूं कै धरती नै, कै ग्यान नै, कै विग्यान नै किणीं देस रै टुकड़ा में बांटणो अणूंतो है । पण आ अणू ताई रुकै कोनी ।

म्है कैयो कै कहाणी नै काळ रै टुकड़ा में बांटीजै कोनी । अठै म्हा कैवण रो फकत इतरो ईज अरथ है कै ग्यान कै विग्यान रै बधतां, हवा रै बदळतां, मन रै

ठीमर होवतां फकत म्हारें कहणें रो ढंग बदळें हे. भासा रो गत बदळें हे. सबदा रो वाजीगरी वर्ष हे, मूळ सन्त तो हे, जठें रो जठें धर-थापन हे। कहाणी रो असल माटी तो वो मूळ सत्य हे। नवी करोजण नै फकत् इतरी हे कें सचा बदळण हे। घटें में जिणनै 'मूळ सत्य' कैवूं हूं, वो जोगियां रो कें दारमनिका रो कोई भरमावण बाळो तत्व कोनी। मनोविग्यानिकां मिनख नै लगतो चेतन गगण रा जका पयदे कारण मानिया हे, जिण कारणां में जीवण रो इच्छा, लुगाई रो इच्छा, भूग, किराण, मेळो करण रो इच्छा, भलो करण रो इच्छा आदि गाग तोर मूं हे। ज्यूं जीवण रें लारें ऐ मूळ सत्य हे, ज्यूं रा ज्यूं कहाणी रें लारें ऐ ईज मूळ सत्य हे। भोळण में गाक, सीपा वात कहीजें, पण ज्यूं-ज्यूं मिनख पळो होवें, उणरें वात करण रो ढंग हुमावडान होवनो रेंवें। ज्यूं-ज्यूं ऐ वात करण रा ढंग बदळता रेंवें, म्हानें लागें कें कहाणी घामें यम रेंवें हे, जद कें साची वात तो फकत इतरी हे कें कहाणी रो रूप बदळो रेंवें, वस्तु को बदळें नीं। सबूत सांमी हाजर हे। पंचतंत्र, कें हितोपदेश, कें किर्णो ई मोरवणा में भेगो, घर भाज, अवार रो लिखियोड़ी कहाणी रो वस्तु नै लेव पग्यां, घटें करन भिन्न घावें।

राजस्थानी कहाणी रो जलम एण भागा रें जळम रें मागें उ होवो हे, पर ज्यूं ज्यूं भासा वधती रेंवें, कहाणी भी वधती रेंवें हे। पण धाज में जिण नीज नै कहाणी कैवां, वा कहाणी सुतन्त्रता रें पछनै राजस्थानी आन्दोलन मू बुजियोड़ी हे पर एण कारण एण कहाणी नै सै मूं वेसी प्रेरणा हिन्दी पर हिन्दी रें मारकत बावोड़ी दूसरी भासा रो कहाणियां मूं मिळो हे। हिन्दी में भी राजस्थानी कहाणियां रें 'मिड गलेस' में प्रेमचन्द रो कहाणियां सै मूं वत्तो रंग नांगियो। एण रूप में नृसिंह राज-पुरोहित रो कहाणी 'पुन रो काम' (१९५३) कदास मूं पैलां छपी दोस। एण कहाणी मूं पैलां ई कहाणियां निकळी होसी, पण विसं-वस्तु, चरित्र, वातां आदि कहाणी रें गुण-धरम नै पूरें रूप मूं निभावती कहाणी आईज लागें। 'पुन रो काम' एका इमी कहाणी हे, जिणमें मोसर करणियं करसं, व्याज रो जाळ मूं घणियें बांणियें घर करसं मूं महर वणा'र गांव रो खुली हवा मूं सें'र रें सांकड़-भीटें में पीलीज विद्रोह करन मिनग रो मजदूरियां रो झलकियां राजस्थानी लोक जीवन रें सांगई रंग साधे सांमी आई हे। नृसिंह जी पोतई करसा हे, गांव में रेंवणिया अर गांव रो जिन्दगी मूं पूरा घावक हे। एण वास्तं गांव रें आम आदमी रो घमनी गंध, माटी रो मागई गन्ध वा रो कहाणियां में पूरी मधुरता मूं वसै। इणीज दिनां रें लगोत्रग लिखीजियोड़ी मुरलीधर जी व्याम रो कहाणियां, जकी पछें 'बरसगांठ' (१९५६) नांम मूं नीकळी, पर ई प्रेमचन्द रो सीधो प्रभाव हे। 'बरसगांठ' रो कहाणियां विसं, भाव, चरित, कथन, सै दीठ मूं प्रेमचन्द मूं इतरी प्रभावित लागें कें उण'रो नकल होवण रो बंम होवें।

असल में आज रै राजस्थानी साहित्य रै कैवणी चइजे के राजस्थानी गद्य रै विकास री असली कहाणी राजस्थानी भासिक 'मरुवाणी' (१९६०) रै जलम सँ मानीजणी चइजे । 'मरुवाणी' रै समर्पित सम्पादक रावत सारस्वत री प्रेरणा, थपकी भर आग्रह सँ राजस्थानी रा अलेखां लेखक खड़ा होया । 'मरुवाणी' में नव लेखकां रै निर्माण री अनोखी खमता ही । इणमें एकणकानी हिन्दी रै छाप री कहाणियां छपण हूकी तो दूजी कानी जूनी वातां राजस्थानी री आपरी पिछाण लै'र परकासित होवण लागी । राजस्थानी साहित्य रै इतिहास में रावत सारस्वत री विसी ईज मान भर गारवैसंती सेवा मानीजणी चइजे, जिसी हिन्दी साहित्य रै इतिहास में आचार्य महावीर प्रसाद द्विवेदी री हे ।

आज री राजस्थानी रा ७५ टका लेखक 'मरुवाणी' रै भारफत लिखणी सुरू कियो है । आ घणी अजोगी बात है के आपा-धापी रै इण जुग में इण बात री साची परख सँ सी ई किसी काट रैया है । राजस्थानी कहाणी में घणी जस पावणिया कहाणीकार—राणी लक्ष्मीकुमारी चूँडावत, नृसिंह राजपुरोहित, किशोर कल्पनाकान्त, मणि मधुकर, वैजनाथ पंवार, रामेश्वरदयाल श्रीमाळी भर इसाई घणां सारा लेखक मरुवाणी रै भारफत ई राजस्थानी में लिखणी सुरू कियो ।

मरुवाणी रै जलम रै कीं बरस केई ई 'ओळमो' निकळणी सुरू होयो । 'ओळमो' रै लारै राजस्थानी भासा री सेवा तांणी किशोर कल्पनाकान्त री जूंभारु लगन ही । राजस्थानी कहाणी रै विगास में ओळमों री भूमिका भी सरावण-जोग है ।

'मरुवाणी' भर 'ओळमो' रै जलम रै सागै ई राजस्थान रै निरै ई हप्तै-सर निकळणियै छापां में भी राजस्थानी री कहाणियां निकळणी सुरू हुई । इण भांत राजस्थानी कहाणी री सिलसिलैवार बघेपी सुरू हुयो । इण अखबारां में निकळियोड़ी कहाणियां निरखां तो वस्तु री दीठ सँ ऐ कहाणियां सीधी-सीधी दो दिसावां में चालती दीसे । वै कथाकार, जिका गांवां में रैवै है, भर गांवां रै संस्कारां साथै रूढ़ है, बडेरां रै मूँडां सँ सुणियोड़ी लोककथावां भर वातां मांड'र आपरी जाण राजस्थानी कथा भारती री भण्डार भर रैया है । इण कथाकारां में राणी लक्ष्मीकुमारी चूँडावत, विजयदान देथा नृसिंह राजपुरोहित, नानूराम संस्कर्ता, दामोदरप्रसाद शर्मा, डाक्टर मनोहर शर्मा आदि मुख्य हैं । आज री समस्यावां में भर आज रै सन्दर्भा में जूने इतिहास री ऐ सोनैरी वातां कीई खास साव को राखे नीं, पण राजस्थानी कहाणी नै लोक-मुहावरै री ओळी-पैरी भासा भर सबदां रै गहणां-नामां री फूटरो खिणगार इण लेखकां रै पाण ईज मिलियो है, इणमें केर कोनी ।

दूजी भांत रा वै लेखक है, जिका सहरा में रैवता हा भर सहरा रा संस्कार तुमार जिणां रै मार्ये हावी हा । इणां री कहाणियां में वस्तु री दोठ सूं आज रा मंदमं पर समस्यावां है, पण राजस्थानी री माटी री असली गन्ध-भीनी भासा भां कर्ने कोनी । भां री कहाणियां री समस्यावां पण राजस्थान रै निद्रासूं टका जनता री समस्या कोनी । ऐ सन्दर्भ ई असली कोनी, ओढियोड़ा भर उधार लियोड़ा है । डा० नारायणदत्त श्रीमाळी, पारस भरोड़ा, हरमन चौहान, मूलचन्द प्राणेश, सांवर देईया, करणीदान बाहरठ, यादवेन्द्र शर्मा 'चन्द्र' आदि री गिणती इण दूजी भांत रा भेगकी मे घायं । भली ई कैवो, इण दोनू ई घारावां रै कथाकारां राजस्थानी कहाणी-सास गांतरी मारण बलायो भर आज री राजस्थानी कहाणी जठे है, या पो'व सावण मे भां रा पुता की भूलीज नीं ।

आगे जाय'र इण दोनु ई भांत रै कथा-लेखकां भाव सूं ईज राजस्थानी रै सिद्ध कथा-लेखकां जळम लियो । इण सिद्ध लग पूगद गाई राजस्थानी कहाणी रो रूप विधान ई खासी बढ़लियो । हिन्दी भर विदेशी कहाणी रो सीखां घमन राजस्थानी रै रूप पर पड़ियो । रूप रै साथे वस्तु भर विधान रै मार्ये ई की करण पड़ियो । इन करण सूं राजस्थानी रै कहाणीकार उण वातां न कैवल्य री हिम्मत करी, जिकी भां मोर-कथावां रै घेर में बन्द होयर स्यात २०-३० वरसां तक ई की भेवतो नीं । आज री कहाणी रो लेखक गठील घटनाक्रम, अमरदार हालत भर मरन-सीधे बनिता रो कोई खास आग्रह को राखे नीं । जीवन री कोई एक फटकारे चालती भांकी, मुभान, चरित, मन, कै चाणचरु पळपळाट करतो कोई छिण आज री कहाणी-सास बनो । की बात कैयां बिनां ई कोरी सोनियां सूं सगभावणी आज री कहाणी रो नै सूं हकीकती भांगित है । इण लिहाज सूं म्हारे मत १९६५ रै पछे ईज आज री कहाणी रो मिदममेम मानणी चइजी, कारण कै १९६५ रै पछे रो राजस्थानी कहाणीकार ईज आज री हकीकतां भर हालतां रो चरमदीद गवाह बणियो है । इण परं ईज उगुरो पीडाळी मन समाज री अदालत में हलफनामी देय' गवाही देवण-मान ऊभी रैवल्य री हिम्मत रागे । १९६५ रै पछे री राजस्थानी कहाणी जिन्दगी नै भीघी सपाट भर बिना निहाज देतो भर लागवायरी बात कैवे । आज दस वरसां रै दरम्यान राजस्थानी कहाणी बावरी जयीं पिछाणी है भर आज उण ठिकाण पो'चगी है, जठे भारत री घणमरी दूजी प्राणीय भासावां री कहाणी ऊभी है ।

आज री कहाणीकार जिण दो वातां सूं सँ सूं बेसी प्रभावित होवो है, उपमे पैली बात है साम्यवादी जीवन-दरसन भर दूजी बात फायड रै काम-चासना रै तत्वा रो

मनोविश्लेषण । ऐ दोनूँ ई बातां समाज री परस्परा नै तोड़ण नै एक बीजी सूं सै सूं नेड़ी है तो आदमी नै, आदमी रै वँवार-पिछाणण में एक बीजी सूं वितरीज आघी । साम्यवादी जीवण दरसण रै कारण राजसत्ता अर धनपतियां रो खुली विरोध, पोंगापंथ अर पण्डतां री मसखरियां उडावणी, उण सगळ ई मतां अर कल्पनावां रो विरोध करणी जिणसूँ भरमीज'र मिनख वेट-वेगार करै, खरी कमाई रा टक्का ठग-विद्या करणियां नै लूटण देवै, आज रै कहाणीकार रो पै'लो फरज गिणीजै । ईस्वर, धरम, अन्ध विस्वास अर ईणां सूं जुडियोड़ा पण्डित, जोतख, जात पांत, भूत-प्रेत, बाबा भाड़ागर जिसै भोळी जनता नै भरमार लूटणियै मिनखां रा साचा लक्खण उघाड़णा आज रो धरम कहाणीकार आपरो मानै । उणरै सिवाय वासना रै वादीलै बळ सूं राखसी कामुकता चितराम, नै धन अर भोग रै बीच टुकड़ा-टुकड़ा वैती थकी मरजादावां रा टुकड़ा खण्डीजतै जीवण रा चितराम नै लोप होवतै आदरसां रो नमूनो ई आज री कहाणी में बोळास सूं दीसै । कळबळतै जीवण नै पूरै कड़वास सूं दरसावणौ लुगाई रै अंगां सूं भींटीजतै सगपणां नै खुलर उघाड़णा अर 'संभोग' रै असवाड़-पसवाड़ दूटतै परिवार अर घायल मनां रा बखिया उधेड़णी ई आज रै कहाणीकार नै सुहावै । इण भांत आज रो कथाकार बो'ली सबळाई सूं लिख रैयी है ।

जूनो अर नू'वी दोनूँ ई भातां रो दरेक लेखक कमो-बेस इण दोनूँ वातां सूं प्रभावित लागै अर कोरै सिद्धान्त सूं ई नीं, वँवार में भी असवाड़-पसवाड़ रो लोक आख्यां खोल'र देखण में विस्वास करै । इण वात री मिसालां मौजूद है । आ वात न्यारी है कै मुरलीधरजी व्यास रो नवी कहाणी संग्रह उजास में को आयो नीं, पण बांरी बरसगांठ रै पछै लिखीजियोड़ी कहाणियां रा पात्र नक्की ई, जूनै आदरसां री जकड़ सूं पड़ भागा है, अर खरोखरी कैवां तो अबै आं रा पात्र आं रै आपरै गळी-गवाड़ में रैवणिया है, ज्यां रो दुख-दरद आं पोतै ई जोयो-भोगवियी है । ऊमर री आंट अर वामणी संस्कारां रै चस्मै सूं देखणवाळी दार्शनिकता रो पुट होवतां-थकां भी इणा रा पात्र जीवती संवेदना री धरती मायै वसै । लारलै दिनां मरुवाणी में छपी इण री कहाणी 'कोट' खासी सबळी रचना है ।

नृसिंह राजपुरोहित ठेढ़ई प्रगति-रा कथाकार है । आं रै कहाणी-संग्रहां में लोककथा पर खोळ चढायोड़ी खासी भली कहाणियां है, तो ई 'पुन्न रो काम' रै पछै 'रातवासी' (१९६२) संग्रह में छपियोड़ी आं री कहाणी 'ऊतर भीखा म्हारी बारी' अर 'अमर चूनड़ो' (१९६६) में प्रकासित 'उडीक' अर 'भारत भाग्य विधाता' राजस्थानी कथा साहित्य में बड़ी वात (उपलब्ध) गिणीजणी चइजै । इण कहाणियां में समाज

रै हाखातां भर हकीकती रा खरीखर चितराग मंडाएा है। इसा चितराम भाज रो कहाणी-कळा रा प्रसन्न गुण मानीजै। जुगोजुग मूं भुगतत अन्धाय, बेदुज्जती, पण-विसवास, लूट अर घोखे सूं भिड़नी जूकती जनता नृसिंहजी रो कथावां रै पात्रां रै मारफत बोली है। प्रगतिवादो जीवण-दरसन रो ऐ कथागियां दुनिया रै किफो ई भाषा रो चोखी कहाणियां रै सजोड़ राखी जा सकैं। भा बात ग्यारी है के भारत सात-पाठ वरसां सूं नृसिंहजी इए कथागियां मूं घाय बघणी तो पात्रो रंगो, उल्हा अर खिसक रैया है।

राजस्थानी कहाणी साहित्य में डाक्टर मनोहर शर्मा रो नाम घायरी निराली जगै राखै। साहित्य रो सगली विधावां में संस्था घर गमता दोनू ई दोनो मूं मनोहरजी भासां है। सेखावाटी अंचळ रै दोळ-दोळ रै भागुक गहण-महण, रीत-वैवार, बोल-चाल अर घर-गिरस्ती रै इकरन चितरामा मूं मंत्री दणा रो कथागिया पाठकां नै सहज प्रभावित करै। 'कन्यादान' (१९७१) रो कथागिया तक मनोहरजी आदस, त्याग अर नीति रो बात बिगता हा, जकी अचरज भरी घर भाज रो कथा सूं खासी अछवी लगै, पण 'कड़वी भांच' (१९७३) सूं नाय के जुग रै मागें येवणिया डाक्टर शर्मा जूनां मोलां नै सहेज र रागण रो मजबूरी मूं घट र त्रिन्दो रै ठो जयारष नै सीधै सहज घर सांचे हाट-मांस रै भिना र सामानिक हावातां नै आंकण-नखण लाग्या है।

साचाणी अर हरख रो बात है के राजस्थानी रो भाज रो कहाणी-लेखक जूनें आदरसां रै वावत घणी मोह को राखै नी। अरें वो गरोतरा केवलो पाय, हकीकत केवणी बायै। परम्परावां मूं सीधो विरोध करण रो राजस्थानी रै कथाकारां में सामरथ आयगी है, जकी इए मदी रै सातगें दमक रै पैसा राजस्थानी रै कथाकार में को दीसती ही नी। पण सातवें दमक रै परे रो कथालीकार बांदी रै मरियोड़ै टावर ज्यूं परम्परावां नै छाती मूं नेपर को राग सकै नी। अरें वो परगण के परपूठ, खुल नै के छानै, एक पुल विद्रोह रो सनेतो देवलो पायै। इए मुजल्लक श्रीलाल नयमल जोसी रो कहाणी 'पागोबिया' एक दीवो है, जिण रै पानप में राजस्थानी कहाणी रै 'वस्तु' अर 'सिल्प' रो बदलीजती कळी-मप देग सका। इए सबली अर विमता वाली कहाणी रा पात्र—कळंगारो डोकरो, उण रो जवान भतीजी, उण दोवां रो एकोएक वाक्य, एकोएक छिव भिनल रै रिस्तां अर बेवार नै निभावण में उणरें अंतविरोधां नै गहरी ऊंडाई सूं ऊजळा करै।

रामेश्वरदयाल श्रीमाली रो कहाणियां समाज रै अर नीति रै मुल्का रो झड़प सूं सांकड भीड़ पड़यै भिनख रै बिस्ती रो कहाणियां हैं। प्रभाव अर अन्धाय सूं

दळीजियोई-दाइयोई मिनख री जूझण-भिड़ण री भावनावां वां री कहाणियां में साफ-साफ दीसै । 'सिल्प' री खासियत सूं आं रा भोळा-भला दीसणिया पात्र समाज रै विडरूप नै नागो कर सांमो राखै । 'जसोदा', 'सळवटां', 'बडो बाबू', 'कांचळी', 'भहूरा', 'लाल बत्ती' अर 'ओ घर म्हारो कोनी' कहाणियां लगोलग इधकी ममताहीणी होयर सगळी लोकां री सगळी ई कुव्यवस्थावां नै तोड़ण वास्तै एक तीखै हथियार रो, एक बगावत रो काम आदरियो है । समाज रै जागरण अर उण जागरण नै जधारथ री दीठ सूं देखणवाळी ऐ रचनांवां गांव अर समाज री सजड़ जड़चोड़ी कंचन-छिन्न नै तोड़'र पाठकां नै एक झटकै सूं सपनलोक सूं घरतियै पटकै । वेबसी सूं पग-पग माथै पोता नै छळणियै मिनख री टीस अखरां में रीस सूं भळै उजागर मती करी, पाठकां रै मन में तो रगां नै चीरणवाळी टीस उपजावै ।

तो ई हाल निरा ई इसा रचनाकार है, जिण नै प्रेमचन्दी प्रभाव सूं मुक्ति को मिली नी । अन्नाराम 'सुदामा' रै कहाणी संग्रह 'आंध्र नै आख्यां' (१९७१) इणरी सखरी मिसाल है । सुदामाजी भासा रा कारीगर है पण उणां रै कवि री उपमावां रै रुझान कहाणी नै ठीक गति नीं पकड़ण दीनी । वां री कहाणियां में पात्रां रो आदर्श, म्होटो कलेवर अर आखरां रो असंजम सानी सूं समभावण वांळी बात री ई व्याख्या सी करतो दीसै । ओ ई हाल मूलचन्द 'प्राणेश' रै कहाणी संग्रह 'ऊकळता आंतरा, सीळा सांस' रो है । मूलचन्दजी रा पात्र नीच री हीणी जिन्दगी सूं आया है, पण उणां री कहाणियां रै पात्रां री सांसां हकीकत में सीळी हो'र रैगी है । नीचलै वरग रै आंतरां री साची उकळ साची दाभ कठै दीसी ई कोनी ।

सामाजिक कहाणियां रै असवाड़-पसवाड़ रूप अर कारीगरी री निजर सूं कविता जिसी कूळी भासा अर कूळै भाव-भरी सैली री कहाणियां, जिण री चावना सामाजिक हकीकतां नै उजाकरणो नीं होय'र भाव-सत्य नै बींद वणाय दांतै आंगळी देरावै जिसी अचम्भो उपणाय पाठकां रो मन विलमावणो है, पण राजस्थानी में लिखीज रैयी है । घटना रै वादेयै नै कूळी कल्पना रै कवि-वाणी जिसै सबदां सूं गूथ दासैनिक ओट लियां इसी कहाणिया रो आज रै सामाजिक सन्दर्भ में भळै कोई मोल नीं हुवी, पण तणाव-भरी आज री जिन्दगी नै एक अमोलक आणन्द तो देवै ईज है । किसोर कल्पनाकान्त री कहाणी 'गीतां रो बावळियो' राजस्थानी कहाणी नै इण दीठ सूं एक नवो मोड़ दीनो है । संजीदा विवरणां सूं भरियोड़ी चितबंगो करणवाळी आ प्रेम कथा एक लम्बी सुघड़ कविता जिसी लागै, जिण में हैताळ आख्यां में गुमान रो तीखो सो काजळियो घालियां भोळी-मुधरी मुळकती नारी रै 'गा, गा, गा' रै तेड़ै माथै कथा रो

नायक कवि चमगूंगो होयोहो उछभक्तो, भटकती दोड़ती गिजर आवें । संकेतवाली भीणी कथखो, व्यंजना पूरी कथानक, ठेठलग वण्यो रंवरण नाळी अन्वभी अर जिगसासो सैती इण कहाणी कल्पना घर ऊमर रें न्यारें-न्यारें पायदियां में नारी घर गीत नें लोक-पीड़ रें रूप में मांड'र राजस्थानी कहाणी नें व्यंजना रें सम्पूर्ण रूप रंग रानी अतृप्त कामवासना री मनोविग्यानी भूमिका दीनी है ।

चेतन मन पर हाथी अचेतन मन री मूलम क्रिया नें गहराई सँ निखान मिनख रें अन्तस रें सत्य नें पकड़ण री गहरी मूक ई आग री रातस्थानी कहाणी में दीसै । डा० ब्रजमोहन जावळिया री कहाणी 'आळ-जंताळ' रें मारतल उल अन्तस रें सत्य नें उजागर करता इतिहास रें मादस पात्रों रा रूप नया घर मानवी मनु'र सामें आया है ।

जठे माक्स रें 'द्वन्द्वात्मक भोविकावट' रें दरमाम समान घर पात्रों रें काम अर चरित नें नगदनाण रें आधार मार्य जीतारणी मरु कियो, बड़े ई कामद घर जुंग रें मनोविग्यान ऐं कामवासना नें जीवन री मुगी दानी घर नण सँ प्रभावित कथाकारों मद-लुगायां रें आपसी गोपन रिस्तां नें नेंर कहाणा निगयो मरु करी । इण सँ नैतिक जोख ताक में राखीजगा घर समतार अणवण री पीठ सँ कहाणी कठई-कठई सुगली तक होयगी । आज स्त्री-पुरुषों रें वासना मूळ रिस्तां नें नेंर कहाणी एक इसी लोक मार्य गुड़गी है, जिन सँ मार्ग कें कहाणी री विकास सकारो होवै । इण भांत स्त्री-पुरुष संगपणों रा कथानक इतरा खासी होयगा है कें पाठकों री रुचि वणी रेंवगी कठण होयगी । लक्ष्मीनारायण रंगा, मायन शर्मा, विनोद मोसानी 'हंस', सीताराम 'महर्षि', हरमन चौहान घर उमा घणां ई लेखकों री कहानियां रा थोथी करुणा अर निपगी भावुकता मरुय कथानकों रा खीना पनाम-मान गरम सारें पड़िया है । आं कथा-रूढियां पर, जिा में सेठां रें हाथ नें मार माद'र भरदिया छीरा, जोरामांदी (बलात्कार) होयां पछे आपघात करणवाळी लुगायां, नाजर घनी री सतवन्ती रूपाळियां है, आज रें पाठक री मन को बिलमें नीं ।

असल में फकत् बौद्धिक विलास रें कारण तिणीजियोदी कहानियां, जठे लेखक री पोता री खरो अनुभव अर मार माय'र फुफकारतो मन नी बोलतो हुवे, ये कहाणियां आपरो रंग को जमा सकें नीं, ज्यू नन्द भारद्वाज री कहाणी 'अकाल मोत' इण कहाणी री मूळ विसै गांव री गरीबो अर अग्यान सँ दबियोड़ी लुगाई री बेदराज रें चपरासी सँ इलाज लैयर मरण री हकीकत है । पण कथाकार इण दरद री समी को बांध सकें नीं । चौफेरें रें चितरामां नें ऊचाई सँ उजागर नीं कर सकण रें कारण,

साँच कौवां तो मौलिक दीठ अर खरँ अणभव रँ अभाव रँ कारण आ। कहाणी आरधिक विसंगति नै को उभार सकै नीं अर फकत् “भाभी री मौत होयगी अर म्हनै वेरी ई को पड़ियोनीं” कहाणी रो मूळ दरद बण’र रँ जावै, जकी संवेदनात्मक चुभन री कमी रँ कारण पाठकां पर कोई असर को छोड़ सकै नीं। दूजै कानी खरँ अणभव सँ रची-पची होवण रँ कारण साँवर दइया री साधारण सी कहाणी ‘हालत’ (असवाई-पसवाई : १९७५) पाठकां नै घणौ साधारण ढंग सँ प्रभावित करै।

कैवण रो मतलब ओ कोनीं कै कथाकार नै कोई पंडित कै मोलवी होवणो चईज जको पाप नै पाप कैर छूट जावै पण निस्चई उण रो इतरी फरज तो होवै, कै जीवण में जिकौ वारै-वारै दुनिया रो नाटकी रूप दीसै, उण नै भेद’र पात्रां रँ मरम तक पूग, उण लूणिया नै मय’र काढै, जिकौ नीं दीसतां थकां ई सगळी जगै जगमगाट करै। उण री फरज जीवण में जिकौ कीं है, उण नै अणभव रँ राख’र जीवण री आड़ियां नै खूबसूरती सँ राखणी होवै। जिण कथाकारां में जिन्दगी रो आ दीठ कोनी, उणा रा पात्र जड़भरत ई नीं, मुरदा है। कहाणी रो उद्देश फकत् मन बिलमावणो को होवै नीं। घुटग, पीड़ा, प्रभाव, गिरासा, अत्याचार, अनाचार, जिकौ कीं ई है, उण सँ घाप’र आपघात करण रो सनेसौ देवणो कलाकार रो धरम कोनी। कला मिनख अर समाज री असली समस्यावां री ओळखाण देवण वास्तै होवै। जीवण रो सनेसो देवणो, अर जीवण-सारू लड़णी सिखावणी कलाकार रो धरम होवै। जीवण नै वण्यो राखण सारू, इण नै चोखो सुघरो घड़ण-सारू जिकी कला प्रेरणा नीं देवै, समाज री कुव्यवस्थावां नै तोड़ण सारू जिकी कला एक तीखो हथियार नीं बणै, वा कला, कला कोनी। वा कहाणी, कहाणी कोनी। आज रँ राजस्थानी कहाणीकार नै खासी खरी अर ममताहीण होय’र जीवण री ह्रमानियत अर कोभा आदसँ रागां नै तोड़ण री हिम्मत री दरकार है, आपरी फरज पिछाणण री दरकार है।

आज राजस्थानी कहाणी आपरै ढाळै वैंवै है अर मायड़ भासा रा सँकड़ा सपूत राजस्थानी कहाणी रँ रिघ-सिब नै भरपूर बणावण वास्तै कलम चलावै है। आ गारबा री बात है अर इण बात रा सुवन ई है कै राजस्थानी री कहाणी भारत अर संसार री दूजी भासावां री कहाणियां रँ मुकाबलै लारै को रैवै नी।

—डाकघर सायला
(जालौर)



राजस्थानी रेखाचित्र और संस्मरण

धीपुत धीलाल नचमलजी जोशी

साहित्य में रेखाचित्रों को आपसो रंगो-निरुक्तको स्थान है। इसमें जो उद्देश्य उपन्यास अथवा का'णी ज्यू' पण पात्रों को निवेदन नहीं, हृदय का एक एक भाग को खाको खड़ो करणो हुवे। रेखाकार को ध्यान उपन्यासकार, अथवा का'णीकार ज्यू' बंट्योड़ नहीं, एक ई पात्र मार्ग केन्द्रित रहे, इस कारण इसकी विशेषता में जिसको चित्राम उभर नै सामने आवै, वो अपने आप में इसी सम्पूर्ण होने के कारणों से जग में किसी एकम की न्यूनता नजर नहीं आवै। दुर्ज विधाकारों का ध्यान अपनी मेसक के उपरान्त भी इसा प्रभावशाली नहीं बणै, जिसा प्रभावशाली रेखाकार सहज मात्र ही आपसी कृतियां नै बणा देवै।

जद रेखाकार किसी पात्र विशेष की सांगोसांग अध्ययन कर केने तो उस नै कलम के जरिये कागद माथे उतारणो नाथै। उन के सामने गुंथलासा या अक्षररता जिसी कोई चीज नहीं रहे। पैली जिसो चित्राम रेखाकार के हिस्से माने जाए, वो ई कागद माथे सामने आवै। वठोनें उपन्यासकार या का'णीकार आगे कई पात्र तो स्पष्ट हुवे और बाकी का गीण पात्र ज्यू-ज्यू कथा की रचना हूँ, आगे ई रसीकता और घड़ीजता जावै। इस कारण जिका प्रमुख पात्र हुवे, वे तो कथाकार के विशेष अध्ययन का फल हुवे और अक्षरदार हुवे, पण जिका की रचना रस्ते-बैवता करी है वे क्षमता के अक्षर कदम काळ ई पावै।

रेखाचित्रां (और संस्मरणां) के जादा प्रभावकारी हुवण के साम कारण ओ भी है के वे साच के जाबक नेड़ा हुवे, वां में कल्पना की ठोड़ नहीं के बराबर हुवे। वठोनें उपन्यास और का'णी, अनुभव माथे टिकयोड़ा हुवण के बावजूद भी कल्पना प्रभान हुवे। इस कारण वे अक्षर में रेखाचित्रां की बराबरी में लारें रहे जावै।

रेखाचित्रां अर संस्मरणां रो भाईचारो भी दो आंक मांगै । एक पात्र जिण रो अध्ययन रेखाकार अवार-अवार ई करचो है, अर उण नै कागद रै हवालै कर दियो, वो संस्मरण रो सीव में नई आवै, पण पैली रो अध्ययन करचोड़ो पात्र, जिण नै स्मरण रै आधार माथै कोरचो जावै, वो संस्मरण तो है ई, पण उण में जे रेखाकार पात्र रो हुलियो अर सुभाव बखानन-सारू चतराई सूं आडी-अंवळी ओळ्यां रो इस्तमाल करचो है तो वो सागै-सागै रेखाचित्र भी है । हरेक संस्मरण रेखाचित्र हुवणो जरूरी कोनी अर हरेक रेखाचित्र संस्मरण हुवणो जरूरी कोनी ।

आधुनिक राजस्थानी रो गद्य-साहित्य जदपी घणै प्रचुर मात्रा में रचीज्यो पण फेर भी जित्तो लिजीज्यो है, उण हिसाव सूं रेखाचित्रां रो अनुपात दूजी कई भासावा बिच्चै राजस्थानी में निश्चय ई वेसी है, जिको इण बात रो सबूत है कौ राजस्थानी साहित्यकार खाली कळपना रै घोड़ां माथै उडणो ई नई, मिनखां अर चीजां नै निरखणो-परखणो अर आंकणो भी जाणै अर खासा जाणै ।

जूनी राजस्थानी रै सौभाग्य सूं उण नै स्व० सूर्यकरण पारीक, श्री रामसिंह तंवर तथा डा० टैसीटोरी आद जिसा समरथ समीक्षक मिल्या जिकां आपरै हाथ में उठायोड़ी पोथी रो सांगोपांग मूल्यांकन करचो पण दुरभाग सूं आधुनिक राजस्थानी-साहित्य खातर हाल कोई इसो साहित्यकार आगै कायो कौनी जिको साहित्य नै सावळ समझ नै उण रो समीक्षा करै । हूं खाली रेखाचित्रां-संस्मरणां रै सन्दर्भ में ई बात कर सूं ।

राजस्थानी से रेखाचित्रां रो श्रीगणेश करण रो श्रेय श्री मुरलीधर व्यास नै है । सम्भवतः आज सूं ४० बरसां सूं भी पैली व्यासजी रेखाचित्र मान्डणा सुरू कर दिया हा । हिन्दी साहित्य हाल भी इण विधा में घणो समृद्ध कोनी अर आज सूं लगभग आधी सताब्दी पैली तो हिन्दी में रेखाचित्रां रो प्रारम्भिक काळ ई हो, इण कारण व्यासजी नै कोई मारग-दरसन तो उपलब्ध हो कोनी, जिकी भी रचनावां करी, वैं सगळी आपरी उकत सूं ई करी । जिकी सैली है, वा व्यासजी रो आपरी सैली है । व्यासजी २९ रेखाचित्र 'जूना जीवता चितराम' नांव रो पोथी में छप्या है, पण रेखाचित्रां रो सर्वप्रथम पोथी हुवण रो श्रेय 'सबड़का' नै है । सन दोनां माथै १९६० छप्योड़ो है, तो भी 'जूना जीवता चितराम' पोथी काफी लेट वारै आई ।

'जूना जीवता चितराम' में व्यासजी रै सागै श्री मोहनलाल पुरोहित रो नांव भी सह-लिखार रो हैसियत सूं छप्योड़ो है । पण आ आंति आगै नई चालणी

चाईजें। पुरोहितजी रो नांव खाली दोनूं लेखकां रें आपसी समझीन रें कायगु इण किताब में छप्योड़ो है, वास्तव में सगळा-रा-सगळा गुनतीमूं रेखाचित्र व्यासजी ग लिख्योड़ो है, घां मांय सूं पुरोहितजी रो एक ई कोनी।

श्री भूपतिराम साकरिया व्यासजी रें इण संग्रह नें कथा-साहित्य (का'णी) रें अन्तर्गत गिणायो है अर इणां रीं रचनावां नें स्तैन भी गिणी है। जदणी 'साधुनिज राजस्थानी साहित्य' पोथी रें लिखार नें सावधानी बरतनी नाउजवी ही, एण साकरियोजी कैय सकै—हूं तो राजस्थान नूं अळगो, गुजरात मे निगण कारण किणी सूचना री न्यूनता तो नगण्य मानी जा सकै, एण रेखाचित्र नें का'णी मानसो शक्य नई लागै।

डा० नरेन्द्र भानावत 'राजस्थानी साहित्य : कुछ प्रवृत्तियां' रें पृष्ठ १२८ में लिखै—'श्री मुरलीधर व्यास ने भी कई व्यंग्यपूर्ण रेखाचित्र लिखे हैं।'

पैली बात तो बात तो आ कै डा० भानावत व्यासजी रें संग्रह नूं परिचिन लागै कोनी। हूजी बान आ कै व्यासजी रें रेखाचित्रां मे व्यंग्यपूर्ण चित्रां एक ई कोनी। डा० भानावत जिस विद्वानां सूं की बेसी आस करी जा सकै।

डा० किरण नाहटा थापरी भोसिस में व्यासजी रें रेखाचित्रां बाबत लिख्यो है—'संवेदनात्मक रेखाचित्रों की दृष्टि से श्री मुरलीधर व्यास एवं श्री मोहनलाल पुरोहित का स्थान सर्वोपरि है। नेत्रक-द्वय अपने जीवन की सम्बन्धी यात्रा में अनेक व्यक्तियों के सम्पर्क में आये, जिनमें कुछ पात्रों की सरलता, विवशता एवं दयनीयता ने इनकी हृत्तन्त्री को झंकृत किया।' (पृष्ठ ११७) 'सामान्यतः समाज के उपेक्षित पात्रों की जीवनचर्या का एक हल्ला मा स्केच' खींचकर उनके प्रति पाठकों की सहानुभूति बटोरने का प्रयास तो किया है पर वे स्वयं अपने ऊंचे आसन से नीचे उतरकर उनसे गने मिलने को उत्सुक नजर नहीं आते। फलतः वहां उपेक्षितों के प्रति कृपा का भाव प्रमुख हो जाता है। महादेवी रमा के समान अपने पात्रों के साथ एकरस होने का भाव वहां परिलक्षित नहीं होता।' (पृष्ठ ११८)

व्यासजी रा चित्रां वास्तव में पेसागोरां रा रेखाचित्र है, जिकां में वारं पेसै सम्बन्धी बातों रो ई खास जिक है। उदाहरण खातर—भीलो घड़ा नाराणियो, हुसेनो गूजर, सुखी वारीदार, सुगनी बहोभाट, भीखीभ टियारो, रामलो भंगी, रुधी खल्ला गांठणियो, सिरदार रंगारो, गनी ठंठारो, मघो फेरीवाळी, भीलियो सवास,

हरदास-दहीवालो, भौलियो-डाकोत, सीतकी-मालण, जेसियो-तंबोली, बींजी खाती, ऊमो-दरजी आद ।

आलोचक नै आ रेखाचित्रां में आ चीज खटक सकै के लिखार आपरें पात्रां-रो अन्दरूणी परचो लेवण-री कोसीस-करी कोनी, खाली बांरो ऊपरी खाको खैच दियो । हुंसेनै गूजर-री जागा जे करीमो गूजर, सुगनै बहीभाट-री जगा बदरी-बहीभाट, भौलियो-खवास-री जगा जे रतियो खवास करदियो जावै तो कोई फरक पड़ै कोनी कारण-गूजरां-रा, बहीभाटां-रा या खवासां-रा, सगळां में लावण आळा सामान्य गुण ई व्यासजी-री कलम-सूं सामणै आया है । जनता सूं सम्पर्क रै अलावा वारें घरेलू जीवण बाबत जाणकारी करण-री लिखार चेस्टा करी कोनी, इण कारण चित्राम घणा प्रभावकारी लेखावै कोनी ।

व्यासजी रै अधिकांश चित्रां बाबत ओ आक्षेप साचो मालम पड़ै पण जठे लिखार थोड़ो गैरो जावण-री कोसीस-करी है, वठे रेखाचित्र-री छटा सांगीड़ी खिलगी । उदाहरण खातर 'काबली तसीरुदीन' में एक हिन्दू-लुगाई-सूं काबली रै भाईचारे-रो उल्लेख आ बतावै के लिखार आपरें पात्रां में रस लेवै । इणी तरै 'मनजी-मचकांवाळो' अर 'तेजो सोनार' में लिखार आपरें पात्रां रै घरेलू जीवण में पूग्यो है अर इण बात-रो प्रमाण दियो है के वो जठे सम्भव हुयो है, पात्रां रै नेड़ो भी पूग्यो है ।

दर असल 'जूनां जीवता चितराम' रो उद्देश्य तो ओ लागै है के जिका मिनख, रीत-रवाज, आद एक जमाने में ती समाज माथे छायोड़ा हा, पण अब उठग्या या उठ-रैया हा, वारें पासी अवार-री अर आवण-वाळी पीढ़ी-रो ध्यान खैचणो । आज घर-घर में अर गल्ली-गल्ली में पाणी-रो नळ-हुवण रै कारण आज रा टावर आ कळपना भी कर सकै कोनी के किणी जमाने में कूवा वळघां सूं जोतीजता हा अर पाणी रा घड़ा न्हांखर भी लोग आपरो पेट पाळता हा । इणी तरै आज तो भाट अपणै आपनै भाट अर डाकोत अपणै आपनै डाकोत कैवण में सरमावण लागग्या, पण वारा वडेरा तो डंके-री चोट अपणै आपनै भाट-डाकोत कैवता अर आं घन्घां सूं आपरो पेट साचळ पाळता हा ।

बदळती वगत में श्री पीसै आळा भी आपरा रंग बदळै—उदाहरण सारू जिका भठियारा पैली 'तूलियां सूं धान नापर चबीणो देवता, बै अबै पईसा लेयर ताकड़ी सूं तोल-र चबीणी देवण लागग्या । इणी तरै रामलै भंगी-रो छोरो जे दूजे टावरां सूं अळगो खड़ो रैवतो, तो ई गळी रै छोरां रै फोलतू हाके नै सुणर-वो आपरें छोरें नै ई

फटेकारतो के कठे ई पल्लो नई लाग जावें । आगे आवण घाळे जमाने में सामद इण माथे टावर भरोसो भी नई करसो, इणी तर 'पंखवाळी' एक इसो पात्र है, जिको आज कोनी पण एक जमानो हो जव वो हकीमत में हो ।

आ बात तो ठीक है के आगले जमाने में टेढ़-भंग्या सूं छुपाइत घनी राखता, पण इण रो अरथ ओ कोनी के वारो माण नई राखता । घर री बीनप्यां सुसरै जेठ आगे ज्यूं पगरखी खोलने हाथ में लेवती, उणी तर आं कान्हू-कमीणां री भी काण राखती । आज बदलचोड़ी टैम में सुसरै-जेठ आगे पगरयां पेरयां किरणो तो अळगो रैयो, माथा-चोटी उघाड़ बासूं बोलणो भी सरु कर दिवो । म्हारो मतळय ओ कोनी के ओ कोई हळको काम है, पण व्यामजी रा रेखाचित्र एक तर रो इतिहास है, जिको जूने पेसआळां घर रीत-भांत रो रिफाई है, घर इण तर इण रो अणकय महत्व है ।

'बानगी' में श्री भंवरलाल नाहटा री रचनायां रेखाचित्रा-संस्मरणां रे अन्तर्गत छप्योड़ी है, पण उणां में 'रावतियो नाई' घर 'लामू बाबो' आं री रचनायां सिवाय दूसरी रचनायां इत्ती छोटी अर इत साधारण ढंग सूं लिख्योड़ी है के वे फकत 'जाणकारी' कैईज सकै । उणां में साहित्यकार री कृति जिसी कोई चीज कोनी । एक असाहित्यकार, साधारण अव्यापक भी इसी रचना कर सकै । हां, ऊपर गिनायोड़ी दोनूं रचनायां इण विधा री श्रेष्ठ रचनायां है । लिखार री आं रै बाबत पूरी जाणकारी है अर इण कारण वारो चित्रण सांगोपांग हुयो है ।

श्री नाहटाजी भी श्री मुरलीधर व्यास री लेण माथे कलम घनाई है । लारै जावतां आपरै पात्रां रो स्मरण करतां कैयो है के वे घणा थाछा हा । दूसी बात आ, के व्यासजी रं पात्रां ज्यूं नाहटाजी रा पात्र भी दिवगत है । जोचित पात्रां न बां आपरी कलम रं दायरै में लिया कोनी । तीजी बात आ, के समाज रा जिका विरुत पात्र है, वे नाहटाजी री लेखणी रा विषय बण्णा कोनी । आपरी रचनायां सूं अमुक-अमुक व्यक्तियां बाबत उड़ती सी जाणकारी मात्र मिलै, इण सूं आं रचनाया में रोचकता जिसी कोई चीज कोनी । घणो आछो हुवतो जे रावतियो नाई घर लामू बाबे ज्यूं नाहटाजी दूसी पात्रां रो भी अनेक भांत अध्ययन करता अर फेर आपरी लेखणी में उतारता ।

श्री० न० जोशी री रेखाचित्र-संग्रह 'सबड़का' काकी चर्चित रैयो है । 'सबड़का' री प्रस्तावना में विद्वान लिखारां लिख्यो है के 'सबड़का' रा रेखाचित्र हिन्दी

रेखाचित्रां सून घणो आगै है । इण भायै आलोचना करतों एक साप्ताहिक हिन्दी पत्र रै सम्पादक लिख्यो कै 'सबड़का' रा रेखाचित्र हिन्दी-रेखाचित्रां रै बासंग बराबर ई कोनी । इण सम्पादक री राय विचारण जोग है ।

हिन्दी में उत्कृष्ट रेखाचित्र-संस्मरणकारां में महादेवी वर्मा, बनारसीदास चतुर्वेदी आदि नै गिनाया जा सकै । महादेवी रै रेखाचित्रां में जिको गांधीर्य अर कवित्व है, वो 'सबड़का' में लावै कोनी । 'सबड़का' नांव रै बावजूद इण में गांधीर्य री खोज करणो कठै ताई उचित है, आ पढार सोच सकै है ।

'सबड़का' प्रधानतः हास्य रस री संग्रह है अर 'मधजी', 'मा सा', 'इन्द्रा', 'पट्टी माथली' आद थोड़ा सा रेखाचित्र इसा है, जिका हास्यरस सून सम्बन्ध राखै कोनी । लिखार री धो निजो अनुभव है कै हास्यरस री जिकी भी रचनावां किणी समूह में सुणाईजी, बांरै भायै श्रोतावां री घणी सराहना मिली ।

हिन्दी लेखक राजस्थानी में पग राख्यो पैली ई 'सबड़का' री आलोचना करी ही अर लिख्यो कै 'सबड़का' रा रेखाचित्र तो किणी गुजराती किताब रा अनुवाद मात्र है । इण आक्षेप नै तो 'सबड़का' री बड़ाई समझीज सकै । गुजराती किताब री अनुवाद इण बात री रुकेत देवै कै गुजराती री कोई अनुवाद करण लायक लिखार है या हो, जिणरी रचनावां 'सबड़का' नांव सून छपाई ।

अठै सबड़का-लिखार निवेदन करणो चावै कै जिका भी इकतीस रेखाचित्र इण पोथी में कोरीज्या है, बै सगळा लिखार आपरी आख्यां सून देख्या-परख्या है । उणां भांय सून लगभग आधा तो हाल भी जीवै है । दो-तीन जणा तो लिखार सून बायेड़ो करण खातर उण रै धरै पूगग्या अर एक दो जणा रीसाणा भी हुयग्या । इण सून पढार समझ सकै कै 'सबड़का' में अनुवाद करयोड़ी कोई रचना कोनी । हां, 'सबड़का' री एक रचना 'लिखमीनाथजी' दिल्ली रै एक हिन्दी साप्ताहिक 'चांदनी' में अमूदित हुयर छपी । 'धोबरण भाभी' आद दूजी रचनावां री बंगला में भी अनुवाद हुयोड़ो है ।

रेखाचित्रां री चौथी सामनै आयोड़ी पोथी है—'उणियारा' । लिखार है—श्री शिवराज छंगाणी । छंगाणीजी रै सामनै 'जीवता जूना चित्तराम' अर 'सबड़का' श्री दो पोथ्यां आधार-सरूप ही अर दोनों री प्रभाव उणां री रचना भायै पड़्यो है । व्यासजी ज्यूं छंगाणीजी भी लारलै पैरै में आपरै पात्रां नै याद करनै निसास न्हांखी है, पण वां इण री पाळण अक्षरशः नई करयो है । इण रै सिवाय व्यासजी इक्को-दुक्को छोडर प्रायः सगळा पात्र आदर्शोन्मुख बणाया है । इण बात री भी छंगाणीजी पाळण करयो

कोनी। सबड़का-लिखार ज्यूं छंगानीजी भी अनेक विकृत पात्रां रा उणिपारा देखाळ्या है, अर इण कारण किताब में रोचकता आई है। हां, निम्नार री ऊमर पोथी लिखती वगत घणी नईं ही (हाल भी घणी कोनी), इण कारण कोई जूना चित्राम आंकती वगत इयां मालूम पड़े के अठे व्यक्तिगत अनुभव री बजाय मुणी-मुणार्ड सामग्री सूं काम लियो है अर इण कारण रचना री स्वाभाविकता में कमर पड़े।

‘उणिपारा’ रा कई पात्र विकृत है अर लिखार उणां री विकृति मेटणी चावै, परण इण प्रयास में वो लिखार री बजाय उपदेशक या मुघारक हूबै, ज्यूं लागण लाग जावै।

रेखाचित्र-संस्मरण साहित्य री प्रभाव नै दूर करण साहू छंगानीजी री प्रयास घणी सरावण जोग है।

सन १९७३ में राजस्थानी भाषा साहित्य मंगम (अकादमी), बीकानेर डा० ब्रजनारायण पुरोहित रें संस्मरणात्मक रेखाचित्रां री संग्रह-अटारवां नांव सूं प्रकाशित करघीं, जिण में इक्कीस रचनावां है-गुसाईंजी, काकूजी, दूनजी, पहलवान साहब, मास्त्रा, सुगनजी, हांकम साहब, सेठानी, जीमाकियो, मुनीमजी, फुड़छी कनक, बाबू साहब, घाड़ेती, पिडतजी, बकील साहब, सनजो, मास्टरजी, योगानन्दजी शेठ, न्यायभूति अर ठाकर साहब।

डा० पुरोहित रें संस्मरणां वाबत लोगां री जवानी स्टार कानां में घाछी प्रतिक्रिया आई कोनी, परण ‘अटारवां’ री अध्ययन इण बात नै स्पष्ट करे के निम्नार नै आपरै पात्रां री आछी तरै जाणकारी है अर इण कारण रचनावां रोचक अर प्रभावकारी है।

राजस्थानी रा दूजा भोकळा सिखारा भी रेखाचित्रां अर संस्मरणां माह कलम चलाई है, परण वै पोथी रूप में उपलब्ध कोनी, इण कारण वां री जाणकारी भी प्रायः कम लोगां नै है।

आज सूं घणा बरस पैत्ती दाऊदयाल जोशी री रेखाचित्र ‘कणै रुमावां बीरा’ मुखवाणी’ (मासिक) में छप्यो हो। इण में बीकानेर रें एक नर्सबाज री सांगोपांग चित्राम आंकयोड़ो है। अर बीकानेर ई क्यूं, नर्सबाजां री परवार मगळी जागा सरीसो हुवणो चाईजै, इण कारण इण नै भंगेड़ी री प्रतिनिधि रेखाचित्र कैयो जा सकै है।

डा० मनोहर शर्मा भी रेखाचित्र-संस्मरण री विधा में जदपी कई रचनावां लिखी है, केर भी पुस्तकाकार में उपलब्ध नईं हुवण रें कारण आपरी रचनावां घणी

चर्चित हुई कोनी। वैंजो छैल (मरुवाणी, जुलाई १९६७), पनजी भगत (मधुमती, सितम्बर-अक्टूबर '६७) अर बडा माजी (संघ शक्ति १०/४) आपरी इसी रचनावा हे जिकी इण विधा में आपरो न्यारो स्थान राखे ।

डा० नेमनारायण जोशी रो नांव भी इण क्षेत्र में कार्फा पुगणो है, अर सम्भवतः 'कूदण बावो' आपरो पैलो रेखाचित्र है । जदपी 'कुत्ता रो राजा' 'कूदण बावो' सून पैली री रचना है, पण सिर्फ आकाशवाणी माथ प्रसार पावण कारण आ रचना 'कूदण बावो' जित्तो स्थायित्व नई पा सकी । 'सुरजो नायक' अर 'गोगाजी रा घोड़ा' रचनावां क्रम सून मरुवाणी (बरस १२, अंक ७) अर हरावळ (अक्टूबर-नवम्बर १९७३) में प्रकास पायो । डा० जोशी री रचनावां आपरै विषय रै गम्भीर अध्ययन माथ आधारित है अर इण कारण उणां रो महत्व स्थायी है ।

रेखाचित्रकारां में श्री ओंकार पारीक रो नांव भी गिणावण जोग है । आपरी कई रचनावां 'हरावळ' अर 'मरुवाणी' में छपी है, पण रतनगढ़ सून प्रकासित 'राष्ट्रपूजा' में छप्योड़ो संस्मरण 'हेमी' विशेष प्रभावकारी है ।

श्री मोहनलाल पुरोहित रै नांव री चरचा पैली आई है । पुरोहितजी रो संस्मरण— "दीलू भा" घणी प्रसिद्धि पाई । राजस्थानी रै सिवाय आ रचना हिन्दी पत्रिका में भी छप चुकी है ।

रेखाचित्र विधा में श्री दीनानाथ खत्री री रचना 'पारो' में जिको सांगोपांग वर्णन हुयो है, वो पढण लायक है, अर उच्चकोटि रै किणी रेखाचित्र सून टक्कर लेवण लायक ई नई, उण नै छेड़ै बंठावण लायक भी है ।

श्री भगवानदत्त गोस्वामी रो 'अन्दाता नै अरज करू' भी एक संस्मरण है अर इण में लिखार आपरै विषय सून पूरै सम्पर्क रो प्रमाण दियो है ।

मिनख समाज नै टाळर प्रायः राजस्थानी में रेखाचित्र लिखीज्या कोनी, जद कै हिन्दी में इसी रचनावां हुई है । श्री० न० जोशी री रचना 'बड़ रो पेड़' ही इण रो अपवाद मात्र लागै है ।

ऊपरली ओळ्यां में इण विषय री पांच पोथ्यां री सक्षिप्त चरचा रै अलावा थोडा सा दूजा लिखारों री चरचा करी, पण लिखारों री संख्या इत्ती ई कोनी, एक-एक जगो पोथी/पोथ्यां लिखण री खिमता राखे, पण प्रकासन रै अभाव में लिखार आपरी खिमता रो पूरो उपयोग कर कोनी पावै ।

राजस्थानी के प्रचार-प्रसार सारू छी पणो जरूरी है के पाठकां में आपरी मातभासा सारू अनुराग ऊपजै अर वै खरीदर पोथी वांचण री घादत घालै । सरकार तो आपरै नियमां मुजब काम करै । उण रै सामो जोवण री जरूरत कोनी । उण रै भरोसै पाठकां नै निसक्रिय हुवण री जरूरत कोनी । पाठकां री संख्या में बघोतरी हुसी तो साहित्यकार घणा दत्तचित्त हुयनै इण नगम में लागसी अर पुष्कळ मात्रा में रचनावां तयार करसी-अनेक विधावां में । जद सगळी विधावां पनपसी तो रेखाचित्र-संस्मरण भी बराबर आगै चालसी अर इण तरै साहित्य रै इण अंग री भी वृत्ति बराबर हुसी ।

मोनगिरी कृष्ण रं नेहू
बीकानेर (राजस्थान)



परम्परागत राजस्थानी कविता

डॉ० मदनगोपाल शर्मा

राजस्थानी रा परम्परागत काव्य रो मूल रूप डिंगल कविता में दीख पड़े । 'डिंगल' सबद 'राजस्थानी' सँ बेसी जूनो कह्यो जा सकै । महाकवि सूर्यमल्ल 'डिंगल' घर 'मरवाणी' नै एक ही भासा मानता हुया ई में वीररस रो पुट अर अपभ्रंस भासा रो मेळ बेसी माग्यो—

डिंगल उपनाम कहुंक, मरवाणीहु विधेय ।

अपभ्रंस जामें अधिक, सदा वीररस श्रेय ॥

(वंशभास्कर, १, १४७)

'प्रायो मरुदेशीया प्राकृति मिश्रित भाषा' कहू ने कविराजा ई में प्राकृत भासा को मेळ भी बतायो । साची तो आ कै हिन्दी परिवार री मोटी विभासावां में अपभ्रंस रो उणियारो सबसू बेसी जूनी राजस्थानी अर डिंगल में ही ओपतो लखावै । ई प्रभाव नै देख'र ही श्री० मधुसूदन चिमनलाल मोदी जिस्या गुजराती रा विद्वानां कह्यो कै 'चारणी भासा अवहट्ट को ही विकृत रूप छै ।'^१ रायबहादुर भोरीशंकर हीराचंद ओझा जी री भी इसी ही राय है ।^२ काव्य मीमांसाकार राजशेखर रो भी ओ ही मत है कै महभू, टक्क अर भादानक प्रदेसां में अपभ्रंस रा मेळ री भासा ही बोली जावै छै— 'सापभ्रंश प्रयोगाः सकल मरु भुवण्टक्क भादानकाश्च ।'^३ ओ ही कारण है कै शौरसेनी प्राकृत सँ विगस्योड़ी गुर्जरी अपभ्रंस सँ निकळी जूनी गुजराती या राजस्थानी^४ री परम्परागत कविता ऊपर कथणी अर मंडणी दोनू ही द्विस्टियां सँ अपभ्रंस रो पुरो अर गैरो असर दीखै है । वर्ण्य विषय, काव्य में वक्ता अर श्रोता री योजना, बहुभाषायी छंदा री रचना, षट् भाषा मिश्रित काव्य-पिंडताई रो ठसको, चम्पू (गद्य-पद्य मिश्रित) शैली री विधावां रो प्रयोग, काव्य-रूढ़ियां अर काव्य-परिपाटियां री दोहरावट, काव्य रचना रै प्रारंभ में इस्ट स्तुति अर वितम्र आत्मदैव्य रा भावां रो लेखो अर काव्य रै अन्त में मंगलकामना रूप सुफल कथन, कथानक-रूढ़ियां अर कविसमयां री समरूपता,

वस्तु-व्यापार-वर्णन की एकसारखी छद्मियाँ—आदि कई द्रिष्टियाँ मूल राजस्थानी काव्य परम्परा पर प्राकृत और अपभ्रंस काव्य की प्रभाव साफ़ और चोड़ दी गयी हैं ।

इस तरियाँ ही ध्वन्यात्मक अथवा अनुश्रवणात्मक सदावती की मोह राजस्थानी की कवियाँ न भी उतरी ही रीतों जितरी के अपभ्रंस की कवियाँ न । बाजितरी (वाद्ययंत्रों) के वज्र की धुनों की वर्णन करनी अपभ्रंस और राजस्थानी की कवि धनी उत्साह दिखायी है ।

दूहा छंदों में तो राजस्थानी कविता लारली अपभ्रंस परम्परा मूल आनी मू डा में मूल ही बोल अपट लिया और वहाँ न धनी चोखी चलगत के दानी—

अपभ्रंस—

वायसु उड़ायन्ति पित दिदुष महमति ।

मदा बलया महिहि गय, मदा फुट तदनि ॥

राजस्थानी—

काग उड़ावण धण खड़ी, आगो पीव महकन ।

आधी चूड़ी काग गळ, आधी गई तदरन ॥

अपभ्रंस—

पुते जाए कवण गुण, अवगुण कवण मुरन ।

जा वप्पी की भूँहड़ी, चंपिज्ज अवरेण ॥

राजस्थानी—

बेटा जाया कवण गुण, अवगुण कवण धिएण ।

जो ऊभां घर आपणी, गंजीजे अवरेण ॥

अपभ्रंस—

एउ जम्मु नग्गहं गिउं, भइ सिर गग्गु न भग्गु ।

तिक्खा तिरिय न माणिया, गवरी गले न मग्गु ॥

राजस्थानी—

तीखा तुरी न माणिया, भइसिर गग्गु न मग्गु ।

जलम प्रकारथ ही गयो, गोरी गळे न मग्गु ॥

परम्परागत राजस्थानी काव्य की लेखी-जोखी लेतां धणसारा नामी-गिरामी विद्वान, जिनां में 'राजस्थानी भाषा और साहित्य' की लेखक डा० हीरालाल माहेश्वरी भी सामिल है, इस काव्य की चार मोटी संख्यां मानें हैं— (१) जन शैली (२) चारण शैली (३) संत शैली और (४) लोकिक शैली ।

अनेक सी छायावीण सूं ही आ बात चौड़ी है कै ओ सगळो वर्गीकरण कथ्य भासा-सैली अर जात धर्म रँ रळे-मिळे आधार ऊपर टिकयोडो है, जीं में साहित्य रा उणियारा री मोटी ओळखाण तो पाई जा सकै पण उण रँ विकास री सही पकड़ नीं लावै । ई वास्ते जरूरी है कै जात-पांत धर्म या भाषा-शैली री सामळ रळगत रँ वजाय वर्ण्य वस्तु री रंगत कै पांण ही विकास-क्रम री सही तलास करी जावै । ई द्रिस्टि सूं सफा वेदाग तो नहीं, पण थोडो ठोडै पूगतो-सो वर्गीकरण इण भांत कियो जा सकै है—

(१) अध्यात्म धारा— (अ) निर्गुण या संतमार्गी धारा

(आ) सगुण या भक्तिमार्गी धारा

(i) वैष्णव (ii) शैव (iii) शाक्त

(iv) जैन (v) लोकदेवता परक

(२) नीति काव्य-धारा—

(३) शौर्य या वीर काव्य-धारा

(४) प्रणय अर शृंगार काव्य-धारा

(५) प्रकृति-प्रेम काव्य-धारा

(६) हास्य-व्यंग्य काव्य-धारा

(७) लोक-काव्य-धारा— (अ) संस्कार परक (आ) पर्वोत्सव परक

(इ) व्यावहारिक अनुभव परक (जन, भूमि,

जीविका अर कारोबार सम्बन्धी अनुभव

इत्यादि) (ई) लोकरंजन-धारा जियां-आडी,

फाळी, पड्डतर, कहमुकरणी वगेरा ।

कथ्य रँ आधार पांण जियो ऊपर वर्गीकरण कर्यो गयो है, वियो ही विधा, भाषा, शैली आदि बीजा आधारों पांण न्यारा-निरवाळा वर्गीकरण कर नै सांगोपांग अध्ययन कर्यो जा सकै है । जिनगाणी री जियां ही साहित्य भी एक जटिल रूप सूं गुंथियोडी-उळ्ळियोडी रचणा है, जिण रा कीलकांटां कांट-छांट सूं विखर जावै अर सरूप ही लोप हो जावै । फेर भी अध्ययन री सुविधा-सारू वर्गीकरण री उपयोगिता नकारी नीं जा सकै ।

जोणें जोग बात आ है कै राजस्थानी काव्य री सगळी धारावां में विकास रँ सागै परंपरा री चलगत भी लखावै । अध्यात्म-धारा में सद सूं जूना कवियां में स्वयंभू, पुष्पदन्त, योगींदु, आचार्य हरिभद्र सुरि अर हेमचंद्र सुरि जित्या लूँठा कवियां

रा नाँव गिणाया जा सकै है, जिका अपभ्रंस भासा में छतरी ओपती रचनावाँ करी, जिकी आगे राजस्थानी अध्यात्म-काव्य-धारा की भासा अर कथली र रूप ऊपर गट्टरी छाप गेरी ।

राजस्थानी अध्यात्म काव्य-धारा की सुरुआत जैन साधकों अर कवियों में हुई। वैष्णव, शैव अर शाक्त धारावाँ में भी काव्य रचना जरूर हुयी हुवेनी पण ये काळ की भेंट चढगी जद के जैनी श्रावक आपरा मिदरां में आपरा कवियों अर शास्त्रकारों की रचनावाँ नै घणी अंगेजरां राखी। जैन अध्यात्म काव्य-धारा रा अध्ययन में आ बात उजागर हुवे के काल-क्रम सून भाषा की विकास हुयो तो साथ ही जैन भाषा रूप में काव्य-रचना की मोह भी बण्यो रह्यो। पण जैन भक्ति-काव्य रा बण्यो विषय, इष्ट-स्वल्प धार्मिक आख्यान, इष्ट-चरित आदि बातां में पूरी रुचि परकता दीन। भक्तिप्रवृत्ति रा रूपां अर कथायोजनावाँ में भी घणी दोहरावट पायी जावै। कुट्टक कथावाँ नै छोड़ जैन अध्यात्म-धारा में समग्र प्रतिभा अर मौलिकता रा मनी मनीमरी की गिनत बेनी नीं है। एक खास बात आ भी है के जैन-अध्यात्म-धारा रा पाछला मेवा रा कवि लोक घुतां अर चालू रागन्यां नै घणी अपणाई, जीमू जैन समाज में धार्मिक रचनावाँ आपरी लोकप्रियता बणाई राखी। आज दिन ताई भी आ प्रवृत्ति नमू ज्यादा ही ओर पर है।

वैष्णव सगुण भक्तिमार्गी कवियों में भीरावाँ भक्तकवि ईसरदास जी, महा राजा पृथ्वीराज राठीड़, सायां जी भूला, रामनाथ जी कविया महाराज चतरसिंह जी आदि नाँव गिणाया जा सकै। निगुणमार्गी अध्यात्म-धारा में दादू, रज्जव, मुन्दरदास, लालदास, संत मानजी, चरणदास, जसनाथ, जामोजी आदि ओपता नाँव है, जियां मे घणखरां रा चलायेड़ा पंथ अर संप्रदाय आज ताई भी चालै है। यां दोनू धारायां मे भासा अर सिद्ध दोनुआं में ही परम्परा की अद्वैत प्रभाव साफ दीत पड़ै है।

राजस्थानी काव्य की प्रणय शृंगार-धारा की सुरुआत बीसनदेरास, टीला-मारू रा दूहा, जेठवा अर ऊजली रा दूहा जिसी कृतिया सून मानी जा सकै है। मार्ग चालर ई धारा में पचासू आछा कवि हुया। पण सुरुपोत सून नगर आज ताई सगळी शृंगारीक रचना आपरी परम्परागत अनुभूत्यां अर चिन्मां की आसरी लेती नई गैल जानी है। मनोहर शर्मा, रावत सारस्वत चन्द्रसिंह, नारायणसिंह भाटी, मदनगोपाल शर्मा, मनोहर प्रभाकर, सत्यप्रकाश जोशी इत्यादि कवियों की शृंगारीक रचनावाँ में परंपरागत शास्त्रीय काव्य की प्रभाव तो दीखै ही पण लोकगीतां अर हिन्दी की छायावाँ काव्य शैली की भी पुरो असर दीख पड़ै। बाळपण की पैलपोत की प्रीत ताई कवि चिह्नकोसी की

प्रतीक चुण नै उणरै 'माथै किलंगी पगल्यां मेंहदी' मांड उणरी : 'हिगळूवणी चांच' अर
'पंखसिद्धरी रूप सुरंगो' निरख र हरखै तो उण नै आ वात भी घणी साळै के आधिक
विषमता री खाई ही प्रीत रै आही आवै—

कै जाओ कोई बड़भागी रै
जो मिजमान्यो, जोग
सोना रो मिदर चांदी रो पिजर
सूंगा-मोती भोग
राखै पळकां री ओट संभाळजी
उड़ती आ बँठी चिड़कोली

मदनगोपाल शर्मा (गोखै ऊभी गोरड़ी)

राजस्थानी कवि री बिरहण आज भी सामंती-बयाव-सिंगार अर हिवड़ो
लियां पिय री बाट न्होळी जद 'सेहरां-सेहरां बीज झिलोमिल पळ-पळ पळको मारै' तो
'नार नवेली महल भकेली किरा विध धीरज धारै ?' प्रकृति भी इण मौकै उद्दीपन री
विभावनां करै । बिरहण री पीड़ बढावण नै 'आभै में धन काजळ-काळो मधरो मधरो
गाजै' अर उठीनै 'सीळो सोरमपूर वायरो धीमो-धीमो वाजै ।' उण नै दूधकी कळपावण
नै 'नीम भमीर भूमै, मोर टहूकै, कोयल कूकै, चातक भी ओसर नीचूकै, तीखा तीर
मारै । बिरहण री गैल ही संजोगण चालै । जद 'बीजळस्यार लोयणां काजळ सार,
सुरगो सूवटो दिखणी चीर आठ 'किसी तणी री काळी कांचळी पेर' नीलमनथ अर पन्नग
नागफणी सू रूप नै सिंगार बासकबेणी हुलाती आज भी कवि-प्रिया चालै तो काव्य
शास्त्र री परंपरागत निशाभिसारिका नायिका रो रूप उणरै आगै पाणी भरै—

वा ओढयो दिखणी चीर सुरंगो सूवटो;
वा पहरी किसी तणी री काळी कांचळी
नीलमनथ पहरी पहरी पन्नग नागफणी;
वा चली हुलाती बासक बेणी सांचली

(गोखै ऊभी गोरड़ी)

नारामणसिंह भाटी री 'ओळू' में भी बिरहण, नार रो पारंपरिक रूप ही
भळका मारै—

हाल्यां डाळी-रूख री
चिड़कलियां उड़ जाय
हिवड़ो हिल-हिल रह गयो
म्हांसू उड़ियो न जाय

सह झुंवां लूंवां हुई
 बेलां तरवर डाळ
 झूड़लिये री लूंव फद
 झुंव पिव गळ-डाळ

—नारायणसिंह भाटी (भोळू)

राजस्थानी शृंगार-काव्य रो एक रूप वो भी दीर्घ, जी में नायनिकता
 अर छंद-विधान री नुई चलगत सखावै पण उण में भी महाकवि जयशंकरप्रसाद री 'ग्राम्य'
 छाप छायावादी विम्बयोजना, ध्वनिमयता अर रुद-संगठना री परम्परा रो गहुरे असर
 है—

ज्यूं मोर खुजाळै पांखां
 हळवो हेवण नै नाखै
 आ विणी तराजै भोळू
 ओळ्यां कागदिये टांकै
 कोचरड़्यां मांभळ रातां
 कुरळावै ठाली-बूली
 तपतै पसवाई बळती
 मनस्यावां ह्वैवै गेली
 अचरज ज्यूं पसरूयां पड़ियो
 असळाकां ज्यूं भांगयोड़ो
 हं बळूँ ईसको ह्वै ज्यूं
 दिन पीचां रो टांच्योड़ो

—तेजसिंह जोषा (भोळूयां री ओळ्यां)

श्री सत्यप्रकाश जोशी री 'राधा' नांव री संस्कार्य में प्रेम नयन रो नमो
 पसारो अर लीक सूं टळियोड़ो आपतो चीकटो चिलकारी होतां यकां भी राजस्थानी
 संस्कृती अर जन भावनावां रो जुगजुगानुसारी रूप ही हिजोरा लेवै । काव्य री राधा आज
 भी ओ ही फिकर करै के उण रो गरीब गुवाळो बाप नंदमहर जिस्या तूठा ब्याई सगा
 खातर दायजो कठा सूं लासी, वा धाप ऊचा घरां रा सासरा नै कैयां केवटसी । उणरै
 मन में आज भी ओ ही ईसको बळै के देस-देसांतरां रो राजकवार्यां किस्म रा चित्तराम
 कोरती अर कामरा करती होसी । राधा री मनई री अण बुणगट सूं था जात परगट है
 के सत्यप्रकाश जोशी री 'राधा' रो बाहुरी रूप भलां ही धर्मवीर भारती री कनुप्रिया
 छाप अतुकान्त हिन्दी खंडकाव्य-शैली रा छंद-बंधन में बधियोड़ो हुवै पण उणरो मन

पूरी तरियां सामंती अर पूंजीवादी संस्कृती रा रंगों में ही रंगियोड़ो है—

थारो म्हारो व्याव कोनी हो सकै
 म्है बिरज री अ्रेक गूजरी
 थारी जान री किण विघ खातरी करस्युं
 दायजो कठा सूं लास्युं ?
 सासरा नै कैयां केवटस्युं ?
 दूर देसां रा राजम्हैलां में
 कोई राजकंवारी
 थारा चितराम कोर-कोर
 हुतियां नै दिखाती होसी
 कामण करती होसी

—सत्यप्रकाश जोशी (राधा)

राजस्थानी शृंगार-काव्य में परम्परा री जो धारा दीख पड़ै वा ही धारा वीर रस री राजस्थानी कविता में और भी मोटा रूप में गैरी मौलिक रंगत देखाळै । राजस्थानी वीर-काव्य री वीर रस मूळ तत्व में वो हीज है । उणरी बाहरी चलगत अर ऊपरी रंगरूप में जमानै-गैल घणो फरक आयो पण मांयलो मनड़ो आज भी वै ही सुर छेड़ै । जुद्ध रा हथियार अर लड़ाई रा ढंग पळटग्या पण हिवड़ै में आज भी वीरता री जुगां जूनी हिलोरां वियां ही उठै । सास्त्र री भाषा में बात करां तो 'विभाव' आमूळ बदळग्या पण 'भाव' अर 'अनुभाव' आज भी वै ही है । तीर-तलवार-तोप री जगां स्टेनगनां ग्रेनेटां अर बम्मां ले ली । हळदीघाट री जगां टीथवाळ या चुसूळ आ गया पण छंद, भाषां री चाल, भाषां री चाव अर चोज आज भी सागै वो ही है । आज भी कवि हवलदार पीरूंसिंह री शौर्यगाथा वचनिका, दूहा अर नीसांणी जिस्या छंदा में गार्ता-गकां जुगांजूळी भावधारा सूं अपणै आपनै जुड़ियो पावै—

कासमीर सूं दिखगादी कूंट, टीथवाळ री टींच ।
 नद नाळां री घेर, अवीठा भांखरां री बींट ॥

× × ×

बाव चढावण उमंगिया, आगा उजवाळा ।
 गनां अनैटां गोळियां, किरचां किरमाळां ॥
 बैनटधारी बांकड़ा, बांका बिड़दाळा ।
 जोसीला जमदुत सा, रोसीला खताळा ॥

× × ×

कंपकंपी धरा कसमीर की, हलहलियो हिंदवाण हट ।

कमट्ट जेम पीरु कमट्ट, भार भिल्यो वढ़ कर चिहट ॥

—सोभाग्यसिंह सेभावन (पीरुप्रकाश) पृ० ३३

आज भी लड़ाई चाहे कसमीर में हवो, चाहे नेफा में, जोधां रो जोग
जगावण-सारूं कवि जुगां-जून इतिहास रो गौरव गाथा नै हो घटेरं—

जैसलमेरा,

धांरो खागां कदे कावुननद भकोली

धांरो जीत रा नगारा गजनी तक गाजदा

मुरुघरिया !

आज धारी बेकलू नै हेग रो हेलो घायो

जुगां जुगां धारा केसरिया रंगिया

जिकी रंगरेजण क्यारियां आज मोल मांगे !

—रावत मारस्वन (मरगत्युहार पृ० ७३)

‘सैतान सुजस’ में परमवीरचक्र विजेता सैतानसिंह रो गौरवगाथा आज भी
ढिगळ रो जूनी गीत-विधा रा सांगोर, पखाळो, हंसावळो, मुपंगरो जिस्या गीतां में घर
हूहा बेळियो, मौसाणी जिस्या छंदा में मुकनसिंह आछी तरियां गायी हे ।

वीररस रा वखाण में राजस्यानी काव्य परम्परा हर जुग मे उण जुग रा
धम्म घणी अनवी वीरां अर जन नायकां नै आपरा आराध्य बनाया । ‘जामती जोता’
में गिरिधारीसिंह पड़िहार पुठ, पातळ, मकबर, मानसिंह अर गुरु गोविन्दसिंह जिस्या
इतिहासपुरसां सांगे पावूजो जिस्या लोकनायका नै हंगजी जवार जी जिस्या मजस्य
विद्रोही नरनाहरां नै महात्मा गांधी जिस्या विश्व धैर्य राष्ट्रपुरसां नै ममान भाव सूं
आपरी, श्रुटांजळी समरपी ।

राजस्यानी रो परम्परागत काव्य धारा नै इतिहास चेतना रो मश ध्यान
रह्यो । वा जुग रा संदर्भा सूं कदे कटी अर मळणी गी हुई । आज रो कवि गांधी नै
भी विष्णुरूप में देखर अतीत अर वर्तमान में एक ही तत्व रो संधान करे—

ओ चार भुजा रो घिस्णू हे

ओ किसन वांसरी वालो हे

सिवजी तिरसूळ लियां ऊभो

हे, नाग गर्ळ में फाळो हे

गांधी तो तेज तेपस्वी रो

ओ मिटै नहीं हथियारां सूं
 है रोम-रोम में रामरूप
 ओ मरै नहीं हित्यारां सूं

—गिरघारीसिंह पड़िहार (जागती जोत)

वीर अर शृंगार-वारा री कविता री इण् ओळखाण सूं आ वात चीड़ै है कै
 राजस्थानी कविता आपरी परम्परा सूं अट्ट रूप सूं जुड़ियोड़ी है। उण में लहरां नई उठै,
 उणरो बहाव पळटै पण मांयली रंगत अर छवि लारली उमर सूं उणियारो लेवै ।

वीर अर शृंगार कविता रै बाबत जिकी सचाई दीखी, वाही 'स्थालीपुलाक'
 म्याव सूं बीजा रसां अर भावां री कविता रै बाबत भीकैयी जा सकै है ।

सांची तो पा है कै नुई सूं नुई क्रांतिशील अर प्रगतिकामी चेतना भी अतीत
 सूं ही प्रेरणा लेवै । जनकवि उस्ताद आपरी चेतना में अपर्ण बखत रा राजस्थानी
 कवियां में सबसूं बेसी तीखा अर तेज वामपंथी चेतना अर रुझान रा कवि कैया जा
 सकै है पण वं भी आपरा सिलप अर सैली में परम्परा सूं छुटकारो नीं पा सक्या ।
 जुगांजूनी घरती अर जाण्यो-पिछायो आवास ही हर देस-काळ में नुई सूं नुई रचना रो
 आधार रैतो आयो है । लोग लुगायां नै गौणा बेचर टूँक्टर खरीदवा री प्रेरणा देतां
 अर करसाणां नै खेती में क्रान्ति रो उद्बोधन देतां जनकवि उस्ताद भाषा री जोड़णी,
 छंद-योजना अर संबोधन-सैली में परम्परा सूं अट्ट रूप सूं जुड़ियोड़ी दीख पड़ै—

हालो ए साथणियो, आपा लूहर रमवा हालां ए
 जिणरी घायल उण घरती पर घूमर घालां ए
 हिवड़ै रा नवसरहार, गुण री वात सुणो
 सुगणां सिर रा सिएगार, गुण री वात सुणो

—जनकवि उस्ताद

प्रगतिपंथ रो दावेदार अर करसां-कमतरां रो चितेरो कवि रेवतदान चारण
 'कल्पित' नुअै जुग-निर्माण अर इंकिलाब री आंधी री अगवाणी करतो आज भी जूनी
 डिंगल गीत विधा अर आखरां री संघटना में ही उछाळो देवै—

सज्जो अ्रेक संघट्टण, पंथ पलट्टण, राज उलट्टण आज बढौ
 मन में भिनखापण नैण सुरापण, खांघै खांघण मेल कढौ
 ढांणी रै ढांणी अखंडी ह्वै उच्छव, गाळ कसुंबो रै ढोल ढमकै
 डंके री चोट त्र्यंबाळ धमंकै, घरती रा किरसाण धमकै

—रेवतदान चारण (चेत मानखा)

राजस्थानी कविता री इण सञ्चित-ओळखाण सून आ बात उजागर हूवै के
 राजस्थानी कविता जुग री पळट रें सागै आपरो रंगरूप अर बाल-डाल पळटती चानी
 आवै पण उणरी सांसां में अतीत री बढकन आज भी गूँजती मुणाई देवै । नुर्य अर इने
 री आ सगपत ही राजस्थानी कविता री सप्राणता कयी जा सकै है ।

हिन्दी विभाग
 राजस्थान विश्वविद्यालय,
 जयपुर



संदर्भ—

१. अपभ्रंश पाठावली, उपो० पृ० २१
२. मध्यकालीन भारतीय संस्कृति, पृ० १३७
३. काव्यमीमांसा
४. क० मा० मुंशी, हिन्दी साहित्य सम्मेलन के तेतीसवें (उदयपुर) अधिवेशन की
 रिपोर्ट

राजस्थानी नूवी कविता

डा० किरण नाहटा

राजस्थानी नूवी कविता री पृष्ठ में कठे हिंदी नूवी कविता रैयी है अर हिन्दी नूवी कविता री पृष्ठ में कठे पिच्छम रा काव्यान्दोलन रैया है, आ बात राजस्थानी नूवी कविता री चरचा करती वगत चेतै राखण जोग है। हिन्दी रै जोड़ में ही राजस्थानी में ई काव्यान्दोलन वेई 'नूवी कविता' नाम सिकारीज्यो है अर आ बात भी दोनों रै नजदीकी नातै कानी इसारो करै है, पण अठै आ बात भी चेतै राखण-जोग है कै दोनों री पृष्ठभूमि रै मांय फरक भी मोकळो रैयो है।

हिन्दी में छायावादी अर प्रगतिवादी काव्यान्दोलनों री एक सैजोरी परम्परा रैयी है अर हिन्दी नूवी कविता री पृष्ठभूमि में आं रो कीं खास मसलां माथै विरोध एक मोटी बात रैयी है। छायावाद अर प्रगतिवाद दोनों सूं आपरी न्यारी ओळखाण थापण वेई हिन्दी नूवी कविता नै प्रयोगवाद रै अटपटै गैलै सूं निसरणो पड़्यो है अर हिन्दी जगत में खुद रै अस्तित्व रो अहसास करावण वेई बीनै केई कोतक अर सांग भरणा पड़्या है।

ई दीठ सूं राजस्थानी नूवी कविता री स्थिति दूजी ही रैयी है, न्यूंकै राजस्थानी में छायावाद रा पग तो कदै जम्या ही कोनी हा। अठै तो बायल-कोयल कोई कोडायतो कवि ही छायावाद सूं बंतळ करी है, बाकी तो राजस्थानी में छायावाद रा खुड़-खोज अँड़ै-छँड़ै को लाधैनी। अब रैयी बात प्रगतिवाद री। ईं बावत इत्तौ तो मानणी ही पड़सी कै अठै छायावाद करतां प्रगतिवाद कवियां नै चावौ रैयो है। पण राजस्थानी प्रगतिवादी कवियां री आ भी खूबी रैयी है कै बांरी घणकरी प्रगतिवादी रचनावां जुग री मांग रो पड़तर ही खास करने रैयी है। वै कदै साम्यवाद रो घोषणा-पत्र वण'र सांमै कोनी आयी। इण भांत राजस्थानी नूवी कविता नै हिन्दी नूवी कविता री भांत किणी थरपीज्योड़ी काव्यधारा रै खिलाफ लोगां नै बिदकावण री दरकार कोनी पड़ी। साची पूछो तो अठे रा चेतनाशील लोगां नै तो नूवी कविता रै आवण री उड़ीक ही अर बै अठै एक तरै सूं नूवी कविता रो स्वागत ही कर्यौ।

मठ सेसूँ पँलां नूँवी कविता न लेयर जको घोड़ो-घणी विरोधी-गुर सुणीज्यो वो भाई तेजसिंह जोधा द्वारा सम्पादित 'राजस्थानी-श्रेक' र प्रकाशन र बाद ही । ईं विरोध रो कारण भी ईं पत्रिका री नूँवी कवितावां नी रँयो, विरोध तो हुयो 'राजस्थानी-श्रेक' री आकरी सम्पादकी रो । 'राजस्थानी-श्रेक' री सम्पादकी, धीरी नीयत अर धीं रो नतीजो-ओ न्यारो निरवाळो विषय वण सकें हे । नूँवी कविता री चरचा करती वगत अवार ईं माथे विस्तार सूं विचार करण री गुजादस भोती । राजस्थानी नूँवी कविता री चरचा करती वगत तो इत्तो ही कँय सगं हा के अठे रा नूँवां लिखारां न विसी कोई अवस्थाई कोनी भेलणी पड़ी, जिसी के हिन्दी रँ नूँव कवियां न छायावाद अथवा प्रगतिवाद रँ मसलें न लेयर भेलणी पड़ी, परत ईं सूं यो नतीजो नीं निकाळ लेवणो चाहिजे के राजस्थानी रँ नूँव कवि न किणी भी अवस्था रो सामना नीं करणी पड़्यो ।

एक निजर सूं देखां तो राजस्थानी नूँवी कविता रो सफट हिन्दी कविता-करतां भी सँठो रँयो हे । जकी वगत राजस्थानी मे नूँवी कविता रो मंगम मोछादज्यो, वीं वगत राजस्थानी में सांतरी साहित्यिक कवितावां निगनियां निगारा रा गुर मोछा पड़्यो हा । श्री नारायणसिंह भाटी अर श्री कन्हैयालाल सेठिया जिला माला-भोजन कवि न्यारा-निरवाळा बैठ्या आपरो साहित्यिकता री अमानवी मोछागण बनी रँव, इन वास्त खपे हा; बाकी तो कविता री दुनियां में गळेवाज मचीय कवियां रो बोलवालो हो । अ मंचीय कवि जनता री बाहवाही लूँटण फातर अर लोकगीत री देगी ही मिटावण न उतावळा होय रँया हा । आं लोगां री मेखानी नूँ सस्ता सिगगाफ नीतां रो अथवा हळकी हंसी-मसखरी री कवितावां रो ही बाजार गरम हो घर इता कविता री किरपा सू राजस्थानी सू बारली दुनियां रा साहित्यकार तो आ समझण लाग्यो हा के राजस्थानी में वा समझ हाल वरसां-लग कोनी बापर सकें जकी के जुग-चेतना सूं जुड़घोड़ी हुया करे हे । इस्ये वगत में कविता न जुग-चेतना सूं जोड़णी घर दीन आपरें सही घरातल माथे ल्हायन ऊमी करणो-अ दोनू ही खाता अथवा काम हा, पण राजस्थानी रो नूँवो कवि आं दोनू लूँठी चुनौतियां रो जम'र मुकाबली करयो अर मंचीय कवितावां रँ अलसीड़ मांय सूं घणें जतन सूं कविता न अलनी कर आगे रांती ।

वात जद हिन्दी अर राजस्थानी नूँवी कविता री पृष्ठभूमि न लेयर बात रँयो हे तो अठे लगत-हाथां एक बात री चर्चा भळें कल्हो । वा आ के हिन्दी अर राजस्थानी कविता रँ विचाळें एक जवरो फरक पारम्परिकता रो रँयो हे । आज री हिन्दी कविता (खड़ी बोली) रो ओ मोटो दुरभाग रँयो हे के आदिकाल रँ चन्दबगदाई

सूँ लेय'र रीतिकाल रा पदमाकर-तंक रा कवियां नें खुद री जमात में भेळा कर'र भी खड़ी बोली रा कवि वां सूँ वो तादात्म्य कोनी थाप सक्यो है, जको के राजस्थानी रा कवियां रा आपरें जूनां कवियां सूँ रैंयो है ।

श्री एक कड़वो सांच है के खड़ी बोली हिन्दी रा सावळसर हीयें दूकणमाळी परम्परा नीठ सी साल जूनी रैंयी है, जद के राजस्थानी कविता रा परम्परा सईकड़ां साल जूनी रैंयी है अर ईं रो पूरो-पूरो फायदो भी आज रै राजस्थानी कवि नै मिलै है । ईं भेळै एक बात भळै जागणजोग है के राजस्थानी लोकभासा रै रूप में जिती सँठी अर सवळी रैंयी है अर बीरो लोकसाहित्य जिती लूँठी है, बीरो तुलना में खड़ी बोली दोनू ही व तां में पोची पड़ै है । लोकभासा रै ईं सँठेपण रो पूरमपूर लाभ राजस्थानी रा कवि उठावै है । ईं दीठ सूँ श्री मणि-मधुकर रा कवितावां खास करन उल्लेख जोग है जिणां में जनभासा रा जीवंतता कवि रै कलात्मक सौष्ठव रो परस पायर घणी निखरी है ।

अठै लग तो आपां हिन्दी अर राजस्थानी नूँवी कविता रा पृष्ठभूमि रै फरक नै ही सावळ-सर समझण नै खसै हा, अब थोड़ो ईं बात माथै भी विचार करल्या के राजस्थानी नूँवी कविता अर बीं सूँ पैलां रा राजस्थानी कविता में कईं पुखता अन्तर रैंयो है अर वै एड़ी कुणसी वातां है, जिण रै कारण जूनी कविता-करतां राजस्थानी रा नूँवी कविता आपरी न्यारी ओळखाण वणाय सकी है ।

ईं दीठ सूँ विचार करां, जर्ण पैली बात आ ध्यान में आवै के राजस्थानी रा नूँवी कविता मोटा-मोटी आजादी रै अंडै-गंडै अथवा आजादी रै बाद जलम्योड़ा वां मोट्यारां रा कविता रैंयी है, जकां नै कदै 'खम्मां अन्नदाता' रै दरबार में जाय'र मुजरो करण रा दरकार कोनी पड़ी अर जकां रा चेतना सामंतवादी मान्यतावां रा सप्पीड़ा खाय खायर भोथरी कोनी पड़ी ही । ईं खातर ही अन्याय रै खिलाफ ईं पीढ़ी रा सुर सदा ही तीखा रैंया है । खास करन आम आदमी साथै जुगां-जुगां सूँ चालती धरम, समाज अर राजनीति रा मसखरी नै वरदास्त करण बेई ओ नौजवान कदै तयार नीं हुय सक्यो है । ईं खातर वो वां सगळी वातां रा जमर विरोध करयो है अर कर रैंयो है जकी नै उणरी चेतना नकारी है । बीरो ओ विरोधी सुर 'जवानो सहीद हुय ज्यावो' रा तरज में कोनी उगेरीज्यो, क्यूँ के आ तरज तो वै ही धारै, जका ईं बँम में जीवै । कवि अर साहित्यकार हुवण रै नातैं वां रा एक खास खतबो है अर समाज रै मानखै नै गैलै त्यावण रा जुम्नो वां रा ही है ।

नूँवो कवि तो जकी स्थितियां सूँ खुद नीसरधी है अर जकी पीड़ावां नै वो खुद भोगी है, वां नै ही आपरी रचनावां में प्रगासी है । ईं में वो कठै संकोच अर लिहाज

कोनी बरतयो, चाहे ईं खातर बीन नाता-रिस्तां रो पोस्टमार्टम करणी पड़यो हवे भर चाहे ईं खातर जुगां-जुगां री मान्यतावां अर आस्थावां न ही चोढ़े-घाड़ बहारणी पड़ी हवे ।

इण दीठ सूं उल्लेख जोग रचनावां तो कई है, पण बां में मी आकरी पड़ है श्री तेजसिंह जोधा री 'म्हारा बाप' अर श्री चन्द्रप्रकाश देवळ री 'कोठयां बाळा नेत' म्है अर बकरियो । श्री जोधा री रचना 'म्हारा बाप' आपरी खरी अर बेलाग अभिव्यक्ति र पाण मोड़ ताई याद राखीजी । ई कविता रो बाप आजादी मिसती बगत जोध जवान हो । आजाड भारत न लेयर वो मोकळा सुपना संजोया, पण बीं न तो आपरं सुपनां न साचा करण वेई कोई ठावो अर इधकी काम ही पोळायो अर न ही आजादी रो लावो लूटणियां घिगाणियां लोगां सूं मोरचो ही लेय सकयो । नतीजी यो हयो कं बीरं देखतां-देखतां सौ कीं गतरस धुययो अर वो ईं दुर्घटना रो गूंगा-गवाह बाण्यो ऊमी रंयो । 'म्हारा बाप' र बाप री आ नाजोगी विवशता एक समूळी पीढी री विवशता री साती भरै । आज रो जुवान ईं पीढी र नाजोगंपण न बकस तो किया बकस ?

श्री देवळ री कविता दूजी मोरचो सम्भाव्यो है । ई कविता में धरम र नांव मार्य चालती पाणविक क्रूरता रो आकरो विरोध हयो है । कवि जुगा-जुगां सूं चालती अणूती हिसा री ईं भूणडी चाल रो जन न विगेय करयो है । ई अंधविश्वास भरी प्रथा न सदां सदां वेई मेटण रो आत्मविश्वास भर्यो आह्वान ई कविता मे हयो है-

जे मोटो व्हेणी है तो

व्हे मोटो मोटो व्हे वळ मोटो व्हे

म्हारी तलवार रो लूग सूं मोटो व्हे

मेल छुरी अंदाता र माणा-मार्य

अर काढ न्हाक

अमरिया अंदाता र कानां री कुडकली

तीखा सींगा सूं खोद न्हाक

इण नीमड री जडां

अर मूत सूं धोय न्हाक

सिंदूरी पुडतां

अ दाता बाजत इण भाटे न लगो कर

अ केदम नागो

अर

कावरकी पारही लार बोवाडो करतो.

दुरजा पाछी टोळा बिचाळ ।

दूर्ज रूप में ओ 'बलि रो बकरो' ग्राम-आदमी रो ही प्रतीक है, जकी रो जुगां-जुगां ताईं टण्णका-टण्णका सिद्धान्तां री आड़ में मनचायी शोषण हुवती रैयो है । शोषण रै खिलाफ इत्ती आकरी प्रतिक्रिया ईं सूं पैलां कदै भी साहित्य में देखण में कोनी आवै । जित्ता भी तूँवा कवि रैया हैं, वां में आ वात खास करन देखण न मिलै है कै वां में मिनख रै सुतन्त्र अस्तित्व री हिमायत करण री ठाडी हंस हैं । आज रै तूँवें कवि नै सैसूं ज्यादा बोई बात नागवार गुजरै तो आ ही कै हाल भी थोड़ासाक मिसख ईं बात वास्तै खसै है कै जियां जुगां-लग ग्राम आदमी रो शोषण हुवती रैयो हैं अर बीं री इच्छावां अर भावनावां रो गळी हूं पीजती रैयो है, बीया ही अब भी हुवती रैवै । ईं खातर शाश्वत सत्य सूं लेयर प्रजातन्त्र ताईं रो कोई सो भी मुखौटो लगावण में वां नै दर भी हिचक कोनी । पण तूँवो कवि बांरै आं सोवणा मुखौटां लारै लुक्योड़ै असली दानवी चैरे नै ओळखै अर ईं खातर वो भांत-भांत सूं वां रो विरोध करै ।

कवि पारस अरोड़ा री 'म्हारी मुळक, बांरी वेचैनी' अर 'म्हां अपमानित,' श्री प्रकास 'परिमल' री 'आ, ओकरसी तो आ, म्हारा सागोतर,' श्री देवळ री सपना रो 'बोपारी, म्है अर पाळेकड़ अंधारो' अर श्री तेजसिंह जोधा री 'पीवणो सांव' जैड़ी कवितावां में न्यारै-न्यारै ढंग सूं ठाडा मायावी सिद्धान्तां री आड़ में लुक्योड़ा लोगां री असलियत सूं ग्राम आदमी नै वाकिफ करावण रो सखरो प्रयास हुयो है ।

ग्राम आदमी सूं नजदीकी रो नाती अर साधारण मिनख रै अस्तित्व वेई जूझण री गाडी हंस—आ खासयितां रै अलावा, तूँवी कविता री तीजी जकी बात सहज ही ध्यान खींचै, वा है लिखारै अर पाठक रै बिचै तर-तर कम हुवती छेती री बात । तूँवी कविता रो पाठक कवि रै साथै पग-सूं-पग मिलायर चालै, आ सह-अनुभूति री बात नई कविता नै एक न्यारो तेवर देवै ।

ईं सूं पैलां कविता रै साथै आ वात कदै कोनी रैयी । जूनी कविता रा लिखारा कविता कथण नै परमेसर री खास मरबानी सूं जोड़ता रैया है अर आ कविता रैया है कै कविता करीज कोनी बा तो एक खास छण में मते उपजै है । ओ एक इसी तर्क रैयो है जिण रै आगै सजग बुद्धि री पूछ कोनी रैवै । पण तूँवो कवि शुरु सूं ही ईं वात नै नकारै । वो कविता नै बुद्धि या बौद्धिकता सूं अळगी राखणी ठीक कोनी समझै अर इत्ती ही नीं, वो तो रोमाण्टिक नजरियै अर कोरी भावुकता सूं तो तूँवी कविता नै जतन रै साथै अळगी ल्यायो है । भावुकता अर रोमाण्टिकता नै लेयर वो कदै जघारथ

सूं मूंडो कोनी मोड़यो अर न ही कंद अणूंतो पीमाइजी अथवा अणूतो गळगळो हुयो है ।
बोद्धिकता अर भावुकता र प्रति बीर वदळ्योई नजरियो र कारण हो उणरी नूंची कवि-
तावां में जूनां कवियां री कवितावां—करतां मोकळो वदळाव आयो है ।

नूंची कविता में आयोडी वदळाव री आ वात इती संटी है क कविता रो
वारलो रूप रंग वदळ्यो सो तो वदळ्यो ही, उणरी मांयनी दुनियां में भी मोकळी उयळ
पुथळ माची है । वारलें वदळावां में छन्दां र वधे-बंधायें टाळें मूं मृगति, मुक री
अनिवार्यता रो अभाव, रूढ उपमावां अर एक ग्यास टाळें दळियोडी अन्वयानी मूं लारो
छंदणी उल्लेख-जोग वातां रंयी है । मांयला वदळावां में फूटरापो-नव्यान (सौन्दर्य-बोध)
रो वदळतो नजरियो, लखाण र सांच री वात (अनुभूति री प्रामाणिकता री वात) अर
रस नै ही सबोपरि नी मानण री वात उल्लेख जोग रंयी है । आं वदळावां रो एक
मोटो नतीजो तो ओ निकळ्यो क आं वात्यां मूं कविता र भाव जगत रो मोरळो
विस्तार हुयो अर अब दुनिया रो कोई ओ क्षेत्र कविता वास्तं वर्जित कोनी रंयी ।

वदळावां री ईं चरचा में ध्यान वां वात्यां कानी भी जायें, जसी नूंची
कविता रें सामं चुनौती-रूप आयी । आं वात्यां में पैली विचारण-जोग वात ही कविता
अर गद्य रें फरक री, क्यूं क नूंची कविता में इसा कई उदाहरण मायें आया, जठे
कविता अर गद्य में कोई फरक ही कोनी रंयो । कवितावां रें नांव अर छन्द्योरी वां
लांवी-ओछी ओळ्यां नै जे सीधें रूप में छाप दे तो वं गद्य रो अहसान ही करावें ।

ओ एक इसी मसली हो, जिण मायें मंराई मूं विचार करण रो जरूरत
ही अर इण वात रो कोई पुखता जबाब देवणो जी लाजमी हो । ईं गतर कविता अर
गद्य री 'वस्तु' रें अन्तर री वात कैयीजी अर सागै-सागै अर्थ-वय री वात भी
उठाईजी । मोकळी चरचावां रें बाद नूंचें कवि भी आ वात मंसूसी क कविता रो अर
लय रो गैरो सम्बन्ध है अर एक तरह मूं वो भी लय री अनिवार्यता नै मान ली ।
राजस्थानी नूंची कविता रो ओ सौभाग्य रंयो है क वा हिन्दी नूंची कविता रें अनुभवां
रो फायदो उठायो अर ओ ही कारण है क राजस्थानी नूंची कविता में इसा उदाहरण
वायल-कोयल ही सामं आया है, जठे कविता अर गद्य रो फरक ही मिटती दीसै—

म्हें अहसानमन्द है

मिनखपणै रा वां मोभी पूतां री

जिकां री खांतीली मेघा

अर अणयक जतन

अमानवी-यातनावां सूं गुजरतां-थकां
 भेळा कर पाया है कीं
 भरोसैमन्द आखर ।

गद्य री सीव नईं खड़यो ओ उदाहरण अथवा ईं रै जिस्या उदाहरण
 वस्तुतः उण मनगत री उपज कैया जा सकै, जठै अनुभूति नै पसवाड़ै राखर फकत
 बुद्धि रै सहारै कविता बणावण री कोसिस हूवै ।

लय अर कविता रै सम्बन्धां नै लेयर जीयां राजस्थानी रो तूंबो कवि
 हिन्दी तूंबी कविता रै अनुभवां सूं फायदो उठायो है, बीयां ही रुढ़ उपमावां अर एक
 खास ढाळै ढळियोड़ी शब्दावली रै बहिष्कार रै मसलै पर भी राजस्थानी रै तूंबै
 कवि नै हिन्दी रा अनुभव आडा आया है । बीं नै 'चान्दनी चन्दम सदृश हम क्यों लिखें ?'
 जैड़ा वक्तव्य देवण री दरकार कोनी पड़ी अर न हीं बीं नै तूंबा शब्द-प्रयोग अर
 तूंबी उपमावां रै मसलै नै लेख'र ईन्नै-विन्नै घणां भचीड़ा ही खानणां पड़्या है । ईं
 दृष्टि सूं लोक भासा रै रूप में राजस्थानी रो संठोपण बींरै घणौ काम आयो है ।
 बीं नै तो फगत अनुभूति रै अनुकूल सबदां नै अपड़णै री हुँस्यारी दिखावणै री जरूरत ही
 घणौ रैयी है, तूंबा सबद घड़णै री माथा-पन्ची बीं नै नीं रै बरोबर करणी पड़ी है ।
 ईं खातर जिकै कवि री लोक भासा री अपड़ जिती सैठी रैयी है, बीं री कवितावां
 ईं दीठ सूं वित्ती ही सबळ वणगी है । ईं दृष्टि सूं मणि मधुकर री कवितावां चरचा
 जोग है । मणि सबदां रो चतर कारीगर है । बीं री कवितावां में प्रसंगानुकूल सबदां
 रा ओपता प्रयोग मोकळा मिलै —

ओ भूंडो बगत
 दिन-रात म्हारै पसवाड़ै में
 रसोळी ज्यूं कुळै
 'पिरथी' नै विरथा
 'भोभर' नै गोबर केवै
 गेलै बगती
 पूंणचीं पकड़ै मोसा भारै
 ठाडो सांगी
 कदै पलीत

कदं जमदूत रो भेस धारै

धिगताणौ धर

खोळै बैठ

स्यान रो पाणी उतारै ।

अठै-लग आपां कविता रै बारला बदळावां रो मोटामोटी चरचा करी,
धब धोड़ी मांमला बदळावां रो बात भी करल्यां । कविता में धारला बदळावां-करता
मांमला बदळावां रो अपड़ साचै एक अवगती काम है । मांमला बदळावां रो दीठ सूं
तूंची कविता में सँठो बदळाव भाव-क्षेत्र रै विस्तार धर मूदमातिसूदम अनुभूतियां रै
प्रगासण नै लेय नै आयो है । आज रो मानवीय संवेदनावां हसी उछटयोड़ी है की बां रो
अर्थपूर्ण अंकन तूंचे कवि रै सामे ठाटी चुनौती रै रूप में आयो है । ई मातर तूने
जुगां-रा सगळा प्रचलित मुहावरा चीं नै ताव असुरा लगावण लाग्या धर चीं नै तूंचे
संश्लिष्ट विम्व-विधान, सटीक प्रतीक-योजना धर कलात्मक संगठन र टुष्टि सूं पूरमपूर
सावचेती वरतणी प्रड़ी है । इत्ती ही नीं, फूटराप लगाण र क्षेत्र में आपो बदळाव
कवि अर.पाठक दोनों सूं पूरी जागरूकता रो अपेक्षा राखी । मध्य-जुग रै कवि अर
भावक रो ढरें ढळियोड़ी जिदगानी चीं र नसीब में कोनी अर न ही वो ईं रो अपेक्षा
ही करै । चीं रो प्रबुद्धता मयायें सूं चीं ने गाटो सम्पत्त राखी अर आ मयायें चेतना
कोरी भावुकता में कोनी बैठण दे अर न ही स्वप्निल कल्पनावां में रमण दे । ईं
जयारथ-चेतना रै आगे फूटराप लगाण रा सगळा जूनां प्रतिमान मन्द-मन्द हलगा ।
वर्तमान रो जीवन ही जद इत्ती कुरूपतावां सूं भरयोड़ी है, तो ताफती सुन्दरता नै
लेय'र मन विलमावण नै फुरसत कठै ? ईं रो सीधो असर ओ पक्षी को जवो ताफां
नै लेय'र पुराणा कवि कदं मोदीजता रैया है, बागें ही तूंचे कवि ने तूंचो सांन नजर
आवण लाग्यो है । ईं बदळाव रो सैं सूं सैंटो घसर प्रकृति रै प्रति बदळां नजरिये
में देख्यो जा सकै है—

रात धनख डोर ज्यूं तरणाव

रीस में भरियोड़ी

धोरां वृजें मंदीवरणी रेत

रुख रुखाळी विनां तड़फा तोड़ै

गिगन मांदगी रै दोवड़ें में लुप्ततो

कळेस रा आखर चुगतो

ऊँढो लाम्बी निसास छोड़ै ।

कामणगारी रात, ऊजळी बेकळू रा निरमळ घोडिया भर विराट लीलो
आमो कवि नै सुपनां री रंगीली दुनियां में नीं लेज्यावै वरज मन री ऊव, खीफ भर बेवसी
में दुजै ही रूप में निजर आवै । नूँवां कवियां री घणकरी कवितावां में मन री अनेकानेक
मनगततां नै मांण-वेई ही प्रकृति रो सारी लिरीज्यो है । प्रकृति एक सुतन्त्र विषय रै
रूप में बीत कम उकेरीजी है ।

प्रकृति रै प्रति ईं बदळतै नजरियै री बात फुटरापै लखाण री बदळती
मनगत नै लेयर उठी ही । अठै ईं फुटरापै लखाण नै लेयर आयोड़ा बदळावां बाबत
थोड़ विस्तार सून दिचार करल्यां । वै कुणसी बांतां अथवा कुणसा कारण रैया है, जिणां
नै लेयर, फुटरापै लखाण री बीठ में सँठो बदळाव आयो है ।

जद ईं बात-मार्थ विचार करां तो कई वातां कानी ध्यान जावै, जिकां में
खास है जीवण रै प्रति बदळती नजरियो, मानवीय चेतना रो विस्तार, औद्योगिक भर
वैज्ञानिक प्रगति रै कारण मिनख पर बघती दबाव भर आं सै सून भी सँठो रैया है मिनख
सै अस्तित्व रो संकट । दो महायुद्धां री विभीषिका मिनख री सगळी आस्थावां भर
मान्यतावां नै हिलायर राखदी । विराट भर उदात्त री बातां उणरै खातर आपरो अर्थ
खोय चुकी है भर वो मिनख रै ल्होड़िये में ही जीवण री सार्थकता खोजण नै विवस
हुयो है, फळ-सरूप ल्होड़ियै मिनख (लघु मानव) भर बीरी क्षण-क्षण री लखाण री
बात प्रमुख हुय चुकी है ।

हिन्दी नूँवी कविता में तो ईं ल्होड़ियै-मिनख भर बीरी क्षणिक-अनुभूतियां
री पर्याप्त चरचावां हुई है, पण राजस्थानी री स्थिति थोड़ी भिन्न रैया है । राजस्थान
में महानगरां रो अभाव भर अपेक्षाकृत औद्योगीकरण री धीमी चाल रै कारण अठै रै
मानख रै आगे अस्तित्व रो संकट हाल उण रूप में उभर नै सामे नीं आयो है, जिणरो
अहसास पिच्छम रै मिनख री नींद हराम कर राखी है भर जिण रो खासो असर भारत
रै महानगरां रै मिनखां मार्थ देख्यो जा सकै है । फळसरूप राजस्थानी में ल्होड़ियै मिनख
री बात भर उण री क्षणिक अनुभूतियां री बात हिन्दी करता कम उठाईजी है । ईं
मसलै नै लेयर राजस्थानी में जका कवि खास सक्रिय रैया है, वां में मणिमधुकर,
आंकार पारीक भर डा० गोरधनसिंह शेखावत रा नाम उल्लेख जोग है । डा० शेखावत
रो तो 'किरकिर' नांव रो कविता-संकलन पूरी तरियां क्षणिकावां रो ही संकलन रैया
है, जिणमें नई भांत री क्षणिक अनुभूतियां नै काव्यात्मक रूप में मांडण रो प्रयास
हुयो है—

अतीत—

परदेसी रैन मन में
जलमती गांव, घर
घर गुवाड़ रैन सारै
रम्योड़ी छूण ब्यार।

X X X

घोळ्युं—

धारी घोळ्युं
धीमै-धीमै
हालत पाणी में
लाम्बी पतली सिरती
सांवली छोंया।

छा० शेखावत री श्री अयवा ईं जिसी ही बं दो-ब्यार क्षणिकायां जकी के
लखाए रैन गरमास री परस पाय नै मांडोजी है, बी तो जरूर कठं मन नै छूवै पन जठे
खाली चमत्कार सिरजण री मनस्या ही सेंठी रैयो है, दठे क्षणिक चमत्कृति री मुन ही
ऊपनै, बेसी कीं नीं। लगभग आ ही स्थिति श्री श्रीकार पारीक री रैयो है। लखाए रैन
गरमास सूं जुड़घोड़ी बांरी क्षणिकावां नी पाठक नै दाय धारै—

रगत से
पसीनो
श्री धांसूँ -- - म्हारो जीवण
बाणी नीं—बाणी नीं—बाणी नीं
म्हारा लोकराज !

ऊपरला दोनों कवियां री तुलना में ल्होड़ियै-मिनस री बेबसी री प्रहसास
मणि मधुकर री कवितावां में घणो ऊण्ढी रैयो है। मणि घापरि 'काळो घोड़ी' घर
'नरकवाड़ी' जैड़ी कवितावां में उणरी पीड़ नै उकेरण में सफळ हूयो है—

वतूळियै री फूज
अवेरता फिरां
छाजलें में मिनखापग री
छाणस रळकावां
भापी खोय

क्षपणायत रै बाथीड़ा भरौ
 भेळा हुवां सगळा
 ज्यूं बोदा बांस
 ओक पळ खड खड
 हूजे छिए भड भड
 नरकवाडो भुगतां
 गुमेज में गाल वजावो
 ईसकै रो बैर-वादखार्ह रो
 हूथो खेलां
 अंडै मेळ रो सला करां
 छेडं घू-दोफरै लाय लगावां

ईं कवितांस में बीसवें सईकै रै मिनख री विवशता रो बोखो अंकण हुयो है।

जूनी कविता-करतां तूंची कविता री खूबियां री चरचा रै ईं क्रम में छेकड़ में
 एक बात री चरचा भळै करल्यां। अर बा है—व्यंग्यात्मकता री। जूनी कवितावां-करतां
 तूंची कविता नें व्यंग्य रो सुर घणो सँठो रैयो है अर ईं रो कारण भी साफ़ रैयो है कै
 आज रै मिनख नै जित्ती विडम्बनापूर्ण ज़िन्दगाणी जीवणी पड़ रैयी है अथवा आज रै
 मिनख नै जित्ती विसंगतियां रै बीच सूं नीसरणी पड़ रैयो है विसो आज सूं पैलां कदे
 नीं हो। जीवण में फँत्योड़ी अं अनेक विसंगतियां, मिनख रो निजोरोपण अर मिनख री
 खुद रै व्यक्तित्व रै बाबत जलम्योड़ी सजगता मिल-जुल नै उणरै मांय जिण भाव नै
 जलम देवै उणने खीभ अथवा भाळ कैय सकां हा, अर भाळां हीं व्यंग्य रै रूप में प्रकट
 हुवै। ईं दृष्टि सूं श्री तेजसिंह जोधा री कवितावां बीत ही आकरी पड़ै। वारी कविता
 में व्यंग्य रो सुर इती तीखो है कै वीं ने वांच्यां बाद चोखा-चोखां री आंतड़ियां में लाय
 लाग सकै है—

ईं गांव में कठेई कीं व्हेगो है
 थमो
 थमो
 एकर ओइं सोघां
 काल काईं ठा कृण कैवतो
 क ओ गांव जाणगो
 सिपाई नै आणंदार कैवण री बोली

चोखो है
 चोखो है नुकीं बोली जाणबो
 घर टेम री नस पिछाणबो
 बीयां भी देस भगती है
 सिरकार री सोराई सारू
 नसवंदी पैलां हींजड़ो कैवाइजणो

ई कवितांश में जलमर्त स्याणपण पर चोखी चोट टूट है घर इसी ही सांतरो
 चोट बदळता सामाजिक रिस्तां न लेयर करी है—

लोगड़ा कैवें
 क ईं गांव में एक जेठ विया करतो
 जिको, किए र ई भाई
 किण र ई भतीजो
 किए र ई काको
 घर किण र ई मामों तो किज र ई मासो लाग्या करतो
 पण जाणै मयू
 वो जड़ सून करनल वियो
 ओ गांव मांय ई मांय समझणो
 क वो अब सगळां र करनल ही लागण लाग्यो है
 स्यात आपरी अणभणी लुगाई र भी ।

ठठे ताई करयोड़ी जूनी कविता घर नूंची कविता में भायोड़ा बदळावां
 री ईं चरचा र वाद अब एक पख ही खास कर न विचारण जोग रंग जाय है घर बो है
 हिन्दी अर राजस्थानी नूंची कविता र फरक रो । आ घरचा तो भापां मुसपोत में ही
 करी ही कै दोनां री पृष्ठभूमि में काफी समानतावां हुंयता—यकां भी उल्लेख जोग अस्त-
 मानतावां रैयी है अर पृष्ठभूमि रो ओ अन्तर ही दोनू भासावां री नूंची कवितावां र
 वर्तमान रूप में भी साफ भलकै । हिन्दी नूंची कविता र विपरीत राजस्थानी नूंची
 कविता री जकी बात आपां रो ध्यान खींचै, वा है ग्रामीण-जीवन र प्रति राजस्थानी
 कवियां रो सुलझयोड़ी नजरियो । श्री तेजसिंह जोषा री 'कठेई की रहेयो है । श्री नंद
 भारद्वाज री 'म्हें अर म्हारो गांव', संतोस घरां री गांव', घर 'प्रघार-पस', डाक्टर
 गोरघनसिंह शेखावत री 'गांव' आद कवितावां में गांवां में प्राय रंग बदळावां न जिण
 वारीकी सून लखीज्या है अर जिण ईमानदारी सून बांरो धरुण हुयो है—बिसी वर्णन

हिन्दी में ठूँठया ही नीठ लावै । ई बाबत घणी उदाहरण नी लेवर तेजसिह जोषा री कठई की बहेगो है रो एक उदाहरण लेवां—

ई गांव में कठई की बहेगो है बहेगो है
 हाल बा छोरी नी दीसी
 जिकी किरणी रै गांव छोड़ैर बाबत
 रोय दिया करती
 भर बा, बा छोरी भी नी
 जिकी गांव रै जोवन नै
 कांकड़ रै सुन्याड़ में
 मियां-मियां सबदां सूं नी
 बां सबदां रै लारै लुकयोड़ी
 भेक उतावली हाफ सूं भरथ दिया करती ।

अठे घणी चतराई सूं गांवां सूं होळ-होळ खतम हुवती अपणायत भर दिनुं दिन मिटती यौवन री अल्हड़ता रो अंकण हुयी है । इसा एक नहीं, दसूं बदलावां नै राजस्थानी रा अं तूँवा कवि आपरी कवितावां में घणै जतन सूं मांड्या है ।

हिन्दी तूँवी कवितां करतां राजस्थानी तूँवी कविता री दूजी जकी बात आप कानी ध्यान खींचै है, बा है-अपणायत री । राजस्थानी रो तूँवी कवि कठे आंख मींचैर हिन्दी रै तू वां कवियां रै माफिक आपरी समूळी जूनी परम्परावां भर हस्तियां रो विरोध नीं करयो है, इन रै विपरीत बो तो खुद कैवै-‘म्हारी इच्छा है’कै राजस्थानी रो तूँवी-नकोर कवी ‘आप’ री खोज में अणमणो चायै रैवै पण आपरी ‘हवा’ भर ‘हरणी’ रै बिचाळै अणसंधो नीं बणै । मरुभर री रेत-रमतां में अपणायत जाडी है ।” (मणि मधुकर, राजस्थानी अंक)

मणि मधुकर री ईं बात नै राजस्थानी तूँवी कविता रा दूआ समरथ कवि तेजसिह जोषा दूजै ढब यूं मांडैकै “राजस्थानी कविता नै जे नुं वै-बोध रै साथ सालरणो है तो उण नै कथण रै ढाळै भर सबदां नै टाळण में राजस्थानी माटी री सौरभ सांभैर रैवणो पड़सी ।” आपरी भरती रो मो. गाढो हेत पक्काई राजस्थानी तूँवी कवियां री हैसियत बचावै ।

सेबट में इतनी ही कैवणी है कि हिन्दी-करता राजस्थानी की नूंची कविता तो पक्काई लार है, खास करने 'वस्तु' और भाव-क्षेत्र की विस्तार की दीठ सूं ओजू' राजस्थानी नूंची कविता ने कई मंजलां पार करणी है, पण अठै संतोष इतनी ही है कि श्री कन्हैयालाल सेठियां, डा० नारायणसिंह भाटी और श्री सत्यप्रकाश जोशी जिस्सा जूनी पीढी रा समर्थ लिखारा भी नूंची कविता के मोड़-मिजाज ने समझण ने प्रयत्नणील है और नूंची और जूनी पीढियां के कवियां के सांचो प्रवास ही आज की कविता ने मंटी बणासी ।

राजस्थानी महाविद्यालय
कोट भूतली (राजस्थान)



राजस्थानी की साहित्यिक पत्रकारिता

श्री रावत सारस्वत

समाज सुधार की लहर के साथ प्रवासी राजस्थानी लेखकों वृद्ध-विवाह, दहेज, जीमण आदि के बारे में जिक्री रचनाओं की, वे बखत-बखत पर उन समेकित छापा में छपती रहीं। 'वैश्वोपकारक' में छपी शिवचन्द्र भरतिया की रचनाओं भी वहाँ में सूँ ही।

साहित्यिक पत्रकारिता के दूजो दौर राजस्थानी के पुनर्जागरण में लाग्योड़ा वहाँ विद्वानों के सुरू करयोड़ो है, जिका स्कूल कालेज की पत्रिकाओं अर सोध-खोज की तिमाही-छमाही पत्रिकाओं में राजस्थानी रचनाओं छपवाई। बिड़ला कालेज की पत्रिका में सूर्यकरणजी पारीक अर दूजा लोगों की राजस्थानी रचनाओं छपी। कलकत्ता की राजस्थान रिसर्च सोसायटी सूँ, निकलणवाळ 'राजस्थान' पत्र में अर बाद में 'राजस्थानी' में भी नई-पुरानी राजस्थानी रचनाओं छपी।

इण नई चाल में राजस्थान के साप्ताहिक अर दूजा पत्रों में तो राजस्थानी रचनाओं छपण लाग ई गई ही, पण 'हंस' अर 'विशाल भारत' जिका पत्रों में भी राजस्थानी नई जगों मिलणी सुरू होगी ही। 'हंस' में तो राजस्थानी खातर न्यारा परामर्शदाता सम्पादक भी हँ।

यूँ फुटकर रूपसूँ राजस्थानी साहित्य के प्रकाशन के काम हिन्दी पत्रों में चालू हुगयो हो पण राजस्थानी भासा अर साहित्य की न्यारी पत्रिकाओं के सिलसिले सायद १९५३ में 'मरुवाणी' के साथ ई सुरू हुयो। इण पत्रिका में राजस्थानी की नई-पुरानी रचनाओं के साथ-साथ सोध-खोज अर दूजा विसयों पर भी राजस्थानी में रचनाओं छपणी सुरू हुई। पत्रिका के लारला १६-१७ बरसों में एकसौ सूँ भी वैसे नया लेखकों-कवियों नई प्रकाशन मिल्यो अर राजस्थानी लेखकों की जमात में बढ़ोतरी हुई।

आजादी के पछे राजस्थानी खातर काम करणिया लोगों में एक नयो जोस आयो अर कई सोध संस्थानों की थापना हुई, ज्यारा मुखपत्रों में भी नई-पुरानी

राजस्थानी रचनावां छपण लागीं । विसाळ री 'वरदा', पिलाणी री 'महभारती' चोपासणी री 'परंपरा', बोहंदा री 'वाणी' अर फेर 'लोक संस्कृति', उदयपुर री 'सोधपत्रिका', बीकानेर री 'राजस्थान भारती', बीकानेर री ही 'वैचारिकी' अर 'विश्वम्भरा', हूंगरपुर री 'वाग्वर', कोटा री 'हाडोती पत्रिका' अर फेर 'चिदम्बरा' आद पत्रिकावां में राजस्थानी रचनावां भी छपण लागीं । स्कूलां-कालेजां री पत्रिकावां में 'राजस्थानी विभाग' सुरू हुया अर वां में भी अनेक उपयोगी रचनावां छपी । इसी पत्रिकावां री सूची घणी लांबी है अर हाल इणरी पूरी छाप-जीण होणी बाकी है ।

'भरुवाणी' री सैली पर राजस्थानी रा न्यारा छपा काठण में दूची पढ़न करी रतनगंढ रा किसोर कल्पनाकांत, जिका 'ओळमों निकाळघो अर धठे रा ही अद्भुत नास्त्री, जिका 'कुरजां' नांवरो छापो निकाळघो । 'कुरजां' तो एकाम अंक पद्ये ही बंद हुयो पण 'ओळमों' कंदे मासिक, कंदे पाक्षिक, चाल्यां जाय है । 'ओळमों' रें मारफत किसोरजी राजस्थानी री जिकी जोत जगाई है, या घणा बरसां नाई दूर-दूर तक परगास बिखेरनी रहसी । 'ओळमों' रें मारफत काव्य, कहाणी अर अनुवाद री अनेक ऊंचे दरजे री रचनावां सामें आई है । ओळमों अर किसोरजी री प्रेरणा मू बीसां-तीसां नयां लेखक अर अनेक ग्रंथ राजस्थानी में जुड़्या है ।

बीकानेर राजस्थानी रो घर रैयो है अर अवार भी राजस्थानी रो सत्रमूं बेसी काम बीकानेर टाळ दूजी कोई जगां सायद ई होतो हुयै । दण कारण ई बीकानेर में राजस्थानी भाषा साहित्य संगम री थापना करी गई, जिको एक ठीक कदम हो । बीकानेर री सोध पत्रिकावां नें छोड़र कई मासिक अर तिमाही पत्रिकावां भी राजस्थानी रें प्रचार-प्रसार सारू सामें आई । मूळचन्दजी 'प्राणेश' री 'जलमभोम' कई चोमा अंक निकाळ्या । काव्य, कथा, हास्य आद री कई संप्रहजोग कृतियां 'जलमभोम' री देण है । माणक तिवारी वन्धु री 'मूमल' भी कई अंकां ताई आपरें डग मूं आज रें राजस्थानी साहित्य री सेवा करती रैयी । अवार डा० मेघराज रो 'हिनो' ऊंचे दरजे री राजस्थानी रचनावां छापे है ।

जोधपुर मूं डॉक्टर फल्याणसिंह सेखावत रो राजस्थानी प्रेम 'प्रोत्खान' नांवें सूं प्रगट हुयो अर कुछ अंक देखण में आया । पास्त अगोड़ा रो 'जाणकारी' भी आज रें डंग री नुं बी कोसीस ह्यी । 'जिलते दीप' नांव मूं सामाहिक भी डेट राजस्थानी में समूचो निकाळघो । 'ललकार' आद साप्ताहिक पत्र राजस्थानी गद्य-पद्य री रचनावां अर समीक्षावां छापता ई रैवै है ।

अभी जयपुर मूं बुद्धिप्रकाश पारीक 'ईसरलाट' नांव मूं हूंडाड़ी-प्रधान राजस्थानी रो एक छापो निकाळ रैया है, जिणरा ५-६ अंक देखण में आया है । जयपुर

सू 'राजस्थानी एक' अंक पछै 'राजस्थानी दो' नांव सू' एक धारावाहिक प्रकाशन, जिणनै पत्र भी कैयो जा सकै, तेजासिंह जोधा निकाल्यो हो । तीसरो अंक निकल नीं पायो । यां सब कोसीसां में सिरै काम है सत्यप्रकाश जोसी रो, जिका वंदई में बैठ्या 'हरावळ' नांव रो छापो निकाल्यो अर अवार भी निकालता जा रघा है । इणनै नंद भारद्वाज रो सहयोग भी मिल्यो अर छपाई भी जोधपुर सू' चालू हुई । छपाई-सफाई, रचनावां, विग्यापन अर आवरण आद रो नजर सू' ओ छापो सरावां जिसो है ।

बंदई सू भी पैलां कलकत्ते सू' रतनसाह अर वांरा साथी अबू शर्मा राजस्थानी प्रचारिणी सभा रै मुखपत्र रै रूप में 'लाडेसर' निकाल्यो, जिण री घूम राजस्थानी रै लूँठे हिमायती रै रूप में रैयी । कलकत्तो राजस्थानी बोलण वाला लोगां रो सबसू बड़ो सहूर मान्यो जावै । इण कारण 'लाडेसर' रो प्रकाशन बिसेस महत्व राखै ।

'लाडेसर' स्थगित हयां पछै अबू शर्मा 'सरवर', 'म्हारो देस' अर 'नैनसी' नांव सू' तीन पत्र निकलवाया, जिका में सू 'नैनसी' हाल में ई चालू हुयो है । अबू शर्मा री कोसीसां इण बात री साख भरै कै वारै मन में राजस्थानी खातर कीं करण री किती लगन है ।

राजस्थान साहित्य अकादमी रै मुख पत्र 'मधुमती' में राजस्थानी री फुटकर रचनावां छपती आई ही पण राजस्थानी भाषा-साहित्य संगम री धापना रै पछै 'जागती-जोत' नांव सू' एक न्यारो तिमाही छापो अवार चालू होग्यो है, जिण रा कुछेक अंक छप्या है । कई वरसां पैलां जयपुर सू' इणी नांव रो एक दैनिक पत्र भी राजस्थानी भासा में छपतो हो ।

एक और कैवण-सुणण जोग कोसीस हाड़ोती सू' प्रेमजी 'प्रेम' करी जिका चोमळ नांव सू' हाड़ोती प्रधान राजस्थानी री पत्रिका निकाली ।

राजस्थानी साहित्य नै छापणियां इण पत्र-पत्रिकावां री मोटी जाणकारी करघां पछै असल में आ वात देखणै री जरूरत है कै राजस्थानी रो काम इण पत्रां रै मोरफत किती आगे बढ़यो है अर आजरी राजस्थानी नै किण ढंग री पत्रकारिता री जरूरत है ।

ओ विचार करतां वखत आपां वां पत्रां नै तो टाळर चाल सकां, जिका पुराणै साहित्य नै छापै या आपरी तिमाही पत्रिकावां में छड़ी-बिछड़ी आपरी या आपरा मित्रां री नई रचनावां भी छाप देव । हिन्दी पत्रां में छपण वाली फुटकर रचनावां सू' भी आपणै विसैरो खास सम्बन्ध कोनी । विसुद्ध राजस्थानी भासा में राजस्थानी रचनावां छापण बाळा पत्रां री चरचा करणी ठीक रहसी । इण भांतरा पत्रां में मरवाणी,

दशवक, जोळमो, हेलो, इसरलाट, जागतीजोत, चामळ अर नैणती है, जिका आजरे दिन चाळू है ।

छापाखानां अर छापां रा काम इसा धंधा बणग्या, ज्यारे खातर कोई सास पढ़ाई-लिखाई या कामकाजी ग्यान री जरूरत कोनी समझी गई । गल्ली-गल्ली में मुलप काळा छापाखाना अर राजनीत रं वेग रं साथ वाढरी ज्यूं छपाई में आवण बाळा छापा इण बात री सबूत है । आ ठीक है या बरसाती पोव ज्यूं लागे, ज्यूं ही मतम भी हूय पण इण सूं पत्रकारिता रं घर्ष में स्तर री गिरावट अर धंधे खातर लोगां री निगं में गिरावट तो आई ही है ।

इण व्यवस्था री दोस किणनं दियो जा सकें ? या तो जुग री देण है । राजनीत री देखा-देखी ज़िदगी रं हर क्षेत्र में आगं बढण री धुन में गगळी भांतया लोग भागादोड़ करे तो साहित्य भी अछूतो कियां रंवे । साहित्यिक पत्रकारिता रं गिरते स्तर री जड़ में भी यो ही कारण है ।

पत्र संपादक नें जिण विसयां री चोखी जाणकारी होणी चाहेजे, यांरी विगत उतारी जावे तो सायद ही एकाध सम्पादक उण फसीटी पर सारा उतारे । इमी हालत में राजस्थानी री साहित्यिक पत्रकारिता रं स्तर री बात करी ही कियां जा सकें ? संपादन नें आजरे पत्र रं उद्देश्य मुजब अर छपण वाला अंक री कोई सास मनसाद हूयें तो लग रं मुजब भी रचनावां न केवल छांटणी चार्जे पण चला'र निगवाणी भी चाईजें । अंक री समूची रूपरेखा बणा'र काफी पैसा सूं विसय रा मानीता लोगां नें निग'र रचनावां लिखवाणी, वांनं जांचणी अर जरूरत हूयें तो लेखकां सूं सुधारवाणी या शुद्ध सुधारणा तथा जरूरत मुजब फुटनोट, उद्धरण, स्केच आद सूं संपादित करणी चाईजे ।

इण भांत संपादक नें बस पढ़ता आजरे छाप में छपवाळा दर रचना अर उण रं विसय री मोटीमोटी जाणकारी होणी जरूरी है । संपादक री बहुपटित अर बहु-श्रुत होणे इण वास्तै ही जरूरी है । जिका संपादक मात्र कवि, कलापीनार या किला विसैस सूं बांध्योड़ा अर आग्रहपूर्ण है, वं एकांगी पत्र ही निकल सकें, समय राजस्थानी नें समेटणिया नीं बण सकें । देखण में आई है कं छंदबद्ध कवितावां में भी गति, तुक, मय आद री अनेक गळतियां छपे, जिकी न तो कवि खातर अर न संपादक खातर ही मोभा री बात कैयी जा सकें ।

संपादन री मतलब कविता, कहानी, लेसां नें आगे-पीछे डेयर स्थाप देणे ही कोनी । पाठक री दिलचस्पी अर पत्र री रोचकता बणाई राखणी जरूरी है । अडे ताईं भी ध्यान राखण री जरूरत है कं क्रम सूं पढण वाला पाठक रं मन पर एक रं पलै एक

रचना रो कोई असर पड़सी । इत्ती गहराई में हूब'र संपादन करणें सूँ ही पत्र बासी
 छुब संपादक री ममता जाग सकें, पाठकां री बात तो बाद में हुवै ।

पत्र री रीत-नीत सूँ मेळ नीं खावण वाळी रचनावां यां तो छापी ही नीं
 जावें अर जे छापी भी जावें तो संपादकीय नजर सूँ टीका-टीपणी भी मांड दी जाणी
 चाईज, जिण सूँ पाठक भ्रम में नीं रवै ।

विसय वस्तु री बातों तो घणी है अर बां में घणी गहराई सूँ जावण री
 जरूरत भी है, पण छपाई-सफाई अर भासा री गळतियां वाव्रत ध्यान देणो तो पैलो काम
 है । सायद थोड़ा ही संपादक छापाखाने री कळा जाणै । कागजां रें ओकार अर गुण
 अर छपाई री कळा री वारीकियां जाणो बिना संपादक चोखी छपाई किया करवा सकै ?
 सायद ही कोई संपादक ले आउट, डिजाइन अर हूजी सजावटां कानी ध्यान देतो हुवै ।
 इसी लियाकत भी कम ही मिलै । 'ओळमों' रा संपादक किसोर कल्पनाकांत इण रा
 अपवाद कैया जा सकै ।

प्रायः संपादक तो सायद प्रेस में सामग्री सूँ पर निचंत हो जावें अर प्रूफ
 री नांव पर जी-राजी कर पत्र नें छपवा लेवै । प्रूफ पढ़णो अपणै आप में एक कळा है
 अर इण कमी सूँ आपणा अखवार गळतियां सूँ भरघारैवै । प्राचीन साहित्य रा
 उदाहरण अर संस्कृत रा उद्धरण जादातर गळत छवै । इण रा खास कारण संपादकां
 रो खुदरो अग्र्यान, प्रूफ री कळा जाणण री कमी अर साथ ही लापरवाही भी है ।

ऊपरलै पाने री सजावट अर मांय भी जरूरत मुजब स्केच, चित्र आद देवण
 में राजस्थानी पत्रां री ओकात खास कारण है । कलेंडरां री सस्ती लाल-पीळी तस्वीरां
 छापणें सूँ आजरै साहित्य रा पाठकां रो मन नीं रीकै । इण री वजाय तो आप क्यूं भी
 नीं देवो तो ठीक है । इसा ही वें पत्र भी है जिका एक ही तस्वीर नें हर अंक में पीढ़ियां
 जावें अर इण भांत पाठकां खातर अरुचि पैदा करै । साहित्यिक पत्रां री साज-सजावट में
 सुरुचि होणी चाईज अर सस्ती वजारू तस्वीरां नें नीं छापणो ही ठीक है ।

सब सूँ मोटी बात राजस्थानी पत्रां री न्यारी-न्यारी भासावां अर बांरी न्यारी-
 न्यारी वक्तनियां है । या ठीक है कं भासा रो सरवमानीतो रूप ढळण में हाल थोड़ी
 ओर देर लागसी पण इण रो यो मतलब तो कोनी कं आप मन में आवै ज्यूं ही क्षेत्रीयता
 रें नांव पर आप-आप री बोलियां नें राजस्थानी रें नांव पर मांडता जावो । इण होड़ अर
 दोड़ रो अन्त तो कदे आसी ही कोनी । आज रें जमाने में जद संचार अर संवाद रा इत्ता
 सांरा साधन हैं तो क्यूं नीं मिल बैठ'र कुछेक मूळभूत फंसला कर लिया जावै, जिकां नें
 सगळा पत्रां में मान्या जावै जे यां बात नीं पार पड़ी तो हूदाड़ी, हांडोती, भारवाड़ी आद

री क्षेत्रीय बोलियां रा पत्रां रा दायरा आज-आपरा सीयां में ही रहीं अर समूचें राजस्थानी क्षेत्र नें वै कदे भी कोनी पकड़ सकें ।

साहित्यिक पत्रां रा दो पहलू और भी हैं—एक तो बांरी आर्थिक स्वावलंबी पणो अर दूजो ठीक वखत पर निकळणो । पीस-टर्क कानी सूं किणी रें मूँट कानी नों देखणो पड़ै, इण वास्तै तो अखवार रा नियमित अर चोखी संख्या में प्राहक ही होणा जरूरी कोनी पण उणरें विकास सारू विग्यापनां या और कोर्ट भांत री मदद भी बनी जरूरी है । पत्र भलां ही साहित्यिक हो या और कोई ढंग रों, उणरो व्यावसायिक पक्ष सबळो होणो ही चाये । या कमजोरी पत्र नें ले बैठे अर काम करणियां नें परेसान अर निरास कर देवें ।

पत्र री नियमितता में भी पीस-टर्क री गिरती हालत कारण बछे पण पीसो होतां हुआं भी सामग्री री कमी, प्रेस री दिक्कत अर काम करणियां री छीन रें कारण नियमितता में खलल पड़ती देखी है । प्रायः पत्रां रों संपादन सेवा भाय सूं किमो जाय या फेर संपादक-संचालक उणनं घंघो बणायो रातें । हर काम सातर न्यारो अर विसम री जाणकार आदमी जरूरी है अर वो भी आर्थिक सबन्ध रें आधार पर आज रें जमाने में कोई भी साथी सूं लगातार सेवा री उम्मीद करणी या मामूली मानदेय पर काम सेनां ठीक कोनी । ठीक-ठाक महनतानो मित्यां ही काम में दिननस्ती बणी रंगें । रनि मूं पहलां आदमी री निजी जरूरतां कानी ध्यान देणो पड़ै । ठीक महनतानां पर रनि संपादन संपादक या व्यवस्थापक मिलणो जितो सरल है वो मामूली मानदेय पर संभव कोनी । संपादक एकलो ही प्रूफ रीडर, पत्राचार करणियो, हिसाब-बिताब निमणियो, रिस्तेन करणियो अर 'पीर-बवरची-भिस्ती-खर' बणे, या यात बेसी दिन निभें कोनी । निम्नापन खातर भी अनुभवी सहायक री जरूरत है ।

इण री मतलब यो कं पत्र-प्रकासन नें बाकायदा धन्धे रें रूप में पणाणो पड़ै अर इण खातर पूंजी चाये । साल भर रा अगळ दाम अर काम करणियां लोगां बिना जिका छाप सुरू कर्या जावें, वे अगळ मोत मरें तो कोई अनरज री बात कोनी । अखवार रों पैलड़ो अंक जिसो छपे, उण सूं इधका अक लगे-लग गगत-भिर निकळता जावें, जद ही लोगां रों विसवास जम सकें अर विसवास मूं ही आगे री मोद बणे ।

साहित्य रें नांव पर जठे ताईं गरिष्ट सामग्री दी जाती रहसी अर साधारण साहित्य प्रेमी रें मनोरंजन री चीजां कम रहसी तो छापो जात दिन कोनी चालें । साधारण साहित्य प्रेमी जिण में रस ले सकें, उण ढंग रें साहित्यिक पत्रां रों ही अनिवार्य है, बाकी तो कुछेक लोगां रें मन वहलाव री चीज ही बण्या रह सकें ।

... म्हारो अनुभव मा बतावे कै डिमाई अठपेजी रा अड़तालीस पानां रो अख-
 बार नेम सू निकालणे खातर भी छपाई, कागज, ब्लाक, जिल्द, डिस्पैच पर मुल मिला'र
 एक हजार प्रतियां रा एक हजार रुपिया बैठे । अर जे लेखकां नें थोड़ो-घणो भी पैसो तो
 कम सू कम २५०) और जोड़ लेवो । इण रें पछे संपादक, लिपिक, मकान किराये,
 डाकखर्च, स्टेशनरी, टाइपखर्च आदरो मासिक खर्च कम सू कम ५००) महीनो और
 लगावो । यूँ आपन १७५०) मासिक रें हिसाब सू साल रा २१०००) रुपिया तो पहलां
 चाईजें ही । कागज री एडवांस खरीद, प्रेस नें पेसगी, विसेसांकां खातर न्यारो खरब
 आद अनेक बातों पर ध्यान देणो पड़े । आज कुणसो इसो पत्र है, जिण रें कनें इसा
 साधन है । हां, अकादमी री बात टाल देवो ।

जद या व्यवस्था नीं है तो फेर जियां-कियां काम धिकाणो पड़े अर फेर
 सगळी सिकायतां फिजूल है । इसी हालत में तो अखबार चालता रें वें या ही अचरज री
 बात है । सरकारी एक मुश्त खरीद री सभावना हर वरस संभावना वणी रेंवें अर
 विग्यापनां रो भी कोई पक्को ठोड़-ठिकाणो कोनी । आज विग्यापन भी साहित्यिक पत्रां
 सारू तो महरबानी री चीज ही है । वां कनें न तो कोई भांत रो दबाव है अर न इसी
 मन बहलाव री सामग्री, जिण सू विग्यापन डेवण-वाळा आपरो फायदो देखै । असल में
 साहित्यिक पत्रां रो भविष्य चोखो कोनी कैयो जा सकै । अमरीका जिसा संपन्न देसां में
 भी साहित्यिक पत्र बन्द हुवता रेंवें । इण वास्तै पत्रां नें निरा साहित्यिक नीं राख'र
 मित्या-जुल्या वणाणा चाईजें, जिण सू परिवार रा सगळा सदस्य उण नें रचि सू पढ
 सकै । जिण पत्र री उडीक पाठका नें नीं लागी रेंवें, वारें चालता रहणें में संका ही
 समझो ।

दूजी बात साहित्यिक पत्रां रें उद्देश्य री है । प्राय पत्र जो भी सामग्री भेळी
 हुवै, उण नें एक अंक में छापण नें ही संपादन समझै । वारी कोई आपरी नीति कोनी ।
 ज्यादा सू ज्यादा नये-पुराणे ढंग रें साहित्य रा दो खेमा वण्णा दीखै । उणां में भी नये
 खेमे रा संपादक बस-पढ़तां पुराण खेमे रा लोगां री रचनावां कमती छापणी चावै । इण
 सू बेसी कोई नीति वां कनें कोनी । वें कुछेक लोगां नें या आपरी भिन्न संबल्ली रा लोगां
 री रचनावां नें छापणें में ही सफळता मानै ।

आज रें राजस्थानी साहित्य नें जनरचि नें पकड़ण री जरूरत है । जे
 राजस्थानी बोलणियो आम आदमी आज रें साहित्य नें नीं समझ सकै अर उण में रस
 नीं ले सकें तो उण साहित्य सू काई फायदो ? फेर वारें भावै साहित्य जिसो राजस्थानी
 में है, बिसो ही हिन्दी में । राजस्थानी भासा रें प्रचार-प्रसार रें मूळ में या घणी बड़ी
 बात है कै उण नें राजस्थान रें आम आदमी री भासा बणतो है । जे इण भावना री

खुदाजी नीं करी गई तो सगळो कात्यो-पीन्या कपास हां समझो । पुष्टेक लोगो रो संहित्यक-नांवधारी पोथ्यां छापणी अर वांनै स्कूलां-कालेजां, वाचनाव्यां रो आलमारयां में बूझो रो परतां-ओर्डे'र पटकी रेंवण देणे रो ही काम हो तो राजस्थानी पातर दस्ता रोळा करणा बेकार हा । जिकी बात पोथ्यां पर लागू हुवे वा ही पत्रां पर । पत्रां नी भी इसी रचनावां सूं वचणो चाईजे । साहित्य जे जनता सूं दूर सरतनी जासी तो जनता आजरा 'गुलसननंदा' हूँड लेसी । इण में जनता रो कोई दोस नीं ।

या बात पत्र-पत्रिकावां रें उद्देश्य बाबत चरना करतां कहणी पड़ी । भासा रें साथ ही विसय रो बात भी है । रचनावां रा विनय भी जनता रा मन भासा पर रात-दिन रो समस्यावां रा हुवे, जद ही लोग वांनै नावतू पटै । घणायरा लेक आपरी रचनावां में आम आदमी रो दरद दिवाण रो बात तो करे पण वो दरद बांरी भासा अर भावां नै प्रकट करणे रो मंली में दव-चिव'र घुट'र मर जावै, पाठकां ताईं पूग ही कोनी सकै । इण सूं एक बात साफ है की जनता रो साहित्य अर साहित्यकारां रो साहित्य-वो न्यारी-न्यारी चीजां है । जनगचि नै मांजणी अर ऊची उठाणी जे साहित्यकारां रें वणती में नीं आई तो और घणा ही दुजा रस्ता है, जिणां नू नीने दरजे रो हळकी चीजां वां कने पूग जासी । राजस्थानी रा पत्रां नै इन बात कानी साम घान देणो है ।

सबसूं बड़ो सवाल है—भासा रो अकल्पता । कोई भी क्षेत्रीय बोली नै दावणो या हूजे क्षेत्र रो बोली नै उण पर लादणो तां ठीक नीं है, पण संवादक नै भविष्य कानी निजर राख'र इस तरीके सूं न्यारा-न्यारा क्षेत्रां रा लेकां रो बोचियां नै धीरे-धीरे मोड़ देणो है, जिण सूं वे जी दोरो करणां बिना ही राजस्थानी रें अकल्प में मिल जावै ।

यो काम घणो नाजुक अर घणी व्यावस रो है । भासा नै मंज करणी अर उण रो रूप संवारणो कोई मामूली काम कोनी । जिकी संपादक यो काम कर सकनी, वो ही राजस्थानी नै वणाणे रो सेवरो बांधली । दुरभाग सूं बहोत घोटा राजस्थानी लेखक भासा रें आपरें आप्रह नै छोड़ सकै । ये समझै वे गिल देसी, जिकी ही नष्टपष्ट भासा बण जासी । यो सायद बांरो भरम ही है । यो कान वो संपादक करनी, जिकी राजस्थानी रो कोई रोजीना रो छापो काडसी, मासिक या साप्ताहिक पत्र सायद वो कम कोनी कर सकै ।

राजस्थानी लोकसाहित्य रो संग्रहः

संपादन अर विवेचन

श्री दीनदयाल श्रोत्रा

राजस्थानी लोक-साहित्य र संग्रह, संपादन अर विवेचन रो काम तो उण दिन सूं सुरु हुग्यो हो, जिण दिन सूं राजस्थान र वैवासी भाई-बैहणां अर मातावां इण गीतां नै चुण-चुण याद करणा सुरु किया, आछैं-आछैं गीतां री चरचा कर व्याव-मेळा, देवी-देवताआं आदि रा गीत न्यारा-न्यारा किया । पण इण सगळें काम रो ओपतो अर विधिवत् काम कद सुरु हुयो, इण काम र लारै किण री प्रेरणा ही, सुरु में किण-किण साधकां इणनै आगे बधायो आदि-आदि सवाल, लोक-साहित्य र संग्रह, संपादन अर विवेचन री चर्चा करती वेळा सहज भाव सूं पैदा हुवै ।

इण सवालां र उथळें में जद लारलै बरसां में करियोडो काम देख्यो जावै तो इसी मालूम पडै के लोक-साहित्य माथें काम करण री प्रेरणा भारत र विद्वानां नै अंग्रेजी विद्वानां सूं मिळी । अंग्रेजां र सासन में भारत में ऊंचै-ऊंचै पदां पर जिका अंग्रेज अफसर अर ईसाई-पादरी समय-समय माथें आया, वां लोक-साहित्य पर काम कियो । इणरै बाद अंग्रेजी विद्वानां र सागै-सागै केई भारतीय विद्वानां पण लोक साहित्य माथें सरावण जोग काम कियो । पण ओ सगळो काम अंग्रेजी भाषा में हुयो अर इणरो पढणो-समझणो पढे-लिखे लोगां-ताई सीमित रैयो ।

हिन्दी में सुरंगै ढंग सूं लोक साहित्य नै राखण रो पुखता अर सबळो काम श्री रामनरेश त्रिपाठी 'कविता-कौमुदी' र पांचवें भाग (सन् १९२६) में कियो । इण दिसा में राजस्थानी लोक-साहित्य री दीठ सूं 'मारवाडी गीत संग्रह' राजस्थान र रैवासियां अर प्रवासियां-सारू घणा प्रेरणादायी रैया । कलकत्तै में श्री रामदेव चौखानी, श्री रघुनाथप्रसाद सिन्हाणिया अर श्री भगवतीप्रसाद रै प्रयत्न सूं "राजस्थान रिसर्च सोसाइटी" री थरपना हुई । इण सोसाइटी सूं "राजस्थान" नाम री शोध-पत्रिका रो

प्रकाशन हुयो, जिण में लोक-साहित्य नै विधिवत् स्थान मिलन लागी। सर्व श्री नरोत्तमदास स्वामी, मुरलीधर व्यास, स्व० ठाकुर रामसिंह, स्व० सूर्यकरण पारीक, अगरचन्द नाहटा आदि-आदि लोक-साहित्य रै मोकळ हेताळ्ळां इण पत्रिका रै साथरै अनेक राजस्थानी लोकगीत, लोककथावां, लोकोक्तियां अर मुहवरा छपवाया ।

इण रै बाद ज्यू-ज्यू भारत रै दूजें प्रान्तां में लोक-साहित्य रो पुनर्नो काम हुवण लागी, त्यू-त्यू राजस्थान में भी चारू दिशावां में लोक-साहित्य रो काम चालू हुयो ।

इण सगळें काम नै आलोचना री दीठ सून तीन वर्गा में बांटयो जाय सकै है:-

१. व्यक्तिगत रूप में—जिण लोगां अन्तः प्रेरणा सून बिना किणी संस्था री सहायता रै लोक-साहित्य रै संग्रह, संपादन अर प्रकाशन रो काम कियो, बां रो काम इण प्रयास रै अन्तर्गत राख्यो जाय सकै ।
२. संस्थागत रूप में—राजस्थान रै साहित्यानुसंगियां राजस्थानी लोक-साहित्य री दिसा में काम करण-सारू कई संस्थावां री धरपना करी अर उन संस्थावां रै माध्यम सून लोक-साहित्य रो संग्रह, संपादन अर प्रकाशन हुयो ।
३. शोध रूप में —जद सून लोक-साहित्य नै विषयविद्यालयों में भी स्थान मिलन लागी, मोकळें विद्वानां आपरै शोध प्रबंधां अर मनु-शोध-प्रबंधां रो विषय लोक-साहित्य कियो अर उन माथें 'टाइटल' री उपाधी प्राप्त करी ।

व्यक्तिगत प्रयास रै रूप में अनेक साहित्य-प्रेमियां काम कियो । बां में सर्व श्री खेताराम माली,^१ मदनलाल वैश्य,^२ निहालचन्द वर्मा,^३ तारानन्द ओझा,^४ जगदीशसिंह गहलोत,^५ सागरमल गोपा,^६ आदि-आदि रा नाम यास तीर सून उल्लेख-जोग है । इणरै बाद सर्वश्री नरोत्तमदास स्वामी, ठा. रामसिंह, सूर्यकरण पारीक, मुरलीधर व्यास, विद्याधर शास्त्री, डा० मनोहर शर्मा, रावत सारस्वत, अगरचन्द नाहटा, डा० कन्हैयालाल सहल, रानी लक्ष्मीकुमारी चूडावत, गणपति स्वाधी, गींदाराम वर्मा, श्रीलाल मिश्र, दीनदयाल ओझा, मोहनलाल पुरोहित, कोमल कोठारी, विजयदान देवा, डा० पुरुषोत्तम मेनारिया, डा० गहेन्द्र-भानुवत, गोविन्द अग्रवाल आदि-आदि मोकळा लोक साहित्य मर्मज्ञ आगै आया अर इण विद्वानां लोक-साहित्य री विविध विधावां माथें सारावण-जोग काम कियो पण समीक्षात्मक दृष्टि सून देख्यो जावें तो एकरै विद्वानां रो ध्यान लोक-साहित्य री वैज्ञानिक अध्ययन पद्धति कानी कम रैयो अर परिचयात्मक दृष्टि सून ई धणो काम हुयो ।

जिण संस्थाओं रै सबळै सायरै लोक-साहित्य री मोकळी सामग्री प्रकाश में आई, उण संस्थावां में राजस्थान रिसर्च सोसाइटी कलकत्ता, बिड़ला ऐज्युकेशन ट्रस्ट, पिलाणी सादूल राजस्थानी रिसर्च इन्स्टीट्यूट बीकानेर, साहित्य संस्थान उदयपुर, भारतीय कला मण्डल उदयपुर, राजस्थान भाषा प्रचार सभा जयपुर, राजस्थान साहित्य समिति बिसाऊ, राजस्थानी शोध संस्थान जोधपुर, भारतीय विद्यामन्दिर शोध प्रतिष्ठान, बीकानेर हिन्दी विश्वभारती, बीकानेर, राजस्थान साहित्य अकादमी (संगम) उदयपुर, राजस्थान संगीत नाटक अकादमी, जोधपुर, रूपायन संस्थान बोरूँदा (जोधपुर), राजस्थान संस्कृति परिषद् जयपुर आदि-आदि रा नाम उल्लेख-जोग है ।

इण संस्थाओं रै सगळै प्रकाशित साहित्य रो मोल-तोल समीक्षा री दीठ सूँ कियो जावै तो आ बात कैई जाय सकै कै घणकरी संस्थाओं लोक-साहित्य रो संकलन, संपादन अर प्रकाशन रो कार्य तो जरूर कियो, पण उणरी आत्मा रो परिचय करावण बाळो काम कैई संस्थाओं आप-आपरै प्रकाशित पत्रां रै विशेषांकां रै सायरै कियो । उदाहरण—स्वरूप महभारती, परम्परा, वरदा, मरुवाणी, रंगायन, राजस्थान भारती, वाणी अर संस्कृति आदि-आदि रा विशेषांक इण दीठ सूँ उल्लेख जोग है । इण विशेषांकां में राजस्थानी लोक साहित्य री समीक्षा राजस्थान री संस्कृति अर आत्मा रै परिप्रेक्ष्य में हुई है । राजस्थान रा ई नहीं, भारत रै दूर्ज प्रांतां बाळां भी इण विशेषांकां री मोकळी सरावणा करी है । जरूरत है इण तरै रै विशेषांकां नै और आछै रूप में अर विविध विधावां माथै निकालण री ।

‘डाक्टर’ री उपाधि अर एम० ए० री परीक्षा में आछा अंक प्राप्त करण—सारू लोक साहित्य रै विविध विषयां माथै मोकळै शोधार्थियां शोध-प्रबन्ध अर लघु-शोध-प्रबन्ध लिख्या । इण दिशा में डा० कन्हैयालाल सहल डा० महेन्द्र भानावत, डा० राम-गोपाल गोयल, डा० भगवतीलाल शर्मा, डा० कन्हैयालाल शर्मा आदि-आदि रा नाम गिनाया जाय सकै है । इण विद्वानां कहावतां, रम्मतां, लोकगीतां, प्रेमाख्यानां अर लोक साहित्य री दूजी मोकळी विधाओं माथै ऊंचे स्तर रो काम कियो ।

समीक्षात्मक व्याख्या री दीठ सूँ महभारती, शोध पत्रिका, राजस्थान भारती परम्परा, वरदा, विश्वभरा, वैचारिकी रै अलावा समय-समय माथै मरुवाणी, ओळमों, रंगायन आदि-आदि पत्रां में भी आछा लेख लोक साहित्य रै विविध विषयां माथै प्रकाशित हुया । इण पत्र पत्रिकावां रै अलावा भारत री महत्वपूर्ण त्रैमासिक पत्रिकावां—सम्मेलन पत्रिका, नागरीप्रचारिणी पत्रिका, आजकल, परिषद् पत्रिका, हिन्दुस्तानी आदि-आदि में भी राजस्थानी लोक-साहित्य री मोकळी सामग्री प्रकाश में आई । प्रकाशित

ग्रन्थों की तुलना में पत्र-पत्रिकाओं में छपण वाली सामग्री खास तौर से सरावण जोग और रसमग्न करण वाली रहे ।

आज इन सगळी जाणकारी के सदर्थ में जेद राजस्थान के विद्वानों द्वारा हुबण वाली लोक-साहित्य के संग्रह, सभादन और प्रकाशना पत्र माथे बिनार किये जावें तो आ बात मालम पड़े के लोक-साहित्य के विषय घणकर लेखकों द्वारा कपी महत्व के नहीं समझयो जाय रैयो है ।

आ बात खास तौर से ध्यान राखण जोग है के लोक-साहित्य के विषय घणो गहरो है और इन माथे काम करण वाली के अध्ययन भी कपी गहरो हुवणो चाईजे । साथे ई राजस्थान के संस्कृति और उणरी आत्मा के सबळी परिचय हुवणो भी जरूरी है । जिका विद्वान इन दिशा-कानी ध्यान राख काम कर रैया है वो के काम कपी आछी सामने आय रैयो है । जे लोक साहित्य के विषय गुजरात और बंगाल प्रान्तों के तरें विश्वविद्यालयों में राखयो जावें तो इन के अध्ययन आछी तरें हुब सके और इन माथे वैज्ञानिक पद्धति से भी काम उजागर हुवे । विश्वविद्यालयों में लोक साहित्य के पठन-पाठन कपी हुवण से जिका पुखता विद्वान इन माथे सामने धावणा चाईजे, बिना आय कपी रैया है ।

इन दिशा में 'फील्ड वर्क' हुवणो जरूरी है । गोध-प्रबंधा के तरें लघु गोध प्रबंध लिखण वाला नै भी 'फील्ड वर्क' करणो जरूरी हुवणो चाईजे, जिन से काम जीवण में बिखर-बोड़ी लोक साहित्य संबंधी मोकड़ी सामग्री पोढ़े आय सके और प्रकाशित सामग्री के पुनरावृत्ति समाप्त हुय सके ।

आज जरूरत इन बात के है के लोकसाहित्य के तलकसवी जाणकारी वैज्ञानिक तरीके से सगळों के सामने आवे । आ तद ई सभय हुय नके, जेद के विश्वविद्यालयों में इनके पठन पाठन हुवे और इन बिधा माथे काम करणिवा विद्वान मुख अध्ययन कर नित नुर्वी सामग्री गांव-गांव घूम प्रकाश में लावण गांव निस्तर राख-दिा भेटवत, करता रेवे ।

किणी भी प्रान्त के लोक साहित्य उण प्रान्त के आत्मा हुवे । जिन तरें ओके साधक आत्मा के साक्षात्कार कपी सबळी साधना के पछे कर सके ठीक उणो तरें एक विद्वान लोक-साहित्य के ग्यान घण अध्ययन के पछे पावे । लोक-साहित्य के लेखक नै इतिहास, संस्कृति, भूगोल, और उण प्रान्त के रीति-रिवाजों के गहरो ग्यान हुवणो चाईजे । इनके-अभाव में कोई भी लेखक लोक-साहित्य के सरावण जोग काम कपी कर सके ।

लोक-साहित्य र लेखक-सारु आ बात भी ध्यान में राखणी जरूरी है कि में कोई इसी जाणकारी तो नहीं देय रैयो हूं, जिण री जाणकारी म्हारै सूं पैली-आळा लेखक अथवा लोक-साहित्य साधक दे चुक्या है। तूंची सूं तूंची जाणकारी साहित्य क्षेत्र में नहीं आवै, तद ताई कोई खास बात नहीं बणै। इण-सारु लोकजीवण सूं गहरो संबध, उण री रीति-रिवाज, आस्था-विश्वास, ओढण-विछावण, खान-पान, बोल-बाल आदि-आदि रो ग्यान जरूरी है।

जे राजस्थान में लोकसाहित्य री चर्चा करी जावै तो चारु कांणी सूं अक आवाज आवै कि राजस्थान री चारु खूंट लोक-साहित्य रो संग्रह कार्य हुय रैयो हैं। सगळी संस्थावां आप-आप री ढीठ में लोक-साहित्य रो काम कियो हैं अर कर रैयो है। पण लारलै दस वरस री काम रो लेखो संभाळ्यो जावै तो निराशा ही हाथ आवै जद कि आज सूं बीस वरस पैली जिकी सामग्री लोक-साहित्य री रूप में सामग्री आई, उणमें नवीनता ही। गुणी विद्वानां लोकजीवण सूं उण सामग्री न भेली कर साहित्य मंच साथै राखी। पण आज सही रूप में देख्यो जावै तो राजस्थान में संस्थावां तो मौकळी है पण गांव गांव घूम-घूम लोक साहित्य नै साहित्यिक-मंच साथै राखण वाली थोड़ी इज है। संग्रह कार्य में स्थान-परिवर्तन तो आज जरूर हुय रैयो है पण नित तूंची सामग्री सूं भंडार नही भरीज रैयो है।

इण बात न स्पष्ट आखरा में यूं भी क्यो जाय सकै कि जिकी विद्वान अर जिकी संस्थावां लोक-साहित्य री संग्रह रो काम कर रैया है, वां री लेखकों रो गांव-गांव सूं न तो गहरो नातो है अर न जण-जीवण सूं रागात्मक संबध ही। लोक-साहित्य रो संग्रह करणवाळा घणकरा विद्वान नगरां रा रैवासी है। गांवां में जावणो वां री बस री बात नहीं। इण खातर ओ संग्रह-कार्य ऊपरी तोर सूं चर्चा रो विषय भलै ई चण जावै पण भंडार भरीजतो नहीं लाग रैयो है।

अमल में लोक-साहित्य रो काम करण वाली संस्थावां री आर्थिक स्थिति भी इसी नहीं है कि उण रा कार्यकर्ता गांव-गांव जाय लोक साहित्य री नित तूंची सामग्री भेली कर लावै। संग्रह-कार्य करावण सारु आज जिण रूप में सरकारी अनुदान इण संस्थावां नै मिलणी चाईजै, उणरी कमी है। विद्वानां री आ क्षमता दिन प्रति दिन घटती जाय रैयो है कि वां गांव-गांव घूमर लोक साहित्य री नित तूंची जाणकारी प्राप्त करै। इण दिशा में जन-जीवण रो सबळो, सखरो अर जीवन्त अध्ययन करावण-सारु नये संदर्भा में सरकार अर संस्थावां रो परस्पर सहयोग जरूरी है। लोक साहित्य रो संरक्षण भी राष्ट्रीय नीति री तरै हुवणो चाईजै। जिण भांत पुराणा खंडहर अर सिलालेख

इतिहास की साख भरें, उणीज भाँत लोक-जीवन र हिवटुँ की घड़कन न मुणावणवाळा ओ लोक गीत अर लोक कथावाँ ईज है । राष्ट्र की इण निधि रो संरक्षण आज र प्रजातंत्र में हुवणी जरूरी है ।

जे इण बातों कानी ध्यान दियो जावै तो लोक-साहित्य रो संग्रह कार्य आछो ओपतो अर नित नूँवो हुय सकै । अठे आ बात भी बनावणी जरूरी है कि लोक-साहित्य रो संग्रह किए पद्धति सूँ कियो जावै, इण पद्धति रो ग्यान हुवणी भी जरूरी है । आज इण विषय रो किणी भी विश्वविद्यालय में पठण पाठन, पाठ्यक्रम नहीं हुवन सूँ लोक-साहित्य में जिकी वैज्ञानिकता आवणी चाईज, वा नहीं ग्यान रंगी है । गुजरात आदि प्रान्तों में जठे लोक साहित्य रो विश्वविद्यालयों में विषय है, वठे लोक-साहित्य रो आछो काम हुय रैयो है । आज जे राजस्थान रे विश्वविद्यालयों में इण विषय रो ग्यान कराणो प्रारंभ कियो जावै तो अठे भी आछो कार्य हुय मरै ।

लोक-साहित्य रो प्रकासन आज दो रूपों में सामने आने— (१) स्वतंत्र पुस्तकों र रूप में अर (२) पत्र-पत्रिकावाँ में लेगा र रूप में । लोक-साहित्य की जिकी प्रकाशित पुस्तकों सामने आय रंडे है, वाँ पुस्तकों में घणासा गीत रंडे है, जिहा पैली घण-करी लोकगीतों की पोथियाँ में प्रकाशित है । हम गीतों रो नूँवे प्रकाशनों में पड़ना प्राप्त करणै की दीठ सूँ तो आछो काम हुय नकै पण लोक साहित्य रो प्रकासन नूँवी सामग्री र संगे हुवणो चाईज-इण बात की पूर्ती में नहीं कर सकै । जे पुराण गीतों रो ईज प्रकासन करणो है तो उण गीत संग्रह रो दूजो संस्करण निकालवो जाय सकै । नूँवे लोक गीत लोक कथा संग्रह र प्रकासन में नूँवा गीत, नूँवी कथावाँ हुवणी चाईज ।

जठे ताँई पत्र-पत्रिकावाँ में लोक साहित्य संबंधी सामग्री र संग्रह रो गवान है, ओकळी रचनावाँ अर लेख पत्र-पत्रिकावाँ में छपे, नित नूँवा लेखक भी सामने आवै पण जद लेखों नै पढ़या जावै तो गीत सागी रा मागी मिलै, गानी पाँच-दस ओठघाँ लेखक आपरो नूँवी जोड़ देवै । आ प्रवृत्ति भाँ सरावण-जोग नहीं करै जाय सकै । लेखक कोई नूँवो गीत, नूँवी लोक कथा, नूँवी बह्दावताँ ले उणाँ पत्र पत्रिकावाँ में छपावै अर उणाँ की पूरी समीक्षा करै जण तो कोई लेख अधवा रचना की साधं बहा है, नहीं तो इण लेखों की कई जरूरत ?

हरख की बात है कि अनेक विद्वान पी-एच० डी० की उपाधि-सारू लोक साहित्य संबंधी विषय लेवै अर शोध-प्रबन्ध प्रस्तुत कर छाकटर बन जावै, पण देराणो ओ है कि वाँरा शोध-प्रबन्ध लोक साहित्य की नूँवी जाणकारी भी देवै हे या छाप्योड़ी सामग्री नै अठीनै-बठीनै सूँ ओक ठंड जोड़र राख देवै है ? साच तो आ है कि घणकरा विद्वान

जिका शोध प्रबन्ध प्रस्तुत करै, छपी-छपाई सामग्री रो ईज घणौसोक उपयोग कर आपरो शोध-प्रबन्ध पूरो कर लेवै । शोध-प्रबन्ध लोक-साहित्य री जिण विधा माथै है, उण विषय नै घणासाक निर्देशक घर परीक्षक भी न जाणै अर न समझै । वै खाली भाषा शैली भलै ई देख लेवै पण दूजी बातां तो नहीं देख सकै । इणरो परिणाम ओ हुवै कै लोक-साहित्य री सामग्री रो शोध प्रबंधां में भी पिण्टपेवण ईज हुवै । तूंधी सामग्री तो थोड़ी ही सामनै आवै । पण इणरो ओ मतलब नीं है कै सगळा ही शोध प्रबंध एक सरसा ईज है ।

राजस्थान लोक-साहित्य री दीठ सूं घणौ समृद्ध है । मात्रा अर गुण रै विचार सूं राजस्थानी लोक साहित्य उच्चकोटि रो है । जैसलमेर, उदयपुर, बांसवाड़ा, बाड़मेर, जालोर आदि-आदि घणकरा इसा क्षेत्र है, जठै रै लोक-साहित्य रो अध्ययन नहीं ज्यूं हुयो है । आज जे राजस्थान सरकार, केन्द्रीय सरकार अर विश्वविद्यालय आप-आप रै स्तर माथै संस्थावां अर विद्यापियां नै सुविधावां जुटावै तो इण क्षेत्रां री घणी आछी सामग्री साहित्य जगत रै सामनै आय सकै । लोक साहित्य रै न्यारै-न्यारै विषयां माथै शोध करणियां गुणी विद्वान भी अर्थाभाव रै कारण गांव गांव जाय लोक साहित्य री सामग्री एकत्रित नहीं कर पाय रैया है । जे लोक साहित्य रो प्रान्तीय स्तर माथै मंच स्थापित हुवै, इणरो प्रतिवर्ष श्रेक जलसो हुवै तो इण दिशा माथै हुयोड़ी अथवा हुवणवाळी प्रगति रो लेखो-जोखो हुय सकै । आज इसे मंच री थरपणा हुवणी चाईजै, जिण माथै लोक-साहित्य रै विविध विषयां री चर्चावां, पत्रवाचन, आगै रै काम री रूपरेखा अर न्यारी न्यारी संस्थावां जिकी लोक साहित्य माथै काम कर रैया है, उणांरी उचित परख भी हुय सकै ।

अन्त में आ ही बात कैई जाय सकै कै लोक साहित्य रो विषय हळको-फुळको न समझ्यो जावै अर इण रै संग्रह, अध्ययन अर संपादन रै सागै-सागै प्रकाशन रो काम भी वैज्ञानिक पद्धति सूं कियो जावै, जणै ही इणरो साचो मोल सामनै आय सकै है ।

विष्णाणियां रो चौक
बीकानेर (राजस्थान)

संदर्भ

१. मारवाड़ी गीत संग्रह । २. मारवाड़ी गीत माला । ३. मारवाड़ी गीत ।
४. मारवाड़ी स्त्री गीत संग्रह । ५. मारवाड़ के ग्रामगीत । ६. राजस्थानी संगीत ।

राजस्थानी मांय अनूदित साहित्य

पं० श्रीलालजी मिश्र

कोई भाषा कितरी समृद्ध है, ईंरो ग्यान बीं री मौलिक रचनायां सूं तो होवै ई है पण संसार रा मानीता ग्रन्थां री अनुवाद भी बीं भाषा रें भण्डार नें बघाये है । ईं बात नें ध्यान में राखर अनुवादक आपरी भाषा में ईं अभाव री पूर्ति करे ।

अनुवादक री काम करइो पणों है । बीरो दोनू भाषायां री पूरो ग्यान तो होणो ईं चाईज, साथै ईं अनुवाद करण री मूळ री भी बीनै पूरो ग्यान होणो जरूरी है । अनुवाद अनुवाद ईं होवै, न ज्यादा न कम । स्वतन्त्र अनुवाद मूळ नें विगाड़ दे अर सबद री जगो खाली सबद भरण री ईं ध्यान रैवै तो वो सरस फोनी होवै । मूळ भाव तो हर तरां कायम रैणो ईं चाईज । अनुवाद करतो मूळ भाषा रें सबदां री ध्वनि आप री भाषा में न उतार सकें तो भी मुसकस अर जे भाषा नें बेपर अनुवाद करे अर मूळ सबदां री परवा नां करे तो भी मुसकल । वो तो पूरे बन्धन में है । फेर पद्य री अनुवाद पद्य में करणो तो और भी कठन है ।

खुसी री बात है कं ईं सारी कठिनाइयां नें ध्यान में राखनी-यकी राजस्थानी रा सेवक अर विद्वान आपरो फजें समभर मायट-भाषा रें भण्डार नें बघायण री प्राखल बीस-पच्चीस बरसां में पूरी चेष्टा करी है अर अनेक महत्वपूर्ण अनुवाद आगै आया है । आगै भांत-भांत रें ग्रन्थां रें राजस्थानी अनुवादो री मानगी रागर उणो पर विचार कर्यो जावै है ।

काव्य

मेघदूत—पैला-पैज मेघदूत री अनुवाद जोधपुर रा श्री नारायणसिंह भाटी री 'त्रिण' मासिक पत्रिका रें 'मेघदूत अंक' में प्रकाशित हुयो (संख्या जुलाई-अगस्त १९५३), जिको बाद में सुतन्तर पुस्तक रें रूप में निकल्यो । ईं री बाद मयलाणी दो अनुवाद श्री मनोहर शर्मा अर श्री मनोहर प्रभाकर रा आपरें विशेषांक में काइया ।

मावानुवाद की दीठ सू तीव्र ही अनुवाद चोखा हुआ है। भाटीजी आपरें छोटे सँ छन्द में मन्दाक्रान्ता जिसँ बड़े छन्दे नै नष्टावण की सफल कोसिस करी है, जीसँ बारी काव्य-संगती जाहिर होवै है तो कठै-कठै पाठकों नै समझण खातर रुकणो भी पड़े है। बारी भाषा ठेठ आपरें छेत्र जोधपुर की होणै सू दूसरा इलाका रै पाठकों नै कोई-कोई सबद कठन मालम देवै। परण ई सू राजस्थानी की अभिव्यंजना संगती साफ परगट होवै है।

शर्माजी की भासा-सैखावाटी की बोलचाल की है, जीने समझण में कीने भी कठिनाई नै हुवै। प्रसाद-गुण ई में प्रधान है। मूळ रा भाव पुरा उतर्या है अरु मूळ रै सवदा री-पंकड़ कठै भी कोनी छूटी। ई सू आ री संस्कृत री गैरो ग्याक साफ झलकै है।

प्रभाकरजी की भासा साहित्यिक राजस्थानी है अरु भाण्डारेज (जयपुर) रा होवण पर भी भाइसाही की कठै झलक ही है, बा पूरी कोनी छाई। आरी सैली में सरलता रै साथै माधुर्य भी मिलसो। पैलै ई सिलोक रा तीनू अनुवादों री नमूनो अठे दियो जावै है, जीसँ पाठक आ रै छंद, भासा अरु भाव प्रकासन की सैली की जाणकारी कर सकै।

(१) पड़ी चाकरी चूक धणी जद धनो रिसायो।

भुरती कामण छोड रामगिरि यक्ष सिंघायो ॥

जनकसुता रै स्नान जेथरो निरमळ पाणी।

गहरी विरछां छांह जाय न कदे बखाणी ॥ — श्री भाटी

(२) कामण कै रस चूक चाकरी मान बडाई खोसारी।

एक वरस को ले देसूँटो कोई यक्ष त्याग नारी ॥

विरछां की सीली कुंजां में रामगिरी आ वास कर्यो।

सीता माता कै न्हावण सँ जाकै जळ में पुछ भर्यो ॥ — श्री शर्मा

(३) एक यक्ष अलकापुर करतो धनपत री सेवा सारी।

परण प्यागी री सुध में खोयो करी भूल कोई भारी ॥

देश निकालो मिल्यो दण्ड जद रामगिरी सरण आयो।

जठै सघन तर-छांह, पुष्प जळ-जनक लाडली री न्हायो ॥

— श्री प्रभाकर

‘अस्तंगमित महिमा वर्षभोग्येन’ री मूळ री भाव शर्माजी ने छोडर कोटें सँ भी अनुवाद में कोनी आयो । जनकतनया खातर शर्माजी री सरषानू कलम ‘सीता माता’ लिख्यो तो प्रभाकरजी ‘जनकलाटली’ लिखर ईमें ठेठ राजस्थानी री मिठास भर दियो । भाटीजी रँ ‘कुरती कामण’ में कितणो साधनिक प्रयोग दूथो है । आं अनुवादों सून राजस्थानी री अभिव्यजना सगती घर जीवन्तता पाठकों रँ सामने साफ-साफ जाहिर हुवे है ।

एक अनुवाद श्री मांगीनाल चतुर्वेदी (मुकुन्दगढ़) भी कर्ग्यो है पण ये आपरी तरफ सून मन चायो विस्तार कर्ग्यो है । ईं खातर वीं पर चर्चा कर्ग्यो ठीक समझी नहीं । फेर भी (१) ‘वीं सँ आर्ग भोज भूप री पुरी उजीगी’, (२) ‘मीरां कँ हिरदै ज्यूं आ बैठ्यो सांवरियो’, (३) ‘रण भांगण भांगी की निछभी भी गावेगी’ आदि में वारी मनमानी री नमूनो देख्यो जा सकें है । श्री कन्हैयादास सेठिया भी एक साथी रँ सीर में अनुवाद कर्ग्यो बतावें है । पण श्री चन्द्रसिंह राठीड़ री अनुवाद खास तीर सून ध्यान में राखण जोग है । आपरी अनुवाद अनुकान्त मन्दाकान्ता छन्द में है । एक नमूनो देखो—

मानीजी तूँ, सकल जग में, जीव री सापहारी,
कोप्यो स्वामी, विलग घण सून, एक भेरो सनेमो ।
पूगा दे तूँ, वसति भलका, नाम री यथावासी,
वारै वां रा महल घुलिया, चांदणी ईस रुदी ॥^१

दिलीप — ‘बादली’ घर ‘नू’ रा कवि श्री चन्द्रसिंहजी काळिदास रँ रघुवंस रँ तीन सर्गां री अनुवाद दिलीप नाम सून कर्ग्यो है । ईं अनुवाद सून पैसां ही आप सरल घर सुभाविक सैली रँ कारण काफी नाम कमा चुक्या है । वा ही सैली ईं अनुवाद में है । एक नमूनो—

खड़ी देख, हो खड़यो छांय ज्यूँ, चाल पड़्यां निप चालें ।
बैठी देख धीर मन बैठै, उण पीयां पी हानें ॥ (२-६)

काळीदास रँ पूरें सिलोक री छोटें सँ छन्द में देखण लायक पूरो भाव आयो है ।

१. देखो ‘विश्वम्भरा में प्रकाशित’ लेख—‘कवि श्री चन्द्रसिंह राठीड़ द्वारा अनूदित काव्य’ (डा० मनोहर शर्मा)

रुतसंहार — कांळीदास रै ऋतु संहार रो पूरो अनुवाद श्री किशोर कल्पनाकांत 'ओळमो' रै १९६७ रै अक्टूबर-नवम्बर रा दो अंकां में छाप्यो है । किशोरजी प्रतिभावान रससिद्ध कवि तो है ई, वै कल्पना-लोके में कल्पनाकान्त भी है । आपरी कवितावां में भासां रो मिठास अर भावां री मौलिकता मिलै है । एक पूरै छन्द रो भाव गीत रै एक पूरै छन्द में ल्यायो गयो है । अनुवादक कवि सँ एकाकार होयगो है । मालूम देवै जाणै या मौलिक रचना हुवै । यो अनुवाद राजस्थानी भासा री खिमता तै ओळखावै है, इण री सामर्थ्य री साख भरै है । किशोरजी 'कुमार-सम्भव' रो भी अनुवाद कर्यो बतावै पण अब तक देखण में नीं आयो ।

ई अनुवाद रो एक नमूना देखो, जीमें गरमी रा मार्या सँ जीव कुदरती बैर भूल बैठ्या है—

अगनी सू घबराईज्योड़ा, भुलसीज्योड़ा जीव घणा ।
 हाथी बल्लद र सिघ सैग ई, आज बण्या मन-मीत घणा ॥
 सागै भेळा हो जंगल सू एकरा साथ पयाण करै ।
 नन्दी रै कौंठे बालू पर संगळा मिल बिसराम करै ।
 पीढ़्यां तणी बैरता भूल्या, संगळा घुलमिल जावै ए ।
 पण आभे रो चांद नुहावण, निसभर इमरत प्याबै ए ।

आई रुत श्रीखम अलबेली,

सरवण इण रुत री वातां न्यारी

रातां में लागै घण प्यारी (श्रीखम, छन्द २७)

पावस रुत में बांदलां रा अनेक रूप मूळ अर अनुवाद में देखण लायक है—

कठैक लील, कंवळ री कूळी पांखड़ल्यां रो पोत
 कठैक दुळगी, काजळ डबली, कठैक सखरा घोट
 कठैक भूरा, कठैक ऊदा, कठैक है अणमीत
 कठैक गरभण रा उरजां ज्युं पिलरीज्योड़ा पीत
 च्यारू कूटां गिगन मण्डळ में बादळ छाया ए
 रावजी चढ़िया गजमतवाळ पावणा वण भल आया ए

मेवला ढोल घुरावै है,

कै बादल जळ वरसावै है,

मगेजण पावस आ पुग्यो

स्तसंहार र वसन्त सर्ग री अनुवाद श्री चन्द्रसिंहजी भी कर्यो बतारै पण
म्हारै देखण में नीं आयो ।

भरथरी सतक—१. नीति, २. सिणगार और ३. बैराग, ये तीनों सतक
मरुवाणी रै वर्ष ८, अंक ४-५-६ में क्रम सूं प्रकाशित हुया है । भर्तृहरि री इन प्रसर
रचनावां नै श्री मनोहर 'प्रभाकर' राजस्थानी में प्रस्तुत करी है । अनुवाद री भासा
सर्वथा सरल अर सुबोध है । हरेक संस्कृत छन्द री पूरी भाव राजस्थानी छन्द में आयो
है । नमूना इण भांत देखण जोग है—

(नीति सतक)

मद सूं लाज, पढ़्यां विन वामण, नासं मेगी बिना मम्भाळ ।
ओछी सगत सील नसं है दुजंग मन्धी नसं नृगाळ ॥
मीत अप्रीत, अनय सूं सम्पत, कुळ कपूत सूं, नेह निदेश ।
आंधो होकै खरचण सूं घन, पूत नसं पा नाय विमेष ॥४२॥

(सिणगार सतक)

मुखड़ी पूरण चांद लजावै, नैन करै कंवळां री हास ।
काया सूं कंचन सरमावै, केशां सूं भंगरां री भास ॥
निरादरै कुच गज-गण्डस्थल, भारी नितम्ब बैण रसगार ।
कोमल कामणियां रा ऐ ही होवै, नहज मुग्ध सिणगार ॥४३॥

(बैराग सतक)

घरती जळ थळ रास वर्ण अर मेरो-मेरो मेह जई ।
सुस जावै समदर री जळ भी, काया री के बात घई ॥४४॥

अन्योक्ति सतक—पण्डितराज जगन्नाथ रै प्रसिद्ध ग्रन्थ 'भागिनी विलास'
रै प्रथम उल्लास री 'अन्योक्ति सतक' नाम सूं श्री मनोहर जर्मा अनुवाद कर्यो है ।
यो अनुवाद लेखक द्वारा सम्पादित साधना (इंग्लोड) रै दूसरें अंक में प्रकाशित हुयो
है । भासा एकदम सरल है अर संस्कृत रै मूळ भावा री पूरी रक्षा करी गई है ।
उदाहरण देखो—

नहीं आज वो सिंघ जगत में, सूनी पड़ी गुफा गम्भीर ।
मोती रुळै वारणै, चोलै, हाथ गादड़ा चांका घोर ॥४५॥
तंतू खाया, जळ पियो, रम्यो पोषण्यां माय ।
कर्यो हंस, उपकार के, सरवर री सरसाय ॥४६॥

मूढ सजायो मोद में, बांदर कै गल हार ।

चाट, सूँघ अर तोड़ कर, चढगो ऊंची डाल ॥६४॥

करुणा लहरी—पण्डितराज जगन्नाथ रो यो अनुवाद श्री गिरधरलाल शास्त्री कर्यो है अर 'ओळमो' रै मई १९६७ रै अंक में छप्यो है । ई में २० छन्द है । अनुवाद री सरल-सुगम भासा रो नमूनो देखो—

मारवाड़ री बिछी रेत ज्यूं, फैल रयो सिसार विसाल ।

देह गेह री ममता उण में, भ्रिग-तिसणा रो जळ जंजाळ ॥

छोड-छाड मनड़ो भ्रिग म्हारो, करुणा रा सागर में जाय ।

बार-बार गोता लगाय नै खोवै खेद'र सांयत पाय ॥३॥

गीता—श्रीमद् भगवद्गीता रा राजस्थानी में कई अनुवाद हुय चुक्या है । श्री रामकरणजी आसोपा रो अनुवाद उल्लेख जोग है । श्री चतुरसिंहजी अनेक संस्कृत पुस्तकां रो राजस्थानी अनुवाद कर्यो, जिणां मांय योगसूत्र, सांख्यकारिका, महिम्नस्तोत्र अर गीता मुख्य है । श्री गुलाबचन्द नागौरी 'गीता भासा' नाम सूँ गद्य अनुवाद प्रस्तुत कर्यो । डा० मनोहर शर्मा रो संक्षिप्त अनुवाद 'श्री कृष्ण गीता' नाम सूँ 'जिणवाणी' (कलकत्ता) में घणै बरसां पैली छप्यो । श्री विश्वनाथ शर्मा 'विमलेश' रो अनुवाद खूब ख्याति प्राप्त करी । ई री भासा भोत ई सरल अर सुबोध है । एक नमूनो देखो—

फळ की ई छया करे बिना ही, जाण करम को ही अधिकार ।

इयां करम तूँ करतौ ही जा, बिनां फळां को कर्यां विचार ॥

श्री शक्तिदान कविया 'दुर्गा सप्तशती' रो अनुवाद कर्यो । श्री चतुरसिंहजी इणी ग्रन्थ रो गद्य अनुवाद प्रस्तुत कर्यो । श्री रावत सारस्वत 'विल्हण-पंचासिका' रो सुन्दर अनुवाद कर्यो । इणी भांत 'पंचतन्त्र' रो अनुवाद भी ह्यो है ।

ऊपर जितरै भी अनुवादां री चर्चा करी गई है, वां में सबसूँ बड़ी खूबी भासा री सरलता री है । अनुवादकां मूळ भावां रो भी पूरो ध्यान राख्यो है । ई कारण ये अनुवाद घणै सोवणै रूप में सामनै आया है ।

आगै प्राकृत-ग्रन्थां रै राजस्थानी अनुवादां री चर्चा करी जावै है—

काळजै री कौर—ई में हाल री 'गाथा सप्तशती' सूँ छांट्योड़ी १८६ गाथावां रो राजस्थानी अनुवाद श्री चन्द्रसिंह राठीड़ आपरै सिद्ध छन्द दूहै में कर्यो है । एक दूहै में एक गाथा रो पूरो भाव परगट ह्यो है अर रचना मौलिक सी नागै

है। अनुवादक न्यारा न्यारा दस शीर्षक इण भांत दिया है—१. वंदना, २. प्रकृति, ३. रूप सिणगार, ४. प्रेम, ५. विरह, ६. भीष पति, ७. स्वकीया, ८. परकीया, ९. नीति अर १०. अन्योक्ति। नमूनों देखणें जोग है—

आंधी फूस उडाविगो, विरखा जळ तर भीत ।
 देय हथेली अंक अवधि, सायधण रही नचीत ॥४६॥
 जिण अंग प्रीतम नैण जा, में टाकूं वो अंग ।
 साथे चाहूँ देख ले, राखूं इसरो दग ॥४७॥

वीतराग री वाणी—ई में डा० मनोहर शर्मा द्वारा 'राजस्थानी महावीर वाणी' अर 'राजस्थानी बुद्ध वाणी' दूहां में प्रस्तुत करी गई है। भासा सरल है। अनुवादक 'प्राकृत' तथा 'पाली' गायार्वा नैं छांटर उचित जीयेंका साथे राजस्थानी में दी है। नमूनों देखो—

महावीर वाणी

अंग अठारा घरम रा, प्रथम अहिंसा जाण ।
 भूत-दया, संजम-सदा, सरव सुता री गांण ॥ (अहिंसा)
 लड़तूं आपो आप सू, और न बेरी फोय ।
 साध लई जे आतमा, सरव मुखी तो हाय ॥ (प्रातमा)

बुद्ध वाणी

बैर न जावै बैर सू, नियम सनातन एक ।
 बैर मिटावण प्रेम री, निस दिन पाळो टेक ॥ (यमक)
 राग बराबर आग नां, मळ नां बैर प्रमात्त ।
 भोग बराबर रोग नां, सुख ना सीळ समान ॥ (सुख)

आगे बगला सू राजस्थानी में हथोड़ अनुवाद रो चरना करी जावै है। विश्वकवि रवीन्द्रनाथ री 'गीताञ्जली' रा राजस्थानी में कई अनुवाद हुना है। डा० नारायणदत्त श्रीमाली ईं रो पद्यानुवाद प्रस्तुत कर्यो अर श्री रामनाथ श्याम 'परिकर' गद्यानुवाद प्रकाशित करायो। डा० मनोहर शर्मा रवि वासू री १५ पुन्योड़ी कवितायां 'राजस्थानी रवीन्द्र वाणी' नाम सू पुस्तक रूप में प्रस्तुत करी। विश्वकवि रवीन्द्रनाथ री भाव भरी रचनावां नैं अनुवादकां स्वभाविक अर सरल राजस्थानी में उल्पी है, जीं री बरणगट देखणें जोग है। 'राजस्थानी रवीन्द्रवाणी' रो नमूनों देखो—

१. 'दयाधाम आप कृण मुनिधर, पूछी बात, दिखो जद उत्तर,
 'अथ आयो वो मोको सुन्दर, में आयो, बासचदत्ता ।"

२. पांख फड़फड़ा दोनूँ गावै, 'आ प्यारा तू' नेड़ो आव' ।

एक डरै पिजरै सँ, दूजो, पांख-थकां अणपंखो भाव ॥

(दो पंखी सँ)

राजस्थानी में फारसी रै कई नामी ग्रन्थां रा अनुवाद भी पाछलै बरसां में प्रस्तुत करचा गया है । ये अनुवाद मुख्य रूप सँ अंग्रेजी अथवा हिन्दी रै सहारै सँ सांमनै आया है, इसी बात लागै है । फेर भी अनुवाद भोत सुन्दर हुया है । आसँ इणां पर उदाहरण साथै विचार करचो जावै है—

उमर खैयाम री ख्वाइयां—उमर खैयाम रा दो अनुवाद 'मरुवाणी' (जयपुर) आपरै दूसरै वर्ष रै दूसरै अंक में प्रकासित करचा । एक अनुवाद डा० मनोहर शर्मा (बिसाऊ) रो है अर दूसरो श्री अमर देपावत (देशनोक) रो है । डा० मनोहर शर्मा री भासा शेखावाटी री बोली सँ प्रभावित है अर प्रसाद गुण तो आं री भासा-शैली रो एक गुण ही बण चुक्यो है । ई में आप १० ख्वाइयां रो अनुवाद प्रस्तुत कर्यो है । छन्दां रै क्रम में थोड़ी स्वतन्त्रता भी बरती है परा भावां रै साथै सदा बंध्या रैया है । छन्द ख्वाई है, जिण में पैलै दूजै अर चौथै चरणां री तुक मिलै है । फारसी नावां रो भी भारतीयकरण हुयो है । राजस्थानी मुहावरां रो प्रयोग भी सुन्दर है । श्री अमर देपावत ७५ छन्दां रो अनुवाद करचो है । छन्द आपरो भी 'ख्वाई' ही है परा तुक पैलै-दूसरै तथा तीसरै-चौथै चरणां री मिलै है । भाषा प्रौढ अर व्यंजनायुक्त है । प्रसाद गुण साथै बीकानेरी बोली रो मिठास भी है । छन्दां रो क्रम प्रायः फिट्जराल्ड रै मुताबिक है । आगै दोनूँ अनुवादां रा नमूना दिया जावै है—

१. सूनै बन में बिरछ तळै, जे रोटी को टुकड़ो हो एक ।

मादक रस को घड़ो भरचो हो, ओर काव्य की चर्चा नेक ।

सनमुख बैठी रूपमयी तू, गाती हो ऊंची रस राग,
तो मैं पाऊं दूर बीड़ में, नन्दन बन कै सुख की टेक ॥

(श्री शर्मा)

२. दोय कवा मिल जाती रोटी, इणी रूख रै नीचै आज ।

दाव दोय मिल जाती दारु, होतो सारंगड़ी रो साज ॥

बादीली गा देती, मूमल, (तो) गरणा उठतो सांवण मास ।

म्हारै खातर सुख वैकुंठ रो, बण जातो जंगल रो बास ॥

(श्री देपावत)

श्री देवावत 'ए बुक आफ वरनेज' री जगां 'सारंगडी रो साज' प्रस्तुत करयो है, जिको विचारणीय है ।

श्री गिरिधारीलालजी शास्त्री भी उमर मयाम रा स्वाइयां राजस्थानी में प्रस्तुत करी है पण वै अनेक जगां पूरी स्वतन्त्रता सूं काम लियो है ।

विजय पत्र —गुरु गोविन्दसिधजी री फारसी रचना 'जफर-नामा' रो अनुवाद श्री चन्द्रसिध जी राठीड़ 'विजय-पत्र' नांव सूं प्रकाशित कर्यो है । यो अनुवादराजस्थानी भाषा री प्रकृति रें सर्वथा अनुकूल होवण सूं मौलिक रचना सी लागे है । नमूनो देखो—

सिमरूं ईम इणां रो, सिरजणहार ।

वाण, छाल, बरछी, मन. तेग कटार ॥१॥

ममूं ईस रण-सूरमा, मन पितामा ।

ताजी हवा-चास रा. जिन निपाया ॥२॥

ई अनुवाद रो छन्द-विधान भी ध्यान देवण जोग है । सम्पूर्ण रचना में विजली सी सरणावै है । अनुवाद भोत हो सुन्दर हयो है ।

इणीज क्रम में अंग्रेजी आदि विदेशी भाषायां री कवितायां रें अनुवाद री चर्चा करणी भी उचित है । राजस्थानी पत्र-पत्रिकायां में अनेक अंग्रेजी कवितायां रा अनुवाद छपता रैया है । ई खातर 'मरुवाणी', 'हरावळ', 'जागतीजोत' आदि रा अंक देखण जोग है । 'परम्परा' रें हेमाणी-अंक मांय तो एक साथ ई अनेक विदेशी कविता री कवितायां रो राजस्थानी अनुवाद प्रस्तुत कर्यो गयो है । फुटकर अंग्रेजी कवितायां रो राजस्थानी-रूपान्तर करणी में सर्व श्री रामनाथ व्यास 'परिकर', तेजगिह जोधा, नन्द भारद्वाज, ओंकार पारीक, डा० नागरमल सहल आदि रा नाम उल्लेखनीय है । अंग्रेज कवि श्री एलेजी 'रिटन इन ए कंट्रो चर्च-मांड' अति प्रसिद्ध कविता है । श्री कितनसिध चौहान ई रो राजस्थानी अनुवाद 'साधना' (अंक १) में 'शोकगीत' नांव सूं प्रस्तुत कर्यो है । नमून रें रूप में पैलो छंद अठे दियो जावै है—

शोक सलामी देर्यो बाजो, दिन हूर्यो घासूणी पार ।

डार वखेर्यां राभैं चूणो, चर मुड़ियो हरिया मैदान ॥

रैळयो-रैळयो हारयो हाळी, चाल्यो आरयो घर कैं द्वार

सारै जग पर ई संज्या नैं, अन्धकार री चादर ताण ॥

'मरुवाणी' रें दसवें वष रें २, ३, ४, अंकों में श्री रामनाथ व्यास 'लेगिन काव्य कुमुमजली' नांव सूं हसी कवितायां रो अनुवाद प्रस्तुत करयो । ई समूह में

नया-पुराणा १२ कवियां री छोटी-बड़ी २५ नेड़ी कवितावां री राजस्थानी-रूपान्तर है । ये सारी यथार्थ री धरती पर क्रांतिकारी कवितावां है । अनुवाद मूल रूसी छंदा री पद्धति अर शैली में हुयो है । भाषा सरल राजस्थानी है । एक उदाहरण—

म्हे जाणां म्हारो भाग अघर में है
अर म्हे इतिहास रा सिरजणहार
हीमत री बखत आयगी आखर
अर हीमत म्हाने कदे नई छोडे ।

‘मरुवाणी’ में ही ईं रो दूजो खण्ड वर्ष १२ अंक ३ में निकल्यो, जिण में २० रूसी कवियां री २१ कवितावां है ।

कहाणी-उपन्यास

राजस्थानी में अनुवाद रो घणो काम कविता अर कहाणी री विधावां में हुयो है । कहाणियां रा संग्रह तो गिणती रा ही है पण फुटकर अनुवाद पत्र-पत्रिकावां में बराबर छपता रैवे है । ‘मरुवाणी’, ‘ओलमों’, ‘हरावल’, ‘जागती जोत’ आदि रै माध्यम सून ईं दिशा में मोकलो काम हुयो है । सब सून पैली अनुदित कहाणी-संग्रहां री बानगी देखो—

रवी ठाकर री बातां— ईं पुस्तक में राणी लक्ष्मीकुमारीजी चूंडावत रवीन्द्रनाथ ठाकुर री २१ कहाणियां रो अनुवाद प्रस्तुत करूयो है । आपरी गद्य शैली घणी महत्वपूर्ण है । नमूनों देखो—

“वा गजवण पदमा, हेमंत रुत री बांवी में पड़ी नागण ज्युं माड़ी दुबली ह्वियोड़ी नींद में सूती अल्लेटा खाय री ही । उतराध तट मार्य रैतरड़ो ईं रैतरड़ो पड़ियो हो । नीं तो तिणकलियो ईं ऊभो दीखतो हो, नीं मिनख रो जायो । दिखणाद रा तट पै नान्हा-नान्हा गामां रा आवां रा वाग बीं डाकण पदमा रै मूंडागे हाथ जोड़्यां थर-थर बूज रिया हा । (पृ० ३०)

संसार री नामी कहाणियां—यो कहाणी-संग्रह भी राणी लक्ष्मीकुमारीजी चूंडावत रो ही है । ईं में संसार भर रै नामी लेखकां री टाल्लावां, ११ कहाणियां रो अनुवाद है । भाषा रो फुटरापो तो ईं अनुवाद में भी वो हीज है ।

देस-देसांतर री बातां— ईं पोथी में रानी लक्ष्मीकुमारीजी री सुपुत्री राज्यश्री राठीड़ देस-विदेस री लोककथावां रो राजस्थानी रूपान्तर पेश कर्यो है । यो संग्रह बालकां खातर घणो उपयोगी है अर अंग्रेजी रै

माध्यम सूं हुयो है । भाषा गरल अर सुबोध है । एक नमूनो देखो—

‘इण तरै रो सोदो तो वीं आज गुणियो, बूढळिय घणा ही नो’रा माया,
पोत्यो पगां में मेलियो, आख्यां दबदब करवा लागगी, पग भाल नीभा । (पृ० ३२)

राजस्थानी में फुटकर रूप सूं विदेशी अर भारतीय भाषावां री अनेक कहानियां रा अनुवाद प्रकाशित हुया है । ईं दिशा में श्री किशोर कल्पनाकान्त, श्री नृसिंह राजपुरोहित, श्री ओंकार पारीक श्री रामनाथ व्यास, श्री पारस अरोड़ा, डा० सत्यनारायण स्वामी आदि रा नांव उल्लेख जोग है ।

नष्ट-नीड़— राजस्थानी में उपन्यासां री कमी है । ईं दिशा में अनुवाद भी नी हुयो । श्री किशोर कल्पनाकान्त, रवीन्द्रनाथ ठाकुर री नष्ट-नीड़ री राजस्थानी रूपान्तर करयो है । आपरी कविता री भाषा में जियां फुटरातो है, उन्ही भांत गद्य री भाषा में भी है । भाषा मंनी रंगो —

“अचार तकात तो बे दोनूँ आभै रा फूल तोड़न मांग लागिमोला हा, पग
अबै काव्य कुसुमां री खेती सरु होयगी, तो दोनूँ जणा दूजो मो नी बिमारग्या । पृ० १६

नाटक

राजस्थानी में नाटकां री भी कमी है । ईं दिशा में अनुवाद भी कम हो
हुया है । खास तीर सूं संस्कृत अर बंगला री कुछेक रचनावां राजस्थानी मांग प्रस्तुत
करी गयी है ।

शकुन्तला— यो महाकवि कालीदास री ‘अभिज्ञानशाकुन्तलम्’ री राजस्थानी अनुवाद
है । अनुवादक है श्री गिरधरलाल जो व्यास (उदयपुर) आंरी भाषा
पर मेवाड़ी री प्रभाव है । एक नामी श्लोक री अनुवाद रो नमूनो देखो —

अण सूंघ्यो यो फूल कमल रो, कूंळी कूंपळ अणभूंटी ।
अणवींध्यो यो रतन अमोलक, मधरी अमृत अणभूंटी ॥
अणचाख्यो यो परम पुण्य रो, फळ है रूप नहीं भूंटी ।
कुण भोगे, जो भाग्यवान, भगवान कणी नै दे सूंठी ॥

मालविकाग्निमित्र— ईं कालीदास री नाटक रो अनुवाद भी श्री व्यास जी रो ही करवोड़ो
है । ईं री भाषा भी मेवाड़ी ईं है ।

सपनो— यो महाकवि भास री प्रसिद्ध ‘स्वप्नवासवदत्ता’ नाटक रो राजस्थानी अनुवाद
है । ईं रा अनुवादक आचार्य देवदत्त नाग (जालौर) है, जो संस्कृत रा अभि-

कोरी विद्वान है । अनुवाद ईं वास्तै भोतसरस अर सफल हुयो है । गद्य
अर पद्य दो परम्परा रा नमूना देखो —

राजा— कोरी चेरै-मोरै सिरखी ज कोनी । हूँ तो जाणूँ के बै इज है ।

हाथपीड़—वरणज एहड़ो फूटरो, विपदा कियां पड़ीह ।

वाळी कियां ज वासदे, इसड़ी रूपाळीह ॥

विश्व कवि रवीन्द्रनाथ रै कई बंगला नाटकां रो राजस्थानी रूपान्तर भी
हुयो है । ईं संबन्ध में आगे चर्चा करी जावै है—

बंसरी— रवीन्द्रनाथ रै नाटक 'बंसरी' रो अनुवाद श्री रावत सारस्वत रो करघोड़ो है ।
ईं नाटक में प्यार अर प्रेम रो फरक दिखायो है । पुरंदर, सोमसंकर, बंसरी
अर सुसमा रै जटिल चरित्रां रो वर्णन है । अनुवादक आपरी भासा में रवीन्द्र-
नाथ रै भावां रै प्रकासन में कठै भी कमी नीं आण दी । कवि रा भाव अर
अनुवादक री भाषा रा दो-एक नमूना देखो—

पुरन्दर—पुरस करम करै, लुगाई सगती देवै । सगती रो अरथ है करम, अर मुगती री
सवारी है, सगती ।

प्राण नै नारी पूर्णता देवै अर इणी वास्तै नारी मौत नै भी महान बणा सकै ।

बंसरी— ब्रह्मा जे गूंगा होता तो अणरची दुनियां री विथा सूं महाकास री छाती फाट
जाती ।

चित्रांगदा— धो रवीन्द्रनाथ ठाकुर रो गीत नाट्य है । ईं रो पूरो अनुवाद श्री चन्द्रसिंह
जी करघो है । ईं में ठाकुर चित्रांगदा री अन्तर्वेदना परगट करी है, जिकी
नै अनुवादक आपरी भाषा में जीं सुघराई सूं पाठकां रै सामनै राखी है,
वीरो रूप देखो—

चित्रा— अर्जुन एकदम सुन्न गात,

फूल्य सै पग हाथ,

मूरत सी रही खड़ी,

भूली प्रणाम तक ।

चित्रा— वो ओ हिड़दो नारी रो

मित्या अठै हरस अर वेदना सह एकठा

आकांक्षा, आसका अर लाज सब

एक धूळ री बेटी रा,

निपजै जठै सूं प्रेम,

करतो संघर्ष वो,
पावण अमर जीवन ।

राजारानी— यो भी रवीन्द्रनाथ रं 'राजा ओ रानी' नाटक रो राजस्थानी अनुवाद है ।

ईं रा अनुवादक है छा० ब्रजमोहन जावळिया । अनुवाद घणो पाछ्यो ह्यो है । ईं में थोड़ी वां रं इलार्क री भाषा री भी पुट है । गीतां में स्थानीय प्रभाव आयो है । अनुवाद री भाषा रो नमूनों देगो —

नारी रं हिवईं रा रहस नै कुण जाणे ? वो विधाता रा नेम जूँ अणजाण रेवा जोगो है । इण वास्ते ईं जे विधाता रं नेम में गा नारी रं प्रेम में अणविमोस होण्या तो फेर आसरो कठे ? पूण किस्थान वागं, नंदिवां किसान बंयं । उण नं कुण जाणे ? या बँवती नन्दी देस रो कल्याण करे है, पूण जाणे जीवां रो जीवन है ।

इणां रं अलावा अनेक एकांकी, निबंध, संस्मरण आदि भी अनुदित रूप में पत्र-पत्रिकावां में छपता रेवा है पण वां री संख्या घणी कोनी ।

लारलें तीस-चाळीस बरसां में राजस्थानी में जिकां अनुवाद-कार्य ह्यो है, उण पर अठे सोदाहरण चर्चा करी गई है । अब ताईं रं काम पर विचार करां तां निम्न बिन्दु खास तीर सूं सामने आवें —

१. अब ताईं राजस्थानी में जिको अनुवाद-कार्य ह्यो है, वो मोत चोखी है अर घणे काम री जरूरत है ।
२. प्रायः छोटै आकार री रचनावां राजस्थान में न्पान्तरित करी गई है अर बडो काम हाथ में नीं लियो गयो है ।
३. अनुदित रचनावां रं प्रकाशन में राजस्थानी री पत्रिकावां रो योगदान विशेष रूप सूं रेयो है ।
४. प्रायः अनुवादकां सरल अर सुबोध राजस्थानी रो प्रयोग कर्यो है । या प्रवृत्ति सराहना-जोग है ।
५. कुछेक अनुवादक मूळ भावां री सीमा लांघर आगं भी बध्या है पण या प्रवृत्ति चोखी कोनी ।
६. अनुवाद-कार्य प्रायः कविता अर कहानी री विधावां में ह्यो है अर दूजी अनेक महत्वपूर्ण विधावां अछूती ही है ।
७. राजस्थान री साहित्यिक-संस्थावां नै ईं दिशा में योजना बद्ध काम करणो चाहीजें, जिण सूं मातृभाषा राजस्थानी रं मंडार में कोई कमी नीं रेवे ।

— श्रीसदन विसाऊ (राजस्थान)

राजस्थानी शोध-कार्य

डा० उदयवीर शर्मा

राजस्थान रो इतिहास संसार भर में शौर्य, शक्ति भर त्याग-बलिदान र विचार सँ विख्यात है । पण ई इतिहास र पात्रां न प्रेरणा तो ई प्रदेश र भाषा-साहित्य सँ ई मिली, जिण सँ वै आश्चर्यजनक काम कर दिखाया भर आप र कीर्तिकथा संसार में अजर-अमर राखी । ई कीर्तिकथा न स्थायी रूप देवण में अठै र कवि-कोविदां रो भी पुरो योगदान है । ध्यान राखणो चाहीजै कै पुराण राजस्थानी-साहित्य रो मूळ स्वर भी आ ईज भावना रैयी है ।

राजस्थानी (अथवा मरुवाणी) में भोत घणी साहित्य-सामग्री है । अवार ताई उण रो पुरो लेखो-जोखो भी नीं हो पायो है भर उण रो एक अंश मात्र ईज प्रकाश में आयो है । पण जितरो भी अंश प्रकाश में आयो है, उण सँ साहित्य-पारखी प्रभावित हुयर मुक्तकंठ सँ उण री तारीफ करी है । राजस्थानी र प्राचीन-साहित्य रो प्रकाशन ईज मुख्य कारण है कै आज भारत री सुप्रतिष्ठित साहित्यिक भाषावां में राजस्थानी रो आदरपूर्ण स्थान है भर उण में नये-सिरै सँ साहित्य-रचना रो काम सतत गति सँ चाल रैयो है ।

राजस्थानी र पुराण साहित्य न प्रकाश में ल्यावण-सारू श्री हरप्रसाद शास्त्री, डा० तेस्सीतोरी, श्री रामकरण असोपा, श्री रामनारायण दूगड़ आदि विद्वानां रो काम उल्लेख-जोग है । ई विद्वानां सँ अनेक शोधकर्तावां न प्रेरणा मिली भर बै साहित्य-संशोधन र काम न गति-प्रगति देयर घणो सराहना-जोग काम करयो ।

आज राजस्थानी साहित्य में जिण गति सँ शोधखोज रो काम हुंय रैयो है, शायद उण गति सँ भारत र दूजै किणी भी प्रदेश में नीं हुंय रैयो है । पण साथै ई ध्यान राखणो चाहीजै कै राजस्थान में साहित्यिक शोधखोज री जितरी गुंजाइस है, वो दूजै प्रांतां में शायद है भी कोनी । राजस्थानी री अणगिणत पुराणी हस्तप्रतियां अठै राज-

कीय पुस्तकालयां, जैन भंडारां, व्यक्तिगत संग्रहालयों आदि में भरी पड़ी है अन् प्रकाश में आवण की उड़ीक में है । चारण-घरानों में भी पुरानी साहित्य-मामूरी बड़ी मात्रा में विद्यमान है अन् बिना सार-संभाळ वा दिवूँदिन लुप्त हुवती जाय रीयो है ।

आज राजस्थान में जिको शोधकार्य हुय रीयो है, उण नै दोग वर्गों में बांट्यो जा सकै है — (१) उपाधि सापेक्ष शोध (२) उपाधि निरपेक्ष शोध ।

जयपुर, जोधपुर, उदयपुर अन् पिनाणी रै विश्वविद्यालयों में उपाधि-सापेक्ष अनुसंधान कार्य तीव्र गति सँ चालू है । ईं विश्वविद्यालयों में एम० ए० पातर सभू शोध प्रबंध अन् पी०—एच० डी० तथा डी० लिट् उपाधिका पातर जोध प्रबंध प्रस्तुत करछा जावै है । हर्ष रो विषय है कै मात्रा रै विचार सँ यो काम कम नी है यर हर मान नया नया विशाल ग्रंथ तयार हुय रीयो है । आज ताईं जिका शोध-प्रबन्ध तयार हुया है, वां रै विषय-चयन पर ध्यान दियो जावै तो घणखरा ग्रन्थ विनिष्ट साहित्यकार, विनिष्ट रचना, साहित्यिक इतिहास, लोक साहित्य भाषा वैज्ञानिक अध्ययन, संप्रदाय-साहित्य, कथात्मक साहित्य, पद्यात्मक विधा आदि सँ सम्बन्धित है ।

मात्रा रै विचार सँ तो यो अनुसंधान कार्य ठीक है पण गुण की दृष्टि सँ निश्चय ही संतोषजनक कोनी । प्रायः शोध-छात्र कठिन विषय सँ बंधे अन् इमो विषय लेवै, जिण-सारु श्रम कम करणो पड़ै अन् मासानी सँ उपाधि प्राप्त हुय जाई । कई वर तो अठै ताईं देख्यो जावै है कै राजस्थानी में साहित्यिक शोध कार्य-मात्र निर्देशक (गाइड) रै रूप में इमो विद्वान भी मंजूर कर लियो जायै है । जिनरी मुदगी राजस्थानी साहित्य सम्बन्धी जाणकारी भोत ई साधारण हुवै । यो ही कारण है कै विश्वविद्यालयों सँ मात्र उपाधि लेवण खातर जिको अनुसंधान-कार्य हुय रीयो है, उण सँ कोई विशेष लाभ नीं है । पण साथै ही ध्यान राखणो चाहीजै कै सगळा ही शोध-छात्र यथथा शोध प्रबन्ध एक सारीखा कोनी अन् वां में अनेक महत्वपूर्ण भी है ।

एक बड़ी कमी या भी है कै लगभग एक ही विषय पर अनेक विश्वविद्यालयों में शोध प्रबन्ध प्रस्तुत कर दिया जावै अन् जिण विषयों पर अनुसंधान की सास जरूरत है, वं अछूता ई पड़्या रीवै । ईं सम्बन्ध में विशेष ध्यान देवण की जरूरत है कै शोध प्रबंधों की संख्या न बढायर उगां रै गुणात्मक महत्व पर सास ध्यान दियो जावै ।

राजस्थान सँ वारं भी अनेक विश्वविद्यालयों में राजस्थानी-साहित्य पर शोध-प्रबंध प्रस्तुत करछा जावै है । उण विश्वविद्यालयों रै अधिकारीवर्ग नै भी ईं दिना में सावचेत रहणै की आवश्यकता है, कारण बठै तो राजस्थानी की वातावरण ही प्रायः कोनी ।

राजस्थान में उपाधि-निरपेक्ष शोध-कार्य भी बड़ी मात्रा में हुय रैयो है । अठे अनेक इसी साहित्यिक संस्थावां है, जिणां रो प्रधान उद्देश्य ईज अनुसंधान कार्य है । इण संस्थावां मांय सूं कई नै आंशिक रूप सूं सरकारी अनुदान भी मिलै है अर बठे विविध पदां पर विद्वान नियुक्त है ।

राजस्थान में शोध-संस्थावां री संख्या तो बड़ी है पण वां में इण संस्थावां री विशेष ख्याति है :—

१. साद्वळ राजस्थानी रिसर्च इन्स्टीट्यूट, बीकानेर
२. साहित्य संस्थान, उदयपुर
३. राजस्थानी शोध-संस्थान, चौपासनी, जोधपुर
४. राजस्थान भाषा प्रचार सभा जयपुर
५. राजस्थान प्राच्य विद्या प्रतिष्ठान, जोधपुर
६. भारतीय विद्या मन्दिर शोध प्रतिष्ठान, बीकानेर
७. हिन्दी विश्वभारती, बीकानेर
८. राजस्थान साहित्य समिति, बिसाऊ
९. लोक संस्कृति शोध संस्थान, चूरू
१०. श्री अभय जैन ग्रंथालय, बीकानेर
११. भारतेन्दु समिति, कोटा
१२. विड़ला एज्युकेशन ट्रस्ट, पिलानी

कई संस्थावां री तरफ सूं मुखपत्रिका (त्रैमासिक) भी प्रकाशित हुवै है । वां में राजस्थान भारती, शोध पत्रिका, परम्परा, वैचारिकी, विश्वभरा, वरदा, मरुश्री, मरुभारती आदि उल्लेख जोग है । इणां रै अलावा राजस्थानी मासिक पत्रिका 'मरुवाणी' भी शोध-लेखां पर यथोचित ध्यान बराबर राखै है ।

खास बात या है कै राजस्थानी साहित्य सूं सम्बन्धित जितरो भी उपाधि-सापेक्ष अथवा उपाधि-निरपेक्ष अनुसंधान कार्य हुयो है अथवा हुय रैयो है, वो सगळो ई हिन्दी रै माध्यम सूं है । ईं सूं नई जाणकारी रो प्रचार विस्तृत-क्षेत्र में हुयो है अर राजस्थानी रै गौरव में वृद्धि भी हुई है पण मूळ राजस्थानी में भी यो काम हुवणो जरूरी है, जिण सूं भाषा-साहित्य री चौमुखी श्रीवृद्धि हुवै ।

लारलै कुछेक बरसां सूं इसो अनुभव भी हुय रैयो है कै राजस्थानी साहित्य सम्बन्धी शोधलेखां रो स्तर उत्तरोत्तर ऊंचो न उठर-नीचो उत्तर रैयो है । शोध-कर्म

करड़ो घणो है । शोध-साह्य विशेष श्रम री भी जरूरत है । अर उण सून आत्मसंतोष री अलावा कोई आर्थिक लाभ भी नीं मिले । इसी स्थिति में जोय-वेपकों री कमी स्वाभाविक है पण फेर भी कई पुराणा साहित्य-साधक ईं क्षेत्र में मरुह हे घर वां री कृपा सून शोध पत्रिकावां नै हाल ताई आच्छो मामग्री मिल रीयो है ।

राजस्थान री शोध संस्थावां सून विविध ग्रंथ भी अग्या हे घर गो काम घब भी चानू है आज अनेक गद्य-पद्यात्मक पुराणा राजस्थानी ग्रंथ मुद्रित रूप में मुलभ है । निश्चय ही शोध-संस्थावां री यो काम सरावण-जोग हे । ईं सून राजस्थानी री गौरव में वृद्धि हुई है अर साहित्यिक अध्ययन तथा विवेचन री मार्ग किणी रूप में सुलभो हे । पण साथ ही ध्यान राखणो चाहीज के उण संस्थावां री तरफ सून प्रकाशित पुराणी पोषियां यथोचित रूप सून सम्पादित न हुवर प्रायः मूळ रूप में ईज छती है । ईं कारण में मुलभ तो जरूर हुयगी पण सुबोध नीं हुय पाई ।

आज ईं चीज रा सब सून बरी जरूरत हे के राजस्थानी री पुराणी साहित्य सुलभ हुवणी री साथ ही सुबोध जरूर हुवे । जे मूळ रूप में ही पुराणी पोषियां प्रकाशित हुसी तो वै थोड़ी से गिणती री लोगां री काम री ही दुर्ग घर जन-साधारण वां सून किणी रूप में भी रम-ग्रहण नीं कर सकै । गो ईज कारण हे के आज राजस्थानी री अनेक पुराणा ग्रंथ प्रकाशित हुय चुकणी पर भी वां री चर्चा साहित्य-मंडाल में कम ई मुनी जावे है अर वै पुस्तकालयां री जोभा मात्र ईज हुवा चंद्या है ।

इतरी बात जरूर है के कई शोध संस्थावां पुराणी हस्तलिपियां नै जुटाघर आपर संग्रहालयां में सुरक्षित कर मेली है अर ईं प्रक्रिया सून वां नै नब्ब हुयणी सून बेचाप लेनी । शोधद्वारा ईं संग्रहालयां सून लाभ लेवता रीयो है अर वां री जाणकारी साहित्य प्रेमियां नै मिलै है ।

कई संस्थावां मात्र लोकसाहित्य री क्षेत्र में ईज काम करे हे पण वां री प्रधान काम संग्रह करणो मात्र है अर वैज्ञानिक विवेचन नो है, जिणगी काम जरूरत है ।

राजस्थान री शोध संस्थावां री तरफ सून प्रकाशन री काम जिण मात्रा में हुवणो चाहीज, उण मात्रा में नीं हुय रीयो है । ईं विषय में कमी री मुख्य कारण संस्थावां री आर्थिक कमजोरी है । सरकारी-सहायता सून संस्थावां विद्वानां नै निवृत्त तो कर लेवे पण विद्वानां री काम नै प्रकाशित करणे खातर वां री हाथ में समुचित साधन कोनी । यो ईज कारण है के राजस्थान में इतरी घणी शोध संस्थावां हुवता-यकां भी

वां रो काम नियमित रूप सून चौड़ नीं आय रैयो है अर वां री मुखपत्रिकावां ई देखण नै मिलै है ।

राजस्थान में इसै विद्वानां री भी लम्बी सूची है, जिका किणी संस्था रै मार्फत अथवा स्वतन्त्र रूप सून अनुसंधान रै क्षेत्र में खूब काम करद्यो है अर आज भी आपरी शक्ति रै अनुसार यो काम कर रैया है । पुराणी पीढी में सर्व श्री नरोत्तमदास स्वामी, डा० दशरथ शर्मा, बदरीप्रसाद साकरिया, अगरचन्द नाहटा, सीताराम लालस, डा० मोतीलाल मेनारिया आदि रा नाम उल्लेख-जोग है । इणां रै साथै ही सर्व श्री कन्हैयालाल सहल, रावत सारस्वत, डा० मनोहर शर्मा, सौभाग्यसिंह शेखावत, भूपतिराम साकरिया, मूलचन्द प्राणेश, डा० नारायणसिंह भाटी, डा० ब्रजमोहन जावलिया, डा० हीरालाल माहेश्वरी, डा० शंभुसिंह मनोहर, डा० नरेन्द्र भानावत आदि री सेवा भी ई क्षेत्र में सराहना-जोग है । ये विद्वान स्वयं तो मोकळो अनुसंधान कार्य करद्यो ई है पण साथै ई शोध-छात्रां नै भी बराबर प्रेरणा, प्रोत्साहन देयर वां रो मार्गदर्शन करता रैया है ।

राजस्थानी साहित्य अति विसाल है अर वो अधिकांश रूप में हाल-ताई अप्रकाशित है । इसी स्थिति में ई दिशा में घराँ सून घराँ अनुसंधान री आवश्यकता है । आगं कुछेक संकेत दिया जावै है, जिणां नै ध्यान में राखर काम करण सून ई विषय में लाभदायक फल प्राप्त हुय सकै है :—

१. राजस्थान रा सगळा विश्वविद्यालय पारस्परिक सम्पर्क साधर इसा विषय निश्चित करै, जिणां पर अनुसंधान करण री खास जरूरत है अर शोध-छात्रां सून उणी ज विषयां पर काम करायो जावै ।
२. हळका विषय उपाधि-सापेक्ष-शोध खातर स्वीकार नीं करद्या जावै अर न साधारण शोध-प्रबन्ध पर उपाधि देयी ही जावै ।
३. पूर्ण रूप सून अधिकारी विद्वान ही शोध-छात्रां रा निर्देशक (गाइड) बणाया जावै ।
४. शोध-संस्थावां री तरफ सून जितरा भी प्राचीन ग्रंथ प्रकाशित कर्या जावै, वै भली-भांत सुसम्पादित रूप में ही प्रकाशित हुवै अर खास तौर सून वां रै पाठानुसंधान पर पूरो ध्यान दियो जावै ।
५. शोध-संस्थावां आपसी सम्पर्क साधर निश्चित योजना सून काम करै अर साल भर में जितरो भी काम कर्यो जावै, उण रो प्रतिवेदन प्रगट कर्यो जावै ।

६. शोध पत्रिकावां जितरा भी शोध-लेख प्रकाशित करणी-सारु स्वीकार करै, उणां पर आपरै परामर्श-मण्डल रै अधिकारी विद्वान री सहमति लेवण री पूरी ध्यान राखी ।
७. साहित्यिक-अनुसंधान में रुचि राखणिये विद्वानां री शान भर में कम सून कम एक सम्मेलन किणी शोध-संस्थान रै तत्वावधान में जरूर आयोजित कर्गो जावै, जिन सून पारस्परिक सहयोग री भावना नै बळ मिलै पर विचार-विमर्श गानर एक मंच वर्णै ।

—राजकीय उच्च माध्यमिक विद्यालय,
गणोली (गोकर)

॥३॥

लेखकों सूं निवेदन

१. 'जागती जोत' में छापण-सारू अप्रकाशित, मौलिक अर स्तरीय रचना ही भेजी जावै ।

२. रचना कागद रै अके कानी हासियो छोड'र साफ-साफ आखरां में लिखियोड़ी अथवा साफ टंकित हुवणी चाईजै ।

३. छापण-सारू स्वीकृत रचना री सूचना लेखक नै रचना-प्राप्ति सूं अके महीनै रै भीतर दे बी जासी ।

४. अस्वीकृत रचना पाछी मंगवाणी हुवै तो उचित डाक-टिकट लगायोड़ो लिफाफो रचना रै साथै आवणो चाईजै ।

५. स्वीकृत रचना कद और किसै अंक में छपसी, ओ बतावणो सम्भव नीं हुसी । इण विषय में आयोड़ा पत्रां री उत्तर नीं दियो जासी । स्वीकृत रचना रे प्रकाशन खातर ताकीद नै करी जावै ।

६. पत्रिका में छपियोड़ी हरेक रचना माथै पारिश्रमिक देवण री व्यवस्था हैं । रचना रै प्रकाशित हुयां पछै अके महीनै रै भीतर पारिश्रमिक री राशि लेखक नै भेज दी जासी ।

७. छपण नै दी जावण वाली रचना में संशोधन करण री अधिकार संपादक-मंडल नै हुसी ।

राजस्थानी भाषा साहित्य संगम (अकादमी) बीकानेर (राजस्थान)

राजस्थानी भाषा साहित्य मंगल (अकादमी) बीकानेर

रा

प्रकाशन

प्रेतात्मा की प्रीत	श्री रामोदयप्रसाद शर्मा	५.५०
रोहिड़ रा फूल	डा० मनोहर शर्मा	५.७५
हांस्यां हरि मिले	श्री नृसिंह रावबुसोहि	७.५०
जोग संजोग	श्री गायत्री शर्मा 'नन्द'	७.२५
अटारवां	डा० ब्रजवायस्य पुरोहित	५.७५
आदमी रो सींग	श्री ब्रजवायस्य पुरोहित	६.००
शेक बीनली दो बीन	श्री श्रीवास्तव नथमलजी गोरी	६.३०
राजस्थानी साहित्यकार परिचय कोम	म० श्री राजाराम शर्मा	७.७५
सरवर सूरज अर नंभा	श्री प्रेम जी 'दिन' प्रकाश	

सम्पर्क—

राजस्थानी भाषा साहित्य मंगल (अकादमी)

नागरी भंडार, बीकानेर ।

जाज गीत

राजस्थानी भासा साहित्य संगम रौ मासिक


सम्पादक


दीनदयाल श्रीभा

अक्टुम्बर

१९७७







जागती जीत

राजस्थानी भासा साहित्य संगम रौ मासिक

*

अक्टुम्बर १९७७

*

संपादक
दीनदयाल ओझा

*

वरस : ५

अंक : ८

वरस रौ मोल : १२ रिपिया

इए अंक रौ मोल : सवा रिपियो

रियायती मोल : ८ रिपिया

प्रकासक

राजस्थानी भासा साहित संगम (अकादमी)

[वीकानेर राजस्थान]


वि ग त

सम्पादकी	—	५
चन्द्र तैयाना	रामदेव आचार्य	६
म्हारं मांयने भी एक आभी हे	भवानीशंकर ख्यात 'विमोद'	११
आंच	मोहम्मद मलिक	१४
अनाम अर अमर दाहीदां रे नाव	भगवानदास गोस्वामी	१७
परंती छायी भाग रे	द्वारकाप्रसाद वर्मा	२२
तीन कवितायां	चित्तिक मोहन	२४
जमारां	मादोचन्द्र शर्मा 'चन्द्र'	२६
तिश	विमोद गोस्वामी हग	२८
भाही कारीगर	नरोत्तमदास मत्तानी	३३
ईसरा परमेसरा	डा० नरेन्द्र भागवत	४२
राजस्थानी काव्य में राम यगुन	डा० मदनराज श्री० मेहता	४७
मो सम कीन कुटिल ताल कीमी	डा० मनोहर शर्मा	५३
आपरा कागद		५८
गद्य रे ओक रूपता रे निर्गुण		६१



कवर पृष्ठों रा चित्रराम:—

मूमल प्रकाशन जैसलमेर सू' साभार ।



राजस्थानीय

राजस्थानी भाषा आपांरी मायड़ भासा है। इण भासा रो हवळ-हवळ आगे बढणो, इण भासा में भांत-भांत रै विसयां री सरस, भाव भरी पोथ्यां रो छपणो, तिमाही, मासिक, पखवाड़िया छापां रो प्रकासित हुवणो-सगळ भासा सनेवियांरे लिखारां सारू घणं हरख री बात हुवे। छोटी-छोटी पोसाळां सैकन्दरी, हायर सैकन्दरी स्कूलां, कालेजां'र विस्वविद्यालयां में इण भासा रो पढायो जावणो इण प्रान्त री संस्कृति इतियास'र साहित री नीव नै घणी सबळ'र सांतरी बणावण कांनी सरावण जोग प्रयास है। शिक्षा रै क्षेत्र में मायड़ भासा नै पढ़णवाळां'र न्यारी न्यारी कक्षावां में पढाई जावणवाळी पोथ्यां रै लेखकां, संपादकां'र प्रकासकां री पण जिती सरावणा की जावै विती थोड़ी है। ओ सगळा सरावण जोग प्रयास आगे सारू भी घणं सरावण जोग ढंग सूं चालता रयसी-इसी भासा बंधं।

हरैक प्रान्त आप आपरी प्रान्तीय भासा रै विकास'र उण रै साहित नै आगे बधावण सारू जिका आछा ओपता उपाय करै, वां में अकादमी री थरपना भी अेक ठावो थिर रैवणवाळो'र वरणन जोग उपाय हुवे। राजस्थान में राजस्थान साहित्य अकादमी उदयपुर'र उणारी साखा राजस्थानी भासा साहित्य संगम (अकादमी) बीकानेर इण प्रांत रै हिन्दी, राजस्थानी'र संस्कृत भासा साहित रै विकास, उणरै लेखकां नै आगे लावण वां री पोथ्यां नै छपावण, छप्योड़ी पोथ्यां माथै प्रकासन सहायता देवण'र लिखोई साहित नै छापण सारू मासिक पत्र-पत्रिकावां रै प्रकासन री आछी विष बिठाय घणो सरावण जोग काम कियो है। इणी तरै रै सद् प्रयासां में राजस्थानी भाषा साहित्य संगम (अकादमी) बीकानेर सूं प्रकासित हुवणवाळो मासिक पत्र 'जागती-जोत' है।

जागती जोत रा लारला अंक भाई श्री तेजमिथ जोत मूँ संपादित ह्योड़ा आपरै हाथां पूग्या । अरु आगे रें छत्र अकां (अक्टूबर ७७ मूँ मानं ७८) रो संपादन म्हनं करणी है । संपादक रो दायित्व घणी ओखी, करडी र कांटावाळी है । उण दायित्व नं उठावणवाळी भावें कितोई गुणी विद्वान क्युं नहीं हवें, उणरी घणीसीक सफळता उण भासा साहित रें सिरजण घरमी लिखारां माथे दिक्कयोटी रेवें । जे गुणी विद्वान, लाम्हीना लेखक, आछा चिंतक विचारक आप-आप री सरस, भाव भरी'र पाठकां रें नित चाई रचनावां भेजै जणै इज संपादक नै पत्रिका में छापण रो मोकी मिर्न । उण सारुं म्है राजस्थानी भासा साहित रें सगळें सिरजण घरमी लिखारां नै चली मान भरदाग करणी चावूं कै सगळा आप-आप री सरस, भाव भरी, आछी ओपती ऊठळें आपरां मांडगोटी रचनावां 'जागती-जोत' में छापण सारुं अवस भेजै । रचनावां मूँ रचनाकार रो सगल सुगणी संतान री तरें हवें । वो वेन जलम देवें, पाळें आपरां री ओळवां रें आपार उभी कर संपादक नै भेजै । उणरी समे माथे पूग देणी उणने आछी तरें आपणी संपादक रो नैतिक दायित्व है । म्है सगळें लेखकां नै भरोसी दिलाणी चावूं कै सगळा री रचनावां म्हनं जिण दिन पूगसी उणरें सात दिनां में वांन रचनावां री पूग जरुर मिळपी । म्हारें मन में सगळें लेखकां री सिरजण घरमिता रें तागु गणी आदर है । आछा लिमाग जिणां में आपरी वात कैवण री कळा है, प्रतिभा है, वांरो आपतो आप आदर आप सगळी ठोड़ है । फेरुं भी सिरजण री सांतरी, सबळी, साग बिर रासगु सारुं, जीवन नै असाधारण बीठ सूं निरख परख'र उणरी आछी बुरी गतिविधियां नै साहित री भर-जाद'र उणरें काण-कायदे रें उणियारें ओळवां में उतारणी घणी जरुरी है । म्है पणें गरव रें सागै आ वात कय सकूं कै राजस्थानी भासा साहित रो सगल जीवन रें बदलाव नै अंतस में अवर, जुग घरम रें सागै सागै चाल बीथोड़े'र आपणवाळें समे नै आम्ही आगे ऊभी देख साहित सिरजण करे । उणरें सिरजण री साग आब गणी ऊंची मूँ ऊंची पूग रयी है । उण रें चितन री नीव घणी गहरी है । उणरी सिरजण कळा गणी सरस, भाव भरी, रूपाळी'र हिवडें माथे छाप छोटणवाळी है । वां सगळां री प्रतिभा'र सिरजण घरमिता नै आगे लावण में 'जागती जोत' सदा सेवा सारुं हाजिर है, हाजिर रयसी ।

म्है इण वात नै भी आछी तरें निरणी पग्गी है कै कई लिमाग सगल मूँ रुठयोड़ा है । पण इण वात रो भी घणी अचरज है कै वांरें रुठण रा कारण घणा काना, निवळा'र अणूता है । जे आंमैं सांमैं बीठ वात रो निवेडी कियो जावें तो ओ फळकाय सदा सारुं अलघी जाय, मिलण री भावना'र अेक जुट ह्य काम करण रो उद्भाव जाग सकै । जिता लिखारा है, सगळां री अेक ई लक्ष्य है कै राजस्थानी भासा साहित रो आछी, ओपती'र आदर जोग विकास हवें । सगळें लिखारां नै बिना कित्ती भेद भाव रें आव-आदर, ठावी ठोड़ मिळें । सगल री गति-विधियां री समे-समै माथे पूरी जाणकारी मिळती रेवें । जिकी रचनावां जागती जोत सारुं भेजी जावें, उणरी पूग समे माथे

मिले । जिकी रीति-नीति राजस्थानी भासा साहित र विकास सारुं बणै, उणमें थोड़ैक चुणियोड़ै साहितकारां रो नहीं, सगळां रो सहयोग हुवै । म्है ओ इण'र इणी तरें रं दूजें मुद्दी रो सदा सूं हिमायती रयो हूं र आज भी हूं । पण इणरो अरथ ओ नहीं हैं कै छोटी छोटी बातां माथे लड़ साहित रो सिरजण छोड़ देवौ । पत्र पत्रिकावां ने रचनावां भेजणी बंद कर देवौ । भासा-साहित रो जठे सम्मेलन हुवै बठे नहीं पूगौ । विरोध रा अं तोर-तरीका घणा निबळा'र वे ओपता है ।

म्है आपनै पुरो भरोसी दिलाणी चावूं कै जागती जोत रो संपादन जद ताई म्हारे कने है तद ताई सगळां री आछी, ओपती सरस भाव भरी विविध विधावां री रचनावां 'जागती जोत' मे घणी आदर सागै छपसी । इण सारुं सगळें लेखकां नै अरदास है कै राजस्थानी भासा साहित र विकास रो इण संक्रांति बेळा में सगळें छोटै-मोटै भेद भावां नै भूल, आप-आपरी आछी सूं आछी रचनावां 'जागती जोत' नै सरस, सुरंगी, रूपाळी बणावण सारुं जरूर भिजावो । संपादक म्है रैवूं, भावे म्हारी कोई दूजो भाई, पण जागती जोत नै अखंड राखणी घणी जरूरी है । इणरें स्तर में कमी नहीं आवणी चाईजे । इण में छपण वाली रचनावां दूजें प्रातां री भासावां रें लेखकां सूं घणी ऊंचे स्तर री हुवै जणै कोई सरावण जोग बात बणै । राजस्थानी रें लेखकां में इसी लेखण शक्ति निश्चै रूप सूं है । जरूरत है उण नै प्रकट करण री प्रेरणा-देवण री आगै लावण री ।

साहित, संस्कृति'र कळा री दीठ सूं राजस्थान सदा सिरें नांव रयो है । हिन्दी साहित र आदिकाळ, भक्तिकाळ, रीतिकाळ'र आधुनिक काळ रें विकास में इण प्रांत रें साहितकारां रो सदा सूं कीरत जोग सहयोग रयो है । आज भी जे इण प्रान्त रा सगळा चितक, विचारक गुणी विद्वान न्यारें न्यारें विसयां माथे आपरी मायड़ भासा राजस्थानी में लिखें-तो साहित री घणकरी विधावां री कमी घणै सरावण जोग ढंग सूं पूरी हुय-सकै । अठे आ-वात लिखणी घणी जरूरी है कै कैई अंग्रेजी, हिन्दी, इतियास'र विग्यान रा प्राध्यापक'र अध्यापक राजस्थानी भासा में घणै ऊंचे स्तर री रचनावां लिखरया है । आछा-ओपता अनुवाद कर रया है । ओ लगाव घणी आदर जोग है । स्कूलां, कालेजां'र विस्वविद्यालयां रें छात्र छात्रावां ने राजस्थानी में लिखण सारुं प्रोत्साहन देवण री तजवीज पण चालू है । आसावादी हुवण रें नातें म्हने इसी लागे कै लारलें बरसां री तुलना में आवणवाळें बरसां में राजस्थानी भासा साहित रा घणा आछा लिखारा मिलसी । घणकरी विधावां में साहित लिख्यो जासी ।

हरेक प्रान्त रें इतियास, संस्कृति'र कळा री कैइ सरावण जोग सिरें नांव वाली निजुं खास-खास बातां हुवै । उण प्रान्त रें लोक साहित'र पुराण साहित में उणरें रैवासियां रो घणी ऊंचो ग्यान, अनुभव, त्याग, तपस्या'र जीवण रा जीवता जागता प्रेरणा देवण वाळा प्रसंग मिलै । अेक आछो रचनाकार लारलें सगळें संदर्भों नै दीठ में,

राख आज नै परतख निरख-परख आवण वालें समे री उलझणां नै मुळभावणरा सोवणा सबळा सरस सातारा संकेत दे आपरी रचनावां री रचना करे । अंतस रे भावां नै कागज री ओळ-ओळ उतार सगळां तक पोँचावण री चेस्टा करे, विष बिठावे । इण तरें अक रचनाकार री रचना में तीनू काळ परतख दीखे । उणरें लेखण में उण प्रान्त रे जीवण रा जीवता-जागता चितराम वणें । इण ऊजळी'र लाखीणी परम्परा नै निभावण सारुं पुराणें र नूवें साहित रो पढणी घणी जरूरी है । पुराणें सिरजण रो पढण जे पूठ मज-वृत्त करे नींव नै सबळी वणावे, तो नूवें सिरजण रो सँठा लगाव, नियम सून पढण रो चाव नूवें सिरजण रो चोगुणी चाव जगावे । सांच तो आ है के नूवें सिरजण रो पढण नूवें सिरजण री सबळी भूमिका है । इण दिसा में पत्र-पत्रिकावां घणी सरावण जोग काम करे । नूवो पोढी नै आपरें ऊजळें इतियास'र साहित रो पतो लागणी, उणरी सरावण जोग ग्यान हुवणी घणी जरूरी है । इण खातर 'जागती जोत' राजस्थान री सगळी संकन्डरी, हायर संकन्डरी स्कूलां कालेजां'र विस्वविद्यालयां में पूगणी घणी जरूरी है । घनी-मानी'र साहित में रुचि राखणवाळां नै भी इण पत्रिका रो ग्राहक वण राज-स्थानी भासा रे लेखकां रो उछाव बघावणी घणी ओपतो काम होसी । दूजे प्रान्तां री मायड़ भासा में घणकरी पत्र-पत्रिकावां निकळे, वां रा सगणा पाठक आपरी मायड़ भासा रा छाप पत्र-पत्रिकावां पढ़े साहित खरीदे, मोकै-मोकै माये सरावण जोग सहयोग देवें । इण तरें रे भावां रो विकास बोड़ बाढ़ तो हुयो है, पण इण दिसा में ओरुं भी रुचि जगावणी आज रे समे घणी जरूरी है । क्यूँके "दीरे चारा देस, ज्यांरा साहित जगमगे" ।

अकादमी'र संगम रे मानीजतें साधियां रो सबळी सहयोग, सगळें मुण्णें लेखकां रो सरस सनेव; हेताळुवां रा सोवणा मुभाव, प्रेस री चतराई-जिस्ती घणकरी बातां म्हनै मिळी है उणरो सुफल है के जागती जोत रो अक्टुम्बर ७७ रो अंक आपरें हाथां समे मायें पूग रयो है । सगळा लेखक आपरें सुजस नै अडग कीरत नै घिर राखण सारुं आपरी रचनावां जागती जोत सारुं भेजता रयसी इसो पुरो भरोसी राखूं । इणमें किणी बात री कमी जे रय गई है तो वै सगळी कमियां म्हारी है-अच्छादियां आपरी लेखकां री ।

आपन अंक किसो लाय्यो, आप जागती जोत ने किण तरें री देखाणी सावो, आपरा मुभाव घणै मान भिजावो । म्है ओळभे सावासी री उठीक राखूंता ।

दीनदयाल ओझा

विन्नाणियां रो चीक
वीकानेर

बन्द तैखानां

रामदेव आचार्य

आ दुनिया बन्द तैखानां रो
एक असपताळ बणती जावै ।
बन्द तैखानां रो रूप एक-जिसो ।
हुजूम एक-जिसो । अर मरज एक-जिसो ।

बन्द तैखानां या तो बन्दइ'ज रैवै,
या फेर लुकै-छिपै, कदै-कदास
इण तरह खुलै
के बां रै भेद री
भणकारइ'ज नीं पडै ।

बन्द तैखानां री एक भेद-भरी दुनिया है—
सडान्ध-भरी । अदावत-भरी । कुचमाद-भरी ।
खुलणै सूं भीतर री गरमी अर गन्दगी री
सच्चाई रै खुलणै रो खतरो रैवे,
इण खातर
बन्द तैखानां हमेसा बन्द ही'ज रैवै ।

बन्द तैखानां रा बारला दरवाजा
आपस में घणी भेद-भरी बातयां करै,
बसंत अर मौसम रै बारै में

घणी ओपमा-लायक भासण वाजी करे,
पण वां रे अंतस री गन्दी नाळ्यां
भीतर-ही-भीतर सड़ांध फैलाती जावे ।

वन्द तैखानां दो भासावां जाणे—
एक विकास री अर एक विनास री ।
वन्द तैखानां दो परम्परावां भाने—
एक सुनीत री अर एक अनीत री ।

वन्द तैखानां रो एक ही'ज नेम
के हर खुलै दरवाजै नै
वन्द तैखानो बणावणो ।
भीतर री दुनिया नै
बाहर री दुनिया सूं अळगावणो ।

वन्द तैखानां डरै कै कठई खुला दरवाजा
उणरी चाभी रो भेद नी जाणलै,
जिण सूं वन्द तैखानां री
सच्चाई री पोल खुल जावै ।

इण खातर सारा वन्द तैखानां
एक भुण्ड वणा'र भुण्ड रो गीत गावै,
खुलै दरवाजां नै हेठा बतावै,
उणनै साहित अर कळा री गाळ्यां देवै,
अर वन्द तैखानां री आपा-धापी करै,
अर एक-दूसरै री
सरव ओपमा-लायक वडाई करै ।



जेल रै कुए रै पास,
दीकानेर

म्हारै मांयनै भी एक आभी है

भवानीशंकर व्यास 'विनोद'

आभै रै आंतरै नै
आखरां स्युं नापणिया
धरती रै गरभ नै
सूगलै बिचारां रै जापै स्युं बिगाड़णियां
आ क्यूं भूल जावै ?
कै म्हारै मांयनै भी एक आभी है—
ऊंचौ; गै'रो अर अदीठ
बीजळी बीं में भी चमकै
पण बीजळी रौ पळकौ
अर मून रौ निवास
आखर कितो'क ।

काळा दिराक बादळ जद
सूरज नै च्यारुं मेर घेरलै
तौ मांय रौ अमूजौ
मांय'र मांय घुटतौ रेवै
बिसीजती बगत कदै कदास
एक भूपकौ पड़ भी जावै
तौ सिइया रा रुखवाळा

वीं नै काळ कोटड़ी में गेर'र
नैचें स्यूं सूय जावै ॥

म्हारै मांयनै भी एक घरती है—
मैली, बदरंगी अर गोळ मटोळ ।
वींरी माळा री एक ही है फेर
कै रोटी खातर घूमती रैवै च्यांरु मेर ।
नाठी-नाठी सूरज कानी जाणी चावै
तो गिरण री सामेळो ले'र
पूठी आय जावै ।

म्हारै मांयनै भी एक चंदरमा है ।
पण रूपरूपाळै नै जद लोग कैवै'क
अी माल तो दागी है
तो आभै री छाती में छेकळा पड़ जावै ।
फीकै थूक चंदरमा नै ले'र
○ घरती मांय री मांय धमीड़ा खावै ।

पण फेर भो फाटै टूटै आभै नै
पाळ रयो हूं ।
आ सोच'र
कै कदास ओ दुड़क जासी
तो सगलो ही सही
पण म्हारो सोनलियो सूरज
दागी ही सही
पण म्हारो रूपाळो चंदरमा
घर-घर रो हुय जासी ।
कैरै खातर जीवैला म्हारी घरती ?

कैरै खातर घूमैला म्हारो चांद ?

गिरण कीनै अडीकैला ?

बादळ कीं नै लुकावैला ?

बीजळी कीं नै बिलमावैला ।

इण खातर

लांबे रोग ज्यूं इयानै पाळ रयो हूं

अधगावळौ ही सही

म्हारी चाल म्हारें मुजब चाल रयौ हूं ।



सुथारां री बडी गुवाड़,
बीकानेर

लिखारां सारूं—

- * 'जागती-जोत' सारूं आपरी रचनावां आछै ऊजळै आखरां में मांड'र भेजी ।
- * लिपी रो ध्यान राखणी घणी जरूरी है ।
- * रचना पाछी मंगावण सारूं टिकट लाय्योड़ी लिफाफौ जरूर भिजावण री किरपा करावी ।
- * 'जागती जोत' रे अंकां'र उणमें छप्योड़ी रचनावां रै बाबत आपरा विचार सम्पादक, जागती जोत नै जरूर लिखावी ।

— सम्पादक

आंच

मोहम्मद सदीक

सो-भूठ-

परा-

सक सांच है ।

मिनख री देह में

आंच ही आंच है ।

इरा आंच री सांच ने

संजोरिया--

खेत बीजता किरसान

सड़क कूटता मजूर

जूती गांठता मोची

गळी बुहारती मेतराणियां

और लो-कूटता लुवार ।

पेलड़े मिनख ऊं लेर

आजरै मिनख ताई रो इतियास

ओटीज्योड़ी आंच रो

मूंडे बोलतो गवा है ।

उकेरता जावी । देखता जावी

उकेरता जावी । देखता जावी

जद-कद-जठे-कठे

हवा रो फटकारो लाग्यो-र

आंच आपरो काम कर्यो है ।

फ्रान्स में—

रूस में

चीन में

वियतनाम में ।

ई—आंच रो इंधण

न—लकड़ी है

न—कोयलो

न—तेल है

न—पेट्रोल

इण आंच नै जीवती राखण

चाईजे

मिनख री जीवती देह

वीं में भभकती आंच नै

घणी संजोरी करणिया

तपते भावां रा भण्डार

भतूळियां ज्यूं भंवती हवा रा फटकारा,

मिनख री देही में

दबी चिणगारी नै

चौगुणी कर विखेर दे ।

उतराद—दिखणाद

अगूण—आथूण

ऊपर—नीचै—आसै—पासै

काचा—न्यावड़ां में

पशव आवै—नई आवै

तूफान रा फटकारा

भिड़ा—भिड़ा भान्डा नै

ठीकरी ठीकरी कर नाखै

रै जावे कुम्हार रै हाथां में

फूटा-घिरघना ।
इण भान्त
आ-आंच
तपा-सांच
सरीसा कर नाखे
फेर उगावै इणी घरती माथे
एक सरीसा विस्वास
एक सरीसा मिनख
एक सरीसो समाज ॥



रानी बाजार
वीकानेर

६

पाठकां सारुं—

- * 'जागती जोत' री रचनावां आपनै किसी लागी ।
- * 'जागती जोत' में आप किसी रचनावां चावी ।
- * 'जागती जोत' आपरें विचारों में किसी हुवणी चाइजे सम्पादक 'जागती जोत' नै जरूर लिखावी ।

— सम्पादक

अनाम अर अमर शहीदां रै नांव

श्री भयवानदत्त गोस्वामी

उणांरै वास्तै
कांयरी रोवणी
जिकां यातनावीं सई;
वै तो गगन मंडळ में
चमकण आळा तारा है
जिका ध्रुव तारे री तरियां'ई
इतिहास-नभ में
आपरो पक्की जाग्यां बणायली है ॥

किण किण रौ नांव गिणासू
गिणती में आंवणियां सहीदां रा पगलियां—
अर देवळी नै हूं
हजार हजार वार पूजसूं—
पूजती'ई रैसूं—
पण हूं तौ उणां नै
घणौ बडौ मानूं
जिका बिना नांव कियां थकां
नींव रै भाटे दई
बेनाम—
राष्ट्र भवन रै निर्माण नीचे गडग्या है ।

प्रजातन्तर री गंगा नै
 घरती ऊपर पूठी लावण सारू
 थू मरग्यी,
 खपग्यी,
 थारी मां री कूँख सूनी होयगी
 थारै वाप री छाती फाटगी,
 थारा टावरिया रुळग्या,
 थारी लिछमी रो सुहाग पुंछग्यो
 थारी वैनਾਂ री अस्मत लुटगी
 पख थू अडिग रैयी
 हूं तन्ने निमस्कार करूं ॥

घरती रा लाडैसर
 थारी यातनावां री गवाई
 जे जेलखानां वोलै ती
 अवश्य देवेला;
 पुलिस थारणा री-भीतां
 जे जवान खोलै
 तो वे'ई रोय रोय कैवलन;
 अस्पताळां में
 धीमै, धीमै असर
 करण आळा इजेकमनां री टूटियोड़ी सूयां
 जे बोल पड़ै
 ती थारी गाथा
 कूक कूक'र कैवेला ॥

बरफ री सिलावां
 पिघळती नईं होवती ती
 वे'ई आपरी ब्यान
 किणी जांच कमीसन अथवा कोरट में
 देवण सारू अवश्य आगै आवती

अर केवती

कित्ताई अनाम नौजवानां नै
सीतकाळ री काळी रातां में
म्हारी ठण्डी सपाट छाती माथै
सुवाया गया हा ॥

सूरज रौ तीखौ तावडौ;
सर्च लाइट रौ माथौ-दुखावण वालो, पळकौ
नींद सूं बिचकाय'र उठाय देवण आळी यातनावां,
सुई रौ चुभण
रात रात, आखी रात
सिकंजां मांय कस्योडौ थूं
अर थारै दुखदरद रा छिन
कोड़ां सूं कूटीज्योडी थारी पीठ
भंभूरा अर संडासी—
जिकां सूं थारी आंगळचां रा नख
बारै काढ लिया—
वै हाकौ कर कर'र केवैला
थारै ऊपर ढायोडां जुलमां रौ कांणी ॥

थन्नै पागल कियो;
सड़क री छाती माथै चालण आळा रोलर
थारी उघाडी पीठ उपर चलाय दिया;
हंटर, लाठी, डण्डा, लात, घूंसां री मार सूं
थारी देही दरदीजगी,
थारी चामडी उधड़गी,
थारै राछां माथै
मारियोडी मार
थारै डील नै सूं घौ नो होवण दियो ॥

नास्यां मांय सूं
 नीसरण आळै खून रा नीसाण
 चावै कित्ताई पाणी सूं
 सावळ घोय काढ्या होवै
 पण उणां रा दाग तो
 इतियास रै पानड़ा ऊपर
 चांद अर सितारां ज्यूं
 चम चम चमकण लागग्या है,
 वै अवै कियां धुपे ।
 तें अमरता री एक ओरूं इतियास वणायी
 भारत री गौरवगाथा में नुवां पानड़ा जोड़िया,
 नुवीं पीढ़ी रा अमर माणवी !
 हूं तन्नै
 सत् सत् निमस्कार करूं ॥

सून्य में विलीण होवण वालें
 आतम तत्व री
 इयां तो कोई दीखण आळी
 अस्तित्व नीं है,
 पण इण विराट विस्व री सृस्टी करणवाळा
 इण तत्वां री एक एक इकाई री अस्तित्व है,
 ठणौ तस्मिं
 समग्र रास्ट्र जीवण रै इतियास नै वणावण आळा
 ओ अज्ञात शहीद !
 नीलै आकास,
 भूरी धरती,
 हवा री महकती सोरम
 नेडै अर दूर

अकास रै एक एक नीलै कण में
 रळियोड़ी मिळियोड़ी
 थारी गौरव गाथा
 माणवी इतियास रै विकास रै सागै सागै
 थारै करतब री छाप छोडती जासी ॥

बेद कैवै
 सबद नित्य है
 इणी तरियां
 थारै करतब री गाथा
 पानड़ां माथै नी लिखीजें
 तो, कोई बात नीं
 पण धरती री छाती ऊपर
 थारै त्याग, तपस्या अर बलिदान
 रा गै'रा बण—
 सदा बण्ण्य रैसी ॥

थारै सूं आंवण वाळी पीढ़ी
 प्रेरणा लेसी
 नुवों इतियास
 थारी ई यादगार में लिख्यी जासी ।
 आजाद देसां री खुली हवा में
 थारै खून अर पसीनै री सोवणी सोरम होसी ॥

अबै आगै सारू
 अ जुलम कदेई नीं होय सकै
 इण री चौकसी,
 थारी वातां री फुलवाड़ी सूं होसी ॥

ओ शहीदी इतियास रा निर्माता !
 नुर्वी पीढ़ी रा अनाम, ऊजळा आखर
 अर अमर माणवी !
 हँ तन्नै
 सत सत निमस्कार करू ॥

गोस्वामी चौक,
 बीकानेर

प्रकासकां सारूँ—

- * 'जागती जीत' में आपरै प्रकासन संस्थान सँ प्रकासित पोव्यां रो दोय प्रतियां समीक्षा सारूँ जरूर भिजावी ।
- * 'जागती जीत' रै ज़िण अक में आपरी पोव्यां रो समीक्षा छपसी वो अंक आपनै जरूर मिलेसी ।

— सम्पादक

सम्पादक रो पतो—

- * दीनदयाल ओझा
 बिन्नाणियां रो चौक
 बीकानेर

परैसी छायां भागै रे

द्वारकाप्रसाद वर्मा

हर्या रूखड़ा तळ आज तावड़ियो लागै रे
परैसी छायां भागै रे
सरम भूलग्या आपो खोयो
मिनखां यी री जरूरत में
बेजां मुळक्या उड़्या पून में
मेळां खेळां री रत में
मेळो खिडगो पग मेलां इब किण रै सागै रे
परैसी छाया भागै रे
भाफण मां'री निगै पड़ी
कै कसर रह्यी जद मरणै में
गयी औसता मिनख जूण रो
रीतो पेटो भरगै में
म्है लारां बिस्वास चालर्यो आगै आगै रे
परैसी छाया भागै रे
डाट मती अब सांस
किवाड़ां रै भूठां भुडकापर तूं
खड़्या करै क्यूं कान बावळा
पैड़्यां रै खुड़का पर तूं
लोरी रा छिण सुगै भरम सुत्योड़ा जागै रे
हर्या रूखड़ा तळ आज तावड़ियो लागै रे
परैसी छायां भागै रे ।



६५-बी, पंचवटी, उदयपुर

तीन छोटी कवितावां

सुरगवासी

त्रिलोक गोयल

अक देस भगत वोल्यो
जीजा-आपणौ मुलक सुरग है सुरग
हूं वोल्यो-वेटा
जदी तो आपां सुरगवासी हां ।



अचम्भो

महै तो लोगां रा खाली तार ही काट्या हा
लोग द्यूव लाइट ही फोड़दी
उखाड़ दियो बीजळी रो खम्भो को खम्भो ।
जनता में इतरो करेन्ट कठा सूं आग्यी
ओही कर रया है मां वेटा अचम्भो ॥



प्रश्न और उत्तर

परीक्षा में बूझ्यौ गयो हो सुवाल
संक्षेप में लिखौ राम रो हाल
परीक्षार्थी लिख्यौ उत्तर
ई मुलक में
हर जुग में राम अवतरित होता रह्या है
सत जुग में परशुराम
त्रेता में रघुवंशीराम
द्वापर में बलराम
अर कळजुग में जगजीवन राम
आप यां चारचां में सूं
किण रो हाल जाणनौ चावो हो
किरपा कर'र स्पस्ट करो ।
पहलां आपरा प्रस्न नै
ठीक करबा रो कस्ट करो ॥



अग्रसेन नगर,
अजमेर ।

जमारो

यादवेन्द्र शर्मा 'चन्द्र'

वीं री आंख्यां रं अगाड़ी तितल्यां री उठण लागगी । आंमूढ़ा री तितलियां वीं आपरो मूंडो हथेल्यां मांय लुका लियो । वा डागळं माये गयी परी क्यूंकं आंगण सरनाटो वीं नै सतावण लाग्यो हो ।

आज दिनूंगे सून ही वा उफतगी ही । आपरं परिवेस अर सांच सून । सांच सून जिणरी लखाव वीं नै आज पैली दफे हुयो के वा आपरं घणी री लुगाई कोन साथण कोनी, वा तो खाली अक भोगण री चीजवस्त है । इयं वात वीं नै घणो दियो । उण रे काळजें में आ वात घड़ी-घड़ी बांवलिये रं तीखे काटे ज्यूं लुभण लाग्यो

वीं नै आज पैली दफे इण वात रो भी लखाव हुयो के कुदरत मिनख बगावत करै है चाये वा बगावत घूड़ रं ढिगले ज्यूं भले ई मिट जावै पण वा हुवै पका है । कदैई कदैई एडा भी पुळ जलम लेवै है जिकी रो लखाव केनेई कोनी हुवै ।

आज ऐडा ई पलछिन वीं रं अर वीरं घरवाळां रं बीच जलमग्या ह अचाणचक अर अनायास । उण बगत वा जूंभारु वणगी ही अर सगळी मान मरजाव लापो लगायनै चिरळाय पड़ी ही 'थां मांय अक भी मिनख कोनी । सगळा जणा कर हो । थै मन्नै कळपाय कळपाय मारनो चावी पण अबै म्है सून थारां घमीडा कोनी सै मन्नै थारं बीच रेवणोई कोनी । वीं रीस में आपरी सासू नै डाकण अर घरवाळां नै डाकै दियो ।

तद वीं रं घणी वींनै कूट न्हाखी । वा फूफाय परी अकान्त में बेसगी ।

×

×

×

सिभा ढळने लागगी ही । राख जेडो धुंधळो अघारो धोमे-धोमे ल जिस्पो हुयग्यो हो । गांव रं काचा-पाका घरां रं डागळं माये चानणै रा आसरी टु नटखट टाबरां री तरिया नाठण लाग्या हा ।

वा उण सगळी नै जीवती रयी । कद अंधारो घणो गैरी हुयो अर कद दीयां चिमन्यां अर लालटेण रै चानरौ री टीकियां चमकण लागी, बीनै मालम ही नई । वा तो ओळ री खुभण सून वावळी ही । उण मे डूबोड़ी ही ।

बीनै नै याद आयो कै दसवीं री इमतान देवरौ सून पैलाई बीनै नै आ ठा लागगी ही के बीनै रो व्याव तय हुयग्यो है । वा अचंभै में मरगी अर बीनै मांय रो मांय वैगै व्याव रो विरोध भी कियो कै बा जदताई दसवीं पास नीं करलै तद ताईं व्याव नईं करैली । इण बात सून घर मांय तूफाण मचग्यो अर बीनै रै मां-बाप सोचियो कै आ भी आपरी बडी वैन ज्यून किणी बेजातिये सून कचैड़ी में जायनै व्याव कर लेसी ।

आ बात सी टका सांची ही के बीनै री बैन आपरै भायलै सागै नाठगी ही । इण रो कारण बीनै री बैन रो भावुक मनडो हो अर बीनै री बैन नै आ ठा लागगी ही कै उणरो व्याव ठेठ गांव रै ओके छोरे सून हुय रयो है जिको अंगूठा छाप है । परचूण री दुकान में पुड़ियां बांधै । ऐड़ी स्थिति में वा आपरै सुपनां नै कियां रोस सकै ? बा महा नगरां में जलमी, बड़ी हुई अर पढी ।...

बीनै री बैन जद आपरै बाप नै आपरै मन री बात बताई तो बाप धरती आभै नै ओके करतो हुयो बोल्यो 'थारो माथो खराब है । हूं बाभण रो जायो म्हांरी बेटी नै ओके घोवीड़े नै परणावूं ला ?

बीनै री बैन बतायो, 'मिनख केवल मिनख हुवै । बीनै नै जाति-धरम सून नई ; गुणां सून पैचाणनो ज्ञाइजै । ओ आखिर प्रोफेसर है । हूं बीनै रै सागै सोरी सुखी रैवूं ली ।

पण बाप नीं मानियो । तद बड़ी बैन अपणै आप व्याव कर लियो ।

अर वा ?

इण सवाल सून ई वा विष सी गयी । के वा आपरी बैन रै पगलियां माथै नीं चाल सकै ? पण उणरा माइत घणा सावचेत हुयग्या । अर बीनै रो व्याव कलकत्तै सून आयनै बीकानेर मांय भटाफट कर काढियो ।

वा सगळै कामण-टामण में ओके मूरती री तरियां रयी । ओके तिरपेक्ष अवस्था ही उणरी ।

व्याव रै पछै बा नापासर गांव आयगी । घोरां रै बिचाळी बस्योड़ी बो गांव । बीनै नै मांडारौ ई घाघरो, ओढ़णो अर कांचळी, कुड़ती पैरणी पड़ती । टीके री रात ही बीनै री भावुकता मरगी जद बीनै रै घणी आवतो ई बीनै रै डील री लूटखसोट चावण लागगी ।

बीनै नै ठा लागगी के वा ओके जिन्स है जिकै नै बीनै रो घणी भोगे । घणी ही क्यों, संग रा संग घरवाळा भोगे । सासू...सुसरो, देवर, जेठ, जेठाणी...! तद बीनै नै

लागतो कै वीं रो कोई आपरी कोनी । वा अकेली हे***वा आपरें लोगां में अनपेचाणी हे ।

साँचेली वा आपरां में अजनबी हुयगी । कदैई-कदैई वीं न लागतो कै वा आपरी लास नै कांधां माथे खुद उठायनै ढोवै हे । आ स्थिति वीं रै वास्ती बढी कोजी ही । ओक मिनख खुद आपरी लास नै उठाय रै लखाव में पचियै ज्यूं कुळतो जावै । फेर ओक रै पछे ओक टावरां रै जलम सूं वीं रो तो सत ई निसरग्यो । जद कदैई वीं रै मूंडै सूं खीरां जेड़ा बळवळता बोल निसर जावता तो सगळें घर में रोळारण्यो मच जावतो अर उण री वैन री तरियां वीं माथे भी घर सूं नाठ जावण रो भूंटो आरोप लगा दियो जावतो । वीं रै पीरंवाळां नै कोजी कोजी अर अगूती बात्यां कयो जावती । वा आपरें काळजें नै आपरी मांयली वासती सूं बाळती रेंवती ! अणीठी ज्यूं धुखती रेंवती । पण वा न तो नाठती अर न वीं रो घणी वीं रो भावनावां नै सँलावतो । सायद वा अबै मां वणगी ही अर वीं रो आपरें नाना-नाना चार टींगरां सूं जुड़ाव हुयग्यो हो । वा सोचती—“मायङ थारी कित्ती मजबूरचां हुवै ?”

घणी गैरो अंधारो पसरग्यो हो । तारा हूखणियां ज्यू लाग रया हा । विचारां में हूब्योड़ी नै वगत री सुघ भी नई रयी ।

किणी टींगर रो कूंकणो सुणायो पड़ियो । वा हड़बड़ाय उठी । सोचण लागी—‘म्हारो छोटोड़ो लाडकंवर कूक रयी है । वा कमजोर होवण लागी । मांय सूं गळन लागी । जुड़ाव री पाँख्यां पसरण लागी ।***वा जावती-जावती बमगी अर खुद नै फिटकारां देवती बोली, जद परणोज्योड़ो सुख देवै कोनी तद जायोड़ा कै सुख वैसी ?”

तदी वीं रै घणी हेलो पाड़ियो, ‘सुर्ण है, छोटोड़ो मुनो रोव है । अब रीस नै थूक’र घरै चली आव ।’

वीं रै घणी रै ओक हाथ मांय लालटण हो अर दूजें हाथ में छोटोड़ो मुन्नो । वो बाड़ै रै मांय खिडियोड़ी घास माथे पण राखतो वीं रै फर्न आयो । वीं रै दारू पियोड़ी हो । वीं री आँख्यां मांय कनई लील जावण री वासती ही । वो कित्ती देर ताई वीं सूं हाथाजोड़ी करतो रयो फेर बिगाण वी नै अपड़नै घर ले आयो । वीं रै गोदी में छोटेड़ै मुन्नै नै दे दियो***टावर रोवतो रोवतो चुप हुयग्यो ।

वीं नै आपरी स्थिति अर ओक लुगाई री नियती माथे रोवणो आयग्यो । वा बसर-बसर रोवती रयी अर सोचती रयी के लुगाई रो जमारो विरया है !

वीं रा सगळा टावर आयनै वीं रो घेराव कर लियो ।



साले री होली,
वीकानेर

तिस

विनोद सोमानी 'हंस'

वो रेल रा डिब्बा में धुस्यो अर आखरी सीट माथै जाय जम्यो । आपरो सैमान जमाय नै वो निरवाळो हुयनै बैठ्यो । वारी अके खास आदत है कि वो बिना बतलायां किणसू भी बात नीं करै । फेरू जद किणी सू बात हुवगै लागै तो वेरै ग्यान रो पार कोनी । पण, हां वो कुल मिळाय नै कमती बोले— मतलब रो बोले । इण कारण वीनै लोग भोळो भी समझै । पण, वीरी घरवाळी सदीब ही इण बात नै काट्या करै अर कैवै—“थे काई जाणी आंरी आदतां नै । आ तो म्हूँ हीज हूँ जो आंनै भुगत रैयी हूँ ।” वो खुद भी इण बात नै समझै है, पण, लाचार है । फालतू बोलनै मूंडो दुखावणो वीनै पसन्द कोनी ।

डिब्बा में वीरी सीट खिड़की कने हें । सामे गैलरी है । वीरी सामली छोटी सीट माथै अके वाटरवर्क्स में काम करणियो अकाउन्टेन्ट है, वारै पास में अके जुवाण सरदारजी है अर फेरू वारी फूठरी जोड़ायत है । वीरी सीट पे वो है, फेरू एक संस्कृत रो मास्टर है, अके रीजनल कालेज रो प्रोफेसर है अर ठीक सरदारणी रै सामे पी० एण्ड टी० रो अफसर बैठ्यो है ।

वो खुद खिड़की सू वारै भांकै हो । सून्याड़ काँकड़ में ऊभा खेजड़ा, खाखरा अर भाड़क्यां रा ठूठ दीमै हा । कठै-कठै घान रा खेत भी दीख जावता । कांधा पे लाठी लियां छोरा छाळ्यां-टेटां नै चरावता भी कदै-कदास दीख जावता हा । वो प्रकृति रो लीला नै निरखै हो । संस्कृत रो मास्टर बाणभट्ट रो जीवणी पढै हो । अकाउन्टेन्ट खाली बैठ्यो सगळां रा ही मूंडा जौवै हो । मास्टर सू इणरी जाण-पिछाण ही अर वे बीच-बीच में बात भी कर लेवता हा ।

सरदारणी फूठरी ही— भणी-गुणी लागै-ही । वा आपरै खाविन्द सामे भांक-भांक नै मुळकै ही जियां कोई प्रेमिका व्हे । सरदार अके गिलास में पाणी लियां हो, काच गौदी में हो अर आपरी डाढ़ी में पाणी रो गीलो हाथ फिरावै । वार्ता भी करतो

जावें। कद-कद माथा रा केसां में कांगसी घाले अर काच में एकिटग करतो मूंडा न देलै। सगळा ही अपरिचित भाव सूं बैठ्या हा।

पैली बात सरू करी पी० एण्ड टी० रै अफसर सरदारजी रै साथे। कठा सूं आया हो, कठै जावणो है अर फेरूं हिल मिळ'र ठहाक रै साथे बातें। प्रोफेसर भी वारें नजीक हुवरूं सूं बातें में लाग्यो। सरदार अर सरदारणी री बातें सूं वेरो पड़्यो कि दिल्ली में वारो भारी दुकान है। वंधी खूब चालै हैं। वे अक-दूनां सूं लव-मैरिज करी है। सरदारणी अक वारी बोली—“म्हानें सगळो सुख है। कोई बात री कमी नीं है अर म्हें सेल-सपाटे रै खातर जाय रिया हां।” सरदारजी काच में मूंडो देखे हो।

वो इण बात सूं घणो प्रभावित हुयो क्यूंक इसी सोवणी जोड़ी अर वा भी सगळो सुख थोग री है। व्याव रै छह बरस पाछें भी आंगे सनेव फूठरो हो। बातें रा ठवकारा चालै हा। अठो नै अकाउन्टेन्ट अर मास्टर भी बातें करणें लाग़ा तो वो मास्टर रा हाथां सूं पोथी मांगी—“म्हें देख सकूं।”

“जरूर दिखावो” मास्टर पोथी हाथ में थमाय दी। सायत् वो भी पोथी सूं छुट्टी लेवणो चावै हो। पोथी नै उलट-पलट नै वो बोल्यो—“आप तो स्टेशन री पोथी पढ़ो हो नींतरे लोग-वाग रेल में तो फिल्मी पत्रिकावां अर जासूसी उपन्यास पढ़े है। मारो टेस्ट फूठरो है।”

ईं बात सूं मास्टर घणो राजी हुयो। खुद री तारीफ सुणी तो वारें ताण भुकाव भी बढ़्यो।

“आप काईं करो हो?” मास्टर पूछ्यो।

“म्हें तो साहित्य रो अक सेवक हूं।” गळो साफ करतो वो बोल्यो।

साहित्य सबद सूं मास्टर अर अकाउन्टेन्ट दोनू ही प्रभावित हुया। फेरूं बातें में अे तीनू ही सामळ हुय्यो। साहित्य री बातें चालण लागी।

मास्टर कैयो—“म्हें सास्त्री हूं। ज्योतिस म्हारो विषय रैयो है। म्हें गुद साहित्य नै चाव सूं पढ़ू हूं। आप उण कवि नै ज़ाणता होवोला। वो म्हारो भायनो है।”

“हां, वो म्हारो भी भायलो है। आये दिन कवि-सम्मेलनां में भेंट हुवे है। आज ही मिल्यो हो। पण, आं लोगां अेक गुट बणाय राख्यो है।”

“तीन-च्यार दिनां पाछें अेक कवि-सम्मेलन कर रैयो है।” अकाउन्टेन्ट बोल्यो।

“आपरो सिक्को जमाय राख्यो है वो।” मास्टर भी हां में हां मिलाई।

“देखो सा, मंच रा कवियां रो अेक गुट हुय्यो है। मंच पे चालै कोरो हास्य।

हास्य नै भी ओ थोड़ाक कवि भूण्डो अर हलको बणाय राख्यो है। अब आप बतावो कि आदर्श रूप कवि कतरो हलको उतर आयो है। साहित्य नै पाछे छोड़ नै ओ लोग दाम कमावणो में लागग्या।" वो आपरा अनुभव सुणावै हो।

"हां सां, आ बात तो सही है। आंरी कवितावां कोरी तुकबन्दी हुवै है— कीई तन्त नीं है। हंसावणो आंरो मकसद व्हेग्यो है। प्रेरणा देवण वाली रचनावां नीं व्हे।" मास्टर बोल्यो।

"पण, मनोरंजन रै खातर हीज अ लोग आवै है।" अकाउंटेंट जोर दियो।

"ओ टेस्ट जनता रो आं कवि लोगां ही तो बिगाड़चो है। आछी कविता करणियो मंच पे जम हो नीं सकै।"

अब सरदारणी कदै-कदास आंरी बातां भी सुणै ही क्यूंके अफसर अर प्रोफैसर बात कमती करै हा— वीनै घूर बैसी हा।

"भूँ आपगे हाथ देखणो चावूँ।" मास्टर वीसूँ कैयो।

"काई देखोला आप। भगवान जो करसो वो ही होसी।" वो बोल्यो। पण, वीनै खुद नै ही लाग्यो कि वो साफ भूँठ बोल रैयो है। खुद रो भविष्य कुणनीं जाणणो चावै।

"फेरू भी..." उण हाथ में हथेली ठाम ली। मास्टर हथेली री रेखावां देखे हो। वो भी मून हुयनै हाथ कांनो देखे हो। सरदारणी रो ध्यान अब अठीनै बैसी हो। ओक-ओक रेखा नै जांची। आंगलियां रा पौर देख्या। हाथ नै ऊंचो-नीचो करचो। परबत देख्या अर फेरू बोल्यो— "आपरी ख्यात ४० वें (चाळीसवें) वरस में घणी हुवेली। लोग आपरा काम नै सरावैला। इण बगत आपरा हिरदा में उथळ-पुथळ है कै आप जो पैणत करो हो वांरो फल नीं मिलै। आपरी भाग्य रेखा फूठरी है। आपरो साहित्य पे नाम हुवैलो।" वो गंभीर हुयनै कैवे हो।

वो ओरूँ काई पूछतो। सगळा ही सुणै हा। ईं सूँ ओरूँ काई भी पूछणो नीं चावै हो। सरदार-सरदारणी भी आं बातां में मगन हुवता सा दीस्या।

बातां रो सिलमिलो भविष्य अर ज्योतिस माथै चालग्यो। अब सगळा ही ओक-हुजै सूँ बीलै हा। सरदारजी आप बीती सुणावै हा। हस्तरखां री बातां सांची हुवै है। वे इण बात नै पक्की बतावै हा। अफसर कैवै हो कि ओ सगळो अन्दाजो हैं। मई कदै-कदै केवूँ वो ही सही हुय जावै। सगळी बातां फालतू है। प्रोफैसर भी ज्योतिस नै सांचो मानै हो। अठीनै वो मून आंरी बातां सुणै हो।

वीं सरदारणी भी मन में ओक अकुलाहट अनुभव करी कि वा भी कुछ जाणणो चावै है। अतरी ताळ वा मुख रो आवरण ओढ्यां ही पण, ज्योतिस नै हाथ देखता बारी मांयली तिस जागगी अर आवरण उघड़ग्यो।

खैर, कोई बात पर सरदारजी बोल ही पड़्या— "मास्टरजी, ईंरो भी हाथ देखो ।"

सरदारणी रो गोरो-गट्ट हाथ मास्टर रै हाथां में आय कस्यो । सावळ चारु कानी सूं देखने कई बातों बताई । राम जाणू सांची ही या झूठी । कुछेक नोकरी रै वास्त भी बातों बताई । सरदारजी कई बार हां भरै हा । हाथ देखती बेलखां सरदारणी रो ओक वारी भी चेतो फालतू बातों में नीं हो । वा सायत् आपरा मन रो कोई बात जाणणी चावै हो ।

वो इण स्थिति नै देखै हो । ओक मनोवैज्ञानिक रो तरै वो बोल्थो— "मास्टरजी ये आ बतावो कि सरदारजी रै कतरी सन्ताना है ?"

सायत् ओ होज वा पूछणी चावै हो । बीरो आंख्यां हिवड़ा रो बान सुणने लुलगी हो । बीरो मांयलो दरद बीने पीड़ सूं भर दी । गरब सूं मुळकणो फोसां छेटी न्हाटग्यो । मास्टर लाईट कम हुवणै रै मिस हाथ नै छोड़ दियो । बात हंसी-ठट्टा में आई-गई हुयगी ।

वो सोचै हो तिस भावै किणी तरै रो हुवै कितरी सबळ हुवै । आ किणने भी नी छोड़ै । वारै भांव्यो तो बीरो टेसण आयग्यो हो ।

४२-४३ मानसरोवर

जीवन विहार

आनासागर सरक्यूलर रोड

अजमेर ३०५ ००१ (राज.)



उद्योग

राम कहे सुगरीव नै, लंका केती दूर ।
अलसियां अलघी घणी, उद्दम हाथ हजूर ॥
उदैराज उद्यम कियां, सब कुछ होवै तयार ।
गाय भेंस कुळ में नहीं, दूध पिवै मंजार ॥

शाही कारीगर

नरोत्तम दास स्वामी

दृश्य १

[पड़दो उठे है]

[हालैंड रो अ्रेक बंदरगाह सारडम में जहाज रो कारखानो । जहाज रे कारखाने रा दो कारीगर वातां करै है]

पहलो कारीगर- काई केयो ? तू देस जावण रो विचार करै है ?

दूजो कारीगर- हां ! अबं म्हारै अठै सू जावण रो वखत आयग्यो ।

पहलो- तो तू इत्तो वेगो जासो परो ?

दूजो- वेगो कियां है ? मने अठै आयां अेक वरस सू ऊपर अरसो हुग्यो है ।

पहलो- अेक वरस ! काल री सी बात लागै है जणां तू अठै आयो हो ।

दूजो- वखत जावतां काई बार लागै ?

पहलो- कण सोची ही के आपां इत्ता वेगा विछड़ जासां ? अठै थारो काम पूरो हुग्यो ?

दूजो- हां ! हूं जहाज वणावण री विदया सीखण आयो हो और बा में सीख ली ।

पहलो- हां ! मास्टर थारै सू घणो राजी है । बो थारी घणी तारीफ करै हो । केवतो हो कारखाने में जित्ता आदमी काम करै है उण सारां में पीटर री बराबरी करणवाळो दूजो कोई नहीं है । पीटर घणो महनती, समझदार और हुसियार है । थां सगळां नै पीटर आळें दाई काम करणो चाहीजै ।

पीटर- हां ! माइकेल ! मैं अठै म्हारो काम घणी महनत और ईमानदारी सू

करचो है। मास्टर री म्हारै साथै महरबानी है। थां सारां री म्हारै प्रति सद्भावना है। मनै प्रसन्नता है के हूं लारै चीखो नांव छोड़न जाऊं हूं।

माइकेल— थारै जावणें सूर् सगळीं नै दुख हुसी। तो तूं साची ही जासी परो ?

पीटर— हां माइकेल ! मनै जाणो ही पड़सी।

माइकेल— म्हारै तो थारो रात दिन रो सागो रह्यो है। सागै उठणो, सागै बैठणो, सागै काम करणो। तूं जासी परो तो थारै बिना म्हारो मन कियां लागसी ? मनै कियां आवइसी ? म्हारा दिन कियां बीतसी ? तनै छोड़ण नै म्हारो मन जावक ही को करै नी।

पीटर— मन तो म्हारो भी को करै नी। हां ! म्हारळें दाई तूं भी तो रुस रो ही बासी है। तूं म्हारै साथै क्यों नी चालें ? चाल, आगां सागै ही देस चालां।

माइकेल— पण हूं चाल कोनी सकूं। कोनी चाल गकूं पीटर ! नहीं नो जरूर चालतो।

पीटर— क्यों ? कांई देस में तनै याद करणवाळो कोई कोनी ? इसो कोई आदमी कोनी उको थारो उठोक मे बैठो हुवै ?

माइकेल— है पीटर ! है म्हारो बूढी मा है, मनै दिन रात याद करती हुसी और है अरेक और जगुी— कतरौना, बरसां नूं म्हारो उठोक में बैठी है। कमाई ठीकसर हुवण लाग तो दोनों नै अठै लारै रातूं। पण पीटर ! तूं क्यों जावै है ? अठै तनै काम रो किसो घाटो है ?

पीटर— माइकेल ! देस मनै बुलावै है, देस रै प्रति भी तो म्हारो को फरज है। आदमी नै फरज रो ध्यान सबसूं पैली राखणो चाहोजै।

माइकेल— हां ! गांव मे पुतारीजी भी प्रा ही बात कह्या करता हा।

पीटर— तो तूं म्हारै सागै क्यों चालें नी ? मा नूं मिलण री मन में नहीं आवै ? और कतरौना...

माइकेल— (ध्यान भूल्योड़ोसो) चालसूं पीटर ! जरूर चालसूं।

पीटर— मनै घणै खुसी हुसी।

माइकेल— (अेकाअेक होश में आयो हुवै ज्यूं) नहीं पीटर ! नहीं, म्हारो चालणो नहीं वणै।

पीटर— पण क्यों नहीं वणै ?

माइकेल— कांई बताऊ ? ओ भेद हाल तांई कैन हो नहीं बतायो।

पीटर- वात वतावण जिसी हुवै तो जरूर वता ।

माइकेल- वताऊ ? तनै नहीं वतासू तो कैने वतासू ? लं सुण- घणा दिन हुग्या । अक दिन हूँ म्हारी मा रै झूँपड़ै रै आगै बैठो हो । इत्तै में अक फौज री टुकड़ी मार्च करती थकी उठी कर निकली । टुकड़ी रै साथै अक अफसर हो, अफसर री आँख म्हारै साथै पड़ी, मनै देख'र अफसर ऊभो रैग्यो । कई ताळ म्हारै सामे देखतो रह्यो । फेर बोल्यो-जवान ! उठ सम्राट नै थारी सेवा री घणी जरूरत है । हूँ ऊभो हुग्यो पण वात म्हारै कीं समझ में को आई नीं । हूँ जवाब में कीं कहूँ उण सूँ पहली ही अफसर अक बंदूकड़ी लेर म्हारै कांधै साथै थमा दी और मनै मार्च करण रो हुकम दे दियो । सगळा उठै सूँ चाल पड़्या ।

पीटर- अर्थात् तू सम्राट री फौज में भर्ती हुग्यो ।

माइकेल- काँई हुयो, कियां हुयो म्हारै तो कीं समझ में कोनी आयो ।

पीटर- पण फौज में भर्ती हुयोडो तू अठै कियां आयग्यो ?

माइकेल- आ ही तो समस्या है । सम्राट मनै फौज में भर्ती कर'र मोटी भूल करी । फौज रो काम मनै जावक ही पसन्द कोनी । भगवान मनै फौज रै लायक बणायो ही कोनी । फौज में भरती हुवण री म्हारी बिलकुल ही इच्छा कोनी ही । हूँ कीं समझूँ अर कीं जवाब देऊँ जकै सूँ पैली ही अफसर मनै मार्च करण रो हुकम दे दियो । मा छूटीं, घरबार छूट्यो और कतरीना भी छूटीं । फौज रो काम मनै बिलकुल ही रास को आयो नी । आज अठै, काल उठै कुण जाणै कित्ती जाग्यां भटकणो पड़्यो । ना खावण रो आराम, ना पीवण रो । ऊपर सूँ रात दिन गाळ्यां न्यारी । हूँ तो घापअर तग आयग्यो नाक ताँई ।

पीटर- (बीच में ही)- पण अठै कियां आ पूगो ?

माइकेल- वा ही तो वताऊ हूँ दोस्त ! अक वार दिसंबर रो महीनो हो । रात रो बखत हो । भयंकर पाळो पड़ै हो । रात रा तीन बजो मनै हुकम मिल्यो कै किले साथै जार पहरो देऊँ । हूँ किले कनै पूगो और पहरो देवण लागो । खुलो आकास । बरफ बरस रही ही । म्हारै सूँ ऊभो को रहीज्यो नी । कीं गर्मी मिलै इण खातर चक्कर मारणा मरु करद्या । अर चक्कर लगावतो-लगावतो चाल्यो तो इसो चाल्यो कै चालतो ही गयो । तनै विसवास को हुसी नी कै हूँ होश में आयो जद बठै सूँ पांव कोस आगै निकळ आयो हो ।

पीटर- मतलब ओ कै तू' फौज सू' भागियायो श्रीर फौज रो भगोड़ो वणयो ।

माइकेल- मनै मालम नहीं हो कै भगोड़ो काई हुवै पण इसीसी की वान म्हारै मन में जरूर आयी ।

पीटर- अरे भला भिनख ! थारो पत्तो लाग ज्यावै तो थारो काई हाल हुवै ? कीं मालम है तनै ?

माइकेल- काई ?

पीटर- तनै तुरंत गोली मार दी जासी ।

माइकेल- मनै भी इसी ही कीं डर लाग्यो । सो में तो फेर लारीने घिरर ही कोनी देख्यो । पण आगै ही वघायां राख्यो । आखर रण रो सींव आ ही पूगो । पछे उठै सू' अठै आ पूग्यो अर उण कारखाने में भरती हुग्यो ।

पीटर ! ओ है म्हारो भेद, आ है म्हारो नमस्या । तू' जानी है कै म्हारो जीवणो खतरें में है । मनै विमचाम है कै तू' देस जासी जद म्हारो ओ भेद कियो नै नहीं बतासी । कठैई सम्राट रैं आदमियां नै म्हारो पत्तो लाग्यो तो थारै इण दोस्त रैं वास्ती घणी नुरी गत हुसी ।

पीटर- तू' नहचो राख । सम्राट नै जित्ती बात अवार मालम है उणमूं वेसी जरा भी मालम नहीं हुसी । पण ओ कित्तो निर्दय कानून है कै आदमी नै फौज रैं लायक साबित नहीं हुणै पर गोली मार दी जावै । सम्राट इसी कानून वणायो ही क्यों ? घणी निर्दयी है सम्राट, नहीं ?

माइकेल- ना दोस्त ! सम्राट नै तू' कीं' मत कै' सम्राट नै सों लोग प्यार करे हैं । फौज रो नीकरी करण रो मनै इच्छा नहीं पण सम्राट रो सेवा और कैई तरीकै सू' कर सकूं तो करण रो घणी इच्छा है । सम्राट रो सेवा कर अर मनै घणी प्रसन्नता हुसी ।

पीटर- भगवान थारी मनस्या वेगी ही पूरी करे !

माइकेल- देख पीटर ! म्हारो भेद में अक तनै हो बतायो है ।

पीटर- म्हारो विसवास राख माइकेल । इसो वखत जम्हर आसी जद तनै विसवास हुज्यासी कै हूं थारो साचो दोस्त हूं. हां दोस्त ! हूं काल ही अठै सू' खानै हुज्यासूं ।

[पड़दो पड़ है]

[पड़दी उठै है]

[रूस में मास्को की बाराली बस्ती की ओर । माइकेल और उगारी मां बातें कर रहे हैं]

माइकेल— मा ! अब काल हूँ पाछो जासू ।

मा— इत्तो वेगो बेटा !

माइकेल— वेगो कठं मा ! मनै आयां नै पुरो ओक महीनो हुग्यो ।

मा— ओक महीनो !

माइकेल— हा मां ! ओक महीनो । अठं और रैवण में घणो जोखम है मा ! मा ! तनै याद है हूँ अठं सूं किया गया हो । और फेर अठं घणो रैसू तो म्हारो उठै रो नौकरी जासी परी ! और हूँ घणा दिनां सूं जका सपना देखूँ हूँ अघूरा ही विलाय जासी । साची पूछी तो मनै अठं आवणो ही नहीं चाहीजतो हो पण तनै और कतरीना नै देखण री इच्छा नै हूँ रोक नहीं सक्यो । जी तो नहीं करै पुठो जावण रो पण जावणो ही पड़सी । नौकरी मायें ही सगळो आधार है । कीं रकम भेली हुज्याय तो तनै और कतरीना नै उठै ही ले जाऊं । वठै हूँ घणो ही सुख सूं हूँ मा ! कमी है तो बस थारो और कतरीना री । अबके आसूँ तो तनै और कतरीना नै लेर ही जासूँ ।

मा— हां बेटा ! कतरीना नै जरूर ले ज्याये ! किता बरसां सूं थारै बास्ते बैठी है, तनै उडीक रही है ।

माइकेल— और मां तनै भी चालणो पड़सी !

मा— हूँ बूढ़ी हुगी बेटा ! बुढ़ापे में परदेस में कठै जासूँ ? बस ओक ही इच्छा मन में है, थारो घर बस ज्याय । पछै भगवान मनै भला ही उठा लेवै !

[दरवाजे मायें थाप पड़ै है, माइकेल चमकै है]

माइकेल— ठैर मा ! ठैर, मनै पैली अठै सूं निकल जावण दै पछै किवाड़ खोल्ये । [दूजै कमरै में परो जावै है]

[मा किवाड़ खोलै है; पीटर कमरै मायें आवै है]

पीटर— अरे दोस्त ! कठिनै गयो परो ! अबार तो अठै ऊभो हो, वारी मायें सूं मैं साफ देखियो हो ।

[माइकेल पीटर की बोली ओलख अर पाछो कमरै में आवै है]

माइकेल— पीटर ! अरे पीटर ! तू है ? साचेई ! वाह दोस्त ! कठे सूं आ पूरयो ? अठेई कांई कोई जहाज रो काम चाले है ? पण पाणी सूं सईकड़ां फोसां दूर अठे जहाज रो कांई काम ?

पीटर— ना माइकेल ! अठे नहीं ! सेंटपीटर्सबर्ग में जहाज रो मोटो कारखानो खुल्यो है । सेंटपीटर्सबर्ग, तू जाणतो हुसी समुद्र रें तट मायें सम्राट नू वो शहर बसायो है, उठे ।

माइकेल— हां ! सुणन में आयी है कै सम्राट उठे अक नूवो शहर बसायो है । लोग केवें है कै आजकाल सम्राट मास्को में ही है ।

पीटर— हां ! आज दिनूंगे हो सम्राट री सवांगे यारे घर आगे सूं नीकळी ही ।

माइकेल— हां ! सुणी तो हो पण देखी कोनी । हूं उण बसत घरे कोनी हो । पण पीटर ! तें म्हारे घर रो पत्तो फियां लगा लियो ? शहर सूं इत्ती दूर पत्तो लगावण में तनं घणी सिरफोड़ी करणी पड़ी हुसी ।

पीटर— ना ! दिनूंगे हूं अठोकर नीकळ्यो जद दरवाजे मायें श्रीमती स्तानी मिस्स रो सैनबोट लाग्योटी देख्यो । अठ मनं यारो नांव याद आयो और विचार आयो कै श्रीमती स्तानीमिस्स का तो यारी ना है, का कोई मासी । बस निश्चय करघो कै महल सूं पूठो मा'र यारे यारे में पूछताछ करसूं...

माइकेल— महल ? किसो महल ?

पीटर—हूं रैऊं जकी जगगां नै हूं महल हो कहघा करूं हूं । आ म्हारी अक सनक समझ लै ।

माइकेल— अजीब सनक हे थारो !

पीटर— तो महल में जार भेस बदळ्यो और थारो पत्तो लगावण नै अठे आ पूरयो ।

माइकेल— भेस बदळ्यो ? हां ! अरे तें तो मोटे सरदार जिसा कपड़ा पैंर रान्या है, इत्ता बघिया कपड़ा कठे सूं लायो तूं ।

पीटर— अरे माइकेल ! याद आवे है तनं कै आपां पेड़ां रा कित्ता मोटा-मोटा लकड़ कारखाने में चीरथा करता हा ।

माइकेल— याद क्यूं कोनी आवे ? हूं तो हाल ताई चीरूं ही हूं पण थारो सायो अवे कोय नी ।

चाल, आपां पाछा हो उठे सारडम रें कारखाने में चालां ।

पीटर— पण म्हारो काम तो अठै सेंटपीटर्सबर्ग में है।

माइकेल— उण दिसम्बर री रात री बा घटना नहीं हुयी हुती तो हूई थारै साथै सेंटपीटर्सबर्ग चालतो।

पीटर— उण घटना पछै थारी अठै आवण री हिम्मत कियां हुई ?

माइकेल— हिम्मत तो माडाणी ही हुयी। मा मनै घणो याद करती ही। अक वार कियां ई करर आवण खातर लिख्यो और हूँ अठै आयग्यो।
(दरवाजै माथै जोर सूं थाप पड़े है। माइकेल बारी मांय सूं भांकै है)

माइकेल— सिपाही और साथै अफसर ! बात काई है पीटर ! मा ! तू ठहर।
बारणो मती खोल्ये। मनै तो लुक्यां सरसी दोस्त !

पीटर— माइकेल ! ना, तनै लुकण री जरूरत कोनी। अ थारै खातर को आया नी। अ म्हारे खातर आया है। अ म्हारा दोस्त है !

माइकेल— तू कैवै है तो ठीक है पण... पण इणां में अक आदमी म्हारल उण अफसर दाई दीस है।

[माइकेल री मा दरवाजो खोलै है, अफसर मांय आवै है और फौजी सलामी करै है]

अफसर— अन्नदाता ! सेंटपीटर्सबर्ग सूं अ घणा जरूरी कागजात आया है।
(पीटर कागजात लेर वांचण लागै है)

माइकेल री मा— अन्नदाता !

माइकेल— अन्नदाता ! पीटर ! इणरो काई मतलब है ?

अफसर— अरे मूरख ! अन्नदाता रै आगै इयां कियां ऊभो है ? घरती माथै गोडा टेक गोडा !

माइकेल री मा— (गोडा टेकै है) अन्नदाता ! खमा; घणी खमा ! म्हारो माइकेल निरपराध है।

माइकेल— मा ! तू काई वाबलापणो करै है ? ओ तो पीटर रो अक मजाक है।
खूब पीटर ! खूब !

अफसर— नालायक ! सम्राट रो नांव लेर बोलै है... पण... पण... ठहर तो...
मनै थोड़ी ध्यान सूं तो देखण दे। पैली मिलियोड़ी दीस है भाया !
हां ! याद आयो। सिपाह्यां ! पकड़लो अनै। ओ फौज सूं भागि-
योड़ी है, भगोड़ी है।

माइकेल— (निराशा रँ भाव सूँ) खेल खतम हुयो ! जिण दिन सूँ डरतो हो वो दिन आखर आ ही गयो !

माइकेल री मा— अफसर साब ! म्हारो वेटो निरपराध है । माइकेल माथे दया करो ।

अफसर— सिपाह्यां ले जावो कैदी नँ, इणनँ फोजी अदालत रँ सामणी पेश कियो जावँ । इणनँ तुरत गोळी मार दी जाणी चाहीजे ।

[पीटर अचाणचक कागदां पर सूँ आंख उठावँ है और अफसर कानी देखँ है]

पीटर— अफसर ! मनँ थारँ कैदी री सेवावां री जरूरत है । इणनँ छोड़ दी ।

अफसर— जो हुकम अन्नदाता रो !

माइकेल— फेर अन्नदाता ! बात काई है ? हां ! कीं याद आवँ है । सारइम सूँ आती वखत आ अफवा कानां में पड़ी ही कै रूस रो सम्राट हालेंट में जहाज रँ कैई कारखाने मे काम कर्तो हो । तो काई म्हारो दोस्त पीटर ही रूस रो महान् सम्राट है ? (अचकातो थकी) पीटर ! पीटर ! काई...

पीटर— माइकेल ! अब तनँ म्हारो भेद मालम हुग्यो ।

माइकेल— और तूँ रूस रो सम्राट है ।

पीटर— हां !

(माइकेल जमी माथे गोडा टेक और सलामी करे है)

पीटर— उठ दोस्त ! उठ बूढी मा ! डर मत, थारँ वेटे सरदार माइकेल नँ कोई खतरो कोनी ।

माइकेल री मा— सरदार माइकेल ?

पीटर— हां मा ! सेंटपीटर्सबर्ग में जहाज रँ कारखाने नँ संभालन वास्तं मनँ थारँ वेटे री जरूरत है । थे दोनूँ सेंटपीटर्सबर्ग चालण री तयारी करो । माइकेल ! थारी कतरीना नँ काल सरदारणी कतरीना बणाय लियँ । और उणनँ भी साथे ही लतो आये । मनँ तो घणँ जरूरी काम सूँ आज ही सेंटपीटर्सबर्ग जावणो पडसी इण वार्त र्यांव में तो हूँ सम्मिलित नहीं हो सकसूँ । काल दिनूँगँ म्हारो सचिव सगळा हुकम लेर थारँ कनँ आ जासी । लँ आ थैली थारँ मनँ राख ।

माइकेल— (चमगूंगो सो) हूँ जागू हूँ क नींद में हूँ ? ओ सपनो देख रह्यो हूँ क परतख है ? कीं समझ में को आवैनी ?

पोटर- तो विदा सरदार माइकेल ! थारी कतरीना नै म्हारो अभिवादन कयै ।

[हाथ मिलावै है और जावै है]

माइकेल- (बियां हो चमगूंगो सो) तो अफसर ! फौजी अदालत रै आगे मनै कद पेश करीजसो ?

अफसर- सरदार साहब ! हूं आप यूं विदा लेऊं हूं । कदैई मीको हुवै तो सम्राट रै आगे दो शब्द म्हारै वास्तै भी कैवण री महूरवानी करावसो ।

[अफसर फौजी सलाम करै है और जावै है]

[माइकेल और माइकेल री मा चमगूंगा सा ऊभा रैवै है ।]

[पड़दो पड़ै है]



साहित में खिंचाव री सक्ति

आप जिकी कई लिखी उणमें सावधानी र कलात्मकता सँ भावां रै उद्रेक 'र हिवडै नै खेंचण री ध्यान राखी ।

‘बुअलो’

कवितावां री रूपाळी हुदणो ई पूरणता नहीं है, उणमें खिंचाव भी हुवणो चाइजै । उणमें इसो बल हुवणो चाइजै कै सुणणवाळ रै मन नै जठीनै चावै वठीनै खींच लेवै ।

‘होरेस’

ईसर परमेसर

डॉ० नरेन्द्र भानावत

राजस्थान की रत्नगर्भा माटी मांय हर जुग में जलम भोम की मातर आतम बलिदान करणिया वीर, भगवान रै चरणां मांय जीवन समर्पण करण आळा भगत अर हं-हं में प्राण फूंकणिया कवि, जनमता रचा है। इगोज कटी में डिगल रा नामी कवि अर पहुँच्योड़ा भगत वारहूठ ईसरदास हुया। वै आपरी अगाध भक्ति, निश्चल समर्पण भाव अर चमत्कारी सिद्धियां रै कारण परमेसर रा अवतार मान्या जावै। दन्तकथावां रै रूप में प्रसिद्ध है कै ईसरदास वेणु नदी में डूबण सूँ मरणिये सांगा नै पाछो जोजित कियो, खारी जमीं में मीठा पाणी रो कुम्रो खुदवायो अर कंठा रा शोपरा, नै शोपरा रा कंठा बणाया। 'ईसर परमेसर', आ लोक उक्ति एण बात की साक्ष भरै। राजस्थान रा घणखरा भगत कवियां, ईसरदास नै ईश्वर रूप अर साचा भगत मान बांरी स्तुति की है। ईसरदास रा समकालीन, डिगल रा नामी कवि गाढ़ण कैसोदास कह्यो—संगार नै पाप की दावाग्नि में झुलसतो देव'र ईसरदास 'हरिरस' रूपी समन्दर की रचना करी—

जग प्राजळतो जाण, अघ दावानळ ऊपरां ।

रचियो रोहड राण समंद हरिरस सूरवत ।।

ईसरदास की जनम संवत-१५६५ में चैत सुदी नवमी नै जोधपुर राज्य र भादरेस नामक गांव में एक चारण परिवार में हुयो। बांरै पिता की नाम सूजो जी अर माता की नाम अमरा बाई हो। टावरपणां में इज बांरा मां-बाप देवलोक हुयग्या। काका आसानन्द जी की देखरेख में बांरी शिक्षा-दीक्षा हुयी। आसानन्द जी डिगल रा प्रौढ़ कवि हा। १४ वरस की उमर में ईसरदास की व्याह देवलबाई रै सागै हुयो। देवल बाई पतिव्रता, सेवाभावी अर धरमश्रद्धालु स्त्री हो। थोछी ऊपर में इज बा परलोक सिधारगी। ईसूँ ईसरदास नै घणी ठेस पोंहचो अर सांसारिक सुखां सूँ बी विरक्त हुयग्या।

एकर ईसरदास आपरै काका आसानन्द जी रै सांगै द्वारका री जात्रा गया । मारग में जामनगर रे रावळ जाम सूँ भेंट हुई । रावळ जाम ईसरदास री कविता चातुरी पर रीझ्या अर बाँनै करोड़पसाव रो सम्मान दे'र आपरा पोतपाळ बणाया—

क्रोड़पसाव ईसर कियो, दियो सचाणी गाम ।

दाता सिरोमणि देखियो, जगसर रावळ जाम ॥

चालीस बरस ताई ईसरदास जामनगर में रचा । जिनगांणी रै लारला बरसां में बी आपरी जलमभोम भादरेस पाच्छा आयग्या, अर लूणी नदी रै किनारै कुटिया बणा'र भजन भाव करण लागा । सम्वत १६७५ में अस्सी बरस री उमर में वै देवलोक हुआ ।

जद वै जामनगर में हा, बठारै राज पण्डित पीताम्बरदास भट्ट रै सम्पकं में आया । पीताम्बरदास संस्कृत रा जबरा विद्वान अर धर्मशास्त्र रा प्रकाण्ड पण्डित हा बाँरी किरपा सूँ ईसरदास भागवत आदि धर्म शास्त्रां रो ज्ञान प्राप्त करयो ।

लागूँ हूँ पहली लुळे, पीताम्बर गुर पाय ।

भेद महारस भागवत, प्रागूँ जास पसाय ॥

ईसरदास री कविता रा मुख्य दो पक्ष है—वीररस री कविता अर भक्ति भाव री कविता । वीररस री कविता रो प्रतिनिधि ग्रन्थ है—'हालां भाला रा कुण्डलिया ।' इमें हलबद नरेश भाला रायसिंह अर धोल राज्य रै ठाकुर हाला जसा रै युद्ध रो वर्णन है । वीरभाव री व्यंजना में ओ ग्रंथ बेजोड़ है । वीर रै स्वभाव रो एक दोहो प्रस्तुत है—

सादूळो आपै समी, बीजो कवण गिरांत ।

हाक बिडाणी किम सहै, घण गाजियै मरंत ॥

सिध आपरै मुकाबले में और की'ने गिराँ ? वो बीजारी हाक नै क्यूँकर सहण करे ? वो तो बादलों नै गाजतां सुण'र इज भपटो मारै ।

पीताम्बरदास रे सम्पकं सूँ पैली ईसरदास री कविता रो नायक लौकिक पुरुष हो अर कविता रो उद्देश्य हो बीर शौर्य रो वरणन करणो पण अबै कवि री दीठ बढळगी, बीरो जीवनदरसण बढळग्यो । बीरा नायक बणाग्या अवतारी पुरुष, बीरो लक्ष्य बणग्यो परब्रह्म रै साक्षात्कार री अनुभूति रो वरणन ।

ईसरदास ने भक्त कवि रै रूप में जो आदर अर प्रसिद्धि मिली वा बीजा किणी कवि नै नीं मिली । 'हरिरस' आंरो श्रेष्ठ भक्ति काव्य है । राजस्थान अर गुजरात में रामायण अर गीता री नाई ई'रो घर-घर पाठ हुवै । ई'रै तीन सौ साठ छन्दां में कर्म योग, भक्तियोग अर ज्ञानयोग री त्रिवेणी प्रवाहित हुई है । जो ई'रो नित हमेस पाठ करै वो आपरै पापां सूँ मुक्त हुई जावै—

कवि ईसर हरिरस कियो, छंद तीन सी साठ ।

महादुष्ट पामै मुगत, पो उठ कीजै पाठ ॥

‘हरिरस’ की रचना भक्ति भाव रं घरातल पर हुई है । ई’ रो उद्देश्य है—
जनम-मरण रं पार उतरणो, सांसारिक करम रं बंधण सूं छूटणी—

भगतवछल । मो दे भगति, भांज परा सह भ्रम ।

मूक तणा क्रम भेटवा; कथां तुहाला क्रम ॥

‘हरिरस’ में ईश्वर रं जिण रूप रो कीरतन हुयो है वो में सगुण रूप रो प्रधानता है । ईसरदास रो ईश्वर लोकरक्षक है, दीनदयाल है, भगतवत्सल है । कृष्ण रूप में ईश्वर की वन्दना करतां कवि कवै—

नमो कह रूप निकंदन कम

नमो ब्रजराज नमो जदुवस ।

नमो प्रभ संत गळ प्रतपाल

नमो दुसंटादल दीन्दयाल ॥

सगुण रूप में ईश्वर की स्तुति करतां थकां भी कवि गाने के मूल रूप में ईश्वर निराकार, निर्गुण अर निर्लेप इज है । भगतां रं कारण इज वो विविध अवतार धारण करे—

निराकार निरलेप, अगम जांगी स्रूति सिव प्रज ।

अनतवार अवतार करे भूधर भगतां कज ॥

सगुण अर निर्गुण भक्ति भावना रो समन्वय ईसरदास रं ‘हरिरस’ की खासियत है ।

ईश्वर की लीला अर महिमा अपरम्पार है । वो सर्वं दायितमान है । वो सब कुछ कर सकै । राई ने परवत वगाय सकै अर परवत ने राई—

साईं सूं सगळी हुवै, नरधारी कोई नांय ।

राई कू परवत करै, परवत राई समाय ॥

ईसरदास रो ईश्वर विराट अर व्यापक है । सगळी धरती बीरो सिंघासन है, पवन आपरं हाथा सूं पंखो करै । अठार भार वनस्पति भांत-भांत रा फूलां सूं बीरो पूजा करै; वादळ छत्र रं रूप में छाया रंवै, खुद भगवान शंकर बांरी कीरतन फर अर सूरज नै चांद रातदिन बांरी आरती उतारै—

सिंघासन घर सोह, करत बींजण समीर फर ।

पूहण भार अठार, पूज, चढ़वै विधि विधि पर ।

छाँह धरत घन छत्र, करै सकर कीरती ।

अवतारंत निस-अहर, अरक ससिहर आरती ।

ईसरदास ईश्वर की विराटता अर महानता पर इत्ता रीझ्या है कै से प्रकृति नै पुजापा रै रूप में बारां चरणां में निछावर कर दी । इण बिन्दु सूं ईज ईश्वर रो रहस्यात्मक रूप उभरै । बीरै रू-रू में अनन्त ब्रह्माण्ड जगमगाट करै । बीरै तेज नै कोई पार नी पाय सकै—

पमै कुण पार तोरा परचंड ।

बसै प्रति रोम बिसै ब्रह्मंड ॥

ज्यूं-ज्यूं ईसरदास भगति भावना में गेरा उतरे त्यूं-त्यूं वारी नरमाई प्रगट ज्यै । आतम निवेदन रै रूप में वै कैवै—

साई ! तूझ बडो धणी, थां सुं बडो न कोय ।

तू जेना सिर हथ्य दे, सो जग में बड होय ॥

अवगुण म्हारा बापजी । बगस गरीब नवाज ।

जो कुळ पूत कपूत ज्यै, तोहि पिता कुळ लाज ॥

आळम माहर अवगुणा, साहब ! तूझ गुणांह ।

बूद-ब्रखा अर रेण-कण, थांघ न लाधै तांह ॥

भगवान रै गुणांरी कोई सीमा नीं । वारो चरित अवूझ अर अनूठो है । जै सगळी पृथ्वी नै पाटी बणा'र, खुद गणेशजी प्रभुरा चरित लिखै, तो पण पार नीं पाय सके—

पीठ-घरण घर पाटली, हर-उत लेखण हार ।

तऊ तोरा चरितां तणा, परम न लभै पार ॥

जद गणेश जी की आ स्थिति है तद कवि ईसरदास की कांई विसात ? कवि कैवै सुवर्णमय सुमेरु पर्वत रा उंचा-उंचा शिखर ज्यांरा महल बण्योड़ा है, वारै खातर हूं किसा मन्दर बणावांऊ ? ज्यांरै गुणांरी बखान देवता करै; हूं वारां गुण किरा भांत गांऊ ? लछमी जी ज्यांरै चरणां में विराजै, वारै चरणां में हूं कोई नजर करूं ? ज्यांरै चरणां रा नख गंगाजी धौवै, वारां चरण हूं किरा भांत धोऊं ? हे राजाधिराज । आपरै तो घर में ईज कल्प वृक्ष है, हूं किसा फूलां सूं आपरी पूजा करूं ? आपरी सेवा तो ब्रह्मा अर शंकर करै, हूं किरा भांत सेवा कर आपने रिझाऊं:—

कसा करब हो महल, महल गिरिमेर कहावै.

कसा गाव हों गुणव, गुणव ज्यां तुम्मेर गावै ।

मैल्हां की घन माल, सिरीजी चरणां आगै,

कसा पखांडां पांव; पवित्र नख गंगा लागै,

की पुहप चढ़ावां सिर परै, पारिजात ब्रख तुझ घरै ।

राजाधिराज । की रीझवां, कवि संकर सेवा करै ॥

कवि ईसरदास आतम सुद्धि नै ईज प्रभु री सच्ची भेवा मानै । मानव जीवन री सार्थकता अरु कांया रै सगळें अंगों री उपयोगिता प्रभु री पूजा रै खातर काम आगें में ईज है—

रसणा रटै तो राम रट, वयणी राम विचार ।
स्रवण राम गुण सुण सदा, नयणी राम निहार ॥

ईसरदास री निदृष्ट, निर्मल, प्रभावक अरु रसपूर्ण भक्ति मूँ भरघोटे 'हरिरस' रै मुकाबले कोई रसायन नाँ । जै ओ रसायन घट रै भीतर एक घटी भी रै जावै तो सँ घट कंचन हुय जावै, आनन्द रूप हुय जावै—

सरब रसायण में सरस हरिरस समो न कोय ।
हेक घड़ी घट में रहै, सह घट कंचन होय ॥



—सी-२३५-ए, तिलक नगर
जयपुर-४

बानगी करण रस री—

टोली सूँ टळतांह, हिरणा मन माठा हुवे ।
वाल्हा वीछड़तांह जीवै किए विध जेठव ॥
आसी सावण मास, वरखा रुत आसी बळ ।
साईनां रो साथ, बळ न आसी बीकरा ॥
लाख लडाया लाड, सुख सो तो सपना भया ।
भाभा दुख रा भाड़, फळवा लागा फारवस ॥
कुरजड़ियां करळा रही, देख विरगा ताल ।
जिणरी जोड़ी बीछड़ी, उणरा कीण हवाल ॥

राजस्थानी काव्य में राम-वर्णन

डा० मदनराज डी० मेहता

ज्ञानी लोग सरदा भगती माथे ऊण्डो विचार करता रह्या है। बात आ है के सरदा'र भगती में जठे मात्तरा रो भेद व्है उठे भगती रो रूप हीज बढल जावै। ईस्वर'र जगत नै लेयने जठे भावना जोर पकड़ै, उठे सरदा नै बल मिले। इण सरदा सूं हीज भगत'र कवि आपरा भावां री लड़ियां गुथै, उण में आखरां रै डोरा में भावां रा मोती घणा सुवावणा लागै। भगवान राम नै तो आपाणी संस्क्रिती मे सील नै सोभा रै प्रतीक रै साथे-साथे लोक रा रक्षकां रा सिरोमणि गिणीजता आया। लोगां रै हिये में वांरी छवि री प्रतिष्ठा ऐड़ी हुई के लोग वांरै सील'र सुभाव सूं रीभ गया। बाल्मीक सूं आज ताई-संकडां भक्तां'र कवियां रामजी रा गुण गाया, वां रा बिड़द सुणाया'र वांरी कीरत रा कीरनन सूं इण घरती नै गुंजाय दी। इण बारे में आ बात भी जाणण री है कै संसार सागर में तारण वाला तो दो हीज है। एक तो 'संत' नै दूजा राम। संत तो माथा माथे विराजे'र 'राम' हिये में। श्री हिये में विराजिया 'राम' में मन अँडो रमै के जद कदेई भी वे के संका, आतमा नै दोस सूं अळगी करण सारु 'राम' रो समरण भक्त'र कवि दोयी करै ! तो बाल्मीक जद 'राम' रा गुणगान गाया तो वां नारदजी रै मुख सूं केवायो के राम तो भगवान विष्णु ज्युं हीज वीर्यवान है, भुजबली है, चीड़ी छातीवाळा वीर, वीर, उदार'र गभीर है। रामजी तो राक्ससां रा नास करणिया'र प्रजा रा पालक है। रामजी री सबसूं बत्ती बँढाई आ है के वे बिखा'र, अवखाई ने कीं नी गिरो। रामजी रै इण रूप रो ठप्पो घकली पीढ़ियां रा भगतां'र कवीसरां माथे घणो पड़ियो। राजस्थान में जका जूना पोथी-पाना मिलिया वां में जैसलमेर रा कुशललाभ रा वरणीया 'पिंगल सिरोमणी' में रामजी रो वर्णन घणो आछी तरै सूं हुयो। राम रै जनम रै साथे राम री महिमा कैड़ी जोरदार बरणीजै है:—

अर्क वंस अकास अवधि वित्तीय अरणोदय ।

कौसल्या प्राची सु राम रवि प्रगट जगत जय ॥

समय निसाचर तिमर किति दिग किरण प्रकासिय ।
 दुष्ट कुमुद संकुरीय सत्रु नाखत्र विनासिय ॥
 अवधि सिसिर अवसान जनम आगम जग जाणिय ।
 अमर व्रंद आनद निखिल वन पुहप विधोनिय ॥
 कटक भय भर टलिय सीत दाहक नहीं सज्जै ।
 सत कमल विकसंत किति कवि फोकिल किज्जै ॥
 भव निसांण धुर गरज आस घण घटा वंवि उर ।
 मिले मनोरथ जळद संत चातक रट आतुर ॥
 सुर सिखंड मन मुदिन ज्योति विद्युत आभासिय ।
 किति सरित विषयरिय विदुख मुख सिंधु विलासिय ॥

अवतारी पुरसां में ज्यूं ओलीखजता ईसरदास जी राम रो वर्णन करता कयो
 कै ज्यूं भगत रे हिये में राम विराजै ज्यूंहीज राम रे हिये में पण भगत आपरो ठोड़
 ठिकाणी वणावैं । राम रो नाम तो जीव रो आसरो है । ईसरदास जी कयो—

ज्यां जागैं त्यां राम जप सूंता राम संभार ।
 ऊठत बैठत आत्मा चालंत।ह चितार ॥
 रहे जुंभ्यो राम रस अनरस गणो अलप्प ।
 अह महाधम आत्मा ओ तीरथ श्री तण ॥

राम जी री मुजादा नै सीताजी रै सील सूं जैन कविसर घणा रीभीया ।
 दिगम्बर जैनी ब्रह्मजिनदास राम-चरित्र लिखियो । राम-चरित्र संवत १५०८ विक्रमी में
 लिखीजियो । १६०४ में विनय समुद्रजी पदम चरित लिखियो । आपरो ग्रंथ पूरो करता
 यकां वां लिखी—

कीधी कथा श्री सीता तणी ।
 सील तणी महिमा जस घणी ॥

राम कथा लिखणिया जैन कवियां में समयध्वज, हेमरतन सूरि, नग कवि,
 जिनराज सूरि, अमरचन्द वर्गैरा मुख हैं पण यां सबसूं बती लेखीजे जेड़ी पोधी तो
 समयसुन्दर री सीताराम चौपई है । आ चौपई नव खण्डा में है । कवि समयसुन्दर इण
 चौपई में नवां रसां रो एड़ो फूटरो वर्णन कियो के आज बई मेंकड़ा बरस बीतियां रे
 पछै भी इण चौपाई रो सरूप अखण्ड है । समयसुन्दर री रचनावां इतो ज्यादा हो के
 आ बात केबीजण लागी के समयसुन्दर रा गीतड़ा नै कुंभ राखे रा भीतड़ा । समय-
 सुन्दर राम री कथा जैन-वर्म री मानताओं रै मुताबिक जोड़ी । चां री रचना में
 सगळा रसां रो एड़ो समागम है के भणण-मुणण वाळां ने घणो मोद हुवै ।

एहवइ केसरि रथ चढ़्या रामचद रणसूर ।
 गरुड़ रथइ लखमण चढ़िया वाजंते रणतूर ॥

राजस्थानी राम काव्य रो सबसूँ नामी ग्रंथ तो दधवाड़िया माधोदास जी रो राम रासी है । राम रासी आपाणी भाषा रो बेजोड़ ग्रंथ है जिणमें रस'र अलंकार री छटा ऐड़ी फूटरी है कै उणरी छाप हियँ मार्यँ लागिया बिना रेवे नीं । वीर रस रो ओ महाकाव्य राजस्थानी साहित रो गौरव ग्रन्थ है । लखमणजी रै जद सगति लाग जावै तद रामजी जुद्ध करै उण री विगत माधोदास जी यूँ राखी—

घूजी घरा सेस घड़हड़ियो,
पड़ती संध्या लखमण पड़ियो ।
बड़ी घाक ओक उरि बाहे
बोहड़ि घणूँ लखमण सां बाहे ।
हूँ आयो पग मांडि चोर हव
देखिवी कर म्हारा कर दाणव ।
रामण बाण राम छेदे रण
राधव बाहे छेदे रामण ।

इण सूँ बत्तो ओज नै जोश राम रासा में उण वगत देखोजे [जिण वगत रामजी रावण सूँ लड़ै । राम-रावण री इण लड़ाई रो हाल राम रासी में कवीसर यूँ कयी है—

मिले सेन सूरिवां रीछ वानर राकसां
मिले बाण गुण मूँठि मिले पंखणि ग्रिध संसां
मिले मोद अमरां मिले निसचरां अमंगळ
मिले काल दहकंद मिले साइक नभ मंडल ।
सय रथ मिले देवां सुरां वीर मिले वीरां वरण ।
संमिले ताम त्रिहु लोक सुख, मिले राम रामण मरण ॥

आगे केवै—

बिन्हें सूर सारिख बिन्हें चौरगि अविचल ।
बिन्हें जाण जुष बाह बिन्हें बाणपति महाबल ॥
बिन्हें पुंज पोरिस बिन्हें श्रीरिस न बोले ।
वेरोले रण बाण बिन्हें घर आम उतोले ॥

इयां दिनां में, खोज में म्हनै राम चरित री ओक नूँवी पोथी मिली है । जन सारंग नांव रा कवि री आ रचना भाव, भासा'र लिखण री रीत रै कारण आपाणै राजस्थानी रै राम काव्य में ऊँची ठोड़ राखै । विक्रम संवत् १७५८ रै पैला री इण पोथी री प्रत सूँ ओ साबित हुवै कै ओ चरित १७५८ सूँ तो पैला रो होज है । हाल ताई इण रचना रै कवि रै बारे में खुलासो पुरो नी मिलियो पण इण काव्य सूँ आपां ओ अन्दाज तो लगाय सकां कै ओ राम-चरित लूँ ठो है ।

लंका माथे रामजी रै सैना री वार रो वर्णन करता कवि सारंग केवै—

लागा चुचाय लपेटी लंका लेखन पार लंगूरां ।
 हाई है हाई कलि कहवा लागि कूदे कपी कंगूरा ।
 धुम वटै घड़ तूटे घारा मारो मार साती ।
 कुंभ पड्यो घर कामणी कुटि छाजै ऊभी छाती ।
 विर किल कै जोगणि वकै निगस डफै नाता ।
 मृखी रुकि भरै भरि रोहे खपर राता ।
 रावण मारि दसेसिर तोड़चा बूढ़ि दिया करि दूही,
 तोड़ कीयो घरटेक न चुको मो वरजंती डावो ।

जोधपुर रा मंसाराम सेवग मंछ कवि रघुनाथ रूपक नांव रो एक छन्द रो ग्रंथ लिखियो पण इण ग्रन्थ में राम चरित ढिगळ गीतां में सांगेड़ी सांतरी भासा में अंड़ी जोड़ीजे है कै उण रै बरावरी री बीजो काव्य हाळ ताई देखण मे नी आयो । रामजी री सोसा वर्णन करतां कवि आपरी वेवारिक जाणकारी रो पूरो उपयोग करता दकां छोटी-छोटी कड़ियां में जिका गीत लिखियां है वो वरण जया रो एक आदसं नमूनों है—

पावड़िवां सहत नरम पद पंकज
 नूपुर हाटक परम पुनीत
 छक कड़वंध सुचंगा छाजै
 पट अंगा राजै पुण पीत
 पुणचा जड़त जड़ाऊ पुणची
 कळ आजान भुजा केयूर
 वैजंती वळ भुगत विसाला
 प्रगट हिर्य माळा भरपूर ।
 कंडसरी ग्रीवा श्रुति कुंडळ
 चंदण निले तिलक दुतचंद
 सिर सिरपेच सुघट हीरा सद
 क्रीट मुगट सोभै सुखकंद
 जळधर वरण भव भंजण
 सीता मन रंजण सज साथ
 मो मन आण सुजाण सिरामण
 नित इण वाण वसो रघुनाथ ।

भगतां रै भी नै मिटावण वाळा श्रेष्ठ पुरसां रै माथा रा मोड़, मेघवर्णी हे रामजी हिया में हुलास जगावण वाळी माता सीता जी रै संग म्हारे हिया में सदा विराजो । मंछ कवि री आ चिरांती भारतीय भासावां रै किणी काव्य सूं किणी तरै

हल्की नी है ।

नामी कवि जग्गा खिड़िया रा रामजी री भगती रा कई छंद देखण में आया है । वीर रस में भक्ति भाव री रचना रचण में जग्गाजी माहिर है । कठई कठई अलंकारां री बोळायत सूं भाव दब गया है पण राम-भगती रो वां रो स्वर तो बुलन्द हीज है ।

किसना जी आढ़ा रो रघुवर जस प्रकास मूळ तो छंद रो हीज ग्रंथ है पण किसना जी छंदा रा रूप बतावता रामजी रो जस गायो । रामजी री स्तुती करतां किसना जी आ ओळियां में आपरी बात कितरै सांतरै ढग सूं कही है ।

जै जै अवध नरेश संत सुखद श्रीराम नारायण ।

सीतानाथ सुनाथ दास करण संसार सारायण ।

देवाधीस रिखीस ईस अजय ते सेव पारायण ।

पाय कंज किसन्न रक्खि सरण अणंदकारायण ।

राम वर्णन रो सिलसिलो राजस्थानी काव्य में आज सूं ६०-७० साल ताई बराबर चालतो आयो । जोधपुर रा अमृतलाल जी माथुर 'गीत रामायण' लिख मारवाड़ी लोक गीतां री ढाळां माथे ओड़ा रळियामणा गीत लिखिया कै वे हाल ताई घर-घर में गाइजै ।

सगुण सत्पुरुष रामजी रै अलावा राजस्थानी काव्य में राम नाम रो महातम भी घरणो गाइज्यो । कठई-कठई तो राम राज बतावण सारूं राम रो नांव आयो तो कठई परमपिता परमेश्वर रै अज; अलख; अजाणा रूप री भी बोळी चर्चा हुई । सम्वत १६५० में बारहट संकर आपरै दाता सूर संवाद में रामजी री सूर बीरता री ओळखाण करावता 'लंका रावण रामचंद खट मास खटाए' री उक्ति दी । पृथ्वीराज जी राठौड़ पण दसरथ देवउत छाप रा दूहा केह नै आपरी राम भगती रो परचो दियो । वां रो रचियो ओक दूहो है—

राम ज रोळवियाह, रूठे दळ रावण तंणा ।

सरगे सांभळियाह, देवे दसरथ देवउत ।

कर्मण कवि री ओफ छोटी पोथी सीताहरण में राम रो वर्णन हुयो है । दादूजी महाराज राम रै निरगुण नै निरजन माननै आपरी बात कही—

ज्यूं जळ पेसै दूध में

ज्यूं पांणी में लूण ।

ऐसे आतम राम सूं

मन हठ साधे कूण

दादू सब जग नीधना

धनवंता नी कोई

सो धनवता जाणिये

(जाके) राम पदारथ होई ॥

दादूजी ज्यूं हीज वरवनाजी, रज्जवजी'र वाजिदजी जिकां रं वारै में
कहीजै कै वे जनम सूं मुसलमान हा राम-नाम समरण करता रया । वाजिदजी दण बात
रो साख प्रगट की—

छांडि के पठाण कुळ राम नाम कीन्हो पाठ

भजन प्रताप सूं वाजिद बाजी जील्यो है ।

अठै अक बात रो हवालो जरूरी लखावे । रामानन्दजी सीताराम रो
उपासना रो मारग बतायो'र ॐ रामायनमः तथा रामनाम रो मंतर घायियो । दयां रा
बेला रैदासजी पीपा नै, घणाई निरगुणिया हुया । राम रो भगती में दास भाव'र वच्छल
भाव रो हीज लुण्टि हुई । रामजी रै सीळ'र सगती रो घणो असर पड़ियो । दण सूं
राम भगतां रै घणा नेड़ा आया पण वां रो ऊंचाई इतरो है कै भगतां रो मायो वां रै
चरणां में झुठ जावै । बस सरदा अर भगती रै सिवाय दूजो कोई भाव मन में नी रमें ।

रामबी रो रामपणो रावण रं मारण में, सबरो, अहल्या, गणका'र गिद्ध रं
तारण में; सुग्रीव, विभीषण, हनुमान रै नेह नै नमण में है । राम जी रा गुण आपण
काव्य में घणा गाईजिया, घणां गाईजे'र जठे ताई अजाद सीळर सत्मागं रै वास्ते
हियो हर करो रामजी ने याद कियां बिना काम नी सरं ।



३८१/४ सरदारपुरा,
जोधपुर ३४२-००३

मो सम कौन कुटिल खल कामी

डॉ० मनोहर शर्मा

आजाद सभा रा मन्त्रीजी पूजापाठ री टेम टाळर पूज्य पण्डितजी री सेवा में पूर्या अर १५ अगस्त री मीटिंग री अध्यक्षता करण खतर अरज करी । पण्डितजी मुळक्या अर मन्त्री रै मूडै कांनी भाव-भरी नजर सून देख्यो । वै पहली भी एक-आव वर ईं आजाद सभा री अध्यक्षता कर चुक्या हा, जठै नियमानुसार श्रोता एकदम आजाद हा पण सभापति सर्वथा पराधीन ।

सभा में एक ही भाषण हुवतो अर वो भी अध्यक्ष महोदय री गादी सून । भाषण-विषय रो पैली सून कोई निर्णय नीं रैवतो, प्रत्येक सदस्य आपरी मरजी-मुताबिक विषय रो नाम लिखर पेटो में एक पर्ची नाखतो अर उणां मांय सून आख मींचर एक पर्ची काढी जावती । पर्ची पर जिण विषय रो संकेत हुवतो, उणीज विषय पर अध्यक्षजी भाषण देवता ।

आजाद सभा री नियम तो मान्य हो पण पण्डितजी रो आपरो भी एक विशेष नियम हो । वै किणो काम नै करण अथवा न करण रो निर्णय भी माता सरस्वती री आज्ञा सून हीज लेवता । समय पायर यो नियम आप रो स्वभाव बण चुक्यो हो ।

पण्डितजी एक पर्ची पर 'हां' अर दूजी पर्ची पर 'नां' लिखर दोनू पंचियां मोड़र मिलाई अर माता रो ध्यान करचो । पछै आप रो हाथ मन्त्रीजी रै आगै करचो कै वै हथेली पर राख्योड़ी दोनू पंचियां मांय सून कोई सी एक पर्ची उठावै । मन्त्रीजी गम्भीर हुयर एक पर्ची उठाई अर खोलर बांची तो उण पर लिख्यो पड़चो हो—'हां' ।

यो तो माता शारदा रो आदेश हो; जिण रो पालण पण्डितजी खातर सबसून ज्यादा जरूरी हो । मन्त्रीजी आप रो कारज सघ्यो जागुर राजी हुया अर पूज्य पण्डितजी सून विदा लेनी ।

आजाद सभा री बैठक सायंकाल हुवती । सभा जुड़ी अर पूज्य पण्डितजी सभापति री गादी पर विराज्या । नियमानुसार चिट्ठी काढण रो दस्तूर हुयो । पण्डितजी

पेटी मांय सूं पर्चीं उठाई अर भाषण विषय रो नाम बांच्यो—“मो सम कोन कुटिल खल कामी ।”

सभापतिजी चकित हुयगा— यो कांई विषय ! यो तो किणी सिर फिरयोई छोरै रो काम है । टींगर इज्जत लेवण रो चक्कर चला दियो ।

भय अर क्रोध रै पाछै पण्डितजी रै मन में कईं धीरज भी आयो । वे तो माता रो आज्ञा सूं ही ईं सकट नै हाथ में लियो हो । अब ईं आफत सूं उबारण रो चिन्ता भी उणीज पर ही ।

पण्डितजी माता रो स्तुति-पूर्वक ध्यान करयो तो बां रै हिरर में एक नयो उजास दीप्यो अर वं मगन हुयार इण भांत बोलणो चालू कर दियो -

धन्य है, आजाद सभा अर इण रा सदस्य, जिका सभाविधान में संसार सूं न्यारी एक नई वारा जोड़ राखी है । जिको सदस्य आज रो विषय छांट्यो है, उण रो दिमाग भी कम कोनी । मूल रूप में यो विषय सन्त बाणी सूं सम्बन्धित है, पण बात अठै ताई ही सीमित नीं है । आज १५ अगस्त रै महापर्व नै देगां नो भी यो विषय अवसर रै सर्वथा अनुकूल है । ई सम्बन्ध में म्हारो एक अनुभव सुणो—

एक वर एक महान् वयोवृद्ध मन्त्रीजी बीमार हुया अर बीमारी दिन-दिन बढती ही गई । कोई इलाज कारगर नीं हुयो । मन्त्रीजी रो ‘महाभिनिक्रमण’ नेटो जरूर हो पण प्राण काया नै छोड नीं रैया हा । लांमो बीमारी सूं मन्त्रीजी रै घर-वाला तो सगळा तंग आय ही चुक्या हा, पण गुद मन्त्रीजी भी ईं संया-शयन सूं कम दुखी नीं हा ।

अचानक एक दिन म्हारै घरे मन्त्रीजी रो तेडो आयो कं वे मनै याद करै है अर बुरी तरां याद करै है ।

मन्त्रीजी म्हारा बाळ-गोटिया हा पण मन्त्री रो कुर्सी पर विराजमान हुयां पाछे कदे ही आपरे बाल-साथी नै याद नीं करयो अर न में ही मन्त्री-भगवान रो सेवा में कदे सुदामा रूप में हाजिर हुयो । फेर भी पुराणो स्मृतियां जाग उठी अर में बीमारी रो हालत में मिजाज पूछणो जरूरी समझर उणां रो कोठी पर जा पूग्यो ।

मन्त्रीजी नै अपार काया-काट हो पण होस-हवास दुस्त हा । मनै देवतां ही वं हाथ जोड़्या अर नेडै सी विठायो । पछै करुणापूर्ण कातर बाणी में बोल्या — “म्हाराज, के बताऊं, अब ईं संसार में रैवण रो जरा सी भी इच्छा कोनी पण भेरै कांतीं सूं तो जमराज जाणै गेलो ही भूलगो ।”

मन्त्रीजी रो शारीरिक हालत एकदम गिर चुकी ही । में दणो ही धीरज दियो पण बां रै चित्त नै चैन आयो ही कोनी । वे बोल्या—“म्हाराज, आप सूण-सरोधे रा ज्ञाता हो, ज्योतिष शास्त्र रा पूरा पंडित हो । म्हारा गिरह-गोचर देखो अर बतावो

कैसे संसार सून संहारो पिण्ड कद छुटसी ? अब ईं काया री माया में तो कठे भी सार कोनी । जैनां में तो इसी हालत में संसारो लेखण री प्रथा है पण आपण तो या चीज कोनी ।”

मन्त्रीजी री पीड़ा शारीरिक साथै मानसिक भी कम कोनी ही । मैं जबाब दियो—“धीरज राखो । आपण भी इसा मन्त्र है, जिणां री जाप हर प्रकार री कष्ट काटै है । जठे ओखद काम नीं करै, वठे मन्त्र पुरो काम करै है ।”

मन्त्रीजी बोल्या—“पण मनै शरीर सुधारणो नीं है, मनै तो शरीर छोडणो है । अब कोई इसो मन्त्र बतावो, जिण सून ये प्राण काया नै छोडर आप री गेलो पकड़ै ।”

मैं उत्तर दियो—“इसो मन्त्र भी है, जिण सून काया अर प्राण री विजोग हुवै । संसारी जाळ सदाकाल खातर छुटै । पण ईं मन्त्र री रहस्य एकान्त में बातायो जा सकै हैं । आप घर-वाळां नै दूजै कमरै में भेजो अर पछे ईं महामन्त्र री सगती देखो ।”

मेरी बात सुणतां ही मन्त्रीजी रै घर-वाळा सगळा आप ही कमरै सून नीमगा, जाणै वैं भी इसै अवसर री उडीक में हा । अब कमरै री कुर्सी पर मैं हो अर पलंग पर महारोगी जीर्णशीर्ण मन्त्रीजी ।

मैं बोल्या —“आप घाड़वी जाड़ेचै अर तोळांदे री प्रसंग सुण्यो हुसी । घाड़वी गुरु महाराज सून महासती तोळांदे नै मांग लीनी अर उण नै साथे लेयर नदी पार करण-सारू न्याव में बैठ्यो । न्याव भक्तवार में पूगी तो अज्ञाणचक इसो तूफान उठ्यो कै न्याव डगमगावण लागी । भीत नै नेई आई देखर महा-साहसिक घाड़वी बुरी तरां बढरायो पण तोळांदे एकदम शान्ति सून सारी लीला देखती रैई । आखर तोळांदे बोली—“पाप थारा परकास जाड़ेचा, थारी वेडळी नै डूबवा नीं देवू ।

ईं इमरत-वाणी सून भयभीत घाड़वी नै किणी अंश में धीरज आयो अर वौ एक-एक कर आपरी जिन्दगी में करचोड़ा सारा कुकर्म खोलर आगै मेल दिया । पछे काई हो ? तूफान एकदम शान्त हुयगो अर घाड़वी नै जाणै नई जूण मिली । इणी भांत आप भी सारा पाप कबूल करो अर भगवान री सरणो लेवो । आपनै नयो परकास मिलसी अर संसारी-माया सून पिण्ड छुटसी । ईं परिस्थिति में बस यो हीज महामन्त्र है ।”

संहारी बात सुणी तो मन्त्रीजी नै किणी रूप में धीरज आयो अर वैं मुक्ति लाभ करणै खातर इण भांत आप री वयान दियो ।

“महाराज, मैं राजनीति में जण-कल्याण री भावना सून प्रवेश नीं करचो, मैं तो राजनीति नै मेरो धन्यो बणायो अर नाना प्रकार रै छळ-छिद्रा सून मन्त्रीपद प्राप्त

कर्यो। ईं रो लेखो-जोखो भोत लांमो है, जिण रो पुरो चिट्ठो खोलण रो अत्र काया में हिंमत नीं है।

“यो वगीचो अर या कोठी, जठे आर्पा बैठ्यां हां, मेरे पसीने रो कमाई रा नीं है। या सगळी ही हराम रो कमाई है। ईं रे अलावा मेरी हूजी भी सगळी ही चल-अचल सम्पत्ति रो भी यो हीज हाल है।

‘मैं मेरी हस्ती बणाई राखण सारू गुप्त रूप सून चमचां रो फोज गढ़ी करी अर जगां-जगां बां रा थाणा थरप्या। ईं इलाके में जितरी भी भांत-भतीली संस्थावां सरकारी सहायता सून चालै है, वं सगळी मेरे चमचां रे भरण-पोषण खातर घालू करी गई है, लोक-कल्याण तो बठे एकदम दिवावो है।

‘मैं जठे-कठे भी चुनाव में खड़चो हुयो तो सगळें कानून-कायदां अर आचार-संहिता न ताक मे मेलर येन-केन प्रकारेण मात्र विजय रो ही ध्यान राख्यो। विजयथो रे वरण-सारू में वन भी खुलै हर्था खरच्यो, पण खा बाणिया गुड़ तेरो। पांच पारच्या तो पचास कमाया अर पचास खरच्या तो पांच सो रो लाभ लियो।

“मैं सदा ही मेरे विरोधियां खातर ‘विपकुंभ पयोमुख’ रंयो। भला ही कोई विरोधी मेरी पारटी रो हुवो पण उण रो आंख फिरी केतर मैं उण सून मन फेरर ही सन्तोष नीं कर्यो, उण रो जड़ काटर ही दम लियो।

मैं किणी भी शिष्ट-मण्डल न आश्वासन रे अलावा कई नीं दियो। मिलो रो कोई काम कर्यो तो के तो मेरी कमाई खातर अर के मेरे चमचे रे लाभ सारू। घर या चीज आप जाणो ही हो के जिण भांत भगत अर भगवान में कोई भेद नीं है, उणी भांत सब अर चमचे में भी कोई आंतरो कोनी।

मैं कालो वन कमावण में व्यापारियां रो साझीदार बण्यो अर ईं आमदनी सून बढ-बढलू ही नीं, अनेक गुट-बढलू भी खरीदया अर मेरो जोवणो तया टावो, दोनू हाथ मजबूत कर्या।

मेरे परिवार रा अर दूर-दराज रे रिस्ते रा सगळा आमदी सरकारी ग्रीहसं पर विराजमान है। वैं आपरे गुण सून कोई पद प्राप्त नीं कर्यो, वैं तो मात्र मन्त्री रो माया सून आगे-आगे बढता रंया।

मैं सरकारी खरच पर समूचे देस रो यात्रा रो ही सम्मान पूर्ण आनन्द नीं लियो पण अनेक विदेसां में सांस्कृतिक यात्रावां भी करी, जठे संस्कृति सून दूर रो रिस्ते भी नीं राखर मात्र मनोरंजन न ही मेरो मूल उद्देश्य बणावो।

मैं खुद रो करामात सून अणगणित अभिनन्दन पत्र लिया, अणगणित उद्घाटन कर्या अर बढलू में अणगणित ही भाषण दिया। जाता सून जुड़चो रंवण रा जितरा भी उठाय हुय सकै हैं, मेरे चमचां रो मदद सून मैं सगळा करघा, पण मन सून

कदे भी जनता साथै नीं जुड़यो । जनता नै में सदा मेरी रियाया मानी अर उछ रै दोहन-कर्म में कदे ही नीं चुक्यो ।

में घरम सूं सर्वथा दूर रैयर भी कई घरम-सभावां री अध्यक्षता करी, साहित्य-ज्ञान सूं एकदम कोरो होत-थकां भी कई साहित्य-सम्मेलनां में मुख्य अतिथि बण्यो, विद्यार्थी मात्र नै 'खतरनाक' मानर भी सभावां में वां री गुण-गरिमा बखाणी, दलितां सूं मात्र मौखिक सहानुभूति राखर ही वां रो 'उद्धारक' बण्यो ।

लोग मेरी महानता रा अनेक रूपां में गुण गाया है, पण सार-रूप में मेरो खरो आत्मनिवेदन बस इतरो ही है—“मो सम कीन कुटिल खल कामी ।”

“मन्त्रीजी इतरो बयान देयर चुप हुया अर वां री आंख्यां सूं आंसू बह चाल्या । पण खास बात या है कै वं चुप हुया तो पछै चुप ही रैया अर एक दो दिनां मौन-मन्त्र साघर मोक्ष नै प्राप्त हुयगा ।”

इतरो भाषण देयर सभापति ी चुप हुयगा । आजाद सभा में भी एकदम चुप्पी छावगी, जाणै मन्त्रीजी रै देहावसान पर शोक सभा आयोजित करी गई अर अध्यक्षीय भाषण साथै ही वा समाप्त हुयगी ।

इतरी चीज जरूर है कै राष्ट्रीय-दिवस पर दियोई ई भाषण नै ‘आजाद सभा’ रो एक भी सदस्य शोक-सन्देश नीं मान्यो ।



रानी बाजार
बीकानेर

सजण सिधाया हे सखी—

सजण सिधाया हे सखी, बाइथा विरह निसाण ।
हाथां चूड़ी सिख पड़ी, ढीला हुवा संघारण ॥
सजण सिधाया हे सखी, आडा बिधा पहाड ।
नव कोटी नगरी बसै, म्हारे भाव उजाड़ ॥
सजण सिधाया हे सखी, भीणी ऊडै खेह ।
हियड़ी बादल छाइयो, नैण टवूकै मेह ॥
ढोली चाल्यो हे सखी, बड़ री डाहल मोड़ ।
हियो, कलोजो, कालजो, तीनू लै गयो तोड़ ॥

आपरा कागद

भाई ओम्भा जी;

आप 'जागती जोत' रा सम्पादक बण्णा; म्हारी बघाई मानी ।

भगवानदत्त गोस्वामी

बीकानेर

भाई श्री ओम्भा जी,

आप 'जागती जोत' रा सम्पादक हुया, जाण घणी खुशी हुई । आपरें टैम जागती जोत नुंवी जोत जगासी ।

यादवेन्द्र शर्मा 'चन्द्र'

बीकानेर

प्रिय भाई ओम्भा जी,

'जागती जोत' रें सम्पादकत्व यास्तें बघाई स्वीकारो । 'जागती जोत' री सेवा में म्हारी सेवावां पैर्था भी अपित ही अर आगें भी रयसी ।

रामनिरंजन शर्मा

'ठिमाऊ' पिलानी

भाई दीनदयाल जी,

आ जाण नें घणी हरख हुयी के अरवें 'जागती जोत' री संपादन आप संभाळ रया हो । मनै पुरो मरोसो है के आपरी सुभ नें समझ सूं 'जागती जोत' दिन दुगणी नें रात चौगणी तरक्की करेला ।

डा० मदनराज मेहता

जोधपुर

प्रिय श्री ओम्भा जी,

मनै उम्मेद है, यारी लगन पत्रिका नें टेम पर चोखें मेटर रें साथ निकाळस ।

श्रीलाल मिश्र

बिसाऊ

मान जोग ओम्भा जी,

'जागती जोत' री संपादन आप अक्टुम्बर सूं संभाळ रया हो, घणी खुशी हुई ।

रायचंद जैन

श्री गगानगर

घणै मान ओझा जी,

'जागती जोत' रो संपादन आपरा अनुभवी हाथां में आयो है आ खुसी री बात है।

म्हारी घणो शुभ कामनावां आपरै साथै है।

विनोद सोमानी 'हंस'

अजमेर

घणा आदरणीय श्री दीनदयाल जी,

आ जाण नै घणी खुशी हुई के आप जेड़ मानी जते विद्वान, साहितकार रै हाथां में जागती जोत रो संपादन संपीज्यो है। म्हने भरोसो है के आपरी सधियोड़ी कलम अनुभव'र ओलखाण सँ जागती जोत सगळें राजस्थान में मायड़ भाषा री जोत जगावण रो सुभ कारज पुर जोरा सँ करसी। आपनै बधाई।

नन्दकिशोर शर्मा

जसलमेर

भाई दीनदयाल जी,

बड़ी खुशी हुई कि आप 'जागती जोत' के संपादक बनाये गये। आप जैसे मनस्वी, लेखक को तो यह दायित्व सौंपा जाना ही चाहिए था। मुझे आशा है आपके कुशल संपादन में पत्रिका नया स्वरूप प्रदान करेगी।

रामदेव आचार्य

बीकानेर

मानेता ओझाजी,

ढूँढाड़ रा लिखारां नै आप याद करया इण सारू घणा-घणा बधावणा। उम्मीद है के आप 'जागती जोत' नै गुटवाजी सँ मुगत करण में सकल होबोला।

सवाईसिंह धमोरा

जयपुर

माननीय ओझा जी,

खुसी री बात है के अक्टू० ७७ सँ मार्च ७८ तक जागती जोत रो संपादन आपरै हाथां में रैसी।

कमला वर्मा

बीकानेर

भाई दीनदयाल जी,

आपकी नियुक्ति पर प्रथम तो आपको बधाई अर्पित करता हूँ। आपके सम्पादकत्व में जागती जोत निश्चय ही राजस्थानी कुंभकर्णी नींद को भकभोरेगी।

भूपतिराम साकरिया

बल्लभ विद्यानगर

आदरणीय श्रीभा जी,

'जागती जोत' रो सम्पादन आप गंभाळचो हे, घणी सून घणी हरख रो बात हे । आपन हर भांत सहयोग सारुं । आपर समर्थ सम्पादन में 'जागती जोत' री जोत ओर भी ज्यादा ओपसी । इणी मगळ कामना सेती ।

दामोदर प्रसाद
सीकर

घणा आदर जोग श्रीभा जी

आपन विस्वास दिलावां के 'जागती जोत' न राजस्थान री पत्रिकावां में सिरमोड़ बणाए सारुं की कसर ना छोडागा । आप जिसडा लिपारां रें हाथ रचनावां संपादन हो'र ई पत्रिका रो रुतवी बघेलो ।

उमाचरण महमिया
पितानी

प्रिय भाई श्रीभा जी,

आ घणी हरख रो बात हे के अस छः मईना 'जागती जोत' रो संपादन आप कर रखा हो ।

रामेश्वरदयाल श्रीमाली
सायना, जालोर

मानीता श्रीभा जी,

'जागती जोत' रो काम आपरें खान्द आयसो, आ घणी हरख रो बात । आप जेडा अनुभवी अर गुणी मिनखी नै ई ओ काम ओप ।

जहूरखां मेहर
जोधपुर

प्रिय श्री श्रीभा जी,

आ जाण'र खुसी हुई के 'जागती जोत' रो संपादन कार्य आपरें समर्थ हाथां में आरघो हे ।

म्हने पूरी आसा है कि आपरें सम्पादन काल में जागती जोत' रो परकाश व्यापक होसी'र राजस्थानी भासा रो माणक सरव सम्मत सरूप इण में निखरसी ।

विष्णुदत्त शर्मा
जयपुर

आदरणीय श्री श्रीभा जी,

यह प्रसन्नता का विषय है कि जागती जोत' का सम्पादन अब आप करेंगे, प्रफुल्लता के लिये मेरी शुभ कामनाएं स्वीकारें ।

त्रिलोक गोयल
अजमेर

गद्य की अकरूपता रा निर्णय

१८-२० मार्च १९६६ नै जयपुर में राजस्थान भासा प्रचार सभा आधुनिक राजस्थानी गद्य रै सर्वमान्य रूप निर्धारण की समस्या पर विचार करणै अर निर्णय लेवण सारू राजस्थानी रा जाण्या-मान्या विद्वानां की अके गोष्ठी बुलाई । इण गोष्ठी में राजस्थान रें चारू खूंट रा पचास रै अडे-गेडे साहित्यकार भैला हुयार जिका सर्व-सम्मत सूं निर्णय लिया हा बां नै आपरी जाणकारी सारू अठै दिया जाय रया है । इसी आसा की जावै के राजस्थानी रा सगळा हेताळु लिखारा विद्वानां इण निर्णय की आदर करतां थकां आपरै लेखण में इण की सावधानी सूं उपयोग करेला जिण सूं भासा की अकरूपता की लूँठी नींव पड़ेला ।

लिपि

१. ए-ऐ की जगां अ-अ लिखणा । उ-ऊ की जगां अ-अ । हो सकै तो वारखड़ी की सगळी मात्रावां 'अ' रे भी लगाई जावै, जियां-मि-मी । २. मूर्धन्य 'ल' नै 'ळ' लिख्यो जावै । ३. चंद्रबिन्दु अर बिन्दु-दोनां की जगां ० लगायो जावै । ४. 'व' अर्धस्वर की प्रयोग नई कर्यो जावै । ५. सानुनासिक ध्वनियां रै पैलड़ा आखरां पर विदी नी लगाई जावै; जिवां-राम, राजस्थान-नी लिखर-राम, राजस्थान-ई लिख्यो जावै । ६. 'औ' की जगां 'ओ' लिख्यो जावै, जियां-गयो घोड़ी, सीधी, औखद, मीड़ी-की जगां गयो, घोड़ी, सीघो, ओखद, मोड़ी-लिखणो चाईजै । ७. अनुश्रुत उच्चारण रा सव्दां में ठळ प्रयोग की निसान नी लगायो जावै, जियां-सारो-सा'रो-दोनां नै सारो ई लिखणो । प्रसंग सूं अरथ साफ हो जासी । ८. जिकां तत्सम सव्द देसी रूप में नी ठळ्या है बां नै सुद्ध रूप में ई लिखणा, जियां-अम, विशिष्ट, समाविष्ट आदि । इसा सव्दां नै फालतू तोड़णै की चेष्टा नी करणी, जियां सरम, समाविष्ट आदि । पण जिकां रा देसी रूप ठळ्या है बां नै देसी रूप में ई लिखणा, जियां आश्चर्य की जगां अचरज, दर्शन की जगां दरसन, कृष्ण की जगां क्रिमण आदि । ९. कृ की जगां क्रि की प्रयोग करणो । इयां ई दूजो जगावां में भी करणो । १०. आघा सानुनासिक सव्दां-नै विदी सूं दरसणा, जियां-रङ्ग, रञ्च, कण्ठ, पन्त, कम्प नै रक, रंच, कंट, पंत अर कंप लिखणो ।

उच्चारण री कुछेक हूजी समस्यावां

हिन्दी

तू, तुमको, आपको

सिंह, क्या, अरे

कन्हेया, हो

उठाकर

तरह, कि, नहीं

थोड़ा सा रुपया, मुझे

आइ, आया, जाने वाला

सब्ब भेद (राजस्थानी)

छोरी, पोथी

विभक्ति (राजस्थानी)

राजा रा घोड़ा पर

किला रा माथा पर

रावळा में

सर्वनाम हिन्दी

मैं, मैंने, मेरे से

मेरा, मेरे में,

तू, तुझे, तेरे से

तूने, तुझ में

आपका, आप में, आपको

यह, ये, इस, इसने

इसको उस, उसने

इतमें इन्होंने

कौन, किसको, कई

जो जिस, उस

क्रिया विशेषण हिन्दी

यहां, वहां जहां, कहां

इधर, उधर, जिधर

अब, कब, जब

किस समय

जिस समय, अभी

आगे, पीछे, बाद में

सामने, बाहर, परसों

राजस्थानी

: तूं, तनै, थानै, आपनै

: सिघ, काई, अरै

: कनइयो, ई

: उठा'र

: तरै,फ. कै, नई, नी,

: थोड़ा सा, थोड़ासाक, रुपिया, मनै

: आई, आया, जावणाळा, जावण आळा

: छोर्यां, पोय्यां,

: राजा रै घोड़ै पर

: किलै रै माथै पर

: रावळ' में

राजस्थानी

: हूं, म्है, म्हारै सूं, म्हां सूं

: म्हारो, म्हां में, म्हारै में

: तू, तनै; थानै, तैसूं, थारै सूं

: तूं, तैमें, थारै में

: आपरो, थारो, आप में, आपनै, थानै

: ओ, आ, अ, ई, एण

: इणुनै, उण, वों

: इणां में, इणां

: कुण किणुनै, कई, केई

: जो, जिको, जिण, तिण

राजस्थानी

: अठै, वठै, जठै, तठै

: अठी, वठी, जठी

: अबार, अर, अबै, कद अर कणै जद अर जय

: कणै'ई

: जणै'ई, हणै'ई

: आगै अर अगाड़ी, पछं

: सामनै, वारै, परसूं

हिन्दी

राजस्थानी

फिर, परले दिन

: फेर, परलै दिन

अैसे, वैसे, कैसे

: अियां, बियां, कियां

जैसे, तैसे, ज्यों-त्यों

: जियां, तियां, ज्यूं त्यूं

क्रिया

आना, जाना, कहना

: आवणो, जावणो, कैवणो

आता

: आवतो

करना, रहूंगा, जाऊंगा

: करजो, रहसूं, अर रहूला, जासूं अर जाऊला

होगा, हुआ, था, थी

: हुसी, हुयो, हो, थी

रहा, रहता हूं, किया है

: रैयो, रैवूं हूं, करघो है

विसेसण—

अधिक, ज्यादा, बहुत, सब

: अधिक, जादा, बीत, अर सै, सगळा

ऐसा, वैसा, कैसा, जैसा

: इसो, विसो, किसो, जिसो

जितना, उतना

: जित्ता, बित्ता,

संयोजक—

और, या, पर

: अर, और या नै या, परा

विविध—

देदो, लेलो, मोहर

: दे दो, ले लो, मो'र,

कहाणी, महल

: कां'णी, मैल

क्या जाने, दूहना, चाय

: काई हा, दूवणो, चाय

पत्थर, सुखा

: पत्थर. सूका

कई सब्द गळत लिख्या जावै जिणां नै नीचै मुजब सही लिखणा—

गळत सब्द कोठें में मांड्या है—कनै (खनै) आघो(आणो) खाथो(खातो)ऊंतावळ (उतावळ) चोखो (छोको-चोको) माझल (मांझळ) पीथल (पीथळ) पातल (पातळ) बगत (बख्त) किनारो (कनारो) निजर (नजर) आरांद (आनंद) नवी (नई) जे (जो) पड़नो (पड़णो) जूचै (जूचै) नदी (नंदी) नदी (नद्दी) सारू (सारूं) आवतो (आंवतो) कीं (कुछ) सवाल (सुवाल) काल (कालै) मसखरी (मसकरी) सूंघे (सूंघै) साच (सांच) वो, बा (वो, वा) सूं (स्यूं) बिरछ (वरछ) भाजै (भागै) अमर (अमर) पकड़ (पकड़, कपड़) मस्त (मसत) रैया (रिया) मणिया (मणिया)

ऊपर लिख्या प्रयोगां रो सैद्धांतिक विवेचन करघो गयो अर कुछेक निर्णय लिया गया । और भी अनेक इसी समस्यावां है जिणां पर विचार कियो जाणो जरूरी मालूम पड़ : पण जे राजस्थानी लेखक इण निर्णयां नै आपरी रचनावां में उतारणै रो कोसीस करसी तो आगै रो एकरूपता रा प्रयत्नां नै बळ मिलसी । इण निर्णयां रो प्रतियां चाईजे तो सचिव राजस्थान भासा प्रचार सभा, डी २८२, मीरां मार्ग सूं लिखर मंगवाई जा सकै ।

राजस्थानी साहित्यकार परिचय कोस-भाग २

राजस्थानी साहित्यकारों को परिचय सगळें विद्वानां ने मिळ सकें, इण सारु सगम कानी सूं परिचय कोस रो दूजो भाग छपणवाळो हे। गयूं के पैंलो भाग छप्यां पछें घणां नया लेखक चीडें आया हे। कोस रे पैंलदे भाग में भी केई पुराणा नांव भी छुटग्या हा। इण काम में सगळें लेखकां रो मदद रो जरूरत हे। जिन साहित्यकारां रो जाणकारी कोस रे पैंलदे भाग में नहीं छपी है, र दूजें भाग सारु जाणकारी अजुं तांई नहीं भेजी है, वां सूं घणें मान अरदास हे के ये इण भांत जाणकारी नीचे लिने ठिकाणें पर भेजणें रो क्रिया करे—नांव, शिक्षा, (उपाधियां भी) जन्म तिथि मौजूदा काम वधो, छप्योड़ी रचनावां, (प्रकाशन रो वरस, प्रकासक, विषय, मोत) पत्र-पत्रिकावां में छप्योड़ी रचनावां अण छपी पोथ्यां, दूजो सूचनावां (साहित्यिक, सस्थावां सूं सम्बन्ध, प्राप्त पुरस्कार आद बातें) सदीव रो ठिकाणो, मौजूदा ठिकाणो, दसरात।

रावत सारस्वत

सम्पादक मरवाणो

मीरां मार्ग, बनी पाकें, रयपुर

राजस्थानी भाषा साहित्य संगम (अकादमी) बीकानेर

रा

प्रकाशन

नाम पुस्तक	विधा	लेखक	मूल्य
प्रेतात्मा री प्रीत	(कहाणी)	श्री दामोदर प्रसाद शर्मा	५-५०
रोहिड़ रा फूल	(व्यंगात्मक निबंध)	डा० मनोहर शर्मा	५-७५
हांस्यां हरि मिले	(हास्य)	श्री नृसिंह राजपुरोहित	७-५०
जोग सजोग	(उपन्यास)	श्री यादवेन्द्र शर्मा चन्द्र	७-२५
अटारवां	(रेखाचित्र)	डा० ब्रजनारायण पुरोहित	५-७५
आदमी रो सींग	(कहाणी)	श्री करणीदान बारहठ	६-००
श्रेक बीनणी दो बीन	(उपन्यास)	श्री श्रीलाल नथमल जोशी	८-३०
राजस्थानी साहित्यकार			
परिचय कोस	(परिचय अंक)	सं० श्री रावत सारस्वत	७-७५
सोनल भींग	(लघु कथायें)	डा० मनोहर शर्मा	७-००
काळ भैरवी	(लघु उपन्यास)	श्री रामनिवास शर्मा	७-४०
हस करे निगराणी	(काव्य संग्रह)	श्री सत्येन जोशी	७-४०
राजस्थानी साहित्य री समीक्षा	(जा.जो)	सं० डा० मनोहर शर्मा	८-००
राजस्थानी कहाणी संग्रह	(जा.जो)	सं० रामेश्वरदयाल श्रीमाळी	८-५०
राजस्थानी निबन्ध माळा	(जा.जो)	सं० डा० मनोहर शर्मा	८-००
राजस्थान के कवि भाग २		सं० रावत सारस्वत	१५-००
सरवर सूरज अर सिद्ध्या		श्री प्रेमजी 'प्रेम'	प्रकाश्य

सम्पर्क

राजस्थानी भाषा साहित्य संगम (अकादमी)

नागरी भंडार, बीकानेर ।

✽ मधुमती
(हिन्दी मासिक)

आकार २० X २६ X ८

श्रेक प्रति रो मोल—१.५० रु०

बरस रो मोल —१५ रु०



✽ स्वर मंगला
(संस्कृत त्रैमासिक)

आकार २० X २६ X ८

श्रेक प्रति रो मोल—३ रु०

बरस रो मोल —१० रु०

त्रिजापन री दर

कवर पानी चौथा	२५० रु०
कवर रो दूसरो र तीसरो पानी	२०० रु०
पूरो श्रेक पानी	१०० रु०
आधो पानी	५० रु०
चौथाई पानी	२५ रु०

✽ जागती जोत
(राजस्थानी मासिक)

आकार २० X २६ X ८

श्रेक प्रति रो मोल—१.२५ रु०

बरस रो मोल —१२ रु०



जागती जात

राजस्थानो भाषा. साहित्य संगम री मासिक

सम्पादक

डा० कन्हैयालाल शर्मा




जुलाई

१९७८



रस ६ अंक ५





जागती जोत

राजस्थानी भाषा साहित्य संगम रौ मासिक

जुलाई, १९७८

सम्पादक

डॉ० कन्हैयालाल शर्मा

बरस : ६

अंक : ५

बरस रौ मौल : १२ रिपिया

इए अंक रौ मोल : सवा रिपिया

रियायती मोल : ८ रिपिया

प्रकाशक

राजस्थानी भाषा साहित्य संगम (अकादमी),

बोकारनेर [राजस्थान]



सम्पादकीय	— —	१
कविता-गीत —		
१. गीत	— श्री प्रेम जी प्रेम	३
२. कुण सुण ?	— श्री दीनदयाल प्रोभा	४
३. सूरज की किताब	— डा० प्रेमचन्द्र गोस्वामी	२१
४. चेतना री खतावणी	— श्री भवानीशंकर व्यास 'विनोद'	२५
५. माइतां	— श्री करणीदान बारहठ	२७
६. बेच्योड़ो बुढ़ापी	— श्री कृष्ण कल्पित	२८
७. पीढी पीढी री फरक	— डॉ० मनोहर शर्मा	२९
८. अगन-चाळीसा (प्रनुवाद)	— डॉ० ब्रजमोहन जावलिया	४३
९. नींद	— श्री सुरेश पारोक 'सप्तिकर'	४७
कहाणी—		
१. लछमण रेख	— श्री भंवरनाथ मुदार 'भ्रमर'	६
२. काकी चतरा	— श्री गिरधारीलाल मालव	३१
३. रावळ री लाजरो रुखाळो	— श्री श्रीलाल मिश्र	५१
निबन्ध—		
१. पारस्यां	— कु० गकुन्तला कुमारी 'रेणु'	१३
२. नकारात्मक शक्ति	— डॉ० नागरमल सहल	१८
३. रक्त चाप : वरास्ते रोकयाम	— श्री सा. म. नानुराम संस्कृती	५४
व्यंग्य—		
१. नंदी पुराण री एक प्रकरण	— श्री जानकी प्रसाद गुरोहित	३४
लघुकथा—		
१. पीधी री बातें	— डॉ० उदयश्री शर्मा	२२
२. ऊँचा पावरा	— श्री माणक तिवारी 'बंधु'	४९
शोध-आलोचना—		
१. राजस्थानी व्रतकथा और लोक-जीवन—	डॉ० लक्ष्मी कमल	३६
२. राजस्थानी गीत और प्रलेखुं धोळमा —	श्री ओमप्रकाश गरंग 'मधुप'	६३
संपादकीय पै प्रतिक्रिया —		
	(१) श्री मनोहरसिंह राठी	६७
	(२) श्री अमोलकचन्द जागिड़	६७
	(३) श्री प्रेमजी प्रेम	६८
पुस्तक समीक्षा —		
सेठो छांव खज्यूर की	— श्रीमती उषा शर्मा	६९
संगम री गतिविधि—		
विज्ञप्ति १ से ५ तक	— राजस्थानी भाषा साहित्य संगम	७१

जब ताई कोई भाषा बनावटी न होवै तब ताई ऊमें अनेकरूपता रैगी ई । बनावटी भाषा में ई असी बात देखबा में आवै छै क ऊमें लिंग, वचन, कारक, वाच्य, काल, पुरुष आदि नै दरसावा वेई कोई प्रत्यय मान ल्या जावै छै अर फेर वांका जोड़ सून प्रातिपदिका अर घातुवां नै ई लायक बणा दी जावै छै क वै वाक्य में प्रयोग हो सकै । अर अभिव्यक्ति कर सकै । असी भाषावां में तो शब्द का पुर्लिंग रूपां नै ई मुख्य मान्या जावै छै अर स्त्रीलिंग सदा ई प्रत्यय की सायता सून बरणाया जावै छै । असी भाषावां को व्याकरण घणू सरल होवै—अतनू सरल क ई पत्रिका का एक पाना में ऊ छप सकै छै अर अतनू निरपवाद क ऊकै वारै जा'र कसी भी रूप नै समझवा की जरूरत न होवैगी । असी भाषावां में एक भाषा जमेनहाफ द्वारा बणाई एसपेरैन्तो छै, जोमें नरी सारी पोथ्यां भी छपी छै, पण ज्या घणां प्रचार-प्रसार क बाद भी चलण में न आई । पुस्तकालय की पोथ्यां अर दो-च्यार मन्थ्यां की कार नै न उलांग सकी । ई में संदेह कोईनै क एस-पेरैन्तो संसार की सब सून वैज्ञानिक भाषा छै अर सब सून सरल भी ।

संस्कृत वेई भी या खी जावै छै क वा भी संसार की वैज्ञानिक भाषावां में सून एक छै, पण सरल कोई नै । ई की वैज्ञानिकता एसपेरैन्तो की वैज्ञानिकता सून न्याळी छै । एसपेरैन्तो जस्यां आपणां दस-पाँच नियमां में ब'व'र निरपवाद छै वस्यां ई संस्कृत भी आपणां सैकड़-हजार नियमां में ब'व'र निरपवाद छै । एक नै पूरी तरै समझवा वेई पूरी अष्टाध्यायी की जाणकारी जरूरी छै तो दूजी नै समझवा वेई एक पाना-भर भी नियमां की जाणकारी घणी छै । ई सून ई संस्कृत जटिल छै अर एसपेरैन्तो सरल ।

भाषा की विकास जटिलता सून सरलता की आडी होवै छै । जब कोई भाषा बणै छै तब ऊमें एक सम्बन्ध नै दरावा वेई घणी सारी युक्तियां चाल खडै छै अर वांकी जंगल-सोक खडो हो जावै छै । आदमी ऊ सारा जंगल को बोझो न डो सकै । ई सून समय के साथ-साथ वामें सून कम चलण का रूपां नै छोड़ती जावै छै अर वांकी जग दूसरा रूपां सून काम लेबा लाग जावै छै । अस्यां रूप घटे छै अर भाषा अनेकरूपता सून एक रूपता की आडी जावै छै । संस्कृत में अनेकरूपता छी; ज्या घट'र पाली, प्राकृत, अपभ्रंश अर हिंदी या राजस्थानी में घणी थोड़ी रंगी । यू देखो क अकेला 'राम' का रूप संस्कृत में १९ छै, 'पाँच रूप दो-दो जग काम आवै छै'; जे घटती-घटती हिन्दी या राजस्थानी में तीन रंग्या । अर 'राम' सून न्याळा घणां सारा शब्द छै; ज्यांका रूप भी 'राम' सून न्याळा छै । अब हिन्दी, राजस्थानी का शब्दां के तीन प्रत्यय लगाकर सगळा शब्दां नै वाक्यां में

प्रयोग करवा जा सकी छे । हां, परसगं बांकी सायता जरूर करे छे, जे सगला रूपा के साथ समान रूप सँ प्रयोग में आवे छे ।

ई अनेकरूपता सँ एकरूपता की भाषा-यात्रा में बिघन तद पैदा होवै छे जद दूजो भाषा या बोली का रूप ऊमें घुस-पैठ कर जावै छे । तद फेर रूपा का भाड़-भुखाड़ ऊंका सूदा गेला में रूप जावै छे । ऊं बगल प्रसी लागबा लागे छे जाणी आपण पाछा बावढ़ग्या होवां । पण यो बावढ़बो कोईन, भागि चालबो ई छे । न ई सँ घवढ़बा को जरूरत छे, न ज्यादा सोचबा-बच्चारबा की । समय के साथ जस्यां वं दन चली ग्या, ग्रस्या ये दन भी चल्या जावैगा । रूपा का जगल में सँ फेर बाग को सरूप बन जावैगो, भाषा-भाषा कटाई-छंटाई हो जावैगो । पर प्राकृतिक नियम के अनुसार योग्य म रूप बच जावैगा ।

राजस्थानी की अनेकरूपता को कारण दूजो छे । जी राजस्थानी में अपार सृजन अतीत में होयो पर काल ताईं होतो रघो ऊमें अनेक कारणा सँ ऊ सृजन बीच में जमा-जमा बंद-सो होग्यो । या दसा दस-बीस साल चाली । पर जद फेर प्रान्तीय भाषावां में लिखबा को माहील देस में बण्यो तद राजस्थानी का परंपरागत सरूप सँ न जुड़'र आपणी-आपणी बोलियां में लिखबा को चालो यहां सरू होग्यो । ई सँ राजस्थानी बोलियां में रूप-रचना की जे प्रक्रियावां चाल रो छे वं लेखन में आ गी । राजस्थानी के नाम पे ज्यो लेखन आजकाल हो रयो छे ऊंको अनेकरूपता को यो ई कारण छे ।

सवाल पैदा होवै छे क राजस्थानी को या अनेकरूपता एकरूपता लैगो काई ? भाषा-विकास को नियम तो यो ई छे क समय के साथ कम चलणहाला रूप खुद ई मट जावैगा अर ज्यादा चलण हाला रूप रै जावैगा । पण यो क्राम दस-पांच बरसां को कोईन पर न पांच-पचासबरसां को । यो तो सो-पचास बरसां में ई भाषा-भाषा हो जावैगो । ई बीच जे समरप लेखक आवैगा बांकी भाषा दूजा लेनका ने आकषित करैगी अर छोटा-मोटा लेखक बांका गेला पे चालबा लाग जावैगा ।

पण आज को आदमी सगली बातें प्रकृति पे न छोड़बो छार्व; ऊ तो निदा मक बण'र ऊपे काबू करबो छार्व छे । ग्रस्या ई भाषा की ई अनेकरूपता ने एकरूपता की आडी ले जाबा वेई गुजराती की नेई राजस्थानी में भी गांधी जी की जरूरत छे । राजस्थानी में कोई गांधी जनमें पर बांका संकेत पे बतंनी, रूप आदि में मानकता थरप दी जावै ।

एक दूजो युक्ति या हो सकै छे क राजस्थानी का लेखक अतीत का गद्य-पद्य की रूप-प्रक्रिया सँ जुड़े, अर ऊई आदर्श मान'र लिखै । अतीत की राजस्थानी में ज्यादा रूपता छी ऊनें स्वीकारवा में कोई ने आपत्ति न होवैगी । हां, ई बगल जे लिख रया छे वानि प्राचीन साहित्य पढ़णू जरूर पढ़ंगो अर ऊसे जुड़बा को अम भेलणो पढ़ंगो ।

—कन्हैयालाल शर्मा

गीत

श्री प्रेम जी प्रेम

ये ओराँ हाळा फोड़ा,
भगतै कद ताई यो मन !

(१)

यो घर छै जंतर-मंतर—
गेला गेला मैं ऊँळ,
सूरज के ओळ्यूँ-दोळ्यूँ,
बदबा लाग्या वम्बूळ ।

आतां अर आतां-जातां—
कटग्या दन कटगी रातां,
यूँ गरणगटेरा खातां—
घरतो नै आवे भूँळ ।

ये बना गांठ गरजोड़ा,
बांध्यां राख कतना दन !

(२)

आंगण मैं रोपी तुळसां
उग आया थापाथूर,
मनसा उफणी तो अतनी
जे खडी करचाड़ां पूर ।

दुख सूँ दुख को ई सांटो,
कतनो ई काटो-छांटो,
अव कळो-कळी मैं कांटो,
यां बागां को दस्तूर ।

दे डाळ-डाळ कठफोड़ा,
पसवा पै चांच दनादन ।

कुण सुणै ?

श्री दीनदयाल ओभा

चारु मेर चेतो भूल्योड़ै,
अवखाई री आंवी रै
चक्कर चढिये,
मृग तृष्णा रै लारै दीड़ते,
तिरसै हिरण री
अबोली जीभ री अरदास—
कुण सुणै ?

भूख रै ऊंचै भूतोळिये
गरणाटा खावते,
पग-पग पछाड़ खाय
गिरतै पड़तै माणस रै
उकळतै आंतरै री
दो धापाऊ वात—
कुण सुणै ?

मैगाई री मार सूं करळावतै,
मिलावट री मूढ
धाराळी सूं
टूक-टूक हुयोड़ै

हाडकां रै
अन्तस री खड़खड़ाट नै—
कुण सुणै ?

तिरसा, भूखा, दुखिया
सगळा आस लगायोड़ी
दिन रै सूरज'र
रात रं चंदरमा ने
निरखै-परखै,

पण तिरस भूख'र दुख
आगा नी सरकै !
घोरां, तालरां'र मगरां सूं
टकरावती—

चारुमेर अक ई आवांज—
कुण सुणै ?
कुण सुणै ?



लछमण रेख

श्री भंवरलाल सुथार 'भ्रमर'

बुखार काई आयो, डील स्तो तोड़ न्हाह्यो । सीला, डण दिां जी-जान सूं
म्हारी चाकरी करी जिकी नै म्है कदेई मूल कोनी सकूँ । कोई चीज रो कमी कोनी
आवण दी । रोजीन २०-२५ रु० चाईअता, पाई रो ई फोड़ो कोनी पढ़ण दियो । दवाई
पाणी रै अलावा दिन भर दूध रो इतजाम । मिलननै आवणियुं बीसूँ लोगां सातर
चाय-पाणी । घिन थारी छती नै ! लुगाई हुवै तो इस्ती ! कित्ता दिन हुयग्या घरै सूतां
नै । कियां खरचो चलायो हुवेला ? सीला रो सेवा भावना सूं प्रभावित, इणी
विचारां में हूब्योड़ो म्है सोचूँ के सीला तो गुणां रो खाण है । पढ़घां-पढ़घां हाड पामळो
स्तो जरु हुयग्या, ना दिन कटै ना रात । म्है पसवाडो बढळ लियो ।

रसोई सूं चाय रै प्यालां रो खणखणाट म्हारो ध्यान आप कानी खींच
लियो । जी में आई के आज रो रात तो कटी । चाय रो अडोक में म्है बँटो हुयग्यो ।

सीला चाय ले'र आयग्यो । मुळक'र चाय रो कप भलावती बोली, अन्न तो
कीं जी सोरो हुवेला । फेर ठैरगो । कीं कंवणो चांअतां यरां ई वा आने बोल कोनी
सकी । थोड़ी ताळ नै हीमत भेलो कर'र बोली-अन्न तो डिपटो मायै जावणरी सरपा
हुयगी हुवेला ।

हां ठीक ई लखावै । रैस्ट घणाई दिन करघो, अन्न तो जायां ई सरसी ।
छुटियां ई स्तो खतम हुयगी । कप हेठे मेलतां म्है कंयो ।

आज तो अदीतवार है, काल रो काल सोच्या । कप लेयर रसोई में जावती
बोली ।

खासी ताळ ताई म्है दूध नै अडोक वो करघो, परा आज दूध कोनी आयो ।
छेरुड़ म्है दूध सारु हेलो पाड़यो । सीला आई, पण दूध रो गिलास ले'र नई ! या लाई
लारल पन्दरै दिनां रे खरच रे हैं साव रो कच्चो चिट्ठो ! म्हारै सामे न्हांवतो बोजी-बेदे
वताओ, अन्न लावूँ कठै सूँ ? रुपिया साड़ी तीन सौ खरच दिया थांरो वेमारी माथं ।

आखिर मैं थारै लारै आगोड़ी हूँ; लुगाई हूँ। खरचो तो थारै चलाया ईज चालसी। दूध भाल्ले बन्धी जदेई छोड़दी। बीरा लारलै मईण रा ई ६० रु० देइज्या कोनी। दूध मनै नगदी पईसा दे'र दुफान सू' मंगवावणी पई। हुंवता थकां मैं कदेई नाक में सल ई घाल्यो हुवें तो कंबो। रुपिया २००) रु० आर्डे बखत सारू सांभ'र राखोड़ा हा बै तो खरच हुयाईज, रुपिया डेढ़ सो मार्य और कर लिया। ओ तो मैं पडोसण सू' वणा'र राखूँ जद बीं अडो टैम फट काढ'र दे दिया। नई तो कुण देवे है आजकाल। थारै भरोसै तो घर में कीं हुवो'र भलाई ना हुयो। थानें तो टैमोटेम हरेक चीज मिळ जावतो जण काई ठा पई ?

मैं बीन चुप करतां थकां टोक्यो-भोगती चुप रे। अब तू घणी मत बोल। म्हारो जो सोरो कोनी, तू जा।

बा गई परी। बीरै गयां पछे म्हारै जी में आई के मैं सीला न कैय हूँ कै हाल ताईं म्हारो तबोयत ठीक कोनी। तू जाणै, थारो काम जाणै। मने कीं मत कय, कीं मत पूछ। थारी मरजी आवै जियां कर, आछो लागै जिको कर, पण मनै ना छेड़।

सीला न बुलावूँ जिकै सू' पंला ई बा पाछी आयगी। अबकाळ बीरै हाथ हयगोळो हो। म्हारै कानी फेंकती बोली-अं बीजळी अर पाणी आळा तो खायग्या बटक्यां सू। सांस ई को लेवण देंनीं। लारलै मईण रो बीजळी रो बिल तो हाल ताईं भरीज्यो-ई कोनी और काल नूवो भळ आयग्यो। पाणी आळा'स दस दिनों सू' रुळ ई है। थानै कंवूँ जद तो थै सुणाई करो कोनी। जे पंलाई टैमसर भर दो क्यों पनेळटो लागै। पण म्हारो कोई सुणै जण ! फेर बोली जे म्हारो मानो तो थै अ दोनू बिल आज-काल में ई भरदो।

ठीक है भर देसूँ। कंवता तने काई जोर आयो ? कैय दियो, आजकाल में ई भरदो। म्हारै कन कीं दीखै है तनै। म्हारो तो जान मती खाया करो। हर दैम शान लेवो करे। मैं रोसां बळतां बोल्यो।

बा बोली अच्छा तो अब कईई कंवूँ कोनी। ये जाणो'र थारो काम जाणै। एक तो थारै भल वास्तै कंबो ऊपरवूँ गाळां और सुणो। इसी म्हारो काई अणसरियो पड़्यो है।

बीरो पारो कीं गरम देख'र मैं ठण्डो मीठो हुंवतो बोल्यो-इसी काई ऊतावळ है ! म्हारो कंवण रो मुतलब कोनी समझी। तू म्हारो कंवण रो मुतलब है हालताई तो आखरी तारीख अळगी है। करसां कठेई जुगाड़ ! तू सोच अ मईण रा जारला दिन। मांगा तोई करं कन सू' ? तिणखारी'स कदेई भूरसी बटगी। जा दूध लिया !

थानै हणै तो कैयो हो कठे सू' लावूँ ? किसी गायां दुज हैं, घर में ? लावो काढो आंटी मांय सू' रुपियो मंगवा हूँ। बा उफणती सी बोली।

रुपिये रो नांव सुणतो म्हारा देवता कुच करग्या । असल में म्हें थोड़ी ताळ पंला आळी वात सावई भूलग्यो हो ।

जेक वात श्रीर सुणलो, कान खोल'र । स्टोव में तेल रो छांटो ई को है नीं ! जे दूध मंगवा ई लेसो तो गरम कांय सूं करोला । दुनुगं ही म्हें चाय निठां बणाई हो । का तो किरासणी तेल लायदो अर का ला'दो लकडियां । थाने कंवू जण तो लागी दोरी । पंलाई बेसी ला'र राखो तो क्यां भी अने टेम दोड़तो पड़ ?

लकडियां उठा'र लावण रो तो हाल तांईं म्हांगे पीच कोनी । ला पींगो भुला दै, तेल ईज ला दूं । म्हें कंग्यो ।

लो ! वा पींपलियो भुला'र छेहें हुयग्यो ।

पईसा ? म्हें पूछ्यो ।

जे पईसा ई हुंवता तो थाने क्यों फोड़ा घालतो ? मन काई भार लागे हो । चौक में घणोई मिले है । बीं सफाई दी ।

भाळ तो घणो ई प्रायो पण चुपचाप ले पींपलियो'र टुग्यो ।

रोटी धारें आयां ईज वर्णल भलो । बी लारे सू भोळावण दी ।

अबे म्हारे सामें पईसां रो समस्या हो । सोच्यो, कदाइ सूं कोई भायल कनें सूं । श्रीर कांई तो ?भेर जी में आई के भायल द्या कंसू के म्हारे घरां आज चूल्हो को जग्यो नीं । पाच सात रुपियां तो दे, मिटिया तेल लावणो है । धिः कितो ओछी लागसी या वात !!... कंरे कनें सूं मांग सूं ? अर देसी ई कुण ? भायला तो रस नीरु रो पेरो आळा है । जिकें में श्री मईए रा लारला दिन ! सवाल कोनी उठे देयण रो । आपो आपरा रोवणा रो देसी'र हुमा ।

जी में आई के पारीक रे अठे सूं तेल ईज श्रीघार ले लू । पण भळ सोच्यो के ई रा लारला पईसडा ई वाकी पड़्या है । ओ तेल देंवतो दोरो हुयसी । मानलो दे देसी । पण नटई जावे तो म्हारो कांई माजतो रवे ! साईकिल मक्खण रे घर कानी मोडली । बीं मे २५ रु० नीकळे है म्हारा ! सोच्यो, सगळां नीं तो कीं न कीं तो देसी ई । देसी जिका ई चोखा, आजरो काम तो निकळे ! पण मक्खण रा पण पताई लाध्या नीं । फेर सोच्यो, चालो आज लिछमण ने ईज बकारा ! आसामी है । हुय सके कीं वेसी ई दे दे तो आपां रो सगळो ई काम निसर जावे । दूध प्राळ रा चुका परो'र बिजळी-पाणी रा विल ई भर न्हाखू । १०० रु० घणाई हुसी ।

लिछमण घरां ई हो । मन देख'र राजी हुवतो खासी अपणायत सूं चोल्हो आव-आव, हमकाळ तो घण दिनां सुं दोख्यो । थारा तो दरसण ई ओछा हुयगा ।

कठे रैवै है आजकाल ! भेर आपरै कप कानी इसारो करतो बोल्यो—यार ! एक मिनट मोड़ो आयो ! चाय तो म्हे अँठबी । तू कँवै तो अँक कप थारै वास्त बणवा हूँ ?

रैवण दे-यार ! आपस परी में कांय री औपचारिकता ? वस हणईज पीर आया हूँ । कँवण में म्हे कँय दियो । पण जी में सखासी इच्छया ही कँ अँक कप चावड़ी मिल जावै तो की सरघा बाप रै । कमजोरी तो ही ईज, खासो थकग्यो हो । पण काँई हुवै, म्हे की बोलू जिके सून पैला ई बीं आपरी बात साजली । पावणी हुंवती जणै पूछतो । घर में आडर फँकतो । “जिकां कने ई पइसा हुव । ई तोबा करी, बिना मन रा पावणा ! घी घालूँ क तेल ?

केई ताल प्रेम सून इन्-बीन री बातां बगारैर म्हे म्हारै मुतलब री बात टोरी, वेमार काँई पड़यो; म्हारो तो रड़क स्सो निकळणी । कने फूटी कोड़ी ई कोनी अर पईसो स पग-पग मार्य चाईजें । थारै कने की हुवै तो साजे नीं यार ! पैली तारीख ताँईं पूठा कर देसूँ ।

म्हे किता मांगूँ र किता नई, बीं सून पैलाई चतर खेलाड़ी किनो काटतो बोल्यो—तुई सोच भाई, अब मईएँ रै लारलें दिना पईसा कठे ? दो-अँक दिन पैला मांगतो तो की करतो ई । अब तो म्हारै सारै री बात कोनी । भायनो भायलें रै काम आया ई करै है । “म्हे इण मोकै थारी हेलप कोनी कर सक्यो, मन बीत फील हुय रैयो है, हमकें काम पड़े तो जरूर आये, म्हे की न की करसूँ ई ”।

बीन ऊरा-ऊपरी टालतां देखैर हँसो रै रीस दोनूँ सागे ई आया ; मांय रा मांय दांत पीसतां थकां म्हे ऊपर सून मुळक रै आभार दरसावतो बोल्यो—नई यार ! सोच री काँई बात है । आदमी कने कणई हुवै अर कणई को ई हुवै नीं । हाथ बसु हुंवता तो तू नटतो थोड़ीई ! अँ तो म्हारा ई दिन माड़ा है जिके सून तने नटणो पड़्यो । ऊभो हुंवतो म्हे कैयो, अबे चालू भाई ।

बैठे नीं यार ! कईईसीक तो आवै रै अँतावळ और करै ! आज तो अवीत वार है, जावणो ई कठे है ? लिछमण म्हारो हाथ भालतो अपणायत रै हेत सून बोल्यो ।

म्हे बैठ तो गेयो । पण जी में बाकी की को रई नीं । अबे बीन आ कीकर समझा वूँ कँ तू तो घर-सिगरी जीम-जूठ रै बँठो है, पण म्हारै टांबरां न बळीतो नई हुवण रै कारण थकां दाणां अँकत करणो पड़ रैयो है । टांबरां री याद आंवतां ई मन लखायो कँ सीला टांबरां मार्य भुँभळीवती अर अणची ती गाळां देरई है ! खाली मन सगळा भेळा हुयर । चूल्हे में काँई हाथ देवूँ ? थारो बाप बळीतो लासो जणै ! दुतुगें गेया हा हा लताई तो पाछा बावड़ ई है । थाने रोटी भाव है ! फेर सोच्यो गाळां तो काढ़ ई को सके नीं । उळटी बा तो मन भोळा रै पछतावती हुवैला कँ ई कमजोरी री

हालत में कंठ गोता खा रेंगा हुजैला । काई है, इत्ता माथं करया जठं दो-चार और हूय जांवता । बाने तो फोड़ा कोनी पड़ता !

इत्त में भायलें रं घरां अक लुगाई आई, जिकी नं देखता पाण लिछमण उठ परोर भट घरसाली में गयो परो । जायतो कमिये रं बागुं आळो पढ़ो न्हायतो को भूल्यो नीं । बी सूं बात कर'र लिछमण मांय सूं बक लोटो पाणी रो भर लागो । अर म्हें देख्यो कं बो कोई बीज धुवा रेंयो है । पला तो सोचो मन रो वंम है, काई सूं पग मरीज्योड़ो हुवै ना । धुवावतो हुसी । पग साबळ देख्यो ठा पढ़ी कं रमगोळ घुसाईन रई हो जिकी नं पन्डराज नं ग्रहाण राखणी हो । बिया पार व्याज वट्ट रं लेण देण पर छुपायत नं बीत ई ओछी बात बतावै । हण बिषय माथं लिख्ये अक उपम्यास माथं आपने अफादमी सूं ईनाम भी मिल चुक्यो है । पण काई करं ? जठं ताईं छुपायत रो सवाल है, वामणां रं बास में रेंयर पंडतराज नं कीं लोक देखाऊरी छुपा-यत तो रामणी ई पड़ै ! वे फालतू रो विरोध कुण मोल लेवै ! दूजें बास में रेंयता तो की सोनताई । रेंयो लेण-देण रो सवाल, जिको'स आप परमारण रो मान'र चाले । ई वास्तं छुटं कियो ? ठीक ई कंई है पर आदेश कुशल बहुतेरें ! म्हें तो सदाई घोने दकियानूसी ईज समझयो, पण लारलें साल आरी उपम्यास पढ़यो जणुं पोल खुनी । कं आप व्यास जी बेंगण खावें दूजां ने परमोद बतावै ! रमगोळ मांयनं घर'र बाई नं रुपिया साबळ पिणा दिया । रुपिया गिणावतां देख'र मनं अचूंभो हुयो हुवै आ बात कोनीं । म्हें घांरी आदतां सूं चोखी तरं वाकफ हूं ।

बो कमरे आर म्हें रं कने बैठगयो । बोल्ह्यो कीं कोनीं । बीरं मन में चोर हो । म्हें बीं रो आत्मा नं दोरी करणो कोनी चांवतो ई वास्तं बी कने सूं छुट्टी मांगली अर सीधो चांद रं घरां पूगयो । पण चांद घरें को होनी । भाभी जो बतायो पटं पांडोस में ई है, हणुं आयजासी । फेर बोल्ह्यो—ये कमरे में बैठो पोढ़ी तोळ, म्हें चाय वणावूं ।

नईं चाय तो म्हें पाछो आयर इंज पोसूं । जित्तं चांद माय जामी । म्हें कैयो ।

भाभी म्हारो तबीयत रं वारें में पूछतां यका बोल्ह्यो—घांरी तबीयत कीकर है ? कीं जी सोरो हुयो ?

म्हें बोल्ह्यो—हां, कब तो ठीक हूं । दिनु'गं सूं तिस्रो हूं गरम पानी हुवै तो अक गिलास भर लावो, म्हें हालताईं कच्छो पाणी कोनी पीवूं । वे पाणी लावण नं गया परा । म्हें आ सोच'र बीत राजो हुयो कं कोई तो म्हारो सोच करे है, ख्याल राखे है, नईं जठं इत्ती देर लिछमण कने वठे ई होनीं ! पूछ्यो तो कोनी तबीयत रो । कूड़ी अपणायत !

वै गिलास भर लाया। पाणी पीवता ई चैरे साथै अकरसीक रौनक आयगी। जाणै दूध री गिलास चेपी हो। वठै सू निसर'र बिना कामई ईनै-बिनै गोता खावो करघो। अक दो भायला' मिल्या, बां सू गपशप करी पण बारै आगै पईसां री बात को चलाई नीं। चोखी तरै जाएँ हो कै मन री बात कैयर गमावणी ईज है। देवाळ कोई कोनीं।

आध पूरा घण्टा घूम'र पाछो चांद रै घरां जा पुग्यो। घर ई हो चांद। मन देखता ई मुळकतां थकां पूछ्यो,—तबीयत ठीक हुयगी दीस है? अबै।

हां, अबै तो ठीक ई हूं। थारो मनस्या काई बैमार राखण री ईज है काई? म्है अपणायत सू बोल्यो।

नई-नई इसी बात कोनी। बुरी चीतरण नै म्है ई लाध्यो?

थोड़ी ताळ इनै-बिनै री वातां करी। जितै भाभीजी थाली पुरस लाया। चांद रै अक-दो नोरां सू ई म्है जीमण नै बँठग्यो। आ कोई तूई' बात कोनी हो, घण्टी ई दफे जीम लिया करू हूं। पण आज री बात दूनी हो। मन में पाप हो। दिनूंगै सू पेट सफा खाली हो, दूध ई को न्हाख्यो होनीं। चावड़ी साथै ई चाल रैयो हो। अक बजगी हो भूखो कांय सू रैई जे? सोच्यो दो चार क्वा लेई लूं।

कवो लियो'र का लखायो कै घांटे सू हेठे नीं ढल रैयो है। ध्यान टावरां का'नीं गयो परी। वै किरातणी तेल नै अडीक रेंया हुवैला अर म्है अठे मजे सू जीम रैयो हूं। सोचूं कै म्है कित्तो वेह्या हूं। पण काईं हुवै? लाचारी है। स्मारे री बात कोनी। जीमतां-जीमतां सोचूं कै अबै चांद नै म्हारी कैय दूं। चांद आज ताई नट्यो कोनी। तोई मूंडे रै जाणै टांका आयग्या हा। दो-तीन दफे मांगण री कोसीस करी पण बात मूंडे ताई आ'र रैयगी।

जीम-जूठ'र चळू कर लियो। थोड़ी ताळ नै भोजाईजी चाय बणा लाया। म्है धोल्यो—चाय री काईं दरकार हो? अबार तो जीम्या हा।

आघो-आघो कप तो है ईज, चालसी! चांद कैयो।

चाय पीवती टैम जी में आई कै अक दस रो लोट मांग लूं, काम चल जासी। पण बोल को निकल्यो नीं।

इत्ते में चांद नै बुलावो आयग्यो। बीनै आवूं हूं कैयर मन पूछ्यो—यार अक काम करसी?

काई? म्है पूछ्यो।

ड्राईक्लीन में कपड़ा दियोड़ा है, आज लावणा हा। म्है कोई काम सू गांव जा रैयो हूं। आ कैवतां थकां बी म्हारे हाथ में रसीद रै साथै दस रो लोट धर दियो।

म्हें राजी हुयो । मन री मुराद पूरी हुयो । चोखो हुयो बिना मांग्याई दस रुपिया मिलग्या । म्हारो आज रो काम तो निसर जासी । पछे सगळो बात चांद न समझा देसू 'र हुया । म्हें बोल्यो—ठीक है । ला देसू ।

वठे सून सीधो बजार गयो । चार लीटर तेल भरायो'र कीं साग-गन्नी लेर घरे पूग्यो । अब्बे म्हारें पर लागग्या हा । सोच्यो, सीला मन देखता ई राजो हुतो'र पछतावती थकी कंसी कं म्हें थाने इण हालत में मेल'र भूल करो ।

इण खुशी में हूब्योई म्हें जियां ई पगोयिये माथे पग घरियो, मांयने सून सीला रो बड़वड़ाट सुणीजी—जावें जिका आगड़ा ईज जावें ! दिनुगे निकळ्या हा, हालताई तेल ले'र आवे है । कठे ईराक, ईराण सून लावण ने गया है । बारें भरोसं तो टावर भूखां ईं मरो भलाई ।

टावरां माथे भुभळ्ळावतां न देख'र म्हारी तो सरघा स्तो टूटगी । तोई जी बड़ो कर'र मांय बड़यो । देख्यो, वा रोट्यां बणा रई ही । टावरिया जोमे हा ! म्हें बीरें आगे तेल रो पीयो घरियो'र का वा उफणती सो बोली—अब काई करूं तेल रो ? बळूं काई ? म्हारे माथे छिड़क दो जूको गेल टूट जावें । सगळो रा काळजा ठण्डा हुय जासी । थाने ई फिकर हो तो पेलाई लावता नीं ? मने ग्रं थेपडियां रा पदघा तो माथे कोनी करणा पड़ता ! काई करूं टावर तो मन खावे ।

थक्योडो तो हो ईज । सीला कानी अक रो लोट फंकतो बोल्यो—जा दे ई थेपडियां आळी ने । अर म्हें बिना बीरें सांमो जोयां मांयने जा'र कमर पाघरो करण सारू पिलग माथे आडो हुयग्यो ।



प्रकाशकां सारू—

- जागती जोत में आपरें प्रकाशन संस्थान सून प्रकाशित पोथ्यां री दोय प्रतियां समीक्षा सारू जरूर भिजावी ।
- जागती जोत रें जिए अक में आपरी पोथ्यां री समीक्षा छपसी वो अक आपने जरूर भेज्यो जासी ।

—सम्पादक

पारस्यां

कु० शकुन्तला कुमारी 'रेणु'

हरचा लिपाया, चोक पुराया, चांवर-लापसी का जीमण जिमाया । लाड़ला जवाईं सा कै तईं सासूजी नै घणां-घणां वारणा सूं बघाया ।

आज म्हारै घर जवाईंजी पधारचा । चालो री पारस्यां सै यां नै बघावां । सांज पड़ी, दन आंध्यो, रात आई । जीम-छूट मोयला की सबरी लुगायां भेरी होई ।

जवाईंजी बंठ्या है । लुगायां गीत गाःगा'र पारस्यां पूछ री है । ऊकी जुवाव देवै जद तो ठीक, नी तो सारी लुगायां वां की घणी मसकर्यां कर-कर'र दांत खांडै ।

जीं हिन्दी में "पहेलियां" केवै ऊं नै अठीं गांवड़ा गांव में 'पारस्यां'क पयार्यां केवै । ये पारस्यां गांवड़ा-गांवड़ा में बखरी पड़ी है । जीं में एक दूसरा की अक्कल परखता लोग सेज आनन्द हांसी मसकरी का मसरा रारता रेवै । अस्यां आपका मन की हांस पूरी करै ।

सांज की जीम छूट एक दन मूहं म्हारा पालक्या पै बैठी थी क म्हारा सामला पड़ोसी गिरधारीजी गूजर की वू' दोड़ी-दोड़ी आई । हात जोड़र कैबा लागी, "चालो पधारोजी बाईसा आपकी सुगनी का जवाईंजी आया । गीतां को बुलावो है आपकै । वेगा पधारज्यो ।

"म्हारी सुगन का जवाईंजी काईं मांडो भांकवा आयाक सुगनी नै लेवा आया ? हां, आऊ गी जी गिरधारीजी की वू' ! जरूर आऊंगी हो !"

जीव म्हारो आछयो नी थो तो भी मूहं, म्हारी भाभी, म्हारी बायां पड़ोसन कै घर गीतां में गिया ।

भीत को सापरो ले'र एक आडी बैठी मूहं सुणती री । डील म्हारो भीतर-ई-भीतर टसकती रियो, पण मन म्हारो पारस्यां में रमग्यो ।

हैंसता-सरमाता जुवाँईं जी गदेला पै बैठ्या । चाँकें आसपास घर का बड़ा-
बूड़ा छोटा मोटा, साळा-सुआरा बैठ्या । सतरंग पर बँठी लुगायां नै गीता का फटकारा
उढाया —

“सरग सीताफर लागियो जी ज्वाँईं सा,
म्हारा बत तोड़्यो ई न जाय, ओ राज !
समजो तो जानी, जानी म्हाराज !
चत्तर होय तो केयगा जी ज्वाँईं सा !
मूरख मसरे हाय ओ राज !
समजो तो जानी, जानी म्हाराज !

X X X

दांत छाड़ता ज्वाँईं जी बोल्या-ये तो ‘तारा’ होया सा । अर लुगायां नै
दूसरी पारसी गाई ।

“मोती बखेरूँ चनरा चोक में जी ज्वाँईं सा;
म्हारा बत सोरयो ई न जाय, ओ राज !
समजो तो जानी, जानी म्हाराज !
चत्तर हो तो केय दो जी ज्वाँईं सा,
मूरख मसरै हात ओ राज ! समजो तो ...

अर लाइला जुवाँईं मूँडा सँ जाणँ फूला की झट्यां बसरी — “यो काँईं
माइणो नी होयो सा ?

घणघेर लुगायां केर गरजी, जाणँ घेर-घमेर बादरा घरायाया अर हाँस्यां की
बीजली चमकी । आपस में बसर-बसर बोली अरी वा गावो री, दारयां वाः—

लवार्यां की डावड़ी जी ज्वाँईं सा,
बैठी छूट्यां मांय, ओ राज !
सामूँ सँ मुजरा करै जी ज्वाँईं सा,
भेलो राजकवार ओ राज !
चत्तर होय तो केयगा जी ज्वाँईं सा,
मूरख मसरैगा हात, ओ राज !

X + +

अर सांची अब के तो जुवाँईं जी हात मसरवा लाग्या; ऊार नीचँ ताकँ
भापड़ा ! अठी-उठी बगलां भाँकै बच्यारा । सासू सपूती तो काँईं नी बोली, पण दूसरी
जण्यां बीजल्यां चमकातो बोली—हार्या थांकी मां ये लाइला । या “चन्दक” होई,
समज्या !

अब फेर वांकी राग तो भरमर बरस बड़ी:—

पैली तो म्हारो म्हूं होयो जी ज्वांईं सा;

जणी पाछै म्हारो बाप; ओ राज ।

मामाधूमी सैं म्हारो भाई हुयो जी ज्वांईं सा.

जणी पाछै म्हारी वैण, ओ राज ।

चत्तर होय तो केय दो जी ज्वांईं सा,

मूरख मसरै हात, ओ राज ! समजो तो—

×

×

×

बालक ज्वांईं जी बोल्या,—“म्हें हार्या, आप जीत्या सा । म्हानै तो मा पयारी गुणैसजी कै छोडो । अब आप ईं को अरथ बतावो ।”

ज्वांईं जी के पास बैठ्या सारा अर सुसराजी नीची नाड़ कष दांत खाडवा लाग्या । पास बैठ्या दूसरा जणा भी दांत खाड़ मसकरी करता रिया । गीतां की झडी में फेर लुगायां दांत खाड़ बोली—भापड़ा कांईं जाण री ये ! बता दो दारी चालो । बालक ज्वांईं है आपणा । यां की मां नैं कांईं नी सलायो बच्यारा नैं । सुणो सा । ईं को मायनो दूद-दईं-लुग्यो अर छाछ होयो । समज्या क नी ?

फेर लुगायां नैं भीतर्यां बखेरी:—

“दरजी को तो घोड़ी भरग्यो, लाद सैं घर भरग्यो

पांच रप्या को चारो चरग्यो ऊची टांगां करग्यो ।

चत्तर म्हांकी पयारी को फर के दो जी ।

ज्वांईं सा म्हानै कंर सुणा दीज्यो जी ।

×

×

×

“कतरण तो घणी बखरती फरै सा ।” ज्वांईं जी को जवाब आयो अर बायां नैं फेर गाया:—

बिन खुडछो, बिन खुडछल्यो जी ज्वांईं सा,

बिन छल्ल, बिन आग,

सुन्दर नैं सीरो कयों जी ज्वांईं सा,

होयो बड़ो सवाद ।

क अन्तर कपटी छो जी,

जनम का झूठा छो-जी,

जुवाँई' सा बोलो अमरत बोल ।

×

×

×

घड़ीक में गाती, घड़ीक में अरयाती लुगायां कै तईं जयाँनी नापटा नै फेर
मायनो बतायो । म्हां ईं 'संत' बाछयो भीठो लागे । घाय आरोगो तो आप कै बेई लावा ।
बालक जवाँई' का जुवाव देवा की या रीत सांची घणी आछो लागी ।

लुगायां फेर गावा लागी!—

बारा आया पावणा, रोटी पोई जो एक ।

ज्यू माया ज्यू ईं जीमया, रोटी रंगी नो एक ।

बहोनी जवाँई' सा म्हांकी पारसी, नीतर हारो याँकी माय मांय हार्या पूरो
नई पई, रोटी पोवेगा कृण ।

×

×

×

कतराई मनख आवो सा, 'तुवा' पँ रोटी तो एक-एक कर कै ई सकंगी अर
सबी पावणा जीमेगा ।

अस्यां वातां ईं वातां में, गीतां का फटकारा में, हांसीं मसकरी में, ममरा
मैणा भीठा-भीठा छंगट्यां म्हारी सुगन का जवाँई'जी भेलखो कथा ।

कोई बी व्याई सगां कै जवाँई' भाई आवे । जद याँकी नन रालवा, फाली बगल
में मोज मजा करवा, घर आया पावणा की मान-मनवास्यां करवा, अर आपका मन की
समंगों खादवा को म्हां का गाँव में पोरस्यां गाथा को चलण घणो जूनी है । आज-कल
की फड़ी-लखी बाई-बावड़यां सैरां में यो रवाज भूलनी जा री है । पण गांवड़ा की बायां
आज भी जीं बखत भाँत भाँत की राग भाँत में गावा वंठे' ऊ बखत हाँसी मसकस्यां
अर आँखन की असी रँलपैल मचैक सुएतां ईं बपो ।

व्याई-सगा नै, जुवाँई' माई नै हरा'र अखीर में ईं गीत सँ लुगायां पारस्यां
खतम करै—

हारयां को फँरो साड़ी घाघरो,

जींत्यां की पबरंग पाग ।

ये काँई' कैगा री भापड़ा;

म्हारी ग याँ का गवार—

भूरी भैंस्या का गवार ।

कंवर कैगा री आपणा

बांद कसूमल पाग ।

म्हांकी पाटण कै गोयर

लागे दो वड गोठ;

गोठ गोठीड़ा जीमग्या

ज्वाईं सा कूटेगा पेट ।

कहो नी ज्वाईं सा म्हांकी पारसी,

नीतर हारो थांकी मांय

घत्तर होय तो केय दो

मूरख मसरंगा हात ।

×

×

×

लुगायी की पारस्यां पुरी होई । म्है सब पतासा ले'र म्हां का घर नै पाछा
बावड़्या । आया तो देख्या कं फेर रात की बारा पं एक बाज री थी ।

×

×

×



नकारात्मक शक्ति

(डा० नागरमल सहल)

अंगरेज कवि कीट्स निखालिस कवि ह्य, कवोंके राजनीतिक, आर्थिक, सामाजिक, या सैद्धान्तिक कोई भी भात रा उणारा पूर्वाग्रह कोनी हो । प्रविक्त सोन्दर्यो पासका में उणरो अव्वल स्थान हो । येट्स (W. B. yeats) लिख्य है कि कीट्स श्रयां का टावर रे समान हो जिनरो मूठो कन्दोई रो हाट रो बारी सूं जाणै सट्पोड़ो हुवे पण वीं रो सोन्दर्योपासना हलकी फुलकी कोरो ऐन्द्रिकता मात्र नी हो । जद कदई पलायण रो इच्छा राखता हुवा भी वं कद ई जीवन सू अणयुन कोनी हुवा । प्रकृति रो रमणीयता में वं मनख रा करुण कंदन नें भुला कोनी सवया ।

कीट्स मुख्य रूप सूं कवि है, पण आपरी चिट्ठयां पठ्यां में कठ-रठई उणां सूत्र रूप में साहित्य रो तलस्पर्शी मालोड़न-विलोड़न भी कर्यो है । नकारात्मक शक्ति (Negative Capability) उणरो प्रविक्त सिद्धांत है, जिनरो अरथ है कि कवि आत्मविस्मृत हो'र काव्य रो प्रणयन करे है । ऊ आपरा निज ह्रस्व उद्याय या दुख दरद रो बात कोनीं करे । भूल चूक'र चोखो कवि कदे करे भी है तो हण भात कि ऊ सगळी रे हरप रो कारण वण ज्याव है । साधारण भाव भूमि रे बिना साधारणीकरण संभव कोनी हुवे । श्रेष्ठ कवि सामूची अप्रतिवद्ध हुवे है । ऊ न तो किणी वाद नें पनपावे अर न किणी वाद रे आसरं खुद चालवारी उपक्रम करे है । जेन आस्टेन रा उपन्यासां में जयां वारली दुनिया रो रत्ती भर भी सनेत कोनी, वयां ही कीट्स रो कवितावां में मनख पण रो पुकार है, मानखा रो कोनी । फ्रांसीसी राजक्रान्ति जसो बड़ी ऐतिहासिक घटना रो उणरी रचनावां में कठई कोई पड़पुन कोनी । ठीक उण रे विपरीत वर्ड्सवर्थ, शेली, बायरन आदि रा काव्यां में उणांरो डकारी चोट सी घेपणा है । ई वास्तं श्री कवि कीट्स जसा वेलाग कोनी हा ।

खुद नै नकारणो कवि रो सँ सूं बड़ो सगती है। कीट्स कयो है कँ शेक्सपीयर
 में या भोत बड़ो मात्रा में ही। शेक्सपीयर रा नाटका नै पढ़'र कोई या नहीं कँय सकँ
 कँ शेक्सपीयर अस्यो मिनख रियो हुवँ लो, क्यों कँ उणरा हर चरित्र में भावँ ऊ लायला
 होवँ या ह्यागो, पोशिया, आइमोजन मतलब कोई भी होवँ, पाठक नै सदा याही लागै
 जयाँ के सँ आप आप रँ मन रो बात कैता होव। मतलब यो कँ कठँ भी आपाँ या नहीं
 कह सकाँ हाँ कँ पात्र रँ वहाँनै नाटककार खुद ही बोल'र्यो है। शेक्सपीयर रो ई सगती
 रो नाँव समानुभूति (Empathy) है। जठँ आपाँ या कह सकाँ कँ नाटक राँ फलाँ
 पात्र रँ मूँडँ नाटककार खुद बोल रियो है, उठँ हो नाटक रो अपकर्ष हुयोड़ो समझो।
 नाटक सँ सू बेसी वस्तु-परक होबो करँ है, व्यक्ति परक-रजेक भी नीँ। या सगती नका-
 रात्मक सगती रो जयाँ काव्य में दूसरो नाँव है। सिद्ध कवि ठ है जो नकारात्मक
 सगती रो घणी है। कोलरिज में कीट्स नै इण सगती रो कमी दोखी, कयो कँ वै
 हर बात रो सगळो ज्ञान प्राप्त करणो चावै हा। अधूरा ज्ञान सूँ वँ कवँ ई सन्तुष्ट
 कोनीं हो सकँ हा। पण नकारात्मक सगती रो अर्थ है अणनै चापणो (अनिश्चितता),
 रहस्यमयता, सन्देह रो अवस्था जिण में तथ्याँ या तरकाँ ताँई पूगवा रो उतावळ न हुवै।
 कवि रो कोई आत्म या स्वयंभाव कोनी रँवै। वीँ नै देव-दाना, नायक खलनायक-सगळाँ
 रो चितणा में एक सो खुशी होवँ है। धरम प्राण दार्शनिक नै जिण बात सूँ षक्को सो
 लागतो हुवै, किरगाँठ्याँ रो भांत बहुरंगी कवि नै उण सूँ ही हरष मिलणो संभव है।
 जोगा कवि इण अणपार सृष्टि में सँ सूँ कम कवि जँडो लागै है क्योंकि उँणरो आपरी
 कोई पछाण कोनी। ऊ तो सतत परायी कायावाँ में प्रवेस करतो रँवै है। वीँ रो आप-
 रो कँई कोनीं। परायो ही वीँरा सब-कुछ है, क्यों कँ परायो नै अपणावणरो साअय
 वीँ में है। ज्ञान अर दरसन रा आळ जंजाळ में कवित्व रो हास हुवै है। कीट्स नै
 विचाराँ रो सघनता सूँ संवेदन, मनोयोग या गाढ़ अनुभूति घणी प्यारी ही (O for a
 life of sensations rather than of thoughts!) रुड़ो रूपाळी वस्तु
 सूँ सदा आनन्द वण्यो रँवै है ('A thing of beauty is a joy for ever')
 पण पछै भी सत्त अर सौंदर्य में कीट्स रँ बल्लै कोई नाथ (विभाजक रेखा) कोनी ही।
 कल्पना जिणनै वँ रुड़ो रूपाळी समझ'र आदरै, वा नहवँ ही सत्त है। कीट्स रो
 मानता है।

सौन्दर्य सत्य है, सत्य सौन्दर्य—यो ही इण घरती मार्य जाणो हो थे अर
 यो हो है वस थांनै जाणणो। दार्शनिक रो सन्तुष्टि हुवै है सत्य रा दरसराँ सूँ
 अर कवि रो हुवै है सौन्दर्य रा साक्षात्कार सूँ। सत्य अर सौंदर्य छेड़ै जाताँ एक है,
 निसर्गतः ऊ शिव भी है।

उद्देश्य रँ सागँ काव्य रचना करणो मूँडो परचार रो साधन भले ही हुवै

पण वा कीट्स की नजर में कविता कौनी। पेट में जया पत्या चाव है, क्या ही काव्य जे स्वतः स्फूर्त कौनी हवे तो अस्या काव्य रो अणसिरज्यो रहणी ही नौनी है। काव्य सून आपां नै विस्मय हवे है उणरी हृद्यता सून, उणरी असाधारणता या वैचित्र्य सून नहीं। पाठक नै अस्या मालूम होवणो चावै, कं जाणै कवि वीं रो ही उन्नततम चितवणां नै सबद दे रियो है। कीट्स की मानता है कं कविता स्मृति खां लागणी चावै। इगरो सौन्दर्य स्पणं अथकचरो नहीं होणो चावै क्यों कं वीं सून पाठक कटुताम या स्तब्ध बल ही हो जावै पण वीं सून ऊ संतुष्ट या तिरपत कौनी हवे। विबोदय, विव विकास अर विव धरपणा सुरज की भांत स्वामानिक रूप सून प्रकणित होवणी चावै। कीट्स की यो सिद्धान्त एलियट अर येट्स की विचारां सून घणी मेळ खावै है। या सगती निर्व्यक्तिता (impersonality) ही तो है। निर-जण रा पठां में कवि की मनः स्थिति असी होवणो चाहिजे कं विभिन्न प्रमाणां नै ऊ ग्रहण करतो चालै। आदर्श ग्रहणशीलता की इण स्थिति में कवि मुद नै कठं पाद रान सके है। ऊ न कोई सून वंध्योड़ो है; ऊ न कई आदर अर न कई कनादर। बो तो बस लेतो जावै है ज्यो उणरी भागवेष है।

कीट्स लिख्यो है के मनसाजुण आत्मा रा निरमाण की घाटी है। निरदो घणां रै समान है जिणां सून बुद्धि आपरा अभिज्ञान की पान करै है। मना की कीट्स नै धोज दिरावै है यो गाय'र कं ज्यो खुद नै सूत्योड़ो मानै है ऊ ही सै सून बेनी जाग्योड़ो है। ज्ञान रा गोरख धंधा में ऊळभवा सून बघ'र कोई पाप कौनी। बायरन कयो है कं ज्ञान दुःख है। कीट्स की कंणो है—दुःख ही बुद्धिमत्ता है, पण साने ही “बुद्धिमत्ता सूखता है।” नकारात्मक सगती की कद-कद यो अरथ लगा लियो जावै है कं कवि की चितवणां सून कोई सरोकार नीं होवणो चाहिजे। दूजा सबदां में साहित्यिक नै बोद्धि सत्य की कोई अपेक्षा कौनीं हवे, पण सांच बात या है कि नकारात्मक सगती मुद बोद्धि सगती की ही तत्व (सार) है। बुद्धि नै सशक्त करण की यो एक मात्र साधन है। चोखो कवि किणो भी विषय रै वावत आपणो मत पिर नहीं करै है। मस्तिष्क में सब तरां सून विचारां रा प्रवेस सारु राजपथ जसी छूट होणी चाहिजे। कवि नै विशिष्ट दल वादी न होवणो छावै। प्रतिबद्धता कसी है, कचीट भी है। कवि रै बल्ल तो सन्मुख वातावरण अपेक्षित है। ऊ जठे छावै विचरै (जहां न जाय रवि, वहां जाय कवि); कविता की खाद्य जीवन में चुभण हाळा कांटा नीं बोवणो छावै। कांटा तो है अर रैमी भी, पण सौन्दर्य प्रेमी रै बल्लै सूळां भरयो पय भी कुमुमां ज्यूं कोमल हो ज्पावै है। सौन्दर्य में सगती है कण्ठ देवण हाळा विचारां नै भगावण की। सुकवि रा अमीष्ट अर्थ ज्ञान की अरथ है—विरोधी ज्ञान रा अंगोपांगां सून भी सोझ नीं, रोझ ही भली। कवि—सम्मत यो अर्थ ज्ञान सांचे ही दोहरो ज्ञान है—एक आपरी आत्मां की अर दूजो जगत रा अमंगल, अनिष्ट, दुष्कर्मा अर पाप की।

सक्षेप में नकाशत्मक सगती 'स्व' नै बिचरा'र परानुभूति नै स्वानुभूति वणाणो है। अहं नै नकारणो है जिण रो प्रयत्न दार्शनिक करै जरूर है पर व' सफल कोनीं हुवै। सुकवि स्वनिर्मित सुन्दर वन में अतरो आनन्दित रैवै कै देह बोध रो आत्यंतिक अभाव सैजां ई हो जावै है।। वीं वगत ऊ कोनै है पर ईश्वर रो चराचर सृष्टि है। कवि तो साधन है जिण पर अनहद नाद बजै। यो ही ब्रह्मानन्द है, यो ही रस है। यो सभव है अहं रं विगलित होवण सूं, देहाध्यास रै अवसित होवण सूं। सुकवि में या तागत सहज हुवै है। ऊ खुद हण सूं सशक्त होवण रै नातं पाठक तक ऊ ही संवित् प्रेषित करवां में मनोकाम हुवै है।

सूरज की किताब

डॉ० प्रेमचन्द्र गोस्वामी

आज रो भोर
 म्हें पढ़ी—
 सूरज रो किताब।
 म्हारै पोर-पोर में
 सौ-सौ सूरज रो उजाळो—
 धर करण लाग्यो है।
 पैलां तो म्हें डर्यो हो,
 पण अब मन रस्ते में
 आग्यो है;
 चौकड़ी भरते हिरण ज्यूं
 मन दौड़न लाग्यो है;
 घर में गूँज रह्यो है—
 वच्चां रो किलकारियां रो
 सुहाणो संगीत...।
 सांची कै ऊं—
 सूरज रो किताब
 पढ़ण रै बाद
 म्हें लगातार
 जाग रयो हूं.....
 लगातार...!!

पोथी री बातां

डा० उदयवोर शर्मा

पोथी पढ़ण री सोख मग्ने छुटपण सून ई हो । पुस्तकालय सून एक पोथी ल्यावणी अर दो तीन दिन में पढ़र पाछी जमा करा देवणी, मेरी एक बाण ह्यगी । ई बाण सून मैं एक पोथी प्रेमी बाजं लागो ।

एक दिन मैं पुस्तकालय में गयो । पुस्तकालय रें अव्यय सून चावण री भूमको लेर एक आलमारी खोली । आलमारी खुलतां ईं एक घणो बड़ी पोथी पर मेरी निजर पड़ी । पोथी निकाल र देखी तो बीं री सिर गरदै सून भरयो पढ़यो । कमर पिचकी पड़ी । मूंडो जाण बंद होई । दोनूं आजू-बाजू सून पोथी ओर पोथ्यां रें दबाव सून भेळी-भेळी हो री । पोथी नै भाड़ पूंछ र देखी । पोथी री नाम हो 'कविता-कुंज' पाछी बरदी । पोथी नै पाछी राखतां ईं बीं मांय सून लहेरां सी निकळी । बा लहेरां मांय सून आवाज आई "अरै बीरा, तू पोथी प्रेमी लाग्यो, तू मग्ने पांच बरस सून दारें तो काढो कं । मैं आई जद सून अठै कंद हूं । कोई खोल र देखणियों ईं कोनी आयो । या मेरी पड़ोसन है, पांच बरस में साठ बार वारें जा र दुनिया देखाई अर एक मैं अठै कंद भोगू ।"

मैं हरतो सो बीच में बात काटतो बोल्यो "मैं थारली बातां समझूं हूं पण ईं में म्है काई करु ?"

पोथी बोली "जियां मिनखां गिं दुनियां में ऊपरला, बीचला अर नीचला मिनखां रा तीन भेद होरया है, वियांई पोथ्यां री दुनियां में भी तीन भेद बणया है । नामवारी पोथ्यां म्हारो सोमण करे है । म्हानै वारें जाण ईं की देवें नीं । सदा आप ईं जाणें ताई मूढो काढवो करे अर म्है देखती रइज्यावा । बीचली श्रेणी री पोथ्यां बां रें जाण ईं की देवें नीं । सदा आप ईं जाणें ताई मूढो काढवो करे अर म्है देखती रइज्यावा । नीचली श्रेणी री पोथ्यां बां रें सार्ये-साये कंदे कदास वारें जाइ आवें पण म्हारो काई हो ? एक जमानो हो जगा म्है राजदरबार में पूजो जातो पण "जां रा मरगा

बादस्या सल्ला फिर, वजीर ।" इब म्हारें कुण पूछें । म्हारें जून अर मन हे, बळ भी म्हारें में हे पण वाणी कोती । जे एक वृंद बाणी अस मिलज्या, तो म्हें म्हारें पोथ्यां रे समाज में "एकै" रे थरपणा करा अर पुराण नेम "पाठक रे गेल पोथी हो" न बदल र "पोथी रे गेल पाठक" बणावा । सें पोथ्यां बारी-बाही, सूं वारें ज्ञानी चाहिजे । ताम घारी बडी पोथ्यां रो या, इकलहट्टी इब नई चाल सकली ।"

सैं पूछ्यो "तो या चलसी कइयां । पाठक तो आपरें मन माकक ई तो पढेंगो कं ?"

पोथी बोली, 'वयू ! थारें समाज में आज "ग्राम आदमी" रे बातें करी जावें तो पोथ्यां रे समाज में ग्राम पोथी रो ध्यान वयूंनीं राख्यो जावें ? जे यो ध्यान नीं राख्यो गयो तो म्हारली ओणी रे समाज की कदर घटती जासी अर म्हें सदा ई दबीजती जावैला ।"

सैं पडूत्तर दियो "यो तेरे मन रो भैम है । साहित्यिक पोथ्यां रे समाज रो संख्या बळ तो थामू ई बढे है ।"

पोथी बोली "संख्या बळ सूं म्हाने काई लाभ ? इण रो लाभ भी बडो-डाई उठावें " वा आंगे बोली "काल ई म्हारली आलमारी में एक पोथी समाजवाद रो आई है । वा म्हारें उत्थान ताणी घणी-घणी बातें बतावें ही । म्हें सुण तो ली पण म्हारें कर्न वाणी कोनी । मूक हों । तू पोथी-प्रेमी है जणा तन्न म्हारलें मन रो बान बताई है । तू एक पोथी रो पोडा नै समझ अर म्हारें उद्धार ताणी वयूं कर गणाई तेरो पोथी प्रेमी बाजणो सार्थक हुयसी ।"

पोथी रो बातें सुण-सुण र मेरो तो माथो चकरावें लागो । आजकाल सैं रे मन में कुण्ठा अर दरद भरयो पड्यो है । यो कइयां निकळें ? इण विचारों में लोयोड़ी म्हें तो बिना पोथी लिया ई पाछो घरचा कानी बावड्यो ।

एक आदमी एक दुकान पर आ र बोल्हो "सेठजी, वयू ईमानदारी वेचन ल्यायो हूं और तो पेली-पेली सस्ते भाव में बेचली ।" इब थोड़ी सी बची है जिकी नै भी बेचणो चाऊ हूं । पड़ी दुख देवै है । मोल करल्यो ।"

सेठजी बोल्हो "भाया म्हारें तो लेवाळी कोनी और कंठई बेच । म्हें ई म्हारी ईमानदारी नै गैण मेच र दुकान खोली है । म्हें लेर काईं करी । आजकाल ईमानदारी रा कोई गाहक कोनी आवै ।

वो आदमी बोल्हो, "जणां तो आपां दोनूं एकई विचार घारा रो मिनख हों । थारो मत सो म्हारो मत । आपां एक ई पंथ रा पथिक हों ।"

सेठजी पूछ्यो "भाया थारो काई नाम है । 'चोर' पडूत्तर आयो । थारो काई नाम है सेठजी । "सांझकार" सेठजी बोल्हो ।

पुजारी संध्या रे आरती कर र भगवान रे आंगै हाथ जोडर प्ररदास करी

“भगवान् मन्ने सेवा पूजा करतों बरस बीतगा। नित नेम सून चार टेम प्रारती करू; टेम पर भोग रो ध्यान राखूं। आयोड़ा भगतां न तेरे नाम पर चरणा मत दघू। फेर भी तू मेरो संकट कोनी काटे। मेरे जीवन रो उद्धार कोनी करे। तू मेरी रिद्ध-पाळ कर, मेरीं भूख भगा।”

भगवान री मूरत मांय सून आवाज आई, “तू तो तेरो कार करे है। मेरी भगती कद करी। मेरी सेवा पूजा रे बदले में तन्न चढ़ावो—पुजापो मिळि अर मन्दिर रे ‘वाढ़’ न तू ई भोग। भगती रे तो तू नेई ई को गया नी। तू तो भोग पावे अर भोज उडावे। भगती री बात घणो उंडी है।”

भगवान री वाणी सुणर पुजारी रो भरम दूर हुयगो, आंख्यां खुलगी।

वासना मन सून बतळावतीं कह्यो “अर मनडा तू क्यूं तलहू-मळ छूं करे क्यूं पूजा पाठ में आप री टेम खोई। में तन्न छोड़र भोनी आवण को अर नी तू मन्ने निकाल सकी। आपा तो एक साथै ही रहस्यां।”

मन बोह्यो “तेरे आयां पछे में तो चकरी होयरयो हूं। एक घड़ी रो चैन कोनी। तेरे आया पैली में मोद में मलार करतो। लोग लाड प्यार सून देखता, लेवता अर खिलावता। सै नै लाडलो लागतो। मन्ने ‘बाल भगवान’ के र बतळावता। तू आर मन्ने सै सून खारो कर दियो। मेरो जमारो बिगाड़ दियो।”

वासना नै इतणी करड़ी बात सुणर रोस आयगी। बा झळा मरती बोली “तन्न जद कुण गिण हो, सै टावर केर छोड़ देवता। मेरे आया पछे तू ऊंचो बडो बण्यो है। ससार रो सुख भोगणो तन्न में सिखायो। लोगां रे अटणी लगार आगे आवणो तन्न में सिखायो। तन्न काई-काई गिणाऊं, तेरे जीवण नै एक चमकतो सितारो में बणायो। फेर भी तू ओळपो देव। मेरे सून मेळ राखणें में हो सार है।”

ये बातां सुणर मन राजी कोनी हुयो। बो बोह्यो “तेरे ग्यान री मन्ने दरकार कोनी। मैं तो तेरे साथै भागतो भागतो आखतो हुयगो। इब तू मन्ने छोड़र जा देली। मेरी अरदास मान।”

इब वासना घणी भुझ्झाई। मुखड़ी लाल हुयगो। नास फूलयाई, माह्यां चस्याई, घणो डरावणो रूप हुयगो। आपरो आगे बखेरती वासना बोली “जै तू मन्ने बीच में छोड़गो तो मैं तन्न आप द्यूं के तन्न घर बार छोड़गो पड़ैनी, जगळां में भटकणो पड़ैलो, जै घर बार नी छूटयो तो घर में तेरी कदर घट जावैनी। लोगां में मान सनमान नई रेवै लो। तू गूंगो हुयो पड़यो रेवैलो। रस होणो जीवन तन्न जीवणो पड़ैगो।”

इतणी के र वासना चुप हुयगी। मन वासना रो कोप को भेज सकयो नी। वेहोसी आयगी। मन नै चेतो हुयो तो वासना नाच रो ही।



वस्तु एक, द्रिष्टियां अनेक

चेतना री खतावणी

श्री भवानीशंकर व्यास 'विनोद'

पौ फाटी रो उजास
भौर रें सुपनां नै चचेड़ै,
बीरो गोदी में बैठो सूरज टाबर/चिड़कल्यां रें मूढ़ें बोलै—
सुख भर नींद पौढ़णियां !
अंधारै री खतावणी छोड़'र/आगे आवो
अर थारै नुंवा खाता खोल'र
दिन री बही में दो आंक बधावा ।

जूनी बहियां रा/पिण्ड सरावण स्यूं—
यादां रा गुटका पीवण स्यूं—
ऊगन्तें भूरज रें घोड़ां री रासां/किया थमसी ?
सिंहिया रें विखरियोड़ै सिन्दूर स्यूं
भोर रो मुठ्ठी भर उजास किया मिलसी ?
सूरज रो अणदेखी करियां
तावड़ै रो जाजम नीं सांटीजै !
गरुड़-पुराण बांचणियां स्यूं
जलम रा नारेळ नीं बांटीजै,

नुंवी पीढ़ो रें होठां माथै/टांकीजियोड़ा आखर नुंवा अरथ चितेरै ।
पीढीयां रें आंतरें स्यूं/भासा री खंख भाड़ें
अर बीने गैरो दिस्टो री/रगड़ स्यूं चिलकावै ।
कदास बुरस बुरसजियोड़ा आखर/मूढ़ो खोल नै कीं बोलै
तो जुगां रें गूंगे दरद री

कीं पिछाण तो हुवे ?

पोली धरती माथे नाठियोडा/गीतां रा निसाण तो हुवे ।

बखत री व्याकरण रा/अरथ बदलग्या ।

जूना पड़ियोडा सर्वनाम, विशेषण, क्रिया/थाक'र सूयग्या ।

मानखे री चलख आंख नै/गेरा अरथ सूझ,

आभे रे आंतरै-स्युं/गैश गोतो लगावै ।

बखत रे पाणी में तिरतो इतिहास

गाता खोर ज्यू चिब्वो लगाय'र मांयलो बात काढ़ लावै ।

अर बीनै बँवतै पाणी मै गलाय'र/आपरा गाभा पैराय देवै ।

पण मसाणां/रो पाड़ोसी—/अध गावळो बखत,

हालताई/नु बी जिन्दगी रा पगलियां/मांडणां चावै ।

अर वूढो अंगरख्यां/भंगला-टोपी में समाणी चावै ।

वाने कैदा—

थारै टांकी-टोकरणा रीं घड़ाई पूरी हुई ।

अबै बखत रे टांचा क्यूं लगावो ?

थड़ी करतो चेतणा नै/पगलिया लेवण छी ।

गैले बँवतै बदळाव रे/हुड़ी क्यूं लगावो ?

थारी बाँचीजियोड़ी पीथा नै/उथळता री

नुंवा आखरां रो पींडी क्यूं पकड़ो ?

जीवत सराध करणा व्है ता करज्यो ।

बना-घोड़ो रा गात अबै कठै ?

रळी रा गुटका पिवां/वा सांगी मिठास कठै ?

चेतणा में पोढ्यां री आंतरो है,

अबै इने कुण पाटै ?

सुरग विसाई लेवण हाळो धोपारो

जिन्दगी रा नुंवा थान किया सांट ?

विखरतै मेळै माथे क्यूं फिगरावी ?

खिडतै खेल में क्यूं विलमावो ?

बखत री एक ठोकर खाय'र

आ वोदी चौपाल ढे जासी ।

बोखी काण्वा'र ढळता किस्सा रै जासी ।

माइतां

श्री करणीदान बारहठ

ओ म्हारा दादो-सा !

थाने वेरो है मन्ने/थारी धोळी दाड़ो स्यूं चिबखाण है ।

मन्ने ओ ठाव है क—

थाने थारी अगरखी पर गुमान है ।

पण, थाने आ जाणकारी होसी क/थे टूटेई गातां री निसरणी हो,
अर म्हे उगतं सूरज री क्यारियां ।

पण थे चालता ही थारली फटकार म्हानै सुणाज्याओ हो ।

अर म्हे चुप्पी स्यूं थाने आदरां ।

ओ म्हारा बाप-सा !

थाने पतो कोनी पर म्हे जाणा हां—

क थारै माथै मैं घणकरा/सिद्धान्त सूख'र धोळा होग्या है !

अर थाने म्हारली काची कूंपळां/जहर-सी खारी लागै है;

थे लड़ो तो म्हारै के है ?

म्हे नीची घूंड घाल लेस्यां,

पण साच तो दिन ऊंचो आंवतां ही/ऊभी हो जोसी ।

ओ म्हारी मां !

थाने तो म्हूं सभक्ता लेस्यूं/गारगौर कर न साची बता देस्यूं ।

कीं आं बाच तूं स्याणी है ।

क्यूंके तूं तेरली घणी कोनी चलावै/तूं मेरी मां है ।

मने बेरो है, तूं जद लड़े है
 एक छोटी-सो कोथळी मै प्यार भी राखे है ।
 पण देखलै, तेरै सामे आगली पीढी आवण आळो है ।
 वा आवतां ही कह देसी —
 “धूँघटो उघाड़ न काच में देख/तू अवै बोदी होगी है ।”
 पण म्हे तो तेरं कान मै कळं हूँ—
 नई पोढ़ो र सूणापं नै आदरी,
 फेर मौज करा । बंठो खाई/पोतो-पोतां नै खिलाई ।



बेच्योड़ो बुढ़ापौ

कृष्ण कल्पित

इव थनै अचम्भी होता हूलो
 आं कांटाळी छड्यां जिस्सा हाथां मांय म्हैं थन पाळचो हा !
 हिप्पीयाई सांभ मै/आंगळी मांय सिगरेट दवायां
 जद थूं किणी भायेलै सूँ—
 गर्ल फ्रण्ड री चरचा करती हुवे
 अर म्हैं बीच में हो/म्हारै सूकेड़ै खेजड़े-जियालकै तन नै
 धांसी री खीं-खीं सूँ हिलातौ हुयो,
 थनै वेटी कैय वतळावूँ ! .. थू सोच—
 म्हैं इणरो गळो घोटवूँ !
 इणरौ चंरी नौच दूँ/म्हारा बढायोड़ा नूवाँ सूँ !
 पण जद म्हैं बुढ़ापै नं/चार रिपियां मै गिरवां राख

ढलतै सूरज रै साथै पाछी घरां बावडूँ
 तो थूँ अपूठौ फिरतो/किणी मांग्योडै मूँडै सूँ
 म्हनै बाप कैय'र बतळावै,
 अर म्है बिना कीं म्यांनौ लीयां
 थारो खुली हथाळी माथै राख देवूँ/म्हारै बुढ़ापै री कीमत,
 इनकार कोनी पावूँ !
 अर अकथ उदासो में
 कठेई डूवतो तिरतो/मैसूस तो रवूँ एक दरद !
 पग रै अगूठै सूँ/उतरता लेवड़ा नै
 बीती जुंवानी रो रातां समझ—
 अरामणा सो घणो ताळ—
 अबालो आंगणो कुचरतौ रवूँ !! ...



पीढी पीढी रो फरक (डा० मनोहर शर्मा)

पुराणी पीढी आज भी है
 अर पैली भी ही ।
 नई पीढी पैली भी ही
 अर आज भी है ।
 पैली/पीढी-पीढी रो आंतरो
 शरीर में जरूर हो, पण मन में नीं हो ।
 आज यो आंतरो/शरीर साथै/मन पर भी पड़तो लागै है ।
 पैली नई पीढी सोचती—

पुराणी पीढी/जितरै दिगां वंठी है;रैवै/उतरी हो लाभ है—
 सिर पर भार नीं पड़ै/अर टावरपणो कायम रैवै ।
 आज नई पीढी सोचै है--
 पुराणी पीढी/वेगो सो अधिकार छोड़ै
 तो आपां/गादी पर बठां, मालक बणां ।
 आज पुराणी पीढी सोचै है —
 कदे छोरा/बण्यो-बणायो खेल नीं बिगाड़ देवै
 पछै ये भो दुख पासी अर आपां भी दुख पासयां ।
 आज नई पीढी रै मन में/तेजो है
 पुराणी पीढी रै मन में/शंका है ।
 संसार रो यो सनातन नियम है—
 समय पायर/पुराणी पीढी गादी छोड़ती रैवै
 अर नई पीढो/उण पर वंठती रैवै ।
 इणोज क्रम में नई पीढी
 सदा सू /पुराणी पीढी बणती रैवै है
 अर समय रो चक्कर चालतो आवै है ।
 फेर भी/इतरी बात नक्की है क
 जितरी जल्दी नई पीढी/पुराणी पीढी रो गादी लेसा
 उतरी ही वेगो/वा पुराणी पीढी में भरती हुसी ।
 इसो हालत में
 के आज री नई पीढो नै/या चीज मन्जूर है के
 वा वेगो ही/वूढै--बाळकां री मंडळी में ।
 भरतो हुव ?



काकी चतरी

श्री गिरधारीलाल मालव

एक साथ कांगारोळो होयो पैला पाड़ा मैं । एकाद जणा सूं पूछी तो तोल पड़्योक काकी चतरी कोई नै । हाथ को काम छोड़'र भाग्यो । काकी चतरी की झुपड़ी पै पूग्यो; जद ताईं तो सनेसी सठगी छी "राम नाम सत्त छैं" की हांक द्वारा सूं कोई बार मुणवा मैं आवं छी, दो-च्यार जणा का रोबा का फतूर मैं हूब जावं छी । बायरां तो ओर भी छी, पण छूला सळकावा का बळीता सूं लेर गारा गोबर की अर कुण की ज्यार की साख गांव मैं चोखी छैं कुण की कोराणी चालती वगत गांव का गरघाळा मैं जूतयां न खोले" की बातां मैं मगन छी । साल में सूं दो छाणा अर पछ्योकड़ा सूं एक लाफड़ी लेर मसाणा की आडो सूघो होग्यो ।

रत्थी सळगा'र लोग भाळ कं सरै दूरा जा बैठ्या ।

"लारें; देखां, थारें गोडे को भरां न ।"

काका रामा सूं दाजी गोपाल जी नैं खी ।

"भरूं छूं; काल ईं तो कापण सूं लायो छी ।"

मालवी तम्बाकू भक मारे छैं—

ईं कं आगं । काकी रामो फूत'र मंडकी होग्यो ।

चलम भरी अर दो-च्यार जणा ओर भी आण बैठ्या घूँघाड़ो सूँघ'र ।

"चट्टाक"

सबको ध्यान रत्थी की आडी होग्यो । लाल लपटां मैं तणग्या उछट्या । एक मोटी लाकड़ी टूटी छी बीचा मैं सूं बळती-बळती । आग को रूप बकराळ होग्यो छी ।

"हाई री चतरी । आज तू भी गी । गोपाल जी की खाड़ां मैं घसी आंखयां नतरवा लाग गी ।

“हूँ” पैदा होवै जीव मरणो ई पड़ै छै, दादा; अरु उस्यां भी ऊमर पाक गी छी ।” चलम को कस खांच’र काको रामो दास्यार्थ करतो—सो बोल्थो । तम्बाकू का घूँघाड़ा को असर भेजा पैं होतो जारघो छो । “ऊमर काई पाक गी छी रं रामा; दुख मनखियाँ न खा जावै छै । भक्कर मैं कलिया जस्यां फूल वा कं पहली ई सूख’र टाळ पैसू नीचै खर जावै छै अस्यां ई मनख भी च्पारु’ अाडी को दुख भगततां-भगततां ज्वानी की देळ सू’ उत्तर भी न पावै क मोत का काळा अन्वेरा में गग जावै छै । जदी तो मरतलोक कहै छै ई ससार सू ।

“काई ऊमर छी चतरो की ? जाणै अवार दो दन पैली ई तो परण’र लायो छी बन्यो । घूँघटा की बादली में सूं-पुन्युं को चन्दरमा वारै भी न भाँक्यो छी नजर भर’र; “म्हारा राम जी”, “म्हारा राम जी” करती कुररी का कुरळाटां न सुणवा हाळां को काळज्यो कंपाछो । आख्यां की गगन-जमना उफण’र एकमेक होवा लागीं तो जेठ को बूढ़ो काळज्यो पोपत्यां मूँडा में न समायो । बोल्थो—घबरावै मत बाबली, ज्यूंगो ज्यों ताई कमा’र खाऊंगो । दो रोटी दे दीजे जीमें ई सबर छै । खुटी कवाँड़ो रो रँदगो भूँपड़ी की ।”

आज सू’ या भूँपड़ी थारी छै । मूँ तो छेत, सलाए अर पारा म्हारा छपरां में रातो काट ल्युंगो ।”

गोपाल जी ने साँस लायो अर रथी की आड़ी भाँक’र देवा सू’ ती—

“दो चार लाकड़ियाँ और लगाया देवा ।”

देवो सुणताई उठ्यो, ऊचो मूँडो कर’र दन देख्यो ।

“तीसरो फोर आग्यो । स्याळा को दन कतनो वेगो भागै छै ?

कणावत सांची ई छै आगण अर हाँडी को आछण ।”

गोपाल जी कहता जारया छा—

जेठ वू’ लोणा का प्यारा अर लुगायां की सभा की खास चरचा । जटो कढ जाता हलबळो सो माँच जातो । भेरयो जोर सू’ कहतो आघा राव ने सुणार’र—“वेगी बलजे चतरीSSS । मूर्खा मत मार दीजे काल की नाई ।” अर काँचा पैं नाड़ा-जता-वळ घरतो बैलां नै टचकार देतो ।

ल्याऊगोSSS, का खारघो छो फूतळां नै ।” इतनी ई जोर अर लाड सू’ कोयल की कूक लोणां कं कानां पड़ती ।

अद्धा अर प्रेम लोक-लाज का पड़दा न हटावै छै । जेठ-वू’ की मुरजाद बाप-वेटी का रूप में बदलगी । न बोलता तो काम भी कस्यां चालतो ?

अचूर्ण ई भैरुजी भी एक दन रोती डकराती चतरो नै छोड़’र ऊँई गेलें लाग्यो जीं सू’ आज ताई कोई भी पाछो न बावह्यो । जेठ वू’की की पांच बीघा जमीन

पं देवर नै सा खेर कब्जो घ्राण जमायो क म्हा रं गोडं रं' अर बैठी-बैठी खा । भूंपड़ी एक चार फेरूं सूती होगी ।

पूण मीना का बछ्छता की पातल्या रेवड़ी पं हाल तो ज्यू की ज्यू ई पड़ी छी क चतरी फाट्या छीतरा में लपटी एक छोटी सी पोटली बगल में दबाया भूंपड़ी में घ्राण घसी अर कोई को गोबर, कोई को पाणो-परांडो करती, गाळा-गाळा की मज्यूरी करती पपी पेट में भरती री, फूटा भाग नै भोकती री, गोरा-गदरया डील नै छी जाती री ।

“देखतो मोड़्या काई देर छै, देखां ? दन आथवा चाल्यो ।” काको रामो चलम में कांकरो जमातो बोल्यो । मोड़्यो नातां में रस ले रिधो छो, पण उठणी पड़्यो ।

“लोगां नै बदनाम न करघो दादा—जेठ बू को ? एक घर में कस्यां रहता होगा ।?” रामा नै मन में घणी देर सू घुमड़ती बात तम्बाकू का घूँघाड़ा में भकेल'र उगल दी ।

“सतजुग का लोग छा रं भाया; आज तो कलजुग को बरतारो बरतरघो छै । आज कस्या जेठ-बू' अर कस्या ससरा-बू ।” उड़ावा लागता तो काई तोप तरवार छी क वांक गोडं जीं सू मारता कैवा हाळां ई ? एक राम का बांध्या लोग छा; जीं सू पुजग्या, पुज ।” गोपाल जी का गला की नसां केहतां-कैहतां फूलगी ।

“ल्यो ।” काका रामा नै चलम आगे कर दी ।

“ला पील्या ।”

“पण अब चालवा में ई तंत छै ।” गोपाल जी दन की आड़ी भाँक्या ।

कोई नै छाणां को टूकड़ो अर कोई नै लकड़ी को छोड़ो रत्थी में उलाळ्यो अर गांव की गेली लागग्या । सूरज सारां दन को हारघो थाक्यो राती करणां सू संसार पे करणां बरसातो मा की भोलियां में बसराम लेबा जारघो छो । काकी चतरी भी उमर भर चालतां-चासतां थाक'र भाळां की राती पालकी में बैठी सरगां में बसराम करवा जारी छी । सूरज तो तड़कै फेरु दुख का काला अन्धेरा ई चोर'र सुतां का रथ पे आवैगो, पण काकी चतरी कदी नै आवै; ऊं की याद आवैगी ।



नंदी पुराण रो एक प्रकरण

श्री जानकीप्रसाद पुरोहित

हिमाली पर आज सदा सिवजी घणा चिन्ता-मग्न बैठया हा। नंदी नै भांग घोटएँ खातर एक भलेरी सी लोढी ल्यावण साफ कासीजी भेज्यो हो, पण दसई दिन नैड़ा हुवण मै आया, नंदी पाछो नीं वावड़्यो।

घणी बँचेनी सूँ महादेवजी हिमाली री ऊँजी चोट्यां पर चढ़-चढ़ दूर-दूर तांगी निजर गेरै हा अर नंदी रो मारग देखै हा। सदा सिवजी रै मन मै अनेक प्रकार री आसंकावां उठै हो—‘भारत मै जगां-जगां चुनाव हूप रैया हा। शायद वो भी ई चुनाव-संग्राम मै जुट पड़्यो हवै। सदा सूँ कासीजी मै रेवण रै कारण उठै री सीट रै किणी उम्मीदवार रो नंदी चुनाव-एजेण्ट भी बण सकै है। इसी हालत मै तो उण रो पाछो आवणो वेगो हो नीं बण सकै।

आखर पशुपतिनाथ आपरै आसण पै आया तो देख्यो कै वठै नंदी खुब उदास मुद्रा मै बँध्यो है। भोळानाथ बाबा वेगासा नंदी रै नेड़ै आया अर उण रो पीठ पै हाथ फेर्यो, पण नंदी न तो सदा री भांत खड़्यो हुयो अर न मूँडै सूँ ई कीं बोल्यो।

कैलासपति सोच्यो क नंदी शीत लहर रो सतायोड़ो हुय सकै है। ई कारण आप घूणै मै घणी सारी लकड़ियां गेरी अर चक्कड़ बोझ कर्यो। पछै आप बोल्यो—“अरै नंदी, तूँ इतरा दिन कठै रैयो ? तूँ मारग भूल गयो क कोई तने बांध लिओ ?”

नंदी नाड़ हलाई पण चुप रैयो। सदासिव सोच्यो क नंदी नै कई दिनां सूँ भांग पीवण नै नीं मिली हुवैली, ई कारण ई री इसी हालत है। आप फरमायो “नंदी ! खड़्यो हो अर भलेरी सी भांग घोट।”

नंदी देख्यो क अब भी जे वो चुप रैयो तो के ठाह बाबाजी समाधि लगायर

बैठ जाईला अर पछे तो बस पछे ई है। नदी बोल्यो—म्हाराज ! म्हे तो घणी ही भांग पी चुक्यो” बाबा जी बोल्यो—“अरै कठै ?” नंदी उत्तर दियो—“बाबा जी ! आज एक कासीजी री ही बात नीं है, सगळें मुलक में चुनाव रो नसो बुरी तरियां छावोडो है। लोग खावणो-पीवणो भूलर रात-दिन चुनाव रें नर्स में भरम्या फिरै है। अब कासीजी में आपरें मन्दर में एक भी भगत नजर नीं आवै। अब तो नई किस्म रा मन्दर धणग्या, जिणां पर नाना प्रकार रा रंग-विरंगा भंडा लाग्योडा है। कासी जी रो ओ हाल देख'र पैली तो मनै घणी प्रसन्नता हुई क ईं पुनन घाम रो प्रत्येक मकान बाबाजी रो मन्दर वणें चुक्यो है, पण ईं मन्दरां रें मांय गयां असली भेद खुल्यो। जीव पै बीती सो जीव ही जाणै है। आज आपरा सगळो मन्दर सूना पड़्या है। आप इतरें दिना कासी में बिराज्या, पण सो-पचास ई बोट हाथ में नीं कर सक्या। आज तो भगतां नै बस बोट ही चाहिजें। और तो और, आपरें खुद रें परिवार रें लोगां रा नांव भी कासीजी रो बोटर लिस्ट में आप नीं लिखाया ! अब पुराणो जमानो नीं है क आप कठै भी बिराजो अर भगत लोग दूर बैठ्या आपरी आराधना करता रेंवै। आप आये दिन धूणो बदळता रेंवो हो। इसी हालत में किणी भी एक क्षेत्र में आपरो पुरो प्रभाव नीं जम पावै।

सदा सिवजी नदी री बातों सुण-सुण'र मन में मुळकें हा। नंदी कैवतो रैयो—बाबाजी, अब आपरी पुराणी कासी एक दम बदळगी है। अब वठै 'बम-बम' री जगां 'बोट-बोट' री धुन गूजै है। संख री ठोड़ लाउडस्पीकर गूजै है। अब देवतावां री सवारी न निकळर कासीजी में नेतावां रा जुलूस निकळै है। फैली गंगाजी रें तट पर नोग त्रिकाल सन्ध्या में लीन रेंवता। अब वठै चुनाव सभावां री भीड़ लागी रेंवै है। अब लोग गंगाजी रें पवित्र जळ नै छोडर चांदी री गंगा में डूबणै री मनस्या राखै है।”

नंदी आगं भी बोलणो चावै हो, पण सदा सिव उण नै बीच में टोक'र बोल्या—“ई सारी स्थिति पर कदे फुरसत सू विचार करस्यां। अब तो तूं खड्यो हो अर विजया री तयारी कर।”



राजस्थानी व्रत कथा अर लोक-जीवन

डा० लक्ष्मी कमल

लोक-साहित्य लोक की अभिव्यक्ति को सदा सू माध्यम रयो है। लोक-साहित्य नै आपां अक आदर्श की संज्ञा दे सकां हां, जिण में लोक मानस की असली रूप प्रति विवित हो'र आपणुं सामें आवै। उण में समाज की स्वतन्त्र अभिव्यक्ति की आत्म-प्रभा आलोकित रैवै। इण पर किणो की वंघण या घांगस नहीं रैवै। इण सू जनजीवन की इतिहास इणमें सर्वथा सीधो, स्पष्ट निविकार अर विशुद्ध बण्यो रैवै। लोक-साहित्य रूपी सहज अर सुगम पंथ सू जात्रा करता आपां प्राचीन समाज तक पूग'पर परम्परागत संस्कृति अर सभ्यता की ज्ञान सहजां ही प्राप्त कर सकां। धार्मिक अर सांस्कृतिक इतिहास नै खुद में अखूट बणायां रोखण आलोक-साहित्य समाज की अणमोल धरोहर है। ओ लोक जीवन सू उद्भूत है, अर लोक जीवन सू सदा आपरो अटूट अर अण्योन्याश्रित सम्बन्ध बणायां राखै। जद सू मिनख आपरी अनुभूतियां सू अभिव्यक्ति करण की कळा की ज्ञान अजित करयो, सृष्टि की आरम्भ रा उण अतिया-सिक अणजाण क्षण सू ओ सम्बन्ध लगातार चात्यो आरयो है, अर उणी पुळ की प्रेरणा सू समाज आज की इण चरम विकास तर्हिं पूग्यो है।

किणो भी जाति की उत्कर्ष अर अपकर्ष उण रा सामाजिक जीवन माथे निर्भर है। भावा सू भरघोड़ी जिन्दादिली सू जीवण आळी जाति ही सदा उत्कर्ष नै प्राप्त करै। जाति की उन्नति या अवनति की पतो उण रा पवें, उच्छ्रय अर तिवा-रां सू, आनुष्ठानिक अर धार्मिक कर्मां अर उणां सू सम्बन्धित लोक प्रचलित साहित्य सू लगायो जा सकै है। भारत सदा सू ही धर्म-प्राण दश रियो है। जद-जद भी धर्म पर आफत आई राजस्थान रा वासी वीर अर अठा की वीराङ्गणावां धरम की रक्षा खातर आपरी बलि देवण में संकोच कोन करयो। यो ही कारण है कं अठारा लोक साहित्य की अणु अणु धार्मिक जीवन रा रंग में रंग्याडो है। लोक गाथा, लोक कथा, लोक गीत, कहावतां, मुहावरा, पहेलियां आदि लोक साहित्य की विविध विधावां में धर्म की

छाप लाग्योड़ी दिखाई देवे है। ओ ही कारण है कि अठारा लोक साहित्य रो कण-कण धार्मिक जीवन रा रंग में रग्योड़ो है। व्रत कथावां रो लोक-साहित्य में घणो ऊँचो स्थान है। इण में जीवन रो धार्मिक, नैतिक अर पारिवारिक मान्यतावां रा उजळा चितराम मिलै। परम्परा सून चालतो आयोड़ो कथावां रो यो रूप लोक-जीवन सून निसर'र वीं न सदा सून ही प्रभावित करतो आयो है।

व्रत कथावां रै सरक्षण, संवर्द्धन रो सगळो श्रेय अठा रा नारी समाज नै है। व्रत कथा रो वाङ्मय अक्षरानुबन्ध सून मुक्त अर महिलावां रा हृदय में फळतो-फूलतो उणां रा कोमळ कठां सून प्रवाहित होतो रैवे है। आपरा हिवड़ा में कोरघोड़ा, परम्परगत संस्कारां सून परस्योड़ा इण वाङ्मय सून जुगां-जुगां सून ग्रहणी, घरघराणी या घर रो लछमी कहलावण हाळी भारतीय घरेलू जीवन रो आत्मा नारी आपरी वेदना हरख, विषाद, आनन्द, उद्वेग, उछाह, संजोग विजोग, प्रताड़ना, घृणा आदि सून गुंथ्योड़ा भावां नै वाचिक अभिगान रै आसरे जन-जन तक पूगाती रैवे है। सहन शक्ति, स्नेह, सेवा, नियम अर तप रो मूर्त नारी घरम अर घरम कथावां सून प्राप्त संवल रै माध्यम सून ही विश्व रो क्लान्ति अर हलचल सून हर्योड़ा अर थाक्योड़ा प्राणियां नै स्वस्नेह रो सीतल छाया में विश्राम देवे है।

व्रत कथावां नै परम्परा सून सुणती सुणाती नारी आत्म संयम अर साधना सून आत्म शोधन करती आपरा ऊपर बतायोड़ा गुणां नै सुरक्षित राखतां आपणी पारिवारिक कड़ियां नै ज्यों रो त्यों बणायां राखवा में समर्थ हो रो है। व्रत वीं रो साधना रा देवळ है अर व्रत कथावां है वांरा पंगथिया। व्रत कथावां सँग संसार रो मंगळ कामनावां सून भर्योड़ा मंगळ मन्त्र है जिणारै आसरे वा आपरी, आपरा घणो, भाई-भतीजा, सासू, सुसरा, दघोराणी, नणद, पडोसण अर सँग संसार रा कल्याण रो कामनावां करती, खुद उणां रा कल्याण कार्य में प्रवृत्त हो'र एक आदर्श उपस्थित करै है। टावरियां नै शुरू सून ई व्रत राखवा, व्रत रो कथावां सुणावां अर उणां में निहित आदर्शां नै आपरा जीवन में उतारवा रो शिक्षा दी जावे है। आज जद के सँग जगत आपसी ईर्ष्या द्वेष, रो भाळां में भुळसतो जारियो है, विश्व-कल्याण रो भरी पूरी यां कथावां रो महत्त्व स्पष्ट हो जावे है। व्रत रो सकल्प करणहाळी हर नारी यां नै आपरा जीवन रो परम उद्देश्य मान'र ग्रहण करै अर पाळै है। व्यष्टि ही समष्टि रो निर्माण करण हाळी है—इणसून ही निज रूप सून हर नारी द्वारा ग्रहण करोगी भावनावां सून सँग समाज रो मनोवृत्ति पर प्रभाव पड़णो जरुरी है।

व्रत कथावां रो पसारो लोक निर्मात्री नारी समाज रै आंतरिक अर बारळा जीवन पर अतरो अधिक है कि सँग क्रियाकलाप वां कथावां रै आसरे प्रेरणात्मक शक्ति रो लाभ करै है।

इण लोक कथावां रो लोकमानव पर घनात्मक प्रभाव पड़ै है। कथावां किणी भी वस्तु रा महत्त्व अर गुण नें स्पष्ट रूप सँ समझावण रो गुगम अर सरल माध्यम है, इण वास्तं धार्मिक लोक कथावां, लोक-जीवन रा धार्मिक पक्ष नें घणो सबल बणा देवै है, व्रत नियमां में उणां रो आस्था नें और भी गाढी कर देवै है। लोक मानव धर्म-भीरू हुवै है, जद ऊ कथावां में व्रत, बुंवार अर अनुष्ठानां रा दोई रूप साफ देखै है। नियमित रूप सँ वारो पालन करणहाळा मनख अन्त में शुभ-फल रा अधिकारी हुवै है, अर उणांरें प्रति अनास्था राखण हाळा या वीं में प्रमाद करण हाळा दुःख रा भागी हुवै है, तो लोक-मानव कंणो रं आसरें सेग बातां नें समझैर संकट मोल कोनै लेणो चावै। ऊ वां हो बातां नें करै है-जिनरें कारण वो नें फट उठाणो पड़ै।

व्रत कथावां धर्म रो प्रबल समर्थक रो है। सरधा, भगती पर पूजा रो विराट भावना प्रुठै सुरक्षित है। धर्म-प्राण जन-मानस नें आपणै कांनो आकर्षित करण में धार्मिक भावनावां सँ अनुप्राणित होवण रें कारण समाज में व्रतां नें अपणागे जावै है। व्रत रो पूति सारू व्रत कथावां रो सुणणी अर कंणो आवश्यक अंग है। इण वास्तं सहज रूप सँ हो यां कथावां रो लोक मानस सँ गहरो सम्बन्ध स्थापित हो जावै है। व्रत रो पूति यां कथावां नें सुणवा रें माय जुडो यकी है। धार्मिक अनुष्ठानां सँ सम्बद्ध ये कथावां जन-जीवन में धार्मिकता रो भावना उंदावै है। जप, तप, पूजा, व्रत, दान अर नेम आदि इणां में मुख्य हैं। ऐ कथावां लोक-मानव रें सार्में दीगं स्वजनां रो सुरक्षा रा मंत्र रें रूप में आवै है। इण व्रतकथावां में किणी नें किणी अनुष्ठान रो योजना भी होवै है। यां अनुष्ठानां रो रूप घरेलू अर लोक-प्रचलित हुवै है।

व्रतकथावां धार्मिक होवण सँ आध्यात्मिक सिखावण सँ भरयोड़ी हुवै है। यां कथावां में भगवान ने सर्वान्तर्यामी, सर्वव्यापक बताया गियो है। वं आपणां हर काम पर आपरी नजर राखै है। ई सँ यो भय आपांनै सदा बुराईयां सँ बचातो रेंवै है। कथावां में वर्णित कर्म-फल रा विश्वास नें लोक-मानस में दृढ बणावण हाळो कथावां आपणी सस्कृति रो आधार भूत शिला है। अलौकिक शक्ति रो अभिज्ञान जठै एक कांनो भय नें जनम देवै है, उठैई अद्धा रो आरम्भ भी वीं सँ ई होवै है। अद्धा रो या भावना पूजा, विनय, आत्मनिवेदन अर दैन्य रा रूप में लोक कथावां में व्यक्त हुई है। विनम्र आतिथ्य, समर्पण, मनोती, बली, आदि देवतावां नें दी जावण हाळो रिश्वत रें रूप में सदा मानव रो भावना परगट होती रेंवै है।

भगवन्नाम रा जाप रो महिमा रो मानव-जीवन में विशेष स्थान है। इणरें आधार पर मनख नें भगवान रो संरक्षण मिल जावै है। मनख इण कथावां रें माध्यम सँ आश्वस्त हो'र आपरो जीवन सुखी बणावण रो प्रयत्न करै है। ऊ मुक्ति प्राप्त करण रा प्रयास में आपरा जीवन में सभी आवश्यक शुभ कर्मां नें हो स्थान

देवी है ।

व्रत कथावां नैतिकता रो समर्थक है । नैतिकता रा सँग सांचा आदर्श इणां में अंकित है । श्री कथावां स्त्री समाज में नैतिकता रो संचार अर संरक्षण करवा में सहायक हुवै है । पण सांगै ही उणा रा ज्ञान रो बढ़ोतरी करवा अर इण तरां सू वां नै संस्कृत अर सुशिक्षित बणावण में भी सहायक हुवै है । इणां ने आपां लोक व्यवहार सारू थरप्योड़ा नैतिक आचार विचारां रो संज्ञा दे सकां हां । इणा रो उपदेशात्मक धार्मिक चरित्र लोक मानव ने समय-समय पर कर्तव्य-पथ पर आगी बढावण में सहायक सिद्ध हुवै है अर पथ भ्रष्ट होवण सू बचावै है । श्री कथावां सामाजिक अर व्यावहारिक सहितां रो रूप धारण कर चुकी है । जीवनोपयोगी तथ्यां नै इण कथाणियां रँ आसरँ लोक में प्रस्तुत करद्यो जावै है ।

इस देश में आचार नै सँग प्रकार रा तपां रो मूल कहद्यो गियो है । ओ परम धर्म है । व्रतकथावां में तप, त्याग, सेवा, भगती आदि आचारां रा स्पष्ट दरसन हुवै है । आज रा युग में मनखां नै शाश्वत धार्मिक, अर नैतिक आदर्शां कांनों उन्मुख करावण में आचार ही सफल हो सकै है । व्रत कथावां में नारियां आपरै हिवड़ै रो द्रवणशीलता नै पूजा रँ माध्यम सू उदात्तीकृत करी है । वैं विश्व रो सँग चर अचर वस्तुवां में आपणी ही आत्मा रा दरसन कर'र एक घणा ऊंचा आदर्श रो स्थापना करी है । वैं अणु-अणु में वीं दिव्य शक्ति रा दरसन कीधा है ज्यो इण ब्रह्मांड रो नियन्त्रण कर रो है । 'आत्मवत् सर्वं भूतेषु' रो भावणा ई इण 'सृष्टि रा अस्तित्व रो कारण है आज हिंसा अर प्रताड़न सू भरघा पूरा जीवन में इणरी घणी जरूरत है ।

यमनियमां रो पालन समाज रा अस्तित्व सारू आवश्यक है । श्री धरम रा मुख्य लक्षण है । यमां रो सम्बन्ध आत्मा धर मन सू हुवै है । इणां रो सम्बन्ध मनख रो सांगै अभ्यंतरीय है अर नियमां रो सम्बन्ध बारळा आचारां सू । अहिंसा सत्य, अस्तेय, ब्रह्मचर्य अर अपरिग्रह जे यम रा पांच भेद हैं । अर शौच, सन्तोष, तप, स्वाध्याय अर ईश्वर प्रणिधान नियमां रँ अन्तर्गत आवै है ।

कथावां में नियम पालन पर घणो जोर दियो जावै है । अनियमित जीवन सफल कोनै हुवै । प्रतिदिन रो छोटी-छोटी वातां रो पालन कर'र ही इण नियमां नै सीख्यो जा सकै है । इणां रो जीवन पर घणो प्रभाव पडै है । राम लक्ष्मण रो कथा, गरीब ब्राह्मण रो कथा, अज्ञानी मां रो कथा, निर्धन डोकरी रो वातां, विधवा ब्राह्मणी रो कथा, कथा सुनवा हाळी डोकरी रो कथा, बहुभोजी ब्राह्मण रो कथा, गजानन तुलछां रो वात, पोपळ रो कथावां, पथवारो रो कथावां, कार्तिक नितनेम रो कथावां और वैशाख नितनेम रो कथावां, नेम पालवा रो विशेष समर्थन करै है । नितनेम रँ पालण सू मनख में अर परिणाम-स्वरूप समाज में दृढ निष्ठा, अर श्रद्धा रो

भावना जागी । मनख, काम, क्रोध, लोभ, मोह, मात्सर्यादि विकारों रो दमन करण में समर्थ हो जावें अर इणों रो दमन कर नें ऊ समाज रो सेवा में बल्यो सफल हो सकें है ।

व्रतकथावां में घमं सून जुटयोड़ा वां सामाजिक परम्परावां रो सुरक्षा करी गी है जिणरो नितप्रत रा जीवन सून घणो नेहो सम्बन्ध है । इण परम्परावां नें सीखवा रो आवश्यकता कोनें रेवै । वेटी मां कनें सून अर बहू अपनी सास कनें सून आपे हो जाण जावै है । यो एक जीवन रो क्रम ही हो जावै है । व्रत धारण करवा रो प्रेरणा टावरों नें छोटी ऊमर में हो कथा सुणवां सून मिल जावै है और आरम्भ मूं ई टावर आपरा जीवन नें धार्मिक रूप देवण में सफल हो जावै है ।

दान रा महत्त्व रो भी व्रतकथावां में वर्णन आवै है । विद्वानां अर ब्राह्मणां रो कथावां में सम्मान करवा रो वर्णन मिलै है । विद्वानां अर ब्राह्मणां रो संग प्रकार रो आवश्यकतावां रो पूर्ति कर'र समाज वांनें विद्यादान अर घमं प्रचार में ही आपरो समय लगावण रो ओसर देवै है । इण सून समाज रो रूढ़ी व्यवस्था रो पती सामे है । व्रतकथावां हण तरह रो व्यवस्था नें सदा बणाई राखण में योग देवती रेवै है । विद्वानां अर ब्राह्मणां नें ही नहीं, रोगी, अपंग, दीनदुखी, मनखां नें भी अन्न बस्त्रा रो दान कर'र समाज में वर्ग भेद मिटावण रो सीख जे कथावां देवै है । कथा अवन सून दान रो प्रवृत्ति जागी है । दान रो प्रवृत्ति रो अरथ है समाज में अभाव ग्रस्त मनखां रा अभाव रो पूर्ति अर सगळां नें बराबर रो स्तर देवणो । इण दृष्टि सून व्रतकथावां समाजवाद रो पोषक है ।

व्रत कथाओं रा समाज में ऊंच-नीच नें कोई स्थान कोने दियो जावै । समाज में ऊंच-नीच रो मान्यतावां रो स्थापना धंधा रे अनुसार करी गी है । वण इण कथावां में कोई भी धंधा नें हेठो ई कोनें मान्यो गियो तो धंधा करवा बाळा नें है । सभभण रो सवाल ई कोनें पैदा होतै । इणां में सीताजी खुद आपरें हाथां रसोई बणाती अर पणघट सून पाणी लाती दीखै है । तो सूरज भगवान रो राणी रेणावे भी घर गृहस्थी रा सेंग काम करै है । सूरजनारायण स्वयं कदेई मोची रो रुजगार अपणावै है तो कदेई मणिहार रो अर मोचइयां अर चूड़यां बेचता फिरै है । राणी अर महतराणी रा टावर टींगरा में अणहिचक व्याव सम्बन्ध हो जावै है । महतर रा कुळ में जनमियोड़ा भगत रो प'साद राणी ग्रहण करै अर वा उणरा सतसंग में भी जावै है । बंसाख रो कहाणी में ब्राह्मण रो विधवा बहन चमार रा घर रो अतिथ्य ग्रहण करै । जे कथावां ज्ञान अर भगती रें आमरें शूद ने भी ब्राह्मण रें बरोबर स्थान दिरावै है ।

वर्ण व्यवस्था ने मजबूत ब्रणायां राखण में धार्मिक साहित्य रो योग रियो है । समाज रो सुव्यवस्था में सहायता साख ही वर्णन व्यवस्था नें अ कथावां प्रेरणा देवै

हे विच्छिन्नता की प्रवृत्ति ने इससे कोई संवल कोने मिले। इन कथाओं से ब्राह्मण ने विद्या व्यसनी बनवा में, क्षत्रिय ने प्रजा की रक्षा में सदा रत रेवण में और वैश्य और शूद्र ने भी समाज की सेवा चेतो लगाकर रत रेवण को सन्देश दे रहे हैं। वे या तो सतनिष्ठ, धरमनिष्ठ, आण रा पक्का और आदर्श मनख बनावण में सहायता दे रहे हैं। राम और कृष्ण ने लोक-मानस आपणी ज्यों ही साधारण मनख मानर चले हैं। वे वैभवशाली हो सके हैं, पण उणारो वैभव जन-सेवा में आड बणकर ऊभो कोने हुवे। उणारो व्यक्ति परजा सारू तिरहित हो गयो है।

अँ कथाओं भारतीय संस्कृति की सजीव मूरत है। इणमें आपणी संस्कृति और सभ्यता रो इतिहास गूँथ्योडे है। अँ कथाओं लोक-जीवन की न्यारी-न्यारी घाराओं ने कथा और कल्पनां रा धागां में पिरोकर परम्परागत ज्ञान ने अक्षुण्ण राख री है। अद्धा, भगती पूजारी विराट भावना अठे सुरक्षित है। धरम प्राण जनमानस ने आपणी कानी आकर्षित करवा में धार्मिक भावनाओं से ओतप्रोत अँ व्रतकथाओं घणी समरथ है—इणसे ई संग भारत में थोड़ा घणा रूपान्तर की सारों अँ कथाओं विद्यमान है। किणी भी राष्ट्र की सामाजिक, सांस्कृतिक और राजनीतिक एकता ने बनायां राखण में इणारो बेसी महत्त्व है। न्यारी-न्यारी बोलियां, भाषाओं और परम्परावांहाळा इण देश की जनता ने एक सूत में बांध्या राखण में इण कथाओं की घणो योग रियो है।

पति-पत्नी भाई-बहन, और परिवार रा दूजा मनखां रा परस्पर रा सह-सम्बन्धों से भरयोडे इण कहानियों में आपां ने एक आदर्श रा दरसन हुवे है। इणां में वर्णित दाम्पत्य प्रेम एक आध्यात्मिक प्रेम री रूप में आपणी सामें आयो है। करवा चौथ की कहाणी में दाम्पत्य प्रेम रो अनूठो उदाहरण राख्यो गियो है। भाई-दूज या नाग पांचम की कहाणी, और राखी की कहाणी में भाई-बेणां रा नेह की भांकी मिळी है। सकट-हरणी चौथ और होई की कहाणियों में मायइ रो प्रेम साकार होकर सामें आवे है।

कोई-कोई कथाओं संयुक्त परिवार की प्रणाली को समर्थन करे है, जो इण देश सारू सदा अनुकूल री है और सुखी पारिवारिक जीवन को मूल री है।

गुरुजनों सारू आदर और मान और छोटी उमर हाळा सारू स्नेह और सोहार्द की भावना की अँ कथाओं स्रोत है।

मैक्सिम गोर्की की इण मान्यता री अनुसार कँ लोक-साहित्य से अणजाण कोई भी लेखक एक जोगी लेखक कोनी बण सकँ—आ. वात स्पष्ट है कँ आँ व्रत-कथाओं में मिलण आळा सांस्कृतिक इतिहास रो आपणा सांस्कृतिक जीवन पर भी अवसर असर पड़े है। जो भी आळा लेखक या साहित्यकार आजरा जुग में आपणी सामें है—वै लोक-साहित्य में मिलण आळी इणतरों की सांस्कृतिक धरोहर से अवसर लाभ

लोघो है। वर्तमान में कांति लावण सारु अतीत री जाणकारी जरूरी है अरवा लोक-साहित्य री अंग भूत इण व्रतकथावां सूं मिल सकी है।

कथावां री मौखिक परम्परा नारी समाज री शिक्षा री कारण है। माझर नं होण पर भी आध्यात्मिक शिक्षा री दृष्टि सूं नारियां इण कथावां नं सुणवां सु ही जानी वण जावै है। व्रतकथावां ज्ञान री अमृत-घट है, अं समाज नं जीवन शक्ति देवै है।

इणमें कोई संदेह कोनी कं पुराणा धार्मिक अंधविश्वास अरु कूटोवाद रा अज्ञान सूं भरचोड़ा तथ्य भी इण व्रत कथावां में मिल जावै है, पण उंणारो चित्रण कथा में सद्वृत्तिवां री पोषण ही करै है। इणांसूं धर्म में विश्वास राखण आज्ञा समाज पर इणारो कोई बुरो असर भी पड़तो होसी—वात नं सोचणी चाहिजै।

अं कहाणियां आपणां जातीय जीवन री प्रमुख अंग है। इणां में आपणी परम्परावां, आपणा शास्त्रां री सार अर आपणी संस्कृति रा विकास री इतिहास गुथ्योद्यो है। अं आपणा लोक जीवन री सांची भांकी है। लोकजीवन सूं नीसर'र लोक जीवन में खुद नं विलीन कर देणो इणां री धर्म है। लोक जीवन रा निर्माण में इण भाति अं कथावां अंदरूनी अर बाहरी दोनो रूपों में आपणो पुरो योग देवती दिखायी देवै है।



अगन-चालीसा

(सामवेदोक्त अग्नि स्तुति)

अनुवादक-डा० ब्रजमोहन जाबलिया

अगनदेव आवो अठै, भोग करो हवि भोग ।

बर्हष् में होता समां, थैं वंदण रै जोग ॥१॥

अनळदेव वड़ आतमा, सगळा जगन स्विकार ।

जगनां में अगनी समां, मनखां मन संचार ॥२॥

दूतां वरणां आपनै, विश्ववेद होतार ।

जगत रचेता हे प्रभो, अगजग रा आधार ॥३॥

चमचमाट चमको करो, शुक्राळा भळ भांत ।

द्रविणाळा द्रव दान कर, दारण कर अधरात ॥४॥

पाहुण सम पावक थनै, ध्यावां नम-नम सीस ।

वेदां विधन विदार नै, काटो जम री टीस ॥५॥

चैरी आया पाहुणा, दळ मंड मूळ दुवारि ।

धन-बळ बोरज दान दै, हरि अरि घड़ां विदारि ॥६॥

साम्रथ साँई अनळ थूं, ग्यान गुणां आगार ।

जग भाषा सगळी जपूं, अर्चा करूं उचार ॥७॥

टावर वत् ध्यावै सदा, यो मन तो भगवान ।

सत्त ग्यांन आतम धरचां, पूजां घण-घण मान ॥८॥

मंथण कर भळहळ अनळ, पोपक थारो रूप ।
 पावै ग्यान तिरलोकपत, परजापत वड भूप ॥१६॥
 उजळ रूप अविनस्वरां, काटो कस्ट क्रिसाण ।
 घर मंख दै विस्वानरां, ग्यानवान विदवान ॥१७॥
 वळ कारण मानस सर्व, पावक करे प्रणाम ।
 वळ सूं वेंरी भाजसो, जासी जम रै ग्राम ॥१८॥
 रै उजियाळा धन चणी, दाता हूत समान ।
 जग जगनी भारी करघो, समरां अमर क्रिसान ॥१९॥
 हे अगनी भगिनी समां, सतवाणी हिय धार ।
 हव करणो भव वाणियां, पूगे तूभ पसार ॥२०॥
 हे अगनी खिण पुळ घडी, सांभ पड्यां परभात ।
 धो करमा जुत जोत कर, प्रणमां सगळी रात ॥२१॥
 रेत हेत थां रुद जो, आज्यो हिवडं बोच ।
 आस पूर परकास कर, भै हर भगती सींच ॥२२॥
 आतम तम नै टाळज्यो, हे लपटांळा नाथ ।
 अधरां अध्वर धारज्यो, मरुतां भर-भर वाथ ॥२३॥
 हे विसांनर विस्व नर, वंदण तूभ करंत ।
 विघन विदारण अध्वरां, ग्यान भाण प्रकटंत ॥२४॥
 जळ-थळ नभ व्यापक अनळ, ओखद रसं री प्राण ।
 गरभगतां नखतां-रता, घ्याळं धारक जाण ॥२५॥
 भाळा हाळा देवता, भळहळ मन परकास ।
 धो करमां मै लावज्यो, अरकां हूंत उजास ॥२६॥
 लोक-लोक लोकां परै, देखां दिणयर भूप ।
 आदकाळ सूं भासरघो, पावक थारो रूप ॥२७॥
 सगो सहायक जगन मै, वळहाळो ब्रधमांण ।
 गोपत नै तिरलोक पत, अमर अगन नै जाण ॥२८॥

हे अगनी बरा अग्रणी, दुष्टां दळ खरधार ।
 बांध राख जम जेवडी, जनधन री दातार ॥२२॥
 वैसांनर वर दै सदा, रहां सुखी सम्पन्न ।
 देव-मनां थें ओतरो, मोटो रचां जगन्न ॥२३॥
 अघ मरषण जग धारणी, किल्बिष विष कर दूर ।
 प्रखर प्रहारां भांजिजे, पापी पाप करूर ॥२४॥
 अश्ववती अं इद्रियां, ग्यानो साधू सूर ।
 ग्यान करम धारण करै, नेचो ह्वै भरपूर ॥२५॥
 विषपत आहुत उजियाळी, सबरै सेवण जोग ।
 मनख भजे मन मान सूं, मन धारयां संतोख ॥२६॥
 सुन्दर कूंधड़ सूर सम, उत्तम वाहण आप ।
 थावर जंगम सै जगां, सुख पावै मन धाप ॥२७॥
 सुरा तणो परगट करो, जातवेद छंद ग्यान ।
 अन जेडो घण सेवणो, हे प्राणां री प्राण ॥२८॥
 सरवण कर अस्तुति अगन, पावक पाप विदोर ।
 गिर भंगीरा प्रगट कर, गोपवनां करतार ॥२९॥
 वाजपती कवि अनळ तू, दै दाता नै दान ।
 हवि भोगा उपभोग कर, दै रत्नां री खान ॥३०॥
 जातवेद कवि केतवां, भळहळ जोत उजास ।
 लोक लोकांतर जाण लै, आखर ओम् अकास ॥३१॥
 कवि देवां गुण गाव मन, सतजग धारण हार ।
 दुख लोचण मोचण अनळ, पार ब्रह्म भरतार ॥३२॥
 दिव्यगुणां संजुक्त जळ, अभिलषियां सुख-सार ।
 फडा फूट सब सांपडै, सुख पावै संसार ॥३३॥
 सधो आस कुणारी सदा, सजनां री प्रतपाळ ।
 अपै मो जिण अर्चणा, इंद्रियां आप रुखाळ ॥३४॥

जस गावो हर जेगन मंभ, हर वांणी अगनांण ।
 करां कीरतन मीत कर, जातवेद अमियांण ॥३५॥
 ऊर्जापित सत अनळ थूं, अंतरवासी आग ।
 पाहि-पाहि स्तुतियांण सू, वारण कर वजाग ॥३६॥
 जविठ जवां रेवत अनळ, पावक सुर लपटाल ।
 भळहळ वळ भरज्वाळ में, प्रगटो जाजुळ झाल ॥३७॥
 हुवै मुआहुत सू हितु, दानी अर मधवान ।
 गो-टोळां रो दैन कर, दै वीजां रो दान ॥३८॥
 हे जरिता विस्पत अनळ, हे दुसहां रा काल ।
 हे अण ओळग घरवणी, मगळ करदचो पाळ ॥३९॥
 ऊषा रा विवसोत नैं, आप घणी रंग-राघ ।
 जात वेद तूं आप घण, अमर उपवुंघ आय ॥४०॥
 प्रेरित कर वसु ऊत नैं, ईरित कर वळराघ ।
 रथांरुढ हे महारथी, करा लाभ घण गाघ ॥४१॥
 कवि त्राता रित ख्यात तूं, भळहळ प्रभा प्रकास ।
 करै अहोनिश कीरतन, वेदांविद विप्रास ॥४२॥
 घण वळ आयु आय दै, अनळ प्रसंसा जोग ।
 जस पसरै अभिलाष घण, उण घन रैसंजोग ॥४३॥

नींद

श्री सुरेस पारोक "ससिकर"

थारी देह

विरमा जी रा हाथ सूं बणायोड़ो
गुलदस्तो है;

जिरी ओपमा मूंडा सूं बखाणी नीं जावै;
कागद पै मांडी नीं जावै ।

नैरा देख मन में गुद गुदी ल्यावै,
परा ये नीं बोले नीं लिखै;
अरा बंटी चिट्ठी ज्यूं लौट-लौट आवै ।

थारै नैरां म्हें च्यांरु कुरे
लम्पट छोरा रै लारै—

वारो चित्राम भी मंडचोड़ो है;
ज्यो थनै देख सीटो नीं बजा—
एक लांबो सांस कींचै ।

थारा रूप नैं संजोवण सारु
थारै गया पछै आख्या नै मींचै ।

थारी सांसा में फूलां रो बाग
जणी में नत हंसी री गोठां होवै ।

थारा होठ नदी रा दो पाट

ज्या मैं रस री गंगा वैवै ।
 थारै मन मैं घणा-खरा सुपना है—
 बाल पणा री मीठी नींद भी,
 पणा थनै वा नींद क्यूं नीं आवे
 बार-बार पसवाड़ो क्यूं फेरै,
 थनै बता दचूँ क म्हुं म्हारी नींद
 थनै देवो चाहूं हूं;
 थू थारी नींद म्हनं दे दे !
 नींद रो आंटो-सांटो कर ल्यां;
 नैणा में नुवा सुपना भर ल्यां ।



ऊंधा-पाधरा

श्री माणक तिवारी 'बन्धु'

✕

घोरो—आ रे माई पहाड़ ! आपां मायला बण ज्यावां तो कैंडो रेंवें !

पहाड़—हैं ! थारो-म्हारी कठें रो मायलाचारी ? जोर रो हवा चालसी तो थारो ऐनाण-सैनाण ही को लावसी नीं !

भाग रो बात ! जोर रो हवा आई अर घोरें रो सगळी घुड़-पहाड़ भायें च्यांरु-मेर चढगी !

✕

आगून अर पाणी एक दिन जिद-बाद करण लाग्या । दोन्यूं एक बीजें नें खतम कर देवण रो आपू आपरी खिमता बतावें । करसा-करतां बात घणी बघगी अर वें आपस में गुल्थमफाक हुयग्या । आगून तो बुझ'र राख वणगी अर पाणी बाफ वणग्यो ।

✕

एक फूल रो पांखड़ी उडती-उडती सूळ कर्न पूगगी । सूळ नें देख'र पांखड़ी डरगी ।

सूळ-क्यूं ए ! तूं म्हनं देख'र ह्यां डरूं-फरूं क्यूं हुयी ?

पांखड़ी—थारें सूं तो भला-भला डर जावें, हूं कुण सै बाग रो मूळी हूं ?

सूळ-बावळी ! सगळां खातर सगळी चीजां एक सरीसी को हुया करे नीं !

✕

मीडको—अरे मगरमच्छ ! आं नान्हो-नान्हो माछल्यां नें खावतां थारें हियें में थोड़ी सीक दया भी को सांचरें नीं ?

मगरमच्छ—छाज तो बोलें सो बोलें; चालणो भी बोलण लागगी जकें में अठोत्तर सो बेज है । थारो हियो तो टंटोळ । माछरां नें खावें जणां थारें आळो ओ उपदेस कठें रेंवें ?

✕

काद—अरे आखरा ! जे हूँ दण दुनियाँ में नई नापरतो तो धारी दुरगत कैदी काँई हूँवती ।

आखर—दुरगत रो तो काँई ठा ? पण म्हारें बिना थारो बापरणो तो साथ हो अणहुँवती बात रैवती !

✕

टोघड़ी—ऐ पाडी ! तूं म्हारें सून दूर रेंया कर । कठें में गोरी निछोर अर कठें तूं तब जंसी काळो !

पाडी—मरजी है थारी । थारी इज्जत जे म्हारें कने रेंवण सून घटती हूवै तो दूर रेंवण में म्हारें कोई हरज को नी । पण बड़ी हुर्या पछै जितरो दुख तूं देवली उणसूं वेसी अर रंग में एक मो शी हूं देवूँला ।

✕

घणासारा बादल गाजै हा उणां मांय सून दो तीन सोच्यो कं आं बाकी रां नै लारें छोड'र आं आं भाजां ।

आंख्यां मोच'र दड़वड़ी लगायी । आंधा-चूँघा हयोड़ा एक पहाड़ सून भचत्रीड़ लायो तो एड़ो कै हाड-पासळां रा ही अता-पता को रेंया नीं ।

✕

भोगळ देख्यो कं म्हारें चायां बिना दरवाजो एक सून अर लाख सून खुलें कोनो । टैंटीजगी !

दिन ऊर्था लातो आयो । करोती सून आगळ नं बाढ'र प्रळगी नावदी । आ हुई !

रावल री लाजरो ख्वालो

श्री श्रीलाल मिश्र

वेतवा रा वेटा वीर बुंदेला राजपूतां री राजधानी ओड़छैं में महाराजा
जुभारसिंहजी राज करघा करता । वै जादातर दिल्ली रेंता । वारो छोटी भाई हरदोल
गैलसू दीवान रें रूप में भोत हुंस्पारी सून राज री काम चलातो । जरूरत होती तो
आपरी भाभी महाराणी साव सून बी सल्ला लेतो रेंतो ! पिरजा री घणो प्यारो र
हेतालू । देवर भाभियां में इसो पवित्र प्रेम जिसो ज्ञानकीजी र लिखमणजी रै बीच
हो । हरदोल टावर ज्यूं भाभी री सेवा करतो अर भाभी मा ज्यूं बी रा लाठ करतो
कन्न बंठ'र आप जिमाती । हरदोल राणी नैं भाभी-मा क्या करतो ।

एक दिन ओड़छैं रें दजार में ढोल बाजै । वेरो पड़ायो जद हलकारो आर
कयो एक पठाण पग में सांकळ बाब राखी है अर लंगोट बांस पर टांगी कुस्ती
मांग रघो है, पण हवी तांई कोई लडण नैं तयार नई हो यो । थोड़ी देर पछैं गांव रा
ज्यूं मुखिया आदमी आर गढ़ में हरदोलजी नैं बुलाया अर कही कंवर-सा पठाण सून कोई
कुस्ती री हां कोनी भरै । ओड़छैं री मूँछ रो सवाल है । आप महरवानी करो तो
पार पड़ै । बात रें सवाल पर हरदोल भाभी सून हुक्म लेर अलाड़े आयो । चढ़ती
जवानी, हरदोल रें सरीर सून जवानी चूबै । सेंठो सरीर छाती ज्यूं बज्जर रा किवाड़ ।
हाथ पगां में माछला तीरें । लंगोट बांध'र मिड़गो अर घड़ीक में पठाण नैं ब्यारू खाना
चित्त पटक्यो । बीरो तो उठणो मुस्कल होगो अर लोगां हरदोल नैं खूब बैठार बी
री जे बोलता गढ़ में ल्याया । राणी निछरावल करी । हरदोल पगां पड्यो ।

राजा राज पिरजा चैंत । अठैं सुख सून दिन निकळै हा, पण दुनिया तो
दुरंगी है पराये सुख दूबळी है, नाक कटार सून बिगाड़ण हाळी है । सो कुछेक मुसायजां
नैं हरदोल री सासण, बी री लोकप्रियता, भाभी-देवर री मां-वेटां जिसो परेम कोनी
सुहायो अर कोई दलतो-जलतो सेसु म्हाराजा रा कान भरघा-हरदोल जवान है, बीरो

राणी-सा कर्न आवी जावो लोगा सक री निर्ग मू देखै है, राजरो बदनामी है। राजा कान रो काचो हो वीरै मार्य में सक रै विप री लहर ठुकगी अर वो किरोध अर ईरसा सू जलण लागगी अर फट दिल्ली सू चाल पड़यो। राज में कोई खबर कोनी करो। चाणचक सहर रै परकोट रै दरवाज बढ्यो; जद गिपई महाराजा री जे बोली। पिरजा जिसी बणी जिसी इज्जत दी, पण सैने अचम्बो होरयोक आज लवाजमे अर मुरतब सू सहर में वयू नई बढ्यो। अर यै आतां हो खाता हुया किले में बढ्यो। घांटे मू उतरयो जद हरदोल भाई सा न मुजरो करयो अर मू चाणचक आवण रो कारण पूछयो क खैर तो है ना? महाराज रिम्यां बलता कोई उत्तर कोनी दियो अर भट रावळ पूग्या। राणी सा कुसळ पूछी अर कयो आप आरती उतारण जोगी बी टेम कोनी दी। म्हाराज कयो आरती तो रोज हरदोल रो उतरै है, म्हारी के जरत है? राणी सा रै या बात कांटे ज्यू चुभी अर कुमलाग्या। बां नै यो ठा नई हो म्हाराज बां पर सक करैला। वीरै तो सो वयू भैर होग्यो। राणी सा फेर पूछयो, आपनै म्हारै सीळ अर सतीत्व पर कयां विस्वास आवै।' म्हाराज कयो जे पाने हूं प्यारो हूं अर म्हनई चावो हो तो हरदोल नै रस्ते मुं हटामो, लुगाई रै कसम एक ही हुमा करै है।' राणी रै फाळा पूळा लागग्या। म्हाराज सोवण चल्या गया अर राणी सारी रात घरतिर्या पड़ो रोती रई। वीरै दिमाग में एक उठै अर एक बैठै। एक कानी आप रो कलंक अर एक कानी निर्दोष हरदोल रो हत्या। हरदोल वीरै मा कवै तो मा वेटे रो हत्या कयां करैली। फेर विचार आवै हूं छत्राणी हूं या परीक्षा दिये बिना दोनूं कुळारै कलंक लागगी। म्हाराज मनै कलंकनी कर छोड़ैला के सजा देला, पण बात जाहिर होयां दाग तो लागसी ई। यूं दोगा-चींती करतां सारी रात बोतगी।

सवैरै महाराज फेर राणी सा कर्न आया अर पूछयो, आप सोचली पाने के करणो है, कयां करणो है? राणी बोली 'हरदोल जायेड़े वेटे से भी बत्ती है। ये मन चायै सो सजा दयो, पण बी निर्दोष रै खून सू ई हायां नै मत रंगण द्यो। महाराज बोल्या, "यो ई तो तिरिया चिरत है। राणी रै डील में मू भळ-सी निकळ लागी बा ई सबद वाणां पर मन में कयू नेहचो सो कर लियो अर घावल नारी-सी बोली, "मैं भी छत्राणी हूं। छत्री रै घर जलमी हूं। दोनूं कुळां री लाज सातर या सतीत्व री परीक्षा दखूली।" म्हाराज बी देखी तीर निसाने बैठगो या आप रै नेहचे सु नीं हटैली।

खार्ण री टेम हुई जद हरदोल राणी कर्ने गयो। राणी नै उदास देखर पूछयो, "भाई साहब काल आया जद मेरै पै बोल्या कोनी सदा छाती कं लगाया करै। चाणचक सीघाई बिना खबर करै सैहलां में प्राग। यारो मूंडो सारी रात जाग्योडो सो रोयोडो सो उदास होरयो है। ईं सबरो कारण बतावो?" राणीजी कयो 'पैला जीमो, पछै बताऊली। हरदोल थाळ वेठगो। भाभी थाल परीस्पो अर आस्थां में सूं आंसूडो भरै लागा। हरदोल राणी रा पग पकड़र बोल्या, 'मा, हरदोल रै

जीवतां थारै पर के विपदा है जीसूं ये रो रथा हो ? जद ताई सारी बात नहीं बतावोला जद ताई मैं थाळ नई आरोगूं लो । राणी मन रै ताप सूं जळरी हो अर गिलानी सूं गळ रो ही । क्यूं कंतो कोनी बण्यो, पण हरदोल रें दबता रें आगै साफ-साफ कैणो ई पड्यो, मेरं थारै पवित्र परेम पर महाराज रें सक होरयो है । मेरे सत्तरी परीक्षा खातर आज जानैं यो भैर मिल्योड़ो भोजन परांसणो पड्यो । एक तरफ मेरो सतीत्व दूसरो कानी बेटे रो हत्या जिकी वी आपरें हाथ सूं । थोई हरदोल बोच मैं हो हांस'र बोल्यो, 'मा, बस ई' थोड़ो-सी बात खातर ये दुवध्या मैं पड़ रचा हो । थारै सतीत्व रें आगै एक नई, सौ हरदोल बी पिराण दे दे तो तो थोड़ा । या कैर वो गसियो हाथ मैं लियो । ममतावश राणी थाळो खींच ली । पण हरदोल पाछी आप कानी खींच'र बोल्यो, "मां के ममता होवें है तो साथ ही कर्तव्य बी तो कोई चीज है । आज मैं थारी लाज नें राखूं तो बूंदेला रो वंश लाजंगो । बां रो मूंडो काळो हो ज्यालो । बां रो बोस्ता रो झिंडो झुक जयागो । मैं यो कलंक रो जीणो नी चाळ ।' या कैर शांति सूं थाळ आरोग्यो थाळ जोम'र राणी रा चरण पकड़'र बोल्यो, 'मां आज बडकां रो आत्मा मन रंग देली क आपरा पिराण मां रो लाज खातर बोलतो-बोलतो हंसतो-हंसतो दे दिया । बुन्देला रें बलिदान मैं आज एक कड़ी ओर जुड्यो । ये बीर माता बीर स्त्री बीरां रो बेटो हो । ये सदा ही बलिदान देखा है । हसती-हसती लड़ायां मैं बीर गति पाई है, जीवता जीहर करयो है । सो यो तो म्हारो पुन बखत है ये मेरे लिए दुख क्यूं करो । दुख मत करो, भाई साहब नै कीज्यो हरदोल भाभी रें सत रें खातर पिराणां रो कोई कीमत कोनी समझी । केर वी म्हारो कोई कसूर होवें तो मासूम टावर समझ'र माफ करैला ।

जुआरसिंहजी पीछे सूं छिप्या-छिप्या यो सारी खेल आख्यां सूं देखें हा अर कानां सूं सुणें हा । वारो हियो भी पगल्लगो अर जाणें वानें घरकार देरयो है, 'कानां रा काचा राजा, आंख खोल'र मांय नें नई देखणिया राजा तूं सती नारी पर सक कर'र बेटे जिसो हीरो भाई खो दियो । तेरो बुद्धि ज्ञान अर मर्दानगी नें घरकार । वैं चीड़ें आर चीख मेली, 'भाई हरदोल !'

हरदोल रें आख्यां मैं पिराण आगा हा । वो इतणोइ कै हूपायो "भाई साब अब जिंदगी रो दीयो बुझ्यो चार्व है । मेरा सारा अपराध माफ करज्यो ।"

महाराज अर महाराणी पछाड़ खा'र पड़ग्या ।



रक्तचाप : बरास्तै रोकथाम

(आव नै उपाव, लोक चेतावरण री जरूत)

सा० म० नानूराम संस्कर्ता

विश्व स्वास्थ्य संगठन सन् १९७८ माह अप्रैल रँ धूयोदें रोग "रक्तचाप" (Blood pressure) नै म्है प्रापणै पुराणै देमी प्रायुर्वेदी ग्यान रँ तान्-माण कोई श्रेक आवारो खुल्लो, नूवो रोग नीं मानू-मनावू । ओ प्रायुर्वेद विग्यान (Science of life) रँ सबळै सिद्धान्त प्रदीप प्रणाली सारू दाब-दबोस नै जूनी दाय-बादी व्याध, खोटी माड़ी म्यादी खाद-उपाध, दोस-दुविधावा रा घणा कारणो सूनूवै नावें-नखरें अर नूवें लखणा हो काचें ढाचें ढव, नाचें-टांचें तथा भकाळ मोतड़ी रा पैलवानी कबड्डी-पाणा वाचें ।

रक्तचाप ओ च्हाळो स्याणै समाज रँ लोग रो अजोत वस्तो जेरीलो जीणो, अयोग-अगोवणतो जारघो है । ह्यै प्राधुनिक जमान रँ जमारै री भारी वधती भीड़, घाई-घूंचळी, घींगा-मस्ती, धक्कमपेल, खींचताण, कळै-फिलस, चिन्ता-अमूझ, घोल-घड़ी अर वेविस्वासी मूंडां सूनू मिनखणो नै खाज्याणै रँ खेलां रो यो खराबो जोग जंक नकटो नाव नतीजो है, आजकळै वाजतै सीख ग्यान रँ वरतारै री कुबध कूड़ो भोड़ रबोड़ री धाकड़ घाटी माठ में काठ-पील; ग्हाठ ढील तथा आदमी रो आपसरी ईरखो अर जुग चावना रँ भोगां-रोगां री विखमता रँ कारण ही रक्त विखेप रोग घणो वधियो है । वणा-वटी जेवं संघर्ष खसती मानखादेही; अंडी फरंट-फैलणी फागड़दी बेमारी रँ वास्तै कारणो भूत तथा खगे खाटी हरी खाद भरी उपजाऊ खेती कही जा सकै, हसड़ी दसा-वताई में म्हां (रोग्यां) रा मनोभावी अगर, आखी नाइयां अर माथै-माथै रूक-भुक पड़णा जरूरी होज्यावै ।

ब्लेड प्रेशर रो मतळव, रक्कन रो कोई दाब होवणो जाणीजै । इग सूनू लोही रो दबाव घटियोड़ो ही मालम करघो जा सकै । पण प्रायः बीच-डॉक्टर लोही दाब नै ही ब्लेड-प्रेशर कया करै । रक्त रँ ह्यै दबाव वधणी नै (Hypertension of the

Artery) तथा रक्त दबव घटणै नै (Hypotension of the Artery) कवै । रक्त भार दो कारणों सँ जाणीजै (१) हिडदो लोही नै कितै जोर सँ धकेल बगावै । (२) आगे धमन्यां कित्ती करड़ाई राखै तथा घीमी घक घारै । औ दोनूँ बातां जित्ती घणी वणै रक्त भार बितो हो वत्तो हवै । रक्तचाप रोहां हिडदै प्रखेपित रुधिर रो धमणी इत्याद री दीवार माथै पड़णै वाली दाव जो ठीक मात्रा सँ कम या जादा होणै सँ रोग या विकृति रो सूचक होवै । हिडदो जद सांकोचण करै, खून नै मोटी धमणी में भेजै । जकै सँ धमणी री दीवाल माथे इत्तो दाव पड़ै सो दीवाल विखर'र धमणी चौड़ी हो जावै । रक्त बहै धमणी रै आगलै पासै दाव नाखै अर आप फैल जावै । पण थोड़ी ताल पछै सचीली धमणी पाछी सिकुड़र आपरी सागण दसा में आ जावै अर आपरै मांय जको लोही होवै, उवै नै दबावै । इसतरां मोकळी धमनियां री दीवाला माथै लोही रो दबाव अर लोही माथै दीवालां रो दबाव पड़तो रैवै तथा रक्तचाप बाजै । रक्तचाप री कमी, रक्त खय (क्षय) कहीजै । ज्यू-ज्यू धमण्यां हिडदै सँ अलगो होवती जावै त्यू-त्यू उणां रो रक्तचाप भी कम पड़तो जावै । छेकड़ केसिकावां में जांवतो जावक चुक जावै । रक्त भार कम या जादा होणो दोनूँ तरां कुफायद कारी है । कम होवणै सँ छोटी नाड्यां फाट जाणै रो डर रैवै ।

ढलती ओसथ्या पर इयँ भार रो भारी जोर चलै । ऊमर बढे, रक्तचाप चढ़ै । भण्यां-गुण्यां मिनखँ में जकां निजी माथै रो मनण-चिन्तण, साहित रो सरजण-धरम हर वखत करता रैवै; उवां रो रक्त भार बिजळो रै करंट दाँई तण्यो (टेंशन) तथा दबाव रो भार-भारियो (गटुर) सो वण्यो रैवै । माथै री नाड़ फाट सकै, लकवै रा लाठ लाग सकै अर ओ ओसर चूक असावधानी आगलो धर दिखाल देवै । रक्त भार बढणै रा कारण ठूजा रोग जयां त्रिदोस, निमवापो, नाड्यां री करड़ाई तथा उणां रो फैलाव ताकत री कमी, मँणत में आळस, हर वखत माथै काम, दूसित गळ-गथ्यां, गंठियो, मधुमेह रीस, राड़, जोस, हरख, खाटो-खारो खाण-पाण, धूँजी-पत, मोटै कड़बँ जळम, डील मोटापँ अर चिन्ता, घणो चरको-चरपरो भोजन, दारु मांस, उच्चाखणो, धूँवां-चोस, तातो खानो, मारग बगता गाणो, खाणै पर डटर माल खाने रो लोभ, मूत्र नाळ्यां रो दरद, सेंटीटं कामण सँवास, गळत स्टेरेलाइजेशन, हिडदँ पिंड पीड़ा तथा जच्चा रै कच्चा कारणां सँ रक्तभार बढ जावै । लुगायां री चाळीसी-पच्चीसी ऊमर में भीणा धरमी री लाग स्वयं जावती रक्तभार री वेमारी सूप जावै । खास कर मन रै स्रम रा तकड़ा काज ओवं डील रा हलका-भलका। वृद्धां तथा लुगायां री ढलती ओसथावां में या वेमारी घणी हवै ।

मिनख जिनड़ी में कोई अँड़ी भँड़ी हालतां आवै, जकां सँ रक्तभार न्यून (सामान्य सँ नीचो) हो जावै । वै है हिडदँ रोग, सोस राग, काळजै चमरख-चिरा-ळ्यां, अम-उपवास, चाय-काँफी री चाट, आंत ओवं सन्ततज्वर, खयज व्याध्यां अर

आंतरिक नली होण (Internalductless) ग्रंथी मू निकालवाली नाव (Secretion) है जकी लोही द्वारा बांटीजे । उर्वे रो अग्नर डोल रे अक या घणा प्रगं रे हालण-चालण पर पड़े । जयां थाइराइड ग्रंथी (Thyroidgland) रो नाव (वहाव) हारमोन्स बाजे ।

दाव रो दमा रा कारण केई खोड़ीला हॉरमोन्स रे लोही में आ मिळगें रा प्रभावी जोग है । मिथिलण रो हालत सम उवां ग्रंथ्यां में हारमोन चलण-फैलण रे वेग नै रोक लेणै रो भादरपणी बरतावे ।

रक्तभार म्हांरी हर घडकण-घमघमो रे साथे फुर-बदळें । हिडदो खून नै पंप (पिचकारी) मारणै दाई वारें फाड़ण रो जोर मारें जद उर्वे नै झालर आग ले जावणी धमण्यां में दबाव बघ ज्वावें; ओ दबाव हिबड़े रे घमणै साग घट ज्वावें । संकुचन (Systolic B.P.) रो मोटी ऊंची सीव माथे घणे;मोकळें दबाव नै प्रकुंचन दाव रे नांवें बताहजे तथा संकुचन रे मभ हिडदो जद ठरें उर्वे नै अनुमिथिलण दाव प्रसारण (Diastolic B.P.) अथवा न्यूनतम दाव रे नांव सू. बोलीजे । बँध डॉक्टर रक्तचाप लेवता इयां नै ही नांपै-मापै ।

म्हां लोगां नै डा नीं लागें, पण हिडदो आपरो पन्थो करतो रंघ । इण रो पंप कुशळता रे समे धमण्या नाड्यां नै काठी डोली बाधावा रो मोरचैन्घ सामणो करणो पड़े जावें । कारण यो है के वं धमण्यां प्रपणै आप में भेळी हो ज्वावें अथवा उणां में बाचड़-दडंगच नीं; लपचड़ा सा लोधा अर लोही रा बद्ररका जम ज्वावें । अंडी आफत उपज माथे बापड़े हिडदे नै घणी जोर लगावणो पड़े अर उवो बघे-सचें ।

“रक्तेत जीवनम्”—रक्त ही जीवन है । पण रक्तधार नै इकळंग हिडदो हाकै-टोरें । हिडदे सूं रक्त वेग पकड़े, फेफड़े में साफ हुवें अर बठे सूं आखी देह में उवा बापरंत वणें बिगसे । रक्त जीवन, पण डोल ढांचे रे हर खूण-खांचे में लोही पुनार्वाणियो तत्र हिडदे है अर ही यो काया रो रूडो रूपक मानीजे । हिडदो, आत्मा-चित्त चेतणा अर भावुक पुरखां रो भाव पख है । सुश्रुत मत्त, मन अर मर्म रो अधि-ठाण वास हिडदो बतायो है । आयुर्वेद रो मान्यता मुजब बखस्य हिडदो ही मन रो धान है । प्राणधारी घरनारी अर पूत-मपूतां रो तरां भिनख नै जीवतो राखण पातर खून चलावण रो चोखस चेम्टा, अटफळां जुडावें । छेकड़ हिडदो दूबळो हो मर्क । रक्तचाप दहणें-चढ़णें रो अक डग-डांडी बण ज्वावें । रास्ता संकड़ा होवा लागे अर उणा सूं रक्तचाप भळे बर्च । सांच ऊंचो रक्तचाप हिडदे तथा घमणो रोगां में खातमे रो अक खास डरावणो महत्त तत्त है ।

रक्तचाप रे विलत, संसूं सीधो रो । लकबो अर दिल रो दोरो होवतो हो दीस । कोई केसां में खुद गुड़वा गुमगुम अथवा हिडदो फस बोळ ज्वावें । कदे-

वदे साधारण रक्तचाप ही भयंकर उलझण उपजवेग वण तण अर रोगी री नाड तोडर काळदेव र रूप में आपरी जाड चरकी कर लैव । जाणो-जे जुवान आदमी में ऊंचो रक्तचाप आ चढै तो जादा खतराळो साबत होव ।

रक्त भार दो प्रकारी माप रा मानीजै—(१) सिस्टोलिक रक्तभार (आकुंचन)—आकुंचण रो अर्थ सिकुडणो हे । "शरीरस्य सन्निकृष्ट सयोग हेतुः आकुंचनम् । (२) डायस्टोलिक रक्तभार (प्रसारीय)—प्रसारण रो अर्थ—फलणो हे । यो आकुंचन स उलटो हे ।—“विप्रकृष्ट सयोग हेतुः प्रसारणम् ।

कोई श्रेक में अथवा ह्यां दोनवां में असाधारण बढोतरी हो जाणै नै हाई ब्लड प्रेशर ही कवै; पण जरूरी बात “हृद सकोचण र वखत रक्त दबाव री वजै स ब्लड प्रेशर री वृद्धि हवै अर हृद प्रसारण र सम घट जावै । नीरोग डील में छिड़दै संकोचण र सम ओ दबाव १६० अर प्रसारण र वखत ४०—५० याने ११०—१२० र अड-गैडै रैव । यो संकोचण सील दबाव सुभाविक स ज्यादा अर्थात् १६० ताई ऊंचो चढणै स खतर री मांदगी मालम हवै । मतळव आकुंचन रक्तभार (Systolic B.P.) जुवान मिनख में १०० स १४० मिलीमीटर र बीचाळै रैव अर प्रसारीय रक्तभार (Diastolic B.P.) ६० स ९० ताई रैव । आकुंचण अर प्रसारण रक्तभार री फरक ३० स ६० मिलीमीटर र माझ रैणो, आदमी री तन्दुरुस्ती दरसावै । ओसथ्या मुजब उतार-चढाव आवै जकां रा न्यारा-न्यारा नीचे खाना वणायर सरळ करथो हूँ ।

जुवान ओसथ्या स सही रक्तभाव जांचणै सारु खाना—

ओसथ्या सीव	आकुंचण रक्तभार	प्रसारी रक्तभार	दोनवां री फरक
३० स ३४ साल ताई	१२३	८२	४१
३५ स ३९ " "	१२४	८३	४१
४० स ४४ " "	१२६	८४	४२
४५ स ४९ " "	१२८	८५	४३
५० स ५४ " "	१३०	८६	४४
५५ स ५९ " "	१३२	८७	४५
६० स आगे " "	१३६	९०	४६

जे आकुंचण रक्तभार १६० स ऊंचो चढ जावै तथा प्रसारी रक्तभार १३० स ऊपर जावै तो रोगी री घातक घडियां जाणणी चायै ।

ब्लड प्रेशर नापण वाळी कळ (जत्र) नै स्फिग्मामेनोमीटर (Sphygmomanometer) कवै । हिन्दी में यो घमणी चाल चित्रक यंत्र वाजै, हुजो घमणी सिरा गति चित्रक यंत्र (Polygraph) होवै । घमणी चाल चित्रक री रचना देखणै स म्हाने खास तीन तरें रा उत्पादन लाभै । (क) बुकियै ऊपर लपेटणै री पाटी (ख) भार देखणो भाग (ग) वायु प्रवेशो पारवो । रक्तभार मापणीकळ नै काम लेवतां समै

दो तरीकों सूं खून री परीखा करी जावै । नाइ पकड़ परार तथा घमणी सन्द नै सुणर । आजकल मोटी अस्पताला में बिजली सूं हिड्डे रो लेख लेण री बल (Electrocardiograph) हवै । इण रें द्वारा हिड्डे रो चित्र मंडय्याणो वेंचुती हृद-लेखण (Electrocardiography) बाजै । इयें रो प्रचार काज आयुनिक समे में मोकळो होवै । सखेप में इण हिड्डे लेखण नै लोग ई. सी. जी. रें नांव सूं निरावै दिखाला । हिड्डे तो पाक कलमी आम री तरां हवै; पण ई. सी. जी. में लामो लकोरां आवै । मोटा विग्यानी डॉक्टर ही इयां बीजल हृद लेखां नै बाँचै अर रोग रो निदान करै । वैद्युतिक हृद लेखां सूं रोग निदान होणो सरल वणै—उणां अवस्थावां रा उत्तेज भळै करूँ —

जलमजात हृदरोग, हृत्सूळ, हृद कपाटिकावां रा जूना रोग हाइदिक अति वृद्धि, अन्तः स्थान, असामयिक हृद संकोच (प्रतिवन्दनीय, मिलयिक, पर्वमीय), घमणी घनासता इत्याद अनेक हृद विकारां रा आजकल वैद्युतिक हृद लेखण सूं ठा लागै । । इणां में ऊर्वंगामी अवं अधोगामी, आंटी-टेढो लकोरी कोरीज्योही सहावै । वै: पी क्यू, आर, एस, तथा टी रें सम्बन्ध जोड़ीजे । इणा मे पी, आर, अवं टी, उर्वंगामी अर क्यू, तथा एस अधोगामी होवै । इणां आंकां नै लिखर ही हिड्डे रें लेख नं बाँचीजै हृदय रोग रें निदान बावत भाव प्रकाश श्लोक १. पृष्ठ ८६० में देणो

आयुर्वेद रें वृक्क रोग रा लक्षण 'रक्तचाप' में मिले । वृक्क ग्रन्थी रें विकार, गर्भावस्था में रक्त दोख में बिख द्रव्य रें बघाव, मधुमेह री अधिकता (ग्रावे-सिटी) अर नसालां पदार्था रें सेवन सूं रक्तचाप बर्धे । त्रिदोस सिद्धांत रो बी ही जूनो स्थान है जको आयुणी चिकित्सा प्रणाली में सेलुलर थ्योरी रो ! "स्वास्थ्य-रक्षा" में लिख्यो है के—ये तीनों दोष हृदय और नाभि के नीचे, बीच में और ऊपर प्राप्त होकर, अवस्था, दिन-रात और भोजन के अन्त, मध्य और आदि में क्रम से गमन करते हैं ।" वात-पित्त-कफ री विवेचना करण सूं ठा लागै के त्रिदोस सिद्धान्त में मन तथा डोल रा कारजां रो भेलियो वेभरड़ो मिस्सो, आदमी रो रक्तचाप हर समे घटावै-बधावै, यो मिनख रो आपरी हरकत माथे निर्भर करै । सन् १९५६ में विश्व स्वास्थ्य सगठण रो सभा जुड़ी । विद्वान वैद्यां अर रोग विसेस रा डॉक्टरां-इधकारयां रक्तचाप रें निदान खातर मोकळा नेम, घरम अर राखा, छांट-सोघर छपाया । आखां देसां उर्वा नै मान्या । पण साधारण अथवा अघातक उच्च रक्तचाप (Benign hypertension) तथा घातक उच्च रक्तचाप (Malignant Hypertension) रो करक रोगी रो मनस्यां, ग्यान अर ध्यान माथे आधारित मानीजै ।

(क) मामूली उच्च रक्तचाप—इयें रें रोग्यां में मोटापो, भुंवांळी, नींद में सांस बन्द होण सूं जाग, उच्चाट, अनिद्रां सूं बाढ़चोड़ी गिलारी री तरां तड़फणो, सिर रो पीड़ा, आख में पतड़का, थकेलो, खम सूं नाट, हिड्डे दरद, घमघमी, माथे में सूंसाट, कानां में धू घाट, दम फूलणो दखिण हृदयातिपात (Congrictive Hart Failure) इत्याद लक्षण हवै ।

(ख) घातक उच्च रक्तचाप—निमग्न-रोगल सरीर, कार्य अक्षमता, भार की कमी, मदाग्नि अर रक्ताल्पता रैवै । उन्नाळो अर सियाळो दुख देवाळ तथा उळ्ळी खांसी चर्गर में खून आवै, इयै रा अ लक्षण है ।

अखिल भारतीय आयुर्विज्ञान संस्थान रा प्रो० एम० एल० भाटिया रो कैवणी है के—“देस में उच्च रक्तचाप रै अनेकूं रोग्यां रो ओजू पैचाण हो नहीं होण पावै; पण यो रोग देस में आपरो वर्धणो जरूर कवतो वर्ग ।” देस रो दसा इयै रोग वास्ते सतोख जनक नीं है । उच्च रक्तचाप नै ओजू घणो मोटो रोग नहीं मानै । नियमित ढंग सँ अठै पूरी जाँच-पड़ताळ हो नीं होवै । कालेजा-मदरसां में टावरों रो सालीणो निरख परख अर ढळती ओसथ्या साथे पैतीस वरसां पछे माह्वारी जाँच, सरीर रै दूजा हूयां रोगां रो निर्गंदास्ती, जच्चा तथा अघखड़ लुगायां रो जाँच, हृदय मस्तिष्क तथा वृक्क (किडनी) रो जाँच, रोगां रै कारण समेत जाण लेणी चाये । सरकार सँ दवायां रो नित नवी खोज, ईजाद अर मिलणें रा सस्ता साधनादेश करवाया जावै । तथा प्रचार-प्रसार रो कमी नै मिटाई जावै । रक्तचाप संबन्धी वैद्य-डाक्टरां अर सम्थावां रा अभिमत—१ संसार में होवणें वाली असुभावी मोर्ता में से सँ जादा मौत हिडदे रोग सँ होवै । (श्री मुकेशकुमार) २. डॉ० जी. आर. भाटी (वरिष्ठ उपाध्यक्ष, प्रा. मे. प्रे. एशो. राजस्थान जयपुर) रक्तचाप नै मानव सँ प्रेम करणें वाली स्याणो रोग बतावै—“मानव प्रेम की की कहानी, सयाने रोग की जुबानी ।” ३. जे. आई. एस. रोबर्टसन रक्तचाप रो हालत नै “जीवन द्रोही हाई परटेन्शन” कवै । ४. डा० कुणाल कोठारी एव डॉ० बी. एस. वल्लुप्रा लिख्यो है—“रक्तचाप की चुनौती का सामना कठिन नहीं” (राजस्थान पत्रिका ६ अप्रैल १९७८) ५. श्री हरीश अग्रवाल लिख्यो है के—“रक्तचाप रोग में जापान का उदाहरण अनुकरणीय है ।” (नवभारत टाइम्स ६ अप्रैल १९७८) ६. बंबई रा नामजादीक डा० आर. एच. दस्तूर आपरी पोथी “आर. यू. किलिंग थोर सेल्फ मि० एकजीक्यूटिव” में मोटापो रक्तचाप रोग खातर खतरै रो घंटी बतायो है । ७. डेनमार्क के हृदय विशेषज्ञ डॉ० टी. हर्सेन रो लिखणो है के—“दिल का दौरा होने से छाती को धक्का दीजिए” (इण्डियन एक्सप्रेस) ८. “दिल की कहानी, दिल की जुबानी” में दिल कवै—“मेरे सिकुड़णें में आधा संकण्ड अर फेलणें में ३०/१० संकण्ड लागे । मनै स्वस्थ राखणो चावो तो भावात्मक तणाव; अत्यधिक व्यस्तता, क्रोध, चिन्ता अर अशांति सँ बचो ।” (बढ़ते चरण, १६ अप्रैल १९७८) ९. दिल की चोरी हो जाने के बाद आपको भी वही पहुँचना होगा, जहाँ आपका माल पहुँचा है ।” (लहरें ६२) १० गांधीजी कैवता—“दिल से भगवान का नाम लेना ही सारी बीमारियों का सबसे बड़ा इलाज है । (हरीजन सेवक १५-६-४७) “सौ दवा न ओक दुग्रा ।” ११. मैं इयै रक्तचाप रोग नै—“त्रिजातियो” लूणहरामी, नक्करकट्ट तथा कठरवाणो कुरदसियो कसूण मानूँ ।” (पारसिया पान) १२. “तनाव

की स्थिति पूरी तरह तब तक कभी समाप्त नहीं की जा सकती, जब तक कि व्यक्ति जगत से पूर्ण वैराग्य लेकर योगी न बन जाये। पर उसकी उद्दण्डता निश्चय ही कम की जा सकती है।" (आरोग्य मई १९७८) १३. आल इंडिया इस्टीमेटेड ग्रॉफ मेडिकल साइंस री हाल रा ताजा आंकड़ा सूं ठा लाग के राजधानी नई दिल्ली में चाळीस हजार रजिस्टर्ड रोग्यां में—सौ माथे पन्द्रः रोगी उच्च "रक्तचाप," री पोढ़ा भोगनिया है।" १४, नागरी बड़ी अस्पताळां री आंकड़ा सूंरत—“जुवान रोगी सेंग गुरद री बीमारी री कारण रक्तचाप भोगे—मरे।" १५. सोवियत वैद्यनिकां री राय में—मास्को की “दवाव कक्ष सत्य क्रिया अर चिकित्सा पद्धति से भी भविष्य के हिट्दे रोग की बड़ी आसाएं हैं।" (आयुर्वेद विकास—सित० १९७१) १६. जीवन बीमा निगम आपरे सर्वेक्षण में बतायो है के “मोटापे में दिल री बीमारी, ‘उच्च रक्तचाप,’ गुर्दे री बीमारी अर मधुमेह सूं मीत होवणै री संख्या घणी बधै।" ईयै वास्तं मानसिक आवेश री राड़-रीस अर बोवारी गरमा-गरमी वगैरी री प्रबल भावनावां सूं घमण्यां रा संकोच तेज हवै—सो क्रोध, सम अर सावधानी री सीमा में चालणै री रोगी न पूरे बन्दोबस्त राखणो पडै। ‘सी सेहत न आँक कुपथ्य,’ रोग रा कारण नुतम करणा सरळ अर मुद रोगी री सामणै होवै। वस्त फळाहार, रक्त मोक्षण करणो अर हर रोज पेट साफ राखणो हवै। “ते वेगान् धारयेत्।" (च. सू. ७) घन्न कम लागो, जळ जादा पीणो, सरळ कसरत आसण, दिनुंगे—आयण छोडो घूमणो तथा तणाव री हासत में छोड़ो स्वांस, ध्यान अर मानसिक भगवान मजन रामबाण आखद है। नहीं तो—“नदी कराहें रुंखडो, जद कद होत विण्णास।" राम नाम सत्य बोलीजतां दिखै अर जगत्विता सूं चिता जळै। त्याग—(२४५ भाव प्रकाश पृ० ८३४) दाह मांस, मांस खीच घूँवो, खींचो—जरदो, तेज चूने री पान, करडो साजी सीढ़े रा पापण लाणै सूं गळ ग्रन्थी बीगहें अर अंडा रोग—बोख चींगरै। “कण दवां अर मण परहेज।" विण्ण बोपार अर उलझण बाळी सफर इण री रोगी न सफा बन्द कर देणो चायै। ऊँचो पैड़षां चढ़णो, ऊंट, घोड़ा, छुड़डा, टेक्टर, ट्रक इत्याद कूदणै अर तेज दौड़णै बाळी सवारचां सूं सदीव बचाव राखीजै तो उत्तम। रक्तचाप री बचाव रा खरा उपाव—रोगी आपरे दिमाग न हर बखत उत्साही, सान्त अर चिन्ता निरपेक्ष—निपापो भयहीण राखै; खमता सरमोख अर सुविधा कदे नीं खोवै। प्रेशर थोडो ऊँचो-नीचो हो जावै तो हरगिज घबड़ावै नहीं, धीरज राखै। सेंग काम मुस्ताई सरूप करै आदमी संभळ जावै तो खतरो नीं आवै। कोई चिरछो ही केस काळ कोप सूं बिगड़ जावै तो दूजी बात है सो हर आदमी न डाक्टर सूं नेमोनेम रक्तमार आंकलण करावता रेंणो चायै। नही तो बसा जड़ें साण-पाख री दैनिक असर सूं लोही में कोलेस्टर एवं लालकण हवै। जकें सूं हिट्दे री सिरावां सफड़ी अर खून गाढो बणै तथा हृदय रोग व स्ट्रोक रा बहम बध जयावै। चिकित्सा, उपचार अर आखद-बयां तो रक्तदाव री रोगी री आख्यां फाटचोड़ीमी, मूँढो लटकपोड़ी सो, दांतां में दुरगंध हायां-पनां भुगभुणो, भूँभी जीत, परीख्या करणै पर नाड़ी री चाल जादा अर करडो,

हिड़दें रै बायें पासै सून मोकळी घड़कण तेज तथा गुरदें री निमळाई होवें जद रक्तभार भारी वणै । जांच भायें घमण्यां कठोर एवं संकुचित लखावें, वयूँ के ई.सी. जी. हिड़दें पर घणै भार रा लखण भण्यां जा सकें । जद एक्सरे लिखावणो पढ़ै । आराम, भोजन घर नींद इत्याद टेमोटेम मुरजाद व्यवस्था सून चालणा जरूरी जाणो । “सो दवा न अक परहेज ।” दिन रै खाणै पछै विस्त्राम अर रात री आछी खाट, कानां दाट समचें आठ घण्टा निसफ़िकर नींद में बीतावणी चायै । मन; रोस--जोस अलण कम खाणै अर खाणै में लूण-पाणी तथा मोकळी मधुर घी-तेल तल्ली-भूनी चीजां री भणक-वांस ही नास नीं वसै । “सो पथ्य (आहार) न अक परहेज ।”—कार्बोहाईड्रेट्स, हरिया पानड़ाळां लूखा पाका साग-सब्जी, विटामिन बी. सी, री खुराक; अन्न सून इधक मुफीद मानीजै । किस-मिस, दाख, खजूर, बेलगिरी रो रस, पाको पपीतो, सन्तरे—मौसमी जेड़ा फल, काचो दूध अर खार जांताळा खाणा-दाणा चोखा रैवै । फल अर दूध मोकळा खाणै पीणै सून पेसांव रै सागं डील रा दूसित पदारथ निकल जावै । वातावरण सदीव साफ़ अर रंजन राखणो चायै । थोडें इभ्यास वेगी रुचि (हॉवी) काज हो रोग काटे । हुवा-पाणी बदळणां फायदेमंद हवै । ओखजन (आक्सीजन) या ई भी वागरो उपयोग ही कदे-बदे करणो जरूरी होवै । “सो दवा न अक हुवा ।” पण विस्त्राम सेतो चिकित्सा चोखोतरां करावणी चोखी रैवै ।

रक्तचाप वेगी आयुर्वेदिक ओखद—१. रास्नादि पचक, पंचकोलचूर्ण, वैस्वानरचूर्ण, कैसोर गुग्गुल, गुडूची काथ, सुधानिधि रस, चन्द्रप्रभा वटी अर सर्पगंधा इत्याद दवा इयै रोग वेगी बड़ी गुणाकार है । सर्पगंधा तो देसी दवायां में भारत ही नहीं सारे संसार में चालै । इयै जेड़ा में रेसरपीन पाई जावै । कदे ही अक चमत्कार पेननसलीन दिखाल्यो उवै सून ही बतौ इयै रोग में सर्पगंधा रो तुरता फुरत चमत्कार हवै । देखो—डा० ओमप्रकाश ‘कचन’ ए. एम. बी. एस, चम्बोसी की पुस्तक “सर्पगंधा !” देख श्री हरीदास री “चिकित्सा चन्द्रोदय” रै सातवें भाग में लिखी मिलै, रास्नादि काढ़ो वणावण री चोखी विध ! २. योग सारामृत—विषारा, गणेरण, सत्तावरि, सोधी घुघुची, पुनर्नवाः, गिलोय, असगंध, पीपर, गोखरू १०--१० तोळा सेर चूर्ण बणाणो अर ४५ तोळा मिस्री में मिलायर घोट लेणो । पछै अक वरतण में राखकर उवै में ३२ तोळा सहद, १६ तोळा घी, तजकलमी, तेजपात इत्यादी रो चूर्ण वणायर, उणी वरतण मे भळे मिलायर काम लेणो चायै । ओ निम्न रक्तचाप रो अक बढिया योग है (भावप्रकाश) रक्त योग रै बाबत ह्योमयोपथी दवायां—डा० गणेशनारायण चौहान आपरी पुस्तक “भोजन के द्वारा चिकित्सा” में घणी दवायां लिखी है । अति-रक्तदाब में निम्नू पृ. १४, गाजर; पृ. ४०, चोलाई पृ. ६०, सहद पृ. ६८, व माथें पुरो विवरण मांड्यो । गुरदें (Kidney) रै रोग मे नारंगी, सेव अर अंगूर रा रस बताया है । (पृष्ठ १६) कारण किडनी सरीर री चालणो हवै; जका लोही सून दोख विकार छानर

मूत्र मिस डील सूं बारें काढ़ै । निम्न रक्तचाप (Low B.P.) में हींग, हृदय गूल में केला पृ० २७, अज्वायन पृ० ६१ अर हाटंकैल में मौसमी पृ० १८, लहसुन पृ० ५६ रो अनूठो प्रयोग लिख्यो है ।

“जनपतवार” (मई १९७८) में सम्पादक डॉ० परमेश्वर सोलंकी लिख्यो है के—“भारतीय फल अनुसंधान विज्ञान के अन्तर्गत किये गये अनुसंधान परीक्षणों से मालूम हुआ है कि ‘उच्च रक्तचाप से पीड़ित लोगों के लिए खूबो का सेवन वरदान सिद्ध होता है । यह विटामिन और ख़ाद्य लवणों से भरपूर है ।” आ खूबो या फूबो अठै रो उपज दवा है ।

पाश्चात् (आधुनी) ओखदां नै बिना पूरी जानकारी रक्तचाप जिसड़ै रोग वेगी नीं लिखण चावूँ; पण दिन में सुखदायक ओखद सोडियम फेनोबार बिटाल (Sodium Phemo Barbitol) खाणं बाद १-४ ग्रैन दिन में तीन बार घयवा एमीटाल (Amytal) अर सोडियम सीकोनल वंचेनी तया नींद वेगी मुफीद बताइजै । कई उद्योग प्रधान देसां रो देखा देखी ध्यान अर योग रा वैधानिक मूल्यांकण भारत में हो अनेकूँ रो । सार्ग “रक्तचाप” सारु सराहीजै । पण ओजू लोग ऐच्छिक रूप में हो अपणावै; क्यूँके—“देखादेखी साजें जोग, छीजें कया वधै रोग” सूं ठरै । ‘प्रणायम्’ पृ० १३७ में लिख्यो है—“ये अभ्यास उन्हीं थोड़े से मनुष्यों के लिए जो इन्हें समझते हैं दूसरों की तो इनमें प्रवृत्ति नहीं होगी ।”

छेकड़ली बात या है के—दुनियां भेलो म्हारो देस हो इयं वरग अ्रेक नराच । वधियै अंई हित्पारै रोग रो जड़ काटर बूँटी वाळणं रो चैस्टा जुगती चालं, जतो उच्च “रक्तचाप” रै नांव सू मिनख रो वाली (प्यारो) डील डिगावण वेगी खतरनाक ताक सूं मोटो मो भरियो, धूँपरलो घाल राख्यो है । मोकळी लामी देसो पद्धत्यां, दुवायां सूं बंध, तुरन्त प्रभावी तरीकां—उपजोगां सूं जुग, विग्यानी—एलोपैथी अवं होम्योपैथी डाक्टर, यूनानी चिकित्तावां सूं हकीम तथा कुदरती चिकित्सक इत्याद सारा स्याणा श्रीमान संसार साथै काठी कमर कसर बूकिया बंध, अबध बळ लाग रिया है । जोख-परख, पोख-हरख अर आंगूच सफळता सरक में आज अठै रा घन्वतरघां भारो भागा दौड़ सूं घूर्वा उपाड़ राख्या है अ्रेक रोग लारै सेंस लोग लाग जयावै जद उयो कठै उबर सकै ? आ ! साख लखावै ।



राजस्थानी गीत अर अलेखूं ओलमा

श्री ओम प्रकास गरग “मधुप”

गीत भतवाले मनड़े री मस्ती है, तो दाभते दिल रो दरद भी । हिये रे हेज रो फूटतो सोतो है तो उललते आतप रो अलेखूं ओलमो भी । प्रीतम ने प्राण-प्यारी नंग-दुलारी हिवड़े रो हार पत्तो री प्रेम पगी पाती है तो मय्यड रे मनड़े री मोखळी मंदरी, महुकती ममता री नेह नदी भी । सीमाणे समरां जूझता सिपायां री सांस-सांस में संबद वणता सनेला है तो सजियोड़ी सेजां सुख-सेवता साजन-सजनी री साध रो संगीत भी है । रमता राम जोगिया री जोग री जुगत है तो भगवान रा भगतां री अपार सिरघा अर भगति-भाव रो भेंट है । गीत दरद है, गीत गरब । गीत ग्यान है, गीत ध्यान । गीत प्रेम है, गीत विराग । गीत मनवार है, गीत ओलमो । गीत जीवण रो संगीत है, जीवण रो रस है, जीवण रो सहारो है, जीवण रो सिणगार है । गीत ही जीवण है, जीवण आप एक गीत है ।

गीत मिनख री भावनावां रो प्रितकख रूप है । जुग-जुग सूं मानणो आपरी आसा, अभिलासा अर मनड़े री लालसावां नै सबदा रा जामा पेरावतां गीतां में पिरों-वतो रियो है । परदेसी प्रीतम री बांटी निहाळती विजोगणी घरनार कदे बादळी साथै, कदे कुरजां साथै तो कदे कागलिया साथै आपरी प्रीत रो पीर रो सनेसो घणी मनवारों करतां थकां “कागदीयो लिख मेलूं छैला” भेजै, तो “राते रंग रा ओलमा” भी भेजण में पाछै नहीं राखै । घन-मांया र लोभी साजन ने घरां बुलावण मारूं मनवार अर ओलमा सूं भरी पाती लिखती कामणी कंड़ी-कंड़ी बार्ता लिख भेजै—

रोक रूपयो भवरजी म्हें बगूं जी,
ह्रांजी ढोला वण जाळं पीळी म्होर ।
भीड़ पड़ै जद भंवरजी वरत ल्यो जी ॥

रुपयां रा लालची भंवर नै इनसूं बोल्थो ओलमो जे भी की सकै ! पण बालम भी पुरो बिणगारो है । घड़यो घड़ायो उत्तर तैयार है उण कांनी सूं—

म्हें छां वेटा साहूकार का जी,

ए जी म्हारी घणी ए पियारी नार ।

कोई गोरी रा गोठ में रह्यां तो पूरै नहीं पड़े जी ॥

ओ पड़ूत्तर पढता पाण ही तो कामणी रं काळजा रं मांय जाणुं काळियो
कुण्डली मार फण कर बैठो । काया कळपावण लागी तो कुरलातो कुरजा सायै केरुं
आकरा ओळमा सूं लड़ालूम सनेसो पठायोहीज—

परण पिराछित क्यों जियो जी,

ये जी रहयो वयूं नी अखन कुंभार ।

कुंभारी ने तो वर घणा छा जी ॥

इतरा सूं हो मनड़ो न्हें मान्यो अर हियो न्हें धाप्यो तो घके केरुं घासरो
आखर तक लिख दीना—

भवर म्हारी परणी मरजो जी,

भवर म्हारी सुध करजो जी,

विजोग री भारी अर आतप-सूं बाहूळी पति री प्रतीक्षा में झुरती पत्नियां
री ओम-पातित्रां में इस हण भांत रा ओळमा रो-कोई छेइ है न्हें पार । पति-पदनी न
अर पत्नी पति न ओळमा देये हो, रु-छां न मननारां कर मनावे ओ पण पोती ने घणो
लाड लडावती आप री न्हासूं न बवारिया ओ प्यारो सो अरव भरयो ओळमो देवण में
नहीं चुकी

मूळ हूं तो प्यारो थाने लागे व्याज,

कोई प्यारी तो वेटा सूं लागे पेमा छीफरी ।

बीरा भेण रो नेह गीता में जुगां-जुगां सूं गाइजियो है । नारी-पत्नी रे रूप
में परदेसी प्रीतप रो पथ निहाळै तो भेण रे रूपमें सामरिया में बैठी बीरा री बाटां ओ
ताकै घणा दिनां तक पीयर सूं कोई सनेसो न्हें आवे । बीरो बुलावण नहीं आवे तो
वेनड़ रो हियो बेरवस ही पुकार करण लागे—

बीरा ओ बीरा,

म्हाने म्हारी ओळूं घणा आवे हो,

परवस वेनड़ कीकर आळ थारोड़े देस ।

आधी घणी आधी माण्ड म्हाने परणाई ओ,

चुनरी ओढाये बीरा कर दी पराई ओ, ओळ म्हारी आवे बीरा,

रोव मां-जाई ओ,

परवस वेनड़ कीकर आळ थारोड़े देस ।

वित्त बूलाया तो पीयर जावै कीकर श्रीर भेजै भी कुरा । हणसूं हीज अग्रतवल ओळमो भी, मेणों भी अर आपरी वेवसी रो रोणो भी एक साथ वीरै नै सनेसो भेजै । मूंडा-मूंड तो कोई एहड़ा ओळमा देरीजे भी कोयनी । कई बातां व्हे जिकै हिये मांय री मांय दाभे अर साले पण वनि होठां ऊपर खुले रूप में नहीं लाई जा सकै । एहड़ी बातां उमग-उछाव री भी व्हे सकै आतप री भी । एहीज बातां नर-नारी एक दुजा नै गीतां रै माध्यम स्रु बत्तावण री कोसिस करै । सवदा रै संगीत रै लार-लपेट आकांक्षीयां रा ऐ ओळमा गा-गा'र सुणावै । समझण हाळा समझ जावै, अण समझणीया ठोठां रै कीं पल्ले नहीं पड़े ।

घर में घणा सोरा ! खावण-पीवण री लेर ! कीं बात री कमी नहीं व्हे तो आदमी मुटावण लाग जावै । पण अणूती वादी री थोथ भरघो डील तो तन्वगी नै सुहावै नहीं । तोई मूंडा-मूंड तो कैवै भी कीकर, आ भी कोई कैवण री बात है ! कैवण ट क पण सोवणी सूं रह्यो न्ही जावै जदां पातळो परी, कोडीली कामणी आ बात गीत रा बोलां में बीध'र यूं सुणावै—

वैगण तो काच भला, पाक्या भला अनार ।

प्रीतम तो पतळा भला, भोटा लट्टु गंवार ।।

मां वणण री लाळसा स्त्री री सबसूं मोटी लाळसा व्हे । मां वण्यों सूं ही नारी आप नै पूरण मानै, नहीं जदां उणरो नारित्व अधूरो हीज रैवै । आ साध पूरी करण सारु कितरा जुगत करै, देव जुहारै, आखा जुरावै, मिततां मानै । हिये री आ हंस पूरी नहीं वेती दीसै तो पति नै मीठा ओळमा-मेणा देती भी नहीं थाकै —

कदीय न पूज्या म्हे तो पाळ हाळा भैरु जी,

कदीय न पूज्या खेतरपाळ म्हारा मारु जी,

कदीय न हुलरघो प्यारो पालणो ।

पति वापडो कीं करै इण मामले में । उणरै हाथ री बात व्हे तो एक नहीं दस लाड का लाडू व्हे जेड़ा कंवर आपरी कोडीली रे ताई पैदा कर देवै, पर परमेश्वर री मरजो आगै उणरो कोई बस नहीं । भैरुजी नै मनावण में या देव जुहारण में वो भी कीं पाछ नहीं राखै अर आसावां बांधै—

अबकी पूजांला गोरी पाळ हाळा भैरु जी,

अबकी पूजावां खेतर पाळ म्हारी गोरी ऐ,

अबकी हुलरेला प्यारो पालणों ।

राजस्थान देस-परदेस रा जन जीवन में रसिया बसिया गीतां में भोळमां रा अगणित उदाहरण भरघा पड़्या है जाँ रे माध्यम सून नर-नारी आपरी अनूरी हथ्यावां, आकांक्षावां ने एक दूजै रे सांमी सुभौतां सून पिरगट करै अर अण कैवण जोग वार्ता ने भी गीतां रे जोर सून पिरगट कर सांमले ने सावचेत करण में न्हीं चूकै । राजस्थान रा कवियां एहड़ा अनेकानेक अवसरां रा सुन्दर अर सटीक गीतां रो सजैन कियो है जिके मोका ऊपरबरोबर फिट बैठै अर मन रो भावनावां ने खुलासा पिरगट करण में पूरी-पूरी मदद करै । साहित्य रा विसयां में खोज घर सोध करणीयां इसा कानो आपरी रुचि लगा'र सोध करै तो घणा अनोखा नतीजा अर अजूबा अर अनूठा निष्कर्ष सामे प्रा सकै । राजस्थान रा जवान साहित्यकारां अर विद्यार्थियां ने हण मामले में आगँ आवणो चाहिजे ।



सम्पादकीय पै प्रतिक्रिया

जी-५१ सीरी कॉलोनी

पिलानी (राजस्थान)

२४ जून १९७८

आदरणीय श्रीमान् शर्मा सा०,

नमस्कार ।

*****आपरी सोचण री दृष्टि कि राजस्थानी रो एक रूप संस्कृत रं नईं पूया हो सकै है आ इण आधार पर जचै है की संस्कृत देव-वाणी नै सगली भाषावां री जगणी है । आपरे प्रयास सूं ओ काम कीं आगे बघै तो ओ राजस्थानी रो आपणो फरज उतरण रं साथ-साथ बहुत बडो काम हू जयासी ।

मई अंक पढ़या पेजी भा मन में आया करती कै लिखणो बेकार है नुंवा लिखारां नै कुराण पूछै है सगळा सम्पादक आपरा आदम्यां नै मोको देव है पण मई अंक रो सम्पादकीय पढ़ नै जीव नै नेछो आयो है ।*****

—आपरी

मनोहरसिंह राठौड़



बिसाऊ

दिनांक २६-६-७८

घणा मानिता सम्पादक जी,

‘जागती जोत’ अप्रैल ७८ रो अंक देख्यो जिमें सम्पादकीय बांचर घणो हरख हुयो ।

राजस्थानी में संस्कृत रा तत्सम शब्दां नै अपनाणो अर हिन्दी रै शब्दां नै सीदा-सीदा पचालेवणो तो घणो चोखो काम है । इयां सूं भासा समरिद ही हुसी । पण राजस्थानी रा ठेठ शब्दां अथवा बोलियां रा शब्दां रो प्रयोग राजस्थानी रो कीकर बुरो करसी ! बुरै सूं मेरो मतलब विकास में आंट लगावणै सूं है । जद हिन्दी ही आपरी बोलियां रा ठेठ ग्रामीण शब्दां नै लेवणै में नी हिचकै है तो फेर राजस्थानी रा बै शब्द

जागती जोत/६७

भंडार तो वीं रो संचित जीवन—धन है । आज जका अणु सेंदा लागे है, कान प्रायणा घणा हैताळु होजावला, ईं में कीं सक सूचो नीं है । हां, खुदाक उत्ती ईं ही जाणी चाहिजे जिती पचाई जा सकें । दुजी अजं आ है—

शब्दां नै वणावा खातर दुजी भासावां रा प्रत्यय, वचन, कारक आदि काम में नी लिया जावें, जिसुं राजस्थानी रो असली रूप वण्यो रेंवै, आ घणी चोखी बात है । पण राजस्थानी भासा रें क्रिया पद अर कारकां गी समानता तो दुणी चाहिजे । बिजी भासावां में ओ अलगाव तो कोयनी । विद्वान-वर्ग नै ईं पर पैली पर्यय अर गैगो विचार कर'र निर्णय लेणो चाहिजे ।

भवदीय
अमोलकचन्द्र जांगिह



भवर भवन,
करबला मार्ग लाहपुरा
कोटा-३२४००६ (राज०)
१८-६-७८

सम्पादक महोदय,

राजस्थानी की एकरूपता का मुद्दा जून '७८ को "जागती जोत" में सुरू किया, ईं खातर धन्यवाद, या पत्रिका आखा राजस्थान का मांडणहारों की पत्रिका छै अर ईं का सम्पादक कै ताई वं सब तकलीफां जरूर आती होगी जे संपादकीय में बताई ।

एक राजस्थानी पत्रिका म्हें भी निकाळ चुक्यो छूं अर बां सब तकलीफां सूं भड़ चुक्यो छूं जीं सूं आरकी पोह जाग सकूं छूं ।

म्हारी बघाई ईं बात वेईं ओर मंजूर करो, कै आखा राजस्थान की ईं पत्रिका न एकरूपता वेईं यो मंच खोल्यो । 'जागती जोत' को सम्पादन तो परस्युं आपका हाथ सूं खड़ ज्यागी, पण आवाळा सम्पादक जो भी जे यो सवाल उठायां रखें तो लेख-कां अर काव्यों का बच्यार आतां-प्रातां सवाल की हल निकाळवो आसान हो ज्यागो ।

आपको
प्रेमजोप्रेम



सेली छांव खज्यूर की*

श्रीमती उषा शर्मा

'सेली छांव खज्यूर की' प्रेमजी प्रेम की लघु उपन्यास छै; ज्यो गांव का वातावरण सँ जन्म्यो छै । गांव का घाकड़ परवार की एक छोरी गुलाब मां-बाप के मर-जावा पे आपणी किशोर ऊमर नै पंडत गंगासरण की नगै दास्ती में काटे छै । ई ऊमर में ऊकी गरस्ती हुवै छै—गाय, बैल, भैंस अर पाडी । यामैं ई वा आपणू हेत बघावै छै अर अस्यो हेत बघालै छै; जाणै वैं ऊंका भाई-बैणा सू भी बदीक होवै । काळ का मारधा मारवाड़ा छोदू को बैल जद एक गांव हाळा नैं मार न्हाक्यो तो सरपंच गंगासरण का अन्याव नै न्याव में बदलवा वेई गुलाब नै आपणा राध्या (बैल) ईं छोदू नैं काम-बन्धो करवा वेई दे दयो, ईं सूं गुलाब अर छोदू को मेळ-मलाप सरू हो-ग्यो, जो य्हां ताईं बध्यो क गुलाब नैं छोदू, जो ज्यात को मसलमान छो सै व्याव करना की ठाण-ली । पण यो व्याव हो न पायो । गांव का एक जळता बळता नैं राध्या ईं जैर दे दयो; जींका झूठा अलजाम का डर सूं छोदू भाग-छूटयो अर गुलाब नैं कदी व्याव न करवा को पणीबरत ले ल्यो । ईं छोटीसीक-तरळ-सरळ ख्याणी पे उपन्यास को ताणो बाणो बणायो छै । उपन्यास की नायिका गुलाब का चरित्र नैं उभारवा वेई अर छोदू अर गुलाब नैं मलावा वेई पंडत गंगासरण को सरपंच बणाबो अर न्याव करवा की कथा प्रासंगिक कथा छै । गंगासरण की 'पताका' कथा उपन्यास का आरम्भ सूं लेर अंत ताईं चालै छै । लेखक नैं मूळ कथा को ज्यो अत करयो छै ऊ अकसमचै आयो छै, पण गुलाब का चरित्र सूं बेमेल कोईनै ।

ज्यात की घाकड़ उपन्यास की नायिका गुलाब असी ऊमर में अनाथ होई जीमें जिन्दगाणी को नुयो मोड़ आवै छै । किशोर ऊमर की ईं छोरी नैं पंडत गंगासरण सूं आदर्श मल्या अर मां-बाप सूं पशु-प्रेम अर आपणा गोला पे अडिग चालवा की

*सेली छांव खज्यूर की लेखक—प्रेमजी प्रेम प्रकाशक—प्रेमजी प्रेम
पृष्ठ सं. ८६ मूल्य ४) २५ पैसे

हृदयता । ऊँकी भावुकता और आदर्श ने दुनियाँ की घाड़ी सूँ खाँखाँ करा'र ऊई एकली
 और वेभिश्रुत चालवा की शक्ति दे दी, पण ई'सू वा द्वन्द्व रहित बणगी होवै, या बात
 कोईनै । उपन्यास में जतनी वा बारें खुली छै ऊसूँ वदीक ऊँकी अंतर उजागर होयो
 छै । पूरा उपन्यास में ऊँको ई चरित्र उकस पायो छै । दूना पात्र तो आपणी थोड़ी-घणी
 झलक दखा पाया छै । लेखक चरित्र-चित्रण में गैराई में उतरचो छै, पर पात्राँ का
 चेतन-अवचेतन मन ने दरसायो छै ।

पण उपन्यास ने पढ़ता-पढ़ता एक सवाल उठै छै क जद गाँव को पंडित सर-
 पंच बण'र कतई बदल गयो और गाँवकाँ लोग-बाग भी चंड-चानान बण-गयो तद गुलाब
 जैसी एक गेलै चालबाझाळी जवान नायिका ने चतेरवा में कसी कला छै ? फाई अस्या
 मनख आज मलै छै ?

दुनियाँ में भांत-भांत का लोग बसता आया छै पर बसै छै । ईसूँ यो
 सवाल गलत लागै छै क अस्या मनख मलै छै-कई ? पण फँला सवाल में बजन छै ।
 लेखक कवि भी छै; ई'सू ऊँने अस्या ई कथानक त्यो ज्यो ऊका मन के दर आदर्श के
 अनुकूल होवै । असी लागै छै क मनख्याँ ने ऊँवा उठ्या देखवा कीँ ऊँकी आदत छै पर
 ऊ वानै छल-छद्मासूँ ऊपर उठा'र मनखपणा की थापणा करयो छावै छै (दसो-साँवळो
 साँच); याई ऊँकी कमजोरी छै और याई ऊँकी तागत । ई'सूँ ई ऊ गुलाब सूँ छोटा-
 मोटा त्याग के बाद अतनूँ बड़ो त्याग करावै छै, ज्यो भोळी ऊमर का एकत में पंडित जी
 का सुण्या-सुगुआया आदर्श वचनां सूँ प्रेरित छै पण असी प्रेरणा छोड़ के पास न होवा
 सूँ ऊ भाग खड़ो होवै छै । हाँ, आपणाँ चीज-बसताँ ने ऊ भी छोड़ जरूर जावै छै;
 डरप'र न, जाण-बूझ'र ।

उपन्यासकार उपन्यास में मनख और ढाँढारा-ढोंरा के बीचँ मलवाहाळा
 स्नेह-सम्बन्ध ने उजागर करै छै । यो सम्बन्ध ऊँ ठौर ताईँ पूग्यो छै ज्यो ज्यो'र दोनों
 आपसी भाषा समझवा लाग जावै छै और एक का सुख-दुख दूसरा का सुख-दुख बण
 जावै छै । यहाँ भी प्रेमजी प्रेम को कवि ई आगे रै छै ।

उपन्यास की भाषा में ठेठ हाड़ीती की सजीव मुहावरो उतरयो छै । सटीक
 और समर्थ शब्दाँ का प्रयोग सूँ ई' फँला उपन्यास में भी वा ओपै छै । शैली तो
 नराळी छै ई । ऊँ में कहानी की व्यजना और कविता की मार्मिकता छै । ज्यो लेखक
 आपणी बात खै छै वहाँ ऊँकी प्रौढ़ लेखनी की रूपालोपण दीखै है । हाड़ीती की
 लेखन परम्परा सूँ न जुड़'र उच्चारण-ध्वनियों ने नुईँ वर्तनियाँ में बाँधवा को ज्यो
 साहसिक कदम लेखक ने उठायो छै ऊँपेँ ऊँने बघाई तो छै, पण ई'सूँ पाठक की
 परेशानी बघी छै । ऊँई फँली लेखक की भाषा वर्तनियाँ ने सपझनी पड़ैगी, फेर उपन्यास
 का सौन्दर्य ने । पोथी को छगई मार्मिक पत्रिका की नईँ छै ज्यो भद्दी लागै छै ।

हाड़ीती का ई' फँला उपन्यास लेखक ने म्हारी घणी-घणी बघाई छै ।



राजस्थानी भाषा साहित्य संगम बीकानेर

विज्ञप्ति सं० १

दिनांक ५-७-७८

संगम पुरस्कार

राजस्थानी भाषा साहित्य संगम बीकानेर की तरफ सन् ७८-७९ खातर आगे लिह्या मुजब संगम (अकादमी) पुरस्कारां सारू राजस्थान निवासी राजस्थानी भाषा रा लेखकां की साहित्यिक प्रकाशित/अप्रकाशित पोथ्यां आमन्त्रित करी जावै है । आवेदन पत्रां रै साथै पोथ्यां की संगम कार्यालय बीकानेर मांय पूगण की आखरी तारीख ३१-१०-७८ हुसी ।

राजस्थानी गद्य-पुरस्कार २०००-०० दो हजार

राजस्थानी पद्य पुरस्कार २०००-०० दो हजार

पुरस्कार प्रतियोगिता मांय पोथ्यां ही शामिल हो सकेली जिकी विज्ञप्ति प्रसारण की तिथि सून जारल तीन वर्ष मांय छप्योड़ी हुसी यानी ५-७-७५ सून ४-७-७८ रै बीच की अवधि मांय प्रकाशित पोथ्यां ई प्रतियोगिता मांय सम्मिलित हो सकेली । पांडुलिपियां सारू अवधि की बंधन नी हुसी ।

पुरस्कार प्रतियोगिता रा नियम अर दूजी जाणकारियां सारू संबंधित लेखक मेहरबानी करे सहायक सचिव, राजस्थानी भाषा साहित्य संगम बीकानेर सून सम्पर्क करे ।

विज्ञप्ति सं० २

लेखकां रै खुद रै खरचै सून प्रकाशित पोथ्यां माथै आर्थिक सहयोग

राजस्थानी भाषा साहित्य संगम बीकानेर की तरफ सून लेखकां नै उरणा रै खुद रै खर्चै सून प्रकाशित पोथ्यां माथै आर्थिक सहयोग योजना रै अंतर्गत राजस्थान वासी राजस्थानी लेखकां की साहित्यिक पोथ्यां आमन्त्रित है । ई योजना में वै ही पोथ्यां शामिल करी जासी जिकी दिनांक १५-१०-७७ सून १५-१०-७८ री अवधि मांय प्रकाशित हुसी । नियम मुजब आवेदन पत्र अर पुस्तकां की संगम कार्यालय बीकानेर मांय पूगण की आखरी तारीख ३१-१०-७८ हुसी । नियमां अर दूजी जाणकारियां

सारू सबन्धित लेखक मेहरवानी कर'र सहायक सचिव राजस्थानी भाषा साहित्य संगम बीकानेर सून सम्पर्क करें ।

विज्ञप्ति सं० ३

राजस्थानी भाषा रो साहित्यिक पत्रिकावां नै अनुदान देवण सारू
आवेदन पत्र आमंत्रित

राजस्थानी भाषा साहित्य संगम (अकादमी) बीकानेर सून राजस्थानी भाषा रो सृजनशील आलोचनापरक, शोधपरक एवं साहित्य संबंधित पत्रिकावां नै आर्थिक सहयोग देवण सारू सत्र १९७८-७९ खातर आवेदन पत्र आमंत्रित करघा जावै है । आवेदन पत्र निर्धारित प्रपत्र माथे पत्रिका रो लारल साल रो फाइल समेत संगम कार्यालय मांय पूगण रो आखरी तिथि ३१-१०-७८ है । इण पछै पूगण आळा आवेदन पत्र लीया नीं जासी । आर्थिक सहयोग सम्बन्धी नियम, प्रपत्र तथा दूजो जाणकारियां सहायक सचिव, राजस्थानी भाषा साहित्य संगम (अकादमी) बीकानेर सून प्राप्त करी जा सकै है ।

विज्ञप्ति सं० ४

प्रकाशनार्थ पाण्डुलिपि आमंत्रण विज्ञप्ति

राजस्थानी भाषा साहित्य संगम की प्रकाशन योजनान्तर्गत राजस्थानी वासी राजस्थानी भाषा रै लेखकां सून राजस्थानी साहित्य रो सगळो (समूची) विधायां मांय प्रकाशनार्थ मौलिक पाण्डुलिपियां आमंत्रित करी जारी है । संगम कार्यालय में पाण्डुलिपियां पूगण रो आखरी तारीख ३१-१०-७८ है ।

दूजो जाणकारियां सारू साहित्यकार मेहरवानी कर'र सहायक सचिव राजस्थानी भाषा साहित्य संगम (अकादमी) बीकानेर से सम्पर्क करें ।

विज्ञप्ति सं० ५

राजस्थानी भाषा साहित्य संगम (अकादमी) बीकानेर रो साहित्यकार आर्थिक सहयोग योजना रै नियमान्तर्गत राजस्थान निवासी राजस्थानी भाषा रै साहित्यकारां नै सत्र १९७८-७९ मांय आर्थिक सहयोग देवण सारू आवेदन पत्र आमंत्रित करघा जावै है । आवेदन पत्र रो फार्म अर नियम आदि संगम कार्यालय सून प्राप्त करघा जा सकै है । आवेदन पत्र संगम कार्यालय मांय पूगण रो आखरी तिथि ३१-१०-७८ है ।

ध्यान जोगी आ बात है कै संगम हर साल असी राजस्थानी भाषा रै साहित्यकारां नै जिका साहित्य सृजन मांय जुड़ेड़ा है अथवा जिका साहित्य रो लाम्बी ऊमर सून सेवा कररघा है और अब वृद्धाप रै कारण अथवा दूजो कारणां सून आर्थिक सहयोग रो पात्रता राखै, नै मासिक आर्थिक सहयोग देवै है ।

सहायक सचिव

राजस्थानी भाषा साहित्य संगम

बीकानेर

लेखकों का ठेकाग्रां

१. श्री प्रेमजी प्रेम—भंवर भवन; करवला; कोटा
२. श्री दीनदयाल घोभा—बिन्ताणियों का चौक; बीकानेर
३. श्री भंवरलाल सुथार—भ्रमर निकुंज, ईदगाह बारी, बीकानेर
४. कु० शकुन्तला कुमारी 'रेणु'—नवरत्न सरस्वती भवन, भालरापाटन
५. डॉ० नागरमल सहल—रीडर, अंग्रेजी विभाग, जोधपुर विश्वविद्यालय
६. डॉ० प्रेमचन्द्र गोस्वामी—बी-४ जनता कालोनी, जयपुर
७. डॉ० उदयवीर—वरिष्ठ अध्यापक, राज० उच्च माध्यमिक विद्यालय पो० बड़वासी
वाया नवलगढ़ (सीकर)
८. श्री भवानीशकर व्यास 'विनोद'— बीकानेर
९. श्री करणीदान बारहठ—कन्या रा० उ० माध्यमिक विद्यालय, भुंभनू
१०. श्री कृष्ण कल्पित—ए-२७, अम्बा बाड़ी, भोटवाड़ा रोड जयपुर
११. डॉ० मनोहर शर्मा—कैलाश कुंज, रानीवाजार, बीकानेर
१२. श्री गिरधारीलाल मालव—बरखेडा, पो० आ० अंता, (कोटा जिला)
१३. श्री जानकीप्रसाद पुरोहित—रईयां की गली, रामगढ़ (खेवावटी)
१४. डॉ० लक्ष्मीकमल—न-१६, रवीन्द्र निवास, वनस्थली विद्यापीठ (राज०)
१५. डा० वृज मोहन जावलिया—राजस्थान प्राच्य विद्या प्रतिष्ठान, उदयपुर
१६. श्री सुरेश पारीक 'ससिकर'—पो० खेजडी, वाया विजयनगर (भीलवाड़ा)
१७. श्री माणक तिवारी 'बन्धु'—पाबू बारी, नुवा सहर, बीकानेर
१८. श्री श्रीलाल मिश्र— बिसाऊ
१९. श्री सा० म० नानू राम सस्कती— कालू
२०. श्री ओमप्रकाश गरग—आयुर्वेद अस्पताल के उपर पचपदरा नगर (बाड़मेर)

×

×

×

प्रूफ सोधणिया

सम्पादक—

श्री भूरसिंह

डॉ० कन्हैयालाल शर्मा

४/२ सिविल लाइन्स;

बीकानेर

4142. श्री गणेशाय नमः

रा

प्रकाशन

नाम पुस्तक	विधा	लेखक	मूल्य
प्रेतात्मा री प्रीत	(कहाणी)	श्री दामोदर प्रसाद शर्मा	५-५०
रोहिड़ रा फूल	(व्यंगात्मक निबंध)	डा० मनोहर शर्मा	५-७५
हांस्यां हरि मिले	(हास्य)	श्री नृसिंह राजपुरोहित	७-५०
जोग संजोग	(उपन्यास)	श्री यादवेन्द्र शर्मा 'चन्द्र'	७-२५
अटारवां	(रेखाचित्र)	डा० ब्रजनारायण पुरोहित	५-७५
आदमी रो सींग	(कहाणी)	श्री करणीदान चारहठ	६-००
श्रेक वीनणी दो वीन	(उपन्यास)	श्री श्रीलाल नयमल जोशी	८-३०
राजस्थानी साहित्यकार			
परिचय कोस	(परिचय अंक)	सं० श्री रावत सारस्वत	७-७५
सोनल भींग	(लघु कथायें)	डा० मनोहर शर्मा	७-००
काळ भैरवी	(लघु उपन्यास)	श्री रामनिवास शर्मा	७-४०
हस करे निगराणी	(काव्य संग्रह)	श्री सत्येन जोशी	७-४०
राजस्थानी साहित्य री समीक्षा (जा.जो.)		सं० डा० मनोहर शर्मा	८-००
राजस्थानी कहाणी संग्रह (जा.जो.)		सं० रामेश्वरदयाल श्रीमाळी	८-५०
राजस्थानी निबन्ध माळा (जा.जो.)		सं० डा० मनोहर शर्मा	८-००
राजस्थान के कवि भाग २		सं० रावत सारस्वत	१५-००
राजस्थानी साहित्य सपदा		श्री सोभाग्यसिंह शेखावत	१८-००
सरवर सुरज अर सिद्ध्या		श्री प्रेमजी 'प्रेम'	प्रकाश्य

सम्पर्क

राजस्थानी भाषा साहित्य संगम (अकादमी)

नागरी भंडार, बीकानेर ।

मुद्रक—माहेश्वरी प्रिंटिंग प्रेस, स्टेशन रोड, बीकानेर ।

દરજા : ૭ ક્રમ : ૭


જાગતી જોત

રાજસ્થાની સાહિત્ય



સમ્પાદક

જોહનલાલ પુરોહિત



રાજસ્થાની ભાષા સાહિત્ય સંગ્રહ (અકાદમી)

લીક્ષ્મણ (રાજસ્થાન)

जागती जोत

[राजस्थानी मासिकी]

बरस ७ अंक ८

सितंबर १९७६



बरस रो मोल : १२ रुपिया

इए अंक रो मोल : सवा रुपियो

रियायती मोल : बरस रो : ८ रुपिया



सम्पादक : मोहन लाल पुरोहित

प्रबन्ध-सम्पादक : डॉ परमानन्द सारस्वत

उपसचिव

राजस्थानी भाषा साहित्य संगम (अकादमी)

बीकानेर—३३४००१

विगत

सम्पादकीय	○	१.
कवि भूंगर अर उणरा धेलळा	श्री. सूर्यशंकर पारोक	३.
चमचो	डॉ. भगवान दास किराडू	१०.
सांच रें चक्कर में	श्री. विष्णुदास गोयल	१४.
नौकर सै मतल्यो कदै नौ सै ज्यादा काम	श्री. बुद्धिप्रकाश पारोक	१७.
राजस्थानी भाषा अर साहित्य	श्री. अग्रचंद नाहटा	२१.
दियाळी फेरुं श्रायगी	श्री. शिवराज छंगणी	२५.
मायें रो वह्म	श्री. सरद विशारद	२६.
वांझडा सुपना	कु. भाग्यरेखा बोहरा	२८.
फिरता-धिरतां	श्री. श्रीलाल नयमल जोशी	३०.
वधतो डाकखरच अर म्हें	श्री. सांवर दइया	३५.
इण घरती मायें	श्री. दीनदयाल ओझा	३६.
थारै लाम्वा जोडू	श्री. हरिश भादानी	४०.
दो अकटूवर रो दिन	श्री. विक्रमसिंह गुन्दोज	४२.
आसावां रा मांडणा	श्री. दीपचन्द सुयार	४३.
बोळ बतळावण	श्री. संतोष पंडित	४५.
गौरव गाथा: उमेदसिंह शाहपुरा	डॉ. राजकृष्ण दूगड	४८.
नवा चस्मा	श्री. गणपति चन्द्र भंडारी	५४.
नुकती दाणां	डॉ. नागरमल सहल	६०.



‘जागती-जोत’ रँ सम्पादन-काल में म्हारै माथँ विद्वानां साहित्यकारां, कला-कारां, कवियां, लेखकां आदि री घणी सरावण जोग क्रिपा रँयी, बांरा मोकळा कागद मनै इण असें में वाचननै मित्या । इयां कागदां में बां घणासारा प्रश्न उठाया है ।

बात आ है कै आज आपां स्वतंत्र नागरिक हूँ । इण स्वतंत्रता में आपां नै कई मित्यो है-बीरी गहराई में नई जायर, आ तो प्रगट में कैय सका कै लिखणै-बोलणै री आजादी तो आपां नै मिली ईज है !! जणै घापर क्यूं नीं लिखां आपां मन में आवै ज्यूं ! कुण है आपां नै रोकणियो अर ना कैवणियो !!

घणासीक कागद तो इयां ईज है; पण कई कागद (पत्र) घणमोला अर घणै काम-काज रा भी है । इयां में विद्वान-साधियां राजस्थानी-भाषा री अक-रूपता माथँ घणो जोर दियो है अर सागै ई बांरो लिखणो है कै ओ सगळो मुद्दो ‘अकादमी’ रँ माध्यम सून, बीरै स्तर सून सुलभणो चाईजै । कई विद्वानां राजस्थानी भाषा में हिन्दी-शब्दां रँ प्रयोग री चर्चा कीवी है । बांरो इसो लिखणो है-हिन्दी-भाषां रँ शब्दां रो प्रयोग जावकईज नईं हुवणो चाईजै ।

मनै ठीक याद पड़ै-म्हँ जागती-जोत रँ (लारलँ अंकां में) सम्पादकीय में आ बात घणी-घणी स्पष्ट कर गयो हूँ कै भाषागत अक-रूपता रँ व्यर्थ अर बेमुतलब रे पचड़ै में म्हँ नईं पड़नो चाळला । इण वाद-विवाद (कोट्टावसि) नै जित्तो काई अळगो राख्यो जावै, तो सावळ रँवै । इण सून कठई ओ अरथ नईं लियो जावै कै म्हँ राजस्थानी-भाषा री अक रूपता रँ विरोध में हूँ, या मनै आ बात पसंद कोनी है, या मनै इण बात रो ज्ञान या कै भान कोनी है ! ‘अक रूपता’ नै लेयर आज सून २५/३० वरसां पैली म्हां लोगां इण प्रश्न नै उठायो हो । कई तरै रा, भात-भांत रा सुभाव भी विद्वानां आपरी तरफ सून राख्या, अर बांनै प्रकाशित करवायर राजस्थानी रँ विद्वानां नै, कलाकारां, अर लेखकां नै, तो साहित्य कारां नै बांटचाग्या । पण दुख री बात तो आ है कै सगळा नियम पेपेलेटां में छप-छपायर बठैरा-बठैई रँयग्या ।

जठँताईं क्षेत्रीय-विद्वान, साहित्यकार आप-आपरी बोली रो मोह नईं छोड़

देव, आ-समस्या नई सुलभ सके ।

अब प्रश्न रैयो ओ के 'अकादमी' आपरे स्तर माथे इण रो समाधान करे । पण ओ भी काम घणो ओखो । कारण-पैला तो अकादमी माथे इण तर रो दवाव घाल्यो जावै, जद कदेई बडो आयोजन, जलथो या के सेमिनार आदि हुवै जद । खैर

इण मुद्दे माथे हूं, म्हारा स्वतंत्र विचार राखणा चाऊंला । पैली बात तो आ है के अकादमी निज में है काई ? आतो मात्र ओक संस्थान रो नामकरण है । काम तो बठै भी आपां-रा ईज मेलियोड़ा, चुणियोड़ा साहित्यकार, कलाकार ईज तो करै है ! जणै बीसूं संबंधित सगळा साहित्यकार, कलाकार जे आज मूं ई ओक रूपता नै ध्यान में राखर साहित्य-सर्जन करै, तो समस्या फेर कठै अई है ???

जठै ताई हिन्दी-शब्दां रे प्रयोग रो प्रश्न है-ओ तो कोई खास ध्यान देवण जोग प्रश्न कोनी । ठीक है-हिन्दी आपां रो राष्ट्र-भाषा है । आदर जोग है । पण जे भाषा-विज्ञान रो दृष्टि सूं देखां-परखां तो इण प्रश्न रे समाधान रे जोवण सारू कठै ई अलगो कोनी जाणो पड़ै । कारण—'हिन्दी' फेर किसी भाषा है ! कई संस्कृत-भाषा, सगळी भारतीय-भाषावारी जननी कोनी है ?? जणै जे हिन्दी भाषा आपरी स्मृद्धि-सारू संस्कृत सूं नुवा-नुवा शब्दां नै ले सके है, तो राजस्थानी भाषा नै काई बात रो आंट है । जिके शब्दां नै आपां हिन्दी रा कैयां हां, वै मूळ में किसी संस्कृत रा कोनी है !! संस्कृत भाषा आपारी धरोहर, वैक-वैलेंस है । वैक-वैलेंस सूं पैसो उठावणो, उवार कोनी गिणीजै । हूं तो ओ विद्वांस पाळूं हूं के समीक्षा-क्षेत्र अर आलोचना क्षेत्र में आपां नै आज रे प्रचलित शब्दां नै बिना किणी क्रिमेक रे स्वीकार कर लेणा चाईजै, पछै वै भावै हिन्दी-भाषा रा हुवै, उर्वै रा हुवै या किणी दूसरी भाषा रा हुवै । पावन-शक्ति जिण भाषा रो संबळी रैवै, बा ही भाषा कालान्तर में जीवंत भाषा रो गणना मे बठै ।

ओक निवेदन करैणो चाऊं-वर्तनी कानी म्हारा विद्वान जरूर ध्यान रखावै । कठैई 'सरू' तो कठैई सुर । इणो तर कठै 'किसो', तो कठैई 'किस्तो', ! कठैई 'घणै' तो कठैई घंरै, कठैई 'कनै', तो कठैई 'कने', 'कनै' । ओक ई रचना में तरै-तरै रो वर्तनी रा प्रयोग कई भूंडा लागै । सामेई ओ भी निवेदन है-साहित्यिक भाषा अर बील-चाल रो भाषा में तो भेद-फरक राखणो ईज पड़ै । जे भाषागत सौष्ठव, वर्णगत, विकास, निर्माण, अर स्मृद्धि आदि नै ध्यान में राखर सर्जन करयो जावै तो मां-भारती राजस्थानी भंडार रे भरण में साहित्यकारां रो घणो सरावण जोग जोगदान रैवै ।

○

मोहनलाल पुरोहित

भठड़ों का चौक,

जीकानेर राजस्थान

कवि भूंगर अर उण रा घेसला

श्री. सूर्यशंकर पारीक

कवि भूंगर कठे उपन्यो किसी साल-समत में हुयो कठे मोटो हुयो, अर किसी जात विरादरी नै आपरो जलम लेयर ऊजाळी, अ सैंग वातां आज ताई पणें झानी हैं। लारल वरसां में भूंगर रें वारें में श्री अमरचंदजी नाहटा अर डा० सुनोहर शर्मा रा न्हाणां लेख 'कुरजा' अर 'मरुवाणी' में छप्या, पण भूंगर रें पुरी अर पकी ओळखाण वां पण कराई नीं। नाहटा जी रें अंदाज सून भूंगर वीकानेर डिवीजन रें 'नोखा' अथवा 'रतनगढ' रें आस-पास आल गांवां में हुयो हुसी। वांरी सोचना में इण क्षेत्र में ही भूंगर रा घेसळा घणें परचलन में है। नाहटाजी रें अंक मोटे अंदाज सून भूंगर कोई १५०-२०० वरसा पली जरूर हुयो हुसी। पण ओ सगळो अंदाज खाली वाडमें वेई मारणें जिसो हीज है। भूंगर रें 'घेसळा-साहित्य' रें परचार थोडो-बोली आखें राजस्थान में है।

कई लोगां रें कंवणों है कि भूंगर मारवाड रें 'साठिका' गांव में हुयो अर जात रें वो चारण हो। भूंगर रें चारण हुवण री साखी में खासा लोग पण 'हां' भरें। भूंगर रें एक घेसळा में 'चारण' शब्द वापरीज्यो है-

गुवाड, विचाळें भैस जावें सिगां विच खावें
पूछ उठाय देखें तो भदोरें रें चारण पोथी वांचें
ओ 'भदोरें रें चारण' कुण हो? भूंगर आप हो अथवा कोई बीजो हो,
ठीक सून कई कैयो जावें नीं। जे आ वात भूंगर आपरें वास्तै कैयी है जणा तो
भूंगर भदोरें रें चारण पकायत हो!

वियां देख्यो जावें तो लोक-साहित्य रें रचयितावां रें पक्को थो-मो लगावणों पण घणों दोरो काम है। भळें उणरें थूळ रूप रें ठावो पतो लगावणों

तीं तैलमें सूँ कौड़ी काढणी जिमी बात है ।

कितीसीक जागी भूंगर ने 'भूंगळ' भी कवे पण अँ दोनूँ नाँव एक ही आदमी रीं ओळखालाँ रा हैं । भूंगर क'वो भावे भूंगळ । रजिस्थानी में 'ळ'इ' अर'ण' आपरी जागी फोरता र'व ।

भूंगर र' वार' में आ बात पण घणी प्रसिद्ध है क' उणने किणी न फटकार हीं क' 'जिण दिन थारी कविता री लारणी तुक-प' में 'पप' मिल जासी उण दिन थारी मृत्यु हुय जासी । एक दिन आ फटकार साची हुय'र र'री ।

संजोग री बात के एक समे भूंगर आपरा सांड माय' चढ्यो कठे ही जावे हीं । रस्ते में एक कुँवो आयो । उण कुँवे में एक आदमी उण रा घुड़िया पकड़्या टिर र'यो हो । भूंगर ने देख'र उण विनती करी नै "कोई मूरत मन कुँवे में पड़ने मूँ बचाय ।"

भूंगर ने इसतक विपदा में फस्योई आदमी ने देख'र दया आयगी । उण आपरी सांडने कुँवो डाकावण सांळ तचकाई । सांड लवायेही हुवणी मूँ घणी तानी अँर वेगवान ही जंद पण वा ती कुँवो डाकागी पण बगल री बाजे, भूंगर, कुँवे में पैली लटकते यकै आदमी री टांग्या पकड़्या कुँवे में होज लटकती र'यग्यो । भूंगर ने इण घटना माय' अचभो हुयो । उणरो साँचा-विचारी अर डाव खानी जाय चुक्यो हो । अँडो वेळा में उणर' मूँडे मूँ कविता री माव परगट्या-

डाकणी ही सांड डाकांगी कुँवो

एक ती हो अर एक और हुवो

भूंगर री कविता में 'कुँवो' अर 'हुवो' तुक मिलगी । या, "तुक मिलगी अर फेर भी मर'यो कोयनी" र' हंरस में ("आपगी मौत आळी फटकार ने भूल'र) दोनूँ हाथाँ सूँ ताळी वजावणी चाही क' 'धरदधम' करत कुँवे र' पीर' में जावत बाँज खाई ।

भूंगर र' वार' में इण सूँ वत्तो कोई वृत्तत जाणने-मणने में आयो नो । पण, रजिस्थानी लोक-साहित्य री आगली मूर में खिड़ो हुवणियो कवि भूंगर मौजी जीवडी पंकार्यत ही । भूंगर रा घेसळा मौजी जीवण रा इम्रत भरघा कटोरा है । जठे भूंगर रा 'घेतळां' खुनी मस्ती बाँटणियाँ हैं वंडे अँ चखनियाँ अर सुवादियाँ सैतूल रस देवणियाँ पण हैं ।

भूंगर आपर' तिथियाँ काम-कांजरी छोटो भूँ छोटो बातने उक्ति चिमटकार री वानों पैरा'र कविता करती ।

भूँगर हास्य रस में राजस्थानी साहित्य रो प्राण है । हिन्दी-साहित्य में, जिको ऊँचो स्थान अमीर खुसरो (सं० १३१२-१३८२ वि.) नें मित्यो है, राजस्थानी साहित्य में वो हीज स्थान भूँगर रो है । श्री रामनरेश त्रिपाठी 'मारवाड़ के मनोहर गीत, नांव आळीं आपरें ग्रंथ रो भूमिका में भूँगर नें खुसरो रें समान हास्य रस रो कवि बतायो है । भूँगर रा घेसळा आपरो वरावरी में किणी नें नहीं गावें । सुणन में आवें कै कवि रो 'भूँगररासो' नांव रो एक मोटो ग्रंथ है अर उणी ग्रंथ सून अँ कितासीक घेसळा बारें नीसरथा है जिकां रो सुवाद वेळां-सुवेळां आज ताईं लोग लेवता रैया है नें आगून भी लेवता रेंवैला ।

राजस्थानी में जिकी वस्तु नें आपां 'घेसळा' कैवां, हिन्दी में वानें हीज 'ढकोसला' नांव सून कैवण रो परापरी है । जिण तुमार राजस्थानी में भूँगर रा घेसळा नामी हैं उणी तुमार हिन्दी में अमीर खुसरो रा 'ढकोसला' नामजादीक है । इणरें परवारकर हिन्दी में घासीराम (खवासी खेरे का) अर बामु जिंसा और भी कवि हुया है जिकां रा 'ढकोसला' प्रसिद्ध हैं । इणी तरें रो एक विधा रो नांव हिन्दी में 'परसोकला' है । राजस्थानी में अँड़ी विधारी नांव भट्टकला है । हिन्दी 'ढकोसला' बैअरथा मान्या जावें हैं । लोगां रो धारणा है कै वेमेळा सबदां नें जोड़र उण सून बिना अरथ रो पण आनंद लिया जावें वें हीज 'ढकोसला' बाजें । हिन्दी में पाखड पूर्ण बात रें वास्तं 'ढकोसला बाजी' मुहावरो है पण राजस्थानी 'घेसळा' रो ऊँडे विचार करण सून इण में अरथ भी नीसरें ।

श्री ताहटा जी जेडा विद्वान् भूँगर रें 'घेसळा' में घणो तंत कोनी, मानें पण उणां रो रस में 'घेसळा' कुतुहल वर्धक हुवरण सून संग्रं करण जोय अवस है । श्री ताहटाजी रें मत सून कोई अंत में बिचित्र बात कैय देवरण सून 'घेसळा' लोगां में कुतुहल पैदा करे, इण कारण सून बां रो प्रचार हुयो । पण, 'घेसळा' कुतुहल रें साथ आपरो अरथवान्ता भी रखे हैं ।

अबें 'घेसळा' सबद भाथे उणरो अरथ विचारण जोय है कै 'घेसळा' किणतें कैवें ? छेलो इण सम्बद्द रो अरथ काई है !

'घेसळा' का 'घेसळो' अणवद्ध आठी रें का किणी दूजै रूखरें आंके-वांके सोटनै कैवें । 'घेसळा' रो दूजो नांव लक्षणा वृत्ति सून 'रेरू' अर 'खोटण' भी है 'संगाराम' तथा 'हरदुवारी लाल' नांव भी 'घेसळा' रो चोत्यो जावें है । 'घेसळा' उण आठी नें भी कैया करे जिकी सोबरीव सुताळीं नहीं हुवें अर साथ वण जाडी भी हुवें । 'घेसळो' वा लकड़ी है, जिकी

मोगरी' रो काम देव । उण लकड़ी ली भी 'घेसळा' कै वै जिकी मू खलें में गुंवार मोठ री माद का डूखलिया कूटण रो काम लियो जायै । जखणावृत्ति मू भूईं वात नै भी 'घेसळो' अथवा 'घेसळा' कै वै । इण अरथ में 'घेसळो टिकावणो' 'घेसळो मेलणो' अर 'घेसळा नाखणो' एक मुंहारो है ।

नीच लिखे दूहा में 'घेसळा' संवाद रो प्रयोग हुयो है:—

तूतो जाये वन कांचळी, सरवण लेजा भोल्या

रामदासर पड़े घेसळा, खेले बंवा बोल्या

'घेसळा' खाली नहीं जावै किणी रै मार्य पर पड़े तो उण रो भीमरो दीय कर नाखै ।

'घेसळा' रो एक बीजो अरथ ओ भी है "अणघड़ अर मार री चोट करण आळो ।" भूंगर रा 'घेसळा' सुणै जद आदमी चियांकी ज्योड़ो-सो हुय जावै । भूंगर रा 'घेसळा' दीसण में तो अणघड़-सा ही दीसै पण आनै सुणै जदे काळजै मार्य चोट भी सागोड़ी लागै अर आदमी हड़हड़ कर हंस पड़े । रोवै कौवनो पण आख्या में आंसू जरूर आवै ।

कई आदमी 'घेसळा' नै अर 'आडी' नै एक कर मानै पण 'घेसळा' 'आडी' मू साव न्यारा है । 'घेसळा' विषय वस्तु रै साथै-मार्य हास्य रस रो एक ओपतो छंद भी है । अ पलक-छिणमें हो हास्य रस रो ससार बसाय देव । घणकरा 'घेसळा' में तो हास्य रस खुलै मूंडै उधिज्यो है । 'घेसळा' में हास्य रस रो सुवाद है जिको तो है हीज इण रै परवार कर घेसळा मू अड़ा चित्राम भी सांपड़त सामै आवै जिणमें जमानै री फोरी-मंदी यथवा सावळ सजियोड़ी हालत रो पक्को ठा लागै । नीच लिखा 'घेसळा' मनोरंजन करण रै साथै एक वखत रो सागोड़ो लेखो-जोखो भी देव:—

(१) भूंगर चात्यो सासरै, सागै च्यार जणां

भली जिमाई लापसी, बाहुरै ! कसी डंडा

अर्थात् भूंगर च्यार जणां नै साथै लियर आपरै सासरै धकै चात्यो । मार-गमे बीनै भूख लागी । वठै पण खाली भाड़कीरा पीळा-पीळा बोरिया ही हा । वै सगळा जणां बोरिया खाय र तिरपत हुयग्यो । भूंगर भाड़को नै 'कसी डंडो' अर बोरियां नै 'लापसी' कैयर स्यावासी दीनीं ।

एक घाटायत गरीब कंसै रो चित्राम भूंगर आपरै नीच लिखोई घेसळ में उतारयो है:—

(२) बरसण लाग्या सरकना, भीजण लागी भीत

ऊठ सारीसा बैग्या, दाळ रो सुवाद आयो ही कोयनी

किसान रो बोदो भूंपडो जिकै माथै पुरो फूस नहीं । जिको भी थोड़ो-बोळो फूस हो, वो भी, आंधीरै झूंड सूं पाछो भूपडै रै मांयनै पड़णनै लागग्यो । 'आंधी लारै मेह' कैवत मुजब मेह घणो बरस्यो । मेह आवणै सूं भूपडै रै पाल माथै मांडघोड़ो ऊठ रो चित्राम बैग्यो पण घर धणी नै दाळ रो सुवाद को आयो नीं । पैला तो उण कनै दाळ सिक्कावण सारू पाणी कोनी हो पछै मेह बूठे सूं चूल्हो बुझग्यो जद पण दाळ सीकती कूंकर ? अर सुवाद आवतो तो कूंकर आवतो ?

नीचै लिख्ये घेसळें में 'अमालंकार' अड़ी पुरीपाटी सूं उतरयो है कै बीजी जागां स्यात् हो इसे ओठो मिलै । घेसळो है:—

(३) गुवाड़ बिचाळै पीपळी, में जाण्यो बडवोर

लाफां मारयो घेसळो, छाछ पड़ी मण च्यार

लुगायां, कांदा चुगल्यो ए ! चिंगा री दाळ-सा

आक. ढाक, बड़ अर पीवळ एक जात रा रूख मान्या जावै । पण आकड़ो आपरै डील में अड़ा उद्भुत गुण राखै, जड़ा दूसरै रूखां में जोया ही ज नीं लावै । आदमी रै मन में जिसा-जिसा बिचार पैदा हुवै, रात री वेळा में बिसा ही चित्राम आकड़ें में दीसणनै दूक जावै । जाणै, अ सगळा साचेला हैं । गांव री गुवाड़ बिचाळै ऊभे आफडें मे भूंगर नै पीपळी रो भरम हुयो । इतरै ही ज भूंगर नै आकरा अकडोडिया दीस्या अर अकडोडिया में पेम्ली वोरों रो भरम हुयो । आक नै बडवोरों री झाड़की जाणेर वोरों खातर लंफरां कानी घेसळो बायो । घेसळै री लागेर अकडोडियां री छाछ जिसी घोळी अर चीकणी रूई वारै नीसरी । अकडोडियां री रूई में छाछ रो भरम हुयो । भरम ही तो हो, वो. भूतरा चोटी दाई बघतो ही ज गयो । रूई में कांदा रो भरम हुयो । कांदारै भरम में जद वानै हाथ घाल्यो तो आकरी रूई रै फूंकलां रै लारै लाग्योड़ी दाळ हाथ में आयनी । का तो कवि लुगायां नै कांदा चुगणै रो कैवतो हो, का उणनै सगळें दाळ ही दाळ दीसणनै लागगी ।

इणी तरै एक अचूंभो परगट करण आळों नीचै लिख्यो घेसळो देखणै जोग है:—

(४) भिड़क भैस पीपळ चढी, दोय भाजग्या ऊठ

गधं मारी लात री, हाथी रा दो . दूक

लुगायां, लाठी लावो ए ! गूदई में डोरा घालां

आंधी सूं उड'र (जाणै भिड़क कर होज) भैंसरा मूखा खालड़ा पीपल रै ऊपर जाय टंग्या । खालड़ा री फड़फड़ाट सूं दोय ऊंठ चिमकर दीग्या । आंधी रै कारण च्याखूं कानी अंधारो रल्लग्यो । अंधारें में किणी पासी सूं आवती लुगायां रै उठै ऊभै एक गवै लात री मारदी जिण सूं लुरायां रै पैरयोई हाथी-दांत रै मुठियैरा दोय टुकड़ हुयग्या । लुगायां नै पण रोस आयगी अर वां आपन में बतळावण करी कं लाठी लावो । इतरें हो लुगायां रां हाथ गधं रै टोल मार्थे लाग्यो । वां जाण्यो ओ तो बिना डोरा घाल्योइो गूदइ है जिकें में डोरा घालणां चाहिजै ।

इण तरै आपां देखां हां कं भूंगर रै घेसळां री अरथ भी है अर मनोरंजक तो अैं हैं जिका हैं ही । आगै री ओलघां में बिना लाम्बो अरथ दिये भूंगर रा घेसळां रा केई पाठ लिख्या है । लोक-साहित्य री चीजां मे पाठाफोर तो रैया हो करै । म्हारै संग्रह रो पाठ है:—

(५) चरड़ चरड़ फलसो करै, फलसै रै आगै दोय मींग

आगै जायर देखूं तो, कुतड़ी पालो खावै है

चरण दयो वापड़ी, गाय री जाई है

(कालें रंग रो टोगड़ियो)

(६) डूंगर सूं गोळो गुड़यो, गधो नाथ तुड़ाय

ल्यावो लुगायां कुहाड़ियो, गूदई में डोरा घालां

(७) भिड़क भैंस पीपल चढी, कुतै तुड़ाई नाथ

डूम पड़यो डागळै सूं, दूटयो ढेढ रो सायल में सूं हाथ

मारयो वापड़ै वामणरै घेटै नै

(८) भिड़क भैंस पीपल चढी, लप लप गूलर खाय

उतरयो नहीं जावै तो रांड, घरे आ'र तो कैय

(९) रिड़क भैंस पीपल चढी, गिड़क तुड़ाई नाथ

डागळै सूं ढाढी ढ'यो, दूटयो ढेढ रां हाथ

घी पावो वामणकै घेटै नै

(१०) चूल्है लारै के पड़यो, मै जाण्यो लड़लूंक (नरलूंग)

पूँछ ऊंचो कर'र देखां तो, टावरां री माय है

(११) गुवाड़ बिचाळै गोह पड़ी, मैं जाण्यो गगनौर

पूँछड़ो ऊँचो करार देखूँ तो, दीयाली रा दिन तीन ही है

(टीपणों-पंचांग)

(१२) कोठी लारै लूँकड़ी कुड़ कुड़ चाबै लूण

हाथ घाल'र देखूँ तो, दीयाली आडा तीन दिन

(पंचांग)

(१३) गाड़ै माथै भैस बिकै, लावो बणावां भुरतो

मांय ज गुठल्यां नीसरी, लूण बिना सुवाद आयो ही नहीं

(काळा जामुन)

(१४) हाथो आवै हीँडतो, चंदरमा री रात

आगै जायर देखूँ तो, काळी दड़ी पड़ी है

(सेलो-भावलो)

(१५) भैस बियाई भूरकी, आवळिया पर सींग

रावळं कंवर नै बळी भावै, दे भोभर में माथो

(मक्का)

(१६) ऊभो ऊंठ मींगणां करै, तड़ तड़ बोलै ताली में

आवो ए ! लुगायां, डोरा घालां राली में

श्री अगर चंदजी नाहटा रा 'कुरजा' १९६१ अप्रैल में छपायोड़ा घेसळा:—

(१७) खरल नदी खरल वहै, गोडां सूधा ढल

रावला कंवर तस्या मरै, भीटा रो आयो नहीं

(१८) गुवाड़ बिचाळै भैस जावै, सिगा बिच खाव

पूँछ उठाय देखै तो, भदोरै रो चारण पोथी बांचै

(१९) चूल्ह लारै हळ पड़्यो, मैं जाण्यो नरलूंग

आघो हुयर देखूँ तो, वा-वारै ऊनां खीच

(२०) चौहटै में गोह नीसरी, खड़भाड़ियां पलांस

आघो हुयर जोऊं तो, अमावस आडा तीन दिन

(२१) गुवाड़ बिचाळै पीपळी, मैं जाण्यो वडबोर

वाऊं लांपरा घेसळा, पड़ै छाछ री पोंट

इण तरै घेसळां रै पाठ में धणों पाठाफोर है। जे सगळा घेसळा भेळा हुय ज्यावै

भा० वि० मं० शोध प्रतिष्ठान
रतन बिहारी पार्क, वीष्कानेर

“चमचो”

डा. भगवानदास किराडू

चमचो तो ऐडो हुवे कें मत वूजी बात । म्हारें अन्दाज मूं तो ओ उन्मान
नैं तो कांई, भगवान नैं ई चमचागिरी मूं चित्त लियावें । इयांरो उन्मान. धर्म,
कर्म सै एक मालिस में समावें । हां सा, हुकुम म , थेंई माई बाप हो, चाकर हूं,
सेवक हूं कैवते-कैवते चरण-गरण हो लमलेट लगाय लेवें । बस उतां देरी पड़नों
चईजें के काम किए री जी हजूरी करणें मूं पार पड़ें; फेर तो बीरें घर आगे
चौबीसूं घण्टा डेरा ई डाल देवें । शायद बीं बगत सांवरियो आयर जे इयांनैं
मीठी-मीठी बंसीरी सुणावें तो भी कोनी सुणें । इयां कनै असी वाक्यावली रेंवें,
जिण रो एक-एक शब्द घेवर-जळोवी दांई अमृत-चासणी पीयांई रेंवें ।
साहब अर अफसरानें नैं ऐडा आदमी इसा सज्जन अर महापुरुष लागें के एक तो
इयांरें कणें सूं वैं धर्मात्मा नैं पापात्मा रो फतवो दे देवें । ट्रांसफर, बदली, नौकरी
लगणीं-लगाणीं, कीरी तरक्की कराणी, कीरी रोटी रोजी चीपट करणी आदि
काम हुवें तो अें लोग चुटकी वाजणें सूं पैलां तहस-तहस करवाय नाखें । इत्ता
व्यवहार-कुसळ अर मनोविज्ञानी हुवें कें साव रें जीं री बात होठां तक आणें
सूं पैलां ही बीं काम नैं पूर्ण ई कर नाखें । आगलो आदमी कोई लोह-लकड़ रो
तो हुवें कोनी, जिको बीं मार्य असर नीं हुवें । साब री बात तो छोडो, बारें सें
घर रा सदस्य इयांरें पख में बोलणां सुरू हुय जावें । इयांरी चमचागिरी में बो
जाडू है कें सैं इयांरी हां में हां भरणा सुरू कर देवें । चारा-कांनी इयांरी बड़ाई

रा थान नापीज । धीरे-धीरे इयांरा पलस्तर सीमेण्ट में घाल्योड़ै हिरमच रै लाल रंग माथै हुयोड़ी घुटाई दाई ऐड़ी चमक लावै कै आख्यां चकाचौध हुय जावै । जिके सूं इयांरो वास्तो हवै, बीरै आगै वाटर प्रूफ रो घड़ी दाई शर्म प्रूफ ज्यू रैवै । कुत्तो डांट सुण'र दूजी जागां जायर बैठ जावै, घुर घुर करतो । जे कोई स्वान नै घणों छेड़ देवै तो बो भी आपरी पींडी सावत लेयर घर नीं जाय सकै । पण अइसा चिकणां माटा है कै कंई असर ई को हवैनी । आखिर डांट-डपट रो भी कोई सीमा हवै, पण इयांरी तो सीमा मासी बण्योड़ी है ।

आज रै जुग में इयांरी जै-जैकार होय रैयी है । इयांरै आगै पी-एच. डी, डी, लिट् सै भुर-भुर रोवै । सै प्रमाण-पत्र चमचा-पुराण रै सामै आंधी में रुई दाई है । थां में कांई लूण-लखण नां हवो, पण जे थे ओ अणमोल गुण सीखग्या तो गुणी ही नहीं, महागुणी भी महामूर्ख सिद्ध हुय जावै । जिकै में कोई योग्यता नीं हवै पण जे वो चमचागिरी-चैम्पियन हवै तो वो दुनियां री हरेक हस्ती नै वश में कर लेवै अर आछा-आछा नै, जिका गगन चड़चोड़ा हवै वानै भी घूल चटाय देवै । कई लोगां रो ख्याल है कै भारत री बागडोर ई चमचां रै हाथां में चौबीसू घण्टा पड़ी दीखै । सारा मन्त्री चमचियां-जर्म्स सूं घिरियोड़ा रैवै । अ जर्म्स इसा हवै कै इयांरो इत्ताज विश्व में कठैई कोनी । चमचा तो परमाणु निर्माता भाभै अर होमी सेठना नै भी शक्ति-हीण कर छोडचा यानि कै परमाणु री तो कांई जाड़ है कै चमचा रै सामनै टिक सकै ।

चमचा री गति पवन सूं हजार गुणी तेज, शक्ति शिव नै वस में कर ले इसी । अइसी दीमक है, जिकी जीवते-जागते आदमी रै कालजै री कोर माथै ई आपरो हिसाब दारो बिठावै । मजाल कांई कै कोई इयां तक पूगै सकै । विज्ञान-आळा डींग हांकै, म्हे चांद माथै चढ बैठचा, पण इयांनै पूछो थे चमचा रै साब माथै चड़िया जगै थांरी कांई दुर्गति हुई ! चांद सूं ठेठ पताळ पौंचणों पड़ियो । अ जिकै रै माथै मुलम्मो चढाय देवै, वो तो कांई बीरा हाड भी काला हुयोड़ा मिलै ।

धरम भी चमचा रै वश में रैवै । गुरु तो कांई, जगद्गुरु भी इयांरी मुट्ठी में रैवै । हकीकत में इयांरै वैमतलब कैसूई लेण-देण कोनी । जे साब री पळटी हुय जावै तो नुओड़े साब नै ठेसण वारै कांई घरे लेगनै पौंच जाय अर कैवै, 'आपरो दरसण लाभ जित्तो जल्दी ले सकां, म्हारै नैणां री सार्थकता समझां । अवै बं गये साब रै कांनी तो पग कर ही को सूवैनी । जिकै सूं काम पड़ै, वीनै तो मां-बाप सूं ई ऊंचो दरजो देवै ।

चमचा सून चमचा कई गुणी आगै वैंवै । घर में मोटभार सून तों चट्टी करती बात करै, पण दपतर अर स्कूल में साव आगै या हेडबहन जी आगै सर, सर, हां मैडम.....यश मैडम करती थकै ई कोनी, ई बलवूर्त सै सिद्धा मेकलेवै । जूनियर सून सीनियर वण जाय । इयां री सी. आर. सगळा सून जोरदार भरीजै । ईं सेवां रै प्रताप सून राजयस्तरीय सर्वश्रेष्ठ अध्यापिका-पुरस्कार पाय नेवै । चमची फस्ट, चमचा सैकण्ड ।

चमचां रै कोई नाक कोनी । अ समय सून वेस्व चानै कोनी । वारै वास्त तो केवल स्वारथ-पूर्ति करणै आळै री हाजरी वजाणी ई सबसून बड़ो धरम है । हां में हां भरणी पुण्य है । कैवै ज्यूं करणों सबसून बड़ो करम है । भलेई ये मचका मुट्ठी दर वालो, जूतां रै पालिस करवाली, सगळै शरीर रै मालिस करवायली, पण हुकम बठै तक ई सरासी, जठै तक थे इयांरा हाकम हो । प्रीत बठै तक ई निभासी, जठै तक थांसून मतलब रैसी, थारै आगै नस अर पूछ हिंलावता रैसी । अर ज्यां पुरो हुयो वास्तो, अर अलग कर लेसी रास्तो । पछै तो थानै इयां देवसी, जागै कदे देखाई कोनी । अर नहीं तो पैलां बीम तरह रा अणुंता रिमता निकालता रैवै ।

मनै, चमचां रो जित्तो डर लागै है, वित्तो तो मनै डेर रो भी कोनी लागै । कारण-शेर तो गरजै जणै सावचेत हुयजालुं पण अ तो इसा नुसपठिया है कं मिनख नै गळगप्प कर जावै अर बीनै ईं बात रो वेरो कोनी पड़ण दे । इयारै पदार्पण करता ई बरसां सून जमियोड़ा लोग अस्ता उखड़ै कं चारी जइयां नै मांय री मांय चमचागिरी चवाय नाखै । थे देखलो, जगह-जगह साव-साव री दुहाई देवता मनख जूण में सांप सून गया गुजरयोड़ा लोग मिलसी, जिकां रै न दीन है न धरम है; वारै तो बस एक ही काम है—चमचागिरी करणीं ।

अ साव-अफसर पछै तो माथे ऊपर हाथ धर चौकाळिया होयनै कूकै पण पछै कांई हुवै । गई बात नै तो राकेट ई को पकड़ सकैनी । इयारै लारै बँ सदमो खाय-खाय मर जावै । कोई मरै तो सी बार मरै, अ तो आ कंवता फिरै, “पैला अकल चरणनै गयोड़ी ही कांई ? म्हे तो कैसां, कूवें में कूद जा । बुद्धि तो घर री राखणी चाईजै । अबै रो बँठो भाईतां नै ।” पछै पोल खोलणीं सुरू करै । सुणों तो सुणताई रैय जाओ । म्है थारै वो पींचायो, बीं काम री कीमत आ दीनी ! थां किसो फोकट में काम कोनो ? आ तो म्हांरी कारीगरी

राजस्थान की आ कहावत पछे बीं चमचं की चपेट खायोड़ा नै याद आवै
 “खारी बोलै मायड़ी अर मीठा बोलै लोग ।” चमचां की मीठी बोली खांड दाई
 पेट की नाइचां नै काट नाखै अर घर आळा की खरी बात दवाई दाई खारी लागै ।
 पछे ठोकर लागै जणै अकल ठिकारै आवै अर विचारै भारवि नै याद करै, ‘हितं
 मनोहारि च दुर्लभं वचः ।’ बीं बगत तो चमचां की बात कानां नै मिश्री अर
 आत्मा नै मोक्ष दाई लागै । ‘चमचिया यार किसके, कुर्सी है पात जिसके ।’ बेटा
 धोळागर जी बत्तीस बरसां रै धोळें चोळें नै गेरुओ रंगवाय डोकळी खाय जाय ।
 मूछ माथै ताव देयर बोलै “बगत की हवा देखर नीं बदळें वो महामूरख ।
 चीमासैं में जठै लट्टू जगसी, माच्छर तो बठई लट्टूमसी । आ तो सोचणै समझणै
 की बात है । सांठै रो रस पीणै रै बाद चूथै की पूजा करणै में काई साव ।
 काले बांरी वेळा ही, म्हे बां कांनो हा । आज बांरी बगत बुई गई तो हाथी की
 पूछ पकड़ वैवण में काई सार ? सीरो खायां दांत काई, जे जाइयां घसीज जाय
 तो काई मांभर सूनो हुवै ? सीरै नै सीघो गोळा बणाय-बणाय पेट में गुड़काय
 लेसां । दुनिया तो म्हांरी प्रगति देखैर बळ । आ तो आप-आप रै दिमाग की
 ऊपज है । बगत माथै गवै नै दादो ई बणाय लेवां ती काई बिगड़ै सां ?
 म्हांनै देखो किसो ऊंचो पोस्ट मिलगो ! अबै, काई गयो घरां सू, जे चीवीमूं
 घंटा घूप-दीप-नैवेद्य चढाय आरती की तो ? जे म्हां साव नै पंपोळायैर काम
 बणाय लियो तो काई गुनाह कियो ? बीं दिन साव रै छोरै की बरस गांठ माथे
 सौ-पच्चास लगाया तो काई घाटो रैयो ? जमीन में भी पैला बीज डालणै सू ई
 फसल लहरां लेवै । ठगाया बिना कुण ठाकुर बाजै ? चमचागिरी कोई ऐब कोनी,
 आतो आज रै जुग की अचूक औषधि है, रामबाण सू ई कई गुणां तेज है, तेज ।
 अंधारै रै मांयनै आ नीति-लता इसी फळ-फूल के बेरोही को पड़ैनी । कई
 स्वांग रचाणां पड़ै । साव सांमै इण्डोत करणी पड़ै । बड़ो काळजो चाईजै ।
 धरती सू ज्यादा सहन शक्ति चाईजै । काई सू काई बणनो पड़ै अर क' सू लेयर
 ‘ज’ ताई मीठी बोली की चासणी पावणी पड़ै, गर्दन नै हमेसां विरछ की डाल्यां
 दाई झुकाणी पड़ै । सर्दी-गर्मी बरखा आंधी रै आगे हुकुम बजाणै पड़ै जणै
 कठई जायर म्हांरो ऑयल पेंट चढै । रंगारै नै कित्ता पापड़ बेलणै पड़ै, जणै
 जायर कठई रंग माथै रंग चढै । आ तो सांची सुणों जणै एक अनूठी साधना
 है । साधना, हर समस्या नै सुलझाणै की निराळी तपस्या है, तपस्या ।

सांच रै चक्कर में

श्री विष्णुदास गोयल

एकरुं विधाता एक एड़ी स्रस्टी रची जिण मांय कोई भी भूठ बोलण आली नहीं ही । भूठ बोलण रो बात तो छोड़ी कोई मन सूं भी कूभी (भूठी) नीं ही ।

आ स्रस्टी रचनै विधाता घणा राजी होया के अवे ठीक रवेला । पिण कुदरत नै की और इज मंजूर ही !

मिनख जद ताई टावर ही जितरै तो ठीक रह्यो पिण ज्यूं-ज्यूं बड़ी होवण लागियो, घणी मुस्किल आवण लागयो ।

एकरुं एक मिनख दूजे मिनख रै घरै गयी । मिनख रै घर में उंण टेम की नीं ही, नै वो विरखा रो वगत होण सूं खेत में जावण रो तयारी में ही । उंण नै उंण मिनख रो आवणी खारी जैर लागियो । वो आवतोड़ी आदमी ज्याइ 'रांम-रांम' करिचा, त्यांइ छूटतांइ वो बोलियो के—

“थूं क्यूं आयो इण वेला अठै । थंनै ठा' है में तो खेतां जावण रो तयारी में हूं, में' आवण आली है । अवार नीं पौंच्यो तो सारी खेतां रुठ जावली । थूं दुस्त कठा सूं आय गयो ? ” ऐरूपाळा बोल वो बोलियो ही क्यूं के बोलयो तो वोइज साच-साच ही जिको हिवड़ै में ही, ओइज तो उंण स्रस्टी रो नैम हो । फेर वो आपरै मन रो भावना रै मुजब इज कैयो के—

“थारै गिटण नै में अवे कठा सूं लावूं, म्हारै घर में तो दाणीइकोयनी । ”

आ सुंणतांइ वो बोलियो—

“थारै घरै आवतोइ कोयनीं पिण कई करुं में तो थंनै राजी करण नै आयो ही क्यूं के थंनै राजी करने, पोटाय नै की रिपिया ले आवतो, म्हारो विचार ऐ रिपिया पाछा देवण रो नीं हो । थारै घरै तो दाणांइ कोयनीं थूं तो

साव भिकारीज निकल्यो ! ”

आ कैताइ पैली आदमी मन में गाल्यां देवण री जग चौड़े आम गाल्यां देवण लाग्यो अर दोन्युं आपस में गुंथीज ग्या । खूब लड़ाई-भिड़ाई वैई नै अखीर में एक आदमी की फोरो पड़ती हो सो वी बोल्यो—

“मैं फोरो पड़ूं हूं जिण सूं लड़ाई बंद करणौ चावूं हूं । मोकी मिलताइ की तागत आ जाइ जद पाछो आयनै लड़स्यूं । ”

दूजोडो बोल्यो—

“अब मैं थनै छोड़ूं नै पाछो आयनै थूं मनै मारै ऐंडो काम इज नीं राखूं । ”

आ कयनै वी उण री गाबड़ भांग दी ।

विधाता मन में पिस्तायो कं ऐंडो स्रस्टी तो ठीक नीं रह पण तई वी मन में ध्यावस राखी ।

(२)

छोरो गरुजी कनै भणन नै पाँच्यो नै उण रो बाप बोलियो—

“गरुजी, इण नै आपरी सेवामें लायी है । ”

भट सूं छोरै कह्यो—

“नीं गरुजी, मनै तो भणन नै लायो है क्यूं कै इण बिना काम नीं चालै, इण बदलै आपनै कीं न कीं म्हारो बाप जरूर देला, और की नीं हुवला तो आपनै एक दो बार म्हारै घरे रोटी खवाय देला । मनै सेवामें नीं लायो है आ बात साब झूठी है । ”

गरुजी वाचळ छोरा री तरफ देखियी ।

(३)

कई जागां ती संस्यावां धणी मोटी आयगी ।

दुकानदारी ती चालणीज बंद होयगी सा । एक जिणो एक दुकान साथै की लेवण नै गयी नै पुछियो—

“धी ताजो है ? ”

“धी ती है पिण ताजो नीं है ओ ती साल भर रो ती जरूर पुराणी हुवला, वासंण लागयी है ! खासी वासी है !! ”

“पापड़ चौखा है ? ”

“पापड़ ती है पिण उणां में सस्ता होवण सूं मूंगां री जग मटर री आटी

मिलायीड़ी है न काळी मिरचां री जग सस्ता एरंड काकड़ी का बीज घणां मिला-
योड़ा है ! ”

“बणियोड़ा तो साफ सफाई सू है क नई ? ”

दुकानदार बोली—“सा, बणावण वाली तो सस्ती मजूरी आली लुगायां जोवणी
पड़े ! वां वापड़्यां रें कठै सफाई पड़ी है ! मंला कपड़ा पैरघां वै काम करे ।
बीच में वानै कई काम करणां पड़े ! हाथ दूजा धोवै करे जित्त कई कामां सू
खोटी हो जावै !! ”

आपइ सोची कै इण जवाब रें पछै वापड़ै गिराक रा कई होया कूटीड़ा हा,
जिकी वो ऐड़ा पापड़ नें धिरत लेय नें जावती ।

और साच मानजी सा कै साच रें उण जमाना में साराइ लोग भूखा सोवण
लागया ! मानखी घणी दुखो होयग्यो !!

(४)

पिए हाल तांड विधाता सैठी रहयो ।

सांच रो जोर इतरी वधियो कै लोगां नें वोलण री भी मुस्किल होयगी—

आपरी मां नें तो लोग मां कैवता पिए दूजी लुगायां नें काई कैवै ! ‘डोकरी
आगी है ।’ सुणतांड डोकरी लइण नें आ जावती । मिनस नें आदमी या मिनस
कैवणा सरू होया ।

‘ऐ मिनस, कठी जावै है ? ’ ‘ऐ छोरा, क्यूं ऊयी है ? ’

जिकां रा मोटधार चालता रह्या हां वां लुगायां री तो हालत इज
विगड़गी । लोग वाग चौड़े घाड़े वानै रांड कैवण लागया नें कांणा नें कांणी,
नै आंधा नै आंधी बोळा नें बोळी कैवता-कैवता कई बार खूब माभारत होवता—
होवता वच्चा !!

नै एक दिन सारा लोग दुखी होय नें बिरमाजी कनै पीचिया नै अरज
करी—

“हुकम ओ सांच तो म्हां लोगां नें मार नाखसी ! ”

विधाता कई—“हां साच नागी तो रैवणी इज नीं चाईजै नें उणीज दिन
सू लोग कैवै कै बिरमाजी रा मूंडा च्यारू दिम में होयग्या, ताकै वै अक मूंडा
सू की न दूजै सू की कै सकै ।

और तद सू इ दुनिया में सांच चालै पिए नागी सांच नीं, अणूथी सांच
सदाई भांडीजै नै भूंडीजै !

○

नौकर सँ मतल्यो कदे नौ सँ ज्यादा काम

श्री बुद्धि प्रकाश पारीक

“नौकर” ऊं उपाधि को नांव छै, ज्यो काम करयां का बदला में बंध्योड़ी तनखा लेबाळा आदमी नै दी जाय छै । चाईतो वो घर में चूलो-चांको करवाळो हो’र चाइ बजार में लेखो-जोखो । वो ऊंचा अधिकारी को सहायक भी हो सकै छै’र जनता को विधायक भी । सैर का सन्तरी, सै ले’र मुलक का मन्तरी तक काम करयां की तनखा ले छै, ई वास्तं पद भलाई बांको क्यूं भी हो, पण कहावैला नौकर ई ।

नौकर को पद इतरो प्यारो’र निशपद छै’क सुरग का देवता भी ई कै ताई धरती पर उतरयावा नै छट पटाता-है छै । ई में सिवाय फायदा कै नुकासान को तो नांव न्होरो ई कोनै । वीन्द मरो चाई बीनणी, नाई का टक्का में तो रोळी-दावो छै ई कोनै’क ?

एक जमानो छो, जद लोग या खैलो करै छा’क

“नौकरी धर टोकरी में, घास खोद खाइए,

और खोद आस-पास, आप दूर जाइए ।”

पण, आजकल तो धरती पर सौ में सँ निन्याणवै आदमी नौकरी करवा नै ई निपजै छै । ज्यां में सँ अठ्यासी तो इन्टरव्यू में ई अटक’र पटक खा जाय छै, अर दो कोई न कोई जुगत सँ दरवाजा में सटक’र सीटों पर छा जाय छै । बाकी बच्चा नौ, ज्यो पड़ता-गिरता भागती बसकी खिड़की के लटकबाळां की नियां नौकर को पद पा जाय छै ।

अब सवाल यो अठै छै’क जद आमां एक टका की हांडी नई नींकां ठोक-वजा’र परख्यां-पजोख्यां बिना घर में नै बपरावां, जद आपणा घर-परिवार नै संम्हालबा की पूरी जवाब दारी सोंपती बेळयां एक अणजाण आदमी की नींकां

छाण बीण ने करता होवां, या तो हो कोनै सकै, पण केई बर खती आपणी छाण-बीण में क्यूं खोट-कसर रै जाय छै'र खै कोई जाण-पिछाण का'क लाइ-विलगती कां का खैवा-सुणावा'क दबी में आ'र आपां अजोगा आदमी नै नोकर राखल्या छीं, जीको फळ आपांन पाछै भोगणू पड़ै छै ।

नोकर एक दोगलो पद छै ज्यो 'नौ' अर 'कर' यां दो सब्दां का मेल में बण्युं छै । यां में सँ 'नौ' तो गिणती का सब सँ बड़ा आंक की नांव छै अर 'कर' को एक अरथ तो छै हाथ अर दूसरो छै काम । ईं वास्ते नोकर को अरथ हुयो नौ हाथ हाळो, ज्यो नौ काम समचै कर सकै । संवत में हो गै छै क—

"नौ काम कर'रू चालै, सो नोकर,

तेरा मैं हाथ घालै, सो जाँकर ।

अर आठ कर'र ई अटक जाय, तो

मारो अस्या निकरमा कै नोकर ।"

ज्यां कै तेई नोकर राख्या जाय छै, वां नौ कामां नै नौ मय जाणै छै, पण ज्यो काम नोकरां सँ नै कराणा चायजे वानै भी जाण ल्यो । बाँमें सँ दग्युं काम छै दोस्ती बांध वो, ग्यारवूं गुण-गान गावो, बार वूं बुराई करबो'र तेर वूं तरणा बढाक् ।

जैयां नौ सँ कमती काम करवाळा निकरमा नोकरां नै ठोकर मार'र भगा देवा वेई आपणा बड़का बेखटकै खैगा छै, ज्यो ईं नौ सँ ज्यादा काम करावा वेई भी मालिकां नै साफ-साफ मनी करगा छै । बांको खैयो छै क नोकर नौ काम करै जद ताई, नै तो मालिकां की आँखा में अखरै रू नै हियड़ा में पधरै; पण ज्यूं ई वो आपकी हृद नै पार कर'र अगाड़ी बढ़ जाय छै त्यूं ई मालिक का मोया माळै चढ़'र थापड़ी थाप्यां विना कोनै-है । ज्यूं ई नोकर नौकामां की नाथ सँ उतर'र दसवीं दोसती का दासा माळै पग मेल दे छै, त्यूही वो ग्यारवां गुण-गान कै गैलै लाग'र बाखीं बुराई कै बारणै विना पृच्छयां ई जा पौंचै छै । अब तेर'वीं तरण बट्टाक की तयारचां हुयां पैत्नी ही चीद'वूं चैत कर'र पंदरवां पासंड सँ पैडो छुटा ले, तो भलो-भाग समझो, नातर सोळवीं सभावां सुरू हो'र सतरवूं सत्यागिरै, अठारवीं हड़ताळा'र उन्नीसवां अन्सनां जस्या बीसां बवन्डरां की सांकळयां-सी जुड़ती ई चली जाय छै, ज्यांका जाळ सँ वापड़ा मालिक नै भगवान भी चावै तो कोनै बचा सकै ।

दूसरै कानी देखां, तो नोकरां नै भी कोई अस्यो वादळो कूकरो तो काटघो

कोनै छै' क नौकरी की तनखा ले'र नौकरी करै । पण आज-काल तनखा सँ भी ज्यादा ऊपर की आबंद को धारो अस्यो चाल पड़यो छै'क जीका लालच में आ'र नौकर आपका मालिका का नै'ला पर दै'लो चेपबो'र औसर पड़तां गुल्यां कै घरां बेगमां तकनै भेजबो भी बुरो कोनै समझै । आजकाल वो जमानू तो रहयो कोनै'क जद लोग आपका दोसानै दूर करबा'र सुभावां नै सुधारवा बेई-“निन्दक नियरै राखिये आंगन कुटी छुवाय ।” हाळा सिद्धान्त नै सिरं मान'र चालवो करै छा । एक धोबी का खैवा सँ सीता जसी सतवन्ती नार नै बनोवास दे देवाळा रामजी'र महाकवि बिहारो की “अली कली ही सौं बंध्यो, आगँ कौन हवाल ।” हाळी लीकटी नै बांचताईं आपकी नई नवेली राणी का प्रेम को फन्दो तोड़'र ऊका म्हेल को मोह छोड़'र राज-काज सम्हालबा नै दरबार में आ बैठवाळा म्हारजा जैसिह जी जस्या लोग तो अब दीया ले'र हेरबा सँ भी कोई कोनै लादणा । अब तो सब लोग आपकी बड़ायां का भूखा रैगा । बुरा सँ बुरा काम करबाळा भी याही चावै छै'क वांकी धापवां बड़ायां होय । ई' वास्सै वै नौकरां की जगां चमचा पाळबो चावै छै'अर वै भो चोखा सँ चोखा'र मजबूत सँ मजबूत । पण वां हीया का फूटा'र आख्यां का आंधां नै या कुण समझावै'क यां चमचां का बांध्योड़ा बड़ायां का पुळ अस्या काचा होय छै'क पण मेलताईं है जाय छै ? पार पौंचवा का सपना अधूराई रै जाय छै'र प्रशंसा में फूल्योड़ा मालिक मन्धधार में ई वै जाय छै । पण राजा जसी पिरजा'र मालिक जस्या नौकर । जद मालिक ही खुसामद्यां का भूखा रैगा, तो बापड़ा नौकरां कोई काईं दोस ? वै भी नौकरी का नौकामां का आखत पेड़ा सँ पैडो छुड़ा'र सगळा मनोरथ सिद्ध कर बाळो एक ही रामबाण नुसखो सीख जीनू' क घणी खै सो कीजे'र बलती में पूछो दीजे ।

मालिक दिन ने रात बतावै तो तारा चिमकाणा ।

और रात नै दिन खै दे तो सूरज उगा दिखाणा ॥

या कला आज काल इतरी तरवकी कर चुकी छै'क चमचां का चक्कर सँ बापड़ी भगूनी की तो काई चलाई ? भगवान तक कौनै बच पायो । ज्य चमचो जितरो ज्यादा चतर हो छै वो भगूनी नै उतराई ई ज्यादा कुचर'र खोखली कर नाखै छै । क्यू'क हर बात का दो पख हो छै । आधी दुनिया में दिन होय छै तो आधी में रात । रात भी आधा म्हेना में उजाळी तो आधा में अंधेरी । अंधेरी रात में बोल बोळा घघू दिन में दीखै कोनै'र दिन में मिलवाळा चकवा-चकवी रातनै बिछड़्या बिना कोनै-है । उय्याई ज्यो चमचा डेगच्यां भगूनां में सँ

माल भर'र सौधा-सौधा निकलै छै, वै थाल्या-कचौलयां में पुरस्ती वेळयां ओथा हुयां बिना कोनै है । ज्यो नीकर मालिकां का मूड़ा गे बड़ायां का बिद्यावणा बिद्यया तार राखै वै ही बांकी पूठ पाछै बुरायां की बिरखा करता भी चूकै कोनै ।

या बिरखा तीन तरैं सैं बरसै छै—एक तो मन सैं दूसरी बचन सैं अर तीसरी करम सैं । मन सैं करघोड़ी बुराई बुरायां की गिणती में कोनै आवै क्यूँक या एक तो कर बाळा का मन कै माई नई-हे छै, मूड़ा के बारान कठ'र गुण-बाळां का कानां में कोनै बड़े जीसैं मालिकां माळै क्यूँ बुरो असर कोनै पड़े । बुरो असर पटकवा वेई या बुराई करी भी कोनै जाय । मन सैं बुराई वो ही करै छै ज्यो मालिक को हित चावै छै अर मन सैं करघोड़ी काम जरूर पूरा पड़े छै ।

बचन सैं करघोड़ी बुराई नै नैतो बुराई गई जा सकै'र नै बढ़ाई ई । या झूठी भी हो सकै छै'र सांची भी । ईं बुराई को करबाळा'र गुणबाळां का मन बैलाव कै सिवाय क्यूँ अरथ भी कोनै निकलै । क्यूँक बचन सैं बुराई कर-बाळा मन को डरपोक होय छै । वो बुराई करै तो छै पण साय ही गुणबाळां नै या भी खैदे छै'क तू' कोई नै मोजे मन्नै अर मै तो म्हारो नांव नैजे मन्नै । अथ थे ई बतावो ईं तरैं करघोड़ी बुराई कौयां कोई को बुरो बनो कर सकै छै ?

सब सैं बुरी बुराई तो वा छै ज्यो करमां मै करी जाय छै । नै तो वा मन सैं सोची जाय अर नै मूड़ा सैं करी जाय । बलकी विशेषता या'क या बुराई-बुराई होतां सातर भी मालिकां नै बुराई-सी नै लाग'र ओठी बड़ाई-सी लागै छै । नीकर मालिकां का मूड़ा गे खुल्लम-खुल्ला बुरायां करवो करै, देखबाळा मालिकां की मूरतता माळै हंस-हंस'र ताळयां बजावो करै'र बुराई सैं नाक चढा-चढा'र धू-धू करवो करै पण मालिकां कै क्यूँ समझ सैं ई कोनै आवै'र वै वाने आपकी बड़ाई मान'र ओठा मन मै स्यावो करै । खैवा को मतलब यो'क करम सैं करघोड़ी बुराई गुड़का गलेफ मै लिपटघोड़ी ज्हेर की गोळी की तरैं गला मै अटकघां बिना राजी-राजी उतर जाय छै पण पेट मै पाँच्या पाछै आपको असर दिखायां बिना कोनै-है । बानगी वेई बां मानिकां नै ढकणी मै नाक डवो'र मर जाएँ चायजे, ज्यां का नीकर दूसरां कनै मांग'र बीडघां पीता होय, बां सरकारां नै समाप्त हो जाएँ चायजे ज्यां का करमेचारी जनता सैं रिस्वत खाता होय, अर ऊं राष्ट्र कै ताईं तो कही ही काई जाय जीका राष्ट्रपति गणतन्त्र दिवस जस्था तिवार माळै जनता कै नांव सन्देश देवानै भी बिदेसी भासा को मूड़ो ताकता होय ?

०

२४८६ २० पुरानी वस्ती, जयपुर-१

राजस्थानी भाषा अर साहित्य

श्री अंगरचंद नाहटा

राजस्थान भारत रो गौरवशाली प्रांत है । अठै रै बीरां, सतियां, अर संतां री गौरव-गाथा जग-प्रसिद्ध है । महाराणा प्रताप अर भामाशाह, क्षत्रिय राणी पद्मिनी, भक्त मीरां अर संत दादू वगैरै नै कुण को जाएँ नी ? राजस्थान साहित्य, कळा, इतिहास अर पुरातत्त्व सगळी दृष्टियां सूं आप रो विशेष महत्त्व राखै है । अठै रा आवू, राणकपुर तथा जैसलमेर वगैरै रा जैन मंदिर, मोकळा दुर्ग, वावड़ियां आदि स्थापत्य अर मूर्तिकला री दृष्टि सूं घणो महत्त्व राखै है, तो अठै री मोकळी चित्र शैलियां ई सर्वविदित है । रंगील राजस्थान री वेशभूषा, अठै री पागड़ियां अर ओढणां वगैरै इत्तै भांत-भांत रै रंगा अर डिजाइनां रा है कै दूजै प्रांतां रा अर विदेशां रा लोग उण्यां नै देखर देखता ई रैय जावै । मूर्ति-निर्माण सारू जयपुर प्रसिद्ध है तो सफेद भाठै रै काम सारू मकराणो । राजस्थान रै हस्तलिखित ज्ञान-भंडारां में सुरक्षित प्राचीनतम, सूक्ष्माक्षरी, सुंदर आखरां री अर, भांत-भांत री शैलियां में लिख्योड़ी हस्तलिखित प्रतियां आज ई लेखन-कळा रा ओपता नमूना सामनै लावै है । हजारू दुर्लभ ग्रंथराज इण ज्ञानभंडारां में संभाळ'र राख्या गया है ।

मुगल साम्राज्य री वगत राजस्थान रा वीर बंका जवानां अर राजावां आप री स्वतंत्रता अर मंदिर-मूर्तियां वगैरै सांस्कृतिक संपदा रै संरक्षण सारू आप रै प्राणां तक री बाजी लगा दी ही । अठै री नारियां आप रै सतीत्व री रक्षा सारू धू-धू करंती चितावां में कूद जावती । अठै रो 'जौहर' दुनियां भर में निराळो आर नामी रैयो है । इण भांत री महिमावाळ' राजस्थान री महिमा घणै सूं घणै प्रकाश में आवै इण सारू राजस्थान सरकार नै यौजनावध' ढंग सूं ठोस काम जळदी सूं जळदी करणो जाहीजै । सागै-रे-सागै अठै रै व्यापारी

वर्ग नै, जिको कै सगळै भारत में ई नहीं विदेसां में ई फेल्योड़ी है, भी आपरो जलमभोम रो भविष्य और ऊजळो बणावण सारू सदा-सदा इण दिशा में चेष्टा में लाग्यो रैवणो चाहोजै । सागै ई पत्रकारां अर साहित्यकारां रो भी ओ फरज है कै वैं अठे रो विशेषतावां अर महानता दुनियां रै सामने उजागर करै ।

मानव रो सबसूँ बड़ी शक्ति है-मन । अर बुद्धि नै आपरै विचारां रो अभिव्यक्ति देवण सारू 'भापा' अक सबळ माध्यम है । इण सूँ मानव अद्भुत आविष्कार, विचार-विकास अर साहित्य रो रचना कर नै आप रो सर्वोपरिता सिद्ध करी है । प्राचीन काळ सूँ आज ताईं मोकळी बोलियां रो विकास हुयो अर होळै-होळै उणां में सरावणजोग फोर-बदळ हुतो रैयो । जन भापा नै प्राकृत अर सुसंस्कृत अर्थात् परिमार्जित नै नियमां में बंध्योड़ी भापा नै संस्कृत कैवै है । प्राकृत सूँ अपभ्रंश अर उण सूँ उत्तर भारत रो सगळी भापावां रो विकास हुयो । उणां में राजस्थानी भी है जिकी नै अपभ्रंश रो जेठी बेटी कैयो जावै है । संवत ८३५ में जालोर में रचित 'कुवलयमाला' में उण वखत रो १६ बोलियां अर प्राचीन व्यक्तिगत विशेषतावां रो जिको विवरण मिलै है उण में 'मरू भापा' अर 'मरू प्रदेश' भी अके है । राजस्थान रो सब सूँ खास प्रदेश 'मरू' या 'मारवाड़ प्रदेश' रै नांव सूँ जाणीजै है । इण कारण अठे रो बोली रो नांव भी 'मरू भापा' हुवणो-स्वाभाविक है । राजस्थान पैली मोकळा टुकड़ा अर राज्यां में बंटयोड़ी हो । जद ओ 'राजस्थान' विशाल प्रांत रै रूप में नामी हुयो तो अठे रो भापा रो नांव ई 'राजस्थानी' प्रसिद्ध हुगयो जिको मारवाड़ी, डूँडाड़ी, मेवाड़ी, हाड़ीती आदि बोलियां रो सम्मिलित रूप है । इणां में मारवाड़ी आप रो पुरानी परंपरा अर साहित्य रो मुकळायत रो दृष्टि सूँ सगळ्यां नूँ वैसी प्रभावशाली है ।

राजस्थानी भाषा रो व्यवहार राजस्थान ताईं ई सीमित कोनी, मालवी भी इणी रो अंग है । अर १५ वीं सदी ताईं तो गुजरात अर राजस्थान में अके-सरीसी भापा बोलीजती ही । इण कारण उण वखत ताईं रै साहित्य नै गुजरात वाळा प्राचीन गुजराती रो अर राजस्थानी वाळा प्राचीन राजस्थानी रो साहित्य बतावै है । बियां मारवाड़ रा राजस्थानी लोग सगळै प्रातां में बस्योड़ा है अर उणां रै घरां में आज ई मातृभापा बोलीजै । इण तरै किता ई करोड़ लोगां रो बोली राजस्थानी ई है ।

इण भाषा में कोई दूसरी भाषा की बनिस्पत घणा मोकळा शब्द है, वेसी मुहावरा अर कहावतां है । राजस्थानी भाषा रा केई व्याकरण-ग्रंथ प्रकाशित हुय चुक्या है अर कहावतां रा ई केई संग्रह छप चुक्या है । मुहावरां रो कोश में ही तयार करवायो हो पण हाल-ताई अप्रकाशित भइयो है ! राजस्थानी शब्द कोश भी केई प्रकाशित हुय चुक्या है । उणां सूं इण भाषा की महानता, अर विशेषतावां रो पूरी तरै पतो लाग जावै है । साहित्य अकादमी, नई दिल्ली इण नै स्वतंत्र साहित्यिक भाषा स्वीकारी जई ।

राजस्थानी भाषा रो साहित्य भी घणो प्राचीन, विशाल अर समृद्ध है । इयां रो ११ वीं सदी रा राजस्थानी दूहा वगैरै मिलै है पण १३ वीं सदी सूं तो जेवण जोग स्वतंत्र रचनावां मिलण लागै है जिकी कै बिना कोई व्यवधान रै हरेक सदी रै हरेक चरण की गद्य अर पद्य दोनूँ विधावां में मिलै । इत्तो पुराणो अर मोकळी विधावां रो काव्य अर विशाल तथा महत्वपूर्ण गद्य दूजी कोई प्रांतीय भाषा में को मिलै नी । हिंदी भी केई बातों में उण की बराबरी को कर सकैनी । जीवनोपयोगी हरेक विषय की घणी ई रचनावां राजस्थानी गद्य अर पद्य में मिलसी ।

वीर रस सारू तो राजस्थानी साहित्य सगळी भारतीय भाषावां सूं सिरमौर, जेवण नीति, भक्ति आदि दूजा विषयां अर शृंगार रस रै साहित्य की भी इण भाषा कोई में कमी कोनी । दूहा अर पिंगल गीत तो हजारूँ की तादाद में मिलै है । रास, प्रबंध अर चौपाई काव्य भी हजारूँ की संख्या में दीखै है । प्रेम कथावां भी गद्य अर पद्य में घणी ई लिखीजी । अठै रै संतां रो लिखियोड़ो उद्बोधक साहित्य भी लाखूँ श्लोकां में परमाण है । राजस्थान रा घणा ई सत संप्रदायां रो जा केई प्रांता में भी प्रचार अर प्रभाव दीखै है ।

जैन कवियां अर विद्वानां राजस्थानी भाषा अर साहित्य की सगळां सूं वेसी वा करी है । चारण कवियां रो तो काव्य-निर्माण में जन्म सिद्ध अधिकार मानीजै । इण कारण चारणी साहित्य भी बहोत उल्लेख करण-जोग है । राजस्थानी लोक-साहित्य की विविधता अर विशालता भी घणै महत्व की है । इण छोटै-सै संबंध में राजस्थानी साहित्य रै महत्व रो वर्णन कोनी करयो जा सकै । म्हारै लक्ष्मण-विश्वविद्यालय रै छह भाषणां रो संग्रह 'राजस्थानी साहित्य की गौरव गुं परंपरा', प्राकृत भारती सूं प्रकाशित 'राजस्थान का जैन साहित्य', डा०

पोतीलाल मेनारिया रो 'राजस्थानी भाषा और साहित्य', डा० गुरुप्रीतम मेनारिया रो 'राजस्थानी साहित्य का इतिहास', डा० हीरालाल माहेश्वरी रो 'राजस्थानी साहित्य का इतिहास,' 'परंपरा' रा आदिकालीन राजस्थानी साहित्य', 'मध्यकालीन राजस्थानी साहित्य' अर 'राजस्थानी लोक-साहित्य' रा विविध बर्गरे धरणा ई ग्रंथ इण वाचक में प्रकाशित हुय चुक्या है। राजस्थान मूँ मरु भारती, राजस्थान भारती, बोध-पत्रिका, वरदा, मरु श्री, विश्वभर्रा बर्गरे भोळी धांध पत्रिकावां निकळै है। राजस्थानी भाषा साहित्य लगम (प्रकाशनी) बर्गरे संस्थावां भी राजस्थानी भाषा अर साहित्य री भरपूर सेवा करण मं लाग रंयी है।

नाहटो की गुवाड़, बीकानेर

लिखारां सारु

- 卐 "जागती जोत" सारु आपरी रचनावां आछै जजळै आखर नें सांडर भेजो।
- 卐 लिपि रो ध्यान राखणी घरां जरूरी है।
- 卐 रचना पाछी संगवण सारु टिकट लागवोड़ी लिफाफो जरूर भिजाइण री क्रिया करावो।
- 卐 "जागती जोत" रैं अंकां'र उलामें छाप्योड़ी रचनावां रैं वाचक आपरा विचार सम्पादक अथवा कार्यालय में जरूर लिखावो।

दियाली फेर आयगी !

श्री शिवराज छंगानी

अण गणित

आंसू ढलकाय'र रात

सोयगी

सूरज रै मूंडै री लाली सूखगी

दिन पीलरो पड़्यो

खेतां री छाती फाटगी

घोरां रो चै'रो बीळो धप्फ

हजारां जीवां रै हिरदै री धड़कण बंद

अकाल री काली-पीळी आंधी

उडाय लैगी सागै

भूखां, तिरसां विलेखतां

भिनखां री आंतड्यां हड्डियां अर रो ढेर

अर

बुझायगी अके ई भपटै सू

रेगिस्तान रै कई गांवां रा दिवला

दियाली फेर आयगी

अवे

कुण जळावै दिवला !

०

सत्यसर गेट,

जीकानेर

माथे रो बह्म

श्री सरल विशारद

आ बात जचे को'नी
थे सारा सेणा हुसो
काई न काई तो करता हुसो
काई न काई कुचमाद रचता हुसो
सिचळा वंठण रं दिन
थे जामघा ही कोनी
भाटा फंकणिया भाटा फंकसी
बोलियां ईयां बोलसी
जेरनी रं स्याळा थोडे ही हुसी
सेण पणों सुयोंसी
या सूमड़ो हुयोंसी
धोडे ही जासी
वाको बंद कियां
जीभ थोडी ही रूकसी
आ बात जचे कोनी
कि सारा सावळ बंठया हुसो
काई न काई तो करता हुसो
सारा कागला सूरदास बण
सूत्र वांचे
थे भी काई वाचता हुसो

मूंडो आडी पाटी बांधली
 पण बड़-बडावतां तो हुसो
 थाने जाणू हूं
 थोळखूं हूं
 कांई न कांई तो करता ही हुसो
 मूंडे सारू कांच-कांगसिया
 घर-घूंभे में राखता ही हुसो
 कांई न कांई तो करता ही हुसो
 आ वात जचे कोनी
 थे सारा सैणा हुग्या हुसो

०

चौधारियों की घाटी,
 बीकानेर

विज्ञापन दरां

★ कवर पेज	रु. २५०-००
★ कवर दूजो	
अर तीजो पेज	रु. २००-००
★ साधारण पेज पूरो	रु. १००-००
★ साधारण पेज आधो	रु. ५०-००
★ साधारण पेज चौथाई	रु. २५-००

“बांझड़ा सुपना”

—कु. भाग्य रेखा बोहरा

म्हारी उणीदीं पलकां माथें
आय'र ठेरग्या हें.
'बांझड़ा सुपना' ।
जिकारें सारे
जिया हें म्हे
कईं अणचायीजता पळ,
मुरदळी आसावां मागें ।
गिटकी है
कागदां माथली स्याई नें
कड़वी कसायली दुवायां ज्यूं ।
वदलाव री आमा में
सैई हें
आयोगी सत्ता नें ।
पण वीरा
घो म्हारो अभागो देत
जिको सैई है
रामराज री आस में
रावण री यन्त्रणा ।
भरत रें सनेव री
कळपणा में
जैचन्दा रा
ताक्या हें मूंडा ।'
सूत्यो कोयनी
फगत संवेदनावां री मार'ऊं,
हुयोड़ो है सूनो ।

गळत हाथा 'ऊ' डोत्योडै बायरे पाण,

लाम्पो देव

आपरै इज ठोड़ नै ।

पण म्है जाणू हूं

बी ऊंचली मैड़ी रो चानणी,

म्हारो हैं

जिको अडाण मैल्यो हैं म्है

पेट री लाय पाण ।

पण म्हारा पगां री जेवडचां

अणबुलायेडै बुढापे रो

भार ढोवता,

म्हारा मायत' ।

टाबर पण री अर्थी डठायोडा

ए टाबर ।

अणबूझैडी आइचां सुलभावती

जिदडी ।

पण भाईडा सेवट के 'ऊ' यतै ।

ओ मैससण रो फरक हैं ।

दिगली मांय छुप्योडी

त्रिणगारी नै तो फूंक देवणी पड़ती ।

सूत्योडै जुगबोध नै

चेतना री आंधी 'ऊ'

भंभोड़नो पड़सी ।

मसाणा री आंच नै

फूंक मारणी,

कि कार री कोयनी ।

द्वारा-श्री रामचन्द्र बोहरा

बोहरा—बास

ग्राम-नीम्बी जोधान

जि. नागौर

फिरतां—घिरतां

श्री. श्री लाल नथमल जोशी

माघ रो मइनो । सियाळी रो ठंडी रातां । सरकारी अस्पताळ में जिनाने वार्ड में रात नै चौकीदार रेंवे । वारी सून आदमी पळटता रेंवे । चौकीदारां में एक रो नांव मेघनाथ । हूजा चौकीदार रात भर इस्टून मार्य ऊंघें अथवा भीको जोयर किणी कमरै-कोटड़ी में कामळ हेटें बडर पग पाधरा कर लेवें । पण मेघनाथ दिपटी मार्य कदेई आंख में बट घाल्यो कोनी । इण रो मतळव ओ कोनी के बां कोई घणो इमानदार आदमी है अर बाकी रा बइमान; मेघनाथ नै पोथ्यां पढण रो कोड है । घर में भी मोकळा उपन्यास भेळा कर राख्ता है, पुस्तकालयां सून लायर भी बांचें । बरसां में तेईस-चीईस सून ऊपर कोनी, रंग-रूप रो कूटरो अर डील में सेंठो है ।

इणी अस्पताळ में लारलें तीन बरसां सून सिम्पल नांव रो नरस काम करै-इक्कीस बरसां रो सुरेख-लागणी जुवती । सिम्पल मेघनाथ रें वैभव सून एकाएक आकृष्ट हुयगी । थोड़ा दिनां पैली जद अठे अके जैन साधु चौमासो करयो, बां दिनां गांव गोठां रा मोकळा ओसवाळ सेठ भी अठे आपोड़ा हा अर इण कारण अस्पताळ में भी मरीज बढ्ग्या हा । एक रात एक सेठाणी रो तिणखो गमग्यो जिण में घणमोलो हीरो जड़योडो हो । तिणखो मेघनाथ नै लाधग्यो अर वीं उणनै अस्पताळ में जमा करा दियो । जद सेठजी नै तिणखो मिलग्यो तो बां आपरी मील में सारजेंट रो नोकरी देवण खातर मेघनाथ नै धामी, पण मेघनाथ इनकार कर दिया । सेठां रो विचार मेघनाथ नै एक हजार रुपिया इनाम में देवण रो हो, पण आपरो सागी तिणखो पायां, सेठाणी नै इत्तो हरख हुयो के वीं मेघनाथ नै दो हजार रुपिया इनाम दिराया । मेघनाथ रें इमानदारी रो सरकार भी घणी बडाई करी अर उण नै एक प्रमाण-पत्र दियो । इण खुसी में जद मेघनाथ

एक गोठ दी, तो डाक्टर-नरस्यां सगळा ई बठे पूग्या । मेघनाथ रो सज्योडो घर देखर कंवारी सिंपल नै उण में आकंषण लागण लाग्यो ।

मेघनाथ रात नै दिपटी माथै रैवै उणी दिनां सिंपल भी आपरी दिपटी रात री करावै । वा बिना काम भी मेघनाथ री डचोढी कन कर घड़ी-घड़ी वार निकळै, पण इरादो करण रै बावजूद होट खोल सकै कोनी । एक दिन पक्को विचार कर लियो-आज तो बात करणी ई है । नैड़ी आयर पग घीमा करचा, सोच्यो—मेघनाथ सामो भाकसी तो बात करसूँ; पण मेघनाथ पोथी में इत्तो लवलीण कै सामो ई नईं भाक्यो । छेवट याचिका आगै निकळगी । इण उधेड़-बुण में तीन-च्यार दिन निकळग्या । आखर हीमत करणी पड़ी । बोली-मनै भी पढण खातर कोई पोथी मिल सकै ?

मेघनाथ री ध्यान टूट्यो । जुवती रै वार्तालाप में पिठास अर प्यार री जाचणा रा संकेत हा । मेघनाथ बोल्यो—“नईं क्यूं, हूं आ पोथी आज खतम कर लेसूँ फेर थे लेलिया ।

इत्ती-सीक बात भी सिंपल नै इयां लागी जाणै बीं कोई बडो भारी साहसिक काम या एडवेंचर कर लियो हुवै । जद दिपटी सूँ ऑफ हुयोतो मेघनाथ आपरी पोथी सिंपल री दराज में राख दी अर घरे गयो परो ।

इण तरै पोथ्यां लेवण-देवण रो सिलसिलो केई मइनां तईं चालतो रियो । एक दिन पोथी ही-बंदरी प्रसाद सांकरियै री—“अनोखी आण ।” सिंपल एक पुरजो लिख्यो अर पोथी में घालर मेघनाथ नै पोथी पकड़ाय दी । मेघनाथ पोथी घर में सेज माथै मेल दी । मेघनाथ रै एक मित्र जसनाथ जद पोथी में चिट देखी, तो पूछ्यो—“क्यूं भाई, ई चिट रो काई मतलब है ?”

“किसी चिट ?” मेघनाथ इचरज सूँ पूछ्यो ।

“कानां में कवा ना लै भाया, आ देख—

“आप आण निभावणी जाणो या नईं ?”

मेघनाथ विचार में पड़्यो । बीं जद पोथी पढी ही, तो उण में कोई चिट-चिट ही कोनी । वो समझ्यो कै चिट सिंपल री हुवणी चाईजै । पण इण बात नै बिना प्रगटचां वो बोल्यो—“लाइब्रेरी री पोथी है, अनेक हाथां में जावै, अर पाठक आपरी मरजी रा मालक है । हूं सोचूँ कै पुस्तकाय री पोथी मांय सूँ जिको पढार फोटू नईं फाड़ै वो युधिष्ठिर रो अवतार है अर जिको पाना नईं फाड़ै, वो कृपालू पढार है ।” इण तरै मेघनाथ चिट री बात नै हवा में उडाय दी ।

दूजें दिन मेघनाथ 'अनोखी आण' माथें कागद रो पूठो चढायर फेर अस्पताळ लेयग्यो । जद लिम्पल पोथी मांगण नै आई तो मेघनाथ जाणर पूछ्यो-येन है आपरें कनै ?

सिम्पल ब्लाउज सूं टंग्योड़ो पेन भट काढर भलावण लागी, तो मेघनाथ कैयो—मनै लेवणो कोनी, थोड़ो इण पोथी माथें नांव लिखणो है ।

सिम्पल ठिठकती बोली-हैंडराइटिंग एक्सपर्ट बणन री जरूरत कोनी । मन में कोई संका है तो आप मनै पूछ सको हो । मिनख हो ये, इत्ता क्यूं सरमावो ।

मेघनाथ गूंगो हवै ज्यूं सामो भाकण लाग्यो । सिम्पल बोनी—चिट म्हारी लिख्योड़ी है । उणरो उथळो जवानी नई, लिखावट में चाऊं ।

सिम्पल गई परी । मेघनाथ बीरी स्पष्टवादिता माथें मुग्ध हुयग्यो । उणां रो मिलणो बधतो गयो अर इत्तो बधयो कै चरचा रो विषय बणन लाग्यो । छेवट बारें व्याव रो दिन नक्की हुयग्यो ।

व्याव रीं कूंकूपत्री लेयर मेघनाथ करनल सिवनाथ सिध रें घरे गयो जिका अळगै रिस्तें में काको लागता हा ।

कूंकूपत्री वाचर सिवनाथ सिध घणा राजी हुया अर बोल्या—सात मिनंबर नै गिरजाघर में रात नै आठ बजी व्याव हुसी । घणो आछो । देख भई, व्याव गिरजा घर में हुसी जिको तो ठीक है, पण बीन बणती बगत रजपूती फंटो, तरवार तो बांध-सीक ?

मेघनाथ बोल्हो आपरो हुकम हुसी ज्यूं ई कर सूं ।

सिवनाथ सिध कैयो—सात बजी सीक अठें आय जावें तो हूं सावळ हंग सूं तयार करदूं ।

सिम्पल अस्पताळ रें स्टाफ रें सिवाय अठे रें दूजें ईसाई परवारों में भी निमन्त्रण बांटचा अर वंटवाया ।

आठ बजण आळी हो, पण हाल बरात्यां री तरफ सूं कोई चैळ-पैल दीसी कोनी । सिम्पल घड़ी-घड़ीवार उठे अर आपरी आंखयां अळगी-अळगी पूंचावें पण.....

आठ बजगी ! बरात आई कोनी । आदमी निगे करणनै गयो । मालम पड़ी कै बीन घर में कोनी । मांढी लीग परेसान हुयर घटै—दो घटै बाद, मन में, बीन-

बीनणी नै आसीस देवता आप-आपरें घरे गया ।

दूजै दिन छापें में खबर आई—“सिम्पल री सादी डिस्मिस । मेघनाथ नांव रै युवक प्रेम रो सांग रच्यो अर बापड़ी सिम्पल नै धोखो दियो ।”

सिम्पल माता मरियम रै सामनै हाथ करने सौगन खाई कै बा जलम भर कंवारी रैसी ।

मेघनाथ च्यार दिनां री छुट्टी बधावण खातर घर सूं अरजी भेजदी ।

जद वो काम माथै हाजर हुयो तो मालम पड़ी कै सिम्पल दिन री दिपटी में है । दूसरै दिन मौको देखर वीं सिम्पल सूं मुलाकात करण री कोसीस करी । पण सिम्पल रो लावण्य उडग्यो, चंचळता मिटगी, हरख री जागा घोर विषाद सूं बीरो चैरो काळो राख हुयग्यो । वीं मेघनाथ नै देख्यो पण अणदेख्यो कर दियो । बीनै ठा नईं ही कै इसो विस्वासघात भी हुया करै है ।

मेघनाथ री भी हीमत पड़ी कोनी कै बात कर सकें । आपरै एक कवि भिन्न नै गाथा सुणई अर एक पत्र लिखवायो—

“सिम्पल,

हूं तनै आ भी लिख सकूं कोनी—‘प्यारी सिपल’ कारण मैं थारै सागै जिको बरताव करयो है, बीरें पछें थारै सागै इसा विशेषण लगावण रो म्हारो इधकार खतम हुयग्यो । हूं सोचूं, मनै इण धरती माथै जीवण रो इधकार भी कोनी । पण सिम्पल, मरणो भी तो हाथ री बात कोनी । म्हारै हिरदै नै जिकी व्यथा हुई है बा कागद में तो काईं लिखीजै, थारै सूं मित्यां भी बरणीजै कोनी । हूं थारी दया रो पात्र कोनी, पण सिम्पल, तो इत्ती सिम्पल है कै मनै भरोसो है, एकर मिलण रो मौको देसी ।

हूं, वस हूं ।

दूजै दिन मेघनाथ ओ पत्र सिपल री दर्राज में घाल दियो । कागद बांचर सिम्पल माथो भालनै खुरसी माथै बैठगी अर बीरो माथो गरणावण लाग्यो । जद धोखो दियो तो फेर अबै अँ कागद काईं माथै मांगै ? पण वीं कागद नै फाड़्यो कोनी । एकर फेर वाच्यो अर आपरी जेब में घाल लियो ।

कागद रै लारलै पासी मेघनाथ लिख दियो कै जे इण रो तूं प्रतिवाद नईं करसी, तो हूं आज रात नै दस बजी थारै क्वार्टर में आसूं ।

सिम्पल प्रतिवाद करणो अथवा मेघनाथ सूं बोलणो भी चावती कोनी । अबै सोचण लागी कै रात नै घरे लाघूं या नईं, अथवा बारणो खोलूं क

नई ।

मेघनाथ रै नांव अर सकल री वीनै सृग आवण लागी, पण फेर भी कोई इसी प्रेरक सगती ही कै वा वारण रा किवाड़ जड़ सकी कोनी अर ठीक दस वजण सांग मेघनाथ घर में आयग्यो । सिम्पल पिलंग माथै बैठी ही । मेघनाथ सामलो खुरसी माथै बैठग्यो । हफ्त भर पैली जिकां रा काळजा एक-मेक हुयोड़ा हा, वां में कित्ती चवड़ी दरार पड़गी आ बठे निस्तब्ध वातावरण सूं ठा पड़ती ही ।

मेघनाथ भाटै री मूरत ज्यूं बैठग्यो, अवोल, अणवोल । छेवट सिम्पल बोली—हुई जिकी बात तो हुयगी, अब आपां नै आपस में नई मिलणो चाईज । माता मरियम रै आगै में कंवारी रैवण री सीगन खाई है ।

मेघनाथ कैयो—सिम्पल, म्हारै आचरण माथै हूं नजखाणो हूं । एण घटना में दोस म्हारै काकै रो कोनी, म्हारी लत रो है । काकै म्हारै आगै (जाण-बूझर) दारू री बोतल खोल दी अर हूं बोतल खाली करनै बठे ई गुड़-दापेच हुयग्यो । काको आपरै उद्देश्य में सकल हुयग्यो । पण सिम्पल जिका दो हिरदा आपस में मिलर एक मेक हुवणा चावै, वानै न्यारा राखण छाळी ताकत दुनियां में कोई कोनी । हूं आपां रै प्रेम री कसम खाऊं कै आज मूं दारू रै हाथ ई लगाऊं कोनी । देवी ! तूं म्हारी पूज्य है । मनै थारै चरणों में रैवण दे । ” कैयर वीं सिम्पल रा पग भाल लिया । जद पग भाल्यां-भाल्यां वीनै नींद आयगी, तो सिम्पल उठर गली रै वारण रा भोगळ कूंटो ढक दिया ।

ॐ

—सोनगिरी रो कूवो,
बीकानेर (राजस्थान)



बधती डाक खरच अर म्है

श्री साँवर देइया

आजकाल जिन रफतार सँ मौघाई बध रैयी है, बीं रफतार सँ तिणखा कोनी बधै। सरकार बीस रुपिया बधावै अर घर रै बजट में त्तालीस रुपियां री बधोतरी हुय जावै। अठै रा ज्ञाणियां सरकार करतां स्याणा है। इसै मामला में तो बै सरकार सँ चार पांवडा आगे ई चालै। जीवणो जरूरी है इण खातर आं खाडां नै बुरण खातर केई जरूरी चीजां में कटौती करणी पडै। खावण पीवण सँ लेयर पैरण ओढण ताई री जरूरतां नै कम करणी पडै। पैण हर बात री एक सीमा रैवै; अवे आं चीजां में कटौती री गुंजाइस कोनी रैयी। कारण क पैन्ट छोड़ र पजामो अर पजामो छोड़ र लंगोटी ताई तो हिंमत कर सकां हां, पण इण सँ आगे काई पैरां, हालताई कीं समझ में कोनी पड़ी। समझ री मशीन अठै जाम हुवण र कारण म्हारी निजर अवे डाक खरच कानी गयी है।

जमाने री हवा बिगडचोड़ी है। ई हवा रो अमरा भारत सरकार रै डाक तार विभाग साथे भी हुयो। छव पइसा आळ पोस्ट कार्ड री दस पइसा हुया अर दस सँ पछे पन्द्रै हुया। कदैई ई पोस्ट कार्ड री कीमत पइसो दो पइसा ई जरूर रैयी हुवैली। अन्तर्देशीय अर लिफाफ भी भावां रै भतुलिये में पंजग्या अर बांरी कीमत पच्चीस अर तीस पइसा हुयगी। आंरी कीमत रो मूण्डो आभै कानी उठतो देख र म्हने तितुकी चिट्ठी पत्री बावत गम्भीरता सँ सोचणो पड़ रैयो है !

आज ताई तो जियां कियां ई म्है म्हारे डाक खरच नै धिकावतो रैयो हूँ, पण आं बधती कीमतां र कारण म्हने म्हारी आइतां में सुधार करणो जरूरी

लखावण लाग्यो है । ठीक ई तो है, सुधार करण में हरज काई है ! आपां तो जलमजात सुधारवादी हां ! बल पड़ता जाली भोगेखा राखण रा संस्कार तो आपां रें खून में है ई !

म्हें केई वरसां सूं गांव में पड्यो हूं । जोर काई करूं, नौकरी करणी है । नौकरी छोड़ण रो सुपनो नईं आ जावै ईं डर रें कारण म्हें सावळ सोवूं न्यारो कोनी ! अर जायूं जएँ घर आळा नैं कागद लिखण री मन में आवै । पैली तो म्हें घर आळा नैं हफत में दो कागद लिख्या करतो, पण पोस्ट कार्ड री कीमत दस रुपया हुयां पछै हफत में ओक कागद लिखण लाग्यो, अर जद सूं पोस्ट कार्ड री कीमत पन्दे पइसा हुयी है, म्हें घर आळां नैं दो हफता में ओक कागद लिखूं ।

घर आळां नैं कागद लिखतो जणा लुगाई नैं ओक कागद लिख्या करतो । सरू में तो लिफाफो भेज्या करतो । लिफाफे में तीन-चार पानां रो लम्बो प्रेम पत्र घएँ आराम सूं लिखीज जावतो । पण प्यार रो बुलार मौंवाई री मार सूं कम हुवण लाग्यो अर लावर हुयर म्हें अन्तर्देशीय कागद री शरण लेवणी पड़ी ! पण मौंवाई तो सुरसा दाई बघ्यां ई गयी । जद सूं अन्तर्देशीय री कीमत पच्चीस पइसा हुयी है, म्हें प्रेम पत्र भी लिखणा बन्द कर दिया । म्हें लखावण लाग्यो कै लुगाई रें फूठरें फरें चेहरें नैं देखर कोई उपमा ई कोनी उपज । कठै तो म्हें वीं रें पाण आयोड़ा जीवन माथे महाकाव्य री लिखण री मोच्या करतो हो अर कठै आज हाइकू ई कोनी लिख सकूं-चार ओळचां मांडणी दूर तो रेंगी ! इणी कारण आजकाळ जद घर आळां नैं कागद लिखूं तो छेकड़ में दो ओळचां लुगावड़ी रें नांव ई घस नाखूं । जियां कै अउं म्हें राजी खुशी हूं अर थारो सरीर मजें में हुवैला । आ जानता थकां कै आज रें इण घोर मिलावटी जुग में किणी रो सावो सातो रैवणो हंमा खेल कोनी ! मिलावट रें कुप्रभाव सूं लोग राम शरण हुय रैया है । जिका जीव है, वारी सांसां लारें बडेरें रा पुन आड़ा आयोड़ा है !

घर आळां रें अलावां थार भायलां नैं भी कागद देवण में खासा डील आयी है । पैली तो म्हें लंगोटिये भायलां नैं रस्ते वेंवतो ई कागद घस दिया करतो हो । म्हें जुकाम हुय जावतो तो वानें सूचना देवतो अर आठ दस रुमाल भेजण री ताकीद करतो—नाक सूं पड़तो पाणी पूंछण खातर ! पण अर तो टायफाइड हुय जावै तो ई वानें कागद नईं देवण री तेवेड़ ली है । इण सूं दो फायदा

हुसी-पैलो तो ओ कै म्हैं जेव सूं कटूं कोनी अर दूजो ओ कै भायलां नै म्हारी अणूती चिता कोनी हूवै । जीवण खातर आथड़तै लोगां रै कांधा माथे पैली सूं ई वेसुमार चितावां है-जणै म्हैं अक चिता और क्यूं बधावूं ? भायलां रो काम तो चितावां दूर करणो हूवै, बधावणो नीं ? अर जिकै में म्हैं तो भायलां रो खास भायलो हूं । बांरो पूरो पूरो ध्यान राखणो म्हारो फरज है ।

ठीक इयां ई होळी दियाळी माथे रामा स्यामा रा कागद दिया करतो हो-भायला पापेलां रै अलावा देस-परदेस गयोई सगा-सम्बन्धियां नै । पण आं दिनां तय करली है कै होळी खेल्यां पछै-खासा दिनां पछै-बांनै अक कागद लिख देसूं अर बीं कागद में ई दियाळी रा रामा स्यामा आगूं च ई कर लेसूं । स्याणा समझणा आदमी केई काम आगूं च ई कर लेवण री सलाह दिया करै । म्हनै लागै कै अबे बांरी सलाह मानण रो ठीक सर बगत आयग्यो है !

देस परदेस में बिरखा-पाणी किसान काई है अर खेती बड़ी रा हाल पूछण खातर ई कागद नई लिखणो री सोळै आनां धारली है ! आं छोटी छोटी बातां खातर घरू बजट नै पांगळो कारण सूं काई फायदो ? घरू हाल चाल अर बिरखा पाणी री बातां नित पूछण सूं म्हनै किसो 'अवेबार्ड' मिलणो है ? जे 'अवेबार्ड' मिलण री उम्मीद हूवै तो उम्मीदवारी में ई कीं 'रिस्क' ली जा सकै है ! बाकी इट इज ग्रेट रिस्क, टू टेक नो रिस्क "मानण रो जोश अबे कोनी रैयो । आज तो रिस्क सूं फायदो हुसीज, आ गारण्टी मिल्यां पछेई 'रिस्क' लेवण रो बगत हैं !

लेखकां नै कागद लिखण में भी खासी कटौती करी है । पैली तो म्हनै जिण री कविता का कहाणो दाय आवती, बीनै तुरंत कागद लगतो । बीं री तारीफ रा पुळ बांधतो । दूजो कागद पत्रिका रै सम्पादक नै न्यारो लिखतो । लेखक री 'मार्केट वैल्यू' बणावण खातर अ काम जरूरी हुया करै, पण जरूरी हुयां काईं सरै ? म्हारी करघोड़ी तारीफ नै बो लेखक चाटै का दूजां री करघोड़ी री तारीफ नै म्हैं चाटूं ? ईं लुक्खी तारीफ सूं किणी नै दाल रोटी तो मिलै कोनी । जे कोई दाळ रोटी री गारण्टी लेवै तो म्हैं ओ चक्कु खा सकूं । बाकी अठे गारण्टी तो मौत री ई कोनी ! जै'र तक नकली मिलण लागग्या है । पांच साल खातर चुणी ज्योड़ा मंत्री पांच दिन ताई मंत्री रैय जासी, आ पण गारण्टी कोनी ! इसी माड़ी हालत में गारण्टी री गारण्टी तो लेवै ई कुण ?

बै लोग म्हारै सूं जरूर नाराज हूवैना, जिकां रा तारीफ भरचा कागद म्हारै कनै आवै, पण म्हैं बांरा उथळा कोनी देवूं । बांनै जो कीं कैवणो हो, म्हैं

वांच लियो अर म्हारें कने वांनै कैवण खातर कीं कोनी । कोरो धन्यवाद देय र म्हें बीरी हिम्मत बघावणी कोनी चावूं । वो हिळ्यो-हिळ्यो फेर कागद लिखे अर म्हें फेर धन्यवाद देवूं, आ बात म्हारें जचे कोनी । आज रो दुनिया में सगळा सम्बन्ध 'प्रोफिट एण्ड लॉस' रो 'फिलोसफी' माथे टिकयोड़ा है । हालत आ है कै जे गर्व कने अक लाख रो बैंक वलेंस हुवे तो भले सूं भलो आदमी बीरो खोळायत बणण नै तैयार है—कोई तो इसा भी है जिका बीनै सागी बाप मानण नै तैयार बैठचा है !

डाकतार विभाग पोस्टकार्ड, अन्तर्देशीय या लिफाफां रा पइसा अर्बे श्रीर बघाया तो म्हें धार राखी है कै जिकां नै भी कागद भेजसूं, बैस्से-वांनै बैरंग भेजसूं । जे वांनै सभाचारारी गरज हुसी तो भल मार'र कागद छुडासी ! अर जिका भायला-सगा बैरंग कागद नीं छुड़ावैला, वां सूं पछे हमेशा खातर जै राम जी रो ! वं आपरें घरां राजी, म्हें म्हारें घरां राजी !

मोंघाई रो मार सूं मरतै लोगां रै ई देश में अक वगत वो भी आवैला जइ अक वरस में अक कागद लिखणियां रो नांव आंगळियां माथे हुवैला ।

म्हारें अर दूजें लोगां रै आं तीर-तरीकां सूं डाकिये नै खासा आराम पुगैला । बीरै थैले रो भार हळको हुवैला ! बुववार नै ई इणी गिणी डाक बांटणी पडैला !

आं बातां सूं डाकतार विभाग रो आमदनी माथे बुरो असर हुवैला । हुग सकै, सरकार सूं वो घाटो बरदास्त नईं हुवे ! इण सूं देश रो अर्थ व्यवस्था पांगळी हुवण रो खतरो भी सामे है । पण अठे देश रो चिंता करण रो फुरसत किणनै है ? सगळां नै आपो आप रो चिंता लाग्योड़ी है । अबार तो देश रो चिंता सूं खुद रो चिंता घणी भारी है । अरओई कारण है कै म्हें म्हारी चिंता करण लाग्यो हूं । थांरी थे जाणो, म्हनै थांसूं काई मतलब ।

०

हायर सेकण्डरी स्कूल,
नोखा (बीकानेर)

इण धरती माथै

श्री. दीन दयाल ओझा

घाल गयो है कोई

आंखियां आळो

ऊंधै पथ

म्हारै सूधै चालितै

नैण हीण पगल्यां नै

तिरसाय गयो है कोई

पाणी वालो मेघ

म्हारै भरियोड़ै घड़ै नै फोड़

इण तपतै

धोरै माथै छोड़

म्हारै चारुं मेर

कील गयो है कोई

अवणायत वालो चुणियोड़ो माणस

गरीबी, भूखमरी अर मंहगाई री भायप

ओळखाण नीं कर सकी

कात्योड़ै सूत री

अळभाय गयो है कोई

भांत-भांत री आठियां नै

कोई सुळभियोड़ो माणस

खैर ! कोई बात नों
 पण म्हने पतो लाग गयो के
 किसान हुवे
 आख्यां आळा, पाणी आळा'र
 अपणायत आळा
 इण धरती माथें

०

विनाणियां रो चीक
 वीकानेर (राजस्थान)



थारै लाम्बा जोडूं

श्री हरीश भादानी

थारै लाम्बा जोडूं हाथ
 उनाळा थिड़ी-थिड़ी कर ऊभ
 पगलिया ले ले रे....
 थारी मावड़ लू वळता खीरां सूं
 सीची सारी रेत जी
 थारी आंधी वेनड़ रा रोळा सुण
 रूस्या रसिया खेत जी
 पाळसिये में जंवरा पूजूं
 क्वारै हाथ कळसिया ढोळ हूं
 म्हारो जतना चींत्यो थाळ
 तीज रो घी सीज्योडो खीच

ग्रामली ले ले रे

थारै.....

म्हारी भातो ले जाती भावज रो

रुड़ो रूप ममोलियो

कोढ़ी तावड़ियो भरै चूंटिया

घुरड़ें घिरें भतोळियो

जे तू बोलै बैरो थारै

ओळा और मखाणा घोळ दू

म्हारै डोवै रांघी राव

राव में मोळी-मोळी छाछ

सबड़ का ले ले रे.....

म्हारो अणमण पिणघट पड़्यो उडीकै

सोनलदे पणिहार नै

म्हारी खूँटी चढ़ियोड़ी ईंढचाणी

जोवै है सिणगार नै

जे तू बोलै तो चौभार्ट

रोटी पेड़ा टाळ दू

म्हारै आंगणिये रमभोळ

मटक्यां मांडयोड़ी अणमोल

उतारो ले ले रे

थारै लाम्बा जोड़ुं हाथ

०

छबीली घाटी,

बीकानेर

दो अक्टूबर रो दिन

श्री विक्रमसिंह गुन्दोज

आज राजघाट पे
कफरू लागो
काल
लाठी अर गोळी चलैली ।

मन लागै
म्हारै देस में
दीवाळी आवण सूं पैना
एक होळी बलैली ।

वापू !
उगाय गयो थूं
वरावरी री बेलड़ी
अबै और फलैली ।

वत्तीस वरसां में
भड़गिया फूल लाखीणा
फळ सारा सडबा लाग्या
वांरी अबै गंध फूटैली ।

इण भारत में
मचीया कई माभारत
फेरूं भी अठै अपणी अपणी
ढफली तो यूं ही बजैली ।

ऐस 'तो अश्रु' गैस
 कपयूँ नै पथराव सू'
 भनाई है गान्धी रो जयन्ती
 आगासूँ काई ठा कियाँ मनैली ।

राजस्थानी शोध संस्थान चौपासनी,
 जोधपुर (राज०)



आसावाँ रा मांडणा

श्री दीपचन्द्र सुथार

समन्दर री लैरा ज्यूँ
 आवण वाली
 मुसिबतां सूँ
 मत धवराओ
 सत्कार करौ
 गळ लगाओ
 समझो वड़ापणी
 फूलां सूँ मौकतो गुळदस्तो
 भेंट खातर
 पग—

दासै माथै मेल्यो है ।
 नित हरधा-भरचा रैवण वाळा रुता
 नीं जाण्यो मरम
 पतझड़ रै पानां री ।
 सीपी रै मुख मांय
 जद वूंद गीरी / तो
 तोल ह्यो है
 घोणा री जद् तार हिल्यो / तो-
 गीतां री भोल ह्यो हैं ।
 घूप-छांव सूं जुड़ी कड़ी री नांव-
 जीवण है ।
 हिलमिल घर्गं घर्गं हेत सूं
 दोनूं घाटां रा फूल चुगां
 दीप जळावां
 मुपनां रै मारग माथै
 घामावां रा मांडगा मांडा
 जीवण नै
 सारथक बणावां ।

मेड़ता सिटि, जिला-नागौर (राज०)

७



बोल बतलावण

श्री संतोष पंडित

आथण रै पो'र रा कोट गेट रै बीचलें दरवाजें सूनं रोजीनै रा दो आदमी वातां करता नीसरै । मैं आं दोनूं आदम्यांनै लारलें कई दिनां सूनं देख रैयो हूं । अरै तो खैर ! मैं आं दोनूं जणानै आछी तरें सूनं जानै भी लागग्यो हूं । अं दोनूं जणा राजस्थानी भाषा रा जाणीता-मानीता दिद्वान हैं । अं मोटभरजाद सूनं अळगा, नांव री भूख सूनं आंतरै, अभिमान री आंधी सूनं ओलें अर राग-दोष सूनं साव न्यारा रैवणियां है ।

अं दोनूं साठ वरस री आयु सूनं ऊंचा कोई सत्तर वरस रै अड़गड़ें पूग्योड़ा है । ता पछे पण आंरो चै'रो देखें तो लागै जाणै कासमीरी सेव हुवै । आंरी अं मोटो-मोटी दीया-सी काजळिया आख्यां, भांटीपै रै राजपूत री-सी लाम्बी अर ऊंची नाक अर ओ गंगासाही ओपतो अर दीपतो डोळ कै मिनख देखें तो देखतो हीज रैय जावै । लखदाद है आंरी घी-दूध सूनं सींचीजर निगळीज्योड़ी कायानै । आंनै कोई वूढो का डेण कैयर ठा तो पाड़ो अर पछे देखो कैड़ी सतेवड़ी करै उण कैवाणियै में पण अंतस सूनं विराजी हुयर नीं खाली आ दरसावण सारू हीज कै वूढा तो वै-हैं जिकारा जवाड़ा बैठग्या है, आख्यां गुडगी है, दांत खोखा खिरै ज्यूं खिरग्या है अर वारो दो पगोथियां माथें पग मेलतां ही सास डैर कै चढ जावै । वै ऊभा हुवै तो गोड़ा रै हाथ देयर हुवै अर तिरवाळो-सी आवण नें लाग जावै । बोलें जणा जाणै कै सास नीसरसी । बैठें तो जाणै कमरी ऊंठ बैठ्यो हुवै । डोल सूनं अड़ा थाकोड़ा जाणै कै मरी री मा हुवै ।" वारो ऊजर कै "म्हे वूढा कूंकर ! हां, अवस्था पायोड़ा जरूर हां, जिकै सूनं कोई डेण, डोकरा अथवा वूढा थोड़ी ही हुग्यां हां ? आजरै जुवानानै तो कड़खै वंठावां हां, चावै तो कोई सामें आयर ठा कर सकै है । पण आजरा छोरला कै कोई सामें

आवण री हिम्मत बांधसी ? जिका बापड़ा आखो दिन चाय रा ओठघोड़ा कय चाटता रै'वै, चूरट चूसता रै'वै, अटल घाट पावड़ी घड़ता रै'वै । दूंगारै तावड़ियो लागै जद उठै, तेरी-मेरी तेरी-मेरी करता सोपो पड़्यां सोवै अर तेरी-मेरी तेरी-मेरी करता अर का घलियो माई घातियो माई करता हीज जागै ।”

बामें सूं एक जणो बोल्यो “आ बात साव साची है, आज काल रों सरतर इसो हीज है । वैं आगली बातें आज लारली गळ्यां गड़ परी । जद हीज अई आदम्यां री बुधि गुदी में आपरो विसराम बळ वणाय राख्यो है, पण आपणी बलाय सूं लागो लाय, आपां नैं आपणू काम करणों चाहिजै । दूजा करै ज्यूं आपां थोड़ी हीज करणनै लाग जासां ? अर जे आछी बात हुवै तो केठा'क करणनै भी लाग जावां पण भई मारण में भूल कर'र पण नीं पग राखां ।”

अैं दोनू जणां अई बातें करता आज सागीड़ा जोममें भरीजथा । मैं भी आज आंरी बातें मार्यै झहारा कान वोट'र ध्यान दियो तो बामें सूं एक जणों बोल्यो “अई फोरै सुभाव आळै आदम्यां नैं भावैं कित्ती हीज सूं स दिरावो, पर-तिग्या करावो अर चायै कित्तरी हीज सीख देवो पण आरैं चोबड़य घड़ै छांट लागै तो सीख लागै ।

जारा पड़्या सुभाव जासी जीण सूं

नीम नः सीठा होय, सींचो गुड़ घीव सूं

आनै कोई होळी-ठाई चावै कियां दीज समझावै पण अैं फिसा मानै ? रावण रै तो वा हीज भावण । सायरां कैयो है—

सीख सरीरां ऊपजै दिया लागै डाभ

अई डाभ खायर भी राजी हुवै कै आगलै रों बळीवो तो बळ्यो'क ! जद आंरो कोई के करै ? अैं तो वैं है के गेलारै ! गांव मत बाळी, कै भली चेताई ।”

दूजोहो बीच में ही ओठो देतो बोल्यो कै “थे वा सुणी कोयनी के कै एक गांव में अई ही एक लुगाई ही उणनै बीरो घणी ज्यूं कैवतो वा उण सूं उळटो काम करती । उण रै घणी एक पिडत सूं सला कारी के ‘म्हारै पिताजी रों काल दिन सराध है पण उपाय कोई करां लुगावड़ी ऊंधी पड़ै ।’ पिडत सलादो कै ‘तू पैलां सूं हीज ऊंधो बोल फेर-देख मजा ।’

घणी आपरी लुगाई नैं कैयो कै ‘काल बावै रों सराध है । लुगाई भूजती बोली ‘जिको के करां ?’

घणी कैयो ‘करो के, कीं करणो करावणो को है नीं ।’ जणा लुगाई कैयो-

‘क्यू’, करसां भी ।’

मिनख कैयो—‘तो सीरो अर खीर कीनी करणी है ।’

लुगाई बोली—‘हूँ तो दोनू चीज करसूँ, थारो के लियो !’

मिनख बोल्यो—‘बामण को जिमावणां हूँ नीं भजो’क !’

लुगाई पाछो कैयो—‘हूँ तो गांवरा आखा बामण जिमाय सूँ ।’

मिनख—‘खैर । पण दिछणां रो रिपियो मत देय राळी !’

लुगाई—‘क्यू’ तो दो दो-दो रिपिया दिछणा में देसूँ भी ।’

मिनख—‘पण होम आळी सामगिरी पीपळ में नाखणी है ।’

लुगाई—‘हूँ तो होमायत आळी चीजां अकूरडी पर नाख सूँ भी थे कीं करो ज्यूँ कर लेया ।’

अंडा मिनख सावळ कैयां कावळ पड़ जद कोई के करल्यै । अं मानै तो मानै आपसूँ, नीं मानै सागी बाप सूँ । अं तो बाळणजोगोड़ा, खोड़ीलै सुभावरा, कुटार डांगरा अर बिना मूरी रा तापडिया तोड़ता टोडिया हुवै, ज्यूँ हैं । अं न बुचकारचा काम देवै अर न पळूस्था । मूरख अर मूँज कूटचां काम देवै पण आं कुमाणसां नै कोई कूँकर तावै अणावै ।’

इणी बोल बतळावण नै आगै बधावतो भळे दूसरो जणां बोल्यो “आ बात साव साची है, मोटै अर भलै कामरी समभावणी वेगी—सी समझ में को आवै नी । जिकै हाथी देख्यो कोनी, कानां सूँ हाथी रो रंग—रूप सुण्यो कोयनी उरणै के ठा कै हाथी किसो’क हुवै ? आंधां मिल’र हाथी रँ घफी घालली, वानै किणी बूझ्यो कै ‘हाथी किसोक हुवै ।’ उणा में सूँ एक आंधळो बोल्यो ‘हाथी मुसळ जिसो हुवै, दूजोई सूरदास कैयो ‘ना, हाथी तो खंभै जिसो हुवै, तीजो आंधळो बोल्यो ‘हाथी तो लाव जिसो हुवै ।’ चोथै कैयो ‘हाथी तो छाजलै जिसो हुवै ।’

आंधां एक जगै सूँ भाल’र पूरै हाथी रो पिछाण नीं कर सकै । जिकै री जिति समझ में आवै वो उतरी हीज बात नै परमाणित कर सकै है पण कई भाई कूडी हीज फाँफ मारता नीं सरमावै, वारो कोई कै करै ?

दोनूवां में सूँ एक जणो भळे बोल्यो “मिनख नै वेअरथो बकी नहीं पकड़ी राखणी चाहिजै । जे किणी भोळै भूल सूँ काई बकी पकड़ भी ली तो उणनै छिटकाय देवणी चाहिजै । आदमी नै मांयलो ज्ञान राख’र भैस रो सींग लपोदड़ नांव छोड़’र जै सीताराम बोलणो चाहिजै । मिनख नै करण जोग काम करतो जावणो चाहिजै पण जे किणी काम रो कसमाड़ो नीसर तो दीसै तो

न्याऊ काम न अळगें सूं ही आदेश कर लेवणो चाहिजे ।

इतरें में नासकरी मोड़ आयगी अर दोनूं जणा आपरें घरे जावण मारु
अठें सूं फंटय्या । इणी वात नें स्यात वें काले भळे आगें बघावेंला, का नीं बघावेंला,
वें हीज जाणें ।

०

द्वारा-माहेश्वरी सेवक, दीकानेर

गौरव गाथा: उमेदसिंह शाहपुरा

डा० राजकृष्ण दुराड

काल नदी बहसी किता, बीदज कहसी वत्त ।

भारत तणो उमेदसी, रहसी रांगा वत्त ॥

राजा तूं रहियो रिधू, हिंदवाणी कुल भांण ।

जातां जुगां न जावसी, कांरत रा वाखांण ॥

कराल काल री नदी सूं उबरने आपरे जस री पताका फहरावण वाळो, हुवती रजपूती री लाज राखण वाळो, मरेठा री जंगी फोजां सूं आपरी छाती रे पांण जंग लेवण वाळो, राजस्थान री घरती ने आपरा खून सूं सींचण वाळो, सांची रजवट रो धणीं हो शाहपुरा रो राजा उमेदसिंह । आपरे खागां री भाट सूं रणभूमि में बेरियां री लोयां पाड़तो, अदम्य वीरता नें साहस सूं जंगी सूं जंगो ताकत ने चुनोती देतो राजा उमेदसिंह आपरे जुग रो एडो शक्तिशाली, साहसी ने जुंभारु जोधा हो जिणरे कानी राजस्थान रा सगळा राजा महाराजा मदत री आस सूं वाट जोवता हा । राजस्थान रा इतिहास में आपरे जीवन काळ में आपरी छाती रे पांण इतरो जस पावण वाळा राजा कमहीज हुआ है । जीवन भर दुसमणां सूं लोहो लेवण वाळा राजा उमेदसिंह री प्रशंसा कवियां मुक्त कठ सूं कीधी है । चार चार कवियां ने लाख पसाव देवण वाळा राजा उमेदसिंह पर प्रचुर परिणाम में काव्य रचना हुई होवेली, पिए आज जो थोड़ी बहुत भी रचनावां मिले है उणसूं राजा उमेदसिंहजी रे वीरता ने साहस री गानगी भलीभांति मिले है ।

राजा उमेदसिंह रो जनम सोमवार कार्तिक मुदीं सातम संवत १७२५ ने हुयो

ही । वारे जनम रे एक बरस पछे ही मरेठा मालवा में लूट खसोट करणो सह कर दियो हो । तीन बरसां ताईं मालवा में लूटपाट करनै २६ नवम्बर १७२८ ने उण पर पूरी तरह सूं आधिपत्य जमाय लियो । इणरे उपरांत मरेठा राजपूताना में आय पूगा ने इणी मरेठा आक्रमण करियां सूं जंग करतां राजा उमेदसिंह ७० बरस की उमर में छिप्रा नदी रे तट पर सुरगवासी हुआ ।

उमेदसिंह शाहपुरा रा राजा भारतसिंह रा पाटवी हा । आपरा बचपन सूं ही उमेदसिंह आपरी वीरता, साहस ने प्रवृत्ता रे कारण सगळा राजपूताना में मशहूर होगिया । वारे पिता की गेर-मोजूदगी में जद मेवाड़ रो जंगी फोजां शाहपुरा ने घेर लियो उण बखत उमेदसिंह मेवाड़ की फोजां रो डट ने मुकाबलो कीधो नै पछे बेधड़क अकेलो ही महाराणा रे दरबार में पूग गियो । सन् १७२३ में जोधपुर रा महाराजा अजीतसिंह रे खिलाफ जद शाही सेना अजमेर पर आक्रमण करियो उणरो सेना नायक उमेदसिंह ही हो । सन् १७२६ में राजा भरतसिंहजी शाहपुरा शासन रा कुछ हकूक युवराज उमेदसिंहजी ने सूंपिया । युवराज आपरे पिता की वृद्धावस्था देखने सगळा हक हकूक खुदोखुद ले लिया ने वारी मृत्यु रे उपरांत दिसम्बर १७२६ में शाहपुरा की राजगदी पर बैठिया ।

उण बखत राजपूताना में उथळ पुथळ रो दौर चलरियो हो । मुगल साम्राज्य रे कमजोर होवण सूं राजपूताना की बड़ी बड़ी रियासतां में शाही खालसा परगनां नै आप आपरे कब्जा में करण सारू कशमकश चाल रही ही । अजमेर रे दिखण रो सारो प्रदेश षड़यंत्र, उपद्रव नै लूट खसोट रो केन्द्र बण गियो जिन सूं भील नै मीणा सरीखी जातियां भी उपद्रव करण लागी । बठोने भी दिखण पूर्वी राजपूताना में दूर दूर ताईं घुसने लूट खसोट करता चौय वसूल करण लागे । नादिरशाह रा हमला सूं मुगल सल्तनत रो संगठन छिन्न भिन्न हो गियो नै राजपूतानां रा शक्तिशाली राज्य गृह युद्ध रो चपेट में आगिया । हर कोई अपनी ताकत अधिकार ने रतवो बढ़ावण मे लाग गियो ।

ऐड़ी परिस्थिति में शाहपुरा रा उमेदसिंह जिड़ा साहसी वीर रो महत्त्व बढ़णो लाजमी हो । सबसूं पेली आपरा राज्य में उपद्रवी मीणा नै भीलां रो दमन करने वे आपरा विरोधी ठिकनादार भाई बंदा रो कड़ाई सूं दमन करियो । उमेदसिंहजी आपरी फौजी ताकत इतरी बंदाजी के राजपूताना रा जुदा जुदा शक्तिशाली राज्य वाने आप आप की तरफ करण सारू निरंतर कोशिश में रेतो हा । उमेदसिंहजी उण परिस्थिति रो पूरो लाभ उठायनै सैनिक सहायता रे बदले बड़ी बड़ी रियासतां

सूँ जागीरां लेयने आपरा राज री बढोतरी करी । सन् १७३८-३९ में जोधपुर सूँ १७४१-४२ में जयपुर सूँ ने १७४३-४४ में कोटा बून्दी सूँ उमेदसिंहजी ने कितरा ही गांव जागीर में मिल्या हा । मेवाड़ रा जहाजपुर परगना ने भी आपरा राज में मिलावण में उमेदसिंहजी सफल रिया ।

किएली भी युद्ध मे एक पक्ष रो साथ देवण रे पेली उमेदसिंहजी सूब सोच विचार ने मनसूबो करता हा । गंगवाना रा युद्ध में राजा बलरामसिंहजी रे गिलाफ वे महाराजा सवाई जयसिंहजी रो साथ देयने ऐहो जबरदस्त युद्ध करियो के वारी वीरता रो वृत्तान्त दूर दूर ताई फैल गियो न सव कांती वारी जस पताका फहरावण लागी । मातीता कवि कृपाराम मेहड़ उण युद्ध रो वरणन करतां लिते है—

लियां भूप उमेद गजगाह लड़ लोहड़ां

लागियो डांण गजगाह लटकै ।

वेख गजराज गत रांगिया बसतसी,

खांत कर हिए गजराज खटकै ।

कवि अनूपराम कविया उणी जुद्ध रो वरणन करतां केवे है ।

समर महि धाड़ अवनडा उमेदसी

इनो जग तीख सवन आज ।

आठपो भाग गिरराज रो गयो उड़

राखियो अडिज अणियां सहित राज ॥

एक दूजो कवि अजमेर सर करण रो साथ रो गीत लिखतां केवे है ।

भूप उमेद अने नृप भारथ,

सुलह कियां नृप खेध सही ।

मेरपाट लज आण मनाई,

रेण सदा अणमेद रही ।

रजपूतां री साथ जकां रे,

कूतां री भरलाट करां ।

सकल कहे जावे सूतां री,

धूतां री किम जाम धरा ।

नवकोटी मारवाड़ री फोजां रो मुकाबलो करणो उमेदसिंहजी जेड़ा साहसी रे ही हिम्मत रो काम हो । उण जंगी फोजां सूँ जंग जीतने आपरी घजा फहरावण वाला उमेदसिंहजी रो वरणन करतां कवि केवे है—

जड़ लगे बाज करतां जांगी, मदहर भरता करता मोद

होदां सहित कमध रा हाथी, समहर कर लायो सीसोद ।

नव संहस सूं युद्ध कर निकस्यो, कूरभां तणा सुधारण काज

आरस जीत उमेदसी आप्या, गाजवै गहराडेरं दुय गजराज ॥

गंजवाणा रे युद्ध रे सिवाय वृन्दी में रावराजा बुधसिंह रा बेटा उमेदसिंह हाडा ने वृन्दी री गदी पर बिठावण सारू जयपुर राज्य सूं युद्ध जीतण में उमेदसिंह जी रो पूरो पूरो हाथ हो । इण युद्ध में वे उदयपुर रा महाराणा जगतसिंह जी ने पूरो पूरो सहयोग दियो । इण मदत सूं खुश होयने महाराणा जगतसिंहजी वाने मांडलगढ आगूंचा आद कितरा ही गांवो रो पट्टो दे दियो ।

उमेदसिंहजी रे जीवन रो सबसूं लूँठो सबसे तेजवान ने सबसूं प्रसिद्ध प्रसंग है महाराणा री मदत सारूं उजेण में लड़ियोड़ो वो युद्ध जिणमें मरेठा री जंगी फोजां सूं टक्कर लेतां वे रणखेत में पौढ गया । मरेठा जद जंगी फोजां लेयने उदयपुर पर हमला करण सारूं उजेण कानी सूं बढण लाग्या, तद महादाजी सिधिया री शक्तिशाली फोजां ने उदयपुर सूं दूर राखण सारूं उमेदसिंह फोजां लेयने उज्जेण पूग गया । तीन दिनां ताईं छुटपुट हमला रे पछै चोथे दिन १६ जनवरी १७६६ ने उमेदसिंहजी री फोजां जबरदस्त हमलो करियो । मरेठा रा पैंतीस हजार घुड़सवार सेना मांथे उमेदसिंहजी पांच हजार सवारां सूं आक्रमण करत मरेठा ने करारी हार दीधी । पिण जीत री खुशी में मस्त मेवाड़ी सेना री असावधान अवस्था में जयपुर री रतनामी नागा साधुवां री उणी टेम पूगियोड़ी १५ हजार री सेना अचानक हमलो कर दियो । राजा उमेदसिंहजी दुसमणां रा सात हजार जोधां ने मारने सरगवासी हुवा । छिप्रा नदी रे किनारे बांरो दाह संस्कार हुयो । बांरे स्मारक रे रूप में एक छतरी बणाई गई जो आज भी शाहपुरा रा जुभांर रे नाम सूं मशहूर है ।

इण घटना रो वरणन सहस्रां शीतां दोहां, छप्पय ने कवित्तां में अनेकां कवियां करियो है । इण छदा मे उमेदसिंहजी जी री शूर वीरता रो जीतो जागतो चित्रांम है । छुटपुट सेकड़ां दोहां में अ दोहा तो घणाई मशहूर है ।

आंटी बहे उतावळी, भडां न पायो भेद ।

आज किसा गढ उपरे, आरंभ रचे उमेद ॥

घोड़ा पाखर घमघमे, भडां न पायो भेद ।

आज किसा गढ ऊपरे, आरंभ सजे उमेद ॥

गोळा गावे गीत, राग सुणावे रांग ने ।
 भारथ रो भडभीत, आछो लड्यो उमेदसी ॥
 समदर पूछे सफरां, आज रतंवर काह ।
 भारथ तणे उमेदसी, खाज भकोली मांह ॥
 राजा तूं रहियो रिधू, हिदवाणी कुल भांग ।
 जातां जुगां न जावसी, कीरत रा वाखांण ॥
 काळ नदी वहसी किता, बीदज कहसी वत्त ।
 भारथ तणे उमेदसी, रहसो राणां वत्त ॥

सहस्रां दोहां कवित्तां ने गीतां रे अलावा मानीता कवि हुकमीचन्दजी लिडिया
 रो इण प्रसंग रो जीतो जागतो वरणन करतां वो प्रसिद्ध गीत 'कढ़ी बांजतां
 वरम्मां पीठ पनांगा उधड़ी केत' है जिणमें उमेदसिहजी री शूर वीरता रे सांगो पांग
 वरणन रे साथे ही खागां री खणकार, बाणां री सरणाट भालां री खलखलाट नै
 गोळा री सरणाट रो प्रभावशाली वरणन है ।

उमेदसिहजी री फोजां रे प्रस्थान रो वरणन करतां कवि केवे है ।

छड़ालां वभंगा लागां अडो अममान द्यायो
 ऊपड़ी बाजंदा बागां यूं आयो उमेद ।

जोधां रे कवचां री कड़ियां खण खणाता, हाथियां मांथे धजा फेरातां अस्वमेव जय
 ज्यूं मारग ने पगां हेटे कुचलतां, तीन धार वाळा ऊंचा ऊंचा भाला सूं आकाश
 ने छावतां घोड़ा री लगामा कसने धाम्यां उमेदसिहजी रण क्षेत्र में आया ।

हिलोळा लेती फोजां गरजता समंदर री लेरा ज्यूं ओला दोला चारूं मेर
 उफण पड़ी, महाकाळी ज्यूं भयंकर तोपां, यमराज री भांत गोळा बरसावण लागी,
 जोश सूं उफणता उमेदसिहजी रा जोधा वीरभद्र रा टोळा ज्यूं वज्राज बरसातां
 भपट पड़िया ।

सांप ज्यूं फुफकारता बाण भणानक आवाज ज्यूं सरणाट करता छुटिया,
 हजारों भाला एक साथ खरणाट करता युद्ध रा तास बाजा ज्यूं एक साथ गूंज
 उठिया धनुषां सूं हजारों तीर एक सागे छूटने योद्धावां रा मणक पर खणण री
 आवाज सांगे बरस पड़िया ।

बीस घड़ी ताईं धमासाण युद्ध हुयो । ऊंखड़ा री डाळां ज्यूं योद्धावां रा अंग
 अंग छांगीज गिया तलवारां टुकड़ा टुकड़ा रणक्षेत्र पर यूं बिखर गिया जांणे
 मेरु पर्वत रा शिखरां सूं गंगानदी री धारा टुकड़ा टुकड़ा होयने बिखर

पड़ी होवे ।

जला बोल घड़ी बीस बाजंता अढंगा जूझ ।

जू जू अंगा छंगा व्ही प्रमंगा डाल जेय

चंद्र हासां हजारों घू बरंगां बिछोड़ चल्ली

तोड़ चल्ली धार गंग मेर सुंगा तेम ।

उजेण रा रणखेत में उमेदसिंहजी शत्रुवां री फोजां रा पांच हजार हाथियां सिलह-
धारी घुड़सवारां, सात हजार सतारा बाळा उमरावां ने धरती पर सुवांण ने युद्ध
भूमि पर पोढ़ गया ।

पन्वै बजपात जेम, पोढियां गेमरा पांच

सल्ली चो हजार पोढ़े हेमरां समाथ

सतारां उमरां सात हजार पोढाय सत्रां

भारथ रो वीर भोम पोढियो भाराथ ।

इण भांत सूं उमेदसिंहजी इण नरलोक में आपरी वीरता री धजां फेरातां
अमर लोक में पूग गया ।

बीच ओक नरांलोक आयो तूं उमेदवीर

वीर एक तूंही गो, अमरां लोक बीच ।

राजस्थानी रा लूठा महारवि सूरजमलजी मीश्रण वारी युद्ध कुशला,
शूरवीरता, साहसिकता नै अदम्य पौरुष रो चित्रण करता कियो है

साहिपुरप उमेदसिंह असिवर हद भारिय ।

सूब विरंची रन खेल प्रचुर मरहट्ट प्रहारिय ।

करि उज्जल सीसोद कुलहि तिल तिल नित सुहिज ।

रवि मंडल बिच होय लाह सुरपुर सुख लुहिज ॥

तिमही पहाड़ भट चौडहर ईसहि दैनन अदरिय

बल फारिं मारि मरहट्ट बहु कलह सीस रज रज करिय ।

एड़ी शक्तिशाली ने जुंभार जोधा हो राजा उमेदसिंह जोसीसोई दियो कुल
ने उजल कर-आपरे जस री पताका फेरातां जुग जुग ताई अमर होगियो ।

हिन्दो विभाग, जोधपुर वि वि.

एक राजस्थानी एकांकी

नवा चस्मा

श्री गणपति चंद्र भंडारी एम.ए.

पात्र

- ① एक प्राइवेट कन्या पाठसाळा रा मॅनेजर, अध्यक्ष अर वीरी अर मुख्याध्यापिका
- ② स्कूल रो सालाना जलसो देखण नै आयोडा दरसकां मांयला यगकर ५
- ③ एक अघेड़ उमर रो छठो दरसक ।

जगा—जलसं रो हॉल ।

समै—सित्थ्या री ७ बजियां

[हॉल रें रंगमंच माथळो सिरें पड़दो बंद है । सामने हॉल दरसकां सूं भरियोड़ो है । सारा जणा आज रा अतिथि सिक्समंत्री जी बाट जोवै है । बांरी उडीक में लोग काठा आखता हुग्या है । आपस री बातचीत सूं हॉल में खासो हाको मचियोड़ो है । इत्ता में ई मॅनेजर साव पड़दा रें लारै (नेपथ) सूं माइक पर आ घोसणा करै—]

मॅनेजर—(मांसं सूं) मॅरवानी कर नै सांती रखावो—सगळा मॅमानां सूं म्हारी हाथ जोड़ नै अरज है कै थोड़ी देर भळै सांती सूं विराजो । आज रें जळसा रा मुख्य अतिथि सिक्समंत्री जी एकाएक ई कैबिनेट री जरूरी मीटिंग हुआएँ सूं वीं में अटक ग्या । ईं सूं आवा में देर हुगी है; पिए अवार फोन सूं समचो मिळियो हैं कै मीटिंग खतम हुगी अर मंत्री जी हमें पधारण आळा ई है ।

[दरसकां मांय सूं 'मो' री अवाजां आवै । किताक जणा ऊभा हुय'र बोलै—
'कार्यक्रम सुरू करो !' तो किताक कै'वै—'मॅनेजर साव वारै आवै !' माइक आळो एक माइक वारै लाय'र भेलै अर मॅनेजर साव वारै आय नै माइक सामां ऊभै ।]

दरसक १:- (आप री जगा ऊभो हुय'र) कार्यक्रम क्यूं नीं सरू हुरघो है ? हाथ माथली घड़ी तो देखावो आप ?

मैनेजर:- म्हें आपनै अरज करी नीं हुकम, कै मुख्य अतिथि जी री उडीक है जिकै हमें आया-काया ही समझावो ।

दरसक २:- (मंच कानीं जाता थकां) ओ 'मुख्य' नै 'साधारण' भळै कईं हुवै सा ?

दरसक ३:- (मंच कानीं जाता थकां) एक 'मुख्य' अतिथि कित्ता 'साधारण' अतिथियां रें बारबर हुवै सा ? आ तो फुरमावो ?

दरसक १:- (मंच कनै पूग नै) वै 'मुख्य' नै म्हे सगळा 'साधारण' क्यूं ?

(तीन चार जणा भळै ऊठ नै मंच कानीं चालै अर मंच माथै चढ नै सारा जणा मैनेजर नै घेर लेवै ।)

दरसक ४:- (मंच माथै सूं इसारो कर नै) दरसकां में तो मंत्री जी रा बावो सा ई विराजियोड़ा है ।

दरसक ५:- वै भी 'साधारण' नै मंत्री जी 'मुख्य' ? ओ कठा रो न्याव है ?

मैनेजर :- ऐ फालतू री बातां तो आप छोड़ो नै थोड़ी समझ सूं काम लिरावो, मालकां ! बाप, दादा या काका दादा व्यक्ती रा हुवै, पद रा नीं हुवै । थोड़ी सवर करावी । ओ सिस्टाचार रो तकाजो है जीसूं आप नै अरज कर रघो हूं ।

दरसक ५:- अरे हुकम ! घंटा भर सूं तो म्हां सिस्टाचार रें जूए रें नीचें दबियोड़ा बैठा हां । आखिर इण सिस्टाचार रो नै सवर रो कोई छे भी है कै नीं ?

दर० १:- म्हांरै टैम री भी कीं कीमत है कै कोनी ?

दर० ५:- अरे ! भाई, अपां तो 'मामूली राम' हां । अपां रें बगत रो कईं मोल ?

मैनेजर:- आ बात नीं है, भाई साब ! पिण हमें चाणचकै ई कैबिनेट री मीटिंग हुगी जिण रो तो मंत्री जी भी कईं करै ? वीं में तो बैठणो ई पड़ै ।

दर० २:- तो वै इसा जलसा में आवण री हामी भरेईज क्यूं ? वै किसा जाणै कोनीं कै म्हें ऐन बगत माथै किणी भी कारण सूं अटक सकूं हूं अर जे म्हें टैमसर नीं पूग सकियो तो कित्ता जणा नै म्हांरै लारै खोटी हुणो पड़सी !!

दर० १:- म्हेँ तो कैवूँ के सिक्खण संस्थावां रा जलसा में मंत्रियां नै नृत्तण
री जरूरत ई कठे है ? सोचणुँ रो श्री सामंती तरीको अपां नै
छोड़णो पड़सी। सारदा माता रामिदरां में तो विद्वानां रो मान हुणो
चाहीजै । राजनीतिज्ञां रो वंठे काई काम ?

मैनेजर:- तरीका ती हर्म बदलीजता-बदलीजता ई बदलीजती । म्हेँ तो सगळें
ई सामंती तरीकां रो ई बोळ-वाळो दीमी । म्हेँ तो संस्था रो हित
सोच नै ई मंत्रियां नै बुलावां हां, सा । सोचां कै जे ये संस्था रो काम
देखेला, तो ई री कमियां भेटण में भी मदद ईज देखेला ।

दर० २:- आप रै सोचण रो तरीको ईज गलत है । अगर संस्था रो काम
सागै है, तो अनुदान में बदोतरी रो बीं रो हक है; अगर कीं नवा
काम उठे हुता हुवै तो बीं नै कीं बत्ती राती भी मिलणी ई चाहीजै ।
ई खातर मंत्रियां सून भोख मांग नै आप बांरी बादत बिगाड़ी
हो ।

दर० ३:- वै किसा खुद रो जेव सून काड'र देवै पईसा ? अशां पईसा ई तो
अपां नै बांटे है । पछे आ चिमचागिरी क्यूँ ?

दर० १:- साब पूछो तो सा'यता वै अपां नै नीं दे रया है बत्ते सा'यता अपां
वां री कर रया हां । सिक्खा देवण रो जिम्मो सरकार रो है अर
निजी स्कूलां चलावणियां ईं तरै सरकार रो काम ईज कर रया है
२०-३० सैकड़ा चंदो उघाय नै सरकार रो डचूटी अगो पूरी कर
रया हां । वां नै अपां रो आभार मानणो चावै ।

दर० ४:- इज्जत तो वां नै अपां री करणी चावै । आ' ऊंवी गंगा बँवाय नै
तो आप बां रो माथोई फुला रया हो । बां रै अहम् नै अणूती हवा
मत ना देवो, मैनेजर साव !

दर० ५:- वां नै सुरगां सून उतरियोड़ा देवता मत ना सयभो । वां नै मंशी अपां
वणाया है, अपां री सेवा री खातर । क्यूँ सा बोलो कनीं ?

दर० २:- बिलकुल ठीक है । जनता सारां सून बडी है—सगळें रै ऊपर, सारां
री मालक !

दर० ३:- मंत्री अर कलक्टर—सै बीं रा चाकर है ।

मैनेजर:- देखोसा ! कै ऐ सगळा ई नारा सुणण में तो घणा ई सुवावणा लागै
पिण बै'वार री दुनिया में हाल आंरो कीं मोल कोनीं । संस्था

चलावै बांनै तो सारी बातां देख नै ई चालणो पड़ै, समस्या आप ?
 [धोती, बंगदळ रो कोट नै साफो परियोड़ो मोटी-मोटी मूँछा आळो
 एक अर्धेइ दरसक नं० ६ उठै अर मंच माथे चयतो चढतो बोले]—
 दर०— तो वैवार में यां नबा मोलां री थरपणा कुण करसी ? ओ' जिम्मो
 किए रो है ? आप री कमेटी रा अध्यक्ष कठै ? म्है बां सूं बात करणी
 चावूं हूं ।

मैनेजर—वै मंत्रीजी नै फोन करण नै पधारियोड़ा है खासी बेळा हुगी । हमें
 तो आता ईं हुसी । (मुख्याध्यापिका आवै)

मुख्याः—अध्यक्ष महोदय जी पधार गया है । (अध्यक्ष जी आवै)

अध्यक्षः—देवियां नै सज्जनां । म्है हमार फेर मंत्रीजी नै फोन करयो तो पतो
 लागो कै बंगळा सूं तो खानै हुयां नै आध घंटो हुययो । उठा सूं
 कार में अठै ताईं आवण में घणा सूं घणा १० मिनट लागे । राम जाणै मारग
 में कठै अटकगा । यूं आप जाणो ई हो कै अपांरा युवा सिकसामंत्री औरां सूं घणै
 न्यारे सुभाव रा है । वै कदेईसैक ईज लेट हुवै । म्है घणो समिदा हूं कै आप
 नै इत्ती देर खोटी हुणो पड़ियो, पिए करां तो कई । सिष्टाचार पाळणोई पड़ै ।
 लाचारी है ।

दर०६—खैर आप हमें ई जल्दी करावो ।

दर०२—कै हाल को पूरो हुवो तीं आप रो सिष्टाचार ?

मैनेजर—ईं हालत में तो अपांनै कार्यक्रम सुरू कर देणो चाहीजै ।

मुख्या०—हां, सा । अपां नै ओ' हॉल नव बजियां ताईज मिळियोड़ो है अर पूर्णी
 आठ बज चुकी है । डेढ़ घंटे रो कार्यक्रम है नै आधो घंटो इनाम
 बांटण में नै भासण-बासण में लाग जासी । उठी ढोलक नै सैना-
 ईवाळा दोनू जणा तो नऊ बजताई जावैला परा क्यूं कै वात १० री
 गाड़ी सूं जैपर जाणो है ।

अध्यक्ष—म्है तो देखूं कै जद ठै रियाई ठै रिया तो-१०-१५ मिद भेर ठैर जावो ।
 जद मंत्रीजी अठै आवण सारू खाना हो चुका है तो आवैला तो खराईज ।
 दो-तीन आइटम काट दीजो ।

मुख्या—म्हां तो पैले ई टाळवां आइटम राखिया है । हमें भेर काट दिया तो
 छोरियां रो-रो नै ई पूरी हुवासी अर वारां मा बाप तो म्हारो जीव ई

काढ लेसी ।

दर०—नहीं, नहीं, म्हे आइटम नहीं काटण दालां । म्हे लोग अठे म्हांरो वञ्चियां
रो काम देखण नै आया हां, मंत्रीजी रा दरसण करण नै नां आया हां ।

दर०२—कोई भी आइटम नहीं कटेला ।

मैनेजर—पिए म्हांनै ६ वजतां ई हॉल तो खाली करणोई पड़सी । कान्ने अठे एक
दूजी पार्टी रो शो है, वं आपरो रियरसल करसी ।

दर०१—वा म्हे कीं नहीं जाणां । आइटम तो सगळ्हाई करणा पड़ैना । मंत्रीजी रो
भासण भलेई काट दिराइजो ।

दर०२—नै हॉल आळां रो हर्जानो मंत्रीजा सून आप वगूनयो करजो ।

दर०३—कोई आइटम नहीं कटैला ! (मंच माथे ऊभा सारा दरसक बोले—“नहीं
कटैला ! नहीं कटैला !”

(छऊं दरसक मैनेजर नै अव्यक्त रै चौफेर घूमणो मांडे अर नारो नगावता
जावे—“कोई आइटम—नहीं कटैला !” तीन-चार बार बोलियां पछे उल्टा
घू.ण लागे अर हाथ उठा उठा'र बोले—“जनता ठाकर ! मंत्री जाकर !”
तीन-चार बार बोल नै भेर ऊंधा घूम नै बोले—“सामंती चस्मा-उतारदो !”)

अव्यक्तः—(हाथ जोड़ने) आछो, मै'रवान ! हमें श्री घेराव बंद करावो । मैनेजर
साब ! सुरू करावो कार्यक्रम ! म्हे आगे आछो पार्टी सून हाया जोड़ी
करने आवो घंटो ओरु' मांग लेसूं । (मंच माथेला दरसक ताळियां
वजाता नीचे उतर जावे अर आप आप रो जगा जाय बैठे । दरसक न ६
माईक कने ऊभो रै'वे अर बोले)

दर०६—म्हने घणी खुसी है कै संस्था रा प्रबंधक आपरै सोचण रो तरांको बदल'र
कार्यक्रम चालू करणो तै करयो है पिए कार्यक्रम सुरू हुवां पै'ला म्हे
आपनै आ जरूरी सूचना देवणी चावूं हूं कै अपां रा प्रगतीसील सिक्ता-
मंत्री ठीक टैम माथे पधारग्या हा अर अपां रै बीच में ई मामूलीराम
बण'र बैठा हा (सारा दरसक हक्का बक्का हुय'र चौफेर देखणो मांडे ।)
पिण वांरो असली रूप पै'चाणण रै वास्तै आप नै भी आप रा चालू
चस्मा बदलणा पड़सी (साफो, कोट अर नकली मूंछां उतारै । मांए
कुड़तो पँरघोड़ो है । चावे तो जेब मांय सून किस्तोनुमा टोपी भी पै'र
ले ।) श्री म्हूं आप रै सामो ऊभो हूं (हाथ जोड़'र नमस्कार करै;
दरसक ताळियां वजावे) दूजी बात आ कै'णी चावूं हूं कै संस्था रो

मैनेजमेंट या म्हें खुद आपरी टैम विलकुल खराब नों करी है । म्हनै बाळपणा सूं ई अभिनै रो घणो कोड हो अर मैनेजर साब है म्हारा बाळगोठिया, जीसूं यां री आग्रै मान'र म्हें भी ईं एकांकी में अभिनै करणो मंजूर कर लियो हो । यूं भी घणकरा नेता तो अभिनेता ई हुवै ! ओ एकांकी ही आज रै कार्यक्रम रो पै'लो आइटम हो ।

हमें दो सबद म्हें उद्घाटन भासण रै रूप में भी अरज करदूं । मुख्य अतिथि कोरी गळें में माळा पैर'र बैठो क्यूं रैवै ? अगर वो भी कार्यक्रम रो अंग बण सकै तो कईं बेजा बात है ? मुख्य अतिथि नै दूजां सूं न्यारो अर भिन्ना आदमी दरसावण री परम्परा में म्हनै सामंती प्रथा री वास आवै ही जीं सूं ईं परम्परा नै भी म्हें बदळणी चावतो हो सो म्हें ईं नाटक में पारट करणो सीकार लियो । (ताळियां बाजै) संस्था री जाणकारी देवण सारू मंत्रियां नै बुलावण में तो हरज कोनीं पण सिक्सण संस्था में मेहताऊ पद तो किणी सिक्सासास्त्री नै या विद्वान नै ई देवणो ओपै अर इनाम भी किणी इसा तपसी रै हाथ सूं बंटाणा चाहीजै जिकै आप रो जीवण निस्वारथ भाव सूं बाळकां रै कल्याण में होम दियो हुवै । बीं री सेवा री पूरी जाणकारी भी टाबरां नै देणी चाहीजै जीसूं बाळक वीरा जीवण सूं प्रेरणा ले सकै । बस म्हनै आई अरज करणी ही । हमें आप आग्रै रो कार्यक्रम देखावो । (नीचै उतरै-खुब ताळियां बाजै ।

०

तीसरी सड़क, सरदार पुरा
जोधपुर



‘नुकती दाणां’

लेखक—आं नुकती दाणां नै गद्यकाव्य की संज्ञा दी है, पणु ये रामकृष्ण दास अर वियोगी हरि जसा गद्यकाव्य नहीं है क्यूंकि ये भोत ज्यादा रुमानी, काल्पनिक अर एक खाम ढव का हा । गोविंदजी का ये दाणां सुभाषित या सूक्तयां हैं—नीतिपरक अर यथार्थवादी भी । प्रकृति में ये आपका भावां—विचारां का प्रतिबिंब देखे है । दाणां की विषय वस्तु है; व्यापक अज्ञानांधकार, पोसां अर माया को जाळ, भ्रष्टाचार, मनुष्य की प्रकृति सूं घणी—सारी दूरी, मानव का पाप की काळूंस चंद्रमा का घव्वा में, बादल अर सूरज को व्यवहार—वैषम्य (प्रकृति-वर्णन बराबर मानव सूं सट कर होयो है, हट कर नहीं) कृतशता के बदले कुनन्यता, स्वभावान्तर, ‘स्वभावो दुरतिक्रम’, असली अर नकली भक्ति, खून चूसणिया कयां आया मिनख जूण में, अर्थ सूं अनर्थ, भक्ति को सच्यो सरूप, कुभाग्यां को रूप स्वाचान्धता, बड़ां को बड़प्पन, लक्ष्मी की कृपण के घरां स्थिरता, कौटिल्य, आकाश गंगा पर कई तरां का भाव, दीपक अर सूरज को आंतरो आदि-आदि । कला के लिये कला में लेखक को तिश्वास नहीं है । प्रकृति का रूप में भी कालिदास या बडंसवध के तरह लेखक को मन रमे नहीं । कदे प्रकृति कोई विचार लेखक नै देवे तो कदे लेखक का विचार प्रकृति में प्रतिबिंबित दीखे । जयमा, रूपक, उत्प्रेक्षा, दृष्टान्त, व्यतिरेक, आदि, अलंकारां को सहज रूप यामें बराबर दीखे, ज्यामें कठे बना-बढीपण नहीं ।

ले० श्री. गोविन्द अग्रवाल

प्र. लोक संस्कृति शोध संस्थान.

नगर श्री चूरु. (राजस्थान)

पृ. सं. १०१. सजिल्द. मूल्य. दस रुपये

सत्येन्द्र जी जसा समालोचकां नै शायद यो पतो नहीं कै नुकती दाणां एक-एक कर नहीं परोस्या जाय, न एक-एक कर बानै खाया जाय । ई वास्तै ही तो बै लिख दियो कै 'प्रत्येक दाना विलक्षण है, नावक के तीर की तरह बंधने' वाला भी है,.....मीठी कुनैन की तरह उपयोगी है.....न यै नुकती दाणां है, न मोतीचूर का लाडू । यै है मोत्यां की लड़ (मुक्ताहार) । लड़ में मोती सै एक सरीखा नहीं है; कोई बसरा, कोई कल्बर अर कोई 'आर्टीफिशियल' भी । बच्चन जी कहघो है कै यै दाणां १०१ की जगां १०८ होता 'तो जपमाला कीं गरिमा पाते', पण माळा में १०१ मणियां भी होय है अर १०१ को आंक बयां भी शुभ मान्यो जाय है । माळा जाणा का यै कोई स्तोत्र तो नहीं है, पण हां, कोई कै गळा को हार जरूर हो सकै है—असो हार जीमें एक-एक मोती को आपकी न्यारी छटा है ।

यै १०१ सुभाषित राजस्थानी में जसा रच्या-ओप्या है, वसा तो बांकी हिन्दी में भी नहीं ओप्या है, अंग्रेजी में तो कठै-कठै अर्थ को अनर्थ भी होगो है । थोड़ा उदाहरण दूँ हूँ पृ. ३. *Ascare-Crow is often Better Than Man* (हिन्दी में है 'अष्टाचारी मनुष्य से) *Jealous'y* की जगां घणकरी वर *'Envy'*; पृ. १८ कळपना को अनुवाद है *Concept*. पृ. २० 'यो गुमान भूठो ई है ? का अगुवाद *Is Just Fictitious*'; पृ. २२ *'Bidding a Diew to Its Beloved The Night* (*'Adieu'* जसी वर्तनी, की गळत्यां तो कई है) पृ. २५ *'Searching Their Lovers* जयां कोई की जेबतलासी करी ज्यारी होय; पृ. २७ खाली अंग्रेजी सूँ क्यूँ ही मतलब कोनी निकळै *'With The Emergence of Evening Beauty, When The Hideous Darkness Spreads In The Sky, Stars come out As Pointing' Fingers'* पृ. २८ *Like Tee Salt Sprinkled Wounded of A Love-Born woman* मूळकी हत्या सी कर देवै; पृ. २९ आपकै सागै ले ज्यावै *Takes Him With her Wherever She Goes* (होणो चाहे हो *Also Takes Him Along Side*) पृ. ३० *Surpresses*, पृ. ३१ *Apply To The Olds of Earth*; पृ. ३८ *Dig its Pearls*; पृ. ३९ *He does Not Show Her Even To The Sun And The Moon*, ('क चांद सूरज भी नीं देखणै सकै) पृ. ४२ खाली अंग्रेजी में काव्यत्व को नाम भी नहीं; पृ. ४४ बरसावै-*Squanders*. पृ. ४६ दाळद कै अंधारै में तो आगली-पाछली सा सूझै—*Revels in Poverty Like an Owl* पृ. ४९ जड़खेत—*Dead Field* पृ. ५० अंग्रेजी

जड़; पृ. ५२ Boat Full Deed पृ. ५५ How it is Possible ? पृ. ७१ But A Wise man Often Harms Others Knowingly-किर बुद्धिमान कैसे ? अनुवाद है 'भ्यानी कुहाणै आळो मिनस' पृ. ८६ Plane Accidents Makes, पृ. ८७ 'Bow Down For Any Body.' पृ. ८८ दर्पण का मोताज रेवां—We use A Mirror.

अंग्रेजी में अठै बडै सगळो जगां क्यूं न क्यूं गड़बड़-काळो हे । अंग्रेजी रूपान्तर परिष्कृत रूप में आतो तो चोखो रेंवतो ।

या मोत्यां री लड़ देखण-पहरण रं जोग है । ई में मोनातारी उबहर आई है । जयां दो दुकान सदयोड़ी होय एक छुट्ट धी की अर दूसरी जानडा की मिठायां की । असीही गत होई राजस्थानी-अंग्रेजी का मेळ सूं । किताब को धीरेक भ्रामक है राजस्थान में जन्म्या जाणै है कै नुकती-दाणां तो अंगरेजां भर पाया जाय ।

०

अंग्रेजी विभागाध्यक्ष, जोधपुर वि. वि.

चुवां सम्पादक

माह अक्टूबर '७६ सूं "जागती जोत" री सम्पादन राजस्थानी रा मानीता मनीषी श्री किशोर कल्पना कान्त करतो ।

उणरो पतो है—

किशोर कल्पना कान्त,
कल्पना लोक,
रतनगढ़ (झुंझ)



राजस्थानी भाषा साहित्य संगम (प्रकाशनी), बीकानेर

राजस्थानी साहित्यकार परिचय प्रोक्त भाग २

○ परिचय आमंत्रित ○

इस कोश के प्रथम भाग मन् १९७४ में छप्यो । इस में २५० केहे साहित्यकारों कावत जाणकारी दिरीजी । उरा वक्त भी फई साहित्यकारों रा नांव छूटग्या हा भर तदुसुं बड़ी तादाद में साहित्यकार मार्ग प्रामा है । कां सगळों रो परिचय भी दूजे भाग में देखगो है ।

इसे सगळें साहित्यकारों सँ प्ररज है फे वं नोचें मुजब विगत लिखर सीधी ही संपादक ने भेजें !

नांव, शिक्षा, जनमतिथि भर जगां, मीजुदा, काम-धन्धो, छप्योड़ी पोथ्यां (प्रकाशक), तिथि, संस्करण, मोल भर विषय प्रादि), पत्र पत्रिकावां में छप्योड़ी रचनावां, दूजी खास जाणकारी, स्थाई भर मीजुदा ठिकाणो ।

कोस रें संपादक रो ठिकाणो है :

धी रावत सारस्वत

डो-२६२ मीरां मार्ग खनीपार्क

सयपुर-३०२००६

डॉ० परमानन्द सारस्वत, उपमन्त्रि, राजस्थानी भाषा साहित्य संगम (प्रकाशनी), बीकानेर प्रकाशित करयो भर हिन्दुस्तान प्रिन्टर्स, कुन्डोलपुरा, बीकानेर में छप्यो ।

जागती ज्योत

राजस्थानी भाषा रो त्रैमासिक पत्रिका



भाग १ : अंक १

जनवरी : १९७३

राजस्थानी भाषा साहित्य संग्रह

बीकानेर

जागती जोत

[राजस्थानी भाषा साहित्य संगम, बीकानेर, री मुख्य पत्रिका]



भाग १ : अंक १

जनवरी : १९७३

प्रधान संपादक :

नरोत्तमदास स्वामी, अम. अ.

संपादक

मनोहर शर्मा, अम. अ., पी-अच. डी.

सत्यनारायण स्वामी, अम. अ., पी-अच. डी.

प्रकाशक

(राजस्थान-साहित्य-अकादमी, उदयपुर, रै अन्तर्गत)

राजस्थानी भाषा साहित्य संगम
बीकानेर (राजस्थान)

प्रकाशक :

डा० मनोहर शर्मा

मानद मंत्री

राजस्थानी भाषा साहित्य संगम

दीकानेर (राजस्थान)

भाग १ : अंक १

जनवरी : १९७३

वरस रो मोल : रु० १२'००

अंक अंक रो मोल : रु० ३'००

मुद्रक :

मॉडर्न प्रिन्टर्स, आगरा

सूचनिका


	पृष्ठ
१. राजस्थानी (मातृभाषा रो गीत)	१
२. वंदनमाला श्री रामसिंह	३
३. राजस्थानी भाषा रा साचा और मोटा सेन्नक—पं० रामकरणजी आसोपा श्री अगरचन्द नाहुटा	५
४. पीपल रो गट्टो श्री विद्याधर शास्त्री	१०
५. वड़ रो पेड़ श्री श्रीलाल नथमलजी जोशी	१३
६. बांनलियो अर दूबड़ी श्री मनुज राजस्थानी	१६
७. जीन्नण री कळा श्री बदरीप्रसाद साकरिया	१८
८. म्हारी मास्को री साहित्य-यात्रा श्री रामनाथ व्यास परिकर	२०
९. रात्रणहृथ्यो श्री जयचन्द्र शर्मा	२३
१०. सातन्नं दशक री राजस्थानी कहाणी श्री किरण नाहुटा	२८
११. राजस्थानी और हिन्दी में विभक्तियां डा० लक्ष्मी कमल	३३
१२. जन्नान रो सांग (कन्निता) डा० मनोहर शर्मा	३६
१३. भाग री लड़त-पड़त (कन्निता) श्री हरमन चौहाण	४१
१४. अक खारी अनुभूति (कन्निता) श्री रामस्वरूप 'परेश'	४३
१५. मरम जिदगाणी रो (कन्निता) श्री विनोद सोमाणी 'हंस'	४५

१६. रात आयी (कविता)	५१८
श्रीमती आशा शर्मा	४६
१७. झरमटियो (कविता)	४८
श्री विश्वंभरप्रसाद शर्मा 'विश्वार्थी'	
१८. नीरव्रता (अनुवादित कविता)	५०
श्री दामोदरप्रसाद	
१९. मुरघर री जाझ (कविता)	५१
श्री सूर्यशंकर पारीक	
२०. डांखळा (कविता)	५५
श्री मोहन 'आलोक'	
२१. सोराव और रुस्तम	५७
श्री नरोत्तमदास स्वामी	
२२. अेक अलिखित नाटक री सार-समीक्षा	६२
डा० मनोहर शर्मा	
२३. खरी जीत	६५
श्री मुरलीधर व्यास	
२४. नकली बलाय	६७
श्री जद्वर अली सय्यद	
२५. दायज री दाझ	७१
श्री मूळचंद 'प्राणेश'	
२६. दूधां न्हावो, पूतां फळो	७६
श्री नृसिंह राजपुरोहित	
२७. अेकल मूंछाळै सिघ री यात	८५
श्री सुरेंद्र 'अंचळ'	
२८. वरखा-वर्णन	८८
प्राचीन राजस्थानी गद्य	
२९. तत्त्वां री कथा	८९
श्री पुरुषोत्तमदास स्वामी	
संपादकीय	१०३
राजस्थानी-भाषा-साहित्य-संगम	१०५
[थापना और गति-विधियां]	

जागती जोत



राजस्थानी भाषा रा समर्थ सेवक
पं० रामकरण जी आसोपा





राजस्थानी

वीर-भू री वीर वाणी !
अमर वाणी राजस्थानी !!

तीन कोटी कंठ-स्वर सूं
गरजती जै जै भवानी !
अमर साहित री धिराणी
राज-भाषा लोक-वाणी
घाक थारी विश्व मानी !
वीर-भू री वीर वाणी !
अमर वाणी राजस्थानी !!

अंत्र ! भूला वंश्यां ने
 आज फेहँ सजग कर दे
 ज्ञान भर विज्ञान भर मा !
 प्राण में तूँ प्राण भर दे
 विश्व में गूँज सदा ही
 अमर भू री अमर का'णी !

गीरवाणी जै भक्तानी !
 वीर-भू री वीर वाणी !!
 अमर वाणी राजधानी !!!

वंदन-माल

—रामसिंह—

(१) वंदन-माल

अक जमानो हो जद प्रत्येक पल भावां रै झरण में इंद्र-धनुष रा रंग धुलीजता ।
अन्तर री सरिता रै तरंगां सूं आकुल प्रवाह में लहर रै माथै लहर चढनै दौड़ती ।
हिरदै री वाड़ी में चटकीला फूल मुळकता और उणां री मादक सुगंध सूं आत्मा मस्त
रैवती ।

जद सूं समै रो चक्र घणो घूम चुको । वो रंग आज फीको पड़गयो है, वो वेग
धीमो हो चुको है और सुगंध उड़ चुकी है । आज कबि नै उण पुराणी स्मृति रो प्रेत,
घणै हेजाळू आत्मीय जन रै शत्रु आळो दाई, अणजाणियो और डरावणो-सो लागै है ।

उण भूत और इण वर्तमान रै किनारां रै बीच में समय-सरिता निरंतर वैव्रती
रैयी है । घणी रंग-रंगीली पुष्पांजलियां इण सरिता में चढायीजी और न्यारा-न्यारा
रूप-रंगां रा घणा दीपक वैव्रायीजिया । लहरां माथै क्षमता, नाचता-कूदता, हंसता-
रमता वै दीपक अब सागर ताई पूग चुका हुसी ।

इण बीच मरु-भोम री माटी रो वणियोड़ी म्हारो ओ पुराणो दीपक, जको कुंभार
रै चाक माथै पुराणै-सूं-पुराणै दीपकां साथै उतरियो हो, स्नेह सूं भरियो थको पड़ियो
रैयो और आ पुष्पांजली भी भरियोड़ी ही पड़ी रैयी, अपित नहीं करीजी ।

अक वखत मरुभोम रै रेतीलै विस्तार सूं घिरियोड़ी अक सूकी नदी में अचाणचक
वाढ आयी और जळ रै स्पर्श सूं निर्जीव सिक्ता-समूह में जीवण लहरावण लागियो ।
अंकुर फूटिया और हरियाळी-री डाळी-डाळी में महक-भरियोड़ा फूल फूलिया । पण
सरिता धीमै-धीमै सूख गी और उण रो जीवण-रस घटतां-घटतां ठेट आखरी तळै ताई
जा पुगियो ।

इण सूकती मरु-सरिता रै विषण्ण तट माथै अक दिन अक अमर-सरिता रै
तट-रो वासी आयो । इण रै सूकियोड़ा खेतां और मुरझावता फूलां नै देखनै उण रो

हिरदो प्रेम सूं भरीज आयो । उण इण रा पाटळ, मालती, जूही, चमेची, रजनीगंधा, कणिकारां री जड में स्नेह रो जळ सींचियो । केर फूलां री पाळा वणायो और उण पाळा नै काव्य-वाटिका रै द्वार माथे वंदनमाल ज्युं संसार नै टांग दी ।

(२) संकल्प

हूं संकल्प करूं हूं कै अवे कदैई कसिता नहीं लिगूंता पण वा बार-बार आप रो रहस-भरियोडो हिडदो खोलने म्हारें आगे राख देस ।

सिंध्या रा धूड़ सूं मैला हुयोडा केण जद वांताळां रै वन में अकूश जाते, जद अरहर अकांत मार्ग में ऊभी धकी नाचण लाग जाय, अक सुरीची पांगांताळो पोळो पाखी म्हारें माथे ऊपर सूं उडने कुण जाण कठीन जाय परो ।

घणी आघी गंगा री कळकळ करती लहरां माथे आगला पगां पर ऊभी होयने आ कुण तारां जडियोडै आकाश नै नूमणो चासै है ?

हूं संकल्प करूं हूं कै अवे कदैई गीत नहीं गाऊंता पण वा बार-बार आप री सोने री वीण म्हारी गोदी में राख देस ।

(३) मातृभूमि रो संदेश

जरूर म्हारी जलमभोम सूं आसै है ओ समीर । मा ! जरूर इण थारें चरणां रो चुंबन करियो है नहीं तो म्हारें हिड्डे रै सेत में ऊगियोडै धान नै हुरा सूं वाताळो कर देवणवालो प्रेम इण में कठे सूं आयो ? इण रै सांस में थारें चिकुर रो परिमळ है ओ फूलां रै वन री मातेश्वरी !

इत्तो प्रेम है म्हारें सूं मा ? काई तूं मनै बुलासै है ? काई थारी अनंत गोद रो वो छोटो-सो खुणो म्हारें विना सूनो है जठे रो संदेश लायो है ओ समीर ?

हूं आयो लै मा ! म्हारी जलम-जलम री मा ! आपणे चुंबन सूं म्हारी नींद सूं भरी आंखियां में विश्वप्रेम भरणावाळी मा ! हूं आयो । म्हारें सपनां रै स्वर्ग में जागती थकी मा ! हूं थारी स्वतंत्र गोदी में रमण नै आयो !

ओ जीवण रा सदा रा साथी समीर ! सूखे हिड्डे में निरंतर नूंसो जीवण भरणावाळा समीर ! प्रत्येक पळ स्वर्ग रो संदेश सुणावणावाळा समीर ! मातृ-प्रेम सूं छलकती थकी प्यालियां री अ दो वूदां हूं तने अर्पण करूं हूं ।

लै ! म्हारें हृदय-सरोवर रै कंपित कमळां रै मकरंद रा कण ले जायने उण रै मंगळ-चरणां में चढा दे जठे सूं इणां रो उद्भव हुयो हो, रोजीने जठे सूं इणां रो उद्भव हुवे है, निरंतर जठे सूं इणां रो उद्भव हुया करसी और जठे इणां नै अनन्त शांति मिलसी । ले जा समीर ! ले जा ।

राजस्थानी भाषा रा साचा और मोटा सेवक—

पं० रामकरणजी आसोपा

—अगरचंद नाहटा—

राजस्थानी भाषा घणी पुराणी, साहित्य-समृद्ध और समर्थ भाषा है। समय-समय पर अनेक विद्वान लेखकों अर कवियों इण भाषा री वडी सेवा करी है। बां सब सेवकों अर बां री सेवा रो पूरो परिचय राजस्थानी साहित्य रो इतिहास प्रकाशित हुवण सूं ही सामनै आसी।

वीसवीं शताब्दी में हिंदी रो प्रचार राजस्थान में वधणो सुरू हुयो। इणरो अेक प्रधान कारण ओ हो कै अठे मास्टर वगैरह घणखरा वारला लोग आया और राजकाज तथा शिक्षा रै संचालन रो काम भी वारला लोगों रै हाथ में रैयो। पढाई-लिखाई हिंदी में ही हुवण लागी। इण रो परिणाम ओ हुयो कै जिका लोग हिंदी वा अंग्रेजी आछी नहीं जानता बै अेक हीन भावना सूं ग्रस्त हुग्या, वां आप री मातृभाषा रै उत्थान रो प्रयत्न नहीं कर'र हिंदी, उर्दू, अंग्रेजी में योग्यता वधान्नण रो प्रयत्न सुरू कर दियो। इण रो ही परिणाम है कै राजस्थानी भाषा और साहित्य रो गौरव घटतो गयो। सदियां सूं राजस्थानी भाषा आप रो जिको स्थान वणायो हो उण सूं वा वंचित हुगी। इण वास्तै सब सूं पैलां राजस्थानी-प्रेमियां रो काम ओ हुणो चाहीजै कै राजस्थान रै शिक्षा-विभाग में और सरकारी कामकाज में राजस्थानी नै जळदी-सूं-जळदी उचित स्थान मिलै।

वीसवीं शताब्दी में राजस्थानी साहित्य री सेवा करण-आळा घणा मातृभाषा-प्रेमियां योग दियो। उणां में शिवचंदजी भरतिया रो तो आछो नांव है और सगळा जानै है पण जोधपुर रां रामकरणजी आसोपा भी बहुत जरूरी और महत्वपूर्ण काम करियो जिण री चर्चा भोत ही कम हुनै। इण लेख में उणां री मातृभाषा री सेवा रो थोड़ो परिचय देवण री कोसीस करी है।

राजस्थानी भाषा रो पुराणो नांव मरु-भाषा हो। उण नै मारवाड़ी भी कैवता। पं० रामकरणजी आसोपा रै वखत में इण भाषा री प्रसिद्धि मारवाड़ी भाषा रै नांव सूं

विशेष ही । वैं संस्कृत रा घणा बढा पंडित हा तो भी मातृभाषा रा अनन्य प्रेमी और पुजारी हा । इण वास्ते उणां नैं मारवाड़ी भाषा री उन्नति री बढी नगन ही और साथै ही मातृभाषा री हीनता और उपेक्षा री बढी दर्द हो । अबार मं ७५ वर्ष पैलां बां सगळां सू प्रथम मारवाड़ी व्याकरण बणागो और द्वागो । उण री प्रस्तावना में ये लिखै है—

“संसार में व्यवहार री मूल भाषा है, सो जिण देश री भाषा री उन्नति है उणी देश री उन्नति है, क्यूँकें जगत् में व्यवहार मात्र निता-पदी मूं हुं है; सो जिण भाषा री लिखणो-पठणो साफ और शुद्ध है उण भाषा में कोई व्यतहार कर्गो, किणी तरै रो संदेह नहीं हुं । और सा भाषा समज में पण सोरी आवै । × × × देश री भाषा री उन्नति रें लारें देश री उन्नति है । अतथेन देशजिंसी लोको आर-भाषा री भाषा नैं सहायता दे पूरी उन्नति पर पोचाय दोखी है । पृथ्वी में आज दिन किणी देश री भाषा इसी अपंग और बिना व्याकरण नहीं रही है, कै जिसी दण उन्नति रा दिनां में मारवाड़ी भाषा रह गयी है । मारवाड़ी भाषा निम्नाय वाली गुजराती, मराठी, बंगाली, हिंदी, बंगरेजी, बरबी, फारसी संस्कृत आदि कोई भाषा इसी नली है, कै जिण री व्याकरण नहीं; और पण नैं पेली, दूखी, तीजी, चौथी आदि किताबों नहीं । × × × इणी तरै यदि मारवाड़ी भाषा में पण किताबों बणावो जातें और वैं व्याकरण रा कायदा रें साथ पढ़ायो जातें, और इमतिमान मुतर ह जातें, और इमतिमान दीयोड़ां रो प्रथम हुक समजियो जातें तो आ भाषा पण तखती नैं पीने; परंतु मारवाड़ी भाषा री न तो कोई व्याकरण है, न कोई पण री किताबों है, और न कोई इण भाषा री खूबियां नैं जाणें है । भाषा री मुख्य गुवी आ है कै भाषा मावरावाली हुवणी, सो जिसी मावरादार भाषा मारवाड़ री है इसी दूसरी अक पण नहीं है; परंतु इण भाषा री व्याकरण और किताबों न हुवणा सू इण री खूबियां री राख में ओटियोड़ा अगारवाली दशा है । × × × अक दिन री बात है, भाषा-संबंधी बात चाली तो झट अक परदेशी बोल ऊठियो, कै मारवाड़ी भाषा कोई शिष्ट भाषा थोड़ी ही है; × × × यदि उत्तम भाषा हूती तो इण री व्याकरण वगैरें अतथेन हूती । न कोई इण में किताबों है, और न कोई कोश (डिक्शनरी) है, और इण सू हीज यूनीवर्सिटी में मुकर नहीं है ; आ तो सिफें जंगली भाषा है । आ बात मनैं वणी भूंडी लागी परंत लाचार, उणनैं में कोई जबाब नहीं दे सकियो; पित्तो मारणो पड़ियो । जद सू ही म्हारा मन में आयी कै किणी तरै, येन केन उपायेन, इण भाषा री उन्नति करणी चाहीजै कारण भाषा री उन्नति सू हीज देशोन्नति है ।

“यदचपि इण भाषा री पड़ी दशा देखैर तो मन हतोत्साह हुय जातै है, परंतु × × राजराजेश्वर श्री सरदारसिंहजी साहिबां री तथा × × सर प्रतापसिंहजी राज मारवाड़ री गुणग्राहकता और देशोपकारिता री तर्फें सू मूच्छित मन पाद्यो हरयो हुं है, और मन में उत्साह ववै है; क्यूँकें इण बात री म्हारा मन में पूरी तसल्ली है, कै मारवाड़ी

भाषा कानी महाराजा साहिब और मुसाहिब-आला रो पूरो आग्रह है, क्यूँकै उर्दू ने उठाय दफतर में मारवाड़ी भाषा प्रचलित करी है, सो यदि मारवाड़ी भाषा री उन्नति रै वास्तै कोई तजवीज की जानै तो आप जरूर ध्यान दिरावैला । उण सूं हीज म्हारा मन में आ उमंग उठी कै हूं मारवाड़ी भाषा री व्याकरण लिखूं कै जिण सूं मारवाड़ी भाषा शुद्ध और साफ हुय जानै, तो मुख्य तो देश रो हित, और दूसरो इण रै वास्तै कोई की कै भी नहीं सकै । और जादा प्रचार हुवां सूं गुजराती, मराठी आदि रै जिउं मारवाड़ी भाषा पण यूनीवर्सिटी में मुकर हुय जानै, कै जिण सूं बाळकां नै मातृभाषा छोड'र हिंदी, उर्दू इत्यादि दूजी भाषा पढण री दिक्कत उठाणी नहीं पड़े । × × × इण भाषा री किताबां वणायी जानै और व्याकरण रै साथै स्कूलां में तथा परगनां री पाठशालावां में पढायी जानै तो बाळकां री दिक्कत मिट जानै, और मारवाड़ी भाषा री जरूर उन्नति हुवै । और मारवाड़ी भाषा री उन्नति होवणा सै मारवाड़ रो तो फायदो हुवै हीज, परंत मारवाड़ रै सित्राय और भी तमाम मुल्कां नै फायदो पौंच सकै; क्यूँकै कोई मुल्क इसो नहीं है कै जठै मारवाड़ी लोग नहीं; और मारवाड़ी मात्र आप रो व्यवहार मारवाड़ी भाषा में हीज करै है ; मारवाड़ियां री वही, खाता, चिट्ठी-पत्री सारी लिखा-पढी मारवाड़ी भाषा में हुवै है । × × × यदि मारवाड़ी भाषा रो शुद्ध लिखणो-पढणो प्रचलित हुआवै तो मारवाड़ी लोग पण शुद्ध लिख-पढ सकै, और परदेशी पण उणां रै साथै आछी तरै व्यवहार कर सकै ; जिण सूं तमाम मुल्कां नै फायदो पौंचै ।”

पं० रामकरणजी मारवाड़ी-व्याकरण लिखण रै अर छपाणै रै बाद बाळकां नै पढावण वास्तै पाठ्यक्रम री तीन पोथियां तयार करी ही और वै पढाई में मुकरर हुण सूं आछो प्रचार भी हुयो । मारवाड़ी पैली पोथी री पांचव्वी आवृत्ति सं० १९७२ में छपियोडी म्हारै संग्रह में है और दूजी पोथी री तीसरी आवृत्ति सं० १९६९ में छपियोडी म्हारै संग्रह में है । इण सूं मालूम पड़े कै प्राथमिक कक्षावां में संवत् १९७२ ताई तो वै पढायी जाती ही । मारवाड़ी पैली पोथी री भूमिका में पंडितजी लिखियो—“मारवाड़ी भाषा जगत्-प्रसिद्ध है, और नियमित है; तथापि लोग इण भाषा रा नियम नहीं जानै है, कारण आज ताई किणी विद्वान् इणरी व्याकरण तथा पैली, दूजी, तीजी, चौथी आदि किताबां वणायी नहीं; सो इण भाषा रो बाळकां नै बोध हुवण रै वास्तै प्रथम पैली, दूजी, तीजी आदि पुस्तकां तथा इण भाषा रा नियम जाणण वास्तै ‘मारवाड़ी-व्याकरण’ वणाय प्रकाशित करी है । इण सूं मारवाड़ी भाषा री उन्नति में सहायता मिलैला तो हूं म्हारा परिश्रम नै सफल मानूला ।”

‘मारवाड़ी दूजी पुस्तक’ री भूमिका में लिखियो है—“मारवाड़ी भाषा री उन्नति रै वास्तै मैं मारवाड़ी व्याकरण तथा मारवाड़ी पैली पुस्तक छपायी और वै पुस्तकां देख लोगां उणां री वीत प्रशंसा करी ।.....मनै इण बात री वडी खुसी है कै कायस्थ-सभा इणां पुस्तकां री कदर कर स्वकीय पाठशाला री पढाई में मुकर करी जिण सूं उत्साहित हुय हूं आ मारवाड़ी दूजी पुस्तक प्रकाशित करूं हूं ।”

‘मारवाड़ी तीजी पुस्तक’ की भूमिका में लिखियो है—‘मारवाड़ी भाषा र प्रचार र वास्ते म्हें मारवाड़ी पैली, दूसी कितावां वणायी जिणां री जगसंत-कोनेज रा प्रसिपान व सरिस्ते तालीम रा सुपरडंट मान्यवर पंडितजी श्री मूरजप्रकाशजी साक्षि अम० अ० कदर कर मारवाड़ री हिंदी पाठशाळायां में मुकर करी, जिण सूं उत्गाहित हुय आ तीजी किताव वणाय प्रकाशित करी है। सो इण री कदर हुणा सूं हूं मने कृत-कृत समझूला ।’

किणी भी भाषा री उन्नति र वास्ते उण री व्याकरण, कोश और पदार्थ री कितावां हुणी जरूरी है। पंडितजी मारवाड़ी-व्याकरण और मारवाड़ी पैली, दूसी, तीजी पुस्तक लिखण र वाद राजस्थानी भाषा र कोश र काम में लागया। जोधपुर र दीवान सर सुखदेवप्रसाद इण काम में अगता वणिया और पंडितजी री देगरेग में कई आदमी मुकर कर शब्दां री वटो भारी संग्रह करियो जिकां री संख्या ६०,००० ताई पूगयी। घणखर शब्दां रा अर्थ भी लिखीजया। पण पंडितजी और सर मुगदेव-प्रसादजी र देहांत र कारण वो काम पूरो हुय र प्रकाश में नहीं आयो। पं० बदरी प्रसादजी साकरिया भी वठ कोश र काम में हाथ बंटायो हो। साकरियाजी नें में वीकानेर सादूल-राजस्थानी-रिसचं-इंस्टीट्यूट में बुला र राजस्थानी शब्दकोश र काम में नियुक्ति करायी। उणां नें बारवार जोधपुर भेज र घण प्रयत्न सूं सर मुगदेवप्रसादजी र घर जित्ती भी चिट्ठा मिल सकी वें सब वीकानेर इंस्टीट्यूट में मंगायी। पण उणां में कई आखरां री चिट्ठा नहीं मिल सकी। कई वर्ष बाद साकरियाजी सरकारी नियमां र हिसाब सूं अक्सर री मर्यादा पूरी हु जाणन र कारण वीकानेर सूं अक्षकाण ले र आप र बैठे कने वल्लभविदधानगर गया परा, जिण सूं राजस्थानी शब्दकोश र काम इंस्टीट्यूट में भी अंतिम रूप में नहीं आ पायो। उण वखत में डिगल गीतां रा ५०,००० सूं अधिक शब्द उदाहरण र सार्ग श्री सीतारामजी लाडल नें पारिश्रमिक दे र मंगाय हा। श्री रामकरणजी आसोपा रा भाई श्री गोविंदनारायणजी आसोपा अेक राजस्थानी-कोश तयार कर र नागरी-प्रचारिणी सभा नें दियो हो। उण नें भी रुपिया भेज र इंस्टीट्यूट में मंगवा लियो हो। इंस्टीट्यूट री घणी मोटी करियो डी महनत इयां ही पड़ी है।

पंडित रामकरणजी आसोपा री राजस्थानी भाषा री सेवा रा और भी कई पहलू है। मारवाड़ी री पैली, दूसी, तीजी पुस्तकां र साथ वां मारवाड़ री भूगोल भी लिखी ही। मारवाड़ी पैली किताव री मोल आवआनो, दूसी री अेक आनो, तीजी री दो आना और मारवाड़ री भूगोल री दो आना राखियो हो।

पंडितजी श्रीमद्भगवद्गीता री भाषा-टीका राजस्थानी भाषा में लिखी अर वा प्रकाशित भी हुयी। इण सूं मारवाड़ी भाषां नें गीता री अर्थ समझण में घणी सुगमता हुयगी। पंडितजी राजस्थानी भाषा रा कई पुराणा ग्रंथां री आद्यो संपादन भी करियो

जिणां में सूरजप्रकाश रा ६६ पृष्ठ कलकत्ता री ओशियाटिक-सोसाइटी सँ छपाया । टिप्पणी सहित ओ ग्रंथ पुरो संपादन करियोड़ो हो पण बो आगै नहो छप सकियो । कविराजा बांकीदासजी रा सात ग्रंथ 'भारत-मार्तंड' मासिकपत्र में टिप्पणी सागै छपाया । ओ संग्रह 'बांकीदास-ग्रंथावली' प्रथम भाग में नागरी-प्रचारिणी सभा सँ प्रकाशित हुयो । इण सभा सँ हीज पंडितजी रो संपादित ऐतिहासिक डिगल काव्य 'राजरूपक' भी छपियो । 'नैणसी री ख्यात' नै मूल राजस्थानी भाषा में छपावण रो काम भी पंडितजी सुरू करियो जके रो पहलो भाग तो निकलग्यो, दूसरो आधो छपियोड़ो हीज रैयग्यो । 'राजिये के दोहे' नामक किताब भी आप छपायी । सबसँ बडो ग्रंथ सूरजमलजी मीसण रो 'वंशभास्कर' भी आप हीज छपायो जिको करीव ५,००० पृष्ठा में है । इणीज तरै बीर-बत्तीसी, कर्ण-पर्व आदि घणा ग्रन्थ आप छपाया हा । 'मारवाड़ रो इतिहास' और कई ठिकाणां रा इतिहास भी आप रा लिखियोड़ो प्रकाशित हुया । संस्कृत में आप राठौड़ वंश रो बृहद् इतिहास २०,००० श्लोकां में लिखियो । जसवंतजसोभूषण और जसवंतभूषण रो अंग्रेजी में अनुवाद करियो । इण तरै आप राजस्थानी, हिंदी और संस्कृत तीनां भाषाव्वां में घणो साहित्य निर्माण करियो । कलकत्ता विश्वविद्यालय में श्री आशुतोष मुकुर्जी आप नै राजपूत इतिहास और संस्कृति रा प्रोफेसर वणा'र बुलाया हा । टैसीटोरी राजस्थान में आयो जद आरंभ में आप उण नै घणो सहयोग दियो जिण रो उल्लेख टैसीटोरी आप री रिपोर्टां में करियो है ।

पीपल रो गद्दो

—विद्यावर शास्त्री—

ओ विशाल-काय अण्णत्थ-संरक्षक म्हारना जूना नाथो गद्दो ! म्हारने तुदाणे रे सागे-सागे, हूं देखूं हूं कै, आजकाल थारं पुराणिये रंग-रंग में भोत-भोत करक पड़्यो हे । आज रे पचास-साठ वरसां पैली थारली जकी नमक-रमक अर अकड़ ही ना तो वा ही आज उण रूप में दीसै और ना थारा जूना नाथो ही आज थारं कने कडेई निजर आसै । मन घणो दुख तो इण बात रो है कै थारी मुग-साता पूछणिया थं थारा साथी, सगळा-र-सगळा, अकै सागेई, कठै गया परा । वं दिन भी हा जद, काई नगरां में अर काई रोही में, थारो अक-छय राज हो । जद-कदेई म्हे पैदन जाना करता तो, हूं देखतो कै, छोटो-वडा पचासूं आदमी दूर सूं ही थारं दरसन वास्तो तरसता । उण कड़कतै अर लाय वरसतै तागड़े में, पसेसा सूं सरावोर हुयोड़ा, अक-अक पैठ नै गिणता, म्हे जद दूर सूं ही थारली ऊपरली टोकी नै देसता तो देसतां ही हरवा हु जाता । म्हे जद थारं कने पूगता तो तूं म्हां सगळां नै आप री ठंढी छाती सूं चिपा नेतो अर थारो इष्टदेस पीपळ महाराज आप रे लांवे-लांवे हाथां नै पसार-अर, अकै सागेई हजारूं ठंढे-ठंढे पंखां सूं, म्हां सगळां रे पसेसां नै पलक भर में ही मुका देतो । सहस्र-दळ रे इण स्वागत रे पछै जद म्हे पो रे इमरत-जळ नै पीता तो पीतां ही आंगियां नौद री झवकियां सूं भर जाती अर म्हारे मन में आती कै अवै कम-सूं-कम दो घंटा थारलें इण ठंढे आंगणिये मार्य ही सूता-सूता सृष्टि रे सगळे सुतां नै भोग लेतां । पण पांच-दस मिनट भी पूरा कोनी हुता कै कोई-न-कोई आगे सरकण सारु साथासल करण लाग जातो । उण री खाथासल इत्ती अणखासणी लागती कै मन में तो आ ही आती कै अक लात में ही इण री सगळी खाथासल नै खतम कर दूं पण जद दूसरा भी उण री हां में हां मिला'र उण रे सागे हु जाता तो झल मार'र मन भी उठणो पड़तो और वार-वार थारं कानी देखतो और थारी उण मनसार नै याद करतो हूं उणां रे लारे-लारे चाल पड़तो । साची बात तो आ है कै दुनिया री कठोर परिस्थितियां और स्थितियां रे आगे गरीब मनड़े री बात नै कोई कोनी सुणै ।

खैर ! उणां रै सागै-सागै, अथवा उणां रै लारै-लारै, चालतां-चालतां भगवान् री कृपा सूं फेर थारा दरसन हुता । दूसरा जद ताणी चिलम-तमाखू नै सम्हाळता, हूं थारलै ठंढै-ठंढै आंगणै माथै म्हारली कमर नै फेर सीधी कर लेतो ।

इण रै बाद तीसरी मंजिल मिनटां में ही पार हुती दीसती अर जद सूरज महाराज रै ढळतां-ढळतां हूं म्हारलै विदधानगर रै बीड़ में पूगतो तो बठै बारलै जोड़ै री पायतळ में, जोड़ै रै च्यारां कानी, थारै ऊपर स्नान-ध्यान में मगन सज्जनां नै देखतो । आगे समै वे-समै पूगण री फिकर छोड'र हूं भी, शौच-स्नान आदि सूं निवृत्त हो'र, बठैई सायंकालीन आभै री मनमोहणी सुरंगी गहरी सुनैरी और गहरी चमकदार ललाई नै देखतो-देखतो, सूरज भगवान् नै अरघदे'र फेर शांत संध्या रै शांत ध्यान में लीन हु जातो ।

×

×

×

अै सगळी वातां अबै घणी पुराणी पड़गी है । इण वरसां में थारी-म्हारी मुलाकात उण पुराणियै मारगां माथै तो कोनी हुयी पण जद-कदैई कोई-सै दूसरै मारगां माथै जाण रो काम पड़्यो तो मैं कठैई थारलै उण ताजै रूप-रंग रा दरसन कोनी करथा । अर जे कठैई थारलो पुराणियो ढांचो देखण में आयो भी तो थारली छाती नै पताळ में धसकती देख'र म्हारली छाती भी धकथक करण लाग गी । इण धसकण रै अलावै मैं आ भी देखी कै कठैई-कठैई थारलो तिग साव्र टूट्योड़ो पड़्यो हो पण बठै तनै सम्हाळणआळो अेक भी मानखो निजर नहीं आयो ।

थारली आजकाल री इण हालत नै देख'र म्हारलै माथै में दो-तीन सत्राल निरंतर चक्कर काटै है । थारी आ हालत क्यों हुयी ? थारै ही किणी दोष रै कारण हुयी है अथवा थारलै इष्टदेव पीपळ महाराज री विशेषता में ही कोई इसी कमी आयगी जिण सूं उणां रै सागै-सागै तनै भी आज कोई कोनी पूछै ।

गट्टो चुप हो । जद गट्टै कोई-सो भी जबाब कोनी दियो तो म्हारलो माथो ही फेर कैण लाग्यो—अै सगळा सत्राल इण रूप में उठ सकै है पण गट्टै री इण हालत रै खातर गट्टै अथवा पीपळ में कोई तरियां रो दोष देखणो वेकार है । अै तो आज भी, पुराणियै जमानैआळी नाई, सगळां री सेव्रा करण नै त्यार है—पीपल री सुंदरता अथवा उण री उपयोगिता में भी कोई तरियां री कमी कोनी आयी है । कमी आयी है तो वा उण लोगां में ही आयी है जिकां रा दिमाग आज रै पेट्रोल रै घूंघै सूं मटमैला हो चुक्या है और जिकां रोही री शुद्ध अर पवित्र हवा में कठैई अेकांत शांत स्थान में दो-च्यार पळ आराम सूं बैठणै अथवा लेटणै रो नांव लेणो भी भूलग्या है ।

अै लोग 'क्रांति ! क्रांति !' करता क्रांति रै नांव सूं सगळी पुराणी चीजां नै जड़ामूल सूं उपाड़नी चावै अर पुराणी पीढी रै सगळै लोगां नै आप रा जन्म-जात शत्रु समझै । पण समझै तो समझवो करो । बात साचली आ है कै पुराणती पीढी रै

विशाल-हृदय और व्यापक दृष्टिवाला लोगों के सामने इन्हीं के दिन और दिमाग परम संकुचित है। वे नये और पुराने के असली भेद के कोनी समझें और ना क्रांति के रहस्य के ही जानें हैं। क्रांति के पाठ पढ़ने के द्वारे तो म्हांरले पुराणिये मर्द के दृष्टिकोण पीपल (अश्वत्थ) से ही पढ़ने पढ़सी। ओ निर्मोही चरम-चरम आप के पुराणिये पत्तों के कुण जानें कठे-रा-कठे उठा देलें पण बाद में जब केर नगीनता के कानी मुड़े तो आप के उण सागी पुराणिये रूप-रंग के ही, उण में निगमाय भी फरक नहीं कर'र, ज्यों-रो-ज्यों, केर धार लेवें। पुराणिये पत्तों अर नये पत्तों के कोमलता में दो दिन थोड़ो फरक जरूर दीसै पण उणां के आकार अवस्था उणां के हस्तगत में कोई तरिका के भी फरक कोनी पड़े।

जे नयोड़ा साथी इन्हीं के नयी चीजों के सामने पुराणनी चीजों के अरदम उभेसा नहीं कर'र उणां के भी सम्हालता रैता तों इन्हीं के आ दना नहीं हवी और कद-न-कद के भी इन्हीं के ऊपर बैठ'र अवस्था नेट'र दुनिया के अद्भुत जीवन्ता के आनंद ले सकता।

वड़ रों, पेड़

—श्रीलाल नथमलजी जोशी—

मनै आ तो ठा कोनी कै म्हारो जलम कठै रो है पण इत्तो ध्यान है कै लारलै सित्तर-पिचंतर वरसां सूं हूं वीकानेर रै सोनगिरी कून्नै माथै ऊभो हूं। मनै अठै लगान्नणियो कदास कोई सामी हो। वीकानेर में जद रुख नीठ-निरान्नळ लाधता, म्हारै आगमण सूं चौखळै रा वासी घणा हरख्या। वीकानेर री कांकड़ में वड़तां तो म्हारो काळजो कांप्यो—लै भई ! थारो काळ आयग्यो; पण मनै लगान्नणआळा हा सुमाणस—कून्नै रै कनै लगायो। अबै तो हूं सारै कोनी, कारण म्हारी जड़ां पताळ मांय सूं भी पाणी चूस लेन्नै ; पण बाळपणै में तो पराधीनता देखी। फेर भी म्हारो बाळापो सोरो वीत्यो। कून्नो बळधां सूं चालतो। ऊंडो भी थोड़ो नहीं। बळध अेक वारो खेंचता जिकै में ही खासा ताळ लागती। दो वारा सागै खेंचीजता। जद रात भर कून्नो चालतो तो दिनुगै कूंड्यां अर कोठा भरघोड़ा लाधता। पण म्हारो उपकार तो धरम-प्राण हिंदवान्णां रै पाण हुयो। नानी-लोड़ी वीनण्यां, जिकी आप री मन-रळी पूरणी चान्नती, मनै खाली सींचती ही कोनी, म्हारी पूजा भी करती। हूं तो कीं करण समरथ कोनी, पण फेर भी जद उणां मांय सूं कड्यां री रळ्यां पूरीज जान्नती तो म्हारै खातर सरधा-भगती आगै-सूं-आगै वधती जान्नती। इण तरै बाळपणै में मनै म्हारी चायना माफक पाणी मिलतो रैयो अर हूं वधग्यो। उण दिनां म्हारा सबळा वैरी जिका हा, बै हा ऊंठ जिकां कई वार मनै जड़ामूळ सूं उपाड़ण री चेष्टा करी, पण दिन सूत्रां हुन्नै तो कोई कीं विगाड़ सकै कोनी। आज तो दस ऊंठ रळ-नै भी म्हारी पेड़ी सूं रगड़ लगान्नै तो मनै डर कोनी।

उण वखत तो हूं राजी हुयो कै हूं ऊंठां अर गोधां री फेट अर मस्ती रै सिकार सूं ऊवरग्यो। पण आज मनै लांबी आरबळ दुख रो कारण लखान्नण लागगी। म्हारै आप रै डील सूं रोजीनै जिका अणगिणत पान झड़ै बै है तो म्हारा वचोलिया ही; पण आवणो-जान्नणो, मरणो-जलमणो दुनिया रो नेम है, आ सोच'र हूं मन ही मैलो करूं कोनी। पण जद हूं देखूं कै म्हारै आगै जिकी वीनण्यां नव्नी-नव्नी आयी, बै ही खाली

हाथों हुयगी; जिका टावर म्हारी घ्यासना पद्ये जलम्या हा, ये नी मोटमार हुम्या अर उणां मांय सूं कई तो जवानो में ही झड़ग्या, अर जद म्हारें पसराह-कर अरम्या निकळें तो हूं कळखळ करूं, पण लोग समझे हुवा सूं पानड़ा गडगडें है।

जमानो कित्तो वदळग्यो ! और तो और, म्हारो पाहोंगी कूसो जिको वळवां मुं जोतीजतो हो, अवे वीजळी सूं चालण लाग्यो। कूसें रा भूण, नात्र, कोम, माळी, वळव अर खील्यां कठई गयी। सारण वूरीजगी अर वा अवे टावरां रे रमण रो मंदान वणगी है। अवार रा टावर तो समझे ही कोनी के 'मारण' हुवे काई है।

जद देस आजाद हुयो, तो च्यारुमेर गावणा-वजावणा हुया, पण म्हारें अदे-अदे गावण-वजावण रो काम कोनी। हां ! सन् १९४८ में जद राष्ट्रपिता गांधीजी सुरम सिधारया, तो म्हारें तळें सोग-सभा हुयी। हूं फूट-फूट'र रोयो पण माडत रे हाकें में कुण सुणतो हो म्हारो रोज ?

कदे-कदास चुणाव-आळा लोग म्हारें पनस्राहें आव'र आपरी मभावा करे, पण उणां में मनै रुचि कोनी। आद्या आदमी तो आगे आगे कोनी, अर मूंडां री मूंड-खसोट हुनै।

सन् १९७१ में राजस्वानी भापा रो विराट सम्मेलन म्हारें आगे हुयो। मावृभावा-संवंधी इण विनाल आयोजन सूं म्हारी छाती हररा रे कारण फूलीज'र दूणी-नौगणी हुयगी। इण सम्मेलन में, राजनीति सूं अळणा रंरणिवा, साहित्य री सेवा करणिया अर उण री श्रीवृद्धि चावणिया लोग भेळा हुया अर उणां रे दरमण-लाभ सूं हूं मोकडो राजी हुयो।

जे कदास किणी साधू-महातमा रो कदमकाळ भापण हुवासे तो फेर कंठयो ही काई, पण इसा भाग नोठ निराखळ ही हुनै है।

अवे भाई लोग मनै चुणावां में घीसण लागया। चुणाव रो सेनाण—वड रो पेड़। मनै हरख हुयो के आज जण-जण री जीभ मार्ये म्हारो नांव नळग्यो; पण उण दिन म्हारें दुख रो छेड़ो नहीं रैयो जद में सुणी के वड रो पेड़ हारग्यो। आंधी-तोफान, विरखा-तावडें में अडिग रंरणियो किण सूं हार माने ? पण गैर ! अवे म्हारी अरदास आ है के जिका भाई चुणाव में वड रो सेनाण अपणातें, ये चुणाव मूं पैली, घर रा काम-बंधा विसारनै, समाज री अर देस री सेवा में जुट जातें। सेवा अळी जातें कोनी, फळ देखें ही है। जे सेवा खातर वखत काडीजें कोनी तो फेर इतो चुणाव जीतण में भी कीं लाभ कोनी, चुणाव जीतें जिकां नै जीतण दो।

जद आज में मूंडो खोल लियो तो थोड़ी ग्यान री बात भी कंणी चातू। म्हारो नांव है—वड। जे म्हारें टावरां मांय सूं कोई भी नांव कमावणो, आगे वघणो, चावें

तो उण नै ओ ही कैवणो है कै जिको काम करणो चावै, जिण में दक्षता पायी चावै, उण रै मांय ऊंडो वड़'र गैराई सूं प्रवेश कर । जद कोई आछी तरै मांय वड़सी, जद ही आप री खिमता देखाळण रो मौको मिल सकसी ।

कदैई बोलण रो काम तो पड़ै कोनी । आज पैलड़ी वार जीभ हिलायी है । जे ऊकचुक हिलगी हुन्नै तो माफी बगसावोला । टावर अर वूढा माफी रा हकदार तो हुन्नै ही है ।

वांवलियो अर दूवड़ी

—मनुज राजस्थानी—

तळाव री पाळ माथे अक वांनलियो अर वांनलियो रें नारे-नारे पाळ तने हरी-कच्च दूव । तळाव हवोळा सार्ने अर लेंरां आव'र दूव नें भियो देगें । ज्यूं भीजे ज्यूं ही लारें, आगें, आस-पास सरनयां जातें । दूवड़ी दूर ताई पसरणी । दूव मूं लेगें री छेड़खानी हुस, पण उण रो काई विगडे ? दूव कदेई बोने न पामें, आप रें काम मूं काम ।

हारया-थाकया वटाळ हरी दूव पर बंठे नें थाकिलो उत्तारें । दूव रें गुभास मूं घना राजी हुस नें वडायां करे । सिल्या रा वस्ती रा लोग तळाव माथे आवें तो दूव पर सोलें अर थोड़ा आसूदा हुस, थाकिलो उत्तारें अर मूल्या-बंद्या आपस में दूवरी रा गुन वखाणें । हळसां-हळसां हाथ फेरें, लाठ करे, नें हसरा । लाठ-लाठ मांय दूव फुली जातें —दिन दूणी अर रात चौगणी ।

रोजीना लोगां सूं दूव री वटाई गुणतो-गुणतो वांनलियो आगयो हुगयो । मन मांय करे—म्हाटो म्हारो तो कोई नांश ही मूठें मांय कोनी पालें अर इण दूवड़ी रो वखाण करे—आ ह्यां है, आ वियां है । अक दिन रीसां बळनो बोल्यो—जे दूवड़ी ! तूं के गुमान मांय भरीजगी ? रोजीना टाचरो जूत्यां सूं चीयातें । तूं मत जाणी के अं लोग तने देख'र आस्रें; अं तो म्हारी छियां रें कारण अठे आड-टेड करे ।

पण दूव ना बोली ना चाली ।

वांनलियें जाण्यो इण रें वेजा सिर सूज्यो दीस, जिको दूजें दिन आपरी लांची-लांची सूळां नीचे विखेर दी । लोग आया, बंद्या अर सूळां चुभी । अररर....! बोल्या —ओ वांनलियो वडो खराब है । सगळी सूळां बुहार छेड़ें नाही ।

तीजें दिन वांनलियो दूव सूं बोल्यो—देख तूं अं लोगां नें सिसातणा-बुसातणा रेंवण दे ।

पण दूब तो फेर भी को बोली ना ।

बांवल्लियै ओजूं सूळां घणी-सारी विखेर दी । लोग आया तो देखी कै आज भल्लै सूळां! और रीसां बल्लता बोल्या—अठै बांवल्लियै री कांई जरूरत ?

बांवल्लियो फेरुं बोल्यो दूब नै—आ अनीती चोखी कोनी, तैं क्यों सिर मांय राख गेरी है ?

शांत-शीतल सुभाव री दूब धीरै सूं बोली—अनीती हूं करूं हूं कै तूं ? हूं तो बोलूं ही कोनी, कदैई छेड़ूं न कोई वात करूं; पण रोजीना तूं क्यों बाथेड़ो करै है ? प्रेम सूं प्रेम मिलै । आंटीज्यां फायदो कोनी ।

सिझ्या रा लोग बांवल्लिये नै जड़ामूल सूं काट वगायो ।

घणोई अरड़ायो पण पछै..... ।

जीवण री कला

—बदरीप्रसाद साकरिया—

प्राणी-संसार में मिनख हीज जेक अइसो प्राणी है जित्तो आप री गुन-गुन नै वणी-वणी भांत सूं समझै तथा अनुभव करै है और गुन नै प्राप्त करण न अर गुन नै निवारण रा उपाय सोचतो तथा करतो रैसै है। मूं तो गुन री दृष्टा प्राणीमान में हुबै, पण सिवाय मिनख रै दूजा प्राणी उण उपायों नै उत्पन्न तथा प्राप्त करण में पराधीन है। उणां नै का तो प्राकृतिक साधनां री, का मिनख-उत्पत्ति मापना री, आसरो लेणो पड़ै। मिनख री आ विनोपता रैसती आयी है कै उण आप री बुद्धि-बल सूं प्रकृति रै उण प्रकार रै साधनां सूं कदैँ संतोष नहीं मानियो। उण आप रै जीवण नै अधिक-सूं-अधिक सुखी वणावण सारू तन-तोड़ महनत करवै अनेक प्रकार रा कृत्रिम साधन प्राकृतिक साधनां सूं प्राप्त किया नै फेर कर रैयो है। पण जीवण री उद्देश्य केवल इत्तो संकुचित हीज नहीं है कै जिण री परिधि आप रै गुन ताई ज खिचियोड़ी रैसै। प्राणी-मात्र री मुख-मुखिया री असीम परिधि सूं उण रै जीवण री संबंध धिरियोड़ो है। वो आप रै सारू जो-की करै उण में दूजां री गुन-गुनिया री ध्यान राखै—आ हीज मिनख री गुणवत्ता है।

मिनख-जीवण री इण गुणवत्ता में हीज उण री नैतिकता री समावेश हुयोड़ो है। आप रै जीवण नै कड़ा आचरणां सूं पार पाड़ रैयो है नै दूजां रै प्रति उण री कड़ी भावनावां वणियोड़ी है आ अक देखण री बात है। अक मिनख जे अक गुनाम री माफक मात्र वेठ काढण जैडो हीज काम करतो हुबै; आप रै तथा दूजां रै हित री उण नै ज्ञान ही नहीं हुबै; आशावाद री गूंज उण रै काम सूं नहीं निरखती हुबै; आप रै साथै काम करणवाळां में नूबै उत्साह-उमंग री उमज्जको नै तेजी पैदा करण री शक्ति नहीं हुबै तो नक्की मान लेवणो चाहीजै कै वो मिनख आप रै जीवण नै ऊंचो उठायनै तरक्की रा काम नहीं कर सकैला।

मिनख रै काम करण री पद्धति री सीधो अस्तर काम री गुणवत्ता नै क्षमता ऊपर हुबै है, जिण सूं उण री जाण तथा अजाण चरित्र घड़ीजै है। मिनख जिका-

जिका काम करै वै उण रा अंग-रूप है। उणां में उण री भावनावां रा धवकारा सांभळीजै। 'ढंग जैडो काम नै स्वभाव जैडो वर्तन' ओ प्रमाण है। मिनख रो काम उण री प्रतिभा नै उण रै व्यक्तित्व रो मूल्यांकन है।

मिनख जैडो-तैडो कर नै आप रो काम पूरो कर देवै तो वो आप रै देश, समाज नै खुद नै उचित सनमान प्राप्त नहीं कराव सकै।

घणो करनै लोग आप रै काम रै उपयोगीपणै रो उचित सनमान करण रो विचार ही नहीं करै। वै यूं हीज समझै है कै काम जीवण-निर्वाह सारू करणो है, इण वास्तै ज्यु-त्यु नै जैडो-तैडो कर देवणो। अइरा लोग भूल करै है—वै आप रै मिनखपणै नै आछी तरै सूं विगसान्ण री शक्ति राखता थका भी उण रो उपयोग नहीं कर रैया है।

काम अक दैवरी शक्ति है। समाज और संसार सारू कीं करण रो सुयोग आपां नै प्राप्त हुयोडो है; उण नै अहळै नहीं जावण देवां—आ है काम करनै आप री दैवरी शक्ति नै जागरित तथा उजागर करण री मानव-भावना। मिनख काम करनै आप री दैवरी शक्ति नै उजागर करण सारू अठै आयो है—आ बात हरदम याद राखण री है। काम करण रो अवसर गमान्णो नहीं चाहीजै और उण रै करण में आप रो अहोभाग्य समझणो चाहीजै।

आपां नै विचारणो चाहीजै कै आपां दूजां सारू काम करां हां नै दूजा आपां सारू करै है। आपां दूजां सारू काम करां उण में इणीज भांत निष्ठा हुणी चाहीजै जिण भांत री निष्ठा आपां दूजां रै काम में चावां। इण वास्तै कोई भी काम उमंग नै सत्यनिष्ठा सूं हुणो चाहीजै।

आपणो जीवण-काम अक शिल्प रै समान है। इण शिल्प नै सुंदर कै असुंदर, ओजसवान कै ओजसहीण, प्रेरणादायी कै विनिपातक—कठिन भी मोड़ देवणो आपां रै हाथ री बात है।

इण वास्तै आपां सूं वणै जित्तो भरसक श्रेष्ठ करण री टेव पाड़णी चाहीजै। कोई भी काम करणो तो पूरै मन सूं करणो, नहींतर उण नै हाथ में लेवणो हीज नहीं।

आपां रै मन रै साथ आपां नै नक्की कर लेवणो है कै आपां में रैयोडी श्रेष्ठता रो प्रतिबिंब आपां रै काम में उतारांला। मानस तथा आत्मा रै विकास सारू, दुनिया रै कामां में आपां रै खुद रै सुभग दर्शण सारू, जीवण जीवण री कळा सारू, आपां नै इण दुनिया में कीं करणो है। मिनख-रूप में जो परवानो लिखीजियो है उण रो इण रूप में अमल करणो है। आ हीज है जीवण री कळा।

म्हारी मास्को री साहित्य-यात्रा

—रामनाथ व्यास 'परिस्तर'—

वात १९६६ री गर्मी रें दिनां री हें । उण दिनां भारत रा जूना साहित्यकार अर पत्रकार श्री बनारसीदासजी चतुर्वेदी मामें मनें मामें नगर री साहित्य-संस्थातां रा स्वागतं में सामल हुषण री मोकी मिल्यो हो । चतुर्वेदीजी कम पैसा आयोहा हा जिण सूं जूनें सायियां सूं मिलण री कोट घणां हो । दळ रा पैसा मोक्षिमल-भूमि नेदर-पुरस्कार, १९६६, रा विजेता श्री मुमिद्रानंदनजी पंत हा । पण ये घणकरा बेमार रैमा, जिण सूं अक-दो स्वागतं में ही सामल हुय सक्या । गुजरात रा नामी चट्टागुप्त श्री रत्निशंकरजी राबळ अर केरळ रा टाक्टर पिस्सारोती मामें मोक्षिमल-संध रें नामी कळाकारां सूं मिलण रा मनें घणा मुगंतरा मोरत मिल्या ।

गोरकी-विश्व-साहित्य-संस्थान

जूनें मास्को री बोरोसत्स्की सड़क माथे साहित्यकारां रा चत्तर मोटा तीरय है, जिणां में सगळां सूं मोटो तीरयराज है गोरकी-शिशु-साहित्य-संस्थान । बडे री अक साहित्य-गोष्ठी में चतुर्वेदीजी अर में संचालक अर साहित्यकारां मामें संस्थान रें कामकाज री जाणकारी ली । गोरकी रें थापियोडे दण संस्थान में संसार री १४० भाषातां री विशद अध्ययन करीजे है । मूळ काम संसार रें मोटा देशां री भाषातां अर साहित्यां रें विकास सूं संबंध राखे । संसार रें आधुनिकतम साहित्य री पोथियां अठे रें विद्वानां रें कांटे माथे तोलीजे अर कसोटी माथे चडे । संसार रें नूतन-सूं-नूतन साहित्य री विधातां री मोल-तोल करीजे अर उण मांय सूं चुणियोडे साहित्य री रुसी भाषा अर दूजे गणतंत्रां री साठ भाषातां में अनुवाद करीजे । अक मोटे तराभीने सूं विदेशी साहित्यकारां री दो हजार सूं ऊपर कितावां री छत करोडे सूं घेती प्रतियां हर साल छपे । संसार रें मोटे साहित्यकारां में भारत रा रवींद्रनाथ ठाकुर, बंकिमचंद्र, प्रेमचंद्र, निराला, पंत, इकबाल, वृन्दावतलाल वर्मा, यशपाल, अशक, कृष्णचंद्र, मंडो, अब्बास, आपटे, वरेरकर, अमृता प्रीतम, नजरूल, सुब्रह्मण्य भारती, वीरेशलिगम्, श्री श्री, वल्लत्तोल, कल्कि, कुरुप, मुल्कराज आनंद, आ० के० नारायणन्, भशानी भट्टाचार्य

आदि री पोथियां रा अनुवाद छापण रै अलावै उणां रै साहित्य माथै अनुसंधान-ग्रंथ लिखीज्या है। भाषावैज्ञानिक—वर्णनात्मक री ठोड़ आधुनिक भाषावैज्ञानिक—ग्रन्थपणा अर साहित्य-विश्लेषण रा अनेक तरीका वरतीजै। सोन्नियत-भारतविदया 'रै अध्ययन रै सिद्धांतां री व्याख्या करतां म्हानै वतायीज्यो कै हिंदी, बंगला, उर्दू, मराठी, पंजाबी, गुजराती, तमिळ, तेलुगू अर मलयाळम भाषावां रै साहित्यां रै अध्ययन रा न्यारा-न्यारा विभाग है। साहित्य रै क्षेत्र में उणी साहित्यकारां री पोथ्यां विशेष मानीजै जिकां राष्ट्रीय साहित्य रै विकास में मूळ विधावां नै जलम दियो हुवै। जूनै साहित्य री शोध में अकादमीशियन अ० पी० वारान्निकोन्न तुळसीदासजी री साहित्य-विरासत अर परंपरा रो अध्ययन-विश्लेषण करचो है। मध्यकाळ रै कन्नियां में कवीर, विदयापति, मीराबाई (वी० आईबालिन) री रचनावां रो अनुसंधान अर वैज्ञानिक अध्ययन हुयो है। सूरदास रै सूरसागर माथै वाई० त्सोत्कोन्न शोध रा लेख लिख्या है। अ० सिरकिन जयदेव रै गीतगोविंद रो अनुवाद करतां थकां उण रो विश्लेषण करचो है। श्री वारान्निकोन्न प्रेमसागर और रामचरितमानस रो अनुवाद करण रै सागै-ई इणां री ओपती टीकावां लिखी है। संस्कृत री प्राचीन रचनावां रै मूळपाठां रो अध्ययन अर अनुवाद रो काम तो रूसी विद्वान १८वीं शताब्दी सूं करता आया है। जाण्या-मान्या संस्कृत कन्नियां रा घणकरा ग्रंथां रा रूसी रूपांतर तयार हो चूक्या है। संस्कृत क्लासिक ग्रंथां रै अलावै पाली अर बौद्ध क्लासिक ग्रंथां रो वैज्ञानिक अध्ययन लारलै १५० वरसां सूं बरोबर चालू है। वेदां अर उपनिषदां रा अनुवाद हुया है अर टीकावां लिखीजी है। महाभारत रो विशेष अध्ययन वी० आई० काल्यानोन्न करचो है अर उणां रा चुण्योड़ा अनुवाद अर शोध-प्रबंध घणै ऊँचै दरजै रा है। अश्काबाद रा बी० अेल० स्मिर्नोन्न महाभारत रै चुण्योड़ा अंशां रो सात खंडां में अनुवाद करचो है। पी० अ० ग्रित्सर रो नामी प्रबंध महाभारत अर रामायण रै विश्लेषण री अनोखी पोथी है। वाई० अेम० अलिखानोन्ना 'अमरु-शतक' अर आनंदवर्धन तथा अभिनवगुप्त रै काव्यशास्त्रीय ग्रंथां रा अनुवाद करचा है। मतंग, नारद अर सारंगदेव रै संगीत-संबंधी ग्रंथां पर लेख भी इणां लिख्या है।

राजस्थानी भाषा रै वारै में म्हारी विशेष दिलचस्पी होवण सूं मैं विशेष जाणकारी मांगी, जिण रै उत्तर में मनै वतायीज्यो कै सोन्नियत-संघ रै दिखणादै गणतंत्रां में पारचा जात रै छोटै कवीलां में अेक इसी आर्य-भाषा रो प्रचलन है, जिकी मूळरूप सूं राजस्थानी सूं घणी समानता राखै है। प्रोफेसर ई० पी० चेलीसेन्न इण वारै में खोज रो संचालन कर रैया है। आई० अेम० ओरान्स्की सन् १९६० में इण बोली रो अेक लेख छपायो हो जिण में म्हूं, थां, वो, जावूं, गयो, आयो आदि शब्दां री व्याख्या करी है। मध्य-अेशिया री 'चिगान' अथवा जिप्सी जात रै कवीलां में, विशेषकर ताजिकिस्तान रै रेगिस्तानी भाग अर उज्बेकिस्तान री कई छोटी वसत्यां में, इणी पारचा कौम रा लोग वस्योड़ा है। भोळानाथ तिवारी इण वारै में पोथी छपायी है।

[illegible]

निनिगनुनाया मनेता।

[illegible]

रावणहृथ्यो

—जयचंद्र शर्मा—

लंका रै राजा रावण रै नांन पर दो वाजां रा नांन पुराणी पोथियां में मिलै—
(१) रावणशस्त्र और (२) रावणहृथ्यो । रावणशस्त्र री वणगट किण भांत री ही, उण नै कुण वजान्तो अर वो किसँ मुलक में वाज्या करतो—इण वातां रो जरा-सो भी ठोड़-ठिकाणो कोनी । पण रावणहृथ्यो तो आपां री आंखियां रै सामँ है । राजस्थान में भोपा जात रा लोग इण वाजै नै घणो ही वजान्तै । बै पावूजी री फड़ वांचण री वखत सारी-सारी रात रावणहृथ्यै रै सागँ गाव्रता रैवँ । दिन में भोपा-भोपी अर उणां रा टावर रावणहृथ्यो ले'र मांगण खातर निकळ जावँ । बै घर-घर गा-वजा'र लोगां नै जियां-तियां राजी करै अर आप रो पेट भरै । बैजिका गीत गावँ, उणां री धुन पूरी राजस्थानी अर लय भोत ही चटक-मटकदार हुवँ । उणां री मीठी धुन अर सीधी-सादी बोली रा गाणा इतरा प्यारा लागै कै लोग सुण'र झूमण लाग जावँ ।

वाजै री वणगट सूं उण रै नांन रो संबंध लोग जोड़ै । रावण रै दस माथा हा अर रावण-हृथ्यै रै दस खूंटियां लागी रैवँ । रावण रै दसूं माथां री न्यारी-न्यारी अक्कल ही अर रावणहृथ्यै री दसूं खूंटियां रा न्यारा-न्यारा सुरां रा तार मिलायीजै जिण सूं भांत-भांत रा सुर निकळै । वाजै री 'गज' रामजी रै धनुष री तरियां वणँ जिकी वाजै रै माथै ऊपर चालै जाणै रामजी रै धनुष सूं रावण रा दसूं माथा काटीजै है ।

लोगां रो कैवणो है कै ओ वाजो घणो पुराणो है । आज पावूजी री फड़ भोपा-भोपी गावँ, बियां ही पैली भी लोग कोई कथा-काव्य जरूर गाव्रता । रावणहृथ्यो जद वण चूक्यो हो । अक बूढ़ भोपै साथै म्हारी वात हुयी । उण रो कैवणो है कै म्हारी जात रा पुराणा वडका राजस्थानी बोली में रावणहृथ्यै पर 'रामायण' गाया करता पण पावूजी रै पछै म्हे लोग पावूजी रा पूरा भगत वणग्या अर आज ताणी इणी रूप में पावूजी रा गीत गावँ-वजावँ हां ।

कई लोग इण वाजै रो नांव रण-हथ्यो बतावै । रथहथ्ये पर वाजणवाळी धुनां रो सीधो मेळ पावूजी रै जीवण सूं रैवै । लड़ाई-झगड़ेरी धुनां गा'र जोश दिरावणवाळे वाजै रो नांव रणहथ्यो बुरो कोनी पण ओ नांव ना तो कोई पुराणी पोथियां में मिले अर ना किणी शास्त्र में लिख्योड़ो देखीजै । रावणहथ्ये रो नांव तो कई पोथियां में मिले है । 'लोक-कला' (अंक १३) में श्री अगरचन्दजी नाहटा रो अक लेख 'भारत के प्राचीन वाद्ययंत्र' नांव सूं छप्यो है । उण लेख में राजस्थानी वाजां री सूची है । सूची रै मुजब उण जमाने में राजस्थानी वाजा छत्तीस प्रकार रा हा । इणी लेख में श्री नरोत्तमदासजी स्वामी रै संग्रहालय री अक पोथी रै मुजब छत्तीस प्रकार रै वाजां रा नांव है । दोनू सूचियां में रावणहथ्ये रो नांव तो मिले पण रणहथ्ये रो नांव कोनी मिले ।

दोनों नांवां सूं आ बात सीधी समझ में आवै कै रावणहथ्ये रो सम्बन्ध लड़ाई-झगड़े रै गावण सूं जरूर रैयो है । रावणहथ्ये पर गावणवाळी जात भोत ही गरीब रैयी है । आं लोगां आप रै गीतां सूं जन-साधारण रो मन राजी कर्यो अर आप रो गुजर चलायो । सब सूं मोटी बात तो आ है कै राजस्थान में जोगियां री सारंगी नै छोड़'र दूजो इसो कोई भी वाजो कोनी जिको 'गज' सूं वाजै । गज सूं वाजणवाळे वाजै पर गीत गायीजै; बाकी सगळा वाजा कोरी धुन वजावण रै काम रा हुवै । ओ अकलो सब सूं न्यारो अर ऊंची-सूं-ऊंची टेर निकाळणियो वाजो है । इण रै सुरां रो मिठास तो इतरो जवरो है कै पक्की राग वजावणवाळी सारंगी नै भी ओ मात देवै ।

आपां रै देश में पक्की राग-रागणियां गावण में साथ-संगत करण वास्तै सारंगी अर लोक-धुनां रा गीत गावण में रावणहथ्यो बेजोड़ है । आज 'गज' रा वाजा कई भांत रा दूजा देशां सूं आयोड़ा आपां रै देश में चालै है जियां वायलिन, दिलरुवा, इसराज आदि; पण अब्बाज में ओ सगळा रावणहथ्ये सूं नीचा ही है ।

रावणहथ्ये री वणगट

रावणहथ्ये री वणगट सीधी-सादी हुवै । उण में दो भाग सामनै दीखै—अक तो नारेळ री टोकसी अर दूजो सन्ना-ढोढ हाथ रो वांस रो डांडो । दोनों नै जोड़'र टोकसी नै खालड़ी सूं मंड लो अर ऊपर लोह तथा पीतळ रा तार खेंच दो । वस ! रावणहथ्यो तयार है । गांव रै लोगां री सूझ-बूझ नै कुण नावई ? रावणहथ्ये रा न्यारा-न्यारा भाग नीचे बतायै मुजब हुवै—

टोकसी—वडै-सै नारेळ री टोकसी ले'र उणरी जट नै अकदम साफ कर लेवै, फेर उण नै तिल्ली रै तेल सूं चोपड़'र पक्की कर लेवै अर पछै खालड़ी सूं मंडा लेवै ।

घेरो—वांसपट्टी रो घेरो वणा'र खालड़ी सूं मंड'र टोकसी रै ऊपर चढावै अर सूतळी सूं कस देवै ।

पींदो—टोकसी रै पींदै पर लोहै रो पोलो लगानै, जिण सूं पींदो पक्कौ रैवै। पींदै में कई जणा सीसो ढळा'र टोकसी नै पक्की वणा लेवै। सीसै री ढळाई रो पींदो वणावण सूं अन्नान जोरदार निकळै।

घोड़ी (घुड़च)—टोकसी पर मंढियोड़ी खाल रै ऊपर सूं तार कसीजै। इण तारां रै नीचै छोटो-सो लकड़ी रो अक टुकड़ो रैवै जिण रै ऊपर सूं अर मांयनै सूं तार लायीजै। लकड़ी रै इण टुकड़ै नै घोड़ी कैवै।

लंगोटी—वांसियै पर लागियोड़ा तार टोकसी री खालड़ी रै ऊपर सूं ले'र टोकसी रै लार नै बांधीजै। तार बांधण री इण जाग्यां नें लंगोटी कैवै। टोकसी रै लारनै वांसियै रो थोड़ो-सो टुकड़ो निकलियोड़ो रैवै। ओ भी तारां नै बांधण रै काम आनै।

मोरणा—सारी खूंटियां सूं बड़ी अर खराद उतारियोड़ी दो खूंटियां हुवै। आं बड़ी खूंटियां रै, लोहै रै तारां री जाग्यां, घोड़े री पूंछ रा बाळ बांधीजै। इण बड़ी खूंटियां नै मोरणा कैवै। आजकाल दूसरे मोरणे रै, बाळां री जाग्यां, लोहै रो मोटो तार लगावण लागग्या है।

खूंटियां—वांसियै रै मोरणे नै छोड़'र ऊपर-नीचै सात-आठ सूं ले'र वारै-तेरै खूंटियां हुवै। इण खूंटियां रै लोहै अर पीतळ रा तार लगायीजै। अ तार वजावण रै काम में नहीं आनै ; अ वाजणवाळी धुन नै गुंजाय देवण रो काम करै। संगीत रा विद्वान इण तारां नै 'तरब रा तार' कैवै।

गज—रावणहथ्यै नै वजावण खातर धनुष री तरियां मुड़ियोड़ी झाड़ी री लकड़ी री 'गज' वणायीजै। गज रै घोड़े री पूंछ रा बाळ बांधै। सारंगी री 'गज' सूं रावणहथ्यै री गज में भोत फरक हुवै। सारंगी री 'गज' री मोड़ थोड़ी राखीजै अर रावणहथ्यै री 'गज' री मोड़ धनुष री तरियां वणा'र ढीली-ढाली राखीजै। सारंगी री 'गज' रा बाळ कस्या रैवै।

घूघरा—'गज' रै नाकै कानी आठ-दस घूघरा बांधीजै। घूघरा पीतळ रा च्यार कळीवाळा हुवै। रावणहथ्यो वजावती बखत घूघरां सूं लय रो ठरको लगायीजै।

रावणहथ्यो वणावण वास्तै ना तो कोई कंपनी री जरूरत है अर ना किणी कारीगर री। जिण जात रा लोग इण वाजै नै वजानै, बै लोग ही इण नै वणावण रो तरीको आछी तरियां जाणै। गांव्रां में टोकसी, वांसियो, घोड़े री पूंछ रा बाळ अर लोहै-पीतळ रा तार आसानी सूं मिल जानै, जिकां नै खींच-ताण' र झट सूं वाजो त्यार कर लेवै।

रावणहृथ्यै नै वजाव्रण रो तरीको भी दुनिया सूं न्यारो ही है । दुनिया रा सगळा वाजा 'सूंघा' (सुळटा) वजायीजै पण इण वाजै नै 'ऊंधो' (उळटो) वजाव्रणो पडै । ऊंधो वाजणियो वाजो आपां रै देश में तो और कोई देखण में कोनी आयो । विदेशां रै वाजां में वायलिन वाजो है, जिको आज आपां रै देश में घणो मानीजतो है । वायलिन रावणहृथ्यै री ज्यों ऊंधो वजायीजै । रावणहृथ्यै री अवाज वायलिन सूं जवरी निकळै । अक रावणहृथ्यै री अवाज दस वायलिन रै बराबर हुवै । वायलिन घणो मूंघो मिलै पण रावणहृथ्यो वणाव्रण में कोरी आप रै हाथां री महनत हीज लागै ।

मिलावणो—वाजो कोई भी क्यों ना हुत्रो उण नै वजाव्रण सूं पैली मिलावणो पडै । रावणहृथ्यै नै मिलाव्रण रो भी आप रो न्यारो तरीको है । पैली-पोत नीचलै मोरणै नै कस'र तार ऊंचो चढाव्रो । ओ तार वाजणियो तार कहीजै । इण तार री कसाई गाव्रणवाळै रै कंठ रै पैलीपोत रै सुर रै बरोबर करीजै । पछे दूसरै मोरणै रै तार नै इतरो ही कस'र सागी सुर में मिलायीजै । अब दोनूं तार गाव्रणियै रा 'सा' वणग्या । वाकी तारां रो मिलाव्रणो कोई राग-रागणियां अर ठाठ में तो हुवै कोनी, जिकी धुन वजायीजै उण धुन रै सुरां में मिला लेवै । इण वाजै नै वजाव्रणिया संगीत-शास्त्र रा पंडित तो हुवै कोनी, बै तो लोकधुनां रा वजाव्रणवाळा हुवै । बै आप री धुनां रै मुजब तार मिला लेवै । बस इतरो-सो ही ग्यान इण लोगां रो हुवै ।

वजावणो—टोकसी आळो पासो आप रै कांघै कनै राखीजै । वांसियै नै हाथ सूं पकड़'र चिटली आंगळी रै नूं (नख) सूं वाजणियै तार पर आगै-पाछै चलाव्रण सूं सुर निकळै । जीव्रणै हाथ सूं वाजणियै तार पर 'गज' रगड़नै सूं अवाज निकळै । वाजै नै वजाव्रण वास्तै डावै हाथ री-आंगळियां रा नूं वधाव्रणा पडै । विना नूं वधायां तार कितराई घसो पण सुर कोनी निकळै । तीनूं-च्यारूं आंगळियां रा नूं वधा'र नूत्रां सूं वजाव्रण री रवद (रियाज) करणी पडै । कम-सूं-कम चिटली आंगळी री रवद तो प्रति दिन करणी ही पडै ।

विशेषतावां—रावणहृथ्यै में कई इसी विशेषतावां है जकी दूजा वाजां में देखण में नहीं आवै—

१. विना खरचै रो, सब सूं सस्तो, 'गज' सूं वाजणवाळो वाजो संसार में दूजो कोनी ।

२. वाजणियै तार में घोड़ै रा वाळ लगायीजै, आ वात भी दूसरै वाजां में कोनी मिलै ।

३. खुलै अकास में अवाज रो मिठास दूर ताई सुणीजै, आ वात 'गज' रै दूसरै वाजां में कठई कोनी देखण में आवै ।

४. गावणो, वजावणो अर नाचणो इण तीनू वातां नै अँक सागै पूरो करणवाळो अँकलो ओ ही वाजो है ।

५. विना अडखण रै तारां नै सीधा खूंटियां सूं बांधणवाळी वात भी अचंभै री लागै ।

कमियां

१. ऊँच लोगां में रावणहथ्यै री प्रचार कोनी हुयो ।

२. नीचला सुरां रै वास्तै कोई दूसरो तार नहीं हुवण सूं सुरां री पूरो हिसाब कोनी बैठै ।

इतरी-सी वात वास्तै रावणहथ्यो चोखो वाजो हुतो थको भी लारै रँग्यो । मंद सप्तक रा सुरां री हिसाब नहीं बैठण रो कारण कोई संगीतवाळां भी कोनी सोचियो । जे लारलै मोरण पर लागणवाळै तार में थोड़ो-सो सुधार कर लेवां तो दुनिया रै सगळै गजवाळै वाजां नै मात देवण री ताकत अँकलै इणे वाजै में है । पण आ वात जिका लोग रात-दिन इण नै वजावै उणां रै वस री कोनी । इण में सुधार करणवाळो मिनख संगीत नै जाणणवाळो अर हाथ रो कारीगर हुवै जद ही सुधार कर सकै । दोनू वातां अँक मिनख में मिलणी ओखी है । फेर भी समय सारू कोई-न-कोई जुगत लगा'र रावणहथ्यै में सुधार करणै री खास जरूरत है ।

सातव दशक री राजस्थानी कहाणी

—किरण नाहटा—

सातवों दशक राजस्थानी साहित्य रै मांय पद्य-साहित्य रै वजाय गद्य-साहित्य रै सवळपण रो रैयी है अर गद्य-साहित्य रै मांय भी कहाणी सिरै रैयी है। कहाणी नै ले'र वधोतरी रै गैले में जिका सेंठा पांवड़ा आगीनै धरीज्या है उणां रो मोल-तोल आंकण वास्तै राजस्थानी कथा-साहित्य री आज ताई री जात्रा माथै थोड़ो विचार करणो जरूरी है।

श्री शिवचंद्रजी भरतिया री ईसवी सन् १९०५ में छप्योड़ी 'विश्रांत प्रवासी' नामक कहाणी सूं आज री राजस्थानी कहाणी रो सुरूआत हुवै है। उण रै वाद उण रै ही लगोलग १०-१५ वरसां री अवधि में लिखीज्योड़ी सामाजिक सुधारवादी कहाण्यां राजस्थानी कहाणी रै आगूच वधोतरी सारु नमीन तयार करी, पण ओ राजस्थानी रो मोटो दुर्भाग्य रैयो कै कहाणी नै ले'र जिकै वातावरण रो निर्माण भारत रै दूजै प्रांतां में राजस्थानी साहित्यकारां करयो, अठै रै रैवासी साहित्यकारां उण सूं कीं फायदो नौं उठायो।

इण घटना रै वरसां वाद श्री मुरलीधर व्यास, श्रीचंदराय माथुर इत्यादिक कहाणी-कारां नूवै सिरै सूं पश्चिम रै ढंग री कहाण्यां लिखणी सुरू करी अर 'राजस्थान-भारती', 'मरुवाणी', 'ओळमो' जैड़ी आजादी रै अँडै-गँडै अर कीं वाद में छपणवाळी पत्रिकावां अेक रै वाद अेक नूवै कहाणीकारां सूं राजस्थानी साहित्य-जगत रो परिचय करायो। खासकर १९५० सूं १९६० रै विचाळै नानुराम संस्कर्ता, नृसिंह राजपुरोहित, मनोहर शर्मा, श्रीलाल नथमलजी जोशी, वैजनाथ पंवार अर किशोर कल्पनाकांत जियांलका कई-अेक सेंठा कहाणीकार इण क्षेत्र में आया अर मुरलीधर व्यास तथा श्रीचंदराय माथुर जैड़ा जूना कहाणीकार भी बरोबर लिखता रैया। इणी अवधि में मुरलीधर व्यास रो 'बरसगाँठ' अर श्री नानुराम संस्कर्ता रो 'ग्होयी' नामक कहाणी-संग्रह भी सामे आया।

छठे दशक तक री राजस्थानी कहाणी री इण जात्रा नै निजरां में राख-अर अब जद सातवें दशक री कथा-जात्रा माथै निजर नाखां तो आ बात मतै ही सिद्ध हु जात्रै कै सातवें दशक लारला साठ वरसां री होड में घणो सेंठो रैयो है। क्यूंकै अकै कानी जठै श्री नृसिंह राजपुरोहित रा 'रातवासो' अर 'अमर चूनड़ी', श्री नानूराम संस्कर्ता रा 'दस दोख', 'घर की रेल' अर 'घर की गाय', श्री बैजनाथ पंवार रो 'लाडेसर', श्री नारायणदत्त श्रीमाळी रो 'कंटीला गुलाब', श्री दीनदयाल ओझा द्वारा संपादित 'राजस्थानी कहाणी-संग्रह' अर 'जलमभोम' रो कहाणी-विशेषांक जियांलका नूत्रा कहाणी-संग्रह इणी दशक में प्रकाश में आया बठै रामनिवास शर्मा, हरमन चौहाण, पारस अरोड़ा, रामेश्वरदयाल श्रीमाळी, रामस्वरूप परेश, जगदीशसिंह सीसोदिया जियांलका वीसूं ही नूत्रां कहाणीकार भी इण क्षेत्र में आया अर छठे दशक रा पुराणिया कहाणीकार भी बरोबर लिखता रैया।

इण भांत छप्योड़ा कहाणी-संग्रहां री अर लिखारा कहाणीकारां री दृष्टि सूं तो सातवें दशक मतै घणो सेंठो अर लूठो सिद्ध हु जात्रै। पण खाली छप्योड़ी पोथ्यां री संख्या अर लिखारां री भीड़ ही तो सातवें दशक री उपलब्धि नहीं है। सातवें दशक री उपलब्धि नै आंकण वास्तै कथ्य अर शिल्प री दृष्टि सूं राजस्थानी कहाणी में जिको विकास अर बदलाव आयो है उण नै सामै लावणो जरूरी है।

सातवें दशक सूं पैलां रा कहाणीकारां रो घणकरो ध्यान सामाजिक जीवण नै मांडण रो रैयो अर सामाजिक जीवण में भी अक खास पक्ष नै उठावण रो अर उण नै अक खास निजर सूं देखण-परखण रै कारण यथार्थ बात भी ऊपरी लेखै-जोखै ताई ही पूंच पायी। सातवें दशक सूं पैलांआळा प्रतिनिधि कहाणीकार श्री मुरलीधर व्यास अर नानूराम संस्कर्ता री घणकरी कहाण्यां समष्टि रो प्रतिनिधित्व करै, उण री ही बात करै अर उण रा ही चित्राम मांडै। व्यष्टि उणां रै अठै सात्र उपेक्षित अर विसरायोड़ो है। मोटा-मोटी उणां रो ध्यान सामाजिक जीवण री कुरीत्यां नै मेटण खातर इसी वातां मांडण रो रैयो है—जिणां नै पढ-वांच'र लोगां रै हियै में कीं चानणो हुन्न। बदलतै सामाजिक जीवण, जीवण रै मान-मूल्यां रै प्रति बदलतै नजरियै अर आपसी संबंधां नै ले'र सोचण रै ढंग में आयोड़ै फरक नै दरसानवण री चेष्टा बठै नहीं हुयी है।

सातवें दशक रै कहाणीकार वास्तै समाजचित्रण रो अर्थ खाली कुरीत्यां रै घेरै में फंस्योड़ै समाज नै मांडणो नहीं रैयो है अर ना ही वो समष्टि-जीवण रै ओळ-दोळै ही घूमतो रैयो है। वो और ज्यादा ऊंडो पैठ'र जीवण री सचाई लेणी चात्रै। उण रै वास्तै आदर्श, स्थापित सामाजिक मूल्य अर परंपरावां कीं खास मुतलब नहीं राखै। जर्ण ही तो 'सुहागण भागण' री मा वेटी नै पतिव्रत धरम पाळण री जाग्यां अक ही खेळी माथै सांड अर बलद दोनां नै पाणी पावण रो बात कैंवै। 'जरूरत' री

‘वा’ बिना कीं संकै-सरम रै आप रै देही रै सोदै में कस-वढ लगावै । ‘विजीटेरियन माछी’रा मोट्यार पेट री भूख री तरै शरीर री भूख भेटण नै मानव्री माछ्यछां मोलावै । वठी नै ‘रोटी अर मौत’ रो भूखो-तिरसो मिनख मुड़दां लारै करघोड़ा पींडियां सूं पेट पाळण री जुगाड़ सोच’र घणो राजी हुवै । ‘बुद्ध रो वस्त’ रो ‘महीप’ दुनिया रै जुद्ध-उन्माद सूं आखतो हुयर आतमघात कर लेवै । ‘दिन अक तारीख रो’ में वावू पुराण अखवार रा रही कागदिया अर डाल्डा रा टैणिया वेच’र चाय रै पईसां री जुगाड़ करनै घणो खुस निजर आवै । उण नै ना दुनिया री उथळ-पुथळ री चिंता है अर ना देश री समस्यावां रो सोच । उण नै तो खुद सूं आमै सोचण री फुरसत ही कठै ? ‘भारत-भाग-विधाता’ रो मास्टर अब ना तो लोगां नै उपदेश दे’र उणां नै सुधार रै गैलै लान्णो चान्नै अर ना ही कहाणीकार उण री दुर्दशा रो मार्मिक चित्राम मांड-अर लोगां री सहानुभूति उण रै वास्तै वटोरणी चान्नै । वैं तो उळटो उण री जाग्यां ‘भारत भाग-विधाता’ रै तीजी-पास अर चौथी-फेल मास्टर मलूकदास रै समूळै कवाड़ां अर कौतकां री कहाणी ज्यों-री-ज्यों मांड-अर राख दी । इणी भांत ‘वाप अर वेटो’ में वेटो वाप नै घत्ता वतावण री चाल चालै अर वाप जको अधवूही औसथ्या में लाज-सरम छोड़’र प्रेम रो फंद फैलातो फिरै । पण वेटो तो वाप सूं भी सन्नायो चालाक अर निसरमो जको कै वाप री ठोड़ वाप री पोटायोड़ी भायेली कनै खुद जा’र बैठ जान्नै अर सामै बंठै वाप री रिगळ्यां करै । कैवण रो मतलब ओ कै आज रो कहाणीकार ना तो किणी विचारधारा सूं प्रेरित है अर ना ही किणी खास आदर्श सूं बंध्योड़ो । उण रो समूचो ध्यान ईमानदारी साथै आज रै जीवण नै जथारूप मांडणै रो रैयो है ।

सातवें दशक री राजस्थानी कहाणी में कथ्य री भांत शिल्प में जको बदलाव आयो है वो भी उल्लेख-जोग है । जठै इण दशक सूं पैलांआळा कहाणीकारां रो ध्यान घटनावां नै रोचकता सूं मांडण साथै अर पात्र रै सभान्न अर उण रै गुण-दोषां रो ऊपरी लेखो-जोखो पेश करण कानी घणो रैवतो;—अब वठै आज रै कहाणीकार वास्तै घटनावां गीण हुगी अर पात्रां रै सभान्न रो ऊपरी लेखो-जोखो कीं मुतळव नहीं राखै । वात नै मठार-मठार-नै कैवणो तो वो जाणै ही नहीं अर वात नै सजाणै-संवारणै री वजाय वो मनस्थितियां रै अंकन में घणी सावधानी वरतै । ‘वात रो होवणो’ अर ‘संजोग रो पीवणो’ जैड़ा कथनां रै माध्यम सूं संजोग-तत्त्व रै सहारै वात नै मनमानो मोड़ देवण री उण री हिम्मत नहीं हुवै । आं सगळी वातां रै कारण लारली कहाण्यां अर सातवें दशक रै नूवां कहाणीकारां री कहाण्यां रै विचाळै मोकळी छेती आयगी है । इण सैंठै आंतरै रो अनुमान तो दोनूं पीढ्यां री दो-च्यार कहाण्यां आमै-सामै राख’र सहज ही लगायो जा सकै है । जेकै कानी श्री मुरलीधर व्यास री ‘नरमेघ’ अर ‘पलमै रो मोल’ जैड़ी कहाण्यां राखो अर दूर्ज कानी श्री रामेश्वरदयाल श्रीमाळी री ‘सळवटां’ अर रामनिवास शर्मा री ‘लैप-पोस्ट’ नै राखो; दोनूं तरफ री कहाण्यां नै साथै पढ्यां आंतरो मर्त ही समझ में आ जासी ।

सातवें दशक की कहाणी स्थूल सू सूक्ष्म कानी बधी है अर उण रै कथ्य अर शिल्प दोनों में मंजाव-कसाव आयो है। अब कहाणीकार बारली दुनिया रँ बजाय मांयली दुनियां माथै घणो ध्यान देवै। आज ताई अंतरजगत की जिण अघेरी कोटड़ियां रो पड़दौ उठावण की हिम्मत लारला कहाणीकारां नहीं करी बा हिम्मत आज रो कहाणीकार कर रैंयो है। उण नै इण मिनख रै काळी अर कोझै अंतर-जगत मांय ताक-झांक करतां डर नहीं लागै अर ना ही वो अवचेतन की पड़तां नै उघाड़तो संकै। 'जरूरत', 'विजीटेरियन मच्छी', 'रात रै अधियारै में', 'सुहागण-भागण' जैड़ी कहाण्यां इण बात की साखी देवै है।

अठै ताई सातवें दशक की राजस्थानी कहाणी माथै चर्चा हुयी है उण रो आधार खास करन नूत्रां लेखक अर उणां की सबळी कहाण्यां रैंयी है। पण राजस्थानी रै सातवें दशक की कहाण्यां माथै विचार करतां थकां उण दो-तीन नामां नै भी नहीं भुलायीज सकै जका इण दशक सू पैलां हो कहाणी रै क्षेत्र में आयग्या हा, पण जकां की घणकरी कहाण्यां अर कहाणी-संग्रह सातवें दशक में ही सामे आया। इण कहाणी-कारां में पैलो नांव आबै है श्री नानुराम संस्कर्ता रो। संस्कर्ताजी इण दशक रै मांय राजस्थानी कहाणी-संसार नै तीन नूत्रां कहाणी-संग्रह 'दस दोख', 'घर की रेल' अर 'घर की गाय' नांवां सू दिया। बियां तो अ कहाणी-संग्रह जरूर सातवें दशक की देन है, पण जद इणां में संकलित कहाण्यां माथै विचार करां तो मन ओ मानण नै तयार नहीं हुवै कै अ इण दशक की ही उपज है। 'दस दोख' में दायजो, मृतक-भोज, डाकण, स्थारी अर लैणो जैड़ा समाज रँ दस दोसां नै आधार वणा'र आदर्शवादी भावना सू प्रेरित हो'र लिखीज्योड़ी किस्सागो शैली की कहाण्यां संकलित हुयी है। 'घर की रेल' तो लोक-कथावां रा ही जूना गाभा उतार'र नूत्रां गाभा पैरायोड़ी छद्मवेशी लोक-कहाण्यां ही है अर 'घर की गाय' में भी इसो कीं नहीं आ पायो है जको 'गहोयी' रै कहाणीकार रै विगसाव नै दरसावै।

इण दृष्टि सू दूजा उल्लेख-जोग कहाणीकार आबै है श्री नृसिंह राजपुरोहित, जकां रा 'रातवासो' अर 'अमर चूनड़ी' नांवां रा दो कहाणी-संग्रह इण दशक में सामे आया। इण दोनों ही कहाणी-संग्रहां में लेखक की रळकटाऊ कहाण्यां सम्मिलित है। उणां में कई कहाण्यां तो जठै खाली किणी जूनी वारता या किणी लोक-कथा की याद भर ताजी करावै है बठै कई कहाण्यां छपास की भूख रो परिणाम लागै है। पण इणां रै विचाळै-विचाळै 'उडीक', 'भारत-भाग-विधाता', 'लक्की स्टोन' अर 'कुअै भांग पड़ी' जैड़ी सबळी कहाण्यां भी सामे आयी है जकी निश्चित रूप सू राजस्थानी कहाणी-संसार नै कीं नूत्रो दियो है। श्री राजपुरोहित की इण कहाण्यां नै देख'र ही संतोष हुवै है कै कहाणीकार राजपुरोहित कठैई-कठैई ऊक-चूक हुवण रै वावजूद भी बधोतरी रै गैलै माथै सावळ ढंग सू आप रा कदम बघा रैंया है।

तीजा कहाणीकार है मनोहर शर्मा, जकां रो 'कन्यादान' नांव रो कहाणी-संग्रह अवार ही प्रकाश में आयो है। पण संकलन री सगळी कहाण्यां लिखीज्योड़ी सातवें दशक में ही है। श्री शर्मा रै वास्तै घणो कीं नहीं कै'र इत्तो कंवणो मोकळो हुसी कै वै 'ना साव्रण सूखा ना भादवै हरचा'। मतळव जीवण नै देखण-परखण रो उणां रो जको अेक खास नजरियो है अर वात कंवण रो उणां रो जको रुढ लहजो है उण रै मांय कीं भी बदळान्न नहीं आयो है।

चौथो नांव श्री वैजनाथ पंवार रो आन्न है जकां रो 'लाडसर' नामक कहाणी-संग्रह लारलें साल ही छप्यो है। इण वात सूं कोई इनकार नहीं कर सकै कै श्री पंवार में अेक कहाणीकार री सवळी मीट अर सखरी समझ है अर वात कंवण री उणां कनै अेक आकर्षक शैली है पण विचारों नै ले'र वै ओजू ताई कोई थिर गेलो नहीं पकड़ पाया है। कणैई उणां रो आदर्शवादी चिंतन जोर मारै तो 'भूरी' अर 'पासो' जैड़ी चोखी-भली, सांतरी अर सवळ यथार्थवादी कहाण्यां भी आदर्श रै वास्तै वणान्नी मोड़ ले लेन्न अर कणैई जद वै आदर्श रै मोह सूं मुक्त हुन्न तो 'सुरजी', 'दूजवर' अर 'कातिगमहातम' जैड़ी बिल्कुल यथार्थवादी कहाण्यां भी लिख देन्न। पण सब मिला'र श्री पंवार हिंदी रै प्रेमचंद-युग रा आदमी है, आज रै मिनख री कळपणा अर उलझाड़ ताई उणां री लेखणी हंकारो नहीं भरै।

इण चर्चा मांय प्रसंगवश दो कहाणी-संग्रहां रो जिकर भी कर देवणो जरूरी लखानै। पैलो है श्री दीनदयाल ओझा द्वारा संपादित 'राजस्थान के कहाणीकार' (राजस्थानी) जकै में लोककथा अर सामान्य हंसी-मजाक सूं ले'र आज रै शिल्प री कहाण्यां तक सौ-कीं समझ रै अेक ही गेड़ सूं हांकीज्यो है अर दूजो है श्री प्राणेश द्वारा संपादित 'राजस्थान रा प्रतिनिधि कथाकार' जकै में संपादन-दीठ री अस्पष्टता रै बावजूद भी दो-चार कहाण्यां चर्चा जैड़ी जरूर भेलीजी है।

इण विवेचन सूं ओ तो साफ हु जावै कै राजस्थानी कहाणी रै क्षेत्र में सातवें दशक में भी छप्योड़ी कहाण्यां अर कहाणी-संग्रहां री दृष्टि सूं मुकळायत तो इण दशक सूं पैलांआळा लिखारां री रैयी है पण इत्तो कीं लिख'र भी अेक कहाणीकार अैडो कीं नहीं दे पाया जिण रै कारण सातवें दशक री राजस्थानी कहाणी रै नेतृत्व रो जस उणां नै दियो जा सकै।

राजस्थानी और हिंदी में विभक्तियां

—लक्ष्मी कमल—

१. हिंदी रा व्याकरणां में, अंग्रेजी व्याकरण री देखादेखी, विभक्ति और कारक में भेद नहीं करीजियो है । राजस्थानी व्याकरण रा लेखक भी उणां रँ लारै-लारै चालिया है । पण विभक्ति और कारक दोनूं न्यारी-न्यारी वातां है । संस्कृत रा व्याकरणकारां दोनां में भेद करियो है । विभक्ति रो संबंध शब्द रँ रूप सूं हुन्नै और कारक रो संबंध शब्द रँ अर्थ सूं ।

२. संस्कृत में सात विभक्तियां हुन्नै—प्रथमा, द्वितीया, तृतीया, चतुर्थी, पंचमी, षष्ठी और सप्तमी; और छन्न कारक हुन्नै—कर्ता, कर्म, करण, संप्रदान, अपादान और अधिकरण । हिंदी व्याकरणकार दो कारक और वतान्नै—संबंध और संबोधन । संस्कृतवाळा इणां नै कारक नहीं मानै क्योंकि इणां रो संबंध क्रिया रँ निष्पादन सूं नहीं हुन्नै । कारक रो लक्षण है—क्रियां करोतीति कारकः, जो क्रिया नै करै अथवा क्रिया रँ हुन्नै में मदत करै उण नै कारक कैन्नै ।

३. विभक्ति और कारक अेक ही वात नहीं है इण रो मोटो सबूत ओ है कै अेक विभक्ति अनेक कारकां में आन्नै और अेक कारक में अनेक विभक्तियां आन्नै । उदाहरण रँ खातर—

(क) अेक विभक्ति अनेक कारकां में—

(१) प्रथमा विभक्ति कर्ता और कर्म दोनूं कारकां में आन्नै—

कर्ता—बालकः पठति (बालक पढै है) ।

कर्म—बालकः पाठ्यते (बालक पढायीजै है) ।

(२) तृतीया विभक्ति करण में भी आन्नै और कर्ता में भी—

कर्ता—कुठारः काष्ठं छिनत्ति (कुठार काठ नै वाढै है) ।

करण—कुठारेण काष्ठं छिद्यते (कुठार सूं काठ वाढीजै है)

(ख). एक कारक में अनेक विभक्तियां—

(१) कर्ता कारक में प्रथमा भी आवै और तृतीया भी—

प्रथमा—बालकः पठति (बालक पढ़े है) ।

तृतीया—बालकेन पठ्यते (बालक सूं पढ़ीजै है) ।

(२) कर्म कारक में प्रथमा भी आवै और द्वितीया भी—

प्रथमा—पाठः पठ्यते (पाठ पढ़ीजै है) ।

द्वितीया—पाठं पठति (पाठ ने पढ़े है) ।

षष्ठी—बालकः मातुः स्मरति (बालक मा ने याद करै है) ।

(३) अधिकरण कारक में सप्तमी भी आवै और द्वितीया भी—

सप्तमी—विष्णुः वँकुंठे वसति (विष्णु वँकुंठ में वसै है) ।

द्वितीया—विष्णुः वँकुंठम् अधिवसति (विष्णु वँकुंठ में वसै है) ।

४. राजस्थानी और हिंदी में मुख्यकर सात विभक्तियां हुवै—पहली, दूसरी तीसरी, चौथी, पांचवीं, छठी और सातवीं । इणां रा दो भेद हुवै—(१) मूल विभक्तियां और (२) यौगिक विभक्तियां । मूल विभक्तियां रा रूप प्रत्यय जोड़णै सूं वर्ण जिका दोनां वचनां में भिन्न-भिन्न हुवै और यौगिक विभक्तियां रा रूप परसर्ग जोड़ियां सूं वर्ण जिका दोनां वचनां में अभिन्न (समान) हुवै ।

मूल विभक्तियां हिंदी में दो हुवै और राजस्थानी में तीन; और यौगिक विभक्तियां हिंदी में पांच हुवै और राजस्थानी में चार । तीसरी विभक्ति राजस्थानी में मूल विभक्ति हुवै पण हिंदी में यौगिक विभक्ति हुवै । यौगिक विभक्तियां रा रूप हिंदी में दूसरी विभक्ति रँ आगँ परसर्ग जोड़णै सूं वर्ण पण राजस्थानी में दूसरी-तीसरी दोनां विभक्तियां रँ आगँ परसर्ग जोड़नै वणायीज सकै ।

५. विभक्तियां रा रूप इण भांत हुवै—

हिंदी		राजस्थानी	
अनेकवचन	अनेकवचन	अनेकवचन	अनेकवचन
१. घोड़ा	घोड़े	१. घोड़ा	घोड़ा
२. घोड़े	घोड़ों	२. घोड़ा	घोड़ां
३. घोड़े ने	घोड़ों ने	३. घोड़ै	घोड़ां
४. घोड़े को	घोड़ों को	४. घोड़ै नै } घोड़ा नै }	घोड़ां ने

५. घोड़े से	घोड़ों से	५. घोड़े सूं } घोड़ा सूं }	घोड़ों सूं
६. घोड़े का	घोड़ों का	६. घोड़े रो } घोड़ा रो }	घोड़ों रो
७. घोड़े में	घोड़ों में	७. घोड़े में } घोड़ा में }	घोड़ों में

६. पहली विभक्ति मुख्यकर कर्ता और कर्म कारकां में आवैं । उण में अनेकवचन में कोई प्रत्यय नहीं जुड़ै । अनेकवचन में भी नरजाति में कोई प्रत्यय नहीं जुड़ै; मात्र हिंदी में 'लड़का'-वर्ग रँ आकारांत शब्दां में 'अे' प्रत्यय लागै और इणी भांत राजस्थानी में 'लड़को' वर्ग रँ ओकारांत शब्दां में 'आ' प्रत्यय लागै । नारी-जाति में हिंदी में 'अें' अथवा 'आं' प्रत्यय लागै और राजस्थानी में 'आं' प्रत्यय लागै ।

हिंदी

लड़का पढ़ता है
लड़की पढ़ती है
लड़के पढ़ते हैं
लड़कियां पढ़ती हैं

राजस्थानी

लड़को वांचै है
लड़की वांचै है
लड़का वांचै है
लड़कियां वांचै है

७. दूसरी विभक्ति संबोधन कारक में आवैं । इण रँ अनेकवचन में कोई प्रत्यय नहीं जुड़ै; मात्र 'लड़का'-वर्ग और 'लड़को'-वर्ग रँ शब्दां में पहली विभक्ति रँ अनेकवचन जिसा रूप हुवँ अर्थात् हिंदी में 'अे' प्रत्यय जुड़ै और राजस्थानी में 'आ' प्रत्यय । अनेकवचन में सगळा शब्दां में हिंदी में 'अें' प्रत्यय और राजस्थानी में 'आं' प्रत्यय लागै—

हिंदी

लड़के ! कहां जाता है ?
लड़की ! कहां जाती है ?
लड़कों ! कहां जाते हो ?
लड़कियों ! कहां जाती हो ?

राजस्थानी

छोरा ! कठै जातै है ?
छोरी ! कठै जातै है ?
छोरां ! कठै जातो हो ?
छोरियां ! कठै जातो हो ?

८. तीसरी विभक्ति सकर्मक क्रिया रँ भूतकृदन्त सूं वणियोड़ै भूतकाळ रँ कर्ता कारक में आवैं । इण विभक्ति रा रूप संस्कृत री तृतीया विभक्ति सूं वणियोड़ा है । इण रा रूप हिंदी में दूसरी विभक्ति रँ आगै 'ने' परसर्ग जोड़ियांसूं वर्ण; राजस्थानी में

१ आधुनिक हिंदी-लेखक संबोधन में अनुस्वार-रहित रूपां रो प्रयोग करै पण अनुस्वार बाळा रूप ही मूल रूप है ।

आ मूल विभक्ति है, अनेकवचन में कोई प्रत्यय नहीं लागै मात्र 'लड़को' वर्ग रै शब्दां में 'औ' प्रत्यय लागै; अनेकवचन में सब शब्दां रै आगै 'आं' प्रत्यय लागै—

हिंदी	राजस्थानी	संस्कृत
लड़के ने पढ़ा	लड़कै वांच्यो	वालकेन पठितः
लड़की ने पढ़ा	लड़की वांच्यो	वालिकया पठितः
लड़कों ने पढ़ा	लड़कां वांच्यो	वालकैः पठितः
लड़कियों ने पढ़ा	लड़कियां वांच्यो	वालिकाभिः पठितः

६. चौथी विभक्ति संप्रदान और कर्म कारकां में आबै । आ हिंदी में दूसरी विभक्ति रै साथै 'को' परसर्ग जोड़ियां सूं तथा राजस्थानी में दूसरी अथवा तीसरी विभक्ति रै साथै 'नै' परसर्ग जोड़ियां सूं वणै—

हिंदी	राजस्थानी
लड़के को पोथी दी ।	लड़कै नै पोथी दी । }
	लड़का नै पोथी दी । }
मैंने लड़के को देखा था ।	मैं लड़कै नै देखियो हो । }
	मैं लड़का नै देखियो हो । }

१०. पांचवीं विभक्ति करण, अपादान और कर्ता कारकां में आबै । आ हिंदी में दूसरी विभक्ति रै साथै 'से' परसर्ग जोड़ण सूं, तथा राजस्थानी में दूसरी अथवा तीसरी विभक्ति रै साथै 'सूं' परसर्ग जोड़ण सूं वणै—

हिंदी	राजस्थानी
मैंने रस्से से नापा ।	मैं रस्सै सूं / रस्सा सूं नापियो ।
वह घोड़े से गिरा ।	वो घोड़ै सूं / घोड़ा सूं पड़ियो ।
लड़के से अब उठा जाता है ।	लड़कै सूं / लड़का सूं अबै उठीजै है ।

११. सातवीं विभक्ति अधिकरण कारक में आबै । आ हिंदी में दूसरी विभक्ति रै साथै 'में' परसर्ग जोड़ियां सूं तथा राजस्थानी में दूसरी अथवा तीसरी विभक्ति रै साथै 'में' परसर्ग जोड़ियां सूं वणै—

हिंदी	राजस्थानी
वह कमरे में बैठा है ।	वो कमरै में / कमरा में बैठो है ।

१२. छठी विभक्ति अक संज्ञा रो (अथवा संज्ञास्थानी रो) दूजी संज्ञा रै साथ संबंध बतावै अथवा किणी संज्ञा नै (अथवा संज्ञास्थानी नै) संबंधसूचक अव्यय रै साथै जोड़ै । इण रा रूप हिंदी में 'का' परसर्ग जोड़ियां सूं और राजस्थानी में 'रो' परसर्ग जोड़ियां सूं वणै । इण प्रत्ययां में, आकारांत विशेषणां ज्यूं, वचन और जाति रो भेद हुनै—

हिंदी

घोड़े का पैर
घोड़े के पैर
घोड़े की पीठ
घोड़े के ऊपर

राजस्थानी

घोड़ै रो / घोड़ा रो पग
घोड़ै रा / घोड़ा रा पग
घोड़ै री / घोड़ा री पीठ
घोड़ै रै / घोड़ा रै ऊपर

१३. विभक्तियां रा परसर्ग कदै-कदैई, विशेषकर कविता में, लोप हु ज्यानै—

हिंदी

किताब नोकर के हाथ भेज रहा हूँ । पोथी नोकर रै हाथ भेजूं हूँ ।
अपने हाथों यह काम किया । हाथां ओ काम करियो ।

राजस्थानी

१४. इण सात विभक्तियां रै अलान्नै दो विभक्तियां निपात जोड़ियां सूं वणै । अ निपात है 'पर' और 'तक' (राजस्थानी में तक, ताई आदि)—

हिंदी

मोर वृक्ष पर बैठे हैं ।
घर तक चले चलो ।

राजस्थानी

मोर रूख पर बैठा है ।
घर ताई चालो परा ।

१५. इण नन्न विभक्तियां सूं भी सगळा संबंध प्रगट नहीं हो सकै, इण वास्तै संबंधसूचक अव्ययां नै काम में लायीजै । अ संबंधसूचक अव्यय छठी अथवा पांचवी विभक्ति रै बाद आनै ।

हिंदी

घोड़े के साथ
घोड़े के आगे
नदी से परे
पापी से दूर

राजस्थानी

घोड़ै रै सागै
घोड़ै रै आगै
नदी सूं परै
पापी सूं दूर

टिप्पणी—विभक्ति रै परसर्ग रो कदै-कदै लोप हु जानै—

घोड़े आगे
घोड़े सहित

घोड़ै आगै
घोड़ै समेत

१६. कई संबंधसूचक अव्यय ऊपर बतायी विभक्तियां रै अर्थ में भी वापरीजै ।
जियां—

हिंदी

तीसरी—द्वारा
चौथी—लिए, निमित्त, वास्ते
सातवीं—भीतर, अंदर
आठवीं—ऊपर

राजस्थानी

द्वारा, हस्ते
वास्तै, खातर, सारू
मांय
माथै, ऊपर

१७. राजस्थानी की विभक्तियों की सारणी

विभक्ति	जाति	शब्द	प्रत्यय		उदाहरण		
			एक वचन	अनेक वचन	एक वचन	अनेक वचन	
पहली	नर	ओकारांत	×	आ	घोड़ो	घोड़ा	
	„	शेष	×	×	राजा	राजा	
	नारी	अकारांत	×	आं	गाय	गायां	
		आकारांत	×	आं, त्रां	माळा	माळां माळात्रां	
		उ-ऊकारांत	×	त्रां	वहू	वहुत्रां	
		इ-ईकारांत	×	यां	घोड़ी	घोड़ियां, घोड़्यां	
दूसरी	नर	ओकारांत	आ	आं	घोड़ा	घोड़ां	
	नर-नारी	}	अकारांत	×	आं	गाय	गायां
	आकारांत			आं, वा	माळा	माळां, माळात्रां	
		उ-ऊकारांत		त्रां	वहू	वहुत्रां	
		इ-ईकारांत		यां	घोड़ी	घोड़ियां, घोड़्यां	
	तीसरी	नर	ओकारांत	अं	आं	घोड़ै	घोड़ां
नर-नारी		}	अकारांत	×	आं	गाय	गायां
आकारांत				आं, त्रां	माळा	माळां, माळात्रां	
		उ-ऊकारांत		त्रां	वहू	वहुत्रां	
		इ-ईकारांत		यां	घोड़ी	घोड़ियां, घोड़्यां	

जवान रो सांग

—मनोहर शर्मा—

भाया ! तूं पच्चीस वरसां रो जरूर है,
पण तूं जवान कोनी, मोटियार कोनी ।

दीखत में तूं जवान-सो लागै है
जाणै रोहीडै रो फूल,
पण तेरो मन वूढो है
जाणै कादें में फंस्योडो वाछड़ियो ।

जे तूं जवान है
तो तेरें देस में भ्रष्टाचार क्यों ?
तेरें वोट सूं जीत्योडा
भूखै भारत रा नेता
कोठियां में बैठा मौज क्यों करै ?

जे तूं जवान है तो
घूस खाय'र सूज्योडा सरकारी अफसर
मोटरां में फूल्या क्यों फिरै ?
काळै वजार रा कपटी व्योपारी
घोळा गाभा पैरयां
नागरिक अभिनंदन क्यों करावै ?

तनै जोस कोनी आस्रै;
 कदै-कदैई किरौघ जरूर आस्रै है,
 जद तूं तोड़फोड़ री मरदमी दिखास्रै,
 आणै कोई टोरड़ो
 आप रै धणी रै सूनै खेत में
 तापड़ा काढतो हुवै ।

तूं पढाई रो पट्टो लियां फिर है
 पण तूं पढ्यो कोनी, गुण्यो तो दर-ई कोनी;
 तूं तो नौकरी री दुरासा में
 बखत काढ्यो है ।

भाया ! जन्नान तो वो है
 जिको दूजां रो भारं हलको करै ;
 अरे ! तूं तो तेरी-ई ज़िदगी रै बोझ सूं
 दव्यो जास्रै है;
 पछै तूं जन्नान किण नांन रो ?

कम-सूं-कम इतरो तो कर
 तूं खुद नै जन्नान मत बतावै ;
 आगै सूं कोई पूछै तो
 खुद नै पच्चीस वरसां रो नीं बताय'र
 पचास वरसां रो बताया कर,
 जिण सूं लोग सोच लैवै—
 ओ जन्नान कोनी,
 जन्नान रो सांग है ।

भाग री लड़त-पड़त

—हरमन चौहाण—

मगरमच्छ

म्हारी घांटी पकड़'र

आघो अर आघो घसीटतो

झील रै वीचूं-वीच लेग्यो है ।

सगळा लोग मूंडा फाड़ता

गुटळ-गुटळ न्हाळे है—चीस मारै है
कोरी !

बस ! आंतरै सूं

ठिणक्या-सिणक्या करता,

देखता—

कैत्रै है—प्रभु री लीला

अजब है !

म्हारी सांसां रुक-रुक'र अब तो

आखरी दौर पूरो करण में लागी है;

लोही नाक-मूंडा सूं निकळतो

आखी झील नै

लाल करग्यो है....

छतां म्हारी जांघां,

लोही सूं लपथळ,

मगरमच्छ नै दवाय राखी है ।

तीरां पर ऊभा लोग

मनै देख हंसै है—अचरज करै है—

‘ओ छोरो झील नँ लाल कींकर कर रैयो है ?

मरतोड़ो—

हिम्मत रै पाण मगरमच्छ सूं जूझ रैयो है !’

मगरमच्छ हाल ताई

म्हारी जांघां रै विचै वरड़-वरड़

बोलै है; सायत

हाडका टूटै है

लोही लाल कर रैयो है पाणी नँ

अर हूं अब म्हारी घांटी छुडा’र उणरी घांटी दाब दी हूं ।

अक खारी अनुभूति

—रामस्वरूप 'परेश'—

अजगरी तोपां सू,
लाठी सू जूझता
मुक्ति-सेना रै सिपाही री
फाटेड़ी पेंट री जेब सू
लाघी है
खारी अनुभूति री
अक कुनैण री गोळी ।

हरी कूंपळां री
मुळकणां री दाझेड़ी सोरग सू
घुटेड़ो,
आंसुवां रा नोट अंटी में लुकायां,
प्रीत रा खूता रमतिया
सुपनां री जोध-जवान लोथां पर
भागतो हूं
आखै जग न
वांटवा नै उतावळो हूं
कुनैण रा किरचा ।

म्हारली आस्था
 ताड़ी पी'र नाळें में पसरगी,
 सभ्यता रें
 वारणै रें शौकिया कैवटस में
 उलझग्यो रूपाळो चीर,
 जर न-जाणै कठै कटगी
 संस्कृति री जेव ।

में म्हारो सो-कीं
 जेज री गाडी में भूल आयो ;
 ओक खारी अनुभूति री
 कुर्नण री गोळी रा किरचा
 आखै जग नै वांटवा नै
 भाज रैयो हूं
 उतात्रलो हूं ।

मरम जिंदगाणी रो

—विनोद सोमाणी 'हंस'—

अठा सूं कागद भेजणो

अर ब्रठे मिल जात्रणो

घणो महत्त्व नी राखै

पण

इण आत्रण-जात्रणै री प्रक्रिया में

कतरी अनुभूतियां जुड़ी थकी है—

आ वात हरेक नीं जाणै ।

ओ जीवण रो क्रम ही अजब है;

जनम सूं लेय'र मरणै तक

केई वितृष्णावां, कड़वा घूंट

अर घुटन म्हांनै हुवै है,

सागै ही कई विस्वासी अर उछव-भरचा बोल

आपां नै हिम्मत बंधावै है ।

पण, ओ संघर्ष आपां रै वास्तै

महत्त्वहीण हुणो चाहीजै;

विना स्वारथ, अर निष्काम हुयनै,

आपा नै जीवणो पड़सी;

ज्यांन अेक कागद अठा सूं चाल'र

ठप्पां री चोटां खातो-खातो

किणी री लांबी इंतजार नै मिटाय देवै,

किणी विरही आतमा नै

आणंद री लहरां में डुबोय देवै ।

ओ हीज जिंदगाणी रो मरम है ।

रात आयी

—श्रीमती आशा शर्मा—

रात आयी !
रात आयी !!

चांद रो सिर पर
जड़ाऊ बोर,
हार किरणां रो
गळै लटकै,
पगां में पाजैव
तारां री,
चानणै री
चूनड़ी चमकै,
सोवणी-सी आ लुगाई ।
रात आयी !

जा सकै कोई
वठै कोनी,
देस इण रो
बादळां रै पार ;
महल में दिन भर
लुक्योड़ी
आ करै ही
आप रो सिणगार ;
रूप में कोनी समायी ।
रात आयी !

आंतरै सूं आ,
 लुक्योड़ी,
 आप री झोळी
 पटक दी खोल ;
 नींद घुळगी,
 और नैणां पर
 विखरग्या सपना
 घणा अनमोल ;
 आ दिखायो खेल काई ?
 रात आयी !

आंसुवां री ओस
 वरसान्नै,
 फूल-पत्तां पर
 पड़ी है छांट,
 वातली रो-रो
 करै जागण ;
 देख री है आज,
 किण री वाट ?
 आंख भी कोनी लगायी ।
 रात आयी !
 रात आयी !!

भरमटियो

—विश्वंभरप्रसाद शर्मा 'विद्यार्थी'

वागा में सूती हरियल
आंखियां मसल-अर उठी,
ईनै-ऊनै झांकण लागी—
ऊभी हूँ देखण लागी ।

पंछीड़ां रै हिनड़ां में
रागां नाचै ही,
रीझै ही; भीजै ही,
कंवली-कंवली कूपल सा'रै
रूपव्रंती कूकूं वारै
हंस-हंस बतलावै
नैणां में मुसकावै
कानांवाती करै
मन री कैवै
सान् वृझै
आमां री मीझरां ।

सोरम रा झीणा फटकारां में
झोटा खा-खा'र
नींद रा मीठा गुटका लेवै
ऊगै, औझकै
नानी-नानी, काची-काची,
हरी-कचन, दूध दांतां,
मधरी-मधरी, मीठी-मीठी,
आमां री मीझरां ।

इत्तै नै घणै आंतरै,
 खेत री सीव पर,
 हूक में हबोळा खांवतो
 मीठा-मीठा बोल वरसावण लाग्यो—
 पीवू ! पीवू ! के....को....हो ! के....को....हो !
 खुसी कर ! खुसी कर !—
 आसीसां देवण लाग्यो
 तीतरां रो झूमको !

रूखां-रूखां वानरमाळ बंधगी,
 बाग-बगीचा फूलां री झोळी ले
 रंग छिटकावै,
 खुसियां सोवण-थाळ वजावै,
 वधावा गावै,
 रूप-रुत नै सजावै ।

अमराई में झुक-झुक झांकै ही
 कुंहं ! कुंहं ! कैवै ही
 बुलबुल बोली—
 'कीं कैवू !—कीं कैवू ।'
 चिड़कल्यां बोली—
 'तूं कै !—तूं कै !'

में बोल्हो—कंवो कनी वेगी-सी ।
 बै म्हारी आख्यां में निजर पसार
 धीरै सूं म्हारै कान में कैयो—
 होळी आयी अे फूलां री झोळी,
 झरमटियो लै !

नीरवता

मूल—टामम हुड
अनुवाद—दामोदरप्रसाद

रही जठै ना किणी भांत री किणी घड़ी कोई आवाज ।
नीरवता है बठै, जठै ना गूंज सकै जीवण रो साज ॥

ठंडी कवरां, ऊंडी खोहां, अतळ सागरां रो तळ-देस ।
दूर-दूर पसरि मरुभोमां, जठै नहीं जीवण रो लेस ॥

जठै मूकता पांत्र-पसारघां गहरी-नींदां सोनै घाप ।
मिलै बठै ना लुकी-छिपी भी, जीवण-घुड़लै री पद-टाप ॥

पण पथ-भूल्या वादळियां री पड़ै भटक कर कोई छांन ।
अणवोल्या अणचेतन सूत्या आळस-भरघा अड़ावां मांय ॥

× × ×

घास-ढक्यो, मळवै रो ढिगलो, निर्जनभीतां है अपन्नाद ।
जठै मिनख कण-कण में रमतो, जूनामहल हुया बर्वाद ॥

मटमैली लूंकड़ियां बोलै, जंगली जरखां करै पुकार ।
उडै निरंतर धूधू बोलै, गूंजै जठै विकट चीत्कार ॥

पन्न प्रलाप करै कर्कस वण, टकरावै अर हुवै अशांत ।
पण सांची नीरवता तो है आत्म-चेतना अर अकांत ॥

मुरधर री जाम

—सूर्यशंकर पारीक—

(१)

सुगणां रो सुगणो वीर कान्ह चोखड़ ले पाणी री आयो
 'जै!' कै जाखेड़ो जैकायो है कामल ऊंठ घणो भायो
 धरती रै इण धन नै धिन-धिन, धिन है धरती इण नै जायो
 मुरधर री जाझ वता इण नै कबिता में कबि-जन गुण गायो

(२)

थुबर है कोट-मदारा-सो, आ पूछ पूंगणी-सी लागै
 ओरीसा-सा ओडर मदवै सिर भूण नाड़ लांवी सागै
 कोड्याळा घुघरिया गळ में, मुखमली वेळचो मूं वागै
 चांदी रो नकतोरण, मूरी वाट्योड़ी रेसम रै तागै

(३)

करवल पर कूंची फुलइयां री, कर जड़ाजंत जड़ियोड़ी है
 रेसम रै पाट पागड़ां में सोन्न साटी नुकत्योड़ी है
 रेसम री रासां, तंग तीखा, करवल पीठां जुगत्योड़ी है
 टोळै रो टाळवत टोडो कबि री उक्ती उक्त्योड़ी है

(४)

बांध्योड़ी पैजणियां वाजै, लूमाळो गोरबंद लूमै
 कारीगर कांगसिया कोरचा, चितराम घेर घूमर घूमै
 रूडो रंगीलो झूल ओढ दो दांत टोरड़ो है भूमै
 भूरो रातो काळै कांटै तिसळो कानां झावर झूमै

(५)

पग मेल पागड़ै पींगै में वायरियो वात करै लारै
 सामैं दीसैं अलछी जिनसां छिन में ही दै आवैं सारै
 धरती रै पूत घिणाय घणो, विखमी मजलां नै के वारै ?
 ले ठोड़-ठिकाणै ओठी नै पोंचावैं टोडो वा' वा' रे !

(६)

ओ तीखी विख हालैं टोडो, 'ढोलै रो मरवण मेळ करा
 गजधर नापै ज्यूं धरती नै, नापै करवल है वियां घरा
 सौ जा कोसां आवैं ओठी, जद सार-तार सूं पूस चरा
 मुरधर रो है करवल साथी, थोड़ी पण जितरी करां सरा

(७)

सरणाट करंतो धरती पर वे-हरड़ाटां पांगळ हालैं
 दे टिचकारी दधैं दिखा तड़ी, देखो, टोडो किण गत चालैं
 सीधी-चपटां पड़छां चालैं हालैं-हुलकै मधरो मालैं
 पेटां रो नीं पाणी हालैं, अँडो सोरो गजवी चालैं

(८)

संपूर चढै ऊभं गाळै, ज्यूं उडणी जाझ चढै नभ में
 ढळज्या' ढळांत ज्यूं सागर में नाव्रड़ियै नाव्र रत्रै ढव में
 डीवो डिगणो इकटंगियो-सो, पण नींव पकी च्यारां पग में
 मुरधर रै मांथ्यां रो वेली वीजो न भाळ आयो जग में

(९)

मोटर रा जाम चका हुय ज्या, दै जीप वापड़ी जीभ काढ
 लोरी लारीकर नीसरज्या, नीं पड़ै काढणी वाढ-वाढ
 घोरांळी धरती-जाजम पर करवल कांधोळै चाढ-चाढ
 पग चंप्योड़ी मैदी चालैं, पग मेलैं धरती ठाड-ठाड

(१०)

पाणी रै वहतै वा'ळै में, नाळै में, खाळै में नाठो
 फांफां में, झांफां-डांफां में चालण में टोडो है सांठो
 साचेलो पूत सिपाही है, वैरी सूं राखै है कांटो
 इण जैडो लूण-उजाळणियो धरती पर मुसकल है काठो

(११)

नभ में वहै उललतो खग ज्यूं आथण कद हुवण रै अपूठ
ओ ऊंठ अठागळ नैसां कढ गुल्लो गुलफी ज्यूं करै झूठ
भ्रगलो फदकां ज्यूं वहै ढाण पाणां नै राखैला अपूठ
घणियां रै कारज नै सारण करवल रो अँग-अँग गयो ऊठ

(१२)

जाणीजै जोगी जंगळ रो, करवल करोत धरती वैंरं
धरती पर फाळ फणां चालै, ओठी जद कं देवैं देरै
फूफाट करंतो व्है ढाणां, गोळी री चोट चलयो जेरै
कारज नै सारण रै सारु व्रत लायां धरती पर ह्वै रै

(१३)

भड़ भिड़तां, लड़ती फौजां नै, कुळ-खोजां नै मिटता राख्या ?
सेताव चढ्यो ओठी तैं पर देखां, जाणै ! पूगै दाख्या ?
इणगी सूं ले उणगी कसिद मनसोबो संधी रो राख्या ?
तूं न हुवता धरती माघं कनि कुण रा गुण आछा आख्या ?

(१४)

दे रातव टोडें नै टोरयो, तेळास करयो, तीनूं तणग्या
टोडै कद पाछ रळायी, जद पग दड़ाछंट पहिया तणग्या
सोरै रो पण कणूं काई, जणग्या वां जड़ा वैं जणग्या
ओठी करवल नै टोरै है, वैं गया-गया ही वैं पण ग्या !

(१५)

उरणावैं टोडो, हेज करै, ओठी टोरयां के जेज करै
रातो है मातो खाथो-सो चाल्यो है मारग काम सरै
वो दड़ाछंट पग मेल्यां जा', गुळ घणो फिटकड़ी खड़ो चरै
अ सुगन-सरोधा हुया सृण, वैंणूं है सामे मिल्यो भरै

(१६)

मिनखां री बोली ही खाली नीं बोल सकै पण इण जग में
पण मिनखां री बोली समझै, धरती रो नकसो है पग में
जिण जगां जावणो ओठी नै, ऊठीनै पग मेलै मग में
फंटतै मारग में नीं चूकै, मूकै कद वैंण सुण्यां संग में

(१७)

काळ ऊनाळ री रातां पंच-मणा गूण माथे मेल्यां
लदपद लोभी लदवो चालै, पदवै कद पग पाछा मेल्या ?
मिनखां ज्यूं सैन समझ स्याणो, अँडो वेल्यां रो है वेल्यां
गिरव्वाण नास नेकी मूरी पंथ पावर् नीं भूलै गेल्यां

(१८)

बूरचोडा लोर उलरग्या जद मोटोडी छांट्यां में' वरस्यो
तेजै री तीखी टेर सार मन मोद घणो करसो हरस्यो
हळ ठाठ आगडा बांध हाल पैलै हळोतियै नै परस्यो
करवल रै मोळी कंठां में बांधी करसै हिन्नडै सरस्यो

(१९)

माही रै मेळै झूठ करै, वादळ ज्यूं साव्रण में गाजै
मदद्यकियो आंटीलो मदवो है घणो फूटरो ओ साजै
पीठै पर पटक माकडै नै जाड्यां री मूं चरखी वाजै
मुरधर रै मिनखां रो वेली, इण आगळ जीव सभा लाजै

(२०)

लाडै नै लाड-कोड सूं ले वनडी व्याव्रण नै ओ चाल्यो
आगु-मुहाणी में मदवो वर्यां रै हिन्नडै में साल्यो
ओ ऊठ अठागळ नेसाव्र करतव पाळंतै कुण पाल्यो
नरव्र कोटां नै कर जुहार करवल धीरज नै घर हाल्यो

डांखला

—मोहन आलोक—

(१)

जात रा दरोगा हा धूँसिह धाकर
राब्रलै कमाव्रता रै पड़गी ही ठाकर
पेटियो कीं पाता वो
डूमां नै लुंटाता सौ
कैता—भाया ! अंतपंत ठगायां हुस्यां ठाकर !

(२)

सेठ'र सेठाणी गया गयी साल आवूजी
पा'ड चढ़ हेठां देख्यो, रयो नहीं कावू जी
वोल्या फड़ अर सेरणी—
भूल्या आत्रां फेर नीं
अबकालै उतार दयो तो हे म्हाराज पावूजी !

(३)

कड़ाव्र-सी चिलम, हेठां मोटो-सो हो मटको
हाल जैडो नैचो हो, होको क्यां रो ? खटको
दादो जाता गांतरै
तो किन्तो ही हुन्नो आंतरै
घरां आग टेक 'र साथै ले ज्याता सटको !

(४)

सीयाळै रो मीनो हो, ठढ ही करड़ी
 हुँ अँव्रड़ पाण गयो ओढ 'र वरड़ी
 घर दीनी उतार
 देख्यो पाणी पा'र
 तो वरड़ी ही उगाळै सा'रै पूठी हुयी भरड़ी !

(५)

लूंकड़ी नै कैवण लान्यो अँक दिन गादड़ो
 आ तनै खत्रा'र लांऊ जेई रो बाघड़ो
 बोली—हूँ हूँ बामणी
 करूँ इस्यो काम नीं
 कियालकी बात करै नागड़ै खाघड़ो !

सोराब और रुस्तम

—नरोत्तमदास स्वामी—

दृश्य १

स्थान—ईरान और तूरान की सीमा माथै रण-खेत ।

[अकै पासी ईरान की और दूजै पासी तूरान की सेना ऊभी है । अकै पासी
सूं रुस्तम और दूजै पासी सूं सोराब युद्ध रै वेश में आवैं है ।
आंवता थका अक-दूजै नै देखै है ।]

रुस्तम—(मन में) ओ जवान कुण है ? ऊमर छोटी है पण वांको पहलवान है । ईरान
की सगळी फौज में इसो वांको जवान कोई दूजो नहीं है ।

सोराब—(मन में) वडो तेजस्वी वीर है । कठै ओ ही तो रुस्तम नहीं है ?

रुस्तम—(आगै वध'र) जवान ! तूं कुण है ? अठै मौत रै मूढें में क्यों आ पूग्यो है ?
हाल तूं टाबर है । थारा दूध रा दांत ही दूध्या नहीं लागै है ! मनै थारै
माथै दया आवैं है । हूं तनै मारणो नहीं चाहूं हूं । जा, राजी-खुशी घरे परो
जा ।

सोराब—वीर ! लड़ाई रै मैदान में आ'र पग पाछा देवणा हूं नहीं सीख्यो । पण
थारै सूं लड़न रो आज म्हारो मन नहीं करै है । अक बात पूछूं ?

रुस्तम—हां ! पूछ । कांई पूछै है ?

सोराब—वीर ! थारो नांव कांई है ? तूं रुस्तम तो नहीं है ?

रुस्तम—रुस्तम ! ब्राह्-ब्राह ! हूं रुस्तम ! (हंसै है) नहीं ! हूं रुस्तम कोनी । रुस्तम
भला अठै क्यों आसी ? ईरान रा दूसरा वीर कांई छूटग्या जको थारै जिसै
छोकरै सूं लड़न सारु रुस्तम आसी ? ओ तो उण रो मोटो अपमान है ।

सोराब—पण तूं रुस्तम हुतो तो आज ओ जुद्ध नहीं हुतो ।

रुस्तम—जुद्ध सूं डर लागै है, जवान ?

सोराव—डर ! डर काँई चीज हुन्नै है मनै नहीं मालम । जुद्धभोम में बडा-बडा वीर देख्या है, तगड़ा जवान देख्या है, पण डर तो कदैई देखणी नी आयो ।

रुस्तम—तो ठीक है । लं, संभळज्या ।

सोराव—हां ! हूं त्यार हूं ।

[दोनूं लड़ै है, लड़तां-लड़तां सोराव रै आघात सूं रुस्तम री तरवार टूट-अर आधी जाय पड़ै है ।]

रुस्तम—कोई बात नहीं, तरवार टूटगी तो टूट जावो । जुद्ध सूं पग पाछो नहीं देसूं । हूं बिना तरवार ही लड़सूं । म्हारी अँ भुजात्रां कँई तरवार सूं कम है ? मरसूं तो वीर-आळी दाई मरसूं ।

सोराव—नहीं, कदे नहीं । हूं भी म्हारी तरवार वगा देऊं हूं । (तरवार वगा देवै है) अबै आपां भुजात्रां सूं ही लड़सां ।

[दोनूं मल्ल-जुद्ध करै है ।]

रुस्तम—तूं मिनख है क दानव ?

सोराव—वीर ! थक ग्यो हुन्नै तो अबै काल लड़सां । अबार जुद्ध बंद करां !

रुस्तम—नहीं वीर ! हाल तो सूरज अस्त नहीं हुयो है ।

सोराव—तो ठीक ।

[दोनूं भल्लै जुद्ध करै है, थोड़ी देर बाद सोराव रुस्तम नै जमी माथै पटक देवै है और आप रो पग रुस्तम री छाती माथै राख देवै है ।]

सोराव—अब थारो वखत आ पूग्यो है ।

रुस्तम—मालम हुन्नै है कै तनै फारस देस रो जुद्ध रो कायदो मालूम नहीं है ।

सोराव—काँई कायदो है थारै देग रो ?

रुस्तम—कोई वीर दुसमण नै पाड़ लेवै तो पहली बार में ही उण रा प्राण नहीं लेवै, उण नै अक दूजो मौको देवै ।

सोराव—ठीक है, हूं तनै अक मौको और देऊं हूं । (पग छाती पर सूं आघो कर लैवै है) सूरज अस्त हुवण माथै आयग्यो है । दूजी लड़ाई अब काल लड़सां । पण याद राखजे काल तूं रणभोम सूं जीवतो पाछो नहीं जावैला ।

[पड़दो पड़ै है ।]

दृश्य २

स्थान—दो ही रणखेत

[सोराव और रुस्तम आमै-सामे ऊभा है ।]

रुस्तम—तूं आय ग्यो जवान ! सुण लै, आज आपणो ओ आखरी जुद्ध है । आज जुद्ध रो अंत जरूर हु ज्यवैला । आज आपां दोनां मांय सूं अक जणो जरूर जुद्ध-भोम में सोवैला ।

सोराब—पण वीर ! आपां लड़ाई नहीं लड़ां तो ? कोई दुनिवार शक्ति मनै थारै सूं जुद्ध करण सूं रोक रखी है । म्हारो हाथ थारै माथै नहीं उठै है । काई आपां स्नेह रै बंधन में नहीं बंध सकां ?

रुस्तम—स्नेह ! स्नेह जिसी कोमल भावना नै मैं कदैई समाप्त कर दी । म्हारै मन में तो बस अेक ही भावना जागै है—काल री हार रो प्रतिशोध आज मनै लेणो ही है ; आज थारो वध मनै करणो ही है ।

सोराब—इसी बात है तो हूं म्हारी हार थारै कनै सूं मांग-अर लेऊं हूं ।

रुस्तम—अे लुगायां जिसी बातों हूं नहीं सुणनी चाऊं । हूं आज लड़न नै आयो हूं और लड़-अर ही प्रतिशोध लेसूं । आज का तो म्हारो माथो जमी माथै पड़सी, का विजय रै गौरव सूं ऊंचो माथो लियां पाछो जासूं ।

सोराब—पण अेक बात म्हारी तो सुण

रुस्तम—पण-व्रण कीं नहीं । आज कोई री आधी बात भी को सुणूं नी ! म्हारो बेटो भी आज मनै रोकै तो हूं नहीं रुकूं । लै संभल, वंचा आप नै । (प्रहार करण नै तयार हुवै)

सोराब—तो ठीक ! तूं कैन्नै ज्यूं ही सही ।

[रुस्तम सदा री आदत रै मुजब 'जय रुस्तम' शब्दां रै साथै वार करण नै आगं वधै है । रुस्तम रो नांव सुणतां ही सोराब आकल-वाकल हु ज्यान्नै है ।]

सोराब—रुस्तम ! कठै रुस्तम ?

[भ्रांत हुयोड़ो-सो देखण लागै है और ढाल हाथ सूं छूट जानै है ।
रुस्तम रो धक्को लागै है और धक्कै सूं जमी माथै ढह पड़ै है ।]

रुस्तम—थारी आखरी घड़ी आय पूगी है । मरण नै तयार हुज्या ।

सोराब—पण आ तो पैली वार है । थारै देस री रीत रै माफक मनै दूजो मौको मिलणो चाहीजै ।

रुस्तम—बस ओ ही पहलो और ही दूजो मौको है ।
(प्रहार करै है ।)

सोराब—हाय मां ! हूं मरचो । हाय पिताजी !

रुस्तम—मर छोरा ! वेगो मर ! जाण्यो हुसी कै तूं म्हारी विजय-कीर्ति नै मंद कर देसी ! क्यों ?

सोराब—तूं कुण है वीर ! हूं तनै नहीं जाणूं । पण तें मनै अन्याय-जुद्ध में मारचो है । अेक बात तनै कैऊं हूं कै म्हारी आ मौत प्रतिशोध रै बिना नहीं रैवैला ।

अेक अलिखित नाटक री सार-समीक्षा

—मनोहर शर्मा—

वावू जगदीशनारायण माथुर खातर आजाद-सभा मांय दियोड़ो अध्यक्षीय भाषण अेक वरदान सिद्ध हुयो । आगलै दिन सभा री कारवाइ साथै आप रो पूरो भाषण अखबारां मांय छप्यो तो माथुर साव री डाक रो आकार इतरो वधग्यो कै सगळा कागद वांचण में अेक घंटे सूं भी घणो वखत लगावणो पड़्यो ।

डाक में आयोड़ा कई कागद घन्यवाद्-सूचक हा तो कई चिट्ठियां में तारीफ सूं भरी-पूरी व्याख्या ही । अनेक कागदां मांय आप नै संपादकां री तरभ सूं स्थायी स्तम्भ खातर नियमित लेख भेजण री प्रार्थना ही । अेक-आध पत्र मांय ओछो-लांवे पारिश्रमिक भेंट करवा री चर्चा भी ही । इण भांत माथुर साव रात नै सोया अेक अज्ञात लेखक रै रूप में अर प्रातःकाल जाग्या अेक विख्यात लेखक रै रूप में ।

माथुर साव पूरी डाक वांच'र अेक करड़ी-सी चाय पी । पछै सिगरेट सिलगायी अर स्थिति पर चुपचाप गंभीरता सूं विचार करवा लाग्या—इतरै दिनां हिंदी अर उड़्डू मांय लिख्यो अर खूब लिख्यो पण क्यूँ-ई अरय कोनी नीकल्यो । राजस्थानी-संसार में लेखक री कदर है । राजस्थानी रा पाठक गुण रा पारखी है । हां ! पारिश्रमिक री स्थिति माड़ी जरूर है पण मान वडो कै तान ?

माथुर साव 'मूड' में आयग्या अर झट कलम उठायी । आप तै करयो कै आज अेकदम नयी चीज तयार करणी चाहीजै । कई लोग कैवै कै राजस्थानी-लेखक जमानै सूं घणा पिछड़्योड़ा है । इसै हठधर्मियां रो भरम दूर करणो जरूरी है । हिंदी मांय अकब्रिता, अकहाणी अर असमीक्षा री घुड़दौड़ है । पण राजस्थानी रो घोड़ो इणां सूं भी तीखो रैवै तो वात वर्ण ।

माथुर साव मनस्या करी कै राजस्थानी मांय अेक इसी साहित्य-विधा चलावणी चाहीजै जिकी भारत री तो वात ही काई, संसार भर में कठैई नहीं मिल सकै । सोचतां-सोचतां आखर अेक सर्वथा नयी विधा रो आकार आप रै दिमाग में आ उतरयो ।

नयी विधा रो मूळ आधार हो लेखक पर आलोचक रो अेकीकरण । पण आ विधा आत्मकथा री लीक पर चालबाव्नाळी कोरी आत्म-समीक्षा कोनी ही जिण रै आन्निष्कार रो श्रेय भी माथुर साव नै ही हो । नयी विधा रो रंग तो अेकदम ही न्यारो हो । पुराणी परिपाटी पर चालणिया कई पिडत आप री रचना री आप ही समीक्षा (अर्थात् टीका) लिखता रेंया है पण माथुर साव तो इसी रचना री समीक्षा चलायी, जिकी ना किणी री कलम सूं कदैई लिखीजी ही अर ना कठैई प्रकाशित ही हुयी ही ।

माथुर साव रै ध्याय में, साथै ही, आ बात भी रेंयी कै वर्तमान व्यस्त युग मांय सगळा ही साहित्य-रूप छोटा हुता जावै है । उपन्यास संकोच सूं 'लघु उपन्यास' वणग्यो, कविता सिकुड़'र 'मिनी-कविता' हुयगी, कथा नै 'लघुकथा' रो नांन धारण करणो पड़्यो अर नाटक हळको हुय'र अेकांकी रेंयग्यो, तो पछै समीक्षा भी 'सार-समीक्षा' रै नवै नांन सूं लिखी जावणी जरूरी है ।

माथुर साव अेक करड़ी-सी चाय और पी अर पछै आप री ईजाद करचोड़ी नयी विधा मांय इण भांत पहली चीज साहित्य-संसार नै भेट करी—

अेक अलिखित नाटक री सार-समीक्षा

'सरकारी अफसर' अेक समस्या-नाटक है । इण रा अेक विशेष पात्र भारतभूषण अग्रवाळ इनकम-टैक्स आफिस में बावू है । आप रा पिता श्रीमायाराम रेलवे रा रिटायर्ड स्टेशन-मास्टर है अर मोटी पेंसन पावै है । आप री पत्नी श्रीमती प्रभादेवी अेम० अे० (प्रीनियस) सारै दिन वणान्न-सिणगार में लागी रैवै है । गाणै-बजाणै में अर सिनेमा देखणै में प्रभादेवी री खास रुचि है । वा तीन टाबर जण'र नचींती हुय चुकी है ।

भारतभूषण रो पड़ोसी दुरगासहाय पारीक ट्यूशनਾਂ री कमाई सूं राजनीतिशास्त्र मांय अेम० अे० करचोड़ो पूरै परव्वार रो अेक गृहस्थ है । कठैई नौकरी नहीं मिलणै सूं पहली तो दुरगासहाय अेक रिटायर्ड प्रोफेसर री प्रैस में प्रूफ-रीडर रो काम करै है अर पछै पार कोनी पड़ै जद अखबारां री अेजंसी लेवै है ।

प्रभा रो ध्यान अेम० अे० री डिग्री ले'र लेकचरार वणवा कानी जावै है । दुरगासहाय उण रो ट्यूटर वणै है अर वा अेम० अे० पास करतां ही गवर्नमेंट-कालेज में लेकचरार रो पद प्राप्त कर लेवै है ।

प्रभा रा भाई साव बावू देवकीनंदन गुप्ता सेल्स-टैक्स-डिपार्टमेंट में बडा अफसर है । आप पूरै परव्वार रा विराणा है अर वडी कोठी में रैवै है । प्रभा आप रै मास्टर साव दुरगासहाय पर इण परव्वार रो घरू-ट्यूटर वणा'र कृपा करै है पण 'वीस' सूं विचार-वैषम्य रै कारण ओ काम घणै दिनां चाळ कोनी सकै ।

दुरगासहाय अखबारां री अजंसी रै साथै संवाददाता रो काम भी सुरू करै है अर पछे 'समाजवाद' नाँव सँ अेक पखवाडियो छापो खुद चालू कर देलै है। मित्रां री मदद सँ 'समाजवाद' चाल पड़े है अर दुरगासहाय नगर में अेक उपनेता रो दरजो प्राप्त कर लेलै है।

पछे म्युनिसिपल-चुणाव रो मौसम आवै है अर 'समाजवाद' रो संपादक दुरगासहाय उम्मीदवार रै रूप में खड़यो हुनै है। पण मुकाबलें में मैडिकल-स्टोर रा मालिक विनोद बाबू है। विनोद बाबू रो बडो बेटो सरकारी अस्पताल में डाक्टर है अर दूसरो बेटो कारखानां री देखभाल पर इंजीनियर है। संपादकजी घणै-सू-घणो जोर लगा'र भी आखर चुणाव-संग्राम में मात खा बैठै है।

चुणाव में दुरगासहाय ब्यारू कानी सँ हारै है। पीसा खरच हुया, बडे आदमियां सँ बेर बंध्यो अर अति भागदौड़ करणै सँ काया भी जबाब दे दियो। दुरगासहाय बेमार पड़े है अर प्रभादेवी री मदद सँ पाछो खड़े-पगां हुनै है।

'समाजवाद' रो प्रकाशन बंद हुय जानै है। अखबारां री अजंसी सँ घर रो खरचो कोनी चालै। प्रभादेवी री सिफारस सँ दुरगासहाय नै नगर-कांग्रेस रै दफतर में लिपिक री नौकरी मिलै है। अठै वो पदाधिकारियां री कृपा प्राप्त कोनी कर सकै। फेर भी, दूजो कोई ठिकाणो निजर कोनी आवै इण कारण, नीची नाड़ कर लेलै है।

इण अलिखित नाटक रो कथानक बस इतरो-बो ही है। पूरी कथानकस्तु मांय सरकारी अफसरों रो दबदबो है। वै राज अर समाज पर छायोड़ा है। इसी लागै है जाणै भारत री आजादी रो सुख-सवाद तो बस सरकारी अफसर ही लेलै है अर दूजा लोग जिंदगी रो भार ढोलै है। नाटक रो नायक दुरगासहाय इणी लोगां रो प्रतिनिधि है।

नाटक में समस्या तो है पण उण रो कोई समाधान कोनी। नायक नै सफलता कोनी मिलै तो वो चुप बैठ जानै है। इण भांत ओ 'निराशांत' नाटक है। सरकारी अफसर देश री अेक विकट समस्या है। पण निराशा रो वातावरण हितकारी कोनी कैयो जा सकै। फेर भी यथार्थ रै चित्रण री दृष्टि सँ आ अेक सफल रचना है।

आशा है, लोग इण नाटक सँ प्रेरणा लेसी अर सरकारी अफसर रूपी देशव्यापी समस्या रै समाधान री चेष्टा करसी। भारत जिसै गरीब देस में अेक वर्ग नै सालाना तरक्की पेंसन अर भांत-भंतिलै भत्तां री सुविधावां सँ संपन्न स्थायी पोस्ट मिलै अर दूजा अणगणित बेकार लोग दरिद्रता सँ दब्योड़ी जिंदगी में फंस्या मू. ताकता रैलै, आ स्थिति समाजवाद रै नारै नै झूठो सिद्ध करै है।

खरी जीत

—मुरलीधर व्यास—

सईका सरें-सी सिरकग्या । पण कोसळ-नरेश रें परहित खातर प्राणां ऊपर खेल जावण री ऊजळी गाथा अजूं तोडी जनमानस में ऊजळें आखरां में मंडी पड़ी है । इयां तो कोसळराज ठेठाऊं सूं ही मोटा दानी हा, कदैई कैई जाचक नै खाली हाथ को जावण दियो नी ।

तो सुणो ।

कोसळ-नरेश रें दान-परोपकार री सोरम काशीराज रें हिरदै में ईर्ष्या री ज्वाळा भभकाय दी । म्हारें सूं इतरो छोटो राजा नै इतरो मोटो जस !

आन्न देखी न तान्न, फौज चढावता ही हुया । विजय मिळी । कोसळराज निरुपाय हो'र वन में ठोका दिया ।

काशीराज डूंडी फिरा यी—कोसळ-नरेश नै जीवतो पकड़ लावणियें नै पांच हजार मोहरां इनाम ।

घणै समय छेड़ै, कोसळ रें अेक वीपारी रो माल-भरियो जहाज डूब गयो । वो लाई मांगण-खावण जिसो हुय गयो । जणै धन लेवण कोसळ कानी टुरियो । दुख उण नै चेताचूक वणा'र मारग सूं भटका दियो । लाई इणगी-उणगी गोता खान्न जंगळ में ।

भटकतै-भटकतै, उण नै अेक जटाधारो लंगोट लगायां निजरें पड़यो । उण पूछयो—कोसळ रो मारग ओ हीज है नी, सावू महाराज ?

‘ना भाई ! आथूणी दिस है ।’

‘थोडो पाणी पासो ?’

‘हां ! खुसी सूं पीवो ठंडो जळ ।’

वीपारी पाणी पी'र थोडो विश्राम जियो अर आप रें दुख रो रोजणो रो'र साधू नै सुणायो ।

साधू री आंखियां सूं आंसू ढळकण लाग्या । जरा मून रै'र कैयो—भाई ! थे भळै नहीं भटक जावो; आवो, म्हारै सागै हुयलो । जाय पूगा काशीराज रै दरवार में । साधू काशी-नरेश री जद बोल'र अरज करी—मनै जीवतै हाजर करणियै इण म्हारै साथी नै पांच हजार मोहरां बगसाय दो, हूँ कोसळराज आप रो वंदी हूँ ।

काशीराज फाटी आंखियां जोवता रैया, जोवता रैया । पछै मुळक'र बोल्या—
 वंदी ! पराजित हो'र ही तें बढळो लेवण री आ खूब अनोखी विध बैठायी ! पण हूँ
 थारै दाव में को आऊँ नी । कै'र ऊभा हुया अर कोसळराज नै बाधां में भर'र आप
 रै बराबर सिंघासण माथै लाय बैठाया । माथै मुगट घर'र 'कोसळराज री जै हो !'
 उच्चारियो ।

सारा पापंदां समन्नेत स्वर में 'कोसळराज री जै हो ! कोसळराज री जै हो !'
 उच्चारियो ।

शंख-ध्वनि रें सागै पुसवां री विरखा हुयी ।

नकली बलाय

—जवर अली सय्यद—

(१)

वात घणी पुराणी कोनी; पचास-साठ वरस पैली री है ।

शहर रै परकोटै री दिखणादी वारी में वडतै, डाव्र पासी मुड़तै, सामै अक कूव्रो । कूव्रै रै सामै परकोटै कनै अक मसीत । मसीत रै कनै मजूरों रा घर । अजान सुणतां ही काम बंध कर नमाज पढण-आळा मसीत में जांव्रता परा । नमाज पढावण-आळै मियैजी रो घर भी कनै ही । उणां रो मसीत में सै सूं पैली पूगणो जरूरी ।

नमाज पढायां पछै मियोजी फुरसत री वगत में तसवी फेरचा करता । मालक नै घणो याद करचा करता । आड़ोसी-पाड़ोसी दुखै-पाखै टाबरां नै झाड़ो लगान्नण खातर मियैजी कनै ले जाया करता । मियैजी रो दूर-दूर ताई नांव हो । लोग-बाग भूत-भूतणी कढावण खातर मियैजी नै गांव्र-गांव्रतरै भी ले जाया करता । अठई हुता जद मसीत आगै मेळो मंडचोड़ो रैव्रतो ।

मसीत रै सामै अलादीन नांव रै मजूर रो घर । अलादीन रो सांव्रळो रंग । दाड़ी-मूछां राखतो । पंछो जवान । डीलडोळ में तगड़ो । पैलवान दाई दीसतो । खूब दिलेर । पक्को हिमती । रात-विरात डरतो कोनी । जे इंधारै में मिल जाय तो अकर सामलै री छाती काची पड़ जाय । अलादीन कुड़तो-तैमल पैरतो । खांधै पर गमछियो राखतो; बज्र वणा'र हाथ-पग पूंछ लेव्रतो अर नमाज पढती वगत विद्या लेव्रतो । नमाज पांचूं वगत री पढचा करतो । नमाज पढचां पछै थोड़ी ताळ मियैजी सूं वातां कस्या करतो । मियैजी नै इण पर भरोसो हुतो ।

झाड़ै सूं जिकै रै आराम नहीं आव्रतो उण नै मियोजी उतारो वताव्रता । उतारो कोरै कूंड में कराव्रता । कूंड में सात पईसा, वकरै री सीरी, चार पाया, वाकळा, रायां, राख री पींड्यां, जगतो दीयो, ऊपर लाल गाभो ढक'र रात री वारै वजी

मसाणां में रखान्नता । सागै आ भी कै देवता कै उतारो राखणआळो पक्की छाती रो आदमी चाहीजै; थारै कनै नहीं हुवै तो हूं परबंघ कर देसूं; आना च्यार लागसी । वकरै री सीरी अर पाया हुयण सूं घणा-साक लोग च्यार आना देणा ही ठीक समझता; दूजै मसाणां रो काम ।

मियैजी इण काम खातर अलादीन नै सही आदमी समझ्यो । बुला'र पतो-ठिकाणो बता देवता । अलादीन आप रो सिझ्या पड़ी पूग ज्याव्रतो । वठैई धामा घरतो । पक्कै सेर अेक नै ढोकळी दे'र, पाणी पी'र, पेट पर हाथ फेर'र, सू ज्याव्रतो । घर-आळा मतैई टैम सूं जगा देवता । वो उतारो उठा'र मसाणां में मेल'र आप रै घरै जाव्रतो परो ।

मियैजी अलादीन नै भी थोड़ा मंतर सिखा दिया अर कैयो कै ओ तो मनै विसत्रास है कै तूं डरै कोनी; जे कदास कदैई रात नै कीं दीस जाय, वैम हु जाय अथवा गिरगराट हु जाय तो मंतर फूंक'र मार दिये; थारै ऊपर अंसर को हुवै नी ।

अलादीन दिन में आप रो काम-बंधो करतो अर रात नै जद जरूरत पड़ती आ मजूरी कर लेव्रतो ।

(२)

अेक बार री बात । मेह-अंधारी रात । हाथ नै हाथ सूझै नहीं । उतारो मेलण रो बुलावो आयो । जा पूग्यो । इण आदमी रै घर सूं मसाण दूर पड़ता पण अलादीन परवा नहीं करी अर टुर वहीर हुयो ।

अलादीन काम ईमानदारी सूं करतो । पईसां रो हक पूरो वजाव्रतो । कुंडो मसाणां रै बीचूबीच मेल दियो । पाछो रत्नाना हुयो । घटाटोप वादळ । गाज सूं सगळो आभो घरान्नि । बीजळी आभै में मान्नै ही नीं । कड़कड़ाट सूं काळजो धूजे । रोही रो मीको । सफा सून । वांठकियां अर बोरटियां मांय सूं निकळ'र संसाट करती पूव चाल । इयां मालम पड़ै कै आभो अर घरती अेक हु जासी । अलादीन थोड़ा खाथा-खाथा पग उठाया । वस्ती सूं थोड़ी दूर ही रैयो हो । अेक वांठकियै पर काळो-काळो माथो दीस्यो । पग थाम्या । सोच्यो—इण वगत में ओ कुण ? डरचो कोनी । मन में कैयो—जे कोई ओपरी छिया है तो आज दो-दो हाथ कर लेसां । पट मियैजी रो बतायोड़ो मंतर याद आयग्यो । पढणो सरू करचो । पढतां-पढतां थोड़ी देर हुगी । मायो वियां-रो-वियां दीसै । मंतर पढणो बंध करचो । आप री सगती रै सारै चाल पड़्यो । बीजळी चमकती ही । कनै-सैक पूग्यो । बीजळी रै पळकै सूं साफ दीस्यो तो अेक काळी हांडी, जिका वांठकियै रै ऊपरली ढाली में लटक्योड़ी ही । अलादीन भाठो फेंक्यो । वा फूट'र नीचै आ पड़ी । अलादीन निसंग जा'र सूयग्यो ।

दिनूगै वेगो-सोक उठ्यो । अजान हुयगी ही । फजर री नमाज पढण नै मसीत में गयो । मियोजी पैली सूं आयोड़ा । जमात सागै नमाज पढी । दुवायां मांग'र लोग-

बाग वारै निकलण लागग्या । अलादीन मियैजी कनै गयो । अस्सलामालेकुम करी । मियैजी कनै बैठग्यो । मियैजी जीवण हाथ सूं तसवी रा मिणिया गुड़कावता हा, डावै हाथ सूं थोड़ो ठैरण रो इसारो करचो । अलादीन समझग्यो । तसवी रा गड़का पूरा हुयां पछै मियैजी अलादीन नै पूछघो—कैवो, कोई हाल है ?

कोई वताऊँ ? रात तो खोटी हुयी । जे म्यारी जाग्यां कोई दूजो हुतो तो छाती फाट'र मर जावतो—अर रात-आळी सगळी कथा कै सुणायी ।

अ च्यार आना तो मूँघा पड़ै; हूं तो आगै सारू इयै पईसां में जाऊँ कोनी; आधी रात काळी करूं, भूतां रा माथा कुचरतो जाऊँ, जान जोखम में नाखूं अर मिलै आना खाली च्यार; म्हारै तो जचै कोनी—अलादीन कैयो ।

ओ कोई काम तो है कोनी; मण दो मण भार उठावणो पड़ै कोनी; वगतसर जा'र मेलणो जरूर पड़ै; जे थारै सूं नहीं हुन्नै तो हूं कर लेसूं; डरूं-डराऊँ हूं आथ कोनी; ओ अक है, दस हुन्नै तो मेल आऊँ—मियैजी कैयो ।

चोखी बात है; मनै तो पोसावै कोनी—कै'र अलादीन आप रै घरै गयो परो ।

(३)

मियैजी रै झाड़ै पर लोगां नै खूब विसवास । बियां-ई मसीत आगै मेळो-सो मंडै । उतारैआळां नें उतारो वतावै अर खुद ही मसाणां में जा'र मेल आवै । पईसा मेलाई रा ले लेवै । पण जावता सिझ्या-पड़ी अर अंधारो पड़तै-सैक पाछा आ जावता ।

अलादीन ओ तमासो रोजीनै देख्या करतो । उण मन में सोच्यो—मनै तो रात रा वारै वजी मेलता अर आप जावै सिझ्या पड़ी, इण सूं मालम पड़ै कै मियैजी री छाती काची है, डरै है । इणां नै हाथ वतावणो चाहीजै ।

अलादीन वालवच्चैदार आदमी हो । आ ऊपर री आमदनी बंध हुणै सूं हाथ तंग हुग्यो । अबै वो मियैजी नै चकमो देवण री फिराक में लाग्यो । अक दिन मियोजी उतारो ले'र निकलया । मसाणां कानी रताना हुया । अलादीन मौको ही ढूंढतो हो । च्यार वांस लिया, पुरस-पुरस लांवा ; च्यार-पांच ली धोत्यां अर मियैजी रै लारै टुर वहीर हुयो ।

मियोजी तो बोला-बोला झटाझट मसाणां में गया । अलादीन अक ऊँचै ठीड़ पर, जठै आवण-जावण नै कोई दूजो मारग नहीं हो, जा'र बैठग्यो । हाथां-पगां पर वांसड़ा बांध्या । ऊपर धोत्यां पळेटी । अबै बैठो मियैजी नै अडीकै । थोड़ी देर नै मियोजी आवता दीस्या । आप सूयग्यो । थोड़ो इंधारो हुग्यो हो । मियोजी आप रै ध्यान में आवता हा । नेड़ा-साक आया नद अलादीन हाथां-पगां नै हलाया । मियैजी रो ध्यान उठीनै गयो । हिचको खायो अर रुक ग्या । देखै तो मारग रै बीचूबीच सेंतीर-सो अक लांबो आदमी पड़घो । देखतां ही मियैजी रो माथो ठिणक्यो । मन में कैयो—अलादीन साची ही कैवतो हो । लोभ में आ'र आपां काम तो खोटो ही कर लियो । ओ काम तो अलादीन जिसै खईस रो ही है जिकै नै देख'र दूजो ही डरै । आज

कियां-ई वंच जाऊँ तो आगै सारू तो सौगन समझो । कई पीर मनाया । सीरणी बोली । हिमत कर'र बतलायो, हेलो करचो । बोल्थो कोनी । पगां नै छोड़ा करचा । साधारण पगां सूं चौगणा लांवा हुग्या । मियैजी कांकरा मितर'र फेंक्या । कुल फूंक्या । आयतुल-कुरसी आयत पढी । कोई असर नहीं हुयो । अवै उण हाथ लांवा करचा । वै भी चौगणा लांवा । मियैजी रो जी हाल उठचो । काळजै गिरै छोड़ दी । थर-थर धूजण लागग्या । दांत बोलण लागग्या । धगधगी फूटगी । अर तैमल ढीलो हुयग्यो । असताब्रो हाथ मांय सूं छूट'र फूटग्यो ।

अलादीन पड़्यो-पड़्यो सै देखतो ही हो । सोच्यो—अवै आगै और कीं करचो तो मियैजी री अठै-ई ढिगली हु जासी । वै आप रै हाथां-पगां नै पाछा भेळा करचा । मारग छोड़्यो । मियोजी जूत्यां खोल जी करड़ो कर'र पट्टी लगायी । इण तरै दोड़चा जाणै कोई गोळी लाग्योड़ो हिरण जा' है । लारै फुर'र जोयो-ई कोनी । मारग में खांवै रो गमछियो अर तैमल पड़ग्या । अलादीन आप रा वांसड़ा खोल्या । धोत्यां सांवटी । मियैजी रो तैमल, जूत्यां अर गमछियो ले'र घरै आयग्यो ।

वीनै मियोजी घरै पूग्या । बुरी तरै हांफीज्योड़ा । सांस गळै में मानै ही नीं । थर-थर धूजै । बीबी रसोई री जाळी मांय सूं देख्या । वारै आयी अर पूछ्यो—आ दसा कियां हुयगी ? मियोजी बोलै ही नीं । आंख्यां ऊँची चढण लागगी । चक्कर आयग्यो । पड़ण लाग्या जद पकड़'र मांचे पर सुन्ना दिया । सी-दाऊ चढग्यो । बीबीजी वैद-हकीम बुलाया । दवा-ओखद करी । थोड़ा जजम्या जद धूजतां-धूजतां सारी कथा सुणायी । लोग-बाग मिलण खातर आया । हिमत बंधायी । पण मियोजी सारी रात बैलता रैया । दूजै दिन मियोजी नमाज पढावण नै कोनी आया । मिलणआळां रो तांतो लागग्यो । अलादीन भी आयो । हालचाल पूछ्या ।

—हूं अवै आगैसारू ओ काम कोनी करू अलादीन ! भोळै वामण भेड़ खायी, फेर खात्रै तो राम-दुत्राई । कामा जिकै रा ही जामा । ओ काम तो तूं ही कर सकै ।

मियोजी दवायां लेणी बंध कर दी । वै जाणता हा कै रोग तो कोई है कोनी । रोग जिको है वो दवा-ओखद सूं जात्रै कोनी । वैम वैठचो तो इसो वैठचो कै निकळै ही नीं । मियैजी री हालत विगड़ती गयी ।

(४)

अलादीन नै मियैजी री दशा पर दया आयगी । अक दिन कैयो—मियाजी ! थां नै डरावणआळो हूं ही हो; भूत-भात कीं कोनी हो ।

नहीं अलादीन ! तूं कोनी हो, वा तो कोई बलाय ही—मियैजी कैयो ।

अलादीन समझाया, सौगनां खायी । मियोजी मान्या कोनी । दिनूदिन तजता ही गया । मूक'र लकड़ी दाई हुग्या । अलादीन सोच्यो—जे अवै विसत्रास नहीं दिरायो तो मियोजी वंचैला नहीं । वो घरै गयो । तैमल, जूत्यां अर गमछियो मियैजी रै सामे ला नाह्या । जणै वैम निकळ्यो अर छत्र महीना सूं जा'र मियोजी ठीक हुया ।

दायजै री दाभ

—मूलचंद 'प्राणेश'—

(१)

पंडो अर बैरी तो वाढ्यां सूं हीज वढै । ठाकर वळवंतसिंहजी वहीर हुन्नण घणी ही ताकड़ करी, पण लुगायां-आळा ढामा-टोपा तो निव्रडता-सा मि अठीनै-उठीनै मिळ-भिट'र वहीर हुन्नतां-हुन्नतां, रात पोर डोढ पोर बीतगी । री रात हुन्न भी कितरीक—मुट्ठी भर । भूं पड़ी मूढे आगै बीस-बाईस कोस रै अ ठाकर वळवंतसिंहजी जे अकल-ओठी हुता तो घणी चिंता करै जैडी वात न व आप रै ऊंठ नै पड़छा'र भाख फाटणै सूं पैलां-पैलां गाँव में जाय वड़ता आज तो बीनणी साथै अर वा भी भरियै खोळै । इण कारण सूं ऊंठ नै पड़छाव अळगो रैयो, जोर सूं टोरीजै तक नहीं । अजै तांई बायली पूरी अक महीनै री हुयी कोनी । नहीं करै भगवान, पण जे ऊंठ रै हिलकां सूं बाळक लोही भरीज तो कांय में हाथ घालां । कैवण-कयण-आळी वात हुयां लीग मूर्ख तो वतान्न धोळा भांडीजै जिका न्यारा । ऊंठ आप रै मतै वेंवतो जात्रै ।

खाजूआळै टोळै कनै आन्नतां-आन्नतां भाख धमगी । ठाकरां रै अमल-पा व्यसन । वां चोखो अछल्लेटो देख'र ऊंठ नै जैकाण्यो । बीनणी नै ऊंठ रो गोडो हेठै उतारी । आप चाय रो पाणी उकाळणै सारू बळीतो भेलो करण नै लाग्या । जाव्रता बीनणी नै कैयग्या—वाला ! हूं छाणो-वळीतो लाऊं जितरै थो खोद राख्या । बायली नै सान्नळ रालकियै में पळेट'र सुवाण दीजो ।

ठाकर तो आ वात कैय'र रोही में रळग्या । ऊंठ आप रो थाकेलो उ सारू अछल्लेटै में नस पाधरी करचां बैठो । बीनणी बायली नै सान्नळ सु चूलड़ी खोदण लागी । चूलड़ी पूरी खोदीजी ही कोनी, जितरै ठाकर-सा वळीतो पाछा आयग्या । बीनणी वासदे सिलगा'र चाय री तपेली चाढी । ठाकरां अ आंट मांय सूं ठेसरियो काढ'र अमल रो मान्नो करचो । बीनणी चाय-आळी त

गल्लो अर तासळी ला'र ठाकरां रै कनै मेल दी । बां आधी-सी तासळी चाय आप ले ली अर बाकी पाछी वीनणी नै झलावता बोल्या—इण में थोड़ी-सी चावड़ी पड़ी है, जिकी रो गुटको थे ही लेय लेवो; सो कई थाकेलो उतर जासी ।

अमल-पाणी कर'र ठाकरां ऊंठ रो बोरो अर आसण सावळ जचायो । ऊंठ रो गोडो दाव'र वीनणी नै पाछी ऊंठ ऊपर चढायी । बा चोखी तरै जच'र बैठगी जद रालकियं में पळेटचोड़ी बायली नै झलाय दी अर आप ई ऊंठ री मोरी नै कूट'र लारलें आसण जाय चढ्या । टिचकारी दे'र ऊंठ नै उठाण्यो अर मारग घाल दियो ।

चोखो मुंह-सूझलो हुयग्यो । भूं अजै ताई सात-आठ कोस रै अडै-गडै बाकी पड़ी । वीनणी रै सगळी रात रो ओझको, सो उण रो माथो कदे पिलाणआळी आगली घोड़ी सू टंकराय जावै अर कदे लारलें आसण में बैठ्या सुसरंजी री छाती सू । बा आसण में बैठे वार-वार फोरासारो भी करै । उण री आ हालत देख'र ठाकर बोल्या—वाला ! थां रा पग थकग्या हुवै तो बायली नै मनै झलाय देवो । हूं उण नै केई ताळ राखूं जितरै थे पगां नै थोड़ा अठीनै-उठीनै कर'र उरळा कर लेवो ।

वीनणी सांचाणी ही थकियोड़ी ही । रात भर बायली नै पगां ऊपर राखण सू उण रै पगां में चीसळ्यां-सी चालती ही । वै बायली नै रालकियं में चोखी तरै पळेट'र सुसरंजी नै झलाय दी । बायली अठीनै-उठीनै कवधीजणें सू थोड़ी रोयी तो खरी, पण ठाकरां उण नै 'हुवा बाया ! हुवा बाया !' कवतां थपड़'र पाछी जंपाय दी ।

सूरज भगवान आप री सेंसां किरणां नै साथै ले'र ऊग्या । ठाकरां बायली रै मूढें ऊपरलो गाभो थोड़ो-सो अळगो करचो । बायली रो चैरो-मोरो देखतां ही उणां रै मूढें सू अणवारचो धुथको घालीजग्यो । बायली कांई है, रूप रो डळो ।

(२)

ठाकरां रै आप रै भी वाई ही । गोरो-निछोर, हाथ लगायां ही लोही आय जावै, येंडो उण रो वर्ण । सिवी-सूरत ई वखाणें जैड़ी । आवै री फांक्यां-सी चीरव्हीं आख्यां । सूत्रै री चूंच सरीखो तीखो नाक । पैरी-ओढी नै साळ अथवा ओरै रै खूणें में ऊभी जे कोई देखै तो उण नै गत्ररज्या रा ओळा-भोळा पड़ै । बाई फकत चैरै-मोरै ही फूठरी हुवै, अेंडो वात नही, बा भागवळी भी ही । उण रै भाग-संजोग सू हीज ठाकरां नै अवराजियां रा गनायत वणणें रो मौको हाथ लाग्यो । पण फकत रूप, गुण अर भाग-संजोग नै आज रै जमानें में कुण गिणै ? आज तो लोग चावै कितरा ही संठियोड़ा हुवो, वेटी-आळें नै चूथ-चूथ'र खावणें री हीज भावना राखै । ठाकरां रै मूढें सू अेक ठंडो निसकारो निकळचो । पण वीनणी इण वात कानी क्यों ध्यान देवती ? बायली चुपचुपाती दादोसा रै खोळें में निसंक सूती ही ।

ऊठ नै गांव नैडो आवततो दीसैं ज्यों-ज्यों उण रा पग खायावला उठै । ठाकरां री मन-लहरी भी उण रै साथै-साथै आगै-सूं-आगै वधती जावै । जान री वधाईदार हरी डाळी हाथ में लियां अर गळडव्वै तरवार घाल्यां, मांढे रै अगव्वाड़ि आ'र वधाई दी—जान आयगी है सा ! वधायजै, वींद-राजा हाथी रै हौदै तोरण बांदैला ।

वधाई री बात सुण'र मांढे-आळां री मन नव-नव ताल ऊंचो नाचण लागग्यो । वाई री मां री हियो पसर'र सत्रा गज चन्नडो हुग्यो । ढोल, नगारा, सहनाई, भेर, भूंगळ इत्यादि बाजां री रली-मिली गड़गड़ाट गांव नै ऊंचो उठाय लियो । बंदूकां री जायगां मोरचंग्यां रा दड़ीड़ हुवै । सामेळै री त्यारी हुयी । गांव-गेर भेली हुयोड़ी । जान्यां अर मांढ्यां सूं गव्वाड़ ऊफणै । वींद-राजा गव्वाड़ रै विचाळै ढोलियै रै ऊपर अगूणो मूंडो करियां बैठा । राजपुरोहितजी उतरादै मूंडै बैठा शांति-पाठ पढै । इतरै ही वींद-राजा रै कामदार आ'र ठाकर बलवंतसिंहजी रै कान में होळै-सीक कैयो—ठाकरां ! आप नै रात्र-सा याद फरमाया है ।

रात्र-साव रै अचाचूंक रै तेड़ै सूं बलवंतसिंहजी रै पगां रै घट्ट्यां-सी बंधगी । ठीक सामेळै रै मौकै ऊपर बुलान्नणै रो कांई अर्थ हुय सकै है ? फेर भी लांठै रो डोको ढांग नै फाड़ै, जिकै में भळै ठाकर ठैरचा बेटी रा बाप ! बेटी जायी रे जगनाथ ! ज्यांरा हेठै आया हाथ । ठाकर भागल-मनां कामदारजी रै साथै जानीवासै गया । रात्रजी ढोलियै ऊपर विराजमान हा । अेक खत्रास उणां नै होको पावै । ठाकरां रात्रसाव सूं जुहारड़ा करचा । रात्रजी खत्रासजी नै सैन दे'र वारै मेल दियो । जानी-त्रासै में रैया फकत तीन जणा—रात्रजी (बेटै रो बाप), ठाकर (बेटी रो बाप) अर रात्रजी रो कामदार ।

रात्रजी आप रै हाथ री सैन सूं बलवंतसिंहजी नै आप रै नेड़ा बुलाया अर होळै-सीक कैयो—ठाकरां ! आपां रै ओ जिको संबंध हुयो है, इण नै आप अेक संजोग ही समझो ।

—हूं तो इण नै वरदान ही मानूं हूं सा ! —बलवंतसिंहजी लुलताई रै सुर में बोल्या ।

—आ बात तो ठीक है, पण ।

—पण कांय री है सा ! हूं म्हारै डोळ-सारू ओछो को उतरूं नीं अर लिछमी-सी बेटी आप री थेपड़्यां थापण नै दी हीज है ।

—आ बात तो आप ठीक फरमावो सा ! अबै फकत गुमसुम में बात पार को पड़ै नी ठाकरां !

—पण जान तो गव्वाड़ में वैठी है ।

—गव्वाड़ सूं किसो उठीजै कोनी ?

रात्र-साव री आ वात सुणतां ही ठाकर वळवंतसिंहजी सूना हुग्या । उणां रै मूढे सूं धोल नहीं निकल सक्यो ।

—टैम भोत कम है, सिरदारां ! अवार तो अठै आपां घर-घर रा हीज हां, कामदारजी तो आपणा हीज आदमी है । आप नै जिको कंई देव्रणो-लेव्रणो है, उण री खुलती कर देव्रो ।

—खुलती कांई करूं, रात्रसाव ! कोई भी वाप आप री वेटी नै देव्रणै-लेव्रणै में पाछ को राखै नी । हूं भी म्हारी सरधा सारू दस-पनरै हजार रुपिया नगद अथवा गणै-गांठै रै रूप में देव्रणा तेव्रड़्या है जिकै आप रै चरणां में अर्पण कर देसूं ।

—इतरै में तो पार पड़ै कोनी !

—तो कियां पार पड़सी ? —ठाकर वळवंतसिंहजी गरभराया ।

रात्र-साव इण वात रो कोई उथळो को दियो नी । इण दोलां नै चुप बैठा देख'र कामदारजी बोल्या— ठाकरां ! रात्र-साव तो आप रै मूढे सूं आप नै कांई कन्नै, मोटा मिनख है; पण हूं आप नै सला देऊं हूं कै जे आप नै ओ व्यांन्न ढोल रै ढमकै करणो हुन्नै तो जोधपुर में जिकी आप री हवेली है, उण नै अवार लगन झलावती वेळा वींद-राजा नै संकळप देव्रो ।

हवेली रो नांन्न सुणतां ही ठाकरां रै हाथां रां तोता उडग्या अर दवियै सुर में बोल्या— मालकां ! जे हवेली म्हारै कब्जै में नहीं हुन्नै तो ?

तो कामदारजी ! थे फुरती सूं जा'र वींद नै अठै डेरै बुलाय लाव्रो ; मोटर आपां रै कनै है हीज—रात्र-साव मून भांगी ।

कामदारजी अर ठाकर उठै सूं साथै हीज उठ्या ।

ठाकर वळवंतसिंहजी रै जोधपुर-आळी हवेली सांचाणी ही कब्जै में नहीं ही । उण हवेली रै ऊपर हीज पईसा-टक्का ले'र इण व्यांन्न रो सरंजाम करचो हो । ठाकर करै भी तो कांई करै ? आगै कूवो अर लारै खाड । आ वात भी जे महीनो पनरै दिन पैळां प्रकासीजती तो भळै ही कंई कांरी लागती, पण अबै तो वात हाथै-बाथै को रंयी नी । ठाकर आप रो भागल मन लियां घर कानी हाल्या । घर रै कनै-सीक पूगतां, उणां नै घर मांय सूं रोन्नै-कूकै री अवाज आवती सुणीजी । घाव्र में घोवो । वै पग उठा'र घर में बड़्या । आगै देखै तो लोग वनडी नै आंगणै में लियां बैठा है । उण रै मूढे सूं जाग निकळै अर डील सगळो लीलो टांस हुयोडो । ओ चकासो देख'र ठाकरां नै समझतां कोई जेज को लागी नी । वाई जरूर अवार-आळी सगळी वातां सुणी हुसी । उण नै घर री राई-राई रो पत्तो हो । जी री उकराळी उण अमल गिट लियो हुसी । ठाकरां रै गोडां तांई रो सत निकळ्यो । घणै लाड-कोड सूं पाळी-

पोसी बेटी नै ओ दायजो दिरीज्यो ! उणां रो बाको छूटग्यो—ओ म्हारी चिड़कली
अे ! म्हारी लाडकंवर बाई अे !

(३)

अचाचूक री बड़क सुण'र वींदणी लारीनै मूढो फोर'र जोयो । सुसरैजी रो
खोलो सान्न खाली । उण रो बाको भी छूटग्यो—म्हारी चिड़कोली अे ।

वीनणी रो रोज सुण'र ठाकरां नै सागी चेतो हुयो । बै तुरता-फुरत ऊंठ नै उठै
ही जैकाण'र हेठै उतरचा । ऊंठ रै पगै-पगै पाछा नाठा । कोई पांन्रडा वीसेक गया
हुसी कै बायली-आलो रालकियो निगै आयग्यो । मन में कई थ्यान्नस आयो । खाथा-
खाथा पांन्रडा भर'र रालकियै समेत बायली नै उठायी अर. झंझेड़ी-चंचेड़ी, पण ऊंठ
ऊपर सू पड़्यां पछै उण फूल में कांई बाकी रैन्नतो !

दूधां न्हावो, पूतां फलो

—नृसिंह राजपुरोहित—

(१)

पूरा छत्र महीना वीत्यां हूं छट्टी में पाछो गांव आयो तो गांव में अक अजोगी वात सुणी—किसनजी लोहिये री बहुआरी कूत्रें में पड़नै मरगी ।

हूं छट्टी में गांव पूग्यो उण सागण दिन री ज वात है—गांव में पुलिस-घाणो आयोड़ो अर गांव रा पीचका माथै मिनखां रो थट्ट लाग्योड़ो । नींवड़ा रै नीचै छिया में मांचा ढाळनै पुलिसवाळा बैठा अर उणां रै मूढागें तावड़ै धरती माथै बहुआरी री लास पड़ी । दीसती-वासती, फूटरी-फरीं अर गोरी-निछोर बहुआरी, जिण रो किणी आज दिन तांई नख ही कोनी देख्यो, वा आज गांव रै गूंदरै सफा उघाड़ी धरती माथै उगराणै पड़ी । लास रो पेट फूत्योड़ो अर मूंडो फाट्योड़ो । राफां में सूं पाणी रिस-रिस-नै जमी आली हुयोड़ी, उण माथै माखियां झीगें । देखनै धिन-सी आयगी; मै मूंडो फेर लियो ।

पण वा अजोगी वात वणी कियां ? वातड़ी कीं समझ में नीं आयी । किसनोजी लोहियो गांव रो आसूदगो आदमी, घर में रामजी राजी, वेणीप्रसाद जिसो भण्यो-गुण्यो अर आज्ञाकारी बेटो, कळकत्तें में दुकानदारी चालै, बहुआरी सुलखणी, सासू-बहू रै आपसरी में कोई राड़-जाणी नीं । पछै इण खांवती-पींवती अर सुखी गिरस्थी में आ नपान्नट वात कियां घणगी ? हूं गतागम में पजग्यो ।

पण वा वात ही सूरज री साख रै पाण साची कै विना कारण कोई वात वणै नीं । फेर संसार में सै सूं वालो प्राण हुया करै । उण सूं आगै पछै काळी भीत है । मिनखा-सरीर रै कांटो चुभ जावै तोई खारो जैर लागै, सो प्राण देवणो तो घणी मोटी वात है । घोर दुखियो मिनख ही च्यार रात जीवणो चावै । मौत रो नांव सुणतां पाण भलां-भलां रो काळजो कांपण मांडै । सो साखियात काळ नै वरण करणो तो घणो अवलो काम है । जठै तांई दुख रो दरियान्न मानखा रै फुरणियां ऊरर हुय नै नीं चालै, कोई काळ नै नूंतो नीं देवै ।

(२)

किसनजी लोहियै रो घर म्हारै घर रै अड़ोअड़ पाड़ोस में आयोड़ो । इण कारण म्हारै आपसरी में भाइयां पांत-ई वत्तो प्रेम । वेणीप्रसाद अर हूं साथै-साथै हीज रमन मोटा हुया । स्कूल-कालेज में पण साथै-साथै हीज पढ्या । अर संजोग री वात कै दोनूं जणां रो व्यांत्र पण अेकण सान्नै साथै-साथै हीज हुयो ।

यार-दोस्त मसखरियां करता—देख लीजो, इण दोनों रै घरां में पालणा पण अेक साथै हीज वंधैला । वेणी री वहू गीता सुणती तो लाजां मरती । म्हारी लुगाई सीता नै कँवती—देखै नी अे सीताचाई ! नागड़ा किसीक निसरमी वातां करै है, ठाला-भूलां नै लाज ई नीं आन्नै ।

सीता मुळकनै पड़तर देवती—इण में निसरमाई री कांई वात है म्हारी झमकू ! म्हारा देवतरिया नै निपूतो राखण रो विचार है कांई थारो ?

दोनूं सरीखी-सायीनी साथणियां तन-मन सूं हंसण लागती अर पन्न में फूलां री सोरम समाय जावती ।

वेणी म्हारै सूं दो वरस नैनो हो, इण वास्तै हूं गीता रै जेठ लागतो अर बा म्हारै सूं लाज करती । यूँई बा अणूती संकाळू सभात्र री ही । इण वास्तै उण रै हर वखत छाती ताणी घूँघटो खांच्योड़ो रैवतो । गांत्र री गळियां में जद-कदैई बा मनै सागही-अपूठी धक जावती तो दस पांत्रड़ा छेटी सूं हीज पूठ देयनै ऊभी हु जावती । वास-गुन्नाड़ में तो कांई, पण पूरा गांत्र में ही, कोई मोटो मिनख इसो नीं हो कै जिण उण रो मूंडो देख्यो हुन्नै ।

छतां पण मनै सीता रै मारफत गीता रै बाबत राई-रत्ती जाणकारी ही । गीता रूप अर गुणां री खाण ही । डीघी पंतली काया, हेम रै उनमान ऊजळो रंग अर सांचा में ढळियोड़ो पिंड । मनमोन्नणी मकराणा री पूतली रै उनमान ही गीता, विधाता जिणनै नैहचा सूं बैठ नै घड़ी ही । सीता उण रै रूप रा वखाण करती कँवती—मोटी-मोटी पाणीदार चीरमी आंख्यां, सूतमी नाक, गुलाब री पांखड़ियां रै उनमान पतळा गुलाबी होठ अर नैना टाबर रै जिसो कंनळास करतो उणियारो—भाग हुन्नै जिण घर में इसी सरूप बहुआरी आन्नै ।

—लुगाई री जात तो आपसरी में रूप देखै जठै ईसको राखै अर तूं गीता रै रूप रा वखाण इण भांत करै जाणै कोई रंगीलो मोटचार कोई गणगोर भाथै रीझग्यो हुन्नै—हूं उण नै कैयवो करतो ।

—इण में ईसको किण वात रो ? गैली हुन्नै जिकी इसी भावना मन में राखै । साची वात तो कँवणी-ज चाहीजै । दूजी वात, गीता फगत रूप-रोहीड़ो हीज कोनी, वा तो गुणां री खाण है । कितरो मुधरो सुभात्र, कितरी हाथ री खामचाई अर कितरो मिनखरो कुरब-कायदो ! हूं तो उण री चाल-ढाळ, उठक-वैठक, ओढणो-पैरणो, बोली-

वतळावणी, सफाई-सुथराई अर लाज-सरम देख-देखनै ही हैरान रै जाळं । वा म्हारै सरीखी-सायीनी है, पण मनै तो मोकळी वातां उण सूं साम्ही सीखण नै मिलै । इण वास्तै मनै तो उण सूं ईसको होवण रो सत्राळ हीज कोनी । पिडां नै वेणीप्रसादजी सूं जरूर ईसको होवतो हुवैळा कै उणां नै तो इसी रूप-गुण री खाण जोड़ांयत मिळी अर म्हारै ढामढायो ढोकळो पानै पड़्यो ।

हूं सीता री वातां सुणनै हंसण लागतो । पण आ वात ही साची कै उण रै मूंडा सूं गीता रा अणूता वखाण सुण-सुण नै कदैई-कदैई मनै वेणी सूं थोड़ो ईसको हुवण लागतो । कारण कै जलम धरनै ही मै वेणी नै खेलकूद, पढाई-लिखाई, कै कामकाज कठैई कोई वात में आगै कोनी जावण दियो । पण व्यांव्रवाळा मामला में मनै यूँ लखावतो कै उण मनै पटकी देय दी है ।

यूं सीता में ई कोई वात री खामी कोनी ही पण वा गीता रा अणूता वखाण करती जद हूं मन में आ सोचनै संतोख धारण कर लेवतो कै मानखा रो जीवण कवड़ी-खेल रै उनमान है । इण में भाग हुवै जिसा भीडू मिल जावै । उण भीडूनां नै लेयनै जिंदगी रो पाळो जीतण री कोसीस करणी चाहीजै । फोरा-पतळा भीडूनां खातर झींकणो फजूल है ।

(३)

व्यांव्र हुयां पछै हूं अर वेणी दौनूं जणा अक वरस घरै हीज रैया । वै दिन तो जाणै पांख लगायनै उडग्या । वरस वीत्यो जकी ठा ई कोनी पड़ी । दिन तो यार-दोस्तां सागै गप्प-गोष्ठी में बीत जावता धरती माथै अर रातां तारां सागै आंख रै फरकै बीत जावती आकासां में । सियाळू पवन सुख री सोरम वरसावतो अर ऊनाळू वायरो आणंद री लैरां लावतो । वेणी तो अष्ट पोर जाणै नसै में मस्त हुयोड़ो रैवतो । उण री मा वास-गुवाड़ री लुगायां रै मूढागै बहुआरी रा पडम कर-कर नै बाठी पड़ती । इमी सुलखणी वीदणी मिलण सूं उण रै मन में अणूतो मोद हो । वा वैठती जठैई उण रा वखाण करती ।

झाकटी लुगायां ढोकरी री इण निवळी नाड़नै ओळख ली ही । इण वास्तै वै जाण-जाणनै वात उछेरती—वेणी री वीदणी नै कैव्रो नी माजी ! म्हारी कमळकी नै थोड़ो सीवणो-पिरोवणो सिखाय दै !

—जरूर कैवूला वाई ! पण वीदणीनै तो अवै वखत ही कोनी मिलै । मै तो घर रो सगळो काम उण रै माथै हीज नाख दियो है ।

—हां वाई ! इसी सुलखणी वीदणी तो भाग हुवै जिण रै घर में हीज आवै !

—उण वंसीवाळा री किरपा है वाई ! हूं तो नित रोज उठनै ठाकुरजी नै आ हीज अरदास करूं हूं कै हे द्वारका रा नाथ ! गोपियां रा स्याम ! वीदणी देवै तो जुगोजुग नै भवोभव इसी ज दीजै, नीं तो भलाई निपूती ज राखजै ।

—क्यो नी बाई ! गुणां रै लारै पूजा हुवै ! सगलैई काम वाला है, चाम वाला कठई कोनी ।

—वींदणी रै कामकाज ग तो काई वखाण करूं, थे सगळी जण्पां जाणो हीज हो । रात रा सगळो काम निव्हेड़नै म्हारै पगां मुट्ठी देवण नै आवै जितरै दस वज जावै । इण रै उपरांत ई सुभाव कितरो ठीमर ? मिसरी रै उनमान मीठो । वरजूड़ी घणी ही म्हारी पेट री बेटी है, पण वींदणी री पगरखी री होड ई नीं कर सकै ।

—दूधां न्हावो अर पूतां फळो अे बाई ! अवै तो राम-किरपा सूं थां रै आंगणै थाळी वेगी वाजो अर म्हां नै झटपट मीठो मूढो करावो—आ'हीज सांवरियै नै अरदास है—अेक जणी दूजी कानी देखती मूढो मसकोर नै कैवती ।

अर वेणी री मा नै अे बोल हिया रै माथे डाम ज्यूं लागता । बा आछी तरियां जाणै ही कै डूमणी रै रोवण में ई राग है । वेणी रा व्यांन नै आठ वरस वीत्यां पछे ई वींदणी रै पेट कोनी मंडचो । इण वात रो उण नै पुरो हेरापो हो । पण वास-गन्नाड़ री लुगायां जद इण वात नै मोसा रै रूप में कैवती तो उण नै आंझी घणी लागती ।

—पण खैर ! झख मारण दो इणां नै । म्हारै मोर मुगटधारी वंसीवाळे अरदास सुणी तो म्हारै आंगणियै ई तीस वरसां सूं पाछी थाळी जरूर वाजैला, जरूर वाजैला !

गीता रै नेम-सो लियोड़ो हो कै रात रा सूत्रतां पैली सासू रा पग दाबणा अर उठतां पाण पैली पगै लागणो । दोनूं वखत डोकरी वींदणी रै माथे हाथ फेर नै अंतस सूं आसीस देवती—दूधां न्हावो ! पूतां फळो ! पीळो ओढो ! मीठो जीमो ! चूड़ी-चूनड़ी अमर रैवो अर करोड़ दीवाळी राज करो !

डोकरी गीता रै महीनै रो पुरो हिसाव राखती । रात रा सूत्रती वखत फुरसत सूं आंगळ्यां माथे दिन गिणवो करती । हिसाव सूं महीनै में दो-च्यार दिन ई ऊपर निकळ जावता तो मन में अणूती राजी हुती । उण दिन डोकरी रा पग धरती माथे कोनी मंडता । संतां-वामणां नै आटै री चपटी वत्ती मिलती अर ठाकुरजी नै भोग ई सांतरो लागतो । वीनणी नै पूछती—खटाई खान्न री मन में हुवै तो अमचूर रो साग वणाय दूं बेटी !

पण दूजोई दिन हीज क्रांति हु जावती अर डोकरी री सगळी आशावां माथे पाणी फिर जावतो । बा थाकनै पाछा आंगळ्यां माथे दिन गिणण लागती—अेकम, दूज, तीज, चौथ ! सियाळो वीत्यां ऊनाळो आवतो अर ऊराळो वीत्यां मोर मीठा-मीठा बोलण लागता । पण गार-लीप्यो डोकरी रो आंगणो नैनकिया पगलियां खातर उडीकतो हीज रैवतो ।

वेणी रो कळकत्ते आवणो-जावणो सरू हो अर हूं ई नौकरी रै मामलें में घर सूं आवो रैवतो । होळी-दीयाळी अर छुट्टी-छपाटी में घरां आवतो जद किसनजी लोहियै रै घर री सैं हकीगत म्हारै कानां में पड़ जावती ।

दिन बीतता गया अर डोकरी रै हाथ सूं दान-पुन्न ई बधतो गयो । गायां नै घास, कुत्तां नै अन्न अर पंखेख्वां नै दागो नित-रो-ज नखीजतो । साधु-संत अर जती-सती कोई आंगणा सूं खाली हाथ कोनी जावतो । व्रत-उपवास री तो पछे झड़ हीज लागोड़ी ही ।

पण दिन लागां डोकरी रो सुभाब चिड़ीलो हुग्यो । उण नै बींदणी माथ रीस आवण लागी अर रीस रै सागै उण नै बींदणी में मोकळी खोड़ा ई निजर आवण लागी । डोकरी अकली-ज बेठी-बेठी बिना कारण बड़बड़ाट करवो करती—

..... खोदा री गळाई दिन-दिन माचती जानै । चीरी हुन्नै तो च्यार हुन्नै अर पटकी हुन्नै तो पांच, पण कीं कार री नीं । सोना री छुरी कोई पेट में कोनी मारीजै । पगरखी पग में सुख वास्तै पैरीजै, दुख वास्तै कोनी पैरीजै । बहुआरी घर में बंस राखण खातर लायीजै, बंस डबोवण खातर कोनी लायीजै पेट नीं मंडै तो ओ रूप अर ओ सरूप किण काम रो ? सगळा ही अकारथ !

गीता मन-री-मन में बळती । पेट नीं मंडै तो उण रो कांई दोष ? व्रत-उपवास अर नेम-धरम डोकरी बतायो ज्यूं कियो । कोई पंखेरचां-बंद तो वा दवायां गिटगी अर छावळियो भरचा राखड़ी-मादळिया लटकाय लिया, छातां पण आस नीं बंधी तो वा वापड़ी कांई करै ?

(४)

थोड़ाक दिन बीत्यां डोकरी नै किणी खबर दी कै गांव रै जूनियै आसण माथे अक वावोजी आयोड़ा है । पूग्योड़ा महातमा अर वचनसिद्ध मूरत । साधु सुभाब रो आकरो घणो है, इण वास्तै मानखो उण कनै जावतो संकै । पण महातमा नै अँ सांग जाणनै करणा पड़ै, नीं तो दुनिया लारै पड़ जावै ।

भगत अर साधक वावै रा वखांण करता—वावोजी ठीड़-ठीड़ मोकळा ही परचा दिया अर चमतकार बताया है जिको लोगां री जवान माथ है । मिनख उणां नै भगवान करनै पूजै है, कारण कै चमतकार नै नमस्कार है ।

—अकर रमणियै गांव रा कई भगत वावोजी कनै आया अर दिन भर उणां री मेवा-चाकरी में रिया । दिन आयम्यां बीत्या—वापजी ! आप हुकम दिरावो तो म्हे रातवासो आप रै आसण माथे हीज लेवां अर रात रा भजन-भाव करां ।

बाबो हंसने बोल्या—यह साधुवां का अखाड़ा है भगत ! इधर रात में वो ही ठहर सकता है, जिसका सेर भर का कलेजा हो । तुम्हारी हिम्मत होना तो ठहर जाणा ।

भगत समस्या बाबो नसे में यूँई विलळी वातां करै । बै उठै हीज ठेरणा अर रात रा भजन-भाव करता रैया । यूं करनै आधीक रात लटी नै बाबो बोल्या—बच्चा ! अब हम तो वन में जाते हैं, वापस फजर में आवेंगे, तब तक तुम इधर भजन-भाव करते रहणा ।

भगत तंदूरो-मजीरा कूटता रैया । थोड़ीक जेज में मिंदर रै लारली कानौ सूं होकार सुणीजी । तंदूरो-मजीरा नाखनै भगत उठीनै देखण नै गया । उणां नै थड़ा माथै अक सिघ ऊभो निजर आयो—बेटी रै बाप रो असल केसरी नन्नहत्थो । गावड़ माथै टणका अयाळ आया थका, विकराळ मुँढो अर आंख्यां जाणै घन्न रा खीरा । भगतां नै देख'र सिघ दडूक्यो । भगत तो उठा सूं तेतीसा मनाया सो ठेट घरां पूग्या जितरै पाछळ ई नीं फेरी । पण जे नीं न्हाठा हुता तो निहाल हु जावता ।

—मोकळसरत्ताळा सेठ बाळकिसनजी री बहुआरी रै दस वरसां सूं पेट कोनी मंडतो हो । बाबै रो नांन सुण्यो तो सासू-वहू दोनूं जणियां थाळ सजायनै उभराणै पगां सेत्रा में पूगी । बाबो देखतां ही किडक्यो—क्यूं आयी है इधर ?

—आप रा दरसन वास्तै ।

—भाग जात्रो इधर से । अर बाबो पाछा ध्यानमग्न हुग्या ।

पण बै उठा सूं सिरकी कोनी । सासू वींदणी नै आंख सूं इशारो कियो अर उण बाबै रै पगां में दंडोत की । बाबै पाछी आंख्यां खोली अर रीसां बळतां कैयो—मैं ने बोला, तुम भाग जात्रो इधर से ! क्या लेने आयी हो इधर ?

सासू हाथ जोड़नै गळगळा कंठ सूं बोली—बापजी ! म्हाारी वींदणी रै दस वरस सूं पेट कोनी मंडयो, इण वास्तै आप री आसीस लेवण नै आयी हूं ।

बाबै तो कोई अक गिणी न कोई दो । रीस में तंबोळ हुयोडै धूणी मांय सूं दो हाथ लांबो चीपटो लियी अर जोर सूं गरज्यो—रंडियों ! भाग जात्रो इधर से वेटा लेने आयी हो फक्कड़ कूं पास वेटा लेने आयी हो मेरी झोळी में बेटे पड़े हैं सो तेरे कूं दे दूं चलो, भागो ।

अर बाबै अक वजेनी गाळ ठरकाय दी ।

पण सासू-वहू दोनूं जण्यां बाबै रा दोनूं पग कांठा पकड़ लिया । बाबो थोड़ी जेज तो फां-फूं करता रैया पण छेन्नट पाछा आसण माथै विराजग्या अर ध्यान-मग्न हुग्या । सासू-वहू धूणी री भस्मी लेयनै राजी-राजी घरां रत्तानै हुगी ।

इण रै पछै वीनणी रोज विना नागै बाबोजी नै दंडोत करण नै जावती । छेव्रत बाबै नै हार खावणी पड़ी अर उणां री आसीस सूं उण रै नव्रमै महीनै वेठो हुयो ।

इसा अेक-दो नीं पण अलेखूं चमतकार है बाबाजी रा—भगत वतावता—खास बात भावना री है । मानो तो देव, नीं तो भाठो तो है हीज । अर यूं सेंस-मुखी दुनिया है । किण रै ई मूंडा आडो हाथ दिरीजै कोनी । परपूठी तो राजा रावण नै ई गाळयां काढ दै । पण इसा सामरथ महातमा री निंदा करनै आपां पाप रा भागी क्यों वणां ? आपां नै तो चमतकार देखनै नमस्कार करणो है—भगत पुरो रस लेयनै बाबैजी रै चमतकारां रा वखाण करता ।

डोकरी अै सगळी वातां सुणी तो मन में अणूती राजी हुयी । उण नै आ पक्की जचगी कै बाबो सोळै आना वचनसिद्ध महातमा है । इसा सामरथ पुरस री मर हु जानै तो म्हारै मन री आस पूरीज जानै ।

उण गीता नै कैयो—वींदणी ! सुणी है कै गांव रं वारै जूनियँ आसण माथै अेक वचनसिद्ध महातमा आयोड़ा है । मिनखां रै वातगरां सूं इसी लखावै कै वं कोई पूग्योड़ा पुरस है । उणां री किरपा सूं हीज मोकळसरवाळा वालकिसनजी रै घरां तीस वरसां सूं पाछी घाळी वाजी । आपां ई महातमाजी रै दरसणां नै क्यों नी चालां ?

गीता निसासा नाखती बोली—माजी ! ज्यों आप री मरजी हुन्नै ज्यों करावो । मनै तो इण भगड़ां माथै रत्ती भर ई विसवास कोनी । इणां में घणकरा तो ठग अर चोर हुन्नै ।

—आधी वळ अे हिया-फूटोड़ी ! साधु-संतां री निंदा करतां तनै सरम कोनी आवै ! आठ-दस पोथी पढाई कांई कर ली जाणै माघजी पिडत वणंगी । इण लखणां सूं तो आप निपूता हीज मरोला अर म्हारो वंस ई डुबोवोळा । हे वंसीवाला ! किसोक घोर कळजुग आयग्यो है रे ! अेकर पोतै रो मूंडो देख लेवती तो मरयां ई मुकोतर जानती रे सांवरा ! अर डोकरी रोवण लागगी ।

रोवणो डोकरी रो छेड़लो हथियार हो अर इण आगै गीता नै हारणो पड़तो ।

तीजोड़ै दिन सासू-वहू दोनूं जण्यां थाळ सजायनै बाबै री हाजरी में पूगी । भगतां वतायो जिको सागीई नाटक हुयो पण दोनूं जण्यां हाथ जोड़नै बैठगी ।

मोकळा दिनां तांई सासू-वहू दोनूं जण्यां, अर पांच-सात दिन गीता अेकली, बाबै रै आसण माथै जावती रंयो । उण बात नै हफतो वीतग्यो है अर आज गीता री लास गांव रै गूंदरै घरती माथ सफा उघाड़ी पड़ी है ।

(५)

रात रा में सीता नै पूछयो—थारै सूं गीता री कोई बात छानां कोनी । इसो कांई कारण वण्यो कै जिण सूं उण नै कूवा में कूदनै मौत खामणी पड़ी ।

म्हारी बात सुननै सीता री आंख्यां में आंसू आयग्या । वा चूनड़ी रै पल्लै सूं आंसू पूछती गळगळै कंठ सूं बोली—गीता री मौत रा कारण उण रा घरवाळा, खासकरं उण री सासू, अर ओ भगड़ो है । डोकरी रै हठ रै कारण उण नै विना मन आसण माथै जानणो पड़्यो । वा नित रोज कैवती—सीताबाई ! इण माजी रो अबै हूं कांई करूं ? अँ क्यों म्हारै लारै उतरया है ? अँ कैवै तो हूं कोई लेडी-डाक्टर कनै चालण नै अर इलाज करावण नै तयार हूं, पण इण भोपां-भरड़ां अर मोड़ां-भगड़ां यूँ हूं अबै काठी धापगी हूं । कळकत्तै मोकळा ही कागद दिया पण अँक रो ई उथळो कोनी । डोकरी नै कीं कमती-ज्यादा कैवूँ तो वा मनै मारण नै दोड़ै अर छाती-माथो कूटण लागै । अबै तो भगवान मौत देवै तो इण नरगवाड़े सूं पिंड छूटे ।

इण रै पछै अँक दिन फेरूं वा म्हारै कनै आयी अर रोवण लागी । मैं उण नै थावस दियो तो छिवरां-छिवरां रोवण लागी, हूंचकै भरीजगी । इसो लाग्यो जाणै उण दिन उण रै धीरप रो छेह आयग्यो हुवै । मैं उण नै नीठ बोली राखी अर रोवण रो कारण पूछ्यो तो जाण पड़ी कै छोरी रै जीवण में अँक अजोगी बात वणी ही । उण मनै रोवती-रोवती व्रतायो कै काले सिंझ्या रा वा अँकली बावै रै आसण माथै गयी तो बाबो अँकलो धूणी माथै बैठो हो । वा आघै सूं हीज थाळ घर, हाथ जोड़नै, रत्नानै होवण लागी । वा पाछी वली-ज ही कै बावै उण नै लारै सूं पकड़ ली अर मूँडो नैडो लायनै बोल्यो—बोल, तेरै कूँ क्या चाहिअे ? बेटा चाहिअे कै वेटी ? उण पूरो जोर लगाय नै छूटण री कोसीस कीवी तो भगड़ै तेर काठी पकड़ ली । रंडी तोफान करती है । बेटा भी मंगती है और नखरा भी दिखाती है चल, अंदर की तरफ चल । जटाजूट राख्योड़ो, पसीनै री सूगली वास, मूँडै सूं निकळता गिदला भभका बा अचेत-सी हुवण लागी जितरै तो मढी रै बारै कोई मिनख रा पग वाज्या अर बा सहज में ही छूटगी ।

हाण-फाण हुयोड़ी घरां आयी अर डोकरी नै सगळी बात वतायी तो डोकरी हंसण लागी । भगतां रै वतायां माफक आ बात तो अँक दिन हुणी-ज ही । सती री परीक्षा लियां विना भगवान पोतैई अरस-परस कोनी हुया तो आ तो मानखा-जूण री बात है ।

डोकरी उण नै समझावतां कैयो—इण में डर जिसी कोई बात कोनी । बावोजी वचन-सिद्ध है, बै तो सत्यां रै सत री परीक्षा लेवै । म्हारै इसा कई किस्सा सुण्योड़ा है । तूँ थोड़ो गाढ राखजै । सै ठीक हु जानैला ।

गीता-रोवती-कळपती कैयो कै उण नै जे टुकड़ा कर नाखो तोई वा अबै उण भगड़ा रै आसण कानी मूँडो नीं करैला ।

इण बात माथै डोकरी निरा ही फितूर किया—म्हारा भाग हीज फूटोड़ा है, जद हीज तो थारै जिसी वंस-डवोवणी निपूती म्हारै कुळ में आयी ; हूं जहर खाय नै मर जानैला ।

ओ महाभारत हुयां पछै गीता म्हारै कनै आयी ही । में उण नै आ हीज सला दी कँ अवै उण कानी भूलनै ई मत जायी अर कळकत्तै कागद लिख दीजै ।

—इण रै पछै दूजोड़ दिन उणां रै घर में कांई हुयो मनै जाण कोनी, कारण कै गीता पाछी मनै मिली-ज कोनी । पण आ जखर सुणन में आयी कै उणीज दिन कळकत्तै सूं कागद आयो हो अर उण में वेणीप्रसादजी रो दूजो व्याव्र करण खातर कांई समाचार लिख्योड़ा हा ।

उणीज दिन लोग कैन्नै कै टगूमगू दिन रैयां वा ओढ-पैरनै सासू रै पगां लागी, डोकरी उण नै आसीस दी; पछै वा थाल लेनै बाबै रै आसण कानी रवानै हुयी; सो सीधी जाव्रतां ही गांवसाऊ कून्नै में कूदगी ।

सीता री आंख्यां सूं झर-झर करता आंसू झरण लाग्या ।

म्हारी निजरां आगै गीता री लास फिरण लागी अर कानां में डोकरी री आसीस गूंजण लागी—दूधां न्हाव्रो, पूतां फळो; करोड़ दीन्नाळी राज करो !

अकल मूँछालाँ सिध री वात

—सुरेन्द्र 'अंचल'—

(१)

जलमै सो अवस मरै । दुनिया में कोई अमर कोनी रैवै । पण मरणै-मरणै में घणो आंतरो । अक मिनख रै मरण रो सुणतां पाण आखै मुलक री आंखियां सूं टळक-टळक आंसूड़ा वैवण लागै; अर अक मिनख रै मरण रो सुण'र पास-पड़ोस रा लोग भी गनारत नहीं करै । जलम-भोम रै खातर मरणियां री मौत शानदार मौत हुवै । जलम-भोम किणी अक जाति, अक धरम, अक मजहब री वपीती नहीं । बा ना हिंदुवां री है, ना मुसलमानां री और ना ईसाइयां री । अ धरम और मजहब री आंधी भावनावां तो मिनखपणै रै सारु हळाहळ जहर हुवै । इण हळाहळ काळकूट रै असर सूं हीज भारत रा दो टूक हुआ और पाकिस्तान वणियो । सांप्रदायिकता रै नसै में लटाझूम पाकिस्तान सन् १९६५ में भारत माथै आक्रमण कर दियो । सैकड़ों मातृभूमि रा सिधां माता रै खातर आप रो बलिदान दियो । इण बलिदानी वीरां में हवलदार हमीद रो नांव जगमगाट करतो थको इतिहास रै पानां में लिखीजियो ।

(२)

खेमकरण री सीव ।

दिनांक १० सितंबर, सन् १९६५.

घड़ाम घड़ घड़ घड़ाम !

काळ-पुरस आप उण दिन जुद्ध देखण नै खेमकरण री सीव माथै पांख पसारियोड़ो ।

इण सड़क माथे चीभा-गांव सूं थोड़ोक आंतरै दुनिया रो नूत्रो अजूवो, पैटन टैंकां रो जमाव ! पैटन टैंक—जिणां री मजबूती पर अमरीका नै गुमान ! जिणां माथे बैठ'र पाकिस्तान रा सदर अयूब दिल्ली रै लाल किले ऊपर पाकिस्तान रो झंडो रोपण रो सपनो देखै !

धड़ामधड़ धड़ धड़ाम !

देत-राज गोळा उगळता लपकतोडा वधण लागा । १० सितंबर, सन् १९६५, रो दिन धून्नाघोर ऊगियो । कठै तो जम सरीसा लोहै रा पैटन टेंक और कठै भारत रै सिपाहियां री छोटी रिकायल-लेस तोपां और हाथ-गोळा ! पण हिम्मत किम्मत होय विण हिम्मत किम्मत नहीं !

हमीद दाकल करी—जोधां ! जलम-भोम रो करज चुकावण रो ओ अनमोल अवसर है—मोतियां मूंधो टैम ! जीवण रो लावो लो और जलम-भोम री सीत री रुखाळी रै जिग में होम दो ओ माटी रो तन !

हिन्दुस्थान जिदावाद !

सूरज आप रै रथ रै सातूं घोड़ां नै रोक'र इण अछूतै मरण-तिन्नार नै निरखण खातर थम ग्यो ।

(३)

अक जीप, उण पर छोटी तोप अर सागै वैठियोडो हमीद ! च्यारू मेर लोहै रा देत-राज चिघाड़तोडा ! बीच में घिर ग्यो हमीद—महाभारत रै चक्रव्यूह में अभिमन्यु ज्यु ! दांव पर दांव !

घड़ी भर लटाटूट जूझती जीप घेरै नै तोड़ती थकी दीड़ी । भारी-भरकम पैटन टेंक चकरीजग्या—ओ काई कीतक !

हन्नलदार हमीद जिदावाद !

अन्नसियोडा दुसमण दूणै क्रोध सूं लपकिया ! अरे रे रे ! ओ जमराज रै पाडै जैडो पैटन धड़धड़ करवो हमीद कानी नटाटूट वधतो ही आवै है । धड़ाम ! धड़ाम ! लाय री लपटां ऊछळै !

हमीद री आंखियां में इंधारो ! घड़ीक जाणै आभै में उड जाऊं, घड़ीक जाणै पताळ में वड जाऊं । घरती, अकास, पताळ सै टेंकां रै सरणाटे और घरणाटै रै धमीड़ां सूं धूज उठिया । पैटन ऊंची जागां उलांगतोडो वधियो । अचाणचकै बीजकी-सीं पळकी । हमीद उण देत री उघाड़ी छाती री कमजोर जागां देख'र हथगोळै रो अचूक वार करियो ।

धड़ड़.....धड़ड़.....धड़.....धड़.....धड़ाम !

टेंक री चिदी-चिदी अकास में उडती दीसी ।

हमीद अलम-भोम नै नमस्कार कर'र दड़कियो—माटी रो पूरो-पूरो मोल चुफाऊंला म्हारी जलम-भोम ! मनै असीस दै । आज पैटन टैंकां नै टाबरां रै रमतियां ज्यूं विखेर नाखूला ।

आंरयां री आंखियां आगै अमावस री रात ! ओ आदम-जात है कै राकस !

इतिहास रा पाना फड़फड़ाया । अणहोणी हुयी । अमरीका रै अजेय पैटन री चिंदी-चिंदी विखरगी । सूरज रो मूँढो अचभै सूं लाल पड़ग्यो ।

(४)

दूजो पैटन अंगारा वरसावतो, गरजना करतो, आगै धखियो । धड़धड़ाट करतै आंधी ज्यूं आगै बधतै उण दैत री छाती साथै हमीद रै हथगोळै रो वार और—

धड़ धड़ धड़ड़ धड़ धड़ाम !

इतिहास सांस रोक'र देखियो कँ दूजोडै पैटन टैंक री चिंदियां फटाकां री लड़ ज्यूं अकास में उड़'र विखरगी ।

हिन्दुस्थान जिंदावाद !

(५)

अकलो अभिमन्यु चक्रव्यूह रै सात-सात घेरां में फंस ग्यो । टैंकां री पूरी रेजीमेंट । तीजोड़ो टैंक दकाळतो आगै बधियो । तोप रो गोळो सरणाट करतो हमीद सूं टकरीज्यो । सूरज री आंखियां चकचूंधीजगी । दुपारी रो दिन गुधळकिया वेळा ज्यूं धुंधलीजग्यो !

अर अक जोत, ३२ वर्ष री वीर आत्मा, सूरज री जोत में समायगी !

वरखा-वर्णन

(प्राचीन राजस्थानी गद्य रा दो उदाहरण)

(१)

वरखा रितु लागी, विरहणी जागी । आभा झरहरै, बीजां आवास करै । नदी ठेवां खात्रं, समुद्रे न समानै । पहाड़ां पाखर पड़ी, घटा ऊमड़ी । मोर सोर मंठे, इंद्र धार न खंडे । आभो गाजै, सारंग वाजै । दुवावस मेघ नै दूवो हुवो, सू दुखियारी री आंख हुवो । झड़ लागो, प्रथी रो दळद भागो । दादुरा डहडहै, सावण आन्नण री सिध कहै ।

इसो समइयो वण-नै रह्यो छै । वरखा मंड-नै रही छै, बीजळी झिलोमिल कर-नै रही छै । वादळां झड़ लायो छै । सेहरां-सेहरां बीज चमक-नै रही छै, जाणै कुळटा नायका घर सूं नीसर अंग दिखाय दूसरै घर प्रवेश करै छै ।

मोर कुहकै छै, डेडरा डहकै छै । भाखरां रा नाळा बोल-नै रह्या छै, पाणी नाडां भर-नै रह्या छै । चोटड़ियाळ डहक-नै रही छै । वनसपती सूं वेतां लिपट-नै रही छै । प्रभात रो पोर छै । गाज-आवाज हुय-नै रही छै, जाणै घटा घणै हरख सूं जमी सूं मिलण आयी छै ।

—खीची गगेन्न नीवावत रो दोपहरो
(अठारवीं शताब्दी)

(२)

इसियइ अवसरि आवियउ आसाढ, इतर गुणइ संवाढ । कटइयइ लोह, घाम तणउ निरोह । छ्यासि खाटी, पाणी बीयाइ माटी । विस्तरिउ वर्पाकाळ, जे पंथी तणउ काळ नाठउ दुकाळ ।

जीणइ वर्पा-काळि मधुर ध्वनि मेघ गाजइ, दुर्भिक्ष तणा भय भाजइ, जाणइ सुमिक्ष-नृपति आवतां जय-ढक्का वाजइ । चिहु दिसि बीज झळहळइ, पंथी घर भणी पुळइ । विपरीत आकास, चंद्र सूर्य पारियास । राति अंधारी, लवणइ तिमिरी । उत्तर-नउ ऊनयण, छायउ गयण । दिसि घोर, नाचइ मोर । सुवर, वरसइ धाराधर । पाणी तणा प्रवाह खळहळइ, वाड़ि ऊपरि वेलां वळइ । चीखलि चालता सकट स्वळइ, लोक तणा मन धर्म ऊपरि वळइ ।

नदी महापूरि आवइ, पृथ्वी-भीठ प्लावइ । नवा किसलय गहगहइ, वल्ली-वितान लहलहइ । कुंडुवी-लोक माचइ, महात्मा बइठा पुस्तक वाचइ । पर्वत तउ नीक्षरण विप्लूटइ, झरिया सरोवर फूटइ ।

—वागविलास (पृथ्वीचंद्रचरित)
(पंनरवीं शताब्दी)

तत्त्वां री कथा

—पुरुषोत्तमदास स्वामी—

तत्त्वं चिन्तय सततं भ्रातः !

संसार रा सगळा पदार्थ तत्त्वां सूं वणियोडा है । पदार्थ दो भांत रा हुन्नै—(१) जिका अेक ही तत्त्व सूं वणियोडा हुन्नै जियां सोनो, चांदी, तांबो, सीसो, रांगो, जसद, गंधक और पारो और (२) जिका अेक सूं वेसी तत्त्वां रै मेळ सूं वणै जियां पीतळ, लूण, पाणी और चीणी । पीतळ में तांबे और जसद रो मेळ हुन्नै; लूण सोडियम और क्लोरीन तत्त्वां रै मेळ सूं, पाणी हाइड्रोजन और आक्सीजन तत्त्वां रै मेळ सूं और चीणी कार्बन, हाइड्रोजन और आक्सीजन रै मेळ सूं वणै ।

मेळ दो भांत रा हुन्नै । अेक नै मिश्रण कैन्नै और दूजै नै संयोग । मिश्रण में दो अथवा वेसी पदार्थों रो मेळ इण भांत सूं हुन्नै कै हरेक पदार्थ आप-आप री विशेषतावां कायम राखै; संयोग में पदार्थ इण भांत सूं मिलै कै उणां री विशेषतावां रो लोप हु जावै और वै मिलनै अेक नूत्रो ही पदार्थ वणावै जिण में आप री निजी विशेषतावां हुन्नै । मिश्रण सूं वणियोडै पदार्थ नै मिश्रण और संयोग सूं वणियोडै पदार्थ नै यौगिक कैन्नै । हन्ना मिश्रण है और पाणी यौगिक । हवा में नाइट्रोजन, आक्सीजन वगैरह कई तत्त्व मिलियोडा रैन्नै और पाणी हाइड्रोजन और आक्सीजन तत्त्वां रो मेळ है । हाइड्रोजन तुरंत जगणआळी गैस है और आक्सीजन इसी गैस है जिकी वास्ती रै जगण में मदत करै पण दोनां रै मेळ सूं वणियोडो पाणी वास्ती नै बुझा देवण-वाळो वन्न है ।

मिश्रण अथवा यौगिक पदार्थां रै सागै दूसरा मिश्रण अथवा यौगिक पदार्थां रो मेळ करनै आपां और नूत्रा मिश्रण अथवा यौगिक पदार्थ वणा सकां हां । पाणी में लूण मिलायां सूं लूणियो पाणी वणै । इणी भांत कास्टिक सोडै और लूण रै तेजाव नै मिलायां सूं भी लूणियो पाणी वणै । कास्टिक सोडो और लूण रो तेजाव दोनूं भयंकर मारक जहर हुन्नै पर दोनां रै मेळ सूं वणियोवो लूणियो पाणी निर्दोष पदार्थ हुन्नै, जिण नै कोई बादमी चावै तो पी सकै है । अउ आ वात ध्यान में राखणी घणी जरूरी है

कै मिश्रण में मिलायीजणवाळा पदार्थां रो कोई निश्चित अनुपात नहीं हुवै पण संयोग में मिलायीजणवाळा पदार्थों रो निश्चित अनुपात हुवै और निश्चित अनुपात में मिलाने सूं ही योगिक पदार्थ वणै ।

अणु और परमाणु

योगिक पदार्थां रा आपां खंड करां तो उण रो जिको सब सूं छोटो खंड हुवै उण नै अणु कैवै । अणु रा और खंड करां तो वो जिकै तत्त्वां सूं वणियोड़ो है उणां रै परमाणुवां में विभक्त हु जावै । पाणी रै अणु रा खंड करणें सूं फेर वो पाणी नहीं रैवै पण हाइड्रोजन और आक्सीजन रा परमाणुवां में विभक्त हु जावै—उण रा तीन परमाणु हु जावै जिणां में दो हाइड्रोजन रा और अेक आक्सीजन रो हुवै ।

तत्त्व रै सब सूं छोटै खंड नै परमाणु कैवै । तत्त्व रै परमाणु रो खंडन साधारण रासायनिक उपायां सूं नहीं हुवै । इण कारण पैलां आ मानता ही कै तत्त्व ही मूळ द्रव्य है जिण सूं संसार रा सगळा पदार्थ वणिया है । पण अबै रेडियो-धर्मिता रो आविष्कार हुयां पछै परमाणु अखंडनीय अथवा अविभाज्य नहीं रया है, परमाणुवां रा भी खंड करीज सकै है ।

खंड करणें पर तत्त्वां रा परमाणु मूळ-कणां में विभक्त हु जावै जिणां में तीन प्रधान हैं—१. इलेक्ट्रोन, २. प्रोटोन और ३. न्यूट्रोन । अै मूळ-कण ही मूळ द्रव्य है जिणां सूं सगळा तत्त्व और संसार रा दूसरा सगळा पदार्थ वणियोड़ा है ।

मूळ-कणां सूं तत्त्वां रा परमाणु वणै, तत्त्वां रा परमाणुवां सूं अणु वणै और अणुवां सूं सारा पदार्थ वणै । अणु अेक तत्त्व रै कई परमाणुवां सूं भी वण सकै और अनेक तत्त्वां रै कई परमाणुवां सूं भी ।

प्रकृति में पायीजणवाळै तत्त्वां री संख्या ६२ है । अै ६२ तत्त्व न्यारा-न्यारा है और आप-आप री विशेषतावां राखै पण जिकै मूळ-कणां सूं वै वणियोड़ा है वै मूळ-कण सगळां में अेक ही जिसा है । तत्त्वां में भेद उणां रै परमाणुवां में मौजूद मूल-कणां री संख्या और संयोजन री रीत रै कारण हुवै ।

अणु और परमाणु घणा छोटो हुवै—इत्ता छोटो कै उणां री कल्पना करणी भी संभव नहीं ।

परमाणु में अेक नाभिक या केंद्र हुवै जिण में प्रोटोन और न्यूट्रोन हुवै और जियां सूरज रै च्यारां पासी न्यारी-न्यारी कक्षावां में ग्रह भ्रमण करै वियां ही नाभिक रै च्यारां पासी इलेक्ट्रोन न्यारी-न्यारी कक्षावां में भ्रमण करता रैवै । सूरज और

ग्रहों के बीच में जियां अपार खाली आकाश हुवै बियां ही नाभिक और इलेक्ट्रॉनों के बीच में भी घणी खाली जागां हुवै।

तत्त्वों की संख्या

अब हम ताई मालूम हुयोड़ा तत्त्वों की संख्या १०३^१ है। इणां में कई तत्त्व प्राकृतिक है और कई कृत्रिम अर्थात् मिनख रा वणायोड़ा। प्राकृतिक तत्त्व प्रकृति में पायीजै, पण कृत्रिम तत्त्वों नै विज्ञान रा विद्वानां प्रयोगशाला में वणायोड़ा है। प्राकृतिक तत्त्वों की संख्या ८२ है और कृत्रिम तत्त्वों की ११। कृत्रिम तत्त्व रेडियोधर्मी अस्थायी तत्त्व है। उणां की ऊमर घणी ओछी हुवै। कई-अेक प्राकृतिक तत्त्वों नै भी वैज्ञानिकां प्रयोगशाला में वणायोड़ा है। इसो अेक तत्त्व टेक्नेटियम है।

प्राकृतिक तत्त्वों में कई तत्त्व तो घणा जाणीता है और लोग उणां नै घणै जमानै सूं जानै है। सोनो, चांदी, लोहो, तांबो, सीसो, पारो, संखियो, सुरमो, रांगो, जसद, और गंधक इणी भांत रा तत्त्व है। बाकी घणकरा तत्त्वों की खोज लारलै दो-तीन सौ बरसां में हुयी है।

तत्त्वों का प्रकार

सगळा १०३ तत्त्वों में ११ गैसीय, २ द्रव और ९० ठोस पदार्थ है। गैसीय ११ तत्त्व सगळा अधातु है; २ द्रव तत्त्वों में अेक अधातु और अेक धातु है। गैसीय और द्रव तत्त्व अै है—

(क) गैसीय—१. हाइड्रोजन, २. नाइट्रोजन, ३. आक्सीजन, ४. फ्लोरीन, ५. क्लोरीन, ६. हेलियम, ७. आर्गन, ८. नियन, ९. क्रिपटन, १०. जेनन, ११. रेडन।

(ख) द्रव— १. ब्रोमीन (अधातु), २. पारो (धातु)।

ठोस तत्त्वों में कई अधातु और घणा-सा धातु है। उणां में कई तत्त्व इसा भी है जिका में धातु और अधातु दोनों का गुण पायीजै, जियां संखियो, सुरमो आदि। इसा तत्त्वों ने अर्धधातु अथवा उपधातु कैवै।

तत्त्वों के नामकरण

जका तत्त्व पुराण जमानै सूं जानीता हैं उणां का नाम वै ही है जिका लोक-प्रचलित है, बाकी तत्त्वों के आविष्कार यूरोप अथवा अमरीका के विद्वानां करियो जिण कारण सूं उणां का नाम यूनानी अथवा लैटिन भाषाओं के शब्दों सूं वणायोड़ा है।

^१ लारला बरसां में दो और कृत्रिम तत्त्व वैज्ञानिकां वणायोड़ा है जिणां का नाम (१०४) खुर्चेटोवियम और (१०५) हानियम है।

रसायनशास्त्र की आ परंपरा रखी है कि जिको विद्वान तत्त्व को आविष्कार करे वो उण को नांन आण की मरजी रे मुताविक राखे । तत्त्वां रा नांन न्यारा-न्यारा आधारों माथे राखीजिया है । कई नांन देवतावां रे नांनों पर है तो कई ग्रहां रे नांनों पर; कई पौराणिक अथवा ऐतिहासिक पुरुषों रे नांनों पर है तो कई वैज्ञानिकों रे नांनों पर; कई देश, महादेश, प्रदेश, नगर, नदी आदि रे नांनों पर है तो कई खनिज पदार्थों रे नांनों पर; और कई रंगों रे आधार पर है तो कई गुणों रे आधार पर । उदाहरण रे वास्तै—

(क) देवतावां रे नांनों पर—१. थोरियम (ट्यूटानी देवता थोर), २. वॅनाडियम (ट्यूटानी देवी वॅनाडिस), ३. सेलेनियम (यूनानी चंद्रदेवी सेलेने), ४. टैलूरियम (रोमन भू-देवी टैलस), ५. टिटानियम (यूनानी देवता टिटान) ।

(ख) ग्रहां रे नांनों पर—१. यूरेनियम (यूरेनस ग्रह), २. नेपचूनियम (नेपचून ग्रह), ३. प्लूटोनियम (प्लूटो ग्रह), ४. पैलाडियम (क्षुद्र ग्रह पैलास) ।

(ग) पौराणिक पुरुषों रे नांनों पर—१. प्रोमीथियम (प्रोमीथियस) २. टैंटालुम (टैंटालुस्) ।

(घ) वैज्ञानिकों रे नांनों पर—१. क्यूरियम (मदाम क्यूरी), २. आइंस्टाइनियम (आइंस्टाइन), ३. फर्मियम (फर्मी), ४. मेंडेलेवियम (मेंडेलीव), ५. नोबेलियम (नोबेल), ६. लारेंसियम (लारेंस), ७. हानियम (हान) ।

(ङ) खनिजों रे नांनों पर—१. वैरीलियम (वैरील), २. जिकॉनियम (जिकॉन) ।

(च) देश, महादेश, प्रदेश, नगर, नदी रे नांनों पर—१. फ्रांसियम (फ्रांस), २. जर्मनियम (जर्मनी), ३. पोलोनियम (पोलैंड), ४. स्कैंडियम (स्कैंडिनेविया), ५. यूरोपियम (यूरोप), ६. अमरीकियम (अमरीका), ७. रूथेनियम (रूथेनिया, रूस), ८. कैलिफोनियम (कैलिफोर्निया, अमरीका), ९. वर्कलियम (वर्कले, अमरीका), १०. हैफनियम (हैवन = कोपेनहेगेन), ११. रैनियम (राइन नदी) ।

(छ) रंगों पर—१. आयोडीन (वैंगणी), २. रोडियम (गुलाबी), ३. रुबीडियम (लाल) ।

(ज) गुणों पर—१. हाइड्रोजन (पानी बनाने वाला), २. क्रिप्टन (छिपने वाला) ३. फास्फोरस (प्रकाशवाहक), ४. अस्टेटीन (अस्थायी) ।

हेलियम तत्त्व को नांन हेलिओस् अर्थात् सूरज भगवान रे नांन माथे राखीजियो कारण हेलियम की मौजूदगी को पैलापोत पतो सूरज में लाग्यो (मिलानो संस्कृत हेलि = नूरज) ।

पृथ्वी माथै तत्त्वां री मात्रा

प्राकृतिक ६२ तत्त्वां मांय सूं कई तत्त्व तो पृथ्वी माथै भोकळी मात्रा में मिले पण घणकरै तत्त्वां री मात्रा पृथ्वी माथै घणी कम है और कइयां री तो जाबक नांवा-मात्र री है । संगळां सूं घणो मिलणवाळो तत्त्व आक्सीजन है । पृथ्वी माथै तत्त्वां री मात्रा रो प्रतिशत इण भांत है—

(क) पृथ्वी री पापड़ी में—

१. आक्सीजन	४७.०	८. मैगनेसियम	२.२
२. सिलीकन	२८.०	९. टिटानियम	०.५
३. अलुमीनियम	८.०	१०. हाइड्रोजन	०.२
४. लोहो	४.५	११. कार्बन	०.२
५. कैलसियम	३.५	१२. फास्फरस	०.१
६. सोडियम	२.५	१३. गंधक	०.१
७. पोट्यासियम	२.५	१४. बाकी	०.७

(ख) महासागरां में—

१. आक्सीजन	८५.८०	४. सोडियम	१.१०
२. हाइड्रोजन	१०.७०	५. मैगनेसियम	०.१४
३. क्लोरीन	२.१०	६. अन्य	०.१६

(ग) वायुमंडल में—

१. आक्सीजन	२०.६५	६. नियन	०.०००५
२. नाइट्रोजन	७८.०८	७. क्रिपटन	०.०००१
३. आर्गन	०.६३	८. जेनन	०.००००१
४. कार्बन डाइआक्साइड	०.०३	९. अन्य	०.००७५६
५. हेलियम	०.००१८		

पृथ्वी री पापड़ी में पायीजणवाळा बाकी तत्त्वां में सोनो, चांदी, प्लाटीनम, तांबो, रांगो, सीसो, जस्तो, निकल, क्रोमियम, सोडियम, पोट्यासियम, कैलसियम, थोरियम और यूरेनियम घणै महत्त्व रा तत्त्व है । इणां रै अलावै कार्बन, हाइड्रोजन और नाइट्रोजन प्रोटोप्लाज्म अर्थात् जीवण-तत्त्व रा घणा जरूरी अंश है । मिनरल रै शरीर में तत्त्वां री मौजूदगी इण भांत है—

१. आक्सीजन	६४.०	७. सोडियम	०.१
२. कार्बन	२०.०	८. पोटैसियम	०.१
३. हाइड्रोजन	१०.०	९. मैग्नेसियम	०.१
४. नाइट्रोजन	२.०	१०. गंधक	०.१
५. कैल्सियम	२.०	११. अन्य	०.६
६. फास्फोरस	२.०		

तत्त्वां री परमाणु-संख्या

तत्त्व री आप री क्रमिक संख्या हुवै । आ संख्या तत्त्व री परमाणु में मौजूद प्रोटोन और इलेक्ट्रोन कणां री संख्या री मुताबिक हुवै । इण नै परमाणु-संख्या कैवै । हाइड्रोजन तत्त्व री परमाणु में अेक प्रोटोन और अेक इलेक्ट्रोन हुवै । इण वास्तै हाइड्रोजन री परमाणु-संख्या अेक (१) हुवै । आक्सीजन री परमाणु में आठ प्रोटोन और आठ ही इलेक्ट्रोन हुवै, उण री परमाणु-संख्या आठ (८) हुवै । यूरेनियम री परमाणु में ९२ प्रोटोन और ९२ इलेक्ट्रोन हुवै । उण री परमाणु-संख्या ९२ है । सगळा तत्त्वां री परमाणु-संख्यावां आगै परिशिष्ट १ में दी है ।

तत्त्वां री परमाणु-भार

तत्त्व री परमाणु में भार भी हुवै । इलेक्ट्रोन में नांन-मात्र रो भार हुवै । परमाणु रो भार वास्तव में परमाणु री नाभिक में मौजूद प्रोटोन और न्यूट्रोन कणां री संख्या माथै निर्भर करै । हाइड्रोजन री परमाणु में साधारणतया १ प्रोटोन हुवै । उण रो परमाणु-भार १ हुवै । आक्सीजन री परमाणु में साधारणतया ८ प्रोटोन और ८ न्यूट्रोन हुवै । उण रो परमाणु-भार १६ हुवै । यूरेनियम में ९२ प्रोटोन और १४६ न्यूट्रोन हुवै । उण रो परमाणु-भार २३८ हुवै ।

पण साधारणतया तत्त्व रा सगळा परमाणु अेक जिसा नहीं हुवै । अेक तत्त्व रा सगळा परमाणुवां में प्रोटोनां री संख्या तो निश्चित हुवै पण न्यूट्रोन कई-अेक परमाणुवां में कमी-बेसी भी हुवै जिण सूं अेक ही तत्त्व रा न्यारा-न्यारा परमाणुवां में भार रो थोड़ो फर्क हुवै—कई परमाणु बेसी भारी हुवै तो कई कम भारी हुवै । अेक तत्त्व रा अ-समान (न्यारा-न्यारा) भारवाळा परमाणुवां नै समस्थानिक कैवै । समस्थानिकां री परमाणु-संख्या तो समान हुवै पण परमाणु-भार न्यारो-न्यारो हुवै । कई तत्त्व रो परमाणु-भार वतावणो हुवै तो उण में मौजूद परमाणुवां रो औसत भार वतावीजै । औसत भार ही तत्त्व रो परमाणु-भार मानीजै ।

हाइड्रोजन तत्त्व रा तीन समस्थानिक हुवै—पैलड़ै री नाभिक में खाली अेक प्रोटोन हुवै और उण रो अणुभार १ हुवै ; दूजै री नाभिक में अेक प्रोटोन और अेक

न्यूट्रोन हुवै, उण रो अणुभार २ हुवै; और तीजै रै नाभिक में अेक प्रोटोन और दो न्यूट्रोन हुवै, उण रो परमाणु-भार ३ हुवै । प्राकृतिक हाइड्रोजन में कोई ६ हजार परमाणुवां में अेक दूजो परमाणु हुवै और कोई १ अरब परमाणुवां में १ तीजो परमाणु हुवै ।

आक्सीजन रा तीन समस्थानिक हुवै । तीनां रै नाभिक में प्रोटोन ८ हुवै पण न्यूट्रोन पहलै में ८, दूसरै में ९ और तीसरै में १० हुवै । तीनां रा अणुभार क्रम सूं १६, १७ और १८ हुवै । प्राकृतिक आक्सीजन में पैलो समस्थानिक ९९.७६ प्रतिशत, दूजो ०.०४ प्रतिशत और तीजो ०.२० प्रतिशत हुवै । यूरेनियम रा कई समस्थानिक हुवै पण उणां में दो मुख्य है । सगळां रै नाभिक में प्रोटोन ९२ हुवै पण न्यूट्रोन अेक में १४६ और दूजै में १४३ हुवै । उणां रा अणुभार क्रम सूं २३८ और २३५ हुवै । प्राकृतिक यूरेनियम तत्त्व में पहलो ९९.२८ प्रतिशत और दूसरो ०.७१ प्रतिशत हुवै । बाकी समस्थानिक ०.१ प्रतिशत हुवै । तत्त्वां रा स्थूल परमाणु-भार आगे परिशिष्ट १ में दिया है ।

तत्त्वां री अदला-वदली

पुराणै लोगां री मानता ही कै लोहै, सीसै जिसी धातुवां रो सोनो वणायीज सकै । यूरोप में तो लोगां सैकड़ों वरसां इण री कोसीस करी । रसायन-शास्त्र रो विकास हुयो जद विद्वानां इण बात नै असंभन्न कल्पना बतायी । रेडियोधर्मिता रो आविष्कार हुयां पछै अबै आ बात असंभन्न कल्पना नहीं रैयी है—कम-सूं-कम सिद्धांत-रूप में । अबै विद्वानां मानै है कै अेक तत्त्व दूजै तत्त्व में बदलीज सकै है । पारै री परमाणु-संख्या ८० है और सोनै री ७९ । जे पारै रै परमाणु मांय सूं अेक प्रोटोन कम कर दियो जावै तो वो सोनै रो परमाणु वण सकै है । पण व्यवहार में आ बात हाल ताई संभव नहीं हुयी है । हां ! प्रकृति में रेडियोधर्मी तत्त्वां रो निरंतर विखंडन हुतो रैवै है और वै आप रं पूर्व रै तत्त्वां में बदलीज रया है । यूरेनियम रेडियम वण और रेडियम हुतो-हुतो अंत में सीसो वण जावै । अेक दिन सगळा रेडियो-धर्मी तत्त्व सीसो वण जासी ।

विज्ञान रा विद्वानां मौजूदा तत्त्वां सूं कई-अेक नूवा तत्त्व जरूर वणाया है । यूरेनियम रै बाद रा तत्त्व विद्वानां द्वारा वणायोड़ा कृत्रिम तत्त्व है । कई-अेक प्राकृतिक तत्त्वां नै भी विद्वानां प्रयोगशाला में वणाया है ।

तत्त्वां रो वर्गीकरण और आवृत्ति-चक्र

कई तत्त्वां में परस्पर समानता पायीजै; उणां रा घणा गुण अेक सरीखा हुवै । आं समान गुणां री आवृत्ति देखण में आवै अर्थात् जिका तत्त्वां में जिका गुण पायीजै वै अेक निश्चित संख्या पछै आवणवाळा तत्त्वां में भी पायीजै (अै संख्यावां आठवीं,

अठारवीं और वत्तीसवीं है) । उदाहरण रै खातर हेलियम दूसरै नंबर रो तत्त्व है, उण रा गुण दसवें नंबर रै तत्त्व नियन में, अठारवें नंबर रै तत्त्व आर्गेन में, छत्तीसवें नंबर रै तत्त्व क्रिपटन में, चौपनवें नंबर रै तत्त्व जेनन में और ८६वें नंबर रै तत्त्व रैडन में भी पायीजै । आवृत्ति रै आधार पर विद्वानां तत्त्वां नै सात चक्रां में, और समान गुणां रै आधार पर च्यार विभागां में और आठ वर्गां में, बांटिया है । च्यार विभाग है—१. स-विभाग, २. प-विभाग, ३. द-विभाग और ४. फ-विभाग । स-विभाग में दो वर्ग है जिणां में १२ तत्त्व है, प-विभाग में ६ वर्ग है जिणां में ३० तत्त्व है, द-विभाग में ८ वर्ग है जिणां में ३१ तत्त्व है और फ-विभाग में दो उप-विभाग या श्रेणियां है जिणां में २८ तत्त्व है । बाकी दो तत्त्व हाइड्रोजन और हेलियम है— हाइड्रोजन स-विभाग और पहलै वर्ग रो तत्त्व है पण ७वें वर्ग सूं भी समानता राखै है । इणी भांत हेलियम भी स-वर्ग रो तत्त्व है पण गुणां री समानता री दृष्टि सूं शून्य वर्ग में आवै ।

आवृत्ति-चक्रां, विभागां, उपविभागां (श्रेणियां) और वर्गां रो ओ वर्गीकरण परिशिष्ट नं० २ में दिखायो है ।

परिशिष्ट १
तत्त्वां री सारणी

चक्र	विभाग	द्वर्ग	परमाणु- संख्या	तत्त्व री नांव	परमाणु- भार
१	स	१ अ	१	हाइड्रोजन	१
		०	२	हेलियम	४
२	स	१ अ	३	लिथियम	७
	स	२ अ	४	बैरिलियम	९
	प	३ अ	५	बोरान	११
		४ अ	६	कार्बन	१२
		५ अ	७	नाइट्रोजन	१४
		६ अ	८	आक्सीजन	१६
		७ अ	९	फ्लोरीन	१८
		०	१०	नियन	२०
३	स	१ अ	११	सोडियम	२२
		२ अ	१२	मैग्नेशियम	२४
	प	३ अ	१३	अलुमीनियम	२७
		४ अ	१४	सिलिकन	२८
		५ अ	१५	फासफरस	३१
		६ अ	१६	गंधक	३२
		७ अ	१७	क्लोरीन	३५
		०	१८	आर्गन	४०
४	स	१ अ	१९	पोटाशियम	३९
		२ अ	२०	कैल्शियम	४०
	द	३ व	२१	स्कैंडियम	४५
		४ व	२२	टिटानियम	४८
		५ व	२३	वैनाडियम	५१
		६ व	२४	क्रोमियम	५२
		७ व	२५	मैंगनीज	५५
		८	२६	लोहो	५६
		९	२७	कोबाल्ट	५९
		१०	२८	निकल	५९
		१ व	२९	तांबो	६४
		२ व	३०	जस्तो	६५

चक्र	विभाग	वर्ग	परमाणु- संख्या	तत्त्व रो नांव	परमाणु- भार
	प	३ अ	३१	गैलियम	७०
		४ अ	३२	जर्मेनियम	७३
		५ अ	३३	संखियो	७५
		६ अ	३४	सेलेनियम	७६
		७ अ	३५	ब्रोमीन	८०
		०	३६	क्रिपटन	८४
५	स	१ अ	३७	रुबीडियम	८५
		२ अ	३८	स्ट्रोंगियम	८८
	द	३ व	३९	इट्रियम	८९
		४ व	४०	जिकॉनियम	९१
		५ व	४१	नियोबियम	९३
		६ व	४२	मोलिब्डिनम	९६
		७ व	४३	टैक्नेटियम	९८
		८ व	४४	रूथेनियम	१०१
			४५	रोडियम	१०३
			४६	पैलेडियम	१०६
		१ व	४७	चांदी	१०८
		२ व	४८	कैडमियम	११२
	प	३ अ	४९	इंडियम	११४
		४ अ	५०	टिन (रांगो)	११६
		५ अ	५१	सुरमो (अंजन)	१२२
		६ अ	५२	टेलूरियम	१२८
		७ अ	५३	आयोडीन	१२७
		०	५४	जेनन	१३१

चक्र	विभाग	वर्ग	परमाणु- संख्या	तत्त्व रो नांव	परमाणु- भार
६	स	१ अ	५५	कैसियम (सीजियम)	१३२
			५६	बैरियम	१३७
		२ अ	५७	लेंथानम	१३९
			५८	सैरियम	१४०
		३ ब	५९	प्रासे-ओडीमियम	१४१
			६०	नियोडीनियम	१४४
		४ ब	६१	प्रोमिथियम	१४५
			६२	समारियम	१५०
		५ ब	६३	यूरोपियम	१५२
			६४	गैडोलिनियम	१५७
		६ ब	६५	टर्बियम	१५९
			६६	डिसप्रोसियम	१६३
		७ ब	६७	होलमियम	१६४
			६८	इर्बियम	१६७
		८ ब	६९	थूलियम	१६९
			७०	यिटर्बियम	१७३
	द	१ अ	७१	लुटेटियम	१७५
			७२	हैफनियम	१७८
		२ अ	७३	टैंगलुम	१८१
			७४	टंगस्टन	१८४
		३ ब	७५	रैनियम	१८६
			७६	ओस्मियम	१९०
		४ ब	७७	इरीडियम	१९२
			७८	प्लाटीनम	१९५
		५ ब	७९	सोनो	१९७
			८०	पारो	२०१

चक्र	विभाग	वर्ग	परमाणु- संख्या	तत्त्व रो नांव	परमाणु- भार
	प	३ अ	८१	थैलियम	२०४
		४ अ	८२	सीसो	२०७
		५ अ	८३	विसमथ	२०९
		६ अ	८४	पोलोनियम	२१०
		७ अ	८५	अैस्टेटियम	२१०
		०	८६	रैडन	२२२
७	स	१ अ	८७	फ्रांसियम	२२३
		२ अ	८८	रेडियम	२२६
	द	३ अ	८९	अेक्टोनियम	२२७
	फ		९०	थोरियम	२३२
			९१	प्रोटैक्टोनियम	२३१
			९२	यूरेनियम	२३८
			९३	नेपचूनियम	२३७
			९४	प्लूटोनियम	२४२
			९५	अमेरीकियम	२४३
			९६	क्यूरियम	२४७
			९७	केलिफोनियम	२५१
			९८	बर्केलियम	२४९
			९९	आइंस्टाइनियम	२५४
			१००	फर्मियम	२५३
			१०१	मेंडेलेवियम	२५६
			१०२	नोबेलियम	२५४
			१०३	लारेंसियम	२५७
			१०४	खुबेटोवियम	—
			१०५	हानियम	—

परिशिष्ट २
आवृत्ति-चक्र (भावतं सारणी)

क्र	स विभाग	वर्ग १ अ	वर्ग २ अ
१	हाइ	१	—
२	लिथि	३	४
३	सोडि	११	१२
४	पोटा	१६	२०
५	३७	३७	३८
६	५५	५५	५६
७	८७	८७	८८

प विभाग									
वर्ग ३	वर्ग ४	वर्ग ५	वर्ग ६	वर्ग ७	वर्ग ८	वर्ग ९	वर्ग १०	वर्ग ११	वर्ग १२
अ	अ	अ	अ	अ	अ	अ	अ	अ	अ
—	—	—	—	—	—	—	—	—	—
५	६	७	८	९	१०	११	१२	१३	१४
बो	काँ	नाइ	आ	पलो	हाइ	हैलि	निय	आर्ग	क्रिप
१३	१४	१५	१६	१७	१८	१९	२०	२१	२२
अल	सिली	फास	गंध	कलो	सैले	क्रिप	आर्ग	क्रिप	क्रिप
३१	३२	३३	३४	३५	३६	३७	३८	३९	४०
गै	जमे	सखि	सैले	क्रिप	क्रिप	क्रिप	क्रिप	क्रिप	क्रिप
४९	५०	५१	५२	५३	५४	५५	५६	५७	५८
इडि	टिन	सुर	टेल	आयो	क्रिप	क्रिप	क्रिप	क्रिप	क्रिप
८१	८२	८३	८४	८५	८६	८७	८८	८९	९०
थै	सी	विस	पोलो	अस्टे	क्रिप	क्रिप	क्रिप	क्रिप	क्रिप

[illegible]

फ **विभाग**

लेथेनाइड	५८	५९	६०	६१	६२	६३	६४	६५	६६	६७	६८	६९	७०	७१
श्रेणी	संरै	प्रासे०	नियो०	प्रोसी	समा०	यूरो०	गैंडो	ट०	डिस०	हो०	ओर०	यू०	यिट्	लुटे
अँकैनाइड	६०	६१	६२	६३	६४	६५	६६	६७	६८	६९	७०	७१	७२	७३
श्रेणी	यो०	प्रॉट	यूर०	नै०	ज्लु०	अमे०	क्यू०	क०	बक्	आइ०	फ०	मों	नो०	'ला०

संपादकीय

तरवार री धार माथै खेलणिया राजस्थानी वीरां री धाक तो आखो देश ही नहीं, सगळो संसार मानै है पण राजस्थान रा कन्न अर लेखक भी आप रै घरम में किणी भांत कम कोनी रैया, इण तथ्य रो प्रमाण है राजस्थान रै हस्तलिखित ग्रंथ-गारां में हजारू-हजारू पांडुलिपियां रै रूप में मौजूद अणपार राजस्थानी साहित्य—इसो प्राणवान साहित्य कै जिण री उत्कृष्टता आगै आज रा बुद्धिजीवी भी नन्नै । पण किणी समाज नै जागतो अर सक्रिय राखण सारू खाली जूनै साहित्य री गौरव-गरिमा सूं ही पार कोनी पड़ै, समाज री शिरावां में ताजो खून वँवतो रैन्नै इण खातर चाहीजै ताजो अर समयानुकूल साहित्य ।

नक्कीन साहित्य रो निर्माण भी मातृभाषा राजस्थानी रा सेवक मोकळै वरसां सूं पूरी लगन अर उत्साह रै साथै करता आया है अर उणां रै श्रम रो मीठो फळ भांत-भांत री पाक्षिक, मासिक अर त्रैमासिक पत्रिकावां रै माध्यम सूं साहित्य-प्रेमियां नै मिलतो रैयो है । इण पत्रि-पत्रिकावां रो योगदान राजस्थानी नै आगै लावण में और उण नै गौरव दिरावण में किणी भांत सूं कम कोनी कैयो जा सकै । साची पूछो तो राजस्थानी जिकी मजल अबार ताई पार करी है, उण रो श्रेय इण पत्र-पत्रिकानां नै भी कम नहीं है ।

आज समै री चाल घणी तेज है । मधरी गति सूं चाल्यां आपां काई ठा कित्ता लारै पड़ जासां । इण रो अंदाजो लगावण खातर घणो सोचण री जरूरत नहीं लखावै । राजस्थानी री पत्र-पत्रिकानां काम तो करचो अर करै है पण साधनां रै अभाव में जद बै नियमित रूप सूं नहीं निकळ पावै तो पाठकां अर जनता रै मन में ना तो विस्वास बंधै और ना लेखकां रो ई पुरो सहयोग मिल पावै । इण कारण अेक नियमित राजस्थानी पत्रिका री जरूरत घणै दिनां सूं मालम हुती रैयो है ।

वरसां सूं राजस्थानी रा हिमायती आ कोसीस करता आया है कै राजस्थान साहित्य अकादमी (संगम), उदयपुर, राजस्थानी री अेक मासिकपत्रिका चालू करै ।

इण संवंध में अकादमी निर्णय तो काफी सम पैली ले लियो हो पण ओ निर्णय क्रियान्वित कोनी हो पायो । अकादमी रो राजस्थानी विभाग राजस्थानी-भाषा-साहित्य-संगम रै नांव सूं बीकानेर में स्थापित हुयो जद संगम री कार्य-समिति आप री पैली बैठक में ही निर्णय लियो कै इण संस्था री मुखपत्रिका रो प्रकाशन तुरंत प्रारंभ करचो जावै पण कई कारणां सूं ओ तुरन्त संभव नहीं हुयो ।

आ बात सावळ जाणतां-थकां भी कै ओक आछी पत्रिका काढणो सोरो काम कोनी, संपादकां ओ भार आप रै ऊपर लियो है । आ हिम्मत राजस्थानी रै लेखकां रै पाण ही करीजी है । इण पत्रिका नै सांगोपांग वणावण में राजस्थानी रै समर्थ साहित्यकारां रो पूरो सहयोग बरोबर मिलतो रैसी इसो विस्वास है । उणां रै सहयोग सायै ही पत्रिका री सफलता रो सगळो दारमदार है ।

पत्रिका में विविध विषयां री सामग्री प्रकाशित करण रो विचार है, इण वास्तै लेखकां री रचनावां घणै मान आमंत्रित है । जे राजस्थानी लेखकगण सन् १९६६ में राजस्थानी री अकरूपता सारू आयोजित जयपुर-सम्मेलन में लियोई निर्णयां नै ध्यान में राखसी तो संपादन-कार्य में घणो सहारो मिलसी ।

पूरो भरोसो है कै राजस्थानी रा कवि-लेखक उत्साह सूं आगै आसी और मातृ-भाषा री इण पत्रिका नै भारत री हूजी भाषावां री प्रतिष्ठित पत्र-पत्रिकावां रै बरोबर ऊभी हुवै जिसी वणासी । राजस्थानी रा साहित्यकार अकमत हो'र प्रयास करता रैसी तो राजस्थानी नै संवैधानिक मान्यता मिलणै में देर नहीं लागसी अर शिक्षा रो माध्यम भी वा बेगी ही वण पासी । संगम इण दिशा में सदा प्रयत्न-शील रैसी ।

महाभारत रो ओ वचन आपां नै बरोबर ध्यान में राखणो है—

उत्थातव्यं जागृतव्यं योक्तव्यं भूति-कर्मसु ।

भविष्यतीत्येवं मनः कृत्वा सततमव्ययैः ॥

उठो, जागो, कल्याण रै कामां में लागो; धवरावो मती, मन में ओ दृढ नहचो कर लो कै ओ काम तो हुसी ही ।

राजस्थानी-भाषा-साहित्य-संगम

(राजस्थान साहित्य अकादमी, उदयपुर, रँ अन्तर्गत)

थापना और गति-विधियां

(क) थापना

राजस्थानी-भाषा-साहित्य-संगम राजस्थानी-साहित्य-अकादमी, उदयपुर, रँ राजस्थानी विभाग रो नूँत्रै सिरै सूं संगठित और परिवर्धित रूप है। अकादमी री सरस्वती-सभा आप रँ अप्रैल, सन् १९७२, रँ अधिवेशन में पारित प्रस्ताव रँ मुताबिक अकादमी रँ राजस्थानी विभाग नै राजस्थानी भाषा-साहित्य संगम नांन सूं अँक स्वायत्त संस्था रो रूप दियो और उण रो कार्यालय वीकानेर में राखण रो निश्चय करयो। संगम रँ संचालन रँ वास्तै सरस्वती-सभा अँक समिति री नियुक्ति करी जिण में १२ सदस्य हैं। सदस्यां रा नांन इण भांत है—

१. श्रीमती लक्ष्मीकुमारी चूंडावत
२. श्री रावत सारस्वत
३. श्री शिवस्वरूप शर्मा 'अचल'
४. श्री विजयदान देथा
५. श्री नारायणसिंह भाटी
६. श्री सांनलदान ऊजळ
७. श्री कैलासदान ऊजळ
८. श्री चन्द्रदान चारण
९. श्री श्रीलाल नथमलजी जोशी
१०. श्री अगरचंद नाहुटा
११. श्री मनोहर शर्मा—मानद मंत्री
१२. श्री नरोत्तमदास स्वामी—सभापति

संगम री थापना आखातीज, संवत २०२९, तदनुसार दिनांक १५ मई, सन् १९७२, रँ दिन हुई पण कार्यालय और कर्मचारियां री व्यवस्था दिनांक १ अक्टूबर,

सन् १९७२ सून हुई। संगम रो कार्यालय राणी-वजार में श्री सादूल ब्रह्मचर्याश्रम रे संस्कृत-महाविद्यालय-भवन रे अेक कक्ष में है। कार्यालय में इण वखत अेक कार्यालय-व्यवस्थापक और अेक चतुर्थ श्रेणी रो कर्मचारी है।

(ख) गति-विधियां

(१) कार्य समिति रो अधिवेशन—संगम रे कार्य-समिति रो पहलड़ी अधिवेशन दिनांक २८ जून, सन् १९७२, नै वीकानेर में नागरी-भंडार भवन में स्थित विश्वभारती-कार्यालय में हुयो।

(२) विज्ञप्ति-पत्र रो प्रकाशन—कार्यसमिति रा निर्णयां नै अकादमी रे संचालक-समिति रे स्वीकृति प्राप्त हो जाणै पर उणां नै व्यावहारिक रूप देवण वास्तै संगम रे तरफ सून राजस्थानी रे विद्वानां और साहित्यकारां रे नांव दिनांक १५ जनवरी, सन् १९७२, नै अेक विज्ञप्ति प्रकाशित की गयी।

(३) नैणसी-जयन्ती समारोह—राजस्थानी भाषा रा प्रमुख विद्वानां और साहित्यकारां रे जयंतियां समय-समय पर मनायी जावै—संगम रे इण निश्चय रे मुजव राजस्थानी रा अमर गद्य-लेखक मूता नैणसी रे जयंती दिनांक ५ सितंबर नै जोधपुर में धूमधाम सून मनायीजी। समारोह रो आयोजन चौयासणी रे राजस्थानी शोध-संस्थान रा निदेशक श्री नारायणसिंहजी भाटी करवो। सभापति हा डा० रघुवीर सिंहजी (सीतामऊ) और संसत्-सदस्या श्री कृष्णाकुमारीजी विशेष अतिथि रे रूप में समारोह में पधारचा।

(४) सेमीनार और सर्जन-तीर्थ—‘राजस्थानी भाषा रो सरूप-विकास’ और ‘राजस्थानी भाषा रे बोलियां रा लौकिक रूप’ इण विषयां माथै जयपुर में दिनांक १४ अक्टूबर सून १८ अक्टूबर ताई अेक पांच दिनो रो सेमीनार आयोजित हुयो। सेमीनार रे आयोजना राजस्थान-भाषा-प्रचार-सभा रा मंत्री श्री रावतजी सारस्वत करी। समारोह में राजस्थान रे विभिन्न क्षेत्रां रा विद्वान पधारचा और आप रा त्रिवेचन-पूर्ण निबंध वांच्या। भाग लेवणिया सज्जनां रो मत रेयो कै इसै अध्ययन-पूर्ण निबंधां रो वाचन और इसी गंभीर चर्चा राजस्थानी रे इतिहास में पैली वार देखण में आयी। समारोह में वांचियोड़ा निबंधां नै पुस्तक-रूप में प्रकाशित करण रे योजना विचारावीन है।

(५) प्रकाशन वास्तै पोथियां—संगम रे तरफ सून प्रकाशित करण वास्तै राजस्थानी रे कवियां अर लेखकां रे पोथियां आछी संख्या में प्राप्त हुई है। समीक्षकां रे संमतियां प्राप्त होणै पर पोथियां छपण वास्तै प्रैस में दिरीजसी।

(६) सूर्यमल्ल पुरस्कार—संगम की तरफ सूर्य राजस्थानी भाषा की श्रेष्ठ रचना साथै १०००) को 'सूर्यमल्ल-पुरस्कार' दिरीजसी। पुरस्कार वास्तव में पुस्तकें आमंत्रित करीजी है। पुस्तक भेजण की अंतिम तिथि १५ अक्टूबर सूर्य वधायन १५ जनवरी, सन् १९७३, कर दी गयी है।

(७) मुखपत्रिका—संगम की मुखपत्रिका की पहली अंक आप रं हाथां में है। नात्र की स्वीकृति मिलण में देर हुवण सूर्य प्रथम अंक रं प्रकाशन में देर हुयी है।

(८) राजस्थानी पोथियां नै प्रकाशन-सहायता—जिका राजस्थानी-साहित्यकार आप की रचनांवां रं प्रकाशन की व्यवस्था स्त्रय करणी चात्र उणां नै सहायता देवण की योजना है। इण बार में निर्णय वेगा ही करीजसी।

(९) राजस्थानी पत्र-पत्रिकावां नै सहायता—राजस्थानी भाषा की पत्र-पत्रिकावां नै प्रोत्साहन और सहायता देवण की योजना भी विचाराधीन है।

(१०) राजस्थानी पुस्तकालय—संगम रं पुस्तकालय में राजस्थानी भाषा की समस्त पोथियां और पत्र-पत्रिकारवां की संग्रह करण की योजना है। इण विषय में राजस्थानी रं लेखकां, विद्वानां और प्रकाशकां सूर्य सहयोग सारु प्रार्थना है।

(११) साप्ताहिक गोष्ठी—राजस्थानी भाषा में साहित्य रं नव-निर्माण नै प्रोत्साहन देवण सारु संगम साप्ताहिक गोष्ठी की आयोजना करी है। गोष्ठी की बैठक प्रत्येक शनीचर वार नै सिद्ध्या रा नागरीभंडार-भवन में विश्वभारती रं कार्यालय में हुवै जिण में राजस्थानी लेखक आप-आप-की नूवी रचनावां लात्र और वांचै। गोष्ठी में वांचियोड़ी अनेक रचनावां संगम की मुखपत्रिका में प्रकाशित हुयी है।

अशुद्धि-संशोधन

पृष्ठ ३३ साथै 'राजस्थानी और हिंदी में विभक्तियां' शीर्षक लेख में अंतिम दोनूं पंक्तियां इण भांत हुणी चाहीजै—

करण—पुरुषः कुठारेण काष्ठं छिनत्ति (पुरुष कुठार सूर्य काठ नै छेदै है)।

कर्त्ता—पुरुषेण काष्ठं छिदचते (पुरुष सूर्य काठ छेदीजै है, पुरुष काठ नै छेदै है)।

राजस्थानी भाषा-साहित्य संगम

बीकानेर (राजस्थान)

विज्ञप्तियाँ

(१) सूर्यमल्ल पुरस्कार

राजस्थानी भाषा-साहित्य संगम की तरफ सूर्यमल्ल पुरस्कार की सर्वश्रेष्ठ पुस्तक माथे लेखक ने 'सूर्यमल्ल पुरस्कार' भेट करीजती। इण वरस ओ पुरस्कार लारलें दो वरसां में रचियोड़ी गद्य-रचना माथे विरोजती। विचारार्थ पुस्तकां भेजण की अंतिम तिथि १५ अक्तूबर, सन् १९७२, ही। आ तिथि अवै आगे वधा'र १५ जनवरी, सन् १९७३, कर दी गयी है।

(२) राजस्थानी पुस्तकालय

संगम-कार्यालय में राजस्थानी भाषा की पुस्तकां और पत्र-पत्रिकावां की बड़ो संग्रह स्थापित करण की विचार है जिण में यथासंभव राजस्थानी की समस्त पुस्तकां और पत्र-पत्रिकावां रा जूना अंक संगृहीत हुसो। इण संबंध में लेखकां और प्रकाशकां सूर्यमल्ल वास्तै प्रार्थना है। उणां सूर्यमल्ल प्रार्थना है की वे आप-आप की लिखियोड़ी और छापियोड़ी प्रत्येक पुस्तक की सूचना नीचे बतायें विवरण र साथै भेजण की कष्ट करें—

(१) पुस्तक की नांव, (२) लेखक अथवा संपादक की नांव, (३) साइज और पृष्ठसंख्या, (४) विषय, (५) प्रकाशन-तिथि, (६) मोल, (७) प्रकाशक की नांव (८) मिलण की पतो।


विवरण मुखपत्रिका में भी प्रकाशित करीजती।

मानद मंत्री,
राजस्थानी भाषा-साहित्य संगम, बीकानेर (राजस्थान)



जागती जोत

राजस्थानी भाषा की वैचारिक परिभाषा



राजस्थानी भाषा साहित्य संगम (अकादमी)

बीकानेर (राज०)



जागती जीत

[राजस्थानी भाषा साहित्य संगम (अकादेमी) बीकानेर की मुखपत्रिका]



सम्पादक

डा० गोरधनसिंह शेखावत



प्रकाशक

राजस्थानी भाषा साहित्य संगम (अकादमी)

बीकानेर (राजस्थान)

प्रकाशक

धनंजय वर्मा, सहायक सचिव
राजस्थानी भाषा साहित्य संगम (अकादमी)
बीकानेर (राजस्थान)

भाग ३ : अंक १-२

अप्रैल-सितम्बर '७५

वरस रो मोल १२-००

इण अंक रो मोल ३-००

मुद्रक

एडुकेशनल प्रेस के लिए

माहेज्वरी प्रिंटिंग प्रेस, बीकानेर

टीप

१ रचना रँ परवारँ री समीक्षा	— सम्पादक	१
२ द्रोपदी (कहाणी)	— मनोहरसिंघ राठीड़	६
३ लोही रो रंग (कहाणी)	— हरमन चौहान	१२
४ राजन रो खोमचौ (कहाणी)	— मनोहरसिंघ राठीड़	१८
५ अणकथाज्यो कथ (कविता)	— रामस्वरूप परेश	२३
६ रामू बळाई री अरथी मांय (कविता)	— गोपाल जैन	२५
७ गुमान (कविता)	— कमला वर्मा	२८
८ म्हारो मिनख (कविता)	— पुरुषोत्तम छंगाणी	२९
९ हाल वाचावंद रात घणी ई वाकी है (कविता)	— वावूलाल सरमा	३१
१० अक पल रो सुख (कविता)	— सांवरमल दायमा	३४
११ ओळै दाळै निरखूँ गांव (कविता)	— जुगल सरमा	३५
१२ चोपाटी (कविता)	— उमेस भारद्वाज	३७
१३ सलमा घोवण (रेखाचित्र)	— भागीरथसिंघ 'भाग्य'	३८
१४ रोड़ा तो फोड़्यां सरसी (लेख)	— उमाचरण महमिया	४४
१५ भणौ अर गुणी (लेख)	— अर्जुनसिंह सेखावत	४९
१६ राजस्थानी वीराख्यान (लेख)	— डा० प्रतापसिंघ राठीड़	५३
१७ सावचेत जीणी (लेख)	— नटवरलाल जोशी	५८
१८ बखत नागीणौ है (काव्य)	— कल्याणसिंघ राजावत	६१
१९ दुनिया री कांणी (गीत)	— तारादत्त 'निरविरोध'	६३
२० मरण री रीत (इतियास वारता)	— रघुनाथसिंघ सेखावत	६४

२१ देहात में कवि सम्मेलन (हास्य एकाकी) —	नागराज सरमा	६७
२२ मारवाड़ पाणी में झूठी (रिपोर्ताज) —	अजीतसिंह 'बंघु'	७२
२३ बेमाता रा आंक (बाल कहाणी) —	रामनिरंजन सरमा ठिमाऊ	७५
२४ चांद बाबा पोळी दे (बाल कविता) —	कासीप्रसाद कुंतल	७६
२५ मैं पाछो आवूँला (उत्था काव्य) —	पाब्ला नेरूदा, उत्थाकार	
	महालसिंह शेखावत	८१
२६ रंग कीं घणो चढग्यौ (कहाणी	चेखव, उत्थाकार	
	— मोहन आलोक	८२
२७ परख	— गोपाल जैन	८७
२८ महाकवि पृथ्वीराज सूँ सम्बन्धित		
प्रशस्तियां (अध्ययन)	— डा० मनोहर शर्मा	८९
२९ महाकवि पिरथीराज रो कृतित्व अर		
व्यक्तित्व (अध्ययन)	— दीनदयाल श्रीभा	९५
३० संगम-विवरण		१०५
३१ इए अंक रा लिखारा		—

रचना रै परवारै री समीक्षा

रचनावां रै सिलसिलै में अेक तीखो प्रस्न ओ उठै के आ किए ठोड़ ताई रचना है। जे आ रचना जाणीजै तो इण नै नापण रो आधार कांई हुयो अर ओ कुरा मान्यो ? कदै तो आ हुवै के रचना नै रचना रो दरजो देवतां ई उण रै विसय में कीं कैवणों हंसी उडावणो जैडो लागै तो कदै उण नै रचना मंजूर कर लेवण सूं कीं खास किस्म रा प्रस्न अर कीं रचना री मांयली बुणावट रा बुणियादी सवाल अेक खासा बहस रो रूप लेवै। रचना रै साथै आ दोतरफी लड़ाई, रचना री सांच नै प्रगटै तो बीं रै असली-नकली चेरे नै ओळखै। रचना रै परख री ईं गत में अेक छेड़ै रेवै रचनाकार अर दूजी छेड़ै उण नै परखणियो या समीक्सक। असल में परख सारु आ दूरी रेवै या अेक-दूजै कनं आवणो चाहजे, आ समीक्षा रै परवारै री अेक अैड़ी स्थिति है जिकी सूं रचना रै बारै री वै समस्यावां नैड़ी आज्यावै जकी समीक्सक रै मनां-ग्याना अेक गांठ पैदा करै या पड़चोड़ी गांठां नै अैड़ी उलझावै के केई सालां ताई वा समझ अेक-दूजै नै नेड़ै नी आवण दै। पण सवाल समीक्सक री ईमानदारी अर चोखी समझ रो अत्तो नी जत्तो के रचना वरै आपरै खुद रै वजन रो है, उणरो जेनुहन होणो है। देखणें में आवै के केई दफा समीक्सक रचना माथै आपरो हमलो बोल देवै, रचना रा फाचरा-फाचरा खिडाय आपरी समझ रो दीवाळो निकाळ देवै अर मनमानै पण सूं रचना रै परवारै घमक्यां देय'र आपरो पायो मजबूत करणै री सोचै। सवाल ओ है के कांई रचनावां नै पिछाणवा रो ओ इज आखरी दाव है ? इण पछै रचनावां री हत्या मान लेवां या रचना नै समझण अर परखण रो आगै भी कीं आसार नजर आ सकै, आ आसा राखां। कांई इण लड़ाई रै मांय किएनै अपराधी अर दोसी न मान्यो जाय या साहित अर कला रै हळकां में इण ढंग री बदनीयत रा लोगां सारु किण ढंग रो भी नैतिक दंड नी ? अेक बात निश्चै समझ में आवै के अै लोग सदा सूं साहित अर कला रा हळका मांय रैय'र चीफ जस्टिस री गळाई कीं फैसला देता रैया। पण इण ढंग री कूबद रा लोग रचना रै परवारै कीं कैवता रेवै। उण रा अै फैसला रचना री वजाय आपसी राजनीति री गधमपटक रा केई उणियारा

बनावता रेंव । आ समीक्षा रचना नै रचना मान'र न लिखीजी होय'र इण बात रो उल्थो देव के आ रचना नी, इण नै रचना नी मानज्यो अर जे इण नै रचना मान लीनी तो क्यूं मानी ? जद रचना नै परखण रो ओ मांयलो नजरियो व्है तद उण समीक्षक रो नीयत रें वावत किणी ढंग री आसंका मामूली पाठक रें मन में भी रेंय ज्याव, आ समझ नी आ सकै ।

तीन बरसां पैली अक माहवारी पत्रिका फगत रचना रें परवारें ओ ट्रस्टिकोण लेय'र कीं मौजूदा लेखन री पोथ्यां माथे आपरी भंडास काढ़ी । स्यात सम्पादक रो जीव सोरो हुयो व्है । साहित अर समीक्षा री राजनीति रा दावपेचां रो जिकरो करता थकां वै खुद इण बात नै सादित करदी के वै खुद ई राजनीति सूं अलग नी हैं । कांई करता ? रचना नै लोग रचना मान लीनी इण बात रो वानें भ्रमसोस है । बां री समीक्षावां इण बात रो पड़ूतर नी देव के, आ रचनावां है तो क्यूं अर जे रचनावां है तो आं री परख रो आधार ओ ह । पण बांरी सारी मँगत, समझ (?) अर योजना रचना रें परवारें आ बात कैवण में घणी तेज है के आ रचना नी । अकर ई बात नै गैराई सूं सोचां तो लखावै क रचना नै रचना मान लेवण रो मतलब उण रचना री स्नेष्टता या उण रो महताऊ रूप नी ह । असल चीज तो रचना मानण पछै उण री परख, मोल-तोळ अर उण नै जेनुइन कैवण रो है ।

केहू सवाल वठै ई घूमें के 'जेनुइन' रचना कुणसी अर उण री परख रो कांइ आधार । कांई हरेक जणो रचना री ई गैराई या इण आधार ताई पूग सकै ? अर केहू कुण पूग सकै अर कुण नी पूग सकै, इण मायलें में म्हारी ई बात सगळा मान लेवै, आ कठै ताई मानी जाय । अक तीजो आ कैय सकै है के आ तो आं री आपस री लड़ाई है—आ पीढ्यां री व्है सकै, आ पीढ़ी-पीढ़ी रें बीच गुटबंदी री व्है सकै, आ जातीवाद री व्है सकै अर आ विचारधारावां री व्है सकै । म्हारै खयाल सूं ई तीजें मिनख नै अकै समचै समीक्षक री कुर्सी माथे बैठायो जा सकै । जे आ कीं आबारां माथे मौजूदा लेखन अर समीक्षा री स्थिति नै अक नजर सूं देखां तो अक घपलां सो लखावै । राजस्थानी लेखन री आपरी कीं समस्यावां हैं, वठै मिरजण री कीं अबोट संवेदनावां रो दरसाव है तो साहित री हर विधा रें मांय काचै-पाकै सिरजण रो अक उद्घाव है । दूजी ठोड़ ई साहित नै परखण सारू चस्मा वें लोग लगा राख्या है जिका जूनै साहित नै पढ'र आपरी दीठ नै थिर कर नाखी है अर दूजी तरफ मौजूदा लेखन नै समझण अर उण सारू कीं फँसलो देवण

रो दावो करण सारु सगळा सूं पैलां । फेरुं जे वारें फैसलें नै सुणां तो लखावें के
 वें रचना नै पचा'र कीं कैवता तो दूजी बात, पण वें तो रचना नै देख'र आपरी
 मानसिक उबाक सगळा रै सामें रखदी । क्यूं सा'व, जिण चीज सूं उवकाई व्है, उण
 सूं परहेज राखणो कोई वानें रोगी थोड़ी सिद्ध करै है पण लखणां सूं पिंड छुड़ावणो
 ई उमर में मुसकिल जरूर है । ई बात में सायत ई कोई आना कानी करै के नुं वें
 साहित री परख में इण ढंग री बोदी अकल फगत रचनावां रै परवारें भचीड़ा खावती
 री है । रचना री परख रो ओ सकट रचना सामें अतो नी जतो के आं लोगां री द्रस्टि-
 हीनता सामें है । रचना समीक्सक रै हाथां में पखेरु जैड़ी नी के वो आपरी मनमरजी
 सूं रचना री पांखड़्यां काट देवें । रचना रो हीयो समीक्सक रा फैसलां सूं ठंडो
 व्है ज्यावें या रचना समीक्सक रै सामें हाथ जोड़'र गिड़गिड़ावा लाग ज्यावें, अड़ी
 गत साहित रै हलकै मांय बगत री ओक सीव ताई व्है सकै, पण रचना रा ज्वाला-
 मुखी नी कदै दुइया अर नी बुझै । अं बात नुवी अर कीं री समझ नै बदलण सारु
 नी, इण ढंग री आवाजां रचना रै संकट साथै सदा सूं कहीजी । म्हारै खयाल सूं
 म्हे वेमोकें ओ प्रस्न नी उठायो, फेरु रचना रै संकट नै नी अणूतो बताय'र किणी
 समीक्सक नै हथियार उठावण सारु कैवूं । आज वादळ व्है सकै, काल नी, पण
 आकास रो आसमानी रंग हमेस रैवेलो, उण नै कद ताई ढांपीज्यो राखोला ।

जे ई बंवाल नै ओकर अठै ई छोड़ देवां तो वो ई प्रस्न म्हारै सामें
 आवें के रचना नै रचना मान लेणों संकट है या रचना मान'र पछै उण री परख
 अर मोल-तोल करणो संकट है । समीक्सक जे सुरु सूं अतो साफ निजर री परख
 कर लेवें तो उण री 'सिन्सियरिटी' में किणी नै सक नी हुवें अर रचना नै 'फेक'
 'फ्राड' या 'संस्कारहीन' रचना नी कहीजें । म्हारै खयाल सूं रचना ओक घणी
 तपत नै लेय'र मिनख रा खुंवां भिभोडती वारें आवें । रचना रै मांयली दुनियां
ओक स्थिति सूं जुड़'र बगत री लम्बी सींवा रै हाथ लगावण री कोसिस करै ।
बां ओक ठोड़ गाढी अर दूजी ठोड़ा गाढी रैवण रो परमाण भी देवें । उण रै कथ
 री दुनिया ओडै-छेड़ै सूं पीड़ा फसक अर संवेदना अवेरती ओक दूजी दुनियां रो
 ताणो-बाणो वणें । उण रा संकेत अर उण री आसा हड़बड़ीजै मिनख री दीठ
 नै कीं धारदार बणावें । मुट्ठी रै मांय री चीज अक्रासां ताई पूग ज्यावें । रचना
 री मांयली दुनियां रा जे खोज काढां तो रचना रा इण ढंग रा केई उणियारा
 वणें । कदै चोखा तो कदै भूँडा, पण व्है उणियारा । आं री ओळख समीक्षा व्है

सकै । खाली नुद री वंघ्योड़ी दीठ सूं रचना रै ओली-दोली फिरणो। आपरी समझ नै थोड़ी ताल पगसान करणो है ।

समीक्षा रो अेक दूजो रूप भी राजस्थानी रै मांय निजर आवै । आ समीक्षा 'दीठ' अर 'हरावन' जैड़ी पत्रिकावां में छप्योड़ी नुंवी पोथ्यां री है । अठै पहर आ बात सखावै के समीक्षा सारू अेक नुवां आधार री तलास है, ओ आधार रचना रै मांय सूं उपजै, अंड़ी कोसिस भी कठै-कठै दीखै । पण ईं समीक्षा रो अेक बतरो है के आ कठै-कठै आज रै मुहावरां सूं भी घणी बंध ज्यावै । बीयां साफ केवूं तो अै मुहावरा हिन्दी समीक्षां रा है जियां प्रतिबद्धता, प्रामाणिकता, समकानीनता प्रासंगिकता, जनवादी साहित, जनवादी कविता इत्याद । अै सबद कता कोरा हैं अर आं री चमक रचना नै कठै ताई चमका सकै, ईं तथ सूं सगळा जाणकार हैं । अै रचना रा आधार नी व्हे सकै । अै अेक वंघ्योड़ी द्रस्टि रा बिचार-विदु हैं । रचना आं सगळा सूं वारै अर ऊपर है । समीक्षक रै कनै इण ढंग री द्रस्टि व्हे जकी आपरी लाम्बी निजर सूं समूली रचना रै कथ नै नुवो जावण दे । लाम्बी उमर रो कोड अर आसा लेय नै रचना लोगां रे-सामै आवै । ओ अेक स्थिति सूं जुड़'र केई स्थितियां सूं जुड़योड़ी व्हे, वा प्रासंगिक व्हेता थकां भी बगत रै साथै जीवण री हूस राखै अर वा अेक बोध नै संभाळ'र चालती व्हेता भी ठोड़-ठोड़ संकेत देवती चालै । रचना रो ओ मांयलो फैलाव रचना री असली जिन्दगी है । समीक्षक इण जिन्दगी रीं खोज करै । रचना भोंपू नी व्हे, उण रा होठ सींयोड़ा व्हे । रचना रा दरूजा खुला नी व्हे, काठा ढक्कोड़ा व्हे अर रचना खाली पंपोल वासू ईं नी पावसै, उण री घेरावंदी भी करणी व्हे । रचना तो नित घूमर घालती बा सिणगारू गोरड़ी है जिए रा मिजाज अर नखरा नै जता ओळख स्यो, बतो ईं उण रो कीं ठा पड़ैलो । खाली पोथी में पढ्योड़ा घूमर नांच सूं ईं घूमर नांच रा अरथ नी जाण सकौला ।

राजस्थानी पै मांय हाल इण ढंग री समीक्षा विगसित नी हुई । खाली ऊपर सूं बणाव सिणगार निरखवाळा लोग हाल केई है अर जे वै कीं नुवीं पोथी रै हाथ लगा लेवै तो उण रो मन खाटो व्हे ज्यावै । क्यू'क आज री जिन्दगी में ओ बणाव-सिणगार कतो के रैयग्यो अर जिन्दगी रा पग चालता-चालता कीं ठोड़ा आ पूग्या, इण रो होस हाल उषा नी है, अर नी होवण रो है । ओ ईं कारण है के जे आज रै राजस्थानी साहित रै मांय नुंवेणै री बात उठै, या नुंवे लिखीजै

ता आ वात उणां री प्रोब्लम व्हे ज्वावै । ओ नुवोपणो काई ? नुवां मूल्य काई, नुंवी कविता री नुंवी जमीन काई अर नुंवा प्रयोग काई, इण वातां नै लेय'र उणा रा दिमाग हाल सही ढंग सून सोचण री स्थिति सून जुड्या नी । राजस्थानी कविता अक पसवाडो फेरयो है । आज राजस्थानी कविता में ढाल-तरवार री वात नी, भगत बण'र हरि दरसण रा गीत गावण री देम नी, लोगां नै विड्ढावण री जरूरत नी अर नी काजळ-कांचळी रा सिएगारु गीत गावण री मांग । आज री कविता साव आज र जुग-बोध सून जुडर आज रा संदर्भा नै सामे उजगार करे । उण रो नुवो-पणो सिल्प सून बेसी कथ रे मांय है । पैलां कथ बदलीजे, उण साथे संदर्भ बद-लीजे अर अक नुवीं जमान-लारली कवितां सून आगे सामने आवै । आ जमीन तिस्वै ई पांच-सात बरसां सून तलासी है अर आज इण नै सगळा अंगेजे । इण वास्तै नुवापणा रो खाली नारो राजस्थानी री मांय दियो गयो व्हे, अड़ी वात नी । पण हां, कीं जणां ना इण नै नारो मान्यो अर नी नुवापणो । इण ढंग रा लोगां री नी तो कोई 'क्लासिकल एप्रोच' है अर नै आज रे भाव बोध नै समझणैरी सूझ-बूझ । म्हारै खयाल सून नुवापणो कोई मूल्य नी पण हर रचना में कीं नुवोपणो व्हे, आ जुग अर रचना री द्रष्टि सून अक सैठी मांग है अर ओ नुवोपणो रचना नै सोंठला री सींवा ताई भी पूगावै । बहरहाल, रचना रो नुवापणो रचना रे मांय हूँढ्यो जाय । रचना रे परवारै समीक्षता री जुगत वैठाणो, नी समीक्षक री ईमानदारी व्हे अर नी समीक्षता री समझ । सगळा परभाव अर तैसुदा मापदंडां सून ऊपर उठर रचनें ने पिछाणवो रचना साथे न्याव कह्यो जा सकै । आज री रचना मांय आज रे मामूलीं मिनख री जिदगी रा दरद, समाज री विसगति रा अलेखू रूप अर वेवस जिंदा रेवण री मजबूरी, कुंठा अर संघर्ष रा केई चितराम है । रचना रो ओ बदळतो नुवो रूप आज री रचना रो मोल-तोल करण रो अक आधार मान्यो जा सकै ।

'जागती-जोत' रो ओ 'विविध अंक' आपरै हाथा में है । गद्य री सगळी विघावां में रचना देण री मनस्यां ही पण कीं रचनावां नी पूगी । कीं साव नुंवा लिखारा भी ई अंक सून राजस्थानी लेखन सून जुड्या है, इण वात री खुसी है । इण अंक सख रचनाकारां रे सहयोग वास्तै म्हूं आभारी हूं साथे इज संगम ओ काम सूप्यो, उण वास्तै भी ।

—गोरधनदिघ सेखावत

द्रौपदी

सेठ लखमीचन्द जी चूरण नै माथा रो तैल बणावण रो मुखो आज २० बरमाँ अजमाया है । इण २० बरमाँ में गांव-गांव नै सह्रां में, इण तैल नै चूरण रो आवाज गुंजै है । कई बीमार्यां रा बैद न सांप, बिच्छु रो भाड़ो देवण रा नामी कारोगर न इलाज मुप्त में करै । बैठक में चार-पांच जणां मिलणियां न 'मरीज' हताई सदा जोड़योड़ी राखै बणां नै चाय-पान रो मनवार करण में गिरस्ती रो सांचो धरम समझै ।

इण दिनां में काम घन्धो कीं भोळो हो जको हाथ तंगी में आयग्यो, पण आवणियां की खातर तंगी में कोनी आई । सेठजी रो तीसरी बेटी लाडली द्रौपदी-बेमाता रो घड़ियोड़ी सांचो चितराम । सोळवें बरस में पग धरियो हो पण चोखो कस्योड़ी न ठोस अखरोट हुवै ज्यूं सरीर साथ भै । हांसी-मसखरी रो अचपळो सुभाव । जवान बेटी रां बाप नै नींद आ सकै है पण मां नै भपकी आवणी दोरी । सेठानी ओळमो देवती बोली—

—थे मुकून रा इलाज अर भाड़ा भनड़ा में पग रो रगरख्यां घस न्हांकी, कदे आपणी द्रौपदी रो फिकर करी है काई ?

—अरै गैली राधा तूं फिकर क्यूं करै है, द्रौपदी नै पांच पति मिल्या न पांचूं पांह सूरवीर हा । आपणी द्रौपदी नै एक तो मिल ही ज्यासी बस स्वयंवर करणी रो री समझ ।

—धाकै कनै कोरा बखाण है । करण-घरण नै कीं कोनी । मसखर्यां सै बेटी कोनी परणीजै । परणांवतां जोर आवैला ।

—सेठजी मांय हो काई सा ?

—आयो भाई ! सेठजी भट बारै न्हाटा । बात भाई-गई होयगी । कड़की रा दिनां में खरचो टळज्या जको चोखो ।

मां ! तूने एक सफेद पायजामों न चोखी फिराक करादे । आं । पुराणा मैला चीकट कपड़ा में वारें जाती लाजां मरूं । काल गळी का सगळा टावर धींद की बनीरी देखवा गया जद में आं तेलिया कपड़ां में मन मार नै रैयगी ।

करास्यां बेटी कपड़ा घणाई करवास्यां । पैली चौका वरतणां को काम सळटाओ ।

बेटी रात का वासी वरतण रगड़ती-रगड़ती सोचवा लागी-आपणी भायली कमला कत्ती मौज में है । सगळें दिन न्हाई धोई रैवं । काम भाभी करै, वा कांण कसर काड परी मौज लेवै । मनडो निसकारो न्हांक्यो-म्हारा बड़ोड़ा भइसा, न्यारा नही होवतां जणां मै भीं बैठी बैठी मौज करती । क्यां खातर हाथ पगां माथै मैल रा लेवड़ा जमता ।

मां सोचवा लागी १६ वरसां री बेटी होयगी । इण नै कदैई मौज कोनी करण दीनी । व्याव हुयां पछे आगलो घर लाग ज्यासी । इणरी तकदीर इसी ही है । सगाई री बात चालै बठाऊं ८-१० हजार को बिल साथ में आवै । आपणै कनै झैर खावण नै पीसो कोनी, दस हजार खेजड़ी के थोड़ाई लाग्योड़ा है ।

परस्यूं सामला वाईसा एक सगाई वास्ते कैवै हा कि लड़का की बीनणी मरगी दूजवर है । ४ टावर छोड़गी । ऊमर भी बणी-कोनी, तीसेक वरसां की है । मौल रो मालिक है । दिन भर न्हावो धोवो मौज करो । इण सगाई रै अलावा दूसरी बैठणी मुसकल है ।

सामला वाईसा मौका री बात सरकाई ही । बातचीत सरु होयगी । लड़को मिलण वास्तै खुद अयग्यो न सगाई पक्की होयगी । जांवतो मुसराजी रै धोक रै साथ साथ १० हजार नगद दे दिया । केवण लागी-कपड़ा गैणो करवायने १५ दिनां पछे व्यावरी सगळी तयारी कर न्हांको ।

घरां पहुंचतां कै साथ सेठजी कै मुंडा मांयसूं जोरस्यूं निकलगी-व्याव १५ दिनां पछे, द्रौपदी की मां सुणो हो कांई ।

—थै गैला हुयग्या कांई, किए रो व्याव किए रो सावो ?

—आपणी बेटी द्रौपदी रो, ओर किए रो । आपणा भाग जागग्या ।

—अतो जल्दी करस्यां कठाऊं । आपणं खनै लाल पाई कोयनी ।

—हथरै मांयनै १० हजार री थैलो सौंधता सेठजी बोलिया-आज ओ लिछमी जी रो अ.सण लेयनै आयो हूं । मांय नै म्हैल दे ।

जांगती जोत

व्यावरी बात सुनी वरुण न हांसी सी लगी । परा व्यव रो कोम साच्याई सहु होयगी ।

जकी द्रौपदी एक मैली चीकट फिराक न श्रीड़ा ही अके पायजामा में भ्रमूज्योड़ी बंठी रैवती वा अब मुळक मुळक न दोयसो ब्लाउज न सी वैस भांत भांत रै कपड़े रा रिवा लिया । द्रौपदी रा पग घरती माथे सीधा कोनी पड़े हा ।

हलवाई आयनै साई सुदा बात करयो । सफेदी वाळा आपरो काम गरणाटी चढ़ा राह्यो । सोनीजी रोज आयनै नुई नुई रकमां रो जायजो करवाय देव । स्टील-पीतल रा बरतण मोलीजया । रोजीना री नुई नुई जिन्सा घर रा कोठ्यार में बघती जावै ।

भोळी-ढाळी द्रौपदी इण जिन्सा नै हाथ लगायनै निरखै न हरखै । मनमें बनई रै रूप रा चितराम बणावती जावै न मुळकती जावै ।

गट्टी री भायल्यां अघायनै कंवती-द्रौपदी म्हाजे भूलजै मती । बठै सासरें में लाखां को कारवार है । दूसरी जवाब देवती-कारवार जीजाजी करसी, आ करसी मौज ।

सगली हांसती । पछै द्रौपदी कंवती-मैं धाँ सगल्यां नै अकेर बठै बुलास्युं, थे जरूर आय्यो । द्रौपदी तू जल्दी मोटी हूया, नहीं तो मोटा जीजाजी कनै ऊभी कैल की कामड़ी व्हे ज्युं लागैनी । द्रौपदी नै इण मसखर्यां में रस आवतो । द्रौपदी नै कांई ठा भो चांद को च्यानणो सो चाव घणा दिन कोनी रैसी ।

और धूम, घड़कै रै साथ फैंरा रात आयगी । सगली गळी गुवाड़ी रा लोग बींद नै देखण आया । सगळा के मन में बींद देखवा रो उछाव । मन में करै हा बूढ़ो दीखे जणां अतो पीसो लागरयो है ।

घोड़ी माथे मोटी मसंड सो, चीखी तू द फुलायां दींद बंठयो मुळक्या करै हो । कमर बन्व रै कारण कड्यां को घेरी ओरभी ज्यादा दीखै हो । लुगायां छुसर पुसर करण लागी-अ चांद सी वेटी नै कूवा में दड़काय दी । दूसरी बोली-भगला कै मोल चालै है बंठी राजस करसी ।

दाळै कांई इस्ये राजा नै बाप की सी ऊमर को बींद मिल्यो है । जोड़ी रा टावर दिन गिड़गलो गळ में घालणो फालतू में है । द्रौपदी री साधण्यां डागळा माथे बंठी बातों रा लसरकां लगवै हा । बाजा री तान सुण परी सगळी जण्यां बींद देखेण

आई । साथ में ना नूं करती द्रोपदी नै पकड़नै लेयगी । द्रोपदी घणी राजी होयगी । मन में बणायोड़ा चितराम नै आज आपरी आख्याऊ देखसी ।

देखतां ही मनड़ै पर धिजळी सी पड़गी । मन का कोड मनमें मसळीजग्या । आपणै बापूजी कै जत्ती पाक्योड़ी उमरा है आं सूं कीयां मन री बात करस्यां । कीयां हांसी मसखरी करस्यां । द्रोपदी रो माथो भुंवीजण लागग्यो । मनड़ै रा सगळा कोड कोरा सपनां बणग्या ।

फैरां में बैठवांऊ पैली द्रोपदी घणी रोई । इण भरतार वास्तं भगवान मनै जलम दियो है । मन रो तार तार जलम नै धिरकारै लाग्यो ।

मां वेटी रा आंसू देखनै बोली वेटा जी घणो सोच मत करो, पाछी जल्दी मंगालेस्यूं । तूं अब टावर थोड़ी ही है, समझ सूं काम ले ।

वनड़ै री पाक्योड़ी उमर नै धुल धुल वुगचं जियां कै सरीर माथै पीसां पड़दो न्हांक दियो । द्रोपदी विदा होयगी

पांच दिनां पछै बाई नै मंगवायली । साथ रो साथ मील रा मालिक सूरजमल जी रो कागद आयगयो । मुकलावैरी अड़खांस पूरी करवावण रो सावो १० दिनां पछै रो लिखियो हो । द्रोपदी कद आई नै कद पाछी गई कीं ठा कोनी पड़यो ।

आज दस महीनां सूं द्रोपदी सासरै री हेली में रैवै । बापड़ी सगळी उमर वानी ऊ बरतण घम घस नै काढदी अब न्हावण घोवण रै सिवाय कोई काम कोनी हो । आराम मिलण रै साथ देह गोल गट्ट नै कैसर बरणी होयगी । सूरजमलजी रो बड़ो लड़को मगनलाल १७ वरसां रो न द्रोपदी वारी लाडी १६ वरसां री । द्रोपदी ने सूरजमल री बातों में मजो कोनी आवतो जित्तो मगनलाल री बातों में आवतौ । पैली पैली दोनूं जणा एक दूंगासूं सरमावता । द्रोपदी मगनलाल नै वेटो तो नहीं पण छोटा भाई जिस्यो समझवा लागगी । मगनलाल भी सरमावतो सरमावतो माझीजी कैवण लागियौ न मन में मां व्है ब्यूं समझतो । दिन गुजरता गया ।

पैंतीस वरस रा सूरजमलजी घर में बड़तां ही द्रोपदी नै वाजिदअलीसाह बादसाह आपरी दांस्या नै रगदोळतो जियां रगदोळणी सरू कर देवता । द्रोपदी इण हरकतांऊ मन में रोवती पण मगनलाल सूं थोड़ी ताळ बात करनै जी हळको कर लेवती । सूरजमलजी देख्यौ कै आं म्हारै ऊं घणी राजी हुयने बात कोनी करै जित्ती मगनलाल रै साथ में खुलपरी बात करै । सोच्यो-आपां नै बूढो समझै दीखे । अब

तुंवा फिट कपड़ा मिवायनै पेरणा सुरू कर दिया। भांग रो नसो करने आंख्या लाल राखणी न जुंवानी रा दरसण दिखावा रा सगळा फैल सुरू करवा। द्रौपदी उपर-उपर हांसती न मन में आपरै भाग रा लेख समझ नै हुसक्या भरती, निसखारा हांकती।

पाड़ोसी सगळा इसी फूटरी पदमणी सी काया री लाडी नै छानै छुनकै देख-देख नै घणा वळवा लागग्या। एक-दो जणां घणां मूंडै लाग्योड़ा हा जका घरा आयनै भायलाचारी रो नाटक रच्यो। मोको देखनै एक दिन अ्रेक जणो बोल्यो—
ये सूरजमल जी मील रो काम देखो, हो-कदे नुई-लाडी मायै भी नीजर राखो हो काई।

—आ काई बात कैवो हो ये लूणकरण जी।

ऊतावळा मती हवो सूरजमल जो इज्जत रो सुवाल है न म्है थारो खास आदमी हूं इग वास्तै कै हूं नहीँ म्हनै काई पड़ी है इसी। म्है म्हारी आख्यांऊ मगनलाल नै थाकै घराऊ इण दोनुवां नै हांसी ठ्ठा करतां देख्या है।

बात सूरजमल नै खटकगी। पण नुई लाडी रा रूप रो पुजारी इत्ती जल्दी भंडा फोड़ कैयां कर देवै जतै आपकी आख्यांऊ कीं न देखले।

अब सूरजमल जी घणी ताळ घरां रैवै। मील में एक बारी जायनै पाछा घरां आ ज्यावै। द्रौपदी नै अब सगलै दिन इणां खनै रैवणो पड़तो जको जिदगानी वोभ ज्यू लद्योड़ी लागवा लागगी। एक दिन बोली—ये सगळें दिन घर में बड़्या रैवो, इयां लुगाई वणसो काई ?

सूरजमल नै खटको हो जकी बात अब पुख्ता जचगी। एक दिन मगनलाल रो माथो घणो दुखवा लागग्यो जणां भोळें मन री द्रौपदी माथो दाववा लागी। मगनलाल घणो नट्यो पण द्रौपदी मानी कोनी। सूरजमलजी केई ताळऊं देखण लागरघा हा इतै में नौराणी सांभी जोयनै हांसवा लागनी। अब-सक कोनी हो बात रा पग काठा हिड़दा में रूपग्या।

मील रा कागदां री 'चेकिंग' करवावण रा दिन आयग्या। सूरजमलजी रात दिन मील रा कागदां में उलझोड़ा मील में घणी ताळ ताई रैवणो सुरू कर्यो। मन में खलवळी मांची जणां एक दिन चाणचकै हो मगनलाल री हाइस्कूल में जाय पूगा। मास्टर नै पूछ्यो मगनलाल कठै है ?

मेठ सा वीरो माथो घणो दुखै हो इण वास्तै छुट्टी खेयनै अबार घरां गियो है।

सूरजमल ने ठा पड़ियो दरद कटै है । रीस में लाल हुयोड़ा कार रा फ़र्राटा मारनै घरां पूगिया ।

घरां बैठक रा किवाड़ खुला पड़िया हा । ऊतावळा मांयनै न्हाटा । सगळी जगां देख्या पछे सोवण वाळा कमरा नै वन्द देखनै किवाड़ां रै सारै कान लगायो मांयनू गधमपट्टी री आवाजां सुणीजी । कदे आलमारी रा किवाड़ां रो घमीड़ सुणीजै कदै माना माथा उछळ कूद सुणीजै । अतीक देर में द्रौपदी कैवती सुणीजी आज धनै ठा पड़सी ।

सेठ जी अती सुणतां कै साथ धोतीऊं बारै हूयग्या । किवाड़ां नै घड़ाधड़ ठोकणा चानू कर दिया । द्रौपदी बोली आईसा खीनू । परण वीरी कुण सुणै ।

द्रौपदी आयनै किवाड़ खोलिया । अवार-प्रवार मांयली न्हावणी मूँ निकळ नै आई ही इण वास्तै जल्दी जल्दी साड़ी नै लपेटनी माथा रा खुला गीला केसां नै तौलिया में लपेटती बोलण लागी जतै में मांयनू एक मोटी धोळी मिनकी निकळ नै धारनै भागी । द्रौपदी हांसती बोली—

आज म्हारो सिनाने सावळ कोनी हुयो । पैली आ मिनकी खटर-पटर मचा राखी ही, पछे थे आयनै घड़ाधड़ मचादी । वड़ा आदम्या थोड़ो नेछो राख्या करो ।

सेठजी बोलणु रै वास्तै मूँडो खोल्यां अती देर में वार नै ऊं मगनलाल एक हाथ में बस्तो न एक हाथ में दुवाई री गोळ्यां लियां हेली में वड़ियो । आयनै बैठग्यो ।

सेठ सूरजमल कदै उदाम मगनलाल नै देखै न कदे खिलचोड़ा फूल वहै ज्यू द्रौपदी रा मूँडा नै जावै ।

देखीजा कद चेतो बावड़सी ।

लोही रौ रंग

वो बीड़ी री टुरी सुलगा'र लेंपपोस्ट रै आसरै ऊभी-ऊभी सुट्ट खेंचवा लागी । अक आँटोरिक्सो 'पट...पट...पट' करतौड़ो उणरै कनै आ'र डव्यो । अक चैरो घवराट अर पसीनां सूं लथपथ रिक्सा सूं बारै भांकती चीस्यो—

'नासी जा अहीं थीं...जल्दी करो ।'

'अे लोको अहींज आवी रया छै ।'

'अहीं वगर मौते मरी जसो ।'

'मौत ?।'—वो खीझ उठ्यो ।

आँटोरिक्सो 'पट...पट...पट' करतौड़ो आगै बढ़ गयी । वो बियां इज लेंपपोस्ट रै आसरै ऊभी रैयो । उणनै अक कड़वी हंसी आई—'मौत ?'

मौत तो किणी तरयां आवणी इज है...आ कठै भी पीछो नो छोडैला । फेर चायै उणरौ छोटो सो'क राजस्थान री गामड़ी व्हो या औ धुआ सूं भरयोड़ो—अमदावाद सहर । वठै अकाल रं कारज सूं मौत री डर हो अर अठै सहर मांय दंगा रै कारण सूं मौत री डर । डर तो मौत री कठै भी व्हो ज्यूं री त्यूं बणयोड़ो है । अक न अक दाड़ तो मरणी इज है, विणसूं वचियो तो नो जा सकै है? इण वास्तै वो भाग'र भी काई करेला ? आपरा राजस्थान रा छोटा सा गांव नै छोड'र वो लारला अकाल री टेम अमदावाद आयो ही । अमदावाद में उणरै गांव रा घगाई लोग रैवे है । पैली वो बां लोगां रै इज सागै रैवतो हो, उण टेम वीनै ओ महर भीड़ भरयो, घणी अजीब सो लागै हो, पण हौले हौले अवै आदी होग्यो । अवै तो उणनै अपरा 'मील' री तरफ सुं वापूनगर में कवाटर भी मिळयोड़ो है । उणरै मानै अक मास्टर अर अक दुवाईयां वैचण वाळी अजेंट रैवे है । अजेंट अदमर बारै दौरा पै रैयाकरै है ।

मास्टर जी उणनै रोजिना सिङ्ग्या पौर कं रात में सूवतां वंगत दुनिया भर री वार्ता वनाया करै है । पैली वो कीं ई नो जाणतो ही । मास्टर जी वीनै

हिंदुस्तान रा टुकड़ा कियां हुया, पाकिस्तान कियां बण्यो इगु री सै वैरो दियो हो । जद सू अ जातिवाद रा दंगा सरू हुया—उणरै वारें में भी जाणकारी दीवी ही । सहर में जद सू दंगा सरू हुया, मास्टर जी विणनै देर-सवेर वारें जाणै सू भी बरजता रैया है । पण उणरै बात हाल सावळ पल्ले नीं पड़ी ही क उणरै गांम में भी तो मुसलमान रैवे है, हिन्दु रैवे है ! पछै वठै दंगो क्यूं नीं हुवै है ? घरम रै नांव मायै भगड़ी ? आ किसी राड़ है ? उणरै अठै तो तिवार—काई ईद, काई दियाळी, काई मोरम अर काई होळी—सै रा सै सागै मिळजुळ'र मनावै है ।

बी लेंपपोस्ट रै कनै व्यांन इज ऊभी हो । भीड़ अर हाकी बठीनै इज बढती आवै ही—

‘जलावी भूकी !’

‘म्हारी न्हाखो ।’

कौण छै ?’

पैला विजली रा थांभला पासे जुग्री ।’

‘साला अ लूंगी बांधी छै ।’

‘मुसलमान छै !’

भीड़ उणरै कानीं इज बढती आयै रैयी ही । काल की इज तो बात ही-उणनै किणी काम सू बजार जाणो पड़यो हो, वठै हिसक भीड़ हाथ में बळतौड़ी मसाल लियां सड़क मायै दीड़े हा । देखता-थकां विणरै सामै कई दुकानां नै मकानां री स्वाहा हुयग्यो हो । भीड़ लूट-पाट मचावै ही अर बी वने छानी-मानो हो'र देखे हो । काल री दरसाव आज री भीड़ ने देख'र फेर पाछो ताजा हुयग्यो । बी सोचियौ-तो काई अठै भी खून-खराबी व्हेला ? नीं...नीं...मान होणो नीं चाहियै । काल उणरै सामै कित्ता लोगां ने छुरा घोंप दिया हा, ऊण टेम बी भाग'र जान बचावण वास्तै अक सुगली गळी में पूगो तो आगै कोई मिनख अक लुगाई सू जबराई बाध्यां आवै हो अर पछै तुरत वापड़ी रै पेट में छुरी घुसेड़ दियो । लुगाई री जिसम लोही सू लेंपपय हो'र वठै तड़पै ही ।

बी बठा सू बच'र लुकतीड़ी चौराया सू आगै दौड़े हो, अचांणचक उणरी अक ठोड़ निजर पड़ी अर बी वठै इज चापळग्यो । सामै दो मिनख दो टाबरां रै पेट में चक्कू घुसेड़'र अतंड़ा काढ दिया हा । दूजै कानीं अक मिनख रै ओरुं कोई पेट में छुरी रोप'र चालती बण्यो ही । उणरी आख्यां मिचीजगी ही ।

इए टेम भी उएरी आंख्यां मिचीजगी । छण भर रें ताई उएरा पग
 वठे रा वठे इज रुक्या हा । काले पग भयानकता ने देख'र खुया हा, आज पग
 भयानकता ने मिटावणी वास्तै रुक्या । काले विएनै दठा सूं वच'र अके डरपोक
 री नाई भाग'र आणी पड़्यो हो । पए सिझ्या ने मास्टर जी बतायो कै मोत सूं
 वचए वास्तै कदै कदै भागणी भी पड़ै है । पए आज वो भाग वयूं नीं जावै है ?
 मोत वो सामे इज आय रैयी है । भीड़ साव कनै आयगी ही ।

भीड़ सूं कोई कयो—'मारो मारी ... ।'

'कोए छै रे बोलतो नथी ?'

अक मिनख उएरै कनै आ'र वो ईज सवाल पूछ्यो—

'कौन है वे ? बोलता नहीं है ?'

कोई दूजो मिनख आगे आ'र कयो—'तुम मुसलमान हो ?'

मन ही मन मांय वो छुरा ने देख'र कांप्यो । पए छिए भर मांय
 पाछो साहस लांवतो बोल्यो—'नहीं !'

—'तो हिन्दु हो ?'

—'नहि !'

—'ईसाई हो ?'

—'नहि'

—'तो फिर कौन हो ?'

—'हिन्दुस्तानी ! भारतीय !!'—वो मास्टर जी रा बतायीड़ा सबदां
 ने दोहरा दिया ।

—'साळो झूठं बोलै छै !'

—'क्यों वे ? झूठ बोलता है ?'—अर उए माथे छुरै री बार हुयी ।
 वो थोड़ो हट'र अके कांती हुय्यो !

—'ठमजै !'—भीड़ सूं किणीं री अवाज आई । उएरी हीमत नीं हुयी
 भीड़ सूं मुकाबलो करणे वास्तै ।

—'अरे ओ तो आपणी माणस छै !'

—'अरे ओ तो आपणी वस्तावर है ! ... अरे ओ वस्तावर ? अठे कांई
 कर रैयो है ? चाल झुंका लारै !'

—'नहि ! नहि !!'—वो कयो ।

—'बंगड़ियां पेरी ले !

—'झुड़ी पहन ले ! नामदं कहीं का !'

—'नामदं ?'—वा सोचे हो—'हां वो सहर में आ'र नामदं वणग्यो है।

गाम में तो वो तीन बलछां डाकुआं सूं मुकाबली क्यूं हो, चोरां ने तो कई दफा पकड़र मार्या हा। अठं सहर में आवण रै पछै तो सांचाणी वो नामद हुयग्यी हो। इणीज बगत कोई लेंपपोस्ट रै भाटी मार्यी अर बल्व 'छन्न' करतोड़ो बिखरग्यी। उणरी आख्यां रै सामै अंदारी सो छाग्यी। थोड़ी सी'क छेटी माथे दुजोड़ो लेंपपोस्ट हाल भी जगमगावै हो। वो यांन तो मील में क्लर्क री सुणै है, सुपरवाइजर री सुणै है। गाळयां री कांई? गाळयां तो अब वो हमेस सुणवा री आदी हुयग्यी है। कांई फर्क पड़ै है ?

‘नामद !’—फेर कोई आवाज आई।

उणरै हाथ में कोई लाठी कद पकड़ा दीवी अर वो कद किणी रै सांगे हो'र भीड़ में मिलग्यी हो। भीड़ पाणी रा रेळा ज्यूं आगे बढ़ती जावै ही। अक मिनख कोई मोटघार रै छुरी भौंक दियो अर उणरी गोद का टावर ने कोस'र उणरै भी छुरी मारणै व्हाळो हो कै वो आपरै हाथ री लाठी ने ओक कांनी फगा'र उण टावर ने झपट लियो—‘इणनै क्यूं मारो हो, ओ थारो कांई बिगाड़्यी ?

इत्ता में लाठियां उण माथे तड़ातड़ पड़वा लागी, पण फेर कोई आगे आ'र उणनै बचा लियो। पण फेर भी वो टावर ने बचाय नी सकयौ। उणरो अर टावर री लोही कांई नारो नारी हो ? कठै है हिंदू री अर कठै है मुसलमान री ओ लोही ? कदै नारी नारी भी लोही हुया करै है कांई ? वो तो ओक है ! फेर भी ओ जात-पांत री भेद किसी है ?

वो तुरत वो भीड़ ने छोड़'र भीड़ देखी—‘अरे ! अठनै आ भीड़ ओर किसी है ?’

—‘मारो “ मारो” “मारो !’

—‘बदला ~ बदला ... !’

—‘ओ बदलो ओर कुबसी है ?’—वो भागबोड़ो आयो अर उजाळा में भीड़ रै सामे मास्टर जी ने खड़ो देख्यी। वने कोई पूछै हो—

—‘तमे हिंदू छी ?’

—‘न थी !’

—‘तमे मुसलमान छी ?’

—‘न थी !’

—‘पण तमे लागी तो हिन्दु छी ?’

—हूं हिंदु न थी, हिंदुस्तानी छूं !

वो मास्टर जी ने वचाण वास्तै दौड़यो—

—‘मास्टर जी ! आप अठै कांई कर रैया हो ?’

—‘श्वनै सीद रयी हो म्है ! थूं अठै कांई करै है ?’

—‘म्है-म्है तो उण भीड़ रै सागै .. ।’

—थूं ? अर उण भीड़ रै सागै ?’

—‘वै लोग जवरदस्ती.....’

इणीज वगत वठीली भीड़ पाछी वावड़णै लागी । बास में दो टोळियां ऊभी व्हेगी ही । अठीली ठोळी कैवे ही—‘मुसलमान आ रहे हैं !’

वठीली टोळी कैवे ही—‘हिंदु आ रहे हैं !’ भीड़ री कसाव कम हुवती जाय रैयो हो । सिकंजी कसती जावै हो । दोनों कानी सूं गुजराती अर हिंदी भासा में श्रुवाजां आवण लागी—नहि, आ तो मुसलमान छै, पैला हिन्दु छै !

‘नहि, आ हिन्दु छै, पैला मुसलमान छै !’

‘नहीं, यह मुसलमान है, वो हिंदू है !’

‘नहीं, यह हिन्दू है—वो मुसलमान है !’

कुण हिन्दु हो, कुण मुसलमान हो ? दर असल आ कोई नीं जाणै हा । कारण हिंदू अर मुसलमान रै विचै वै समान तरीका सूं दोयी रैवे हा । फेर दोयां री नांव भी कोई नीं जाणै हा ।

इणीज वगत कोई आगै बढैर मास्टर जी रै छुरी पेट में धुसेड़-दियो हो । मास्टर जी रै मुंढा सूं अक चीस निकळी—‘अल्लाह !’

छुरी मारणै वाली मुसलमान हक्की-बक्की सौ वठै इज ऊभग्यी अर पछ-तावती कैवण लागी—‘यह मैंने क्या किया ? मेरे ही जाति भाई का खून ? उफ ! बहुत बुरा हुआ !’

—‘मास्टर जी ! ओ कांई हुयग्यी ? म्है कठै री नी रैयो ?’—वो रीवण लागी ।

अक लेंपोस्ट ओरुं बुझग्यी, थोड़ो अंधारो ओरुं वघग्यी !

मास्टरजी लोही सूं भरयोड़ा हाथा तै ऊंचा करैर उणनै मरती टेम भी सोख दीवी—न.....न नहि वस्तावर ! थूं जीवती रैवेला ! गांधी-शताब्दी री ओ:

दगी इण सहर रै पावन तीरथधाम सावरमती आसर्म ने वदनाम करण री आ साजिस है अक धोखो हैं ! जिको....क....करेला वै वै भरेला, पण धूँ इण टेम भाग जा ! इण भीड़ सूँ आंतरै चली जा ! कठे अ लोग म्हनै भी....मार न्हाखेला ! जा जा जाव अबै ! मूँडो काई देखे है ? आ....आ ..ह ! अर होळे होळे अवाज बंद व्हेगी ।

मास्टर जी री भीत सूँ उणरी लोही रंग लायी । वो सौच्यो—‘अक मुसलमान ने मुसलमान मार दियो, तो अक हिंदू अक हिन्दु ने नीं मारेला ?’

बस्तावर रै तहमत हो । तहमत ने वो ऊपर करतीड़ो । हिंदु टोली रै कानी इसारो कर’र कैवण लागी—‘हां....हां....देखो काई हो ? म्हनै भी मार न्हाखी ! म्हेँ म्हेँ मुसलमान हूँ !,

कोई अक मिनख आगै बढयी अर बस्तावर री चीस निकली—‘आह ! हे राम !’

भीड़ अचभै सूँ ऊभी ही । वने अचरज हुयो । उणीज टेम पुलिस वठे आयगी ही अर भीड़ बिखेरवा लागी ही । वस दो लास वठे सांत पड़ी ही —अक हिंदू री अक मुसलमान री । कुण हिन्दू हो अर कुण मुसलमान ? भीड़ रै वास्तै राज इज रैयो । हां, उण मौहल्ला में उणरै पछै कोई दंगी नीं हुयो हो वठे कोई लास नीं बिछायीगी ही । दंगी री घटना रोजिना अबै सिझ्या ने दो बुझ्योड़ा लेंपपोस्ट याद दिसाय-दिया करै है, अर अक सुवाल ऊभी करै है—के काई हिन्दू अर मुसलमान आपरी बैर यांन इज चुकावता रैवेला ?...?? ???

—हरमन चौहान

राजन रो खोंमचौ

—राजन ! ओ राजन !!

-- आयो बाबू साव । वो कनै आयनै बोलो—सा, कत्ता पीसां का छू ।

—राजन बाबा ! आपणो रोजीना को हिसाब है रोटी खायां पछै च्यार ग्राना का पाणी पतासा थाकै खनैऊं खावणा ।

आज राजू बाबा नै ५० साल होयग्या, इण सहर री सगळी सड़कां नापतां । सहर री कुणसी गल्ली में कठै गूमड़ा है और कठै घाव है, इण नै राजन के पंगां री पगयळ्यां पिछाणै है । सगळें दिन खाटै पाणी नै चटणी रै साथ पाणीं पतासा भर-भर नै बेचणो । संझ्या घरां जाणैऊ पैली मांगू हलवाई री दुकान माथै बैठ नै आठ ग्राना री भांग लियां पछै आधा किलो मिठाई रा हिसाब नै मांगू आपैही समझ जयवै । मिठाई खायां पछै राजन राजा भोज । पग कांईठा कद खोंमचा नै उठायां राजन नै घरा पुगाय देवै । दिन ऊग्यां पछै न्हाय घोय नै सगळी खोंमचा री तयारी कर्यां पछै राजन स्कूली टावरां रै स्कूल पूगवःऊं पैली तयार मिलै ।

पाणी पतासां रा खोंमचा इण सहर में ५-४ जणां ओर भी ल्यावै है, पण इण सगळां सूं ज्यादा विक्री राजन आपरी वणायोड़ी बढिया चिटणी रै कारण करै ।

अबकी साल वरसात घणी हुई । आज बरोबर तीन दिन हुयग्या पण मूज भगवान आपरी आल्या ही कोनी खोलै । पैलई दिन वरसात सुरू होवण पैली राजन आपको बडोड़ो लोटो पीळती हेलीवाळा सेठां खनै पांच रिपियां में मेल दियो । आज विक्री कम रेयगी ही । तेल न जीरो ल्याय नै खोंमचा री सामग्री जचाई । खोंमचो चौक में रखनै बीड़ी बाळी अती ताळ में छांटां आवणी सुरू होयगी । राजन थोड़ी ताळ वास्तै आडो होयग्यो । उठ्यां पछै मां नै पूछ्यो—मां पाणी वरसणी बन्द होयग्यो

काई । मां बोली-बेटा आज मेह घणो वरस्थो सगल कादो होयग्यो आज मती जा । हालतांणी वरसै है । धीरै धीरै दोफारी ढळगी । राजन उदास मन करने खोंमचो खाली कर न्हांव्यो ।

सिइया राजन आटो गूंदवाळी मोटी पीतळ की परात सेठां कै घरा मेल नै दूजै दिन वास्तै सोदो लियायो । आंती वेळचां भांग रो डळो कंठां में गेर इन्दर भगवान की जै बोलतो घरां पूग्यो । ठण्ड में नसो घणो चोखो लागै ।

दूजै दिन राजन थोड़ो माल नुवो वणायो । काल री चिटणी हालतांणी खराब कोनी हुई ही इण वास्तै नुई कोनी बगाई । आज बेगो जावण री सोच राखी ही । फिरमिर वरसती छांटां में लोग राजन की उडीक परदेसी पावणै री ज्यूं करै । राजन नै ठण्ड में घणो कोनी फिरणो पड़ै चिकी जल्दी सी हू ज्यावै ।

राजन सोच्यो आपणा दो वरतण सेठ जी रै घरां मिलीजग्या-जकां में परात पाछीं आवणी जरूरी है-नही तो आटो क्यां में गूंदस्यां । कताक वरतण अघमोल में आं ५० वरसां में गयां है इण रो हिसाब राजन कोनी राख्यो । भगवान सब ठीक करसी-ओ सबद भांग रा नसा मै कदै-कदै बड़वड़ावै ।

वारै जावाऊं पैली दड़ादड़ मेह ओसरग्यो । राजन रो मूंडो काठो उतरग्यो । घोती का पांयचा नीचै कर्या हा जकां नै पाछा टांक निया । आपकी वण्डी उतार नै खूंटी कै टांक दी । अब उघाड़ो हूयोड़ो राजन कदै पहलवान की जिया उकड़ू बैठै कदै घूमवा लाग ज्यावै । कदै बीड़ीं रा चसड़का लेवणा सरू करै । घड़ी-घड़ी वारनै जाणै री तावळ लाग पण जोर काई करै !

इण तरां ग्यारा वजग्या । रोटी वणतां कै साथ खाय के तयार होयग्यो । सोच्यो—आज मेह रुकतां कै साथ घरांसै वारै निकळ जास्युं । काल उडीकवो कर्यो । वियां कोनी उडीकूं । आघा-पड़ना पीसा आसी जका ही चोखा । सुरज्जी भगवान अ्रेक वर मूंडो काढनै पाछो रजई रै मांय ल्हको लियो । इन्दर भगवान भी सोच ली, वरसूं तो आज ही वरसूं । दिन ढळचां तक बराबर कम-ज्यादा वरसात हूवोकरी । राजन रो मन भारी होयग्यो ।

तीसरै दिन हल्की छांटां दिन रुगतां आवण लागरी ही । राजन सोची आपां दो दिनां सै माल वणायनै खराब कर लियो, पण आज मेह एकदम रुक्यां पछे आज तयारी करस्यां । ओ भगवान काई चावै है कीं ठा कोनी पड़ै । लारली साल

एक बर अया की भड़ी ५ दिनां तक लागी रही पण बीं वेळ्यां ५०-६० रिपिया कने हा, इण वास्तै मुसकल कोनी आई—काम चालग्यो ।

तीन दिन बरसात की भड़ी धोळ दिया । अ तीन दिन तीन बरस बहै ज्युं राजन काड्या । दो दिनां सँ भांग व मिठाई की तान कोनी बैठी ही । तीन दिनां पछे आज रात न तारा निकळ्या हा ।

राजन राजी हुयग्यो । सोचबा लाग्यो—काल जल्दी करस्यां । मज्जुरी भगवान चोखी देदेवै जणां कोई बात कोनी ।

चीये दिन दिन ऊगतां कै साथ आकास आसमानी धोयोड़ी लुगड़ी जिस्यो निकळयायो । राजन कड़की की बात भूल न चटणी लसर-लसर बांटणी सरू करदी । बीं री मां पाणी पतासा की टिकड़्यां उठा-उठायनै गरम तैल में पटकती जावै ही । तैल में पड़तां कै साथ पाणी पतासा गोळ गट्ट फूल परान ऊपर आवै । ऊपर आतां ही बूढळी एक छावड़ी में काढ दे । सगळा काढ लिया हा, अब तैल की कढ़ाई नीच उतारै ही जत में राजन कै कानां में रोवा-कूकवा री आवाज सुणीजी । बोल्थो—मां बारन देखन आ दिखा-वारै रोवा-कूकी क्यां की माचण लागरी है ।

बूढळी थोड़ी ताळ में पाछी बावड़्यां पछे धीरै धीरै एक चोर दूसरै चोर न समझावै जियां सैना में समझाती बोली-बेटा सेठ घीसुलाल जी मरग्या ।

—राजन रो हाथ सिलबट्टा पर ही उहयग्यो ।

मां बोली—बेटा तू जल्दी सी खोमचो लेज्या । लोग समझसी ई नै ठा कोनी पड़ी हूसी ।

राजन तीन दिनां सँ उदास बैठ्यो हो इण वास्तै भटपट तयार होयग्यो नहीं ओ मोको इस्यो कोनी हो । बीड़ी पीवतो अकबर वारै जायनै सुनेड़ री निगं करणै री सोची । सुनेड़ ह्यां ५-४ मिनटां रो काम है । ई आपणी गळीसुं वारै निकळ्यां पछे मोज ।

अती देर में ६०-७० आदम्यां री भीड़ घीसुलाल जी रै बारण भेळी होयगी । राजन वारनै मूंडो काड्यो जत में ही घोंकळराम मिस्त्री आवाज लगाई—राजन ! जल्दी आ, सेठ घीसुलाल जी सरीर छोड़ दियो है ।

राजन जुवाव दियो—आयो भाई, अवार आयो । मन में सोची—आपां वारनै नहीं जाता तो ठीक हो । थोड़ी ताळ पछे अरथी उठ ज्याती पछे आपां धीरैसी बिसक

ज्याता । अत्र फंसग्या । ओर दिनां आ वात कोनी खटकती पण आज नुकसाण होवतां चीथो दिन हो ।

राजन भीज्योड़ी मिनकी हुवै ज्यूं आयनै ऊभो होयग्यो जणां दींकी लास की अरथी अ लोग बणार्या है जिण भीड़ में घीसूलाल जी सवनै कैवण लागर्या है जल्दो करो—राजन का लास ले चालो । अरथी उठावती वैळचां लुगायां जोरऊं कुरळाई ।

लोग जल्दी-जल्दी वहीर होग्या । राजन रा पग भारी लखावै लाग्या । सोच्यो—आपां वारै निकलनै सगळी गड़बड़ करदी ।

अरथी रै वजार में पूंचता कै साथ राजन नै याद आई—सगळा दुकानां का सेठ पाखी-पतासा नै याद करता हूसी । घीसू सेठ नहीं मरतो जणां आपां खोंमचां लियां अठै आ ज्याता । वो भीड़ में सूं वारनै निकळ'र अक कानी चालण लागग्यो । जिण सूं सगळा लोग देखनै समझ ज्यावै ज्यू—अरै ! राजन आज कीनी आ सकै—वो अरथी साथै जावण लागर्यो है ।

सगळा लोग सेठ घीसूलाल जी री बड़ाई करता चालण लागर्या हा । राजन नै घड़ी-घड़ी खोमचा री याद आवण लागरी ही ।

सगळा लोग अरथी कै कांधो लगा—लगायनै आंतरा होवता जावै हा । राजन देख्यो लखपती सेठ-साहूकार सगळा कांधो लगाद्या है जणां आपां नै भी लगावणो चाहिजै ।

राजन आगलै छेड़ै जायनै कांधो लगा दियो । मन में सोचतो जावै आपां घाट ऊपर न्हायनै पाछा वावड़स्यां जतै स्कूल कै टावरों की छुट्टी हू ज्यासी । वजार में अतो माल विकणो मुसकल है । वजार में उधार करणियां घणां जणां है ।

स्कूल का टावर कत्ता स्याणा है । रीसेस री घंटी लागतां कै साथ राजन दो जोरदार आवाज रोजीनां लगावै—पाखी-पतासे वाला ! आ जाग्रो गरमा गरम हैं !!

अतो कैवणै कै साथ छोरा च्यांरां कांनिऊं छोटा छोटा-छोटा हाथां की मुट्टी में ५ पीसी ओर १० पीसी दवायां दीड़ता आवै । सगळा बोलै—राजन वावा पैली म्हनै ! पैली म्हनै !! काल थे इनै पैली दिया आज थे म्हनै पैली १० पीसां का देवो । राजन सगळा टावरों नै राजी राखै ।

दूसरी घंटी 'रीसेस' खतम होवण री लागतां कै साथ जाणै चिड्यां में भाटो गेर्यो हुवै, सगळा आप आपरी कलासां में वड़ ज्यावै । पछै राजन वजार को चक्कर लगावण नै आगै बढै ।

ओहं विचार उठ्यो आपणै कनै कत्ता वरतण हा, घर भग्ग्यो रह्यो करतो । धीरै-धीरै आपां सगळा गिरवी रख दियो । सगळा वरतण अधमोल में चल्या गया । आपां लोटो न इण परात दोहूँ जिन्सां नै केई वार गिरवी मेल नै संझ्या घरां जांवती वेळ्यां बिक्री कर्योड़ा पीसाऊं पाछा छुड़ा लिया । अबकै आखरी वार चल्या गया दीखै । आज ओ सेठ नहीं मरतो जणां मौज हो ज्याती । ३-४ दिनांसै लोग उड़ी कत्ता बैठ्या हा चोखी बिक्री हा ज्याती ।

राजन विचारां रा लोर में पग मेलतो चलर्यो है । बीनै आ ठा कोनी पड़ी कद तीहूँ कावियां कतूँ लोग बराबर बदलीजता जार्या है अक कांनी गरीब राजन अब ताई लागर्यो है, पण कोई कोनी वीकै कतूँ आयके लेवै । सगळा बडा लोयां कतूँ ले लेवै वानै तकलीफ नहीं हुणी चाइजै ।

काई ठा, कद सगळो सहर लारै रैयग्यो । कद प्राइमरी स्कूल आबगी । जकी रै आगै राजन रै आबै खोमचे रो भार हल्को हवै । राजन माथो नीचे कर्यां कांधो लगायां विचारां रा गोद में गुड़तो चालर्यो हो अतैं में ही प्राइमरी स्कूल रो चपड़ासी रीसेस की घंटी टन टन न टन बजायदी । राजन "रोजीनाली जिया माथो उपर नै करणै कै साथ जोरळ" आवाज लगाई पाणी-पतासे वाळा ! आ जाओ गरमा गरम है ।

भीड़ कांनी निजरां जातां ही जीभ तालवा कै साथ चिपगी । भीड़ मांय नूँ २-३ जणां राजन नै धक्को देयनै आंतरो कर्यो ।

लोग राजन माथै निजरां गाढ़्यां आगै नै चालता जार्या है । राजन कद नीचे नै देखै कद उपर नै, पग धरती माथै रगड़ीजणां सरू होग्या । सगळी भीड़ आगै निकळगी राजन लारै हुग्यो । अब अरथी रै साथ जावण नै जी कोनी करै न घरां जावण नै, पग जवाव दे दियो । राजन लारैनै मुड़ नै देखै है भीड़ आगै जावण लागरी है ।

—मनोहरसिंघ राठौड़



अणकथाज्यो कथ

(एक वियतनामी सिइया)

—रामस्वरूप 'परेश'

म्हे सगळा
सुत्ता नैणां सू
लोई में ह्वेड़ा सूरजी नै देख्यो है,
तूटता आभानै—
तकतूळी-सा हाथां में थामतां
पून री चिरळाटी सुणी है ।

फावां पर उवी भीड़ रा
काचरा सा नैणां में—
म्हारै वारणां री सूकी बांदरवाळ
निनेड़ा दिवला अर—
छाजां पर पसरेड़ी
जोध जुवान उदासी ताई
ओपरोपण तिरै ।

अँ सगळा संगळिया
आजादी रो चीरहरण देख्यो है,
पण फेफड़ी आयेड़ा होटां पर
मून री म्होर लागरी है ।
लागै—
माणखो माणखा रा
मुंइजेड़ा कोयां नै
मोत रो नांव देतो डरै ।

(अतरी काई कम है'क
वो आप ताई मरै)

अक मैं हूँ जको-
हवती कांठळ अर
तिड़कती ल्हैरांताई
मुळकण रो सुयंवर रचूं,
मंझूळ्या सूं उदासी मांग-मांग पीवूं,
हळ चलावूं । बंझुक उठावूं ।

अंवार धुप सूं रंगियेड़ा ओळ्यां पर
उजास रा कई हांसिया बाकी है-

हैं की = { जका-मनहीणी सिद्ध्या नै
पो पाट्ये री म्होर सूं मानीजती करसी ।

जेज-

लकवो मारेड़ा हाथां सूं
इतियास सा फुटनोट में
अण कथीज्या कथ सारु
नांव हेर सी ।

□

रामू बळाई री अरथी मांय

—गोपास जैन

रामू बळाई री अरथी
रामू री खुड्डी मांय पड़ी है
च्यारू'मेर फँलतो लुगायां रो कोकाट
कीं उदास सूत्योड़ा काळा सा मूंडा
लेय'र खड़चा है कीं मिनख
रामू री किरिया करम सारू कीं वातां व्हे
आपस में

च्यार कांघ्यां रँ कघोळै चढ़'र आवँलो
रामू—राजा री सवारी सरीखो
मैं उण रँ साथै हो लेस्यूं
मरचोड़ो रामू म्हनै घणूं सोवणी लागै
म्हारो उण सूं घणूं हेत हो
मैं अरथी रँ मांय सूत्या रामू सूं पुच्छं—
रामू ! तू कठै लग चाल्यो
थारा जमारा नै कतो'क सारथक करचो
ईं जग मैं जी'र कांई करचो ?
कांई समझ्यो, म्हनै बता ?

जद रामू हांस्यो

उण रँ काळै सूत्योड़ा चेरै नै निरख'र

म्हारै हिवड़ै में अँकर पीड़ उठी

उण री हांसी सूं मैं डरग्यो

में सोच्यो ओ आज हंसै है

वीयां तो सदा रोतो रियो

जदै रामू बोल्थो—

खमावणी—जजमान

म्हारो कांई चालणो अर कांई थमणो

कांई म्हारो जीणो अर कांई मरणो

में तो अरथी रै मांय जलम्यो अर

अरथी रै मांय जूण काटी

में कांई दुनियां देखी अर कांई काम करचो

में नी गयो कदे परदेस

ठाकर री हेली ताई वेगार करी

साहूकार रै खेत मांय व्याज रो निनाण करचो

मन्दिर पासी म्हारी लुगार्ई मीरां वणकै नाची ही ।

तड़काऊ कै उठकै म्हाती चन्दण घणो लगाती ही ।

म्हैं तो म्हारै दुक्क्योड़ा मंगरा माथै वेगार

लाद'र'गांव नै इज गोरघन मान'र

फेरो करी ।

में जद उण सूं पूछ्यो—

कतो कमायो

गांधी तो थारा भगवान हुयग्या

राम-क्रिस्न भी थारा हुयग्या

वो बोल्थो—

देस रै मांय कांई धन निपज्यो म्हनै ठा नीं

आं भू'पा रै मांय जूण खोई

खीचड़ी सूं पेट लिवाड़्यो

सरीर नै गाभा सूं ढक्यो नीं

राम-क्रिस्न नै कुण नेई आवण दिया

गांधीजी महाराज नै तो वीच में वोच लिया

म्हारो तो गूगोजी महाराज भलो

में तो कदे न पिछाय्यो

मिनख जमारो
न हाल्यो न चाल्यो
जजमान ! पगां री जूती माथै कियां

चढ़ सकै ही
रामू री वात सुण'र
म्हनै कलकत्ती अर वम्बई रै
मांय देख्योड़ो अ्रेड़ो इज मुरदो
याद आयो,
उण री आंख्यां में तिरै हा
अभावां री अणकथीजी कथा
जद में सोचण लाग्यो
आं रै घरां दिल्ली री जमुना
कींयां आवै, कद आवै ।

गुमान

—कमला वर्मा

विरथा है
परवत थारो पोमीजणो
के थारी ऊंचाण री ताण
निचाण नै मिळै—
नदी नाळा भरना
अर सुरक्षा रो भरोसो ।
पसरचोड़ी जमीन ने
घणो गुमान है
गै'र गम्भीर खुद रै मन री
गै'राई रो
जिण में दवियोड़ा
केई ठण्डा मीठा भरना
अर सुरक्षा खातर
लुकायोड़ा ज्वालामुखी ।

म्हारौ मिनख

—पुरुषोत्तम छंगाणी

पीड़ रै पालनं
रीकती पळै
म्हारौ मिनख
निसासां री डोरी
रंग्योड़ी चोभां सूं
खीचै वखत रा काठा हाथ

कुण्ठा रै भोटं
सिमटता-घटता
विसवासां रा घेरा
अमूँभ रै वांथीड़ां में
फफड़ीजतीं अळूँजै
म्हारौ मिनख

अवखाई रो कंदल
चीसां आक्रोस री
तड़फ मुगती री
घणी करै—छटपटीजै
पण मिस्लावै—विलमावै
रमकड़ा यथारथ रा
अर लाचारियां सुणावै है
अरथाऊ लोरियां
डुसकां रा वुदवुदा
कित्ताक जी सकै ?
पीड़ पालनं री

सैं घड़कणा भी-सांसां भी
उमर रैं झरोखां सूं
अरथियां रो मजमौ
निरछै है
म्हारी मिनख
रीकतौ पळै है
म्हारी विनख ।



हाल बाचा बंद रात घणों ई बाकी है

—बाबूलाल सरमा

हाल बाचाबंद रात घणों ई बाकी है
अर में पाखण्डा में लिपट्यो
थोथा टांचां री ओलखाण में लाग्यो, हू
सोवूं हूं खुद रै पैदा होणों री नुमाइस नैं
कीं मावड़ी जीयाणूं जीव भी,
कत्तो सूगलो हो सकै है ।
अलबत्ता आ न्यारी बात है, क
भीतां कै सारै जीवण री
कोसिस जारी है 'क
कतरो हत्यावां रै पाछे
आ जिन्दगी पायी है,
अर खून रा जोड़ में
आदसां रा महल
सैलानियां री बाट जोवता
खड़चा रहसी -- 'क
हाल बाचा बंद रात घणों ई बाकी है
कीकर सूं कट'र आती चांदणी सूं पैदा
नीम री छाया नैं लीलती
चीवारा री भीतां अत्ती नजदीक आग्यी
कि तावूत बणगो
हाल मांटी बणवा में भोत देर है
मन्नै बेरो है मरवाळां री लिस्ट रो
मैं खुद सरजाम करूं हूं जिन्दगी री ऊव रो

मीत तक जावा रो नांव जिन्दगी है ।
 लोग बोल्या
 'भगवानं री मर्जी ही भाई'
 अर घूघू सुणी'क
 हाल वाचा वंद रात घणी ई वाकी है ।
 अक हल्लवळाट पछै
 सो क्यूं थिर होगो
 पड़ोसण रा सूं गांव रां छटेल चलेगा
 काकी यूं मिलवा आयी छोरी
 घरां जा'र मा-कनै रोगी
 जिन्दगी पर दांतां री पकड़ गाढ़ी होगी
 अक गिच्ची गिच्ची ऊसास
 म्हारै कनै तिरगी
 जद'क, वूढो वागवान
 वगड़ावतां री ख्यात खतम कर
 सात रिप्यां पर निजर गेर'र बोल्हो
 हरे राम !
 'हाल वाचा वंद रात घणी ई वाकी है ।
 हल्लवोड़ी सांसां सूं बणी
 ऊकळ्या पीती ऊं'आट
 सिराणां रा मैला तकियां पर
 पांख टेक'र डटगी
 अर अक चुपकी बात
 दावणां में, लुखगी 'क
 आंसू आवा रै पैली
 वां नें देखण हाळा रो
 होणो भोत जरूरी है
 जद'क देखण हाळो सो गो
 चूट'र'क
 हाल वाचा वंद रात घणी ई वाकी है ।

धोळा धोळा चिकन्दां सूं चिकतायगो
 गुलाव
 बदरंग म बद देखवा, खुरच'र देख्यो तो,
 सणकायगो -
 खून का गलका पड़्या हैं ।
 क्रांति री नींव में, क्यूं तो हत्या होगी
 क्यूं हैं बाकी -
 (ज'की पाछै करल्यां ला)
 थोड़ा सा मसखरा लोग
 रेसमी कुड़तां-तळें, कवच पहर्यां
 चाल'र्या है
 नारा लगाता, दकाला करता
 बां'की हत्यावां होबो तै है
 नाई फेर
 बचेड़ां नै समझावैलो कुंण***
 खंखारां री बदबोय निंगळता
 हूटेड़ी चूड़्यां नै रूंदता
 मोड़ रा मूंतखाना में टींगर उपजगा ।
 लोग बाड़ में मूंत'र वैर काड़गा
 जल्दी क्यां री है
 हाल बाचा बंद रात घणीं ई बाकी है****!



એક પલ રો સુખ

—સાંદરમલ દાયમા

મન રૈ માંય ઉમગતી
થારો છીંયા
જિયા નિતરચોડૈ પાણી રૈ ચવલિયૈ માંય
એક સાફ પડછીંયાં
મ્હારી દીઠ સૂં લૂંવતો
થારો સગલો સગલાપો
ની લાગૈ દૂરી અર દેમ રી અડવાર
હવા ની રોક સકૈ

થારી આવાજ ।

મ્હારૈ સામૈ અનોખો ટેલીવિજન ચાલ રિયો હૈ
ઘણીં દૂરાં સૂં સુળૈ
થારી મુલકતી રાગલી
કુચમાદણ મુલક
રોજીના રો ગાંગરત
મીઠી સી ખાલ મનરી દ્વાંકાલ્યાં
મરોડૈ નૈ સાજૈ
અ ક કંરટ સો આવૈ
અર રૂંગ-રૂંગ રૈ મૂંડા સૂં
વિજલી ચમકૈ
પણ ફેરૂં લખાવૈ એક સુખ
સાવ એક પલ સારૂ ।



ओळ दालै निरखूं गांव

—जुगल सरमा

गोळालाठी लाग्योडो सो } ✓
अकडीजती उणमणो सूरज

रोजीना आ ज्यावै अर

तपण लागै खंखारा करतो तावडो } ✓

खीपा छायीडी

सांवळी छानां माथै ।

फूट्योडै चूल्हां माथै

ऊकळीजै पाणी हांड्यां मांय

पीतळ री थाळ्यां सूं उठै

ताती भाप रा गोट अर

घांसी लेवंता डैणा—

चरड - चरड - चरड - ।

दौपारी रो सरणाटो—

सूखा खेजडा हेठै

नाड पसार्योडी-उगाली सारती

भूखी गायां, भैस्यां

सूखी खेळ माथै

कटवडावंतो रेवड

फिरास ऊरां

लुकमीचणी खेलता छारा अर

सै S S सै S S सै S S करतो वायरौ ।

(दूध सरीखी ऊजळी वासी च्यानणी
 फडफडाता पींपळ रा पान
 रोवता वोदा कुत्ता
 गुदडां मांय दापळचोडा डैण
 अक्खों " S " S अक्खों " S " S अक्खों " S " S ॥
 ठग्योडो सो
 ओळ दोळ निरखूं सैंग चितराम
 मन ऊपरां दगणीजें मिटीजें तैल चित्र
 अर डील में भरीजें चरुंटिया सा ।



चोपाटी

—उमेश भारद्वाज

समंदर

ज्याणू आदमी रो फैल्योड़ो दिमाग

सग रै किनारै वैया लोग

लियां भांत-भांत रा रोग

भीड़ रा उफनगता कांधा

अर कारां री दोड़

कंठ मोसता रोळा रबदा नै

अरग देवंता मिनखां रा ठंडा हीया

नियोन लाइट रा रंग विरंगा पलका

दिन री तपस नै मोरता

सांभ

समंदर रै किनारै जवानी नै अवेरती सांभ

कलकलीजतै मूंडा पर

सांयत रो हाथ फेरती सांभ

आ चोपाटी

चार पट्टी व्है भाला मारै

गरीब अठै आय'र पग पसारै

अमीरी रा नखरा पल दो पल

मोज उड़ावै

व्यांरुमेर पाणी अर माटी है

आ दम्बई री चोपाटी है ।

सलमा धोवण

—मागोरथसिघ भाग्य

कब्रिस्तानां में वीं कूण हांली कवर कानी आंगली उठार वो बुढो कैयो-वेटा वा कवर सलमा धोवण री है । सलमा अके भांडयोड़ी लुगाई ही । कैय नै सलमा धोवण रै जीवण रो सारो लेखो जोखो म्हारै सामी नांख दियो ।

रामदैयी रो टावर रोवण लाग्यो तो बोली-बुलाऊं सलमा धोवण नै, कान काट लेसी । आ सुणता इज वींरो टावर रोवतो अके दम चुप व्हेग्यो । लोग कैवै सलमा धोवण डाकण ही । हर सनीवार री रात नै वा जरख पर चढ़नै जाती अर आखी रात वावड़ी पर बैठी मंतर बांच'र विता देती । अर भांभर कै सी क फेरुं लुगाई रो भेख वणा लेती । सलमा धोवण ही'र चलीतर हा । कासी आपरी आंख सूं देखो है । लाटै मांय सूय नै जरा सो'क पळको पड़्यो तो तीन दिन तक बोती मांय घस्त कर्या नै बुखार मांय वरड़ातो रैयो उघाड़ी है । कुण है ? उघाड़ी कुण ?

वजरग रै घरां लगातार सात दिनो तक विल्ली बोलती रैयी । आठवें दिन सिझ्या वीं रो दोय वरस रो छोरो हाथां मांय आग्यो । वीं दिन पाछै विल्ली वजरग रै घरां नीं आयी ।

वस्तीराम पंचायत रै बीच मांय कैयो-जमाल री लुगाई बांझड़ी है । जै दिन उग्य पैली वीं रो कोई मूंडो देखले तो सिझ्या तक रोटी नी मिलै । म्हानै तो अके दिन कुदरसणी रा दरसण व्हेग्या, सारै दिन ग्यारस करी ।

सगला मिनख खिल खिला र हांस पड़्या ! कैवो चावै क्यूं भी, वस्ती म्हाराज है वीर आदमी । चुगली करण री आदत कोनी । जो बात कैणी है मुंडै ऊपरां कैवैला चाहे व्हीनै भली लागो या बुरी ।

घरां आतां इज जमाल आपरी लुगाई नै आडै हाथां ली । भाळ मांय वीं रो मुंडो लाल व्हेग्यो । वो जोर जोर सूं कैय'यो हो, हथभागण जै सूं म्हारै पल्ले नी बंधती तो म्है अब तक तीन चार टावरां रो वाप व्हेग्यो व्हेतो । वस्तीयै रा बोल अब भी म्हारै मन मांय सूळ गडोवै अर मुखियो जिण वात नै वर वर मांय कैय'यो हो

वीं नै सुणली तो ठा पड़ला क वजरंग रै बेटे नै तू खायगी, विल्ली वण'र ! निकलज्या म्हारै घरां सूं अबार । अई परथावै सूं तो कुंवारा मर ज्याता तो मुसलमान खुदा अर हिंदू भीस्म पिता कैवता । सलमा रोंवती रैयी बिलखती रैयी पण जमाल पर इण वातां रो कोई असर नीं हुयो ! वो आपरी घोवण नै धक्का मार'नै घरां सूं निकाल दी ।

सलमा भी आखिर लुगाई री जात ही वीं रै मन मांय रंजस बड़ी व्हेगी । क्यूँक वीं नै जोरामरदी बदनमा करी गयी ! वा आव देख्यो न ताव-गुवाड़ मांय रमतै सुखियै रै छोरै रा कान काट लिया अर नित हमेस रै खातर वा आपरी सासरो छोड़'नै किणी गळियां मांय रूळगी ! अर अई रूळी'क आज तक पूठी नीं वावड़ी ! पण आपरै लारै अके कैवती छोड़गी ! अब जद कदै भी टावर वखत सिर नीं सोवै अर रोवै तो वां री मांया आ इज कैवै—रोवैला तो सलमा घोवण जरख पर चढ़'र आवैली अर कनियै री ज्यूं तेरा भी कान काट लेसी । टावर रोंवता रोंवता अकदम चुप व्हे ज्यावै । आंख मीच'र सो ज्यावै नै मीठी नींदां गम ज्यावै ।

घणकरा लोग तो आ इज कैवै सलमा घोवण मरगी अर कइ कैवै, मरती कठै सूं आगलै चैत मांय पैसठ वरस री हुवैली । पण वींरो कोई खुर खोज आंधी रै साथ भो उड़'र इण गांव मांय नीं आयो ! खैर....

बियां तो गोवड़ी अर सरोठ री दूरी बीकानेरी तीन कोस री है पण गोवड़ी रा टावर जद सरोठ पढ़ण जावै तो घंटा री चाल मिन्टो मांय पूरी करै ! बात आ नीं है क वधतो खून है सांची बात तो आ है क गोवड़ी सूं डेढ कोस रै आंतरै ऊपरां अके तळाव अके कुण्ड अर प्याऊ है । आज सूं तीस पैंतीस वरस पेंली अके वावाजी इणी ठोड़ ऊय होय नै पेमाव कस दियो वीं रै पाछै इण गांव मांय काळ नीं पड़यो अर वावाजी खेत रै मांय काम करतै गणपत रै दोय धप्पड़ जचारै मार्या नै आपरी डाढी मांय सूं दोय बाळ फाड़'र बी रै हाथा मांय घर दिया !

बोल्या—मूंडो कांई फाड़ै है ! संता रो बाळ बुद्ध ग्रह तक काम आवै ! जा तेरै नीवै भीनै दोय छोरा व्हेला ! वां रा भड़ूला अठै इज उतारियै !

गणपत थाप खा'र घरां चल्थो गयो । पण साथ कुदरत रो खेलो देखो गणपत रै नोंवै म्हीनै दोय थाळ वाज्या । अब देखो गणपत रो रंग, आखें गांव मांय इंडी पिटवादी ! लोगां रै अई भैम बड़यो'क थाप खावण नै वावाजी र घुणै

जागती जोत

ऊपरां भोड़ लागी । पण बाबाजी दुबारा थाप नीं मार्यो ! बै तो मन रा पक्का मोजीराम हा । वो तो गणपत इज तकदीर हाळो हो !

लोगां बाबाजी रै पेसाव री ठोड़ तळाव वणा दियो । टावरां रा भड्डूला भी वठं इज उतरै लाग्या । बाबाजो ओड़ै छेड़ै रै गांवां मांय थरपीजग्या ! पण म्हे जाणूं वीं बाबाजी री पोल वो बाबाजी आज तक चाळीस चेत्यां रै साथै रात नै हरि कीर्तन अर दिन मांय घोपारिया कर चुक्यो ! दर असल वो बाबाजी आपरो धरम भी बदळ दियो । बिया वो म्हारी इज जात रो हो !

भैम री दवा तो लुकिमान कन्नै भी कोनी, दूसरै जात रै घड़िया मांय तो लोग पाणी पीवणो भी आपरो धरम भिरस्ट जाणै अर वी मोड़ै रै मूत नै तीरथ मानै ! जिण सूं वात करां, सीधो कंठ पकड़ै ! केसू भारती सूं तो वात करणो इज वेकार है ! वो तो कैवै'क गांधीजी मरग्या अर म्हारै कानी आंगळी करग्या ! तो किलास कांई पढ लियो अपणै आप नै दादो भाई नोरोजी समझै लाग्यो !

तळाव रै छेड़ै लारलै सैंतीस अड़तीस बरसां सूं सलमा धोवण लोगां नै पाणो प्यावै नै धरम कमावै ! सलमा धोवण रो पंग फेरो इग गांव रै खातर खुदा-वक्स रो काम करग्यो ! सलमा रै दोय बरस पाछै इज इण गांव मांय बाबाजी परगट्या । सलमा नै दोय वखत री रोटी तो गांव सूं मिल इज जाती । आंधै नै कांई चाये, दो आंख्या । वस ।

सलमा धोवण रो चरित्र कदे सूं भी अड़ो नी हो जिण ऊपरां सक करघो जावै ! पण गांव जद लारै पड़ग्या तो भलां भलां री ढाणी उठ ज्यावै नै बीटा बंध ज्यावै !

—इती वात अ्रेक सांस मांय कैय नै वो बुढियो अ्रेक लाम्बो सांस लियो अर बोल्हो—तेरो सत्यानास जावै जमाल तेरो । खुदा करै तेरो दरगा मांय काळो मूंडो हवै ।

म्हांसू नी रुक्यो गयो ! म्हे बोल्हो—फेर वाला ?

—फेर दिन रो ! सलमा तो विचारी भली लुगाई ही ! गोवड़ी रा सारा मिनख वीं रो आव भगत करता ! टावरां रै सागै सागै बुढा भी सलमा नै दादी डोकरी कैवण लाग्या । टावरां नै नित नई कहाणी सुणावण रो चाव दादी डोकरी मांय इज देख्यो गयो ।

घोमासँ री रूत मांय बगता मुसाफिर दादी डोकरी नै ककड़ी, मतीरा, फली दे ज्यांवता पग दादी कदे भी बँठ'र अकली नी खांवती ! सिंध्या जद इस्कूलिया टावर पढ नै पूठा वावड़ता तो वानै इज बांट दैवती ।

टावरां नै नेड़ देख'र दादी डोकरी नै कित्तो हरख व्हेतो आ घात सो सारो गांव जाणतो । जणा इज तो वठै अक नुंवी कैवत जलमगी । गोरली रो टावर रोवण लाग्यो तो वो बोली—

—बुलाऊं दादी डोकरी नै ! कहाणी सुणावैली ! आ सुणतां इज वो री टावर रोवतो रोवतो अकदम चुप व्हेग्यो ।

लोग कैवै दादी डोकरी तो देवी रो अवतार है । हर मंगलवार नै आखी रात भजन गांवती रैवै ।

—तो काई बाबा, दादी डोकरी भी.....

—हां बेटा, दादी डोकरी भी आपरो घरम बदल लियो ।

बूढो फेरुं वात रै गांठ दे'र बोल्यो—सांवळ आपरी आख्या सूं देखी है ! गेलै बगतै जरासो पळको पड़्यो तो अकदम बदल्यो । पैली तो अक वात बोलतो तो आठ गाली सागै काढतो, पण अब 'पिरभु मोरे अबगुण चित न धरो' री टेर रै सिवा.....

सांवळ पंचायत रै बीच मांय कैयो— दादी डोकरी रै डील मांय अब वा ताकत नी रैयी है'क थानै कुण्ड सूं पाणी निकाळ'र प्या देवै । कोई भाई ओ घरम कमावणो चावै तो कमाल्यो ! मोको फेर नी है ! बिड़दु मन मांय सोची आपां लारलै कातिक पाछै घरम नी कमायो है ओ बीड़ी तो चाबल्यां ! उठ'र बोल्यो—ठीक है' काल सूं दादी डोकरी री प्याऊ मांय म्है पाणी भर देवुंला ।

दादी डोकरी आपरै वावत अँड़ी बातां सुणती तो मन इज मन राजी व्हेती वो नै इणवात री खुसी इज'क वा आपरै लारै री झुठी वदनाम्यां सूं निस्तारो पाती जावै !

अँड़ो रैवैयो दोय बरसां तक और चाल्यो । दादी डोकरी नै भँम इज नी, पूरो बिस्वास व्हेग्यो'क वा लारली सै वदनाम्यां सूं बरी व्हेगी हैं । क्यू'क जद भी टावर बखतसिर नी सोंवता अर अलबाद करता तो बांरी मांया आ इज कैवती— सोबै है'क बुलाऊ दादी डोकरी नै, कहाणी नी सुणावैली अर न इज मतीरा देवैली । आ वात सुणता इज टावर चुपचाप आंख भूंद'र सो ज्यांवता !

पण अ़ेक दिन -

—हां, अ़ेक दिन कांई बाबा ?

—अ़ेक दिन अ़ेक दिन दादी डोकरी फ़ेरूं सलमा धोवण व्हेगी !

— हूं SSSSS ?

— दादी डोकरी री प्याऊ रैं छेड़े भड़ूलियो तळाव । बाबाजी री किरपा रो परसाद । टावरां रा भड़ूला बठै इज उतर्या करता । वीं दिन परतु भड़ूलो उतरावती वेळ्या रोवै लाग्यो तो दी री मां कैयो—

रोवैला तो दादी डोकरी कहाणी नी सुणावैली । काचर भी नी देवैली !

परतु रोवतो रोवतो अ़ेक दमें चुप व्हैंग्यो ।

दादी फ़ूली नी समाई, बा भाग'र प्याऊ मांय सूं मोरण ल्यायी !

अ़ेक अ़दखड सो जुवान'कनियो !

जीरा दोन्यूं कान कट्योड़ा । स्यात आपरै टावर रो भड़ूलो उतरावण आयो हो ! दादी कानी अ़ेक टक निजरां गाड राखी ही ! अ़र वी रैं स्हारै वैठी वी री लुगाई आपरै रोवतै टावर नै कैय री ही—रोवैला तो सलमा धोवण जरख पर चढ'र आवैली अ़र तेरै बापु री ज्यूं तेरा भी कान काट लेसी । टावर रोवतो रोवतो अ़ेक दम चुप व्हैंग्यो ।

दादी डोकरी रो मोरण जमीन ऊपरां विखर नै रैयग्यो । बा पाछी प्याऊ मांय गयी अ़र 'दूसरै दिन सूं दादी लापता । अ़र वो बाबाजी भी दूसरै दिन आपरो धूणो छोड़ग्यो' ! 'वस आ इज कहाणी है !

—बाबा ?

— हूं !

—दादी डोकरी स्यात बाबाजी रैं साथै'.....

— नी वेटा, तनै सुण'र अ़चम्भो व्हेलो दादी डोकरी अ़र वो बाबाजी तो जितरा दिन अ़ेक ठोड़ रैया आपस मांय बोल्या भी नी ! दादी डोकरी बाबाजी रैं साथ नी भागी !

—तो ?

—आगै सुणणो न तो तेरै हित मांय है अ़र न इज स्हारै !

—नीं बाबा, थानै बतावणो इज पड़ैला । बाबो बात टाळतो रैयो पण म्हे भी जिद्द पकड़ली ।

आखिर मांय बावै न वतावरणी ईज पड़यो, बोल्यो, तो वेटां सुण—दादी डोकरी री ल्हास सातवें दिन चूल्ही भर री वणी मांय बाबाजी न मिली । वा भूख अर तिरस सूं तड़फ तड़फ'र मरगी ।

—तो वो बाबाजी ?

—वो बाबाजी बीरो घग्गी हो !

—जमाल ?

—हां वेटा जमाल ! जद वो गांव हाळा न पिछाण लाग्यो तो बीं रं घणो पिछतावो हुयो । वो आपरी घोवण न हूँढण निकल्यो ! पण सलमा न अँड़ी सुखी देख'र बीं री हिम्मत नीं हुयो'क वो बीं सूं वतछाले ।

अब तो जिनगाणी मांय अ्रेक इज मनस्या बाकी हैं बीं री कवर ऊपरां सिझ्या दीवो चासतो रैवूँ ! अर खुदा सूं आ इज अरदास कहं क म्हानै अँड़ी ठोड़ म्हारै जठै पाणी भी ती मिलै ! अर म्हारी ल्हास म्हींना तक सिड़ती रैवै ।

—क्यूँ ?

—क्यूँ'क म्हारो इज नांव जमाल है !

—हैं ss ! ज मा ल .. ! म्हारै मन मांय काई भाव निपज्या नी वता सकूँला बस जाणो भावां रं जुवान नी ! पण दादी डोकरी री अँड़ी जिनगाणी ऊपरां म्हारी आंख्या सूं आंसू भरग लाग्या !

वो बूढो बोल्यो—रोवैला तो सलमा घोवण कान काट लेसी ।

सांची जाणियो म्हारा आंसू इतरो सुगतां इज अपण आप धमग्या ! आगलै छिण म्हानै म्हारी भूल रो ठा भी पड़ग्यो ।

पण जद बीं बुढै री आंख्या मांय आंसू देख्या तो म्हारै मूँड़ै सूं अपण आप निवळग्यो ।

—बाबा रोवैला तो दादी डोकरी कहाणी नी सुणावैली ।

पण बीं बुढै रं पड़ुत्तर सुण'र म्हे सुन्नो व्हैग्यो ! बीं रा आंसू नी धम्या, टप टप भरता रैया ! अर वो कैवतो रैयो—नी, वेटा नी, न तो म्हानै कहाणी सुणण रो चाव है अर न इज म्हे टावर हू जिण न अँड़ी बात कैयनै भुळावणो पड़ै ।

जद म्हे जाण्यो, दादी डोकरी हमेसां हमेसां रं खातर मरगी । पण जद जद भी टावर रोवैला सलमा जी उठैली । बीं री आतमा आपरी कवर रं ओड़े छेड़ै इज चक्कर काटती रैवैली ।

रोड़ा तो फोड़्यां सरसी

—उमाचरण महमिबां

अन्तस री पीड़ा हमजोली
ज्यूं असल नीम री नीमोली
काची आ खारें जै'र जिसी
पाक्यां जाणै मिसरी घोली

—बस्तीमल सोलकी

बाजू थामणै थमवाणै री बात पाछै । पैत्यां लड़खड़ाता मयकशां रै लड़खड़ाणै रो कारण । बात वारुणी अर तरुणी री नीं, बात नीमोली अर मिसरी री वी नई । म्हारो मतलब राजस्थानी साहित्य रै नशीलै सोमरस पीवण हाळा सूं है जिका साहित्य रै मैखानै में आ'र लड़खड़ा ज्यावै । साहित्य रो सोमरस पी कर तो नप्या—तुल्या कदम राखै, सरपट भागै अमर हो ज्यावै, नीमोली नै मिसरी बणा सकै । लड़खड़ा नई सकै । ईं रो कारण तो दूजोई दीसै । साफ बात बताऊं—आंगणै में, रास्तै में, इन्नै-विन्नै रोड़ा पड़्या है । इण रोड़ा सूं टकरातां साहित्यकार रा चरण छुलग्या लहलुहान होग्या । लड़खड़ावै नईं तो के कथक डांस करै ?

थारी बात सोळाना, सी पीसा सही है कै आंख खोल'र पुरो चाक चौबन्द हो'र चालणो चाये । फेर साहित्यकार तो के साहित्यकारां रा पोता-पड़पोता तक नईं लड़खड़ावैला । पण साहित्यकार रो धरम-करम रास्तै चालणो ई नईं, रास्तो बणाणो वी हुवै—सो रास्तै रा भाड़-भंखाड़, रोड़ा-पाथर तोड़्यां-फोड़्यां ई बीं री सारथकता हुवै ।

राजस्थानी भासा अर साहित्य री सुनैरी मंजिल ताणी पूगणों तो दूर, ईं रै रास्तै रै आरंभ में ई सबसूँ मोटो रोड़ो अड़र्यो है राजस्थानी भाई-भैणां रो नजरियो । टावर री नाळ काटतां सागै खाता-पीता राजस्थानी घरां रा लोग या चावै कै म्हारो टावर अंगरेजी में इ हालै-डोलै, अंगरेजी में ई रोवै-हांसै अर अंगरेजी में ई

बोलै-चालै । टावरों की सिच्छा-दिच्छा कानवेंट या पब्लिक स्कूलों में करावै । जौं सँ आगँ जाँर वी रो रूतबो बघै, आमदानी रा साधन बघै । जिका कानवेंट अर पब्लिक स्कूल रँ खरचँ सँ डरै वँ वी या ई चावै कै म्हारो टावर अंगरेजी नई तो हिन्दी में बतळावणो तो सीख ई ज्यावै । राजस्थान में इसी कितणीक स्कूलों है ज्यामें टावरों की शिक्षा राजस्थानी भासा रँ जरिये होती हुअ ? भासावां सीखणो भोत आछयो काम है अर रास्ट्रीय भासा हिन्दी सीखणो-पढणो तो हर भारतीय नागरिक रो करतव है पण आपरी मां की हत्या करैर दूजी रँ गोद जाणो, कठै लग ठीक है ?

तो सवसँ पैल्यों आपां नै आपणै वारँ में सोचणो है । आपां कद तक खुद सँ दूर भागता फिरांगा ? पैली समस्या तो खुद मिनख हे—राजस्थानी लोग है—जिका आपरै राजस्थानी होणै पै गरब नई कर सकै । ‘जमानो कितणो वी नयो हो,’ रिचार्ड लिविंगस्टन रँ सबदां में, “असली समस्या तो मिनख हुअ, नई समस्या कैल्यो चाये पुराणी, क्यूँ कै तथाकथित नयी दुनिया इतणी नयी नई है । मिनख जूए गावा बढल सकै, सुभाव नई बढल सकै । आदम’ किसी ई सोणी अर पेचीदी पोसाक पैर ल्यो, अर रवैगोतो दो ई ‘आदम ।’”

आपां, राजस्थानी लोग, कठै ई चल्याजावो, रँल्यो, क्यूँ वी पैरल्यो, बोलल्यो—चालल्यो, रँवांगा राजस्थानी ई । सो क्यूँ ना आपां आपणी भासा रो रूतबो बधावां ? आपां सौ में सँ अट्टाणवै लोग घरां में राजस्थानी में बोलां-बतळावां पण राजस्थानी में लिखणै-पढणै नै तो सौ में सँ साठ जणां सिर दरद सँ कम नई समझां ।

या ई बात राजस्थानी रँ लेखकां (राजस्थानी भासा रा लेखक नई)

सारू—

अन्तः शाक्ताः बहिः शैवाः

सभा मध्ये च वैष्णवाः ।

नानारूप धरा फोलाः

विचरन्ति

महीतले ॥

राजस्थान रँ हवा-पाणी में सांस लेवणिया, राजस्थानी मोठ-वाजरो खाव-णिया, राजस्थानी भासा में लुगाई-टावरों सँ बोलणिया-बतळावणिया लेखक लोग राजस्थानी भासा में साहित्य सिरजन करणो मां सरस्वती रो अपमान समझै । वँ राजस्थानी छोड़ और कई भासावां रा ‘स्थापित साहित्यकार’ कुँवा र्या है । पण आपरी निष्ठा भासा खातर बां रँ काळजै में कोई दरद-पीड़ नीं । राजस्थानी भासा में लिखतां बां की स्याइ की दवात दुळज्यावै, कलम टूट ज्यावै-या बजार में कागजा रो तोड़ो ई पड़ज्यावै ।

जीं देस में 'मातृ देवो भव' हो वीं देस में 'मातृ भाषा देवो भव' वी जरूर मानणो चाइजै । मा, मातृ भाषा अर परमातमा एक दुजै रा पर्यायवाची सबद हुअै । एक बात हूं ओइ 'दुसराऊं' के पड़ोसी-विदेसी री सेवा करणो बुरो नई—भांत आछ्यो है, पण आपरै मां-बाप कानीं सूं आंख भींच कर चाल पड़णो इन्सानियत रै गैलारथी रो धरम नई ।

तळसूं-मळसूं करणै सूं काम नई चालैगो । सांच कदै कदै कड़ुवो वी हो ज्यावै । ये कुतरक सुणतां-मुणतां जुग बीतगा—राजस्थानी इज नाँट ए लैंग्वेज एट ऑल । इट्स ऑनली ए डायलैक्ट 'राजस्थानी के पास अपना कोई शब्द भंडार नहीं है—कोई क्या लिखे ? इस भाषा में मूँ को तो अभिव्यक्ति और सप्रेसणीयता के कोई चांसेस नजर नहीं आवै है

भाई लोगो ! परमब्रह्म परमातमा कुणसी भासा भिनखां री मुट्ठी में मार'र बोल्यो कै धानै ईं विसेस भासा में साहित्य रचणो पड़ैलो नईं तो सुरग-मोच्छ रो पासपोर्ट बीसा बन्द कर देऊला । अर कुणसी भासा साहू सबद, कहावतों'र मुहावरा सावण-भादुवै मांय मे'सागै वरस्या हा ? भासा नै बणाणो, संवारणो अर सजाणो तो लेखकां रै वित्त रो ई काम हुवै ।

राजस्थानी भासा रो लेखक तै नईं कर पावै—मारवाड़ी में लिखां कै दूँढाड़ी में, हाड़ीती में लिखां कै वागड़ी में, मेवाती में लिखां कै उण में ईं इण में—उण में जूण पूरी करणै सूं पैत्यां राजस्थानी भासा रै समंदर सूं गळै मिलती इण नदियां नै वी निजर भर कर देखणों-समझणो सबदां रै चितैरा रै हक में हुवैलो । गंगा नै दिसा बतावणियो वी आगै-आगै चालै हो । नईं तो वा दगदगाती नदी परळै मचा देती, कै तो जठे तक जाणो चाइजै हो वठे तक नईं जा पाती, कै जको उपकार वा आज कर पा रो है वो नईं कर पाती । कैणैरो मतलब यो है कै इण सांपरत बोलियां रो सांगोपांग विसलेसण, वैज्ञानिक अव्ययन अर संसलेसण-समनवय करणै रो बीड़ो ठा'र आं री एकदृपता ठो'र एक इसी राजस्थानी भासा रो निरमाण करणो पड़सी जिकी राजस्थान री च्याहं दिसावां छु सकै अर सांपरत राजस्थानी लोग वी में लिख पढ़ सके ।

लेखकां रै सामै तो सबसूं मोटो रोड़ो पड़्यो है प्रकाशन रो । किला-टणा कागज जै राजस्थानी भासा में काळा कर वी ले तो छापै री मसीन री स्याही रो पक्को रंग चढ़णै रो ई सांसो । इण्या-गिण्या तो छाप-वा में वी मरुवाणी, 'ओळमो', 'दीठ' हरबळ, जागती-जोत जिसा सुद्ध राजस्थानी भासा रा छाप तो आंगलियां माथै गिण्या

जा सकै । अर पोथी ? राम भजो ! कुण प्रकासक आपरै दीवाळिये नै न्यूते ? खाली राजस्थानी रो लेखक हो'र घर-गिरस्थी में लूण-तेल-लकड़ी रो जुगाड़ ई को कर सकै नी । मोटा पुरस्कारां रो बात तो जाणदयो, मीनताणो तो हर चीज में चाये ।

लेखकां रो आसा कै'ल्यो या इच्छा 'कै वै साहित्य-सिस्टी में आपरी पिछाण झोलखाण चावै । लेखकां रो एकमात्र प्रेरणा तो बां रा पाठक ई हुवै पण समीक्षक आलोचक ई वानै सही पिछाण-रिकाग्नीशन—दे सकै । यो राजस्थानी भासा रो बढोतरी काल है सो समीक्षकां नै ई में योग देणो चाये, रोड़ा वण'र अड़ ज्याण रो शान बघारण में के घरयो है ? समीक्षकां रो खरी-खारी बातां लेखकां रो चछाह बढावै, लिखण खातर नुयो जोश देवै । पण जद समीक्षक लोग आपरा निजू थोथा खयाल, रूढ नजरिया अर अधकचरी भावनावां रै मापदण्ड सून सिरजन नै तोलण लाग ज्यावै वो तो सुकरात अर मीरा साखं भरयोई दूध रा प्यालां में जहर मिलाणै स्यारसो हुवै । पुराण पंथी समीक्षक जद नुअै साहित्य रो मूळ भाव पकड़ नई सकै जणा किनारै बैठ्या पींदै रो टो लेण रो सांग भर आपरै जंग खायोई अनुभव अर घणी लाजवंती कलम सून यो निरण थोप देवै—'आं पात्रां में,' कहाणियां रो समीक्षा में वै लिखै, 'कोई लाज-सरम को हुवै नी, (सरम तो आ'रा चरित पढ'र पाठकां नै आवै) प्रयोग रै नांव माथै चालण बाळं इसे सुगलवाड़ै सून संसार रो सगळी भासावां ने वचणो चाइजै ।' ई उदाहरण सून साफ दीसै कै समीक्षक कोठक बन्द बाक्यां में सरमातो बैठ्यो पाठकां नै भेड़ समझ'र कैवै—म्हू तो सरमाऊं, थे बी सरमाओ क्यूं कै थे नई सरमाओगा तो बी थारो ठेकेदार वण'र म्हूं खुद ई मुनादी फेर देऊंला कै 'सरम तो आं रा चरित पढ कर पाठकां नै...'

तो सीधी सी बात है—समीक्षकां नै समीक्षा करती वखत सांपरत पाठकां रो ठेकेदारी करण में समै बरवाद न कर आपरै काम सून काम राखणी चाइजै क्यूं कै लेखक सिर्फ समीक्षकां ताई नी लिखै । वो तो पूरै समाज रै रूप-रंग-धव्वा-चकता रो चितेरो हुवै ।

हां जी, कुछ लोग राजस्थानी साहित्य रो नाव रा नाखुदा खुद नै समझण लागया जिको सबद वै घड़ दे वो सही अर बाकी सब गलत, जिको वाद या लिखण रो ढंग वै मंजूर करै वो सून अलावा और कुछ होई नई सकै जी । 'म्हारो म्हारो दूध—थारी-थारी छा' रा नारा लगावणियां सून 'राजस्थानी भासा रो रिच्छा करणो लेखकां अर पाठकां रो करतव्य ई नई अधिकार बी है ।

राजस्थानी साहित्य नै पढणौ सिर दरद, पोथियां नै खरीदणो फिजूल
 लुचं अर दो पर सोचणो-विचारणो समै री वरबादी समझणियां पाठकां खातर
 देतवां रो करतव हुवै कै वै पाठकां री मांग अर रुची रै मुजब, भासा री मांग रै
 गैल, जमानै री मांग रै गैल नयी दानगी, नया व्यंजन लेख, कविता, कहाणी, नाटक,
 रपट, अनुवाद, रेखाचित्र इत्याद-वड़ल्लै सूं सिरजै । पाठक वी आपरी मायइ भासा
 खातर इतो तो काम करै कै वै इसइो माहोल तयार करण में मददगार साबित हुवै कै
 लेखक अर पाठक एक दूसरै नै श्रीपरो मैसूस नई करै । लेखकां-पाठकां री जोड़ी ई
 भासा अर साहित्य, समाज अर संस्कृती रो संगम करा सकै । जोड़ी नही हुवै तो—

गाड़ी पड़ी गुवाड़ में,
 पगां उभाणी जाय
 वेटी वैठी वाप के,
 को चैला कुण दाय ।



भरणो अर गुणो

—प्रजुनसिंह सेखाबत

राजस्थानी में का'वत है कै 'धोक्त विद्या अर खोदत पाणी !' मतलब के पढ़ण रै पछै उण माथै सोचणो, विचारणो, मनन करणो मंथण करणो अर उणरै बल वृता माथै नुवां विचारां नै जनम देणो जिको जमाना री मांग पूरी कर सकै, कोई भी बात घड़ी घड़ी घणी गे'राई में चिभकी मारां, टुण्डै पूगा तो मोती हाथ लागी खाली पड'र परीक्षावां पास करनै डिगरी लेवण रो नांव पढ़ाई नी है। सूमटा ज्यू' रट नै बोलणो के लिखणो विद्या कोनी। जिको भी ज्ञान बकस्यो जावै वो बुद्धि में पचणो चाइजे अर वो करम नै आचरण में उतारणो चाइजे, चरितर में ढळणो चाइजे। मोटा मोटा भापण देणा अर बडा बडा लेख लिखेणा, मामूली बात है पण उण माथै चालणो खांडे रो धार है। भिनखां री प्रकृति कैई भांत री बहै, उणाने ज्ञान रै हिसाब सूं तीन पंगत में बांट सका हां—बुद्धिमान, विद्वान अर ठोट।

बुद्धिमान उणनै केवणो चाइजे जिण में कुदरत सूं काफी सोचण समझन री दिमागी-ताकत बहै, वे आपरी गांठ री अकल हुसियारी सूं सोच-समझ सकै। थोड़ा-सा ईसारा में बोट कुब समझ सके। बिना पढ़्या भी बांरी अकल भोत कुछ काम कर सके। गामड़ियां में सैकड़ां इस्यो प्रतिभावां हई जिणनै सिक्का दीक्का री मौको नी मिलण सूं मुल्क नै लाभ नी वे सकियो, नीतर संकड़ू, गांधी, रविन्दर अर तुलसी जैड़ा विद्वान रहेला।

विद्वान उणनै केवणो चाइजे जिणरी बुद्धि विद्या पढ़ण रै पछै जागै अर अकल उपजै, नुवां ज्ञान रे अनुभव अर कमाई रै पांग समाज री सेवा करै। ठोट उणनै केवणो चाइजे जिको पढ़ाई रै बांद भी जिणरे काई पण पल्ले नी पड़े अर अकल भी पूरी तरै काम नी करै। इण सब बातों रे लारै भी पाछेल जन्म रा संस्कार भी काम करै। मारवाडी में कैयां करै है के बिना कैयां हियारै उपज सूं जो काम करै

वो देवता, कैया पछै करै वो भिनख अर कैयां पछै भी नी करै वो महाठोट भोट नै उफोल ।

इण खातर मास्टरां रो फ़रज है के वै आपणै मुलक री नुंवी पौध नै ज्ञान री गंगा री पांण सूं सींच'र चोखै सूं चोखो फल देस अर समाज रै सामे निजर करै । मास्टरां रो ओ काम कम नी है । पुरानी का'वत के 'सोटो वाजै घमघम नै—विद्या आवै घम घम' पण अवै वो जमानो नी रियो । मास्टरां अर टावरां रै माय बाप रो फ़रज है के वे इण बात री बराबर नित नित जांच करता रेवै कै जो कुछ भणायो है उण मुजब वो टावर हालै भी है के नी । धरमराज रै ज्यूं विद्याथियां नै भी विद्या घोकर आपणे आचरण में उतारणी चाइजे, खाली पोपट ज्यूं रट्योड़ो ज्ञान काई काम रो कोनी । ज्ञान ने बुद्धि में पचावणो, नुंवा अरथ उगावणा अर नुवां जमाना अर टैम ने देखनै ओसर रे मुताबक नुवो परयोग करणो चाइजे, जद देस री भूख भागै । भूख भी तीन भांत री व्है—पेट री भूख, बुद्धि री भूख अर आत्मा री भूख ।

पेट री भूख नित रोटी-चाटी खावण सूं बुझै । दिमाग (बुद्धि) री भूख नित पढ़ण सूं बुझै अर आतमां री भूख नित परमात्मा री प्रार्थना सूं बुझै । जिण भांत आपां व्यालू करां तो वो जद सफल व्है जद भोजन रो रक्त-मांस आपारै डील में वण जावै इणी भांत भणियोड़ी बात जद फळ जद वा गळै उतरै, काल जै लागै अर जिन्दगाणी में फ़ूटण लागै, पलकण लागै, भांकण लागै । हर काम माथै ज्ञान री छाप पड़णी चाइजे, दूजां माथै उण रो परभाव पड़णो चाइजै, ज्ञान-कर्म री मसाल री जागती-जोत सूं समाज में लोगां रो मारग दरसण करणो चाइजे, नीतर लोग केवेला—भणिया पण गुणिया कोनी ।

आज रा जमाना में कितांक इस्या गुरू चेला है ? हिये कांगसी फेरां तो आ बात गैरी विचारवां री है । इण कमी नै मिटावण सारू अलख जगाणो पड़सी, जागरण करणो पड़मी । ज्ञान तो गैरो सागर है इण में जिको मानखो गोतो लगावै उणरै हाथ हीरा आवै, जिको ऊगर इज तिरतो रेवै वो मनख-जमारो एळ गमावै । कूण कितरो गेरो पूग सकै ज्ञान अर वेवार में, वो वगत इज वता सकैला कै कुण कितरो सफल 'व्है जिन्दगी में इण खातर एक कावत सांगोपांग है -

'बळ बछेरा डीकरा, निवटियां परवाण'

जो लोग केवे के—'पूत रा पन पालणे ही दीखै' पण आ बात पूगी री पूरी कोरी गळै नी उतरे, रुचै नी, पचै नी बात नै भाटो वैठावां ज्यूं वैठे । आ बात

तो सही लागै कै—'ऊगतां धान री पानोळी सामै दीखै, पण वाद में जावो पड़ जावै कै रोळी लाग जावै कै खाली बायरो वाजै आ कुण कै सकै । आ इज बात टावरां रै वास्ते अर बातावरण रै वास्तै लागू व्है ।

पूजनीक विवेकानन्दजी महाराज अमरीका में बकाए देतां थकां एका'र फरमायो हो कै—“आपरै देस में छोपा (दरजी) मिनखां नै बणावै अर अमीणां मुलक में सिक्सा—दीक्सा रा संस्कार मानवी नै बणावै” मुतलब हुयो कै विलायत में मिनख पणा रो तोल मोल कपड़ा—लत्ता सूं करै पण भारत में मिनखपणो उणरां करमां सूं आंकै, बिद्या मानवी रो असली अर सांचो गेणो है—

'पोथ्यां पढ पढ जग मुआ, हुआ नी पढत कोय ।

ढाई आखर प्रेम रा, पढ़ै सो पंडत होय ॥

बिना ज्ञान रे करम आंधो व्है अर बिना करम रै ज्ञान पांगळी व्है जावै, दोनू अेक दूजा रै पांण इज फूटरा दीसै, इण वास्तै ई अवै बो टेम आयग्यो है कै करम कंवर रो ब्याव ज्ञान सिंह सूं करावणो पड़सी । दोनू रै मीठा-मिलण सूं इज मानखां रो मंगल व्है सकेला । हैटे मांडियोड़ो दोहो म्हारे हिये लागै—

कथनी मीठी खांड सी, करणी विस री लोय ।

कथनी ज्यूं करणी करै, तो विस सूं अमरत होय ॥

म्हारा भूंगा मोठ्यारां ! केवणो किस्मोक सोरो है—वे होठ भेला किया, जीभ मुंडा में माछळी ज्यूं उछळती—फिसळती फटाफट आकास-पताल री बातां वारै फेंक देवै पण केवै ज्यूं करणो खाण्डे री धार है साथै ही किरारै कालजै लागी अर किरारै नी आ कुण जाणै, खुद पोते भी उण माथै नी चालै—आप गुरूजी वंगण खावै दूजां नै परमोद बतावै । कथनी ज्यूं करणी करै कुण ? नी केवण आला नी सुगुण आला । नेतावां रा लांवा लांवा भासण सुणतां सुणतां आपरा कान पाक गया व्हैला पण कित्ताक ऐड़ा नेता है जो वे खुद केवै ज्यूं कर'र बताया हुवै । आइज सबसूं कुमी आज री पढ़ाई री है के खाली पोथी रो थोथो ज्ञान रटा देवै । यरीक्स्यावां में विद्यार्थी पाछी उल्टी कर देवै । हर साल सैकड़ा टांवर पढ़'र डाक्टर, बैद्य, हकीम, इन्जीनीयर मास्टर कलैक्टर, वावू, पटवारी, ग्राम सेवक आदि वणै अर लांखां नै विस्वविद्यालय डिगिरियां देवै अर वे डिगिरियां नै भूंगली कर'र, सड़दां पर पग रगड़ता, आफिसां रा दरवाजा खटखटाता फिरै, बैकार बैठै हैरान व्है । ओ दोष सिक्सा रो है कै जिन्दगाणी

रे उपयोगी नै जमाना अर टेम मुजब हूणर री सीखावै, धंधो कोती सिखावे, मिनख नी बणावै, जिण कारण सून वेकारी, गरीबी, बीमारी, अस्टाचार आदि फैल रियो है, इण वास्तै आज धरम करम, नीति, उद्योग अर मिनखपण री सिक्सा-जरूरी है, इण मार्ग जोर देवणो जरूरी है ।

आखर नीचोड़ निकले कै जो कुछ पढ़ा उरानै समझणो चाहिजे, उरा मार्थे ऊंडो विचार करणो चाइजे, नुवां जमाना अर नुवां बदलता टेम रे सागै उण में नुवां अरथ रा दरसन करणा चाइजे, नुवां अरथ उपजावणा चाइजे । अनरथ नी करणो चाइजे । हजारों नित नुंबी पोथ्यां अर अखबारों री विरखा सून आपणी अकल हुसियारी सून नुवां ज्ञान रे कातीसरा री फसल उपजावणी चाइजे, ज्ञान रो करसन मन री जमी पर बुद्धि रे खेता में निपजावा री पैल करणी आपणो फरज है, जद आपणै अन्तस में बुद्धि री पूनमियो चांद उगसी, अज्ञान रा बादळा फाटसी, अधारो मिटसी, नुंबी जिन्दगाणी री परभाती मुळकसी अर आप इण जनम में भी नुंवा जनम अर नुंबी जिन्दगाणी रो अनुभव करस्यो, ज्ञान रै रूखां करम रा मीठा फल लागसी आपणो विचारवां की तीर तरीको अर दुनियां में देखण री निजर पळट जासी, कोण बदल जासी, क्यूंकै आपां राता रंग रो चसमो लगा'र देखां तो दुनियां सारी राती चोळ दीसै अर पीले रंग रो चसमो चढा'र देखां तो सगळो सिसार पीळोपट्ट दीखै अर काळो चढा'र देखां तो सगळी दुनिया काली-किट्ट दीसै पण वाकइ में सिसार कैडो है ओ पतो जद लागै जद घोळो चसमो पै'रा तो सिसार जैडो है वैडो दीसै, वस ओ घोळो चसमो इज सही सांचै ज्ञान रो रूप है ।



राजस्थानी वीराख्यान

—डा० प्रतापसिंह राठौड़

भारत की इतिहास प्रसिद्ध वीर भीम राजस्थान भारत के उत्तरांचल-आधुनिक भाग में पड़े हैं। अठै रा सूरवीर अर सतियां संसार में विख्यात हैं। अठै एक सूर एक नामी जुघवीर, दानवीर, धरमवीर अर दयावीर, सतवीर, प्रेमवीर, कर्मवीर, तपवीर अर त्यागवीर हुआ है। वीर-पूजा रणभीम राजस्थान की मूल भाव रखी है। राजस्थानी नारी की आ गवं भरी कामना सरावण जोग है:—

जननी जणै तो दोय जण, कै दाता कै सूर।

नीतर रहजे वांझड़ी, मती गमाजे तूर ॥

राजस्थान की सूरवीर साका कर'र जूझार हुआ है तो सतियां जोहर कर'र आपरै धरम अर सत की रिच्छा करी है। गांव-गांव में आं लोकवीरां की लोक देवतां के रूप में मानता है। आं वीरां की आख्यायिका लोगां की जीभां पर विराजमान है। सूरों अर सतियां की प्रशंसा में प्रचलित अर वीर गाथावां गद्य पद्य अर चम्पू शैली मांय मिली है। राजस्थानी भाषा मांय लिख्येई आं वीराख्यानां की आधार ऐतिहासिक घटनावां है। काव्य स्वरूप, या विधा की द्रिस्टी, सूर अर दूहा, गीत, चरित बात, ख्यात, रासो विलास, प्रकास, रूपक, वेलि, वचनिका, भूलणा, कवित्त, छप्पय, नीसांणी अर कुंड-लिया आदि रूपां में मिलै है।

राव रिणमल की रूपक, राव चन्द्रसेन की रूपक, गुणरूपक, गजरूपक, गोगादे की रूपक आदि रूपक वीर काव्य है। राजप्रकास, सूरजप्रकास, केहरप्रकास, कूर्मवंस यशप्रकास, पीरप्रकास, प्रकास संज्ञक रचनावां हैं। राजविलास, अभयविलास, विजय विलास, भीम विलास, बलवत विलास आदि विलास संज्ञक काव्य है। राव जंतसी की रासो, शत्रुसाल रासो, बिन्है रासो, पृथ्वीराज रासो, रतन रासो, राणा रासो, हम्मीर रासो, प्रताप रासो, रासो-काव्य है। रास अर रासा नांव सूर भरतेस्वर बाहुबलि घोर

राम भग्नेश्वर बाहुवनि राम, लावा रासा, अर क्यामरखां रासा है। वचनिका अच्छ दास खीची री, राठौड़ रतनसिंघजी महेशदासोत री अर स्थान किशनगढ री तीन प्रसिद्ध है। रणमल्ल छंद, पावूजी री छंद अभय भूपण, पावूजी, कल्लाजी, लाखै फूलाणी, महाराणा प्रताप, राव अमरसिंघ, दुरगादास, जयमल, पत्ता अर सेखाजी रा हूहा घणा विख्यात है। देवीदास जैतावत री वेलि, रतनसिंघ खींवावत, उदैसिंघ, चांदाजी, रायसिंघ, सूरसिंघ, पावूजी, अनोपसिंघ अर भाटी सैतानसिंघ री वेलि आदि वेलि नांव रा वीर काव्य है। डिगळ गीतां री संख्या तो हजारों ई है। वगड़ावत, पावूजी रा परवाड़ा, तेजाजी, गोगाजी री गाथा निहालदे सुलतान अर इंगजी-जवारजी री पड़ वीर रस रा मामि लोक काव्य है।

राजस्थानी वीराख्यानां रो वर्गीकरण रचना शैली, आकार-प्रकार, वीर रस अर रचना-उद्देश्य रै आधार पर कइ जा सकै है। वीराख्यानां रै उद्भव रो मूळ कारण वीर पूजा री भावना है। ईं भावना में समाज री परिस्थितियां रो हाथ रैयो है। मरुधरा रै मैदान में मंडती मौत री हाटां में मरण त्रुंहार मन-वणियां वीरां रो जस चारण, भाट, मोतीसर अर -ढाढियां खुलै दिल सूं गायो है। ठीक ई कैयो गयो है—

मंडती हाटां मौतरी, मुरधर रै मैदान ।

मूंड कटै लड़ता मरद, अनमि वीर कुल जाण ॥

सिस्ट अर लोक साहित्य दोनूं रूपां में प्रवन्ध अर मुक्तक काव्य मिलै है। समय-समय पर आं रै स्वरूप अर आकार में परिवर्तन परिवर्तन हुतो रैयो है।

राजस्थानी वीराख्यानां रो सामान्य विसेसतावां—

कथानक या कथावस्तु सम्बन्धी विसेसता अै है—

१. वीरता अर शौर्य रो चित्रण—पैली विसेसता है। राजस्थानी वीराख्यानां रो प्रधान विसै वीरता, दानशीलता, धर्मप्रियता, त्याग, सरणागत रक्स्या अर गौरक्स्या आदि राजस्थान रै सांस्कृतिक आदरसां रो वर्णन है। ईं कारण इयां वीरां री कर्नल टाड जित्या विदेशी वी मुक्तकंट सूं प्रसंसा करी। राजस्थानी वीरां री वीरता विस्व-विख्यात है।

२. नायक-प्रतिनायक-वीराख्यानां में चित्रित नायक प्रतिनायक प्रायः राज पूत राजा, राजकंवर, सामन्त-सरदार, मुगल बादस्या अर साहजादा है। आं रै आपसी झगड़ां रो वर्णन अर फड़कता चित्र सरावणजोग है जकां रो मूळ कारण धर्म, गी अर सरणागत री रक्स्या है। देस प्रेम अर प्रण-प्रतिग्या है। वैर सोधन अर राजलिप्ता है।

३. वर्णन की सजीवता और ऐतिहासिकता—वीराख्यानकार चारण, भाट, राव लड़ाई भगड़ा में की साथ रैया है, लड़्या है। आख्या देख्यो वरणन होण सूं आं काव्यां रो वर्णन सजीव, सांगोपांग और प्रामाणिक है। कलम रै साथ तरवार रा घणी होणा आं कवियां की अनोखी खूबी है। पृथ्वीराज रासीकार चन्देवरदाइ, बिन्है रासो रा कवि राव महेसदास, सूरजप्रकास रा रचियता कवियां करणीदान राजरूपक कारवीर-भाण रतनू और वचनिका रतनसिंघजी राठौड़ महेसदासोतरी का कवि खिड़िया जंगल खुद जुधभोम में साथ हा। वीरां की वीरता, पराक्रम, साहस, निडरता, बार-प्रहार, हुलास, रण संजग, सिधुड़ा, घोड़ां की हिणहिणाट, हाथ्यां की चिंघाड़, घायलां की चीत्कार और वावन भैरव चौसठ जोगण्यां रो आगमण, भीषण जुद्ध और भागदौड़ रा मूं बोलता चित्र वीराख्यानां में भर्या पड़्या है। नगर, पणघट और वाग-वगीचां रो की प्रसंगवस वरणन है। पावूजी, तेजाजी, बगड़ावत कान्हड़दे और आल्हा-ऊदळ रै वीराख्यानां में कवन्ध-जुद्ध रो वरणन घणी सांतरो और लोमहरसक है।

४. सामन्ती जीवन की चित्रण—सामन्ती जीवन, सती प्रथा, बहुविवाह, दहेज और आखेट रो आं काव्यां में फूटरो वरणन है। एक-एक रणवास में सैकड़ां राण्यां, दास्यां, खवासण्यां और बड़ाणां रैती। मुगल वादस्या रा हरम की वेगमां सूं भरघां रैता। डायज में दास-दासियां, हाथी-घोड़ा और गांव-जागीरां दी जाती। राजावो रै मरण पर दस-दस, बीस-बीस राणियां, दासियां और खवासण्यां सती होवती।

५. दानशीलता, धर्म रक्स्या और सरसांगत रक्स्या रो वरणन—वी आं काव्यां की विशेषता है। महाराणा प्रताप, जसवंतसिंघ, दुरगादास, राजसिंघ और सुजाणसिंघ वीराख्यानां में धर्म और देस रक्स्या खातर विख्यात है। जगदेव पवार, लाखोफूलाणी, राणी सांगो, जगतसिंघ, रायसिंघ, रहीम और टोडरमल जियां दानवीर की आं काव्यां में अमर है। चारण कवियां रै लाखपसांव, करोड़पसांव रै साथ कमीरां कारवा रै नेग और सामंत सिरदारों नै इनायत करेड़ी जागीरां और मन्सब रो वीराख्यानां में उल्लेख है।

६. सिकार, हाथी-घोड़ां की सजावट और आरती रो वरणन की आं काव्यां में मिले है। बगड़ावत भोज की घोड़ी बुवळी, नेवा की बोरड़ी, पावूजी की केंसर काळमी राणा प्रताप रो चेतक तो प्रसिद्ध ही है। राणासहर रै राव दुरजनसाल की बारात में भीर होवती टेम भोज की बुवळी घोड़ी रो सिंगार देखण जोगो है—

लाख-लाख का घोड़ी कै पागड़ा, सवा लाख की माळ ।

हीरा घोड़ी कै गळ जगमगै, गल सोनै सीस लगाम ।

चोक विराजै घोड़ी कै चौकरै, पदम विराजै पांव ॥

७. केसरिया बाना, मदिरापान, अफीम-सेवन अर अलौकिक तत्त्वां रो वरणन बी बीर काव्यां रो विसेशता है । जुद्ध अर साका रो टेम बीर केसरिया बाना धारण करता । चित्तीड़, जालौर अर सिवाणा रै साकां में सारा बीर केसरिया बाना धारण कर'र जूझ्या । पावूजो रै पावाड़ां रो 'डामो अमली' तो राजस्थान भर में विख्यात है । सूरजप्रकाश अर राजरूपक मांय कई तरै रो दारू अर मांस रो वरणन है । पावूजी जैमती, बुंबळी घोड़ी, केसर काळमी, हीरूदासी, गोगाजी, कान्हड़दे अर देवाजी अव-तारी रूप में चित्रित है । बावन भैरव अर चौसठ जोगण्यां रो रक्तपान बी वरणिता है । मध्यकालीन समाज अर संस्कृति रो हूबहू चित्रण बीराख्यानां में देख्यो जा सकै है ।

सैलीगत विसेशतावां —

१. राजस्थानी बीराख्यानां में कथानक रो सरूआत मंगळाचरण अर्थात् गणेश, सरस्वती, शिव, शक्ति अर विष्णु रो स्तुति सूं हुई है । फेर कवि-परिचय, आश्रयदाता रै पूर्वजां रो वरणन, नगर-पणघट, सरिता-सरोवर, वाग-वगीचा, हाथी-घोड़ां, रण सज्जा अर लड़ायां रो वरणन है । काव्यां रै अंत में नायक-प्रतिनायक रै मरण वाद सतियां रा द्रश्य है । आं काव्यां रो अन्त सान्त रस प्रधान है । अन्त में रचनाकाल, दिन मिति, संवत् रो निर्देशण है ।

२. रस निरूपण—राजस्थानी बीराख्यान बीर रस प्रधान है । आं में जुद्ध बीरां, दानवीरां अर दयावीरां रो सजीव वरणन है । बीरां रो बीरता, मार काट, साहस अर निडरता में बीर रस रो निखार देखण लायक है । सती-प्रसंगां में करुण रस रै वातावरण में सिणगार रस रो कल्पना आं काव्यां रो अद्भुत अर निजी विसेशता है । नायक रो मृत्यु पर सती सौळा सिणगार कर'र चिता में बैठे जण टेम रै नखसिख रो वरणन आं कवियां रो अनोखी सूझ है । सुरग में बी सतियां रै साथ सहवास रो कल्पना कित्ती मधुर, आकर्षक अर अनोखी है । जुद्धबीर रे प्रसंग में कठै-कठै ई बीरत्स रस बी आयग्यो है ।

३. सैलीगत समानता—सैली रो द्रिस्टि सूं सारा बीरख्यान गद्य, पद्य अर चम्पू सैली में रच्योड़ाहैं। वात, ख्यात, कथा, वारता नांवां रो रचना गद्य में है। रासो, प्रकाश, विलास, झुलणा, गीत, वेलि, दूहा, सोरठा अर कवित्त नावां रो रचनावां पद्य मांय अर वात,

वचनिका, कथा, वार्ता चम्पू सैली यानी गद्य-पद्य मिश्रित सैली में मिली है। बगड़ावत, जगदेव पंवार पावूजी, सरवहिया कैंवाट, लाखो फूलाणी री वातां चम्पू सैली में है।

४ छंदा री समानता—घणखराक वीराख्यान दूहा, गीत, गाथा, कवित्त नीसाणी, भुजगी, भूमाल, वेळियो, कुंडलिया, चोटक अर मोतीदाम छंदां में है। छंद मात्रिक अर वरणिक् दोनू तरै रा है। दूहा, कवित्त, भूमाल, गीत, नीसाणी अनां व सूं स्वतंत्र रचनावां की रची गई है। करंजी, पावूजी, राणा प्रताप, अमर दुरगादास, बखतसिंघ, जयमल, राव सेखा, बल्लू चांपावत अर छत्रसाल हाडा री दूहा अर गीत मिली है।

५. अलंकार योजना—वीराख्यानां में सहज स्वाभाविक अलंकार प्रयुक्त है जाण वृक्ष अलंकार लादण री कोसिस नहीं करी गई है। वंण सगाई रो सह है। अनुप्रास, अमक अर स्लेस रै साथ सन्देश उल्लेख अर अतिसयोक्ति अलंकार प्रयोग हुयो है। अलंकारों रो सरल अर सहज ढंग सूं प्रयोग आं री अपणी विससता है।

६. भासा—सारा वीराख्यान राजस्थानी भासा में है। आं में तेरवीं विक्रमी सूं ले र बीसवीं सदी तक री राजस्थानी रा कई रूप मिली है। बाहुवलि रांस जिस्यां री भासा अपभ्रंस मिलैड़ी है तो कान्हड़दे प्रबध गुजराती प्रभावित कई पर ब्रज भासा रो प्रभाव बी है। प्रताप रासो, विन्ही रासो अर ब रासो में ब्रज अर राजस्थानी रो मेल है। भासा योजना प्रसाद अर मिठास अर अपभ्रंस सूं ले र खड़ी बोली ताणी रो भासा-विकास काव्यां में है। राजस्थानी भासा विकास क्रम अर रूप-परिवर्तन रै अध्ययन खातर श्री भणार महत्व जोग है। वाक्य अर आकार रै अंतर रै अलावा विविधता में समानता वीराख्यानां री बड़ी भा विससता है। साहित्य, समाज, भासा अर संस्कृति हर तरै वीराख्यानां रो अध्ययन जरूरी है। राजस्थानी भासा, समाज अर संस्कृति रो पुरो लेखो-जोखो आं काव्यां में मिली है।

सावचेत जीणो

—नटवरलाल जोशी

सांस तो सगळ्या लेवै है-पण जिकनै जीणो कवै है, बै कत्तांक जीवै है ? गिरणी तो मिनख जीवै है, बाकी तो सांस लेयर आपरी ऊमर बीता देवै है । हर पळ दिये सावचेत रहैर जीणो रो आनन्द ई दूजो है । अक-अक छिण रो मजो लेर जीवणिया वन भाग हैं । वीया तो जिका चालै जिका कठैन कठै तो पूगो ई है, पण अक लक्ष्य वगार-वी लक्ष्य तक पूगणियां कत्ताक ? छिण छिण सावचेत रैणो कत्तो मुसकल कत्तो कठिन अर कत्तो दोरो है । चेत विना चालणिया कठै रा कठै पूग ज्यावै है । ई दुनियां में अड़ा मिनख भर्या पड़्या है, जिका सपना तो ब्यू ई वणनै रा लिया हा-अर होग्या वयू ई । नेता वणणियो-कलम घसै है, वकील वणणियो मास्टर है; मास्टर वणनै रा सपना देखणियो रेलवे रो वावू है अर जज वणनैरा अरमान पालवा आळो हलवाडी । सपना सगळ्या रो सांचा कोनी हुवै, पण सावचेत-चाल्या होयवी जावै है ।

ओ 'सावचेत होणो' के है ? ओ है समै अर स्थान नै पिछाणैर, लक्ष्य अर करम री गत पिछाणैर काम करणो । मैं काई हूं ? कठै हूं ? अर मननै काई करणो चाइजे ? आं वातां नै याद राखैर काम करणो ।

अक महासय नै कोई कह दियोक तेरीं लुगाई रातनै तेरे पाड़ोसी कनै जावै है, महासयजी लाल ताता होयर तट्टु लेयर छात पर बैठगा । रात भर बैठ्या रह्या दिन में याद आई के मेरो तो व्याव ही कोनी होयो । अड़ा लोगानै काई कहवां ? खुद नै भूलैर दुनियाः लेरां हो ज्याणो के है ?

स्थान अर समै नै देखैर चालणिया निस्चै ई वद्धिमान हुवै है । अक राजाजी आपरै तीन राजकुंवारां मे से कुण सो ज्यादा बुद्धिमान है, आ जाणनै खातर अक दिन तीनुंवां नै अक कमरै में बन्द कर दिया अर वोल्या 'देखो कमरै रा किवाड में बन्द कर दिया है । किवाड खुलणै रो जन्तर ई कमरै में ई मंडेडो है-वीनै देखैर कोई उपाय

करै तो किवाड़ आप ई खुल ज्यावै । जको पैली वारै आवैगो जकै नै ई राज देवंगा । छोटवयो अक राजकुंवार तो चुपचाप बैठगो—वाकी दोतू कदै ऊपर कदै नीचे, आळ दिवाळ सारै भांकै । कोई उपाय जन्तर हाथ आणरो नी दीखे । रात भर जागता रैया । पो फाट्यां सी छोटवयो राजकुंवार जको स्यांती सू बैठयो हो सोची के स्यात् किवाड़ बन्द ई नीं हुवै अर वो धीरे सी किवाड़ा रे घबको दियो, किवाड़ खुलगा वो वारै आयगो । बां दोनुआं नै पत्तो ई नी पड़यो । आई बात भोत वार आपणै जीवन में बी हुवै है । किवाड़ां री सांकल बन्द नीं हुवै—पण आपां प्रयत्न ई कोनी करां अर सफलतारा द्वार सदा सदा नै बन्द रहवै । जे हर मीके चेतो रहवै तो सफलता दूर कोनी जा सकै ।

पावै तो बोई है, जको पाणैरी बेथाक इच्छा राखै, महात्मा ईसा कही है के 'द्वार खटखटाओ वो अवसर खुलसी, पाणैरी इच्छा करो, अवसर मिलसी, खोजो वो जरूर मिलसी । सफलता रै खातर घड़ी घड़ी, पल-पल कठोर मैनत अर जवरी इच्छा शाक्ति री जरूरत हुवै । जका असी मैनत करै-वै के नीं कर सकै ? वारै सामै समुन्दर पाणी री अक चल्छू वण ज्यावै है, वारै सामै आल्पस पर्वत दुरलघ्य नीं रह सकै है । महर्षि अगस्त्य अर नेपोलियन बोनापार्ट ई अदम्य सकत रा ई तो पुत्र हा ।

सहायता बीने मिलै, जको दूजारी सहायता करै, प्रेम वो पावै जको दूजानै प्रेम देवै, अपणायत बीरो पल्ले पकड़ै जको दूजां नै अपणायत देवै । बिना दियां क्यूं मिलज्यावै । अड़ो ई दुनिया रो व्योहार कोनी । पण फेरूं बी बिना कामना करम कर्यां ई आत्मा नै सन्तोस अर स्यांति मिल सकै है । जीवन रो लक्ष्य बी ओई है अर ओई होवैगो चायजे । बिना प्रतिफल चायां काम करणै री प्रेरणा प्रकृति देवै है । बात स्यात आपस में विरोधी है क सबसे ज्यादा सफलता बी नै ई मिलै है जको सबसू ज्यादा निष्काम रहवै है । पण है आ बात सांची ।

जीणो अर हर छिण सावचेत होकर ई मिनख नै ऊंचै लक्ष्य कानी बघावै । हर छिण आ बात याद रहवै के मेरो आदर्स काईं है—तो हर छिण आ बी याद रहवैगी के मन्नै काईं करणो चाये अर मैं काईं करू हूं । आदर्स जतो ऊंचो होवगो सावचेतता बती ई ज्यादा रहवैगी । लक्ष्य री ऊंचाई जीवण रै पुनीत आदर्स री ऊंचाई सदा ऊंचो ले ज्यावै । हिमालै रै ऊंचै सिखरां मिनख नै ऊंचाई री ई याद रहवैली । पण खतरा बी दोत ई ज्यादा हे । जे थोड़ो सो ध्यान हट्यो तो-पताळ पूगता देरी नीं लागै ।

जीवण मैं बी आई बात है । संजम रो बान्ध जे अक छिण बी दूट ज्यावै तो सारै जीवण नै हूवा लेज्यावै । साधना रो अखण्ड दिवलो जे अक छिण री बी असावधानी हूज्यावै तो आखी कमाई रै आग लगा देवै ।

जीवण में खुशियां री फुलवाड़ी फूल तो दुःखरा-कांटा बी लागै न-पण-
सावचेत रैवणियो दोनुआं नै समान कर गिणै न-ओ तो दुनिया-यो धारी है, आ समझ-
कर दो दुःखी नी होवै । जाण-बूझर दुःखां नै हेलो बी नी देणो चायजेत अर जे आज्याय
तो डरणी बी नी चायजै । सुख मिलै तो दुःख बी मिल ज्यवै पण दोनुआं सूनिरलेप
रैवणिया ई सावचेत मिनख कह्या जावै है ।

हर परिस्थिति मांय घुटणै सून जको दूर रहवै जकोई तो वैकुण्ठ है; अर जो
वैकुण्ठ है बीनै वढ़णै सून, वढ़णै सून अर विपत्तियां रै बादळां सांय सून सुरज ज्यून कढ़णै
सून कुण रोक पायो है ? कुण रोक सकै है ।

रिसि बंधुवै, जका समै रै आगे सून देख सके देखे अर निरलेप होयर
सावचेत होयर काम करै, दुनियां रिसियां री करम सम्पदा सून निहाल हुवै । सावचेत
रहणो रिसि बणनै री ओर कंदम बढाणो है ।

बखत नगीणौ है

—कल्याणसिंघ राजावत

उगियां पैली आंध मती, जाग्यां पैली सोवै क्यूं ?
चाल्यां पैली थमै मती, हूढ़्यां पैली खोवै क्यूं ?

जीवण जीणौ है
जहर पुहीणौ है

जीव लांबौ पथ, उधारै पगां कदै नी पूग सकै
जीवण जवरी जुध, अटकती सांसां कदै नी जूझ सकै
मजलां मूँघी मरद, घणा ही खाडा खोचर आडा रै
जीवण तिरती फूल, उफणती बाढां कदे नी हूब सकै
सांध्यां पैली फौड़ मती, रांध्यां पैली ढोळै क्यूं ?
बधियां पैली तोड़ मती, नितरचां पैली घोळै क्यूं ?

धीरज धीणो है
कातर सीणो है

थाक्यां, थाक दवावै दावै, आगै कदे न बधणै दे ।
भाग्यां, भाग मची सुणतां ही, दुसमीं कदे न चढ़णै दे ।
हारचोड़ा ठारचोड़ा लोढी वांसूं कुणसा प्रीत करै—
जाग्यां जाग जावंता ही जग, जीत गीतड़ा पढ़णै दे
सुळइयां पैली उळभ मती, तपियां पैली धूजै क्यूं ?
दकियां पैली उधड़ मती, खिलियां पैली मुरभै क्यूं ?

इमरत पीणौ है
समंद विलोणो है

रोही रो वण फूल मुरझणौ, आछौ नहीं कहीजैला
 घावां रै तिरसूळ खुरचणौ, नितरा नहीं सहीजैला
 सांयत रा सो अरथ हुवो पण ओक अरथ ओ सांचो है—
 ससतर रै सामैळै जातां, पाछौ नहीं रहीजैला
 उफण्यां पैली ठा'र मती, जीत्या पैली हारै क्यूं ?
 उरस्यां पैली सा'र मती, जलम्यां पैली मारै क्यूं ?

रगत रंगीणी है

बखत नगीणी है

करतब काठी रियां जमारौ झुकसी हृद सनमान करै
 कांटा सूं पगथळियां वींधै, जद मारग अभिमान करै
 सोयां सूं तो साख घटै पण जाग्यां जगमग जलम हुवै—
 जस रा दिवला च्यारू कूंटों, पीढ्यां लग गुणगान करै
 जोड़्यां पैली तीड़ मती, हंसिया पैली रोवै क्यूं ?
 फळियां पैली फौड़ मती, बोयां पैली जोवै क्यूं ?

फरज सलूणी है

अमर पसीणी है

दुनिया री कांणी

—तारावत् 'निरविरोधक'

सावण में फागण गावै,
 फागण में सावण गावै;
 सुख में रोवै, दुख में सोवै, आ दुनिया री कांणी है !
 सै रो दुसमण एक जमारो,
 कदै न धारो, कदै न म्हारो;
 ईं समदर में आंधा-लूला अर लंगड़ा सैलाणी है !
 सीधा बोलै नही आपणां
 मीठा लागै भोत पावणां;
 घर री जोरु रोट्यां पोवै, मिसराणी पटराणी है !
 काम करै वैं ठोकर खावै,
 मिनख मसखरा मौज उडावै,
 भरता रवै चिलम रोजीना वैं ही मोजां माणी है !
 पढ़्या-लिख्या कीं जाणै कोनी,
 जाणै सोय पिछाणै कोनी;
 जितरो कंडो हिवड़ो उतरो भरियो छिछलो पाणी है !
 दिन में सौवै, राख्युं जागै,
 सीख बडां री कोनी लागै;
 पीं फाटी, कद सूरज डूबै अतरी भी कुणू जाणी है ?
 आ दुनिया री कांणी है ! !



मरण की रीत

—रघुनाथसिंह सेखावत

सेखावाटी राजस्थान-रियासत-रोस्काटलैण्ड कहावै । आ भीम वीरां की जलम भोम है । इण भीम पर अड़ा वीर हुया है, जिणनै आपणी मायड़ खातर आप रो माथो कटा दीन्यो पण भुकायो कोनी । सेखावाटी रै उतरादै इलाकै मांय भुंभणो एक जूनी नगर है । इण नगर पै चोहाणां क्यामखान्या अर सेखावत राजपूतां राज कर्यो है । इण घरती पर विक्रम सम्वत १७३८ में अक अड़ा वीर जलम्यो जड़ा सिवाजी मरठो हो । उण रो नांव सादूलसिंह हो क्यामखानी नवावां नै जड़ सूं उखाड़'र सम्वत १७८७ में भुंभणू पर हिन्दुवां रो भण्डो फै'रायो ।

विक्रम सम्वत १७८८ में वीर सादूलसिंह आपरै इलाकै सूं वारै दुजै जुद्ध में गयोड़ा हा । दुसमण तू मोको मिल्यो । नरहड़ रा पठारि एक बड़ी फौज लेय'र भुंभणू पर हमलो बोल दीन्यो । इण बखत भुंभणू में सादूलसिंह रो बेटो भादरसिंह हो, जिण रो उण टेम इज व्याव हुयो हो । वो मैला में कंवराणी रै सागै पोद्यो पोद्यो रंगरली की बातों में मस्त हो । चाणचकै ही जंद जुद्ध रो डको वाज्यो । सुणतां हीज भादरसिंह रा कान खड़ा हुयग्या । उण वखत भादरसिंह की उमर गुन्नीस बरस की ही, थोड़ी थोड़ी मूछ्यां चिलकण ही लागी ही । वीर पलंग नै छोड़'र हेटै उतरयो अर कंवराणी सूं बोल्हो—“कोई दुसमण आपणी भीम पर चढ आयो है राजाजी अठै कोनी म्हानै रण में जाणो पड़सी अर वीर रै साथै लड़णो पड़सी । जुद्ध में लड़णो छत्री रो घरम है, उण की रीत है । इण वास्तै चाहै रण में जीतस्यां या हारस्यां, पण मरण की रीत मिठण नीं देस्यू, या रीत मिट्यां पाछै छत्री कनै बचै ही काई है ? आप काई तरै की चिन्ता मत करज्यो ।

कंवराणी सा भट ही बोल पड़्या—“कत नै रोकतां कुळ की लाज जाती रैवै । राजाजी रा लाडला पूत ! आप म्हांरी चिन्ता मत करज्यो, मैं म्हांरै घरम नै

जाणूँ हूँ। जाओ और याद राखज्यो, बैरी नै अँड़ो पाठ पढ़ाणों हे कै वो कदं ही म्हांरी घरा कानी निजर नीं उठावै, उण ने अँड़ो सिक्क्या देणी हे कै राजपूतां रै साथै कियां लड़घो जावै हे। दुसमण नै यो वंता देणो हे कै राजपूत आपसी अर देस री आण पर माथो कटा सकै हे, परण भुक्ता नी सकै। जुद्ध में जीतर घरा पधारस्यो तो आरतो उतार र घणो आदर करस्युं अर रण में वीरगति पाई तो सुरगां में मिल जांस्यु जठ आपणी फेर मुलाकात होसी। अब जाओ अर ध्यान राखज्यो दुसमण रा गन्दा पग आपणी ऊजळी धरती पर नीं पड़नै पावै।”

कंदराणी री सिधणी री सी बोली सुणतां हीज भादरसिध रै मुखई सूं निरळ पड़घो “धन्य है छत्राणी ! म्हांनै थारै सूं आ ही आसा ही।”

वीर भादर टग् टग् पेड़चां उतरग्यो अर घोड़े पर चढ़ र सवार हुयो। भादरसिध नै सेनापति रै रूप में देख र फौज घणी हरखी अर वीर रै साथै रणभौम कानी चाल पड़ी।

दुसमण री फौज नरहड़ सूं चाल र वगड़ होती हुई बुडाणै गांव रै कने भुंभणूँ रै वीड़ में पूगग्यी अर अठी नै सूं भादरसिध री फौज भी दुसमण रै सामी जाय र आप री छाती भड़ादी। भुंभणूँ री आधी फौज तो राजा सादूलसिध साथै दूजै जुद्ध में गयोड़ी ही अर रही सहीं फौज ही भादरसिध रै साथै ही। पठाणां री फौज बड़ी ही।

जुद्ध रो डंको वाजतां ही घमसाण जुद्ध छिड़ग्यो। गुन्तीस वरस रो भादरसिध अँड़ो जुद्ध कर्यो, मानों मैरूँ ही रण में उतरग्यो हो, मानो सिव ताण्डव नाच नाचर्यो हो। गाजर मूळी री तरियां बैर्यां नै काटतो आगै बढ़तो जार्यो हो। साथी वीर टकणेत सरदार भी रण में काची कोन्या राखी। बै दोन्युं वीर जठी नै जाता लासां पर लास बिछनी ही दिखतो अर बैरी मैदान छोड़ता ही दिखता। भादरसिध री तरवार सूं दुसमणां रा सीस लुढ़कता ही निजर आता। न जाणै कितणा ही अरियां रा माथा उतार उतार धरणी पै मैल दीन्या। आखर यो वीर बैर्यां सू घिरग्यो, पण अब भी रण में कोई काची कोन्या राखी। वो महाकाळ वण्यो आगै बढ़तो ही जावै हो। सरदार टकणेत भी घमसाण जुद्ध करतो बलिदान हुयग्यो, पण भादरसिध अब भी भूखै सिध ज्यूँ लड़र्यो हो। पठाणां री फौज तितर बितर होवण लागग्यी अर पठाण रण भू छोड़ र भागण लागग्या। भागतां भागतां ही ओक पठाण री तरवार भादरसिध री गरदन पर

पड़ी, पण गरदन धोड़ी भटकी रैयगी । भादरसिघ भपणै हाथ सूं गरदन सभाळ'र
तीन कोस भुंभणूँ कंवराणी रै कनै पूग्यो । पण वीर बोल नी सक्यो अर सुरग
सिघार्यो । कंवराणी आपरै वीर कंत री लास लेय'र जळती चिता में बैठग्यी अर
सती हुयग्यी ।

इण तरै सूं गुन्तीस बरस रै राजकुमार नै रण में वीर गति पाई पण
आपरी भीम पर दुसमण रो कब्जो नी होवण दीन्यो । जठै वीर री कंवराणी सती
हुई, उठै भुंभणूँ में वीर ऊपर मिंदर अर छतरी खड़ी आज भी वीर री का'णी कैवै
है । जिण देस में अईड़ा वीर जलमता रेवै अर इण तरै सूं मरण री रीत बणी रेवै,
उण बेस रो बाल भी बांको कुण कर सकै है ?

देहात में कवि सम्मेलन

नागराज सरमा

[श्रेक वडो सो माचो, माचें पर मूढो अर मूढें पर श्रेक सफेद चादर विछा'र मंच बणायो गयो है । सामणै ५-६ सुणणियां आप आप रो माचो घाल्यां बँट्या है अर हुक्को गुड़गुड़ार्या है । संयोजक दीपचंद तेजी सूं मंच पर आवै है अर माइक हाथ में ले'र जोर जोर सूं बोले है ।]

दीपचंद— भाइयो अर भायलो ! आज बडी खुखी री बात है क आपणै गांव में श्रेक कवि-सम्मेलन रो आयोजन करमो गयो है । आप लोग घणा ही सांग, ख्याल देख्या है, आछै आछै भजनियों सूं भजन सुण्या है, भोपा भोपी री राग रागणी सुणी है, पण आं लोगां सूं श्रेक दूसरो ढंग ही देखणै नै मिलसी आज काल सहारां में कवि-सम्मेलनां रो वडो जोर है । जनम पर, मुंडन पर, जनेऊ पर अर व्या सादी पर आं नै खूब बुलाया जावै । श्रेक चिट्ठी गेरतां ही भाज्या आवै । म्हानै घणी खुसी है कै च्यार कवि सस्ता ही हाथ लागग्या में आप लोगां कनै सूं ज्यादा टाइम नै ले कै, कवियां नै श्रेक-श्रेक करकै बुलावूं हूं अर आपनै उणां रै मूडै सूं कविता सुणाऊं हूं । (ताळी)

(मंच पर च्यार कवि आ'र माचें पर बैठ ज्यावै है । जनता आगै हाथ जोड़ कै मुस्करावण लागै है पण जनता नीची घुण घाल्यां हुक्को पीवण लागरी है अर गुरड़ गुरड़ री आवाज धूवें सै लिपटोड़ी, निकळ री है ।)

दीपचंद— ल्यो भाईयो ! सब सूं पैली सबसूं ज्यादा मोल हाळै कवी नै आपरै स्यामणै ल्यावूं हूं । श्रे कवि जी भोत मुस्कल सूं हां रोपी है । वैया पीसा ज्यादा लिया करै है पण आपणै गांव पर तरस खाकै इक्यावन रपियां पर हां रोपी रहे । अ भोत जोर रा ह्रस्व रस रा कवी है । आं की कविता सुणकै रोवतां आदमी भी हासण लाग ज्यावै कै जोर जोर सूं रोवण लाग ज्यावै । मै थारै अर कवि रै बीच ज्यादा टेम नै लेकै सब सूं मैगै कवी

नै हाजर करूं हूं (कवि सागर जी कानीं-देख)आ, भई इक्यावन हाळै

(कवी सागर जी माचें पर सूं खड्या हो ज्यावै है, दीपचंद कनै सूं
माइक ले'र बोलणो सरू करै है)

सागरजी—आज म्हानें घणी खुसी है'क ग्राम वासनी भारत माता कै स्यामणै कविता
सुणाणै रो मोको मिल्यो है

धोता १—अठै तो मर्द ही मर्द बैठ्या है माता अक भी कोयनी

सागरजी—मैं थारी माता नै कोनी कैर्यो, मैं तो भारत माता ने कैर्यो हूं।

धोता २—भरत री मां आपकें पीर गई है, आवंगी जद थारी बात कह छांगा अब
फीक दे फरडै सो।

सागरजी—भाइयो मेरी कविता रो नाम है म्हारी दसा—

सुणो जी म्हागी के दसा हो गई है

चीणी पाच रपियां किलो होगई है

घासलेट बजार में मिलर्यो कोनी

बिजली भी रात नै गुलं होगई है।

(सब स्यांत होज्या है, कोई हां सै, कोनी, दीपचंद वेगो सो आप'र सागरजी
कनै सूं माइक लेके बोलै है)

दीपचंद—भाइयो थे लोग गांव री नाक कटावण नै तयार दीखो ही, रै भलै माणसो
यां हांसी की कविता है, अमैं थानै खूब हासणो चाबे। यो कवी हास्य रस रो
हैं अर इक्यावन में आयो है, जै थे नै हांसोगा तो सारो ही मजौ किर
करो हो ज्यावंगो।

(लोग हुक्का छोड़ छोड़ कै जोर-जोर सै हांसण लाग ज्यावै है कवी
सागरजी भी हिम्मत करकै, पैतरा बदल कै कविता सुणावण लागज्यावै है)

सागरजी—भारत की (हांसी) के (हांसी) दुरदसा (हांसी)

होरी (हांसी) है (भोत जोर सै लोग हांसै है, कवि सागर जी माइक
पकड़नै थोड़ी देर तो लोगां कानी देखै है पाछै माइक खाट पर पटकै कै अक
कानी बैठ ज्यावै है)

दीपचंद —आप लोगां इक्यावन हाळै की वानगी देखी, अब आपकें स्यामणै राजस्थान
को जोर को गीतकार आर्यो है। आज काल गीतां को माकैट कीं हळको है
ईं वास्तै यो कवी इक्कीस रपियां में हाथ लाग्या है,आ भई इक्कीस हाळै ।

(पतली सी काया हारला, नागरजी, आपरी कमर मटकाता, स्टेज पर घाव हैं और आतां ही माइक उठाकै खड़या हो ज्या है । नागर जी बड़ा-बड़ा बाळ बधायां, ढीलो पजामो अर कुरतो पैर्यां है । लोग ऊणां की सकल देख कै जोर जोर सै हांसै है)

नागरजी—मैं आप लोगों कै स्यामण (लोग हांसै है) एक राजस्थानी गीत (हांसी)

सुणावूं हूं—

प्रिय ! मैं तन्नै याद करूं

(लोग हांसै है)

तो बरसात सी होवण लागै ।

(लोग जोर जोर सै हांसै है)

भाइयो, या हांसी की कविता कोनी यो अ्रेक प्रेम गीत है ।

(दीपचंद भाग कै आवै है और नागरजी सै माइक खोस के बोलण लाग्या है)

दीपचंद —ओ कवी गीत सुणाया है, इसमें हांसणो नहीं है सब चुप होज्यावो ।

(सब चुप होज्यां है अर नागरजी आपको पूरो गीत सुणा दे है)

दीपचंद —अब भाइयो तीसरो कवी दंगल में आप लोगों रै स्यामण आर्यो सै, यो भी इक्कीस लिया सै (कवी कानी देख कै) आ भई इक्कीस हाळै ।

(कवि रतन जी आवै है और माइक उठा कै बोलणो सुरू करै है)

रतनजी —मेरी कविता वीर रस की है ।

(अ्रेक बुढो सो श्रोता खड्यो होज्यावै है)

श्रोता ३ —रै, दीपचंद, जरा बताइयो, इसकी कविता में हांसणो सै या कोनी हांसणा, फेर तू गांव की नाक कटगी बतावण लागज्यागा ।

दीपचंद —(माइक लेके) अब थारी मरजी होवै, वैयां करो, हांसणै की बात होवै तो हांसो नहीं तो मेरे कानी की कोरी बांण मारो भलाई । (दीपचंद कवी रतन जी नै माइक देवे हैं)

रतनजी —उठो ! वीरो !

दुस्मन सीमा पर सिर उकासण लाग्या है

वीं रो सिर कुचळ्यो

जागती जोत

धोता ४—सिर किससे कुचल, गंडासे सूं या दराती सूं ।

धोता ३—ठोकर मारकै कुचल छो (ठोकर मार कै बतावै है ।

धोता २—रै वा रै वा छोरे, चाळा काट दियो भई, कुचल दे क कुचलो दे ।

(सब हां सै है, कविजी बैठगयो है)

दीपचंद —तीन कवियां की बानगी देखी, इव आपणै गांव कै कनै हांछी ढाणी का
अक कवि वच्या सै जिण रो नाम मोहनलाल है और यो कवी सिरफ खुराकी
पर आया है (मोहनलाल कानी देख कै । आ भई मोहनलाल)

मोहनलाल—(खांस के) भाइयो, मैं तो थारो ही आदमी हूं (खांसी) म्हनै भाई दीपचंद
जी बोल्या क (खांसी) अक कवि सम्मेलन को आयोजन कर्यो जार्यो
है । म्हनै (खांसी) घणी खुसी होई

धोता १—कवीजी रोटी ज्यादा खागया दीखै । सांस घुट घुट के आरी है । ओ सारी
कड़दो खुराकी में ही काढ लिया ।

धोता २—त्यार की रोटी मित्यां पाछै, कूद पड़्या रण भूमि में, मनै अइयां
लागै यो बीस रोटी सूं कमती तो के पाड़ी हैगी । (हांसी)
(दीपचंद आवै है)

दीपचंद —रै, भाइयो यो तो आपणा कवी है । इन्हें ध्यान देके सुणो नहीं तो यो भी
सूं फुला फुला के कैण लागज्यावैगो क घर का जोगी जोगणा, आन गांव का
सिद्ध ।

धोता ४—आछी लागी विद्द

मोहनलाल—भाइयो, मेरी कविता की आकरी है, कड़कड़ी है, थानै भोत सुवाद आवैगो ।

धोता ३—रोटियां सागै साग भी हो के ? पाणीं सागै ही धिकाई है कै !

मोहनलाल—भाइयो,

म्हारी अवकल चकरी आरी

गाडो जारयो गाड़ी जारो

छोटै छोटै टावरियां कै

घोळी घोळी डाढी आरी ।

धोता १—(ताळी पीट कै) क्या बात सै रांग दिर्य भाई । मा इं कविता सै तो गांव
का जात आदमी कवी है कनी ।

ओता २—इसी कबिता सुणाके ऊपर सूं पीसो ओर ले ह ।

ओता ३—जोर तो आवै है, औ वास्तै पीसै पावै है ।

बीपचव —म्हानै धणी खुसी हैक आज का यो कार्यक्रम बिना कोई विघन कै खतम होर्यो है । मैं सब कवियां नै आप सब लोगों की तरफ सू, मेरी तरफ सूं गांव बस्ती की तरफ सूं धनबाद द्यू हूं । मनै विस्वास है क भागै भी कवि आवतां रैगा और कीं सुखावता रैगा ।

(ताळी बाजे हैं)

मारवाड़ पाणी में डूबी

—प्रजोतसिध 'बधु'

दिन बा'रा घड़ी रो मानीजै जिका मांय घाठ घड़ी तो स्कूल रै टावरां नै भणावण रमावण में ही जाय'कै आ मानू म्हारी जिनगाणी नै गोत्ता देवण सारू रोटी हेटे खीरा द्यूं तो आ बात घणी सांची अर जथार्थ नै छुवै है, स्कूल रा किवाड़ पराधना रै साथ खुल'र कचडी रो रमत रै साथै जुड़ीजै । ई बीच मूं जुड़चोडो हूं चौक, पौथी अर छोरां रो हाय नोय सूं ।

देस, देस परेम अर मानखा हित सारू भासण भाड़ण रो टूंड आज अणूतो ही दरसीजै टैन्थ 'बी' मांय मूं भी वाप वाली पाग नै बांध'र वडेरां रो लगायोड़ी लाय मांय पूळा टेकण रो काम कर रयो हो, "म्हारा भोगना भुंवाळी खायगा दीखै है अ कुरस्यां तूटी तो काई देस रो कोनी ? कुण रो नुकसाण ? सोचो ! सोचो ! ! " रै सबदां साथै घड़करयो'कै सामूं सायो इलजी चपड़ासी "बापजी आपनै सांव माद करै है।"

दफतर में जायनै कुरसी पर टिकण पैली ही अेक ओरडर भिलायो, सुवास्थ्य सेवा रै कैम्प मांय म्हनै तीन दिन गच्छीपरै गांव में रैवणूं हो, आ पौथी सूं चाल'र टिचर पाटी ताई रो दौड़ दौड़णी ही उणमणार 'कै हरखर पण दौड़णी ही ।

अंग्रेजी महीना रो सतरा तारीख । ढळनी रात । च्यारूं मेर घुलता बादळा अर पळपळाती दीजळ्यां । पण दूजी कानी माथा सूं ऊपर राज रो हुकम । टेसण पर पूगण सूं पैली डील रा जूनां गावा अर नुई विरखा रो भेट मिलाप व्हेगो । समचार मित्या'कै अणमाप विरखा रै कारण खालङ्या वालो पुळ दूटगो । सोच विचार में पड़गो मूं, अब कियां पुगूं ? काई कहूं ? ई अंतर जुद्ध नै तोड़यो जुम्मु तेली "माट-साव ! अठै कियां अर हाय में थेलो ?" गच्छीपरै जाणूं है "पधारो म्हनै भी चालणूं है" "कद ?"

“ई घड़ी । सुणी हूं, रात नै गच्छीपरा में अणवार पाणी पड़्यो है । म्हारी वडोही भाण हलीमा बठै ही ब्याही है मिलण सारू जाणू जखरी है” म्है दोन्यू ऊंट पर बैठर खाने व्हीया । गांव वारै निकळतां ही करीम मिल्यो जिका नै भी वा ही जात्रा करणी हीं जिका म्हानै सोरा दोरा तीन्यू ही जम्या ।

ऊंट पर सुवारी करण रा मौका कम ही आवै । रगड़ सूं काच्छां रो चर-मराणू सुभाविक ही हो । ई सूं भी कठण हो बिरखा रो संकट जिकी किड़कार पड़ै ही । मारग अर खेत पाणी सूं ओक मेक व्हेगा । ई अणाचार सूं मानखो बोखळागो । काच्छां टांक्योडी जुवान लुगायां । डील उधाड़ा । मोट्यार अर दस-पन्दरा वरस रा टावर आपरी फसल नै बचावण सारू पावड़ा सूं खाई देर्या हा । जखड़ी तो सै करता ही हा पण पाणी बखड़ी में नीं आवतो । बीज्योड़ा मोठ वाजरी लोपालोप व्हेगां । फोरा-पतळा अर जूतां खेल्ड़ा-बोल्ड़ा पाणी में भोला खावै है ।

वगत आपरै काळजा तळ अणगिरात घटनावां समेटर चाल्या करै है बेखटकै । पाणी रै बैंग में वढोतरी पर वढोतरी । ‘जीवैला नर तो और करैला घर । वाळी बात नै ध्यान में राखता थका आपोआप नै बचावण रो जुगाड़ करण लाग्या । आप मरता वाप कुण नै याद आवै ? पाणी रो बैंग इणू व्हेरयो हो । भूखा ढांडा अरड़ावण लाग्या अर मिनख खुद रै बचाव सारू जुगत करण ।

खाडां खोपचां में पड़ता बचता वड़ी कठिनाई सूं गच्छीपरा रै गोरवै पूग्या कै ऊंट आखडैर पड़्यो, म्है तीन्यू सुवार पाणी भेळा । पाणी छाती ताई । चालणू मुसकल पण अकतेड़ा करतां करता असपताळ पूग्या । हुकम मिल्यो ‘वाढ सूं बचावो’ ।

जुम्मा नै साथ लैर पूछताछ करता करता बीं टीवड़ा पर पूग्या जठे गांव रा बेघर लोग बैठ्या हा हलीमा कोई अस्सी बरसां नैड़ी । सळां भर्योड़ी चामड़ी मांय गड्योड़ी आख्यां अर भुवयोड़ी कमर जुम्मां रै बांथ घालर दुसक्या भरण लागी । जुम्मु भी भाण रो अनुकरण कर्यो । थ्यावस बन्धार दोन्या नै अळगा कर्या ।

थकाण सूं म्हूं इतरो घायल व्हेगो हो कै पाणी भर्या तालरा में बैठर सुखी अनुभव कर्यो । हलीसा रै भुवा भतीजा रो मुलैभू लगातो थको वात छेडी— “भुवा बिरखा कद सरू हुई अर कितरो नुकसाण व्हीयो ।” लम्बो सांस छोडती बोली, “का’ल दिनाथ्यां तो आकास तारां सूं चमचमातो हो पण अल्ला रीं कुदरत न्यारी है । उतरादी गाज हुई अर थोड़ी कै’दार में अळळ-अळळ पाणी पड़वा लाग्यो ।”

जागती जोत

—“पछै”

हलीमा हाथ नै गालड़ा कै लगा'र वात नै जारी राखी, पड़नाळा डाकणा सरु वहीया अर अघघड़ी मांय तो चूलां पाणी चढगो । घरतयां पड़्या पूर पल्ला पाणी रै भोला रै साथ गुवाड़ में गया परा ।

—“भूंडी हुई भुवा”

—“हां बेटा । मालक री कुदरत रै आगै वापड़ा मिनख रो काई जोर ।”

—“ओरू काई हुयो ?”

“इतरीदार में अक साथ दोय तीन घमाका सुणीज्या । डांगड़ी रै थोगा सू वारै आर देखूं तो मोडु भांभी अर लखारां'ळा मकान चकनाचूर थरती पड़्या दीख्या । म्हारो काळजो फड़कवा लाग्यो । बांच्योड़ो कागद हूं पण मीत रांड सू जिनगाणी में पैलीवार डर लाग्यो ।”

—“अठै कियां पूगी भाण” जुम्मु घीमै सुर में सुवाल कर्यो ।

—“धीरा भलो करो मालक भैरजी ठाकरां को जिका कांघै राळ'र म्हनै ईं टीवड़ा पर छोड़गा । धीरै धीरै लोग गुड़ता रुळता अठै अकठ व्हेगा ।”

जुम्मा नै वठै ही छोड़्यो । म्हूं अर करीम पाणी सू हूब्यौड़ी मारवाड़ री धरती नै देखण नै रुवाना वहीया । लाख रिपियां री लागत सू वणी हवेल्या पर म्हारी आख पड़ी जिकी पाणी री अणसेती थप्पड़ां सू चीर चीर व्हेगी ।

पैन्ट नै साथळां ताई चढा'र लाठी रै थोगा देता आगै चाल्या । काचा हूंडा रो नांव निसाण ही मिटगो । वाड़ां री वड़्यां पाणी रै हवोळा सू कठई री कठई ।

पाणी पर तिरता मिनखां रा गावा अर मर्योड़ा पंखेरू ई अणाचार री मून कांणी कैरया हा । म्हूं च्याहूं मेर फेरी दियां पछै वैठगो अक भाटा पर । आंख बन्द कर'र विचार जगत में झुवगो । मारवाड़ पाणी में हूवी अर म्हूं विचारां में ।



बेमाता रा आंक

—रामनिरंजन सरमा "ठिमाऊ"

सेठ झंगरमल घणै करडै हाइरो आदमी हो । काम करणें में छोणीं को दूकई कदेई ठालो कोनी रैतो । सारै दिन काम कै लाग्योई रैतो । गांव में बी री अक छोटीसी हाट ही । वैयां तो दूकान में छोटी मोटी सैई चीजां राख्या करतो पण वींकी दूकान घी कै वास्तै नामी थी । उण दिनां नकलीड़ो घी कोनी चाल्यो, ईं वास्तै घी बोल के चोखो घी मिल्या करतो । हां, जै घी में छा की मातर घणीं रैती वो घी चोखो कोनी मान्यो जातो । झंगरमल तड़कली कै उठकै वार गांवां में जाया करतो अर नो दस वजे तोडी दो घी का पीपा लेके उल्टो पूंच ज्यांतो । पछै सारै दिन आपकी दूकान खोलतो । झंगरमल घणो कस बठावरणियों आदमी हो । घी को पीपो खाली हो ज्यांतो जणां घरां सै अक वाजरै को मोटो सो रोट मगावतो अर बीनं चूर के पीपें में गैर के सारै पीपें नै रगड़ रगड़के पूछ लेतो । पाछै बी चूरमें पर सक्कर की खाली बोरी भड़कांवतो अर पाछै बीनं पाणी कै सागै पेट में गेरतो । दूकान वास्तै सोदो ल्यातो जणां पल्दारां नै पीसा कोनी देतो, आप ही उठा ल्यायतो । इतणीं मीणत कर्यां पछै बी झंगर सेठ को पेट लिवाड़ियों ही चालतो । पीसा कोनी हुया । रोजिनां मन्दर देवरां बी जातो अर गणेशजी कै आगै घणीं अरदास करतो पण कोई गिरै करडोई हो । पण्डत अर डाकोतां नै दिनमान पूछतोई रैतो । बै हिमळास दिवाता रैता । पण्डतां नै सरदा सारू पीसा बी दिया करतो क्यूं कै कही बी है कै भुखो दे जोतगी नै अर धोयो दे बैद नै ।

झंगर सेठ की दसा बी पल्लो खायो । जलम पतरी में ऊंचा गिरै आया । पण्डतां बम्बई को म्हरत काड़ दियो । बालाजी कै घोंक देके, गणेशजी ने सुमरके अर कड़्यां कै खरची का रिपिया बांद के झंगर सेठ बम्बई जाण नै तयार होंगो । घरां सै निकल्यो जणां बायो गवौ बोल्यो, थोडीं सी आगै नै जीवणै नाकै सांड टांडतो मिल्यो अर बी सूं आगै अक सुहागण लुगाई गोदी में टावर सियां अर सिर पर भरी दोगड़ लियां मिली । सेठ भट अंटी में सै टक्को काडके ऊपरलै भयै घड़ै में गेर्यो । ऊट हाळो

वोल्गी, 'सेठ न्हाल होगो, तेरो दिन खड़यो है, लखपती होके आवैंगो। बात बी साची है। सूर्ण भगवान् का भेज्योड़ा संदेस हुवै है। सेठ नै तीव्र सूरण जोरदार हुया।

बम्बई में उण दिनां रूई, चांदी अर अरन्डां को सोदो बेथाग चाल्या करतो। सेठ पैलई दिन डरतै सै सोदों कर्यो। पचास रिपिया आया धीरै धीरै बढ़तो गयो। तीन म्हेना मैई सेठ लखपती होगो, देस आयो जणां रिपिया पांच लाख रोकड़ी लेके आयो। और जात्यां तो पीसा कमावै जणां गुलछर्रा उडावै पण बाणियों जद पीसा कमावै तो सैं सैं पैल्यां बैठण नै चोखो ठाव करावै क्यूं कै कही बी है—“पैलो सुख निरोगी काया, दूजो सुख बैठण नै छाया।” ठाव सैं छायां तो हुवैई पण सागै सागै विरादरी में मान बी बवै। देखी गई है कै हेली हाळो चाये कितणोई गरीब होवो पण बीरा टावर कुं बारा कोनी रैवै। कोई न कोई टोडां नै देखके छोरी देईजा। सेठ हंगर बी देस में आताई पैलो काम योई कर्यो। च्यारु मेर की हेली कां चेजो चला मेल्यो। हेली वणके तयार होगी जणां बीकी पण्डता सैं परतिष्ठा करवायी अर न्यांगल कर्यो। सारै गांव नै साइं खुवाया।

पीसां सैं मिनख सुखी हुवै है, इसी बात नी है। सुख तो भगवान को दियोड़ा ही हुवै है। हंगर सेठ अर बीकी सेठाणी कै अक ठाडो दुख हो। घर में कोई टावर कोनी हो। सेठाणी जळवा धोकण का सुपना देख्या करती अर सेठ गोदी में गीगलो खिलावण का सुपना देख्या करतो। घणां दुखी हा दोन्यू लोगं लुगाईं। रीजीनां भगवान सैं याही अरदास करता। सैंस भुजावां हाळी नै कोई साचै मन सैं याद करै तो सुणी जा है के वो जरूर पूरै है। सेठ-सेठाणी की पुकार बीरै कानां में पड़ी अर बीनै दया आई। सेठाणी को पगं भारी पड़ण लागयो।

नांवै म्हेनै सेठाणी कै गीगलो हुयो। हंगर सेठ इतणो राजी हुयो जितणो अक सूरदास आख मिलण सैं हुया करै है। सेठ की हेली सैं थोड़ी सी दूर पर अक पीपळ कै तळ अक महात्मा तप्या करतो। गांव हाळां नै यो कोनी बेरो हो कै यो पूंच्योड़ो म्हात्मा है। सेठ के गीगलो हुयो जणां बेमाता आंक घालण आई। आंक घाल के जाती बखत बेमाता बी म्हात्मा कै घूर्ण कै सारै सैं निकली। म्हात्मा बेमाता पिछाण ली। म्हात्मा बेमाता नै पूछी, “माजी कठै गया हा?” बेमाता बोली कै अ हेली हाळी सेठ कै गीगलो हुयो है बीकै आंक घालण गई ही। म्हात्मा कै चित्त्या हुई। म्हात्मा पूछ्यो, “के आंक घाल्या?” बेमाता बोली कै अ सेठ कै छोरै कै तो सारी ऊमर एक पाडो लिख्यो है। हंगर सेठ आपकै छोरै को नांव किरोड़ीमल काड्यो। बेमाता कै गयां पछै म्हात्मा विचार में पड़यो। मन में सोची कै सेठ तो लखपती है अर छोरै कै भाग भाग में पाडो लिख दियो? जै जीवतो रह्यो तो बीस पन्चीस वरस पछै अ बात की

छाए वीण करूंगो । “साधू तो रमताई भला” हाळी वात हुयी । म्हात्मा आपका दंड कमण्डळ उठाके चल दियो ।

हंगर सेठ कै पीसां की तो कमीं ही कोनी अर पाछै नादीद में अक तूंतडो भगवान दियो हो अ वास्तै दोन्यू लोग लुगाई लाड चाव में कसर कोनी छोड़ता । अ लाड चाव को नतीजो चोखो कोनी निकळ्यो । छोरो बिगड़ के धेलै सिर को होगो । दो च्यार कलास पाछैई पढाई छोड़ दी अर न्याऊ संगत पकड़ली । फेर वी घर में पीसां को कोई घाटो कोनी । हंगर को भाग-साथ देर्यो हो । पीसो दिन दूणो अर रात चोगणो बधए लागर्यो हो । सेठाणी कै अोर टावर कोनी हुया ।

किरोड़ीमल बीस बरस को हुयो जणां सेठ बीमार रैए लागगो । अक दिन मरण हाळा हुयो जणां छोरै ने बुलाके समभायो । सेठ बोल्यो, “देख वेटा, मैं तेरै कनै इतरयो पीसो छोडके जारयो हूं कै जै तू ढंग सै चाल्यो तो तेरै कदेई पीसै की कमी कोनी आवैगी । बैठणै नै चोखा मकान है अर तनै व्या वी दियो तेरै टावरां नै बिणजणै खातर पीसो ठाडो राखिये । तेरी मां कै कैणै मैं चालिये । या वात कै के सेठ गंगाजळ की घूंट लेके भूँ वा दियो ।

सेठ कै मर्यां पाछै किरोड़ीमल कै वी बम्बई जाके किरोड़पती होणै की मन में आई । बूडली बिचारी घणोई समभायो पण अक ई कोनी मानी । दिन उल्टो आय्यो हो । नीच गिरै दबाया मारै हा । लिख्योड़ी टळै कोनी । बम्बई जा पूंच्यो । अक जारा पिछाण हाळी गद्दी में रैए लागगो अर सट्टो करण लागगो । सोदै मैं पीसो तो बीकई आवै जिको दिन सिकन्दर हुवै मंदभागी नै तो मजूरी का पीसाई दोरां सी मिल्या करै है । याई हुई । तीन म्हेता मई सो किमै विल्लै लगा दियो ।

किरोड़ीमल देस आगो । देस में आके वी निचलो कोनी बैठ्यो । बिरखा को सोदो करण लागगो । रंगबाज हो कोनी ई वास्तै वादळ देखताई रिपिया लगा देतो । छांट पड़ती कोनी अर पीसा लाग ज्यांता । बारा म्हेता मे गैणो भूँठी अर दुंडा टापरा सै बेच पूरा कर्या । सेठ तो आगलै लोकां जा बस्यो पण सेठाणी के खोटा लिख्या हा । बुडापें में उगड़चाया । अक दिन अया को बी देखणो पड़्यो कै घर में नाज कोनी बापरयो बूडली दिवाळी पूजन का रिपिया ल्हको राख्या हा, वामें सै अक रिपियो काड्यो अर वाजरो मंगायो । हेली बिकगी । गांव कै बारणै जाके अक कच्ची खुड़ी बणाके रैए लागगा ।

वेमाता की कह्योड़ी बात म्हात्माजी के पच्चीस वरस पाछै याद आई । म्हात्मा हृषिकेश सै चालके वी गांव में ओजू आयो । वीनै वेमाता की बात विचासणीं थी । म्हात्मा सीदो हेली में आयो । आके देख्यो तो वी हेली में दूसरां को डेरो पायो । हेली में रैणियां सै वीरो पड़्यां कै झंगर सेठ को तो सुरगवास हो चुक्यो अर वींको वेटो किरोड़ीमल सो किमै खो दियो । अब हूंडा-टापरा वेचके गांव कै वारण रैवै है । म्हात्मा किरोड़ीमल कैनै गयो । जाके देख्यो कै गांव कै वारण अक वाड़ो है अर ऊमें एक खुड़ी है । एक बुडिया दो टावरां नै खिलावण लागरी ही अर एक भोड़िया वाजरै की रोटी पोवण लागरी ही । अक जुवान सो मोट्यार अक पाड़ै नै नीरण लागर्यो हो । म्हात्मा नै समझतां वार कोनी लागी । म्हात्मा भीतर गयो । बुडिया म्हात्मा कै वंठण वास्तै पादो ल्याई । इतणै में किरोड़ीमल वी आके म्हात्मा जी कै पगां में धोक खाई । म्हात्मा जी पूछ्यो जणां किरोड़ीमल बतायो कै वो आज काल वीं पाड़े सैं घरठ काडके आपको गुजर करै है । डोकरी म्हात्माजी का पग पकड़के रोवण लागगी । म्हात्मा जी नै दया आई । म्हात्मा जी बोल्या, “किरोड़ीमल ! मैं तनै अक उपाय बताऊ हूं । किरोड़ीमल बोल्हो, ‘वताओ महाराज’ म्हात्मा जी बोल्या, “तूं पाड़ै नै वेच दे ।” “पाछै मै खाऊंगे के ?,” किरोड़ीमल पूछ्यो । म्हात्मा जी बोल्या, ‘तूं बा चिन्त्या मना करै । तेरै दूसरो पाडो अपणै आपही घरा आके बन्द ज्यागो । तूं तो वस पाड़ै नै आताई वेच दिया कर । तावळोई पीसां हाळां हो ज्यागो ।’ म्हात्मा जी जुगत बताके चालता वण्या । किरोड़ीमल दूसरै दिन पाड़ै नै वेच दियो पण दिनगे पैल्यां दूसरो पाडो खूंटै के वन्ध्यो तयार पायो क्यूं के वेमाता वींके अक पाडो लिख राख्यो हो । यो काम वारा म्हेना ताणीं चलतो रह्यो । किरोड़ीमल पीसां हाळो होगो । गांवां का लोग अचरज करण लागगा कै रोजिनां पाडो कठै सैं ल्यावै है ? वानै के वेरो कै वेमाता पाडा सप्लाई करण लागरी है । किरोड़ीमल धीरै धीरै ओजू लखपती होण लागर्यो । किरोड़ीमल पाडां हाळो सेठ कहवावण लागगो । बीस बीस कोस कै गांवां का लोग पाडा मोल लेण नै आवण लागगा । आगै सै आगै साइ आवण लागगी । किरोड़ीमल का पाडा मोटा अर स्यान सिकल में सोवणां हुया करता । वेमाता अफरीका ताणीं का पाडा लियाई पण पार कोनी पड़ी । ल्याती ल्याती हारगी । अक रात नै वेमाता नै किरोड़ीमल कै घरां आणो पड़्यो । आके बोली, ‘वेटा किरोड़ी, में तेरै खातर पाडा ल्याती ल्याती हारगी । अब मनै पाडा कठै कोनी मिलर्या है । अब तूं वरदान मांगले । किरोड़ीमल बोल्हो, “मनै किरोड़पती वणादे पाछै मनै क्यूई कोनी चाये । वेमाता बोली, “हो ज्यागो तूं मेरो पैडो छोड़ ।” किरोड़ीमल तावळोई किरोड़पती वणगो । वींके मिसां चालण लागगी । पण लोग वीनै पाड़ै हाळो सेठ ही कहा करता । वींका पोता पड़ीता वी आगै चालके ‘पाड़िया’ कुहवाया अर आज वी कुहावै है ।

चान्द बाबा पोळी दे

—कासीप्रसाद कुंतल

फळसै आगै टावरिया रळ मिळ कर सारा यूं गावै

चान्द बाबा पोळी दे

घी भरी कचोळी दे

दादोजी डलै पर बैठ्या, दादी नै समभावै है

मिनख जमारो देख बावळी यूं ही बीत्यो जावै है

मन ही मन म मुळकन्ती दादी माळा नै टरकावै

चान्द बाबा पोळी दे

घी भरी कचोळी दे

ताऊजी ताई री लैर्यां खेत में सै आरघा है

देख खेलता टावरिया नै घणा घणा हरखारघा है

आ गावां रै आशी मरवण सुरग लोक भी सरमावै

चान्द बाबा पोळी दे

घी भरी कचोळी दे

बापूजी अर मां—दोन्या में गणमण—गणमण बातां होरी

एक बेस ल्याकर कै दीज्यो सासरियै जासी छोरी

छोरी कै सासरियै हाळा नित तूंआ फंदा ल्यावै

चान्द बाबा पोळी दे

घी भरी कचोळी दे

चोक में वीनणियां बैठी गीत सुहायां गावै है
प्यारी घण नै लहरयो ल्यादयो गीतां गाय सुणावै है
लहरियो ओडणरी मारूजी म्हारै मन में आवै

चान्द बाबा पोली दे

घी भरी कचोली दे

दादोजी हेलो पाई ओ फूलिया अठिनै आ
लोग बाग आणै हाळा है जा तू हुक्को भरकर ल्या
छोटो पोतो हुक्को भरकर बाबो जी नै पकड़ावै

चान्द बाबा पोली दे

घी भरी कचोली दे ।



मैं पाछो आवूँला

—पागला नेरुदा

ओ लोग लुगायां अर
जावाळा जातरथां
म्हारै मरथां पछै कदै म्हनै अठै देखज्यो
हेरज्यो
माटी अर पत्थरां रै विचाळै
सप्योड़ै तावड़ै, वरसतै मेह
अर कांपतै सिय'ळै में म्हनै हूँढज्यो
मैं साव अणवोल, विना रोळै रवदै
विना रूप रंग, सुद्ध आतम तत आवूँला
अठै मैं चगूला बालू रा बतूळथा री आंधी
अठै मैं दीखूँला अर
पाछो विलमांऊंला
अठै इज टीबां री वाळू रै साथ रमूँला
कदै कीं वोळूँला अर कदै
बुप. रहै जावूँला

उल्थो : महालसिध सेखाबत

रंग की घरी चढायो

—देख

अमीन ग्लेव—गात्रिलोविच स्मिनोव इस्टेसन ऊपर उतर्यो ।

जिकै गांव वीन जमीन-नेपण ताई जात्रणो हो वो इस्टेसन सून दम पन्दरा कोस रै आन्तरै हो । ओ पैन्डो वीनै घोड़ै ऊपर करणो हो । कोचवान जे पियोड़ो नी हुवै अर घोड़ो मरियल नीं हुवै तो वो दस पन्दरा कोस को पूगीजै नीं । अर जे कोचवान पियोड़ो हुवै अर घोड़ो मुर्दल हुवै तो भगवान ई मालक ।

इस्टेसन रै चोकीदार खनै पूगर वीं वृक्षो—काई आप बतावण रो कस्ट करोला कै डाक रा घोड़ा म्हानै कठै मिलै ला ?

घोड़ा SS ? डाक रा ?? अठै तो पचास पचास कंस में आपनै गैलै में कोई गंडकड़ो मिलणो ई मुस्कल है आप ती घोड़ा रो बात करो हो । जावणो कठै है आपनै ?

जनरल खखनोफ रै चक - देवकीनो ।

अच्छा ! —संतरी उवांमी लिन्धी - तो आप इयां करो इस्टेसन रै लारै चढाय जावो । बठै स्यात आपनै कोई वुन्नै रो मिल ज्यावै अर आप नै बैठा लेवै ।

अमीन एक लाम्बो सांस नाख्यो अर इस्टेसन रै लारै खानी भीर हुग्यो । कई ताळ री हूँडा सोभी वृक्षतः अर भाजा नासी रै उपरायन्त वीनै एक किसान मिल्यो जिको डीलडोल रो सैंठो सांतरो हो अर उणियारे सून गंभीर दीसै हो । पाट्योड़ो सो सूती कोट वीरै पहरण ताई हो अर पगां में लकड़ी री चढ्यां सी ही ।

गाडी में चढतां ई अमीन खीझ'र कैयो—राम जाणै काई गाडी है आ थारी ? ई रो ओ वी ठा नई लागै कै आगलो पासो किसो है अर लारलो किसो ?

ई में ठा नई लागण री काई बात है ? जिन्नै घोड़ै री पूँछ है वो आगो है, अर जठै हजुर बैठला वो लारो ।

घोड़ो हो तो जुवान पण जावक ई हुवलो । वीं री लारली टांगां भूयोड़ी ही अर कान कतरयोड़ा । गाडीवान जणा उठ'र वीं रै चावक मार्यो तो वो फकत सिर हला'र ई रैग्यो, दो तीन गाळां रै साथै जणां वीं दूजो चावक जमायो तो गाडी चू चर'र कर'र थोड़ी कांपी जियां पाळो चढयोड़ो कांप्या करै है । तीजै चावक में गाडी हाली अर चोथै में आपरी जिग्यां सूं सरकी ।

जोर रै हिचभोळां रो मजो लेवतै अर काछवै री घीमी जाल साथै धचकां रो सोवणो समन्वय करावण हाळा हसो गाडीवानां री अनोखी जोगता ऊपरं अचू'भो करतै अमीन वूझ्यो—व्यूं भाई ? आपां नै ईं चाल सूं ईं सुमद पैंडो करणो हुवलो काई ?

धीजो बंधावतै सै रै सुर में गाडीवान उथलो दिन्धो—जी ! करणो हुवलो । घोड़ो जुवान है अर तेजलो वी, एक'र टिचकार दिन्धो तो फेर थाम्यो ई को थामलो नी । पण कमवख्त एक'र ।

घोड़ा गाडी इस्तेसण सूं चाली जणा ई दिन तिरूँ डूवूँ हो । अमीन रै जीवणै अंधारो बर्फीलो मैदान हो जिकै रो कोई निवेड़ नईं हो । वीं रै उपर चालतो चालतो कोई वी सीधो नरक नै पूग सकै हो, दूर जठै घरती अर अकास रो मिलाण हुवै वठै ई वीं मैदान रो निवेड़ हो अर इयां लागी हो जियां वठै जांवतो वो आभै सूं एक मैक हुग्यो हुवै । ठंड बघती जावै ही । गंलै रै डावै करतां, अंधारै सूं कळाइभूत वायरै में का तो टीवा ई टीवा हा का गई साल रा पूळां रा छिअर, का दरखत ! सामै काई हो ? वो अमीन नै नईं दीसै हो, कारण कं गाडीवान री लाम्बी चौड़ी सुगली पीठ वी रै आडी आयोड़ी ही । चारू खानी सरणाटो हो अर ठंड इतरी ही के वरफ जमणी सरू हूगी ही ।

औवरकोट री कालरां सूं आपरा कान ढकण री कोसीस करतो, अमीन सोचण वूझ्यो—कितरी सुनसान अर उजाड़ जिग्यां है, न नडै तेडै कोई गांव न घर । अर ओ अवखी टेम, कोई हमलो कर'र लूट लेवै अर गोळी रो दे'र मार ई नाखै तो कीं नै ई ठा ई नईं लागै । फेर, गाडीवान रो ई काई भरोसो ? अर काई ओ ईं रो घोड़ो है थोड़ो सो डिगो द्यो तो पड़ज्यावै । सांठ सांठ'र कर्योड़ी ई री लगाम ई कित्ती बाईयात है अर गन्दी ।

“अरै भाई ! तेरो नांव काई है ?” अमीन वूझ्यो ।

“मेरो ? विलम !”

“विलम! थाने कियों लागे है? भय नई आवै ? आ जिय्या खतरै सूं खाली नई हू सकै । जे कोई आर लूट लेसी तो ?”

“नई लूटपाट रो अठे नांव ई नई भगवान री दया सूं ।”

“आ बात तो तेरी ठीक है के अठे लूटपाट नई हुवै पण फेर बी आप रो जावतो तो आच्छो ई हुवै है, आई सोचर हूं तीन रिवाल्वर साथ ले लिन्धा हा । अर थाने तो ठा ई है रिवाल्वर कित्तो खतरनाक हथियार हुवै है ? दस डाकू हुवै तो बांरो दिमाग ठीक कर्यो जा सकै है ।”

अंधारो गहरो हुग्यो हो । अचानक गाडी सूं चूं चरमर हुई जियां चिर-
छाई हुवै, थोड़ी ताळ हालती रई ज्यूं धक्को करती हुवै अर डावै खानी मुड़गी ।

अमीन सोचण हूक्यो—ओ मन्नै कठे ले ज्यावै है ? अव ताई तो ओ जावक सीधो आयो अव अचानक डावै मुड़ग्यो । जरूर मिनख ओ कोई गैर है अर म्हाने ओ कोई छानी जिय्यां ले ज्यावै हं । अर अर कई वर इयां हुया बी करै है फेर गाडीवान नै सुणा'र बोल्हो—ओ, सुण ! तू कैवै हो अठे कोई खतरो नई है । आ तो बडी अपसोच री बात है । म्हाने तो डाकुआं सूं लडणे में मजो आया करै है देखण में हूं इयाई लागूं ई हूं सीकसछाई सो ज्यूं बीमार उठ्गो होऊं, पण समझले ताकत मेरै में ना'र जितरी है एक'र तो तीन डाकुआं आ'र म्हाने घेर लिन्धो । काई समझ्यो ?

बां मां सूं एक नै तो हूं उठा'र इसो बगायो के सुणै है नी ? के वो सीधो ई जमलोक पूगग्यो अर बाकी दोनूं म्हारै ई कारणै साइबेरिया री हवा खावण ताई भेज दिन्धा । न जाणै कठे सूं म्हारै में इत्ती ताकत आ ज्यावै है ? थारै जिसो कोई हट्टो कट्टो ई ले आव अर हूं बीनै एक हाथ सूं पकड़ ल्यूं हूं—फेर छुडा तो ल्यो दिखां.....

विलम एक'र अमीन नै सावचेत जोयो, फेर आख्यां मिचमिचाई अर घोड़ रै चावक मार्यो ।

अमीन आपरो बोलणो सुरू राख्यो—हां, भई ! भगवान न करै म्हारै सूं कोई रा टाकरा हुवै, डाकू रा हाथ पग तो जाणी हा ई नई, साथै कचेड़यां री घूड़ फाकणी हुवैली जिकी न्यारी । अर मजै री बात आ के सगळा जिज अर अफसर म्हारा सैदा है । सिरकारी आदमी हूं नीं अफसरां नै ई बात री पूरी जाणकारी रेवै के कद हूं कठे जाय रैयो हूं अर कद कठे ? कर ई बात रो पूरी जावतो रैवै के कोई म्हारै खानी आंख उठा'र बी नई देख सकै । पूरै गैले ऊपर भाड़ियां अर बोभां लारै सिपाई अर चौकी दार बिठा दिया जावै... रो.....रोक, अचानक जोरसूं अमीन चिरळी मैली—तूं म्हाने कठे ले आयो अर कठे ले ज्यावै है ?

“थाने दोसै नई ? जंगल है, ओ । काई है ?”

अमीन सोचण हूक्यो—ठीक है, जंगल ई है, अर में डर ई ग्यो । खैर, पण गाडीवान नै इयां डर्योड़ो दीसणो ठीक नई है । वियां ई नै ठा है कै हूं डर्योड़ो हूं—ओ बर बर मुड़ मुड़'र जगाई तो जोवै है? जरूर ई रै मन में काळो है। पहलां गाडी चालै ई नई ही अर अब भजायां जावै है ।

“विलम ! तूं घोड़ै नै इतो खातो क्यां ताई हांके है ?”

“हूं कठै हांकू हूं । ओ आपूं आप भाजै है—ओ जणा भाजण लाग ज्यावै तो फेर डटणां मुस्कल हू ज्यावै है ई रै छिन चढ ज्यावै—।”

भूठ ! सफा झूठ बोलै है ! वात आ है, गाडी नै इती तेज नई—याम ' घोड़ै री लगाम खींच—हां सुन भई ! रोक—!

“पण क्यूं ?”

वात आ है—आ है कै इस्टेसण सू म्हारा चार सागड़दी लारै ओर आवण हाळा है । वां सूं जरूरी काम है । वां कैयो हो कै वै म्हानै ईं जंगल में लारै सूं नावड़ सी । वारै साथै गैलो बी मजै सूं कट सी—। बै आदमी बड़ा डोल डोल रा जवरा है । वां खनै च्यारां खनै एक एक पिस्तोल है । तूं इयां आख्यां फाड़ फाड़'र काई देखै है ? तूं तो इया कांपै है, जियां भीटकां उपर बैठ्यो हुवै ? हां—में तो—भई, में तो—म्हारे में अड़ी देखण हाळी काई बात है ?—कोई खास बात नई है—फकत म्हारे खनै एक रिवाल्वर है, बस—हां. तूं चावै तो हूं काहूँ अर थानै दिखाण द्यूं—बोल—।”

अमीन इयूं दरसायो ज्यूं गोजी संभालतो हुवै । पण ई रै साथै ई जिकी वात हुई बीरो बीनै आपरै डरपोक पणै पाण अन्दाजो नई हो । विलम भटाक् देणी रो गाडी सूं कूद खड्यो हुयो अर कंठ फाड़'र चिरळी मे'लतो एक भाड़ी खानी भाज छूट्यो—“सिपाई जी ! सिपाई जी !! ले ज्यावो ओ घोड़ो अर आ गाडी !! फकत म्हारी ज्यान—वकसदयो—म्हारी ज्यान मति ल्यो—सिपाई जी !”

बीं रो भाजणै रो दड़बड़ार अर भाड़ियां री हालती डाळ्यां री खड़खड़ाट थोड़ी ताळ तो सुणीजी, फेर सरणाटो छायग्यो । अमीन नै अड़ी वात हुवण री आस कदात्त ईं नई ही । सगळां सूं पहलां बी बुचकार'र घोड़ै नै थाम्यो अर गाड़ी में धीजै सूं बैठ'र सोचण हूक्यो—भाज ई छूट्यो—डरग्यो वेकूफ—। पण अब काई हुवै लो ? आगै एकलो जावणो बी मुस्कल है । गैलो अणजाण है । दूजै, लोग आ बी सोच सकै कैहूं बीरो घोड़ी खोस लिन्धो । बडी मुस्कल हुई आ तो—विलम ! ओ विलम !!

वीरै आपरै इ गरणांवतै वोल्याळ उथळो दिन्धो—'विलम !'

अव अईही हाहफोड़ ठंड में सगळी रात ईं अंधारै वियावान में बैठर काटणी हुवैली अर फकत नांरां री बोली, सरणांटो का ईं मुरदार घोड़ री नाक रा फुरडाट सुणनां हुवैला—आ सोच'र अमीन नै इयूं लाग्यो ज्यूं वींरी पीठ ऊपर कोई रेती चाल भीर हुई हुवै अर पीठ झुकती जांवती हुवै ।

वीं हेला पाड़णां सुरू कर्या—अरै विलमवा ! विलम राजा !! तूं कठै है विलमवा रै ।

अमीन दोय घन्टा तांई वोकाड़ा पाड़तो रैयो । वीं रा कंठ बैठग्या अर जणा वो निसासु हो'र बैठग्यो कै जगळ में ईं रात काटणै सूं दूजो कोई उपाव नईं है तो मधरै बापरै री पीठ चढ'र एक धीमो सो मुरसराट वीरै कानां तांई पूग्यो ।

"विलम ! अरै थूं है, मेरा दोस्त ! आ, चालां !"

"मार नाखो !"

नई मेरा दोस्त ! मैं तो इयूं ईं मजाक करै हो । परमात्मां री सोगन जे झूठ बोलतो होऊं तो । सच्ची हूं तो मजाक करै हो । म्हारै खनै कठै है रिवात्वर ? ओ तो इयांई डर रै मार्ये हूं झूठ बोल दिन्धो हो । अव दया कर दोस्त ! आ, चालां ! म्हारै कंपकपी चढ रैयो है ।

साव आ सोच'र के लुटेरो घोड़ अर गाडी नै ले'र चम्पत हुग्यो हुवै लो, विलम जंगळ सूं वारै नीसर्यो हो अर डरतो डरतो कोई सुलभाळ लेवण तांई उनै आयो हो ।

"गैला । तूं तो डर ई ग्यो सफा ? मैं तो, मैं तो बस मजाक कर्यो हो अर तूं डरग्यो आ, बैठ ।"

विलम घोड़ रै चावक मार्यो ! गाडी हाली ! विलम फेरूं चावक भाड़्यो तो गाडी थोड़ी जोर सूं हाली । चीथै चावक में गाडी आप री जिग्यां सूं सरकी तो अमीन कोट री कालरां सूं आपरा कान ढक लिन्धा अर की सोचण हूक्यो । अव वीं नैन तो विलम सूं खतरों हो अर न गैलै सूं ।

--उत्थो : मोहम आलोक



राजस्थानी-श्रेक

स० तेजसिध जोधा

महादुर स्मृति प्रकाशन, रणसीसर, बाया : डोडवाना जि० नागौर

राजस्थानी श्रेक राजस्थानी की नुंवी कविता की दिसा में श्रेक महताऊ प्रकासन है। ईं रै मांय राजस्थानी रा पांच कवि है—गोरधनसिध सेखावत, मणिमधुकर, आंकार पारीक, पारस अरोड़ा अर खुद तेजसिध जोधा। पांचों कवि हिन्दी या दूजी भासावां टेमोटेम हुवण आळा आंदोलनां, विचारां अर आज की चेतना सारु जागरूक है। श्रे कवि लारला कीं वरसां राजस्थानी की बदळती कविता रा प्रमुख कवी मानीजै।

राजस्थानी कविता हाल आपरी लारली परम्परावां सूं पूरो कट नी पाई है इण रै साथ इज परिवेस रै बदळाव नै भी खुद रै मांय समेट नी सकी है। दुनियां रै, मांय उपजता आंदोलना राजनीतिक स्थिति, मानवी संरदभ अर मूल्यां रै संकट रै प्रति जकी जागरूकता आज मानी जावै, वा इण कवियां की कविता मांय भी है। आं कवितावां में जीवन-द्रस्टि की स्पष्टता, वैचारिक पृष्ठभूमि, अनुभव की सच्चाई अर स्थितियां नै सामे रखण की तगड़ी कोसिस है। श्रे कवितावां मांयले अर वारलै परिवेस ने लेय'र चालै। आं कवितावां में आयोड़ा त्रिम्ब अर प्रतीक सार्थक कहा जा सकै। भासा समरथ नै आज रै परिवेस सूं जुड़योड़ी है। म्हारो केवण रो ओ मतलब है क राजस्थानी भासा में भाव अर विचारां नै कैवण-सुगुणै अर प्रगट करण की पूरी खिमता है। आ राजस्थानी कविता भारत की दूजी भासावां की नुंवी कविता रै सामे खड़ी व्हे सकै है।

म्हारै ख्याल सूं मंच अर गीत सही राजस्थानी कविता की अबखाई है। मंच अर गीत की मांग आपरी अलग है। गीत आज रै भावबोध नै संभाळ नी सकै आ कोई बहस की बात नी होय'र काव्य रूप की श्रेक मजबूरी है। गीत इण वास्तै खाली मनोरंजन वास्तै हुवै गीत नै सरावै शैस-आराम करवाळा सामन्त या सेठ साहूकार।

उणां रै वास्तै पीक, पाद अर कविता अेक हे । राजस्थानी नुंवी कविता ईं स्थिति सूं कट'र आज री बदळती स्थितियां रै प्रति आपरी जिम्मेवारी रो परिचै देवै अर ईं रो जीतो-जागतो नमूनो आ राजस्थानी-अेक है । म्हारै ख्याल सूं ईं संकलन नै निकाळणै रै पाछै सम्पादक री आ इज द्रस्टि रैयी है अर इण में कोइ संका री वात नी'क तेजसिध जोधा आपरै ईं प्रयास में सफल हुया है आज नी पण आगै आवाळा वरसां में लोग ईं काम नै इतियासिक काम मानेला अर अै रचनावां गीत सूं कट'र आवाळी नुंवी कविता री पृष्ठ भूमि र रूप में मानीजेली ।

ईं संकलन रा कवि राजस्थान री जमीन पर आयोड़ा बदळाव तूटतां सम्बध मांय-वारै री लड़ाई, कुंठा, ऊव, संत्रास, अलगाव, अस्तित्व इत्याद मन री स्थितियां रै प्रति जागरूक है । मरुभूमि री जमीन माथै खड़यो होय'र दुनियां रा बदळता पसवाड़ा नै देख'ण रो ओ सैठो प्रयास है । कीं समर्थ नांव छूटग्यां है, इण वात रो अहसास सम्पादक नै है । राजस्थानी कविता रै लारला दस वरसां रै अेड़ै-छेड़ै आयोड़ा बदळाव नै लोगां रै सामै ल्यावण री द्रस्टि सूं ओ संकलन सरावण जोग है ।

—गोपाल जैन



महाकवि पृथ्वीराज सूं सम्बन्धित प्रशस्तियां

(डा० मनोहर शर्मा)

पृथ्वीराज राठौड़ राजस्थानी भाषा रा सर्वश्रेष्ठ कवि मान्या जावै है । आपरो साहित्य अनेक विधावां में प्राप्त है अर उण रो प्रचार भी खूब हुयो है । खास बात या है कै आपनै जीवन-काल में ही भोत घणों लोकप्रियता प्राप्त हुई अर ई तथ्य रो मूळ आधार आपरो ओजस्वी व्यक्तित्व तथा आपरी रचनावां रो महत्व है ।

महाकवि पृथ्वीराज रो विविध रचनावां में "क्रिसन रुकमणी रो बेलि" रो महत्व विशेष ऊंचो है । ई काव्य ग्रंथ रो संस्कृत, राजस्थानी तथा हिन्दी में अनेक टीकावां हुई है अर यो क्रम अब भी चालू है । साथै ई अनेक कवि-कोविदां आपरें साहित्य सूं प्रभावित हुयार आपरो प्रशस्ति गान भी करयो है । प्रस्तुत निबंध रो विषय प्रधान रूप सूं ये प्रशस्तियां ई है ।

ये प्रशस्तियां राजस्थानी र अतिरिक्त हिन्दी संस्कृत में भी प्राप्त है । ध्यान राखणो चाहिजै कै जिण भांत ऐतिहासिक अनुसंधान में राज-प्रशस्तियां रो महत्त्व है, उणीज भांत, साहित्यिक अनुसंधान में ई कवि-प्रशस्तियां रो महत्त्व है । इणां मांय कवि-मुख सूं द्वज कवि रो गौरवगान प्रगट हुयो है । इण भांत यो गौरव-गान खास तीर सुं ध्यान देवण जोग है ।

सब सूं पहली पृथ्वीराज सम्बन्धी संस्कृत-प्रशस्तियां देखो—

(१)

श्रीमज्जोध नरपतेः समभवद् ऋद्धिक्रमो विक्रम—

स्तस्माद्विश्रुत लूणकरण नृपतिः श्री जैत्रसिहस्ततः ।

तस्माद्राजपद प्रसिद्ध महिमा कल्याण भूमिपति—

स्तत्पाटांबुज भास्करः समजनि श्री रायसिह प्रभुः ॥

तद्भ्राता राष्ट्रकूट प्रकटतरयणाः शुद्धचेताः सुशीलः

सद्वृद्धि शास्त्रकर्त्ता हरिचरण युग्माराधनैकाग्रचित्तः ।
 पृथ्वीराज प्रसिद्धो जगति गुणनिधी राजराजा कवीनाम्
 सोमां वल्लीति नाम्नीं हरिचरितयुतां राजगीतां चकार ॥

पृथ्वीराजावतारेण भक्तानुग्रहकाम्यया ।

स्वयं नारायणः स्वस्य जगाद चरितं हितम् ॥

ज्ञाता भोक्ता हरेर्भक्तः कर्त्ता शास्त्रस्य शास्त्रवित् ।

पृथ्वीराजसमो राजा न भूतो न भविष्यति ॥

(जैन कवि श्रीसार री टीका, सं० १७०३)

(२)

पृथ्वीराज, कवे, रवे मरुधरा-पद्मासना-भासुर,
 रक्षिन् भारत संस्कृतेनवरत्न बलान्तस्य चित्तस्य च,
 नव्या ते स्मृतिरद्य विस्मृतबलान् संजीवयेन्नः पुनः,
 राष्ट्रे शक्तिरुदेतु धर्मरहिते धर्मस्य बोधस्तथा ॥

(श्री विद्याधर शास्त्री, वर्तमान कवि)

(३)

भुजायां राजते शक्तिमुखे चैव सरस्वती ।
 हृदयं प्रेमरसोत्फुल्लम्, धन्यः कल्याणपुत्रकः ॥
 आगतो भारते देशे कविर्विख्यात वीर्यवान् ।
 आर्यचरितमाख्यातुम्, वीरो राष्ट्रवरो महान् ॥
 रोपयित्वा प्रभावल्लीम्, मृत्युलोकेऽत्र कामदाम् ।
 मरुवाणी महापुज्या, देमवाणी समा कृता ॥

(डा० मनोहर शर्मा, वर्तमान कवि)

हैं संस्कृत-प्रशस्तियां सूं परगट है कै इणां रो रचनाक्रम पुराणै समै सूं
 चालू हुय हलताई रुक्यो नी है । आज रा संस्कृत कवि भी पुराणै भाषाकवि पृथ्वीराज
 नै आपरी भाव-सुभनांजलि भेंट करै है । ये कवि रै समग्र प्रभाव री सूचक है । जैन
 कवि श्रीसार तो 'वेलि' री रसधारा सूं इतरो घणो प्रभावित हुयो कै 'पृथ्वीराज समो
 राजा, न भूतो न भविष्यति' लिखर संतोष मान्यो । ईं सूं ऊंचो कवि रो महिमा-गान
 ओर काई हुय सकै है ?

ईं उक्ति रो विशेष अभिप्राय है । पृथ्वीराज राठीड़ मुगल-सम्राट री सेवा में रहतां थकां महाराणा प्रतापसिंघ री रीति-नीति रा प्रशंसक अर साथै ही समर्थक हा । इसो काम कोई महाराण व्यक्ति ही कर सकै है । पृथ्वीराज एक साथै ही दुर्गा अर सरस्वती दोनुंवां रा उपासक अर कृपापात्र हा । अठै लक्ष्मी री चरचा करण री तो आवश्यकता-ही नीं है । राजस्थान में अनेक वीर-पुरुष हुया हैं पण उणां में विद्वान-कवि कम ही हुया । राजस्थान में अनेक राजा-महाराजा कवि-कोविदां रा आश्रयदाता रैया है पण स्वयं असंदिग्ध रूप सूं इतरा बड़ा रचनाकार नी हुया । ई सारी बातों पर ध्यान दियो जावै तो पृथ्वीराज खातर 'न भूतो न भविष्यति' कैयो जावणो अत्युक्तिपूर्ण कवि-वचन प्रतीत नी हुवै ।

आगै ब्रजभाषा में विरचित पृथ्वीराज रो विशद-गान सुणो —

(१)

सवैया गीत सलोक, वेलि दोहा गुण नवरस ।
 पिंगल काव्य प्रमाण, विविध विधि गायो हरिजस ॥
 परिदुख विदुख सलाह्य, वचन रचना जु उचारे ।
 अर्थ विचित्र नमोल, सर्व सागर उद्धारे ॥
 रुक्मिणी लता वरणन अनुप, वागीस वदन कल्याण सुव ।
 नर देव उभय भाखा निपुन, प्रथीराज कविराज हुव ॥

(भक्तवर नाभादास जी)

(२)

वर नसैनि बैकुंठ की, रची वेलि संसार ।
 सुनै सुनावै जिन नरनु, प्रेम उतारै पार ॥

(गोपाल कवि)

ईं प्रशस्तियां में भक्तवर नाभादासजी री प्रशस्ति खास तौर सूं ध्यान देवण जोग है । एक ही छप्पय मांय नाभादासजी पृथ्वीराज राठीड़ रै व्यक्तित्व अर कृतित्व रै सम्बन्ध में कई महत्वपूर्ण संकेत दिया है । पृथ्वीराज राठीड़ नर-भाषा अर देव-भाषा दोनूं में निपुण हा । नर-भाषा मांय ढिंगल (राजस्थानी) तथा पिंगल (ब्रजभाषा) सम्मिलित है । साथै ही या बात भी परगट करी गई है कै पृथ्वीराज विविध विधावां में काव्य-रचना प्रस्तुत करी है । जिण भांत तुलसीदास जी आपरै जमानै में प्रचलित अनेक काव्य शैलियां में रामचरित्र गायो, उणीज भांत पृथ्वीराज भी कृष्ण चरित्र रो

गायन 'विविध विधि' कर्षो है। नाभादास जी रै आगै पृथ्वीराज री सगळी रचनावां रैयो है, जिणां खातर वैं सर्वैया, गीत, सलोक, वेलि, दोहा, गुण आदि संकेत दिया है। ई संकेतां में 'गीत, सिलोका' अर 'गुण' राजस्थानी साहित्य में विशेष अर्थ राखै है अर इए नामां सून अनेक कवियां री रचनावां भी मोकळी प्राप्त है।

इसी स्थिति में पृथ्वीराज री छोटी-बड़ी फुटकळ रचनावां पुराणी हस्त-प्रतियां में संशोधनीय है। समै-समै पर महाकवि री कई फुटकळ रचनावां पुराणी पोथियां में मिलतो भी रैयो है अर विद्वान सशोधकां वानै पत्र-पत्रिकावां में प्रकाशित करवाई है। पण ई दिशा में हाल-ताई कोई खास चेष्टा नीं हुई अर या स्थिति खेदजनक है।

आगै डिगल (राजस्थानी) में रचित पृथ्वीराज विषयक थोड़ी सी प्रशस्तियां देखो—

(१)

रुक्मणि गुण लखण रूप गुण रचवण,

वेलि तास कुण करै बखान ।

पांचमी वेद भाखियो पीथल

पुणियौ उगणीसमी पुराण ॥१॥

केवल भगत अथाह कलावत,

तै जु क्रिसन-त्री गुण तवियो ।

चिट्ठे पांचमी वेद चालवियो,

नव दूणम गति नीगमियो ॥२॥

मैं कहियो हर भगत प्रिथीमल,

अगम अगोचर अति अचड़ ।

ध्यास तणा भाखिया समीवड़,

ब्रह्म तणा भाखिया बड़ ॥३॥

(दुरसो आढो)

दुरसोजी आढा राजस्थानी भापा रा एक प्रमुख कवि मान्या जावै है । वैं पृथ्वीराज रा समकालीन हा । दोनुंवां री विचारधारा भी समान ईज ही । दोनूं महा-राणा प्रतापसिंघ रा प्रशंसक हा । ऊपरलै डिगलगीत में दुरसोजी वेलि-कव्य नै पांचवाँ वेद अर उगणीसमी पुराण बतायो है । वेलि रो यो गौरवमान विचार बरणै री वस्तु है।

व्यान राखणो चाहिजै कै राजस्थानी कवियां राधा-माधव री प्रेम-लीला कांनो खास ध्यान न देयर प्रधान रूप रूप सून आपरो ध्यान नागदमण, इन्द्रगर्वहरण

आदि प्रसंगां साथै रुक्मणी-उद्धारक श्री कृष्ण कांती दियो है । राजस्थानी में श्री कृष्ण रुक्मिणी रं विवाह सँ सम्बन्धित अनेक काव्य लिख्या गया है । ई काव्यां में पृथ्वीराज राठीड़ री 'वेलि' प्रमुख है । जिण भांत तुळसीदास जी रं 'मानस' में भारत-लक्ष्मी सीता रं उद्धार रो स्पष्ट संकेत है, उणीज भांत पृथ्वीराज री 'वेलि' में भारत-लक्ष्मी रुक्मणी रं उद्धार खातर उद्बोधन है । यो उद्बोधन वेद-वाणित अथवा पुराण चित्रित भारतीय संस्कृति रो अभिन्न अंग है । इसी स्थिति में दुरसोजी रो वक्तव्य सर्वथा साधार है ।

(२)

वेद बीज जल विमल, सुकवि जड़ मंडी सद्वर ।
पत्र दूहा गुण पुहुप, वास भोगवइ लखमीवर ॥
पसरी दीप-प्रदीप, अधिक गहिरई आडम्बर ।
जे जंपइ मन सुद्धि, अंब फल पामइ अंबर ॥
विस्तार कीध जुगि जुगि विमल, घणी किसन कहूणार बन ।
अम्रित वेलि पीयल अचल, तई रोपी कल्याण-तन ॥

(भोजग जादेव, सं० १६६६ वि०)

ई प्रशस्ति मांय भी पृथ्वीराज री वेलि री सम्बंध प्राचीन वेद-पुराण-परम्परा साथै ई जोड़यो गयो है ।

(३)

कितरा आंगै बड कवी, पुण्यां प्रभु जस पेस ।
बीज ओपमां चातुरी, वक्त्या प्रथ आदेस ॥
नारायण तणो कव्यां बड नीकां,
वाखाणण चौ करी विस्तार ।
बीज कमध कवि चाढि ओपमां,
नमो पीथ नित उकति अपार ॥

(अज्ञात टीकाकार री प्रशस्ति)

(४)

ध्यारि वेद नव व्याकरण, अनै बीरासी गुठ ।
तो अम्रित प्रिय कल्याण रा, गई मजालस उठ ॥

(अज्ञात टीकाकार)

ईं दोनूँ प्रशस्तियां मांय सूँ पहली में पृथ्वीराज रै काव्य रै कलापक्ष री महिमा है तो दूसी महान कवि रै व्यक्तित्व री प्रकाशक है। ईं री अंतिम पंक्ति सहज ईं एक लौकिक-प्रवाद री याद दिरावै है—

पीथल सूँ मजलिस गई, तानसेन सूँ रंग ।
रीझ बोल हस खेलियो, गयो वीरबल संग ॥

यो प्रवाद सम्राट अकबर सूँ जोड़यो जावै है ।

(५)

तो खग उरग कल्याण-तन अरिहर हसणा आह ।
अण्डसिया रहिया अगै, मंत्र स दूहा मांह ॥१॥
मचै पवन अरि मार, अन पहु तुस धाइ उड़िया ।
कण पीथल रहियौ कलह, थापै घाट विडार ॥२॥

ऊपर जितरी भी प्रशस्तियां दी गई है, वै मूल रूप सूँ पृथ्वीराज रै कवि-रूप सूँ सम्बन्धित है पण किणी अज्ञात कवि री ईं प्रशस्ति में राठौड़-वीर रै शौर्य रो विरुद्गान है। इसी हालत में या प्रशस्ति एक अनूठी वस्तु है। इणी क्रम में पृथ्वीराज री दानशीलता वावत भी एक पुराणो पद्य देखो —

पीथल कमध कित्याण रा, केहा गुण गावां ।

थे दाता भ्हे मंगता, इण नातै आवां ॥

आधुनिक राजस्थानी कवि-कोविदां तो पृथ्वीराज रो विरुद्गान और भी घर्ण चाव सूँ कर्यो है अर करता ही रैवै है। पृथ्वीराज री प्रत्येक जयन्ती पर इसी कवितावां वर्णै है अर जलसां में सुणाई जावै है। कवि उदयरज जी रा उद्गार उदाहरण सरूप देखो—

पीथल जो परकास, सजळायो अकबर समै ।

जगमग जोती जास, अजां दिपै भारत, उदय ॥१॥

राठ भाव राठौड़, साहित सूँ पोखै सवल ।

मारू-कवियां मौड़, ओ पीथल हुयगो, उदय ॥२॥

ईं चर्चा सूँ प्रगट है कै आज भी राजस्थानी साहित्य-संसार में महान कवि पृथ्वीराज रै व्यक्तित्व अर कृतित्व रै प्रति पूरो सम्मान है अर उणां री कीर्त्ति यथावत् अनुष्ण है। इसी स्थिति में राजस्थानी साहित्य-प्रेमियां रो यो प्रथम कर्तव्य है कै पृथ्वीराज रो सम्पूर्ण साहित्य विस्तृत विवेचन साथै ग्रंथावली-रै रूप में प्रकाशित कर्यो जावै ।

लेखिकार के रूप में—

महाकवि पिरथीराज रो कृतित्व अर व्यक्तित्व

—बोनवयाल प्रोभा

राजस्थानी साहित्य में महाकवि पिरथीराज रो “वेलि किसन रक्मणी रो” रो घणो ऊंचो ओपतो आसण है। इण काव्य रै सिरजणकर्त्ता रो जलम बीकानेर रै राठोड़ राजवंस में वि० स० १६०६ में मिंगसर वदि १ नै हुयो। आप राव जैतसी रा पोता, राव कल्याणमल रा सुपुत्र अर महाराजा रायसिंह रा अनुज हा। विक्रम सं० १६५७ में मथुरा रै विश्रांत घाट माथै आपरो सरीर स्यान्त हुयो। आपरो पार्थिव सरीर आज जरूर संसार में नी है, पण आपरै अनूठै कामां अर भक्ति भावना रो आपरी रचियोड़ी कृतियां में अमर है।

वेलि रै अळवा आपरा लिख्योड़ा ग्रंथ वसदेरावउत, दसरथरावउत, गंगाजी रा दूहा, महाराणापरताप रा दूहा, प्रकीर्ण दूहा, प्रकीर्णगीत अर नख सिख, राजस्थानी साहित्य रा अणमोल रतन है। मिस्र बंधुआं अर डा० सरयूप्रसाद अग्रवाल आपरी लिखियोड़ी ‘प्रेम दीपिका’ अर श्यामलता रो भी उल्लेख कियो पण घणकरा विद्वान इण ग्रंथां नै आपरा रचियोड़ा नी मानै।

निरालै कृतित्व अर व्यक्तित्व रै घणी महाकवि पिरथीराज राठोड़ रो नाम लैवताई अके इसै सुगण सूरवीर रो सरूप सामनै आवै जिको अकबर रो सभा रो मानी-जतो सदस्य हुवतां थकां भी अकबर रै अंकुस नै पग-पग माथै अस्वीकारै। उणरै रात-दिन नैड़ो रैवतो थकां उणीरै सभु महाराणा परताप सूं प्रीत राखै। राजपूत संस्कृति रो सोवणी गोद पळियोड़ो पिरथीराज मुगल सम्राट रो सभा में बैठतां थकां आपरै

बामनी जोत

आराध्य रो नित नेम सूं स्मरण करै । भारत री असहाय जनता माथै हुवणवाळै
 प्रत्याचारां रा चितराम हिवड़ै में संजोवै अर रय-रय उण अत्याचारां सूं मुक्ति दिरावण
 सारू ठावा उपाय सोचै ।

चिता री इण अटपटी गळियां पिरथीराज रो भावुक मन नित नूंची कल्प-
 नावां रै हिडोळै हीडतो । एण आ घणी सारावण जोग वात ही के एण वडभागी
 पिरथीराज माथै अकै कानी जे भगवती लिछमी री अट्ट किरपा ही तो दूजै कानी भग-
 वती सरसती रो भी उणरै माथै घणो सक्को हाथ हो । लिछमी अर सरसती री इणी
 अनूठी किरपा रै सायरे पिरथीराज रै पागड़ै जीत ही । प्रभु किरपा सूं पिरथीराज रै
 मुख मंडळ माथे जै तपतै सूरज जिसो तेज हो तो हिवड़ै ही ससि सारसी सीतळता ।
 अन्तस में देस, जाति अर घरम नै उवारण री आग ही तो अधरां माथै संजीवण मंत्र
 फूकण री अमर लालसा । भगवती दुर्गा अर सरसती रै इण लाडेसर रै अके हाथ में
 करवाल ही तो दूजै में कलम ।

महाकवि पिरथीराज रै जीवण रा ओकळा काम इतिहास री दीठ सूं सारा-
 वण जोग है । वारो जीवणवित्त जे घणै अधियारै में ओपतो उजास है तो वारो कृतित्व
 जुगजुगाद ताई प्रेरणा देवणवाळो । साहित्य रै इण अमर सधिक री कालजयी कृति
 'वेलि किसन एकमणी री' कवि-कीरत रो अडिग अडावळ है । इण रै अलावा दसरथ
 रावउत, वसदेरावउत, गंगा लहरी, दूजा फुटकर दूहा-गीत सम-सम माथै कवि रै हिवड़ै
 हवोळा लेवत भाव सागर री उठती छोळां है, जिणरो आपरो निराळो सरूप है मधरो मिठास
 है । राजस्थान रै लोक जीवण रा कंठहार अ फुटकर दूहा कवि रै कीरत री अमर ओळ-
 खाण है । साहित्य रै सुगण पारखियां कवि रै कृतित्व नै घणी गैहराई सूं निरख-परख
 भांत भांत री उपमावां सूं ओपतो आदर दियो है । नूवा, पुगणा, देसी, विदेसी, सरसती
 रै सगळै सपूतां आखरां री आतमा रै ओळखाण करणिये रससिद्ध महाकवि री मनमो-
 वणी रचनावां नै पढ घणी-घणी सारावणा की है । डिगळ रा पारखी डा० देसीटोरी^१
 आपने 'होरेस इन डिगल' बतायो तो कर्नल टाड^२ आपरी कवितावां में दस सहस्र घोड़ां
 रो वळ देखियो । भारत रै कई कवियां अर समालोचकां पांचवां वेद^३, अमृत वेलि^४,
 राजस्थानी साहित्य रो दीप्तिमान रतन, अर उपमावां देख होसर^५ सूं तुलना करी तो
 कई विद्वानां हिन्दी रो भवभूति^६ कैय कवि री कीरत वखाणी-। भक्तां रै हिवड़ै विरा-
 जण वाळी इण वेलि रै संबंध में स्वामीजी घणी ओपती वात बताई के भक्त-लोग गीता
 अर सहस्रनाम री तरै वेलि रो नित पाठ करै ।^७ डा० गुप्त वेलि री महता रो मोल

आंकतां केवै-वेलि री महता सिल्पगत, वैसिस्ट्य, युग प्रेरक सदेस अर जीवण-दरसन संबंधी उपलब्धियां तीनां रै कारण है ।⁸

सरसती सै सुगणै सपूतां रै स्त्रीमुख सूं वेलि रै बावत अबार ताईं जिकी सरावण जोग वातां सामनै आई, उणां सूं आ वात चीखी तरै मालम पड़ै के भाषा, भाव अर सैली री दीठ सूं वेलि डिंगल-साहित्य रो बेजोड़ ग्रंथ है । इण भाव-भगती भरियोड़ै ग्रंथ री समना करण जोग दूजौ ग्रंथ डिंगल भाषा में नजर नी आवै सवदां रै सिल्पी भक्त कवि पिरथीराज वेलि री कथा बीज प्रभु भक्तां रै हेताळू हियै विराजण जोग भागवत सूं उठायो । रात दिन भगवत नाम सूं पवितर आपरै मुख रूपी थावलै इण वेलि नै उगाई । इण वेलि रा आखर हरियल पात, द्वाला-दळ, द्वाळां में सजोयोड़ो सुजस परिमल तांत तांत में रमणवाळो रस-नवरस, रसीला गुणी भगत-भंवरा, भक्ति भावना मींभर, भुगती-फूल अर वैंकुठ सुख-भोग इणरो फळ है ।

“वल्ली तसु बीज भागवत वायो, महि थाणी प्रियुदास मुख ।
मूळ ताल जड़ अरथ मण्डहे, सुथिर करणि चढि छांह सुख ॥
पत्र अक्खर, दळ द्वाळा जस परिमळ, नव रस तंतु त्रिधि अहोनिस्सि ।
मधुकर रसिक सु भगति मंजरी, मुगति फूल फल भुगति मिसि ॥⁹

छंद संख्या २६१, २६२,

डा० देवीद्रसाद गुप्त रै सवदां रै सामै आ वात कई जाय सकै के “जिण भांत वेलि रै सिरजणहार महाकवि पिरथीराज रै व्यक्तित्व में सामन्त सेनानी, भक्त अर कवि री त्रिधा है, उणी भांत वेलि में भक्ति-दरसन सिणगार अर वीरत्व भाव री त्रिवेदी रो काव्य सगम ।¹⁰ पण जिण काव्य री नायिका लोकमाता, सिंधु सुता, श्री, लिछमी, पदमा, पदमालया, प्रभा, चंचला, इन्दरा, रामा, हरिवत्तलभा अर रमा नाम रूपा स्वमणी है अर नायक परमपिता परमेश्वर, कमलापति, त्रिविक्रम, जगतपति, माधव हरि नारायण अर वसुदेवकुमार श्री कृष्ण है उण री लीलावां बतावण वाळी स्वमणी री सांची सखी साख्यात भगवती सरसती है अर वरणन करण वाळो भगत कवि पिरथीराज है, उण काव्य में भक्ति भावना री भला कई कमी रय सकै ? वेलि री ओळ ओळ अर कवि रै दूजौ ग्रंथां रै अध्येतावां इण वात नै अके स्वर सूं स्वीकारी है के वेलि अक भक्ति काव्य है ।

वेलि काव्य री परम्परा माथै सोध करणियां गुणी विद्वानां डा० नरेन्द्र भानावत, अर डा० हीरालाल माहेश्वरी वेलि रो वर्गीकरण पौराणिक अर धार्मिक

रचनावां री पांत में कियो । इणी भांत राजस्यानी साहित्य अर इतिहास रै सबळ जाणीकारां डा० गौरीसंकर हीराचंद ओझा, डा० दशरथ शर्मा डा० आनन्द प्रकाश, डा० मनोहर शर्मा, विपिन बिहारी त्रिवेदी आदि आदि सगळां वेलि नै भक्ति काव्य अर महा कवि पिरधीराज नै भक्त कवि स्वीकार्यो ।

महाकवि री भक्ति भावना किण संप्रदाय विसेस सून प्रेरणा ले आगँ चाली घणवा उणरो सबळो संबंध किण संप्रदाय सून रैयो, इण संबंध में डा० गुप्त रै विचारां रै सागँ आ बात कई जाय सकै के विठ्ठलनाथ री प्रसस्ति में लिखियोड़ा १२ दूहा, जैसलमेर रै रावळ हरराज री छोटी बेटी चांपादे सून व्याव, अर नल्लादास री भक्तमाळ री साख इण बात नै बतावै के जे महाराज प्रिथीराज री ब्रह्म विसयक परिकल्पना री संप्रदायगत आधार मायै ही विस्लेसण करणो है तो वानै वल्लभाचार्य द्वारा चलायोई सुद्धाद्वैतवादी पुस्तिकामां में निष्ठावान मान्यो जाय सकै ।¹¹

सबद सिल्ली, साहित्य संस्कृति अर कला रै अनूठे अनुरागी, कल्पना रै अदीठ चितरामां रै रंगील चितारै महाकवि पिरधीराज आपरी वेलि रों घणकरो विस्तार आपरै मनमत कियो । वेलि री ओळ-ओल रै ऊजळ आखर में कवि री गँहरो ग्यान अर कल्पना री मौलिकता, मूँडै वोलै ।

वेद, उपनिषद्, पुराण, गीता अर संस्कृत महाकवियां रै अमर ग्रंथां री सांगोपांग अध्ययन कर उणरी परिपाटी री पूरो निभाव कवि वेलि में कियो । महाकवि दूजै घणकरै विसयां रा रुड़ा जाणकार हा । काव्य री सिरजण परम्परा, रीति-नीति, छंद अलंकार, सबद सक्ति, रस रै सागँ आपनै वैद्यक, संगीत, सट-दरसण, वास्तुकला, ज्योतिस, सुगन खेती, रो-भी गेहरो ग्यान हो ।¹² वेलि रै अध्ययन सून इण बात री भी पतो चालै के वै मानव-मन रा भी अनूठा पारखी हा । भांत-भांत री रंग रूपाळी सुख दुख री घटनावां घटण-सून मानव-मन री हल चल किण तरै री हुवै, उणरै मुख मंडळ रा रंग रूप किण तरै बदळाव लेवै, नायिका री उड़ीक उणरी पदचाप सुगतां अर मिलण री वेळा नायक री मनोदसा किण तरै री हुवै इण रा रूपाळा चितराम जिए भांत पिरधीराज चित्रित किया है, दुजी ठोड़ नी मिळै ।¹³ नारी जीवन री मनोदसा नानै पण सून ल मदमातै जोवन ताई किण तरै बदळाव लेवै, उण भावां रै निरूपण कवि किणी तरै री काण कसर नी राखी ।¹⁴ पळ पळ पलटा खावती परकत किण भांत नित नूँवो रितुआं रै उणियारै आपरा रूपाळा रंग वदळै लूवां वाजी, विरखा वरसै, ठंडी शंभर वाजी कवि री दीठ सून अदीठ नही हा ।¹⁵ मानव-मनां रै पारखी इण कवि सून

पसु पंखेरूआं री गतिविधियां भी छानी-छिपियोड़ी नी हा । किण रितु में किआ पसु पंखेरू केलि फ़िड़ावां करै, बोलै, नाचै, मिनखां रो मन रीभावै इण बातां रो भी कवि घणो पारखू हो ।¹⁶ तीज तेवार, आरांंद उछव, बीआ वधाणै अर लाडेसर रै जलम उत्सव माथै किणतरै रा हरखकोड हुवै इण विधरी सगळी लोक रीति रो कवि घणो आछो जाणकार हो । लोकगीत धवळ मंगळ किण वेळा किण तरै रा गाइजै, इण री मीठी मधरी ओळचां री भी कवि नै आछी ओळखाण ही । मेहफिलां¹⁷ रै रंग रैळियां रिमयोई कवि नै रगमंच रो घणो चाव हो¹⁸ । राजनीति¹⁹ रै गेहरै ग्यान रो परिचय कवि वसन्त धरणन में घणो ओगती ओळचां में दियो है । कवि री बहुयता रो परिचय देवणवाळी मोकली बातां वेलि रै छंद छंद में जड़ियोड़ी है ।

महाकवि पिरथीराज भारतीय संस्कृतिरै प्रति घणां आस्थावान हा । संस्कृति सबद आपरी सबळी सीमाआं में घणो गंभीर अरथ सिवर राख्यो है । किणी देस री संस्कृति सूं उणदेस रै आचार विचार, रीति रिवाज, ग्यान, विद्यान, रैवण-सैवण, परम्परा रा अनुभव, जीवन वितावण रो रंग ढंग, कला प्रेम अर हचि जिसी घणकरी बातां रो बोध हुवै । उणरो गैहरो नांतो मानव समाज रै भौतिक, आध्यात्मिक, आर्थिक राजनीतिक, धार्मिक, साहित्यिक, दार्शनिक, कलात्मक आदि सगळी तरै री उन्नति सूं है । सभ्यता नै जे मानव-समाज रै विकास रो वाहरी सरूप कयो जाय सकै तो संस्कृति उणरै अन्तस रो विकसित सरूप है ! महाकवि इणो अन्तस रै विकसित सरूप नै विगड़तो देख आपरी रसीनी वाणी सूं उणनै धिर राखण री भाव भरी प्रेरणा वेलि रै मिस दी ।

महाकवि पिरथीराज जिण दिनां आपरो आपो संभाय कलम उठाई उण दिनां भारत माथै राज करणवाळी सबळी सत्ता इण देस री संस्कृति रो सरूप बदळण में लाग रयी ही । आचार विचार, रैण सैण, खाण पाण, धरम ध्यान रीति नीति नित नूवा रंगरूप अर बदळाव रेया हा । साहित्य अर कला माथै भी विदेसी संस्कृति रो चमकती भोळ चढतो दीख रैयो हो । राजदण्ड रै लांठै भय सूं सगळा रा मू डा बंद हा । कोई खुली बात बतावणो नी चावतो । महाकवि पिरथीराज इण सगळी बातां नै गेहराई सूं निरख परख वेलि रै सायरै भारत री संस्कृति रै सोवणै सरूप री मन भीवणो व्याख्या करी । दर असल प्रिथीराज संस्कृति रो संबळ, पूजारी अर चतर चितेरो हो । आपरै आराध्यदेव अर माता रुक्मणी रै सबठै सायरै पग पग माथै सांस्कृतिक तत्वां री घणी सोवणी व्याख्या करी है । पुराणां री लांबी पसरियोड़ी कथावां नै सार रूप में संजोय राखण में कवि नै घणी सरावण जोग सफ़लता मिळी है । यज्ञ, यज्ञोप-

दीत, अर मिंदरां रै प्रति कवि रै हिवड़ै घणो हेत है । दया धरम, विनय, सिस्टता, नाळीणता, लज्जा मरजादा, काण कायदा, धीरता, वीरता अर भीड़ में भीड़ू वणणा री भावना भी कवि आपरै पात्रां में मोकै मौकै माथे आछै-ढंग सूं दरसाई हैं ।

गऊ, ब्राह्मण अर अवलो री रक्षा भारत रै सूरों रो सदा सूं सुगणो सुभावै रैयो है । रुक्मणी रै कामद लेजावण बाळै ब्राह्मण रो भगवानें खुद आपरै सिधासण सूं उठ स्वांगत सत्कार करै । अवला री आवाज सुणै खुद भोज्या आवै । सुद्ध सौत्तिक अर सद जीवण वितावण सारू कवि मदरा, क्रोध, हिंसा, निंदा अर कट्टे वचनां नै छोड़ण री साची सलां देवै ।²⁰ इण अवगुणां नै छोड़ियां विना जीवणो आपती अर आदर जोग नो वण सकै ।

भारतीय संस्कृति में जगतपिता परमेश्वर अर जगत धात्री भगवती रा जिकां सरूप है बांरा चित चावता चितराम कवि भगवानें किसन अर भगवती रुक्मणी रै वर्णन मिस चित्रित किया है। भारत रै रेवासियां री आ घणी पुराणी धारणां हैं के प्रभु नै जिको जिस रूप में व्यावै उणनै उमोई रूप दीखै । कुन्दनपुर में भगवान लोगां नै किए किण रूप में आप आपरी भगती भावना रै परवाण दरसण दियां, इण सैम्बन्ध में कवि कैवै-भगवान कामणियां नै कामदेव, दुस्टां नै काळ, भगतां नै भगवान, नारायण वेद वेतावां नै सावस्यात वेद भगवान दीख्या तो जोगीस रो जोग तत्व जाण्यो²¹। इण प्रसंगा सूं पती लागै कै कवि भारत री संस्कृति रै प्रति घणां आस्थावान हा अर उण री व्याख्या भी सोवणै सरूप में करी ।

काव्य री आत्मा रस हुवै । रस भरी रचनां भिनखां रा मन मोयलै । रस रै रुड़ै रूप रा जाणीकार कवि पिरथीराज आपरी वेलि री रचना सिणगार रस में करी । सिणगार रस रै दोय रूपां—संयोग अर वियोग-सिणगार रो सांगोपांग वर्णन कवि किसन रुक्मणी रै घणकरै प्रसंगां में कियो है । मोकै-मोकै माथै वीर, भयानक, बीभत्स स्यान्त, रौद्र, हास्य अर करुण रस री धारावां वैवावण में कवि कोई कमी नी राखी । नव रसां सूं सरावोर 'वेलि किसन रुक्मणी री' री रस लिस्ट सांसारिक सुखां री तृप्ति करावण बाळीज नी ह्व आध्यात्मिक भावनावां री गैहराई में ऊंडा उतार मानव समाज नै निरमळ रस रो आनंद दिरावण में सफळ हुई है । वेलि रै रस री ऊजळी छीळां में आनंद लेवणियो मानव-मन सांसारिक सुख-वासना सूं हवळै-हवळै ऊंचो उठ सुद्ध नात्विक निरमल रस में आणद लेवण लाग जावै । डा० भानावत रै सबदां में

आ बात कई जाय सकै के वेलि में जो सिणगार है वो आध्यात्मिक भावलोक सँ विमण्डित अर सात्विकता रै लेप सँ सुवासित है ।²²

काव्य री आत्मा जे रस है तो उणरो सुरंगी सरूप अलंकार । रस'र अलंकार साम्त्र रो जबरो जाणीकार महाकवि पिरथीराज इण बात नै आछी तरै पैचाएतो हो के दोयां रै ताल मेल सँ ईज काव्य रो सुरंगो सरूप रसीलै माणसां रो मन मोय सकै, हेताळुआं रै हिवड़ै रो हार वण सकै । वेलि रै आखर आखर अर ओळ ओळ उतरगिया अलंकार वसन्त में सहज भाव सँ विगसए वाळी फुलवाड़ी ज्यूं फूटरा है । महाकवि संस्कृत अर डिंगल भासा रै सगळै सोवणै अलंकारां रो उपयोग वेलि में कियो है । डिंगल रै 'वयण सगाई' अलंकार नै जे कवि आखर आखर आदर दियो तो संस्कृत काव्यां में वखाणए जोग सगळै अलंकारां रो उपयोग ओळ-ओळ में कियो । किआ अलंकार कवि री दीठ सँ अदीठ रय गया, जिणां रो उपयोग वेलि में नी हुयो सायद अेक ई नी ।

विआं तो कवि सगळै अलंकारां नै ओपतो आदर दियो है एण उपमा, अनुप्रास, रूपक, उत्प्रेक्षा, श्लेष, अपह्नुति रो उपयोग घणै चांव सँ कियो है । कवि परम्परागत उपमावां सँ ऊंचो उठ तूवी ओपमावां री भी संरचना करी है । ज्यूं दातां री उपमा तारां री कांति सँ, हिवड़ै हवोळा लेवते आनंद री उपमा चंद्रमा रै उजास सँ नासिका री उपमा दीप सिखा सँ आदि आदि (छंद सख्या २२)

रूपक-रचना में भी कवी तूवोपण दरसायो है । वसन्त रै मिस कुराज अर सुराज री कल्पना घणी सोवणी वण पाई है²³।

ज्यूं:—सिसिर रितु-दुस्ट राजा, वसन्त-सुराजा, मलयानिल-सुराज री सुख-दाई सुरम, भंवरा-कर वसूल करण वाळां, विरछलता मंजरी-प्रजा, मधु-पराग-सुगंध-राज कर ।

इणी तरै खेती रो रूपक भी देखण जोग है²⁴

वलराम-किसान, युद्ध भूमि-खेत, खलिहान, हल-हळ, सत्रुवां रा कंधा-जड़ां, छोटी छोटी भाड़ियां, रक्त रंजित समर मोम-मूंगां रा खेत, लोही रा फवारा-लाल कूपळ, सत्रुवां रा माथा-खेतां रा सिट्ठा, सत्रुदळ-घान घोड़ो रो घूमणी-उषाहरण करणी, भागतां जोधा-घान भरियोड़ी गाड़ियां रो जावणी ।

कवि री आ रूपक संयोजणा उणरी सुश्रम दीठ नै दरसावण वाळी है, मौलिकता री परिचायक है ।

महाकवि प्राकृत, संस्कृत अर ब्रज भाषा रो जाणीकार हुवतां थकां आपरो काव्य डिंगल भासा में सिरजण कियो । डिंगल भासा री सगळी विसेसतावां नै नेड़ै सँ

निरख परख उणरो उपयोग आपरी अमर रचनावां में कियो। कविरी दीठ में भासा भावां नै प्रगट करण रो साधन है साध्य नी। जिकी भासा में कलाकार आपरी मनो-भावना, देस री परम्परावां, रीति रिवाज, रंग रूप अर उणरै साहित्य री सगळी विसेसतावां सांतरै सरूप में राख सकै, उणरो चयन करणो कवि रै सारू घणो हितकर रेवै। सायद इणी सारू महाकवि वेलि लिखण में ढिगल रो चुणाव कियो। सगळें विद्वानां कवि रै भासा माथै असाधारण अधिकार री सरावणा करता अक स्वर सू आवात बताई के वेलि री रचना में राजस्थानी पद्धति रो पूरो-पूरो निभाव हुयो है। इण भासा री आत्मा रै जाणीकार कवि ढिगल रो जिसो सरस, प्रवाहमय सरूप वेलि में राख्यो, विसो आज ताई हूजो कोई कवि आपरी कृतियों में नी राख सक्यो। कवि वां कवियां अर ढिगल लिखणियां ने अपरतक्ष्य रूप सू चेतावणी दी के ढिगल भासा वीर रस नै बहण करणवाळी ईज नी है, इणमें सरस सिणगार री भी रस स्रष्टि मन मौवणें ढंग सू हुय सकै।

वेलि में प्रकृति री सोवणी छटा देखण जोग बणयाई है। प्रकृति चित्रण कवि संव्या अर परभात वर्णन, सट रितु वर्णन, अर अलकार विधान वर्णन प्रसंग में कियो है। भांत भांत रै रूपकां में सजियोड़ी रंग-भरी प्रकृति आपरै परिवेस में घणा परिवर्तन लियां धरती माथै पदारपण करै। प्रकृति बदलाव रै सागै सागै पसु, पंखेरू अर मानव त्रिस्टि रै सुभाव में किणतरै रा परिवर्तन आवै उणरा भी कवि आछा चित्र-राम सजाया है। तीज, त्यौहारों अर धर्म ध्यान रो भी वर्णन कवि प्रकृति वर्णन रै सागै सागै घणो ओपतो कियो है। कठै कठै प्रकृति वर्णन रै सायरै समाज री स्थिति अर मनोभावां रो भी आछो चित्रण कियो है। कवि री सुक्ष्म दीठ प्रकृति रै चित्रण में छोटी छोटी वातां नै भी प्रस्तुत करण में घणी सफल हुई है।

वैभव री रंग रेलियां में पळियोड़ो पिरथीराज समाज रै ऊंचै सू ऊंचै अर नीचै सू नीचै मिनखां रै मनां रो मीत हो। वैरै रात दिन नैड़ा रैवणिया जे राजा महा-राजा, क्रोड़पति अर लखपति हा, पण उणरी दीठ सू सद ग्रिहस्थी, गरीब अर कर्जायत भी अदीठ नी हा। समाज रै इण रंग-विरंगै सरूप रा चितराम महाकवि आपरी कलम नूं घणै रूपाळै रंगां सू मांड्या है। कवि क्वमणी अर किसन रै राजमहलां रै मिस जे राजसी ठाट वाट रो चितराम मांडै तो केलि रूपी किरोड़पति अर चंपक रूपी लखपति रै पतां रूपी पताकावां अर पट्टप रूपी दीवा संजोग रो भी वर्णन करै। वींआ वधाणै, हरख टांकड़ै याचकां नै दान रै अयाचक वणावण री वात भी कवि ओपते ढंग सू केवै।

ठंड रै सिकुड़तै दिनां री उपमा देवतो कवि केवै के जिणतरै कर्जायित करज देवण वाळै नै देख भेलो भेलो हुवै उणी भांत सीत रा दिन सिकुड़ रया है²⁵ ।

समाज में सबळो आदर जोग जीवन बितावण सारू जरूरी है के मानव सद-गुणां नै धारण करै अर अवगुणां रो त्याग करै । घर गिरहस्थी नै सुखी वणावण भगवान भी मदरा, क्रोध, हिंसा, निंदा अर गाली पांचां दुरगुण ने परेका छोड़ै²⁶ ।

संसार सुपहु करता गृह संग्रह

गिणि तिणि हीज पचमी गाली ।

मदिरा, रीस, हिंसा निन्दा मति

च्यारे करि सूकिया चंडालि ॥ छंद संख्या २७७

दरअसल आज रै समाज में अ्रे पंच दोस ही नित नूवा उत्पात मचावै ! बड़ां री नजर में कोई छोटी नी हुवै । भगवान द्वारा गरीब ब्राह्मण रो ओपतो आदर करवाय कवि इण बात री पुस्टि करै ।

सुखी जीवण सारू बड़ां री आग्या रो पालण अर मरजादामय जीवण जीवणो घणौ जरूरी है । राजकुमारी रुक्मणी अंविका माता पूजण जांवण सूं पैली आपरी सखी सूं महाराणी री आग्या मंगावै । महाराणी पण मरजादा में रैवतां थकां पति, पुत्र अर परवार वाळा नै पूछ राजकुमारी रुक्मणी नै देवी पूजण री आग्या देवै²⁷ ।

सरग अर नरग अठै इज है । जिणरो जीवन धरम, ध्यान, पर उपकार, स्वाध्याय, चिंतन, मनन, जप तप अर प्रभू आराधना में बीतै वै संतोस रै सबळै सागरै अठेई सरग सारसो आणंद पावै । महाकवि सायद इणी कारण सूं द्वारका ने इन्द्रपुरी दतावै बधूं के बठै रै सोवण सरवरां रै घाट घाट संध्या-बंदन करण वाळा ब्राह्मण ई चालता फिरता तीरथ है । घर घर में होम री आहूतियां दीप रयी है । ठौड़ ठौड़ जप तप हुय रया है । सगळै मारगां माथै मगळ बंदनवारां री मीठी सुरम हवा रै हिलोरां रै सागै फैल रयी है । कोयल मीठी मधरी राग गाय रयी है । दरअसल जठै इण तरै रो भगती भाव भरियो स्व धरम पालन रत आस्थामय जीवण है बठै सरग री कल्पना सहज रूप सूं हुय सकै ।

साहित्य संस्कृति अर कला री त्रिवेणी रै रस-सू-सिंचित-इण-वेलि-री पात्र सरचना, नठार वरणन, स्थानीय रंग विन्यास भी घणौ रूपाळो है । इणरो अन्तरंग अर बहिरंग पक्ष भी अणमोळ अर घणौ भाव-भर्यो है । प्रभु-भक्त अर-सरसती रै

सुगर्ण माधक री वेलि रो अक अक छंद अणमोळ मोती है, जिणारो चुराव करतां आ
 वात समझ में नी आय सकै के किसो मोती छोड़्यो जाय, किसी ग्रहण कियो जाय ।

असल में जिण भांत महाकवि पिरथीराज लिछमी-पती भगवान किसन रा
 गुण पावण में आपरी लाचारी दरसावतो थको केवै कै हे प्रभु कुण इसो ग्यानी है जिको
 आपरा गुण बखाण कर सकै, कुण इसो तैराक है जिको समद नै तैर'र पार कर सकै,
 कुण इसो पंखेरु है जिको उडर आकास रँ अन्त ताई पूग सकै कुण इसो रंक है जिको
 सुमेरु पर्वत नै उठाय सकै, उणी भांत महाकवि पिरथीराज रँ अपार गुणां रो ओपतै ढंग
 सँ वरणन करण में म्हारी असमर्थता है । पिरथीराज री वेलि री समालोचना करण
 में म्हे म्हारी इणी तरै असमर्थता दरसावतां थको महाकवि रँ उक्त छंद रँ सागै कवि
 नै अर उणरी सबळी साधना नै बारम्बार नमन करु²⁸ ।

“स्त्रीपति कुण सुमति तूभ गुण जुतवति

तारु कवण जु समुद्र तरै ।

पंखी कवण गयण लगि पहुँचै

कवण रंक करि मेरु करै । छंद ६



संदर्भ—

१. स्वसंपादित वेलि इन्ट्रोडक्शन
२. राजस्थान टाड
३. दुरसा आढा—पांचमां वेद भाखियी पीथल
४. सांडिया भूला-अमृत वेलि पीथल अचल
५. राजस्थानी भाषा और साहित्य—डा० मोतीलाल मेनारिया पृ० ६१७.
६. किसन खमणी री वेलि—सूर्यकरण पारीक भूमिका
७. किसन खमणी री वेलि—प्रस्तावना पृ० ३३

८. वेलि किसन रुक्मणी री में दार्शनिक तत्व, डा० देवीप्रसाद गुप्त राजस्थान भारती
अंक ३-४ भाग १५
९. वेलि-संपादक डा० आनन्दप्रकाश दीक्षित छंद संख्या २६१, २६२
१०. वेलि किसन रुक्मणी री में दार्शनिक तत्व डा० देवीप्रसाद गुप्त राजस्थान भारती
अंक ३-४ भाग १५
११. वेलि किसन रुक्मणी री में दार्शनिक तत्व डा० देवीप्रसाद गुप्त, राजस्थान भारती
अंक ३-४ भाग १५
१२. वही छंद संख्या २६६. १३. छंद संख्या १६५, १४. छंद संख्या १२ सूं २७
१५. छंद संख्या १८७ सूं २६८ १६. छंद संख्या १६४, १६६, २४१
१७. छंद संख्या २४३, १८. छंद संख्या २४८, १९. छंद संख्या २५१ सूं २५२
२०. छंद संख्या २७७, २१. छंद संख्या ७६, २२. राजस्थानी वेलि साहित्य डा०
नरेन्द्र भानावत पृ० १५३, २३. छंद संख्या २४६, २५१, २५३, २४. छंद संख्या
१२७, १२८, २५. छंद संख्या २२०, २६. छंद संख्या २७७, २७. छंद संख्या ५०
२८. छंद संख्या ६

संगम री गति-विधि

दिनाङ्क ७ दिसम्बर १९७५ नै राजस्थानी भाषा साहित्य संगम (अकादमी)
वीकानेर द्वारा स्थानीय नागरी भंडार रै भवन में महाकवि पृथ्वीराज जयन्ती अर
टेसीटोरी स्मृति दिवस एक साथै ई आयोजित कर्या गया । समारोह रो उद्घाटन मनीषी
पं० श्री विद्यावर जी शास्त्री कर्यो । आप महाकवि पृथ्वीराज रै सम्पूर्ण ग्रन्थो रो
प्रकासन करणै पर जोर दियो तथा राजस्थानी सेवक टेसीटोरी री समाधी नै सुन्दर रूप
देवण री जरूरत प्रगट करी ।

समारोह रो संयोजन श्री चन्द्रदानजी चारण कर्यो । अध्यक्ष रो आसया स्थानीय हूंगर कालेज रा हिन्दी विभाग रा अध्यक्ष डा० श्री कन्हैयालाल-जी शर्मा ग्रहण कर्यो । मुख्य अतिथि रै रूप में वयोवृद्ध राजस्थानी साहित्य सेवी श्री मुरलीधर जी व्यास उपस्थित हा । इण अवसर पर संगम-सभापति पं० श्रीलालजी मिश्र भी मौजूद हा । बीकानेर रा प्रायः सगळा ही राजस्थानी साहित्यकार अर साहित्य-प्रेमी सज्जन समारोह में उत्साह रै साथ भाग लियो ।

रात्रि काल में नागरी भंडार रै प्रांगण में राजस्थानी कवि सम्मेलन रो आयोजन कर्यो गयो जिएरी अध्यक्षता भी डा० कन्हैयालालजी शर्मा करी । संयोजन रो काम श्री भवानीशंकरजी व्यास 'विनोद' कर्यो । कवि सम्मेलन में श्रोतावां री काफी अच्छी उत्स्थिति रही अर साढे वारै बजे ताई सरस कविता पाठ हूतो रयो । कविता पाठ करण वाळा कवियां में प्रमुख रूप सँ श्री सूर्यशंकर जी पारीक, श्री माणिक बंधु तिवारी, श्री मोहम्मद सद्दीक, श्री धनंजय वर्मा, श्री विनोद व्यास, श्री दीनदयाल ओझा, डा० श्री मनोहरजी शर्मा, श्री सांवर दइया एवं श्री जवरअली के नाम उल्लेखनीय हैं । इस अवसर पर शेखावाटी के प्रमुख कवि श्री वजरंगलाल पारीक 'लाल' भी आमन्त्रित हा, आपरी कवितावां नै श्रोतावां बड़ी रुचि रै साथ सुणी अर आपरी 'उटाळा' नाम री कविता नै बारम्बार सुणै खातर आग्रह हूतो रयो ।

हूजो साहित्यिक गतिविधियां—

श्री भारतेन्दु समिति कोटा रै तत्वादधान में अकावमी द्वारा व्याख्यान माळा रो उद्घाटण अकादमी रा मानीता अध्यक्ष पं० श्री विष्णुदत्तजी शर्मा कर्यो व्याख्यान माळा रा प्रमुख व्याख्याता राजस्थान विश्व विद्यालय रा प्राध्यापक श्री विश्वम्भरनाथ उपाध्याय हा ।

अकादमी री सरस्वती सभा अर संचालिका रा मानीता सदस्य डा० तारा-प्रकाश जोशी रो जयपुर सँ जोधपुर तत्वादलो हूवण रै अवसर पर जयपुर रा साहित्यकारां एक विदावगी-गोष्ठी रो आयोजन कियो । इण गोष्ठी री अध्यक्षता विधान सभा रा उपाध्यक्ष श्री रामसिंहजी यादव करी । समारोह में अकादमी रै अध्यक्ष महोदय रै साथै संसद सदस्य श्री मिश्राजी, पत्रकार श्री चन्द्रगुप्त वाणर्य, श्री तारादत्त निरविरोध अर श्री वेद व्यास आदि भी उपस्थित हा ।



इण अंक रा लिखारा

○

हरमन चौहानः— नुंवा कवी अर कथाकार । जलम : न जून १९४२ नै बलाड़ (व्यावर) में । जोधपुर विस्वविद्यालय सून सन् १९६६ में एम० ए० (हिन्दी) । कई पत्रिकावां (जाणकारी, सिनेपत्रिका, लक्ष्मी पूजा) रो संपादन अर हिन्दी नै राजस्थानी छापां में घणा छपचोड़ा । 'अवोधता' नांव सून हिन्दी कविता री पोथी छप्योड़ी । उणां रै कैवणै मुजब ओमधन (राज० उपन्यास) अर धोरां छितरो चांदणी (राज० का'णी संग्र) छपण आळा हैं । पतो—टेलीविजन सेंटर हिन्दी समाचार विभाग, वर्ली, धम्बई ।

○

बाबूलाल सरमाः— सकराय माताजी (सीकर) रा रैवासी । सन् ७१ में राज० वि० विद्यालय सून एम० ए० करचां पछै बेकारां री लिस्ट में नांव लिखायो, पण नौकरी हाल नी । राजस्थानी रा जागरूक कवी अर कथाकार । ७० सून राजस्थानी लिखणों चालू । 'सकराय माताजी वृतांत' अके इतिहासिक पोथी अर 'एक सीधाव्रक' नांव सून हिन्दी री कवितावां रो संकलण छप्योड़ी । अवार 'स्थिति' नांव सून पत्रिका रो संपादन । पतो— सकराय माताजी, बाया : उदयपुरवाटी जि० सीकर ।

○

कमला वरमाः— जलम : १९४१ में । भणार्ई-फगत ईंटर ताई । नुवां कवियां रै मांय लेखिका रै रूप में चमकतो सिरै नांव । उणां री दीठ में लेखन जिनगानी रा छप्योड़ा झूठ नै कुचर'र वारै काढ़णों है । पतो— हवावाण, हरडे डिपो, कोट गेट के अन्दर, बीकानेर ।

○

अर्जुनसिंघ सेखावतः— लारला बीस बरसां सून टेमोटेम सगळी विधावा में लिख-
रिया । भणार्ई-एम० ए० । 'भाषा ज्ञान प्रभा' (दो भाग) नांव सून छप्योड़ी पोथी राजस्थानी जीवन सून गाढ़ो लगाव । सगळा तरिवां रा बंधा में व्हेता रुचि थकां मास्टरी सून अणूतो संतोस । पतो— प्रधानाध्यापक, रा० उ० विद्यालय, खीमेल, जि० पाली ।

जगतो जो

○

गोहन आलोकः— नुवां प्रयोग सूं लगाव राखणियां नुवां कवी अर कथाकार । फिलाल नुं वै सिरजण में जागरूक । पतो— १४१ एच० ब्लाक, गंगानगर (राज०)

○

कल्याणसिंघ राजादतः— राजस्थानी रा मागीता अर लाइला कवी । गीतकारां में आपरो नांव सिरै । जलम = दिसम्बर १९३९ में नागौर जिलै रै चिनावा गांव में । 'रामनिया मनोड़' अर 'आ जमीन-आपणी' नांव सूं दोय पोथ्यां छप्योड़ी । फिलाल 'परभानी' नांव सूं प्रकृति काव्य छपण आळो । पतो—प्रधानाध्यापक, भवानी निकेतन सैकन्ड्री स्कूल, भोटवाड़ा (जयपुर-पश्चिम)

○

पुरुषोत्तम छगणीः— कवी । भणार्ई एम० ए० । पत्रकारिता अर साहित सिरजण सूं लगाव । पतो—कृष्ण भवन, दूसरा मजला, दादी सेठ रोड, मलाड (पश्चिम) बम्बई ।

○

सांवरसल दायमाः— रामगढ़ सेखावाटी रा रंवासी । भणार्ई एम० ए० (अंग्रेजी) हिन्दी अर राजस्थानी भासा रा कवी । नुं वै सिरजण में आस्था । 'धलै गीदड' नांव सूं छपण-आळी पोथी । पतो—भगवानदास तोदी-कालेज, लक्ष्मणगढ़-सीकर (राज०)

○

रामनिरंजन सरसा ठिमाऊः— जलम पिलाणी रै मांय-संवत् १९८७ वि० में । भणार्ई एम० ए० (अंग्रेजी) हिन्दी अर-राजस्थानी रा जागरूक-लिखारा । बाल साहित सूं घणू लगाव । 'बालोत्सव' 'स्तुति पुंज' अर 'कल के नागरिक' नांव सूं हिन्दी में छप्योड़ी पोथ्यां । पतो—विरला बाल निकेतन, पिलानी (राज०)

○

नागराज सरसाः— जलम १९-मार्च १९३२ में पिलाणी । भणार्ई, एम० ए०, बी० काम० । राजस्थानी रा हास्य रस रा चावता कवी अर नाटककार । 'इवतो-चेतो' (राज० नाटक) 'विरखा-वीनणी' अर 'थारो के ल्यांहां' (राज० कवितावां) री पोथ्यां छप्योड़ी । दिनभर हंसी रा फंंवारा छोड़ता अलमस्त जीव । पतो—विरला हाइयर सैकन्ड्री स्कूल, पिलानी (राज०)

○

उमाचरण महमियाः— जलम १० जुलाई १९४७ नै भुक्तुं में । हिन्दी अर राजस्थानी रा भरोसैवंद कवी । दिन भर पान खावतां थकां कविता री प्रोब्लम साथै

जुझणो । नुं वै डंग रै भावबोध सू सैठा जुड़चोड़ा । महमिया लारला दस वारै वरसां
सू 'हिरण्यमय अमित' नांव सू हिन्दी री ठावी पत्रिकावां में लगातार लिख गिया ।
'राख उड़ने वाली दिशा में' हिन्दी री नुंवी कवितावां री छप्पोड़ी पोथी । पतो-
६ एफ० ओल्ड कालोनी, पिलानी ।

○

मनोहरसिंह राठीड़ः — जलम १६ नवम्बर १९४८ नै नागौर जिले रै तिलाणेश
गांव में । भण्णई बी० ए० । पेंसिल नै पाणी रा रंगाऊ चित्राम कोरण रै साथै माटी
री मूंडे बोलती मूरत्यां वणावण रो सोक । फिलाल आठ-दस कहाण्या अर लेख
छपियोड़ा । साव नुंवा लिखारा । पतो- जी/५१ सीरी कालोनी, पिलानी ।

○

भागीरथसिंह भाग्यः — उगतोड़ा नुवां कवी अर कथाकार । वगड़ जि० भुंभुतू
रा रैवासी । भण्णई बी० ए० अर एम० ए० री त्यारी । उणां रै कैवर्ण्य भुजब 'अवार
मौलिक बेकार हूं । कद सू लिखणो सुरु करचो, ओ अंदाज नी खुद सू' (भागीरथसिंह)
घणू परभावित लिखणो किण सारू, ओ हाल सोच्यो नी अर नी सोचणै रो
इरादो । पतो-सेखावतां री कोठी, वगड़ जि० भुंभुतू (राज०)

○

तारादत्त निरविरोधः — हिन्दी रा मानीता नुंवा गीतकार । सगळी पत्रिकावां में बेहद
छपणआळा । राजस्थानी में टावरां सारू चोखा गीत लिख्या है अर उण में इज रुचि
राखै । फिलाल कीं प्रतीकात्मक गीत लिखण रो सिलसिलो सुरु करचो । पतो-खेजड़े
का रास्ता, जयपुर-२

○

जुगल सरमाः — जलम फतेहपुर रै नजीक अक गांव में । राजस्थानी में लिखणै रो
घणू कोड । फिलाल ग्यारवीं कक्षा रो प्रतिभासाली विद्यार्थी । पतो- वगड़िया वाल
निकेतन, लक्ष्मणगढ़-सीकर ।

○

रामस्वरूप परेतः — जलम वगड़ में । राजस्थानी रै नुवां लेखन सू जुड़चोड़ा अक
सैठा नांव । मूळ रूप सू नुवां कवी । लारला कई वरसां सू सगळी पत्रिकावां में छपै ।
कीं कहाण्यां भी लिखी । पतो- परेत निवास, वगड़ जि० भुंभुतू ।

○

रघुनार्थसिंह सेखावतः — जलम भुंभुतू जिले रै कालीपहाड़ी गांव में । इतिहास लेखन

में घणी रुचि । टेमोटेम हिन्दी अर राजस्थानी में लेख अर कहाण्यां लिखता रेवै । पतो गीरामल हायर सैकन्ड्री स्कूल, बगड़ जि० भुंभुत ।

○

नोपाल जन.— जलम लक्ष्मणगढ़ । हिन्दी री समसानी पीढ़ी रा ठावा अर मानीता कवी । प्रकृति सून विचारक अर व्यवस्था बदलाव रा जागरूक हामी । हिन्दी री ठावी पत्रिकावां में छप्योड़ा । अबाग लक्ष्मणगढ़ सून 'अंतराल' पत्रिका रो सम्पादन करै । राजस्थानी रै मांय लिखणै री रुचि राखै । पतो- अंतराल (त्रैमासिक) लक्ष्मणगढ़ सीकर ।

○

डा० प्रतापसिंह राठौड़:— जलम नागीर जिलै रै तिलानेस गांव में । राजस्थानी साहित्य अर संस्कृति नै लेय'र घणा लेख लिख्या जका राजस्थानी री सगळी पत्रिकावां में छप्या । सगळै दिन राजस्थानी री पोथ्यां नै पढ़णै रै अलावा दूजो काम नी । पुराण साहित्य री घणीकरी वातां आंगलचां पर राखै । पतो- सारदा सदन कालेज, मुकुन्दगढ़ ।

○

फाहीप्रसाद कुंतल:— जलम सीकर जिलै रै लक्ष्मणगढ़ कस्बे में । राजस्थानी रा गीत-कार । घणै दिनां सून मायड़ भासा री सेवा करै । फिलाल गोहोटी में विणज । पतो- साहित्य परिषद लक्ष्मणगढ़-सीकर (राज०)

○

उमेश भारद्वाज:— जलम विसाळ रै मांय । मूळ रूप सून हरियाणा रा रैवासी भौतिकी विज्ञान रा प्राध्यापक होतां थकां भी कविता रो सौक राखै । कीं कवितावां छप्योड़ा । पतो- तोदा कालेज, लक्ष्मणगढ़-सीकर ।

○

अजीतसिंह बंधु:— जलम १९४८ रै मांय नागीर जिलै रै राणीगांव में । भणार्ई एम० ए० । कविता-कहाण्या लिखणै री रुचि । राजस्थानी रै सगळ छापां में कवितावां छप्योड़ी । भणार्ई विभाग सून छप्योड़ी 'माळा अर नुवां बेली जूना बेली' संग्रै रा अक कवी । पतो-राज० उ० मा० विद्यालय, मकराना, जि० नागीर ।

○

नटवरलाल जोशी:— जलम लक्ष्मणगढ़ में । राजस्थानी भासा रा हिमायती अर सैठा लिखारा । राजस्थानी भासा री गतिविविधां सून गाढ़ो लगाव । केई रचनावां छपीज्योड़ी पतो- ऋषिकुल विद्यापीठ, लक्ष्मणगढ़-सीकर । △

लेखकों सू निवेदन

१. 'जागती जोत' में छापण-सारु अप्रकाशित, मौलिक अर स्तरीय रचना ही भेजी जावै ।

२. रचना कागद रै अके कानी हामियो छोड'र साफ-साफ आखरां में लिखियोड़ी अथवा साफ टकित हुवणी चाईजै ।

३. छापण-सारु स्वीकृत रचना रो नूचना लेखक नै रचना-प्राप्ति सू अके महीनै रै भीतर दे दी जासी ।

४. अस्वीकृत रचना पाछी मंगवाणी हुवै नो उचित डाक-टिकट लगायोड़ो लिफाफो रचना रै साथै आवणो चाईजै ।

५. स्वीकृत रचना कद और किसै अंक में छपसी, ओ बतावणो सम्भव नीं हुसी । इण बिषय में आयोड़ा पत्रां रो उत्तर नीं दियो जासी । स्वीकृत रचना रै प्रकाशन खातर ताकीद न करी जावै ।

६. पत्रिका में छपियोड़ी हरेक रचना माथ पारिश्रमिक देवण रो व्यवस्था है । रचना रै प्रकाशित हुयां पछै अके महीनै रै भीतर पारिश्रमिक रो राशि लेखक नै भेज दी जासी ।

७. छपण नै दी जावणवाळी रचना में संशोधन करण रो अधिकार संपादक-मंडल नै हुसी ।

राजस्थानी साधा साहित्य संगम (अकादमी) बीकानेर (राजस्थान)

राजस्थानी भाषा साहित्य संगम (अकादमी) बीकानेर

रा

प्रकाशन

प्रेतात्मा रो प्रीत	श्री दामोदरप्रसाद शर्मा	५.५०
रोहिड़ रा फूल	डा० मनोहर शर्मा	५.७५
हांस्यां हरि मिलै	श्री नृसिंह राजपुरोहित	७.५०
जोग संजोग	श्री यादवेन्द्र शर्मा 'चन्द्र'	७-२५
अटारवां	डा० ब्रजनारायण पुरोहित	५.७५
आदमी रो सींग	श्री करणीदान वारहठ	६.००
प्रेरु बीनणी दो बीन	श्री श्रीलाल नथमलजी जोशी	८.३०
राजस्थानी साहित्यकार परिचय कोस	स० श्री राकत सारस्वत	७.७५
सरवर सूरज अर संझा	श्री प्रेम जी 'प्रेम' प्रकाश्य	

सम्पर्क —


राजस्थानी भाषा साहित्य संगम (अकादमी)
नागरी भंडार, बीकानेर ।

गोविन्द



देव,

गोविन्द




कोरणीकार-गोविन्द कल्ला

सरीर अर सिकल सूं आवाद परा वेलियां में
वरवाद नाम सूं चावा गोविन्द कल्ला
हरफन मौला है । साहित्य अर कला में स्रजण
री सैं खिमतावां व्हेतां थकां भी आप कियो
अेक में रमियोड़ा नीं लागै ।

परम्परा अर आधुनिकता नै अेकै साथै प्रयोग
में लेवण री कला रौ आप रै पट्टौ करायोड़ौ
है । चितराम वणावण में भी आप अेक
नुंवी सैली रौ आविस्कार करियौ है—
'गोविन्दायन सूर्याचित रंग-रस पद्धति' ।
जिकी रंगां रै भेळ माथै नीं, वां री गति माथै
आधारित है ।

इण अंक रा सगळा चितराम आप रै इज
वणायोड़ा है । पइसां खातर नीं, प्रेम खातर ।
राजस्थानी रै प्रेम खातर ।



जागती जोत



या दुग्धाऽपि न दुग्धैव
कविदोग्धृभिरन्वहम् ।
हृदि नः सन्निधत्तां सा
सूक्तिवेनुः सरस्वती ॥
—शुक्राचार्य

दूवै जिण नै रैण-दिवस
गायां रै गोरी ज्यूं सैं
कवि-गण
पण फेरूं भी जिकी लखावै
अणदूयोड़ी
सूक्तवेन वा (मात) सरसती
आय विराजै म्हां रै हिवड़ै

जागती जोत

[राजस्थानी भासा री मासिक पत्रिका]

अप्रैल १९८०

संपादक
सत्येन जोशी

प्रबंध संपादक
डॉ० परमानन्द सारस्वत

वरस : ८

अंक : २

मोल

अंक अंक : १.२५ रिपियौ

बारा मास : १२ रिपिया

प्रकासक

राजस्थानी भासा साहित्य संगम (अकादमी)

वीकानेर (राजस्थान)

जनभासा री सगती अर सबदकोस/नन्द भारद्वाज	५
लारलें दसक रौ राजस्थानी साहित्य/पारस अरोड़ा	१०
छळावौ/यादवेन्द्र शर्मा 'चन्द्र'	१४
देहान्तर/जुगल परिहार	१७
सिरोळी सांयत/चन्द्र प्रकास देवल	३१ ✓
लड़ाई सूं पैली/अरजुणदेव चारण	३६
उदाई/ नवीन माहिमवाळ	३६
आंखियां भूखै री/नाजिम हिकमत	४०
थूँ जीवण मुजव तौ वण/सुरजीत पतवार	४३
गजल/लालदास राकेंस	४४
गीत/वी०आर० प्रजापति	४५
गीत/आईदानसिंह भाटी	४६
गजल/श्यामसुन्दर भारती	४७
ओळख सूं आथड़तौ : म्हैं/श्यामकृष्ण व्यास	४८
गुजराती नै गूलर/सौभाग्यसिंह शेखावत	५१
सलवार/जहूर खां मेहर	५२
लोक संगीत रौ सरूप/गोविन्द कल्ला	५४
नॉट फॉर ब्लैक/आनन्दप्रिय	५६
राजस्थानी रंगमंच री जरूरत/मदनमोहन माथुर	६०
संपादकी	६३

इरा अंक रा लिखारा

- १ नन्द भारद्वाज—आकासवाणी, पावटा 'सी' रोड, जोधपुर ।
- २ पारस अरोड़ा—मेहता भवन, कवूतरां री चौक, जोधपुर ।
- ३ यादवेन्द्र शर्मा 'चन्द्र'—साळी री होळी, वीकानेर ।
- ४ जुगल परिहार—कुम्हारियो कूवौ, कुम्हारां री गळी, जोधपुर ।
- ५ चन्द्रप्रकास देवल—राजकीय महाविद्यालय, अजमेर ।
- ६ अरजुणदेव चारण—नागौरी गेट, रामौला, जोधपुर ।
- ७ नवीन माहिमवाळ—ज्यूडिशियल मजिस्ट्रेट, पैली 'सी' रोड, सरदारपुरी, जोधपुर ।
- ८ सत्येन जोशी—जोसियां री खटकळ, भीमजी री मोहल्ली, जोधपुर ।
- ९ आत्माराम—कथायात्रा कार्यालय, ३०४ विकास अपार्टमेंट्स जानकी कुटीर, जुहू, बम्बई-४०००४९ ।
- १० श्यामसुंदर भारती—फतेह सागर, जोधपुर ।
- ११ लालदास 'राकेस'—पुरी मोहल्ली, जाळोर ।
- १२ आईदानसिंह भाटी—मुख्य डाकघर, इस्टेशन, जोधपुर ।
- १३ वी० आर० प्रजापति—III अेच ४, विस्वविद्यालय कालोनी जोधपुर ।
- १४ सौभाग्यसिंह शेखावत—राजस्थानी सोध संस्थान, चौपासनी, जोधपुर ।
- १५ श्यामकृष्ण व्यास—भीमजी री मोहल्ली, खांडी फळसी, जोधपुर ।
- १६ जहूर खां मेहर—मिधी मुसळमानां री बस्ती, सिवांची गेट, जोधपुर ।
- १७ गोविन्द कल्ला—श्रीवद्रीदास कल्ला भवन, जाळप बावड़ी री सामी, जोधपुर ।
- १८ आनन्दप्रिय—पीपळी महादेव री पोळ, चित्रा सिनेमा, जोधपुर ।
- १९ मदनमोहन माथुर—महेस छात्रावास री नजीक, चौपासनी रोड जोधपुर ।

जनभासा री सगती अर सबदकोस

(राजस्थानी कोसकार डॉ. सीताराम लाळस सूं भेंट)

नन्द भारद्वाज

हलकै-विसेख रै समाज-व्यवहार में वरतीजण वाली भासा रै इतिहास आधार नै पुखता वणावण में सबदकोस विसेख महत् राखै । सबदकोस हलकै-विसेख री जातीय-संस्कृति, जीवत परम्परा अर उठै री जनभासा री सामरथ अर सबद-सपदा री इतिहास दस्तावेज मानीजै, जिएमें हरेक सबद री आखी इतिहास अर अरथ-संदरभ प्रमाण-समेत दरज रैवै । आधुनै भारत री प्रमुख जनभासा राजस्थानी री सुदीरघ साहित्य-परम्परा रै वावजूद अरसै ताई इण भासा में अेक प्रामाणिक सबदकोस री अभाव इणरा सरजकां, विद्वानां अर हिमायतियां रै सांमी लूंठी चुणौती वणियोड़ी रैयी । यूं तौ उगणीसवीं सदी सूं ई इण दिसा में सोच-विचार सरू व्हे चुक्यौ हौं अर कीं विद्वानां कोसीस ई कीवी, जिएां में कवीराजा मुरारीदानजी, रामकरणजी आसोपा, उदयराजजी ऊजळ इत्याद् रा नांव खास तौर सूं उल्लेखजोग गिणीजै । पण इण काम नै पूरी जिम्मेवारी सूं ठेट मंजिल ताई पुगायी राजस्थानी रा मानीता विद्वान डॉ. सीताराम लाळस । वां आपरी चाळीस वरसां री अटूट साधना सूं 'राजस्थानी सबदकोस' री नव जित्दां तयार करवाई अर औ वांरी गाढी मैनत री सुफळ है के औ 'सबदकोस' छपियोड़ै रूप में आज आपरै सांमी है । निस्चै ई आं चाळीस वरसां री साधनां में इण मनीसी नै केई तरै रा खारा-मीठा अणभव विह्या—राजस्थानी भासा नै लेयर उठणवाळा विवाद अर सवाल ई इणरी साधना सूं टकराया अर इणी समचै नुंवा सिरजणधरमी ई इण भासा नै आपरै सिरजण सूं पोखता-संवारता रैया । डॉ. लाळस नै सबदकोस निरमाण रै पेटै जिका अणभव विह्या वैं राजस्थानी भासा री विकास-जातरा नै समभण में तौ मदद करै ई; साथै ई इण दरम्यान भासा रै सरूप नै लेयर जिका विवाद अर सवाल उठाई-जिया वारै वावत-ई इण कोसकार री राय अेक खुलासौ सांमी राखै । इणी बात नै मद्द-निजर राखितो म्हेँ कीं सिलसिलेवार सवाल वारै सांमी राख्या अर वां खूब नाप-तोल नै आं सवालां पेटै आपरी राय दरसाई ।



करीजिया । मूळ सबद रै साथै ई उणारा न्यारा-न्यारा रूपां री ई अध्ययन करीजियो अर इणी वजै सूं कोस रै आकार-प्रकार नै ई खासी बघावणी पड़ियो ।

□ जिण वृहद् आकार में औ कोस आप तयार करवायौ—जिकी के नव जिल्दां में संकलित-संग्रहीत है । सबद संख्या री दीठ सूं ई औ स्यात् भारत अर दुनियां री केई भासावां री तुलना में खासा वृहद् आकार तयार विह्यौ है; कांई सरुआत सूं ई आपरी योजना इत्तौ ई बडौ कोस तयार करवावण री ही ?

— योजना ती मौजूदा रूप सूं ई खासी बडौ ही । पण धन अर व्यवस्था सम्बन्धी दूजी सुविधावां रै अभाव में सबद कोस में सूं कम सूं कम हजार पाना कमती करणा पड़िया । सबदां री विपुलता नै देखतां राजस्थानी घणी समरिध भासा है पण उण बगत री भासा विधा री धारावां में राजनैतिक हालतां रै कारण आ भरपूर अण-देखी री सिकार व्ही, इण वास्तं म्हारै सांमी इणरी भागवानी रा दरसण करावण रै अलावा इणनै जीवंत भासा रै रूप में प्रमाणित अर थापित करण री समस्या प्रमुख ही । इण वास्तै अरथ री बोळाई नै समभावण सारू गद्य-पद्य सूं उदाहरणां री समावेस करीजियो । इणरै अलावा कैवतां, लोकोक्तियां अर मुहावरां इत्याद् नै ई खासी तादाद में स्थान दिरीजियो । इत्तौ सगळी काम जे पैली री बणायोड़ी योजना रै मुताबिक व्हेतौ ती निस्चै ई कोस रै मौजूदा रूप सूं आकार में औरू वडौ व्हेतौ ।

□ सुणियो है, आप इण वृहद् कोस री अेक छोटी संस्करण ई तयार करवायौ है—उणरै वारै में कीं जांणकारी देवौला ?

— छोटे कोस री आपरी न्यारी महत्व अर स्थान विह्या करै, भासा री अध्ययन अर अध्यापन सारू राजस्थानी में ई अेक छोटे कोस री जरूरत लगूलग मँसूस करीजती रैयी है । म्है इण काम वास्तै सरू सूं ई कोसीस करती रैयी अर तकरीबन तीन-चौथाई हिस्सी प्रेस में देवण री स्थिति में तयार पड़ियो है । अेक चौथाई हिस्सै री काम हाल बाकी है । हालत जे माफिक रैया ती इणनै ई छगवण री पूरी कोसीस करूला ।

सार-संखेप में व्हेतां थकां ई औ कोस सबद अर अरथ री दीठ सूं पूरी है, फगत मुहावरां, कैवतां, उदाहरण अर लोकोक्तियां इणमें सामिल नीं करीजी । पण सबद उता ई है, जिका नव जिल्दां में सामिल करीजियोड़ा है । औ छोटी सबद कोस खास कर विद्यार्थियां अर आम लोगां रै वास्तै बीत उपयोगी साबित व्हे सके ।

□ कांई भासा-संपदा रै आधार साथै राजस्थानी री न्यारी-न्यारी बोलियां में आपनै कोई बुनियादी अंतर लखावै ?



□ अंक कोसकार रै रूप में आप राजस्थानी भासा रै टकसाळी सरूप री समस्या नै किरण रूप में देखौ ?

यूँ समाज, विग्यान अर सभ्यता रै विकास रै साथै हरेक भासा विगसै । इण वास्तै औ विकास लगुलग व्हेला ई समस्या टकसाळी सरूप री इत्ती गंभीर कोनी बरन् । इणै सही विकास री है, जिकी के आपां बोलण-लिखण बाळां री मैनत अर काम साथै निरभर करै । आपां जित्ती लगन सुं काम करांला उत्ती ई आपांनै कामयाबी मिळैली ।

□ राजस्थानी भासा अर संस्कृति र छेत्र में कोस सरीखें महताऊ काम नै जिम्मेवारी सून पूरै करण री अवज में आपनै समाज अर राष्ट्रीय स्तर माथै खूब सम्मान अर प्रतिष्ठा ई मिळी—भारत सरकार आपनै पदमश्री री पदवी दीवी । जीवण रै इए पड़ाव माथै, आज आप कांई मैसस करी ?



— जिकी सम्मान म्हनै रास्ट्र अर समाज दियौ वी म्हारी महान् भासा राजस्थानी अर राजस्थान रै वावत आदर अर प्रेम रौ ई प्रतीक है, फेरुं ई म्हें चावूं के जिकी काम ब्हियौ है वी फगत अेक सरूआत है, कामयाबी रा लूँठा पड़ाव हाल आगै है, जिका आज री युवा-पीढी नै चुणौतियां देवै । आपणो युवा पीढी कमर कस नै आनै हासल करण में लाग जावै तौ म्हां जिसा पुखता मिनखां नै ई कीं थ्यावस बंधै ।

इणरै अलावा भासा, धरम अर जात-पांत सरीखा नाजुक मामलां री ओट में हलकी राजनीति री मौरै-बाजी चाल रैयी है, आ वौत घातक है, इणनै रोकणी लाजमी है । श्री काम जनता रै नांव माथै उछाल दियौ जावै अर इणरी नतीजौ सगळों नै भुगतणी पड़ै ।

आपांनै चाईजै के आपणा नीजू स्वारथां अर विवादां नै भुलाय'र समाज री इमारत नै मजबूत बणावां, दूजा में मीन-मेख काढण रै वहानै इणरी नींव खोदण री काम आतमघाती है । सगळी भासावां अर जातियां री तरक्की सारू सरीखी निजरियो अपणावणौ चाईजै । जे सरकार अर समाज री सैयोग रैयी तौ म्हें इण ऊमर में ई खासा-कीं करण री तमन्ना राखूं ।

* * *



ਲਾਰਲੈ ਦਸਕ ਰੈ ਰਾਜਸਥਾਨੀ ਸਾਹਿਤ

पारस अरोड़ा

किणी अेक विधा माथै वात नीं कर नै पूरै राजस्थानी साहित्य रै लारलै दसक री उपलब्धियां माथै वात करणी—वारै कांती इसारौ करणी के वारौ उल्लेख मात्र करणी इज व्हेला, वारौ समीक्षा करणी नीं । घणकरी वार नांव गिणावण री टेव फगत अेक फेहरिस्त री रूप वण'र रैय जावै अर मुद्दै री वात रौ जिकर ई नीं व्हे, इण दीठ जे अठै कीं नांव छूट जावै तौ वारा कारण तलासणा, मुद्दै री वात नै नजरंदाज करणी व्हेला । रचनात्मक स्तर माथै मान-मोल री तलास अथवा समसामयिक संदरभां सूं रचना रौ जुड़ाव अर जरूरत री दीठ सूं परखणै री सही कोसीस म्हांरी बुजुर्ग पीढी रै हाथां नी व्हेणै सूं नुंवी पीढी खुद नै वां सूं नीं जोड़ सकी अर उणनै खुदंरी जमीन न्यारी सोधणी पड़ी । पण इण कारण आ वात नीं भूल सकां के वां लोगां राजस्थानी नै अेक आधुनिक भासा रै रूप में सांभी लावण री सारथक अर महताऊ काम जरूर कियौ, राजस्थानी नै जूना सास्त्रां सूं वारै काढ'र आज री अेक सवळी जन-भासा रौ रळियावणौ सरूप दियौ ।

लारलें दसक री साहित्यिक उपलब्धियां माथै वात करण सून पैली आ वात ई ध्यान देवण जोगी है के अजै राजस्थानी में केई विधावां री अर खासकर गद्य विधावां री कारगर ढंग सून इस्तेमाल नां व्ह्यौ है। अजै पद्य नै इज मुख्य रूप सून स्वीकारीज्यी है। पण जिका लोग आ कैवे के राजस्थानी गद्य हाल कोरी लोक-कथावां ताई इज पूगी है, व निस्चै ई भरमणा में जीवै। लारलें दिनां केई लिखारा कहाणी, उपन्यास, निबंध, संस्मरण, स्रवद-चित्र आद लिख'र गद्य नै संवारण री सफळ कोसीसां की है। कविता में ती नुंवा-पुराणा केई लिखारां सारथक अधुनातन प्रयोग किया है।

ग्रँथ सन् १९७० ई. पछै री रचनात्मकता माथै बात करुंला, जिणगै लखाव पत्र-पत्रिकावां में पैनी मूँ डज व्हेण लागी हौ । मरुवासी, ओळमों, जलमभोम अर मधु-मती पत्रिकावां आपरा जिका कवितां निकाळिया, वां में सगळ्या लेखकां री सगळी भांत



री रचनावां नै छापण रै लारै अेक दीठ-विहूणी प्रवरती रै कारण कोई महताऊ जुड़ाव नीं दीसै । आं दिनां इज सत्यप्रकास जोसी वम्बई सूं 'हरावळ' मासिक रौ प्रकासण सुरू कियौ । अठै आ वात ई जरूर कैयी जा सकै आं पत्र-पत्रिकावां सूं भासा री नींव नै—अेक थोथप नै भरण रौ काम जरूर कीं विहूयी अर इण दीठ आं रौ महत्त भुलावण जोगी कोनीं ।

कविता राजस्थान की सबसे सख्त विद्या ऐसी है इस कारण मैं सगलों पैली लारलै दसक की कविता माथै इज बात करूँला । ‘परम्परा’ रै ‘हेमांगी’ अंक में म्हाँरी वुजुर्ग पीढी रा जिका आठ कवी सरव श्री गणेशीलाल व्यास उस्ताद, चन्द्रसिंघ, नारायण सिंघ भाटी, रेवतदान चारण, कन्हैयालाल सेठिया, गजानन वरमा, सत्यप्रकाश जोशी अर कल्याणसिंघ राजावतसंवेटीज्या, वां में उस्ताद गणेशीलाल व्यास नै छोड़’र बाकीसगळाआज मौजूद है । पण रचनात्मकता की दीठ वां मांय सून मुख्य तौर सून तीन कवी—नारायणसिंघ भाटी, कन्हैयालाल सेठिया अर सत्यप्रकाश जोशी निरन्तर लिखता-छपता रैया है । भाटीजी की ‘कळप’ अर ‘मीरां’, सेठियाजी की ‘कूंकू’, ‘लीलटांस’ अर ‘धर मजलां—धर कूचां’ अर जोशीजी की ‘बोल-भारमली’ लारलै दिनां खासी चरचित क्रतियां रैया है । भाटीजी आपरी दोनू रचनावां रै आधार आपरी रचनात्मकता रै आगलै पगोथियै पूग’र आध्यात्मिक दीठ की सँजोर दरसावणी कियी, जद के जोशीजी नारी अर पुरस की काम (सैक्स) संबंधी पूरणता अर समस्यावां रै विसै नै नुंची इज आयाम दियो । सेठियाजी विलोम स्थितियां नै उजागर करता एक न्यारै आध्यात्मिक घरातळ माथै पूगा है । अठै आ बात ई ध्यान देवण जोगी है के उस्ताद री काव्य ‘जनकवि उस्ताद’ रै नांव सून इणी दसक में पोथी रूप सांभी आयी । उस्ताद रै अलावा आं मांय सून किणी कवी नै आज की मानसिकता, जन-जीवन अर अवखायां सून आथड़ता नीं देखां, जिका के मौजूदा आर्थिक अर सामाजिक बदलाव सून जुड़’र वगतवळ लेखन नै स्वीकारियी व्हे ।

सन् १९६०-६५ रै विचाल्ले कविता में जिकी ठैराव री स्थिति आई, निस्चै ई उणरै लारै एक नुंवी काव्य-जातरा, नुंवे भाव-बोध री बीजारोपण व्हे रैयी हौ । सेवट ठैराव री नतीजौ सांमी आयौ अर तेजसिध जोधा 'राजस्थानी—अेक' नांव सूं एक पोथी री संपादन कर पांच नुंवा कवियां रै पांण नुंवी कविता री ओळखांण कराई । अै पांच कवी हा—गोरधनसिध सेखावत, मणि मधुकर, ओंकार पारीक, पारस अरोड़ा अर तेजसिध जोधा । आं कवियां छंद रा सगळा बंध सूं मुगत व्हेय'र आपरी संवेदना नै आज री मानसिकता सूं जोड़'र अेक नुंवी जमीन री तलास करी । आं कवियां मांय सूं गोरधनसिध, मणि मधुकर, ओंकार अर पारस रा पैला कविता संकलन विगतसर 'किरकिर', 'पगफेरौ', 'मोरपांख' अर 'भळ' रै नांव सूं छत्र'र चरचित व्हिया । आंरै लगौलग इज नन्द भारद्वाज, सांवर दइया अर चन्द्र प्रकाश देवल रा कविता संकलन 'अंधार-पख', 'काल अर आज विच्छै' अर 'पागी' रै नांव सूं प्रकासित व्हिया अर नुंवी कविता री अेक सबळी-सुथरौ रूप नीगै आवण लागी । नन्दकिसोर बोड़ा, हरीस भादानी, राजेन्द्र बोहरा, कमला वरमा, सत्येन जोसी,



कांनी आया । सत्येन जोसी री उपन्यास 'कंवळ पूजा' पैली अतिहासिक उपन्यास है अर वांरो दूजौ उपन्यास 'जूण-विहूण' हाल छपियी कोनी । वांरा लिखियोड़ा केई सुन्दर सवद चित्र अर संस्मरण ई गिणावण जोग है । इणी दिनां पारस री उपन्यास 'खुलती गांठां' छप'र सांमी आयी अर चरचित व्हियी । नृसिंघ राजपुरोहित ई 'भगवान महावीर' नांव सूं अेक उपन्यास लिख चुका है । नृसिंघ राजपुरोहित राजस्थानी में एक सफल कथाकार रै रूप में ओळखीजै अर गुजराती सूं सीधौ अनुवाद करण री ई खिमता ई राखै वां री कहानी संकलन 'परभातियो तारौ' लारलै दिनां इज छप'र चावौ व्हियी है । कथा रचना में दूजा चरचित नांवां में अन्नाराम सुदामा, मूलचन्द्र प्राणेश, सांवर दइया, रामेश्वर दयाल श्रीमाली आद केई लेखकां रा नांव गिणाया जा सकै जिका लगौलग लिखता जाय रेंया है । राजस्थानी गद्य री वात उठै तांडी पूरी नीं व्है सकै जठै तांडी विजयदान देया री नांव नीं लिरीजै । विजयदानजी लोक-कथावां रै रूप में अेक खजानी राजस्थानी नै सूं प्यी है अर केई मौलिक कथावां ई लिखी । इणी दीठ राणी लक्ष्मीकुमारी चू डावत ई अेक सबळ नाव रै रूप में सांमी आवै । वां री केई लोक-कथावां, विदेसी कथावां आद रा अनुवाद सरावण जोग है ।

नुंवा लिखारां में तेजसिंघ जोधा, सांवर दइया, नंद भारद्वाज, रामेश्वर दयाल श्रीमाली, सत्येन जोसी, मणि मधुकर, ओंकार पारीक, यादवेन्द्र शर्मा 'चन्द्र', मोहन आलोक, भंवरलाल भ्रमर, दीनदयाल कुंदन, अरजुनदेव चारण, कृष्ण कल्पित, हनुमान पारीक आद केई लिखारा आज जिए गत गद्य में तेजी सूं लिखणै कांनी आया है, उणनै देख'र आ वात खूब विस्वास रै साथै कैयी जा सकै के राजस्थानी में गद्य रै विकास री उज्जवळ संभावनावां मौजूद है ।



आंखियां खूब डरावणी व्हेगी । खुड़की वीं री ध्यान तोड़ दिया । अब तावड़ री लीकाट मित्री ज्यूं कूद'र कैनवास माथै बैठगी । वीं सोचण लागी—इण चितराम म्हनै घणी नामूज कियो । इत्ती नामूज कियो के सगळा कलाकार म्हनै जाणण लाग्या । इण चितराम रै चटकदार रंगां नै सँग जणा सरायी ।

केई लोगां पूछियौ—“इण री प्रेरणा कुण है ?”

“गांव री जथारथ ।”

“आप नै इण सभ्यता सूं ती मांयली लगाव व्हेला ?”

वी अकड़'र कैयी—“म्हनै इण सभ्यता सूं टावरपणै सूं ई लगाव है । सांची बात ती आ है के म्हारी जलम ई इण सभ्यता रै मांय व्हियौ है । म्हें इण सभ्यता नै देखी, परखी अर समझी है । इण सूं वत्ती बात आ है के म्हें इण नै भोगी है । आपां रै देस री असली सभ्यता ती गावां रै मांय है ।”

“आप अगाड़ी भी अँड़ा चितराम बणावीला ?”

“म्हें गांवां रै खुरै-खुरै जाय नै चितराम बणावूँला । वां री न्यारी प्रदरसणी लगावूँला ।”

अक फूटरी फरी छोरी मुळकती थकी आय नै बोली—“थे ती इण सभ्यता नै जीवता व्हेला ?”

वी चुप व्हेयौ । वीं नै लागी के कियौ वीं रै गाल माथै थप्पड़ मारदी है । वी अकदम कूड़ बोलियौ—“हां-हां, म्हारै घर मांय ती ओ ई परिवेस है । म्हें ती खुद गांव री इज हूं ।”

घड़ाम सूं अक खुड़की व्हियौ । पून गैली रांड ज्यूं माळिया में बड़ी अर काच नै न्हाख दियौ । वी पछमी चोजां सूं सजियोड़ आप रै फ्लेट नै जोयी अर खुद नै धिक्कारती कैयी—“म्हें कितरी कूड़ी हूं ! पैलै नम्बर री कूड़ी ! ओह, आ म्हारी खुद सूं किती बडी जाळसाजी है ! छळावी है ! म्हें जिकी संस्कृति-सभ्यता री ढोल बजा बजा'र हाकौ करूं, वा म्हारै जीवण मांय बिसवै भर भी कोनीं ।”

वी अकदमै खुद नै जोयी । फेर आप रै चितराम नं जोयी । खुद नै पूछियौ—“इण चितराम री प्रेरणा कुण है ?” ओळू वीं रै माथै में घूमण लागी “अरे आ ती वीं री लुगाई है । वीं री खुद री बीनणी !” ओळू री अक टुकड़ी भाटै ज्यूं वीं रै अगाड़ी आय पड़ियी ।

वी गांव छोड़'र महानगर रै मांय बसयौ । राजस्थानी अर हिन्दी बोलणौ वीं नै चोखो नीं लागती । राजस्थानी बोलणियै नै वी गंवार अर उजड़ु जाणती । किनैई राजस्थानी बोलती देखती ती कैवती—“थे सगळा गंवार रा गंवार ई रैवौला ।”



जब वो आप रै गांव आळै घरै आयौ तो वीं रै घर रा नागा टावरों वीं रो घेराव कर लियौ। ताळियां बजाय-बजाय नै वै सगळा कैवण लाग्या—“काका-सा आयग्या ! काका-सा आयग्या !!”

उणी पल वीं री दीठ आप री लुगाई माथै गयी परी । लाल रंग री छींट री
घाघरी अर कांचळी । कांचळी रै मांय सूं आंखियां काढता हांचळ । सयाळ । मोढा में
मुं धियोडो वोरियो । पगां में रमभोळ । मूंडै माथै घूंटो ।

वीं नै वा घणी बदतमीज लागी । उणी वखत अेक छोरी कैयो—“काका-सा, आ म्हारी काकी है । थां री लुगाई”” वीं रै डील में लाय-पलीता लागग्या—“ती आ म्हारी लुगाई है ! अेकदम गवार अर गधी !” वीं रै हियो घिरणा सूं भरग्यो—“म्हारी जिन्दगी खराब रहेगी । अैड़ी असभ्य लुगाई साथै म्हारो निभाव नीं रहे सकै ।”

वौ भारी पग उठावती मांय नै गयो। वौं री आंधी मायड़ लांवा-सांस लेय नै कैयो—“आयग्यो वेटा ! घणा बरस लगाया ? अवै तूँ इण घर री गिरस्थी नै संभाळ। मूँ थारी पढाई री खातर घर री अक-अक चीज अडाएँ राख दी है। खेत भी अडाएँ है। पइसां रै कारण म्हाारी आंखियां री इलाज भी नाँ करा सकी। तूँ तो भणियोड़ी है। थारै तो चार आंखियां है।”

उणी वखत वीं रौ बडौ भाई आयी । पसीनौ-पसीनी व्हियोड़ी । पग-उभराणी । मैली-कुचैली । वीं नै देख'र वौ विभोर व्हेग्यौ । बोलियौ—“आयग्यौ छोटोड़ा ! घणी अडीक करायी ।

बडोड़ भाई छोटेड़ नै बाथियां में भर लियो। वीं नै आप रे भाई री डील गंधावती लागी। अक घिरणा-सी जलमी वीं में। वीं री भाई काई कैवती रैयी, वीं नै ठा नीं। हां, थोड़ी ताळ पछै वो आप री लुगाई नै कक रैयी हो। वीं नै फूहड़ अर बदतमीज कै रैयी ही।

वीं री लुगाई कैयौ—“म्हने किणी भी गांव में फूहड़ अर नागी नीं कैयौ । साची वात तौ आ है के थां री दीठ में पाप वसग्यौ है । मन नै सुध करौ ।”

वस, वौ पूठी महानगर आयग्यो ।

घरणा बरस बीतग्या । वी गांव नीं गयीं पण रिपिया बराबर घालतो रैयौ । मा मरगी पण वी गांव नीं गयीं । लुगाई नै बिसरगयी । पण जद वीं नै आप री लुगाई रै चितराम माथै पैली इनाम मिलियौ तद वीं री मोह-भंग ब्हियौ । वीं नै लागियौ के वी खुद सूं छळावौ करै है । वी आत्म-ग्लानि में झुलसतौ रैयौ ।

वीं नै आप री हार हुई-सी लागी । ऊठ'र पड़दौ हटायी । नू'वी तावड़ी चितराम माथै पड़ियी । वीं में वीं नै जोवतै-जोवतै अक् नू'वी अंकुर फूट्ची के वौ बरसां रै पछे अबै आप रै गांव पक्कायत जावैला ।

• • •




स द्वितीयमैच्छत्

वौ दूसरै री कामना करी ।

— बृहदारण्यकौपनिषद्

देहान्तर

जुगल परिहार



अन्धारी पख

[परदी आगी बहेतां ई मंच माथै अेक तणी निर्ग आवै जिण माथै चूड़ीदार पाजामौ अर घाघरी सूख रैया है । परदे रै लारै सूं मिनख अर लुगाई रै लड़ण रो आवाज आ रैयी है । थोड़ी ताळ पछै लुगाई अर उण रै लारै-लारै मिनख मंच माथै आवै । अै दोनू नट अर नटी है ।]

नट : भली आदमण, कर कांई रैयी है ?

नटी : कर नै तौ अवै बतावूँ । हाल ब्हियो कांई है !

नट : क्यूँ इत्ता लोगां रै विच में माजनी गमावै ? अै कांई सोचैला !

नटी : क्यूँ अै कदेई लड़ता ई नीं व्हेला ! सौगन लियोड़ी है कांई आं रै ?

नट : अवै थारै सूं कुण पूग आवै ! देख, हाथा-जोड़ी करूँ थारै सूं ! मान जा । बापड़ा किक्ती देर सूं बाट जो रैया है नाटक सारू !

[बीच में ई दरसकां में सूं किरणी री आवाज आवै—अै बापड़ा किरण नै बणावै रे ! थोड़ी नीचै आईजै तौ !]

नट : (होळै सुर में) क्यूँ फजीती करावै ! लोग बैठा-बैठा काया ब्हे रैया है । सूड उखडग्यौ तौ अवार कुड़सियां बजावणी सरू कर देई !

नटी : म्हारै भावै तौ आग लगावौ कनी ।

नट : थनै आज ब्हियो कांई है ?



नटी : ब्हियाँ म्हनै है के थां नै ?

नट : ले, म्है म्हारी गलती कबूल करूँ । अवै तो थूँ फुरती सूँ तय्यार व्हे जा ।
नाटक सुरू करां ।

नटी : (हाथ नचावती थकी) नाटक सुरू करां ! हुंह । श्री जिक्की रोज घर में नाटक
व्हे है उए री काई व्हे'ई ?

[जिक्की नै दरसकां में सूँ अक आवाज आवै—अरे अँ स्टेज माथै धाबळिया
किए रा सूखँ रे ? नट री नीजर भट तणी कानी जावै ।]

नट : (घबरा'र) अरे बाप रे !

नटी : किए बात री अरे बाप रे ?

नट : किक्ती बार थनै कैयौ है के कपड़ा टैमसर मंच माथै सूँ आगा ले लिया कर !
पए कीं गिनारौ ई नीं करै थूँ तौ !

नटी : तौ इए में गजब कुए-सौ व्हेयग्याँ ?

नट : गजब ! लागै है के आज थूँ आछी तरै माजना में धूड़ पड़ावैला !

नटी : क्यूँ ? (दरसकां कानी इसारौ करती थकी) अँ तौ जाणै नागा इज फिरता
व्हेला ! धाबळिया धारण करता ई नीं व्हे'ई ।

नट : क्यूँ उलटी-सीधी वातां करै ?

नटी : इए में उलटी-सीधी वातां री कुए-सौ सवाल ? साची कैवूँ ।

[अक खूणा सूँ कोई आवाज फँकै—आ नीं तौ थूँ ई उतार नै मांयै घर दै
बीरा ! इए में लाज-सरम कांय री ?]

नट : हे भगवान ! नीं जाणै आज ऊठतां ई किए री मूँडी देखियो ।

नटी : (जोर दे'र) म्हारी ।

नट : बी तौ रोज ई देखूँ हूँ ।

नटी : रोज हावळ नीं देखता हा । हावळ तौ आज इज देखियो ।

नट : (तंग आ'र) आखिर थूँ चावै काई है ?

नटी : फँसली । नित-हरमेस री चख-चख भूँडी ।

नट : नाटक खतम ब्हियां पछै आपां सांती सूँ बैठ'र सलट ले'वां ।

नटी : म्हनै तौ थां री अवै अक मिनट री ई पतियारी कोनीं ।

नट : मान जा । क्यूँ संतावै ?

नटी : आज-काल आज-काल करतां केई बरस निकळग्या ।



नट : मान जा मानेतण ! हाथ जोड़ूँ ।

नटी : अच्छा ! अब मैं मानेतण व्हेयगी ?

नट : कद नीं ही ? थूँ तो हमेस म्हारी मानेतण इज रैयी ।

नटी : आ तो म्हनै आज इज ठा पड़ी । हां, तो अब आ ई फुरमाय दी फुरती सूँ अण-मानेतणियां किती पाळ राखी ही ?

नट : (वड़वड़ावती) अरे बाप रे, लुगाई है के अटम-वम ! (परगट में) थूँ तो बात-बात नै पकड़ै । गलत-सलत अरथ निकाळै । म्हारै माथे इत्ती ई विसवास नीं ?

[दरसकां में सूँ अक आवाज आवै —अरे आ कांई रामायण छेड़ दी ! म्हां नाटक देखण नै आया हां नाटक !]

नट : (दरसकां सूँ हाथ जोड़ती थकी) आप लोग किरपा कर नै अक मिनट ठैरी । वस, अबार नाटक सुरू करां ।

नटी : थे थां रै नाटक दिखावता रैवौ, मैं तो म्हारै चाली ।

नट : (हाथ पकड़ती थकी) अणूती ई छेह मंत लै । म्हारै कानी नीं तो आं लोगां रै कानी तो देख । मैमान रूप आया है नाटक देखण नै ।

नटी : नाटक तो अँ घणा ई देख्या व्हेला जीवण में । आज आं नै परदै रै लारली नाटक ई देखण दी ।

नट : तो थूँ किणी भांत नीं मानै ?

नटी : नीं, किणी भांत नीं । जद तांई कोई फँसली नीं व्हे । थे मिनख लोग लुगाई नै तमझ कांई राखी ही ? पग री जूनी !

नट : राम-राम-राम ! कँड़ी वातां करै ! आज तो वरावरी रौ जमानौ है । मिनख अर लुगाई दोनूँ ई वरावर अधिकार राखें ।

नटी : अँ सब फालतू री वातां है ।

नट : फालतू री कीकर है ? आपां री प्रधानमंत्री लुगाई है के नीं ।

[दरसकां में सूँ कोई बोलै —अरे प्रधानमंत्री री फोड़ी रा, आ कांई वैसे सुरू कर दी !]

नटी : (दरसक री बात री परवा नीं कर'र) प्रधानमंत्री जे लुगाई है तो इण सूँ कांई व्हियौ ?

नट : इण सूँ कांई व्हियौ ! अरे आज समाज रै हर छेत्र में लुगायां मिनख रै कंधे सूँ कंधी मिला'र काम कर रैयी है अर थूँ कैवै के.....



सरदार : (ताव में आ'र) ओय डिरेक्टर दे वच्चे ! तुसी नाटक शुरू करवा है या नहीं ?

[नट वापड़ी चितवंगी-सौ व्हे जावै अर धम्म सू नटी री पाखती वाळी खाली कड़सी साथै वंठ जावै ।]

नट : देख लियौ ! जिन्दगी में आज ताई अैड़ी फजीती नीं व्ही ।

नटी : इत्ताक में ई घबरायग्या ? हाल तौ ब्हियी ई काई है ।

नट : ठीक है । कस्सर बयूँ राखे ? कर ले बाकी करणी व्हे जिकी । कम बयूँ उतरै ? पाणी ती उतार ई दियौ । अवै वचियौ ई काई है ! जावूँ लोगां नै टिगटां रा पइस। पाछा दिरावूँ ।

[इतीक में दरसकां में सूं चार-पांच युवक ऊभा व्है । इग में सूं अेक जगो भट मंच माथै चढ जावै अर दरसकां सूं अरदास करण लागै ।]

युवक : लेडीज् अन्ड जेन्टिलमेन ! प्लीज्, सांती-सांती-सांती ! हां, तौ आप सब लोग ध्यान सूं म्हारी बात सुणौ। अड़ी छोटी-मोटी खटपट तौ जीवण में व्हेती ई रैवै। किए रै नीं व्हे ? थां-म्हां सब रै जीवण में व्हे। अर क्यूं नीं व्हे ? घणी अर लुगाई ई आपस में नीं ल'ड़ी तौ पछै कुण ल'ड़ी ? अवे म्हनै ई ले लौ। म्हैं किणी दूजी लुगाई सूं तौ लड़ण सूं रैयी। अर दूजी लुगाई ई कोई म्हारै सूं लड़ण सूं रैयी।

पैली : अरे बैठ जा पंच री फोडी रा । आयी है वडी पंचायती करण नै !

दूजी : मूंंडी घणौ फूटर है नीं वापड़ा रौ के कोई दूजी लुगाई इण मूं लड़ा नै आ'ई ।

तीजी : नेतागिरी करणी व्हे ती कठेई और जगा जाय'र करजै । अक ती यू' ई वोर व्हे रैया हां अर ऊपर सूं आप पवाग्ग्या भासण देवण नै !

बूढ़ी १ : अँ आज-काल रा लौंडा अण्णै आप नै फिलमी हीरो सँ कम नौं समझै ।

बूढ़ी २ : आछी रामत परवारी रे ! काई जे सब देखण नै इज भगवान आपां नै जिंदा राखिया ?

युवक : माफ़ी चावूँ मूँ आप सब लोगां सूँ जे कीं उलटो-सीधो बोलग्यौ वूँ । नीं तो मूँ नेतागिरी री सीक है अर नीं ई फिलमी हीरो बणए री कोई इच्छा । मूँ तो खुद आप लोगां रै दाई नाटक देखए नै अक दरसक री हैसियत सूँ आयी हूँ । अर मूँहारी इरादा और कीं नीं फगत आप री बोरियत दूर करण री हो ।

चौथी : कैवणी काई चात्रै है थूँ ? सावळ साफ-साफ बोल'र कै ।

२२] जागती जोत

युवक : आप सब लोग नाटक देखना नै अठे आया । क्यूं ? या तौ रुचि नै कारण या मनोरंजन सारू ! दुजा कारण ई ब्हे सकै है । आ कोई नास्ती नीं है ।

पांचवौं : वी तो सब ठीक है। परन्तु म्हां लोगों ने आ वता के थूँ कुण-सा वांवळ खांगा करण ने ऊपर चढियौ है ?

युवक : म्हारो मतलब ओ है जद ताई औ घणो-लुगाई यानी के नट अर नटी आपस में नीं सलट लै तद ताई म्हें आप लोगां री मनोरंजन करणी चावूँ । जे आप सब लोगां री आग्या व्हे ।

[दरसकां में सूं केई आवाजां आवै—हां-हां, क्यूं नीं ! क्यूं नीं !! आ
तौ बीत खुसी री अर सरावण-जोग वात है ।]

युवक : आप सब लोगों री बौत-बौत धन्यवाद । हां तो म्हेँ आ कं रैयी ही के घणी-
लुगाई री रिस्तौ अेक अैड़ी रिस्तौ है के वां रै बीच में आप री या म्हारो
बोलणी वाजव नीं है, अर नीं चीखी ई लागै ।

[बिच में ई दरसकां में सूं अके जणी बोलै—अरे घणी-लुगाई रा यार !
अवै शुं खुद क्यूं बोर करै है ?]

युवक : सॉरी, माफी चाहूँ । हाँ, तो मैं अरु म्हारा अँ तीन-चार साथी देस कर रैया हाँ आप रै वास्तै अक खास मनोरंजण । जिकी के फगत आप लोगां री मनोरंजण ई नीं करेला बल्के आप सब नै सोचण वास्तै ई बाध्य करेला ।

पैलौ : काई कैयौ ? सोचणौ पड़ै ला ! अरे सोचण री सगती तौ कदेई खतम व्ही ।

दूजो : वा', आ ठीक रैयी । अक तो पइसा खरचो अर ऊपर सूं भेजो अलग ।

तोजी : सोचणी इज व्हैतौ वीरा, तौ अठे कांई रोवण नै आवता ?

चौथी : अरे प्यारा ! अठे कोई सोचण नै थोड़ ई आयां हां । बस रौनकां देखण नै आयां हां रौनकां ।

पांववाँ : भंजौ काम दे' ई ती सोच ई ले' वां यार ! अँड़ौ कोई हाथ पाणी ती लियोड़ी
है नीं । धुं ती वस सरू करै जिकी बात कर ।

युवक : तौ आप सब लोगां रै सम्मुख पेस है। साथियां ! रेडी। वन—टू—थ्री.....

[मंच माथै अकाअकअंधारौ व्हे जावै । थोड़ी ताळ पछै जद चानणौ व्हे तद जगळ री सीन नीजर आवै । अक आदमी मुरदा टाइप हूजा आदमी नै आप रै कंधा माथै ऊंचायां होळै-होळै प्रवेस करै । ओ त्रिविक्रमसेन है जिकी के वेताळ नै ऊंचायोड़ी है । मंच माथै वी अठी सूं वठी अर वठी सूं अठी चक्कर काटण लागै ।]



वेतलः त्रिविक्रमः !

त्रिविक्रमः (चुप) ।

वेताळ : त्रिविक्रम !!

त्रिविक्रमः (चुप) ।

वेताल : त्रिविक्रम !!!

त्रिविक्रमः (चुप) ।

वेताळ : लागै है के आज मूड की ज्यादा इज खराब है !

त्रिविक्रमः (चुप) ।

वेताळ : कहाणी सुणावू ?

त्रिविक्रमः (चुप) ।

वेताळ : अरे भई, म्हैं थनै जद वात करण री छूट दे दी, पछै थूं क्यूं नीं वोले ? वात-चीत करियां सूं तौ अवै म्है पाछी जावूं नीं !

त्रिविक्रम : काई वो लूँ ? थूँ फेर वा इज रामायण छेड़ी—त्रिविक्रम ! सुण, म्हें थनै अक कहाणी सुणावूँ । कहाणी सुण'र थनै म्हारै सवालां रा जवाव देवणा पड़ैला । जे थूँ जाणतौ थको ई सवालां रा जवाव नीं दिया तौ थारै माथै रा टुकड़ा-टुकड़ा ध्हे जावैला । अर जे जवाव दे दिया तौ म्हें पाछी जा'र पेड़ रै लटक जावूँला । हंह !

वेताळ : नाराज क्यों रहे है ? अरे, कहाणी तो मैं इस वास्ते सुणावूँ के टाइम सोरो पास रहे जावै ।

त्रिविक्रमः टाइम पास करण रै वास्तै फगत कहाणियां इज तौ नीं है दुनिया में ! और भी तौ अलेखू चीजां है !

वेताळ : तो म्हैं कद मना करूं ? वोल्, कीकर टाइम पास करां आपां ?

द्विविक्रम : बोलण-जोगी रैयो ई कठै के कीं बोल सकूँ ! थनै ऊंचावता-ऊंचावता म्हारो कंधो ई सुन्न पड़ग्यो ! सारो सरीर अमीजग्यो । अर भेजो ! उए नै धूँ कहाणियां सुणा-सुणा'र इज खायग्यो ।

वेताळ : अड़ी लागै है के थूं वात थाकग्यो है ।

त्रिविक्रम : वात थाकण री नीं है । अक ई अक काम में लागण री है । अवै देख, नित थनै पेड़ सूं उतारूं । कंधा माथै धर नै खाना व्हूं । अर थूं कहाणी छेड़ै । पछै थूं सवाल पूछै । म्हाै जवाब देवूं । अर थूं है के फट्ट लपक नै लटक जावै पाछी पेड़ रै । सैकड़ वरस व्हेग्या है इणी रासै नै !

वेताळ : यूं तौ पार, 'वोर'ई नीं 'महा-वोर' व्हेग्यो है !



त्रिविक्रम : व्हेण जँडी इज बात है । म्है ई क्यूं, म्हारी जागा जे म्हारी भूत भी व्हेती, ती उण री भी आ इज हालत व्हेती ।

वेताळ : (थोड़ी मुळकती थकौ) काई कैयी ? थारै भूत री भी ?

त्रिविक्रम : हां, म्हारै भूत री भी । थूं सायत् वा कहाणी कोनीं सुणी है ?

वेताळ : कुण-सी कहाणी ?

त्रिविक्रम : अक भूत री कहाणी । बापड़ा री.....गळे में आय जा ।

वेताळ : (जिग्यासा सूं) काई कहाणी है वा ? म्हनै ई ती बता !

त्रिविक्रम : जिंदगी में आज पैली बार थूं काम री बात करी है । बाकी दुनिया में हर कोई बस आप री बात इज सुणावणी चावै । दूजां री सुणाणी कोई नीं चावै ।

वेताळ : (मोळै सुर में) नीं आ बात ती नीं है ।

त्रिविक्रम : आ अक हकीकत है प्यारा ! खैर छोड, आपां नै कोई बैस ती करणी है नीं । कहाणी सुण । थूं ई काई याद करेला !

वेताळ : म्है ती तय्यार हूं । थूं कैवणी सरु कर ।

त्रिविक्रम : अक सगै री बात है । किली नगर में अक सेठ रँवती ही । सताजोग सूं अकर अक भूत उण री पकड़ में आयग्यौ ! वो भूत अक सरत मायै उण री गुलामी स्वीकार करी के वो ठालौ अक मिनट ई नीं बैठेला । इण वास्तं सेठ नै लगौलग कोई न कोई काम बतावणी पड़ैला । जिण दिन वो काम नीं बता सकैला, वो दिन उण री आखरी दिन व्हेला ।

वेताळ : पछै ?

त्रिविक्रम : सेठ ती बौत राजी व्हियी । सोचियाँ-अठै ती अक काम पूरी नीं व्हे जित्ती हजार काम याद आवै । दुनिया में कोई कामां री कमी है ! पण वो भूत ई कोई कम माया नीं हो । सेठ नै बतावण में भलां ई जेज लाग जावती पण भूत नै करण में नीं लागती । दुनिया रा कठण सूं कठण काम ई सूं'प' र देख लिया । आ देख' र सेठ रा ती होस उडग्या ।

वेताळ : (उतावळी-सी) आगै काई व्हियौ ?

त्रिविक्रम : उणी बगत सेठ री एक बाळ-गोठियौ वठै आयग्यौ । वो जद सेठ रा भूँडा हवाल व्हियौड़ा देखिया ती कारण पूछण लागी । सेठ मांड'र सगळी बात बताई । तद वो सेठ नै अक उपाव बतायी । जित्तौक नै ती भूत देव आवता इज बाजिया-काम ! काम ! काम ! और कीं काम बता सेठ !

वेताळ : तद सेठ काई काम बतायी ?



त्रिविक्रम : टाइम लोग केई तरा सूं पास करै । जियां-तास, सतरंज, कैरम इत्याद खेल'र । जासूसी उपन्यास, सत्य कथावां अर घटिया साहित्य पढ'र । कलवां अर बारां में जा'र । नित नवी-नवी फिलमां देख'र । अठी वठी री सड़कां नाप'र चाय री होटलां में बैठ'र । गप्पां मार'र । चौरस्ता मार्य ऊभा रौनकां निरख-निरख'र । और की नीं ती थारी-म्हारी कर'र । अवै थनै कठै ताई गिणावूँ !

वेताळ : समभग्यौ । म्हैं सव समभग्यौ ।

त्रिविक्रम : अफसोस इण वात री है के आपां कनै इण टाइप री कोई साधन नीं है टाइम पास करण री । अर व्है भी कीकर ? रस्तो इज अँडो चुणिया !

[थोड़ी ताल दोनूँ ई चुपचाप बैठा रँवै । सेवट बेताल मून तौड़ै ।]

वेताळ : त्रिविक्रम !

त्रिविक्रमः (चुप) ।

वेताळ : त्रिविक्रम !!

त्रिविक्रम : कांई है ?

वेताळ : लागू के आज थारी बात तक करण रौ मूड नीं है ।

त्रिविक्रम : कांई बात कहूं ?

वेताळ : (चुप) ।

त्रिविक्रम : चुप क्यों रहेगी ? कीं कैवती हों नों ?

वेताळ : (चुप) ।

त्रिविक्रम : कुण-सी कहाणी सुणावती हो ?

वेताळ : कहाणी सुरूला !

त्रिविक्रम : हां, और ती रस्तौ ई कांई है ?

वेताळ : सूरण, आज थनै म्हैँ एक अनोखी कहाणी सुणावूँ ।

त्रिविक्रम : अनोखी ! पछै रोज कैड़ी सुणावतौ हो ?

वेताळ : म्हारो मतलब है, आ कहाणी लारली कहाणियां सून हट'र है। आ 'अ' सर-टिफिकेट वाली कहाणी है।

त्रिविक्रम : 'अे' सरटिफिकेट वाळी ! म्हें तौ आज तांई आ इज समझती हौ के 'अे' सरटिफिकेट फिलमां नै इज मिलिया करै । औ कहाणियां नै 'अे' सरटिफिकेट कद स' मिलण लागियो ?

वेताळ : म्हारी मतलब है, कहाणी सेक्सू सूनं सम्बन्धित है।

त्रिविक्रम : थू' इत्तौ अडवांस कीकर व्हेग्यौ प्यारा ?

बेताळ : कहाणी, महाभारत री है ।





सिरोली सांयत

चन्द्र प्रकाश देवल

छपनां रा काळ मांय
रूखां रा छोडा खाय
गोवर सूं दाणां बीण
दिन तोड़तौ
म्हारा गांव
काई इण सारूं जीवतौ रह्यौ थूं
क' रासण कारट मांय
थारौ नांव लिखीजजा

अर
भूगोल रा किणी नकसा मांय
थूं मिण्डी वण दरजीजजा

चमोतरा रा पिलेग सूं
काई इण खातर लड्यौ
क' वां दिनां खाटली सारूं
च्यार आदमी नीं मिलता
अर आज लोकाचार'र सिडी तोकरा नै
मिनखां री मोकळाई व्हे जा

वा किसी हूं स ही
किसी हीयै री हुरड़ाई सूं जीवतौ है
अजतांई

कांई औ देखण नै
क' खास लोगां रै घरै
अजतांई

नायणां धोवती रै पोतड़ा
क' डावड़ियां उजाळती रै
अंठवाड़ा वरतण-बासण

क' वै लोग तोकता रैवै
माथा माथै मेलौ
क' भीलां रा वाड़ा में जलमतांई
साथै बंधजा हाळिपा रौ काम
क' थारी उली'र पैली भागळां व्हे जा
वियतनांव

पड़ुत्तर दै—
गुमसुम ऊभण सूं काम नीं चालै
कांई इण भवीस रै कामण
गूथी थूं सोनल-सुपनां री लड़ां
अर लड़ियौ
दुसमी अवखायां सूं
नीं नीं नीं
थनै तौ फगत लादणौ हौ यो वोभ
म्हारै थाकल खांधै
तौ ले देख
म्हैं अजतांई फिरूं हूं इण नै तोक्यां
ऊजड़ पगडांडी रा अळूभाड़ में
ओ सोचतौ
क' कित्ता सोरा व्हे जाता
थूं अर म्हैं
ज्यो थूं छपनां में नीं तौ चमोतरा में
मर जातौ

नीं रखेळतौ म्हैं थारौ दाळीदर
इत्ता जतन सूं
नीं पाळतौ म्हारै जीवा सारूं
अेक मीठौ भरम



माथा सूं काढ कळवळता सवाल
हर अक सवाल रे साम्हीं
नचीतौ होय भिटक देवतौ गाभा
अर दिखाय देवतौ नागौ डील
औ देखौ मिनखां
म्हारै साथै कोनी—

कोई पळकती संस्कृति
म्हैं निसंस्कारू जलमियौ हूं
इरा सून्याड़ रा गरभ सूं
अर अकलौ ऊभौ हूं
छळछन्दां रा गोरखधंधा सूं अळगीं
भूत-भवीस री कार सूं वारै
वरतमान री वळवळती छाती माथै
भलां ई डसजा अंधारौ
इरा जमीं रा च्यारू खूंट
म्हैं म्हारी ओळखाण

वळती राख सकूं
पांगळा भूगोल-इतियास री नाज री
औलाद कोनी
म्हैं इरा अंधारा री रग-रग सूं वाक्किव
इरा री पूग सूं वारै राख सकूं
म्हैं म्हारा'र सगळा म्हारै जैड़ा रै
जीवता रैवा री हूंस रा संस्कार-विहूणा
गीत

क' ज्यां मांय जीवै
सवदां परवारा अरथ
वां अरथां नै नीं लील सकै अंधारौ
नीं काट सकै नंदी रौ घैघाट
नीं अलोप सकै डूंजां रौ कटाव
नीं बाळ सकै जंगळ-दर-जंगळ
पसरती लाय
नीं उडाय सकै वां अरथां रा रंग
सूरज री पळापळ किरणां

परा सुरा
या म्हारी सबसूं लांठी अबखाई

आं मांरगां

क' म्हें थारी निरभागी कूँख सूं जलम लेय
थांरी ठाडी बेकळू रेत में मोटौ ब्हियो
अर वा ठाडोळाई
वापरगी म्हारै रूँ-रूँ मांय

नीतर कणाकलौ

छिटकाय खांधा माथलौ बोभ

व्हे जातौ थारा सूं अळगौ

अर गढ लेवतौ अेक नूँवी

अबोट ओळखाण

जिण मांय नीं व्हेतौ जात-पांत रौ

भरमजाळ

आदमी नीं ओळखीजतौ उण रै रंग सूं

नीं पूजीजतौ आदमी उण री औकात लारै

नीं व्हेता किणी ई खूँजा में

धरम रा नाग

नीं व्हेता न्यारा-न्यारा

टटपूँ जिया ईसकू ईसवर

आदमी फगत आदमी व्हेतौ

अर ओळखीजतौ

औ आदमी रै आदमी नीं व्हेण रौ दरद

म्हनै रैय-रैय दमजाळै

कठैई अेकण ठौड़ नीं ढबण दै

म्हारा घण हेताळू, रुड़ा दरद

म्हारा गांव

नीं थनै गाड सकूँ, नीं बाळ सकूँ

नीं हेज सकूँ, नीं पाळ सकूँ

ज्यूँ-ज्यूँ उतरूँ ऊंडौ

थारै मांय

फगत थारी जूनी जड़ां रै तांतां

अळूझूँ

नीं लाधै मज्ज गोड री असली जड़

नीं लाधै इण अणूता वोभाळू

काळ-खण्ड रौ टिकाऊ थम्ब




क' जिण माथै चोट कर सकूँ
 तीखी तच्च कुआड़ी री
 फगत दियावळौ होय
 आपणां लहरिया ताणूँ
 अर अक माथै अक आपघाती घाव
 खाऊँ
 निसासां न्हाकतौ निरखूँ आपणी मौत
 पण अजताई अणखूट वगत रौ बायरौ
 म्हारौ अधघावळौ डील उडीकै
 उडीकै थारी मुड़दा ल्हास
 म्हारै खांधा रौ ठाणौ
 वेताळ-पच्चीसी री छेहली माठ लग
 अर करघा जावै सवालां माथै सवाल
 क' किणी वगत रै पड़िलै
 अक नगरी ही फलाणौ देस री
 म्हनै कीं म्यानौ लाधै
 फगत थूँ म्हारा गांव
 पूरै दमखम सूँ जीवतौ व्हेजा
 म्हारै च्यारूँ म्हेर
 म्हैं दरजै लाचार, खीज-वसू
 अंकण फेर सोचण लागूँ
 किणी नूँवी अटकल री ईजाद माथै
 थारी-म्हारी सिरोळी सांयत सारूँ
 पण
 फगत अक अदीठ मून-वंतळ रौ
 लांवौ सिलसिलौ
 थारै म्हारै बिचाळै जलमै
 अर आथमै
 नित-हरमेस—रोज-रोज

• • •



लड़ाई सूं पंली

अरजुणदेव चारण



तेता जुगा सूं कियोड़ा थारा कौल
छिप गया सेवट फूलण सूं
म्हारौ बूढौ वाप
आंधी आंख्यां
सौधतौ रैयौ सुगन्ध
भरणी रै वारै

आवण वाळी हर पीढी नै
थूं दियौ थतोवौ
अेक रोटी अर अेक छीण रौ
गाभै री जिम्मेदारी थूं नीं ली
पण हर जीव नै
थूं फगत गाभौ देय सकियौ
किण नै ई आज
किण नै ई कालै
किण नै ई परसूं
रोटी छीण रै हेटै दवियोड़ी पड़ी है

थूं रमतौ रैयौ सरणाटां सूं
जिण रा गवाह
थारी हवेली रा कपाट
अजै तांई वन्द है
अे जूनी हवेली रा वासिन्दा
कदेई तौ नीचै भांक
देख पाणी थारी हदां मांय आय गियौ



मती कर सांग
 वोळी अर आंधौ व्हेण रौ
 भांक ? नीचै भांक ।
 पाणी वधतौ जा रैयी है
 सुण इण सुर नै
 तोड़ सरणाटौ
 वापरग्यौ जिकौ
 थारै असवाड़ै-पसवाड़ै

तीस करोड़ देवी-देवतावां आगै
 जुड़ता म्हारा हाथ
 अर निवतौ म्हारौ माथौ
 खटाव सूं वारै व्हेगौ
 खोल कोई वारी !
 वता

पूजूं किरण अेक नै ?
 नीं भुगतणी चावूं
 म्हैं जूण म्हारै वाप री

पूछूं अेक सवाल
 क' हर गळी रौ अन्त
 अर हर घर री सिरै खिड़की रौ मूंडी
 क्यूं व्हे सरू थारै सूं ?
 समझणी चावूं म्हैं इण गणित नै
 क' जद पांच रा दस भाग व्हे सकै
 तौ अलेखूं कमरां वाळी आ हवेली
 फगत थारी कीकर ?

ऊंचायां औ अदीठ भार
 थारौ अर थारी हवेली रौ
 फिरां कद ताई
 इण मगरै सूं उण मगरै
 थूं कद आवै वारै
 पाछौ कद बड़ जावै
 घुसकाळी मांय
 वावड़ ई नीं लागै



थारी पीढियां री लांठाई अर अणूँ ताई
म्हारी पीढियां री उणीज रीटी नै
उणीज छीण हेटै

दाव राखी है
जिण रै ओळै-दोळै घूमै डकरेल कुत्ता
नीं भुसै
नीं पकड़ै पींडी
जीभ काढियोड़ा फगत साम्ही देखै

म्हारी पीढियां री पीढियां
धोक देय पाछी आयगी
छीण देवता वरणी
अर थारा कुत्ता पुजारी

मान म्हारा रामा-सामा
इण मिस आय ऊभ वारै
बुलाव कुत्ता नै नैड़ा
घाल दै सांकळ गळै मांय

म्हारै हाथां ऊगगी हळवारियां
ऊभी अर तीखी
तोड़ देसी छीण नै
अर फेंक देसी अळगी.....

★ ★ ★



उदाई

नवीन माहिमवाळ

•

.....कुण करै ?

कठे करै ??

कीकर करै न्याव ???

(?)

न्याव अेक मोटौ थपथपौ !

मकड़ी रौ जाल,

आप रौ आप इज काल ।

किण रौ ब्हियौ ?

कठे ब्हियौ ??

(?)

(अर) कदै ब्हियौ न्याव ?

अठै धोळौ हाथी

वाजै अैरावत (पण)

ओ हाथी—

पुतियोड़ी

काळा-धौळा गावा में लिपटियोड़ी

कुइसी माथै बैठौ—

बंघियोड़ी ऊंधा-पाधरा जतनां सूं

औ लागग्यौ न्याव रै

व्हे नै उदाई ।

औ पूरौ सिलसिलौ

जठै वकील—

विचारै गरीब नै घाल देवै गंगाजी

जीवतां थकां


अेक कसाई—

अठै मरगियौ खुद देवै फीस

आप रै मरण री ।

कैवै लो आवौ—

म्हने मारौ





आंखियां भूख री

नाज़िम हिक्मत

(१)

कोनी अेक
कोनी दो
कोनी सौ-अेक
कोनी सिरफ हजार इज
सिकार

पण
तीन करोड़
कूटियोड़ा काळ रा

है आपणां वै
आपां—वांरा
ज्यूं समदर रै लैरां
लैरां रै समदर

कोनी अेक, कोनी दो, कोनी सौ-अेक
पण, तीन करोड़
तीन करोड़
कूटियोड़ा काळ रा



(२)

ऊभोड़ा ओली बरा
कोनी है अ मड़द
कोनी है लुगायां अ
कोनी छोरियां, कोनी छोरा
परा

अंटीजियोड़ा रूखड़ा

कोनी मड़द
कोनी लुगायां
कोनी छोरा, कोनी छोरियां
परा घूमन्तू लूँदा-डगळ
निपजाऊ माटी रा
कोइक

भींचै है गोडां नै
भींचै है फेरूँ
भींचै है फेरूँ

पसरचोड़ी तूँद
पिचकै नै
पसरै है
दूजोड़ौ सिरफ अँक
चमड़ै री खोलड़ है
दीसै है सांस,
सिरफ नैरा-जोतां में

(३)

खुड़ताळां,
पगथळियां छोल रयी
बावळा नैरां सूँ
रगत भरै हिवड़ै रौ
अरांत पीड़
घूरै है घूरै है
पीड़ आपणी भी तौ
अरांत है उवां दाई
परा
कुरा डिगा सकै निस्चै



या भरौसै नै
 काठा कर लिया म्हां, हिया
 वजर छातियां म्हारी
 आसामुखी वां
 तीन क्रोड नैणां नै
 सेवौ संताप री
 सम्पत सूं आपां री

(४)

तूं वो
 तूं सांभळ !
 मत समझ कीं भी
 तूं जाण म्हनै चोजाळौ
 काळजौ उथेळण नै
 वावळौ उतावळौ
 जे दूजां ज्यूं
 तू भी है हिरणपुणिया
 अर सोचै वकूं सिरफ
 वायडौ हुयोडौ म्हैं
 तद देख
 भांक म्हारै नैणां में
 भांक फेर
 नैण अक माणस रा
 पीड़ सूं व्हियोड़ा
 अधगावळा

उत्थौ-सत्येन जोशी



थूँ जीवण मुजब तौ वण

सुरजीत पतवार

•

थारी नांव राखैला
थारी छाती माथं
भालौ के तगमौ रख देवैला
थूँ जीवण मुजब तौ वण
थारी हत्या कर देवैला

मैं बूढ़ी जादूगरणी हूँ
लांठा मंत्र-टोटका जाणूँ
मैं जिण री छाती तगमा सजाया हा
वा छाती घड़ी बण'र रैयगी
मैं जिण रै गळै हार पैरायौ हूँ
वौ भाटी बण'र रैयगी

मैं जिका हाथां नै खुद रै हाथां थाम्यां हा
वे ई रुखड़ा री डाळियां बण'र रैयगा
मैं जिण नै खुद रौ बेटी जाण्यौ
वौ खुद री मां रौ नांव भूल्यौ है

छातियां री घणी भांतां व्हे है
कोई छाती तगमा सूँ ठंडी व्हे जाया करै
कोई छाती नीवाया दूध रै
गीतां सागै ई ठंडी व्हे जाया करै



अर जकी वाकी रैय जावै
 वां खातिर म्हारै हाथां में
 सिरफ एक भालौ बच्योड़ौ रैवै

थूं चिंता मत कर
 थारी छाती किण भांत री है
 भांप लेवांला

म्हां थारी उमर तै कर देवांला
 अर थारौ नांव ई राखांला
 थारी छाती माथै ई भालौ राखांला
 थूं जीवण मुजव तौ बण
 थारी भी हत्या कर देवांला

उल्थौ-आत्माराम



गजल

□ लालदास 'राकेस'

म्हैं जाणू के म्हारौ राम
 आज अजाणा, जाणै राम
 मिनखाई री रीत वदळगी
 समभै हक नै नेक-हराम
 चावौ नहीं आप रै कारण
 नांव वापड़ौ खुद वदनाम
 मैनत कियां चुणै कद बंगला
 भरौ हाजरी करौ सिलाम
 निवळाई है हमें काम री
 लीडर वण्या, पूग्या धाम
 'लाल' गजल में आंच अणूती
 डोफा रै दूणौ दै डाम



गीत

□ चो० आर० प्रजापति

कद ताई दुख नै पीणौ है ?

काई औ जीणौ—जीणौ है ??

भीज्योड़ी वा घास बळै ज्यूं
बूढी आंख्यां रा कोयां में
सूवा सपना रो वीत्योड़ी राख भडै ज्यूं
घुटतां-घुटतां धूँवाँ करता
काई यूँ बळता जीणौ है
पग-पग माथें चुभती सूळां
लोही-लोही ही व्हेणौ है,

कद ताई दुख नै पीणौ है ?

काई औ जीणौ—जीणौ है ??

चौरायां पर दिन-धौळा ही
बिखरचोड़ी सून्याड़ पड़ी है
छिपियोड़ा वे घात लगायां
अंधारा रा अबखा डाकी—
काई थ्हांरी निजर पड़ी है ?
रोतां-रोतां पिसतां-लुटतां
कद ताई यूँ ही भुरणौ है ?

कद ताई दुख नै पीणौ है ?

काई औ जीणौ—जीणौ है ??

सांमी ऊभौड़ी वो सूरज
अवै थ्हांनै हेलौ देवै
भांभरकै री इण वेळा में
भटकयोड़ा नै गैलौ देवै
दुख दरदां रा कंट-कंटोला
मारग फूलां नै चुणनौ है
घुटतां-घुटतां धूँवा में ही
पाछा सपनां नै बुणनौ है

कद ताई दुख नै पीणौ है ?

काई औ जीणौ—जीणौ है ??



गीत

□ आईदानसिंह भाटी

जगत रा देख उजव दरसाव
पड़्या हिवड़ै में ऊंडा घाव

साथ जीवण रौ सुण नै कौल
छुनक छुन सिस्टी जद नाची;
समंदर रौ हिवड़ै हुळसाय
हुळकतै नैण नीर वांची ।

डूवग्या मन रा सैंग उमाव
अपूठी चाली जीवण नाव ।

निकळता रसना सूं वे वोल,
विकाणै अपणापौ अणामोल;
जगत रा भारी, हुळका भार
तुलै कद नेह हियै रै तोल ।

आंकड़ां में उळइयोड़ौ भाव
चढाई सूं पैला उतराव ।

गमायौ जीवण रौ सैं कोड,
जगत री कर नै होडाहोड
अलेखू आंगणियां में जोय
मानतापूरण लीकां छोड ।

तण्योड़ौ क्यूं लागै पोमाव
आज क्यूं ऊमण-दूमण चाव ?

• • •



गजल

□ श्यामसुन्दर भारती

झूठौ भांसौ, फेर किता दिन

रुलपटरासौ, फेर किता दिन

मे'ल हवारा ने वातां रौ

चट-चौमासौ, फेर किता दिन

भोली-भाली जनता नै औ—

मीठौ-घासौ फेर किता दिन

किण वेळा कई हुय जावण रौ

मन में सांसौ, फेर किता दिन

भूख, गरीबी अर विपदा रौ

इण घर वासौ, फेर किता दिन

सगळा नै यूं देता रौ'ला

कूड़ दिळासौ, फेर किता दिन

इण आंगणियै राजनीत रौ—

खेल-तमासौ, फेर किता दिन

• • •



जागती जोत में छपण सारु रचनावां
सीधी संपादक कनै भिजवावौ ।

सत्येन जोशी

जोशियां री खटकल

जोधपुर-१० (राजस्थान)



૪૮ | જાગતી જોત

जद अन्तस री पीड़ वारै आवण सारु कुळबुळीजै ती वारणी सबद मांगै अर सबद मांगै भासा ।। अक अँडी सबळ भासा जिकी उण पीड़ री उणियारी ओळख सकै । ती कांई म्हारै कनै सबद कोनी ? के सबदां नै अंवेर-अंगेज नै वां में अरथ भरण वाळी सबळ भासा कोनी ? है ! जरूर है । पण म्हारी भासा कठै भणोजै ? कठै समझोजै ? कठै गुणोजै ? ती भी म्हारी ओळख री ओळियां में अरथ ती म्हारी भासा इज भर सकै । भासा म्हारी मां है । जिकी भासा म्हारी मां म्हनै पाळतां-पोसतां सिखाई, उण भासा सूं कोई बराबरी कर सकै । कांई व्हेती, गाळियां काढती, हरखित व्हेती, आसीसां देवती, जिकी भी भावनावां वा परगट करती, वां भावनावां री अभिव्यक्ति कांई दूजी भासा में की जा सकै ? नहीं, वै सारी भावनावां अर म्हारा सारा अणभव म्हें म्हारी इज भासा में म्हारै इज सबदां में असरदार रूप में व्यक्त कर सकूँ । अर वै दूजी भासावां, जिकी के म्हें इण भासा सूं नुगराई कर नै स्कूलां में, कालेजां में भण'र आज नौकरी-रुजगार में खुद री मददगार वणाय राखी हूं, म्हारै पेट री जरूरतां पूरी करण जोगी जरूर है । पण पेट री भूख रै अलावा दूजी तरा री भूख भी म्हनै लागै । जे वा भूख नीं व्हेती ती सायत् संसार में साहित्य अर कलावां री कोई महत्व नीं रैवती । सांच ती औ है के जीवण खाली रोटी सूं इज नीं, मीठी अर मोवणी भावनावां सूं भी पोखीजै । आ भावनावां री इज सगती है है जिकी के लोगां नै वां रै समाज सूं, वां री संस्कृतियां सूं जोड़ै । दुनियादारी रै जंजाळ में अळूभियोड़ी जीव जद सुस्तावण लागै, तद भावनावां उण नै आप रै समदर में खरो-ळियां खवाय-खवाय नै उण री थाकेलौ मेटै । वो हळको व्हियां मैसूस करै के आ म्हारी जरूरत है । कांई कारण है के दुनियां रै सैं देसां में, सैं जातां में, सैंगां री भावनावां अक जैड़ी इज व्हे ? जद के सैंगां री भासा अक कोनी ! संसार भर में प्रेम री भासा अक इज है इणी वास्तै हजारूं कोसां आगै सूं नीं जाणै कित्ती भासावां सूं अर नीं जाणै कित्ता मारगां सूं रूप अर सिणगार पलटती अँ भावनावां हिवड़ै रै साव नैड़ी लागै । जे वदळियोड़ी रूप इत्ती असर राखै ती असली रूप में ती औहूँ ई असर व्हेला । सारी संस्कृतियां रै जुड़ाव री माध्यम भासा इज ती है ।

म्हारी औ सोचणी के म्हें म्हारी मांयली पीड़ नै सिरफ म्हारी भासा में इज समझा सकूँ, बता सकूँ ती सवाल म्हारी भासा री इज ऊठै । म्हारै कनै जे म्हारी भासा नीं, ती समझौ, म्हारी संस्कृति, म्हारा संस्कार, म्हारी अस्तित्व, सैं कीं खतरें में पड़ग्यौ । भासा इज संस्कृति है अर संस्कृति सूं ई संस्कार मिळै । म्हें म्हारी भासा विना म्हारा संस्कारां नै, म्हारी संस्कृति नै जीवंत कियां राख सकूँ ? आज देस रै खूण-खूण री अलग-अलग भासावां है । हर समाज अर हर तबकै री अलग-अलग भासावां है । अर नीं है, ती वा है म्हारै तबकै री । इणी खामी नै म्हें भुगतूँ हूं । नहीं, म्हें म्हारै अस्तित्व री खातर सफा सामी दीखतै खतरें नै मोल लेवण नै तय्यार नीं हूं । के म्हारै सूं म्हारी जवान छीन ली जावै अर म्हें नाजोगी व्हे ज्यूँ अदीठै फळ सूं गाफल चुप बैठी रैवूँ । म्हें म्हारै अस्तित्व नै मिटावण वाळै हर अन्याव रै खिलाफ लड़णी चावूँ । अर लहूँला ।

हां, आ म्हें जाणूँ के औ खतरौ हाल तांई वां नै नीं है, जिकां नै खुद रै अस्तित्व



रै वास्तै पांच बरस में अक वार वोट लेवण खातर आवणी पड़ै । आ गरज म्हनै अर
 म्हारा साधियां नै है । होडाहोड रै इण जुग में रुजगार वास्तै जू'भरण सारू, खुद रै समाज
 री, खुद री जात री समस्यावां नै आगँ धरण सारू, अर सैं लड़ायां लड़ण सारू अक सस्तर
 रै रूप में म्हारै जैड़ा सगळा आथड़ता जीवां नै जरूर है । मंजळ लग पूगण पैला अस्तित्व
 रै कारण श्री संघर्स चालणी है । अर श्री संघर्स म्है अकली नीं लड़ सकू । सगळां नै इण
 में सीरी व्हेणी है । ओ दरद, आ पीड़, अक रंग में नीं, सैं रंगां में है । म्हारै मुलक री
 इतियास नीतर ई जू'भारां रै लिखियोड़ी है । अर जू'भार कोई अक दो इज नीं है ।
 अलेखू है । आ पीड़ हर हियै में छिपियोड़ी है । आ म्हें जाणूं हूं के चिरागी नै फगत हवा
 लागण री जेज व्हे । चेतन व्हियां पछै ती.....



लिखारां सारू

- जागती जोत रचना री मोल करै—
लिखारै रै नाम री नीं ।
- साफ, वाचण जोगी अर सुधार सारू
जागा छोड'र लिखियोड़ी रचनावां
साथै पैला विचार त्रियौ जावैला ।
- रचना पैला कठैई छपियोड़ी नीं व्हे
पण अँडी भी नीं जिकी कठैई छप नीं
सकी ।
- रचना मेलियां पछै छपिया तीन अंकां में सूं
किणी में आपरी रचना नीं छपी व्हे ती
समझी कै अवै छपण री गुंजायस कोनी ।
- बरतणी री सुद्धता सारू जागती जोत नै
मैलंग वांचौ ।



गुजराती नै गूलर

सोभाग्यसिंह शेखावत

जोधपुर रा धरणी महाराजा मानसिंघजी ना औलाद काळ करचौ जद जोधपुर रा उमराव अर माजियां अंग्रेजां सूं मिळ नै गुजरात रै ईडर राज रै भाईपै रा अमदनगर रजवाड़ा रा धरणी तखतसिंघजी नै खोळै लिया । अंग्रेज सिरकार तखतसिंघजी री खोळी मानियो । तखतसिंघजी अधखड़ उमर में जोधपुर री राजगादी माथै बैठा हा । संवत उगरीस सो चौदह री सुतंतरता री लड़ाई में तखतसिंघजी अंग्रेजां रा हेताळू रैया । पण, महाराजा तखतसिंघजी रा घणखरा-सा उमराव अंग्रेजां रा विरोध रौ बीड़ी भालियो । मारवाड रै आऊवा, आसोप, गूलर, आलणियावास, बाजवास इत्याद रा सिरदारां आजादी रा जंग रा आगीवाण हुवा । गूलर रौ घणी मेड़तियो विसनसिंघजी इण लड़ाई रौ मेढी हुवो । लड़ाई सूं पैली जोधपुर रा किला में महाराजा तखतसिंघजी अर गूलर ठाकर विसनसिंघजी रै थोड़ी सी चुटवड़ भी व्हेगी ही । महाराजा तखतसिंघजी धकै विसनसिंघजी अंग्रेजां री दावेदारो री भूँडी-भूँडी वातां सुणई । महाराजा तखतसिंघजी इण पर खीजग्या । तखतसिंघजी रोस में नाराजगी जतावता थका विसनसिंघजी नै कैयो—“ठाकरां जाणी ही के नीं, मूं गुजराती हूं ।”

ठाकर विसनसिंघजी हाथ जोड़ नै पाछी कैयो—“भलां, नवकोट नाथ जाणी कीकर नीं ।”

तखतसिंघजी दुवारा फेर रोस दिखाता थका कैयो—“थां नीं जाणी, मूं गुजराती हूं ।”

गुजराती रौ मतलव, गुजरात रा मिनख आकरा सुभाव रा, बदला री भावना वाळा अर वचन रा गाढा हुवै है ।

इण पर ठाकर विसनसिंघजी नै भी ताव आयग्यो । भाळ में आय पाछी कैयो—धरणी गुजराती हैं तो तावेदार गूलर री ठाकर है । गूलर रै रस रा फूँवां धकै गुजराती ऊभी हीज नीं थमै ।

गुजराती नीमूनियां रा रोग नै कैवै । गूलर उदुंबर नै कहै । उदुंबर रा रस में भिगोया फूँवां सूं नीमूनियो जाती रैवै । आ सुण नै महाराजा तखतसिंघ रै जाणै मूँडै ताळी लाग्यो ।

□



सलवार

जहूर खां मेहर

एक नामी वकील साव में अंकर कुजरवी घणीं हुई । आप वकील साव आज ताई जोधपुर वकालत करै । बात सवा सोळै आना खरी । वकील साव रै मूंडै म्हारै आपरै सुणियोड़ी । सगळा अता-पता अर नांव-धांव गिणावता वकील साव हंसता हंसता बात सुणाई । फलाणै गांव सूं कोस डौडेक री भौं अंक चौधरी री ढाणी । मांभल रात रा अंकर चौधरी री सलवार सायंड रै फोग पड़ी । पेंखड़ी खोल'र कोई चोर वाड़ै में वंधियोड़ी सांड ले परी गियो । दिन संवा हा सो थोड़ी ताळ पछै इज चौधरी री आंख खुलो अर मूती सारू वाड़ै में गियो ती सांड नीं । गांव में पूग मिनख भेळा करिया अर रातोरात वार चढी । आप चौधरी चौखलै चावी पागी । खोज खवर करता, भाख फाटां ढीकड़ै गांव री पुळस चौकी जाय पूगा । चौकी आगली नांवड़ी हेटै सांड भैंकीजियोड़ी ओगाळै अर कुरियो कनै इज ऊवो । पड़ताल करियां ठा पड़ी कै सलवार लायी जकी वटाऊ घड़ीक पैला चौकी पूगी अर विसाई सारू अठै ढवियो पण अमल री मनवारां में अळूजगी । सींव में कठैई धकै पड़तौ जद ती ठोक पींज नै अड्डा कर काढता अर सांड पाछी परी ले जावता । पण चौकी री तौ गत ई न्यारी । चोर पकड़ण रौ मारग पड़ियो जस चौकीवाळा कद छोड़ै । छिन्नेक पैला भेळा वैठा अमल री डोडी मनवारां करता हा जिकां इज चोर रा भीटिया भाल'र सागंडी हड़वड़ायो । रपट दरज हुई । सांड वरामद करीजी । केस कचेड़ी पूगी । चोर रै ई लारै पछ्खी भारी सो सैर सूं अंक चावी वकील कर लाया । हाकम साव सामीं पेस व्हियां डरू-फरू व्हियोड़ै चौधरी आपरी बात वताई । कोट-कचेड़ी चढण री औ पैलड़ी काम ई पड़ियो सो चौधरी काठी हळफळीजियोड़ी । वकील साव ठाणळी कै कूड़-मूड़ ई चौधरी उवां री आसामी नै फंदाणी चावै सो घुदा घुडा, सवाल पूछ पूछ ई नै बघनौ कर देणो । हड़बड़ाट में चौधरी सायंड ती अंकर ई बोलियो नीं पण वता दियो कठै ती उण री सलवार ही, कीकर ऊनै सलवार री चोरी री ठा पड़ी अर कीकर चौकी



कनै सलवार सागै चोर पकड़ीजियो । वकील साब रै तौ ओळूवा चढता इज हा, चौधरी बात पूरी करी जित्ती जित्ती तौ फटाक देती ऊबा हूवता घड़ू किया कै बता सलवार खीनखापरी ही, लठ्ठै री ही, साटण री ही के खादी री ही? बापड़ो चौधरी तौ पैलां ई अधगावळो हुयोड़ी हो; कमरी ऊंट ज्यूं धूजतै री जाड़ी पड़ियोड़ी जिवान उथेली ई खायी नीं । जीव में सायंड रै लांपी बालतौ अठै ऊं जिन छूटां मीरणी बोलदी । पण आ काई व्ही ? कचेड़ी में मौजूद हा जका हंसी माथै उतरिया पण उतरिया, सगळा खिल खिल करण ठूका तौ ढवै ई नीं । सेवट हाकम साब हथोड़ी बजा बजा'र मिनखां री हंसी नीठा ढावी । वकील साब री आफरी अजै पूरी को भड़ियो ही नीं अर नीस आपरी कालाई री गत्तू ई गिनार व्हियो ही । मिनखां री हसी ढवी ढवी जित्ती तौ पाछा फड़किया कै अरै कूड़ रा काका थनै सलवार रै गावै री ठा ई कोयनी जद थूं आ तौ कद बताय सकै कै वा धोळी ही के असमानी ? मिनख हंसण लागा जित्ती जित्ती तौ वकील साब खाता पड़ता भलै बोल गया कै गावेडू चौधरी अर सलवार री तुक अंगेई बैठै तौ बैठै ई कीकर ? थूं तौ इत्तौ इज बताय दै कै सलवार रै पायचा कित्ता व्हे । वकील साब री लारली बात तौ मिनखां री खिलखिलियां में दबगी । मुंछीजी री तौ हंसता हंसता अँड़ी दुरगत व्ही के सेवट चसमों उतार नै आंखियां सूं आंसू पूंछणा पड़िया । आप चोर अर हाकम साब दुरादुर हंसणियां में भिळगा । कैइयां, हंसतां हंसतां पेट पकड़ लिया अर कित्तांक रै बाईंटा पड़ण ठूका । चौधरी तौ बापड़ो पैलां ई रोवणकाळो व्हेगौ ही । हमकै वकील साब ई अधगावळां री गळाई हंसणियां सामी जोवण ठूका । सेवट हाकम साब सगळां री हंसी ज्यूं त्यूं रोकाई अर वकील साब नै कैयौ कै वडै मिनखां हमें आप कठेई सलवार रै नाडै बावत कीं पूंछ मत लीजी । भलै मिनखां हमें गई करी । बापड़ै चौधरी री गैल छोडौ । सलवार री म्यांतौ वा सायंड न्हे जिए रै सागै छोटी बचियौ ई व्हे । सो आ बचियै बाळी सायंड री चोरी री वारदात है लठ्ठे-खादी री सुथणी री चोरी री थोड़ी'ज है । वकील साब माथै जाणै पखालां पाणी ढुळ गियो व्हे अर कै जाणै सौ मण री सिल्ला माथै धरीजगी व्हे । च्यांरुमेर मुळकता मिनख ढाकी व्हे ज्यूं दीसण लागा । चुळणौ ई भारी पड़गी । परायै ऊं भुवाभोळ व्हियोड़ा हिमाळै चढण जेड़ा दोरा कुड़सी ताई पूगा । पछै धकली कारवाई में जाणै वकील साब रै मूंडै में कोई डाट ठोकीजियोड़ी व्हे । चोर नै संजा बोलीजी अर चौधरी सायंड ले'र जीवै जित्ती वकीलां रै पानै नीं पड़ण री आखड़ियां सेवतौ ढाणी पूगी ।

• • •



लोक संगीत रौ सरूप

गोविन्द कल्ला

•

आपारै देस भारत में भरतमुनी आपरै नाट्य-सास्तर में गायन, वाद्य अर निरत, यां तीनूँ रै ग्यान नै संगीत मानियौ है । भारतीय दरसन अर विग्यान में नाद नै ब्रह्म अर सुर नै ईसवर री रूप समझियौ जावै । भारतीय संगीत में सुरां री विभाजन स्रुतियां में कियौ गयी अर अक-अक स्रुती रै कंपण सूँ, जाणकार लोग आगेतर नै भी जाण लेवता, अँड़ा अलेकूँ प्रमाण है । अँड़ी अखूट खिमता बाळै संगीत सारू भरतमुनी कैयी है यत्किञ्चिद् गीयतै लोके तत्सर्वजातिषु स्थितम् (अठै जातिषु री अरथ सुरां रै समदाय सूँ है जकौ जन समदाय सूँ निकळै अर जिएनै लोक-संगीत कैयी गयी है ।) मतलब ओ के लोक-संगीत जन समदाय रै हिरदै सूँ निकळियोड़ा अलेकूँ सुरां री न्यात—अक पूरी गायकी है । निरत अर वाद्य री सांतरी विधान है । समझदार अर गुणी संगीतकार अँड़ा सुर-समदायां री ओप नै सास्त्रीय बरणत में ढाळ नै राग बणा लिया करै । बीं री नाम अर कायदा भी तै करदै जीं सूँ दूजा गायक बां रागां नै गा सकै । परा जकौ सुर-समदाय यां आरोह-अवरोह रै नियमां सूँ सुगत बहै अर जीं रै गावण री धेय ती लोकानुरजन बहै परा रूप, गायक रै घराणै मुजब, ओळै-दोळै री घटनावां, छिए-छिए रा उमावां, भूगोल अर इतियास रै असर सूँ रंगियोड़ी, आपस रै प्रोमाव अर कुदरत रै दियोड़ै गळै रै मिठास में मतै ई आखरां नै अंगेजै अर गळै सूँ रंग बरसावै उरा सुर-समदाय नै राग नीं कैयी जा सकै, वा ती अक पूरी गायकी ब्हिया करै । ठीक इणीज भांत 'मांड' कोई राग नीं ब्हेर अक पूरी गायकी है ।

लोकसंगीत रीं ढूँजी पख वाद्य रीं है। वाद्य, पांच भांत रा ब्हिया करै ज्यां नै रीड वाद्य, फूंक वाद्य, चर्म वाद्य, तार वाद्य, टंकोर अर खड़ वाद्य कैया जा सकै। अँ सँग वाद्य आपां रै ठैठे मौजूद है। इण सूँ अेक पग आगै देवां तद फूंक अर फुंफकारै में भी फरक करणौ पड़ै अर ईं फुंफकारै सूँ बाजणिया वाद्य सफा नैरा निगै आवै। नड, घुरा-

लियो, सितारी, अळगोजी, पूंगी इत्याद फूंक रै सागै फुफकारै सूं वाजिया करै । नस तरग जैड़ा साज तौ सिसकारा अर ज-झ-अर जू रै सैंग रूपां रै जुदा-जुदा वजनां रै भरणकारां सूं बाजै ।

संगीत रै तीजै खण्ड में निरत भी अठै मूळ रूप सूं चक्कर अर मुद्रावां में मूळ मुद्रा पांचू आंगळियां भेली करनै पछै नाचण री तरीकी है, जकी पंचभूतां सूं बणियोडै इण सरीर नै अेकठ करनै आणंद री अनुभूती सूं नाचण री सिक्सा देवै । बाकी रा सैंग तरै रा निरत रै तरीकां में आंगळियां प्रकृती रै रूप री नकल करै । जदपी अै नकलां प्रतीकां में व्हे जकी घणी चोखी लागै अर रचनाघरमीता नै बढ़ावी देवै पण आपारै अठै मूळ-मुद्रा नै इज अधार मान'र अंगिकाभिनय अर सात्विकाभिनय अेकै साथै किया जावै । इण नाच री प्रक्रिया में माथै सूं उपजियोडै कीं नीं है क्यूं के माथै सूं निकळियोडै नै अेकर जद ठेठ चरम ऊपर देखलां तद उणारी पुनरावरती आछी कोनी लागै जद के हियै सूं निकळियोडै आणंदकारी अनुभूती नै जित्ती वार दुसरावां उत्ती वार ई आणंद आवै । अठै अेक वात खास रूप सूं अर बारीकी सूं समभरण जोग है के आपारै राजस्थान में निरत री सास्त्रीय वरणगत में पगां री काम मतलब 'तत्कार' घणी त्यारी माथे रैयी अर हाथां री मुद्रावां माथे घणी ध्यान कोनी दिरीजियी । इण सूं ठीक उल्टी दिक्खण रै 'भरत-नाट्यम्' में रैयी । उठै पगां री तत्कार माथे ध्यान कम दिरीजियी अर हाथां री मुद्रावां घणी सांतरी संवारीजी ।

कुदरत री किरपा जद मिनख नै खिमता देवै तद कला में रैयोडै खामियां उद्यम में अर उद्यम में रैयोडै खामियां कला में संतुलन कायम करण सारू बराबर व्हे जाया करै । आपारै अठै पगां री त्यारी खूब व्ही अर हाथां री मुद्रावां माथे कोई ध्यान इज नीं दिरीजियी इणी कारण आपारै अठै री कठपूतळी रै पग इज कोनी अर सारी खेल हाथां री इज है । ठीक इण सूं उल्टी हिसाब दिक्खण री कठपूतळी में मिळैला कै उणारा हाथ काम इज कोनी करै जद के उठै रै निरत 'भरत नाट्यम्' में सारी काम हाथां री मुद्रावां री है । कला अर उद्यम री ओ संतुलन अठै पीढियां दर पीढियां कायम रैवती आयी है अर ओ इज कारण है के आपां री देश अजूंलग आपरै इण आपै लारै इज पूजीजती आयी है अर पूजीजती रैवैला । अँडौ ताळ-मेळ दुनिया रै दूजै किरणी मुलक में कोनी । सै मुलकां में अँडा काम जुगां में बंटियोडा है ज्यांरी सभ्यतावां वणती अर बिगड़ती रैयी जद कै अठै बरोबर अेक परम्परा चाली अर अेक संस्कृती फली-फूली ।

• • •



देखणा, वां री जांच करणी अर पछै खुदरा निरणै तै करणा हा । आं दो मइनां में म्है क्लीलेण्ड में फुटवाँल रा मैच देख्या । आंसेनंदन जीवर नदी रौ आणंद लियी । तीन घटां ताई उण ऊपर वणियोड़ै इन्दरधनुसी पुळ माथै सूं कळ-कळ करता पाणी री राग सुणियौ । तिरती नावां में मिनखां री मौज जोई । घूमता-घामता गोरा अर काळा जोड़ा देख्या । वां नै देख'र विचार आवती—अँ मिनख जात-पांत, रंग-भेद अर धरम-भेद सूं कित्ता आगा है ! जद के म्हारै देस में वां माथै आलोचना री किताबां ऊपर कितावां निकळगी । थोड़ी'क वार कितावां लिखण वाला खोटा लाग्या । पछै उठैरी प्रसिद्ध हावर्ड जानसन री कुल्फी खाई । घणी चोखी लागी । पण गोळ-गप्पां सूं वेसी नीं । होटल डोसोडरीज रै खम्भा री गिणती सारू थोड़ी ताळ तौ गरदन दुखाई, पण गिणती री परख तौ अधकोस जाय'र इज कर सकतौ हौ । कीं खावण री इच्छा व्ही पण मांय जाय'र खावण रै नांव माथै चाख'र पाछौ न्हाट्यौ ।

कोलम्बस सैर रा वारला अजूवां सूं म्हैं गजर-धजर व्हेयग्या । पण अक दिन लारला विचार अचाराचक छळ-विखळ व्हेयग्या, जद म्हनै ठा पड़ी के अठै गोरा मिनख काळा नै काळा समझै । गोरी रंग जाण'र खुद नै वां सूं न्यारा अर ऊंचा समझै । अठै ताई के वै अन्तस सूं भो घ्रिणा करै ।

अेक दिन कोलम्बस सूं कोई सातेक कोस आगी कारखानें में जावणी हौ । अंजळ स' म्हारै ज्यूं ई उनै अेक वरमी स्टूडेन्ट मिलग्यौ । दोनों में खुल'र वातां व्ही । आखै दिन अेक ई विसै माथै साथै-साथै काम करता रैया । सिझ्यारै बैस करता थकां ई रात रा दस वजग्या । पळपळाट करती सुनसान सड़कां सूं सैर री मुख्य सड़क माथै म्हनै वौ आप री मोटर में ले आयौ । वरमी म्हनै साथै चालण री घणी ई मनवार करी पण म्हैं उण नै म्हारी ठिकाणी देय'र धन्यवाद दियौ अर वस स्टैंड माथै वस री वाट जोवण लाग्यौ । वस नीं आई । अेक-दो कारां नै निकळती देख, वां नै रुकण रौ इसारी करियो, पण वै म्हारी सूरत सामी जोय'र फर-फर-फर करता आगै बढग्या । सेवट अजाणै सैर में हिम्मत कर पाळौ ई आगै व्हीर व्हियो ।

दिन भर काम करतां खावणी पोवणी ई भूलगयी। निवड़ियी ती भूख सतावण लागी। अठी नै पाळी चालण सूं थाकेली बत्ती व्हेगयी। भूख सैन नीं व्हे रैयी ही। भट-भट चालण लाग्यी। निजरां किणी होटल-रेस्तरां नै जो रैयी ही। अक छोटी होटल दीसतां ई फुरती सूं मांय वड़'र कुरसी माथै बैठगयी। आंखयां वैरा री तलास में चौफेर फिरण लागी। अक खूण में ऊभौ वैरा नाक भीं सिकोड़ती म्हनै घूर रैयी ही। म्हैं इसारै सूं उण नै नज़ीक बुलायौ। वी आखती-पाखती जोय'र टेबल कनै आयी अर म्हारै सामी खट सूं अक तखती धरदी 'नॉर फॉर ब्लैक'। काळा वास्तै नीं। लाल-पीळी व्हेय'र म्हैं होटल सूं वारै आयगयी। आगै तीन-चार होटल-रेस्तरां आरू देख्या। पण सब जगा वा इज तखती-'नॉट फॉर ब्लैक'। मन ई मन गोरां नै गाळियां काढी। वूकां मारतौ ती भी कण सुणती ! अक होटल में तौ तू-तू-म्हैं-म्हैं व्हेगी। अर म्हनै धक्का मार'र बारै गुड़ाय



दूजै दिन सिरावण ताई रुकियौ । उण नै अणगिणत घन्यवाद दिया । उचाट मन विह्योड़ी वा चौखट ताई आई । म्है विदाई मांगी । उत्तरियोड़ै सूं डै सूं म्हारै सांमी जोय'र बोली—“म्हारै माथै ओक मेहर करजौ । जद थे थां रै देस जावौ तो किरणी नै आ मत कईजौ के अमरीका में कोई रोटी खवावण वाली नीं है । थे भारतीय वचनां रा पक्का व्हौ हौ आ म्हैं जाणूं ।

अर वा किंवाड़ बंद कर दिया । म्हनै लाग्यौ के ओक नीग्रो अचपली सूं आखी अमरीका देस बचग्यौ ।



पुरस्कृत साहित्यकार

लारलै दिनां नीचै लिख्या लिखारां नै पुरस्कार मिलिया । आं सब नै घणी-घणी बघाई ।

- १ चन्द्रप्रकास देवल/पागी/केन्द्रीय साहित्य अकादमी ।
- २ पारस अरोड़ा/खुलती गांठां/विष्णुहरि डालमिया ।
- ३ महावीरप्रसाद/वृन्दावन/पृथ्वीराज राठीड़ ।
- ४ अरजुनदेव चारण/दो नाटक आज रा/गद्य ।
- ५ पुरुषोत्तम छंगारणी/सांसां रौ सूत/पद्य ।
- ६ डॉ. मनोहर शर्मा/बालवाड़ी/बाल साहित्य ।

[आखरी तीन लिखारां नै पुरस्कार राजस्थानी भासा साहित्य संगम कानी सूं मिलिया है ।]



राजस्थानी रंगमंच की जरूरत

मदन मोहन माथुर

राजस्थानी रंगमंच की जरूरत अर उण रै वणाव में पारंपरिक लोक नाटक, खयाल, रम्मत अर भेष लावणा री लूँठी विरासत नै ले'र हाल खास विचार कठेई नीं व्हियो है। कलकत्ता अर बम्बई रा मारवाड़ी समाज सारू व्हेण बाळा नाटकां, गांवां-देहातां में घूमती नाटक मंडलियां अर मेळां में केई-केई दिनां ताई चालता खेलां सूं लोक रुचि में कला अर संगीत रै व्हेण री पुखता प्रमाण मिलै। अबै राजस्थानी री नुंवी रंगमंच वण सकण री गुंजाइयां साफ दीखण लागी है। सब जग नाटकां रै पुराणै रूप में फेर-वदळ व्हे रैया है। कीं ती कमाई री खातर अर कीं लोक रुचि रै खातर। इण रै साथै ई दूजी भासावां सूं भी नुंवा-नुंवा नाटकां रा अनुवाद लगललग व्हे रैया है। अै अनुवाद नुंवा रंगमंच री नींव घरी है। अचम्भा री बात आ है के नुंवा नाटकां रा अनुवाद भी राजस्थान अर राजस्थानी समाज में सफल व्हे रैया है। आं दिनां कुछेक नुंवा नाटक लिखणियां भी सामी आगा है।

इण सारी स्थितियां नै देखतां थकां मन में अेक नुंवी उम्मीद कसमसीजै। अर वा उम्मीद है राजस्थानी रंगमंच रै नुंवाँ सरूप री। नुंवाँ सरूप री इण तसवीर नै आपां कलाकारां रै नुंवाँ झुकाव अर दरसकां री नुंवी पसन्द में देख सकां। साथत् पैली वार औ मैसूस व्हियो है के राजस्थानी में नुंवाँ सूं नुंवाँ भाव अर आधुनिक सूं आधुनिक संवेदन वयान करियो जा सकै।

राजस्थानी भासा री फगत पुराणै ठाकुर-साई सरूप ई नीं वदळियो है। नुंवाँ बात कैवण री अंदाज अर तेवर भी वदळिया है। नुंवाँ सभावनावां रै साथै इण रै कलात्मक उपयोग री परम्परा में भी नुंवाँपण सामी आयौ है। पण राजस्थानी रंगमंच रै विकास रा अै प्रयास अजै ताई छुट-पुट इज है। जरूरत ती इण सारां रै विच्चै अेक भावना री, अेक संगठण री अर अेक लगन री है।



राजस्थानी भासा री वोलियां नै ले'र ऊठियोड़ा मतभेद भी रंगमंच रै मुहावरै री तलास नै ले'र खतम व्हे सकै । वम्बई अर कलकत्ता में अंक नुं'वी राजस्थानी बोली विकसित व्ही इज है जरूरत रै पांण । रंगमंच माथै ठौड़-ठौड़ व्हे रैया प्रयासां नै संगठित करण री काम अंक अच्छी राजस्थानी पत्रिका भी आपरी जगा कर सकै । अच्छी पत्रिकावां अर रंगमंच कानी सचेत नीं व्हेण री वर्ज सूं इज सायत् 'राजस्थानी रंगमंच री जरूरत' री बात कदेई ऊठी कोनी । जिण साहित्य में नाटक लिखोजिया है अर लिखीज रैया है, उण री रंगमंच वयू' नीं व्हे सकै ?

ऊपर करिया राजस्थानी नाटकां रै भेदां में मौलिक, अनुवाद अर रूपान्तर है । अठै वां रा उदाहरण देवतां थकां अर साथै ई अंक लगालग प्रयास री भूमिका बणावतां थकां अंक आसावादी चितराम बणावण री कोसिस कानी ध्यान दिरावणी चावू' ।

'महानिर्वाण' सतीश आळेकर रै मराठी नाटक री अनुवाद है । वम्बई में बैठ्या सत्यप्रकासजी जोशी ओ अनुवाद घणी मैणत सूं करियो । अनुवाद में मौलिक नाटक री कथावाचक सैली नै बदल'र राजस्थानी फाग अर दूजी-दूजी धुनां में संगीत रचना करण री बात अनुवादक आप री तरफ सूं घाली है । इण री उद्देश कयानक रै प्रसंगां बिच्चै आंचळिकता पैदा कर'र रोचक अर रंगमंच वास्तै नाटक नै ज्यादा सूं ज्यादा उपयोगी बणावणीं है ।

'महानिर्वाण' रा छै प्रदरसण 'अकलव्य' संस्था करिया—जोधपुर, पाली, सीकर जयपुर अर इलाहाबाद में । दिक्कत वम्बईया सेखावाटी नै ले'र सीकर में इज आई वाकी जगा, हिन्दी बोलणिया लोगां (इलाहाबाद) तक में, सम्प्रेसण री कठिनाई नीं आई । ओ अणभव भी राजस्थानी रंगमंच री भासा बाबत सोचण रै वास्तै अंक विचार दियो । आधुनिक रंगमंच रा सैलीगत तत्व नाटक में खासा है अर कथ्य भी रोचक है । इण अनुवाद में मूळ री खातियतां रा मिलण बाळा सारा फायदा ती मिलै इज, साथै ई अनुवादक री सूझबूझ सूं आंचळिकता री गरज सूं जिकी फेर-बदल व्हियो, वो भी आपां रै घणी नैडी लागै ।

कलाकारां में अरजुणदेव चारण, श्याम पंवार, भवानीसिंह, रामेश्वर, नवीन वोहरा रै अलावा सुश्री गीता भट्टाचार्य, जगजीत वाजपेयी अर अशोक किनरा हिन्दी बोलणियां व्हेतां थकां भी नाटक रै मुहावरै री अच्छी निभाव कर सकिया ।

'गवाड़ी' अर 'तीन दिन' अरजुणदेव चारण रा मौलिक नाटक है । 'गवाड़ी' विघटण री कुदरती प्रक्रिया अर संगठण रा बणावटी प्रयासां नै आमी-सामी ऊभा करै । 'गवाड़ी' में खेलता चार छोरां री वातां में अर प्रसंगां रै अनुसार वां चारू' द्वारा इज केई भूमिकावां में नाटक आप री बात अंक पूरै रूपक में कैवै । सीधी-सपाट बयानी में नीं । रंगमंच मुजब घणकरा प्रयोगां री गुंजाइस इण नाटक में है । 'अकलव्य' इण नाटक री प्रदरसण सूचना केन्द्र में दरसकां रै अैन बिच्चै करियो, जिण सूं नाटक रा अणभव सगळा दरसकां रै अणभवां रै नजीक रैय सकिया ।



‘तीन दिन’ री निरदेसण भी अरजुणदेव इज करियौ । अधिनायकवाद रै खिलाफ क्रान्ति री कुदरती प्रक्रिया री अेक रूपक और । इण नाटक में क्रान्ति री बात साफ लफजां कैयीजी है । रंगमंच माथै अभिनेता रं सरीर री पूरौ उपयोग अभिनय में करण री कोसिस लागती जिकी के अेक नुंवाई मंच प्रयोग है । ‘गवाई’ में अरजुणदेव चारण, श्याम पंवार, नवीन वोहरा अर रमेश बोराणा राजस्थानी री पूरी भासागत चाल सूं बाकिफे हा । ‘तीन दिन’ में अरजुणदेव चारण, दलपतसिंह, प्रकाश पुकास पुरोहित अर प्रताप सिंह भी राजस्थानी बोलणिया हा । पूरै नाटक री चाल में अेक रवानी ब्हेणी अरजुणदेव रै नाटकां री कोसिस रैवै । खुद रै निरदेसण में वे इण रवानी नै मंच री जरूरतां साथै दीठ रै चितराम मुजब्र उतारण री कोसिस करै ।

इए सारै माहोल रै बीच केई गम्भीर सवाल उठै । जमानै रै साथै चालण साहू राजस्थानी भासा काई अभिव्यक्ति रा अंक पूरा माध्यम सूँ परहेज कर सकै ? नाटक रै जरिये राजस्थानी रा लिखारा राजस्थानी रंगमंच नै कीकर सजीव कर सकै ? राजस्थानी रंगमंच री जरूरत वडै पैमाने साथै क्यूँ नै मैसूस व्हे रैयो है ? व्यवसायी सरूप सूँ हट'र लोकप्रिय मंच आधुनिक नाटकों रा सारथक प्रयोग क्यूँ नै करै ? हिन्दी अर राजस्थानी विच्चे रचनाकार कठेई दोवड़ी जुड़ाव तो मैसूस नै करे ?



संपादकी

म्हारै हस्तू 'जागती जोत' री पैली दीवड़ आपरी आंखियां रै चानणै है। दीवड़ री जोत री चानणी ती तेल रै परवाणै ई व्हिया करै सो ई में छपियोड़ी रचनावां इज ई री तेल है, म्हैं ती सिरफ जोतां संवारी है। थोड़ै में औ कैयौ जा सकै के भिनख जितौ सोचै, वीं नै पिरतख रूप में करण री बिळिया उण सोचियोड़ै री दसमौ भाग भी कर देखावै ती घणी बलियारी।

अंक रै संपादन री न्यूतौ मिलियौ वीं सूं पैला पारस अरोड़ा मूंडै सूं हां करनै भी लिखत में संपादन करण सूं मुकर गया। पारसजी ज्यां कारणां सूं नट गया वे कारण म्हारी समझ में ठोस हा अर वां कारणां नै चावा करण नै, सगळां सांमी राखण नै, अर वां ऊपर खुली वैसे सारू अक जरियौ भी ती जरूरी है, आ सोच'र म्हैं खुलै मन सूं संपादन री हांमळ भरी है। अकादमी रै काम करण रै तरीकै री विरोध म्हैं समझू के कोई खास भिनख री विरोध कतै ई नीं है।

अक इज संपादक री टेकेदारी खतम करण री गरज सूं न्यारा-न्यारा संपादक चुणण री निरणै ती गलत कोनी ही पण छै-छै मइनां सूं संपादक पलटियां सूं पत्रिका री जकी दुरगत वही है, उणसूं भी कुण मुकर सकै। पत्रिका अक रूप अर स्तर बणावण री प्रक्रिया में व्है जितौ ती संपादक बदळ जावै। बदळनै भी अक मर्त री व्है तद ती फेरू फूटरापै में वधापै री आस रैव पण जद पक्की चुणाई रै पैला ई अरती भरण री फिकर लाग जावै या अवृभ गजदर रै हाथां रास पड़ जावै ती कद ठावकी नींवां चुणीज सकै? जद नींवां ई पोली व्है ती वीं ऊपर चुणियोड़ै घर री मियाद कित्ता दिनां री? ई परिपेख में अकादमी रै विधान अर नियमां में लचकाई नीं व्है ती उणारी कसूर किरा ऊपर थोपां?

अकादमी री पत्रिका अर पोथी ई जे फूटरी, ओपती अर दूजा प्रकासणां सूं ऊपर नीं व्हैला ती कुण अकादमी रै जरिये छपण री मंसा राखैला? अक बात फेरू भी विचार-जोगी है के अकादमी रा प्रकासण खाली अठै रा लेखकां रा जीव सोरा करण सारू इज है के दूजी भासावां अर साहित रै सांमी ऊभण री खिमता पैदा करण सारू है। कांई आपां दूजी



ग्रकादमी, पत्रिका की छपाई सारू दर्रा मंजूर कर राखी है। यां दर्रा नै देखता अर यां दर्रा में छपियोड़ा लारला अंकां नै देखां ती साफ दीखै के यां दर्रा में जकी छपाई व्ही, ठीक इज व्ही। पण जद छपाई अर दर्रा नै अळगी कर नै देखां ती पत्रिकावां की छपाई सूं कोई संतोख नीं मिलै। ई वास्तै इण अंक की छपाई में कोई खांमी रैयगी व्हे ती म्हे अकली इज कसूरवार नीं।

मन में हंस ही के जँसलमेर सम्मेलन में अंक चावो व्हे जाती परा जित्ती ओछी वगत म्हनै मिळियी वीं में रचनावां भेली करणी, छांटणी, वानै साफ लिख'र प्रेस में देवण सारू त्पार करणी इत्याद अँड़ी अवखायां ही ज्यानै अवेरण सारू दिन ओछा हा । अंक बिळियासर निकळ गियी ई में जुगल परिहार अर मोहन पारीक रौ इज भेली कसूर है । म्है यां भेली जरूर हं, कसूरवार नीं । कसूर इण वास्तै के लारला अंक..... !

आगँ रा अंकां सारू रीत अर नीत ती अकादमी री इज काम आवैला । वीं में कठई खांमी हे ती वीं सारू संपादक नै दोस देवणी वाजव नीं रँवैला । हां, जठै तक संपादक री रीत-नीत री सवाल है, म्हारी कोसीम व्हेला के हरेक अंक अणगँ आपरी मिसाल बण सकै । औ तदै ई व्हे सकै जद के सगळा हेताळू आपरो सँयोग, रचनावां अर सुभावां रै पाँण देवता रँवै ।

खामियां री पूरती करण सारु समै-समै ऊपर सुभाव मिळता रैया तौ कोई कारण नीं के जागती जेत री चानणी पळलाटा नीं मारै ।

—सत्येन जोशी

• • •

राजस्थानी रा घणमोला प्रकासण

नांव पोथी/विधा/लेखक/संपादक	मोल
प्रेतात्मा री प्रीत/कहाणी/दामोदरप्रसाद शर्मा	५.५०
रोहिड़ै रा फूल/व्यंग्य-निबंध/डॉ० मनोहर शर्मा	५.७५
हांस्यां हरि मिलै/हास्य/नृसिंह राजपुरोहित	७.५०
जोग संजोग/उपन्यास/यादवेन्द्र शर्मा 'चन्द्र'	७.२५
अटारवां/रेखाचित्र/डॉ० ब्रजनारायण पुरोहित	५.७५
आदमी रौ सींग/कहाणी/करणीदान वॉरहठ	६.००
अेक वीनणी दो वीन/उपन्यास/श्रीलाल नथमल जोशी	८.३०
राजस्थानी साहित्यकार परिचय कोस/रावत सारस्वत	७.७५
सोनल भींग/लघु कथा/डॉ० मनोहर शर्मा	७.००
काळ भैरवी/उपन्यास/रामनिवास शर्मा	७.४०
हंस करै निगराणी/काव्य/सत्येन जोशी	७.४०
राजस्थानी साहित्य री समीक्षा/जागती जोत/डॉ० मनोहर शर्मा	८.००
राजस्थानी कहाणी संग्रह/जागती जोत/रामेश्वरदयाल श्रीमाली	८.५०
राजस्थानी निबंध-माळा/जागती जोत/डा० मनोहर शर्मा	८.००
राजस्थानी के कवि—भाग २/रावत सारस्वत	१५.००
राजस्थानी साहित्य संपदा/सौभाग्यसिंह शेखावत	१८.००
सरवर, सूरज अर सिझ्या/प्रेमजी 'प्रेम'	प्रकाश्य



मिलण री ठौड़ :

राजस्थानी भासा साहित्य संगम (अकादमी)

बीकानेर (राजस्थान)



आगलै अंक रा लिखारा

☐ डॉ० गोरधनसिंह शेखावत

☐ नन्द भारद्वाज

☐ नृसिंह राजपुरोहित

☐ पारस अरोड़ा

☐ गणपतिचन्द्र भण्डारी

☐ गोविन्द कल्ला

☐ विनोद सोमराणी हंस

☐ श्यामसुन्दर भारती

☐ चेतन स्वामी

☐ जुगल परिहार

☐ आशा शर्मा

☐ जहूर खां मेहर

☐ अर.....

☐ अर.....

☐ अर.....

कीं नुंवा नाम

☐ सत्येन व्यास

☐ योगेन्द्र कुमार दवे

☐ चैनसिंह भाटी

☐ भागीरथ रंगा

☐ विनोद कोठारी

☐ अशोक कुमार दवे

☐ अर.....

☐ अर.....

☐ अर.....



डॉ० परमानन्द सारस्वत, उपसचिव, राजस्थानी भासा साहित्य संगम (अकादमी), बीकानेर प्रकाशित करी अर मिलन मुद्रणालय, जालोरी गेट, जोधपुर, में छपी ।

